


Dios oca
gotirituti



New Testament in Barasana-Eduria (CO:bsn:Barasana-Eduria)

Dios oca gotirituti

New Testament in Barasana-Eduria (CO:bsn:Barasana-Eduria)

copyright © 2010 Wycliffe Bible Translators, Inc.

Language: Barasana-Eduria

Translation by: Wycliffe Bible Translators, Inc.

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Barasana-Eduria

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 21 Feb 2024 from source files dated 29 Jan 2022
b6661d38-f021-5259-8010-5dec5b9ba28d

Contents

SAN MATEO	1
SAN MARCOS	55
SAN LUCAS	88
SAN JUAN	145
HECHOS	184
ROMANOS	228
1 CORINTIOS	248
2 CORINTIOS	267
GÁLATAS	280
EFESIOS	288
FILIPENSES	294
COLOSENSES	299
1 TESALONICENSES	304
2 TESALONICENSES	308
1 TIMOTEO	311
2 TIMOTEO	317
TITO	322
FILEMÓN	325
HEBREOS	327
SANTIAGO	343
1 SAN PEDRO	348
2 SAN PEDRO	354
1 SAN JUAN	358
2 SAN JUAN	363
3 SAN JUAN	364
SAN JUDAS	365
APOCALIPSIS	367

Evangelio según SAN MATEO

*Jesús r̄ijoro ñamasiriarã ñna vãme cutimasire queti
(Lc 3.23-38)*

¹ Jesús ñacami "Rotimuoꝛũgõꝛũcũja mu" yigu, Dios i cõar'i, Abraham ñamasir'i, to yicõari, Uju David ñamasir'i jãnam. Tire muã masisere bojagu ñari, i ñicua vãmere muare gotiguagu yaja yu. Ado bajiro vãme cutimasifiujarã ñna:

² Abraham ñamasir'i macu ñamasifiuju Isaac.

Isaac macu ñamasifiuju Jacob.

Jacob macu ñamasifiuju Judá. To yicõari, gãjerã i bederã quẽne ñamasifiujarã.

³ Judá r̄ia Fares, to yicõari, Zara ñamasifiujarã. Ñna jaco ñamasifiuju Tamar.

Fares macu ñamasifiuju Esrom.

Esrom macu ñamasifiuju Aram.

⁴ Aram macu ñamasifiuju Aminadab.

Aminadab macu ñamasifiuju Naasón.

Naasón macu ñamasifiuju Salmón.

⁵ Salmón macu ñamasifiuju Booz. I jaco ñamasifiuju Rahab.

Booz macu ñamasifiuju Obed. I jaco ñamasifiuju Rut.

Obed macu ñamasifiuju Isa'i.

⁶ Isa'i macu ñamasifiuju Uju David vãme cutigu.

David macu ñamasifiuju Salomón.

I jaco ñamasifiuju Ur'ias ñamasir'i manajo.

⁷ Salomón macu ñamasifiuju Roboam.

Roboam macu ñamasifiuju Ab'ias.

Ab'ias macu ñamasifiuju Asa.

⁸ Asa macu ñamasifiuju Josafat.

Josafat macu ñamasifiuju Joram.

Joram macu ñamasifiuju Uz'ias.

⁹ Uz'ias macu ñamasifiuju Jotam.

Jotam macu ñamasifiuju Acaz.

Acaz macu ñamasifiuju Ezequ'ias.

¹⁰ Ezequ'ias macu ñamasifiuju Manasés.

Manasés macu ñamasifiuju Amón.

Amón macu ñamasifiuju Jos'ias.

¹¹ Jos'ias macu ñamasifiuju Jecon'ias. To yicõari, i bederã quẽne ñamasifiujarã. To bajiro ñna bajifiñariju, Israel sitanare ñejeõari, Babiloniana ñnare juamasifiujarã, ñnare rotiajeruarã.

¹² Quẽna Jecon'ias macu ñamasifiuju Salatiel.

Salatiel macu ñamasifiuju Zorobabel.

¹³ Zorobabel macu ñamasifiuju Abiud.

Abiud macu ñamasifiuju Eliaquim.

Eliaquim macu ñamasifiuju Azor.

¹⁴ Azor macu ñamasifiuju Sadoc.

Sadoc macu ñamasifiuju Aquim.

Aquim macu ñamasifiuju Eliud.

¹⁵ Eliud macu ñamasifiuju Eleazar.

Eleazar macu ñamasifiuju Matán.

Matán macu ñamasifiuju Jacob.

¹⁶ Jacob macu ñaifiuju José. I ñaifiuju Mar'ia manaju. So ñaifiuju "Rotimuoꝛũgõꝛũcũmi" yigu, Dios i cõar'i, Jesús jaco.

¹⁷ Abraham r̄ia jãnerabata, David i ñamasiriajuñe juaãmo cõro, gubo babari rãca jẽnituarirãcũ ñasũomasifiujarã. Abraham macu ñamasifiuju Isaac. Isaac macu ñamasifiuju Jacob. To bajiro mani cõiaruji vajama, David i ñamasiriajuñe juaãmo cõro, gubo babari rãca jẽnituarirãcũ ñamasifiujarã ñna. Tiju bero, quẽna David macu ñamasifiuju Salomón. Salomón

macu ñamasifuju Roboam. To bajiro mani cõiaruji vajama, Babilonia macaju Israel sitanere ña jua vamasirijauñe quëna juaãmo cõro, gubo babari rãca jënituarirãcu ñamasifujarã ña. Jecon'ias macu ñañuju Salatiel. Salatiel macu ñañuju Zorobabel. To bajiro mani cõiaruji vajama, "Rotimõorãgõrucumi" yigu, Dios i cõar'i i ruyuarirodo juaãmo cõro, gubo babari rãca jënituarirãcu ñamasifujarã quëna.

Jesús i ruyuare queti
(Lc 2.1-7)

¹⁸ "Rotimõorãgõrucumi" yigu, Dios i cõar'i, Jesús i ruyuare ado bajiro bajiyuju: I jaco ñaroco, Mar'ia vãme cutigo ñañuju so. So manaju ñarocu ñañuju José. I rãca so ñaroto rjoro, Esp'iritu Santo sore ejaçõari, sore macu yiyuju i. Sore i macu yijare, macu sãñagõ ñañuju so. ¹⁹ José, so manaju ñarocu quënaãgõ ñañuju. To bajiro bajigu ñari, masa ñaro rjorojua bojoneoro so tãmuorotire bojabesuju. To bajiri, masa ña ajibeto, "Mure bojabeaja yu", sore yiruaboayuju. ²⁰ To bajiro tuoia i cãniatone, i cãjiriaroju Diore moabosagu ángel, ñe ruyuaifõuju. Ruyuaifõõari, ado bajiro ñe gotiyuju:

—Ajiya José, David ñamasir'i jãnami. Mar'iare manajo cutirua güibesa. Esp'iritu Santo sore i macu yijare, macu sãñagõ ñaamo so. ²¹ Macu cuorucocomo so. Ñe, Jesús ñe vãme yirucuja mu. Masa rojose ña yise ñajare, Dios i masiriose vaja, vaja yirëtobosarocu ñarucumi i. To bajiro yirocu i ñajare, Jesús ñe vãme yirucuja mu —José ñe yiyuju ángel.

²² "Ado bajiro bajiruaroja" Diore gotirëtobosamasir'i i yimasire ñajare, to bajiro yiyuju ángel. Ado bajiro yimasifuju:

²³ "Rõmio, amua rãca ñabeco, macu sãñagõ ñarucocomo so. To bajiri macu cuorucocomo so. Emanuel' ñe yiruãrãma masa", yimasifuju Diore gotirëtobosarimasu. ("Mani rãca ñaami Dios" yire ñi ñaja "Emanuel" yirema.)

²⁴⁻²⁵ "Esp'iritu Santo suorine macu sãñaamo" ángel i yire ñajare, Mar'iare i ya viju amicoasuju José. Macu sãñagõ so ñajare, so rãca ñabertirügüñuju. So cuoro bero, Jesús ñe vãme yiyuju.

2

Ñocõa ña bajisere buerimasa Jesúre ña ñarã ejare queti

¹ Judea sita ñarimaca, Belén vãme cuti macaju ruyuaayuju i. I ruyuarirodore ti sita uju, Herodes vãme cutigu ñañuju. Jesús i ruyuarõ bero, Jerusalen macaju ejayujarã, muju i jiadojua vadriarã, ñocõa ña bajisere buerimasa. ² Ti maca ejaçõari, sënifañujarã ña:

—¿Nore ñati jud'io masa uju ñarocu ruyuar'ima? Muju i jiadojua ñocore ñabujacõari, "Toju ruyuaugumi" yirã ñari, ñe rucubõoroana vadiaja yua —yiyujarã ña.

³ To bajiro ña sënifacudisere ajicõari, toagu uju, Herodes buto tuoiañujuju, "Ijua, uju yu ñasere yure emarucumi" yituoiaãgõ ñari. Ñe bajiro ñe tuoiañujarã ti macana Jerusalen macana quëne. ⁴ To bajiro tuoiaãgõ ñari, paia ujarãre, Dios i rotimasire gotimasiorimasare quëne ñare jirëõñuju Herodes. Ña ejaro ñacõari, ado bajiro ñare sënifañuju i:

—"Rotimõorãgõrucumi" yigu, Dios i cõarocuma, ¿noju, "Ruyuarucumi" yiyujari Dios ocare masa ña ucamasire? —Ñare yiyuju i.

⁵ To bajiro i yisënifaronone, ado bajiro ñe yicudiyujarã ña:

—"Judea sita Belén vãme cuti macaju ruyuarucumi" yucamasifumi sãgõ Diore gotirëtobosarimasu. Ado bajiro yaja i ucamasire:

⁶ "Judea sita ñarimaca Belén vãme cuti maca, jairimaca me ñaboarine, ñamasuri maca ñaruaroja ti maca. Ti macagu uju ñamasugõ ruyuarucumi. I ñarucumi yu yarã Israel sitana uju. Ñare quënarõ ñarimõorãgõrucumi i, yiyuju Dios", yicare ñaja —Ñe yigotiyujarã Dios i rotimasire gotimasiorimasa.

⁷ To ña yisere ajicõari, quëna ñocõa ña bajisere buerimasare masa ña ajibeto ñare jiyuju Herodes. To yicõari, ado bajiro ñare sënifañuju i:

—¿Divato masu ñocõ ruyuasõori? —Ñare yisënifañuju.

⁸ To yigajano, Belénju ñare varotiyuju i:

—Vasa. Sũcare, quënarõ ñe macama. Ñe ñabujacõari, yure gotirã vaba. Yu quëne ñe rucubõogu varu yaja —yiyuju, ñare yitogu.

⁹ To bajiro i yirotsere ajicõari, i yirore bajirone vasujarã ña. To ña vatone, muju jiadojua ñocõ, ña ñar'i, ñare rjoro cuti vasuju. To bajiva, tujarügüñuju, sũca i ñaro veca. ¹⁰ Ñocõ i tujarügüsere ñacõari, buto variquëna vasujarã ña, ñocõa ña bajisere buerimasa. ¹¹ Ñocõ i ñaro ëñeroca ñarivi sãjacõari, ña ñajama, to ñañuju sũca, i jaco rãca. Ñe ñacõari, i rjorojua gusomuniari tuetuejayujarã ña, ñe rucubõoquënariorã. To bajiro yigajano, ña juavarere jãnacõari, oro, quënasere satise to yicõari, mirra vãme cutisere quëne ñe ñisifujarã ña. ¹² To ña yiro bero, ña cãjiriaroju, "Herodes ta tudiabesa. To ñagãmi sũca" yimasibeticõato i", ñare yiyuju Dios.

To bajiri tire masicōari, Jerusalénju vamenane gaje maaju tudicoasujarā ĩna yuja, ĩna ya macaju.

Egipto sitaju Jesúre ĩna ũmato rudiare queti

¹³ Nocoā ĩna bajisere buerimasa ĩna tудиato bero, José ĩ cājiriaroju ĩre ruyuyaju ángel quēna. Ruyuacōari, ado bajiro ĩre yiyuju:

—Yujija. Sūcare, ĩ jacore quēne Egiptoju ĩnare ũmato ruidiasa mu. Tone ñacōama maji. Mure yu gotiroju tudiaba. Herodes, Jesúre sīaru ĩre macarucami —Josére ĩre yiyuju ángel.

¹⁴ To ĩ yijare, yujicōari, Jesúre, ĩ jacore quēne ñamine Egiptoju ĩnare ũmato rudicoasuju. ¹⁵ Toju ĩna ñatoyene bajirocacoasuju Uju Herodes. “Egipto sitaju yu macu ĩ ñaro ĩre jicōarucuja yu”, ĩre gotirētobosarimasu suorine Dios ĩ yimasire ñajare, to bajirone bajiyuju.

Uju Herodes rīamasare ĩ sīarotire queti

¹⁶ Bajirocabecuju, ñocoā ĩna bajisere buerimasa ĩre gotimenane, gaje maaju ĩna tudiarere ajicōari, buto jūnisiniñuju Herodes. To bajiri jūnisinigū ñari, Belén ñarāre, ti maca tuanare rīamasaja jua cāma tusanare ũmuare, to yicōari, ĩna bero ruyuararāre quēne sīarotijeocōañuju. Nocoā ĩna bajisere buerimasa, “Jua cāma tusaju” ĩna yirere ajigu ñari, ĩnare sīarotiyuju Herodes. ¹⁷ Raquel ñamasirio so rīare maigō, so otimasiriarore bajiro Belén macana ĩna rīare mairā, ĩna otirotire tuoīacōari, ado bajiro ucamasifūmi Diore gotirētobosarimasu Jeremias vāme cutigu:

¹⁸ “Ramā vāme cuti macago so rīare so tuoīa otise ruyuraroja. Oticōa ñarucocomo so, Raquel vāme cutigo, so rīare otigo. Gājerā, ‘Otibesa’ sore ĩna yiboajaquēne, ajibetirucocomo, so rīa ñamasiboariarāre godocutigo ñari”, yucamasifūmi Jeremias.

¹⁹ Egiptoju José ĩ ñaro rijacoasuju Herodes. ĩ rijato bero, José ĩ cājiriarojuare sīgū ángel ĩre ruyuañoñuju quēna. To bajicōari, ado bajiro ĩre yiyuju:

²⁰ —Yujija! Jesúre, ĩ jacore quēne Israel sitaju ĩnare ũmato tudiasa. ĩre sīaruaboacana rijajedicoajama ĩna —Josére ĩre yiyuju ángel.

²¹ To ĩ yijare, yujicōari, Jesúre, ĩ jacore quēne Israel sitaju ĩnare ũmato vasuju José. ²² Maa vacuju, ajiyuju José: “Herodes ñaboar’i macu, Arquelao vāme cutigu, ĩ jacure vasoagu Judea sitaju ñañuju”, yire quetire ajiyuju. Ti quetire ajicōari, gūigu ñari, toju varuabesuju. To bajiro bajigune, quēna toju cājiriañuju ĩ. Cājiriacōari, “Toju yu vajama, quēnabetoja. Galilea sitaju varucuja yu”, yituoīañuju. ^a ²³ Galilea sitaju ejacōari, Nazaret vāme cuti macaju ñagū vasuju. Diore gotirētobosarimasa, “Nazaret macagu ñarucami ‘Rotimorūgōrucami’ yigu, Dios ĩ cōarocu”, Jesúre ĩna yucamasire ñajare, to bajirone bajiyuju.

3

Juan Bautista vāme cutigu, yucá manojū masare ĩ gotimasiore queti
(Mr 1.1-8; Lc 3.1-9, 15-17; Jn 1.19-28)

¹ Tirodori bero, Juan Bautista vāme cutigu, Judea sitaju yucá manojū ejayuju. ² Toju ejacōari, ado bajiro ĩre ajirā ejarāre gotimasiōrūgūñuju ĩ:

—Yoaro mene ejarucami “Rotimorūgōrucami” yigu, Dios ĩ cōarocu. To bajiri rojose mua yisere yitujacōari, Dios ĩ bojasejuare yi yuya mua —ĩnare yirūgūñuju ĩ.

³ ĩne ñañuju, “Ado bajiro yirucami” Diore gotirētobosarimasu Isa’ias vāme cutimasir’i ĩ yucamasir’i. Ado bajiro ĩre yucamasifūmi Isa’ias:

“Yucá manojū sīgū masu ado bajiro goticudirūgūrucami: ‘Mani ũju ejarucami. To bajiri, rojose mua yisere yitujacōari, quēnasejuare tuoīaña mua, ĩre yurā’ yirucami sīgū”, yucamasifūmi Isa’ias, Juan ĩ bajirotire goti rīoro yigu.

⁴ Camello joane suariaro sñagū ñañuju ĩ. To yicōari, vecu gaserone vēñaricūñuju, ĩ sñasere. Nīmia ba, to yicōari, beroa ocore idi, yirūgūñuju. ⁵ ĩre ajirā, jājarā masa ejayujarā. Jerusalén macana, Judea sitana, to yicōari, Jordán vāme cutiya tuana quēne ejayujarā, ĩre ajirā. ⁶ To bajiro ĩ gotisere ajirā ñari, “Rojose mani yisere Dios manire masirioato” yirā, “Rojose yirā ñaja yua” Diore ĩna yigotiro bero, Jordán vāme cutirisaju oco rāca ĩnare bautiza ñañuju Juan.

⁷ To bajiro ĩ yīñarone, fariseo masa, to yicōari saduceo masa quēne Juan oco rāca ĩ bautizasere bojarā ejayujarā. ĩna ejasere ĩacōari, ado bajiro ĩnare yiyuju Juan:

—Oco rāca muare yu bautizasere bojaboaja mua. Vātia ũju rojose ĩ yirore bajirone rojose yijairā ñaja mua. To bajiro bajirā ñari, “Rojose yua yise vaja rojose yuare yibetirucami Dios” yituoīa vadiboaja mua. ¿To bajiro mua bajise suorine rojose mua tāmurotire masibeatique mua? ⁸ Rojosere yitujacōari, “Quēnarā ñaama” masa muare ĩna yīlamasirotire

^a 2:22 Arquelao vāme cutigu ñaboarine, ĩ jacu vāmere bajiro Herodes vāme cutiyuju. ĩ ñañuju Jesúre sēñiñabusaboacu, Pilato tujare Jesúre cōari.

yirā, quēnasejuare yirūgūrona ñaja mua. ⁹ Ado bajiro yituoñabesa mua: “Abraham ñamasir'i jānerabatia ñamasurā mani ñajare, rojose mani yise vaja rojose manire yibetirucami Dios” yituoñabesa. Adiari gūtari rāca Abraham jānerabatiare ī godoveoruajama, godoveomasigūmi Dios —ñare yiyuju Juan. ¹⁰ —Oteraiyucāri, rica mani yucārire bajiro bajajama mua. Rica manijare, quēareacōari, soereariore bajiro yirucami Dios. Tire bajirone yiecoruarāja mua quēne, mua tuoñavasoabetijama. Quēnase mua yibetire ñacōari, jeame yatibetimeju mure rearucami Dios! —ñare yiyuju Juan.

¹¹ Gaje vāme ado bajiro gotiyuju Juan:

—Yū berore yū rētoro masigū ejarucami. Ñamasurā rīne īre yibosamasijama, ñamasugū masu ī ñajare. Rojose īna yisere yitujacōari, Dios ī bojasejuare yirāre oco rāca bautizarūgūjama yū. To bajiro yū yirūgūse ti quēnaboajaquēne, yū bero ejaḡū ī moasejua quēnamasucōaruaroja. Īma, Esp'iritu Santore cōamasirucami, masare. Ī suorine “Dios ī bojabetire yaja yua” yimasicōari, tuoñavasoaruarāma —ñare yiyuju Juan.

¹² Gaje vāme ado bajiro masare gotiyuju Juan:

—Yū bero ejaḡūjama, trigo ajere besegure bajiro yirucami, masare. To bajiri ti gasere yireacōari, soereariore bajiro yirucami, jeame yatibetimeju masare cōagū, to yicōari, quēnase cōrone juagure bajiro yirucami, īre ajitirūnūrare juavacu —ñare yiyuju Juan.

Oco rāca Juanre Jesús ī bautizarotire queti
(Mr 1.9-11; Lc 3.21-22)

¹³ Cojorūma Galilea sitajū ñar'i, Jordán vāme cutirisajū vasuju Jesús. Juan tujū ejacōari, oco rāca īre bautizarotiyuju. ¹⁴ To bajiro īre ī yiboajaquēne, oco rāca īre bautizarucabesuju Juan: —Bajibeaja. No yigū mure bautizamasibecujama yū. Mujna, yū rētoro masigū ñari, oco rāca yure bautizaroca ñaja ma —Jesūre īre yiyuju Juan.

¹⁵ To ī yisere ajicōari, ado bajiro īre yicadiyuju Jesús:

—Yūre oco rāca ma bautizasere bojaami Dios. Ñajediro Dios ī rotirore bajiro cadiroti ñaja manire —Juanre īre yiyuju Jesús.

To bajiro ī yijare,

—Bau. To bajirone bojaroja —īre yicadicōari, Jesūre oco rāca īre bautizayuju Juan.

¹⁶ Jesús ī majarūgūrirīmarone ūmūagasero soje jānacuasuju ti. Ti jānarone, ō vecajū Jesús ī ĩamūorone, bujare bajigū rujadicōari, Jesús joere rocajeoyuju Esp'iritu Santo. ¹⁷ Jesús joere ī rocajeorone, ado bajiro yī ocaruyuyuju ō vecaju:

—Yū macu, yū maigū masu ñaja ma. Mu rāca buto variquēnaja yū —īre yī ocaruyuyuju.

4

Dios ī bojabetire vātia ūjū, Satanás, Jesūre ī yirotiñare queti
(Mr 1.12-13; Lc 4.1-13)

¹ Jesús, oco rāca Juanre ī bautizarotiro bero, yucū manojū īre ūmato vasuju Esp'iritu Santo, “Satanás ī bojarore bajiro rojose Jesūre īre yirotiñato” yigu.

² To bajiri toju, yucū manojū juarā masa cōro ñarirūmuri, ñamiri quēne tocārāca ñamirine babecune ñacōarūgūñuju Jesús. To bajigū ñari, buto ñiorijayuju ī yuja. ³ To ī bajiro ñacōari, ado bajiro rojose īre yirotiñaboayuju vātia ūjū, Satanás:

—Dios macune mu ñajama, adiari gūtarine pan godoveoyama mu —īre yirotiñaboayuju, Jesūre.

⁴ To bajiro Satanás īre ī yiboajaquēne,

—Yibeaja yū. Dios oca masa īna ucamasire ado bajiro gotiaja: “Bare rīne ñamasuse me ñaja. Dios ocare mani cudisejua ñaja ñamasusema. ‘Bare ti manijare, rijarearuarāja’ yire ti ñaboajaquēne, Dios rijare ī bojabetijama, rijabetiruarāja. ‘Caticōa ñato’ yigu yimasigū ñaami ī”, yigotiaja Dios oca masa īna ucamasire —īre yiyuju Jesús.

⁵ To ī yiro bero, Jerusalénju, Dios ī beseria maca ñamasuri macaju Jesūre īre ūmato vasuju Satanás. To ejacōari, Diore yirucūbuoriavi joeju īre ūmato mujasuju. ⁶ To īre ūmato mujajecōari, ado bajiro yiyuju Satanás:

—Dios oca masa īna ucamasire ado bajiro gotiaja:

“īre moabosarimasa ángel mesare mure coderotirucami Dios. Mu quediajama, ‘Gūta joeju rocajeocōari, ī gūbo jearomi’ yirā, mure boca ñiaruarāma īna”, yigotiaja Dios oca.

To bajiri Dios macune mu ñajama, adojune jatiquedi rujañasaque mu —Jesūre yirotiñaboayuju Satanás.

⁷ To bajiro ī yiboajaquēne, Jesūjuama, ado bajiro īre yiyuju:

—To bajiro mu yisere cudibeaja yū. “Dios ī yiriarore bajiro yure boca ñiaruarāma ángel mesa” yigu, yū jatiquediñajama, Dios ī bojabetire yigu yigūjama yū. Gajeje ado bajiro gotiaja Dios oca masa īna ucamasire: “ ‘Dios, ‘Yirucujama’ yiyumi’ yituoñacōari, ‘To bajiro masu yiru

yiyujari' yimasiruarā, m̄ua tuoīarore bajiro m̄ua yiajejama, quēnabeaja", yigotiaja Dios oca masa ina ucamasire —īre yiyuju Jesús, Satanāre.

⁸To bajiro ī yiro bero, gūtaū ūm̄uaricū joejū Jesūre ūmato vasuju Satanās quēna. Tojū ūmato ejacōari, adi macarucuro űnarimacari jediro īre īojeocōaűuju. ⁹Īre īogajanocōari, ado bajiro īre yiyuju Satanās:

—Yū rījorojua gusomuniari tuetucōari, “Yū ūjū űnamasugū űaja m̄u” yare m̄u yirūcūb̄uojama, adi sita űnajedirore m̄ure īsirucuja yū —Jesūre īre yiyuju Satanās.

¹⁰To bajiro ī yise űajare, ado bajiro īre cūdiyuju Jesús:

—Vasa m̄u. Ado bajiro gotiaja Dios oca masa ina ucamasire: “Mani ūjū Dios sīgūrene, ‘Yū ūjū űnamasugū űaja m̄u’ īre yirūcūb̄uocōari, cūdiroti űaja”, yigotiaja Dios oca masa ina ucamasire —Satanāre yiyuju Jesús.

¹¹To bajiro Jesús ī yisere ajicōari, vacoasuju Satanās yuja. Ī vato bero, Jesūre ejarēmōrā ejayujarā āngel mesa.

Galilea sitaju Jesús ī gotimasiosore queti
(Mr 1.14-15; Lc 4.14-15)

¹²“Tubiberiavijū tubibe ecocoajami Juan” yise quetire ajicōari, Galilea sitaju tudicoasuju Jesús. ¹³To va, ī ya maca Nazaret vāme cuti macajū eja, no cōro mene űaboā, Capernaum vāme cuti macajū űagū vasuju. Ti maca űaűuju ūtabucura Galilea vāme cutira tujū, Zabolón sita, to yicōari, Neftal'i sita tu űarimaca. ¹⁴Ti macajū Jesús ī űajama, Diore gotirētosarimasu Isa'ias vāme cutimasir'i, ado bajiro ī yucamasire űari, bajiyuju:

¹⁵⁻¹⁶“Jordán vāme cutirisa jodejū Galilea vāme cutira űaja. Tira ture űaja Zabolón sita, to yicōari Neftal'i sita. Ti sitajure jud'io masa me űaama, Diore masimena.

Īnare gotimasicōari, rojose ina tām̄uoborotire Īnare yirētosarocure cōarucami Dios, ī bojarore bajiro ‘Quēnaro yirā űato' yigū”, yucamasifūmi Isa'ias.

To bajiro ī yucamasiriarore bajirone, ti sitaju ejayuju Jesús.

¹⁷Ti sitaju ejacōari, Dios ocare, ado bajise masare gotimasicudisoyuju Jesús:

—Diore rotibosarocū, ī rotis̄oroti mojoroaca ruyaja. Ūjū Dios yarā quēnaro ī yirona m̄ua űarujama, rojose m̄ua yisere yitujacōari, yare ajitirūn̄uűa —masare yigotimasicudisoyuju ī.

Vai s̄arimasa babaricār̄cū űarāre Jesús ī jire queti
(Mr 1.16-20; Lc 5.1-11)

¹⁸Cojorūm̄u, ūtabucura Galilea vāme cutira tujū vacudigu vasuju Jesús. To vacujū, ĩaűuju, Simón vāme cutigure, bero Pedro vāme cutirocure, ī bedi Andrére quēne. Vai s̄arimasa űaűujarā ina. Bajiyucurire rearoderuu yīűaűujarā ina. ¹⁹Ina tu ejacōari, ado bajiro yiyuju Jesús:

—Yū rāca vayā. Yuc̄rema m̄ua vai vejese ūnirene masa yare ina ajitirūn̄uotire gotimasiosobarimasa űaruarāja m̄ua —Īnare yiyuju Jesús.

²⁰To ī yirirīmarone, ina bajiyucurire cū, īre s̄uyacoasujarā.

²¹To yi varūtu vacune, gājerā juarā űarāre Īnare jiyuju Jesús. Īna űaűujarā Santiago, ī bedi Juan rāca. Īna jacū Zebedeo rāca cūmuajū Īna bajiyucurire siaquēno sāűaűujarā. ²²To ī yisere ajicōarājuma, ina jacure, to yicōari Īna cūmuare quēne vaveocoasujarā, Jesūre s̄uyana.

Masa jājarāre gotimasicōari, rijaye cutirāre Jesús ī catiore queti
(Lc 6.17-19)

²³Galilea sitaju gotimasicudiyuju Jesús. Tocārāca macarirene Dios ocare ina buerivirijū sājaecōari, oca quēnasere masare Īnare gotimasioűuju. “Ūjū Dios yarā quēnaro ī yirona m̄ua űarujama, rojose m̄ua yisere yitujacōari, yare ajitirūn̄uűa”, Īnare yigotimasioűuju. To yicōari, rijaye cutirāre Īnare catioyuju. ²⁴To bajiri Jesús rijarāre ī catiosere masa ina gotibatojare, Siria sitana quēne tire ajicōari, rijaye cutirāre juaejayujarā, “Jesús Īnare catiato” yirā. Īna ūs̄urijū vātia sāűarāre quēne juaejayujarā, “Vātiare bureato Jesús” yirā. Rijaquedirāre, to yicōari, micarāre quēne juaejayujarā, Jesūre catiorotirā. Īna űaro cōrone Īnare catioyuju.

²⁵Jesús ī vacudiro cōrone, jājarā masa īre s̄uyajojicōaűujarā. Galilea sitana, Decápolis macana, Jerusalén macana, Judea sitana, to yicōari, Jordán vāme cutirisa gajejacatnana quēne īre s̄uyarūgūűujarā ina.

5

Buro joejū űacōari, Jesús masare ī gotimasiosore queti

¹⁻³Jājarā masa ina űasere ĩacōari, buroju majaejayuju. To ī bajirone, ī buerā ī tu rējaűujarā. Īna ejaro ĩacōari, ado bajiro Īnare gotimasiosoyuju Jesús:

—“Masimena ñari, mu ejarēmose buto bojaja yaa”, Diore ñre yisēnirūgūrāma, ñ yarā ñarāma. To bajiri, rojose tāmuoobarine, Dios tuju variquēnarona ñarāma.

⁴ Yucurire Dios ñ bojabetire yicōari, tuoñasutiritiñarā quēne, variquēnarona ñarāma, beroju ñna tuoñasutiritisere Dios ñnare ñ yirētobosaroti ti ñajare.

⁵ “Masimena ñaja yaa” yirā, Dios ñ ejarēmosere sēnirūgūrā ñari, Dios ñ goticatore bajirone variquēnaruarāma, adi macarucuroana ujarā ñna ñnartire Dios ñnare ñ yirētobosaroti ñajare.

⁶ Gajeye rētoro Dios ñ bojasere yirua tuoñarā quēne, variquēnarona ñarāma, “Yu bojasere yivariquēnato” yigu, Dios, ñnare ñ ejarēmose ti ñajare.

⁷ Gājerāre ñamaicōari, quēnaro yirā quēne, variquēnaruarāma, Dios quēne, ñnare ñamaicōari, quēnaro ñ yiroti ti ñajare.

⁸ Dios ñ bojarore bajiro rīne quēnase tuoñarā variquēnarāma ñna quēne, beroju Diore ñarona ñari.

⁹ Quēnaro ñnartire oca quēnorā quēne, variquēnaruarāma, “Yu rīa ñaama” Dios ñ yīñarona ñari.

¹⁰ Dios ñ rotirore bajirone ñna yise suorine gājerājua rojose ñnare ñna yiboajaquēne, variquēnaruarāma, Uju Dios yarā quēnaro ñ yirā ñari.

¹¹ Yure mua ajitirānuse suorine gājerā muare ajatud'icōari, “Rojorā ñaama” muare ñna yisocaboajaquēne, variquēnaruarāja mua.

¹² To bajiro muare ñna yiboajaquēne, buto variquēnaña mua, “Beroju Dios tuju ejarā, quēnase bujaruarāja” yimasirā ñari. Mua rījoroana, Diore gotirētobosamasirārāre quēne, rojose muare ñna yirore bajirone ñnare quēne rojose yimasitñujarā masa —ñnare yiyuju Jesús.

“Adi macarucurojue moa ocasere bajiro, to yicōari, busubatosere bajiro bajiroti ñaja muare”, ñ buerāre Jesús ñ yigotimasiore queti

(Mr 9.50; Lc 14.34-35)

¹³ Quēna ado bajiro ñ buerāre ñnare gotiyuju Jesús:

—Moa ñaja bare sāre. Mua barotire vaibucu rīi catisere cūrāma, moa turāja mua, “Boarobe” yirā. Moa ti ocaboase ti ocabeticoajama, “Quēna tudiocato” yirā, no bajiro yimasimenaja mua. To bajiri, tire reacōarāja, “Tire masa cudavuoareacōato” yirā. Moa ocatujabetire bajiro mua bajijama, quēnaja. Yure mua ajitirānu tujabetijama, moa ocatujabetire bajiro bajirā ñnaruarāja mua. To bajiboarine, yure mua ajitirānu tujajama, quēna yure tudiajitirānubetiruarāja. Mua suorine quēnaro yimenama gājerā. To bajiri muare bojabetirucuja —ñnare yiyuju Jesús.

¹⁴ Quēna ado bajiro ñnare gotiyuju:

—Rētiarojure busubatosere bajiro bajiroti ñaja muare. To bajiro mua bajijama, busubatosere quēnaro ti ruyurore bajirone muare ñnaruarāma masa. Jairimaca buru joeju ñarimaca quēnaro ti ruyurore bajirone muare ñajedicōaruarāma. ¹⁵ Siabusuoriare jēocōari, sotane tiare mubūamenaja mua. Tiare jēocōari, “Ñajediro ti vianare busuato” yirā, vecaju jeorāja mua. ¹⁶ Tire bajirone quēnaro yiya mua, “Quēnaro yirā ñaama, Diore ajitirānūrā ñari” yimasiatō masa jediro” yirā, to yicōari, “Mani jacu ō vecagure quēnase ñre yirūcubuoato ñna” yirā —ñnare yiyuju Jesús.

Moisés ñnamasir'ire Dios ñ roticūmasirere Jesús ñ gotimasiore queti

¹⁷ Quēna ado bajiro ñ buerāre ñnare yiyuju Jesús:

—“Moisés ñnamasir'ire Dios ñ roticūmasirere, to yicōari, Diore gotirētobosarimasa ñna gotimasiomasirere reagu vayumi Jesús”, yituoñabesa mua. Tire reaguagu me vadicaju yu. “Tire quēnaro riojo ajimasiatō” yigu, vadicaju yu. ¹⁸ Riojo muare gotiaja yu. Moisére Dios ñ roticūmasire, to yicōari, Diore gotirētobosarimasa ñna gotimasiore ñajediro ñacōarūgūraroja. Adi macarucuro jediroto rījoro, cojo vāme godocutibetiraroja. Ñajediro Dios ñ gotiriarone bajirone bajiraroja. ¹⁹ No bojagu, Moisére Dios ñ roticūmasire ñnamasire me ti ñaboajaquēne, tire cudibecu, “No yibeaja, manī cudibetijaquēne” yigotimasiogū ñagūmi quēnabecu. Uju Dios yarā quēnaro ñ yirā rācagu ñnamasugū me ñarucūmi ñ ūgūma. No bojagu Moisére Dios roticūmasirere cudicōari, “Tire manī cudijama, quēnaja” yigotimasiogū ñagūmi quēnagū. To bajiri Uju Dios yarā quēnaro ñ yirā rācagu ñnamasugū ñarucūmi ñjuama. ²⁰ Riojo muare gotiaja yu. Moisére Dios ñ roticūmasire gotimasiomimasa, fariseo masa quēne, quēnaro ñna yiboase rētoro quēnaro mua yibetijama, Uju Dios yarā me ñnaruarāja mua quēne.

²¹ Dios ñ rotimasiore gotimasiomimasa suorine ado bajise ajirūgūaja mua: “Sīabesa. Ñ sīajama, ñ sīase vaja ñre sīaroti ñaja”, yimasirere ajirūgūaja mua. ²² Yuma, ado bajiro muare gotirēmoaja: Jūnisinire quēne rojose ñaja. No bojagu gājire jūnisinigū ñ jūnisinise vaja rojose ñre yiroti ñaja. No bojagure gājire jūnisinicōari, rujajine. “Vaja magū ñaja mu” ñre yigūma, rujajine ñ yise vaja, “Rojose tāmurocūmi”, ñre yiruarāma ujarā. No bojagure, gājire jūnisinicōari, ñre tud'igurema, ñ tud'ise vaja, jeame yatibetimeju ñre cōacōarucūmi Dios, muare yaja yu.

²³ Tire masirã ñari, gajeyere quêne tuoñaña mua. Diore rãcũborã soemuoĩaiaju vacane, “Rojose ñe yibu yu” mua yituoĩabujajama, Diore rãcũborã ñe mua soemuoĩsiritire soemuoibeja maji. ²⁴ Tire cũcõari, rojose mua yir’i tujere vasa, ñe oca quẽnoroana. Ñe oca quẽnogajanocõari, Diore soemuoĩsoroana tudivaja yuja, muare yaja yu. “Rojose mua yir’ire oca quẽnocõari ñine, Diore oca quẽnomasiruãrãja”, muare yigu yaja.

²⁵ Gajeye ado bajiro bajiaja: Gãjire rojose mua yijama, oca quẽnorimasu tuju mua ejaroto rĩjoro, i rãca oca quẽnoroti ñaja mua juarãjune. Oca quẽnorimasu tu ejamenane, mua oca quẽnobetijama, masare coderimasure juarotirucumi, muare. Ñja, muare tubiberucumi. ²⁶ Riojo muare gotiaja yu. Rojose mua yire vaja mua vaja yibetijama, budimenaja mua. Tire bajirone bajiruaroja Dios i vaja sãnirirũmu ejaroto rĩjorojua, rojose mua yir’ire ñe oca quẽnõña. Mua gãmerã oca quẽnobetijama, Dios i vaja sãnirirũmu rojose tãmuotujabetiriaroju muare cõarucumi, tudibudire manojũ —ñare yiyuju Jesũs.

“Gãji manajore rãcũbũoya”, Jesũs i yigotimasiore queti

²⁷ Quẽna gajeye ado bajiro yiyuju Jesũs:

—Dios i rotimasire gotimasiorimasa suorine ado bajisere ajirũgũaja mua: “Gãji manajo rãca ajerio cutibesa”, yirere ajirũgũaja. ²⁸ Yuma, ado bajiro muare gotirẽmoaja: Rõmio, no bojagore yirua tuoĩare quêne rojose ñaja. No bojagu, rõmiore yirua tuoĩagũ, i tuoĩasene sore ajerio cutigu yigumi i ùgũma, muare yaja yu —yiyuju Jesũs.

“Bũto mua maise ti ñaboaquẽne, ti suorine Dios i bojabeti ñaja” mua yijama, tire reacõña”, Jesũs i yigotimasiore queti

²⁹ Quẽna ado bajiro gotimasioñuju Jesũs:

—“Yu cajea riojocacũaga suorine ñabojacõari, rojose yibu yu” mua yituoĩajama, tiare ãmirocacõña. Coja cajea muare ti manijama, quẽnabetoja. To bajiboarine, juajune caje cuticõari, mua bajireajama, jeame yatibetimeju mua vajama, rõtobusaro quẽnabetiruaroja. ³⁰ “Yu ãmo suorine rojose yibu yu” mua yituoĩajama, ti ãmore jatarocacõña. Muare cojo ãmo ti manijama, quẽnabetoja. To bajiboarine juããmo rãca mua bajireajama, jeame yatibetimeju mua vajama, rõtobusaro quẽnabetiruaroja —i buerãre ñare yiyuju Jesũs.

“Mua manajoare reabesa”, Jesũs i yigotimasiore queti (Mt 19.9; Mr 10.11-12; Lc 16.18)

³¹ Quẽna ado bajiro ñare gotimasioñuju Jesũs:

—Gajeye ado bajiro gotiaja Moisere Dios i roticũmasire: “No bojagu i manajore i rocañajama, ‘Mũre rocaju yaja’ yise papera ucacõari, sore ñisiroti ñaja”, yigotiaja Dios i rotimasire. ³² Yuma, ado bajiro muare gotiaja: Ñ manajo gãji rãca so ajeri cutibetiboajaquẽne, sore i rocajama, bũto rojose sore yigu yigumi i ùgũma. To bajiro i yise suorine, gãji rãca so manaju cutijama, Diojuma, “So manaju me rãca ajeri cutiamo”, yĩagũmi. Òmũre quẽne, gãji i rocario rãca i manajo cutijama, “I manajo me rãca ajerio cutiami”, yĩagũmi Dios. To bajiri mua manajo gãjerã rãca ña ajeriarã cutibetijama, ñare reabetiroti ñaja —i buerãre yigotimasioñuju Jesũs.

“Riojo mua gotijama, quẽnaja”, Jesũs i yigotimasiore queti

³³ Quẽna gajeye ado bajise ñare gotiyuju Jesũs:

—Dios i rotimasire gotimasiorimasa ado bajiro muare ña gotimasirere ajirũgũaja mua: “No bojase mua yirotire mua yiruajama, ‘Yimasucõaruãja yua. Tire yua yibetijama, Dios, rojose yuare yibogumi’ yirã, ‘Yiruãrãja’ mua yirore bajirone yiba”, yirere ajirũgũaja mua. ³⁴⁻³⁶ To bajiri cojojirema mua gotirore bajiro yiterã ñari, ado bajiro tuoĩavasoabojaja mua: “‘Dios vãme rãca riojo yaja’ mani yijama, rojose manire yibogumi’ yirã ñari, ‘Dios vãmere gotivasoarã yaja yua’ yirã, gaje vãmere õ vecayere gotiboaja yua. To bajiro yimena quẽne, gaje vãme rãca, macarucũroayere yiboarãja. Tire yiterã, Jerusalen vãme cuti macayere yiboarãja. To bajiro mua yibetijama, gaje vãme rãca, mua rujoare quẽne, to yicõari, mua joare quẽne yiboarãja mua, ñise, botise mua joare godoveomasimena ñaboarine. Ti ñire yibetiroti ñaja. ³⁷ ‘Yiruãrãja’ yirã quẽne, ‘Yiruãrãja’ yi, ‘Yibetiruãrãja’ yirã quẽne, ‘Yibetiruãrãja’ yicõa tujasa. “Socarã me yaja yua” yirã, gajeye mua gotirẽmojama, vãtia uju ejarẽmose rãca gotirẽmorã yirãja mua —ñare yigotiyuju Jesũs.

“Rojose muare yirãre gãmebeja”, Jesũs i yigotimasiore queti (Lc 6.29-30)

³⁸ Quẽna gajeye ado bajiro i buerãre ñare gotiyuju Jesũs:

—Dios i rotimasire gotimasiorimasa ado bajiro muare ña gotimasirere ajirũgũaja mua: “Mũ cajeare i jajama, mũjua quẽne, i cajeare jaroti ñaja. Mũ gujiare i jajeajama, mũjua quẽne, i gujiare jajearoti ñaja”, yimasirere ajirũgũaja. ³⁹ Yũjuma, ado bajiro muare gotiaja: Rojose mũre yigure gãmebesa. Ado bajirojua yija: Cojojacatua, mũ vayujuare i jajama,

gajejacatuare quēne ĩre jarotiya. ⁴⁰ Gāji, mure ocasāru, “Rojose yure yibu mu. To bajiri, rojose mu yise vaja mu sudirore yure ĩsiña. Mu ĩsibetijama, mure ocasārucuja yu” ĩ yijama, ĩre ĩsiña. To yicōari, gajease quēnabusariase ĩre ĩsirēmocōaña. ⁴¹ Sīgū ĩ gajeyēũnire mure ũmaroticōari, “Adone cūcōaña mu” mure ĩ yiboajaquēne, mu vadiriacūcōrone gāme varēmocōariju ĩre cūbosaya. ⁴² No bojarā mure gajeyēũni sēnirāre ĩsiña. Sīgū, gajeyēũni magū ñari, “Yure vasoaya” mure ĩ yijama, ĩre vasoaya –ĩ buerāre ĩnare yiyuju Jesús.

“Manire ĩaterāre quēne, mani ĩamajama, quēnaja”, Jesús ĩ yigotimasiore queti
(Lc 6.27-28, 32-36)

⁴³ Quēna ado bajiro ĩnare yiyuju Jesús:

–Dios ĩ rotimasire gotimasioremasa ado bajiro muare ĩna gotimasirere ajirūgūaja mua: “Mua babarāre quēnaro ĩamaiña. To yicōari, muare ĩaterāre ĩateya”, yimasirere ajirūgūaja. ⁴⁴ Yujūama, ado bajiro muare rotiaja: Muare ĩaterāre quēne ĩamaiña. Muare rojose yirāre quēne quēnaro ĩna bajirotire yirā, Diore ĩnare sēnibosaya mua. ⁴⁵ To bajiro mua yijama, “Mani jacu ō vecagu ĩa ñaja yua” yīorā yirāja mua, ĩ bojarore bajiro yirā ñari. Masa jedirore quēnaro yirūgūgāmi Dios. ĩre cūdimenare quēne quēnaro yirūgūgāmi. ĩ ñagāmi quēnarāre, rojorāre quēne, “Busuato” yigu, mujjire busurotigu, to yicōari, ocore quēne queditrotigu. ⁴⁶ Muare ĩamairā rīne mua ĩamajama, ĩ “Quēnaro yaja mua” muare yī, vaja yigujari Dios? Yībecumi. Rojorā, ujjire gājoa sēnibosarimasa, ĩnare ĩamairā rīrene ĩamairūgūama ĩna quēne. ⁴⁷ Mua tu ejarāre muare bajiro bajirā rīrene mua sēnijama, ĩ “Quēnaro yaja” muare yī, vaja yigujari Dios? Yībecumi. Diore ajimena quēne, ĩnare ĩamairā rīrene ĩamairūgūama ĩna quēne. ⁴⁸ To bajiri muajūama, mani jacu ō veca ñagū quēnase rīne ĩ yirore bajiro yirā ñaña mua. Muare rojose yirāre quēne, muare bajiro bajirā mere quēne ĩamaicōari, quēnaro yiroti ñaja –ĩnare yiyuju Jesús.

6

“Gājerā muare ĩacōari, ‘Quēnaro yirā ñaama’ muare yīarācūbuoato’ yirā me, quēnaro yiya”, Jesús ĩ yigotimasiore

¹ Quēna ado bajiro ĩ buerāre ĩnare yiyuju Jesús:

–Quēnaro mua yijama, “ ‘Quēnaro yama ĩna’ yato gājerā” yirā me, quēnaro yiya mua. Masa ĩna ĩaro rījorojua rīne, “ ‘Quēnaro Diore cūdirā ñaama’ yuare yīlato ĩna” yirā, mua yīboojama, ñie vaja bujamenaja mua, ō vecaju mani jacu Dios taju ejarā. ² Sīgūri, “Quēnarā ñaja yua” yiboarine, ĩna yirore bajiro yirā me ñarāma ĩna. Ado bajirojua yirā ñarāma: Maioro bajirāre ejarēmora, ĩnare ĩna ĩsijama, masa jedirore gotibatorāma. Dios ocare ĩna buerivijure rējarāre quēne, jājarā masa ĩna vati maarijure quēne ñacōari, ĩnare gotibatorāma, “ ‘Quēnarā ñañuma’ yuare yīarācūbuoato” yirā. To bajiro ĩna yirore bajiro yibesa mua. Riojo muare gotiaja yu. To bajiro ĩna yise vaja masa ĩnare ĩna rācūbuosene jēre vaja bujacōama ĩnama. Ñie gajeye bujarēmobetiruarāma, Dios tujjire. ĩnare masa ĩna rācūbuoboajaquēne, Diojūama, ĩnare rācūbuobetirucumi. ³ Muajūama, maioro bajirāre mua ejarēmojama, “ ‘Quēnaro yirā ñaama ĩna’ yuare yīlato” yirā me, ĩnare ejarēmoña. To yicōari, mua baba ñamasugūre quēne, “To bajiro yibu yua” yigotimenane, ĩnare ejarēmoña. ⁴ To bajiro maioro bajirāre quēnaro mua yijama, masa ĩabetore bajiro yirā yiruarāja mua. To bajiro mua yijama, mani jacu, masa ĩabetoju ĩamasigū ñari, quēnaro mua yise vaja, quēnaro muare yirucumi –ĩ buerāre ĩnare yiyuju Jesús.

Diore mani sēnirotire Jesús ĩ gotimasiore queti
(Lc 11.2-4)

⁵ Quēna ado bajiro ĩnare gotimasioñuju Jesús:

–Sīgūri, “Quēnarā ñaja yua” yiboarine, ĩna yirore bajiro yirā me ñarāma ĩna. Ado bajiro yirā ñarāma: Diore ĩna sēnijama, Dios ocare ĩna bueriviriju rūgōcōari, sēnirāma. To yicōari, jājarā masa ĩna vati maarijure quēne ñacōari, Diore ñagōrāma. To bajiro yirāma, masa ĩna ĩarācūbuosere bojarā ñari. To bajiro ĩna yise vaja masa ĩna ĩarācūbuosere jēre bujacōarāma ĩna. Ñie gajeye bujarēmobetiruarāma, Dios tujjire. ĩnare masa ĩna ĩarācūbuoboajaquēne, Diojūama, ĩnare ĩarācūbuobetirucumi. To bajiri, muama, Diore mua ñagōjama, ĩna yirore bajiro Diore ñagōbesa mua. ⁶ Muama, Diore mua sēnijama, gājerā muare ĩna ĩabeto sēniruarā ñari, mua ya sōaju tubibesājacōari, ĩre sēniña. To bajiro yicōari, mani jacu ruyubecare ĩre sēniña. Masa ĩna masibeto Diore mua sēnijama, to bajiro mua yise vaja, muare vaja yirucumi mani jacu, masa ĩna ĩabetiboajaquēne mani tuoĩasere masigū ñari –ĩnare yiyuju Jesús.

⁷ Quēna ado bajiro ĩnare gotimasioñuju Jesús:

–Dios yarā me ñarā, ĩna rācūbuogure sēnirā, cojoi me sēniajerāma ĩna, “Cojoi me tire mani sēnijama, manire ajigumi” yituoĩarā ñari. ⁸ ĩnare bajiro yibesa muama. Mua bojase mua sēniroto rījorojune jēre masicōagūmi Dios. ⁹ To bajiri Diore mua sēnijama, ado bajiro sēniña: “Yua jacu, masa ñajediro, ‘Quēnarētogū ñaja mu’ muare yirācūbuoato ĩna.

¹⁰ Adi macarucuroana, mu bojase rine yua yivotire tuoia yurugūaja yua. Jere o vecaju mu űaroju mu yarā mu rotirore yifārāma. To bajiri adi macarucurojare quēne mu rotirore bajiro rine yirere bojaja yua.

¹¹ Adirāmu yua barotire cōaűa mu.

¹² 'Rojose yua yisere masirioya' mure yisēniaja yua, űare rojose yirāre quēne masiriorā űari.

¹³ Rojose yua yivotire masigū űari, 'Tire yibeticōato ina' yigu, űare matabosaya". To bajiro Diore mua sēnijama, quēnaja —Inare yiyuju Jesús, i buerāre.

¹⁴ Quēna ado bajiro inare gotimasioűuju Jesús:

—Muare rojose yirāre mua masiriojama, mani jacu o vecagu rojose mua yisere masiriorucumi i quēne. ¹⁵ Gājerāre rojose ina yisere mua masiriobetijama, mani jacu quēne rojose mua yisere masiriobetirucumi —Inare yiyuju Jesús, i buerāre.

Diore rūcubworā, bare bamenane mani sēniroti queti

¹⁶ Quēna ado bajiro inare gotimasioűuju Jesús:

—Sīgūri, "Quēnarā űaja yua" yiboarine, ina yirore bajiro yirā me űarāma. Bare bamenane Diore ina sēnijama, " 'Sutiritiama' yīato ina" yirā, sutiritirāre bajirā űarōrāma ina. To bajiro yirāma, " 'Ina, Diore rūcubworā, bare bamenane bajirāma' masa űare yīato" yirā. To bajiro ina yirore bajiro yibesa muama. Riojo muare gotiaja yu. To bajiro ina yise vaja masa inare ina rūcubwosene jere vaja bujacōama inama. Nie gajeye bujarēmobetiruarāma, Dios tujere. Inare masa ina rūcubwoboajaquēne, Diojuama, inare rūcubwobetirucumi. ¹⁷⁻¹⁸ Muajuama, Diore rūcubworā, bare bamenane ire mua sēnijama, sutiritirāre bajiro bajibesa. Mua yirugūore bajiro mua joare quēne quēnaro siroa, riogare quēne quēnaro coe, yiya, "Masa űare iacōari, bare yua babetire masibeticōato" yirā. To bajiro mua yijama, mani jacu gājerā ina iamasibetiboajaquēne, iamasigū űari, muare vaja yirucumi —Inare yiyuju Jesús.

Ō vecaju Dios taju quēnase mani bujaroti queti

(Lc 12.33-34)

¹⁹ Quēna ado bajiro inare gotimasioűuju Jesús:

—Adi macarucuroju, "Gajeyeūni jairo juarēocūruarāja" yirā me moaűa mua. Gajeyeūni mua juarēocūboasere barearuarāma gajeyeūni barimasa. Gajeyema, boaruaroja ti. To yicōari, gajeyerema juarudiruarāma juarudirimasa. ²⁰ Ado bajirojua yirā űaűa mua: "Ō vecaju mani jacu taju i bojarore bajiro quēnaro mani yise vaja, quēnaro manire yirucumi" yituoīacōari, quēnaro yirā űaűa. Ō vecajeyuarema, quēnaro muare Dios i yisere barearā manama. Boabetiraroja tima. To yicōari juarudirimasa quēne, ejabetiruarāma. Dios manire quēnaro i yise jedibetiraroja. ²¹ Mua vaja tarere mua quēnocū vajama, ti rione tuoīarejaicōa űarāja yua. Tire yimenane, "Quēnaro yua yise vaja o vecaju vaja tacūrā yaja" yituoīacōari, quēnaro yirugūűa mua.

²²⁻²³ Mua caje quēnaro ti ruyujama, "Tine űaja quēnamasuse", yīamasijaja mua. To bajiboarine, mua caje quēnaro ti ruyubetijama, quēnabetire iacōari, mua masune, "Ti űaja quēnamasuse", yisocaruarāja mua. Tire bajiro bajijaja mua tuoīase quēne. Dios i bojarore bajiro quēnaro mua tuoīajama, űajediro quēnaro riojo tuoīamasiruarāja mua. I bojabetire mua tuoīajama, "Riojo tuoīarā űaja" yisocanarā rine, butobusa tuoīamasimena űacoaruarāja mua. To bajiri, quēnabetire iacōari, "Mani masune, 'Ti űaja quēnamasuse' yisocarobe" yirā, Dios i bojarore bajiro quēnaro tuoīaűa mua —i buerāre inare yiyuju Jesús.

"Diore mani rūcubwojama, gājoare buto bojatuoīaűa manoja", Jesús i yigotimasiore queti

(Lc 16.13)

²⁴ Quēna ado bajiro inare gotiyuju Jesús:

—Diore yirucubworāma, adi macarucuroayere buto bojatuoīamenama, "Diojua űaami űamasugū" yituoīarā űari.

²⁵ To bajiri, "Dios űaami űamasugū" yituoīarā űari, ire cudirāma, adi macarucurojare mua bajirotire tuoīarejaibesa mua. "¿No bajiro bujacōari, bare ba, idi, sudi sāűa, yicatiűarāti yua?", yituoīarejaibesa. Quēnamasuse mani usare, to yicōari, mani rujare manire isifumi Dios. To bajiri mani baroti, mani idiroti, to yicōari sudi mani sāűarotire quēne cōarugūrucumi i. ²⁶ Minia ina bajisere tuoīaűa mua. Ina otebetiboajaquēne, to yicōari, bare ina juarēocūbetiboajaquēne, Dios, inare bare cōarugūami. "Miniare quēne iamaigū űari, manire roque rētoro maigūmi", űyimasibeati mua? ²⁷ "Adi macarucurojare űarā yoaro catiruarāja" mua yituoīarejaiboase, "Yoarobusa catiato" yiro, muare ejarēmomasibeaja ti.

²⁸ Sudi sāűaruua tuoīarejaibesa. Go bucuasere tuoīaűasaque mua: Moabeti, to yicōari, sudi sāűaruua tuoīarejaibeaja ti. ²⁹ To bajiboarine, Uju Salomón űamasiri' gajeyeūni jaigu i űaboajaquēne, quēnase i sudi sāűamasire rētoro quēnase űaja ti. ³⁰ Gore buto quēnase űarotirugūami Dios. Quēnase űaboarine, yoaro mene sīnicoatoja. Ti sīniro iacōari, tire tūarāma masa, bare roariajajere. To bajiri yoaro catise me ti űaboajaquēne, tire quēnorugūgūmi

Dios. Go rëtoro manire maigãmi Dios. To bajiri, “Manire sudi cõarucami”, yimasiroti ñaja. “To bajirone yigãmi Dios”, yiajitiãrãnbetibusarã ñaja mua. ³¹ To bajiri, “¿No bajiro bujacõari, bare ba, idi, sudi sãña, yicatiñarãti yua?”, yituoãrejai betiroti ñaja. ³² Dios yarã me ñarãma, tire buto tuoãrejaiãrãma. Manijuarema, mani jacu õ vecagu ñagũmi, “Ti ruajaja, ñare” yimasigã. ³³ To bajiri, “Ëju Dios yarã, quẽnaro ï yirã ñaja mani. Ì bojaroro bajiro quẽnase rine yiruãrãja”, yituoãrũgũña mua. To bajiro mua yijama, adi macarucaroaye mua cuobetire bujaruarãja mua. ³⁴ To bajiro ti bajijare, adirũmu mua bajise rine tuoãroti ñaja. Busiyu mua bajiro tire tuoãrejai rãjoro cutibesa mua. Tocãrãcãmurine ricati bajirũgũaja –ï buerãre ñare yiyuju Jesũs.

7

“Rojose yirã ñaama. Ti suorine rojose tãmuoruarãma’ yiruãrã, ñare ñabesebesa”, Jesũs ï yigotimasiore queti

(Lc 6.37-38, 41-42)

¹ Quẽna ado bajiro ñare yiyuju Jesũs:

–“Rojose yirã ñaama. To bajiro yirã ñari, rojose tãmuoruarãma”, gãjerãre ñare yĩabesebesa. To bajiro mua yijama, “Rojose yirã ñaama”, muare yĩaromi Dios. ² To bajiri, gãjerãre rojose ña yise suorine “Rojose tãmuoruarãja” mua yĩacõiajama, muare ï beserirũmuju, “Rojose yirã ñaama”, muare yĩacõiarucami Dios. ³⁻⁵ Gajeyerema, ado bajiro yirãre bajiro yaja mua: Gãji buto rojose ï yibetiboajaquẽne, “Mu cajeare sũjuroaca sãñaja. Tijaacare ãmirocato” yirãre bajiro yaja mua. Tire buto ïatirũnarã ñaboarine, mua cajeajure jairisũjuro sãñarijauare tijaure, “Ãmirocaya” yimasibeaja mua, “Buto rojorã ñaja yua” yituoãmasimena ñari. Mua rãcagu ï yisejuare ñacõari, “Riojo tuoãbeaja mu. ‘Quẽnasejuare tuoãvasoaya’ yirã, riojo mure gotiruãrãja” yigotirã ñaboarine, “Adi ñaja quẽnase. Tija ñaja rojose”, yimasimenaja, ï rëtoro rojose yirã ñari. “Quẽnaro yirã ñaja yua” yituoãboarine, rojorã ñaja mua. “Buto rojorã ñaja yua” mua yituoãmasiro beroju, mua rãcagure ejarẽmomasirãja mua, “Quẽnaro riojo ñato ï” yirã –ï buerãre ñare yimasioñuju Jesũs.

⁶ Quẽna ado bajiro ñare yiyuju Jesũs:

–Buto quẽnase ñaja Dios oca. Ì yere ajiterãre gotimasiobetiruãrãja mua. “Bare quẽnase ti ñaboajaquẽne, yaia ña batese ti ñajama, manire jũnisinicõari, cũnisurerearuarãma ña” yirã, ñare ecabeaja mua. To yicõari, mua ye jairo vaja cutise, perla vãme cutisere yesea vatoaju reacũbeaja mua. To bajiro mua yijama, mua reacũsere bojomena ñari, tire cudavõoreacõaruarãma ña. To bajirone bajiaja Dios oca quẽnasere ajiterãrene mua gotimasiõruajaquẽne. To bajiri, ña ajiruabetire ñamasicõari, ñare gotimasiõmasibetiruãrãja mua –ñare yiyuju Jesũs.

“Diore mua sãnijama, muare cudirucami”, Jesũs ï yigotimasiore queti

(Lc 11.9-13; 6.31)

⁷ Quẽna ado bajiro ñare yiyuju Jesũs:

–Diore mua sãnijama, cõarucami. Ìre sãnicõari, mua macajama, bujaruarãja mua. Sigũ no bojase ìre ti ruajajama, gãji ya viju ejacõari sãjaru, sãnĩãgũmi. Ì sãnĩãjare, ìre sãjaroticõari, ìre ejarẽmogũmi. To bajirone bajiaja Diore sãnirãre quẽne. Ìre mua sãnisere ajicõari, quẽnaro muare yiejarẽmorucami. ⁸ “Dios manire ejarẽmorucami” yituoãrã ñari, ìre ña sãnisere ñare cõarucami. Ìna macajaquẽne, bujaruarãma.

⁹ “Bare bojaja yu” mua macu ï yisãnijama, ¿gũtane ìsirãtique mua? Ìsimenaja mua. ¹⁰ “Vai bojaja yu” mua macu ï yisãnijama, ¿ãña bar ï merene ìsirãtique mua? Ìsimenaja mua. ¹¹ Diore bajiro quẽnase yirã me ñaboarine, mua rĩare quẽnaro yaja mua. “To bajiro yirã ñaja” yimasirã ñari, “Mani jacu õ vecagure mani sãnijama, quẽnaro masu manire yirucami”, yimasiaja mani –ñare yiyuju Jesũs.

¹² Quẽna ado bajiro ñare yiyuju Jesũs:

–Gãjerã quẽnaro muare ña yisere bojaja mua. Tire bojarã ñari, quẽnaro ñare yiya muajua quẽne. To bajirone Moisés ñamasir ìre roticũmasiñuju Dios. To yicõari Diore gotirẽtobosarimasa ña ucamasire quẽne, to bajirone yaja –ï buerãre ñare yiyuju Jesũs.

“Eyabeti maa ñaja Dios tuju varia maa”, Jesũs ï yigotimasiore queti

(Lc 13.24)

¹³ Quẽna ado bajiro ñare yiyuju Jesũs:

–Ëju Dios yarã quẽnaro ï yirã mua ñaruajama, eyabetisoje, to yicõari, eyabeti maare vanare bajiro josaruãrãja mua. Ti josaboajaquẽne, ï yarã ñaña mua. Ì yarã mejuama, jãjarã ñarãma. Gaje soje eyarisojere sãjacõari, to yicõari, eyari maa vanare bajiro josabetiruãrãma ñama. Ti josabetiboajaquẽne, rojose tãmuotãjabetiriaroju varona ñarãma. ¹⁴ Eyabetisoje,

to yicōari, eyabeti maare vanare bajiro josaruarāma, Ʋju Dios yarā quēnaro ī yirāma. Ti josaboajaquēne, Dios tjuj ejačōari, ī rāca quēnaro űacōarūgūruarāma. Jājarā me űaruarāma ĩnama —ī buerāre ĩnare yiyuju Jesūs.

“Ti rica cutise suorine yucāre ĩamasija mani”, Jesūs ī yigotimasiore queti
(Lc 6.43-44)

¹⁵ Quēna ado bajiro ĩnare yiyuju Jesūs:

—“Ʋju Dios yarā quēnaro ī yirā űari, ĩre gotirētobosarimasa űaja yua quēne”, yitorimasa űarāma sīgūri. To bajiro ĩna yitose quēnaro ajimasija ma. Tire ma ajimasibetijama, to bajiro muare ĩna yitose űajare, Dios yere ma ajirūgūboasere masiriticoaruarāja. ¹⁶ ĩna gotimasiore suorine, “Quēnarā űaama” yimenane, ĩna bajire cutisejuare ĩasuoya ma. Ti rica cutise suorine yucāre ĩamasija mani. Ʋje juaroana, vātijota yucārijure macamenaja mani. Quēnase bare higos vāme cutire juaroana, vidiroju űaricu savajotajure macamenaja mani. ¹⁷ To bajiri, yucā vānuquēnaricuma, quēnase rica cutiroja. Vānubetijuma, quēnabetiarine rica cuticōaroja. ¹⁸ To bajiri, yucā vānuricu, “Quēnase rica cutiricu űaja” mani yiboaricane, quēnabeti rica cutibetoja. To yicōari, vānabeti, “Quēnabeti rica cutiricu űaja” mani yiboaricane, quēnase rica cutibetoja. ¹⁹ Tocārāca yucāre, vānabeticōari, rica quēnabeti yucāre quēacōari, jeameju soereacōare űaroja. ²⁰ To bajiri yucā ricare ĩacōari, “Quēnaricu űaja ti. Quēnabeti űaja adima” mani yimasirore bajirone, “Diore gotirētobosarimasa űaja yua” yirā, ĩna yisere ĩacōari, “Quēnarā űaama ĩna. Quēnamena űaama ānoa”, yimasiruarāja ma — ĩnare yiyuju Jesūs.

“Ʋju Dios ī bojarore bajiro yirā rīne űarāma ī yarā quēnaro ī yirona”, Jesūs ī yigotimasiore queti

(Lc 13.25-27)

²¹ Quēna ado bajiro ĩnare yiyuju Jesūs:

—űajediro, “Yua Ʋju űaja ma” yure yirā me űaruarāma yu jacu yarā, quēnaro ī yironama. Yu jacu ī bojarore bajiro yirā rīne űaruarāma ō vecaju varonama. ²² Masare Dios ī beserirāmu ti ejaro, jājarā ado bajiro yiboaruarāma: “Yua Ʋju, yuare ma rotijare, mure gotirētobosacaju yua. Yuare ma rotijare, masa usuriju sānarāre vātiare bureacaju yua. To yicōari, yuare ma rotijare, jairo ĩaiaűamani yĳocaju yua”, yure yiboaruarāma ĩna, socarāne. ²³ To bajiro ĩna yiboajaquēne, ado bajiro ĩnare yirucuja yu: “Tire muare yirotibetacaju yu. Muare masibeaja. ĳVasa! Rojose yirā űaja ma”, ĩnare yirucuja yu — ĩnare yiyuju Jesūs.

“Quēnaro ĩre ajitirānuarā, to yicōari, ĩre ajiboarine, ĩre cudimenata, ado bajiro bajirāma”, Jesūs ī yigotimasiore queti

(Mr 1.22; Lc 6.47-49)

²⁴ Quēna ado bajiro ĩnare yiyuju Jesūs:

—Muare yu gotimasiore ajicōari, yu rotirore bajiro yigu, quēnaro tuoĳagū űagūmi ī űgūma. ĩ űagūmi gūtajāju gojeri coaejocōari, botari rūgōcōari, vi buagure bajiro bajigu. ²⁵ Vi ī buaro bero, buto oco quediroya. Buto mino vatoja. To bajicōari, riaga jaicoatoja. Ti viju ti jajejacoaboajaquēne, juriaquedibetoja ti vi. ²⁶ Yure ajiboarine, yu rotirore bajiro yibecujua űagūmi sita vajaroju vi buagure bajiro bajigu. ²⁷ Ti vi ī buaro bero, buto oco quediroya. Buto mino vatoja. To bajicōari, riaga jaicoatoja. Ti vijure ti jajejarone, yoaro mene juriaquedicoatoja —ī buerāre ĩnare yiyuju Jesūs.

²⁸⁻²⁹ To bajiro Jesūs ĩnare ī yigotimasioro bero, Dios ī rotimasire gotimasiorimasare bajiro me, Ʋjare bajiro bojonebecune quēnaro ī gotimasiojare, ajīaűamani ī gotise ti űajare, no yimasibesujarā ĩna.

8

Gase boagure Jesūs ī catiore queti

(Mr 1.40-45; Lc 5.12-16)

¹ Buroju űar'i, Jesūs ī rojaejarone, jājarā masa ĩre suyayujarā. ² To ĩna bajirone, sīgū gase boagu Jesūre vacānamuacōari, ī rĳjorojua gūsomuniari tuetuejayuju, ĩre rūcūbuogu. To yicōari, ado bajiro Jesūre ĩre yiyuju:

—Yu Ʋju, yu cāmiru ma yarūajama, yaya —yiyuju. ³ To bajiro ĩre ī yisere ajicōari,

—Ma cāmiru yarucuja yu —ĩre yigune, ĩre moaiaűuju Jesūs.

To bajiro ī yirirĳmarone, ī cāmi ĩre yatocoasuju yuja. ⁴ To ĩre yigajanocōari, gājerāre ĩre gotirotibesuju Jesūs. To bajiro ĩre yicōari, ado bajiro ĩre yiyuju:

—Yucacane paire ma rujure ioaya. To yigune, Moisére Dios ī roticūmasiarore bajirone vaibucurā ecariarāre sĳacōari, paire ĩsima, Diore rūcūbuogu. To ma yisere ĩacōari, “Caticoa-sumi”, yiruarāma masa —ĩre yiyuju Jesūs, gase boaboar'ire.

*Surara ujure moabosarimasure Jesús i catioire queti
(Lc 7.1-10)*

⁵ Capernaum vāme cūti macajure Jesús i ejaro ĩacđari, i tujū vayuju surara uju. Romano masu űaűuju i. Jesús tu ejacđari, rucbuose rāca ado bajiro ĩre sēniűuju:

⁶ –Yū uju, yure moabosarimasu i bajisere ajimaiña. Yū ya viju rijajesami. Micacđari, buto visiomu –Jesure ĩre yuju surara uju.

⁷ –ĩre catiogū varucuja yū –ĩre yicđiyuju Jesús.

⁸ To i yiboajaquēne, ado bajiro ĩre cđiyuju surara uju, Jesure:

–Yū uju, quēnagū masu űaja mu. Yuma, rojose yū yisere tuoia bojonegū űari, yū ya vire mure sājarotimasibecuja yū. Toju sājabetiboarine, mu űagōtuoiasene catiomasiıūja mu. ⁹ Gājerā surara ujarā beroagu űaja yū. To bajiri, yū quēne, gājerā surarare rotigu űaja yū. Sigūre, “ĩvasa!” yū yijama, vajami. Gājire, “Vayā” yū yijama, vadiami. To yicđari, yure moabosarimasure, “ĩre yija” yū yijama, yirūıūami. To bajiri, mu roque rotigu masu űari, toju vabetiboarine, mu űagōtuoiasene caticoarucumi –Jesure yuju.

¹⁰ To bajiro i yisere ajiyamanire bajiro ajituoiaűuju Jesús. To bajiri ado bajiro ĩnare yuju, ĩre suyarāre:

–Riojo mure gotiaja yū. Israel űamasir'i jānerabata yū yarā űaboarine, “Masigū, to yicđari, quēnagū űari, yure yirēmorcumi” yure i yituoiare bajiro tuoigūre, ĩabetirūıūaja yū. ¹¹ Quēnaro yure ajiya. ĩre bajiro bajirā Israel masa me, jājarā ejaruarāma o vecaju Dios tujū. Muju i ıiadojua vadiriarā quēne, i rocasātojua vadiriarā quēne ejaruarāma. Tojare, rojorāre Dios i rearo bero, i rāca barujiruarāma ĩna. ĩna rāca űaruarāma Abraham, Isaac, to yicđari, Jacob űamasir'i quēne. ¹² Israel űamasir'i jānerabata Diorāca barujirona űaboariarā, rojose ĩna yire suorine rētiaroju ĩnare reacđarucumi. Tojare űacđari, buto rojose tāmūorā űari, guji pōgūe, oti, yiruarāma ĩna –ĩnare yuju Jesús.

¹³ To yigajano, surara ujujūare ado bajiro yuju:

–Mu ya viju tudiasa. “űamasugū űari, yure catiobosacđarucumi” yure mu yituoiare bajirone bajiraroja –ĩre yuju Jesús.

To i yirimarone, surara ujure moabosarimasu, viju rijaűaboar'i caticoasuju i yuja.

*Pedro űmañicore Jesús i catioire queti
(Mr 1.29-31; Lc 4.38-39)*

¹⁴ Pedro ya viju vasuju Jesús. Ti vi ejacđari, Pedro űmañicore ĩaűuju. Cānjesariaro joeju jesayuju so. So ruju buto asicđari, buburibujayuju. ¹⁵ Sore ĩacđari, so āmore i moalarene, ruju asicđari, so buburibujaboase tujacoasuju. To bajiri vāmārūıūcđari, bare ĩre ecayuju so.

*Jājarā, rijaye cutirāre Jesús i catioire queti
(Mr 1.32-34; Lc 4.40-41)*

¹⁶ Tiramu rāiorijune juaejuyarā, ĩna usuriju vātia sāñarāre Jesús tujū, “Vātiare ĩnare bureato” yirā. To ĩna yiro ĩacđari, cojoji űagōgūne, vātiare bureayuju Jesús. Jājarā űaűujarā ĩna usuriju vātia sāñarā, masa ĩna juaejoriarā. To yicđari, rijaye cutirāre quēne catioyuju. ¹⁷ To bajiro bajiyuju, Isa'ias, Diore gotirētobosarimasu űamasir'i, “To bajiro bajiraroja” i yucomasire ti űajare. Ado bajiro ucamasifumi Isa'ias: “Mani rijaye cutire catiorucumi. To yicđari, josari mani tāmūoiasere yirētobosarucumi” yucomasifumi Isa'ias, Jesús i catiortire yigū.

*“Yure mu ajisyarūajama, josararoja ti”, Jesús i yigotimasiore queti
(Lc 9.57-62)*

¹⁸ Cojorūmu jājarā masa i tujū ĩna űagānibiaro ĩacđari, –Gajejacatūju jēacojaro mani –i buerāre ĩnare yuju Jesús. ¹⁹ To i yise rācane, sigū, Dios i rotimasire gotimasiomasu, Jesús tu ejayuju.

–Gotimasiomasu, no bojaro mu vato cōrone mure suyarūaja yū –Jesure ĩre yuju i.

²⁰ To i yirone, ado bajiro ĩre cđiyuju Jesús:

–Buyairoarema, ĩna gojeri űacaju. Miniare quēne, ĩna jiburi űacaju. To ĩna bajiboajaquēne, yū, Dios i casuma, cānirijū magūre bajiro bajiaja yū. To bajiri yure mu suyarūaja, buto mure josararoja –ĩre yuju Jesús, Dios i rotimasire gotimasiomasure.

²¹ To i yiro bero, gāji Jesús buerimasu ado bajiro ĩre yuju:

–Yū uju, yure yuya mu maji. Yū jacu i bajirocacoajare, ĩre yujeguacu yaja yū. ĩre yujecđari bero, mure suyarūaja yū –Jesure ĩre yiboayuju.

²² To bajiro ĩre i yiboajaquēne, ado bajiro ĩre cđiyuju Jesús:

–Yucane yure suyaya mu. Yure ajitirānūmena, rijariarāre bajiro bajirā űarāma. ĩnajuja rijariarāre yujeato ĩna –ĩre yicđiyuju Jesús.

Mino vatone, oco sabesere Jesús i tujore queti

(Mr 4.35-41; Lc 8.22-25)

²³ Jesús i buerã rãca cūmuaju vasãjañuju, jêacu. ²⁴ Ìna jêatone, buto mino vasuju. To bajicõari, buto sabeyuju. Ti saberone, cūmua sagueca yiro, rujacoarũayuju. To ti bajiboajaquêne, cãniğũ yiyuju Jesús. ²⁵ Ì cãniro ãacõari, ãre yujioyujarã ãna:

—Yua uju, ijujareana yaja mani! To bajiri mani rujaborotire yirẽtoña mu —ãre yiyujarã.

²⁶ To bajiro ãna yirone,

—¿No yirã buto gũiatu mua? “Rojose mani tãmuoobaajaquêne, manire yirẽtobosarucumi”, yure yituoãarã me ñaja mua —ãre yiyuju.

To yi, vãmurũgũcõari,

—jMino tujaya! jSabese quêne tujaya mua! —yiyuju Jesús.

To ã yirone, tujacoasuju mino. Sabese quêne, sabebesuju yuja. ²⁷ Tire ãacõari, no yimasibesujarã ãna.

—¿Ñimu ùgũ masu ñati ãni? Minore to yicõari, sabesere quêne ã tujarotijama, ãre ajaia —gãmerã yiyujarã ãna.

Gadara vãme cuti maca tuanare ãna usurijũ sãñarãre vãtiare Jesús i bureare queti

(Mr 5.1-20; Lc 8.26-39)

²⁸ Utabucura gajejacatuaju Gadara vãme cuti maca tujũ ejayujarã. To ãna ejarone, masa rijariarãre ãna yujereariavijure juarã ãmua budiyujarã. To bajicõari, Jesús ture ejarũgũ ejayujarã. Juarãjũne vãtia sãñarã ñari, buto guayujarã. To bajiro ãna bajijare, rẽtomasiña mañuju. ²⁹ Jesũre ãrãne, ado bajiro yivasãñujarã ãna usurijũre sãñarã, vãtia:

—¿No yigu yua tu vadiati Dios macu? jYuaare gõjanabiobesa! Rojose yua yise vaja, rojose yuaare mu yirotirãmu ti ejabetiboajaquêne, ¿rojose yuaare yigu vadiati mu? —Jesũre yiyujarã vãtia.

³⁰ To ãna yiñaro sojua jãjarã ecariarã yesea macabañañujarã. ³¹ Ìnare ãacõari, rãcũbuose rãca Jesũre yisẽniñujarã vãtia:

—Yuaare mu bureajama, ða yeseajuare yuaare sãjarotiya —yiyujarã vãtia.

³² To bajiro ãre ãna yijare,

—Muare varotiaja yu —vãtiare ãnare yiyuju Jesús.

To ã yirone, juarãjũrene ãna usurijũre sãñaboariarã budicoasujarã yuja, yeseajuare sãjaroana. ãna sãjarone, buro ùmaroja vacõari, utabucuraju ãna ñaro cõrone rearoderujacõa tujasujarã, vãtia ãnare ãna sãjare.

³³ Yeseare coderimasa, to bajiro ãna bajisere ãacõari, ùmacoasujarã, ãna ya macaju vana. To bajicõari, vãtia sãñaboariarã ãna yiecose ñaro cõrone ti macanare gotijeocõañujarã ãna. ³⁴ Tire ajicõari, Jesũre ãrã vasujarã ãna, ti macana jediro. Ì tu ejacõari, ãre gũirã, rãcũbuose rãca ãre varotiyujarã.

9

Micagũre Jesús i catiore queti

(Mr 2.1-12; Lc 5.17-26)

¹ To bajiro ãre ãna yijare, utabucura gajejacatuaju tudijã ejacoasuju Jesús, ã ya macaju.

² Ti macaju ã ñaro, micagũre rijarã ãnivariaju joeru ãre ãmieyujarã. “ãre ãmaicõari, ãre catorucumi” ãna yituoãasere ãmasicõari, micagũjuare ado bajiro ãre yiyuju Jesús:

—Yu maigũ, tuoãatutuaya. Rojose mu yirere mare masiricõaja yu —ãre yiyuju Jesús.

³ To ã yisere ajicõari, ti macana sigũri Dios ã rotimasire gotimasiorimasa ado bajiro tuoãañujarã: “To bajise ã ñagõjama, Dios ãre rãcũbuobecu yami”, yituoãañujarã ãna. ⁴ To bajiro ãna yituoãasere ãmasicõari, ado bajiro ãnare yiyuju Jesús:

—“Diore bajiro masa rojose ãna yisere masiriomasiaja’ yisocaami”, yure yituoãaboaja mua. ⁵ “Rojose mu yisere masiricõaja” yu yicõa tujajama, “Socũ yami. Socũ me yami”, yure yĩamasigũ magãmĩ. To bajiboarine, micagũre, “Vãmurũgũcõari, vasa” ãre yu yijama, “Socũ me yami. Rojose ã yirere masiricõami”, yure yĩamasirãja mua. ⁶ To bajiri, “Dios ã roticõacacu ñari, Diore bajirone masare rojose ãna yisere masiriomasigũ ñaami’ yure yĩamasiatu” yigu, ãni micagũre ado bajiro yaja yu: Vãmurũgũña mu. Mu jesarijũre ãmiña. To yicõari, mu ya viju tudiasa, ãre yaja yu —ãre yiyuju Jesús.

⁷ To ãre ã yirone, micagũ ñaboar’i, vãmurũgũcõari, ã jesarijũre ãmi, ã ya viju vacoasuju ã yuja.

⁸ To bajiro Jesús ã yisere ãucacoasujarã masa. “Ti ùnire ãbetirũgũcaju mani. ãni, Dios ã masise rãca yigu yami” yituoãacõari, “Quẽnaro yaja mu”, Diore ãre yivariquẽñañujarã ãna.^b

^b 9:8 Rĩjorojũrema Mateo “Yiyuju Jesús” yiucauyumi, capítulo 1, to yicõari, capítulo 9 versículo 8, ã rãca ñabetirĩ ñari. Capítulo 9 versículo 9, to yicõari, tusari capítulo 28, ã rãca ñari ñari, “Yicami”, yiucauyumi yuja.

*Mateore Jesús ĩ jire queti**(Mr 2.13-17; Lc 5.27-32)*

⁹ Micagũre catiogajano vagune, Mateo vãme cutigũre yũre ĩabujacami Jesús. Ujũre gãjoa sãnibosarimasu ñacaju yũ. Gãjoa sãnirã ĩna rujirijũre gãjoa sãnirujicaju. To yũ yĩñaro ĩacõari,

–Yũre ajĩsuyaya –yũre yicami Jesús. To bajiro ĩ yisere ajicõari, ĩre suyacoacaju yũ yuja.

¹⁰ Yũ ya vijũ ejacaju yũ. To ejacõari, bacaju yũ. Yũ rãca barã ejacana, jãjarã ñacama. Yũ yicatore bajiro rojose yirã, ujũre gãjoa sãnibosarimasa, to yicõari, gãjerã, “Rojose yirã ñaama” masare yĩñarã quẽne ñacama. Jesús buerimasa quẽne ñacama. ¹¹ To yũ bajirone, ejacama fariseo masa. ĩna ñacama, Moisére Dios ĩ roticũmasirere buto ajirũcũborã, rojose yirã rãca ñaruamena. Ejacõari, yũ bañasere ĩacõari, yũ rãcanare Jesús buerimasare ĩnare sãnĩacama:

–¿No yigũ mũare buegũma, ãnoa rojose yirã rãca bati? –yicama ĩna.

¹² To bajiro ĩna yisere ajicõari, ado bajiro ĩnare cudicami Jesús, fariseo masare:

–Catiqũenarãma, uco yigũre bojamenama. Rijaye cutirã rĩne ĩre bojarãma ĩna. To bajiro bajiaja yũre quẽne. “Rojosere yirã me ñaja yũ”, yirãma, yũre bojamenama. “Rojose yirã ñaja yũ” yirã rĩne yũre bojarãma. ¹³ Dios oca masa ĩna ucamasirere ado bajiro quẽnaro tuoĩaña mũa. Ado bajiro gotiaja ti: “Gãjerãre mũa ĩmaisere bojaja yũ. Gãjerãre mũa ĩmaibetijama, vaĩbũcũrã ecariarãre sãcõari, yũre mũa soemũoboajaquẽne, ñie vaja manoja ti”, yigotiaja Dios oca, masa ĩna ucamasire. Quẽnaro yirãre jigũ me, adi macarũcrojũre vadicaju yũ. Rojose yirãre, “Rojose ĩna yisere yitũjato” yigũ, vadicaju yũ. To bajiri to bajiro yitũoĩagũ ñari, ãnoa rãca bagũ yaja yũ –ĩnare yicami Jesús.

“Mani sutiritisere ĩacõari, quẽnaro manire ejarẽmorũcũmi Dios” yirã, bare babetire queti

(Mr 2.18-22; Lc 5.33-39)

¹⁴ Juan vãme cutigũ, masare oco rãca bautizarimasu buerã, Jesús tũju ejacama ĩna. To bajicõari, ado bajise ĩre sãnĩacama:

–Yũa quẽne, fariseo masa quẽne, mani ñicua ĩna yimasiriarore bajiro Diore yũ sãnirirũmurirema bare babetirũgũaja yũ. ¿No yirã tire yibeati mũ buerãma? –ĩre yicama Juan buerimasa.

¹⁵ To ĩna yisere ajicõari, ado bajiro ĩnare gotimasiocami Jesús:

–Sĩgũ ĩ ãmosiarirũmũre ĩre variquẽnaejarẽmorã ñarãma. To ĩ ũmato yĩñaro cõro ĩre variquẽnaejarẽmorãma. ĩnare bajiro bajiamã yũ buerã. Yũ rãca ñari, variquẽnacõa ñaama. “Sutiritimena ñari, no yirã bare babeticõa yimenama”, yimasire ñaja. To bajiboarine, cojorũmũ yũre ĩna ñiavato ĩacõari, bare bamenane Diore sãnirũarãma, “Mani sutiritisere ĩacõari, quẽnaro manire ejarẽmoato Dios” yirã.

¹⁶ Mame oca yũ gotimasiore ricati ti ñajare, yũ ye rãca mani ñicua ĩna yimasirere mũa tuoĩavũojama, quẽnabeaja. Sudiro bũcũase ti vojama, mamagaserõ rãca seretumasimenaja mani. Mamagaserone mani seretujama, mani coero bero carato tũatutu vatone bũcũasejũa vocoatoja. Bũcũase, mamare rãca mani seretumasibetore bajirone, mame oca yũ gotimasiosere, mani ñicua oca rãca tuoĩavũobesa mũa.

¹⁷ To bajirone bajiaja uye oco quẽne. Mame uye ocore, vaĩbũcũgaserone quẽnorĩajoa bũcũjoajũre jioinenaja mani. Bũcũjoajũre mani jiojama, jãmũsĩnitũca yiro, yĩvocõaroja tjoajũre. To bajiro mani yijama, uye ocore, vaĩbũcũgaserone quẽnorĩajoare quẽne, to bajirone yireacõa tũjana yirãja mani. “To bajirobe” yirãma, mame uye ocore vaĩbũcũgaserone quẽnorĩajoa, mamajoajũre jiore ñaroja. To yicõari, uye oco, vaĩbũcũgaserone quẽnorĩajoa quẽne, cojoro cõro quẽnaro ñaruaroja. To bajiri mame uye ocore, bũcũjoajũre mani jiobetore bajiro mame oca yũ gotimasiosere, mani ñicua oca rãca tuoĩavũobesa mũa –ĩnare yicami Jesús.

Jud'io masa uju macore Jesús ĩ catiore queti

(Mr 5.21-43; Lc 8.40-56)

¹⁸ To bajise Jesús ĩ gotĩñarone, sĩgũ jud'io masa uju ejacami. Ejacõari, Jesús rĩjorojũa gũsomuniari tũtũcami, ĩre rũcũboũu. To yigũne, ado bajiro Jesũre yicami:

–Yũcũacane yũ maco bajirocacoamo. So tũ ejacõari, sore mũ moaĩajama, tudicati-coarũocomo so –Jesũre yicami.

¹⁹ To ĩ yisere ajicõari, ĩre suyacoacami Jesús. To bajiri yũ, ĩ buerimasa quẽne vacaju. ²⁰⁻²¹ To yũa vatone, sĩgõ rõmio rijago Jesús suyarojũa ejarũgũriomo. Gãmorõmi cutigo ñaũmo so. Jũaũmo cõro, gũbo jũa jẽnituari cũmari rijañaũju. “Jesũ sudiro gaja moaĩaruaja yũ. Ti rĩne bojaja yũ. To bajiro yũ yijama, quẽnaejacoarũocoja yũ”, yiriomo so. To bajiro yirio ñari, Jesús suyarojũa ejarũgũcõari, ĩ sudiro gajare moaĩariomo. ²² So moaĩasere masicõari, judarũgũcami Jesús. To yicõari, ado bajiro sore goticami:

–Variquẽnaña yũ maigõ. “Ĩ sudiro gajare yũ moaĩajama, quẽnaejacoarũocoja yũ” yũre mũ yitũoĩase ñajare, “Quẽnaejato” mũre yĩbũ yũ –sore yicami Jesús.

To bajiro ĩ yirirĩmarone, quẽnaejacoacamo so yuja.

²³ To yi vanane, uju ya viju ejacoacaju yua, Jesũrãca. ĩ macore yujeroana, tũroari juti, yioti avasãnacama^c ²⁴ To bajiro ĩna yĩñajare, ado bajiro ĩnare yicami:

—Budiasa mua. “Bajirocacoajamo” mua yiboago, bajirocabesumo. Cãnigõ yigomo —ĩnare yicami Jesús. To ĩ yijare, ĩre ajacama ĩna, “Bajirocacoamo” yimasirã ñari.

²⁵ Masa ĩna budiatio bero, bajirocario taju jãjacõari, so ãmore ñiacami Jesús. To ĩ yirone, quẽna tudicaticõari, vũmũrũgũcoacamo so. ²⁶ Jesús sore ĩ catiosere ti sitana masa ñaro cõrone gotibatocõañuma ĩna.

Juarã caje ĩamenare Jesús ĩ ĩarotire queti

²⁷⁻²⁸ Toju ñariarã yua cãnirivi yua tudiatone, caje ĩamena juarã Jesũre avasã suyadicama:

—Uju David ñamasir'i jãnami, “Rotimũorũgõrucuja mu” yigu, Dios ĩ cõar'i ñaja mu. Yũare ĩamaĩña —Jesũre yisuyacama ĩna. Viju yua sãjajearone, ĩna quẽne suyasãjajecoacama.

To ĩna bajirone, ado bajiro ĩnare sãnĩacami Jesús:

—“Yua caje ĩabtire ‘ĩato’ yigu, yũare ejarẽmomasigũmi”, ¿yũare yitũoĩati mua? —ĩnare yicami Jesús.

—Yua uju, to bajirone mũre yitũoĩaja yua —ĩre yicadicama.

²⁹ To ĩna yijare, ĩna cajere moaĩagũne ado bajiro yicami Jesús:

—“Manire catiorucũmi” yũre mua yitũoĩase sũorine mũare ĩarotiaja yũ —ĩnare yicami.

³⁰ To ĩ yirone, ĩacõacama. To yicõari, ado bajiro ĩnare goticami Jesús:

—Gãjerãre gotibetimasucõama mua —ĩnare yiboacami.

³¹ To bajiro ĩ yiboajaquẽne, ti sitana jedirore gotibatocõañujarã ĩna.

Ñagõbecure Jesús ĩ ñagõrotire queti

³² ĩamena ñaboariarã ĩna budirirĩmarone, ejacama gãjerã, ñagõbecure ãmiejarã, vãti ĩ usujare sãjacõari, ĩre ñagõrotibetir'ire. ³³ Jesús, vãtire ĩ burocarone, ñagõbecu ñaboar'i, ñagõcoacami yuja. Tire ĩacõari, no yimasibeticama masa:

—Adojũre, Israel sitajure, ado bajise yigure ĩaña manirũgũmu maji —yicama ĩna.

³⁴ Fariseo masajuama, ado bajiro yicama:

—Ãni, vãtia uju ĩ masise rãca vãtiare bureaami —yicama ĩna.

Jesús masare ĩ ĩamaire queti

³⁵ Ti sitaju gotimasiocudijeocami Jesús. Tocãrãca maca masa Dios ocare ĩna buerivirijũre sãjacõari, oca quẽnasere masare ĩnare gotimasiocami. “Uju Dios yarã quẽnaro ĩ yirona mua ñaruajama, rojose mua yisere yitũjacõari, yure ajitirũnũña”, ĩnare yigotimasiocami. To yicõari, rijaye cutirãre jediro catiocami. ³⁶ Oveja, uju manare bajiro bajirã ñacama ĩna masa. No yimasibetiboana tuoĩagõjanabidirã ñacama. To bajiro ĩna bajisere ĩacõari, ĩnare ĩamaicami Jesús. ³⁷ To bajiro ĩna bajisere ĩagũ ñari, ado bajiro yuare yicami:

—Ote jairo bũcũaroja. To bajiboarine, mojoroaca ñarãma tire juarimasa. ³⁸ To bajiro ti bajijare, ote ujure sãnĩña, ĩre moabosarimasa cõato ĩ yirã —yuare yicami Jesús. ^d

10

ĩ ocare goticudisũoronare Jesús ĩ besere queti

(Mr 3.13-19; 6.7-13; Lc 6.12-16; 9.1-6)

¹ Cojorãmu ĩ buerimasare yuare juaãmo cõro, gubo jua jẽnituarirãcu ñarãre jirẽocami Jesús. Yuare jirẽocõari, ado bajiro yicami:

—Masa usuriju sãnarãre vãtiare, “Budiya” mua yijama, budiruarãma. Rijaye cutirãre quẽne, “Catiya” mua yijama, caticoaruarãma —yuare yicami Jesús.

²⁻⁴ Juaãmo cõro, gubo jua jẽnituarirãcu ñacaju yua, “Yu ocare gotimasiocudiba” Jesús ĩ yicana. Ado bajiro vãme cutirã ñacaju yua: Simõn vãme cutiboacacu, Pedro vãme cutigu, ĩ bedi Andrés ñacama. To yicõari, Zebedeo rĩa ñacama Santiago, ĩ bedi Juan. Gãjerã, Felipe, Bartolomé, Tomás, yu Mateo vãme cutigu, ujure gãjoa sãnibosarimasa ñaboacacu ñacaju. Alfeo macu Santiago, to yicõari, Tadeo vãme cutigu, gãji ñacami Simõn vãme cutigu, celote yere tuoĩaboar'i. Tũsagũ Judas Iscariote vãme cuticami. ĩ ñañumi Jesũre ĩsirocarocu.

⁵ To bajiri yua, juaãmo cõro, gubo jua jẽnituarirãcure ado bajiro yuare gotimasiocudiroti-cami Jesús:

—Jud'io masa me ĩna ñarimacari gotimasiocudibeja mua. Samaria sita ñarimacarire quẽne vabeja mua —yuare yicami. ⁶ —Israel sitana tajuare vasa. ĩna ñarãma Dios yarã ñaboariarã,

^c 9:23 To bajiro ĩna yijama, ĩna yirũgũriarore bajiro yirã yiyujarã. ^d 9:38 “To bajiro ĩ yijama, ado bajiro yigu yiyuju: ‘Jãjarã ñarãma yũ ocare ajicõari, yure ajitirũnũrona. To bajiboarine, mojoroaca ñarãma yũ ocare gotirãjua. To bajiro ti bajijare, Diore sãnĩña, ‘Jãjarãbusa yũ ocare gotirimasare cõato ĩ’ yirã’ yiyuju Jesús”, yiyujarã Dios oca masa ĩna ucamasire buerimasa.

oveja yayiräre bajiro bajirä —yicami. ⁷ —“Diore rotibosaroca i rotisoroti mojoroaca ruyaja. Uju Dios yarä quënarö i yirona mua ñarujama, rojose mua yisere yitujacöari, Jesúre ajitiränuña” yigotimasiocudiba mua. ⁸ Gase boaräre mua ñajama, ñare catioba mua. Gäjerä no bojase rijaye cutiräre quëne ñare catioba. Rijariaräre tudicatioba. Masa usuriju sãñaräre vätiare quëne ñare bureaba. Vaja manone to yirotere muare ujoaja yu. To bajiri, vaja sënimenane, mua quëne gotimasiocudi, rijaye cutiräre catio, ña usuriju sãñaräre vätiare ñare burea, yicudiruaräja mua —yuare yicami Jesús. ⁹ —Mua vaja yiroti gãjoa juaábeja. ¹⁰ To yicöari, bare sãriajoari juaábeja mua. Sudi mua sãñasene sãñacöari, vaja. Gajeye gabo sudi mua vasoaroti juaábeja. Tueriaucürire quëne juaábeja. No bojarä gãjeräre moabosarimasa, vaja bujaräma. To bajirone bajiruaroja muare quëne. Ñare mua gotimasiöse vajane isiecoruaräja mua quëne —yuare yicami Jesús. ¹¹ —Jairimaca, mojorimacare ejarä, quënarö yigure macama mua. Ire bujacöari, i tu cänima. Ti macanare mua gotimasiojama, i tu ríne ñama maji, gajeroju mua varoto ríjoro. ¹² Viju ejarä, “¿Nati mua?” yisëñiacöari, “Quënarö ñaña mua”, yiba. ¹³ To mua yirone, ti viana quënarö muare ña bocaãmijama, mua yirore bajiro quënarö ñaruaräma. Quënarö muare ña bocaãmibetijama, “‘Quënarö ñaña’ yua yibetiriaräre bajirone ñacöaña mua” ñare yi, vacoaja mua. ¹⁴ Muare quënarö ña bocaãmibetijama, to yicöari mua gotisere ña ajiruabetijaquëne, ti vire ñabeja. Ti vire budicöari, sitare gabo sudi tuyasere varereaba. “Quënarö yuare bocaãmibeticöari, yuare mua ajiruabetijare, rojose muare yirucami Dios” yirä, to bajiro yiruaräja mua. ¹⁵ Riojo muare gotiaja yu. Ti macana muare ña ajiruabeti vaja Diojuama, rojose ñare yirucami masare i beserirämu ti ejarö. Sodoma macana ñamasiriarä rëtohusaro rojose tãmuoruaräma ña, muare quënarö bocaãmimenama —yuare yicami Jesús.

“Dios oca mua gotise sñori, ajijünisinicöari, rojose muare yiruaräma”, Jesús iyire queti

¹⁶ Quëna ado bajiro i bueräre yuare yicami Jesús:

—Ovejare, buyairoa vatoaju güiöroju ñare cöagüre bajiro muare gotimasiocudirotiaja yu. To bajiri mua ñagöroto ríjoro, quënarö tuoïama. To yicöari, muare rojose ña yiboajaquëne, muajuama quënasejuare yirä ríne ñacöama. ¹⁷ Ado bajiro bajiroti ñajare, quënarö tuoïama mua: Muare ñejeöari, Dios ocare ña bueriviriju ujarä ríjoroju muare juaáruaräma ña. Toju muare bajeruaräma. ¹⁸ To yicöari, yu ocare mua gotimasiojare, macari ujarä ríjoroju muare juaáruaräma ña. To yi vanane, ujarä ñamasurä ríjoroju muare juaáruaräma. To bajiro muare ña yijare, ujaräre, to yicöari, jud'io masa mere yu ocare gotiruaräja mua. ¹⁹⁻²⁰ Ujarä ríjoroju muare ña juajero, “¿No bajiro ñagöräti yua?”, yituoïarejaibeja mua. “Ñagöña” muare ña yiririmarone, mani jacu Dios i cöagü, Espiritu Santo i ejarëmose räca “Ado bajiro gotiruaräja yua” yimasiruaräja mua —yuare yicami Jesús.

²¹ Quëna ado bajiro yuare yicami Jesús:

—Yu yere ajiteräre güiose ña yisere ñaruaräja mua. Sígü ríne ñaboarine, “Ñare siato” yirä, ñejerotiruaräma ña. To yicöari, jacua quëne, “Yu ríne siato” yirä, ña ríne ñejerotiruaräma. Ña ríjua quëne, ña jacua ajijünisinicöari, gãjeräre siarotiruaräma ña. ²² Yu ocare mua goticudijare, jediro masa muare ñaruaräma. To bajiro ña yiboajaquëne, no bojarä yare ajitiränu tujamenarema, rojose tãmuotujabetiriaroju ña varoti ñaboarere ñare yirëtohusarucami Dios. ²³ Cojo maca muare rojose ña yijama, gaje macaju rudiaja mua. Riojo muare gotiaja yu. Jediro Israel sitajure ñarimacarire mua goticudijeoroto ríjoro, yu, Dios i roticöacacu, adi macarucarojare tudiejarucuja yu.

²⁴ Ñare buegu rëtohusaro masirä me ñaama i buerä. To bajiboarine, quënarö ña buejecöajama, ñare buerimasure bajirone masiräma ña quëne. ²⁵ “Yuare buegure bajiro yua bajijama, quëñaja”, yituoïaroti ñaja. To bajicöari, ire moabosarimasare quëne, “Yu ujure bajiro yua bajijama, quëñaja”, yituoïaroti ñaja. To bajiro ti bajijare, yure mua ujure Beelzebú yure ña väme yitud'ijama, yu yarä mua ñajare, rëtoro rojose muare yitud'iruaräma ña —yuare yicami Jesús.

“Masa rojose yiräre güimenane, Diojuare güiroti ñaja muare”, Jesús iyire queti
(Lc 12.2-7)

²⁶ Quëna ado bajiro i bueräre yuare yicami Jesús:

—Rojose muare ña yitud'iboajaquëne, ñare güibeja mua. “Masa ña ñabeto yitud'irä yaja” muare ña yiboajaquëne, Diojuama, ñacöarucami. Niejua masa ña yirudise maja, Diorema. Adirämu masa ña masibeti jediro, Dios i beserirämu ti ejarö, “Quënarö tire masiatio” yigu, gotirucami. ²⁷ Masa ña ajibeto yayiroaca muare yu gotisere “Jediro ajiato” yirä, gotibatuaräja mua. ²⁸ Muare siaruaräre güibeja mua. Mua usurijurema siamasimenama ña. Diojuare mua güijama, quëñaja. Ñaami mani catisere rotigu. Ña masu masiami. To bajiri rojose tãmuotujabetiriaroju muare reamasicöami.

²⁹ Juarā miniare mani vaju yijama, cojotii gājoatii rāca vaju yire ñaroja ti, mojoroaca vaju cutirā ña ñajare. To cōroaca vaju cutiboarine, Dios i rotibetone rijagu magūmi. ³⁰⁻³¹ Masajuare, Dios i ñajama, jairo vaju cutirāre bajiro manire ñaami. Manire buto malami i. To bajiro bajigu ñari, mani rujoajoare, cojojoara rujabeto cōiajeogu ñaami. To bajiri rojose muare yirāre güibeja –i buerāre yuare yicami Jesús.

“Masa ña ñaro rñorojua, ‘Jesúre ajitirānugū ñaja yu’ mña yijama, quēnaja”, Jesús i yire queti (Lc 12.8-9)

³² Quēna ado bajiro yuare yicami Jesús:

–Masa ña ñaro rñorojua, “Jesúre ajitirānurā ñaja yua” yirārema, yu quēne o vecaju yu jacu i ñaro rñorojua, “Ānoa ñaama yu yarā”, yirucuja yu. ³³ To bajiboarine masa ñaro rñorojua, “Jesúre ajitirānurā me ñaja yua” ña yijama, yu quēne, o vecaju yu jacu i ñaro rñorojua, “Yu yarā me ñaama ña”, yirucuja yu –yuare yicami Jesús.

“Yuare mña ajitirānuserē ñacōari, muare ñajūnisinuarāma”, Jesús i yire queti (Lc 12.51-53; 14.26-27)

³⁴ Quēna ado bajiro yuare yicami Jesús:

–“‘Quēnaro ñato masa’ yigu, vayumi Jesús”, yuare yituoīabesa mña. Dios i bojabeti yirā, yu ocare ajijūnisinicōari, yuare ajitirānurāre ñateruārāma ña. To bajiri ado bajirojua yuare yituoīaña: “‘I sñorine ricatiri tuoīaruārāma’ yigu, vayumi Jesús”, yuare yituoīaña. ³⁵ I macu, yuare i ajitirānujama, i jacujua ñe ñaterucūmi. Jacujua, yuare i ajitirānujama, i macujua, ñe ñaterucūmi. So macojua, yuare so ajitirānujama, so jacojua, sore ñaterucocomo. Jacojua, yuare so ajitirānujama, so macojua, sore ñaterucocomo. So ūmañicojua yuare so ajitirānujama, so jējojua, sore ñaterucocomo. ³⁶ To bajiri sigū yuare ajitirānugū i ñajare, i yarā ñaboarine, ñe ñateruārāma.

³⁷ No bojagu i jacore, i jacure yuare i mairo rētobusaro maigūma, yu yu ñamasibecūmi i ūgūma. No bojagu i macore, i macure yuare i mairo rētobusaro maigūma, yu yu ñamasibecūmi i ūgūma. ³⁸ No bojagu, “Jesúre bajiro rojose tāmōsuyarucuja yu” yituoīabecūma, yu yu ñamasibecūmi i ūgūma. ³⁹ No bojarā, no ña bojarone ñare cutirāma adi macarucuro ñasere ñavariquēnacōari, Diore tuoīamenama, Dios i catisere yayibetire cuomena ñaruārāma ña. To bajiboarine, yuare ajitirānurā, yu oca ña gotisere ajijūnisinicōari, ña sñarāma, Dios tu quēnaro ñarona ñarāma –yuare yicami Jesús.

“Ado bajiro yirā ñarāma Dios taju quēnase bujarona”, yire queti (Mr 9.41)

⁴⁰ Quēna ado bajiro yuare yicami Jesús:

–Muare cōagu yu ñajare, gājerā tu mña ejaro, quēnaro muare ña yijama, yuare quēnaro yirā yirāma. Yuare quēnaro yirāma, yuare cōacacure quēnaro yirā yirāma. ⁴¹ “Diore gotirētohosarimasu ñagūmi” yimasicōari, quēnaro ñe yirā, ñe gotirētohosarimasu Dios tu quēnase i bujaroto cōrone bujaruarāma ña quēne. “Quēnaro yigu ñaami” yimasicōari, quēnaro ñe yirā, quēnaro yigu Dios tu quēnase i bujaroto cōrone bujaruarāma ña quēne. ⁴² Riojo muare gotiaja yu. Yuare ajisuyarā ñamasurā me ña ñaboajaquēne, yuare ajitirānurā ña ñajare, quēnaro ñare yirā, to bajiro ña yise vaju, vaju bujaruarāma ña. Ocone ñare ña ioboajaquēne, vaju bujaruarāma –yuare yicami Jesús.

11

Juan vāme cutigu, masare oco rāca bautizarimasu i cōariarā, Jesúre ña sēñiare queti (Lc 7.18-35)

¹ Yuare, i buerāre juaāmo cōro, gubo jua jēnituarirācu ñarāre yuare i gotimasioro bero, ti sita ñarimacarianare ñare gotimasioducirā vacaju yua, Jesúrāca.

² Tirodo Juan vāme cutigu, masare oco rāca bautizarimasu, tubiberiaviju ñañuju i. Toju i ñarone, Jesús masare i gotimasioducicati, to yicōari, ña ñañamani i yilocati queti ñe ejayuju. Tīre ajicōari, juarā i buerimasare cōañumi, “Jesúre sēñiāaya” yigu. ³ Yuare tu ejacōari, ado bajiro Jesúre sēñiācama ña:

–¿Mñe ñati “Rotimñorūgōrucūmi” yigu, Dios i cōar’i, “Yu bero ejarucūmi” Juan i yigotimasioducacu? ¿Gājire yuroti ñatique maji? –Ñe yisēñiācama ña.

⁴ To ña yisēñiarone, ado bajiro ñare yicudicami Jesús:

–Vasa mña. Juan taju tudiasa. I tu ejacōari, mña ñasere, mña ajisere quēne ñe gotiba. ⁵ Ado bajiro ñe gotiba mña: “Jesús i masise rāca i yijare, ñabetiboariarā quēne ñama. Rujasagueri vaboariarā quēne, quēnaro vama. Gase boariarāre quēne, ña cāmi yatibu. Ajimena ñaboariarā quēne, ajima. Bajireariarā quēne, tudicatima. To yicōari, maiorō bajirā quēne, Dios oca quēnasere gotimasio ecoama ña”, yigotiba, Juan taju ejacōari. ⁶ To bajiri, “‘Quēnase bujaruarāma yuare ajitirānurā, ‘Socu me yami’ yuare yituoīarāma’ yimi”, ñe yigotiba –ñare yicami Jesús, Juan buerimasare.

⁷ To bajiro i yisere ajicōari, ĩna vase rācane, Juan vāme cutigu, masare oco rāca bautizari-masu i ĩnare quetire goticami Jesūs, jājarā ĩre ajisuyarāre:

–Yucú manojū vana, ĩñimū ũgūre tuoĭa vacati mua? ĩMasa ĩna bojasere bajiro yirua tuoĭagūre ĩarā vacati mua? “To bajiro tuoĭagū me ĩnacami”, yimasiaja mua. ⁸ ĩÑimū ũgūre tuoĭarā vacati mua? ĩQuēnase sudi sāñagūre tuoĭa vacati? To bajiro me tuoĭariarāja mua. “Quēnase sudi sāñarāma, quēnariviriju, ũjarā ya viriju ĩnarāma”, yimasiaja mani. ⁹ ĩÑimū ũgūre tuoĭa vacati mua? ĩDiore gotirētosarimasare tuoĭa vacati que mua? Riojo muare gotiaja ya. Gājerā Diore gotirētosarimasa rētoro ñagūre ĩariarāja mua. ¹⁰ Juan i bajiro tire gotiro, ado bajise gotiaja Dios oca masa ĩna ucamasire:

“ ‘Rotimuoŕagōŕucami’ yigu, muare yu cōaroto rĭjoro, muare gotiyurocare cōasuoŕucuja yu maji’ yami Dios. ĩ ĩnarucami ado bajise gotiroca: “Yoaro mene ejarucami ‘Rotimuoŕagōŕucami’ yigu, Dios i cōarocū. To bajiri rojose Dios i bojabetire yitujacōari, i bojasejuare yi yuya mua” yigotiroca ĩnarucami’, yami Dios”, yigotiaja Dios oca masa ĩna ucamasire.

¹¹ Diore gotirētosarimasa ĩna gotimasire rētoro ñamasuse ñaja, Juan, Diore i gotirētosasejuā. To bajiro ti bajiboajaquēne, Juan i gotise rētoro ñamasuse ñaja yu gotiroticōarā ĩna gotise. “Ūju Dios yarā quēnaro i yirona mua ĩnarujama, Jesūre ajitirānuña” ĩna yigotisere yaja yu. Ñamasurā ñaama, “Ñamasurā me ñaama Jesūs i gotiroticōarā” mua yĭaboajaquēne –yicami Jesūs, ĩre ajisuyarāre.

¹² Quēna ado bajiro yicami Jesūs:

–Juan i gotimasiosuoŕijune, “Ūju Dios yarā quēnaro i yirā mua ĩnarujama, rojose mua yisere yitujacōari, Jesūre ajitirānuña” yirere ajicōari, ti josaboajaquēne, yure ajisuya variquēnasuoadicama masa. ¹³ Juan i gotimasiosuoŕoto rĭjorojune, “Rotimuoŕagōŕucami” yigu Dios i cōarocare goticoayuma ĩna, Diore gotirētosarimasa. Moisére Dios i roticūmasire quēne, tire gotiaja ti. ¹⁴ “Diore gotirētosarimasa El’ias vāme cutimasir’ire bajiro bajigu ejarucami”, yigotiyujarā ĩna, Diore gotirētosarimasa. To bajiro ĩna yimasirere, “Riojo ucamasifuma ĩna” mua yituoĭajama, “Juan i ejarotire gotirā yimasifuma”, yimasiaja mua. ¹⁵ Mua ajimasirujama, quēnaro yure ajitirānuña mua –ĩre ajisuyarāre yicami Jesūs.

¹⁶⁻¹⁷ Quēna ado bajiro ĩre ajisuyarāre goticami Jesūs:

–Ado bajiro yirāre bajiro yirā ñarāja mua, adirodoriana: Daquerā, gājerā rāca ajerūamenare bajiro yirā ñarāja. ĩna ajeritūcuroju rujicōari, gājerājuare, ado bajiro ĩnare gotirujirāma: “ ‘Basavariquēnato mani’ yirā, muare jutibosaboabu yua. To bajiro yua yituboajaquēne, basabeju mua. To bajiri, ‘Rijariarāre bucūrā ĩna oticatore bajiro satiriose boca otiruarāja mua, yua basañarone’ yiboabu yua. To yua yiboajaquēne, otibeju mua”, ĩnare yigotirāma, ĩna rāca ajerūamenare. ¹⁸ ĩna rāca ajerūamenare bajiro yirā ñarāja mua, adirodoriana. Juan, quēnase bare babeti, quēnase idire idibeti bajiñañuju i. To bajiro bajigu i ñajare, “Vāti sāñagū ñagūmi”, ĩre yituoĭacaju mua, ĩre ajiterā ñari. ¹⁹ ĩbero gotimasiosuoŕocaju yu, Dios i roticōacacu. Yujūama, quēnase bare ba, quēnase idire idi bajiñaja yu. To bajiro yigu yu ñajare, “Jairo bagu ñaami. Idimecugū ñaami. Ūjure gājoa sēnibosarimasa, gājerā rojose yirāre quēne ĩnare baba cutiami”, yure yĭajūnisiniaja mua, yure quēne ajiterā ñari. To bajiro Juanre quēne, yure quēne mua yise ti ñaboajaquēne, Dios i masise rāca yua yise ti ñajare, beroju, “Quēnaro yirā yiboayuma” yuare yimasiruarāja mua –yicami Jesūs, ĩre ajisuyarāre.

ĩre ajitirānubeti macariana ĩna bajisere to yicōari, ĩna bajiro tire tuoĭacōari, Jesūs i gotire queti

(Lc 10.13-15)

²⁰ Tĭju bero, ĩaĭañamani i yĭboacana ya macarire tuoĭacōari, Dios i bojabetire ĩna yisere tuoĭasutiriticōari, ĩna yitujabetijare, rojose ĩna tāmurotire yigu, ado bajiro goticami Jesūs:

²¹ –Coraz’ın macana, to bajicōari, Betsaida macana quēne, buto rojose tāmuroŕarāma. Ti macarianare ĩaĭañamani yu yĭocatore bajiro, Tiro vāme cuti macanare, Sidón vāme cuti macanare quēne ĩaĭañamani yu ĩojama, tirāmujū rojose ĩna yisere tuoĭasutiriticōari, yitujacaboriarāma ĩnama. “Rojose yua yisere yiruabeaja” yisutiritirā ñari, sutiritirā ĩna sāñasejuā sudi vasoacōari, to yicōari, ĩna rujoariju ōja majeoboriarāma. ²² Riojo muare gotiaja yu. Sidón macana, to bajicōari, Tiro macana ñamasiriarā rētosararo rojose tāmuroŕarāma ĩna, Dios, masare i beserirāmu ti ejaro. ²³ Capernaum macanajua, “Quēnarā ñari, ō vecaju Dios i ñaroju ñarona ñaja mani”, yituoĭaboarāma ĩna. To bajiro ĩna yituoĭaboajaquēne, Dios tujū ñabetiruarāma. Rojose tāmurotujabetiraroju ñaja ĩna cōaerotoma. Toanare ĩaĭañamani yu yĭocatore bajiro, Sodoma macanare quēne yu yĭojama, rojose ĩna yisere yitujaboriarāma ĩnama. To bajiri adirāmire quēne ñacōaboriarojo ti maca maji. ²⁴ Riojo muare gotiaja yu. Ti macana yure ĩna ajirūabeti vaja, Diojuama, rojose ĩnare yirucami masare i beserirāmu ti

ejaro. Sodoma macana ñamasiriarã rêtobusaro rojose tãmuoruarãma ñna —yituoïa goticami Jesús.

*“Quëñaja” Diore Jesús ï yivariquëñare queti
(Lc 10.21-22)*

²⁵⁻²⁶ Ìre ajitirãnuarãre, “Mu suorine ajitirãnuama” yigu, “Quëñaja” Diore yivariquëñagã, ado bajiro yicami Jesús:

—Casu, õ vecagu uju ñaja mu. Adi macarucurore quëne, ñajediro uju ñaja mu. “Jëre masiaja yua” yituoïaboarãre, “Yu ocare ajimasibeticõato ñna” yigu, ñnare masirioaja mu. To yicõari, “Masimena ñaja yua” yirãjuare, “Ajimasiato” yigu, ñna ajimasirotire yirëmorügüaja mu. To bajiro mu yijama, mu bojarore bajiro yigu yaja mu —Diore yicami Jesús.

²⁷ To yicõari, Ìre ajisuyarãjuare ado bajiro goticami Jesús:

—Yu jasu Ì ejarëmose suorine jediro yimasijeogu ñaja yu. “Tire yimasiato” yigu, adi macarucurojore yure cõacami yu jasu. To bajiro yicacu ñari, yu yisere masijeocõami yu jasu. Yu quëne, Ì yisere masijeocõaja. “Ìre masiato” yigu, yu beserã rïne yu jacure masiama —ñnare yicami Jesús.

²⁸⁻²⁹ Quëna ado bajiro yicami Jesús:

—Cojo vãme me ñna rotise ti ñajare, jairo gajacõari, ñarãre bajiro bajiaja mua. “Tire cudijeomasimenaja mani” yisutiritirã ñari, yujuare ajirã vayã mua. Yure ajitirãnuõcõari, rucuse gajacõari, ñamenare bajiro variquëñarã ñnaruarãja mua. Masare maituoïagü ñaja yu. “Ñamasugü ñari, ñnare ajirucubuoabeaja yu” yigu me ñaja yu. No bojarãre yure ajitirãnuarãre ejarëmogü ñaja. ³⁰ Muare yu rotise josari me ñaja. To bajiri yu rotisere mua cudijama, variquënuarãja mua —yicami Jesús.

12

*Ususãjariarãmu ñaboajaquëne, Jesús buerimasa trigo ajere tũnejuacõari ñna bare queti
(Mr 2.23-28; Lc 6.1-5)*

¹ Ususãjariarãmu ti ejaro, trigo ñna oterivese cutore vacaju, Jesurãca. To bajivanane ñiorijacaju yua. To bajirã ñari, trigo ricare tũnejuacõari, yua ãmorine ti gasere sigüereacõari, bacaju yua. ² Tire yua basere ñacõari, fariseo masa ado bajiro Jesure Ìre yicama ñna:

—¡ñaña mu! Mu buerimasa, ususãjariarãmu yire mere yama ñna —Jesure Ìre yicama.

³ To bajiro ñna yisere ajicõari, ado bajiro ñnare cudicami Jesús:

—¿David ñamasir'i Ì babarã rãca ñiorijacõari, ñnare Ì ãmato bamasirere masibeaati mua?

⁴ Ñiorijarã ñari, “Mani rãca ñagãmi Dios” masa ñna yirivijure sãjacõari, Diore Ìre rucubuoarã gãjerã pan ñna cõboarere juacõari, Ì babarã rãca bamasinjuu Ì. To bajiri Moisés ñamasir'i Ì gotimasirema, “Paia rïne baruarãma” Ì yimasiboarere bamasinjuarã ñna. To bajiro ñna yiboajaquëne, ti vaja rojose ñnare yibetimasinjuu Dios. ⁵ ¿Ususãjariarãmu ti ñaboajaquëne, Diore yirucubuoariaviju paia ñna moatujabetiboajaquëne, rojose yirã me yirãma ñna”, Moisés ñamasir'i Ì yucomasirere masiritiatique mua? ⁶ Riojo muare gotiaja yu. Moisére Ì roticũmasire, Diore yirucubuoariaviaye ñase rêtobusaro ñnasese ñaja mame yu rotise. ⁷ Dios oca masa ñna ucamasire ajimasibetibusaja mua. Ado bajiro gotiaja ti: “Vaubucurã ecariarãre siacõari, yure ñna soemuosere bojabetibusaja yu. Masa gãjerãre quënarõ ñna ñamaisejuare bojamascõaja yu”. To bajiro yigotiaja Dios oca masa ñna ucamasire. Tire, “Ado bajiro yiguro yaja” yiajimasirã masu mua ñajama, Dios Ì bojabeti rojose ñna yibetiboajaquëne, “Rojose yama” yu buerimase ñnare yibetiboriarãja mua. ⁸ Yu, Dios Ì roticõacacu, “Ususãjariarãmuare ado bajiro mua yijama, quëñaja. To bajirojua mua yijama, quëñabeaja”, yirotigü ñaja yu — ñnare yicudicami Jesús, fariseo masare.

*Ãmo ñujobecure Jesús Ì ñujorotire queti
(Mr 3.1-6; Lc 6.6-11)*

⁹ To yi vacune, Dios ocare ñna bueriviju yuare ãmato sãjacami Jesús. ¹⁰ Ti viju ñacami sigü, cojojacatua ãmo ñujobecu. Fariseo masa quëne ñacama. “Jesús, rojose yimi” ujarãre yi ocasãnuarã, ado bajiro Jesure sënifãtocama ñna:

—Dios, Moisére Ì roticũmasirere mu tuoïajama, “Adirãmu ususãjariarãmuare rijaye cutirãre mani catiojama, quënacõaroja”, ¿yituoïati mu? —Jesure Ìre yisënifãtocama ñna.

¹¹ To ñna yisere ajicõari, ado bajiro yicami:

—Oveja mua ecar'i, gojeju Ì quediocãsãjama, “Ususãjariarãmu ñaja” yirã, ¿ãmirã vamenada mua? ¹² ¿Masu rêtobusaro mailögü ñatique, ovejajua? To bajiri, ¿ususãjariarãmu quëne, no bojagu masure quënarõ mani yijama, quënabetojarique? —ñnare yicudicami Jesús.

¹³ To yicõari, ãmo ñujobecujuare:

—Mu ãmore ñujoya —Ìre yicami.

To ĩ yirone, ĩ ămore ĩ űujorone, quĕnaejacoacaju yuja, gaje ămore bajirone. ¹⁴ To ĩ yisere ăcđari, budicoacama fariseo masa. Budiacđari, “ĽNo bajiro yicđari, Jesure śarotirăti mani?” gămeră yĭűagđűujară ĩna.

Diore gotirĕtobosarimasa Jesűs ĩ bajirotire yiră, ĩna ucamasire queti

¹⁵ To bajiro ĩre ĩna tuoĭa űagđjaisere masicđari, gajeroju vacami Jesűs quĕna. Jesűs ĩ vato ăcđari, ĩre suyacaju yua, jăjară masa. Toju űajediro masa rijaye cutirăre catiocami. ¹⁶ To yicđari, ĩnare ĩ catiosere gotirotibeticami ĩ. ¹⁷ To bajiro ĩ yijama, “Isa’ias űamasir’i Diore gotirĕtobosarimasa, ‘To bajiro bajiruaraja’ ĩ yucamasiriarore bajiro bajiato” yigu, yicami, ado bajiro yise ti űajare:

¹⁸ “Ăni űaami, yure moabosarimasa yu besecacu, yu űavariquĕnagű. Esp’iritu Santore ĩre cđarucaju yu, ‘ĩejarĕmose răca yu bojasere yimasiatu ĩ’ yigu. To bajiri, ‘Ado bajiro riojo yiroti űaja’ yigotibatorucami, masa űajedirore.

¹⁹ Masa răca oca josabecu űarucami ĩ. To yicđari, masa ĩna ĩaro ĩjorojuua rűgđcđari, ‘Yure ajiya mua. Masigű űaja yu’ yivavasă gotibecu űarucami.

²⁰ Yure quĕnaro ajitirănumenare, yu bojarore bajiro yimasibeticđari, tuoĭasutiritirăre quĕne mairucami. ĩnare ĩamaicđari, ‘Quĕnaro yure ajitirănuato ĩna’ yigu, ĩnare ejarĕmorucami.

²¹ Jud’io masa me űară rojose ĩna yise vaja rojose ĩna tămuoborotire, ‘Manire yirĕtobosarucami. To bajiri rojose tămuobetruarăja’ yivariquĕna yuűaruarăma’, yucamasiűumi Isa’ias, Diore gotirĕtobosarimasa.

*“Vătia űju ĩ masise răca yigu yami Jesűs” ĩna yire queti
(Mr 3.20-30; Lc 11.14-23; 12.10)*

²² Sĭgű űacami văti săűagű. “ĩabeticđato; űagđbeticđato” yigu, ĩ usujure săjacđari, űaűumi. To bajiri Jesűs taju ĩre ămiejacama masa. To ĩna yirone, ĩ usujure săűagűure vătiare burocacami Jesűs. To bajiri vătiare ĩ burocajare, ĩamasi, űagđmasi, bajicoacami yuja. ²³ Tire ăcđari, no yimasibeticama masa jediro:

–Ľűju David űamasir’i jănami “Rotimorűgđrucami” yigu, Dios ĩ cđar’i mani tuoĭa yuűarűgűgű űatiquē ĩ? –yicama.

²⁴ To bajiro ĩna yisere ajicđari, ado bajiro ĩnare yicama fariseo masajua:

–Vătiare ĩ bureajama, vătia űju Beelzebű văme cutigu ĩ masise răca vătiare bureagu yami –yicama ĩna.

²⁵ To bajiro ĩna tuoĭasere ĩamasicđari, ado bajiro ĩnare gotimasiocami Jesűs:

–Cojo sitana rotirimasa ĩna gămeră quĕajama, ĩna masune gămeră ślayayiră yirăma. To bajirone bajiroja cojo macanare quĕne, cojo vi űarăre quĕne. ²⁶ To bajirone bajiroja vătiare quĕne. Vătia ĩna gămeră bureajama, “Masare rojose yitűjato mani” yiră yiborăma. To bajiro ti bajijare, “Beelzebű văme cutigu ĩ masise răca masa usurĭju săűarăre vătiare bureaami” yure mua yiboase, riojo yiră me yaja mua. ²⁷ To bajiro yure mua yituoĭaboajama, mua bueră quĕne masa usurĭju săűarăre vătiare ĩna bureasere, “Văti ĩ masise răca burearăma ĩna quĕne” yirăre bajiro yaja mua. To bajiro mua yijama, “Tuoĭamavisajaja mua”, muare yiruarăma ĩna, mua bueră. ²⁸ Ado bajirojuua tuoĭarona űaboaja mua: “Vătia űju ĩ masise răca me yami. Esp’iritu Santo ĩ masise răcaju vătiare bureaami”, yure yituoĭarona űaja mua. To yicđari, “‘Rotimorűgđrucami’ yigu, Dios ĩ cđar’i űaami”, yure yituoĭamasiroti űaja muare.

²⁹ “To bajiro yimasiroti űaboaja” yigu űari, “Quĕnabusaro yimasiatu” yigu, quĕna gajeye gotimasiore queti muare gotiaja yu: Sĭgű, găji guamu ya vi săjacđari, ĩre ĩ siabetĭjama, gajeyeűni ĩmamasibecami. ĩre siacđari, ĩ gajeyeűnire ĩmamasigűmi yuja. To bajirone bajiaja yure quĕne. Vătia űju ĩ rotiboasere ĩre yirotibeticđari, masa usurĭju săűarăre vătiare yu burease suorine, văti ĩ rotiajeboariarăre ĩre ĩmagű yaja, “Yu yară űato” yigu.

³⁰ No bojară yu gotiboasere ajitirănumenama, yure ajitirănuaboronare matară yirăma. No bojară, “Jesure ajitirănuăna” yure yigoticudibosamenama, “ĩre ajibesă” yirăre bajiro bajiră űarăma.

³¹ To bajiri, riojo muare gotiaja yu. Masa jediro rojose ĩna yijama, jediro rojose ĩna űagđjaquĕne, sutiriticđari, Diore ĩna sĕnijama, rojose ĩna yisere masiriorucami. To bajiboarine, Esp’iritu Santojuare răcubuoemena rojose ĩre ĩna yitud’ĭjama, tirema masiriobetirucami. ³² No bojară, Dios ĩ roticđacacure rojose yure ĩna űagđro bero, sutiriticđari, Diore ĩna sĕnijama, rojose ĩna yisere masiriorucami. To bajiboarine, Esp’iritu Santo ĩ masise răca moagűre, “Satanăs ye răca moami” ĩna yitud’ĭjama, Esp’iritu Santojuare rojose yiră yirăma. Tirema gajerodo ti űacoaboajaquĕne, masiriobetirucami Dios –ĩnare yicami Jesűs.

*“Ti rica cutise suorine yucăre ĩamasajaja mani”, Jesűs ĩ yigotimasiore queti
(Lc 6.43-45)*

³³ Quĕna ado bajiro goticami Jesűs:

—Yucá quēnase ti rica cutijama, “Quēnaricu ñaja”, yaja mani. Yucá rojose ti rica cutijama, “Rojoricu ñaja”, yaja mani. Ricare ñacōari, “Quēnaricuaye, rojoricuaye ñaja”, yīmasiasja mani. To bajirone bajiaja mani yise quēne. “Quēnagū ñaami. Rojogu ñaami” yimasiruarā, ī yisere ñaīarāja mani. ³⁴ Vātia uju rojose ī yirore bajirone rojose yijairā ñaja mua. Rojorā ñari, no yirā quēnasere ñagōmenaja mua. Mua usuriju rojose mua tuoīasāñasere ñagōburūgūja mua. ³⁵ Quēnagūma, quēnaro tuoīagū ñagūmi. To bajiri quēnase ñagōgūmi. Rojogujama, rojose tuoīagū ñagūmi. To bajiri rojose ñagōgūmi. ³⁶ Riojo muare gotiaja yu. Ejaruaroja masa jedirore Dios ī beserirūmu. Tirūmure tocārāca vāme, mua ñagōria vāmere, “Ado bajiro ti bajijare, to bajise ñagōcaju yua”, Diore yigotiruarāja mua. ³⁷ To bajirone bajiruaroja. Mua ñagōrere ñacōari, “Quēnase bujarā, rojose tāmōrā, bajiruarāja”, yirotirucami Dios —Inare yicami Jesús.

*“Īaīañamani mu yīosere bojaja yua”, ĩna yire queti
(Mr 8.12; Lc 11.29-32)*

³⁸ To ī yiro bero, ado bajiro ĩre yicama fariseo masa, Dios ī rotimasire gotimasiorimasa quēne:

—Gotimasiorimasa, Īaīañamani mu yīosere bojaja yua —Jesúre ĩre yicama ĩna.

³⁹ To ĩna yirone, ado bajiro ĩnare cudicami Jesús:

—Mua adirodoria, rojose yirā jājarā ñaja mua. Yure ajiterā ñari, Īaīañamani muare yu yīosere bojaboaja mua. To bajiro mua bojaboajaquēne, to bajise muare yīobeticaraja yu. To bajiboarine Jonás ñamasir'ī Diore gotirētobosarimasa ī bajimasire bajiro bajīloroti ñaroja. ⁴⁰ N'inive vāme cuti macana ñamasiriarā, ĩna tuju Jonás ī ejaroto rjoro idiarāmu, idia ñami vai jaigu gudajoaju ī ñamasirere ĩnare ī gotisere ajicōari, “Diore gotirētobosagu ñaami”, ĩre yituoīañujarā ĩna, N'inive macana. To bajiro bajirucija yu quēne, Dios ī roticōacacu quēne. Idia ñami, idiarūmu sita ēñerocaju yu ñare ajicōari, “Dios ī cōar'ine ñañumi”, yimasiruarāma ĩna, masa. ⁴¹ N'inive macana ñamasiriarā, Jonás ñamasir'ī Dios oca ī gotisere ajicōari, rojose ĩna yisere sutiriticōari, yitujamasīñujarā ĩna. Jonás rētoro ñamasugū ñaja yu. To bajiro yu bajiboajaquēne, muañama, rojose mua yisere yitujabeaja mua. To bajiro yirā mua ñajare, masare Dios ī beserirūmu ti ejaro, ado bajiro bajiruaroja: N'inive maca ñamasiriarā, tudicaticuarāma ĩna. Tudicaticōari, “Mua ye suorine rojose tāmōruarāja”, muare yīaruarāma. ⁴² Sabā sitana ujo ñamasirio, “Uju Salomón quēnaro masigū ñañuju” yire quetire ajicōari, sōju vadicōari, ĩre ajigo ejamasīñuju so. Salomón rētoro ñamasugū ñaja yu. To yu bajiboajaquēne, muañama, yure ajitirūnubeaja mua. To bajiri, masare Dios ī beserirūmu ti ejaro, ado bajiro bajiruaroja muare: Salomón tu ejamasirio, tudicaticōari, “Mua ye suorine rojose tāmōruarāja”, muare yiruocomo so, yu gotisere ajirā ñaboarine, rojose mua yitujabetijare —fariseo masare ĩnare yicami Jesús.

*Vāti, masu usujure sñar'ī, budicōari, ī tudisājare queti
(Lc 11.24-26)*

⁴³ Quēna ado bajiro yicami Jesús:

—Vāti, masu usujure budicōari, oco manoriju vacudigūmi. Tujariajau bujabecu ñari, ado bajiro tuoīagūmi: ⁴⁴ “Yu budiarojuane vacoarocu ñagūja yu”, yituoīagūmi. Masu usujure ī budigoriore tudiejagu ī ĩajama, gōjanabiose mano, quēnarivire bajiro masu usujure ĩaejagūmi. ⁴⁵ To bajiro ī usujure ĩaejacōari, cojomo cōro jua jēnituarirācu vātia ī rētoro rojose yirāre ūmato ejagūmi. To yicōari, ĩna ñaro cōrone masu usujure sñarāma ĩna. To bajiri, rētorobusa rojose yigu ñagūmi masu yuja. To bajirone bajiruaroja muare adirodoria rojose yirāre quēne. Vātiare yu bureacōaboajaquēne, yure ajitirūnūmena ñari, butobusa rojose yirā ñaja mua —Inare yicami Jesús.

*“Yu yarāma ado bajiro bajirāñama ñama”, Jesús ī yire queti
(Mr 3.31-35; Lc 8.19-21)*

⁴⁶⁻⁴⁷ Jesús, masare ī gotimasio ñarone, sīgū, ado bajiro Jesúre ĩre yicami ĩ:

—Mu jaco, mu bederā rāca macajūja ejama, mu rāca ñagōruarā —Jesúre ĩre yicami.

⁴⁸ To bajiro ī yiboajaquēne, ado bajiro ĩre yicudicami Jesús:

—¿Ñimo ñati yu jaco? ¿Ñimarā ñati yu bederāma? —ĩre yicami Jesús. ⁴⁹ To yigune, yuajuare, ī buerimasare ĩacōari,

—Mua ñaja yu bederāma, yu jacore bajiro bajirāma. ⁵⁰ No bojarā yu jaco ō vecagu ī rotirore bajiro yirā, ĩna ñarāma yu bederāre bajiro bajirāma, yu jacore bajiro bajirāma —yuare yicami Jesús.

13

*Oterimasa ī bajirere Jesús ī gotimasio queti
(Mr 4.1-9; Lc 8.4-8)*

¹ Tirūmune, vi ñar'i, budiacōari, utabucara tuju yua rāca ejarūju ejacami Jesús. To bajicōari, masare gotimasio camí. ² Masa jājarābusa ina rējaquearo iacōari, cūmuaju vasājacōari, rujicami Jesús. Masajuama, utabucara tu rāgōcōacama ina. ³ To bajicōari, cojo queti me tuoīacōari, “Ado bajiro bajisere bajiro bajiaja” inare yigotigu ñari, ado bajise goticami:

– Sīgū oterimasu, veseju ote ajere otegu vacami. ⁴ Vese ejacōari, ote ajere i reabaterone, gajeye maaju vējaquearejo. To bajiri minia ejacōari, tire bareacōarāma ina. ⁵⁻⁶ Gajeyema, gūta joeju reajeoroja. Tijū, mojoroaca sita ti ñajare, guaro ti judidaboajaquēne muiju, asišiocōagūmi. To bajicōari, oco manijare, sinireacoatoja ti. ⁷ Gajeyema, jotayucú vatoaju vējaquearoja. To bajicōari, ti judiboajaquēne, jotajua bucaveocoatoja ti. ⁸ Gajeyema, sita quēnaroju vējaquearoja. To baji, judibucacōari, quēnase ñacōari, jairo rica cutiroja. Cojotō, cien ñaricari rica cutiejoroja. Gajetō sesenta ñaricari, gajetō treinta ñaricari rica cutiroja. ⁹ Tire mua ajimasirūajama, quēnaro tuoīaña mua –yicami Jesús.

“Ado bajiro yigu, gotimasiore queti gotirūgūaja yu”, Jesús i yire queti (Mr 4.10-12; Lc 8.9-10)

¹⁰ To i yiro bero, ado bajiro Jesúre sēniīacaju yua, i buerā:

– ¿No yigu gotimasiore queti tuoīacōari, inare gotirūgūati mu? – ĩre yisēniīacaju yua.

¹¹ To yua yirone, ado bajiro yuare cūdicami:

– “Ūju Dios yarā quēnaro i yirona yua ñaruajama, ado bajiro yiroti ñaja” ina yimasibeticatire, yucurema Dios i masise rāca ajimasijaja muama. To bajiboarine, gājerājuama, Dios i bojabetijare tire ajimasibeama. ¹² No bojagu Diore ajitirūnūgūre, “Quēnarobusa ajimasiasi” yigu, i masisere cōarucami Dios. Gājirema, ĩre ajigu ñaboarine, ĩre i ajitirūnūbetijare, i ajimasiboasere masiriojeocōarucami i. To bajiri ĩre masibetimasucōarucami i. ¹³ Masa ado bajiro bajirā ina ñajare, gotimasiore queti inare gotirūgūaja yu: Yu yīosere ĩarā ñaboarine, yu gotisere ajirā ñaboarine, ajimasicōari, “To bajiro manire yigotigu yatique”, yimasimenama. ¹⁴ Diore gotirētobosarisasu Isa'ias ñamasir'i mua bajiro tire yigu, Dios i ñagōmasisere ado bajiro yucamasifūmi:

“Yure ajirā ñaboarine, ajimasibeticōa ñaruarāma. Yu yīosere ĩarā ñaboarine, “To bajiro bajisere yigu yatique i”, yīamasibeticōa ñaruarāma.

¹⁵ Ado bajiro bajirā ñari, yu yere ajimasimena ñarāma ina: Gāmo gojeri tusubeti, to yicōari, caje ĩamenare bajiro bajirāma. To bajiro yu yijama, “Yu yere tuoīaruamena ñaama” yigu yaja yu. To bajirā ñari, tire quēnaro ajimasibeama. Yu yere ina tuoīaruajama, tire ajimasicōari, yu bojarore bajiro tuoīavasoacōari, yure sēnirūcububorāma ina. Yure ina sēnijama, yure ina cāmotadicōa tujaborotire inare yirētobosoboguja yu, yigotiami Dios”, yucamasifūmi Isa'ias ñamasir'i.

¹⁶ Variquēnaña muama. Yu yīosere tuoīacōari, yu bojarore bajiro tuoīavasoariarā ñari, tire yu gotimasiosere ajimasijaja muama. ¹⁷ Riojo muare gotijaja yu. Tirūmūju jājarā Diore gotirētobosamasiriarā yucu muare yu yīosere ĩaruamasiboayuma. Yu gotimasiosere mua ajisere ajiruamasiboayuma. To bajiri muama, jairo yu yīosere masirā ñari, to yicōari, yu gotimasiosere ajirā ñari, variquēnaña mua –yuare yicami Jesús, i buerāre.

Ado bajise tuoīacōari, “Oterimasu i bajire quetire gotibu yu”, Jesús i yire queti (Mr 4.13-20; Lc 8.11-15)

¹⁸ Quēna ado bajiro goticami Jesús:

– Ado bajise tuoīacōari, oterimasu i bajire quetire gotibu yu: Quēnaro ajiya mua. ¹⁹ Ote aje, maaju vējaquearere, minia ina barere yu yijama, “Ūju Dios yarā quēnaro i yirona ina ñaruajama, ado bajiro yiroti ñaja” yu yigotimasiosere ina ajiboasere, vātia uju ejacōari, guaro i masirosere yigu yibu yu –yuare yicami.

²⁰⁻²¹ – Gūta joeju vējaqueacōari, guaro judibucaboarere, muiju i asišiorere yu yijama, yu yere ajicōari, quēnaro variquēnase rāca ajirā ñaboarine, yoaro mene tire ina quejerotire, to yicōari, yu gotisere ajirā ina ñajare, gājerā rojose inare ina yijama, yoaro mene yu ocare ina ajitujarotire yigu yibu. ²² Jotayucú vatoaju vējaqueacōari, judiboarere jotajua ti bucaveorere yu yijama, yu gotisere ajirā ñaboarine, adi macarucuro ti bajisejuare tuoīarejairā ñari, to yicōari, gajeyēni bojatuoīarā ñari, yu yejuare tuoīatujacōari, yu bojarore bajiro yimenare yigu yibu yu. ²³ Sita quēnaroju vējaqueare judibucacōari, quēnase rica cutirere cojotō cien ñaricari, gajetō sesenta ñaricari, gajetō treinta ñaricari rica cutirere yu yijama, yu gotimasiosere ajimasicōari, Dios i bojarore bajiro quēnaro yirā yu ocare ina gotimasiosere suori, gājerā masa quēne yure ina ajitirūnurotore yigu yibu –yuare yicami Jesús.

Trigo vatoaju vidi judire queti

²⁴ “Masare Dios i beserirāmu ti ejaro ado bajiro bajiruaroja” yigu, gaje queti gotimasio camí Jesús:

—Sīgū ī ya vesejū trigo ajere otegumi. ²⁵ Ī otero bero, ĩre moabosarimasa ĩna cānitoye, ĩ ya vese ejacōari, vidi oterudigumi, ĩre ĩategu ĩari. To yigajano, vacoacumi ĩ. ²⁶ To bajiri trigo ti judibucato, vidi quēne ruyuaroja. ²⁷ To bajisere ĩacōari, ĩna ujure gotirā vanama ĩna. ĩ tu ejacōari, ado bajiro yirāma: “Yua uju, ĩno yiyo trigo rīne mu otecati ĩaboarine, vidi quēne judiri?”, yirāma, ĩna ujure. ²⁸ To ĩna yijare, “Sīgū yare ĩategu oterimi”, ĩnare yigumi ĩ. To ĩ yirone, “Ī Ado cōrone yua vūerearā vatire bojati mu?”, ĩre yisēniarāma ĩna. ²⁹ To ĩna yisere ajicōari, ado bajiro ĩnare yigumi ĩna uju: “Ī Vaebeba maji! Mua vūejama, ote rācane vūecōarāja mua. ³⁰ Trigo rāca bucuaocoajaro maji. Ti rica cuti bucuarō ĩacōari, tire jua bajirāne vūereacōari, soereacōaruarāja mua. Trigore juacōari, tire cūriavijū cūcōaruarāja mua”, ĩnare yirotigumi oterimasu —yigotimasioacumi Jesūs.

“Mostaza vāme cuti rica, ajeare bajiro bajijaja”, Jesūs ĩ yire queti
(Mr 4.30-32; Lc 13.18-19)

³¹ Quēna ado bajiro gotimasioacumi Jesūs:

—“Rotimūorūgōrucija mu” yigu, Dios ĩ cōagū, yu gotimasiosere no bojarā ĩna ajitirānūjama, muare yu gotisere mojoroaca ajimasioarine, rojose ĩna ĩnare cutisere tuoĩvasoacōari, tocārācarāmuri quēnaro ĩnamujarūgūcōari, quēnaro ajimasimujarūgūjama, ado bajiro bajiruaroja: Sīgū ī ya vesejūre mostaza ajea otegumi. ³² Gajeye ote aje rētoro rūjaricaca ĩnaroja ti mostaza ajeaca. To bajiri ĩ oterica mojoricaca ĩaboarine, ti judibucacoajama, ote yucāri rētoabusaricū jairicū ĩnaroja tiu. Jairicū ti ĩnare, tiu rūjariju minia ĩna ria cutirotijurire quēnorāma ĩna —yigotimasioacumi Jesūs. ^e

“Pan vauvasere bajiro bajijaja”, Jesūs ĩ yire queti
(Lc 13.20-21)

³³ Quēna ado bajiro gotimasioacumi Jesūs: “ ‘Rotimūorūgōrucija mu’ yigu, Dios ĩ cōagū, yu gotimasiosere no bojarā ĩna ajitirānūjama, muare yu gotisere mojoroaca ajimasioarine, rojose ĩna ĩnare cutisere tuoĩvasoacōari, tocārācarāmuri quēnaro ĩnamujarūgūcōari, quēnaro ajimasimujarūgūjama, ado bajiro bajiruaroja” yigu, gaje gotimasiore queti goticami:

—Rōmio, pan quēnogoago, trigo vetare idiaji vasācōari, pan ūmato vauvasere vūogomo so. To so yijare, jairo vauvaroja ti. Tire bajirone bajiruaroja, Diore rotibosagure yare ajitirānūrā jājarābūsa mua būjuroti —ĩnare yigotimasioacumi Jesūs.

“Ado bajiro Diore gotirētobosarimasu ĩ yiuucasire ĩnare, gotimasiore queti gotirūgūjaja yu”, Jesūs ĩ yire queti
(Mr 4.33-34)

³⁴ Gotimasiore queti rāca rīne ĩnare gotimasiorūgūcumi Jesūs. ³⁵ Diore gotirētobosarimasu, “Ado bajiro bajiruaroja” ĩ yimasire ti ĩnare, to bajise gotimasiorūgūcumi. Ado bajiro ucamasifūmi Diore gotirētobosarimasu:

“Masare ĩnare gotigu, gotimasiore queti tuoĩacōari, ĩnare gotimasiorucumi. To bajiro yigu, adi macarucuro ti ruyuaroto rījorojune masiĩnamicoadirere gotimasiorucumi”, yiu-camasifūmi Diore gotirētobosarimasu Jesūre tuoĩa yugu.

Trigo vatoaju vidi judirema, “Ado bajiro yirūaro yaja”, Jesūs ĩ yigotimasiore queti

³⁶ To bajiro yigotigajanocōari, “Viju vacu yaja yu”, yisājacoacumi. To ĩ yi vatone, ĩre sayasājacaju yua quēne. Sājaejacōari, ado bajiro ĩre sēniacaju yua, ĩ buerimasa:

—Vidi judire quetire, “Ado bajiro yigu, to bajise yibu yu”, yuare yigotiya —Jesūre ĩre yicaju yua.

³⁷ To bajiro yua yijare, ado bajiro yuare goticami Jesūs:

—Trigo oterimasere yigu, yu masune yigu yibu yu, Dios ĩ roticōacacure yu yijama. ³⁸ Ī ya vesere yu yijama, adi macarucuro mani ĩnarojūre yigu yibu yu. Trigore yu yijama, yu yarāre quēnaro Dios ĩ yirāre yigu yibu. Vidire yu yijama, vātia uju, Satanās ĩ bojarore bajiro yirāre yigu yibu. ³⁹ Vidi oterudirimasire yu yijama, vātia uju Satanāre yigu yibu. Trigo ti bucatoju ĩna juarere yu yijama, adi macarucuro ti jedirotire yigu yibu. Trigo ti bucuarō, juarimasare yu yijama, āngel mesare yigu yibu, yicami Jesūs. ⁴⁰ Vidi juacōari, ĩna soereare bajiro bajiruaroja adi macarucuro ti jediroju. ⁴¹ To cōrone, Dios ĩ roticōacacu, Diore rotibosagu, āngel mesare cōarucija yu. “Yu yarā vatoaju ĩacōari, rojose yirāre, to yicōari, rojose ĩnare ūmato yirāre quēne juaāya” yigu, ĩnare cōarucija. ⁴² ĩnare juacōari, jeame yatibetimeju reacōaruarāma ĩna. Toju ĩacōari, buto rojose tāmuorā ĩari, guji pōguē, oti, yiruārāma ĩna. ⁴³ Āngel mesa, ĩnare ĩna reagajanoro bero, ado bajiro bajiruārāja mua: Mani jacu, “Quēnase

^e **13:32** Mostaza ajea ti bajire queti Jesūs ĩ gotirere, “Ado bajiro yirūaro yaja”, yiyujarā Dios oca masa ĩna ucamasirere buerētobudiriārā sīgāri: “Jesūs ĩ gotimasiosere ajitirānūrā ĩ ĩnariodo mojoroaca ĩaboarine, jājarā ĩna būjurotore yigu yiyuju Jesūs”, yiyujarā ĩna.

yirã ñaama” i yĩarã ñari, muiju i busurore bajiro busuruarãja. Tire mua ajimasiruajama, quẽnaro tuoiaña —yuare yicami Jesús.

Buto vaja cutisere i bujare queti

⁴⁴ Quẽna ado bajiro yuare goticami Jesús:

—Dios yarã quẽnaro i yirã mua ñase buto quẽnaja ti. To bajiro ti bajijare, sīgũ buto vaja cutise bujagure bajiro bajirãma Dios yarã ñaruarã. Sīgũ yere buto vaja cutisere sita vatoaju i yayiboarere bujagumi gãji. Tire bujacõari, quẽna tĩjũne tudiyayiocũgũmi. To bajiri, “Jairo vaja cuti ñaja” yivariquẽnagũ ñari, i gajeyeũni ñaro cõrone gãjerãre İsijeocõagũmi, gãjoa bujarũ. To yicõari, ti gãjoa rãca ti sita ujure vaja yigumi, sita vatoaju jairo vaja cutise i bujarere cuora. Tire bajiro bajirãma Dios yarã ñaruarã. “Adi macarucuroaye jediro yu tuoia bojaboase rẽtoro quẽnase ñaja Dios ye” yitũoiacõari, jediro i bojarore bajiro yirũgũrãma —yuare yigotimasiocami Jesús.

Buto vaja cutia, perla vãme cutiare i bujare queti

⁴⁵ Ti vãmere bajiro gaje queti ado bajiro yuare goticami Jesús:

—Dios yarã quẽnaro i yirã mani ñase quẽnaja ti. To bajiro ti bajijare, buto vaja cutia perla vãme cutiare bujagure bajiro bajirãma Dios yarã ñaruarã. Sīgũ gajeyeũni İsicudirimasu, perla vãme cutire sēnicudigũmi. ⁴⁶ To yicudigũne, gãji i cuoricare quẽnamasuricare bujagumi yuja. To bajiri tiare buto bojagu ñari, i gajeyeũni jedirore İsicõari, vaja sēnigũmi, gãjoa bujarũ. To yicõari, ti gãjoa rãca i bojaricare vaja yigumi yuja. Tire bajiro bajirãma Dios yarã ñaruarã. “Adi macarucuroaye jediro yu tuoia bojaboase rẽtoro quẽnaja Dios ye” yitũoiacõari, jediro i bojarore bajiro yirũgũrãma —yuare yigotimasiocami Jesús.

Vai sĩarimasa, vai quẽnarã rĩne İna besere queti

⁴⁷ Quẽna gotimasiore queti yuare gotimasiocami Jesús:

—Masare Dios i beserirãmu ti ejaro, vai sĩarimasa vaire İna beseriarore bajiro bajiruaroja. Vai sĩarimasa bajiu rãca İna vayaro, vai vãme cutirã ñaro cõro sãjarãma İna. ⁴⁸ İna sãjaro İacõari, jabuaju İnare tũamocũrãma. İnare beserãma. Bariarãrema jĩbuju juasãcõari, bayamanare reacõarama. ⁴⁹ To bajirone bajiruaroja macarucuro ti jediro. Angel mesa, masare beserã vadiruarãma. Quẽnarãre, rojorãre beserãrãma. ⁵⁰ Rojorãre İnare juacõari, jeame yatibetimeju reacõaruarãma. Toju ñacõari, buto rojose tãmuorã ñari, guji põguẽ, otĩ, yiruarãma İna —yuare yicami Jesús.

“Jesũre ajitirũnarã ñarãma Dios ocare tirũmuayere, mamere quẽne quẽnaro riojo gotimasiorã”, yire queti

⁵¹ Tire yuare gotigajanocõari, ado bajiro yuare sēniĩacami Jesús:

—¿Tire muare yu gotimasiose queti jedirore ajimasiati mua? —yuare yisēniĩacami.

—Ajimasiaja —İre yicudicaju yua.

⁵² To bajiro yua yijare, ado bajiro yuare goticami:

—To bajiri Dios oca masa İna ucamasire quẽnaro riojo gotimasiomasicõarãja mua. To yicõari, muare yu gotimasiosere ajimasirã ñari, tire quẽne quẽnaro riojo gotimasiomasirãja. To bajiro mua bajijama, vi uju gajeyeũni tirũmuju ñarere quẽne, mame i juarere quẽne quẽnocũrĩre bajiro bajirãja mua. İ ya viana İna cuobetijama, İnare İsigũmi. İ yirore bajirone mua yarãre quẽne İna ajimasiroti ti ruayajama, tirũmuayere, to yicõari, yucu yu gotisere quẽne quẽnaro riojo İnare gotimasioruarãja —yuare yicami Jesús.

Nazaret vãme cuti macaju Jesús i vare queti

(Mr 6.1-6; Lc 4.16-30)

⁵³ To bajiro yuare gotimasio gajano, yuare ũmato vacoacami Jesús. ⁵⁴ To bajivana, i ya macaju ejacaju yua. Toju Dios ocare İna buerivijure sãjajecõari, masare gotimasio ñacami. Quẽnaro i gotimasiosere ajicõari, no yimasibeticama İna:

—¿No bajicõari, to bajise gotimasiomasiati i? ¿No bajiro yicõari, İaĩañamanire yati? ⁵⁵ ¿Adi macagu yucũ moarimasu macu me ñatique İma? ¿Mar'ia macu me ñatique? ¿Santiago, José, Simón, Judas mesa gagũ me ñatique i? ⁵⁶ To yicõari, jediro mani vatoaju ñarã, ¿i bederã rõmiri me ñatique İna? To bajiri, ¿noju bueyujari añi? —Jesũre İre yicama İna, İ ya macana.

⁵⁷ To bajiri, “Ñamasugũ me ñaami. Mani ya macagu mani masigũ ñaami” yirã ñari, İre ajitirũnubeticama İna. To İna yirone, ado bajiro İnare goticami Jesús:

—Diore gotirẽtobosarimasu gajeroju Dios ocare i gotimasiocudijama, İre ajirũcũbuorãma. To bajiboarine, i ya macanare, i ya vianare quẽne Dios ocare i gotimasiojama, İre ajirũcũbuomenama —İnare yicami Jesús.

⁵⁸ To bajiri i ya macana, İre İna ajitirũnubetijare, İaĩañamanire jairo yĩomasibeticami.

14

Juan vāme cutigūre, masare oco rāca bautizarimasare ī rŭjoare īna jatarocare queti
(Mr 6.14-29; Lc 9.7-9)

¹ Cojorāmŭ Galilea sitana ūju, Herodes vāme cutigu, īaīaŭamani Jesūs ī yīiose quetire ajiyuju. ² To ī yīiŭasere ajicōari, īre moabosarimasare ado bajiro yiyuju:

—Juan vāme cutigu, masare oco rāca bautizarimasare, űagūmi quēna. Rijacoaboarine, tudicaticoarimi. To bajiri īaīaŭamani yīiōűagūmi ī —yitōiōaboayuju Herodes.

³⁻⁴ Juan ī sīaecoroto rījoro ado bajiro bajire ti űajare, to bajiro tŭoīaŭuju Herodes: Ī bedi Felipe manajore Herod'ias vāme cutigore ēmacōari, manajo cutiyuju Herodes.

To bajiro ī yire űajare, ado bajiro īre gotirūgūűuju Juan:

—Herod'iare mŭ manajo cutise quēnabeaja. Dios ī rotimasirere ajibeaja mŭ —īre yirūgūboayuju Juan.

Tire ajirŭabesuju ī manajo Herod'ias. To bajiri Juanre cōmemane siacōari, tubiberotiyuju Herodes. ⁵ To yicōari, īre sīarotirŭaboayuju. “Diore gotirētobosarimasŭ űaami Juan” masa īna yirūcubosere ajigu űari, bŭto gūiyuju. To bajiri īre sīarotimasibesuju.

⁶ Herodes ī ruyuariarāmŭ ejayuju. To bajiri, masare jirēōűuju ī, “Boserāmŭ yito” yigu. To yicōari, īna rējaro bero, Herod'ias maco, īna īaro rījorojuare basaīoűuju. So basasere īacōari, bŭto variquēnaűuju Herodes. ⁷ To bajiri,

—Riojo mŭre gotiaja yŭ. Tŭoīavasoabetirŭcŭaja. No bojase mŭ sēnijama, mŭre īsirŭcŭaja —sore yiyuju ī Herodes. ⁸ To bajiro ī yisere ajicōari, so jacojuŭa, “Ado bajiro īre yicŭdiya” so yi ocasājare, ado bajiro Herodere cŭdiyuju so:

—Yŭcŭacane Juan vāme cutigu, masare oco rāca bautizarimasŭ rŭjoare, bare jeobariabaja joeju jeocōari, yŭre īsigŭ vayá —īre yiyuju so.

⁹ To bajiro so yisere ajicōari, sutiritiyuju Herodes. To bajiboarine, ī jicōariarā īna ajiro rījorojuŭa, “Riojo mŭre gotiaja yŭ. No bojase mŭ sēnijama, mŭre īsirŭcŭaja” ī yicōare ti űajare, so sēnirore bajirone yiyuju. ¹⁰ Tubiberiaviŭŭ űagūre, “Juanre rŭjoa jataya”, īnare yiyuju. ¹¹ To bajiri, ī rŭjoare bare jeobariabaja joeju jeocōari, Herod'ias macore īsiűujarā īna. To yicōari, sojuŭa, jacore īsirētoűuju so yuja.

¹² Tī queti ajicōari, Herodes tŭju ejayujarā, Juan buerimasa. Ejacōari, ī rŭjŭri űaboarere āmivacōari, yujeyujarā. To īna yiro bero, yŭa tŭ ejacama īna, Jesŭre gotirā.

Masa, cinco mil űarāre Jesūs ī bare ecare queti

(Mr 6.30-44; Lc 9.10-17; Jn 6.1-14)

¹³ Juan oco rāca bautizarimasare īna sīare quetire ajicōari, jājarā masa yŭare īna sŭyajare, īna rāca űarŭabecŭ űari, cŭmŭajuŭa vasāja, yŭare ūmato jēacoacami, masa īna manībusaroju yŭare ūmato vacŭ. To bajiri ti macariana Jesūs ī vasere ajicōari, boeju jājarā variarāma, Jesūs ī ejarotijure vana. ¹⁴ To bajiri rocatu ejarāne, jājarā masa űarāre īacaju yŭa, boeju vacōari ejariarāre. Īnare īmaicōari, rijaye cutirāre īna juaejarāre caticocami Jesūs. ¹⁵ Rāioroto rījoro, ī tŭ ejacōari, ado bajiro yicaju yŭa, ī buerā:

—Jēre rāioato yaja. Masa manojŭ űaja. To bajiri īnare varotiya mŭ, “Masa cutoju bare vaja yibarā vajaro” yirā —īre yiboacaju yŭa.

¹⁶ To yŭa yisere ajicōari, ado bajirojuŭa yŭare yicami Jesūs:

—No yirā vamenama. Mŭane īnare bare ecaya —yŭare yicami Jesūs.

¹⁷ To ī yijare, ado bajiro īre yicŭdicaju yŭa:

—Bare maja yŭare quēne. Cojomo cōro pan, juarā vai cŭoaja yŭa —īre yicaju yŭa.

¹⁸ To bajiro yŭa yisere ajicōari, ado bajiro yicami:

—Adojŭa tire juaya maji —yŭare yicami.

¹⁹ To bajiri,

—Masare tatŭcuroju īnare rŭjiritiya —ī buerāre yŭare yicami Jesūs.

To yicōari, cojomo cōro űaricari pan, juarā vai űarāre juacōari, ō vecajuŭa īamŭocami. To yicōari, “Quēnaro yaja mŭ”, Diore īre yicami. To yicōari, tire iguesurebatecōari, ī buerāre yŭare īsicami. To bajiri yŭajuŭa, rŭjirāre īsibatocaju yŭa yuja. ²⁰ Sigŭ rŭyariaro mano quēnaro baŭsŭcutijedicōacama īna. Īna bagajanoro bero, īna barŭasere, yŭa juarēojama, juāmo cōro, gŭbo juā jēnituarō űarījiburi rŭyacaju. ²¹ Tire bacana cinco mil ūmŭa űacaju yŭa. Rōmiare, rīamasare quēne cōīabeticaju yŭa.

Oco joene Jesūs ī vare queti

(Mr 6.45-52; Jn 6.16-21)

²² Cŭmŭajuŭa yŭare vasājaroticami Jesūs. “Yŭre jēadiyuya. Maji masare tudirotigu yaja yŭ”, yicami. ²³ Īnare tudirotigajano, buroju majacoasuju, toju Diore sēniru. Ti rāioato bero, toju ī sigŭne űacōaűuju ī maji. ²⁴ Yŭajuŭama, utabŭcŭra jēana, sōju tira gudareco tusacaju yŭa. To yŭa tusatone, bŭto mino vacaju. To bajica yiro, sabetŭocōacaju tī. To bajiri jēatīmabeticaju. ²⁵ To

yua bajiñarone, busurocaroarijau yua tujm oco joene vadicami Jesús. ²⁶ Oco joeju i vadire ñarâne, ucacaju yua.

—Bajirocar'i vāti ñaami! —yivasācaju yua.

²⁷ To yua yiboajaquēne,

—Gübesa. Variquēnaña mua. Yune ñaja —yua yicami Jesús.

²⁸ To i yisere ajicōari, yua rācagu Pedro ado bajiro ñe yicadicami:

—Yu ujū, mune mu ñajama, oco joene mu tujū yare varotiya —ñe yicami Pedro.

²⁹ To i yisere ajicōari,

—Vayá mu —ñe yicami Jesús.

To i yisere ajicōari, vāgā, oco joeju vacami Pedro, Jesús tu ejaguacu. ³⁰ To bajiboarine, mino buto ti vasere ñacōari, güicami. To bajicōari, rujacōa suoacami yuja. To bajigune,

—Yu ujū, rujacu yaja yu. Yare ejarēmoguaya —yivasācami.

³¹ To i yirone, i amore ñiacōari, ado bajiro ñe yicami Jesús, Pedrose:

—¿No yigū, “Í ejarēmose rāca vamosirucaja yu”, yare yituoña tujacoajari mu? —Pedrose ñe yicami Jesús.

³² To yicōari, cūmuaju ña vasājarone, mino vatujacoacaju yuja. ³³ To yicōari, cūmuaju Jesús rñjorojna gñsomonari tuetucaju yua, ñe rñcubuoā:

—Socagu me ñaja mu. Dios macune ñaja —Jesúre ñe yicaju yua.

Genesaret sitanare rijaye cutirāre Jesús i catioire quieti

(Mr 6.53-56)

³⁴ To haji jēanane, Genesaret vāme cuti sitaju ejacaju yua. ³⁵ Ti macariana Jesús i ejasere ñamasicōari, masa jedirore gotibatoriarāma. To bajiri, masa rijaye cutirāre juajecama Jesús tujū. ³⁶ To ña yirā, ado bajiro Jesúre yicama ña:

—Mu ye sudi gaja yare moaiarotiya. Ti rñe bojaja yua. To bajiro yua yijama, caticoararāja yua —ñe yisēnicama.

To bajiri, i sudi gajare moaiarāma, caticoacama.

15

“Masa ña yisere ñacōari, ‘Rojorā ñaama’ yire me ñaja. Ña tuoñasejuare masicōari, ‘To bajiro yirā ñaama’ yire ñaraja”, Jesús i yigotimasiore quieti

(Mr 7.1-23)

¹ Fariseo masa, to yicōari Dios i rotimasire gotimasiorimasa quēne ejacama, Jesús tujū. Jerusalénju vadiriarā ñacama. Jesús tu ejacōari, ado bajiro ñe sēñiacama ña:

² —¿No yirā mani ñicua ña yimasiriarore bajiro yibeati mu buerimasa? Ña baroto rñjoro, ña amori coemasiriarore bajiro coebeama ña —ñe yicama ña.

³ To bajiro ña yijare, ado bajiro ñare cudicami Jesús:

—Mani ñicua ña rotimasirejuare cudirā ñari, Dios i rotimasusejuarema cudibeaja mua.

⁴ Ado bajiro gotiaja Dios i rotimasire: “Mu jacure, mu jacore quēnaro rñcubuoaya”. To yicōari, gaje vāme ado bajiro yaja: “No bojagu, i jacure, i jacore, ‘Rojose tāmucuararāja mua’ ñare i yijama, ñe sñaroti ñaja”, yigotiaja Dios i rotimasire. ⁵⁻⁶ Muajuama, ado bajirojna rotiaja mua:

“Í ye rāca i jacure i ejarēmobetijama, quēnacōaja. Yu gajeyeñi yu cuose Diore yu ñiroti rñe ñaja. To bajiri muare ejarēmomasibeaja yu’ yicōari, i jacure i ejarēmobetijama, quēnacōaja”, yirotiaja mua. To bajiro mua yijama, mani ñicua ña rotimasirejuare cudirā ñari, Dios i rotisejuarema cudibeaja mua. To bajiro mua yijama, “Ñie vaja maja Dios oca”, yirā yaja mua. ⁷ “Quēnaro yirā ñaja yua” yiboarine, rojorā ñaja mua. Diore gotirētosarimasa, Isaías ñamasir'i, mua bajiroire quēnaro tuoñacōari, ado bajiro ucamasifñumi:

⁸ “Ña oca masune yirā, quēnaro yare yirñcubuoama ña. To bajiro yirā ñaboarine, yu bojarore bajiro tuoñabeama.

⁹ Yu yere buecōari, ña masu ña tuoñasere gotimasioama. Tirene, ‘Dios i rotise ñaja’ yiboama. To bajiri, yare ña rñcubuoaboase vaja, ñie vaja bujamenama ña”, yucamasifñumi Isaías, Diore gotirētososagu —yigoticami Jesús.

¹⁰ To i yiro bero, masare jicōari, ado bajiro ñare yicami Jesús:

—Yure ajicōari, quēnaro ajimasifña mua. ¹¹ Dios i ñajama, mani ñicua ña yimasiriarore bajiro amo coemenane mani base suori me rojose yirāja mani. Rojose tuoñacōari, rojose mani ñagōsejua ñaja rojose mani yise. “Ti suorine rojose tāmucuararāja mani”, yimasiriona ñaja mua —ñare yicami Jesús.

¹² To bajiro Jesús i yisere ajicōari, ado bajiro ñe yicaju yua:

—¿Tire mu gotisere fariseo masa mare ña ajjñunisinisere masibeati mu? —ñe yicaju yua, i buerimasa.

¹³ To bajiro yua yiro, ado bajiro yare yicami Jesús:

—Ī ya veseju ote ĩ otere tu vidi ti judijama, ti ñe rãcajune vuereacõarucumi. To bajirone yirucumi yu jacu quẽne. “Yu yarã me ñaama” yigu ñari, ñare reacõarucumi Dios. ¹⁴ To bajiri fariseo masare tuoĩagũibesa mua. Ña ñarãma ñamena gãjerã ñamenare tũa vanare bajiro bajirã. Sigũ ñabecu, gãji ñabecure ĩ tũavajama, gojeju reasãcõanama ña juarãjune. To bajiri rojose ña bajirotire masirã ñari, ñare tuoĩagũibesa mua —yuare yicami Jesús.

¹⁵ To ĩ yirone, ado bajiro ĩre yicami Pedro:

—Mu gotimasosere quẽnaro yuare gotirẽtobuya —ĩre yicami.

¹⁶ To ĩ yisere ajicõari,

—¿Ajimasibeati mua quẽne? —yicami. ¹⁷⁻¹⁸ —Mua basãse mua gudajoaju vatoja ti. Tiju bero, rõtobudiroja ti. To bajiri muare rojose yimasibeaja ti. To bajiboajaquẽne, mua ñagõjama, tuoĩacõari, ñagõaja mua. To bajiri rojose mua tuoĩajama, ti suorine rojose tãmuõuarãja mua. ¿Tire quẽnaro ajimasibeati que mua? ¹⁹ Masa, rojose tuoĩacõari, ado bajise rojose yirãma: Gãjerãre sãarãma ña. Manajo cutirã, manaju cutirã, manajo mana, manaju mana quẽne, gãjerã rãca ajeriarã cutirãma. Juarudirãma. Socarãma ña. Gãjerã ajiro rĩjoroju, socarãne, “Ado bajise rojose yima”, yigotirãma. ²⁰ To bajise rojose yirãma masa, rojose tuoĩacõari. Ti suorine rojose tãmuõuarãma. Baroto rĩjoro, ñmori mani ñicua ña coemasiriarore bajiro coebeti suori me, rojose tãmuõuarãma masa —yuare yicami Jesús.

Jud'io maso me Jesúre so ajitirãnare queti

(Mr 7.24-30)

²¹ Gotigajanocõari, yuare ũmato vacoacami Jesús, Tiro, to yicõari Sidón vãme cuti macari taju vana. ²² Toju yua ejaro bero, sigõ cananeo maso, Jesús tajuare avasã vaducamo so:

—Yu uju, David ñamasir'i jãnami, “Rotimõorũgõrucuja mu” yigu, Dios ĩ cõar'i ñaja mu. Yuare ñamaña. Yu maco so usuju vãti sãñagõ ñaamo. To bajiri buto rojose tãmuõoamo —Jesúre yigoticamo so.

²³ To bajiro so yiboajaquẽne, sore cudibeticami Jesús. To bajiri ado bajiro Jesúre yicaju yua, ĩ buerimasajuama:

—Sore varotiya mu. Gõjanabioro manire avasã suyaamo —ĩre yiboacaju yua.

²⁴ To bajiro yua yirone, ado bajiro sore yicami Jesús:

—Yu yarã jud'io masa, oveja mavisarãre bajiro bajirãma. Ñare yure ejarẽmoroticõacami Dios —sore yicami Jesús.

²⁵ To bajiro ĩ yisere ajicõari, ĩ rĩjoroju gusomuniari tuetuejacamo so, ĩre rãcũbuogo. To yicõari, ado bajise ĩre yicamo:

—Yu uju, yure ejarẽmoña —ĩre yicamo so.

²⁶ To bajiro so yiboajaquẽne, ado bajiro sore yicami Jesús:

—To bajiro yu yijama, rĩamasa ña basere emacõari, yaiare ecagure bajiro yiguja yu —sore yicami.^f

²⁷ To bajiro ĩ yisere ajicõari, ado bajiro ĩre yicamo so:

—Yu uju, riojo gotiaja mu. To bajiboarine ña ujarã ña bavẽjasere barãma yaia —Jesúre ĩre yicamo so. “Yuã quẽne, jud'io masa me ñaboarine, mojoroaca yuare mu ejarẽmojama, quẽnaja” yigo, to bajise ĩre yicamo so.

²⁸ To bajiro so yisere ajicõari, ado bajiro sore yicami Jesús:

—“Yuare ñamaicõari, ejarẽmorucumi”, yure yituoia tujabeco masu ñaja mu. To bajiro mu yituoãse ñajare, mu maco usuju sãñagũre vãtire ĩre burocacõaja yu —sore yicami Jesús.

To bajiro ĩ yirirĩmarone, quẽnaejacoasuju so, viju ñario.

Jãjarã, rijaye cutirãre Jesú ĩ cãtiore queti

²⁹ To ĩ yiro bero, Galilea vãme cutirita taju vacaju yua, Jesúrãca. Toju ejacõari, buroju majacaju. Toju maja, joe jeaejacõari, ejarũjucoacaju. ³⁰ To yua bajiro ñacõari, Jesús ture jãjarã masa ejacama, rijaye cutirãre juaejarã. Ña juaejacana ado bajiro bajirã ñacama: Rujasagueri vana, jeariarã, ñamena, ñagõmena, to yicõari, jãjarã gajeye rijaye cutirã ñacama. ĩ tu ña ejarone, ñare cãtiocami Jesús. ³¹ Ñagõmena ñaboariarã, ñagõcoacama. Rujasagueri vaboariarã, quẽnaro vacama. ñamena ñaboariarã, ñacoacama. Jeariarã quẽne, quẽnaejacoacama. To bajiro bajisere ñacõari, no yimasibeticama masa, ti ũnire ñabetirũgũriarã ñari. To bajiri Diore quẽnaro rãcũbuo variquẽnacama ña, “Ī ñagũmi quẽnaro yigu, jud'io masa yua rãcũbuogu” yirã.

Masa, cuatro mil ñarãre Jesú, bare ĩ ecare queti

(Mr 8.1-10)

³² Ī buerãre yuare jicõari, ado bajiro yicami Jesús:

^f 15:26 Ado bajiro yigu, to bajise sore yiyuju Jesús: “Jud'io masare ejarẽmobecane, gãjerãjuare yu ejarẽmojama, quẽnabeaja” yigu, to bajise yiyuju.

—Ado ñaräre ñamaiaja yu. Idiarümü tusaju yuja, yu rāca ñna ñaro. To bajicōari, bare maama. Bamenane ñna ya viriju ñna tudiasere bojabeaja yu. Ñnare yu tudirotijama, bamenane ñna vajama, varütu vanane, ñiorijarā ñari, rijavējaborāma —yuare yicami Jesús.

³³ To bajiro ī yirone, ado bajiro ĩre yicaju yua:

—Ado, masa manojū ñaja. No bajiro masa ñaro cōro ñna barotire bare bujamasifna manoja —ĩre yicaju yua.

³⁴ To yua yirone,

—¿No cōro jairo pan cōoati mua? —yuare yicami.

—Cojomo cōro jua jēnituaro ñaricari ñaja. To yicōari, vai mojoroaca ñaama —ĩre yicaju yua.

³⁵ To yua yirone, rācacane masare rujiroticami Jesús. ³⁶ To yicōari, pan cojomo cōro jua jēnituaro ñaricari ñasere, vaire quēne juacōari, “Quēnaro yaja mu”, Diore ĩre yivariquēnacami. To yicōari, tire iguesurebatecōari, yuare ĩsicami. To bajiri yuajua, rujiřäre ĩnare ĩsibatocaju yua yuja. ³⁷ Sīgū ruvariario mano baususcutijedicōacama. Ñna bagajanoro bero, ñna baruasere yua juarēojama, cojomo cōro jua jēnituaro ñariburi ruycacaju. ³⁸ Tire bacana cuatro mil ũmua ñacaju yua. Rōmiare, rīamasare quēne cōiabeticaju yua. ³⁹ To yigajanocōari, masare tudiroticami Jesús. To bajī, cūmuane Magadán vāme cutī macaju vacaju yua.

16

“Īlañamani yuare yīoña”, Jesúre ñna yiboare queti

(Mr 8.11-13; Lc 12.54-56)

¹ Fariseo masa, saduceo masa quēne, Jesúre ĩarā ejacama ñna. Ejacōari, ĩre sēñiacama, “Cudimasibeticōari, rojose tāmooato ĩ” yirā:

—“ ‘Dios ĩ cōagū ñaami’ yure yimasiato” yigu, ō vecaye ĩañamani yuare yīoña —yisēñiboacama.

² To ñna yiboajaquēne, ado bajiro ĩnare cudicami Jesús:

—Rāioriju, ũmuagaseero ti sūaro ĩacōari, “Busiyu, quēnarirümü ñaruroja”, yaja mua.

³ Busuriju ñibiaticōari, bueri ti sūayujijama, “Adirümü, oco quediruroja”, yīamasajaja mua. No bojarirümü, ũmuagaseero ĩacōari, “Quēnarirümü, rojorirümü ñaruroja”, yīamasajaja. To bajiro yīamasirā ñaboarine, ñamasusejuare ĩamasibeaja mua. Adirūmari yu yisere ĩarā ñaboarine, “Dios ĩ roticōar’i ñari, yami”, yīamasibeaja mua. ⁴ Mua adirodoriana, rojose yirā, Diore mua gotirote bajiro yimena ñaja mua. To bajirā ñari, “Īañamani mu yīose bojaja”, yure yisēñiboaja mua. To bajiro mua yiboajaquēne, to bajise muare yīobetrucaju. To bajiboarine Jonás ñamasir’i Diore gotirētosarimasu ĩ bajimasirere bajiro muare bajioroti ñaroja —ĩnare yicudicami Jesús.

To bajiro ĩnare yicōa, ĩnare jēaveocoacaju yua.

Fariseo masa panre vauvasere bajiro ñna bajire queti

(Mr 8.14-21)

⁵ Ūtabucara gajejacatujaju jēaejacōari,

—Mani baroti pan masiriticoayuja mani —yua masune gāmerā yīñacaju yua.

⁶ To yua yiro, ado bajiro yuare goticami Jesús:

—Fariseo masa, saduceo masa “Pan vauvato” yirā ñna vuosere quēnaro ajicōiña mua —yuare yicami.

⁷ To ĩ yisere ajimasimena ñari, yua masune ado bajiro gāmerā yicaju yua:

—Pan mani masiritijare, to bajise gotigu yigumi —gāmerā yicaju yua.

⁸ To bajiro yua yitaoñasere masicōari, ado bajiro yuare yicami Jesús:

—¿No yirā, “Pan maja manire”, yati mua? “Pan ti maniboajaquēne, manire ĩamaicōari, quēnaro ejarēmorcami Jesús”, ¿yure yitaoñabeati mua? ⁹ ¿No yirā ajimasibeati mua maji? Cojomo cōro ñaricari panre bujuocōari, cinco mil masa ñaräre ecacaju yu. Ñnare yu ecaro bero, jairo baruarajiburi ruycacaju, ¿Tire masiritiati mua? ¹⁰ Tiju bero, quēna cojomo cōro jua jēnituaro ñaricari panre bujuocōari, cuatro mil masa ñaräre ecacaju yu. Ñnare yu ecaro bero, jairo baruarajiburi ruycacaju. ¿Tire quēne masiritiati mua? ¹¹ No yirā ajimasimena masu ñamenaja mua tia. Jēju, “Fariseo masa, saduceo masa, ‘Pan vauvato’ yirā, ñna vuosere quēnaro ajicōiña” yu yijama, “Pan juabesuma” yigu me yību yu —yuare yicami Jesús.

¹² To ĩ yijare, ajimasicaju yua yuja. “ ‘Fariseo masa, saduceo masa, ‘Pan vauvato’ yirā ñna vuosere quēnaro ajicōiña’ yuare yigu, ‘Ñna gotimasiosejuare quēnaro ajicōiñamasifna, ‘Ñnare bajiro bajimavisiarobe’ yirā’ yire ũnire yuare gotimasioğū yiboayujari Jesús”, yiajimasicaju yua yuja.

“ ‘Rotimorogōrucami’ yigu, Dios ĩ cōar’i ñaja mu”, Jesúre Pedro ĩyire queti

(Mr 8.27-30; Lc 9.18-21)

¹³ To yī varūtu vanane, Cesarea de Filipo vāme cūti sitajure ejacaju yua, Jesúrāca. Toju ejacōari, ado bajiro yuare sēniācamī Jesús:

—Yure, Dios ī roticōacacure, žñimū űaami yure yati ĩna, masa? —yuare yisēniācamī Jesús.

¹⁴ To bajiro ī yisere ajicōari, ado bajiro ĩre cudicaju yua:

—Sīgūri, “Juan vāme cutigu, masare oco rāca bautizarimasu, tudicaticōari bajigūmi quēna”, mure yama ĩna. Gājerāma, “El'ias űamasir'i űagūmi”, yama ĩna. Gājerājuama, “Jerem'ias űamasir'i űagūmi”, yama. Gājerājuama, “Gāji, Diore gotirētobosamasir'i űagūmi”, mure yama ĩna —Jesúre ĩre yicudicaju yua.

¹⁵ To bajiro yua yirone,

—Muama, žñimū űaami yure yati mua? —yuare yisēniācamī.

¹⁶ To ī yisere ajicōari, ado bajiro yicami Simón Pedro:

—Mu űaja rojose yua tāmūborotire yuare yirētobosacōari, rotimūorūgōrocu, Dios ī cōar'i. Masirētogū, Dios macu űaja mu —Jesúre ĩre yicudicami.

¹⁷ To ī yisere ajicōari, ado bajiro ĩre yicami Jesús:

—Quēnaro riojo gotiaja mu, Simón, Jonás macu. Variquēnaűa mu. Tire gotigu, masu ī masise suori me tire gotimasiaja mu. Ő vecagu yu jacu ī masise rāca tire gotimasiaja mu. ¹⁸ Ado bajiro mure gotiaja yu: Mu vāme űaja Pedro. “Gūta” yirūaro yaja ti “pedro” ti yijama. Mu gotimasiose suorine jājarā masa, yure ajitirūnūcōari, rējarūgūruarāma ĩna. Yure ajitirūnūrā ĩna űajare, vāti yarā, “Bajireacōa tujajaro ĩna” yirā, rojose ĩnare yimasibetiruarāma ĩna. ¹⁹ To bajiri, ado bajiro mure gotiaja yu: Ūmūagase ro soje jānariaro cuogure bajiro mure cūrūcūja yu. To bajiri, masare ĩacōari, ado bajiro ĩnare yimasirūcūja mu: “Ānoa to bajiro yirā űari, Ūju Dios yarā quēnaro ī yirā űaruarāma. Ānoajua, to bajiro yirā űari, Dios yarā me űaama”, ĩnare yimasirūcūja mu. Adi sitaju yure rotibosagu űaruūcūja mu. To bajiro yigu űari, “Ado bajiro mua yijama, Dios yarā űaruarāja mua. Ado bajirojua mua yijama, Dios yarā me űaruarāja mua”, yimasirūcūja mu —ĩre yicami Jesús.

²⁰ To bajiro Pedroro ĩre yigotigajanocōari, ado bajiro yuare yicami:

—Īne űaami “‘Rotimūorūgōrūcūmi’ yigu, Dios ī cōar'i”, gājerāre ĩnare yigotibeja —yuare yicami Jesús.

*“Yure űaruarāma”, Jesús ĩ yire queti
(Mt 8.31-9.1; Lc 9.22-27)*

²¹ To ī yiro bero, Jerusalēnju ī bajirotire ado bajiro yuare gotimasiosūocami Jesús:

—Jerusalēnju varoti űaja yure. Toju yu ejaro, bucūrā, paia ujarā, to yicōari, Dios ī rotimasire gotimasiorimasa quēne, rojose yure yicōari, yure űaruarāma ĩna. Yure ĩna űaboajaquēne, idiarūmu tusatirūmune yure cationūcūmi Dios —yuare yisuocami Jesús. ²² To ī yisere ajicōari, ricatū ĩre ĩcāmotocōari, ĩre yiboacami Pedro:

—Yu uju, to bajiro mu bajirotire bojabecūmi Dios. ĩto bajiro mu bajiroti, mure bajibeticōato! —ĩre yiboacami Pedro.

²³ To ī yisere ajicōari, judarūgūgūne, ado bajiro Pedroro ĩre goticami Jesús:

—ĩSatanās, vasa mu! Vātia ujure űagōbosagu yaja mu. To bajiro yibesa. “Dios ī bojarore bajiro yibeticōato” yigure bajiro yaja mu. To bajiro mu yijama, Dios ī tuoiarore bajiro me tuoiaja mu. Masa ĩna tuoiarore bajiro tuoīagū yaja —Pedroro ĩre yicami Jesús.

²⁴ To yicōari, ado bajiro ī buerāre yuare yicami Jesús:

—No bojagu yu yu ī űaruajama, ī bojasere ī ye űarotire tuoīabecūne, “Jesúre bajiro rojose tāmūorūcūja yu quēne” yituoīacōari, yujuare ajisūyarūcūmi. ²⁵ No bojarā, ĩna bojaro űare cutirāma, adi macarūcūrore űasere ĩvariquēnacōari, Diore tuoīamenama, Dios ī catisere yayibetire cuomena űaruarāma ĩna. To bajiboarine, yure ajitirūnūrā, yu oca ĩna gotisere ajijūnisinicōari, ĩna űaruarāma, Dios tu quēnaro űarona űarāma. ²⁶ Sīgū adī macarūcūroju gajeyeūni jediro ī bujaboajaquēne, beruju rojose tāmūotujabetiriaroju ī vajama, gajeyeūni ī bujaboare, űie vaja manojā. űiere Diore ĩsimasibecūmi, “Ī rijato berojūma tudirijabeticōato” yigu, “Dios ī catisere yure ĩsatio” yigu. Mani rijato berojūma “Tudirijabeticōato” yigu, Dios ī catisere ĩsise cōro vaja cuti manojā. ²⁷ Yu, Dios ī roticōacacu űacōari, “Quēnarētogū űaja yu”, yu jacu ī yūiorore bajiro yigu űari, ī bususe rāca tudiejarūcūja yu. Yu rāca vadiruarāma Dios ī cōarā, āngel mesa. Tudiejacōari, masa ĩna yisere ĩacōari, “To bajiro yirā űari, quēnase bujarā, rojose tāmūorā bajiruarāja mua”, ĩnare yirūcūja yu. ²⁸ Riojo muare gotiaja yu. Mua sīgūri mua bajireabetone, “űajediro uju űaami yu roticōacacu” Dios muare ī yūiosere ĩaruarāja mua —yuare yicami Jesús. 8

8 **16:28** Dios oca masa ĩna ucamasirere buerētoburimasa sīgūri ado bajiro yicama ĩna, 16.28 gotirijure: “ ‘űajediro uju űaami yu roticōacacu’ Dios muare ī yūiorotire’ Jesús ī yijama, ī buerimasa sīgūri ĩna ĩaro rījorojua Jesús ī godovediiorere yigu yirimi”, yicama Dios ocare buerētoburimasa sīgūri.

17

Ī buerimasa ĩna ĩaro rĭjorojua Jesús ĩ godovediĭore queti
(Mr 9.2-13; Lc 9.28-36)

¹ Cojomo cōro, coja jēnituarirāmū bero, Pedro, Santiago, ĩ bedi Juanre quēne ūmuariburo joeju ĩnare ūmato vacami Jesús. ² Toju ĩna ejaro, ĩna ĩaro rĭjorojua, Jesús rioga busucoasuju ti. Ĕmuaġu muĭjure ĩacānamuriare bajiro cajemose busuyuju ti. To yicōari, sudi ĩ sāñase quēne buto boticoasuju ti. ³ To bajicōari, Moisés ñamasir'i, El'ias ñamasir'i rāca Jesús tu ruyuarūġucōari, ĩ rāca ĩna ġāmerā ñaġōsere ĩañujarā ĩna, Pedro mesa. ⁴ To bajiro ĩna bajisere ĩacōari, ado bajiro Jesúre yiyuju Pedro:

—Yū ūju, adoju manī ñajama, quēnamasucōaja. Mū bojjama, mūa ñaro cōrone vijāiri muare buabosarucuja yū. Mū yajāi, El'ias yajāi, to yicōari, Moisés yajāi buabosarucuja —Jesúre yiboayuju Pedro.

⁵ To bajiro ĩ yiririmarone, bueri buto cajemose ĩnare buebibecōañuju ti. Ti bueri vatoaju ado bajiro ocaruyuju:

—Ānine ñaami yū macu, yū maigū. Īre buto ĩavariquēnaja yū. Īre quēnaro ajitirūñaña mūa —yi ocaruyuju.

⁶ To bajiro yi ocaruyusere ajicōari, buto ġūiyujarā ĩna Pedro mesa. Buto ġūirā ñari, muqueacoasujarā ĩna. ⁷ To bajiro ĩna bajisere ĩacōari, ĩna tu vacōari, ĩnare moañaju Jesús. ĩnare moañagūne, ado bajiro yiyuju:

—Vūmurūġūña. ġūibesa mūa —ĩnare yiyuju.

⁸ To bajiro ĩ yiro bero, ĩamuooyujarā. El'iare, Moisére ĩnare ĩabujabesujarā. Jesús siġūne ñañuju ĩ yuja.

⁹ To bajiro bajicōari bero, ti buro ĩnare ūmato rojacūne, ado bajiro ĩnare rotiyuju Jesús:

—Jēju mūa ĩasere ġājerāre gotibeja maji, yū, Dios ĩ roticōacacu, yū rijato bero, quēna yū tudicatiroto rĭjore —ĩnare yiyuju Jesús.

¹⁰ To ĩ yijare, ado bajiro Jesúre sēniñañujarā ĩna:

—ĤNo yirā, “Rotimūorūġōrūcūmi” yū, Dios ĩ cōarocu ĩ ejaroto rĭjoro ejarūcūmi El'ias ñamasir'i”, yati ĩna Dios ĩ rotimasire gotimasiōrimasa? —Īre yisēniñañujarā ĩna.

¹¹ To ĩna yijare, ado bajiro ĩnare cudiyuju Jesús:

—Riojo yiyuma Dios ĩ rotimasire gotimasiōrimasa, “El'ias ñamasir'i ejasuorūcūmi” ĩna yijama. “Rotimūorūġōrūcūmi” yū, Dios ĩ cōarocu, ĩ ejaroti ñajare, “Jediro Dios ĩ bojarore bajiro yirā, quēnaro ñayuto manī” yū, ejasuorūcūmi. To bajiro ĩ bajiroti ñajare, Dios ĩ rotimasire gotimasiōrā, ĩna gotiri vāmere bajirone yaja Dios oca masa ĩna ucamasire quēne. ¹² “To bajiro yaja” yimasirā ñaboarine, ĩ ejaro ĩre ĩamasibesuma ĩna. Jēre ejayumi. To ĩ bajiboajaquēne, ĩna bojarore bajiro rojose ĩre yiyuma. Yū, Dios ĩ roticōacacūre quēne, to bajirone yūre yiruarāma —ĩnare yitudioja vayuju Jesús.

¹³ To bajiro ĩ yisere ajimasicōari, “El'ias ñamasir'ire ĩ yijama, Juan vāme cutiġu, masare oco rāca bautizarimājuare gotiġu yami, ĩre bajiro tūoĭar'i ĩ ñajare”, yiajimasinujarā ĩna Pedro mesa.

Masū usujū sāñagūre vātire Jesús ĩ burocare queti
(Mr 9.14-29; Lc 9.37-43)

¹⁴ Ti buroju majariarā, yūa tu rojaejacama ĩna quēna. Jājarā masa ñacama yūa rāca. Jesús ĩ tudiejasere ĩacōari, ĩ rĭjorojua ġusomuniari tuetucami siġū. To yicōari, ado bajiro Jesúre yicami:

¹⁵ —Yū ūju, yū macūre ĩamaña mū. Biyarocā rijaquedirūġūami. To bajica yū, buto rojose tāmūorūġūami. Cojoi me jeameju rocatĭacōarūġūami. To bajicōari, oco vatoaju quēne rācaroacōarūġūami. ¹⁶ Mū buerā tu ĩre āmiejaboabu yū. ĩ usujure sāñagūre vātire burocamasimemā ĩna —Jesúre yicami.

¹⁷ To ĩ yisere ajicōari, ado bajiro yicami, yūare ĩ buerimasare, to yicōari, ĩre ajirā ejarāre quēne:

—Rojosere tūoĭarā ñari, Diore ajitirūnumena masu ñacōaja mūa. ĤNo cōroju muare gotimasio tujaguti yū? Yoaro mūa rāca yū ñaboajaquēne, yū masisere muare yū ūjosere ajitirūnūbeaja mūa maji —yūare yicami Jesús. To yigūne, —Adojua vāti sāñagūre ĩre āmiaya —yicami Jesús.

¹⁸ Īre ĩna āmiejarone, ĩ usujū sāñagūre vātire burocacōacami Jesús. Vāti ĩ budiririmarone, catiquēnagū ñacoacami daqueguja.

¹⁹ To ĩ yiro bero, ricati cāmoticōari, Jesúre ado bajiro ĩre sēniñacaju yūa:

—ĤNo yirā daquegu usujure sāñagūre vātire burocamasibeti yūa? —Īre yicaju yūa.

²⁰ To bajiro yūa yisere ajicōari, ado bajiro cudicami Jesús:

—“Dios ĩ ejarēmose rāca burocārārāja” yitūoĭamena ñari, vātire burocamasibesuja mūa. Riojo muare gotiaja yū: “Mojoroaca yimasirā ñaboarine, Dios ĩ ejarēmose rāca yimasicōarāja”

yirā, i burore, “Gajeroju vasa” mua yirotijama, to bajirone bajiruaroja ti. Nĭejuā mua yimasibeti maniraroja. ²¹ To bajiboarine, jĕju yu burocagure bajiro bajirāre mua burearujama, bare bamenene Diore sĕnicĕari rĭne bureamasiruarāja mua —yure yicami Jesūs.

“Yure sĭaruarāma”, Jesūs ĭ yigotibabore queti
(Mr 9.30-32; Lc 9.43-45)

²² Galilea sitaju vana, gāmerā cāmotadiri mene cojojūnane Jesūrāca vacudicaju yua. To bajiro yure ūmato bajicudigune, ado bajiro yure yicami Jesūs:

—Yure Dios ĭ roticĕacacure masare ĭsirocacucami sĭgū. ²³ To bajiro ĭ yijare, yure sĭaruarāma ĭna. Yure ĭna sĭaboajaquĕne, idiarāmu tusatirāmune yure catorucami Dios —yure yicami Jesūs.

To bajiro ĭ yisere ajicĕari, buto sutiriticaju yua, ĭ buerā.

Diore yirĕcuburiavire boarijaurire quĕnoruarā, vaja sĕnirimasa, Pedrore ĭna sĕnĭlare queti

²⁴ To ĭ yiro bero, Capernaum vāme cuti maca ejacaju yua, Jesūrāca. Toju yua űaro, Diore yirĕcuburiavire boarijaurire quĕnoruarā, vaja sĕnirimasa, Pedrore sĕnĭlarā ejayujarā, macajĭju:

—Ķmure gotimasiorimasama, Diore yirĕcuburiavi quĕnoroti vaja ĭsibecuti ĭ? —Pedrore ĭre yisĕnĭarujarā ĭna.

²⁵ —ĭsirucami —yicudiyuju Pedrojuama.

Tiju bero, viju sĭajaeacĕari, vaja sĕnirimasa ĭna sĕnĭlarere ĭ gotibetone, Jesūjuā, ado bajiro Pedrore ĭre boca yicĕacami:

—Simón, Ķno bajiro tuoĭati mu? ĶAdigodoana ujarā, űimarājuare vaja yirotiati? Ķĭna yarārene gāmerā vaja sĕniatique? ĶGajero vadiriarājuare vaja yirotirūgūatique ĭna? —Pedrore ĭre yisĕnĭacami Jesūs.

²⁶ To bajiro ĭ yisĕnĭarone, ado bajiro ĭre cudicami Pedro:

—Gajero vadiriarājuare vaja yirotirūgūama —yicudicami Pedro.

To ĭ yirone, ado bajiro yicami Jesūs:

—Riojo yaja mu. To bajiri Dios macu űari, yu ya vi ti űajare, Diore yirĕcuburiavi coderāre vaja yibecuja yuma. ²⁷ To bajiboarine, “Rojose manire tuoĭabeticĕato” yirā, mani vaja yijama, quĕnaja. Ŭtabucuraju vasa mu. Toju vai vejeba. Basuogure ĭre sĭacĕari, ĭ riseju gājoatii bujarucuja mu. Titiine ĭnare vaja yiroti űaroja, Diore yirĕcuburiavi coderāre. Titiire āmicĕari, ĭnare ĭsima —Pedrore ĭre yicami Jesūs.

18

“Ķűimujua űagūti űamasugū űarocu?”, Jesūre ĭna yisĕnĭlare queti
(Mr 9.33-37; Lc 9.46-48)

¹ Tirāmune Jesūre ĭre sĕnĭacaju yua ĭ buerimasa:

—Mure yua rotibosarirodo ti ejaro, Ķűimujua űagūti űamasugū űarocu? —ĭre yisĕnĭacaju yua.

² To yua yirone, sĭgū daquegure jicĕari, yua rĭjoroja ĭre rūgōroticami Jesūs. ³ To yicĕari, ado bajiro yure yicami:

—Riojo mure gotiaja yu. Daquerā, “űamasurā me űaja yua” ĭna yituoĭarore bajiro mua tuoĭabetijama, Ŭju Dios yarā quĕnaro ĭ yirā me űaruarāja mua. ⁴ Ŭju Dios yarā űamasurā űaama āni daquegure bajiro tuoĭarā, “űamasurā me űaja yua” yirā. ⁵ Āni daquegure bajiro tuoĭarā ĭna űajare, gājerā tu ĭna ejaro, quĕnaro ĭnare yirāma, yujuare quĕnaro yirāre bajiro yirā yirāma —yure yicami Jesūs.

“Mua suorine gājerā rojose ĭna yijama, gūiose űaja”, Jesūs ĭ yigotimasiore queti
(Mr 9.42; Lc 17.1-2)

⁶ Quĕna ado bajiro yure goticami Jesūs:

—No bojarā, āni daquegure bajiro tuoĭarāre, yure ajitirūnarāre rojose ĭna ūmato yijama, buto rojose tāmuroarāma. Rojose ĭnare ĭna ūmato yiroto rĭjoro, tocārācurene ĭna āmurijure gūta jairica siatucĕari, riaga ũcuroju ĭnare rearoderuucĕajama, rojose tāmubetibusaborāma. ⁷ Rojose yirā suorine buto rojose tāmuroarāma masa. Rojose yirā jājarā űarāma. To bajiri gājerāre rojose ūmato yiruarāma. To ĭna yise suori buto rojose masu tāmucĕaruarāma.

“Buto mua maise ti űaboajaquĕne, ti suorine Dios ĭ bojabeti mua yijama, tire reacĕaĭna”, Jesūs ĭ yire queti

(Mr 9.43-48)

⁸ “Ŭu āmo suorine rojose yibu yu” mua yituoĭamasijama, jatarocaya. “Ŭu gūbo suorine rojose yibu yu” mua yituoĭamasijama, jatarocaya. Mure cojo āmo, cojo gūbo ti manijama, quĕnabetoja. To bajiboarine juāāmo rāca, juā gūbo rāca mua bajireajama, jeame yatibetimeju

mua vajama, rēto busaro quēnabetiruaroja. ⁹ “Yu cajea suorine ĩabojacđari, rojose yibu yu” mua yituoĩamasijama tiare ĩmirocacđaña. Coja cajea muare ti manijama, quēnabetoja. To bajiboarine, juajune caje cuticđari, mua bajireajama, jeame yatibetimeju mua vajama, rēto busaro quēnabetiruaroja –yuare yicami Jesús.

“Oveja yayir’ire ĩnare coderimasu ĩre macagđami”, Jesús ĩ yigotimasiore queti (Lc 15.3-7)

¹⁰ Quēna ado bajiro yuare goticami Jesús:

–Yure ajitirđnurāre, “Namasurā me ĩaja yua” yituoĩarāre, “Vaja mana ĩaama”, ĩnare yĩatebeja. Ő vecaju āngel mesa ĩnaruarāma ĩnare ĩatirđnurā. Yu jacu tujure cojorđmu ruayabeto ĩnare ĩnagđobosarđgūrāma. ¹¹ Yayirāre bajiro bajirāre, rojose tđmuoboronare, ĩnare yirēto busoagu vadicaju yu, Dios ĩ roticđacacu –yuare yicami Jesús.

¹² To bajiro yicđari, ado bajiro yirđtuacami Jesús:

–Adi quetiaca muare yu gotimasiore quēnaro ajituoĩaña mua. Sĳgđ ĩnagđami cien oveja cuogu. Cojorđmu sĳgđ yayicoacumi. To bajiri ĩnare coderimasu, ruayarāre, noventa y nueve ĩarāre ta veseju ĩnare cđcđari, yayir’ire macagđ vacoacumi ĩ. ¹³ Gđjerā yayimena noventa y nueve ĩarirācure, “Yayibesuma” yivariquēnagđ ĩnaboarine, yayir’ire bujacđari, ĩnare ĩ variquēnaro rēto busaro ĩre variquēnagđami. ¹⁴ Mani jacu ō vecagu to bajirone bajĳgumi ĩ quēne. Sĳgđ ruayabeto daquegure bajiro tuoĩagđ, Dios tu ĩ ĩnabetirotire bojabecumi Dios –yuare yicami Jesús.

“Muare bajiro yure ajitirđnugđ ĩnaboarine, rojose muare ĩ yijama, ado bajiro ĩre ĩnagđquēnoma”, Jesús ĩ yigotimasiore (Lc 17.3)

¹⁵ Quēna ado bajiro yuare gotimasiocami Jesús:

–Yure ajitirđnugđ ĩnaboarine, rojose muare ĩ yijama, gđjerāre gotimenane, ĩ tu vacđari, ĩnagđquēnoma, “Riojo yaja mu. Mure rojose yibu yu’ yato ĩ” yirā. “Riojo yaja mu” ĩ yijama, ĩnagđquēnorarāja mua. To bajiri ĩ rāca quēnaro baba cutiruarāja mua quēna. ¹⁶ “Bajibeaja” ĩ yicudĳjama, gđjerā juarā, yure ajitirđnurā, “Rojose yibu mu” ĩre yimasirāre ĩnare jicđari, ĩ tu vaja mua. Juarā ĩna manijama, sĳgđ yure ajitirđnugđure, “Rojose yibu mu” ĩre yimasĳgure jicđari, ĩ tu vaja mua. ¹⁷ ĩnare quēne ĩ ajibetĳjama, yure ajitirđnucđari mua rāca rējarā jediro ĩna ĩaro rĳjorojua ĩnare gotĳba mua. ĩna jediro “Rojose yiyuja mu” ĩre ĩna yisere ĩ ajibetĳjama, Diore ajibecure, to yicđari, ujure gđjoa sēnibosarimasare ĩnare mua cđmotadiriare bajiro ĩre cđmotadiriuarāja mua –yuare yicami Jesús.

¹⁸ Quēna ado bajiro yuare yicami Jesús:

–Riojo muare gotĳaja yu. Adi macarđcuroju yure rotibosarā ĩnaruarāja mua. To bajiro yirā ĩari, “Ado bajiro mua yijama, Dios yarā ĩnaruarāja mua. Ado bajirojua mua yijama, Dios yarā me ĩnaruarāja mua”, yimasiruarāja –yuare yicami Jesús.

¹⁹ Quēna ado bajiro yuare yicami Jesús:

–Gajeye ado bajiro muare gotĳaja yu: Sĳgđ ĩ tuoĩarore bajirone mua tuoĩajedicđajama, mua bojasere ĩsirucumi yu jacu ō vecagu. ²⁰ No bojarĳju juarā, idiarā, yure ajitirđnurā ĩari, Diore ĩna sēnĳjama, ĩna rāca ĩnaruajua yu –yuare yicami Jesús.

²¹ To ĩ yiro bero, ado bajiro Jesúre sēnĳacami Pedro:

–Yu uju, sĳgđ mure ajitirđnugđ ĩnaboarine, yure rojose ĩ yijama, ĳnocārācaji masu ĩre masirĳoguti yu? ĳCojomo cđro gaje āmo jua jēnituario ĩnarĳcācaine ĩre yu masirĳojama, quēnarojari? –Jesúre ĩre yicami.

²² To ĩ yisere ajicđari, ado bajiro ĩre cudicami Jesús:

–Tocārācācaine rojose mure ĩ yiro cđrone masirĳoroti ĩaja mure –ĩre yicami Jesús.

“Manire rojose ĩna yisere mani masirĳobetĳjama, Dios quēne, ĩ bojabeti mani yisere masirĳobetĳrucumi”, Jesús ĩ yigotimasiore

²³ To yicđari, ado bajiro ĩ buerāre yuare gotimasiocami Jesús:

–Buto rojose mua yiro bero, sutirĳicđari, “Yuare masirĳoia” Diore mua yijama, muare masirĳorucumi. To bajiro muare ĩ yise ĩajare, “Gđjerā rojose muare ĩna yiboajaquēne, muare masirĳoroti ĩaja” yĳgđ, ado bajise gotimasiore queti muare gotĳaja yu: Uju, ĩre vaja morāre gotĳu, ĩre moabosarimasare jicđagđami. ²⁴ ĩre vaja morāre “Adocārācu ĩaama” ĩ yĳguadĳjune, sĳgđ jairo ĩre vaja mogđre ĩre ĩmiejarāma ĩna. ²⁵ ĩre ĩna ĩmiejarĳrĳmarore, ĩie rāca vaja yimasĳbecumi. To bajiro ĩ bajĳjare, ĩre ĩmiejarāre ado bajiro ĩnare rotĳgumi: “Ānire, ĩ manajo, ĩ rĳare quēne gđjerāre yure ĩsĳbosaya, ‘Gđjerāre moabosarĳmasa ĩnato’ yirā. To yicđari, ĩ gajeyeuĳi jedĳrore gđjerāre ĩsĳcđari, vaja sēnĳma. To yicđari, ti vaja mua bojasere yure ĩsĳma. To bajiro mua yijama, yure ĩ vaja mose jedicoaruaroja”, ĩnare yĳgotĳgumi uju. ²⁶ To ĩ yisere ajicđari, ĩ rĳjorojua gđscomuniari tuetuejagumi ĩre vaja mogđ. To yicđari, rđcubuoese rāca ĩre

sēnigūmi: “iYu ũju, yuya maji! Mure yu vaju mosere vaju yijeocōarucuja maji”, ĩre yigūmi. ²⁷ To ĩ yisere ajicōari, ĩre ĩamaigū ñari, “Tone bajicōato”, ĩre yicōa tujacūmi, ĩ ũju.

²⁸ To bajiro ĩ ũju ĩ yisere ajicōari, budicoacūmi. Budiacūne, ĩ baba mojoroaca ĩre vaju mogūre ĩre ĩabujagūmi ĩ quēne. ĩre ĩabujacōari, ĩ āmuare ñiamatagūmi. To yicōari, ado bajiro ĩre yigūmi: “iYure mu vaju mosere vaju yijeocōaña mu!”, ĩre yigūmi. ²⁹ To ĩ yiboajaquēne, gusomuniari tuetucōari, ado bajise ĩre yigūmi: “iYuya maji! Mure yu vaju mosere vaju yijeocōarucuja yu”, yiboagūmi. ³⁰ To ĩ yiboajaquēne, ajlbecūmi ĩ. To bajiri tubiberiaviju ĩre āmiacōari, ĩre cūrotigūmi, “Yure mu vaju mosere vaju yijeocōariju, budirucuja mu” yigu. ³¹ ĩ babarā, to bajiro ĩ yisere ĩacōari, buto sutiritirāma ĩna. To bajiri ĩna ũju tu vacōari, ĩna ĩariaro cōro gotirāma. ³² To bajiro ĩna yisere ajicōari, ĩre vaju moboar ĩ ĩ masirior ĩre jirotigūmi ũju. ĩ ejaro ĩacōari, ado bajiro ĩre yigūmi: “Yure moabosarimasu rojogu masu ñacōaja mu. Yure mu vaju mosere, ‘Tone bajicōato’ mure yiboabu yu, rucubuose rāca yure mu sēnijare. ³³ Mure yu ĩamaiore bajirone mu babare ĩamairoti ñaboayuja”, ĩre yigūmi ĩ ũju. ³⁴ To bajiro ĩre yicōari, buto jūnisinigū ñari, ĩre tubiberotigūmi ĩ quēne, “Yure mu vaju mosere vaju yijeocōariju, budirucuja mu” yigu –yuare yigoticāmi Jesús.

³⁵ To bajise gotigajnocōari, ado bajise yuare gotitasacami Jesús:

–To bajirone yirucūmi yu jacu ō vecagu quēne, gājerā rojose ĩna yisere mua masiriobeti-jama –yuare yicami Jesús.

19

*“Mua manajoare reabetiroti ñaja”, Jesús ĩ yire queti
(Mr 10.1-12; Lc 16.18)*

¹ To bajiro ĩ gotimasiro bero, Galilea sita ñariarā vacōari, Judea sitaju ejacaju yua. Jordán vāme cutirisa gajejacatūaju ñacaju ti sita. ² Toju jājarā masa Jesúre suyacama. Rijaye cutirāre ĩnare caticocami ĩ.

³ Toju yua ñaro sīgūri fariseo masa ejacama, Jesúre sēniātorā. Ado bajiro ĩre sēniātocama ĩna:

–¿No bojase suorine, manajo rocajama, quēnacōati? –ĩre yisēniātocama ĩna.

⁴ To ĩna yisere ajicōari, ado bajiro ĩnare cudicami Jesús:

–¿Dios oca masa ĩna ucamasire ado bajiro yisere ĩabeticatique mua? “Rēmoju ũmure, rōmiore rujeomasifūju Dios”, yigotiaja Dios oca. ⁵ To yicōari gajeju ado bajiro gotiaja Dios oca: “Ūmu, rōmio ĩ rujeore ti ñajare, āmujua, manajo cutigu, ĩ jacuare ĩnare cāmotadicoarucūmi. Manajo cutijama, juarā ñaboarine, sīgū rujare bajirone ñaruarāma”, yigotiaja Dios oca. ⁶ “To bajiruarāma” Dios ĩ yimasire ti ñajare, mua manajoare reabetiroti ñaja –ĩnare yicami Jesús, fariseo masare.

⁷ To ĩ yisere ajicōari, ado bajiro tudisēniātocama ĩna:

–Riojo mu gotiboajaquēne, ¿no yigu ricati rotimasiñuari Moisés ñamasir’i? Ado bajiro rotimasiñumi ĩ: “No bojagu ĩ manajore ĩ rocañajama, ‘Mure rocagu yaja’ yise papera ucacōari, sore ĩsiroti ñaja”, yimasifūmi Moisés –Jesúre ĩre yicama.

⁸ To bajiro ĩna yisere ajicōari, ado bajiro cudicami Jesús:

–Diore ajiterā ĩna ñajare, “Butobusa rojose ĩna manajoare yiroma” yigu, manajoa reare beobetimasifūju Moisés ñamasir’i. Rēmojuma to bajiro me bajimasiñuju. ⁹ Riojo ado bajiro muare gotiaja yu: ĩ manajo gāji rāca so ajeri cutibetiboajaquēne, sore rocacōari, gajeo ĩ manajo cutijama, Diojua ĩ ĩajama, ĩ manajo me ñagōmo. ĩ ajerio cutigo ñagōmo –ĩnare yicami Jesús.

¹⁰ To ĩ yisere ajicōari, ĩ buerimasajua ado bajiro ĩre yicaju yua:

–To yijama, manajo magūne ñacōaroti ñañuja –ĩre yicaju yua.

¹¹ To bajiro yua yisere ajicōari, ado bajiro yuare yicami Jesús:

–Jediro me ñarāma, manajo cutibetiboarine, Dios ĩ bojarore bajiro yimasirā. To bajiro yirāma, Dios ĩ ejarēmose rāca yirāma. ¹² Sīgūri manajo cutimena ñarāma. Rōmia rāca ĩna yiroti ti manijare, bajirāma. To bajirāne ruyuariarā ñari, bajirāma. Gājerāma, “Rīa yimasibeticōato” yirā, ĩna yijeriarā ñari, bajirāma. Gājerāma, manajo bojamenama, “Yu manajo cutibetijama, yu ũju, Dios ĩ bojarore bajiro quēnabusaro yimasirucuja yu” yituoarā ñari, bajirāma. To bajiro bajirua tuoarāma, to bajirone bajiato –yuare yicami Jesús.

*“Rīamasare Jesús ĩ ñubuejore queti
(Mr 10.13-16; Lc 18.15-17)*

¹³ Jesús taju rīamasacare juaejacama masa, ĩ āmori ñujeocōari, Diore ĩnare sēnibosato ĩ” yirā. ĩna juaejasere ĩacōari, ado bajiro ĩnare yicaju yua, ĩ buerimasa:

–iJuvadibesa! Gōjanabioro yaja mua –ĩnare yicaju yua.

¹⁴ To bajiro yua yiboajaquēne, Jesújuama, ado bajiro yicami:

—Rīamasare ĩnare matabesa. ĩnare bajiro tuořarā řnarāma ũju Dios yarā quēnaro ĩ yirā —yuaere yicami Jesús.

¹⁵ To yicōari, rīamasare ĩ āmori řņujeocōari, Diore ĩnare sēnibosacami Jesús. To yicōari bero, yuaere ũmato vacoacami Jesús.

Gajeyeŭni jaigu Jesúre ĩ sēniřare quieti
(Mr 10.17-31; Lc 18.18-30)

¹⁶ Gajeyeŭni jaigu, Jesúre sēniřagŭ ejacami:

—Gotimasiorimasu, yu rijato beroju “Tudirijabeticōato” yigu, Dios ĩ catisere yure ĩ řisere yu bojajama, řno bajise quēnase yiroti řiati yure? —Jesúre řre yicami.

¹⁷ To ĩ yisere ajicōari, ado bajiro řre cŭdicami Jesús:

—řNo yigu quēnaseayere yure sēniřati mu? Dios řigŭne řnaami quēnagŭma. To bajiri Dios oca masa řna ucamasire řaroti řaja. Mu rijato beroju “Tudirijabeticōato” yigu, Dios ĩ catisere mu buřaruajama, Dios ĩ rotimasire cŭdiroti řaja —řre yicami Jesús.

¹⁸ To ĩ yijare,

—řDisere yati mu, “Dios ĩ rotimasire cŭdiroti řaja” mu yijama? —Jesúre řre yicami.

To ĩ yirone, ado bajiro řre yicami Jesús:

—Dios ĩ rotimasire yu yijama, ado bajise rotimasire yaja yu: “Sřabesa. Gāji manajo řaca ajerio cŭtibesa. Juarudibesa. Socŭne, ‘Rojose yimi’ yigotiřirobesa. ¹⁹ Mu jacare, mu jacore quēne quēnaro ĩnare řŭcŭbuoya. To yicōari, mu masu řujare mu maiorre bajirone mu řtanare maiřna”, yigotija Dios ĩ rotimasire —řre yicami Jesús.

²⁰ To ĩ yirone, ado bajiro řre yicŭdicami:

—Daqueřjŭne tire cŭdisuoadicaju yu. řÑie gajeye řuyati quēnaro yu yiroti? —Jesúre řre yicami.

²¹ To ĩ yisere ajicōari, ado bajiro řre goticami Jesús:

—Cojo vāme řuyaja, mu yiroti, mu rijato beroju “Tudirijabeticōato” yigu, Dios ĩ catisere mu buřaruajama: jediro mu cŭosere gājerāre řsijeocōařna. To yicōari, ti vaja buřacōari, maiorre bajirāre řsima. To bajiro mu yijama, ō vecaju Dios ĩ řnaraju quēnase buřaručaja mu. To bajiro yigajanocōari, yure ajisŭyaya —řre yicami Jesús.

²² To bajiro ĩ yisere ajicōari, buřo řŭtiriti vacoacami ĩ, gajeyeŭni jaigu řari, tire maigŭ.

²³ To bajiro ĩ bajivato řacōari, ĩ buerimasare ado bajiro yuaere yicami Jesús:

—Riojo muare gotiaja yu. Gajeyeŭni jairārema, yure řna řuyaruā tuořaboajama, buřo josaruaroja řnare. To bajicōari, yirēto ecobosabetiruarāma. ²⁴ Quēna tire bajise muare tudigotiaja yu: Vaibŭcu, camello vāme cŭtigu, gājojota gojeacare řajarēřobudimasibecami. To bajirone bajiaja gajeyeŭni jairāre quēne, yure ajitirānu řuyaruaboarāre. To bajiro bajirā řari, yirēto ecobosabetiruarāma —yuaere yicami Jesús.

²⁵ To ĩ yisere ajicōari, no yimasibeticaju yua, ti ũnire ajibetirŭgŭriarā řari. To bajiri ado bajiro řre sēniřacaju yua:

—Riojo mu gotijama, řno bajiro bajirāřna Dios řujare ejaruarāda? —řre yicaju yua.

²⁶ To yua yirone, yuaere řacōari, ado bajiro yicami Jesúřuama:

—řna masune ejamasimenama masa, Dios řujare. Diořuama, řajediro yimasijeocōami. řNieřna josase maja, řrema. ř ũnorine ĩ řujare ejamasire řaja —yuaere yicami Jesús.

²⁷ To ĩ yisere ajicōari, ado bajiro yicami Pedro:

—Jediro yua gajeyeŭnire cŭcōari, mre řuyacaju yua. řTo bajiro yua bajicati vaja, řie buřarāti yua? —Jesúre řre yicami.

²⁸ To ĩ yisere ajicōari, ado bajiro yuaere cŭdicami Jesús:

—Riojo muare gotiaja yu. Cořorāmu adi macarŭcuro ti jediro quēna tudiquēnorŭcami Dios. To bajiro ĩ yirirāmu yu, Dios ĩ roticōacacu, řŭcŭbuoriaju ruřirŭcujaja yu, rotiguagu. To cōrone muā quēne yure řuyarā, řuaāmo cōro, cojo gubjo řna řenituarorine ruřiruarāřna muā. To yicōari, mani yarā, řud'io masa, řuaāmo cōro, cojo gubjo řna řenituarirācu řnarā masatubuarire rotiruarāřna muā. Yure ajitirānuřare, to yicōari, yure ajitirānumenare řabesemasiruarāřna. ²⁹ No bojarā, yure ajitirānuřā řari, řna ya ři, řna yarā, řna řacia, řna řia, to yicōari, řna ya veserire quēne řna maise řnaro cōro řna vaveojama, adigodoju řna cŭosore řetobusaro quēnase buřaruarāma řna, Dios řuju. ³⁰ To bajiboarine adire quēne quēnaro tuořařna muā: řajarā ado bajiro muā tuořarore bajirone tuořaboarāma: “Dios ĩ bojase yirā řetoro Dios ĩ bojasere yirā řari, řnamasurā řaja yua. To bajiri, ō vecajure quēne řnamasurā řari, quēnase buřaruarāřna”, yituořaboarāma. To bajiro yirā řari, gājerāre řacōari, “řna ya ři, řna yarā, řna řacia, řna řia, to yicōari řna ya veserire vaveomena řari, řnamasurā me řnaama. To bajiri, ō vecajure quēnase mořoroaca buřarona řnaama”, yituořaboarāma. To bajiro me buřaruaroja. Adořu řnamasurā, ō vecajuarema řnamasumena řnaruarāma řna. Adi macarŭcurořu řnamasumenama, ō vecajuarema řnamasurā řnaruarāma —yuaere yicami Jesús.

20

Moabosarimasa ina bajire rāca tuoīacōari, “Adi macarucurojare űamasurā, ō vecaűureta űamasurā me űaruarāma ina”, Jesúš i yigotimasiore queti

¹ To yicōari, i buerimasare yuare gotimasiortuacami Jesúš. “‘Adoju űamasurā űaja yua. To bajiri ō vecaűu quēne űamasurā űari, quēnamasuse bujaruarāja’ yituoīabeticōato” yigu, ado bajise yuare gotimasiocami:

—Uye vese cuogu, uye ti bucuaro īacōari, busuriju jēju ire moabosaronare jigu vacumi. To bajirone yirucumi Dios, maa uju quēne. ² Inare bujacōari, ado bajiro inare gotigumi: “Maa moase vaja maa sēnīro cōrone muare vaja yirucuja yu”, inare yigumi. To yicōari, inare moaroticōagūmi, i ya veseju. ³ Muju i asituajediriju cōro, moaruarā ina yuritūcuroju ina űacōajare, gājerāre inare īabujagumi. ⁴ “Vasa, maa quēne. Yu uye veseju moaaya. Maa moajama, quēnaro muare vaja yirucuja yu”, inare yigumi. ⁵ To bajiri ina quēne ire moabosarā vacoanama. To yicōari, bero űmurecaji űaro vacu, gājerāre bujagumi. űamicajua ti tusato vacu, gājerāre bujagumi quēna. Moare manare bujacōari, inare moaroticōagūmi. ⁶ Yucú veca muju tusato, gājerā moaruarā ina yuritūcuroju ejacōari, moamenane ina űacōajare, “¿No yirā moamenane űarāmu cutiati maa?”, inare yigumi. ⁷ To i yirone, “űimujua, yuare moarotibeami. To bajiri űacōaja yua”, ire yirāma ina. To bajiro ina yijare, “Vasa maa quēne. Yu uye veseju yure moabosaaya”, inare yigumi.

⁸ Rāioriju, ire moabosarimasare coderimasare ire jigumi. “Yuare moabosarimasare inare jīaya mu”, ire yigumi. “To yicōari, ejatusariarāre vaja yisuoaya. Inare vaja yigajanocōari, ina rījorobusa ejariarāre vaja yīya. To bajiro rīne yicōa vasa. To bajiri, moarā ejasuoriarāre inare vaja yitūsayaa”, ire yigumi, ire moabosarimasare coderimasare. ⁹ To bajiro i yijare, ejatusariarāja ejasuorāma. Ina ejaro īacōari, cojorāmu vaja tariaro cōro ina moare vaja inare vaja yigumi. ¹⁰ To cōro ina vaja tasere īacōari, “Manima jaibusaro bujaruarāja”, yituoīaboarāma ejasuoriarāja. To bajiro yituoīaboariarāre gājerā ina vaja taro cōrone inare vaja yigumi. ¹¹ Uju i vaja yirotsire īacōari, űagōjairāma ejasuoriarāja: ¹² “Veseju ejatusariarā, yoaro meaca ina moaboajaquēne, yuare mu īsiro cōrone inare īsīaja mu. Yuama, cojorāmu jediro, muju i asicōaro josari moaboabu yua”, ire yitud’irāma, ina ujure. ¹³ To bajiro ina yiboajaquēne, sīgūre ado bajiro cudigumi ina uju: “Rojose mure yibeju yu. Jēju, ‘Maa vaja sēnīro cōrone muare vaja yirucuja’ yigu űari, to cōrone muare vaja yību. ¹⁴ Mu moare vaja juacōari, vasa. Mure yu vaja yiro cōrone, ‘Ejatusariarāre quēne vaja yirucuja’ yituoīamu yu. ¹⁵⁻¹⁶ Yu ye gājoa űamu ti. To bajiri yu bojarore bajirone yību yu. Inare quēnaro yu vaja yisere īajūnisinīaja mu”, ire yigumi i uju. To bajiri adi queti muare yu gotirote bajiro bajiruroja. Adoju űamasurā, ō vecaűurema űamasumena űaruarāma ina. Adi macarucuroju űamasumenama, ō vecaűurema űamasurā űaruarāma —yuare yicami Jesúš.

“Yuare sīaruarāma”, Jesúš i yigotitusare queti
(Mr 10.32-34; Lc 18.31-34)

¹⁷ Jerusalénju yuare űmato varūtu vacune, juāmo cōro, gūbo juā jēnituarirācu űarāre yuare gotiru, ricati yuare jicāmotocami Jesúš:

¹⁸ —Quēnaro ajiya maa. Jerusalénju vana bajīaja mani. Toju mani ejaro, yure Dios i roticōacacure paia ujarāre, Dios i rotimasire gotimasioremare īsirocarucumi sīgū. Inajua, “Ire sīaroti űaja”, yure yīruarāma. ¹⁹ To yicōari, romano masare yure īsiuarāma. To ina yijare, yure ajatud’icōari, bujeruarāma ina. To yicōari, yucūtēroju yure jajuturuarāma. Yuare jajutucōari, yu rījate bero, yure yueboaruarāma. To ina yiboajaquēne, yure ina sīaro bero, idīarāmu tusatirāmane yure caticōarucumi Dios —yuare yicami Jesúš.

Santiago mesa jaco Jesúre so sēnīre queti
(Mr 10.35-45)

²⁰ To i yiro bero, Zebedeo rīa jaco, so rīa rāca ejacamo, so rīa ina bajirotire Jesúre sēnīgō ejago. Adocārācu űacama so rīa: Santiago, Juan űacama ina. Jesúre rūcūbuogo, i rījorojuā gūsomuniari tuetucamo so. To yicōari, Jesúš quēnaro so rīare i yirotire sēnicamo. ²¹ So sēnisere ajicōari,

—¿No bajiro quēnaro yu yirotire bojati mu? —sore yicami Jesúš.

To i yijare, ado bajiro cudicamo so:

—“űajediro uju űaja yu” yīicōari, mu rotisuroirodo ti ejaro, yu rīare ado bajiro inare mu űmato rujirotire bojaja yu: Sīgū mu riojojacatua, gājire mu gācojacatua inare űmato rujiucuja mu, “Mu rotirore bajirone ina quēne rotimasiato” yigu —ire yicamo so.

²² To so yisere ajicōari, so rīajuare ado bajiro yicami Jesúš:

—Tuoīamasimenane yure sēnīboaja maa. Yu rāca maa rotiruarajama, ¿maa quēne yure bajirone rojose tāmuorātiqne maa? —inare yicami Jesúš.

—Bajicōarāja —Īre yicama ĩna.

²³ To ĩna yisere ajicōari, ado bajiro yicami Jesús:

—Riojo muare gotiaja yu. Mua quēne, yu tãmuorotire bajiro rojose tãmuoruarāja. To bajiboajaquēne, yu riojojacatua, yu gãcojacatua muare rojomasibecuja yu. “Īna ñaruarāma yu macu tu rujirona” yu jacu ĩ yicana rĩne rujiruarāma —Īnare yicami Jesús.

²⁴ Jesús buerimasa juaāmo cōro ñarā, yua ajibetone, “To bajiro bojaja yua” ĩna yirudisere ajicōari, jūnisinicaju yua. ^h ²⁵ To bajiro yua bajijare, yua jediroke jirēocōari, ado bajiro yicami Jesús:

—Ujarā, Dios yarā me ñarā, ĩna yarāre buto tutuaro rotirāma ĩna. Tire masiaja mua —yuare yicami. ²⁶ —Muaama, yu yarā ñari, ĩnare bajiro bajibetiruarāja. Yure ajitirunurā, ñamasurā ñaruarāma, gājerā ĩna bojasere masicōari, quēnaro ĩnare yiejarēmōrā. ²⁷ To bajiri ñamasurā mua ñaruarāma, gājerāre moabosaruarāja mua. ²⁸ Dios ĩ roticōacacu quēne, to bajirone bajiaja yu. “Gājerā yu bojasere masicōari, quēnaro yure yato ĩna” yigu me vadicaju yu. “Īna bojasejuare masicōari, quēnaro ĩnare yirucuja” yigu vadicaju yu. To yicōari, jājarā rojose ĩna yisere Dios ĩ masiriose vaja, ĩnare vaja yibosaguagu vadicaju yu —yuare yicami Jesús.

Juarā caje ĩamenare Jesús ĩ tarotire queti

(Mr 10.46-52; Lc 18.35-43)

²⁹ Jericó vāme cuti maca ñacōari, yua vatone, jājarā masa yuare suyacama, Jesúre ĩarā. ³⁰ Toju yua vatone, juarā ĩmena rujicama, maa tu. Jesús ĩ rētosere ajicōari, ado bajiro ĩre jivasācama ĩna:

—Yua uju, Uju David ñamasir'i jānami, “Rotimūorūgōrucumi” yigu, Dios ĩ cōar'i ñaja mu. Yuare ĩamaña mu —yivasācama ĩna. ³¹ To bajiro ĩna yivasārone,

—¡Avasābesa! —Īnare yicama masa. To bajiro ĩna yiboajaquēne, butobusa avasācama ĩna:

—Yua uju, Uju David ñamasir'i jānami, “Rotimūorūgōrucumi” yigu, Dios ĩ cōar'i ñaja mu. Yuare ĩamaña —Jesúre ĩre yivasācama ĩna.

³² To ĩna yisere ajicōari, tujarūgucami Jesús. To bajicōari, ĩamenare jicami:

—¿No bajiro muare yu yisere bojati mua? —Īnare yisēniĩacami, caje ĩamenare.

To ĩ yijare, ado bajiro ĩre yicadicama:

³³ —Yua uju, tudīaruaja yua —Īre yicama ĩna.

³⁴ To ĩna yisere ajicōari, ĩnare ĩamaigū ñari, ĩna cajearire moāiacami. To bajiro ĩ yirīmarone, ĩmena ñaboacana, ĩacoacama ĩna yuja. ĩacōari, ĩna quēne Jesúre suyacoadicama.

21

“Rotimūorūgōrucumi” yigu, Dios ĩ cōagū ñaja yu” yīlogū, Jerusalénju Jesús ĩ ejare queti

(Mr 11.1-11; Lc 19.28-40; Jn 12.12-19)

¹⁻² Jerusalén cōñana, Betfagē vāme cuti maca ejacaju yua. Olivo vāme cuti buro judo ñacaju ti masa. Toju juarā yua rācanare ĩ buerāre ado bajiro ĩnare roticōacami Jesús:

—Mani varoto riojo ñarimacare vasa maji. Toju ejacōari, burra ĩna siaturūgōriore bujaruarāja mua, so macu rāca ñagōre. ĩnare ojacōari, yure juadibosaba. ³ Ti macagu mua ojaro ĩacōari, muare ĩ sēniājama, “Mani uju ĩnare bojami. No cōro mene tuocōarucumi quēna”, ĩre yicūdiba. To bajiro mua yisere ajicōari, sēniarēmobetirucumi. “Bau. Vasa”, muare yirucami —Īnare yicami Jesús.

⁴ To bajiro ĩnare yiroticami Jesús, Diore gotirētobosarimasu, “Ado bajiro bajiruaroja” ĩ yuicamasire ñajare:

⁵ “Jerusalén macanare ado bajiro yiruārāja mua: ĩaña mua. Mua uju vadiami. “Ñamasugū me ñaja yu” yituoīagūre bajiro ejaami. Burra, gajeyēni ũmagō macu joeju jesacōari, vadiami’ yiruārāja mua”, yuicamasiñuju Diore gotirētobosarimasu.

⁶ To bajiri Jesús ĩ rotisere ajicōari, ĩ rotirore bajirone yiyuma ĩna. ⁷ Burra to yicōari, so macure quēne ĩnare juaejacama ĩna. To yicōari, ĩna ye sudi joeayere vejecōari ĩna joere jeocama ĩna. To ĩna yiro bero, macujuare vajejacami Jesús. ⁸ Jājarā masa ñacama. ĩna ye sudi joeayere vejecōari, ĩ varotijure cū rījoro cuticama. “Yua uju ñaja mu” yirā, to bajiro yicama, Jesúre rucubūorā. Gājerā yucá rujuri jasurecōari, maare cū rījoro cuticama. ⁹ To yicōari, “ ‘Rotimūorūgōrucumi” yigu, Dios ĩ cōagū ñaja yu’ yīocōari, rotisūorucami yuja” Jesúre ĩre yituoīarā ñari, buto variquēnacama ĩna. ĩre rījoro cuti vana, ĩre suyārā quēne, ĩre ĩvariquēnarā ado bajiro avasā vacama ĩna:

^h **20:24** Zebedeo manajo, Juan, Santiago jaco. Jesús buamo ñafluju so. To bajiri, “Ī yarā ñaama” yituoīagō ñari, “Yu rĩare quēnaro yirucumi”, yituoīaboayuju so. Tire ajimasicōari, jūnisiniñujarā Jesús buerā juaāmocārācu ñarāja, “Ī yarā ñajare, ejarēmogūmi” yituoīarā ñari.

—iJhu David ñamasir'i jãnami, "Rotimuoŕãgõrucsami" yigu, Dios i cõar'i ñaami! iQuênase ìre yivariquênato mani! iDiore rotibosagu quênaro i yigu ñaami! iDiore quêne, quênase ìre yivariquênato mani, ãni yua ujure i cõajare! —yíavasã vacama ña.

¹⁰To bajiro Jesús, Jerusalénju, masa rãca i ejasere ñacõari, buto gãmerã ñagõcama ti macana jediro.

—¿Ñimu ùgũ ñati? —gãmerã yisëniñacama, masa ña avasã vado vatoaju Jesús i vadire ñacõari.

¹¹To ña yijare, gãjerã ado bajiro yicudicama:

—Ñe ñaami Diore gotirëtobosarimasa, Jesús vãme cutigu, Galilea sita Nazaret vãme cuti macagu —yicama masa.

Diore yirucsbuoriaviju ñacõari, gajeyeuñi Ìsirivire bajiro ña yijare, Jesús ñare i tud'iãgõbure queti

(Mr 11.15-19; Lc 19.45-48; Jn 2.13-22)

¹²Ti macajure ejacõari, Diore yirucsbuoriaviju sãjacaju yua, Jesúrãca. Ti viju gajeyeuñi Ìsirãre, ñare vaja yirãre quêne tud'iãgõbucami Jesús. Gãjerã ye rãca gãjoa vasoarimasa ña gãjoa jeorijaurire tucaguereacami. To yicõari, buja Ìsirimasa ña rujiri cùmurorire tucaguereacami. ¹³To yicõari, ado bajiro ñare goticami Jesús:

—Diore gotirëtobosarimasa ña ucamasire ado bajiro gotiaja: "Yũ ya vima, yure sënirucsbuorã rējariavi ñaruroja", yigotiaja, adi vire. To bajiro i yimasire ti ñaboajaquêne, ado bajiro mua yĩñase suorine juarudirimasa ya vire bajiro bajiaja ti —ñare yicami Jesús.

¹⁴Ti viju, yua ñarone, ñamena to yicõari rujasagueri vana, ejacama, Jesús taju. To bajiro ña bajirone ñare catiocami. ¹⁵Ti vire ñacama paia ujarã, Dios i rotimasire gotimasiormasa quêne. To bajiri Jesús, ña ñamami i yĩosere ñacõari, "iJhu David ñamasir'i jãnami, 'Rotimuoŕãgõrucsami' yigu, Dios i cõar'i ñaami! iQuênase ìre yivariquênato mani!" rĩamasa ña yíavasã ñasere ajicõari, Jesújuare buto jũnisinica. ¹⁶To bajiri ado bajiro Jesúre sënĩñacama:

—¿To bajiro mure ña yisere ajati mu? "To bajise yibesa", ñare yiya —ìre yicama ña.

To ña yiboajaquêne, ado bajiro ñare goticami Jesús:

—Ajiaja yu. Dios oca masa ña ucamasire to bajirone gotiaja rĩamasa ña yiroire. ¿Iabeticatique ado bajiro yisere? Ado bajiro gotiaja ti:

"Rĩamasa, to yicõari, ùjurãca quêne, mure quênaro rucsbuorãrãma ña' to bajiro mu yise ñajare", yigotiaja Dios oca —ñare yicami Jesús.

¹⁷To i yiro bero, ñare vaveocõari, Betania vãme cuti macaju ejacõari, cãnicaju yua.

Higuera vãme cutiure, "Juaji rica manicaruarãja", Jesús i yire queti

(Mr 11.12-14, 20-26)

¹⁸Quëna busuriju Jerusalénju tudiacaju yua. To yua bajiro, Jesús, ñiorijacami. ¹⁹Maa tu higuera vãme cuti ñacaju. Tiũ ricare barũ, ojaboacami Jesús. Rica manicaju, tiñuama. Jũ rĩne ñacaju. To bajiri tiure ado bajiro yicami Jesús:

—Juaji rica manicaruarãja —tiure yicami.

To bajiro i yirirĩmarone, sñiñocacoajaju tiũ. ²⁰To bajiro ti bajisere ñacõari, no yimasibeticaju yua, ti ùnire ñabetirũgũcana ñari. "¿No yiro guaro sñiñocacoajari ti?", yisëniñacaju yua.

²¹To yua yirone, ado bajiro yuare cudicami i:

—Riojo muare gotiaja yu. "To bajiro yirucami Dios" ìre mua yiajiritũnũ tujabetijama, higuera vãme cutiure yu yise ùni rĩrene yimasimenaja mua. Gajeye josase ti ñaboajaquêne, yimasicõarãja. "I burore, moa riagaju rocaroacoasa" mua yijama, to bajirone bajiruaroja. ²²"Yua sënijama, yuare Ìsicõagũmi" yituoñacõari, Diore mua sënijama, muare Ìsirucami —yuare yicami Jesús.

"¿Ñimu mure i rotise rãca to bajiro yati mu?"; Jesúre ña yisëniñare queti

(Mr 11.27-33; Lc 20.1-8)

²³To i yiro bero, Jerusalénju ejacaju yua. To bajicõari, Diore yirucsbuoriaviju Jesúrãca sãjacaju yua. Sãjaejacõari, masare gotimasiocami Jesús. To i yĩñarone, bucũrã, paia ujarã quêne, ejacama ña, Jesúre sënĩñarã:

—¿Ñimu mure i rotise rãca to bajiro yirũgũati mu? —Ìre yisëniñacama ña.

²⁴⁻²⁵To bajiro ña yisere ajicõari,

—Yũ quêne, ado bajiro muare sënĩñaja yu. Yure mua cudicõaroju, "I rotise rãca yaja yu", muare yirucsa maji. ¿Ñimu rotiyujari, Juanre, "Oco rãca masare ñare bautizaya" yigu? ¿Dios rotiyujari? ¿Masajua rotiyujarique? —ñare yisëniñacami Jesús.

To i yisere ajicõari, ña masurione gãmerã ñagõñacama ña:

—"Dione, Juanre oco rãca masare bautizarotiyumi" mani yijama, ado bajiro manire sënĩñajacagumi: "Tire masirã ñaboarine, ¿no yirã ìre ajitirũnũbeticati mua?" manire yisëniñajacagumi. ²⁶To yicõari, "Masane, Juanre oco rãca bautizarotirãrãma" mani yijama,

manire buto tud'iruarāma masa, “Diore gotirētobosarimasu ñaboacami Juan” yirā ñari – gāmerā yicama ĩna.

²⁷ To bajiro gāmerā ñagōrā ñari, ado bajiro ĩre cudicama ĩna:

–Juanre rotir'ire masibeaja yua –Jesúre yicōacama ĩna.

To ĩna yisere ajicōari, ado bajiro ĩnare cudicami Jesús:

–To bajiro yure mua cudijare, “Ī rotise rāca yaja yu”, muare yigotibetirucuja yu quēne – ĩnare yicami Jesús.

Juarā rīa cutigu, ĩ rīare ĩ moarotirere Jesús ĩ gotimasiore queti

²⁸ To bajiro ĩnare yigajanocōari, gotimasiore queti ĩnare goticami Jesús:

–¿No bajiro tuoĭati mua, adire, yu gotiguadire? Sīgū ñagūmi juarā rīa cutigu. Ī macu ñasuoḡure ado bajiro yigūmi ĩ: “Macu, yucarema manĭ uye vesere moaguaja”, ĩre yigūmi. ²⁹ To ĩ yiboajaquēne, “Varuabeaja yu”, ĩre yicudigūmi. To bajiro yiboarine, berojuma, tuoĭavasocōari, moagū vacoacūmi ĩ yuja. ³⁰ To ĩ yiro bero, gāji ĩ macure quēne, to bajirone ĩre yigūmi. To ĩ yirone, “Ba. Moagū varucuja yu”, ĩ jacure yicudigūmi ĩ. To yiboarine, vabecūmi. ³¹ To bajiri mua tuoĭajama, ζnijua ñañujari ĩ jacu ĩ rotiriarore bajirone cudir'ĭ? – ĩnare yisēñiacami Jesús.

To ĩ yisēñiarone, ado bajiro ĩre cudicama:

–Ī, moarotisuoḡ'ijua, ĩ jacu ĩ rotiriarore bajiro ĩre cudiyūmi –ĩre yicudicama.

To ĩna yisere ajicōari, ado bajiro yicami Jesús:

–Riojo muare gotiaja yu. Ujure gājoa sēnibosarimasare, to yicōari, rōmia, ũmuare ajeriarā cuticōari, vaja sēnirā rōmirire, “Rojorā masu ñaama” ĩnare yĭlaterā ñarāja mua. Mua ĩaterā sīgūri, tuoĭavasocōari, Uju Dios yarā quēnaro ĩ yirā ñarāma. ĩnare bajiro mua tuoĭavasocōari, ĩ yarā me ñaruarāja mua. ³² Juan, oco rāca masare bautizarimasu, “Ado bajirojua mua yĭjama, quēnaroja” muare ĩ yigotimasioboajaquēne, ĩre ajibesuja mua. To bajiboarine, “Rojorā masu ñaama” mua yĭlaterājuama, ĩre ajitirūñuma ĩna. To bajiri ĩre ĩna ajitirūñumare ĩariarā ñaboarine, ĩre ajibeticōari, rojose mua yirūḡuriarore bajiro rojose yicōa ñaja mua –ĩnare yicami Jesús.

“Jud'io masa ĩna ajitirūñumetijare, gājerājuare ujoḡucūmi Dios” yigu, moarimasa rojose yirā ĩna bajire rāca Jesús ĩ gotimasiore
(Mr 12.1-12; Lc 20.9-19)

³³ Quēna ado bajiro ĩnare gotimasiocami Jesús:

–Sīgū masu uye vese otegūmi. Tire otegajanocōari, matagūmi. To yicōari, uye oco juarotiju quēnogūmi. Tiju bero, vēcaju ñacōari, ĩ ĩtirūñumesarotiju quēnogūmi. To yigajanocōari, gājerāre, “Yure ĩtirūñumabosaba”, yigūmi. “Uye ti rica cutiro, gājerāre ĩsicōari, vaja sēniruarāja mua. To yicōari, mua juajama, “Ado cōro ñaja manĭ ye. Ado cōro ñaja ĩ yema' yicōĭama”, ĩnare yigūmi. To yicōari, gajeroju vacoacūmi yuja. ³⁴ To bajiri cojorāmu, “Uye rica cuti bucuaotoja ti” yigu, ĩre moabosarimasare cōagūmi. “Uye, yure ĩna cūbosarere yure juabosaaya” yigu. ³⁵ Uye veseju ĩna ejaro ĩacōari, ti vese coderāju, ado bajiro yirāma: ĩnare ñejeccōari, jarāma. Gājerāre sĭarāma, to yicōari gājerāre gūtane reasĭarāma. ³⁶ To ĩna yire quetire ajicōari, jājarābusa ĩre moabosarimasare cōagūmi vese uju, ĩ ye ñarotire juabosaaya yigu. Ti veseju ĩna ejarone, ĩtirūñumimasu, to rĭjoro ejariarāre ĩna yiriarore bajirone yirāma, ĩnare quēne.

³⁷ To bajiro ĩna yicore quetire ajicōari, “Yu macujuare rūcuborāma” yituoĭacōari, ĩre cōaboagūmi. ³⁸ To bajiro ĩ yicōar'ire, veseju ĩ ejasere ĩacōari, ado bajiro gāmerā ñagōrāma vese coderimasa: “Adi vese uju macune ñaami. To bajiri ĩ bajirocaveojama, ĩne ñaami ĩre vasoaroc. To bajiri ĩre manĭ sĭajama, manĭ ye sita ñaruarōja yuja”, gāmerā yĭñagōrāma ĩna. ³⁹ To bajiri vese sojuaju ĩre ñia vati, ĩre sĭarocacōarāma –ĩnare yicami Jesús.

⁴⁰ To bajiro ĩnare yigajanocōari, ado bajiro ĩnare sēñiacami:

–¿Ti vese uju tudiejagu, no bajiro ĩnare yigujari, ti vese coderimasare? –ĩnare yisēñiacami Jesús.

⁴¹ To ĩ yisere ajicōari, ado bajiro ĩre cudicama ĩna:

–Rojorā masu ñarāma ti vese ĩtirūñumā. To bajiri ĩnare ĩmaibecune ĩnare sĭareagūmi. To ĩ yiro bero, gājerāre ti vesere ĩtirūñumaronare vasoagūmi, ĩ ye ñarotire juabosaronare –Jesúre ĩre yicama ĩna.

⁴² To ĩna yicudisere ajicōari, Jesúja, ado bajiro ĩnare yicami:

–“Uye vese uju macure rojorā ĩna sĭarocarere bajirone viri buarimasa gūta ĩna beserocaria ñaboarine, ñamasurica ñaruarōja”, yigotĭaja Dios ocare masa ĩna ucamasire. ¿Tire ĩabeticatiquē mua? Ado bajiro gotiaja:

“Gūta rāca vi quēnorimasa coja gūtare rocarāma ĩna. ĩna rocaria ñaboarine, gajea gūta rētoro quēnarica ñaruarōja tia. Tia gūta suorine quēnarivi quēnorucūmi Dios. Tia manĭjama, quēnomasibetibogūmi. To bajiro bojagūmi Dios manĭ uju. To bajiri tia gūta suorĭ Dios

quēnaro ī yisere ajimasicōari, buto tūoīa variquēnaja mani”, yigotiaja Dios oca masa īna ucamasire.

⁴³ To bajiri ado bajiro yigu, ti quetire mūare gotibu yu: Diore rotibosagure yure ajitirānumena mua űajare, jud'io masa meĵare, “Yu yarā űaıa” ĩnare yicōari, quēnaro ĩnare yirucami Dios. ĩnajuama, Dios ī bojarore bajiro ĩre ajitirānūarāma. ⁴⁴ No bojarā yure, yu ocare ajiterā, rojose tāmūogūarāma ĩna —ĩnare yicami Jesūs.

⁴⁵ Jesūs ī gotimasiosere ajicōari, “Mani bajisere yigu yami”, yiajimasicōacama fariseo masa, paia űjarā quēne. ⁴⁶ To bajiri Jesūre űiaruaboacama ĩna. “Diore gotirētosarimasu űaami Jesūs” masa ĩna yitūoıajare, masare gūirā, ĩre űiabeticama.

22

“Īmacu ī āmosiaguadijare, masare jirēogūmi űju”, Jesūs ī yigotimasiore queti (Lc 14.15-24)

¹ Quēna gotimasiore queti masare goticami Jesūs:

² —Adi quetire tūoīacōari, “Tire bajiro bajiruaroja, masare ‘Yu yarā űaıa mua’ űju Dios ī yiroti” mūare gotimasiogū yaja: Sigū űju, ī macu ī āmosiarotirāmure quēnoyugūmi. ³ To yicōari, “Īvariquēna ejarēmoronare ıiaya mua” yigu, ĩre moabosarimasare cōagūmi ī. To ī yisere ajicōari, jirā vaboarāma ĩna. ĩnajuama, vadirūamenama. ⁴ ĩna vadirūabetire ajicōari, gājerā ĩre moabosarimasare cōagūmi quēna. “Yu űju mūare jigu űari, ī yarā vaibucurā mame bucuarāre sīarotami. Jēre quēnogajanomu yua. To bajiri ī macu ī āmosiarirāmū ĩarā vayā mua quēne ĩnare yiba”, yicōagūmi ĩna űju. ⁵ To ī yisere ajicōari, jirā vaboarāma ĩna quēna. ĩnare cudimenane, vacoanama, ĩna ye moare moaroana. Sigū ī ya veseju vacūmi. Gāıi ī gajeyeūni ĩsiroju vacūmi. ⁶ Gājerāma, űju ī cōaboariarē űejecōari, ĩnare jasiacōarāma. ⁷ Tire ajicōari, buto ıūnisinigūmi űju. To bajiri ī yarā surarare cōagūmi. “ĩnare sīacōari, ĩna ya virire soereacoaya”, ĩnare yicōagūmi. ⁸ To ī yiro bero, gājerā ĩre moabosarimasare ado bajiro gotigūmi: “Yu macu ī āmosiarotiaye quēnogajanomu. Jēju yu queti cōaboarā, ĩna ejabetijare, quēnaja. ĩnare jicōabetiroti űaboayuja. ⁹ Jājarā masa ĩna vati maarijare vasa. To mua ĩabujarā cōro jirēocōari, ĩnare űmato vaba”, ĩnare yigūmi űju, ĩre moabosarimasare. ¹⁰ Ī rotirore bajirone masare jirēorāma ĩna. Quēnarā, rojorā, ĩna bujarā cōro jirēorāma. To bajiri űju ya vi, ıūmūcoatoja ti.

¹¹ Ī jicōariarē ĩagū sāıagūmi űju. Sigūre, ĩna āmosiario ĩarā ejarā ĩna sāıase űnire sāıabecure ĩabujagūmi ī. ¹² To bajiri, ĩre ĩacōari, ado bajiro ĩre sēniıagūmi: “ıNo yigu ĩna āmosiario ĩarā ĩna sāıase űni sāıabeati mu?”, ĩre yigūmi. To ī yiboajaquēne, ĩre cadibecūmi. ¹³ To ī bajijare, bare jeorimasare ado bajiro ĩnare yigūmi űju. “Ī gubori, ī āmorire quēne siacōari, rētiaroju ĩre rocacōaıa. Toju űacōari, buto rojose tāmūogū űari, guji pōguē, oti, yirucami”, ĩnare yigūmi űju, bare jeorimasare. ¹⁴ To bajiro bajiruaroja, “Yu yarā űaıa mua” űju Dios ī yiroti quēne. Jājarā masare, “Yu yarā űaıa mua” Dios ī yire ti űaboajaquēne, sigūrine űarāma ī rāca űarona —ĩnare yicami Jesūs.

“űjarā gāıoa manire ĩna vaja yirotijama, ĩnare ĩsiroti űaja”, Jesūs ī yigotire queti (Mr 12.13-17; Lc 20.20-26)

¹⁵ To ī yisere ajicōari, fariseo masa ī tu űaboarā cāmotadicoacama ĩna, gāmerā űagōroana. “Ado bajiro yirāsa”, yiruyuyuma:

—Ado bajiro mani sēniıajama, cudimasibeticōari rojose tāmūogūcūmi —yitūoıaboayuma.

¹⁶ To bajiro yitūoıarā űari, ĩna rācanare, to yicōari, “űju űamasugū űarucūmi Herodes” yirūgūriarē quēne, Jesūs tu ĩnare cōaıujarā ĩna, “Īre sēniıaaya mua” yirā. To ĩna yicōariarā ado bajiro Jesūre sēniıacama ĩna:

—Aıiya gotimasiorimasu. “Riojo gotigu űaami”, mure yimasajaja yua. “Ado bajiro mani yisere bojagūmi Dios” yigotimasiogū űari, riojo yure gotimasioaja mu. “Ado bajiro yu gotimasiojama, yure ajijūnisiniruarāma” yitūoıabecūne, riojo gotigu űaja mu. “Ānoama, űamasurā ĩna űajare, ricati ĩna ajijūnisinibetire ĩnare gotimasiorucūja”, yitūoıabecu űaja mu. Masa űajedirore yure riojo gotigu űaja mu. ¹⁷ To bajiro yigu mu űajare, mu tūoıasere ajirūaja yua. ıRoma macagu űju, Cēsar, gāıoa manire ī vaja yirotsere mani vaju yijama, quēnacōarajari? ıDios ī rotimasirere cudimena yirājarique mani, ĩre mani vaja yijama? — Jesūre yisēniıaboacama ĩna.

¹⁸ Jesūjama, “Rojose yure yiruarā, to bajise yure sēniıatoama ĩna”, yimasicōacami. To bajiri ado bajiro ĩnare cudicami:

—“Quēnarā űaja yua” yiboarine, mua yirore bajiro yirā me űaja mua. ıNo yirā, “Rojose ĩre yirāsa” yirā, to bajise yure sēniıatoati mua? —ĩnare yicami Jesūs. ¹⁹ —Roma macagu űjare gāıoatii, ĩre vaja yirotiire, cojotii yure ĩoıa —ĩnare yicami Jesūs.

To ī yijare, āmiadi, ĩre ĩocama ĩna. ²⁰ Gāıoatiire ĩacōari, ado bajiro ĩnare sēniıacami Jesūs:

—¿Ñimu rioga tuyati? ¿Ñimu vāme tuyati? —Īnare yicami Jesús.

²¹ To ĩ yirone,

—Roma macagu Ʋju César rioga tuyaja. To yicōari, ĩ vāme quēne űaja ti —Jesúre yicadicama ĩna.

To ĩna yijare, ado bajise yicami Jesús:

—To bajiri aditiire ĩacōari, “César yatii űaja”, yimasiaja mua. To bajiri, gobierno ĩ vaja yirotijama, ĩnare vaja yiroti űaja. To bajirone bajiaja Diore quēne. Jediro Dios ĩ cōase ti űajare, “Yua cuose ti űaboajaquēne, ti rāca mu bojarore bajiro yiruarāja”, Diore ĩre yiroti űaja, manire. To yicōari, “No bojase moare yua yise quēne, mu ujose rāca yua yimasise ti űajare, ti rāca mu bojarore bajiro yirūgūruarāja”, ĩre yiroti űaja, muare —Īnare yicami Jesús.

²² To bajiro ĩ yisere ajicōari, no yimasibeticama ĩna, quēnaro gotigure ajibetirūgūriarā űari. To bajiri juaji tudisēniāmenane, vacoacama yuja.

*“¿Bajirearāma, tudicicoanajari?”, Jesúre ĩna yisēniātore queti
(Mr 12.18-27; Lc 20.27-40)*

²³ Tirāmune saduceo masa quēne ejacama, Jesúre sēniātorā. “Masa ĩna rijato bero, ĩna usuri, ĩna rujari űaro cōrone quēna tudicatimenama” yirā űacama saduceo masa. Ado bajiro ĩre sēniācama:

²⁴ —Ajiya gotimasiorimasu. Moisés űamasir'i ado bajiro ĩ yiuacūmasire ti űajare, mare sēniāarā vabu yua: “Sīgū, manajo cutiboa, rīa magūne ĩ bajirocajama, ĩ gagu manajo űariore manajo cutirucami ĩ bedijua. To bajiri ĩ rāca űacōari, so macu cutijama, ĩ gagu macu űarucami”, yimasīñuju Moisés. ²⁵ Yua rācana, sīgū rīa, cojomo cōro jua jēnituarirācu űmua űaboacama. Sīgōrene manajo cutiboacama ĩna. űasuoḡu sore manajo cutisuoḡoacami. Rīa magūne rijacoacami ĩ. ĩ rijato bero, gāji ĩ bedi vasoaboacami. ĩ quēne rīa magūne rijacoacami. ²⁶ ĩ bederā quēne, to bajirone sore manajo cutiboacama. Rīa manane, rijajedicacama ĩna quēne. ²⁷ So manajua ĩna rijajediro bero, so quēne rijacoacamo yuja. ²⁸ To bajiri bajireacōari, quēna ĩna tudicatijama, ¿ñimujua űaguīda so manaju masu űarocama, ĩna űaro cōrone sore ĩna manajo cuticato bero? —Jesúre yisēniātocama ĩna.

²⁹ To ĩna yirone, ado bajiro cudicami Jesús:

—Dios oca masa ĩna ucamasire ajimasimena űaja mua. Dios ĩ masisere quēne masirā me űaja. To bajirā űari, Moisés ĩ ucamasire tuoīacōari, “Riojo me gotiro yaja”, yituoīaboaja mua. ³⁰ Ado bajirojua bajiaja: Bajireariarā, ĩna tudicatiro bero, manajo cutire, manaju cutire quēne maniruaraja. Ángel mesare bajiro bajirā űaruarāma ĩna. ³¹ ¿“Masa ĩna bajirearo bero, ĩna usuri caticōaroja”, yirere ĩabeticatique mua? Dios ĩ masune ĩ gotirere ĩre gotirētobosarimasu ado bajise ucamasīñumi: ³² “Mua űicua űamasiriarā Abraham, Isaac, Jacob, ĩna rūcubuo vadimasicacune űaja yu”, yigotimasīñumi Dios. Masa bajireariarā ĩna usuri ti caticōa űabetijama, to bajise yibetimasiborimi. Bajireariarā, quēna tudicatirājua ĩna rūcubuoḡu űagūmi. “ĩna usuri ti caticōa űajare, bajireariarā űaboarine, Diore rūcubuoḡoā űarāma”, yire űaja —Īnare yicami Jesús.

³³ To bajiro ĩ yisere ajicōari, no yimasibeticama ĩna, quēnaro gotigure ajibetirūgūriarā űari.

*Dios ĩ rotimasire űamasuri vāmere Jesús ĩ gotire queti
(Mr 12.28-34)*

³⁴ Saduceo masare Jesús quēnaro ĩnare ĩ cudise űajare, gajeye ĩre ĩna sēniātomasibetirere ajiyujarā fariseo masa. Tire ajicōari, rējañujarā ĩna. ³⁵ Tiju bero, sīgū ĩna rācagu, Dios ĩ rotimasire gotimasiorimasu, Jesúre sēniāḡu ejacami. “Ado bajiro josasere yu sēniājama, cudimasibeticōari rojose tāmuḡucami” yigu, ado bajise ĩre sēniācami:

³⁶ —Gotimasiorimasu, ¿disejua űati űamasuse masu Dios ĩ rotimasire, mu ĩajama? —Īre yisēniācami.

³⁷ To bajiro ĩ yisere ajicōari, ado bajiro cudicami Jesús:

—Mani ḡjure, Diore buto mairoti űaja. No bojagure mani mairo rētoro, no bojase mani cuose, to yicōari, mani bojatuoīase rētoro Diore mairoti űaja. ³⁸ Ti űaja űasuoḡe, űamasuse Dios ĩ rotimasire. ³⁹ To yicōari, gajeye tire bajibūsasene ado bajiro yaja: “Mu masu rujure mu mairore bajirone mu tuanare maiña”, yigotiaja Dios ĩ rotimasire. ⁴⁰ To bajiri jua vāmene űaja űamasuse masu Dios ĩ rotimasire. Tire mu cudijama, Moisés űamasir'i ĩ rotimasire, to yicōari, Diore gotirētobosarimasa ĩna gotimasiosasirere quēne cudijeocōḡu yigujaja mu —Īre yicami Jesús.

“Rotimuoḡoḡucami” yigu, Dios ĩ cōarocū, ¿ñimū űarucami, yituoīati mua?”, Jesús ĩ yisēniāre queti

(Mr 12.35-37; Lc 20.41-44)

⁴¹⁻⁴² Fariseo masa yua tu ĩna rējaro, ado bajiro ĩnare sēniācami Jesús:

—“Rotimuoṛögōrucami” yigu, Dios ī cōarocu, ġñimū ñarucami yituoīati mua? —Īnare yicami Jesús.

—“Uju David ñamasir'i jānamine ñarucami” yaja —Īre yicudicama ĩna.

⁴³ To ĩna yisere ajicōari, ado bajiro ĩnare yicami:

—To bajiro mua yituoīaboajaquēne, Uju David ñamasir'i, “Rotimuoṛögōrucami” yigu, Dios ī cūrocure tuoīagū, ġno yigu Diore yigure bajiro, “yu uju” yimasīñujari ī? Esp'iritu Santo ī ejarēmose rāca ado bajiro ucamasīñumi:

⁴⁴ “Yu ujure ado bajiro yirucami Dios: ‘Yu riojocatua rujiya maji. Mure ĩaterāre, “Rojose yitujaya” ĩnare yu yiṛo bero, rojose yimasibetiruarāma. To cōrone rotisuoṛucuja mu' yirucami Dios, yu ujure”, yuucamasīñumi David.

⁴⁵ To bajiri, “Rotimuoṛögōrucami” yigu, Dios ī cōarocu, David ñamasir'i jānami ñarucami” yuucamasire ti ñaboajaquēne, ġno yigu ī ujure bajiro bajigutique? —Īnare yicami Jesús.

⁴⁶ To bajiro ĩnare ī gotisere ajicōari, sigū ĩre cūdimasigū manicami. “Mani rētoro masigū ñaami” yituoīacōari, “ ‘Ānoama masimena ñaama' yiromi” yirā, ĩre sēñiŋa tujacōacama ĩna yuja.

23

*“Rojose tāmuoṛuarāja mua”, fariseo masare Jesús ī yire queti
(Mr 12.38-40; Lc 11.37-54; 20.45-47)*

¹ To ī yiṛo bero, masare, yua ī buerāre quēne, ado bajiro yuare yicami Jesús:

² —Dios ī rotimasire gotimasiorimasa, fariseo masa quēne, Moisére Dios ī roticūmasirere buerētobucōari, “Ado bajiro yiroti ñaja manire”, yigotimasiorā ñaama. ³ To bajiri tīre ĩna gotimasiosere quēnaro ajitirūñña mua. To bajiboarine, ĩna yiṛore bajiro yimena ĩna ñajare, ĩna yiṛore bajiro yibesa. ⁴ Dios ī rotimasirere buerētobucōari, ī rotimasire rētoṛusaro yirotiama ĩna. “Cojo vāme me mani rotise ñajare, cūdijeomasimenama ĩna” yimasirā ñaboarine, ĩnare ĩamaimenane, “Ñajediro yua gotirētoṛuse riojo ñaja”, masare ĩnare yicōa ñarūgūama. ⁵ Jediro ĩna yisere, “Quēnaro yirā ñaama” masa ĩna yīārūcūbuosere bojarā yama. ĩna riocavari siature, ĩna ricari dureature quēne Dios ocasāñarijataroriaca jacabusarijatarori cūoama ĩna, “Gājerā manire ĩacōari, quēnaro rūcūbuoato ĩna” yirā. To yicōari sudiro gaja seayore, jacabusase seayore cutiaseri sāñaama ĩna. “Quēnaro yirā ñaama ĩna” masa ĩna yīārūcūbuosere bojarā yama. ⁶ Boserāmuri ñaro ĩna barujijama, ñamasuri cūmurorire rujivariquēnarūgūama ĩna. Dios ocare bueriavirijure quēne ñamasuri cūmurorire rujivariquēnarūgūama. ⁷ To yicōari, jājarā masa ĩna rējarūgūirajaurire ejarūgūama. Masare ĩna bocajama, rūcūbuose rāca ĩnare ĩna sēnsiere bojarūgūama. To yicōari, “gotimasiorimasu” masa ĩna yijama, ajivariquēnarūgūama.

⁸ Muarema, ĩna yiṛore bajiro mua yibetijare, quēnaruarōja. “Gotimasiorimasu” mua rācana muare ĩna yisere bojabetiruarāja mua. Sigūne ñaja yu, mua jedirore gotimasiorimasu. Muama, cojoro cōrone ñarā ñaja mua, yure ajitirūññāma. To bajiri gotimasiorimasu gāmerā yimasimenaja mua. ⁹ Ō vecajure ñagū sigūne ñaami mani jacu, Dios vāme cutigu. To bajiri adi sitagure, gājire yure ajitirūññāre, Diore mua yirūcūbuosere bajiro yirā, “yua jacu” ĩre yibeja mua. ¹⁰ “Yua uju ñaja mu” gājerā muare ĩna yirūcūbuosere ĩnare yirotiṛbeja. “Rotimuoṛögōrucuja mu” yigu, Dios ī cōacacu, yu sigūne ñaja mua ujuama. ¹¹ Sigū yure ajitirūññāre, ñamasugū ī ñaruajama, gājerā ĩna bojasere masicōari, quēnaro ĩnare yiejarēmogū ñarucami. ¹² Quēnaro ĩnare ĩna yirūcūbuosere bojarāre, “Ñamasurā me ñato”, ĩnare yirūcūmi Dios. No bojagu, “Ñamasugū me ñaja yu” yicōari, quēnaro gājerāre yirēmogūjare, “Ñamasugū ñato”, ĩre yirūcūmi Dios —yuare yicami Jesús.

¹³ Fariseo masare, Dios ī rotimasire gotimasiorimasare quēne yigu, ado bajiro goticami Jesús:

—Buto rojose tāmuoṛuarāja mua. “Quēnaro yirā ñaja yua” yiboarine, rojorā ñaja mua. Dios ī rotimasirere buerētobucōari, ñamasuse mejuare ajitirūññāre, gotimasioadicaju mua. To bajiro mua yijama, “Uju Dios yarā quēnaro ī yirā ñabeticōato mani” yirāre bajiro yīñaja mua. To yicōari, “Gājerā, Uju Dios yarā quēnaro ī yirā ñabeticōato ĩna” yirā yaja mua. Dios yarā ĩna ñarūaboajaquēne, ĩnare matarā yaja mua. To bajiri mua quēne ī yarā ñabetiruarāja mua —ĩnare yicami Jesús.

¹⁴ —Buto rojose tāmuoṛuarāja mua, fariseo masa, Dios ī rotimasire gotimasiorimasa quēne. “Quēnaro yirā ñaja yua”, yituoīaboaja mua. Manajua rijaveoriarā ya virire ēmarā ñaboarine, masa ĩna ĩaro rījorojua, “ ‘Quēnaro yirā ñaama' yīiāto” yirā, “Yoaro Diore sēnirā yaja”, yisocartūgūboaja mua. To bajiro mua yise vaja, gājerā rojorā, rojose ĩna tāmūose rētoro rojose tāmuoṛuarāja mua —ĩnare yicami Jesús.

¹⁵ —Buto rojose tāmuoṛuarāja mua. “Quēnaro yirā ñaja yua” yiboarine, mua yiṛore bajiro yirā me ñaja mua. “Manire bajiro gāji ī tuoīajama, quēñaja” yituoīacōari, masare buto gotimasiocludiaja mua. Sigū, “Yuare bajiro tuoīato” mua yigure, “Mani ajitirūññāro rētoro

mani yere ajitirānūato ī” yirā yaja maa. To bajiro maa yijama, “Būto busa rojose tuoīato” yirā yaja maa. To bajiri, maa rēto busaro Dios ī bojabetire yicōari, “Rojose tāmūotūjabetiriarioju varacumi ī quēne”, yirā yaja maa –īnare yicami Jesús.

¹⁶⁻²² Quēna ado bajiro īnare goticami Jesús, fariseo masare, Dios ī rotimasirere gotimasiorimasare quēne:

–Būto rojose tāmūoruarāja maa. Īamena, gājerā īamenare tūa vanare bajiro bajirā űaja maa. No bojase maa yiro tire maa yiruajama, “Yimasucōaruarāja yua. Tire yua yibeti-jama, Dios, rojose yuare yibogumi” yirā, yirere ado bajiro gājerāre gotimasiorūgūboaja maa: “Cojojirema mani goti rore bajiro yiruamena űari, ado bajirojua mani gotijama, quēnacōaroja”, yirūgūboaja maa: “Mani gotirūgūrore bajiro yirā űaboarine, Dios vāmere mani gotivasoajama, mani goti rore bajiro mani yibetiboajaquēne, rojose manire yibecumi Dios”, yirūgūboaja maa. To yicōari, ado bajiro gotimasiorēmoaja: “Dios vāmere gotiterā, Diore yirūcūbuoriavi vāme rāca mani yijama, quēnacōaroja. To bajiro yiterā, Diore yirūcūbuorā soemūoriajau vāme rāca mani yijama, quēnacōaroja. Tire mani yitejama, ō vecaju űmūagaserōju Dios ī űaro vāme rāca mani yijama, quēnacōaroja. To bajiboarine, Diore yirūcūbuoriaviaye oro vāme cutise rāca, to yicōari, gaje vāme Diore rūcūbuorā soemūoriajau joere jesase vāme rāca mani yijama, mani goti rore bajirone yiro ti űaja”, yiboaja maa. Tuoīamasimena, īamenare bajiro bajirā űaja maa. űajediro Dios ye ti űajare, ī vāmerene gotirā yaja maa –īnare yicami Jesús.

²³ –Būto rojose tāmūoruarāja maa. “Quēnaro yirā űaja yua” yiboarine, rojorā űaja maa. Dios ī rotimasirere buerētobucōari, űamasuse mejuare ajitirūnarāja maa. To bajiro yirā űari, bare sāvūore, an’is, menta, comino vāme cutire mojoroaca ti vaja cutiboajaquēne, Diore yirūcūbuoriavi moabosarimasare īsajaja maa. To bajiro yirā űaboarine, Dios ī rotimasire űamasusejuarema ajitirūnūmena űaja maa. Ado bajiro bajijaja űamasuse: Quēnaro riojo yire, gājerāre īamaire, to yicōari, Diore maire quēne űaja űamasuse. Tire quēne yirūgūrona űaja maa. ²⁴ To bajiro yirā űari, ado bajiro yirāre bajiro yaja maa: “Beco rāca idirobe” yirā, oco maa idiro tire veorūgūaja maa. To bajiro yirā űaboarine, camello vāme cutigūjuarema jaigu ī űaboajaquēne, rujuene bayurāre bajiro yirūgūaja maa. To bajiri, īamena, gājerā īamenare tūa vanare bajiro bajirā űaja maa. Dios ī rotimasire űamasuse mere ajirūcūbuorā űaboarine, űamasusejuare yimena űaja maa –īnare yicami Jesús.

²⁵ –Būto rojose tāmūoruarāja maa. “Quēnaro yirā űaja yua” yituoīaboarine, rojorā űaja maa. Idiriabaja, bare jeobariabaja joema coeriabajari űaboarine, jubEAUjama būto űeri cutibajarire bajiro bajijaja maa. Maa űsuri bajisejuarema tuoīabeaja maa. To bajirā űari, “Quēnaro yirā űaja yua” yituoīaboarine, rojosere quēne tuoīarā űari, rojorā űaja maa. Īaūorā űari, “Īnare yitocōari, Īna cuobosere ēmaruarāja”, yituoīarā űaja maa. ²⁶ “Rojorā űaja mani” yimasimena űari, īamenare bajiro bajirā űaja maa, fariseo maa. Rojosere tuoīatūjaya. To bajiro maa yijama, Dios ī bojarore bajiro tuoīarā űari, quēnaro yirā űaruarāja maa.

²⁷ Būto rojose tāmūoruarāja maa fariseo masa, Dios ī rotimasire gotimasiorimasa quēne. “Quēnaro yirā űaja yua” yiboarine, maa yirore bajiro yirā me űaja maa. Masa yujeriviri botisene yiarivirire bajiro bajijaja maa. Masa Īna īaquēnariviri űaboarine, jubEAUjama rijariarā gōa quēnabetoja. ²⁸ To bajiro bajirā űaja maa. “Quēnaro yirā űaama” masa Īna yīlarā űaboarine, maa tuoīare cutisema rojorā űaja. “Quēnaro yirā űaama” masa mūare Īna yīlasere bojatoīarā űaboarine, rojose űaro cōro tuoīarā űaja maa –īnare yicami Jesús.

²⁹ Quēna ado bajiro īnare gotirūtuacami Jesús:

–Būto rojose tāmūoruarāja maa. “Quēnaro yirā űaja yua” yiboarine, maa yirore bajiro yirā me űaja maa. Diore gotirētobosamasiriarāre Īna yujemasirijau joere quēnariju quēnoaja maa, “Quēnarā űamasīűuma” yirā. To yicōari, gājerā quēnaro yirarāre quēne Īna yujerijau joere quēnase quēnorūgūaja maa. ³⁰ To yicōari, ado bajiro yirūgūaja maa: “Mani űicua, Diore gotirētobosarimasare Īna sīarearo, Īnare sīa ejarēmobetiboriarāja mani”, yirūgūaja maa. ³¹ To bajiro maa yijama, “Quēnarā űaűuma” yirā me yaja maa. Ado bajirojua yirā yaja: “Diore gotirētobosamasiriarāre mani űicua Īna sīamasire quēnaűuja ti” yirā yaja maa, maa űicua rojose Īna yiriarore bajiro rojose yirā űari. ³² Maa űicua Diore gotirētobosarimasare Īna sīasūovadimasiriarore bajirone maa quēne Īna jānerabatia űari, Diore gotirētobosarimasare sīajocōaroti űaja –īnare yicami Jesús.

³³ –Vātia űju rojose ī yirore bajirone rojose yijairā űaja maa. Rojose tāmūotūjabetiriarioju maa varotire, no bajiro rudimasibetiruarāja. ³⁴ Maa jud’io masa vatoaju Diore gotirētobosarāre, quēnaro tuoīarāre quēne, Dios ocare gotimasiorāre quēne cōarucuja yu. Īnare sīaruarāja maa. Gājerārema yucūtēroju jajusiaruarāja. Gājerārema, Dios ocare Īna bueriviriju Īnare jaruarāja. Gājerārema, Īna vati macari űaro cōrone rojose Īnare yisūyaruarāja. ³⁵ To bajiro maa yiro ti űajare, ado bajiro yirūcūmi Dios, maa űicua, maa yarā jedirore yure ajitirūnūmenare: Abel űamasir’ire maa űicua ī sīasūomasire, to yicōari Diore yirūcūbuoriavi

jubeaju ñarijau soemhorijau taju Berequ'ias macure Zacar'iare İna sıatusamasirere, quēnaro yirāre İna sıavadimasire ñajare, buto rojose tāmhorarāja mua, adirūmari ñarā. ³⁶ Riojo muare gotiaja yu. Mua ñicua İna bajimasiriarore bajirone Diore mua ajitirūnubeticōa ñajare, İna sıamasire vaja rojose İnare İ yiroti rētohusaro rojose muare yirucami Dios, adirūmari ñarāre –İnare yicami Jesūs.

Jerusalén macanare İna bajirotire Jesūs İ tuoİasutiritire queti
(Lc 13.34-35)

³⁷ Jerusalén macanare İre İna sıarocarō bero İna bajirotire tuoİacōari, ado bajiro yicami Jesūs:

–Jerusalén macana, Diore gotirētohusamasiriarāre sıamasiriarā jānerabatia ñacōama İna. Dios İ cōamasiriarāre, İ ocare gotimasiorimasare gūtane İnare reasıamasiriarā jānerabatia ñaama. Cojoji me gājaboco so querūju ēneroca so İriare so juarēorore bajiro İnare yirūaboacaju yu, İnare coderu. To bajiro yu yirūaboajaquēne, İnajua yure bojabeticama. ³⁸ To bajiri jēre, “İna ñarijūre codetajacōaja yu yuja”, yituoİami Dios. ³⁹ Riojo gotiaja yu: “ ‘İRotimhorūgōrucami’ yigu, Dios İ cōar'i vadiami! İquēnase İre yivariquēnato mani! İDiore rotibosagu İ ñajare, İre quēnaro yato Dios!” yure İna yiroto rījoro, quēna juaji yure İabetiruarāma İna –İnare yituoİa ñagōcami Jesūs, Jerusalén macanare.

24

“Diore yirūcubhorivire jud'io masa me ñarā caguerocacōaruarāma”, Jesūs İ yire queti
(Mr 13.1-2; Lc 21.5-6)

¹ Diore yirūcubhoriviju ñacōari, budiacami Jesūs. İre ēmucōari, ado bajiro İre yicaju yua:
–Adi vire İaİa mu –İre yicaju yua.

² To bajiro yua yirone, ado bajiro yuare yicami Jesūs:

–İAdi vire quēnaro İati mua? Mua İarivi ti bajirotire riojo muare gotiguagu yaja yu. Adi vı mua İarivi ñaro cōrone cagueroca ecoruarōja. To bajiri adi viaye gajea gūta joere, gajea jesabeticōaruarōja –yuare yicami Jesūs.

“Macarucuro ti jediroto rījoro ado bajiro bajiruarōja”, Jesūs İ yire queti
(Mr 13.3-23; Lc 21.7-24; 17.22-24)

³ Tiju bero, Olivo vāme cuti buro joeju rujicami Jesūs. To İ rujirone, gājerā İna mano İacōari, ado bajiro İre sēniİacaju yua:

–İDivato cagueroca ecoroti Diore yirūcubhorivı? İNo bajiro ti bajisere İacōari, “Jesūs ejaguagu yigūmi”, yimasirāti yua? İNo bajiro ti bajiro İacōari, “Adi macarucuro jediato yaja”, yimasirāti yua? –Jesūre yisēniİacaju yua.

⁴ To bajiro yua yisere ajicōari, ado bajiro yuare cūdicami Jesūs:

–Roori ñaruarāja mua, “Socarāne, gājerā manire yitoroma” yirā. ⁵ Jājarā yitorā ñaruarāma, “Yune ñaja ‘Rotimhorūgōrucami’ yigu, Dios İ cōagu” yirā. To bajiro İna yisocasere jājarā masa İnare ajisuyaboaruarāma. ⁶ Mua tuana, to yicōari, gajeroana quēne gājerā rāca İna gāmerā sıasere ajiruarāja mua. Tıre ajicōari, gūibetiruarāja mua. “Bajiruarōja” Dios İ yiriarore bajirone bajiruarōja. To bajiro İna gāmerā yİñaboajaquēne, adi macarucuro jediro me bajiruarōja. ⁷ Cojo sitana gaje sitana rāca gāmerā sıaruarāma. Cojo maca me İioİnaruarōja. To yicōari buto sita saberuarōja. ⁸ To bajiri, rojose tāmhusoruarāma masa. İna tāmhusore rētohusaro rojose tāmhoruana yirā yuja.

⁹ Tirodori, gājerā, muare İejeçōari, İsirearuarāma, gājerāre, “ ‘Rojorā ñaama’ yİİacōari, rojose İnare yato” yirā. To bajiri, gājerāju, rojose muare yigajanocōari, muare sıaruarāma. Yure ajitirūnūrā mua ñajare, muare İateruarāma adi macarucuroana jediro. ¹⁰ To bajicōari, jājarā yure ajitirūnūrā, ajitirūnu tujaruarāma İna. To yicōari, yure ajitirūnūrā, sıgūri, gāmerā İateruarāma. Gājerā, İna rācanare İateçōari, İsirearuarāma İna. ¹¹ “Diore gotirētohusarımasa ñaja yua” yitorā, jājarā ñaruarāma. To bajiro İna yisocasere jājarā masa İnare ajisuyaboaruarāma. ¹² Butobusa rojose rİne yirūtu vare ti ñajare, gāmerā maire quēne manİbusacoaruarōja. ¹³ To bajiro ti bajıboajaquēne yure ajitirūnu tujamenare, adi macarucuro ti jediroju, rojose tāmhuotıjabetiruarōju İna vaborotire İnare yirētohusarucami Dios. ¹⁴ “İju Dios yarā quēnaro İ yirona mua ñarujama, Jesūre ajitirūnuİa” yire queti, adi macarucuro ñarā masa ñaro cōrone gotimasiojeo ecoruarāma. İna masıjedicōaro beroju adi macarucuro jediruarōja.

¹⁵ Diore gotirētohusarımasu Daniel ñamasir'i ado bajiro ucamasıİumi: “Adi macarucuro jedirirodo sıgū, ‘Diore rūcububeticōato İna’ yigu, Dios İ bojabetire yirucami. Diore yirūcubhoriviju İ ñasere masıruarāja mua”, yıucamasıİumi Daniel ñamasir'i. (Yu, Mateo, adi papera Daniel İ ucamasirere Jesūs İ gotisere yu ucasere İacōari, ajımasıİa.) To bajiri Dios İ bojabetire İ yisere İacōari, “Jerusalén maca ti jediritirūmu cōİnaro bajıaja”, yımasıruarāja mua. ¹⁶ To bajiro bajirirūmu Judea sitana gūtayucuju guaro rudıcoajaro İna. ¹⁷ Sıgū İ ya vı

joeju jesaguma, rujiacōari, i ya vi jubeaju gajeyēni űasere juaātīmabetirucumi. ¹⁸ Gāji, veseju moañagū, i ye sudire juagu tudiatīmabetirucumi, rujarīmarone yu ejaroti ti űajare. ¹⁹ Rōmia macu sāñarā, űjurā cuorā quēne, rojose tāmuroarāma ina, űmatīmabetica yirā. ²⁰ “Buto oco quedirirūmure, to yicōari, űsusājarirūmure bajibeticōato” yirā, Diore sēnicōa űarūgūña. ²¹ To bajiro bajirirūmari buto rojose tāmuroarāma masa. Adi macarucuro űasuarirūmari masa rojose ina tāmurodire rētoro tāmuroarāma ina. Rojose ina tāmuro bero, to bajise rojose tāmurobetiruarāma yuja. ²² “Yoaro mebusane rojose tāmuroato masa” Dios i yibetijama, sīgū catirayarocu manibogumi. “Yu yarā űaña mua” i yirere cudiriarāre ĩamaigū űari, “Yoaro mebusane rojose tāmuroato ina”, yirucumi Dios.

²³ To bajiro bajirirodorore, “Ānine űaami ‘Rotimurogōrucumi’ yigu, Dios i cōar’i. Ejayumi” gājerā ina yijama, ĩnare ajibeja mua. To yicōari, gājerājuama, “Tone űagumi. Ejayuju” muare ina yijaquēne, ĩnare ajibeja mua. ²⁴ Jājarā yitorā űaruarāma, “Yune űaja ‘Rotimurogōrucumi’ yigu, Dios i cōagū” yirā, to yicōari, “Diore gotirētobosarimasa űaja yua” yirā. To bajiro yirā, ĩlañamani jairo yīoruarāma, masare yitorā. To bajiro yiruarāma, “Yu yarā űaña mua” Dios i yirere cudirā quēne, manijare ajitirūuato” yirā. ²⁵ Tire muare yu gotimasiosere quēnaro tuoña mua. Ti bajiroto rījoro jediro muare gotijeobu yu. ²⁶ To bajiri, “Yucū manojū űagumi, ‘Rotimurogōrucumi’ yigu, Dios i cōar’i” muare ina yijama, ĩarā vabetiruarāja mua. To yicōari, “Vi jubeaju yayiorojū űagumi, ‘Rotimurogōrucumi’ yigu, Dios i cōar’i” ina yijama, ĩnare ajitirūubetiruarāja mua. ²⁷ Macarucuro jediro bujo i yabesere masa ina ĩarore bajiro Dios i roticōacacu, yu vadore yure ĩare űaruroja. ²⁸ Rjar’i, i boacūñarorema, yuca ejarāma ina — yuare yicami Jesús. ¹

*“Dios i roticōacacu tudiejarucija yu”, Jesús i yire queti
(Mr 13.24-37; Lc 21.25-33; 17.26-30, 34-36)*

²⁹ To yicōari, quēna ado bajiro yuare yicami Jesús:

—Tire rojose ina tāmuro gajanorijaune, gaje vāme rojose bajiruroja. Muju űmuagu asibetirucumi yuja. űnamiagu quēne busubetirucumi. űnooa quēne vējacoaruarāma. To yicōari, ű vecayere űnurobatorucumi Dios. ³⁰ To bajiro ti bajiro ĩacōari, “Ō vecagu Dios i roticōagū rujiadiguagu yigumi”, yure yiruarāma masa. Yu rujiadire ĩacōari, gūirā, otiruarāma. Yu masise rāca, oco bueri vatoaju buto yu busubatorujiadire ĩaruarāma. ³¹ Ō vecaju trompeta jutise ocaruyuroja. To cōrone, “Yu yarā űaña’ Dios i yirere cudiriarāre juooga soje, jūnaga soje, varuaga soje, gajejacatua varuaga soje űarā jedirore juarēoato” yigu, āngel mesare cōarucija yu. To yu yijare, yu yarā űaro cōrone juarēoruarāma ina —yuare yicami Jesús.

³² To yicōari, quēna ado bajiro yuare goticami Jesús:

—Gotimasiore queti muare gotigu yaja yu. Higuera vāme cutiure tuoña mua. Higuera vāme cutiū gajecu bucamūjacōari, jū mameaja. Tire ĩacōari, “Mojeroaca ruajaja cāma ti ejaroti”, yimasijama mani, judío masa. ³³ Muare yu gotisere bajiro bajisere ĩacōari, “Mojeroaca ruajaja Jesús i vadiroti”, yimasiruarāja mua. ³⁴ Riojo muare gotiaja yu. Adirodo űarā mua bajireajediroto rījoro, muare yu gotirore bajirone bajiruroja ti. ³⁵ Adi macarucuro űaro cōrone, to yicōari, ű vecaye quēne jedicoaruroja. To bajiboarine, yu ocama, jedibeti murogōcōaruroja.

³⁶ “Ado cōrone ejarucumi Jesús” yimasigū magumi. Āngel mesa quēne, masimenama ina. Dios macu űaboarane, “To cōro ejarucija yu”, yimasibeaja yu quēne. Yu jacu sīgūne masigūmi —yuare yicami Jesús.

³⁷ Quēna ado bajiro yuare gotirēmocami Jesús:

—Noē űamasir’i i űariarodo masa ina bajiñamasiriarore bajiro bajiñaruarāma, Dios i roticōacacu, yu tudiejarirūmure quēne. ³⁸ Adi macarucuro ti rujaroto rījoro, bare ba, idi, manajo cuti, yicōa űamasiruarāja ina. Diore tuoari mene, “¿To bajiroado yatique?” yimenane, jairica cūma quēnogajanocōari, Noē i vasājaro űnone to bajiro yicōa űamasiruarāja ina. ³⁹ “To bajiroado yiroja” ina yimasibetone, ĩnare ruureacōamasiruarāja Dios. To bajirone bajiruarāma masa, yu tudiejarirūmure quēne. ⁴⁰ Yu ejarirūmu juarā űmua ina veseju moañaruarāma. To ina yīnarone, sīgū āmiecorucumi. Gājima, āmiecobetirucumi. ⁴¹ Rōmia juarā trigore vāiañaruarāma. To bajiri, sīgō āmiecorucocomo. Gajeoma, āmiecobetirucocomo.

⁴² To bajiro bajiroti ti űajare, roori űaruarāja mua, “To cōrone tudiejarucumi mani űju” yure yimasimena űari. ⁴³ Sīgū vi űju, “Adi űami juarudirimasu ejarucumi” i yimasijama, roori űabogumi, ĩre mataru. ⁴⁴ To bajiri, “Dios i roticōagū i tudiejarotire mani masibetiruarone tudiejaromi” yirā, roori űarūgūruarāja mua —yuare yicami Jesús.

¹ **24:28** “Yuca ejarāma, masu boagu ĩnarore” iyijama, “Rojose yirāma, no bojarone űacōarāma” yigu yiyuju Jesús. **24:34** Griego masa ye rāca “esta raza” yiroma, judío mesare yiro yaja. To bajicōari, “esta generaci3n” ti yijama, adirodo űarāre yiro yaja.

“Ado bajiro bajigumi yu tudiejarotire roori ñagāma”, Jesús ĩ yire queti (Lc 12.41-48)

⁴⁵ Quēna ado bajiro yuare gotirēmocami Jesús:

—Ado bajiro bajirucami yare quēnaro ajitirānu tajabecu, quēnaro tuoīagū: Ҫju, gajeroju ñaguacu, ĩ varoto rĭjoro, “Yu ya vianare yare codebosaba” yigu, ĩre moabosarimasare ĩ cū var’ire bajiro bajigu ñagūmi. ⁴⁶ ĩ ҫju, ĩ rotivariore bajirone ĩ moayurere tudiejacōari, ĩ ñaejajama, quēnaro ĩre yigūmi, ĩre moabosarimasare. ⁴⁷ Riojo muare gotiaja yu. Ҫju ĩ bojarore bajirone ĩ yire ti ñajare, ĩ cuose jedirorene ĩre ñatirānu rotigūmi. ⁴⁸⁻⁴⁹ Ado bajiro bajirucami yare quēnaro ajitirānubecama: Rojose yigu ĩ ñajama, ҫju, ĩ vato bero, “Yoatoju tudiejagūmi” yituoīagū ñari, ĩ ҫju moabosarimasare rojose yigūmi. To yicōari, idimecūrügūrāre baba cuticōari, ĩna rāca idirügūgūmi ĩ quēne. ⁵⁰ To ĩ yīnarone, ĩ ҫju, tudiejagūmi. ⁵¹ Tudiejacōari, ĩ rotiriarore bajiro ĩ yibetire ti ñajare, rojose ĩre yigūmi. To bajiri “Quēnaro yirā ñaja yua” yiboarine, ĩna yirore bajiro yimena rojose ĩna tāmurore bajirone tāmogūmi. Vato rojose tāmogū ñari, guji pōguē, oti, yigūmi —yuare yicami Jesús.

25

“Ado bajiro bajiruarāma Dios yarāma. To yicōari, ĩ yarā me ñarāma ado bajiroju bajiruarāma”, Jesús ĩ yire queti

¹ Quēna ado bajiro yuare yicami Jesús:

—Ҫju Dios yarā ñaronama, quēnaro ĩ yironama, to yicōari, ĩ yarā me ñaronajuama, ado bajiro bajirāre bajiro bajiruarāma: Mamarā rōmiri juaāmocārāco ñarāma, mame manajo cutirocure ĩre bocarā vana. To vana, ĩna sīabusuore juaānama. ² Cojomocārāco ñarāma quēnaro tuoīarā. To yicōari, cojomocārāco quēnaro tuoīamena ñarāma. ³ Quēnaro tuoīamenama ĩna sīabusuore juarā ñaboarine, ҫye ti jediro, ĩna jiovasoaborotire juaāmenama. ⁴ Quēnaro tuoīarājūma, “Ti jediro jiorāsa manī” yirā, juaānama. ⁵ Manajo cutirocu ĩ ejaĭmabetijare, yoaro yubusaboa, cānicōanama. ⁶ ĩna cāniñarone, ñami gudareco cōñaro cōro ocaruyuroja yuja: “Manajo cutirocu vadicoadiami yuja. ĩre bocarā vayā”, yī ocaruyuroja. ⁷ Tire ajicōari, ĩna sīabusuore sīarāma. ⁸ Cojomocārāco ñarā quēnaro tuoīamenajua, ado bajiro yirāma quēnaro tuoīarājūare: “Yu sīabusuore ҫye jedicoaju ti. To bajiri mua ҫye mojoroaca yuare ĩsiña”, yiboarāma ĩna. ⁹ To bajiro ĩna yiboajaquēne, ado bajiro cudirāma quēnaro tuoīarā: “Ĭsibeaja. Mua masune ҫye ĩsirimasu tju vacōari, vaja yīaya. Muare yua ĩsijama, manire tĭjabetiboroja”, ĩnare yirāma. ¹⁰ To bajiro ĩna yisere ajicōari, ҫye vaja yirā vacoanama quēnaro tuoīamenajua. ĩna vato bero, manajo cutirocu ejağami yuja. Quēnaro ñayuriarā rōmirima, ĩ ejarone, ĩ rāca sājacoanama ĩna, ĩ āmosiaro ĩarā. Sājacōari, sojere tucōagūmi manajo cutirocujua. ¹¹ Soje ĩ turiaro bero, ejaaboarāma quēnaro tuoīamena. Sājamasimenama. To bajiri, manajo cutirocure ado bajiro ĩre yiboarāma: “Yu ҫju, soje jānaña maji”, ĩre yiboarāma. ¹² To ĩna yisere ajicōari, ado bajiro ĩnare cudigūmi manajo cutirocu: “Riojo muare gotiaja yu. Yu yarā me ñaja mua. Muare masibeaja yu”, ĩnare yigūmi manajo cutirocu —yuare yicami Jesús.

¹³ —To bajiri roori ñarügūrārāja mua, “To cōrone tudiejarucami” yare yimasimena ñari —yuare yicami Jesús.

Moabosarimasa ĩna bajirere Jesús ĩ gotimasiore queti (Lc 19.11-27)

¹⁴ Quēna ado bajiro yuare yicami Jesús:

—Quēna yu tudiejaro, “Ñajediro ҫju ñaja yu” yīocōari, yu yarā yare ajitirānurā ĩna yisere masicōari, moabosarimasa ҫju ado bajiro ĩ yiriarore bajiro bajiruroja: Sīgū ñagūmi gaje sitaju varocu. ĩ varoto rĭjoro, ĩre moabosarimasare jirēogūmi. ĩnare jirēocōari, ĩ ye gājoare ĩnare bategūmi. “Yu manitoyeju adi gājoa rāca vaja yicōari, mua vaja yisere gājere ĩsirā, jaiabusaro vaja sēnima, ‘Jaiabusaro gājoa bujarāsa’ yirā”, ĩnare yigūmi.

¹⁵ To bajiri, sīgūre cinco mil ñaritiiri gājoatiire ĩre ĩsigūmi. Gājire, dos mil ñaritiiri ĩsigūmi. To yicōari, gājirema, mil ñaritiiri ĩsigūmi. ĩnare ĩsigajanocōari, vacoacūmi. ¹⁶ Ҫju ĩ vato bero, cinco mil ñaritiiri ĩsiecor’i, quēna cinco mil ñaritiiri bujarēmogūmi. ¹⁷ Gāji dos mil ñaritiiri ĩsiecor’i, quēna dos mil ñaritiiri bujarēmogūmi. ¹⁸ Gāji, mil ñaritiiri ĩsiecor’ima, ĩsiecoriario cōrone yujecūcōagūmi.

¹⁹ Yoatoju ҫju tudiejagūmi quēna. Tudiejacōari, “Gājoa ĩnare yu ĩsicati rāca, ҫno bajiro yare yibosayujari ĩna?” yisēñaru, ĩnare jigūmi quēna. ²⁰ Cinco mil ñaritiiri ĩ ĩsir’ire jisnogūmi. To ĩ yigu, ejaçōari, ĩre ĩ ĩsiriaro cōro tuogūmi. To yicōari, cinco mil ĩ bujarēmomore ĩre ĩsigūmi. To yigūne, ado bajiro gotigūmi: “Cinco mil ñaritiiri yare ĩsicaju mu. To bajiri quēna gaje cinco mil ñaritiiri muare bujarēmobosabu yu”, ĩ ҫjare ĩre yigūmi. ²¹ To ĩ yijare, ado bajiro ĩre cudigūmi ĩ ҫju: “Yuare quēnaro moabosayuja mu. Yu roticatore bajirone yare cudiyuja mu. Mojoroaca muare yu ĩsicati rāca yu roticatore bajiro mu yire ti ñajare, ñamasuse yare yibosarucuja mu. Yu

rāca variquēnaña”, ĩre yigumi. ²²To ĩ yiro bero, gāji, dos mil ñaritiiri ĩsiecor'i e jagumi. Ejacōari, ĩre ĩ ĩsiriario cōro tuogumi ĩ quēne. To yicōari, gaje dos mil ñaritiiri ĩ bujarēmōre ĩsigūmi. To yigune, ado bajiro gotigumi: “Dos mil ñaritiiri yure ĩsicaju ma. To bajiri quēna gaje dos mil ñaritiiri mure bujarēmobosabu ya”, ĩ ujure ĩre yigumi. ²³To ĩ yijare, ado bajiro ĩre cūdigumi ĩ uju: “Yure quēnaro moabosayuja ma. Ya roticatore bajirone yure cūdiyuja ma. Mojoroaca mure ya ĩsicati rāca ya roticatore bajiro ma yire ti ñajare, ñamasuse yure yibosarūcija ma. Yu rāca variquēnaña”, ĩre yigumi.

²⁴⁻²⁵Ī bero ĩ ujure ĩogū e jagumi mil ñaritiiri ĩsiecor'i: “Yu uju, adine ñaja ma gājoa, yure ma ĩsicati. Tire yujecūcōacaju ya, mure gūgu ñari, ‘Ti suorine yure tud'ijacagumi; buto roticōari ĩ bojarore bajiro yirere bojagu ñacami’ yituoīagū ñari”, ĩre yigumi. ²⁶To bajiro ĩ yijare, ado bajiro ĩre cūdigumi ĩ uju: “Yu bojasere yitegu bajiyuja ma. Rojogu ñaja ma. ‘Tud'ijacagumi; buto roticōari ĩ bojarore bajiro yirere bojagu ñacami’ yure yituoīagū ñaboarine, quēnaro yure moabosabesuja ma. ²⁷Gājoa mure ya ĩsicati rāca vaja yicōari, ma vaja yisere gājerāre ĩsicōari, jaibusaro vaja sēnibetiboarine, gājoa cūriavijua ma cūjama, jaibusaro yure bujarēmobosaboriaja ma”, ĩre yitud'igumi ĩ uju. ²⁸To bajiro ĩre yigajanocōari, gājerāre ado bajiro rotigumi: “Ānire gājoa ya ĩsiboacatire ēmaña. Tire ēmacōari, diez mil ñaritiiri yure ĩsigūjare ĩsīña”, ĩnare yigumi ĩna uju. ²⁹To yicōari, ado bajise ĩnare gotirēmogūmi: “No bojagu ĩre ya ĩsise rāca ya bojarore bajiro yigu, quēnase bujaracumi. Ñejuā ruyabetiruarōja ĩre. No bojagu ĩre ya ĩsise rāca ya bojarore bajiro yibecurema, ĩre ya ĩsiboacatire ĩre ēmarūcija ya, ‘Yu bojarore bajiro yimasibeami’ yigu. To yicōari, ĩre ya ēmasere gāji ya bojarore bajiro yigūjare ĩrūcija ya. ³⁰Āni yure moabosarimasu ñie vaja magūre, rētiaroju ĩre rocacāña ma. Toju ñacōari, buto rojose tāmūogū ñari, guji pōguē, otī, yirucumi”, yigumi ĩna uju —yure yigoticami Jesús.

Adi macarucuro ñarāre, masare ĩ beserotire Jesús ĩ gotire queti

³¹Ado bajiro yure goticami Jesús quēna:

—Dios ĩ roticōacacu ya tudiejarō, ya rāca ejaruarāma ángel mesa. Ejacōari, masare rotiguagu, rucūbuorija rujirucuja ya. ³²To bajicōari, “Adi macarucuroana masa ñajediro ya ĩrjoroja ejato” yigu, ángel mesare juaārotirucuja ya. To bajiro ĩna yiejoro bero, ya yarāre, ya yarā mere quēne ĩamasicōari, ricati ĩnare cūrucuja ya. Oveja coderimasu, ovejare ricati, cabrare ricati ĩ cūrore bajiro ĩnare yirucuja ya. ³³Yu yarāre ya riojojacatua cūrucuja. To yicōari, ya yarā mere ya gācojacatua cūrucuja. ³⁴To bajiri ya riojojacatuānare ado bajiro ĩnare yirucuja ya: “Yu jacu quēnaro ĩ yirā ñaja ma. To bajiri ĩ rāca ĩ ye quēnasere bujaruarāja ma yuja. ‘To bajiro bajiruarāma’ mure yituoīacōari, quēnobosacami, adi macarucuro rujeogu. ³⁵Yu ñiorijaro, yure bare ecacaju ma. Yu idiruarō, yure iocaju ma. Gajeroagu ma masibecu ya ñaboajaquēne, quēnaro yure bocaāmicaju ma. ³⁶Yu sudi mano, yure sudi sācaju ma. Yu rijaro, yure ĩarā ejacaju ma. Tubiberiavi ya ñaro, yure ĩarā ejacaju ma”, yirucuja ya, ya yarāre. ³⁷To bajiro ya yisere ajicōari, ado bajiro yure sēñiaruarāma ĩna: “Yu uju, ¿Divato ma ñiorijasere ĩacōari, mure bare ecacati yua? ¿Divato ma idiruarō mure iocati yua? ³⁸¿Divato gajeroagu yua masibecu ma ñaboajaquēne, quēnaro mure bocaāmicati yua? To yicōari, ¿divato ma sudi mano, mure sudi sācati yua? ³⁹To yicōari, ¿divato ma tubibe ecoro, ma rijarore quēne, mure ĩarā ejacati yua?”, yure yisēñiaruarāma ĩna. ⁴⁰To bajiro ĩna yisere ajicōari, ado bajiro ĩnare cūdirucuja ya: “Riojo mure gotiaja ya. Yu yarāre, ‘Ñamasurā me ñaama’ ĩnare yiboarine, quēnaro ĩnare ma yijama, yurene quēnaro yirā yicaju ma”, ĩnare yirucuja ya, ya yarāre, ya riojojacatuajua ñarāre.

⁴¹To yicōari, ya gācojacatujua ñarārema ado bajiro yirucuja ya: “Yure cāmotadiya ma. ‘Rojose tāmūoguarāma’ Dios ĩ yirā ñaja ma. ‘Jeame yatibetimeju, rojose tāmūoguarāma vātia, ĩna uju rāca’ Dios ĩ yiruecatijuju vasa ma. ⁴²Yu ñiorijaro yure bare ecabeticaju ma. Yu idiruarō yure iobeticaju ma. ⁴³Gajeroagu ma masibecu ya ñajare, yure bocaāmbeticaju ma. Yu sudi mano, yure sudi sābeticaju ma. Yu rijaro quēne, tubiberiavi ya ñaro quēne, yure ĩarā ejabeticaju ma”, ĩnare yirucuja ya, ya gācojacatuānare. ⁴⁴To bajiro ĩnare ya yirone, ado bajiro yure sēñiaruarāma ĩna: “¿Divato ma ñiorijaro mure ecabeticati yua? ¿Divato ma idiruarō, mure iobeticati yua? ¿Divato gajeroagu yua masibecu ma ñajare, mure bocaāmbeticati yua? ¿Ma sudi mano, mure sudi sābeticati yua? ¿Divato ma tubibe ecoro, ma rijarore quēne, mure ĩarā ejabeticati yua?”, yure yisēñiaruarāma ĩna. ⁴⁵To bajiro ĩna yisere ajicōari, ado bajiro ĩnare cūdirucuja ya: “Riojo mure gotiaja ya. Ānoa ya riojojacatuāna ya yarāre, ‘Ñamasurā me ñaama’ ĩnare yiboarine, quēnaro ĩnare ma yibetijama, yurene quēnaro yimena bajicaju ma”, ĩnare yicūdirucuja ya, ya gācojacatuānare. ⁴⁶To bajiro ĩnare yigajanocōari, rojose ĩna tāmūotujabetirotoju ĩnare reacōarucuja ya. To yicōari, ya yarājuama, quēnaro ĩna ñacōa ñarotoju varuarāma —yure yicami Jesús.

26

“¿No bajiro yigü ñaami yitocōari, Jesúre ñe ñiarāti mani, ñe sñaruarā?”; ña yire queti
(Mr 14.1-2; Lc 22.1-2; Jn 11.45-53)

¹ To bajiro gotigajanocōari, i buerimasare ado bajiro yuare yicami Jesús:

² —Juarūmu berone ñaroado yaja Pascua boserūmu ñasworirāmu. Tirāmune yure Dios i roticōacacure masare Isirotarucami sigū. To bajiri yure ñiacōari, yucátēroju jajusiaruarāma ña —yuare yicami Jesús.

³ Tirūmari paia uju ñamasugū Caifás vāme cutigu ya viju rējacōari, tuoñañuñujarā bucūrā, paia ujarā quēne:

⁴ —Jesúre sñaruarā, ¿no bajiro yigü ñaami yitocōari, ñiarotirāti mani? ⁵ To bajiboarine, boserūmu ñaro ñe mani sñajama, tire ñajūnisinicōari, manire rojose yiborāma masa —gāmerā yīñagōñujarā ña.

Jesús rujoare sutiquēnasene rōmio so yuejeore queti
(Mr 14.3-9; Jn 12.1-8)

⁶ Betania vāme cuti macaju cāmi boacacu, Simón vāme cutigu ya viju ñacaju yua, Jesúrāca. ⁷ Ti viju Jesús i barujiro, sigō, gūta sotu alabastro vāme cuti rāca veariaru ñmiejacamo. Sutiquēnase buto vaja cutise, nardo vāme cutise sñaritu ñacaju tiru, so ñmiritu. To bajiri Jesús tuaca eja, i rujoa joere ñe yuejeocamo so. ⁸ To bajiro so yisere ñacōari, jūnisinicaju yua i buerimasa. To bajiri, ado bajiro gāmerā yicaju yua:

—¡Jairo gājoa yireago yamo! ⁹ Tire Isicōari, jairo gājoa bujacōari, maioro bajirāre ejarēmoroti ñaboaja ti —gāmerā yicaju yua.

¹⁰ To bajiro yua yisere ajicōari, ado bajiro yuare yicami Jesús:

—Sore gōjanabobesa mua. Tire yure so yuejeojama, quēnaro yure yigo yamo. ¹¹ Maioro bajirā mua rāca ñacōa ñarūgūruarāma, mua ejarēmorona. Yuma, mua rāca ñacōa ñabetirucaja. ¹² Adio sutiquēnase yure so yuejeojama, yure ña yujeroto rījoro yuejeo rījoro cutigo yamo. ¹³ Riojo muare gotiaja yu. Yu bajiroti quēnase quetire, adi macarucuroana jedirore gotibatuarāma masa. To bajirone bajiruaroja sutiquēnase yure so yuejeose queti quēne. So yuejeosere masiritimenane tire gotibatuarāma —yuare yigoticami Jesús.

“Jesúre ñiatio” yigü, ñe ñaterā taju Judas i gotirudigu vare queti
(Mr 14.10-11; Lc 22.3-6)

¹⁴ Jesús buerimasa juaāmo cōro, gubo jua jēnituariarācu ñacaju yua. To bajiri yua rācagune Judas Iscariote vāme cutigu, paia ujarāre ñagōgū varimi. ¹⁵ ña taju ejacōari, ado bajiro ñare sēñifañuju i:

—¿No cōro jairo yure vaja yirāda mua, “Jesúre ñiatio” yigü, muare yu gotijama? —ñare yisēñifañuju.

To i yisēñiase ñajare, treinta ñaritiiri gājoa ñe Isiñujarā ña. ¹⁶ To bajiro ña gāmerā yiriaro bero, “¿Dirīmaro ũno Jesúre ñare ñiarotiguti yu?”, yitōiōacōa ñañuju i.

Jesús i batasare queti

(Mr 14.12-25; Lc 22.7-23; Jn 13.21-30; 1 Co 11.23-26)

¹⁷ Pascua boserūmu pan ũmato vauvase vuoyamani basuoriarūmu ejacaju ti. To bajiri Jesús buerimasa, ado bajiro ñe sēñiñacaju yua:

—Pascua boserūmu ñajare, mani barotire, ¿noju bare yua quēnoyusere bojati mu? —ñe yisēñiñacaju yua.

¹⁸ —Jerusalēnju vasa mua. Toju ejacōari, ado bajiro ñe yiba, vi ujure: “Manire gotimasiorimasu ado bajiro mure yicōami: ‘Mojoroaca ruajaja, Dios i bojarore bajiro yu yijeoroti. To bajiri, i ya viju adi ñami Pascua boserūmu ti ñajare, yu buerimasare ũmato bagu varucuja’ mure yicōami”, ñe yigotiba mua —ñare yicami Jesús.

¹⁹ “To bajiro yiba mua” Jesús i yicatore bajirone yiyuma ña. To bajiri, Pascua boserūmu yua barotire quēnoyuyuma ña.

²⁰ Ti ñami i buerimasa juaāmo cōro, gubo jua jēnituariarācu ñarā barujiñacaju yua, Jesúrāca. ²¹ Yua bañarone, ado bajiro yuare yicami Jesús:

—Riojo muare gotiaja yu. Sigū mua rācagu, yure ñaterāre yure Isirotarucami —yuare yicami Jesús.

²² To i yisere ajicōari, buto sutiriticaju yua. Tocārācune sutiritirā ñari, ado bajiro ñe sēñiñacaju yua:

—¿Yu uju, yuare ñabetiboati, mure Isirotarucu? —ñe yisēñiñacaju yua.

²³ To bajiro yua yisere ajicōari, ado bajiro yuare cudicami Jesús:

—Sigū, yu rāca yosebagu ñaami yure Isirotarucuma. ²⁴ Dios oca masa ña ucamasire ti gotirore bajiro rojose tāmurocujaja yu, Dios i roticōacacu. To bajirocu yu ñajare, yure ñaterāre yure Isirotarucami. Yure i gotiyirose suorine rojose tāmurocujaja yu.

“Masare yirēto bosarucami” Dios ī yimasire ti űajare, bajirucuja yu. To bajiboarine, yare gotiyiror’ijuaama, rojose tāmurocumi. Ruyuabeticōarocu űaboayumi —yware yicami Jesús.

²⁵ To ī yirone, Judas, Jesúre ĩsirocarocu, socune ado bajiro Jesúre ĩre sēniātocami:

—Gotimasiorimasu, ¿yune űabetiboati, mare ĩsirocarocu? —ĩre yisēniācam.

To ī yirone, ado bajiro ĩre cudicami Jesús:

—Riojo yaja mu —ĩre yicami Jesús.

²⁶ Yua bañarone, pan āmicōari, “Quēnaja”, Diore ĩre yicami Jesús. To yigajano, tire matocōari, ī buerimasare yware ĩsibatogune, ado bajiro yware yicami:

—Baya mua. Ti űaja yu ruju rii —yware yicami.

²⁷ Tire yua bagajanorone, idiriabaja āmicōari, “Quēnaro yaja mu”, Diore yicami quēna. To yicōari, tibaja yware ĩsigūne, ado bajiro yicami:

—Mua jediro adire idiya. ²⁸ Adī űaja tirūmuaana “Rojose mani yirere masirioato” yirā, Diore rūcuborĳaju joere ĩna yuejeoriarore bajiro bajise. Yucarema, yu rī’i űaja. Ti sūorine, “Gajerodo to bajiro muare yirucuja yu” Dios ī yicūmasiriarore bajiro bajiruroja. To bajicōari, jājarā masa rojose ĩna yisere masiriocōari, tudituoĳabetirucami Dios. ^k ²⁹ Riojo muare gotĳaja yu. “Rotimūorūgōrucami” yigu, yu jacu yare ī cūroto rĳoro, quēna juaji űye oco idibetirucuja yu —yware yicami Jesús.

*“Jesúre masibeaja yu yirucuja mu”, Pedroro Jesús ĩyire queti
(Mr 14.26-31; Lc 22.31-34; Jn 13.36-38)*

³⁰ To ī yiro bero, Diore rūcuborā basacaju yua. Basagajano, Olivo vāme cuti buroju vacoacaju yuja. ³¹ To yua vatone, ado bajiro yware yicami Jesús:

—Adī űamine yare ajitirānu tujacōari, vaveoruarāja mua jediro. Dios oca masa ĩna ucamasire to bajiro ti gotĳare, to bajise muare yaja yu. Ado bajiro gotĳaja ti: “Oveja coderimasare bajiro bajigure sĳarucuja yu. To bajiri ī yarā ovejare bajiro bajirā rudibateoaruarāma”, yigotĳaja Dios oca masa ĩna ucamasire, manire gotiro. ³² Yure mua vaveoboajaquēne, yure ĩna sĳaro bero, quēna tudicaticōari, Galilea sitaju mua vato, yujua mua rĳoro űatujarucuja —yware yicami Jesús.

³³ To ī yisere ajicōari, ado bajiro ĩre yicami Pedro:

—Ānoa jediro, mare ĩna vaveoboajaquēne, mare vaveobetirucuja yuma —Jesúre ĩre yicami.

³⁴ To ī yisere ajicōari, ado bajiro ĩre cudicami Jesús:

—Riojo mare gotĳaja yu. Adī űami busiyujua gĳajabocu ī űagōroto rĳoro, idĳaji, “Jesúre masibeaja; ī rācagu me űaja yu”, yisocarucuja mu —Pedroro ĩre yicami.

³⁵ To bajiro ī yisere ajicōari, ado bajiro cudicami Pedro:

—Mu rāca yure ĩna sĳarūajaquēne, “Jesúrācagu me űaja yu”, yisocabetirucuja yu —Jesúre yicami Pedro.

To bajiro Pedro ī yisere ajicōari, yua quēne to bajiro yĳjedicōacaju.

*Getseman’i vāme cutoju Jesús ĩjacure ĩsēniqū vare queti
(Mr 14.32-42; Lc 22.39-46)*

³⁶ To yua yiro bero, Getseman’i vāme cutoju yware űmato vacami Jesús. Toju ejacōari, ado bajiro yware goticami Jesús:

—Ōju Diore sēniguacu yaja yu. To yu vatoye, ado rujicōaña mua maji —yware yicami.

³⁷ To yĳ vacune, Pedroro, to yicōari, Zebedeo rĳare juarājūrene jĳ vacami Jesús. To yĳ vacune, buto tuoĳasutiriticami yuja. ³⁸ To bajiro bajigune, ado bajiro yiyuju Jesús, ī rāca variarāre:

—Buto tuoĳasutiritĳaja yu. Sūtĳrosene yure sĳaro yaja. Adone yare yuñaña maji. Yū cānĳbetore bajirone cānĳbeja mua quēne, Diore sēniñarā —ĩnare yiyuju Jesús.

³⁹ To yicōari, to sojuabusu varēmoĳuju Jesús. Va, sita tūcuroju murocacūcōari, Diore sēniñuju ĩ:

—Cacu, yure ĩna sĳarotire matamasĳaja mu. To bajiboarine, mu bojarore bajirone bajiato —Diore yiyuju.

⁴⁰ To yigajano, Pedro mesa ĩna cānĳtoyene ĩna taju ejayuju. ĩnare yuĳiocōari, ado bajise Pedroro ĩre yiyuju Jesús:

—¿No yirā cojo hora cōro cānĳbetibusarāne, yare yuñabetimasucōati mua? ⁴¹ Yū cānĳbetore bajirone cānĳbesa mua quēne. To bajicōari, Diore sēniña, “Vātia űju Satanás ī yĳrotisere yicōari, Dios ĩ bojabetire yĳrobe” yirā. Quēnaro muare masĳaja yu. “Dios ĩ bojasere yirucuja” yirā űaboarine, cojojirema rojose usuri cutirā űari, Dios ĩ bojabetĳware yirūgūaja mua —Pedro mesare ĩnare yiyuju Jesús.

⁴² To yicōari, gāme vacu, ado bajiro Diore sēniñuju Jesús:

^k 26:28 “Yū bojarore bajiro mua yĳama, quēnaro muare yirucuja yu” masare Dios ī yicūmasire yiruroja yaja pacto ti yĳama.

—Cacu, yure ña sïaroti matamasiasia ma. To bajiboarine, ma bojarore bajirone bajiato — Diore yisênifuju.

⁴³ To yigajano vacune, câniariarãre ñare ejayuju quëna. Buto vujaejarã ñari, cânifujarã ña. ⁴⁴ To bajiri rïjoro ñare ï yiriarore bajirone ñare yicõa, Diore sênigũ vacoasuju quëna. To ejacõari, rïjoro Diore ï sêniriarore bajirone ñare sênifuju quëna. ⁴⁵ Diore sênigũ var'i, tudiejacõari yuare yuiocami:

—¿No yirã cãni manicõati mua maji? Ado cõrone Dios ï roticõacacure rojose yirãre yure ñisirocarocu vadicoagumi yuja. ⁴⁶ To bajiri yujiya mua. Ñre bocarã vajaro. Yure ñisirocarocu vadiani yuja —yuare yicami Jesús.

Jesúre ña ñiare queti

(Mr 14.43-50; Lc 22.47-53; Jn 18.2-11)

⁴⁷ To bajiro Jesús yuare ï yïñarirïmarone, Judas Iscariote vãme cutigu, yua rãcagune, vadidami yuja. Jãjarã ï rãca vadicama jariaseri cuorã, gãjerã yucãjuriri cuorã. Bucurã, paia ujarã quëne ña cõariarã ñacama ña. ⁴⁸ Ñere ado bajiro goti vadiruyuyumi Judas, ï rãca vanare, “Ñe ñaami Jesús' yïamasiatu ña” yigu:

—Jesúre sênicõari, ñre usurucuja yu. To yu yirone, ñre ñiama mua —Ñare yi vadiruyuyumi.

⁴⁹ To bajiro yir'ï ñari, Jesús rïjorojua ejacõari, ado bajiro ñre yicami Judas:

—Gotimasiorimasu, ¿ñati mu? —Ñre yigune, usucami.

⁵⁰ To ï yirone, ado bajiro yicami Jesús:

—“To bajiro yirãsa mani” ñare ma ñmato yivadiriarore bajiro yiya ma —Ñre yicami Jesús.

To ï yirone, ñre ñiama Judas rãca vadiriarã.

⁵¹ To ña yirone, sigũ Jesúrãcagu, ï jariasere yoveaãmicõari, paia uju ñamasugũre moabosari-masure gãmore jatarocacõacami. ⁵² To ï yisere ñacõari, ado bajiro ñre yicami Jesús:

—Mu jariasere tudisuacõaña quëna. “Jariasere rãca gãmerã quëarãma, tiase rãcane sïacoruarãma”, yimasiasia mani. ⁵³ Ado cõrone yu jacure yu sênijama, setenta y dos mil ñarã ángel mesare cõamasicõagumi. ¿Tire masibeati mu? ⁵⁴ To bajiboarine, ñare ñre yu sênijama, Dios oca masa ña ucamasire, “To bajiro bajiruarõja” ña yimasiriarore bajiro bajibetiboroja. To bajiri tire ñre sênibeaja yu —Ñre yicami Jesús.

⁵⁵ To yicõari, ñre ñiarã ejarãjuare ado bajiro yicami Jesús:

—¿No yirã gajeyeuni juarudirimasure ñiarã vanare bajiro jariasere rãca, yucãjuriri rãca yure ñiarã vadiati mua? Tocãrãcarãmune Diore yirucuburiavijũ mua ñaro muare gotimasio rujirũgũmu yu. To yu bajiboajaquëne yure ñiabetirũgũmu mua maji. ⁵⁶ Diore gotirëtobosarimasa, ado bajiro yure mua yirotirene ucamasifuma. To bajiri to bajirone yure yaja mua —Ñare yicami Jesús, ñre ñiarã ejarãre.

Jesúre ña ñiasere ñacõari, ñmarudjedicoacaju yua.

“Mu ye suorine rojose tãmuorucuja mu”, jud'io masa ujarã. Jesúre ña yire queti

(Mr 14.53-65; Lc 22.54-55, 63-71; Jn 18.12-14, 19-24)

⁵⁷ Jesúre ñiacõari, paia uju ñamasugũ Caifás vãme cutigu toju ñre ñiasujarã. Toju rëjacõari, ñañujarã Dios ï rotimasire gotimasiorimasa, to yicõari, bucurã quëne. ⁵⁸ Jesúre ña ñivato, sõju yayiiasuyayuju Pedro. Ñare yayiiasuyacõari, paia uju ñamasugũ ya vi, ta biberiasãniro rëtosãjacoasuju. Sãjacõari, Diore yirucuburiavi coderimasa rãca rujiyuju ï. “No bajiro Jesúre ña yigajano vato ñagusa” yigu, toju bocañaruyuju.

⁵⁹ Paia ujarã, to yicõari, gãjerã ujarã, ña jediro, Jesúre sïaraujarã. To bajiro yirã ñari, “Rojose masu yigu ñaami Jesús” yisocaronare macañujarã ña. ⁶⁰ Jãjarã masa socarãne ña gotiboajaquëne, to bajiro ña yisere ajicõari, “To bajiro ï yire ñajare, ñre sïaroti ñaja”, yimasibesujarã ña maji.

To bajiboarine, juarã ejayujarã ña. ⁶¹ Ejacõari, ado bajiro socarãne gotiyujarã:

—“Diore yirucuburiavire caguerocamasiasia yu. To yicõari, idiarãmu tsatirãmune buajeocõamasiasia”, yicami ñni —yiyujarã ña.

⁶² To ña yirone, paia uju ñamasugũ, vãmurũgacõari ado bajiro Jesúre yiyuju:

—To bajiro mure ña yi ocasãsere, ¿no bajiro yati mu? ¿Cudibeati mu? —Jesúre ñre yiboayuju.

⁶³ To ï yiboajaquëne, cojo vãme cudibeticõañuju. Ñ cudibetire ñacõari, ado bajiro Jesúre yiyuju paia uju ñamasugũ:

—Quënarõ riojo yuare cudiya ma. Mu socajama, rojose mure yirucumi Dios. ¿“Rotimorũgõrucumi” yigu, Dios ï cõar'ine, Dios macune ñati mu? —Jesúre ñre yisênifañuju paia uju ñamasugũ.

⁶⁴ To bajiro ï yisere ajicõari, ado bajiro ñre cudiyuju Jesús:

—Mu yirore bajirone bajaia. Īne űaja yu. To bajiri, Dios ĩ roticōacacu űari, yoaro mene ĩ riojocacatua rujićari, masare beseguagu oco bueri vatoaju yu rujiadire ĩaruarĳa mua, —paia uĳu űamasugure yiyuju Jesu.

⁶⁵ To bajiro Jesu ĩ yisere ajitegu űari, ĩ sudire tĳavoyuju paia uĳu űamasugĳ. To yigune, ado bajiro ĩ rĳcanare yiyuju:

—ĩ To bajiro ĩ űagōĳama, Diore rĳcubuobecu yami! ĩ “Diore bajiro bajigu űaja yu” yigu yami! No yirĳ gĳjerĳ, “Rojose yigu űaami” yironare macarĳmomenaja mani yuja. Mua quĳne, Diore rĳcubuobecu ĩ yisere ajaia mua. ⁶⁶ To bajiro ĩ yisere ajicĳari, ĳno bajiro ĩre yiroti űati? —ĩ rĳcanare yiyuju paia uĳu űamasugĳ.

To bajiro ĩ yisere ajicĳari, ado bajiro ĩre cĳdiyujarĳ:

—Rojose masu yicĳami. ĩre sĳacĳaroti űaja —yicĳdiyujarĳ.

⁶⁷ To yicĳari, Jesu riogare gooco eoreatuyujarĳ ĩna. To yicĳari, ĩ cajere siabibecĳari, ĩre jayujarĳ. ⁶⁸ To yicĳari,

—“ ‘Rotimurōgōrucami’ yigu, Dios ĩ cĳagĳ űaja yu” mu yijama, mu masise rĳca, “Ī, yure jami”, yure yia —Jesu yitud iyujarĳ.

“Jesure masibeaja yu”, Pedro ĩ yire queti

(Mr 14.66-72; Lc 22.56-62; Jn 18.15-18, 25-27)

⁶⁹ Vi jubeaju Jesure rojose ĩna yĳarone, macajĳua rujićoĳuju Pedro. Sĳgō paia uĳu űamasugure moabosarimaso, Pedro tu ejacĳari, ado bajiro ĩre yiyuju:

—Jesu, Galilea sitagu rĳca vacudirĳgĳgĳne űagĳja mu quĳne —ĩre yiyuju so.

⁷⁰ To bajiro so yisere ajicĳari, masa jediro ĩna ajiro rĳjoroĳua ado bajiro yiyuju Pedro:

—“Riojo yaja mu”, mre yimasibeaja yu —sore yiyuju Pedro.

⁷¹ To bajiro sore yicĳdicĳa, ta biberiasĳniro sĳjariasoje tu vasuju Pedro. To ĩ vatone, gajeo ĩre ĩacĳari, ado bajiro yiyuju:

—Āni, Jesu Nazaret macagu rĳca vacudigu űaami —yiyuju, gĳjerĳre gotigo.

⁷² To bajiro ĩnare so yisere ajicĳari, ado bajiro yiyuju Pedro:

—ĩre masibeaja yu. Socu me yaja yu. Dios quĳne yure ajigami —ĩnare yiyuju Pedro.

⁷³ To ĩ yigotiriario bero yoatobusa, to űarĳ ado bajiro Pedroro gotiyujarĳ:

—Riojo yaja yu. Jesurĳca vacudirĳgĳgĳne űaja mu. ĩna űagĳsere bajirone űagĳoja mu —Pedroro ĩre yiyujarĳ ĩna.

⁷⁴ —ĩre masibeaja yu. Socu me yaja. Dios yure ajigami —ĩnare yiyuju Pedro.

To bajiro ĩ yigajanorĳrĳmarone, gĳjabocu űagĳcĳoĳaju yuja. ⁷⁵ ĩ űagĳsere ajicĳari, Jesu ado bajise ĩre ĩ gotirere masibĳjayuju Pedro yuja: “Gĳjabocu ĩ űagĳroto rĳjoro, ĩdiaĳi, ‘Jesure masibeaja yu’ yĳrĳca mu” ĩre ĩ yirere masibĳjayuju. Tire masibĳjacĳari, vacoasuju. Vacĳari, buto otiyuju.

27

Pilato tuĳu Jesure ĩna ĳmiejare queti

(Mr 15.1; Lc 23.1-2; Jn 18.28-32)

¹ Busuro bero, bucĳrĳ, paia uĳarĳ quĳne, ĩna jediro tudirĳjaĳujarĳ ĩna. To bajicĳari, “Ado bajiro mani yijama, Jesure sĳaruarĳama”, yĳtĳoĳaĳujarĳ ĩna. ² To bajiro yirĳ űari, Jesu ĳmorire siacĳari, gĳjoatiiri treinta űaritiiri ĩre ĩna ĩsiboarere ĩnare tĳocĳaĳuju. ⁴ Gĳjoatiirere ĩnare ĩsigĳne, ado bajiro ĩnare yiyuju ĩ:

Judas ĩ masune ĩ sĳayaire queti

(Hch 1.18)

³ Judas, Jesure ĩsirocacacu, “Jesure sĳaroti űaja” ĩna yisere ajicĳari, “Rojose yĳbu yu”, yĳtĳoĳa sĳtĳritiyuju. To bajigu űari, bucĳrĳ, paia uĳarĳ quĳne, Diore yĳrĳcubuoĳiavĳju űarĳre, ĩnare ejacĳari, gĳjoatiiri treinta űaritiiri ĩre ĩna ĩsiboarere ĩnare tĳocĳaĳuju. ⁴ Gĳjoatiirere ĩnare ĩsigĳne, ado bajiro ĩnare yiyuju ĩ:

—Rojose yĳbu yu. ĩne rojose yĳbecĳrene mre ĩsirocacĳaĳuja yu —ĩnare yiyuju.

To bajiro ĩ yĳboajaquĳne, ado bajiro ĩre cĳdiyujarĳ ĩna:

—To bajiro mre mu yĳboajaquĳne, no yĳbeaja mrema. Mre bajiroja —Judare ĩre yiyujarĳ ĩna.

⁵ To ĩna yisere ajicĳari, ti vĳju gĳjoatiiri ĩ ĩsiecoboarere reabateyuju Judas. To yĳ, gajano vacĳne, yucĳju mujacĳari, ti rĳĳju misimare siatucĳari, ĩ ĳmre quĳne siatu, quediroyuju rijacoasuju.

⁶ Diore yĳrĳcubuoĳiavĳju gĳjoatiiri Judas ĩ reabaterere juarĳoĳujarĳ ĩna, paia uĳarĳ. Tire juarĳocĳari, ado bajiro yiyujarĳ:

—Adi gĳjoa mani vaja yise suorine sĳgure sĳaroana yaja. To bajiri Diore yĳrĳcubuoĳiavi boarĳaurire quĳnorĳrĳ, vaja yiroti gĳjoa sĳarĳjare sĳbetiroti űaroja —yiyujarĳ ĩna.

⁷ To bajiro yituoĩacõari, “Riri sotari vearimasu sitare vaja yito mani. Ti sita ñaruarõja gajeroanare bajirearẽre mani yujeroti sita”, yituoĩañujarã ña yuja. ⁸ To bajiri ti sita vaja yiruarã, “Jesúre s̄iatio mani” yirã, Judare ña isiboare rãca ña vaja yire ñari, adirãmuri quẽne, Ri’i Vese vãme cuticõa ñaja. ⁹⁻¹⁰ To bajiro ña yijama, tirãmuru Diore gotirẽtobosarimasu Jerem’ias ñamasir’i ï ucamasiriarore bajirone bajiyuju. Ado bajiro ucamasir’i ña yituoĩarã ñari, ñe isir’ire treinta gãjoatiiri ña vaja yiboarere juacõari, riri sotari vearimasu sitare vaja yiruarã ña, Israel ñamasir’i jãnerabatia. To bajiro ña yijama, Dios ï bojarore bajiro yirã yiruarãma”, yuucamasir’i Jerem’ias ñamasir’i.

Jesúre Pilato ï s̄eniãare queti

(Mr 15.2-5; Lc 23.3-5; Jn 18.33-38)

¹¹ Ti sitana uju ñamasugũ, romano masu ñañuju Pilato vãme cutigu. To bajiri ï tũju Jesúre ñamasujarã ña. Ñe ña ñamiejaro ñacõari, ado bajiro s̄eniãañuju Pilato:

—¿Mũne ñati jud’io masa uju? —Jesúre yiyuju Pilato.

To bajiro ï yisere ajicõari, ado bajiro ñe cudiyuju Jesús:

—Mũ yirore bajirone bajitaja yu —Ñe yiyuju.

¹² To bajiro Jesús ï yisere ajicõari, bucũrã, paia ujarã quẽne, “Rojose yigu ñaami Jesús” Pilatore ñe ña yĩ ocasãboajaquẽne, ñare ñagõcudibesuju Jesús. ¹³ To bajiro Jesúre ña yĩ ocasãsere ajicõari, Jesúre tudis̄eniãañuju Pilato:

—¿To bajiro mũre ña yisere ajibeati mũ? —Jesúre yiyuju Pilato.

¹⁴ To bajiro ñe ï yis̄eniãboajaquẽne, ñe cudibeticõañuju Jesús. Ñe cudibetire ñacõari, no yimasibesuju Pilato, ñe bajiro bajigure ñabetirũgũr’i ñari.

“Jesúre s̄iaroti ñaja”, ña yire queti

(Mr 15.6-20; Lc 23.13-25; Jn 18.38-19.16)

¹⁵ Tocãrãca cũma, Pascua boserãmu jud’io masa ña quẽnojama, s̄igũ, tubibe ecor’ire ña burotigũre ñare bubosarũgũñuju Pilato. ¹⁶ Tubiberiaviju ñañuju s̄igũ, masa jediro ña masigũ Barrabás vãme cutigu. ¹⁷ To bajiri ï yirũgũriarore bajiro yigu, masa ña r̄ejarore ñacõari, ado bajiro ñare s̄eniãañuju Pilato:

—¿Ñimũjuare yu busere bojati mũ? ¿Jesús Barrabás vãme cutigũjuare bugutiquẽ yu? Ñe yu bubetijama, ¿“Rotimũorũgõrcũmi” yigu, Dios ï cõar’i ñaami Jesús” masa ña yigũjuare bugutiquẽ yu? —Ñare yis̄eniãañuju Pilato.

¹⁸ “Jesúre ñajũnisinirã ñari, yure ñs̄ima” yituoĩagũ, to bajiro yiyuju Pilato, Jesúre buru.

¹⁹ Oca ña ñagõquẽnorijuju ï rujiro, ï manaõ ñe queti cõañuju: “Rojose ñe yibesa. Ñe rojose yigu me ñagũmi. To bajiro ï yiecoroto r̄ijoro gũiose cãjiriãmu yu”, ñe yicõañuju, so manajure.

²⁰ Bucũrã, paia ujarã quẽne ado bajiro tũju r̄ejarãre masare, “Ado bajiro yiya”, ñare yirotiyujarã ña:

—“Barrabãjuare bucõari, Jesũjuare s̄iarotiãmu”, ñe yiya mũa —Ñare yirotiyujarã ña.

²¹ Quẽna ado bajiro tudis̄eniãañuju Pilato:

—¿Ñimũjuare yu busere bojati mũ? —Ñare yis̄eniãañuju.

To bajiro ï yisere ajicõari, ado bajiro ñe cudiyujarã ña:

—Barrabãjuare mũ busere bojaja yua —yiyujarã ña, Pilatore.

²² To ña yisere ajicõari, ado bajiro ñare s̄eniãañuju Pilato:

—To yijama, ¿no bajiro yiguti yu Jesúre, “Rotimũorũgõrcũja mũ” yigu, Dios ï cõar’i ñaami” masa ña yigũjuarema? —Ñare yis̄eniãañuju.

To ï yirone, ña ñaro cõrone ado bajiro ñe avasãcudiyujarã:

—¿Yucũt̄eroju ñe jajus̄iaroticõãña mũ! —Ñe yivasã cudiyujarã ña.

²³ To ña yijare, ado bajiro ñare s̄eniãañuju Pilato:

—¿Ñe rojose ï yire suori ñe s̄iarotiguti yu? —Ñare yiyuju Pilato.

To ï yiboajaquẽne, quẽna butobusa tudivasãñujarã ña:

—¿Yucũt̄eroju ñe jajus̄iaroticõãña! —yivasãñujarã ña.

²⁴ To bajiro ña yijare, no yimasibetiboacu, ado bajiro tuoĩañuju Pilato: “No bajiro yicõari, ñe bumasibecũja yu. Ña bojarore bajiro yu yibetijama, avasãtũjabeticõari, rojose yijacarãma ña”, yituoĩañuju. To bajiro tuoĩacõari, oco juarotiyuju ï. To yicõari, ado bajiro ñare gotiyuju:

—Mũa ñaro r̄ijorojuã yu ñmorire coeõoaja yu, “Ña rojose yibecũre s̄iarũabeaja yũma” yigu. To bajiri mũa masune mũa s̄iarotijama, quẽnacõaroja. To bajiro mũa yijama, mũane suoye cutiruarãja mũa —Ñare yiyuju ï.

²⁵ To ï yisere ajicõari, masa ñajediro ñe cudiyujarã:

—Yua masiaja. ¿Yua, yua r̄ĩa quẽne suoye cutiruarãja, ñe yua s̄iarotijama! —Ñe yicudiyujarã ña.

²⁶ To bajiro İna yijare, Barrabáre bucđañuju Pilato. Jesújuarema, İ surarare İsiñuju, “İre bajecđari, yucátëroju İre jajusİato İna” yİgu.

²⁷ To bajiri İna ya vİju Jesúre ämiejayujarä surara mesa. İre ämiejacđari, İna jediro İre gänibiarügüñujarä. ²⁸ To yicđari, “Ujare bajigu ñato” yirä, ado bajiro Jesúre yiyujarä: Jesús İ sudi sãnasere vejecđari, ujarä İna sãnarito ùnore, süarivujorore İre sãñujarä. ²⁹ To yicđari, İ rujoa joere jotabedo İna suariabedone İre jeoyujarä. To yicđari, riojojacatuaga ämore, yucú, uju İ cuoricure İre İsiñujarä. To bajiro İre yicđari, İ rİjorojuua gusomuniari tuetucđari, ado bajiro İre yiajatud'iyujarä:

—Jud'io masa ujure mre quënarotiaja yua yuja —Jesúre yiyujarä İna.

³⁰ To yiräne, gooco İre eoreatuyujarä İna. To yicđari, İ cuoricure ëmacđari, İ rujoare jayujarä İna. ³¹ To bajiro İre yigajanocđari, ujarä İna sãnarito ùnore İna sãriarore İre veayujarä İna quëna. To yicđari, İ sudijua İre sãñujarä quëna. İre sudi sãgajanocđari, yucátëroju jajusİarohana İre ämiasujarä.

Yucátëroju Jesúre İna jajusİare queti
(Mr 15.21-32; Lc 23.26-43; Jn 19.17-27)

³² İre ämivanane, sİgü Cirene vāme cuti sitagu, Simón vāme cutigure bocacama İna. İre bocacđari, “Jesús İ gaja vatijāire İre gajabosaya”, İre yi vacama İna.

³³ To yi vanane, Gólgota vāme cuti buroju ejacama İna. “Rujoco Buro” yire ùni ñacaju “Gólgota” yire. ³⁴ Toju ejacđari, uye ocore, sūese rāca vñocđari Jesúre İre iocama İna. “İre jūnise jūni ruyubeticđato” yirä, yiboacama. Tire idiñaboa yicđacami Jesús.

³⁵ Yucátëroju Jesúre İre jajutugajanocđari, “Ñimujua İ sudire İ ujaro İarāsa mani” yirä, gatarine reacūa ajeñacama. ³⁶ To yiajegajanocđari, İre code rujicama İna.

³⁷ Jesús İ tuyaritërojure İ rujoa vecare ucaturiaju tuyacaju. “Ado bajiro İ yise suorine jaju ecoami” yİoriju ñacaju. Ado bajise goticaju: “Äni ñaami Jesús, jud'io masa uju”, yigoticaju ti.

³⁸ Jesúrāca juarä, jaju ecocama. Gajeyeñi juarudirimasa ñacama İna. Sİgüre İ riojojacatua, gājire İ gācojacatua İnare jajutucama İna. ³⁹⁻⁴⁰ Masa rētoana, İna rujoarire yure, yure yicama, “Jaju ecor'ire İre İateaja” yirä. To yicđari, ado bajiro İre ajatud'icama İna:

—Ado bajiro yiboacaju mu: “Diore yirācuñuoriavire caguerocamasiaja yu. To yicđari, idiarāmu tsatirāmune buajeocđamasiaja”, yiboacaju mu. To bajiri “Dios macu ñaja yu” mu yisocabetijama, mu yimasise rāca mu masune yucátërojure rujicoaya —İre yiajatud'icama İna.

⁴¹ Bucurā, paia ujarä, Dios İ rotimasire gotimasiorimasa quëne, to bajirone Jesúre yiajatud'İ ñacama İna. Ado bajiro yicama:

⁴² —Gājerārema catiogu ñaboarine, İ masu rojose İ tāmūoserema yirētomasibeami —yiajatud'icama. —Israel ñamasir'İ jānerabatia uju ñaami. To bajiri yucátërojure rujicoadiato. To bajiro İ bajiro İacđari, “İne ñaami”, yimasiruarāja —yiajatud'icama. ⁴³ —“Dios macu ñaja yu. Yare ejarēmorcūmi”, yirügūmi. To bajiri İ macune İ ñajama, İre İmaigū ñari, İre yirëtobosato Dios —yiajatud'icama İna.

⁴⁴ Juarä Jesúrāca yucátëroju jaju ecoriarä quëne, to bajirone Jesúre yitud'icama.

Jesús İ usatadire queti

(Mr 15.33-41; Lc 23.44-49; Jn 19.28-30; He 10.20)

⁴⁵ Ĕmurecaji ñarone, rētiacoacaju yuja. Idia hora rētiacaju. ⁴⁶ To cōro ti rētiatusatone, ado bajiro tutuaro avasācami Jesús:

—El'İ, El'İ, çlema sabactani? —yivasācami. “Dios, yu jacu, çno yİgu yare cāmotiadi mu?” yire ùni ñacaju ti, İ avasācati.

⁴⁷ Sİgūri toju ñarä İ avasācere ajicđari, ado bajiro yicama İna:

—Diore gotirëtobosarimasu El'ias ñamasir'İre jİgu yami İ —yicama İna.

⁴⁸ To bajiro Jesús İ yivasārone, sİgū, Jesús tu ũmaejacđari, uye oco jiarere ñiabiacđari, yucú gajaju siatucđari, Jesús rise tujare ñumuotuboacami. ⁴⁹ To bajiro İ yiboajaquëne, ado bajiro yicama gājerāju:

—Yİbesa mu. Tone bajicđato. Rojose İ tāmūosere yirëtobosagu El'ias ñamasir'İ İ ejasere İarāsa mani —yicama İna.

⁵⁰ Tutuaro avasātusa, usatadicoacami yuja. ⁵¹ Tirīmarone Diore yirācuñuoriavi yotoria gasero vorujijedicoasuju ti. “Dios İ ñarisōa vāme cuti sđare sājamasibeama masa” yirä, İna yotoria gasero ñacaju. To yicđari, sita sabecaju. Gūta quëne caguevëjacoacaju. ⁵² To bajicđari, masare yujeraviiri quëne jānacuasuja. To bajicđari jājarä rijariarä Diore ajitirānriarä tudicaticoasuma. ⁵³ Tudicaticđari, ti virire budicoasuma. Budiacđari, Jesús İ tudicatiro bero, Jerusalēnju Dios İ beseria maca ñamasuri macajure İna vacudisere İacama jājarä masa.

⁵⁴ Jesús yucátëroju İ tuyarore, codeñacama surara, İna uju rāca. To bajinarä, sita sabesere, gajeye güiose bajisere İacđari, buto güicama İna. To bajiri ado bajiro yicama:

—Socabesumi. Dios macane ñaboayumi ãni —yicama ñna.

⁵⁵ Galilea sitaju Jesúre suyavadicana rómiri jãjarã sôju ñarügôcana. Ñna ñacama ñre ejarêmorügücana. ⁵⁶ Ñna rãca ñacamo Mar'ia Magdalena. Gajeo Mar'ia vãme cutigo quêne ñacamo. Sone ñacamo Santiago, to yicôari, José jaco. Zebedeo ñamasicacu rãa jaco quêne ñacamo.

Jesúre ñna yujere queti

(Mr 15.42-47; Lc 23.50-56; Jn 19.38-42)

⁵⁷ Rãioroto rãjoro José vãme cutigu, Arimatea macagu Jesúse rujurire ñagü ejayuju. Gãjoa jaigu ñacami. To bajicôari, Jesúre ajitirãnarügücacu ñacami. ⁵⁸ To ñ bajiro bero, Jesúse rujurire ñmiru, Pilatore sënigã vasuju. Ñre ñ sënirone bajirone ñre cudiyuju Pilato. ⁵⁹ To bajiro ñ yir' ñari, Jesúse rujurire rujioçu vasuju. Ñre rujicôari, sudijãiri botiquênarijãirine ñre gũmañuju. ⁶⁰ To yigajanocôari, masa yujeriavi gãtavi mame ñ quênorotiraviñuju ñ rujurire cũñuju. To yicôari, ti vi sojere gãtane tũnuo bibecũ, vacoasuju. ⁶¹ To bajiro ñ yũñaro ñariarãjune masa yujeriavi rãjorojua, Mar'ia Magdalena, gajeo Mar'ia quêne, rujicôañujarã ñna.

Jesúre, ñna yujeriavire ñna codere queti

⁶² Gajerãmu ñañuju ususãjararãmu. Tirũmune paia ujarã, fariseo masa quêne, Pilatore ñagôrã vasujarã ñna. ⁶³ Ñ tã ejacôari, ado bajiro ñre yiyujarã ñna:

—Yua uju, ajiya. Socarimasu ñ yisocacature masibũjabu yua. “Idiarãmu tasatirãmune quêne tudicaticũca yu”, yisocacami, ñ sãacoroto rãjoro. ⁶⁴ To bajiri ñ rujurire ñna yujeriavi soje ture surarare coderoticôaña, “Ñ buerimasa ñ rujurire ñmirudiroma” yigu. Ñ rujurire ñna ñmijama, “Rijar' ñnaboarine, quêne tudicaticoami”, yisocaruarãma ñna. Ñ rijaroto rãjoro, “Ñ rotimũorügôrotire yigu, Dios ñ cõacacu, jud'io masa uju ñaja yu” ñ yisocacati ti ñajare, quênabeaja. To bajiri, “Tudicaticoami” ñna yisocajama, quênabetimasucõaruarõja —Pilatore yiyujarã ñna.

⁶⁵ To ñna yisere ajicôari, ado bajiro cudiyuju Pilato:

—Mũare yu ñsicanarene coderotiya mũa —ñnare yicudiyuju Pilato.

⁶⁶ To ñ yisere ajicôari, Jesúse rujurire ñna yujeriavire coderotiyujarã ñna. To yicôari, gãta sojere quênaro bibequënoñujarã ñna, “Ñ rujurire ñmirã ñna jãñajama, ñamasirãsa mani” yirã.

28

Jesús ñ tudicature queti

(Mr 16.1-8; Lc 24.1-12; Jn 20.1-10)

¹ Ususãjararãmu ti jediro, quêne moasũoriarãmu ti busumajado, Mar'ia Magdalena, gajeo Mar'ia quêne, Jesúse rujurire ñna yujeriavire ñarã vacama ñna. ² To ñna vatone, buto sita sabeyuju. To ti bajirone, sãgũ ñngel rujiejayuju. Rujiejacôari, Jesúre ñna yujeriavire gãtane ñna bibeboariare jãñañuju. To yicôari, tia joene rujiyuju. ³ Bũjo ñ yabesere bajiro yaayuju ñ. Ñ sudi quêne buto botiquëñañuju. ⁴ Ñre ñacôari, gũirã nanañujarã ti vire coderimasa. Nanacôari, rijavẽjarãre bajiro bajireacũcoasujarã. ⁵ To ñna bajirone, ñngel ado bajiro rãmiajuare gotiyuju: —Gũibesa mũa. Jesúse yucãtẽroju ñna jajusiar'ire mũa macasere masiaja yu. ⁶ Maami adõjare. Ñ goticatore bajirone tudicaticoami. Ñre ñna yujeriavire ñarã vayã. ⁷ Tire ñacôari, guaro ñ buerimasare ado bajiro ñnare gotiaya: “Quêne tudicaticoasumi Jesúse. To yicôari, mani rãjoro Galilea sitaju varocũ ñañuju. Toju ñre tudũaruarãja mani”, ñnare yigotiaya mũa. Adire mũare gotigu bajibũ yu —ñnare yiyuju ñngel.

⁸ To ñ yisere ajicôari, Jesúse rujurã ñna yujeboariaviju budianane, gũitũoĩabõarine, variquënase rãca ñmacoayuma ñna, Jesúse buerimasare yuare gotirã vana. ⁹ Ñna ñmavadone ñnare sënĩfacãnamua ruyuyuju Jesúse. “¿Ñnati mũa?” ñ yisere ajicôari, ñre yirũcũborã, ñ rãjorojua muqueacôari, ñ gubõrre ññañujarã ñna. ¹⁰ To bajiro ñre ñna yirone, ado bajiro yiyuju ñ:

—Gũibesa mũa. Yu yarã yu buecanare ado bajiro ñnare gotiaya: “Galilea sitaju vajaro. Toju ñre ñaruarãja mani”, ñnare yiba —rõmiare ñnare yiyuju Jesúse.

“Ado bajiro bajibũ ti”, surara ñna yigotire queti

¹¹ Rõmia ñna gotirã vato ñnone, surara quêne, Jesúse rujurire ñna yujeriavire codeboariarã sãgũri, macaju tudicoasujarã ñna. Tudiejacôari, paia ujarãre gotiyujarã, ñna ñnare ñnaro cõrone. ¹² Ti quetire ajicôari, bucurã rãca ñngõrã vasujarã paia ujarã. “To bajiro bajire ti ñajare, ado bajiro yiruarãja mani” yimasiruarã bajiyujarã ñna. To bajiri, sãgũre bajiro tũõlacôari, Jesúre ñna yujeriavire codeboariarãre jairo gãjoa ñsiñujarã ñna. ¹³ To yicôari, ado bajiro ñnare socarotiyujarã ñna:

—“Ñnami yua cãnitoye, ñ ñaboar' ñ buerimasane Jesúse rujurire ñmirudicoasuma ñna”, yigotibatoya mũa —masare yuyujarã bucurã, paia ujarã quêne. ¹⁴ —Uju Pilato ti quetire

ajicōari, m̄are ī jūnisinjama, m̄are ñagōbosararāja yua, “Rojose ñare yibesa” yirā. Ȳare cadicōar̄as̄mi –ñare yiyujarā.

¹⁵ To bajiro ña yijare, gājoare boca juacōari, ñare ña rotiriarore bajirone socase queti goticudiyujarā ña, Jesúre ña yujeriavire codeboariarā. To bajiri adirāmuri quēne, “Tudicatibesuju Jesús. Ī ñaboar'i buerimasane, ī ruj̄irire āmirudiyujarā ña” yire quetire goticōa ñarūgūama jud'io masa.

*“Masa jedirore ȳ ocare gotimasiocudir̄arāja m̄a”, ĩ buerāre Jesús ĩ yire queti
(Mr 16.14-18; Lc 24.36-49; Jn 20.19-23)*

¹⁶ Jesús ĩ tudicatisere, rōmia ña gotisere ajicōari, Galilea sitaju vacaju yua, ĩ buerā, juaāmo cōro, gubo coja jēnitarirācs̄ ñarā. “Ti buro joeju ȳre ñararāja m̄a” ȳare ĩ yicatoju vacaju yua. ¹⁷ Toju ejacōari, Jesúre ĩacaju yua. Īre ĩacōari, ĩre r̄uc̄ub̄oacaju yua. Sīḡari, “Ī me ñaami”, yit̄oĩacama ña, bajirājuma. ¹⁸ To bajiro yua yirone, ado bajiro ȳare yicami Jesús:

–Adi macar̄uc̄arojuare, to yicōari, ō vecajure quēne, “Rotigu ñar̄uc̄aja m̄a”, ȳre yicūmi yu jac̄u, Dios. ¹⁹ To bajiri m̄are quēne masa jedirore ȳ ocare m̄are goticudirotiaja, “Ȳre ajitir̄an̄aato” yigu. To yicōari, ȳre ajitir̄an̄ar̄e ĩacōari, yu jac̄u vāme, yu vāme, to yicōari Esp'iritu Santo vāme rāca oco rāca ñare bautizaba m̄a. ²⁰ To yicōari, “Jediro ȳ rotisere cudiato” yirā, ñare gotimasioma. Ȳre m̄a ĩabetiboajaquēne, cojor̄am̄u rayabeto m̄a rāca ñarūgūar̄uc̄aja yu, m̄are ejar̄emogū. To bajiro bajicōa ñar̄uc̄aja yu, adi macar̄uc̄aro ti jediroju –ȳare yicami Jesús.

To cōrone ñaja.

Evangelio segun SAN MARCOS

*Juan vāme cutigu, masare oco rāca bautizarimasu ĩ gotimasiore queti
(Mt 3.1-12; Lc 3.1-9, 15-17; Jn 1.19-28)*

¹⁻³ “Rotim̄orūgōrūcumi” yigu, Dios ĩ cōar’i, Jesūs ĩ bajirere m̄are gotigu yaja yu. Īne ñaami Dios macu. To bajiri, ado bajiro ñasuoaja: Jesure goti r̄joro cutigu ñañuju Juan vāme cutigu, tir̄m̄uju ĩre ĩ goti r̄joro cutitotire yigu, Diore gotir̄etobosarimasu, Isa’ias vāme cutigu ado bajiro ĩ yuucamasire ñajare:

“ ‘Rotim̄orūgōrūcumi’ yigu, m̄are yu cōaroto r̄joro, m̄are gotiyurocare cōasuroc̄aja yu maji’ yami Dios.

Yucú manojū ado bajiro gotimasiorūcumi: ‘Mani ūju ejarūcumi. To bajiri, rojose m̄a yisere yitajacōari, quēnasejare tuoĭavasoaya m̄a, ĩre yurā’ yirūcumi’, yuucamasif̄umi Isa’ias, Juan ĩ bajiro tire goti r̄joro yigu.

⁴ To bajiri, yucú manojū ñacōari, ado bajiro ĩre ajirā ejarirāre gotimasiodirūgūñuju ĩ: —Rojose m̄a yisere tuoĭasutiritiya m̄a. To yicōari, “Rojose yir̄abeaja yu. Diorāca quēnaro ñararāja yu” yirā, oco rāca yare bautizarotiya m̄a. To bajiro m̄a yijama, rojose m̄a yisere Dios manire masiriorūcumi Dios —Īnare yigotitudirūgūñuju ĩ.

⁵⁻⁶ Camello joane suariaro sāñagū ñañuju ĩ. To yicōari, vecu gaserone vēñaricūñuju, ĩ sāñasere. Ñimia ba, to yicōari, beroa ocore idi, yirūgūñuju. ĩre ajirā, jājarā masa ejayujarā. Jerusalen macana, Judea sitana quēne ejayujarā. To bajiro ĩ gotisere ajirā ñari, “Rojose mani yisere Dios manire masirioato” yirā, “Rojose yirā ñaja yu” Diore ĩna yigotiro bero, Jordán vāme cutirisaju oco rāca ĩnare bautizayuju Juan. ^a ⁷⁻⁸ Gaje vāme ado bajiro masare gotimasiorūgūñuju ĩ:

—Yu bero yu r̄etoro masigū ejarūcumi. Ñamasurā r̄ine ĩre yibosamasiama, ñamasugū masu ĩ ñajare. Rojose ĩna yisere yitajacōari, Dios ĩ bojasejare yirāre oco rāca bautizarūgūaja yu. To bajiro yu yirūgūse ti quēnabojaquēne, yu bero ejagu ĩ moasejua quēnamasuc̄araroja. ĩma, Esp’iritu Santore cōamasirūcumi, masare. ĩ suorine, “Dios ĩ bojabetire yaja yu” yimasicōari, tuoĭavasoararāma —Īnare yigotimasiorūgūñuju Juan.

*Oco rāca Juanre Jesūs ĩ bautizarotire queti
(Mt 3.13-17; Lc 3.21-22)*

⁹ Tir̄m̄urine Galilea sitajure ñarimaca Nazaret vāme cuti maca ñar’i, Jordán vāme cutirisaju vasuju Jesūs. Juan tujū ejacōari, oco rāca ĩre bautizarotiyyuju. ¹⁰ Juan ĩre ĩ bautizaro bero, majarūgūgūne, ō vecaju ūm̄agasero soje, ti jānasere ĩañuju Jesūs. Ti jānarone, Esp’iritu Santo, bujare bajigu ruiadicōari, ĩ joere ĩ rocajeosere ĩañuju. ¹¹ Jesūs joere ĩ rocajeorone, ado bajiro yī ocaruyuyuju ō vecaju:

—Yu macu, yu maigū masu ñaja m̄. M̄ rāca b̄uto variquēnaja yu —yī ocaruyuyuju.

*Dios ĩ bojabetire vātia ūju, Satanás, Jesure ĩ yirotiāre queti
(Mt 4.1-11; Lc 4.1-13)*

¹² Jesūs, oco rāca Juanre ĩ bautizarotiro bero, yucú mano, vaibuc̄arā ĩna ñaroju, ĩre ūmato vasuju Esp’iritu Santo. ¹³ Tojare cuarenta ñarir̄m̄uri ñañuju Jesūs. Toju ĩ bajīnarone, vātia ūju Satanás, ĩre ejacōari, “Yu rotisere yicōari, Dios ĩ bojabetire yato” yigu, ĩre rotirūgūboayuju. ĩre cudibesuju. To bajicōari, Diore moabosarā ángel mesa ĩre ejarēmoñujarā ĩna.

*Galilea sitaju Jesūs ĩ gotimasios̄ore queti
(Mt 4.12-17; Lc 4.14-15)*

¹⁴ Tir̄m̄uri, tubiberiaviju Juan ĩ tubibe ecoro bero, Galilea sitaju vacoasuju Jesūs. Dios oca quēnasere gotimasiodudigu vasuju. ¹⁵ Ado bajiro masare gotimasiodudiyuju: —“To cōrone bajir̄araroja yure rotibosaroc̄u, ĩ rotisuroti” Dios ĩ yit̄oĭar̄aju ejaja yuja. Ūju Dios yarā quēnaro ĩ yirona m̄a ñar̄ajama, rojose m̄a yisere yitajacōari, ĩ oca quēnasere m̄are yu gotisere ajitir̄in̄ña —masare yigotimasiodudiyuju ĩ.

*Vai s̄arimasa babaricārāc̄u ñarāre Jesūs ĩ jire queti
(Mt 4.18-22; Lc 5.1-11)*

¹⁶ Cojor̄m̄u, utabuc̄ura Galilea vāme cutira tujū vacudigu vasuju Jesūs. To vac̄ju, ĩañuju, Simón vāme cutigure, bero Pedro vāme cutirocare, ĩ bedi Andrére quēne. Vai s̄arimasa

^a **1:5-6** Elías ñamasirí, camello joane suariaro sāñagū ñamasif̄uju ĩ quēne. To yicōari, vecu gaserone vēñaricūmasif̄uju, ĩ sāñasere.

ñañujarã Ìna. Bajiyucãrìre rearoderuu yìñañujarã Ìna. ¹⁷ Ìna tã ejacõari, ado bajiro yiyuju Jesùs:

—Yũ rãca vayá. Yucãrema mũa vai vejese ùnirene masa yũre Ìna ajitirãnarotire gotimasio-bosarimasa ñaruarãja mũa —Ìnare yiyuju Jesùs.

¹⁸ To ì yirirĩmarone, Ìna bajiyucãrìre cũ, Ìre sũyacoasujarã.

¹⁹⁻²⁰ To yì varũtu vacane, gãjerã juarã ñarãre Ìnare jiyuju Jesùs. Ìna ñañujarã Santiago, ì bedi Juan rãca. Ìna jacu Zebedeo rãca cũmuaju Ìna bajiyucãrìre siaquẽno sãñañujarã. To ì yisere ajicõari, Ìna jacure, Ìre moabosarãre quẽne vaveocoasujarã, Jesũre sũyana.

Masũ usũju sãñagũre vãtìre Jesùs ì burocare queti
(Lc 4.31-37)

²¹ Capernaum macajũ ejayujarã Ìna. Ti macajũ Ìna ejaro bero, usũsãjarìarãmũ ti ejaro, Dios ocare Ìna buerivijũ sãjañuju Jesùs. Sãjacõari, masare gotimasioñuju. ²² Dios ì rotimasire gotimasiorimasare bajiro me, ujure bajiro bojonebecũne quẽnaro ì gotimasiojare, ajìñañamani ì gotìse ti ñajare, no yimasibesujarã Ìna. ²³ Ti vire sigũ ùmũ ñañuju, ì usũju vãti sãñagũ. Jesùs, masare ì gotimasiorone, ì usũjure sãñaõari ado bajiro Jesũre Ìre yìavasãñuju vãti:

²⁴ —Jesùs, Nazaret vãme cuti macagu, ¿no yigu yua tũ vadiati mũ? Yũare gãjanabiobesa! ¿Rojose yua yise vaja, rojose yũare yiguagu vadiati mũ? Mũre Ìamasìaja yua. Rojose yigu me, Dios ì cõar'ì ñaja mũ —Jesũre yìavasãñuju vãti.

²⁵ To ì yirone, oca tutuase rãca ado bajiro Ìre yiyuju Jesùs:

—¿Ñagõbesa mũ! ¡To yicõari, ì usũjure budigoya! —vãtìre Ìre yiyuju Jesùs.

²⁶ To ì yirone, rijaquedirotyuju vãti, masure. To yì, bũto avasãõari, masũ usũjure budigocoasuju yuja. To ì bajijare, masũjuama quẽnaejacoasuju. ²⁷ To bajisere Ìacõari, ti vi ñarã jediro no yimasibesujarã Ìna, ti ùnire Ìabetirũgũriarã ñari. To bajicõari, Ìna masune ado bajiro gãmerã sãnĩñañujarã:

—¿No bajlati? Ajìñañamani oca manire gotimasioğũ yami. Bũto masigũ ñaami. Vãtia bũto masirã Ìna ñaboaquẽne, masa usũrijure sãñarãre Ìnare bureamasiami —gãmerã yiyujarã Ìna.

²⁸ To bajiro Jesùs ì yìnasere masa Ìna gotibatõjare, yoaro mene Galilea sitana tire ajijedyujarã Ìna.

Simón ùmañicore Jesùs ì catiore queti
(Mt 8.14-15; Lc 4.38-39)

²⁹ To bajiro Jesùs ì yiro berone, Dios ocare Ìna buerivijũ budiasuju. Santiago, ì bedi Juan quẽne, gãjerã Jesùs ì buerimasa quẽne ì rãca vasujarã, Simón ì bedi Andrés rãca Ìna ñarũgũriavijure vana. ³⁰ To Ìna ejarone, Jesũre gotiyujarã Ìna:

—Simón ùmañico bũto asicõari, bũburibũjaamo —Ìre yiyujarã Ìna.

³¹ To bajiro Ìna yijare, Jesùs, so tũ ejarũgũcõari, sore tũavãmũoñuju. To ì yirirĩmarone, sore rujũ asiboase sore tũjacoasuju. To bajiro ì yicaticõario, bare Ìnare ecayuju so.

Jãjarã, rijaye cutirãre Jesùs ì catiore queti
(Mt 8.16-17; Lc 4.40-41)

³² Tirãmũ, rãiorijũne, rijaye cutirãre juajayujarã masa, “Jesùs Ìnare catiato” yirã. Ìna usũrijũ vãtia sãñarãre quẽne juajayujarã, “Vãtiare bureato Jesùs” yirã. ³³ Gãjerã quẽne, ti macana jediro soje tũ rãjañujarã. ³⁴ Jãjarã ñañujarã rijaye cutirã, to yicõari, Ìna usũrijũ vãtia sãñarã, masa Ìna juajoriarã. Rijaye cutirãre catioyuju. To yicõari, Ìna usũrijure sãñarãre vãtiare bureayuju. Vãtia, Ìre Ìna Ìamasisere Ìacõari, Ìnare ñagõrotibesuju Jesùs.^b

Dios ocare Ìna buerivirijure Jesùs Ìnare ì gotimasioquẽne queti
(Lc 4.42-44)

³⁵ Gajerãmũ busujedibetibũsarõjũne, masa manõju vacoasuju Jesùs, Diore sãniguacu.

³⁶ To ì bajiboajaquẽne, Simón ì babarã rãca Ìre macasũya, ejacoasujarã Ìna. ³⁷ Ìre Ìabujacõari, —Masa jediro mũre macaama —Ìre yiyujarã Ìna.

³⁸ To bajiro Ìna yiboajaquẽne, ado bajiro Ìnare cãdiyuju Jesùs:

—Ita. Gaje macarianare quẽne quẽnase quetire gotimasioquẽne ñaja yu. Tire yigu vadicaju yu —Ìnare yicudyuju Jesùs.

³⁹ To bajiri Galilea sitajũ gotimasioquẽnyuju Jesùs. Tocãrãca macarirene Dios ocare Ìna buerivirijũ sãjaejacõari, oca quẽnasere masare Ìnare gotimasioñuju. To yicõari, Ìna usũrijure sãñarãre vãtiare bureayuju.

Gase boagure Jesùs ì catiore queti
(Mt 8.1-4; Lc 5.12-16)

^b 1:34 “Masare ì rijabosarotirãmũ ti ejabetijare, vãtiare ñagõrotibesuju Jesùs”, yiyujarã sigũri, Dios oca masa Ìna ucamasire buerõtoburimasa.

⁴⁰ To bajiri sīgū gase boagu, Jesūs rījorojua gusomuniari tuetuejayuju, Īre rūcūbuogu. To yicōari, ado bajiro Jesūre Īre yiyuju:

—Yū ūju, yū cāmire mū yarūajama, yaya —Īre yisēniñuju Ī.

⁴¹⁻⁴² To bajiro Īre Ī yisere ajicōari,

—Mū cāmire yarūcūja yū —Īre yigūne, Īre moāñaju Jesūs.

To bajiro Ī yirirīmarone, Ī cāmi Īre yaticoasuju yuja. ⁴³⁻⁴⁴ To Īre yigajanočōari,

—Gājerāre gotibetimasucōama —Īre yiyuju Jesūs. To yicōari, ado bajiro Īre rotiyuju:

—Yucacane paire mū rujure ūaya. Mū rujure Īre ūogūne, Moisére Dios Ī roticūmasiriarore bajiro vaibūcārā ecariarāre sīacōari, paire Īre Īsima, Diore rūcūbuogu. To mū yisere Īacōari, “Caticoasumi”, yirūarāma masa —Īre yiyuju Jesūs, gase boaboar’ Īre.

⁴⁵ Īre Ī gotirotibetiboajaquēne, masa jedirore gotibatoyuju, “Yū gase boasere yacōami Jesūs” yigu. To bajiro Ī gotibatojare, macari Jesūs Ī vacudijama, yayiro vacudirūgūñuju Ī. To bajiri, masa manojū ñacudirūgūñuju. To Ī bajirāboajaquēne, macariana ñajediro Īre Īarā ejarūgūñujarā Īna.

2

Micagūre Jesūs Ī catioe queti

(Mt 9.1-8; Lc 5.17-26)

¹⁻² To bajiro Ī yicudiriarūmuri bero, Capernaum vāme cuti macaju tudiejayuju Jesūs quēna. Ī ñarūgūrivijure Ī tudiejasere ajijujarā masa. Tire ajicōari, Ī taju rējañujarā Īna. Jājarā Īna ñajare, vi jūmūcoasuju ti. Nojua rūgōriaju mañuju. Soje tu quēne, nojua rūgōriaju mañuju. To Īna bajirone, vi jubeaju Dios oca Īnare gotimasio ñañuju Jesūs. ³ To bajiro Ī yīñarone, babaricārācū ñacōari, micagūre āmiejayujarā. ⁴ Īre āmiejacōari, Jesūs taju cūruaboayujarā Īna. To Īna yirūaboarore jājarā ñabibecōañujarā. To bajiri vijure sījamasibesujarā. “Tire bajicōaja” yirā, vi joeju Īre āmimujasujarā. Īre āmimujacōari, Jesūs Ī rūgōro vecare goje yijorayujarā. To yigajano, micagūre Ī jesariju rācane Īre jidirujio ejoyujarā, Jesūs taju. ⁵ “Īre Īamaicōari, Īre catorūcūmi” Īna yitūoīasere Īamasicōari, micagūjare ado bajiro Īre yiyuju Jesūs:

—Rojose mū yirere mure masiriocōaja yū —Īre yiyuju Jesūs.

⁶ To Ī yisere ajicōari, ti macana sīgūri Dios Ī rotimasire gotimasiorimasa, ado bajiro tūoīañujarā: ⁷ “¿No yigu to bajise yati Ī? To bajiro Ī ñagōjama, Diore Īre rūcūbuobecu yami Ī. Dios sīgūne ñagūmi ti ūnire yimasigūma”, yitūoīañujarā Īna. ⁸ To bajiro Īna yitūoīasere Īamasicōari, ado bajiro Īnare yiyuju Jesūs:

—“Diore bajiro masa rojose Īna yisere masiriomasiaja’ yisocaami”, yure yitūoīaboaja mūa. ⁹ “Rojose mū yisere masiriocōaja” yū yicōa tujajama, “Socū yami. Socū me yami” yure yīīamasigū magūmi. To bajiboarine, “Vūmūrūgūcōari, vasa” Īre yū yijama, “Socū me yami. Rojose Ī yirere masiriocōami”, yure yīīamasirāja mūa. ¹⁰ To bajiri, Dios Ī roticōacacu ñari, “Diore bajirone masare rojose Īna yisere masiriomasigū ñaami’ yure yīīamasigū” yigu, āni micagūre ado bajiro Īre yaja yū: ¹¹ “Vūmūrūgūña mū. Mū jesarijare āmiña. To yicōari, mū ya vijū tudiasa”, Īre yaja yū —Īre yiyuju Jesūs.

¹² To Ī yirirīmarone, masa jediro Īna Īaro rījoro vūmūrūgūcōari, Ī jesarijare āmi, Ī ya vijū vacoasuju Ī yuja. To bajiro Jesūs Ī yisere Īaucacoasujarā masa. “Tī ūnire Īabetirūgūcaju manī. Āni, Dios Ī masise rāca yigu yami” yitūoīacōari,

—Quēnaro yaja mū —Diore Īre yivariquēñañujarā Īna.

Lev’ire Jesūs Ī jire queti

(Mt 9.9-13; Lc 5.27-32)

¹³ Micagūre Ī catioiraro bero, Ūtabūcāra Galilea vāme cutira taju quēna tudivasuju Jesūs. Toju jājarā masa rējañujarā. Īna rējasere Īacōari, Dios oca Īnare gotimasioñuju Ī.^C ¹⁴ Gotimasio gajano, vacune, Lev’i vāme cutigure Īre Īabujayuju. Alfeo macū ñañuju Ī, Lev’i. Ūjare gājoa sēnibosarimasa ñañuju. Gājoa sēnirā Īna rujirijure gājoa sēnirujiyuju. To Ī yīñaro, Īacōari,

—Yure ajisuyaya —Īre yiyuju Jesūs.

To bajiro Ī yisere ajicōari, Īre suyacoasuju Ī yuja.

¹⁵ Bero, Lev’i ya vijū ejacōari, bayuju Jesūs. To bajiri Jesūrāca bañañujarā Lev’i Ī yiriarore bajiro rojose yirā, ūjere gājoa sēnibosarimasa, gājerā “Rojose yirā ñaama” masare yīārā quēne. To yicōari, Jesūs buerimasa quēne bañañujarā Īna. To bajiri jājarā masu ñañujarā Jesūre Īre ajisuyarā. ¹⁶ To Īna bañarone, ejayujarā fariseo masa, Dios Ī rotimasirere gotimasiorimasa quēne. Īna ñañujarā, Moisére Dios Ī roticūmasirere buto ajirūcūbuorā, rojose yirā rāca ñarūamena. Ejacōari, rojose yijairā rāca Īna bañasere Īacōari, Jesūs buerimasare Īnare sēñañujarā:

^C 2:13 Lev’i, jua vāme, vāme cutigu ñañuju. Gaje vāme, Mateo vāme cutiyuju. “Lev’i” ti yijama, hebreo oca rāca yiyuju. “Mateo” ti yijama, romano oca rāca yaja.

—¿No yigu muare buegama, ãnoa rojose yirã rãca bañati? —yisëniãñujarã Ìna.

¹⁷ To bajiro Ìna yisëniãjare, ado bajiro Ìnare cudiyuju Jesús:

—Caticuënarãma, uco yigure bojamenama. Rijaye cutirã ríne Ìre bojarãma Ìna. To bajiro bajiaja yure quëne. “Rojose yirã me ñaja yua”, yirãma, yure bojamenama. “Rojose yirã ñaja yua” yirã ríne yure bojarãma. Quënaró yirãre jigü me, adi macarucurojüre vadicaju yu. Rojose yirãre, “Rojose Ìna yisere yitujato” yigu, vadicaju yu. To bajiri ãnoa, “Rojose yirã ñaama” mua yirãrã rãca bañaja yu —Ìnare yiyuju Jesús.

“Mani sutiritisere Ìacõari, quënaró manire ejarëmorucumi Dios” yirã, bare babetire queti (Mt 9.14-17; Lc 5.33-39)

¹⁸ Juan masare oco rãca bautizarimasu Ì buerã, fariseo masa quëne, Ìna ñicua Ìna yimasiriarore bajiro bare bamenane Diore sënifujarã, “Mani sutiritisere Ìacõari, quënaró manire ejarëmoato Dios” yirã. To Ìna yirirãmure Jesúre sënifurã ejayujarã sigüri:

—Juan Ì buerimasa, to yicõari, fariseo masa quëne, mani ñicua Ìna yimasiriarore bajiro Diore Ìna sënirirãmurema bare babetirügüama. ¿No yirã tire yibeati mu buerãma? —Jesúre yisëniãñujarã Ìna.

¹⁹ To Ìna yisere ajicõari, ado bajiro Ìnare gotimasioñuju Jesús:

—Sigü Ì ãmosiarirãmure Ìre variquënaejarëmorã ñarãma. To Ì ùmato yirãro cõro Ìre variquënaejarëmorãma. Ìnare bajiro bajiaja yu buerã. Yu rãca ñari, variquënacõa ñaama. “Sutiritimena ñari, no yirã bare babeticõa yimenama” yimasire ñaja. ²⁰ To bajiboarine, cojorõmu yure Ìna ñiavato Ìacõari, bare bamenane Diore sëniruarãma, “Mani sutiritisere Ìacõari, quënaró manire ejarëmoato Dios” yirã.

²¹ Mame oca yu gotimasiose ricati ti ñajare, yu ye rãca mani ñicua Ìna yimasirere mua tuoïavuojama, quënabeaja. Sudiro bucuse ti vojama, mamagaseró rãca seretumasimenajama mani. Mamagaserone mani seretujama, mani coero bero carato tãtututu vatone bucusejua vocoatoja. Bucuse, mamase rãca mani seretumasibetore bajirone, mame oca yu gotimasiosere, mani ñicua oca rãca tuoïavubesa mua. ²² To bajirone bajiaja uye oco quëne. Mame uye ocore, vaibucugaserone quënorijaoa bucujøjare jiomenaja mani. Bucujøjare mani jiojama, jãmasinutuca yiro, yivocõaroja tjojajare. To bajiro mani yijama, uye ocore, vaibucugaserone quënorijaoe quëne, to bajirone yireacõa tujana yirãja mani. “To bajirobe” yirãma, mame uye ocore vaibucugaserone quënorijaoa, mamajøjare jiore ñaroja. To yicõari, uye oco, vaibucugaserone quënorijaoa quëne, cojoro cõro quënaró ñaruaroja. To bajiri mame uye ocore, bucujøjare mani jiobetore bajiro mame oca yu gotimasiosere, mani ñicua oca rãca tuoïavubesa mua —Ìnare yiyuju Jesús.

Ësusãjariarãmu ñaboajaquëne, Jesús buerimasa trigo ajere tũnejuacõari, Ìna bare queti (Mt 12.1-8; Lc 6.1-5)

²³ Ësusãjariarãmu ti ejaro, trigo Ìna oterivese cutore vasuju Jesús, Ì buerimasa rãca. To bajivanane, trigo ricare tũnejuacõari, Ìna ãmorine ti gasere sigüereacõari, bayujarã Ì buerimasa. ²⁴ Tire Ìna basere Ìacõari, fariseo masa ado bajiro Jesúre Ìre yiyujarã:

—¡ñaña mu! Mu buerimasa, ususãjariarãmu yire mere yama Ìna —Jesúre Ìre yiyujarã.

²⁵ To bajiro Ìna yisere ajicõari, ado bajiro Ìnare cudiyuju Jesús:

—¿David ñamasir'ì Ì babarã rãca ñorijacõari, Ìnare Ì ùmato bamasirere masibeati mua? ²⁶ Paia uju ñamasugü Abiatar vãme cutigu Ì ñarore David mesa, ñorijarã ñari, “Mani rãca ñagümi Dios” masa Ìna yirivijure sãjacõari, Diore Ìre rãcuborã pan gãjerã Ìna cõboarerene juacõari, Ì babarã rãca bamasifuju Ì. To bajiri Moisés ñamasir'ì Ì gotimasirema, “Paia ríne baruarãma” Ì yimasiboarerene bamasifujarã Ìna. To bajiro Ìna yiboajaquëne, ti vaja rojose Ìnare yibetimasifumi Dios. ²⁷ “Ësusãjariarãmure ado bajiro yiya’ yu yisere cudirã ñato” yigu me, masare rujeoyumi Dios. Masare rujeocõari, “Ësusãjariarãmu ñaruaroja”, yicumasifumi, “Quënaró ñato Ìna” yigu. ²⁸ Yu, Dios Ì roticõacacu, “Ësusãjariarãmure ado bajiro mua yijama, quëñaja. To bajiroja mua yijama, quënabeaja”, yirõtigu ñaja yu —Ìnare yicudiyuju Jesús, fariseo masare.

3

Ãmo ñujobecure Jesús Ì ñujorotire queti (Mt 12.9-14; Lc 6.6-11)

¹ To yi vacuë, Dios ocare Ìna bueriviju sãjasuju Jesús. Ti viju ñañuju sigü, cojojocatua ãmo ñujobecu. ² Fariseo masa quëne ñañujarã. “Jesús, rojose yimi’ ujarãre yigoti, yirõrãsa” yirã, Jesúre Ìre Ìacodeyujarã Ìna. “Adirãmu ususãjariarãmure ãni ãmo ñujobecure Ì masire rãca Ì ñujorotijama, ‘Dios, Moisére Ì roticũmasirere cudibecu yimi’ yigotiruarãja mani”, yituoïañujarã.

³ To bajiro Ìna yitõiarone, ado bajiro yiyuju Jesús, ãmo ñujobecuñare:

—Vãmurãgüña —Ìre yiyuju.

⁴ To bajiro Ìre yigajanogãne, fariseo masare ado bajiro Ìnare sënifañuju:

—¿Usasājariarāmure quēne, no bojagu masure quēnaro mani yijama, quēnabetojari? ¿Dis-ejuare yiroti ñati? ¿Quēnasejuare, rojosejuare yiroti ñati ti? ¿Rijaye cutirāre catiorejuare yiroti ñatique? To yiterā, ¿inare sīacōaroti ñatique? —Inare yiyuju Jesús.

To ī yiboajaquēne, ĩre cūdbesujarā ĩna. ⁵ To bajiri ĩre ĩna ajitesere ĩajūnisinigū ñaboarine, ĩnare ĩasūtiritigune, āmo ñujobecujuare ado bajiro ĩre yiyuju Jesús:

—Mu āmore ñujoya mu —ĩre yiyuju.

To ī yirone, ī āmore ī ñujorone, quēnaejacoasuju yuja. ⁶ To ī yisere ajicōari, budicoasujarā fariseo masa. Budiacōari, “Uju ñamasugū ñacucūmi Herodes” yirūgūriarā rāca ñagōrā vasujarā. “¿No bajiro yicōari, Jesure sīarotirāti mani?”, gāmerā yīñagōñujarā ĩna.

Utābucura tuju jājarā masa ĩna ejare queti

⁷ To ī yiro bero, ī buerimasa rāca vacoasuju Jesús utābucura Galilea vāme cutiraju vana. To ĩna vato, Galilea sitana jājarā Jesure suyasujarā. ⁸ Gaje macariana quēne, jājarā masa, ĩaīñamani Jesús ī yīñasere ajicōari, ī tuju ejayujarā. ĩna ñañujarā: Judea sitana, Jerusalén macana, Idumea sitana, Jordān vāme cutiya gajecacatwana, Tiro macana, to yicōari, Sidón macana quēne ñañujarā ĩna. ⁹⁻¹⁰ Jājarā rijaye cutirāre Jesús ī catiosere ajicōari, gājerā buto ĩre moariayujarā ĩna, “To bajiro mani yijama, caticoanaja” yirā. To bajiro ĩna yitōajare, “Rūgōbibecōarāma” yigu ñari, —Cūmua cuo yuya mua —ī buerimasare ĩnare yiyuju Jesús.

¹¹ ĩna usurijure vātia sāñarā, Jesure ĩacōari, ī rījorojua gusomuniari tuetucōari muquearāne, ado bajiro yīavasāñujarā ĩna:

—Dios macune ñaja mu —Jesure ĩre yīavasāñujarā.

¹² To bajiro ĩna yisere ajicōari, oca tutuase rāca ĩnare ñagōrotibesuju Jesús, vātiare rotigu.

Ī ocare goticudisuronare Jesús ī besere queti
(Mt 10.1-4; Lc 6.12-16)

¹³⁻¹⁴ Cojorāmu buroju majacōari, ī buerimasare ī bojarāre jirēoñuju Jesús. To bajiri ī tuju ĩna ejarone, juaāmo cōro, gubo jua jēnitarirācu ñarāre beseyuju. To yicōari, ado bajiro ĩnare gotiyuju:

—Yu rācane ñacōararāja mua. To bajicōari, yu ocare yare goticudibosarā ñaruarāja mua.

¹⁵ Masa usuriju sāñarāre vātiare, “Budiya” mua yijama, budiruarāma —ĩnare yiyuju Jesús.

¹⁶ Ado bajiro vāme cutirā ñañujarā juaāmo cōro, gubo jua jēnitarirācu ñarā ī beseriarā: Simón vāme cutiborā'i Pedro vāme cutigu. ¹⁷ To yicōari Zebedeo rīa ñacama Santiago ī bedi Juan. ĩna juarāre Boanerges vāme yiyuju Jesús. Ti vāme, Bujo rīa yire ũni ñañuju. ^d ¹⁸ Andrés, Felipe, Bartolomé, Mateo, Tomás, Tadeo ñañujarā. Alfeo macu Santiago, to yicōari, Simón vāme cutigu, celote yere tuoīboarā'i ñañuju. ¹⁹ Tusagu Judas Iscariote vāme cutiyuju. Ī ñañuju Jesure ĩsīocarā'i. To bajiri juaāmo cōro, gubo jua jēnitarirācu ñañujarā Jesús ī beseriarā.

“Vātia uju ī masise rāca yigu yami Jesús”, ĩna yire queti
(Mt 12.22-32; Lc 11.14-23; 12.10)

²⁰ Bero, viju Jesurāca tudiejayujarā ī buerimasa. To ĩna bajiro, jājarā masa rējāñujarā. To bajiri, bare bamasibeticōañujarā ĩna, Jesús mesa. ²¹ To bajiro ĩna bajīñase quetire ajicōari, “Mecurimasu ñacoacu yigumi”, Jesure ĩre yiyujarā masa. To bajiro ĩre ĩna yisere ajicōari, ī yarā, ĩre jirā vasujarā ĩna.

²² Gājerā Dios ī rotimasirere gotimasiorimasa Jerusalén maca vadriarā ado bajiro Jesure yiyujarā ĩna:

—Ī usuju vātia uju Beelzebú vāme cutigu sāñagū ñaami. To bajiri Beelzebú ī masise rāca vātiare bureaami —yiyujarā ĩna.

²³ To bajiro ĩna yise ñajare, ĩnare jiyuju Jesús. To yicōari, ī tuju ĩna ejaro, gotimasiore queti ado bajiro ĩnare gotiyuju:

—Vātia uju, masa usuriju ī yarāre sājarotigu ñaboarine, no yigu, “Īnare bureaya” yigu ñabecūmi tia. ²⁴ Cojo sitana rotirimasa ĩna gāmerā quēajama, ĩna masune gāmerā sīayayirā yirāma. ²⁵ To bajirone bajiroja cojo vi ñarāre quēne. ²⁶ Tire bajirone bajiroja vātiare quēne. Vātia ĩna gāmerā bureajama, “Masare rojose yitajato mani” yirā yiborāma. To bajiro ti bajijare, “Beelzebú vāme cutigu ī masise rāca masa usuriju sāñarāre vātiare bureaami” yure mua yiboase, riojo yirā ĩme yaja mua —ĩnare yiyuju Jesús.

²⁷ To bajiro ĩnare yigoticōari, quēna gajeye gotimasiore queti ĩnare gotiyuju:

—Sīgū, gāji guamu ya vi sājacōari, ĩre ī siabetijama, gajeyeūni ēmamasibecūmi. ĩre siacōari, ī gajeyeūnire ēmamasigūmi yuja. To bajirone bajiaja yure quēne. Vātia uju ī rotiboasere ĩre yirotibeticōari, vātiare yu burease suorine, vāti ī rotiajeboariarāre ĩre ēmagū yaja, “Yu yarā ñato” yigu —ĩnare yiyuju Jesús.

^d 3:17 “Yoaro me jūnisinirā ĩna ñajare, Santiago ī bedi Juan ĩna juarāre ‘Bujo rīa’ vāme yiyuju Jesús”, yiyujarā Dios oca buerētoburimasa sīgūri.

²⁸ To bajiro ĩnare yigoticōari, quēna ado bajiro ĩnare yiyuju Jesús:

—Riojo muare gotiaja yu. Masa jediro rojose ĩna yijama, jediro rojose ĩna ñagōjaquēne, sutiriticōari, Diore ĩna sēnijama, rojose ĩna yisere masiriorucami. ²⁹ To bajiboarine, Esp'iritu Santojuare rācubwomēna rojose ĩre ĩna yitud'ijama, tirema masirioebetirucami. To bajiro ĩna yijama, to bajirone rojose ĩnare ñacōa ñarūgūruaroja —yiyuju Jesús.

³⁰ Esp'iritu Santo ĩ masise rāca ĩ yiboajaquēne, “Ī usujū vāti sāñagū ñari, bajigumi” ĩre ĩna yise ñajare, to bajise ĩnare gotiyuju Jesús.

*“Yū yarāma ado bajiro bajirāma ñaama”, Jesús ĩ yire queti
(Mt 12.46-50; Lc 8.19-21)*

³¹⁻³² Jesús, masare ĩ gotimasio ñarone, ĩ tu rujigānirā ado bajiro ĩre yiyujarā ĩna:

—Mū jaco, mū bederā rāca macajūb ejama, mū rāca ñagōruarā —Jesúre ĩre yiyujarā.

³³ To bajiro ĩna yiboajaquēne, ado bajiro ĩnare cudiyuju Jesús:

—¿Ñimo ñati yu jacoma? ¿Ñimarā ñati yu bederāma? —ĩnare yiyuju.

³⁴ To yigune, ĩ tu rujigānirāre ĩacōari,

—Mua ñaja yu bederāma, yu jacore bajiro bajirāma. ³⁵ No bojarā yu jacu ō vecagu ĩ rotirore bajiro yirā, ĩna ñarāma yu bederāre bajiro bajirāma, yu jacore bajiro bajirāma —ĩnare yiyuju Jesús.

4

*Oterimasu ĩ bajirere Jesús ĩ gotimasio queti
(Mt 13.1-9; Lc 8.4-8)*

¹ Quēna utabucara tu ejacōari, masare gotimasioñuju Jesús. Masa jājarābusa ĩna rējaquearo ĩacōari, cūmuaju vasājacōari, rujiyuju Jesús. Masajuama, utabucara tu ñañujarā ĩna. ² To bajicōari, cojo queti me tuoīacōari, “Ado bajiro bajisere bajiro bajiaja” ĩnare yigotigu ñari, ado bajise gotiyuju:

³ —Adi queti muare yu gotisere quēnaro ajiya mua. Sīgū oterimasu veseju ote ajere otegu vacami. ⁴ Vese ejacōari, ote ajere ĩ reabaterone, gajeye maaju vējaquearoja. To bajiri minia ejacōari, tire bareacōarāma ĩna. ⁵⁻⁶ Gajeyema, gūta joeju reaėjoaroja. Tijū, mojoroaca sita ti ñajare, guaro ti judidaboajaquēne, muiju, asisicōagūmi. To bajicōari, oco manijare, sīnireacoatoja ti. ⁷ Gajeyema, jotayucū vatoaju vējaquearoja. To bajicōari, ti judiboajaquēne, jotajua bucūhaveocoatoja ti. To bajiri rica cutibetoja ti. ⁸ Gajeyema, sita quēnaro vējaquearoja. To baji, judibucacōari, quēnase ñacōari, jairo rica cutiroja. Cojotō, treinta ñaricari rica cutiroja. Gajetō, sesenta ñaricari, gajetō, cien ñaricari rica cutiroja. ⁹ Tire mua ajimasirūajama, quēnaro tuoīaña mua —ĩnare yiyuju Jesús.

*“Ado bajiro yigū, gotimasio queti gotirūgūaja yu”, Jesús ĩ yire queti
(Mt 13.10-17; Lc 8.9-10)*

¹⁰ Tijū bero, Jesús sigāne ĩ ñaro, ĩ buerimasa juaāmo cōro, gubo jua jēnituarirācu ñarā, gājerā ĩre ajisuyarā rāca ĩ tu rējacōari, ado bajiro ĩre sēniñañujarā:

—¿Gotimasio queti yuare mū gotise, no yire ũni ñati ti? —ĩre yisēniñañujarā ĩna.

¹¹ To bajiro ĩna yisēniñajare, ado bajiro ĩnare cudiyuju ĩ:

—“Uju Dios yarā quēnaro ĩ yirona, yua ñaruajama, ado bajiro yiroti ñaja” ĩna yimasibeticatire Dios suorine ajimasiaja muama. To bajiboarine gājerājuama, Dios ĩ bojabetijare, tire ajimasibeama. ¹² To bajiri, gotimasio queti rāca gotimasioaja yu, ado bajiro bajirā ĩna ñajare: Adi macarucuroaye rīrene tuoīarā ñari, yu yīosere ĩacōari, to yicōari, yu gotisere ajicōari, “To bajiro manire yigotigu yami”, manire yimasibeama. To bajiro bajirā ñari, rojose ĩna yisere tuoīavasacōari, “Yuare masirioya”, Diore yisēnibeama. To bajiri yirēto ecobosabetiruarāma ĩna —ĩnare yigotiyuju Jesús.

*“Ado bajiro yirūaro yaja oterimasu ĩ bajire queti”, Jesús ĩ yigotirētobure queti
(Mt 13.18-23; Lc 8.11-15)*

¹³ Bero, quēna ado bajiro ĩnare gotiyuju Jesús:

—Oterimasu ĩ bajire quetire muare yu gotisere mua ajimasibetijama, gajeye yu gotirotire quēne ajimasimenaja mua —ĩnare yiyuju Jesús.

¹⁴ To yigune, ado bajiro ti quetire ĩnare gotirētobuyuju Jesús:

—Oterimasuma, yu gotimasisere gotimasioaddirimasure bajiro bajigu ñagūmi. ¹⁵ Ote aje, maaju vējaquearere, minia ĩna barere yu yijama, “Uju Dios quēnaro ĩ yirona ĩna ñaruajama, ado bajiro yiroti ñaja” yu yigotimasiosere ĩna ajiboasere, vātia ũju ejacōari guaro ĩ masiriosere yigu yibū yu —yiyuju.

¹⁶⁻¹⁷ —Gūta joeju vējaqueacōari, guaro judibucūaboarere, muiju ĩ asisiorere yu yijama, yu yere ajicōari, quēnaro variquēnase rāca ajirā ñaboarine, yoaro mene tire ĩna quejerotire, to yicōari, yu gotisere ajirā ĩna ñajare, gājerā rojose ĩnare ĩna yijama, yoaro mene yu

ocare İna ajitujarotire yigu yİbu. ¹⁸⁻¹⁹ Jotayucú vatoaju vējaqueacđari, judİboarere jotajua ti bucuaveorere yu yİjama, yu gotisere ajirā ņaboarine, adİ macarucaro ti bajisejuare tuoİarejairā ņari, to yİcđari, gajeyeuİni bojatuoİarā ņari, yu yejuare İna tuoİatujacđari, yu bojarore bajiro yimenare yigu yİbu yu. ²⁰ Sita quēnaroju vējaqueare judİbuacuacđari, quēnase rica cutirere cojotđ treinta ņaricari, gajetđ sesenta ņaricari, gajetđ cien ņaricari rica cutirere yu yİjama, yu gotimasosere ajimasicđari, Dios İ bojarore bajiro quēnaro yirā yu ocare İna gotimasiose suori, gājerā masa quēne yare İna ajitirūnurotire yigu yİbu –İnare yigotiyuju Jesús.

Sİabusuariare tuoİacđari, Jesús İ gotimasioire queti
(Lc 8.16-18)

²¹ Quēna gaje queti ado bajiro İnare gotiyuju Jesús:

–Sİabusuariare jĕocđari, sotune tiare mubūamenaja mani. Tiare jĕocđari, “ņajediro ti vianare ũjubusuatō” yirā, vecaju jeorāja mani. Tire bajiro bajiaja yu gotimasiose. “Ajimasibeticđato masa” yigu me, to bajise İnare gotİaja yu. “Quēnaro riojo ajimasiato masa” yigu, gotirūgūaja. ²² Dios suorine masa İna ajimasibeticati jediro, quēnaro ajimasiruarāma. ²³ Tire, muare yu gotisere mua ajimasiruarāma, quēnaro tuoİaİna mua –İnare yiyuju Jesús.

²⁴ To yİcđari, quēna ado bajiro İnare gotiyuju Jesús:

–Muare yu gotisere quēnaro ajitirūnūaİna mua. Mua ajitirūnūrūtuaore bajirone “Butobusa ajimasiato” yigu, muare ejarēmorucumi Dios. Rĕtobusaro muare İ ejarēmose ņajare, varİquēnaruarāja mua. ²⁵ To bajiri, no bojaju Diore ajitirūnūgure, “Quēnarobusa ajimasiato” yigu, İ masisere cđarucumi Dios. Gājirema, İre ajigu ņaboarine, İre İ ajitirūnūbetijare, Dios İ rotise suorine İ ajimasiboasere masiriticđarucumi İ. To bajiri Diore masibetimasucđarucumi –İnare yiyuju Jesús.

Ote aje judİbuacuare tuoİacđari Jesús İ gotimasioire queti

²⁶ Quēna ado bajiro masare gotimasioİuju Jesús:

–No bojarā, ũju Dios yarā quēnaro İ yirāma, yu gotimasiosere ajitirūnūnarā rİne, İ suorine butobusa İre bajiro quēnaro yirā ņarūtuaruarāma. To bajiro İna bajijama, ote aje ti judİbuacuare bajiro bajijama. Oterimasu otegumi. ²⁷ Otecđari, tocārca ņamiri, ũmuari quēne, İ cānİjaquēne, İ cānİbetİjaquēne, no yİbetoja İ otere. İ codetirūnucđa ņabetİboajaquēne, ti masurione judicđari, bucuatoja. Ti bucuamujasere, “Ado bajiro bucuatasaju ti” yimasibetİboajaquēne, bucuamujacoatoja ti. ²⁸ İ otere ti masurione judİroja ti. Rİjoro rujasaviaca judİsuoroja. Bero, bucuamujacđari jū cutİroja. To bajicđari rica cutİroja. ²⁹ Ti bucuaro İacđari, juagumi –İnare yiyuju Jesús.

“Mostaza vāme cutİu rica, ajeare bajiro bajiaja”, Jesús İ yire queti
(Mt 13.31-32; Lc 13.18-19)

³⁰ Quēna ado bajiro gotiyuju Jesús:

–“Rotİmūorūgōrucumi” yigu, Dios İ cđagū, yu gotimasiosere no bojarā İna ajitirūnūjama, muare yu gotisere mojoroaca ajimasİboarine, rojose İna ņare cutİsere tuoİavasoacđari, tocāracarūmārİ quēnaro ņamujarūgūcđari, quēnaro ajimasİmujarūgūjama, ado bajiro bajİruaroja: e ³¹ Sİgū İ ya vesejure mostaza ajea otegumi. Gajeye ote aje rĕtoro rujaricaca ņaroja ti, mostaza ajeaca. ³² To bajiri İ oterica mojoricaca ņaboarine, ti judİbuacuacoajama, ote yucđari rĕtobusarİcu jairİcu ņaroja tİu. Jairİcu ti ņajare, tİu rujarİju minİa İna rİa cutİrotİjurİre quēnorāma İna –yİgotimasioİuju Jesús.

³³⁻³⁴ Gotimasioire queti rāca rİne İnare gotimasiorūgūİuju Jesús, “İna ajimasiro cđoro ajimasiato” yigu. To bajiro yİcđari, İ buerimasa rİne İna ņaro, quēnaro İnare gotirĕtobujeocđafİuju.

Mİno vatone, oco sabesere Jesús İ tūjore queti
(Mt 8.23-27; Lc 8.22-25)

³⁵ Tirāmu muiju İ rocasāro, İ buerimasare ado bajiro İnare yiyuju Jesús:

–Gajejacatuaju jĕajaro mani –İnare yiyuju Jesús. ³⁶ To bajiri jājarā masa Jesúre ajirā ejarāre, İ sāņarİcūmuajune İ buerimasa rāca İnare jĕaveocoasujarā. To bajiri, gaje cūmuarİana quēne, İnare jĕasuyasujarā. ³⁷ To İna jĕatone, buto mİno vasuju. To bajicđari, buto sabeyuju. Ti saberone, cūmua sagueca yiro, rujacoaruayuju. ³⁸ To ti bajİboajaquēne, rujoa tutuorİaju rāca İ rujoare tutuocđari, cānİsāņaİuju Jesús, cūmua gūdeju. İ cānİro İacđari, İre yujİoyujarā İna:

–Yuā ũju, İrujareana yaja mani! Ę “To bajiro ti bajijama, quēnacđaroja”, yati mu? –İre yiyujarā İna.

e **4:30** Mostaza ajea ti bajire queti Jesús İ gotirere, “Ado bajiro yİruaro yaja”, yiyujarā Dios oca masa İna ucamasirere buerĕtobudİrİarā sİgārİ: “Jesús İ gotimasiosere ajitirūnarā İ ņarİrodo mojoroaca ņaboarine, jājarā İna bujarotire yigu yiyuju Jesús”, yiyujarā İna.

³⁹⁻⁴⁰ To bajiro ña yirone,

—¿No yirã buto güiati mua? “Rojose mani tãmuoboaquẽne, manire yirẽtobosarucumi”, yure yituoĩabeaja mua —ñare yiyuju Jesús. To yigajanocõari, ado bajiro yiyuju Jesús:

—¡Mino tujaya! ¡Sabese quẽne tujaya mua! —yiyuju Jesús.

To ï yirone, tujacoasuju mino. Sabese quẽne, sabebesuju yuja.

⁴¹ To bajiro ï yiboajaquẽne, buto güicõa ñañujarã ña. To bajiri, ado bajiro gãmerã sãnãñañujarã:

—¿Ñimu ũgũ masu ñati ñni? Minore, to yicõari, sabesere ï tujarotijama, ñre ajiaja —gãmerã yiyujarã Jesús buerimasa.

5

Gerasa vãme cuti maca tuagure ï usuju sãñarãre vãtiare Jesús ï bureare queti
(Mt 8.28-34; Lc 8.26-39)

¹ Utabucura gajejacatuaçu Gerasa vãme cuti maca tuch ejayujarã. ²⁻⁵ To ña ejarone, masa rijariarãre ña yujereariavijure sigũ amu budiyaju, Jesũre ñaguagu. Ti viju ñañuju ï ñaro. Vãti sãñagũ ñañuju. To bajiri no yimasinãmagũ ñañuju. Cojoji me cõmemane ï gubori sotorire, ï ñmorire quẽne siaboayujarã. To ña yiboajaquẽne, tãasure reacõarũgũñuju ï. To bajiro bajigu ñari, amua, ñamirire quẽne gũtayucu joeju vacudirũgũñuju. To bajicõari, masa yujereariavijure ñacõari, avasãmecucudirũgũñuju. To bajiro bajicudica yigu, gũtariju quediropa vacudirũgũñuju. ⁶ To bajiro bajinãr'i, sõjune Jesũre ñabujacõari, umarojayuju. Jesús tuch ejacõari, ï rĩjorojuã gusomuniarĩ tuetuyuju, ñre rãcubõgu. ⁷⁻⁸ To bajiro ï yiejasere ñacõari, ado bajiro ï usujure sãñagũjuare vãtire yiyuju Jesús:

—Ñni masu ï usuju sãñagũ budiya mu —ñre yiyuju Jesús.

To ï yijare,

—Jesũ, masirẽtogũ, Dios macu ñaja mu. ¿No yigu yua tu vadiati mu? “Yure gõjanabiobesa”, mure yisẽñaja yu. Dios ï ñaro rĩjorojuã, “Rojose mu yise vaja, rojose mare yibeaja yu”, yure yija —Jesũre yisẽniñuju vãti.

⁹ To ï yirone, ado bajiro ñre yiyuju Jesús:

—¿Ñimu vãme cutiati mu? —ñre yiyuju.

To ï yisere ajicõari, ado bajiro ñre cudiyuju vãti:

—Legiõn vãme cutiaja, jãjarã ñarã ñari —ñre yicudiyuju.

¹⁰ To bajiri ado bajiro Jesũre sãnãñañujarã:

—Gaje sitaju ñare cõabesa mu —Jesũre yiyujarã. ¹¹ Buroju jãjarã ecariarã yesea macabañañujarã. ¹² ñare ñacõari, ado bajiro Jesũre yisẽniñujarã ña:

—Yure mu bureajama, õa yeseajuare yuare sãjarotiya —ñre yisẽniñujarã ña.

¹³ To bajiro ña yijare,

—Mure varotiaja yu —vãtiare ñare yiyuju Jesús.

To ï yirone, masu usujure sãñaboariarã budicoasujarã yuja, ecariarã yesea, dos mil cõro ñarãjuare sãjaroana. ña sãjarone, buro umaroja vacõari, utabucuraju rearoderujacõa tujasujarã.

¹⁴ Yeseare coderimasa, to bajiro ña bajisere ñacõari, umacoasujarã, ña ya macaju vana. Toju ejacõari, ti macanare, to yicõari, ti maca tu ñarimacarianare quẽne tire gotibatoyujarã. To bajiro ña yigotisere ajicõari, Jesũre ñarã vasujarã ña, ti macana jediro. ¹⁵ ï tuch ejacõari, vãtia sãñaboar'ire ñañujarã ña. Sudi sãñacõari, Jesús tu rujiyuju. ña bajirore bajiro bajigu ñañuju ï yuja. Vãtia ña sãñajama, tũõiamasibecu ñañuju maji. Quẽnaro tũõlagũ ñañuju yuja. To bajiro ï yimasisere ñacõari, Jesũre buto güiyujarã ña. ¹⁶ Vãtia sãñaboar' ï ï bajisere, to yicõari, yesea ña bajirere ñariarã, gãjerãre gotiyujarã. ¹⁷ To bajiri Jesũre buto güirã ñari,

—Vacoasa. Ado mu ñasere bojabeaja —ñre yiyujarã ña.

¹⁸ To ña yijare, tudiacu, cũmuaju vasãjãñuju Jesús. To ï bajirone, ado bajiro ñre yiboayuju vãtia sãñaboar' ï:

—Mu rãca buto varuaja yu quẽne —ñre yiboayuju.

¹⁹ To bajiro ï yiboajaquẽne, ado bajiro ñre cudiyuju Jesús:

—“Yu rãca vadibesa. Mu ya viju tudiasa. Dios yure ï ñamajare, ï masise rãca yu usuju sãñarãre vãtiare bureami Jesús”, mu yarãre ñare yigotiba —ñre yicudiyuju Jesús, vãtia sãñaboar' ñre.

²⁰ To bajiro ï yijare, ï yarã tuch tudicoasuju ï. Tudiejacõari, Decãpolis vãme cuti sita ñarimacarianare, Jesús ï yirere goticudiyuju. To bajiro ï yigotisere ajicõari, no yimasibesujarã ña masa, ti ñnire ajibetirũgũriarã ñari.

Jairo macore Jesús ï cãtiore queti
(Mt 9.18-26; Lc 8.40-56)

²¹ Jesús, tudijēacoasuju quēna, gajejacatuaɣu. Ʋtabucara tuɣu ī ñaro jājarā masa rējañujarā. ²² To bajirone, Dios ocare ina buerivi uɣu quēne eɣayuju, Jairo vāme cutigu. Jesúre ĩacɔari, ī rījoroɣua gusomuniari tuetuyuju, ĩre rācubuoɣu. ²³ To yicɔari, ado bajiro Jesúre ĩre yiyuju:

—Yu maco bajirocaco yimo. So tu eɣacɔari, sore mu moaĭajama, caticoaruocomo —Jesúre ĩre yiyuju.

²⁴ To bajiro Jairo ī yisere ajicɔari, ĩre suyasuju Jesús. Jājarā masa ĩre suyacɔari, no bajiro yi vamaſiña manojɣu vasujarā ĩna. ²⁵ To bajiro ĩna bajiro vatoajure ſigō, gāmorōmi cutigo ñañuju so. Juaāmo cōro, gubo jua jēnituari cāmari gāmogōre bajiro bajicɔarūmari cutirūgūñuju so. ²⁶ Jājarā uco yirimasa sore ĩna uco yire vaja, vaja yigo, gājoa so cuoobarere ĩnare ĩsijeocɔañuju. To bajiro ĩnare so yiboajaquēne, butobasa bajiyuju so. ²⁷⁻²⁸ To bajiri gājerāre Jesús ī catioere queti ajirio ñari, jājarā masa vatoaju Jesúre suyasuju so. “Jesús sudiro moaĭarɣaja yu. Ti rīne bojaja yu. To bajiro yu yijama, quēnaejacoaruoɣoɣa yu”, yiyuju so. To bajiro yirio ñari, Jesús suyaroɣua ejarūgūcɔari, ī sudirore moaĭañuju. ²⁹ So moaĭarimarone, gāmogōre bajiro so bajiñaboare tujasuju. To bajiri, “Quēnaejacoaju yu”, yimasñuju so yuja. ³⁰ So moaĭarone, “Yu masise suorine quēnaejacoajamo”, yimasicɔañuju Jesús. To bajiri judarūgūcɔari, ado bajiro masare sēniñañuju ĩ:

—¿Ñimu yu sudirore moaĭari? —ĩnare yisēniñañuju.

³¹ To ī yirone, ī buerimasa ado bajiro yiyujarā ĩna:

—¿No yigu, “Ñimu yure moaĭati”, yati mu? Mu tuɣu jājarā ñaja yua, mure moaĭarā —ĩre yiyujarā ĩna.

³² To ĩna yiboajaquēne, ĩre moaĭagūre ĩamacañuju Jesús. ³³ “ĩre moaĭagōne, quēnaejacoaju yu” yimasigō ñari, nanagōne, Jesús rījoroɣua eɣacɔari, gusomuniari tuetuyuju so. To yicɔari, ñajediro so bajirere Jesúre gotiyuju. ³⁴ To so yirone, ado bajiro sore cūdiyuju Jesús:

—Yu maigō, “ĩ sudi gajare yu moaĭajama, ī masise suorine quēnaejacoaruoɣoɣa yu” yituoĭagō ñari, quēnaejacoaju mu. To bajiri, “Quēnaejacoaju”, yituoĭa variquēna vasa mu —sore yiyuju Jesús.

³⁵ To bajiro sore ī yiñarone, Dios ocare ina buerivi uɣu Jairo vāme cutigu ya viana eɣayujarā. Eɣacɔari, ado bajiro Jairore gotiyujarā:

—Mu maco bajirocacoamo. No yirā gotimasiorimasu ī vasere bojamenaja mani yuja — Jairore yiyujarā ĩna.

³⁶ To ĩna yiboajaquēne,

—Tuoĭasutiritibesa mu. Yu masiseɣare tuoĭacɔa ñaña —ĩre yiyuju Jesús.

³⁷ To yicɔari, gājerāre suyaroɣibesuju Jesús yuja. Pedro, Santiago, ī bedi Juan, ĩna idiarārene suyaroɣiyuju. ³⁸ To yi, vanane, Jairo ya viju eɣayujarā. Toɣu eɣana, ĩna ĩajama, ī maco so bajirocacoajare, buto otiñañujarā ĩna, ti vi eɣariarā. ³⁹ ĩna otiñarivijure sājaeɣacɔari, ado bajiro ĩnare yiyuju:

—¿No yirā otiati mua? “Bajirocacoajamo” mua yiboago, bajirocabeocomo. Cānigō yigomo —ĩnare yiyuju Jesús.

⁴⁰ To ī yisere ajicɔari, ĩre aɣayujarā ĩna, “Bajirocacoasumo” yimasirā ñari. To bajiro ĩna yiboajaquēne, ĩnare budirotiyuju Jesús. ĩnare budirotiɔcari, bajirocario jacuare, to yicɔari, ĩre suyārāre quēne, ũmato jājasuju Jesús, bajirocario so ñarisɔaju. ⁴¹ ĩnare ũmato jājacɔari, so āmore ñañuju Jesús. To yigune, ado bajiro sore yiyuju:

—Talita cumi —sore yiyuju. (“Daquero, vāmurūgūña’ mure yaja yu” yire ũni ñañuju.)

⁴² To ī yirimarone, quēna tudicaticɔari, vāmurūgū vasuju so yuja. Juaāmo cōro, gubo jua jēnituari cāmari tusaco ñañuju so. So tudicatisere ĩacɔari, no yimasibesujarā masa, ti ũnire ĩabetirūgūriarā ñari. ⁴³ Sore catioɔcari,

—Sore ī catioere gājerāre gotibetimasucɔama —ĩnare yiyuju Jesús. To yicɔari, —Bare sore ecaya mua —ĩnare yiyuju Jesús.

6

*Nazaret vāme cuti macaju Jesús ī vare queti
(Mt 13.53-58; Lc 4.16-30)*

¹ To bajiri Capernaum macanare ĩnare gotimasio gajanocɔari, ī buerimasare ũmato vacoasuju Jesús, ī ya macaju, Nazaret vāme cuti macaju. ² Toɣu usūājariarūmu ñarone Dios ocare ĩna buerivijure sājaeɣacɔari, masare gotimasio ñañuju Jesús. Quēnaro ī gotimasiosere ajicɔari, no yimasibesujarā ĩna:

—¿No bajicɔari, to bajise gotimasiosiasiati ĩ? ¿No bajiro yicɔari, ĩañañamanire yati? —Jesúre yiyujarā ĩna, ī ya macana. ³ Gajeye ado bajiro yiyujarā ĩna:

—¿Adi macagu yucá moarimasu me ñatique ïma? ¿Mar'ia macu me ñatique? ¿Santiago, José, Judas, Simón mesa gaga me ñatique ï? To yicðari, mani vatoaju ñarâ, çï bederâ rômiri me ñatique ïna? —Jesúre ïre yiyujarâ ïna, ï ya macana.

To bajiri, “Ñamasugú me ñaami. Mani ya macagu, mani masigú ñaami” yirâ ñari, ïre ajitirûnubesujarâ ïna. ⁴ To ïna yirone, ado bajiro ïnare gotiyuju Jesús:

—Diore gotirêtobosarimasu gajeroju Dios ocare ï gotimasiocudijama, ïre ajirêcûbuorâma. To bajiboarine, ï ya macanare, ï ya vianare quêne, Dios ocare ï gotimasiojama, ïre ajirêcûbuomenama —Ënare yiyuju Jesús.

⁵ To bajiri ï ya macana, ïre ïna ajitirûnubetijare, ïaïañamani yïomasibesuju ï. Mojoroaca ñañujarâ ï âmo ñujeocðari ï catoriarâ. ⁶ ï yarâ ïre ïna ajitirûnubetire ïacðari, no yimasibesuju Jesús, ïnare bajiro tuoïarê ïabetirûgûr'ï ñari. To bajiri, gaje macariju vasuju, masare gotimasiocudigu vacu.

Ï ocare goticudisûoronare Jesús ï cðare queti
(Mt 10.5-15; Lc 9.1-6)

⁷ Juaâmo cðoro, gubo jua jênituarirâcu ñarâre ï buerâre jirêoñuju Jesús. Ënare jirêocðari, tocârâca macarire juarâri cðañuju. Ënare cðagüne, masa usûriju sãñarâre vâtiare, ïna burea-masirotire ïnare ujoyuju ï. ⁸ To yicðari ado bajiro ïnare yiyuju:

—Mua bare sãriajoari, gãjoare quêne juaâbesa. No bojase mua cuose juaâbesa. Tueriyacûri rïne juaâsa. ⁹ Gubo sudi mua sãñasene sãñacðari, sudi mua sãñasene sãñacðari, vasa —Ënare yiyuju Jesús. ¹⁰ Gajeye ado bajiro ïnare yiyuju Jesús:

—Tocârâca macare mua ejajama, mua ejasuorivine cãnima. Ti vine ñacðari, ti macanare ïnare gotimasio ñama maji, gajeroju mua varoto rïjoro. ¹¹ Mua ejarimacana quênaro muare ïna bocaâmibetijama, to yicðari, mua gotisere ïna ajirûabetijaquêne, ti macajure ñabeja. Muare ïna ajirûabetijare, mua gubo sudi tuyasere sitare varerea, vacoaja. To bajiro mua yijama, “Quênaro yuare bocaâmibeticðari, yuare mua ajirûabetijare, rojose muare yirêcûmi Dios” yirâ, yiruarâja mua —Ënare yiyuju Jesús.

¹² To bajiro ï yijare, “Rojose mua yisere yitujacðari, quênasejuare tuoïvasoaya” ïnare yigotimasiocudirâ vasujarâ. ¹³ Masa usûriju sãñarâre vâtiare bureayujarâ ïna. Jãjarâ rijaye cutirêre quêne, uye yuejeoyujarâ ïna. To ïna yijare, quênaejacoasujarâ ïna.

Juan vâme cutigûre, masare oco rãca bautizarimasure ï rujoare ïna jatarocare queti
(Mt 14.1-12; Lc 9.7-9)

¹⁴ Jesús ï bajiñasere, ajijedicðañujarâ Galilea vâme cuti sitana. To yicðari, ïna uju Herodes quêne ajiyuju, ado bajiro ïna yisere:

—Juan vâme cutigu, masare oco rãca bautizarimasune sïacoboarine, tudicatioarimi. To bajiri ïaïañamani yïoñagûmi —yiyujarâ ïna, Jesúre.

¹⁵ Gãjerâma, ado bajiro yiyujarâ:

—Diore gotirêtobosarimasu El'ias ñamasir'ï ñagûmi quêna —yiyujarâ.

Gãjerâjuama, ado bajiro yiyujarâ:

—Diore gotirêtobosarimasu ñamasir'ïre bajiro bajigu ñaami —yiyujarâ.

¹⁶ Herodes quêne, ado bajiro yiyuju:

—Juan ñagûmi quêna. ï rujoare ïre jatarocaroticðacaju yu. To bajiro yu yirotoiboaquêne, quêna tudicatioarimi —yiyuju Herodes.

¹⁷⁻¹⁸ Juan ï sïacoro to rïjoro ado bajiro bajire ti ñajare, to bajiro tuoïañuju Herodes: ï bedi Felipe manajore Herod'ias vâme cutigore êmacðari, manajo cutiyuju Herodes. To bajiro ï yire ñajare, ado bajiro ïre gotirûgûñuju Juan:

—Herod'iare mu manajo cutise quênabeja. Dios ï rotimasirere ajibeaja mu —Ëre yirûgûboayuju Juan.

¹⁹⁻²⁰ To bajiro ï yigotisere ajitego ñari, ïre sïarotirûaboayuju Herod'ias. To bajiro so yituoïaboajaquêne, “Dios ï bojarore bajiro quênaro yigu ñaami Juan” yigu, ï gotisere ajirêcûbuogu ñari, Herod'ias, Juanre so sïarûaboasere matayuju Herodes. Juan ïre ï gotisere quênaro ajivariquênagû ñaboarine, “To bajiro yirêcûja yu”, yimasibesuju Herodes. ²¹ To bajiñarûgûbo, cojorâmu, “Ado bajiro yu yijama, yure matamasibecûmi”, yituoïañuju Herod'ias yuja. Tirâmu, Herodes ï ruyuararâmu ñañuju ti. To bajiri ïre moabosarimasa ujarâre, surara ujarâre, toana Galilea sitana ñamasuri masare quêne jirêoñuju ï, “Boserâmu yito” yigu. ²² To yicðari, ïna rëjoro bero, Herod'ias maco, ïna ïaro rïjorojuare basañoñuju. So basasere ïacðari, variquênañuju Herodes, ï jicðariarâ quêne. To bajiri, ado bajiro sore gotiyuju Herodes:

—No bojase mu sênijama, mure ïsirucuja —sore yiyuju. ²³ To yicðari, ado bajiro sore gotirêmoñuju:

—Riojo mure gotiaja. Tuoĭvasoabetiracuĭa. Yu cuose, “Gudareco bojaja” mu yiseniboaĭaquene, mure isicōaracuĭa —Herod’ias macore yiyuju Herodes. ²⁴ To ĭ yisere ajicōari, so jacore sēniĭagō vasuju so, “ĭÑiere ĩre sēniĭgōti yu?” yigo.

To so yisere ajicōari, ado bajiro sore yi ocasāñuju so jaco:

—“Juan vāme cutigu, masare oco rāca bautizarimasu rujoare bojaja”, ĩre yiya —so macore yicudiyyuju Herod’ias.

²⁵ To so yijare, guaro Herodes tuju vacōari, ado bajiro ĩre gotiyuju:

—Yucacane Juan vāme cutigu, masare oco rāca bautizarimasu rujoare bare jeobariabaja joeju jeocōari, yure isigū yavā —ĩre yiyuju so.

²⁶ To bajiro so yisere ajicōari, buo sātiritiyuju Herodes. To bajiboarine, ĭ jicōariā ĩna ajiro rĭjoroĭna, “Riojo mure gotiaja yu. No bojase mu sēnijama, mure isiracuĭa” ĭ yicōare ĩnjare, so sēnirore bajirone yiyuju. ²⁷ To bajiri Juanre sĭaruabetiboarine,

—Juan rujoare jatacōari, āmiaya —yiroticōañuju, ĭ surarare.

To ĭ yijare, tubiberiaviyu vacōari, Juan rujoare jatayuju surara. ²⁸ To yicōari, bare jeobariabaja joeju jeocōari, Herod’ias macore isĭñuju. To yicōari, soĭna, jacore isirētoñuju so yuja.

²⁹ Ti queti ajicōari, Herodes tuju ejayujarā, Juan buerimasa. Ejacōari, ĭ rujuri ĩboarere āmivacōari, yujeyujarā.

Masa, cinco mil ñarāre Jesús ĭ bare ecare queti

(Mt 14.13-21; Lc 9.10-17; Jn 6.1-14)

³⁰ Juaāmo cōro, gubo jua jēnituairācu ñarā ĭ buerimasa, ĭ goticudiroticōariā, tudiejacōari, Jesúrāca rējañujarā. ĩ rāca rējacōari, ĩna goticudirere, to yicōari, jediro ĩna yicudirere quēne gotijeocōañujarā. ³¹ Gājerā ĩna vato ũnone. gājerā ejavasoacōarūgūñujarā masa. To ĩna bajicōa ĩnjare, Jesús, ĭ buerimasa quēne, usasāja, bare ba, yimasibesujarā. To bajiri, ado bajiro ĭ buerimasare yiyuju:

—ĩta. Őju, masa ĩna manibusaroju vajaro mani. Toju usasājaruarāja —ĩnare yiyuju.

³² To ĭ yijare, cūmua vasāja vacoasujarā ĩna, masa ĩna manibusaroju vana. ³³ To bajiro ĩna yi vaboajaquēne, ti macariana jājarā masa, Jesús ĭ buerimasa rāca ĭ vasere ĩamasicōari, ũmacoasujarā ĩna, Jesús ĭ ejarotijure vana. ³⁴ To bajiri Jesúĭna, majaejacōari, jājarā masa ejacōari ĩnarē ĩnare ĩañuju. ĩ ĩajama, ovejare coderimasu ĩnare ĭ codebetore bajiro bajiyujarā ĩna. To bajiri ĩnare ĩamañuju. ĩnare ĩamaigū ĩnari, cojo vāme me ĩnare gotimasioñuju. ³⁵ To ĭ yirone, rāioroto rĭjoro, Jesús buerimasa, ĭ tu ejacōari, ado bajiro yiyujarā:

—ĩere rāioato yaja. Masa manojū ĩnaja. ³⁶ To bajiri ĩnare varotiya mu, “Masa cutoju bare vaja yibarā vajaro” yirā —ĩre yiboayujarā ĩna.

³⁷ To ĩna yiboajaquēne, ado bajiro ĩnare cūdiyuju Jesús:

—Muane ĩnare bare ecaja —ĩnare yiyuju ĩ.

To ĭ yijare, ado bajiro ĩre cūdiyujarā ĩna:

—Dosciento gājoatiiri rāca vaja yiroti ĩboaroja manire, pan ĩna baroti vaja yirā —Jesúre yicūdiyujarā.

³⁸ To ĩna yisere ajicōari, ado bajiro ĩnare sēniñañuju Jesús:

—“ĭNocārāca pan cuoati mua?”, yiseniñacudiya maji —ĩnare yiyuju Jesús.

To bajiri sēniñabujacōari, ĩre gotiyujarā:

—Cojomo cōro pan, juarā vai cuoaja yua —ĩre yiyujarā.

³⁹ To ĩna yirone,

—Masare tatūcuroju rujatubuari rujirotiya —ĩnare yiyuju Jesús.

⁴⁰ To ĭ yise ĩnjare, rujatubuari rujibateyujarā ĩna. Cojojuri cien ñarirācu, to yicōari, cincuenta ñarirācu rujibateyujarā. ⁴¹ To bajiro ĩnare rujiroticōari bero, cojomo cōro ñaricari pan, to yicōari, juarā vai ñarāre juacōari, ō vecajua ĩamuocōari, “Quēnaro yaja mu”, Diore ĩre yiyuju. To yicōari bero, panre iguesurebatecōari, ĭ buerimasare isĭñuju, “Rujirāre isibatoya” yigu. Juarā vaire quēne iguesurebatecōari, ĭ buerimasare isĭñuju, “Rujirāre isibatoya” yigu. ⁴² Sĭgū ruyarario mano quēnaro basucutijedicōañujarā. ⁴³ ĩna bagajanoro bero, ĩna baruasere, ĭ buerimasa ĩna juarēojama, juaāmo cōro, gubo jua jēnituaro ñarĭjiburi ruayayuju. ⁴⁴ Tire bariarā, cinco mil ũmua ñañujarā. f

Oco joene Jesús ĭ vare queti

(Mt 14.22-27; Jn 6.16-21)

⁴⁵ Masa ĩna baruasere ĭ buerimasa ĩna juarēogajanorone, cūmuaju ĩnare vasājarotiyuju Jesús: —Betsaida vāme cuti macaju yure jēdiyuya. Maji masare vare gotigu yaja yu —yiyuju Jesús.

⁴⁶ Ìnare vare gotigajano, buroju majacoasuju, toju Diore sēniru. ⁴⁷ Ti rāioato bero, ʔtabʔcʔra jēana, tira gudareco ʔsasujarā, Jesús buerimasa. Jesúuama, sīgūne ñacōañuju ĩ maji. ⁴⁸ To bajicōari, ĩ buerimasare ĩacōañuju. To ña ʔsatone, bʔto mino vasuju. To bajiri jēatmabesujarā ĩna. To ña bajĩnarone, busurocaroarĩau ña ʔju oco joene vayuju Jesús. To bajivagu, ñare rētoocarocure bajiro vayuju. ⁴⁹⁻⁵⁰ Oco joeju ĩ vadire ĩarāne, ʔcacoasujarā ĩna. “ĩBajirocar’i vāti ñaami!”, yivasañujarā. To ña yiboajuquēne,
–Gūibesa. Variquēnaña muu. Yune ñaja –ĩnare yiyuju Jesús.

⁵¹ To yigune, ña vaticūmuaju vasājacōañuju Jesús. ĩ Vasājarone, mino vatujacoasuju yuja. To bajiro ti bajisere ĩacōari, no yimasibesujarā ĩ buerimasa, ti ũnire ĩabetirīgūriarā ñari. ⁵² To bajiro ña bajijama, cinco mil ũmuare Jesús ĩ ecarere ĩariarā ñaboarine, “ĩaĩañamanire yimasijeogu ñaami” ĩre yimasimena ñari, to bajiro bajiyujarā.

Genesaret sitanare rijaye cutirāre Jesús ĩ catiore queti
(Mt 14.34-36)

⁵³ To baji, jēanane, Genesaret vāme cuti sitaju jēaejayujarā ĩna. Toju cūmuare siatujoyujarā. ⁵⁴ Cūmuare siagajano, ña majatone, Jesúre ĩamasicōañujarā ti macana, tijuana. ⁵⁵ To bajiri masa jedirore gotibatorā ũmacoasujarā ĩna. Tire ajirā ñari, ti macariana rijaye cutirāre Jesús ʔju juaejayujarā ĩna. ⁵⁶ ĩ vacudiri macari cōrone mojorimacaju ĩ vajuquēne, jairimacajure ĩ vajuquēne, masa ña rējarūgūriajurire ĩ vajuquēne, to yicōari, Jesús ĩ varoti maarijure quēne, rijaye cutirāre juaejocūñujarā. To yicōari,

–Mu sudi gajare ñare moaĩarotire bojaja yua. To bajiro ña yijama, caticoaruarāma –ĩre yiyujarā rijaye cutirāre juaejararā. To bajiri, ĩre moaĩariarāma, caticoasujarā.

7

“Masa ña yisere ĩacōari, ‘Rojorā ñaama’ yire me ñaja. ĩna tuoĩasejuare masicōari, ‘To bajiro yirā ñaama’ yire ñaroja”, Jesús ĩ yigotimasiore queti
(Mt 15.1-20)

¹ Fariseo masa, to yicōari, Dios ĩ rotimasire gotimasiorimasa quēne ejayujarā ĩna, Jesús ʔju. Jerusalēnju vadiriarā ñañujarā. ² Jesús ʔu ejaçōari, ĩ buerimasa sīgāri, ña baroto rĩjoro, ña ñicua ña āmorire ña coemasiriarore bajiro ña coebetire ĩañujarā ĩna. ³⁻⁴ Jud’io masa ñajediro, ña ñicua ye quēnaro ajirūcubʔorā ñañujarā ĩna. To bajirā ñari, ña ñicua ña yimasiriarore bajiro āmori coecōari rĩne, bayujarā ĩna. Masa, bare vaja yirā ña rējaraju vaja yirā variarā, tudiejacōari, ña ñicua ña āmorire ña coemasiriarore bajiro yirā, ña āmorire coecōasʔori rĩne, barūgūñujarā ĩna. To yicōari, idiriabajari, oco cūria sotari, no bojase sotari quēne coeyujarā. Bare barā rujirajurire quēne to bajiro yiyujarā ĩna, jud’io masa. ⁵ Tire bʔto ajirūcubʔorā ñari, fariseo masa, to yicōari, Dios ĩ rotimasire gotimasiorimasa quēne, ado bajiro Jesúre sēniñañujarā ĩna:

–¿No yirā mani ñicua ña yimasiriarore bajiro yibeati mu buerimasa? ĩna baroto rĩjoro, mani ñicua ña āmori coemasiriarore bajiro coebeama –ĩre yiyujarā ĩna, fariseo masa, Dios ĩ rotimasire gotimasiorimasa quēne.

⁶ To bajiro ña yijare, ado bajiro ñare cadiyuju Jesús:

–“Quēnaro yirā ñaja yua” yiboarine, rojorā ñaja muu. Diore gotirētobosarimasa, Isa’ias ñamasir’i, muu bajirotire quēnaro tuoĩacōari, ado bajiro ucamasifuju:

“ĩna oca masune yirā, quēnaro yure yirācubʔoama ña. To bajiro yirā ñaboarine, yu bojarore bajiro tuoĩabeama.

⁷ Yu yere buecōari, ña masu ña tuoĩasere gotimasioama. Tirene, ‘Dios ĩ rotise ñaja’ yiboama. To bajiri yure ña rācubʔoboase vaja, ñie vaja bʔjamenama ña”, yucamasifuju Isa’ias, Diore gotirētobosagu –ñare yigotiyuju Jesús.

⁸ To yicōari, quēna ado bajiro ñare yiyuju Jesús:

–Dios ĩ rotisejuare ajitirānuamenane, mani ñicua ocajuare quēnaro ajitirānuaja muu –ñare yiyuju Jesús.

⁹ To yicōari, quēna ado bajiro ñare gotirēmoñuju Jesús:

–Mani ñicua yejuare ajirūcubʔorā, Dios ĩ rotimasirejuare cadibeaja muu. ¹⁰ Dios ĩ roticūmasirere Moisés ĩ ucamasire ado bajiro gotiaja: “Mu jacure, mu jacore quēnaro rācubʔoaya”. To yicōari, gaje vāme ado bajiro yaja: “No bojagu ĩ jacure, ĩ jacore, ‘Rojose tāmnoacararāja muu’ ñare ĩ yijama, ĩre sīaroti ñaja”, yigotiaja Moisére Dios ĩ roticūmasire.

¹¹⁻¹² Muajuama, ado bajirojna rotiaja muu: “ĩ ye rāca ĩ jacuare ĩ ejarēmobetijama, quēnacōaja. ‘Yu gajeyeñi, yu cuose Diore yu ĩsiroti rĩne ñaja. To bajiri muare ejarēmomasibeaja yu’ yicōari, ĩ jacuare ĩ ejarēmobetijama, quēnacōaja”, yirotiaja muu. ¹³ To yicōari, gajeye jairo ti ũnire bajiro muu yiroti ñaja. To bajiro yirotirā, “Dios manire ĩ roticūmasirere cudibeticōato” yirāre bajiro yaja muu. To yicōari, “Mani ñicua ña rotimasirejuare ñamasuse ñaja” muu yitōajama,

“Nĭe vaja maja Dios ĭ rotimasire” yirā yaja mua —fariseo masare, to yicōari, Dios ĭ rotimasire gotimasiorimasare yiyuju Jesūs.

¹⁴⁻¹⁶ To bajiro ĭnare yigotigajanocōari, masare jirēocōari, ado bajiro ĭnare gotiyuju Jesūs:

—Nĭajediro quēnaro ajiya, yu gotimasiosere. Tire ajicōari, “To bajiro manire yigotigu yami”, yajijmasiĭna mua: Mani ĭnicua, “Mani basāse suorine ĭaja Dios ĭ ĭavariquēnabeti, ĭre mani yirūcubuose ĭ bojabeti”, yituoĭamasiboayuma. To bajiro me bajiaja. Rojose tuoĭacōari, mua ĭnagōse suorine bajiaja, Dios ĭ ĭavariquēnabeti, ĭre mua yirūcubuosere ĭ bojabetima —masare yiyuju Jesūs.

¹⁷ To bajiro ĭnare yigotigajano, masa jājarā vatoaju ĭnar'i, vacoasuju Jesūs, ĭ buerimasa rāca. Viju sājaejacōari, ado bajiro ĭre sēniĭaĭujarā ĭ buerimasa:

—Jēu mu gotimasiosere quēnaro yuare gotirētobuya —Jesūre yiyujarā ĭna. ¹⁸⁻¹⁹ To ĭna yisere ajicōari,

—ĭAjimasibeatu mua quēne? —yiyuju ĭ. —Mua basāse mua gudajoaju vatoja ti. Tiju bero, rēto budiroja ti. To bajiri, mua usurijurema rojose yimasibeaja ti —ĭnare yiyuju Jesūs. To bajiro ĭ yijama, “Nĭajediro bare mani baboajaquēne, Dios ĭ bojabetire yirā me yirāja mani” yigu yiyuju.

²⁰ To yicōari, ado bajiro ĭnare gotirēmoĭuju Jesūs:

—Dios ĭ ĭajama, masa rojose ĭna tuoĭasejua ĭaja rojosema. ²¹ Masa, rojose ĭna tuoĭajama, ado bajiro yirāma: Juarudirāma. Gājerāre sĭarāma. Manajo cutirā, manaju cutirā quēne, gājerā rāca ajeriarā cutirāma. ²² Gajeyēunire gājerā yere uorāma. Socajairāma. Bojoneose ti ĭnaboajaquēne, tire yicōarāma. Gājerāre, “Yu rēto busaro quēnaro ĭnaama”, yĭĭajūnisinirāma. Gājerā ajiro rĭjoroja socarāne, “Ado bajise rojose yima”, yigotirāma. “Namasurā ĭaja yuama”, yituoĭarāma. Riojo tuoĭamasimenama. Dios yere rācubuomenama. ²³ Adi rojose jediro yirāma masa, rojose ĭna tuoĭajama —ĭnare yiyuju Jesūs.

*Jud'io maso me Jesūre so ajitirānare queti
(Mt 15.21-28)*

²⁴ To ĭnar'i, vacoasuju Jesūs. Vacōari, Tiro vāme cuti maca taju ejayuju. To ejacōari yayioro vijure sājaruaboayuju. To bajiboarine yayioro sājamasibesuju. ²⁵⁻²⁶ To bajiri Jesūs ĭ ejare queti ajicōari, sĭgō rōmio ĭ tujure vasuju so. Vāti sāĭnagō jaco ĭaĭuju so. Jud'io maso me ĭaĭuju. Sirofenicia sitago ĭaĭuju. Jesūs rĭjoroja ejacōari, gusomuniari tuetucōari, ado bajiro buto ĭre sēniĭuju:

—Yure ejarēmoĭa mu. Yu maco so usuju vāti sāĭnagō ĭnaamo. ĭre burocaya mu —Jesūre yiyuju so.

²⁷ To so yisere ajicōari, ado bajiro sore cadiyuju Jesūs:

—Yu yarā jud'io masare ejarēmosuoaja. Yu yarāre yu ejarēmoroto rĭjoro gājerāre yu ejarēmojama, rĭamasā ĭna basere ēmacōari, yaiare ecagure bajiro yiguja yu —sore yiyuju.

²⁸ To ĭ yisere ajicōari, ado bajiro ĭre cadiyuju so:

—Yu uju, riojo gotiaja mu. To bajiboarine ĭna ujarā ĭna bavējasere barāma yaia —Jesūre ĭre yiyuju so. “Jud'io masare ejarēmogū ĭnaboarine, yuare quēne mojoroaca ejarēmomasigūja” yigo, to bajise ĭre yiyuju so.

²⁹ To so yisere ajicōari, ado bajiro sore yiyuju Jesūs:

—Quēnaro tuoĭacōari, gotiaja mu. Mu maco usuju sāĭnagūre vātire ĭre burocacōaja yu. To bajiri mu ya viju tudiasa —sore yiyuju Jesūs.

³⁰ So ya viju tudiejacōari, cānijesariaro joeju so macore so jesarō ĭacōari, “Vāti so usujure sāĭnar'i jēre budicoasumi”, yimasinuju.

Ajibeti, ĭnagōmasibeti bajigure Jesūs ĭ catiore queti

³¹ Tiro maca taju ĭnar'i, Sidón vāme cuti macaju rētoasuju Jesūs. To rēto vacane Decápolis sĭta ĭnarimacarire quēne rētoasuju. To rētoacane, Galilea ũtabucara taju ejacoasuju yuja. ³² To ĭ ĭnarone, sĭgū ajibeti, ĭnagōmasibeti bajigure ĭmiejayujarā masa. ĭre ĭmiejacōari, Jesūre sēniĭujarā, “Ajibecure ĭ ĭmori ĭujeocōari ĭre catiato” yirā. ³³ To bajiri ajibecure gajeroja ũmato vasuju Jesūs. ĭre ũmato vacōari, ĭ gāmo gojerijure ĭ ĭmovāso rāca tōmesōĭuju Jesūs. To yigajano, ĭ ĭmovāsoare gooco eotucōari, ĭ ĭnerore moĭaĭuju, ĭ ĭnagōmasibetijare. ³⁴ To yicōari, ō vecajuare ĭamuocōari, usu sĭnisāĭuju Jesūs. To yigune, ado bajiro ĭre yiyuju:

—Efata —yiyuju Jesūs. (“Ajiya yuja” yire ũni ĭaĭuju ti.)

³⁵ To ĭ yirone, ajibecu ĭnaboar'i ajicoasuju yuja. To bajicōari, quēnaro ĭnagōcoasuju ĭ, ĭnagōmasibecu ĭnaboar'i. ³⁶ To bajiro ĭre yigajanocōari, ado bajiro masare yiyuju:

—Gājerāre gotibetimasucōama mua —ĭnare ĭ yiboajaquēne, butobusa gotibatorūĭĭujarā masa. ³⁷ To bajiro Jesūs ĭ yisere ajivariquēnacōari, no yimasibesujarā ĭna, ti ũnire ajibe-tirūĭriarā ĭnari. To bajiri, ado bajiro Jesūs ĭ yisere gotiyujarā:

—Ñajediro quēnaro yimasijeogu ñaami. Ajimenare, “Ajiato” ñagōmenare quēne, “Ñagōato” yigu ñaami —yiyujarā ña.

8

Masa, cuatro mil ñarāre Jesús, bare ī ecare queti

(Mt 15.32-39)

¹ Quēna Jesús taju jājarā masa rējacōari, ña ñaro rīne bare jedicoasuju ñare. To bajiri ī buerimasare jicōari, ado bajiro yiyuju Jesús:

² —Ado ñarāre ñamaiaja yu. Idiarāmu tāsaju yuja, yu rāca ña ñaro. To bajicōari bare maama.

³ Bamenane ña ya viriju ña tudiasere bojabeaja yu. Sīgūri sōju vadiriārā ñaama. ñare yu tudirotijama, bamenane ña vajama, ñiorjarā ñari, rijavējacōaborāma —ñare yiyuju Jesús.

⁴ To bajiro ī yirone, ado bajiro ñe yiyujarā ī buerimasa:

—Ado, masa manojū ñaja. No bajiro masa ñaro cōro ña barotire bare bujamasifā manoja —ñe yiyujarā ña.

⁵ To ña yirone,

—¿No cōro jairo pan cōoati mua? —ñare yiyuju.

—Cojomo cōro jua jēnituaro ñaricari ñaja —ñe yiyujarā ña.

⁶ To ña yirone, rācacane masare rujirotiyuju Jesús. To yicōari pan cojomo cōro jua jēnituaro ñaricari ñasere juacōari, “Quēnaro yaja mu”, Diore ñe yivariquēnañuju Jesús. To yicōari tire iguesurebatecōari, ī buerimasare isiñuju. To bajiri ñajua rujiārē īsibatoyujarā yuja. ⁷ Vai quēne mojoroaca cōoyujarā ña. To bajiri vaire juacōari, “Quēnaro yaja mu”, Diore yiyuju Jesús quēna. To yicōari, ī buerimasare īsibatorotiyuju. ⁸ Sīgū ruyariaro mano bañucutijedicōañujarā. ña bagajanoro bero, ña barāsere juarēoñujarā Jesús buerimasa. ña juarēojama, cojomo cōro jua jēnituaro ñarajiburi ruyayuju. ⁹ Tire bariarā cuatro mil masa ñañujarā. ñare ecagajanocōari, ñare tudirotiyuju Jesús. ¹⁰ To yicōari bero, ī buerimasa rāca cūmuaju vasājacōari, Dalmanuta vāme cuti sitaju vacoasujarā.

“Īlañamani yuare yīoña”, Jesure ña yiboare queti

(Mt 16.1-4; Lc 12.54-56)

¹¹ Fariseo masa, Jesús tu ejacōari, ñe sēñañujarā, “Cudimasibeticōari, rojose tāmōoato T” yirā:

—“Dios ī cōagū ñaami” yure yimasiato” yigu, ō vecaye ñañamani yuare yīoña —ñe yiboayujarā.

¹² To bajiro ña yisere ajicōari, usu sīnisāñuju Jesús. To yicōari, ado bajiro ñare yiyuju:

—¿No yirā adirodoriana ñañamani rāca rīne yu yisere bojati mua? Riojo muare gotiaja yu. ñañamani muare yīobecuja yu —ñare yiyuju Jesús.

¹³ To bajiro ñare yicōa, ñare jēaveocoasuju Jesús, ī buerimasa rāca.

Fariseo masa pan ūmato vauvasere bajiro ña bajire queti

(Mt 16.5-12)

¹⁴ Jesūrāca jēana, ña baroti pan masiritiyujarā. ña vaticūmuajure pan cojane cōoyujarā. ¹⁵ To bajiro ña bajire ñajare, ado bajiro ñare gotiyuju Jesús:

—Fariseo masa, to yicōari, Herodes quēne “Pan vauvato” yirā, ña vuosere quēnaro ajicōañā mua —ī buerimasare yiyuju Jesús.

¹⁶ To ī yisere ajimasimena ñari, ña masune ado bajiro gāmerā yiyujarā ña:

—Pan mani masiritijare, to bajise gotigu yigūmi —gāmerā yiyujarā.

¹⁷ To bajiro ña gāmerā yisere masicōari, ado bajiro ñare gotiyuju ī:

—¿No yirā “Pan maja manire”, yati mua? ¿Yuare ajimasibeati mua maji? ¿Adi macarucuroaye rīne tuoārāre bajiro tuoācōa ñati mua maji? ¹⁸⁻¹⁹ ¿Yu yīosere ñarā ñaboarine, ajimasibeati mua maji? —ñare yiyuju Jesús.

To yicōari, ado bajise ñare yirēmoñuju:

—Cojomo cōro ñaricare panre bujuocōari, cinco mil masa ñarāre ecacaju yu. ñare yu ecaro bero, ¿nocārāca jiburi ruyacati ti? —ñare yiyuju Jesús.

To ī yisere ajicōari, ado bajiro ñe cudiyujarā ña:

—Juaāmo cōro, gūbo jua jēnituaro ñarajiburi ruyacaju —ñe yicudiyujarā ña.

²⁰ Quēna ñare tudisēñañuju:

—Tiju bero, quēna cojomo cōro jua jēnituaro ñaricare panre bujuocōari, cuatro mil masa ñarāre ecacaju yu. ñare yu ecaro bero, ¿nocārāca jiburi ruyacati ti? —ñare yiyuju.

—Cojomo cōro, jua jēnituaro ñarajiburi ruyacaju —ñe yicudiyujarā ī buerimasa.

²¹ To bajiro ña yicadisere ajicōari, ado bajiro ñare tudisēñañuju Jesús:

—To bajiro yu yifocaire masirā ñaboarine, zjēju mūare yu gotisere ajimasibeati mua maji? “Fariseo masa, to yicōari, Herodes quēne, ‘Pan vauvato’ yirā, ina vnosere quēnaro ajicōiaña” yu yijama, bare mere yaja yu —Inare yiyuju Jesús.

Betsaida vāme cūti macajure ejacōari, caje ĩabecure ina āmiejagure Jesús ĩ ĩarotire queti

²² Bero, Jesús, ĩ buerimasa rāca Betsaida vāme cuti macajure ejayuju. To ĩna ejaro ĩacōari, caje ĩabecure āmiejayujarā masa, “Caje ĩabecure Jesús ĩ moaĩarone, ĩacoarucumi” yirā. ²³ To bajiro ĩna yiejogure ti maca sojuabusa ĩre tāa vasuju Jesús. To yicōari, ĩ cajeaire goocone eotucōari, moaĩañuju Jesús, “ĩato ĩ” yigu. To yicōari, ado bajiro ĩre sēniāñuju:

—ĩĩati mū? —ĩre yiyuju.

²⁴ To ĩ yirone, caje ĩabecure quēnaca ĩasuoyuju. To bajiro ado bajiro cudiyuju ĩ:

—Masare ĩaja yu. To bajiro yu ĩaboajaquēne, yucarine vasere bajiro bajaja —yiyuju.

²⁵ To ĩ yijare, quēna ĩ cajeaire tudimoaĩa quēnoñuju. To ĩ yirone, quēnaro ĩacoasuju. Ñajediro quēnaro ĩre ruyuyuju yuja. ²⁶ To bajiro ĩ bajiro ĩacōari, ado bajiro ĩre gotiyuju Jesús:

—Macajure vacōari, mure yu ĩarotisere gājerāre gotibatobecune, mū ya viju tudiasa —ĩre yiyuju Jesús.

“Rotimorogōrucumi” yigu, Dios ĩ cōar’i ñaja mū”, Jesúre Pedro ĩ yire queti
(Mt 16.13-20; Lc 9.18-21)

²⁷ To ĩ yiriaro bero, Cesarea de Filipo vāme cūti sita ñarimacarijare ĩ buerimasare ũmato vasuju Jesús. To ĩnare ũmato vacune, ado bajiro ĩnare sēniāñuju:

—ĩñimu ñaami yure yati ĩna, masa? —ĩnare yisēniāñuju.

²⁸⁻²⁹ To ĩ yisēniājare, ado bajiro ĩre cudiyujarā ĩ buerimasa:

—Sīgūri, “Juan vāme cutigu, masare oco rāca bautizarimasa, tudicaticōari bajigumi”, mure yama ĩna. Gājerāma, “El ĩas ñamasir’i ñagūmi”, yama. Gājerājuama, “Gāji, Diore gotirētosamasir’i ñagūmi”, mure yama —Jesúre yicudiyujarā.

To ĩna yirone,

—Mujājuama, ĩñimu ñaami, yure yati mua? —ĩnare yiyuju Jesús.

To ĩ yirone, ado bajiro ĩre cudiyuju Pedro:

—Mū ñaja rojose yua tāmuborotire yuare yirētosacōari, rotimorogōrucu, Dios ĩ cōar’i —Jesúre yiyuju Pedro.

³⁰ To bajiro Pedro ĩ yicudijare, gājerāre gotirotibesuju Jesús.

“Yure sĩaruarāma”, Jesús ĩ yire queti
(Mt 16.21-28; Lc 9.22-27)

³¹ To yicōari, ĩ bajiroado bajiro ĩ buerimasare gotisoyuju Jesús:

—Yu, Dios ĩ roticōacacu, buto rojose tāmucucuja. Bucurā, paia ujarā, to yicōari, Dios ĩ rotimasire gotimasiorimasa quēne, rojose yure yicōari, yure sĩaruarāma ĩna. Yure ĩna sĩaboajaquēne, idiarāmu tusatirāmune yure catiorucumi Dios —ĩnare yiyuju Jesús.

³² ĩ sĩaecorotire riojo ĩnare ĩ gotise ñajare, ajimasicōari, ricati ĩre jicāmotocōari,

—“Bajiruarōja” yuare mū yigotise bajibeticōato —ĩre yiboayuju Pedro.

³³ To ĩ yisere aji, Jesujúuama, ĩ buerimasa ĩna ñarājuare judaragū, ĩacōari, ado bajiro Pedrone ĩre yiyuju:

—ĩSatanás, vasa mū! Vātia ujure ñagōbosagu yaja mū. To bajiro mū yijama, Dios ĩ tuoĩarore bajiro me tuoĩaja mū. Masa ĩna tuoĩarore bajiro tuoĩagū yaja —ĩre yiyuju Jesús, Pedrone.

³⁴ To yicōari, ĩ buerimasare gājerāre quēne ĩnare jirēocōari, ado bajiro yiyuju Jesús:

—No bojagu yu yu ĩ ñaruajama, ĩ bojasere, ĩ ye ñarotire tuoĩabecune, “Jesúre bajiro rojose tāmucucuja yu quēne” yĩtuoĩacōari, yujuare ajisuyarucumi. ³⁵ No bojarā, ĩna bojaro ñare cutirāma, adĩ macarucurore ñasere ĩvariquēnacōari, Diore tuoĩamenama, Dios ĩ catisere yayibetire cuomena ñaruarāma ĩna. To bajiboarine, yure ajitirānūrā, yu oca ĩna gotisere ajijūnisinicōari, ĩna sĩarāma, Dios tu quēnaro ñarona ñarāma. ³⁶ Sīgū adĩ macarucurore gajeyeūni jediro ĩ bujaboajaquēne, beroju rojose tāmucotujabetiraroju ĩ vajama, ĩ gajeyeūni ĩ bujaboare, ñie vaja manoja. ³⁷ Ñiere Diore ĩsimasibecumi, ĩ rijato berojuma “Tudirijabeti-cōato” yigu, “Dios ĩ catisere yure ĩsiato” yigu. Mani rijato berojuma “Tudirijabeti-cōato” yigu, Dios ĩ catisere ĩ ĩsise cōro vaja cuti manoja. ³⁸ “Jesúre ajitirānucōari, ĩ ocare ĩna gotimasiose suorine ĩnare rūcubuoabeama adirodoriana” yĩlagū ñari, ĩna ĩaro ĩjoroju, “Jesúre rūcubuoagu ñaja yu”, yibojonebesa. To bajiro yibojonegū ñari, yu yu ĩ ñaruabetijama, “Yu yu me ñaami”, ĩre yĩarucuja yu quēne, Dios ĩ roticōacacu ñacōari, “Quēnarētoḡū ñaja yu” yu jacu ĩ yĩlorore bajiro yigu ñari, ĩ bususe rāca yu vadirāmu. Yu rāca vadiruarāma Dios ĩ cōarā, ángel mesa —ĩnare yiyuju Jesús.

9

¹ To yicōari, gajeye ĩnare gotirēmoñuju Jesús:

—Riojo muare gotiaja yu. Maa sigūri mua bajireabetone, “Ñajediro uju ñaami yu roticōacacu” Dios muare ĩ yīosere ĩaruarāja mua —ĩnare yiyuju Jesús. ǧ

*Ī buerimasa ĩna ĩaro rĭjorojua Jesús ĩ godovedĩore queti
(Mt 17.1-13; Lc 9.28-36)*

² Cojomo cōro, coja jēnitarirāmu bero, Pedro, Santiago, to yicōari Juanre quēne, amuariburo joeju ĩnare ũmato vasuju Jesús. Toju ĩnare ũmato ejačōari, ĩna ĩaro rĭjorojua ricati ruyugu godovedicoasuju Jesús. ³ Sudi ĩ sãñase buto boticoasuju. To bajicōari, cajemose busuyuju ti. To bajise botise ĩabetirūgũñujarã ĩna. ⁴ To bajicōari, El'ias ñamasir'i, Moisés ñamasir'i rãca Jesús tu ruyuarāgũcōari, ĩ rãca ĩna ñagōsere ĩañujarã ĩna, Pedro mesa.

⁵⁻⁶ To bajiro ĩna bajisere ĩacōari buto gũiyujarã. Buto gũigu ñari, “To bajiro yigu yigujã” yiri mene, ado bajiro Jesúre yiyuju Pedro:

—Yu uju, adoju manĩ ñajama, quēnamasucōaja. Maa ñaro cōrone vijãiri muare quēnobosaruarāja yua. Mu yajãi, Moisés yajãi, to yicōari, El'ias yajãi buabosaruarāja —Jesúre yiboayuju Pedro.

⁷ To bajiro ĩ yirirĩmarone, bueri buto cajemose ĩnare buebibecōañuju ti. Ti bueri vatoaju ado bajiro ocaruyuyuju:

—Ānine ñaami yu macu, yu maigũ. Īre quēnaro ajitirũnũña mua —yi ocaruyuyuju.

⁸ Ti ocaruyuro bero, ĩaboayujarã. El'iare, Moisére quēne, ĩnare ĩabujabesujarã. Jesús sigũne ñañuju ĩ yuja.

⁹ To bajiro bajicōari bero, ti buro ĩnare ũmato rojacune, ado bajiro ĩnare rotiyuju Jesús:

—Jēju mua ĩsere gãjerãre gotibeja maji, Dios ĩ roticōacacu, yu rijato bero, quēna yu tudicatiroto rĭjorore —ĩnare yiyuju Jesús. ¹⁰ To bajiro ĩna bajirere gãjerãre gotimenane, ĩna masune tuoĩacōa ñañujarã ĩna. Tire tuoĩacōa ñarã ñari, ado bajiro gãmerã yisēñiñañujarã:

—¿No bajiro yire ũnre yigu yati, “Rijacoaboarine tudicatrũcũja” ĩ yijama? —gãmerã yisēñiñañujarã Pedro mesa. ¹¹ To bajiro yirã ñari, ado bajiro Jesúre sēñiñañujarã ĩna:

—¿No yirã, “Rotimũorãgōrũcũmi” yigu, Dios ĩ cōarocu ĩ ejaroto rĭjoro ejarũcũmi El'ias ñamasir'i”, yati ĩna Dios ĩ rotimasire gotimasiorimasa? —Jesúre yisēñiñañujarã ĩna.

¹² To ĩna yijare, ado bajiro ĩnare cudiyuju Jesús:

—Riojo yiyuma Dios ĩ rotimasire gotimasiorimasa, “El'ias ñamasir'i ejasũorũcũmi”, ĩna yijama. “Rotimũorãgōrũcũmi” yigu, Dios ĩ cōarocu, ĩ ejaroti ñajare, jediro Dios ĩ bojarore bajiro yirã quēnaro ñayuto manĩ” yigu ejasũorũcũmi. “To bajiro yaja” yimasirã ñaboarine, “Rotimũorãgōrũcũmi” yigu, Dios ĩ cōarocure ĩatecōari, cojo vãme me rojose ĩre yirũarãma masa, Dios oca ĩna yuicamasirejuarema ajimasibeama. ¹³ Riojo muare gotiaja yu. El'ias ñamasir'ire bajiro bajigu jēre ejaboayumi. Dios oca masa ĩna ucamasiriarore bajiro yirã, ĩna bojarore bajiro rojose ĩre yiyuma ĩna —ĩnare yiyuju Jesús, Pedro mesare.

*Masu usuju sãñagũre vãtire Jesús ĩ burocare queti
(Mt 17.14-21; Lc 9.37-43)*

¹⁴ Buroju ejariarã, ĩna rãcana ĩna ñarõjare tudiejayujarã. Tudiejacōari, ĩna ĩajama, Jesús buerimasa rãca jãjarã masa ñañujarã. To bajicōari, ĩna rãca, Dios ĩ rotimasire gotimasiorimasa rãca ĩna gãmerã oca josasere ĩañujarã. ¹⁵ Jesús ĩ vadisere ĩacōari, buto variquēnañujarã. Variquēnarã ñari, ĩ tu ũmasujarã ĩre sēñirã vana. ¹⁶ Īre ĩna sēñiganoro, ado bajiro ĩnare sēñiñañuju Jesús:

—¿No bajise ĩna rãca gãmerã oca josari mua? —ĩnare yiyuju Jesús.

¹⁷ To ĩ yisere ajicōari, sigũ ado bajiro Jesúre cudiyuju:

—Gotimasiorimasa, yu macu ĩ usuju vãti sãñagũ ñaami. To bajiro bajica yigu, ñagōbecu ñaami. To bajiri “Jesús, vãtire burocaũmi” yigu, yu macure amivabu yu. ¹⁸ Tocãrãcãjine yu macu usuju sãñacōari, ĩre rojose ĩ yijama, biyaroaca rijaquedicōari, ĩ riseju sōmo budĩ, guji pōguẽ, ĩ ruju tutuajedicōarũgũami. To bajiro ĩ bajijare, mu buerimasare, “Yu macu usuju sãñagũre vãtire burocaya”, ĩnare yisēñiboaba. Īre burocimasimema —Jesúre yiyuju ĩ.

¹⁹ To ĩ yisere ajicōari, ado bajiro yiyuju Jesús:

—Diore ajitirũnũmena masu ñacōaja mua. ¿No cōroju muare gotimaso tujaguti yu? Yoaro mua rãca yu ñaboajaquēne, yu masisere muare yu ujosere ajitirũnũbeaja mua maji —ĩnare yiyuju Jesús. To yigune, —Adojuã vãti sãñagũre amiaja —yiyuju Jesús.

ǧ 9:1 Dios oca masa ĩna ucamasire buerētoburimasa ado bajiro yicama ĩna: “9.1 gotirijure, ‘Ñajediro uju ñaami yu roticōacacu’ Dios muare ĩ yīorotire’ Jesús ĩ yijama, ĩ buerimasa sigūri ĩna ĩaro rĭjorojua Jesús ĩ godovedĩorere yigu yirimĩ”, yicama Dios ocare buerētoburimasa sigūri.

²⁰ To i yisere ajicōari, Jesús tujū ĩre āmiasujarā. To ĩna yirone, vātijua, Jesúre ĩacōari, masu usujū sāñagū ñari, rojose yiyuju, masujare. To bajiro ĩ yijare, rijaquedigune, ĩ risejū sōmo budiyuju. ²¹ To ĩ bajirone, rijaquedigu jacure ado bajiro sēñiñañuju Jesús:

—¿Nocārācarodori ado bajiro bajitusajari mu macu? —ĩre yiyuju Jesús.

To ĩ yisere ajicōari, ado bajiro Jesúre cudiyuju ĩ:

—Daqueguaca ñagājune to bajiro bajisucami. ²² Cojopi me jeameju rocatĩacōarūgūmi. To yicōari, oco vatoajū quēne rocaroacōarūgūmi. To bajiro yirūgūmi, yu macare sīaru. Yuare mu ejarēmomasijama, yuare ĩamaicōari, ejarēmoña mu —Jesúre yiyuju ĩ.

²³ To ĩ yisere ajicōari, ado bajiro ĩre yiyuju Jesús:

—“Yimasigūmi”, ¿yuare yituoĩabeati mu? To bajiro yure mu yituoĩajama, ñiejua josase manoja —ĩre yiyuju Jesús.

²⁴ To ĩ yisere ajicōari, ado bajiro cudiyuju ĩ:

—“Yu macare catiomasigūmi”, mure yituoĩamasicōaja, bajigujuma. To bajiro tuoĩavuoqu, “Ñabeticōato” yigu, yure ejarēmoña —Jesúre yivasañuju ĩ, rijaquedigu jacu.

²⁵ To bajiro ĩ yivasāsere ajicōari, jājarābusa masa ũmarējañujarā, Jesús tujū. To ĩna bajisere ĩacōari, tutuase rāca ado bajiro vātire yiyuju Jesús:

—Vāti, yure ajiya. “Masa ñagōbeticōato”, to yicōari, “Ajibeticōato” yigu ñaja mu. ¡To bajiri āni usure budiya! ¡Quēna ĩre tudisājabeja! —vātire yiyuju Jesús.

²⁶ To ĩ yirone, avasācōari, rijaquedirotiyuju vātijua. To yicōari, ĩ usujū sāñaboagu, budicoasuju yuja. ĩ budirone, rijar ĩre bajiro bajicoasuju masujua. To bajise ĩacōari, “Rijacoajami”, yiyujarā masa. ²⁷ To ĩna yiboajaquēne, Jesús ĩ amore ñiacōari, ĩre tūa vātuoñuju. To ĩ yirone, rūgōcoasuju yuja.

²⁸ To yicōari bero, to ñariviju sājañuju Jesús. Ti viju sājaecōari, ado bajiro ĩre sēñiñañujarā ĩ buerimasa:

—¿No yirā vātire burocamasibeti yua? —ĩre yiyujarā ĩna.

²⁹ To bajiro ĩna yisere ajicōari, ado bajiro ĩnare cudiyuju Jesús:

—Jēju yu burocajure bajiro bajirāre mua burocaruajama, Diore sēnicōari rīne burocamasiruarāja mua —ĩnare yiyuju Jesús.

“Yure sīaruarāma”, Jesús ĩ yigotibabore queti

(Mt 17.22-23; Lc 9.43-45)

³⁰⁻³¹ Cesarea de Filipo ñar'i, vacu, Galilea sitare ĩ buerimasare ũmato rētoasuju Jesús. Jājarā masa ĩna ajisere bojabesuju, ĩ buerimasare goticudigu ñari. Ado bajiro ĩnare gotiyuju:

—Yure Dios ĩ roticōacacure masare ĩsirocarucami sigū. To bajiro ĩ yijama, yure sīaruarāma ĩna. Yure ĩna sīaboajaquēne, idiarāmu tusatirāmune quēna tudicaticoarcucuja yu —ĩnare yiyuju Jesús.

³² To bajiro ĩnare ĩ gotisere ajimasibesujarā ĩ buerā. To bajirā ñaboarine, ĩre sēñiñabesujarā, ĩre gūirā ñari.

“¿Ñimujua ñagūti ñamasugū ñarocu?”, Jesús buerimasa ĩna gāmerā yire queti

(Mt 18.1-5; Lc 9.46-48)

³³ Capernaum vāme cuti macaju ĩnare ũmato vasuju Jesús. To bajivana, “¿Ñimujua ñagūti ñamasugū ñarocu?”, gāmerā yi vasujarā Jesús buerimasa. To bajiro ĩna yi vare ñajare, ĩna ya viju sājaecōari, ado bajiro ĩnare sēñiñañuju Jesús:

—Maa vana, ¿no bajise gāmerā oca josa vadi mua? —ĩnare yiyuju.

³⁴ To bajiro ĩ yisēñiasere ajiboarine, cudibesujarā ĩna, “¿Ñimujua ñagūti ñamasugū ñarocu?” gāmerā yi oca josa vadriarā ñari. ³⁵ ĩna cudibetire, ĩa, ejarūjucoasuju Jesús. To bajicōari, ĩ buerimasare, juaāmo cōro, gubo jua jēñituarirācu ñarāre jirēoñuju. To bajiro yicōari, ado bajiro ĩnare gotiyuju:

—No bojagu ñamasugū ĩ ñaruajama, “Ñamasugū me ñaja yu” yituoĩacōari, masa jedirore moabosarucami —ĩnare yiyuju Jesús.

³⁶ To yigune, sigū daquejure jicōari, ĩna rījorojua ĩre āmijeoyuju Jesús. To yicōari, ado bajiro ĩnare gotiyuju:

³⁷ —Āni daquegu, “Ñamasugū me ñaja yu” ĩ yituoĩarore bajiro tuoĩarāma, ũju Dios yarā ñamasurā ñaama. To bajiro ti bajijare, āni daquejure bajiro tuoĩarāre, gājerā tu ĩna ejaro, quēnaro ĩnare yirāma, yurene quēnaro yirā yirāma. To yicōari, yure quēnaro yirāma, yure cōcacare quēne, quēnaro yirā yirāma —ĩnare yiyuju Jesús.

“Yure ajitirānucōari, mani yise ũnire yiguma, mani rācagu ñagūmi”, Jesús ĩ yire queti

(Mt 10.42; Lc 9.49-50)

³⁸ Ado bajiro Jesúre gotiyuju Juan:

—Gotimasiõromasũ, masa usũriju sãñarãre vãtiare bureagure ãamu yua. “Jesũre ajitirũnũgũ ñari, ado bajise muare rotimasiãja yu: ‘Budiya’”, yĩñaami, vãtiare bureagu. Mani rãcagu me ã ñajare, “Tire yibesa”, ãre yibũ yua —Jesũre yigotiyuju Juan.

³⁹ To ã yisere ajicõari, ado bajiro ãre yiyuju Jesũs:

—“Tire yibeticõãña”, ãre yibeja. Quẽnaro yirimi. No bojagu yure rũcãbuocõari, ããñãmani ã yiloro bero, rojose yure ñagõbecumi. ⁴⁰ No bojagu yure ajitirũnũcõari, mani yise ãnãre yiguma, mani rãcagu ñagũmi. ⁴¹ Riojo muare gotiaja yu. Yure ajisuyarã ñamasurã me ãna ñaboajaquẽne, yure ajitirũnarã mua ñajare, quẽnaro muare yirã, to bajiro ãna yise vaja, vaja bujaruarãma ãna, Dios tãju —ãnãre yiyuju Jesũs.

“Mua suorine gãjerã rojose ãna yijama, gãiose ñaja”, Jesũs ã yigotimasiõre queti
(Mt 18.6-7; Lc 17.1-2)

⁴² Quẽna ado bajiro ã buerimasare gotiyuju Jesũs:

—Ãna daquegure bajiro tuoãrãre, yure ajitirũnarãre rojose ãna ãmato yijama, buto rojose tãmuõruarãma. Rojose ãnãre ãna ãmato yiroto rãjoro, tocãrãcurene ãna ãmũarijũre gãta jãirica siatucõari, riaga ãcũaroju ãnãre rearoderuucõajama, rojose tãmuõbetibusaborãma —ãnãre yiyuju Jesũs.

“Buto mua maise ti ñaboajaquẽne, ti suorine Dios ã bojabeti mua yijama, tire reacõãña”, Jesũs ã yire queti

(Mt 18.8-9)

⁴³ “Rẽtoro rojose tãmuõrobo” yirã, rojose mua yisere yitujaya mua” yigu, ado bajiro ãnãre gotiyuju Jesũs:

—“Yu ãmo suorine rojose yibũ yũ” mua yitũõãmasijama, jatarocaya. Muare cojo ãmo ti manijama, quẽnabetoja. To bajiboarine, juaãmo rãca mua bajireajama, jeame yatibetimeju mua vajama, rõtobusaro quẽnabetiruaroja. ⁴⁴ Toju ãna rujurire becoa batũjabetiruãrãma. To yicõari, jeamere yarocu quẽne magũmi. ⁴⁵ “Yu gubo suorine rojose yibũ yũ” mua yitũõãmasijama, jatarocaya. Muare cojo gubo ti manijama, quẽnabetoja. To bajiboarine, jua gubo rãca mua bajireajama, jeame yatibetimeju mua vajama, rõtobusaro quẽnabetiruaroja. ⁴⁶ Toju ãna rujurire becoa batũjabetiruãrãma. To yicõari, jeamere yarocu quẽne magũmi. ⁴⁷ “Yu cajea suorine ãbojacõari, rojose yibũ yũ” mua yitũõãmasijama, tiare ãmirocacõãña. Coja cajea muare ti manijama, quẽnabetoja. To bajiboarine, juaãmo caje cuticõari, mua bajireajama, jeame yatibetimeju mua vajama, rõtobusaro quẽnabetiruaroja. ⁴⁸ Toju ãna rujurire becoa batũjabetiruãrãma. To yicõari, jeamere yarocu quẽne magũmi. ^h

⁴⁹ “Rojose ñaja” yimasiboarine, rojose mua yijama, quẽnabetoja. To bajiro, “Rojose yibetiruãrãja”, yitũõãcõã ñarũgũña mua. Rojose yiterã ñari, buto mua bojase ti ñaboajaquẽne, tire mua yibetijama, butobusa Diore ajitirũnarã ñaruarãja mua. To bajiro mua bajirotire bojagũmi Dios.

⁵⁰ Moa ñaja bare sãre. Mua barotire vaibũcu rii catisere cũrãma, moa turãja mua, “Boarobe” yirã. Moa ti ocaboate ti ocabeticoajama, “Quẽna tudiocato” yirã, no bajiro yimasibenaja mua. Moa ocabetire bajiro bajijama sigũri. ãna suorine quẽnaro yimasibeami Dios. Moa ocatũjabetijũare bajiro bajija mua. To bajiro bajirã mua ñajama, mua suorine quẽnaro yimasigũmi Dios. Yure mua ajitirũnu tũjabetijama, rojose yibetibusaruarãma gãjerã. Gãjerã quẽnaro mua yisere ãcõari, muare bajiro quẽnaro yiruãrãma ãna quẽne. To bajiro bajirã ñari, quẽnaro gãmerã yĩñaña —ã buerimasare yiyuju Jesũs.

10

“Mua manaõoare reabetiroti ñaja”, Jesũs ã yire queti
(Mt 19.1-12; Lc 16.18)

¹ Capernaum ñar’i, Judea sitaju ã buerimasare ãmato vasuju Jesũs. To eja, Jordãn vãme cutirisa jãe, to boejuaju jãjarã masa ã rãca rãjaũjarã quẽna. Toju ãnãre gotimasiõũuju, ã yirũgũriarore bajirone. ² To ãnãre ã gotimasiõ ñarone, ã tũ ejayujaru fariseo masa. Ejacõari, “Cũdimasibeticõari, rojose tãmuõato” yirã, ado bajise ãre sãnãiatoyujarã ãna:

—¿Sigũ ã manajore ã rocajama, quẽnacõati? —ãre yisãnãiaũjarã.

³ To bajiro ãre ãna yisãnãiasere ajicõari, ado bajiro ãnãre cãdiyuju ã:

—¿No bajise rotimasiũjari Moissẽs? —ãnãre yiyuju.

⁴ To ã yisere ajicõari, ado bajiro cãdiyujarã ãna:

—Ado bajiro rotimasiũju: “No bojagu ã manajore ã rocaũajama, ‘Mũre rocagu yaja’ yise pãpera ucacõari, ãsiroti ñaja”, yimasifiuja Moissẽre Dios ã roticũmasire —Jesũre yicãdiyujarã fariseo masa.

^h 9:48 gotise, “Toju varona, buto rojose tãmuõtũjabetiruãrãma” yire ãni ñaja.

⁵ To ina yirone, ado bajiro yiyuju Jesús:

—Diore ajiterā ina ñajare, “Butobusa ina manajoare rojose yiroma” yigu, manajoa reare beobetimasifuju Moisés ñamasir’i. ⁶ “Rëmoju ùmare, ròmioire rujeomasifuju Dios”, yigotiaja Dios oca. ⁷⁻⁸ To yicōari, gajeju ado bajiro gotiaja Dios oca: “Ëma, ròmio i rujeore ti ñajare, ùmaja, manajo cutigu i jacuare ñare cāmotadicoarucumi. Manajo cuticōari, juarā ñaboarine, sig rujure bajirone ñaruarāma”, yigotiaja Dios oca. ⁹ “To bajiruarāma” Dios i yimasire ñajare, mua manajoare reabetiroti ñaja —ñare yiyuju Jesús.

¹⁰ To i yiro bero, viju ñacōari, to bajiro i gotisere sēnīañujarā i buerimasa. ¹¹ To ina yijare, ado bajiro ñare cadiyuju Jesús:

—Īmanajore rocacōari, gajeo Īmanajo cutijama, Dios Īajama, Īmanajo masu me ñagōmo. Sore ajerio cutigu yigumi. ¹² To bajirone bajiaja ròmioire quēne. So manajure rocacōari, gājire so manaju cutijama, so manaju masu me ñagūmi, Dios Īajama. Īre ajeri cutigo yigomo —ñare yiyuju Jesús.

Rīamasare Jesús i ñubuejeore queti

(Mt 19.13-15; Lc 18.15-17)

¹³ Jesús taju rīamasacare juaejayujarā masa, “Īāmori ñujeocōari, Diore ñare sēnibosato Ī” yirā. Īna juaejasere ñacōari, ado bajiro ñare yiyujarā i buerimasa:

—Ījadibesa! Gōjanabioro yaja mua —ñare yiyujarā.

¹⁴ To ina yisere Īajūnisinigūne, ado bajiro ñare gotiyuju Jesūjua:

—Rīamasare ñare matabesa. Īñare bajiro tuoīarā ñaama Ūju Dios yarā quēnaro Ī yirā. ¹⁵ Riojo mare gotiaja yu. Rīamasa ina yiecorore bajiro quēnaro yiecorā ñaama Ūju Dios yarā —Ī buerimasare yiyuju Jesús.

¹⁶ To ñare yigotigajanocōari, rīamasare Īāmori ñujeocōari, Diore ñare sēnibosayuju.

Gajeyeūni jaigu, Jesūre Ī sēnīlare queti

(Mt 19.16-30; Lc 18.18-30)

¹⁷ Quēna Jesús varūtu vacu Ī bajirone, sigū, ūmaejayuju. Ejacōari, Ī rījoroja gusomuniari tuetugūne, ado bajiro Jesure Īre sēnīañuju:

—Gotimasiorimasa, quēnagū ñaja mu. Yu rijato beroju “Tudirijabeticōato” yigu, Dios Ī catisere yure Ī isisere yu bojajama, zo bajiro yiroti ñati yure? —Īre yiyuju.

¹⁸ To Ī yisere ajicōari, ado bajiro Īre cadiyuju:

—Zo yigu, “Quēnagū ñaja mu? Dios sigūne ñaami quēnagūma. ¹⁹ Mu rijato beroju “Tudirijabeticōato” yigu, Dios Ī catisere mu bujaruajama, Dios Ī rotimasirere cadiroti ñaja. Tire masiaja mu. Dios Ī rotimasire yu yijama, ado bajise yimasirere yaja yu: “Sīabesa. Gāji manajo rāca ajerio cutibesa. Juarudibesa. Socane, ‘Rojose yimi’ yigotiyirobosa. Gājerare yitobesa, ‘Īna ye cuogusa’ yigu. Mu jacure, mu jacore quēne quēnaro ñare rucubuoja”, yigotiaja Dios Ī rotimasire —Īre yiyuju.

²⁰ To Ī yisere ajicōari, ado bajiro yicadiyuju:

—Daquegūjone tire cadiuoadimasicaju yu —Īre yicadiyuju.

²¹ To Ī yisere ajicōari, Īre Īmaifuju Jesús. To bajiri, ado bajiro Īre gotiyuju:

—Cojo vāme ruajaja mu yiroti, mu rijato beroju “Tudirijabeticōato” yigu, Dios Ī catisere mu bujaruajama: Jediro mu cuosere gājerare Īsjeocōaña. To yicōari, ti vaja mu bujasere maioro bajirāre Īsima. To bajiro mu yijama, o vecaju Dios Ī ñaroju quēnase bujarucuja mu. To bajiro yigajanocōari, yure ajisuyaya —Īre yiyuju Jesús.

²² To Ī yigu, buto sutiriti vacoasuju Ī, gajeyeūni jaigu ñari, tire maigu.

²³ To yigajanogūne, Ī buerimasare ñacōari, ado bajiro gotiyuju Jesús:

—Gajeyeūni jairārema, yure Īna suyarua tuoīaboajama, buto josaruaroja ñare. To bajicōari, yirēto ecobosabetiruarāma —ñare yiyuju Jesús.

²⁴⁻²⁵ To bajiro Ī yisere ajicōari, no yimasibesujarā Ī buerimasa, ti ūnire ajibetirūgūrā ñari. To bajiri quēna ñare gotirēmoñuju Jesús:

—Yu buerā, ajiya. No bojarā, yure Īna suyarua tuoīaboajama, buto josaruaroja ñare. To bajiboarine butobusa josaruaroja gajeyeūni jairārema. Vaibucu camello vāme cutigu, gājojota gojeacare sājarētobudimasibecumi. To bajirone bajiaja gajeyeūni jairāre quēne, yure Īna ajitirūna suyaraboajama. To bajiro Īna bajijare, yirēto ecobosabetiruarāma —ñare yiyuju Jesús.

²⁶ To bajiro ñare Ī gotisere ajicōari, no yimasibesujarā Īna. To bajiri ado bajiro Īre sēnīarēmoñujarā:

—Riojo mu gotijama, zo bajiro bajirāju Dios tujure ejaruarāda? —Īre yiyujarā.

²⁷ To Īna yirone, ñare ñacōari, ado bajiro ñare gotiyuju Jesūjua:

—Īna masune ejamasimenama masa, Dios tujure. Diojua, ñajediro yimasijeocōami. Ñiejua josase maja, Īrema. Ī suorine Ī taju ejamasire ñaja —ñare yiyuju Jesús.

²⁸ To ĩ yisere ajicōari, ado bajiro ĩre yiyuju Pedro:

– Jediro yua gajeyēnure cūcōari, mare suyacaju yua – ĩre yiyuju.

²⁹⁻³⁰ To ĩ yisere ajicōari, ado bajiro ĩre cūdiyuju Jesús:

– Riojo mūare gotiaja yu. No bojarā yure ajitirūnarā ĩari, yu ocare gotiroana, ĩna ya vi, ĩna yarā, ĩna jacua, ĩna rīa, to yicōari ĩna ya veserire quēne, ĩna maise ĩaro cōro ĩna vaveojama, ĩna cuobore rētoabusaro quēnase bujaruarāma ĩna, adi macarucurore. Yure ajitirūnarā ĩari, rojose tāmūorā ĩnaboarine, ado bajiro quēnaro ĩnare yirucami Dios: Jairo viri, jairo veseri, jājarā yarā cuti, to yicōari jājarā rīa cutireayere ĩsirucami Dios. To yicōari, “ĩna rijato berojama tudirijabeticōato” yigu, ĩ catisere ĩnare ĩsirucami. ³¹ To bajiboarine, adire quēne quēnaro tuoīaĩna mūa: Ado bajiro mūa tuoīarore bajirone tuoīaboarāma: “Dios ĩ bojase yirā rētoro Dios ĩ bojasere yirā ĩari, ĩnamasurā ĩaja yua. To bajiri, ō vecajure quēne ĩnamasurā ĩari, quēnase bujaruarāja”, yituoīaboarāma. To bajiro yirā ĩari, gājerāre ĩacōari, “ĩna ya vi, ĩna yarā, ĩna jacua, ĩna rīa, to yicōari ĩna ya veserire vaveomena ĩari, ĩnamasurā me ĩaama. To bajiri, ō vecajure quēnase mojoroaca bujarona ĩaama”, yituoīaboarāma. To bajiro me bajiruaroja. Adoju ĩnamasurā, ō vecajuarema ĩnamasumena ĩnaruarāma ĩna. Adi macarucuroju ĩnamasumena, ō vecajuarema ĩnamasurā ĩnaruarāma – ĩnare yiyuju Jesús.

“Yure śiaruarāma”, Jesús ĩyigotitusare queti
(Mt 20.17-19; Lc 18.31-34)

³² ĩ buerimasa, Jerusalēnju Jesús ĩnare ĩ ūmato varūtu vajare, “Ĕjarā ĩre ĩaterā ĩna ĩaroju ĩ vasere gūibeticōami Jesús”, ĩre yituoīa vasujarā ĩna. ĩnajuama, ĩre suyarā, buto gūiyujarā. To ĩna bajirone, juaāmo cōro, gubo jua ĩēnituarirācu ĩnarāre ĩ buerāre ricatī ĩnare jicāmotocōari, ado bajiro ĩnare gotiyuju:

³³ – Quēnaro ajiya mūa. Jerusalēnju vana bajiaja mani. Toju mani ejaro, Dios ĩ roticōacacure, sigū yure ĩsirucacami, paia ūjarāre, to yicōari, Dios ĩ rotimasire gotimasiorimasare. ĩnajuā, “ĩre śiaroti ĩaja”, yure yiruarāma. To yicōari, romano masare yure ĩsiruarāma. ³⁴ To ĩna yijare, yure ajatud'irā, gooco yure eoreatucōari, bujaruarāma ĩna. To yicōari yucātēroju yure jajurocacōaruarāma. Yure jajurocacōari, yujeboaruarāma. To ĩna yiboajaquēne, yure ĩna śiarirāmū bero, idiarāmū tsatirāmūne tudicaticoarućija yu quēna – ĩnare yiyuju Jesús.

Santiago mesa Jesúre ĩna sēnire queti
(Mt 20.20-28)

³⁵ To ĩ yiro bero, Zebedeo rīa, Santiago, to yicōari Juan, Jesúrāca ĩagōrā ejayujarā ĩna. Ejacōari, ado bajiro ĩre sēniñujarā:

– Gotimasiorimasa, “Ado bajiro yuare ejarēmoĩna” mare yua yisēnisere, mū cudise bojaja yua – ĩre yiyujarā ĩna.

³⁶ To bajiro ĩna yisere ajicōari,

– Ĕno bajiro mūare yu yibosasere bojati mūa? – ĩnare yiyuju Jesús.

³⁷ To ĩ yijare, ado bajiro ĩre yiyujarā ĩna:

– “ĩnadediro ūju ĩaja yu” yicōcōari, mū rotisūorirodo ti ejaro, ado bajiro yuare mū ūmato rujiritire bojaja yua: Sigū mū riojocatua, gājire mū gācojocatua yuare ūmato rujirucija mū, mū rotirore bajirone yua rotimasioritire yigu – ĩre yiyujarā.

³⁸ To bajiro ĩre ĩna yisēniboajaquēne, ado bajiro ĩnare cūdiyuju Jesús:

– Tuoīamasimenane, yure sēniboaja mūa. Yu rāca mūa rotirūajama, ĩmūa quēne yure bajirone rojose tāmūorātique mūa? – ĩnare yiyuju.

³⁹ To bajiro ĩnare ĩ yirone,

– Bajicōarāja – ĩre yicūdiyujarā.

To bajiro ĩna cudise ĩajare, ado bajiro yiyuju Jesús:

– Riojo mūare gotiaja yu. Mūa quēne, yu tāmūoritire bajiro rojose tāmūoruarāja. ⁴⁰ To bajiro mūa bajiboajaquēne, yu riojocatua, yu gācojocatua mūare rojomasibecuja yu. “ĩna ĩnaruarāma yu macu ū rujirona” yu jacu ĩ yicana rīne rujiruarāma – ĩnare yiyuju.

⁴¹ Jesús buerimasa juaāmo cōro ĩnarā ĩna ajibetone, “To bajiro bojaja yua” ĩna yisere ajicōari, jūnisiñujarā ĩna. ⁴² To bajiro ĩna bajijare, ĩna jedirore jirēocōari, ado bajiro gotiyuju Jesús:

– Ĕjarā, Dios yarā me ĩarā, ĩna yarāre buto tutuaro rotirāma ĩna. Tire masiaja mūa. ⁴³ Mūama, yu yarā ĩari, ĩnare bajiro bajibetiruarāja. Yure ajitirūnarā, ĩnamasurā ĩnaruarāma, gājerā ĩna bojasere masicōari, quēnaro ĩnare yiejarēmōrā. ⁴⁴ To bajiri ĩnamasurā mūa ĩnaruajama, gājerāre moabosaruarāja mūa. ⁴⁵ Dios ĩ roticōacacu quēne, to bajirone yaja yu. “Gājerā yu bojasejuare masicōari, quēnaro yure yato ĩna” yigu me vadicaju yu. “ĩna bojasere masicōari, quēnaro ĩnare yirucija” yigu vadicaju yu. To yicōari, jājarā rojose ĩna yisere Dios ĩ masirioritire ĩnare vaja yibosaguagu vadicaju yu – ĩnare yiyuju Jesús.

Caje ĩabecu Bartimeo vāme cutigure Jesús ĩ ĩarotire queti
(Mt 20.29-34; Lc 18.35-43)

⁴⁶ Jericó vāme cuti maca ĩacōari, ĩna vatone, jājarā masa ĩnare suyasujarā, Jesúre ĩarā. Toju ĩna vatone, ĩabecu, Bartimeo vāme cutigu rujiyuju, maa tu. Timeo macu ĩnañuju ĩ. Maioro bajigu ĩari, ĩ barotire, to yicōari, gajeyeuñiaca ĩ cuorotire tuoĩagū, gājoa sēnirujuju. ⁴⁷ “Jesús, Nazaret macagu rētoacu yami” masa ĩna yisere ajicōari, ado bajiro ĩre ĩiavasāñuju:

—Jesús, Uju David ĩamasir'i jānami, “Rotimuoṛugōṛucami” yigu, Dios ĩ cōar'i ĩaja mu. Yure ĩamañi mu —yivasāñuju ĩ.

⁴⁸ To bajiro ĩ yivasārone,

—ĩAvasābesa! —ĩre yiyujarā masa.

To bajiro ĩna yiboajaquēne, butobusa avasāñuju quēna:

—Uju David ĩamasir'i jānami “Rotimuoṛugōṛucami” yigu, Dios ĩ cōar'i ĩaja mu. Yure ĩamañi —Jesúre ĩre yivasāñuju.

⁴⁹ To ĩ yisere ajicōari, tujarūgūñuju Jesús. To bajicōari,

—ĩre ĩiya mua —masare ĩnare yiyuju.

To ĩ yijare, ĩabecure jiyujarā ĩna:

—Variquēnaña. Vāmūgūña. Mure ĩiami Jesús —ĩre yiyujarā, ĩabecure.

⁵⁰ To bajiro ĩna yisere ajicōari, ĩ sudiro joeadore vearocacōañuju, “Guaro vatimāgūsa” yigu.

To yicōa, vāmūgūñu vasuju ĩ, Jesús tuju. ⁵¹ ĩ ejasere ĩacōari, ado bajiro ĩre yiyuju Jesús:

—¿No bajiro mure yu yisere bojati mu? —ĩre yiyuju, caje ĩabecure.

To ĩ yijare, ado bajiro ĩre yicudiyuju:

—Gotimasiogū, yu tudĩarotire mu ejarēmosere bojaja yu —ĩre yiyuju caje ĩabecu.

⁵² To bajiro ĩ yisere ajicōari, ado bajiro ĩre yiyuju Jesús:

—Vasa mu. “Yure ĩamaicōari, ĩarotirucami” yure yituoĩagū ĩari, ĩacoaju mu yuja. Nĩe rojose maja mure yuja —ĩre yiyuju Jesús.

To bajiro ĩ yiririmarone, caje ĩabecu ĩaboar'i, ĩacoasuju ĩ yuja. ĩacōari, ĩ quēne Jesúre suyacoasuju.

11

“Rotimuoṛugōṛucami” yigu, Dios ĩ cōagū ĩaja yu” yĩoṛgū, Jerusalénju Jesús ĩ ejare queti
(Mt 21.1-11; Lc 19.28-40; Jn 12.12-19)

¹⁻² Jerusalén cōñana, Betfagé, Betania vāme cuti macari tuju ejayujarā ĩna. Ti macari tujare Olivo vāme cuti buro ĩañuju ti. Ti buroju ejaguagune, juarā ĩ buerāre ado bajiro ĩnare gotiyuju Jesús:

—Mani varoto riojo ĩnarimacare vasa maji. Toju ejacōari, burro macu ĩna siaturūgōṛ'ire bujaruarāja mua, jesañamagūre. ĩre ōjacōari, yure āmiadibosaba. ³ Ti macagu, mua ōjaro ĩacōari, “¿No yirā ĩre ōjati mua?” muare ĩ yisēñijama, “Mani uju ĩre bojami. No cōro mene tuoṛucami quēna”, ĩre yicudiba —ĩnare yiyuju Jesús.

⁴⁻⁵ To ĩ yisere ajicōari, vasujarā ĩna. To ejacōari, maa tu ĩarivi soje ture ĩna siaturūgōṛ'ire ĩabujayujarā. ĩabujacōari, ĩre ĩna ōjarone,

—¿No yirā ĩre ōjati mua? —yisēñiñujarā ĩna, burro ujarā.

⁶ To ĩna yisēñiase ĩnjare, Jesús ĩnare ĩ cudirotiriaro bajirone cudyujarā ĩna. To ĩna yirone, ĩnare varotiyujarā burro ujarāja. ⁷ To ĩna yijare, burro macure āmivasujarā, Jesús tuju. To yicōari, ĩna ye sudi joeayere vejecōari, burro macu joere jeoyujarā. To ĩna yirone, vajejayuju Jesús. ⁸ Jājarā masa ĩañujarā. ĩna ye sudi joeayere vejecōari, ĩ varotijure cū rĩjoro cutiyujarā. “Yua uju ĩaja mu” yirā, to bajiro yiyujarā, Jesúre rūcubōari. Gājerā yucū rujari jasurecōari, maare cū rĩjoro cutiyujarā. ⁹ To yicōari, “ “Rotimuoṛugōṛucami” yigu, Dios ĩ cōagū ĩaja yu” yĩoṛgū, rotisuoṛucami yuja” Jesúre ĩre yituoĩarā ĩari, buto variquēnañujarā ĩna. ĩre rĩjoro cuti vana, ĩre suyārā quēne, ĩre ĩavariquēnarā, ado bajiro avasā vasujarā:

—ĩ “Rotimuoṛugōṛucami” yigu, Dios ĩ cōar'i ĩaami! ĩquēnase ĩre yivariquēnato mani! ĩDiore rotibosagu quēnaro ĩ yigu ĩaami! ¹⁰ ĩUju David ĩamasir'i jānami ĩ rotirirodo, “Quēnarirodo ĩnaruroja” Dios ĩ yiriarodo ejaroado yaja! ĩDiore quēne, quēnase ĩre yivariquēnato mani, āni yua ujure ĩ cōajare! —yivasā vasujarā ĩna.

¹¹ To bajiro ĩna yi vato rĩne, Jerusalénju ejayuju Jesús. Ejacōari, Diore yirucubōriavire sājañuju. Sājaejacōari, jediro ĩabatojeocōari bero, “Rāioato bajajaja” yigu, ĩ buerimasā ĩuaāmo cōro, gubo ĩna jēnituarirācu ĩnarāre ūmato tudiasuju, Betania macaju.

Higuera vāme cutiure, “Juaji rica cutibetiruroja”, Jesús ĩyire queti
(Mt 21.18-19)

¹² Gajerāmu Betania maca ĩnabo, ĩ buerimasare ūmato vacu, ĩnirjayuju Jesús. ¹³ To bajivacune, sōjane higuera vāme cutiure ĩabujacōañuju Jesús. Quēnaro ĩu cutiyuju. Ti ricare

barã ojaboayuju. Rica mañuju, tiñuama. Jũ rĩne ñañuju. Rica mañuju, rica cutirodo me ñajare. ¹⁴ To bajiro tiare ado bajiro yiyuju Jesús:

—Juaji rica manĩcaruarãja mua —tiare yiyuju ĩ.

To bajiro ĩ yisere ajiyujarã ĩna, ĩ buerimasa.¹

Diore yirũcũbũoriaviju ñacõari, gajeyeũni ĩsiriavire bajiro ĩna yĩñajare, Jesũs ĩnare ĩ tud'ĩagõbure queti

(Mt 21.12-17; Lc 19.45-48; Jn 2.13-22)

¹⁵ To bajiro ĩ yiro bero, varũtu ejacoasujarã, Jerusalenju. Ti macajũ ejacõari, Diore yirũcũbũoriaviju sãjañujarã. Ti viju gajeyeũni ĩsirãre, ĩnare vaja yirãre quẽne, tud'ĩagõbuyuju Jesús. Gãjerã ye rãca gãjoa vasoarimasa ĩna gãjoa jeorijaũrĩre tujuareayuju. To yicõari, buja ĩsirimasa ĩna rujiri cũmurõre tucaguereayuju. ¹⁶ To yicõari, Diore rũcũbũoriaviju gajeyeũni no bojasere masa jedirore juarotibesuju. ¹⁷ To yicõari, ado bajiro ĩnare gotiyuju:

—Diore gotirẽtobosarimasa ĩna ucamasire ado bajiro gotiaja: “Yũ ya vima, masa jediro yure sãnĩrũcũborã rẽjariavi ñaruarõja”, yigotiaja, adi vire. To bajiro Dios ĩ yimasire ti ñabõajaquẽne, ado bajiro mua yĩñase suõrine juarudirimasa ya vire bajiro bajaia ti —ĩnare yiyuju Jesús.

¹⁸ Ti viju Diore yirũcũbũoriaviju ñañujarã paia ujarã, Dios ĩ rotimasire gotimasiorimasa quẽne. To bajiro Jesús ĩ yisere ĩacõari, “¿No bajiro yicõari, ĩre sãrãti mani?”, gãmerã yĩñagõñañujarã ĩna, ĩre gũirã ñari, ĩ gotimasiosere ajicõari, jãjarã masa ĩna ajirũcũboose ñajare. ¹⁹ ĩnare gotimasioacõari bero, ti rãioatone, ĩ buerimasare ũmato vacoasuju Jesús.

Higuera rica mani ti sũnĩre queti

(Mt 21.20-22)

²⁰ Gajerãma busuriju jẽju quẽna maa vana higuera vãme cutiũ, “Rica manĩcaruarãja mua” Jesũs ĩ yiriũ tũre ejayujarã ĩna. To ejacõari, higuera sãnĩar'ĩre ĩañujarã. Ti ñemari quẽne sãnĩjedicoasuju ti. ²¹ To cõrone Jesũs ĩ ñagõrere tuoĩabujacõari, gotiyuju Pedro:

—Gotimasiorimasa, ĩaña. Higuera vãme cutiũre, “Juaji rica manĩcaruarãja mua” mua yimasirica sãnĩrocacoasuja ti —Jesũre yiyuju.

²² To ĩ yisere ajicõari, ado bajiro ĩ buerimasare gotiyuju Jesús:

—“Dios ĩ ejarẽmose rãca yimasicõarãja”, yitũoĩaña mua. ²³ Riojo muaire gotiaja yũ. No bojagu yure ajitirũngũ, ĩ burõre, “Moã riagaju mua masune rocarõacoasa” ĩ yijama, to bajirore bajiruarõja, “Dios ĩ ejarẽmose rãca yimasicõagũja” ĩ yitũoĩa tũjabetijama. ²⁴ “Yũã sãnĩjama, yũare ĩsicõagũmi” yitũoĩacõari, Diore mua sãnĩjama, muaire ĩsirucãmi, ĩnare yiyuju. ²⁵ Diore sãnĩrã, muaire rojose yirãre mua masiriojama, mani jacũ õ vecagu rojose mua yisere masirioĩucãmi ĩ quẽne. ²⁶ Gãjerãre rojose ĩna yisere mua masirioĩbetijama, mani jacũ quẽne rojose mua yisere masirioĩbetirucãmi —ĩnare yiyuju Jesús, ĩ buerãre.

“¿Ñĩmu muaire ĩ rotise rãca to bajiro yati mu?”, Jesũre ĩna yisẽniãre queti

(Mt 21.23-27; Lc 20.1-8)

²⁷ To ĩ yiro bero, Jerusalenju ejayujarã quẽna Jesũrãca. To bajicõari, Diore yirũcũbũoriaviju sãjañuju Jesús. Sãjaejacõari, ĩ ñacudirone, ĩ tũ ejarũgũñañujarã paia ujarã, Dios ĩ rotimasire gotimasiorimasa, to yicõari, bucũrã quẽne. ²⁸ Ejarãne, ado bajiro ĩre sãnĩñañujarã ĩna:

—¿Ñĩmu muaire ĩ rotise rãca to bajiro yirũgũati mu? —ĩre yisẽniãñañujarã ĩna.

²⁹ To bajiro ĩna yisere ajicõari,

—Yũ quẽne, ado bajiro muaire sãnĩñaja yũ. Yũre mua cudicõaroju, “Ī rotise rãca yaja yũ”, muaire yirũcũja maji. ³⁰ ¿Ñĩmu rotiyujari, Juanre, “Oco rãca masare ĩnare bautizacudiyã” yigu? ¿Dios rotiyujari? ¿Masajua rotiyujarique? —ĩnare yisẽniãñañuju Jesús.

³¹ To ĩ yisere ajicõari, ĩna masurione gãmerã ñagõñañujarã ĩna:

—“Dios, Juanre oco rãca bautizarotiyumi” mani yijama, ado bajiro manire sãnĩñajacagumi: “Tire masirã ñabõarine, ¿no yirã ĩre ajitirũnãbeticati mua?” manire yisẽniãñajacagumi.

³² To yicõari, “Masane, Juanre oco rãca bautizarotiriarãma” mani yijama, manire bũto tud'ĩrũarãma masa, “Diore gotirẽtobosarimasa ñabõacami Juan” yirã ñari —gãmerã yiyujarã ĩna. ³³ To bajiro gãmerã ñagõrã ñari, ado bajiro ĩre cudiyujarã ĩna:

—Juanre rotir'ĩre masibeaja yũ —Jesũre yicõañujarã ĩna.

To ĩna yisere ajicõari, ado bajiro ĩnare cudiyuju Jesús:

—To bajiro mua cudijare, “Ī rotise rãca yaja yũ”, muaire yigotibetirũcũja yũ quẽne —ĩnare yiyuju Jesús.

¹ 11:14 Higuera rica cutirodo me ñabõarine, rica cuticõari, ti jũ cutirũgũriarõre bajiro ti bajijare, “Rica cutiroja” yigu, ĩagũ vaboayuju Jesús.

12

“Jud’io masa ña ajitirānubeti ñajare, gājerājuare uʄorucumi Dios” yigu, ñre moabosarimasa rojose yirā ña bajire rāca Jesús ñ gotimasiore queti
(Mt 21.33-46; Lc 20.9-19)

¹ Gotimasiore queti masare gotiyuju Jesús:

—Sīgū masu uye vese otegumi. Tire oteganocōari, matagumi. To yicōari, uye oco juarotiju quēnogūmi. Tiju bero, vecaju ñacōari, ñ ñatirūñjesarotiju quēnogūmi. To yigajanocōari, gājerāre, “Uye ñatirūñubosaba”, yigumi. “Uye ti rica cutiro, gājerāre ñsicōari, vaja sēniruarāja. To yicōari, mua juajama, ‘Ado cōro ñaja mani ye. Ado cōro ñaja ñ ye’ yicōiama”, ñnare yigumi. To yicōari, gajeroju vacoacumi yuja. ² To bajiri cojorāmu, “Uye rica cuti bucatoja ti” yigu, ñre moabosarimasare cōagūmi, “Uye, yure ña cūbosarere yure juabosaya” yigu. ³ Uye veseju ñ ejarone, ñre ñiacōari jarāma vese coderimasa. To yicōa, ñre uye ñsimenane, “Vasa”, yirāma ña. To bajiri uye juabecune tudiejagumi, ñre roticōar’i tuju. ⁴ To bajiri uye ñ juabetire ñacōari, gāji ñre moabosarimasare cōagūmi quēna, vese uju, “Uye yure juabosagu vasa” yigu. Uye veseju ñ ejasere ñacōari, rujajine ñre yitud’icōari, ñre quēne jarāma ña. To bajiri ñ rujoaju cāmi cutigūmi ñ. To bajiro ñre yigajanocōari, uye ñsimenane, “Vasa”, ñre yirāma ña. ⁵ To bajiri uye ñ juabetire ñacōari, quēna gāji ñre moabosarimasare cōagūmi vese uju. ñre sīarāma. Bero, jājarābusa cōarūgūboagumi vese uju. ñnare quēne to bajirone yirūgūrāma vese coderimasa. Sīgūre buto jarāma. Gājerāre sīarāma ña.

⁶ ñnare ñ cōariaro bero, sīgū ruvagumi yuja, ñ cōarocu. ñ ñagūmi ñ macu, ñ maigū. To bajiri, “Yu macujuare rācuboruarāma” yituoīagū, ñre cōaboagumi. ⁷ To bajiro ñ yicōar’ire, veseju ñ ejasere ñacōari, ado bajiro gāmerā ñagōrāma vese coderimasa: “Adi vese uju macune ñaami. To bajiri ñ bajirocaveojama, ñne ñaami ñre vasoarocu. To bajiri ñre mani sīajama, mani ye sita ñaruaroja yuja”, gāmerā yīñagōrāma ña. ⁸ To bajiri vese sojuaju ñre ñia vati, ñre sīarocacōarāma ña —ñnare yiyuju Jesús.

⁹ To bajiro ñnare gotigajanocōari, ado bajiro ñnare gotiyuju quēna:

—¿Ti vese uju tudiejagu, no bajiro ñnare yigujari ñ, ti vese coderimasare? Ado bajiro yigumi: Veseju vacōari, ti vese coderāre sīarucumi. To yicōari, gājerājuare coderotigumi ñ, ti vesere — ñnare yiyuju Jesús.

¹⁰⁻¹¹ Gajeye ado bajiro gotirūtuasuju Jesús:

—“Uye vese uju macure rojorā ña sīarocarere bajirone viri buarimasa gūta ña beserocaria ñaboarine, ñamasurica ñaruaroja”, yigotiaja Dios oca masa ña ucamasire. ¿Tire ñabeticatique mua? Ado bajiro gotiaja:

“Gūta rāca vi quēnorimasa coja gūtare rocarāma ña. ña rocaria ñaboarine, gajea gūta rētoro quēnarica ñaruaroja tia. Tia gūta suorine quēnarivi quēnorucumi Dios. Tia manijama, quēnomasibetibogumi. To bajiro bojagumi Dios mani uju. To bajiri tia gūta suori Dios quēnaro ñ yisere ajimasicōari, buto tuoīa variquēnaja mani”, yigotiaja Dios oca masa ña ucamasire —ñnare yigotiyuju Jesús, paia ujarāre.Ĵ

¹² Jesús ñ gotimasiosere ajicōari, “Uye vese coderimasa ñ yijama, manirene yigu yami. To yicōari, gūtavi quēnorimasa ñ yijaquēne, manirene yami. ñre rojose mani yisere yigu yami”, yijajimasīñujarā ña. To bajiri Jesúre ñaruaboayujarā. To bajiboarine masare gūirā, ñre ñiabetesujarā. ñre ñaruaboa, vacoasujarā ña yuja.

“Ujarā, gājoa manire ña vaja yirotijama, ñnare ñsiroti ñaja”, Jesús ñ yigotire queti
(Mt 22.15-22; Lc 20.20-26)

¹³ Bero, fariseo masa, to yicōari, “Uju ñamasugū ñarucumi Herodes” yirūgūriarā, Jesús tu ña rācanare cōañujarā ña, “Ado bajiro josari mua sēñiñajama, cudimasibeticōari rojose tāmorucumi Jesús” yirā. ¹⁴ To ña yicōariarā, ado bajiro Jesúre sēñiñañujarā ña:

—Ajiya gotimasiorimasa. “Riojo gotiami”, mure yimasajaja yua. “Ado bajiro mani yisere bojagumi Dios” yigotimasioḡū ñari, riojo yuare gotimasioaja mua. “Ado bajiro yu gotimasioajama, yure ajijūnisiniruarāma” yituoīabecune, riojo gotigu ñaja mua. “Ānoama, ñamasurā ña ñajare, ña ajijūnisinibeti vāmejuare ñnare gotimasiorucujaja”, yituoīabecu ñaja mua. Masa ñajedirore yuare riojo gotigu ñaja mua. To bajiro yigu mua ñajare, mua tuoīasere ajirūaja yua. ¿Roma macagu uju, César, gājoa manire ñ vaja yirotsere mani vaja yijama, quēnacōarajari? ¿Dios ñ rotimasirere cudimena yirājarique mani, ñre mani vaja yijama? — Jesúre yisēñiñaboayujarā ña.

¹⁵ Jesújuama, “Rojose yure yiruarā, to bajise yure sēñiñatoama ña”, yimasicōañuju. To bajiri ado bajiro ñnare yiyuju:

—¿No yirā, “Rojose ire yirāsa” yirā, to bajise yure sēniŋatoati mua? —Inare yiyuju Jesús. ¹⁶ —
Gājoatii cojotii yure iŋa —Inare yiyuju Jesús.

To ī yijare, gājoatii ire iŋaŋujarā. Gājoatiire iacōari, ado bajiro Inare sēniŋaŋuju Jesús:

—¿Nimū rioga tuyati? ¿Nimū vāme tuyati? —Inare yiyuju Jesús.

To ī yirone,

—Roma macagu Ūju César vāme cutigu rioga tuyaja. To yicōari, ī vāme quēne ŋaja ti —Jesúre yicudiyujarā Ina.

¹⁷ To Ina yijare, ado bajise yiyuju Jesús:

—To bajiri aditiire iacōari, “César yatii ŋaja”, yimasajaja mua. To bajiri ūjarā Ina vaja yirotijama, Inare vaja yiroti ŋaja. To bajirone bajajaja Diore quēne. Jediro Dios ī cōase ti ŋajare, “Yua cōase ti ŋaboajaquēne, ti rāca ma bojarore bajiro yiruarāja”, Diore ire yiroti ŋaja manire —Inare yiyuju Jesús.

To bajiro ī yisere ajicōari, no yimasibesujarā Ina, ire bajiro quēnaro gotigure ajibetirūgūriarā ŋari.

“¿Bajirearāma, tudicaticoanajari?”, Jesúre Ina yisēniŋatore queti

(Mt 22.23-33; Lc 20.27-40)

¹⁸⁻¹⁹ To bajicōari, saduceo masa quēne ejayujarā, Jesúre sēniŋatorā. “Masa Ina rijato bero, Ina usuri, Ina rujari ŋaro cōrone quēna tudicatimenama” yirā ŋaŋujarā saduceo masa. Ado bajiro ire sēniŋaŋujarā:

—Ajiya gotimasiorimasu. Moisés ŋamasir'i ado bajiro ī yiuacūmasire ti ŋajare, mure sēniŋarā vabu yua. “Sīgū, manajo cutiboa, rīa magūne ī bajirocajama, ī gagu manajo ŋariore manajo cutirucami ī bedijua. To bajiri ī rāca ŋacōari, so macu cutijama, ī gagu macu ŋarucami”, yimasifūju Moisés. ²⁰ Sīgū rīa cojomo cōro, jua jēnitarirācu ūma ŋaboacama. Sīgōrene manajo cutiboacama Ina. Ŋasūogu sore manajo cutisūboacami. Rīa magūne rijacoacami ī. ²¹⁻²² ī rijato bero, gāji ī bedi vasoaboacami. ī quēne rīa magūne rijacoacami. ī bederā quēne, to bajirone sore manajo cutiboacama. Rīa manane, rijajedicoacama Ina quēne. So manajua Ina rijajediro bero, so quēne rijacoacamo yuja. ²³ To bajiri bajireacōari, quēna Ina tudicatijama, ŋŋimūjua ŋaguīda so manaju masu ŋarocuma, Ina ŋaro cōrone sore Ina manajo caticato bero? —Jesúre yisēniŋatoyujarā Ina.

²⁴ To Ina yirone, ado bajiro cudiyuju Jesús:

—Dios oca, masa Ina ucamasire ajimasimena ŋaja mua. Dios ī masisere quēne masirā me ŋaja. To bajirā ŋari, Moisés ī ucamasirere tuoīacōari, “Riojo me gotiro yaja”, yituoīaboaja mua. ²⁵ Ado bajirojua bajajaja: Bajireariarā, Ina tudicatiro bero, manajo cutire, manaju cutire quēne maniruarōja. Ángel mesare bajiro bajirā ŋaruarāma Ina. ²⁶ ¿“Masa Ina bajirearo bero, Ina usuri caticōaroja” yirere iabeticatiquē mua? ¿Yucūyoa ūjuriyoa vatoaju Dios Moisére ī ŋagōmasirere iabeticatiquē? Dios masune ire ī gotimasirere ado bajiro ucamasifūmi Moisés: “Mua ŋicua ŋamasirarā Abraham, Isaac, Jacob, Ina rucubuo vadimasicacane ŋaja yu”, yigotimasifūmi Dios. ²⁷ Masa bajireariarā Ina usuri ti caticōa ŋabetijama, to bajise yibetimasiborimi. Bajireariarā, quēna tudicatarājua Ina rucubuoagu ŋaami. “Ina usuri ti caticōa ŋajare, bajireariarā ŋaboarine, Diore rucubuoocōa ŋarāma” yire ŋaja. Buto mavisijaja mua —Inare yiyuju Jesús.

Dios ī rotimasire ŋamasuri vāmere Jesús ī gotire queti

(Mt 22.34-40)

²⁸ Sīgū, Dios ī rotimasire gotimasiorimasu ejayuju. Ejacōari, Jesúrāca Ina ŋagōrore ajiŋaŋuju ī. To bajiri, “Quēnaro cudiami Jesús” yiajigu ŋari, ire sēniŋaŋuju ī:

—Dios ī rotimasire ŋamasuse, ¿disejua ŋati? —Ire yisēniŋaŋuju ī.

²⁹ To ī yisere ajicōari, ado bajiro cudiyuju Jesús:

—Dios ī rotimasire ŋamasuse ado bajiro gotiaja: “Ajiya mua, Israel sitana. Dios sīgūne ŋaami mani ūju. ³⁰ Mani ūjare, Diore buto mairōti ŋaja. No bojagure mani mairō rētoro, no bojase mani cōase, mani bojatuoīase, to yicōari mani moare cutise rētoro Diore mairōti ŋaja”, yigotiaja Dios ī rotimasire ŋamasuse. ³¹ To yicōari, gajeye ado bajiro gotiaja ti: “Mu masu rujare mu mairōre bajirone mu tūanare maiŋa”, yigotiaja Dios ī rotimasire. Disejua gajeye Dios ī rotimasire rētoro ŋamasuse maja —Ire yiyuju Jesús.

³² To bajiro ī yisere ajicōari, ado bajiro ire yiyuju Dios ī rotimasire gotimasiorimasu:

—To bajirone bajajaja. Riojo gotiaja mu. “Sīgūne ŋaami Dios. Ire bajiro bajigu gāji magūmi. ³³ Mani ūjare Diore buto mairōti ŋaja. No bojagure mani mairō rētoro Diore mairōti ŋaja, manire. No bojase mani cōase mani mairō rētoro Diore mairōti ŋaja. Diore mairā ŋari, mani tuoīase, mani yise, jediro quēnaro yiroti ŋaja”, yaja. To yicōari, “Mani masu rujare mani mairōre bajirone jedirore maiŋa”, yigotiaja Dios ī rotimasire. Gajeye Moisére Dios ī roticūmasiriarore bajirone vaibucurā ecariarāre siacōari, Diore rucubuoarā, paire mani isijama,

quēnaja. Gajeye no bojase Dios ī rotimasiriarore bajiro paire mani Isijama, quēnaja. To bajiboarino to bajiro yirā jediro mani isise rētoabusaro quēnaja, Diore, to yicōari, masare quēne mani maijama –Jesūre yiyuju Dios ī rotimasire gotimasiorimasa.

³⁴ To bajiro quēnaro ī yisere ajicōari, ado bajiro ire yiyuju Jesūs:

–Yu īajama, Dios yarā ire īna ajitirānuserē ajimasiasja ma. Į yu quēnaro ī yigu ma ņarajama, ņamasiasja ma –ire yiyuju Jesūs.

To bajiro Jesūs ī yiro bero, “Mani rētoro masigū ņaami” yituoīacōari, “ ‘Ānoama masimena ņaama’ yiro mi” yirā, ire sēniīa tujacoasujarā yuja. “Mani rētoro masigū ņaami Jesūs” yituoīarā ņari, ire sēniīarēmobesujarā yuja.

“Rotimorūgōrucami’ yigu, Dios ī cōarocu, į ņimū ņarucami, yituoīati ma?”, Jesūs ī yisēniīare queti

(Mt 22.41-46; Lc 20.41-44)

³⁵⁻³⁶ Diore yirūcubūoriaviju masare gotimasio ņagūne, ado bajiro īnare sēniīaņuju Jesūs:

–“ ‘Rotimorūgōrucami’ yigu, Dios ī cōarocu, masu ņarucami. Ūju David ņamasir’i jānamine ņarucami”, yama Dios ī rotimasire gotimasiorimasa. To bajiro īna yituoīaboajaquēne, Espiritu Santo ī ejarēmose rāca yigu, Diore yigure bajiro, “yu ūju” yimasīņujari Ūju David ņamasir’i, ī jānami ī ņaboajaquēne, ado bajise ī yiucajama:

“Yu ūjare ado bajiro yirucami Dios: ‘Yu riojojacatua rujiya maji. Mure īaterāre, “Rojose yitujaya” īnare yu yiro bero, rojose yimasibetirāarāma yuja. To cōrone rotisūrucūja ma’ yirucami Dios, yu ūjare”, yiucomasiņumi David.

³⁷ To bajiri, “ ‘Rotimorūgōrucami’ yigu, Dios ī cōarocu, David ņamasir’i jānami ņarucami” yiucomasire ti ņaboajaquēne, į no yigu ī ūjare bajiro bajigutique? –īnare yiyuju Jesūs.

To bajiro ī yigotisere ajivariquēnaņujarā jājarā masa.

“Rojose tāmūorūarāma Dios ī rotimasire gotimasiorimasa”, Jesūs ī yire queti

(Mt 23.1-36; Lc 11.37-54; 20.45-47)

³⁸ Masare ado bajiro īnare gotimasioņuju Jesūs:

–Dios ī rotimasire gotimasiorimasa bajiro bajibeja maama. Dios ī rotimasire gotimasiorimasa, sudiro yoaquēnariase sāñacōari, masa īna īaro rījoro vacudi variquēnarāma īna. To yicōari, jājarā masa īna rējarūgūrījaurire ejarūgūrāma. Gāji īnare ī bocajama, rūcubūose rāca īnare ī sēnisere ajivariquēnarāma. Dios ocare īna buerivirijure quēne ņamasuri cūmurorire ruji-variquēnarāma īna. ³⁹ Boserūmari ti ņajaquēne, īna barujijama, ņamasuri cūmurorire ruji-variquēnarāma īna. ⁴⁰ Manajua rijaveoriarā ya virire ēmarā ņaboarine, masa īna īaro rījorojua, “ ‘Quēnaro yirā ņaama’ yīiāto” yirā, “Yoaro Diore sēnirā yaja”, yisocarūgūboarāma īna. To bajiro īna yise vaja, gājerā rojorā, rojose īna tāmūose rētoro rojose tāmūorūarāma īna –masare īnare yiyuju Jesūs.

Manaju rijaveorio maioro bajigo ņaboarine, gājoa so säre queti

(Lc 21.1-4)

⁴¹ Diore yirūcubūoriaviju ņacōari, gājoa sāriaju riore rujiyuju Jesūs. Rujicōari, jājarā masa tijure gājoa īna sāñasere īaņuju. Gājoa jairā, jairo sāñujarā. ⁴² To īna yīnarone, sigō, manaju rijaveorio ejacōari, gājoati juaatīne so sāsere īaņuju. Mojoroaca vaja cutītiiri ņaņuju ti. ⁴³ Tire so sāro īacōari, ado bajiro ī buerimasare gotiyuju Jesūs:

–Riojo mware gotiaja yu. Adio maioro bajigo, gājerā rētoro sāmo so. ⁴⁴ Gājoa jairā īna sāboajaquēne, jairo ruycācōaroja īnarema. Soma, so cuose ņaro cōroacane sācōamo –īnare yiyuju Jesūs.

13

“Diore yirūcubūoriavi cagueroca ecorūaroja”, Jesūs ī yire queti

(Mt 24.1-2; Lc 21.5-6)

¹ Diore yirūcubūoriaviju ņar’i, budiasuju Jesūs ī buerimasa rāca. To ī ūmato bajirone, ado bajiro ire gotiyuju ī buerimasa:

–įGotimasiorimasa, īaņa! Quēnarivi ņaja. Gūta quēnase rāca quēnaro quēnoņuma īna –Jesūre ire yiyuju. ² To ī yirone, ado bajiro ire cūdiyuju Jesūs:

–Jairivi ti ņaboajaquēne, ma īarivi ņaro cōrone cagueroca ecorūaroja. To bajiri adi viaye gajea gūta joere gajea jesabeticōarūaroja –ire yiyuju Jesūs.

“Macarūcuro ti jediroto rījoro ado bajiro bajirūaroja”, Jesūs ī yire queti

(Mt 24.3-28; Lc 21.7-24; 17.22-24)

³⁻⁴ Tiju bero, Olivo vāme cuti buro joeju rujiyuju Jesūs. Ti buro riojojua ņaņuju Diore yirūcubūoriavi. To ī rujirone, gājerā īna mano īacōari, ī buerimasa, Pedro, Santiago, Juan, to yicōari Andrés, ado bajiro ire sēniīaņujarā īna:

—¿Divoto cagueroca ecoroti Diore yirucuboriavi? ¿No bajiro ti bajiro ĩacđari, “Jesús e jaguagu yigumi”, yimasirāti yua? ¿No bajiro ti bajiro ĩacđari, “Adi macarucuro jedioto yaja”, yimasirāti yua? —Jesúre yisēniñafujarā ĩna.

⁵ To bajiro ĩna yisere ajicđari, ado bajiro ĩnare cudiyuju Jesús:

—Roorti ñaruarāja mua, “Socarāne, gājerā manire yitoroma” yirā. ⁶ Jājarā yitorā ñaruarāma, “Yune ñaja ‘Rotimorūgđrucumi’ yigu, Dios ĩ cđagū” yirā. To bajiro ĩna yisocasere jājarā masa ĩnare ajisuyaboaruarāma.

⁷ To bajicđari, mua tuana, to yicđari, gajeroana quēne, gājerā rāca ĩna gāmerā ślasere ajiruarāja mua. Tire ajicđari, güibetiruarāja mua. “Bajiruaroja” Dios ĩ yiriarore bajirone bajiruaroja. To bajiro ĩna gāmerā yñaboajaquēne, adi macarucuro jediro me bajiruaroja.

⁸ Cojo sitana gaje sitana rāca gāmerā ślaruarāma. Buto sita saberuaroja. To yicđari, cojo maca me ñioñaruaroja. To bajiri, rojose tāmucosuarāma masa. ĩna tāmucose rēto busaro rojose tāmucoroana yirāma yuja. ⁹ Quēnaro tuoĭama mua: Muare ñejecđari, Dios ocare ĩna bueriviriju ujarā rĭjorojua muare juaáruarāma ĩna. Toju muare bajeruarāma. To yicđari, yu ocare mua gotimasiojare, macari ujarā rĭjorojua muare juaáruarāma ĩna. To yi vanane, ujarā ñamasurā rĭjorojua muare juaáruarāma ĩna. To bajiro muare ĩna yijare, yu oca quēnasere ĩnare gotiruarāja mua. ¹⁰ Tire adi macarucuro ñarā masa ñaro cđrone gotimasiojeo ecoruaroja. ¹¹ Muare ñejecđari, ujarā rĭjorojua muare ĩna juajaro, “¿No bajiro ñagđrāti yua?”, yituoĭarejaibeja mua. “Ñagđña” muare ĩna yiririmarone, Dios ĩ cđagū Espiritu Santo ĩ ejarēnose rāca, “Ado bajiro gotiruarāja yua”, yimasiruarāja mua —ĩnare yiyuju Jesús.

¹² Quēna gajeye ado bajiro ĩnare gotirēmoñuju Jesús:

—Yu yere ajiterāre güiose ĩna yisere ĩaruarāja mua. Śigū rĭa ñaboarine, “ĩnare śĭato” yirā, ñejerotiruarāma ĩna. To yicđari, jacua quēne, “Yua rĭare śĭato” yirā, ĩna rĭare ñejerotiruarāma. ĩna rĭajua quēne, ĩna jacuare ajijūnisinicđari, gājerāre śĭarotiruarāma ĩna. ¹³ Yu ocare mua goticudijare, jediro masa muare ĩateruarāma. To bajiro ĩna yĭboajaquēne, no bojarā yare ajitirānu tujamenarema, rojose tāmucotujabetiriaroja ĩna varoti ñaboarere ĩnare yirēto busarucumi Dios —ĩnare yiyuju Jesús.

¹⁴ Quēna gajeye ado bajiro ĩnare gotirēmoñuju Jesús:

—Adi macarucuro jedirodo, śigū, “Diore rācubobeticđato ĩna” yigu, Dios ĩ bojabetire yirucumi. Diore yirucuboriaviju ĩ ñasere masiruarāja mua. (Yu, Marcos, adi paperare Jesús ĩ gotisere yu ucasere ĩacđari, ajimasifña.) To bajiri Dios ĩ bojabetire ĩ yisere ĩacđari, “Jerusalén maca ti jedirotirāmū cđñoaro bajija”, yimasiruarāja mua. To bajiro bajirirāmū Judea sitana gūtayucujū guaro rudicoajaro ĩna. ¹⁵ Śigū ĩ ya vi joeju jesaguma, rujiacđari, ĩ ya vi jubejaju gajeyejū ñasere juaátimabetirucumi. ¹⁶ Gāji, veseju moañagū, ĩ ye sudire juagu tudiatimabetirucumi, rujarimarone yu ejaroti ñajare. ¹⁷ Rōmia macu śañarū, ũjurā cuorā quēne, rojose tāmucuarāma ĩna, ũmatimabetica yirā. ¹⁸ “Buto oco quedirirāmre bajibeticđato” yirā, Diore sēnicđa ñarūgūña. ¹⁹ To bajiro bajirirāmuri buto rojose tāmucuarāma masa. Adi macarucuro ñasurorāmuri masa rojose ĩna tāmucoadire rēto tāmucuarāma ĩna. Rojose ĩna tāmucoro bero, to bajise rojose tāmucobetiruarāma yuja. ²⁰ “Yoaro mebusane rojose tāmucoto masa” Dios ĩ yibetijama, śigū catirayarocu manibogumi. “Yu yarā ñaña mua” ĩ yirere cudiriarāre ĩamaigū ñari, “Yoaro mebusane rojose tāmucoto ĩna”, yirucumi Dios.

²¹ To bajiro bajirarodorire, “Ānine ñaami ‘Rotimorūgđrucumi’ yigu, Dios ĩ cđar’i. Ejayumi” gājerā ĩna yijama, ĩnare ajibeja mua. To yicđari, gājerājuama, “Tone ñagumi. Ejayuju” muare ĩna yijaquēne, ĩnare ajibeja mua. ²² Jājarā yitorā ñaruarāma, “Yune ñaja ‘Rotimorūgđrucumi’ yigu, Dios ĩ cđagū” yirā, to yicđari, “Diore gotirēto busarimasa ñaja yua” yirā. To bajiro yirā, ĩañañama yĭñuarāma, masare yitorā. To bajiro yiruarāma, “Yu yarā ñaña mua” Dios ĩ yirere cudirā, manijare ajitirānuato” yirā.

²³ Tire muare yu gotimasiosere quēnaro tuoĭaña mua. Ti bajiroto rĭjoro jediro muare gotijeobu yu.

*“Dios ĩ roticđacacu tudiejarucuja yu”, Jesús ĩ yire queti
(Mt 24.29-35, 42, 44; Lc 21.25-36)*

²⁴ Tire rojose ĩna tāmucogajano berone, gaje vāme rojose bajiruaroja. Muju ũmucagu asibetirucumi yuja. Ñamiagu quēne busubetirucumi. ²⁵ Ñocca quēne, vējacuarāma. To yicđari, ũ veyare jediro ñaruararāja. ²⁶ To bajiro ti bajiro, Dios ĩ roticđagū ũ veyaju yu rujiadore ĩaruarāma masa. Yu masise rāca, oco bueri vatoaju yu busatorojiadire ĩaruarāma. ²⁷ To cđrone, “Yu yarā ñaña” Dios ĩ yirere cudiriarāre judoaga soje, jūnaga soje, varuaga soje, gajecacatua varuaga soje ñarā jedirore “Juarēoato” yigu, ángel mesare cđarucuja yu. To yu yijare, yu yarā ñaro cđrone juarēoruarāma ĩna —ĩnare yiyuju Jesús.

²⁸ To yicđari, quēna gajeye ado bajiro ĩnare gotirēmoñuju Jesús:

—Gotimasiore queti muare gotigu yaja yu. Higuera vāme cutiare tuoñaña mua. Higuera vāme cutiricu gajecu bucuamujacōari, jū mameaja. Tire ĩacōari, “Mojoroaca ruajaja cūma ti ejaroti”, yimasiaja mani, jud'io masa. ²⁹ Muare yu gotisere bajiro bajisere ĩacōari, “Mojoroaca ruajaja Jesús i vadiroti”, yimasiruarāja mua. ³⁰ Riojo muare gotiaja yu. Adirodo ñarā mua bajireajediroto rĳoro, muare yu gotirote bajirone bajiruaroja ti. ³¹ Adi macarucuro ñaro cōrone, to yicōari, ð vecaye quēne jedicoaruaroja. To bajiboarine, yu ocama jedibeti muorūgōcōaruaroja.

³² “Ado cōrone ejarucumi Jesús”, yimasigū magūmi. Ángel mesa quēne masimenama ĩna. Dios macu ñaboarine, “To cōro ejarucuja yu”, yimasibeaja yu quēne. Yu jacu sīgūne masigūmi —ĩnare yiyuju Jesús.

³³ —To bajiro bajiroti ti ñajare, roori ñaruarāja mua, “To cōrone tudiejarucumi” yure yimasimena ñari.

³⁴ Quēna yu tudiejaroti ado bajiro bajiruaroja: Sīgū ñagūmi gaje sitaju varocu. Ī varoto rĳoro, ĩre moabosarimasare jirēogūmi. ĩnare jirēocōari, tocārācurene ricati ĩna moarotire ĩnare rotigūmi. To yicōari, soje coderimasare quēne, “Yu tudiejarotire yugu tocārācarāmne quēnaro bocaĩama”, yigūmi. ³⁵ ĩre bajiro bajirucuja yu quēne. To bajiro bajiroti ti ñajare, roori ñaruarāja mua, “To cōrone tudiejarucumi mani uju” yure yimasimena ñari. Rāioriju, ñami gūdaresco, gājabocu ñagōrijū, busurijū yu vadirotire masibeaja mua. ³⁶ Roori ñaruarāja mua, “Mani cāñarone tudiejaromi” yirā. Yure masimenare bajiro bajibeja. ³⁷ To bajise yu gotijama, mua ĩrene gotigu me yaja yu. Masa jedirore tuoĩacōari gotiaja yu. Roori ñaruarāja mua —ĩ buerimasare ĩnare yiyuju Jesús.

14

“¿No bajiro yigu ñaami yitocōari, Jesúre ĩre ñiarāti mani, ĩre sĩaruarā?”, ĩna yire queti (Mt 26.1-5; Lc 22.1-2; Jn 11.45-53)

¹ Juarāmu ruayajuju yuja Pascua boserāmu pan ũmato vauvase vuoyamanire basuoriarāmu. To bajicōari, paia ujarā, Dios i rotimasire gotimasiromasa quēne, ado bajiro gāmerā ñagōñañujarā ĩna:

—Jesúre sĩaruarā, ¿no bajiro yigu ñaami yitocōari, Jesúre ñiarāti mani? —gāmerā yĩñagōñañujarā ĩna. ² —To bajiboarine, boserāmu ñaro ĩre mani sĩajama, tire ĩajūnisinicōari, manire rojose yiborāma masa —gāmerā yĩñagōñañujarā ĩna.

Jesús rujoare sutiquēnase rōmio so yuejeore queti (Mt 26.6-13; Jn 12.1-8)

³ Betania vāme cuti macaju cāmi boagu ñaboar'i, Simón vāme cutigu ya viju ñañuju Jesús. Ti viju Jesús i baruĳirone, sĩgō, gūta sotu alabastro vāme cuti rāca veariaru āmiejayuju so. Sutiquēnase buto vaja cutise, nardo vāme cutise sāñaritu ñañuju tiru, so āmiritu. To bajiri, Jesús tuaca eja, tiru āmuare vĕjeacōari i rujoa joere ĩre yuejeoyuju so. ⁴ To bajiro so yisere ĩacōari, jūnisiniñujarā sīgūri Jesús buerimasa. To bajiro yirāne, ado bajiro gāmerā yiyujarā ĩna:

—ĳairo gājoa yireago yamo! ⁵ Tire ĩsicōari, ĳairo gājoa trescientos denarios rĕtoro bujacōari, maioro bajirāre ejarēmoroti ñaboaja ti —gāmerā yiyujarā ĩna.^k

To bajiro yicōari, sore tud'iyujarā ĩna.

⁶ To bajiro ĩna yiboajaquēne, Jesújuama, ado bajiro ĩnare yiyuju:

—Sore gōjanabiobesa mua. Tire yure so yuejeojama, quēnaro yure yigo yamo. ⁷ Maioro bajirā mua rāca ñacōa ñarĳūñaruarāma. No mua bojarirāmu quēnaro ĩnare ejarēmomasiaruarāja mua. Yūma, mua rāca ñacōa ñabetirucuja. ⁸ Adio, quēnaro so yimasiro cōro yure yamo. Yure sutiquēnase so yuejeojama, yure ĩna yujeroto rĳoro yuejeo rĳoro cutigo yamo. ⁹ Riojo muare gotiaja yu. Yu bajiroti quēnase quetire, adi macarucuroana jedirore gotibatoruarāma masa. To bajirone bajiruaroja sutiquēnase yure so yuejeose queti quēne. So yuejeosere masiritimenane tire gotibatoruarāma —ĩnare yigotiyuju Jesús.

“Jesúre ñiato” yigu, ĩre ĩaterā tujū Judas ĩ goticudigu vare queti (Mt 26.14-16; Lc 22.3-6)

¹⁰ Judas Iscariote vāme cutigu rāca ñarā ñajediro Jesús buerimasa juaāmo cōro, gubo ĳua jĕnituararācu ñañujarā. To bajiboagu, paia ujarā ĩna ñarojore vasuju, Jesúre ĩnare ĩsirocaru. ¹¹ Jesúre ĩ ĩsirocaruasere ajivariquēnacōari,

—Gājoa mure ĩsiaruarāja yua —ĩre yiyujarā ĩna, paia ujarā.

To ĩna yisere ajivariquēnacōari, tudicoasuju Judas. Jesús tujure eĳacōari, “¿Dirĩmaro ũnone Jesúre ĩnare yu ĩsijama, josari mene ĩre ñiamasirojari ĩna?”, yĩtuoñajuju ĩ.

^k 14:5 Cojoarāmu moare vaja, cojo denario vaja cutiyuju.

*Jesús i batúsare queti**(Mt 26.17-29; Lc 22.7-23; Jn 13.21-30; 1 Co 11.23-26)*

¹² Pascua boserámú pan ūmato vauvase vuooyamani basuoriarámú, to yicōari oveja macure ina sīariarámú ejayuju ti. To bajiri Jesús buerimasa ado bajiro ire sēniñañujarā ina:

—Pascua boserámú ñajare, mani barotire, ¿noju bare yua quēnoyusere bojati mu? —Ire yisēniñañujarā.

¹³⁻¹⁴ To ina yijare, ado bajiro inare yicōañuju Jesús:

—Jerusalénju muare yu gotigu ture vasa mua. To mua ejarone, sīgū, oco vagu muare bocarucumi. Ire sayaja mua. To bajicōari, vi i sājarone, ti vi ujure ado bajiro ire yiba: “Gomasiarimasu, ‘¿noju ñati Pascua boserámú adi ñami yu buerimase yu ūmato barotijau?’ mure yicōami”, yiba mua. ¹⁵ To mua yirone, muare iorucumi, vecaga sōa, jairisōa, mame quēnogajanoriasōare. Tone mani barotire quēnoyuba mua —Inare yiyuju Jesús, Inare varotigu.

¹⁶ To i yijare, vacoasujarā ina juarā yuja. To eja, i yiriarore bajirone bajiyuju ti. To bajiri tisōaju ina barotire quēnoyuyujarā ina.

¹⁷ To bajiri Pascua boserámúaye bare bariaju ti ejaro, i buerimasa juaāmo cōro, gubo jua jēnituarirācu ñarā ejacōari, barujiyujarā ina, i rāca. ¹⁸ Ina bañarone, ado bajiro inare yiyuju Jesús:

—Riojo muare gotiaja yu. Sīgū mua rācagu, yu rāca bagu, yure iaterāre yure i sirocarucumi —Inare yiyuju Jesús.

¹⁹ To i yisere ajicōari, buto sūtiritiyujarā ina. Tocārācane sūtiritirā ñari, ado bajiro ire sēniñañujarā ina:

—¿Yune ñabetiboati, mure i sirocarocu? —Ire yisēniñañujarā ina.

²⁰ To bajiro ina yisere ajicōari, ado bajiro inare cūdiyuju Jesús:

—Mua rācagu sīgū, yu rāca yosebagu ñaami yure i sirocarocu. ²¹ Dios oca masa ina ucamasire ti gotirote bajiro rojose tāmūorucuja yu, Dios i roticōacacu. To bajirocu yu ñajare, yure iaterāre yure i sirocarucumi. Yure i i sirocaroti sūrine rojose tāmūorucuja yu. “Masare yirētobosarucumi” Dios i yimasire ñajare, bajirucuja yu. To bajiboarine, yure i sirocarocujama, rojose tāmūorucumi. Ruyuabeticōarocu ñaboayumi —Inare yiyuju Jesús.

²² Ina bañarone, pan āmicōari, “Quēnaja”, Diore yiyuju Jesús. To yigajano, tire mutocōari, i buerimase inare isibatogune ado bajiro inare yiyuju i:

—Baya mua. Ti ñaja yu ruju rii —Inare yiyuju.

²³ Tire ina bagajanorone, idiriabaja āmicōari, “Quēnaro yaja mu”, Diore yiyuju quēna. To yicōari, tibajare inare iñiñuju. Ina jediro idijedicōañujarā ina. ²⁴ Iñigūne, ado bajiro inare gotiyuju Jesús:

—Adi ñaja tirāmūana “Rojose mani yirere masirioato” yirā, Diore rācūbuorāju joere ina yuejeoriarore bajiro bajise. Yucurema, yu ri i ñaja. Ti sūrine, “Gajerodo to bajiro muare yirūcūja yu” Dios i yicūmasiriarore bajiro bajiruarōja yuja. To bajicōari, jājarā masa rojose ina yisere masiriocōari, tuditūoābetirucumi Dios yuja.¹ ²⁵ Riojo muare gotiaja yu. “Rotimūorūgōrucumi” yigu, Dios yure i cūroto rījoro, quēna juaji uye oco idibetirucuja yu —Inare yiyuju Jesús.

*“Jesúre masibeaja yu yirūcūja mu”, Pedrorre Jesús i yire queti**(Mt 26.30-35; Lc 22.31-34; Jn 13.36-38)*

²⁶ To i yiro bero, Diore rācūbuorā, basayujarā ina. Basagajano, Olivo vāme cuti buroju vacoasujarā ina yuja. ²⁷ To ina vatone, ado bajiro inare yiyuju Jesús:

—Adi ñamine yure ajitirānu tajacōari, vaveoruarāja mua jediro. Dios oca masa ina ucamasire to bajiro ti gotijare, to bajise muare gotiaja yu. Ado bajiro gotiaja ti: “Oveja coderimasure bajiro bajigure siarucuja yu. To bajiri i yarā ovejare bajiro bajirā rudibateoaruarāma”, yigotiaja Dios oca masa ina ucamasire, manire gotiro. ²⁸ Yure mua vaveoboajaquēne, yure ina siaro bero, quēna tudicaticōari, Galilea sitaju mua vato bero, yujua, mua rījoro ñatujarucuja —Inare yiyuju Jesús.

²⁹ To i yisere ajicōari, ado bajiro ire yiyuju Pedro:

—Ānoa jediro, mure ina vaveoboajaquēne, mure vaveobetirucuja yuma —Jesúre ire yiyuju.

³⁰ To i yisere ajicōari, ado bajiro ire cūdiyuju Jesús:

—Riojo mure gotiaja yu. Adi ñami busiyujua gājabocu juaji i ñagōroto rījoro, idiaji, “Jesúre masibeaja; i rācagu me ñaja yu”, yisocarucuja mu —Pedrorre ire yiyuju i.

³¹ To bajiro i yisere ajicōari, ado bajiro cūdiyuju Pedro:

—Mu rāca yure ina siarūajaquēne, “Jesúrācagu me ñaja yu”, yisocabetirucuja yu —Jesúre yiyuju Pedro.

¹ 14:24 “Rojose mani yirere masirioato” yirā, Diore rācūbuorāju joere judío masa ina yuejeomasirere gotiaja.

To bajiro Pedro i yisere ajicōari, gājerā Jesús buerimasa quēne, to bajiro yijedicōañujarā ina.

Getseman'i vāme cutoju Jesús i jacure i sēnigū vare queti
(Mt 26.36-46; Lc 22.39-46)

³² To ina yiro bero, Getseman'i vāme cutoju inare ūmato vasuju Jesús. Toju ejacōari, ado bajiro inare gotiyuju:

—Diore sēniguacu yaja yu. To yu vatoye, ado rujicōaña mua maji —Inare yiyuju i.

³³ To yigajanogūne, Pedrorre, Santiagore, to yicōari Juanre quēne ji vasuju Jesús. To vacu, buto tuoīasutiritiyuju i yuja. ³⁴ To bajiro bajigu ñari, ado bajiro yiyuju Jesús i rāca variarāre:

—Buto tuoīasutiritiaja yu. Sūtiosene yure sīaro yaja. Adone yure yuñaña maji. Yu cānibetore bajirone cānibeja mua quēne, Diore sēniñarā —Inare yiyuju Jesús.

³⁵ To yicōari, to sojuabusa varēmoñuju Jesús. Va, sita tūcuroju mucocacūcōari, Diore sēniñuju i, “Yure ina sīarotire yure matabosato i” yigu. ³⁶ Ado bajiro Diore sēniñuju i:

—Cacu, ñajediro yimasigū ñaja mu. Yure ina sīaroti matamasiaja mu. To bajiboarine, mu bojarore bajirone bajiato —Diore yiyuju.

³⁷ To yigajano, Pedro mesa ina cānitojene ina taju ejayuju. Inare yujiogune, ado bajise Pedrorre ire yiyuju Jesús:

—¿Simón, cāniati mu? ¿No yirā cojo hora cōro cānibetibusarāne, yure yuñabetimasucōati mua?

³⁸ Yu cānibetore bajirone cānibesa mua quēne. To bajicōari, Diore sēniña, “Vātia uju Satanás i yirotsere yicōari, Dios i bojabetire yirobe” yirā. Riojo muare masiaja yu. “Dios i bojasere yirūcūja” yirā ñaboarine, cojojirema rojose tuoīarā ñari, Dios i bojabetijure yirūgūaja mua —Pedro mesare inare yiyuju Jesús.

³⁹ To yicōari, gāme vacu, Diore i sēniriarore bajirone tudisēniñuju i quēna. ⁴⁰ To yigajano, vacune, cāniriarāre inare ejayuju quēna. Buto vūjaerā ñari, cāniñujarā ina. To bajiri rījoro inare i yiriarore bajiro inare i sēniñaro, ñe cudimasibesujarā ina. ⁴¹ To bajiro inare yigajanocōari, Diore sēnigū vasuju Jesús quēna. Diore sēnigū var'i, tudiejacōari, inare yujiyuju:

—¿No yirā cāni manicōati mua maji? Ado cōrone, Dios i roticōacacure, rojose yirāre yure iñirocarocu vadicoagumi yuja. ⁴² To bajiri yujiya mua. Ire bocarā vajaro. Yure iñirocarocu vadiami yuja —inare yiyuju Jesús.

Jesúre ina ñiare queti
(Mt 26.47-56; Lc 22.47-53; Jn 18.2-11)

⁴³ To bajiro Jesús inare i yñarirīmarone, Judas Iscariote vāme cutigu, Jesús buerimasa rācagune vayuju yuja. Jājarā i rāca vayujarā jariaseri cuorā, gājerā yucājuriri cuorā. Paia ujarā, Dios i rotimasire gotimasiormasa, to yicōari bucarā quēne ina cōariarā ñañujarā ina.

⁴⁴ Jēre ado bajiro goti vayuju Judas, i rāca vanare, “ Ine ñaami Jesús' yīamasiato ina” yigu:

—Jesúre sēnicōari, ire usurucuja yu. To yu yirone, ire ñiacōari, quēnaro ire iñirānu vaja mua —inare yi vayuju.

⁴⁵ To bajiro yir'i ñari, Jesús rījorojua ejacōari, ado bajiro ire yiyuju Judas:

—Gotimasiormasa, ¿ñati mu? —Ire yigune, usuyuju i.

⁴⁶ To i yirone, Jesúre ire ñañujarā Judas rāca vadiriarā.

⁴⁷ To ina yirone, sigū Jesús tu rāgōgū, i jariase yoveaāmicōari, paia uju ñamasugūre moabosarimasure gāmoro jatarocacōañuju. ⁴⁸ To i yiro bero, ire ñiarā ejarāre ado bajiro yiyuju Jesús:

—¿No yirā gajeyeūni juarudirimasure ñiarā vanare bajiro jariaseri rāca, yucājuriri rāca yure ñiarā vadiati mua? Tocārācārūmune Diore yirūcubuoariaviju mua ñaro muare gotimasio rujirūgūmu yu. To yu bajiboajaquēne, yure ñiabetirūgūmu mua maji. ⁴⁹ Diore gotirētobosarimasa, ado bajiro yure mua yirotsere ucamasifūma. To bajiri, to bajirone yure yaja mua —inare yiyuju Jesús, ire ñiarā ejarāre.

⁵⁰ Jesúre ina ñiasere iacōari, ūmarudijedicoasujarā ina, i buerimasa jediro. ⁵¹ To ina bajiboa-jaquēne, gāji mamū, Jesúre ina āmivatone, inare suyasuju i. Sudijāirine gūmañuju. To i bajirone, ire ñiaboayujarā ina, Jesúre āmivana. ⁵² Ire ñiaca yirā, i gūmaritore tūaveacōañujarā. To ina yigu, sudi magūne ūmacoasuju.

Jud'io masa ujarā, “Mu masu ye suorine sīacocucuja mu”, Jesúre ina yire queti
(Mt 26.57-68; Lc 22.54-55, 63-71; Jn 18.12-14, 19-24)

⁵³ Jesúre ñiacōari, paia uju ñamasugū taju ire āmiasujarā. Toju rējacōari, ñañujarā paia ujarā, Dios i rotimasire gotimasiormasa, to yicōari bucarā quēne. ⁵⁴ Jesúre ina āmivato, sōju yayīasuyayuju Pedro. Inare yayīasuyacōari, paia uju ñamasugū ya vi matariasānoro rētosājacoasuju. Sājacōari, Diore yirūcubuoariavi coderimasa rāca rujiyuju i, jea sūmañagū.

⁵⁵ Paia ujarā, to yicōari gājerā ujarā, ĩna jediro Jesúre sĭarauyujarā. To bajiro yirā ĩari, “Rojose masu yigu ĩaami Jesús” yisocarona macaĩujarā. ⁵⁶ Jājarā masa socarāne ĩna gotiboajaquēne, ricati rĭne ĩna yise ĩajare, “To bajiro ĩ yire ĩajare, ĩre sĭaroti ĩaja”, yimasibesujarā ĩna maji. ⁵⁷⁻⁵⁸ To bajiboarine, sĭgāri vāmūrūgūcōari, ado bajiro yisocayujarā ĩna:

—Āni Jesús vāme cutigu ĩ ĩagōmāsise ajĭbu yua. Ado bajiro yimasimi: “Diore yirūcuboriavire caguerocōcōari, idiarūmu tusatirūmune quēna gaje vi masa ĩna quēnorivi mere quēna tudibuajeocōarucāja”, yimasimi ĩ —yisocayujarā ĩna.

⁵⁹ To bajiro yisocarā ĩaboarine, tocārācu ricati rĭne gotiboayujarā ĩna. To bajiro ĩna yise ĩajare, “Ī ye suorine rojose tāmōrucāmi”, Jesúre yimasibesujarā ĩna maji.

⁶⁰ To bajiro ĩna yisocaboajaquēne, paia uju ĩamasugū, vāmūrūgūcōari, ado bajiro Jesúre yiyuju:

—To bajiro mure ĩna yi ocasāsere ĩno bajiro yati mu? ĩcudibeati mu? —Jesúre ĩre yiboayuju.

⁶¹ To ĩ yiboajaquēne, cojo vāme cudibeticōaĩuju. Ī cudibetire ĩacōari, ado bajiro Jesúre sēnĭĭaĩuju paia uju ĩamasugū quēna:

—ĩ“Rotimūrūgōrucāmi” yigu, Dios ĩ cōar'ine, Dios macāne ĩati mu? —Jesúre yisēnĭĭaĩuju paia uju ĩamasugū.

⁶² To bajiro ĩ yisere ajicōari, ado bajiro ĩre cūdiyuju Jesús:

—Īne ĩaja yu. To bajiri, Dios ĩ roticōacacu ĩari, ĩ riojocatua rujicōari, masare beseguagu, oco bueri vatoaju yu rujiadire ĩaruarāja mua —paia uju ĩamasugūre yiyuju Jesús.

⁶³ To ĩ yirone, “Jesús ĩ yisere ajiteaja” yigu, ĩ sudire tūavoyuju paia uju ĩamasugū. To yigūne, ado bajiro ĩ rācanare yiyuju ĩ:

—ĩ“Diore bajiro bajigu ĩaja yu” yigu yami! No yirā gājerā, “Rojose yigu ĩaami” yironare macarēmomenaja mani yuja. ⁶⁴ Mua quēne Diore rūcubobecu ĩ yisere ajiaja mua. To bajiro ĩ yise ajicōari, ĩno bajiro ĩre yiroti ĩati? —ĩ rācanare yiyuju paia uju ĩamasugū.

To bajiro ĩ yisere ajicōari, ado bajiro ĩre cūdiyujarā:

—Rojose masu yicōami. ĩre sĭacōaroti ĩaja —yicūdiyujarā ĩna.

⁶⁵ To yicōari, sĭgāri, Jesúre gooco eoreatuyujarā ĩna. To yicōari, ĩ cajere siabibecōari, ĩre jayujarā. To yicōari,

—“Ī, mure jaami’ yare yigotiami Dios”, yare yiya mu —ĩre yiajatud’yujarā ĩna.

Diore yirūcuboriavi coderimasa quēne, ĩre jayujarā ĩna.

“Jesúre masibeaja yu”, Pedro ĩ yire queti

(Mt 26.69-75; Lc 22.56-62; Jn 18.15-18, 25-29)

⁶⁶ Vi jubeaju Jesúre rojose ĩna yĭnarone, macajūma ĩacōaĩuju Pedro. To ĩ ĩarone, sĭgō, paia uju ĩamasugūre moabosarimaso, ejayuju so. ⁶⁷ Pedro ĩ jea sūmaĩaro ĩre ĩacōari, ado bajiro ĩre yiyuju so:

—Jesús, Nazaret macaju rāca vacudir’i ĩagūja mu quēne —ĩre yiyuju so.

⁶⁸ To bajiro so yisere ajicōari, ado bajiro yiyuju Pedro:

—“Riojo yaja mu”, mure yimasibeaja yu. Mure ajimasibeaja —sore yiyuju Pedro. To bajiro yicōari, matariasāniro sājariosoje tu vasuju Pedro. ⁶⁹ To ĩ ĩasere ĩacōari, quēna soje tu ĩarāre ado bajiro gotiyuju so, moabosarimaso:

—Āni, Jesúrāca vacudir’i ĩaami —yiyuju, ĩnare gotigo.

⁷⁰ To bajiro ĩnare so yisere ajicōari, quēna, —ĩre masibeaja yu —yiyuju Pedro.

To so yiro bero, to ĩarā ado bajiro Pedrore yiyujarā ĩna:

—Riojo yaja. Jesúrāca vacudirūgūgūne ĩaja mu quēne. Mu quēne Galilea sitagu ĩaja mu —Pedrore yiyujarā ĩna.

⁷¹ To bajiro ĩna yisere ajicōari, ado bajiro cūdiyuju Pedro:

—ĩre masibeaja yu. Socu me yaja yu. Socabetimasucōaja. Dios, yare ajigūmi —ĩnare yicūdiyuju Pedro.

⁷² To bajiro ĩ yigajanorirĭmarone, gājabocu juaji ĩagōcōaĩuju yuja. Ī ĩagōsere ajicōari, Jesús ado bajiro ĩre ĩ gotirere masibujayuju Pedro yuja: “Gājabocu juaji ĩ ĩagōroto rĭjoro idiaji, ‘Jesúre masibeaja yu’ yirūcūja mu” ĩre ĩ yirere masibujayuju. Tire masibujacōari, bato otiyuju.

15

Pilato tuju Jesúre ĩna āmiejare queti

(Mt 27.1-2, 11-14; Lc 23.1-5; Jn 18.28-38)

¹ Busurocacūse rāca bucūrā, paia ujarā, to yicōari Dios ĩ rotimasire gotimasiorimasa quēne, ujarā ĩajediro tudirējaĩujarā ĩna. To bajicōari, Jesús āmorire siacōari, ĩre āmiasujarā ĩna, Pilato vāme cutigu ya viju vana. To bajiri ĩ ya viju Jesúre āmiejayujarā ĩna. ² Jesúre ĩna āmiejarone, ado bajiro ĩre sēnĭĭaĩuju Pilato:

—¿Mune ñati jud'io masa uju? —Íre yiyuju Pilato.

To bajiro í yisere ajicōari, ado bajiro íre cadiyuju Jesús:

—Mu yirore bajirone bajiaja yu —íre yiyuju Jesús.

³To í yirone, paia ɛjarā,

—Cojo vāme me rojose yigu ñaami. Ado bajise rojose yimi —Pilatore yi ocasāñujarā paia ɛjarā. ⁴To bajiro Jesúre ína yi ocasāsere ajicōari, ado bajiro Jesúre sēniñaju Pilato:

—¿No yigu cūdiceati mu? ¿Cojo vāme me, rojose mare ína yisere ajibeati mu? —Jesúre yiyuju Pilato.

⁵To bajiro íre í yisēniāboajaquēne, íre cūdiceatōañuju Jesús. Í cūdiceatire íacōari, no yimasibesuju Pilato, íre bajiro bajigare íabetirūgūr'i ñari.

“Jesúre sīaroti ñaja”, ína yire queti

(Mt 27.15-31; Lc 23.13-25; Jn 18.38-19.16)

⁶Tocārāca cūma Pascua boserāmu jud'io masa ína quēnojama, sīgū tubibe ecor'ire ína burotigare ínare bubosarūgūñuju Pilato. ⁷Tubiberiaviju ñarā, “Gobierno í rotiboasere cūdiceatōari, mani masu rotirāsa” yirā rācagu ñañuju Barrabás vāme cutigu. Í babarā rāca rojose yicōari, masare sīañuju í. To bajiro í yire vaja tubiberiaviju ñañuju í. ⁸To bajiri jājarā masa Pilato tujū ejacōari, ado bajiro íre sēniñujarā ína:

—Yuare mu yibosarūgūcatore bajiro yiya quēna —íre yisēniñujarā ína.

⁹To bajiro ína yisere ajicōari, ado bajiro ínare sēniñaju Pilato:

—¿Ñimujuare yu busere bojati mua? ¿Jud'io masa ujure yu busere bojati que mua? —Ínare yisēniñaju Pilato. ¹⁰“Jesúre íajūnisinirā ñari, yu tu āmiejama” yitūoīagū ñari, íre buru, to bajiro yiyuju.

¹¹To bajiro í yiboajaquēne, masare to rējarāre rījorojone ínare ocasācōañujarā paia ɛjarā, “Barrabájūare burotito mani” yirā. ¹²To bajiri Barrabāre ína burotijare, quēna ínare tudisēniñaju Pilato:

—To yijama, ¿no bajiro yiguti yu, Jesúre, “Jud'io masa uju ñaami” mua yigūjuarema? —Ínare yisēniñaju.

¹³To í yirone, ado bajiro íre avasācūdiyujarā:

—Yucátēroju íre jajusīaroticōaña mu —íre yiyujarā ína, Pilatore.

¹⁴To ína yijare, ado bajiro ínare sēniñaju Pilato:

—¿Ñie rojose í yire suori íre sīarotiguti yu? —Ínare yiyuju Pilato.

To í yiboajaquēne, quēna butobusa tudiasasāñujarā ína:

—Yucátēroju íre jajusīaroticōaña —yivasasāñujarā ína.

¹⁵To bajiro ína yijare, masa to rējarā ína bojarore bajiro yirūagu ñari, Barrabāre bucōañuju Pilato. Jesújuarema, í surarare ísiñuju, “Íre bajecōari, yucátēroju jajusīato ína” yigu.

¹⁶To bajiri ína ya vijū, Jesúre āmiejayujarā surara mesa. Íre āmiejacōari, ína jediro íre gānibiarūgūñujarā. ¹⁷To yicōari, “Ujure bajigu ñato” yirā, ɛjarā ína sāñarito ūnore, sūarivujorore Jesúre sāñujarā. To yicōari, í rujoa joere jotabedo ína suariabedone íre jeoyujarā. ¹⁸To bajiro íre yicōari, ado bajiro íre yiajatud'iyujarā:

—Jud'io masa ujure mare quēnarotiaja yua yuja —Jesúre yiyujarā ína.

¹⁹To yicōari, yucū rāca í rujoare jayujarā. Íre jacōari, gooco íre eoreatuyujarā ína. To yicōari, “Mare rūcubuoaja” yiajatud'irā, í rījorojua gusomuniari tuetuyujarā. ²⁰To bajiro íre yigajanocōari, ɛjarā ína sāñarito ūnore ína sārīarore íre veayujarā ína quēna. To yicōari, í sudijua íre sāñujarā quēna. Íre sudi sāgajanocōari, yucátēroju íre jajusīaroana, íre āmiasujarā.

Yucátēroju Jesúre ína jajusīare queti

(Mt 27.32-44; Lc 23.26-43; Jn 19.17-27)

²¹Íre āmivanane, sīgū Cirene vāme cuti sitagu, Simón vāme cutigure, Alejandro, to yicōari, Rufo, ína jacure bocayujarā. Íre bocacōari, —Jesús í gaja vatijāire íre gajabosaya —íre yi vasujarā ína.

²²To yi vanane, Gólgota vāme cuti buroju ejayujarā ína. “Rujoco Buro” yire ūni ñañuju “Gólgota” yire. ²³Toju ejacōari, uye ocore, mirra vāme cutire rāca vuocōari, Jesúre íre loyujarā ína. “Íre jūnise jūni ruyubeticōato” yirā, yiboayujarā. Idibesuju Jesújuama. ²⁴To yicōari, yucátēroju Jesúre jajutuyujarā ína. To yicōari, Jesús ye sudire bojarā, ado bajiro yiyujarā:

—Ñimujua āni sudi í ɛjaro íñarāsa mani —yiajeyujarā, gūtarine reacūñarāne. To bajiro yiajecōari, í ye sudi gāmerā ísibatoyujarā ína.

²⁵Muiju asitutuatiñju íre jajutuyujarā ína. ²⁶Jesús í tuyaritērojure í rujoa vecare ucaturiaju tuyayuju. “Ado bajiro í yise suorine jaju ecoami”, yīorijū ñañuju. Ado bajise gotiyuju: “Āni ñaami jud'io masa uju”, yigotiyuju ti.

²⁷ Jesúrāca juarā, jaju ecoyujarā ĩna. Gajeyeũni juarudirimasa ñañujarā. Sīgāre Jesús riojocatuare, gājirema ĩ gācojatuajuare jajutuyujarā. ²⁸ To bajiro Jesúre yiyujarā, Dios oca masa ĩna ucamasire, “ ‘Rojorā rācagu ñaami’ ĩre yĩaruarāma masa”, Jesúre yimasire ñajare. ²⁹⁻³⁰ Masa rētoana, ĩna rujoari yure, yure yiyujarā, “Jaju ecor’ire ĩre ĩateaja” yirā. To yicōari, ĩre ajatud’iyujarā ĩna:

—“Diore yirācuburiavire caguerocamasija ya. To yicōari, idiarũmu tusatirũmũne buajeocōamasija”, yiboacaju mu. Socu me mu yijama, mu yimasise rāca mu masune yucātērojare rujicoaya —Jesúre ĩre yiajatud’iyujarā ĩna.

³¹ Paia ujarā, Dios ĩ rotimasire gotimasiorimasa quēne, to bajirone Jesúre yiajatud’i ñañujarā ĩna. Ado bajiro yiyujarā:

—Gājerārema catiogu ñaboarine, ĩ masu rojose ĩ tãmuoserema yirētomasibeami —yiajatud’i ñañujarā ĩna. ³² —“Rotimurōgōrucumi” yigu, Dios ĩ cōagũ, Israel ñamasir’i jānerabatia mani uju ñaami. To bajiri yucātērojare rujicoadiato. To bajiro ĩ bajiro ĩacōari, “ĩne ñaami”, yimasiruarāja —yiajatud’iyujarā. Juarā Jesúrāca yucātēroju jaju ecoriarā quēne, to bajirone Jesúre yitud’iyujarā ĩna.

Jesús ĩ usatadre queti

(Mt 27.45-56; Lc 23.44-49; Jn 19.28-30; He 9.1-28)

³³ Ĕmurecaji ñarone, rētiacoasuju yuja. Idia hora rētiañañuju. ³⁴ To cōro ti rētiatusatone, jud’io masa ye rāca ado bajiro tutuaro avasāñuju Jesús:

—Eloi, Eloi, ¿lema sabactani? —yivasāñuju. (“Dios, yu jacu, ¿no yigu yure cãmotadiati mu?” yire ũni ñañuju ti.)

³⁵ Sīgũri toju ñarā, to bajiro ĩ yivasāsere ajicōari, ado bajiro yiyujarā ĩna:

—¡Ajija mua! Diore gotirētobosarimasu El’ias ñamasir’ire jigu yami —yiyujarā ĩna.

³⁶ To bajiro Jesús ĩ yivasārone, sīgũ, Jesús tu ũmaejacōari, uye oco jiarere ñabiabacōari, yucú gajaju siatucōari, Jesús rise tujare ñumotuyuju. To yigune, ado bajiro ĩ rācanare yiyuju ĩ:

—Ñagōbesa mua maji. El’ias ñamasir’i ānire ĩ rujiosere ĩato mani —yiyuju ĩ.

³⁷ Tutuaro avasātusa, usatadicoasuju yuja. ³⁸ Tirĩmarone, Diore yirācuburiavi yotoria gasero vorujjedicoasuju ti. “ ‘Dios ĩ ñarisōa’ vãme cuti sōare sãjamasibeama masa” yirā, ĩna yotoria gasero ñañuju.

³⁹ Jesús ĩ usatadiro, ĩ rĩjorojua ĩarũgōñuju surara uju. To bajiri Jesús ĩ usatadisere ĩacōari, ado bajiro yiyuju ĩ:

—Socabesumi. Dios macune ñaboayumi āni —yiyuju ĩ.

⁴⁰⁻⁴¹ Galilea sitaju Jesúre suyavadiriarā rōmiri quēne sōju ĩarũgōñujarā. ĩna ñañujarā ĩ ejarēmoriarā. ĩna rāca ñañuju Mar’ia Magdalena. Gajeo Mar’ia vãme cutigo quēne ñañuju. Sone ñañuju Santiago Mojogũ ĩna yigu, to yicōari, José vãme cutigu jaco. Gajeo, Salomé vãme cutigo quēne ñañuju. Gājerā jājarā ñañujarā Jesúre suyavadiriarā rōmiri, Jerusalénju ĩ rijarere ĩariarā.

Jesúre ĩna yujere queti

(Mt 27.57-61; Lc 23.50-56; Jn 19.38-42)

⁴²⁻⁴³ Arimatea macagu, José vãme cutigu quēne, ñañuju. Jud’io masa ujarā rācagu, masa ĩna ĩarācubuoju, “ ‘Rotimurōgōrucumi’ yigu, Dios ĩ cōar’i ñaami”, Jesúre yituoĩagũ ñañuju. Tirũmjuama jud’io masa ĩna ususājariarũmu rĩjoroagarũmu rãiorotirũmu rĩjoroaca ñañuju. To bajiri José, Jesús ĩ rijatore ĩacōari, “Jesúre rācubuoju ñaja yu” yituoĩatutuacōari, Pilatore sēnigũ vasuju, Jesús rujurire āmiru.^m

⁴⁴ Pilatojua, José ĩ sēnisere ajicōari, “¿Socabeati? ¿Jēre rijacoasujari ĩ?”, yituoĩañuju. To yigu ñari, surara ujure jiyuju. To bajiri ĩ ejarone,

—¿Rijamasucoati Jesús vãme cutigu? —ĩre sēniñañuju ĩ.

⁴⁵ To ĩ yisere ajicōari, —Jēre rijacoami —ĩre yicadiyuju ĩ, surara uju.

To ĩ yirone, José ĩ sēnirone bajirone ĩre cadiyuju Pilato. ⁴⁶ To ĩ yir’i ñari, sudijāiri botiquēnarĩjāiri rāca Jesúre ĩ gũmarotijāĩre vaja yicōari, ĩ rujurire rujiogu vasuju. ĩre rujiocōari, ĩre gũmañuju, tijāiri rāca. To yigajanocōari, masa yujerĩavi gũtavi mame ĩ quēnorotirĩaviju ĩ rujurire cũñuju. To yicōari, ti vi sojere gũtane tũnuobibecũ vacoasuju ĩ. ⁴⁷ Mar’ia Magdalena, to yicōari gajeo Mar’ia, José vãme cutigu jaco quēne, Jesús rujurire José ĩ curo ĩañañujarā ĩna.

16

Jesús ĩ tudicature queti

(Mt 28.1-10; Lc 24.1-12; Jn 20.1-10)

^m 15:42-43 “Ususājariarũmure yirā, ĩna moatusariarũmu rãioato bero ñasuoaja”, yirũgũñujarā judio masa. To bajiri, quēnoveo jecōarũgũñujarā ĩna ususājariarũmu ejaroto rĩjoro, tirũmure “Moamenane ususājacōa ñarāsa” yirā ñari.

¹ ʘsusājararāmu ti jediro, quēna moasuoriarāmu jējuaca Mar'ia Magdalena, gajeo Mar'ia, Santiago jaco, to yicōari Salomé vāme cātigo quēne, sātiquēnase vaja yiyujarā ina, “Jesús rujare turāsa mani” yirā. ² To yicōari, muiju ī busumajado, Jesús rujarire ina yujeriarive iarā vasujarā ina. ³ Vanane,

—ǃNimu űarōjari, yujeriarivi gūta ina biberiare manire tūnuogobosarocu? —gāmerā yiyujarā ina.

⁴ Ejacōari, ina iajama, gūta tūnuo bibeboariaro mañuju. ⁵ Jairicaro ñañuju. To bajiri ti vi sājacōari, sīgū āngel ī rujisere iañujarā ina. Sudiro botiriase yoariase sāñacōari rujiyuju riojojacatuajuare. Buto güiyujarā ina. ⁶ To ina bajirone, ado bajiro inare yiyuju ī:

—Gūibesa mua. Jesús Nazaret macagure, yucátēroju ina jajusīamasigūre mua macasere masiaja yu. Maami adojure. Tudicaticoami. Īre ina cūmasirijure iaña mua. ⁷ Vasa mua. Ī buerimasare ado bajiro inare gotiaya: “Mani rījoro Galilea sitaju varocu ñañuju. Toju Īre tudīaruarāja mani, ī goticatore bajirone”, inare yigotiaya mua —inare yigotiyuju āngel.

⁸ To ī yisere ajicōari, Jesure ina yujeboariavijū budicōari, güirā űari buto nanañujarā. To bajicōari, gājerāre gotimene űmacoasujarā ina.

Mar'ia Magdalenare Jesús ī ruyuaōire queti
(Jn 20.11-18)

⁹ Tirāmu, Jesús ī tudicatararāmu, ti semana űasnorirāmu ñañuju ti. Busuriju jēju quēna tudicaticōari, Mar'ia Magdalenare rījoro ruyuaōiñuju ī. Cojomo cōro gaje āmo jua jēnituarirācu so usujū sāñariarāre vātiare ī bureario ñañuju so. ¹⁰ Jesús ī tudicatisere iacōari, ī buerimasare Īre tuoīasutiriti otirāre gotigo vasuju so. ¹¹ Īna tu ejacōari ado bajiro yiyuju so:

—Quēna catiami Jesús. Īre ĩamu yu —Īnare yiyoayuju so.

So gotisere ajiboarine, “Riojo gotiamo”, yibesujarā ina.

¹² Bero, ī buerimasa juarā Jerusalénju budicōari ina vacudirone, inare ruyuaōiñuju Jesús quēna. Gājire bajigu ñacōari, inare ruyuaōiñuju. To bajiri, Īre ĩamasibesujarā ina maji. ¹³ “Jesús ñaami” yīāmasicōari, tudiasujarā ina, gājerā ī buerimasare gotirā vana. Īna gotiboajaquēne, “Riojo gotiama”, yibesujarā ina quēne.

“Ado bajiro yu oca masare gotimasiōnarāja mua”, Jesús ī yire queti
(Mt 28.16-20; Lc 24.36-49; Jn 20.19-23)

¹⁴ To yiro bero, cojorāmu ī buerimasa juāāmo cōro, gabo coja jēnituarirācu ñarā ĩna barurijone, inare ruyuaōiñuju Jesús quēna. Īnare ruyuaōicōari, ado bajiro inare gotiyuju Jesús:

—Yu tudicatiro bero, gājerāre yu ruyuaōisere iacōari, muare ina gotiboasere, “Riojo gotiama”, yituoīabeju mua. “Īere masiaja” yirāre bajiro tuoīaboabu mua. Tuoīavasoaaruabeju mua —Īnare yigotiyuju Jesús. ¹⁵ To bajiro yicōari, quēna ado bajiro inare rotiyuju Jesús:

—Masa jedirore yu ocare inare goticudīruarāja mua, “Ajitirānuato” yirā. ¹⁶ No bojagure, yu ocare ajitirānucōari, oco rāca bautizarotigure, “Rojose maja” Īre yīācōari, rojose tāmuotujabetiraroju ī vaborotire Īre yirētobosarucuja yu. To bajiboarine, no bojagu yu ocare ajitirānubecarema, rojose ñacōaruaroja Īre. To bajiri rojose tāmuotujabetiraroju varucumi ī űgūma —Īnare yigotiyuju Jesús. ¹⁷ —Yure ajitirānurā, ado bajiro yiruarāma ĩna: Yure ajitirānurā űari, yu masise suorine masa usuriju sāñarāre vātiare burearuarāma. To yicōari, ĩna masibeti oca ñaboaserene ñagōruarāma. ¹⁸ Āñare ina ñiaboajaquēne, to yicōari, oco jūnise vuore ĩna idiboajaquēne, no bajibetoja ĩnare. Diore sēnicōari, rījarāre āmo ñujeoruarāma. To to ĩnare ĩrone, caticoaruarāma —Īnare yiyuju Jesús.

Dios ī ñaroju Jesús ī mujare queti
(Lc 24.50-53)

¹⁹ To ī gotiro bero, Dios ī ñaroju mani űju Jesure āmimuja vasuju Dios. Īre āmimuja ejacōari, riojojacatuajuare Īre rojoyuju Dios. ²⁰ To ī mujaro bero, masa ñajedirore Dios oca goticudirā vasujarā ina Jesús ī buerimasa yuja. To bajiro ina goticudisere iacōari, mani űju Jesús ĩnare ejarēmoñuju, “Īnare quēnaro ajitirānuato” yigu. To bajiri ī ejarēmose rāca ĩaīñamani masare yīōñujarā ina quēne.

To cōrone ñaja.

Evangelio según SAN LUCAS

¹ Teófilo, ¿ñaboati mu? Jesús i bajire queti mre ucabosagu yaja yu. Jājarā masa Jesús i bajire quetire ucayuma ina. ² Jesús buerā, yuare ina goticatore bajirone ucayuma. ³ To bajiri, yu quēne, ti queti jedirore quēnaro buecōari, tire mre ucabosagu yaja yu. ⁴ “Ti quetire quēnaro masijeocōato” yigu, mre ucabosaja.

Oco rāca masare bautizarimasu Juan vāme cutigu, i ruyuare

⁵ Judea sitana uju, Herodes vāme cutigu i ñarirodo ñañujarā Zacar'ias, i manajo Isabel vāme cutigo rāca. Zacar'ias, Ab'ias ñamasir'i jānami ñari, pai ñañuju i. I manajo quēne pai, Aarōn ñamasir'i jāneño ñañuju so. ⁶ Dios i iajama, quēnarā ñañañujarā ina jwarājune. I rotirore bajirone yiyujarā ina. Masa quēne, “Rojose yirā ñaama ina”, ñare yimasibesujarā. ⁷ Rīa mana rīne bucārā ñacoasujarā ina. Buto rīa cutiruarūgūboayujarā, bajirājuma.

⁸⁻⁹ Cojorāmu Diore yirūcuboriviju moañañuju Zacar'ias, i yarā rāca. Ina yirūgūriarore bajiro yiyujarā: “Ñimūja ‘Dios i ñarisōa’ vāme cuti sōaju i sājaro ñañarāsa mani” yirā, reacñañujarā, gatarine. To yigajanocōari, “Zacar'ias ñaami, tisōaju sājarcu” yimasicōari, ĩre sājartoyujarā ina.

–Quēnase sutisere bueaya mu –ĩre yiyujarā ina.

To bajiri, tisōaju sājajecōari, bueyuju i, Zacar'ias. ¹⁰ Tire i buetoyene, macajūju ñacōari, jājarā masa Diore sēniñañujarā ina. ¹¹ To bajiri quēnase sutise i bueñarone, i bueñaricasabo riojocatuajuare ruyuarūgūuju āngel. ¹² To i bajirone ĩre ñacacoasuju Zacar'ias. To bajicōari, buto ĩre gūiyuju. ¹³ To i bajirone, ado bajiro ĩre gotiyuju āngel:

–Yuare gūibesa mu. Dios ĩre mu sēnirūgūesere mre ajami. To bajiri, ado bajiro mre yicōami: “Macu cutirucocomo so, i manajo. Juan ĩre vāme yato”, mre yimi Dios –ĩre yigotiyuju āngel.

¹⁴⁻¹⁷ To yigajano, ado bajiro ĩre gotirūtuasuju, Zacar'iare, i macu ñarocu i bajirore gotigu:

–Mu macu ñarocure Juanre ĩre ĩacōari, “Yuare quēnaro rucubuoami”, yirucami Dios. Ado bajiro bajirucami mu macu: I jacore sāñagūjarene, Esp'iritu Santore cōarucami Dios, Esp'iritu Santo i ejarēmose rāca tūoiacōari, Dios i bojarore bajiro Juan i yirūgūrotire yigu. Masa rojose ina tāmūborotire ĩnare yirētobosacōari, “Rotimūorūgōrucami” yigu, Dios i cōarocu, Cristo i ruyuaroto rījoro ruyuarucami mu macu. Idire mecūosere, to yicōari, vinore quēne idibetirucami. I sūorine jājarā Dios i bojarore bajiro tuditūoiaruarāma Israel ñamasir'i jānerabatia. Diore gotirētobosamasir'i El'ias vāme cutimasir'ire bajiro masare gūitūoiabecune gotimasiorucami. Jacua ina rīare “Tudimalato ina” yigu, gotirucami. Diore ajimena, “Tūoiavasato ina” yigu, to yicōari, “Rotimūorūgōrucami” yigu, Dios i cōarocure Cristore yurā, quēnase ina tūoiavasootire yigu, to bajiro yirucami. To bajiro yirocu i ñajare, i ruyuaro buto variquēnarucuja mu. Jājarā masa buto variquēnaruarāma, bucucacu to bajiro i gotisere ajicōari –Zacar'iare ĩre yigotiyuju āngel.

¹⁸ To i yirone, ado bajiro ĩre yicūdiyuju Zacar'ias:

–¿No bajiro mu yisere ĩacōari, “Riojo yami”, mre yimasirucūada yu? Rīa mana bajiaja yua. Jēre bucūo ñaamo yu manajo. Yu quēne bucū ñaja yu –ĩre yiyuju, āngeljuare.

¹⁹ To bajiro i yijare, ado bajiro ĩre gotiyuju āngel:

–Diorācagu ñaja yu, Gabriel vāme cutigu. “Quēnase queti gotiaya” yigu, yuare cōami. ²⁰ To bajiri mre yu gotirore bajiro bajiraroja. Adire yu gotisere quēnaro ajia mu: Yu gotisere “Bajibetoja” mu yitūoiājama, ñagōbecu ñacoarucuja mu. Mu macu i ruyuaro bero tudifāgōcoarucuja mu, bajigūjuma –Zacar'iare ĩre yigotiyuju, āngel.

²¹ To ina gāmerā yīñaro ūnone, macajūju Zacar'iare yucōa ñañujarā ina. Yubūsaboaana, “¿No yigu to cōro yoaro bajiatī?”, yitūoiñañujarā ina. ²² To ina yīñarone, budicoayuju i yuja. Ina tūjare budiejacōari ĩnare gotimasibesuju, ñagōmasibecu ñari. To i bajisere ĩacōari, “Diore yirūcuboriviju Dios i ruyuaosere ĩar'i ñari, bajiami”, yimasicōañujarā ina. ĩnare gotimasibeticōa tujasuju i. To bajiro bajigu ñari, i āmorine i bajirere ĩnare gotiyuju.

²³ Diore yirūcuboriviju i moarūgūrere moagajanocōari, i ya viju tudicoasuju i yuja. ²⁴ To i baji tudiejato bero, guda ñacoasuju so, i manajo, Isabel vāme cutigo. To bajiri cojomocārācu muiju cōro vi budibeco bajifāñuju so. ²⁵ To bajifāgōne, ado bajiro yitūoiñañuju so: “Rīa manicoadicajū yu. To bajiri buto bojnerūgūcaju yu. Yucurema Dios yuare ĩamaicōari, quēnaro i yijare, guda ñaja yu yuja”, yitūoiā variquēnarūgūñuju so.

Jesús i ruyuarotire āngel i gotigu ejare queti

²⁶ Isabel vāme cutigo cojomo cōro, coja jēnitarirācu muijua, guda so űatusato, quēna gaje queti ĩre gotirotiyuju Dios, ángel Gabriel vāme cutigare. Galilea sita, Nazaret vāme cuti macaju ĩre cōañuju Dios. ²⁷ Toju űañuju so, Jesús jaco űaroco, Mar'ia vāme cutigo. Mamo, űmua rāca űabeco űañuju so. Ŭju David űamasir'i jānami, José vāme cutigu manajoroco űañuju so. ²⁸ To bajiri Gabriel, so ta ejacōari, ado bajiro sore yiyuju:

—Ķűaboati mu? Gājerā rōmia rētoro quēnaro mure yigu űari, quēnaro mure codeami Dios —Mar'iare yigotiyuju ĩ.

²⁹ To ĩ yirone, tire ajicōari, buto tuoĳarejaiyuju so: “ĶNo yigu to bajise yure yati ĩ?” yituoĳarejaiyuju so. ³⁰ To bajise so yituoĳarone ado bajise sore gotiyuju ĩ, Gabriel:

—Yu gotisere tuoĳarejaibesa mu. Buto mure maiami Dios. ³¹ Yu gotisere quēnaro ajiya. Guda űarocoja mu. To bajicōari, macu cutirucoja mu. Macu cuticōari, Jesús ĩre vāme yirucoja mu.

³² Masigū űarucumi mu macu. Mu macure, “Yu macu űaami”, ĩre yirucumi Dios. ĩ űicu, David vāme cuticacu, “Israel űacacu jānerabatia űju űaña mu” yigu, űju ĩre cūcumi Dios. ĩre ĩ cūcatore bajirone mu macure quēne űju ĩre cūrucumi ĩ. ³³ To bajiri Israel vāme cuticacu jānerabatiare rotimorūgōrucumi mu macu. ĩ rotise jedibetiruroja ti —Mar'iare sore yigotiyuju ĩ ángel.

³⁴ To ĩ yisere ajicōari, ado bajiro ĩre sēñiñaju so:

—Ŭmua rāca yu űabetiboajaquēne, Ķno bajiro yure bajiroti ti? —ĩre yisēñiñaju so.

³⁵ To so yisēñiarone, ado bajise sore yigotiyuju ĩ:

—Dios ĩ rotise rāca guda űarucoja mu. Esp'iritu Santore mu taju ĩre cōarucumi. To bajiri mure ejacōari, mure macu yirucumi ĩ. To bajiro mure ĩ yijare, mu macu űarocure, “Quēnagū, quēnaro yigu, Dios macu űaami”, ĩre yimasiruarāma masa. ³⁶ Mu yo Isabel vāme cutigo quēne bucuo űaboarine, macu sāñagō űaamo so. Cojomo cōro coja jēnitarirācu muijua jēre guda űatusajamo so, rīa magō ĩna yiboacacone. ³⁷ Dios quēnaro sore ĩ yijare, bajiamo so. Disejuane Diorema josase maja. ĩ yimasise rīne űacōaja. To bajiri bajiamo. Mu quēne, to bajirone bajirucoja mu —Mar'iare yigotiyuju ĩ.

³⁸ To ĩ yisere ajicōari, ado bajiro yiyuju so:

—Dios ĩ rotirore bajirone yirucoja yu. To mu yirore bajirone yure yato Dios —yiyuju so, Mar'ia, ángeljuare.

To so yiro bero, vacoasuju ĩ, ángel Gabriel vāme cutigu.

Isabel taju Mar'ia so ĳagō vare queti

³⁹ Tiju bero, gajeyeűni quēnosājeo, guaro vacoasuju so, Judea sita buto buri jairoju, Isabelre ĳagoaco. ⁴⁰ Toju ejacōari, Zacar'ias ya viju sājaejacōari, ĩ manajore sēñiñaju so.

⁴¹ To so yiro ajicōari, so gudajoa sāñagū sūca yuguuiyuju ĩ. ⁴²⁻⁴³ To ĩ yirone, Esp'iritu Santo ĩ ejarēmose rāca tuoĳacōari, ado bajiro Mar'iare gotiyuju Isabel:

—Yu űju jaco űaroco ejaja mu. Buto quēnaro mure yiyumi Dios. Mu macu űarocure quēne, buto quēnaro ĩre yirucumi. űamasugō me yu űaboajaquēne, yure ĳagō ejaja mu. ⁴⁴ Yure mu sēñiarone, yu gudajoa sāñagū sūca variquēnagū, yuguuiami. ⁴⁵ “Dios ĩ goticōariare bajiro bajirucoja yu” yituoĳagō űari, variquēnaja mu quēne —Mar'iare yiyuju Isabel.

⁴⁶⁻⁴⁹ To bajiro so yirone, variquēnagō űari ado bajiro yiyuju Mar'ia:

—ĩ bojarore bajiro yirua tuoĳagō űaboarine, űamasugō me yu űaboajaquēne, yure ĳamaicōari quēnaro yami Dios. To bajiro yure ĩ yise űajare, “űie rojose mano yure yirētosarūgūgūmi”, Diore ĩre yivariquēnaja yu. Buto quēnaro yami Dios, ĩ bojarore bajiro quēnaro yu yirotire yigu. ĩ űagūmi masijeogu. Quēnaro yigu űagūmi. To bajiro quēnaro yure ĩ yise űajare, “Quēnaro sore yiyumi Dios”, yure yirūgūruarāma masa űajediro.

⁵⁰ ĩre rūcubuoĳare ĳamaicōari, quēnaro yirūgūgūmi Dios. To bajirone yicōa muorūgōrucumi.

⁵¹ “Gājerā rētoro masirā űaja yua” yituoĳarā, no bojase ĩna yiruaboasere ĩnare yirotibesumi Dios.

⁵² Ŭjarāre űamasurā ĩna űaruaboasere ĩnare űarotibeticōari, űamasumenajuare, “űamasurā űato”, yiyumi.

⁵³ űie manare quēnasere ĩnare cōaboarine, gajeyeűni jairārema ĩnare cōabesumi.

⁵⁴⁻⁵⁵ Adire masiritibecu űari, to bajiro yiyumi: Mani űicu, Abrahamre, ĩ beroanare quēne, “Mua masare, mua jānerabatiare quēnaro yicōa űarucuja yu”, ĩnare yigotimasiñuju Dios.

Tire masiritibecu űari, to bajiro yiyumi —Isabelre yigotiyuju Mar'ia.

⁵⁶ Idiarā muijua sore baba cutiñaboa, so ya viju tudicoasuju Mar'ia.

Juan vāme cutigu, masare oco rāca bautizarimasu, ĩ ruyuaru

⁵⁷ Mar'ia so tudiato bero, macu cutiyuju so, Isabel. ⁵⁸ So macu cutisere ajicōari, “Quēnaro sore ejarēmogū yiyumi Dios”, yituoĳañujarā ĩna, so yarā, so tuana quēne. To bajiro yituoĳarā űari, sore variquēna ejayujarā ĩna.

⁵⁹ Ī ruyuariaro bero, cojomo cōro, idia jēnitarirāmuri Ī cūotusato, Ī tujare ejayujarā masa, ĩna yirūgūriaro bajiro sūcare circuncisiōn yirā ejarā. To yicōari,

—Ī jacu vāmene ĩre vāme yito mani —yiboayujarā ĩna.

⁶⁰ To ĩna yiboajaquēne, jacojuama,

—Bajibeaja. Juan vāme cutiami —ĩnare yicōañuju so.

⁶¹ To so yiro ajicōari,

—Mu ya jūnana ti vāmere vāme cutibeticoayuma —sore yiyujarā ĩnajuama.

⁶² To yicōari, Zacar'iare, ĩna āmorine ado bajise ĩre sēniñañujarā:

—Mu macure, ĩno bajise ĩre vāme yiruati mu? —ĩre yisēniñañujarā ĩna.

⁶³ To ĩna yijare, ñagōbecu ñari, ucariājāi sēniñuju Zacar'ias. Tijāire āmicōari, “Juan vāme cutiami, yu macu”, ĩnare yiuca ĩoñuju ĩ. Ti ũnire ĩabetirūgūriarā ñari, no yimasibesujarā ĩna yuja. ⁶⁴ Tirīmarone, tudiñagōcosuju Zacar'ias quēna. To bajicōari, “Quēnamasucōaja”, Diore yivariquēñañuju. ⁶⁵ Ti quetire ajicōari, buto gūyujarā ĩna tuana ñajediro, ti ũnire ajibetirūgūriarā ñari. Judea sitana burori cutoana jediro ti quetire gāmerā gotibatoyujarā ĩna. ⁶⁶ ĩna gotibatose ajicōari, Zacar'ias macure Dios ĩ ejarēmose ñajare, “¿Всучасу, no bajiro yigu ñariquida?”, yitūoñañujarā.

Zacar'ias ĩ basare queti

⁶⁷ Cojorāmū Esp'iritu Santo ĩ ejarēmose rāca Diore gotirētososagu, ado bajiro basayuju Zacar'ias:

⁶⁸⁻⁷⁵ —Tirāmujū ado bajiro Diore gotibosamasiñujarā ĩre gotirētososamasiarā: “Sīgū, Hju David ñamasir'i jānami, muā jānerabatiare ejarēmogū ruyuarucūmi. Ruyuacōari, muā jānerabatiare ĩaterimasa suorine rojose ĩna tāmūborotire ĩnare yirētososarucūmi”, Diore yigotirētososasiñujarā ĩna. Ado bajiro mani ñicūare gotimasifuju Dios: “Yu goticatore bajiro muare, muā jānerabatiare quēne ĩamaicōari, quēnaro ĩnare yicōa ñarucuja”, manire yigotimasifuju Dios. Mani ñicūare, Abraham vāme cutimasir'ire quēne ado bajiro gotimasifuju Dios: “Yu ñaja Dios. Riojo mare gotiaja yu. Mu jānerabatiare gājerā ĩna ĩatese suorine rojose ĩna tāmūborotire ĩnare yirētososarucuja yu. ĩnare gūimenane, yu bojarore bajiro ‘Yimasiato ĩna’ yigu, to bajiro yirucuja yu. Adire masiritibetirucuja yu. To bajiri, ĩna catiñaro cōro ‘Yuare ĩagūmi Dios’ yimasiritimenane, yu bojarore bajiro quēnaro yirūgūarāma”, yigotimasifuju Dios. To bajiri, ĩre gotirētososarimasa, ĩna gotimasiriarore bajiro, to yicōari ĩ masune ĩ gotimasiriarore bajirone yiguagu yigūmi Dios yuja. Yoaro mene adi macarucuroju vadicoari, ĩre ajitirānūrāre rojose mani tāmūborotire yirētosososagu yigūmi. To bajiro yirocu ĩ ñajare, “Quēnaro yaja mu”, Diore ĩre yivariquēnato ñaja mu —yibasavariquēñañuju Zacar'ias.

⁷⁶⁻⁷⁹ To yigajanocōari, “Ado bajiro yirocu ñaja mu”, ĩ macure yibasavariquēñañuju Zacar'ias: —Yoaro mene ejarucūmi mani ũju, “Rotimūorūgūrucūmi” yigu, Dios ĩ cōarocu. To bajiro ĩ bajiroti rījoro ñajare, “Rojose muā yirūgūsere yitujacōari, quēnasejuare tūoĭavasoa yuñārāre ĩamaicōari, quēnaro yigu ñari, ĩ rāca quēnaro ñacōari, “Ī bojarore bajiro quēnaro yirā ñato” yigu, ĩ yere masimenare ĩnare gotimasiocōari, rojose ĩna tāmūborotire ĩnare yirētososarocure cōarucūmi Dios. To bajiro yigoti rījoro cutirocu mu ñajare, “Masirētogāre Diore gotirētososarimasa ñaami”, mare yūararāma masa, —ĩ macure Juanre yibasavariquēñañuju Zacar'ias.

⁸⁰ Yucū manojū vsuayuju Juan vāme cutigu. Vvsuarūtūasune, Dios ĩ bojarore bajiro quēnaro yigu ñarūtūasuju ĩ. Masare ĩ gotimasiorotirāmū ti ejaroto rījoro, yucū manojure ñarūgūñuju.

2

Jesús ĩ ruyuare queti

(Mt 1.18-25)

¹ To bajiro bajiñarirodojure masa ñajediro ũju, César Augusto vāme cutigu, ĩ rotirimacarire ñarāre, “Ado cōro ñaama” yimasiru, ĩna vāmere ucaturotisuojuju ĩ. ² ĩre rotibosarimasa, Cirenio vāme cutigu Siria sitana ũju ĩ ñarirodore masa vāmere ucaturotisuojuju César. ³ To bajiri, masa ñajediro, ĩna ñicua ĩna ñamasiriaroju vāme ucaturotirā varoti ñañuju.

⁴ To bajiri, José quēne, Galilea sitajure ñarimaca Nazaret vāme cuti maca ñar'i, Judea sita Belén vāme cuti macajuare vasuju. Ti macaju ruyuamasifuju ĩ ñicu ñamasir'i, Hju David. To ĩ bajimasire ñajare, toju vasuju, José, Mar'ia rāca ĩna vāmere ucarotiguacu. ⁵ Jere so jacuare sēnicōañuju ĩ. To bajiro yir'i ñari, so rāca vasuju José. “Macu cutirucocomo” Dios ĩ yirio ñari, guda ñañuju so. ⁶ To bajiri Belén vāme cuti macaju ĩna ejaro, so macu cutirotirāmū ejayuju ti. ⁷ To bajiro sore ti bajijare, vacudirā ĩna cānirivi ĩna ñarotijure sēniboayujarā ĩna.

Masa j̄m̄uc̄ōāñujarā, ti vire. To bajiri, vaibucurāre bare ecariavij̄u ejayujarā ĩna yuja. Toju Dios mac̄re mac̄ c̄atiyuj̄u Mar'ia. To yic̄ōari, s̄ucare sudigaserorine ĩre ḡmañuj̄u so, jud'io masa ĩna yir̄ūḡūriarore bajiro yigo. To yic̄ōari, c̄āñijesariaro ti manijare, vaibucurāre bare ecariacoroj̄u so mac̄re s̄añuj̄u so.

Oveja coderimasare Jesús ĩ ruyuasere ángel ĩ gotire queti

⁸ Belén maca tu ñañujarā ĩna, oveja coderimasa. Ñamire ĩnare ĩatir̄ñuñañujarā ĩna. ⁹ To ĩna bajirone, ĩna tujare ruyuarūḡūñuj̄u s̄igū ángel, Diore moabosagu. To ĩ bajirone, ĩna tuj̄u buto busubatoyuj̄u, “ ‘Dios maca ruyuagami’ yĩamasiato ĩna” yigu. To bajiro ti bajijare, oveja coderimasa buto ḡiuyujarā ĩna. ¹⁰ To ĩna bajirone, ado bajiro yiyuj̄u ángel:

—Ḡuibesa m̄ua. Masa ĩna ĩvariquēnarotire yigu, quēnase queti m̄uare gotiḡu bajiaja yu. ¹¹ H̄ju David ĩ ruyumasacati macajare, masa rojose ĩna yise vaja ĩnare vaja yibosarocu, yuc̄ne ruyuami. ĩ ñaami man̄i h̄ju, “Rotim̄uorūḡōrc̄umi’ yigu, Dios ĩ c̄ōagū. ¹² Ado bajiro bajiñaḡure ĩre bujamasiruarāja m̄ua: Vaibucurāre bare ecariavij̄u ñaḡumi. Toju sudigaserine ḡumacoar'i, vaibucurāre bare ecariacoroj̄u s̄añaḡumi ĩ. Toju ñaḡure ĩre ĩabujac̄ōari, “ĩne ñaami”, yimasiruarāja m̄ua —ĩnare yigotiyuj̄u ángel.

¹³ To ĩ yĩnar̄ĩmarone, ḡajerā ángel mesa j̄ajarā ruyuyujarā ĩna. Ruyuc̄ōari, ado bajise Diore ĩre basavariquēnañujarā ĩna:

¹⁴ —Dios ō vecagu quēnarētogū, to yic̄ōari, masirētogū ĩ ñajare, quēnaro ĩre yito mani. Dios ĩ ĩvariquēnarā ĩ r̄aca quēnaro ñato ĩna —yiyujarā ĩna ángel mesa.

¹⁵ To yigajano, tudicoasujarā ĩna, ō vecaju, Dios ĩ ñaroju. ĩna tudiatō bero,

—Dios manire ĩ queti c̄ōare ajaaja mani. To bajiri, Belénju vañato mani —ḡamerā yiyujarā ĩna oveja coderimasa.

Oveja coderimasa Jesúre ĩna ĩarā vare queti

¹⁶ To bajiro ḡamerā yigajano, guaro vacoasujarā ĩna yuja. Toju ejačōari, Josére, Mar'iare ĩnare ĩabujayujarā ĩna. S̄ucare quēne vaibucurāre bare ecariacoroj̄u s̄añaḡure ĩre ĩabujayujarā.

¹⁷ ĩre ĩabujac̄ōari, ángel ĩnare ĩ gotir̄e to ñar̄are ĩnare gotiyujarā. ¹⁸ To ñariarā jediro, ĩna gotisere ajic̄ōari, no yimasibesujarā, ti ũnire ajibetir̄ūḡūriarā ñari. ¹⁹ Mar'iajuama ñaḡōbesuju so, oveja coderimasa ĩna gotisere ajic̄ōari. To bajiboarine, s̄uca ĩ bajisere buto tuoñañuj̄u so masur̄ioj̄uma. ²⁰ To bajiri oveja coderimasa ti quetire gotigajano, tudicoasujarā ĩna. Tudianane, ado bajise Diore ĩre yivariquēna tudiasujarā ĩna:

—Dios manire ĩ queti c̄ōare, riojo ñañuja ti. Masirētogū, to yic̄ōari, quēnarētogū ñaḡumi Dios —ĩre yivariquēna vasujarā ĩna.

Diore yir̄uc̄ub̄oriavij̄u, Jesúre ĩna ām̄iatone, Simeón v̄ame cutigu Jesúre ĩ ĩare queti

²¹ S̄uca cojomo c̄oro idia j̄enituarir̄um̄uri ĩ ruyuariaro bero ti tasato, circuncisiōn ĩre yiyujarā. To yic̄ōari, Jesús ĩre v̄ame yiyujarā ĩna, s̄ucare. Mar'ia guda so ñaroto ĩj̄oroj̄une ángel sore ĩ v̄ame yirotir̄iarore bajirone ĩre v̄ame yir̄ā yiyujarā ĩna.

²²⁻²⁴ To ĩna yiriaro bero, Jerusalénju vasujarā ĩna. Moisés ñamasir'ire Dios ĩ rotic̄umasirere c̄adirā bajiyujarā ĩna. Ado bajise rotic̄umasiñuj̄u ĩ: “S̄uca ĩ ruyuaroto bero, juarā masa c̄oro ñarir̄um̄uri bero, buja m̄ua ecariar̄are ĩsima, paiare. M̄ua cuobetijama, vaja yic̄ōari, ĩsima, ‘ĩnare soem̄uoato’ yir̄ā. To bajiro yiba, yare r̄uc̄ub̄orā. To bajiro m̄ua yijama, s̄uca ĩ ruyuaroto ĩj̄oro yare yir̄uc̄ub̄oriavi m̄ua s̄ajarūḡūriarore bajirone s̄ajamasiruarāja m̄ua quēna. M̄ua ĩsijama, buja mame b̄uc̄uar̄are ĩsiruarāja m̄ua. H̄mu, r̄omio, to c̄ōrone ĩsiruarāja m̄ua. Buja mame b̄uc̄uarā ĩna manijama, juarā bujare bajirā ñar̄acare ĩsiruarāja m̄ua”, yirotimasiñuj̄u Dios. Gajeye ado bajiro yirotimasiñuj̄u Dios: “M̄ua maca ruyuas̄uoḡure, paiare ĩorā, ĩre ām̄ivuarāja m̄ua, ‘Dios yu ñaami’ yĩorā”, yirotimasiñuj̄u Dios. To bajise Dios ĩ yirotimasire ñajare, Jesúre ām̄ivasujarā, paiare ĩroana.

²⁵⁻²⁶ To bajiri Jerusalénju ejačōari, Diore yir̄uc̄ub̄oriavij̄ure vasujarā ĩna. Tojure ñañuj̄u Simeón. Diore quēnaro ajir̄uc̄ub̄uoḡu, ĩ rotimasirere quēnaro cud̄iḡu ñañuj̄u ĩ. “ ‘Rotim̄uorūḡōrc̄umi’ yigu, Dios ĩ c̄ōarocu, Cristo, Israel j̄anerabatiare, yu yar̄are ejar̄em̄orūḡūrc̄umi ĩ, ‘Quēnaro ñato’ yigu” yit̄oñaḡū ñari, ĩ ejarotire yugu bajic̄ōa ñañuj̄u ĩ. Dios ĩ c̄ōagū Esp'iritu Santo ĩ ejar̄emose r̄aca tuoñaḡū ñañuj̄u ĩ. To bajiro bajiḡu ñari, cojor̄amu ado bajise tuoñañuj̄u: “Yu bajirocaroto ĩj̄oro, ‘Rotim̄uorūḡōrc̄umi’ yigu, Dios ĩ c̄ōarocure Cristore ĩar̄uc̄uja yu”, yit̄oñañuj̄u Simeón. ²⁷⁻²⁹ Cojor̄amu Esp'iritu Santo Dios ĩ c̄ōagū ĩre ĩ ejar̄emose r̄aca tuoñamasic̄ōari, Diore yir̄uc̄ub̄oriavij̄u s̄ajaejac̄oasuju ĩ. Tir̄um̄une Jesúre ām̄iejayujarā José, ĩ manajo r̄aca. To ĩna s̄ajaejarone, ĩna mac̄ure bocaamic̄ōari, ado bajise Diore yigotiyuj̄u ĩ, Diore variquēnaḡu:

—Yu h̄ju, j̄ere yu ĩar̄uarūḡūc̄acure yare m̄u goticatore bajirone ĩre ĩac̄ōaja yuja. To bajiri, variquēnaja yu. Yu bajirocacoajama, quēnac̄ōaroja yuja.

³⁰⁻³¹ ĩre ajitir̄anurā rojose yua t̄am̄uoborotire yuare yir̄ētobosarocure m̄u c̄ōar'ire ĩre ĩac̄ōaja j̄ere.

32 Īsuorine “Israel jānerabatiare quēnaro yiyumi Dios” yimasicōari, Diore masiruarāma Israel jānerabatia me ñarā quēne —yiyuju Simeón.

33 José, to yicōari, Mar'ia quēne, Jesús ĩ bajirotire Simeón ĩ gotisere ajicōari, no yimasibesujarā ĩna, “Mani macu ĩ bajirotire quēnaro goti rĳoro cutimasiami” yirā. 34-35 To yicōari, quēnaro Dios ĩnare ĩ yirotire ĩnare ñubujeoyuju Simeón. To yigajano, Jesús ĩ bajirotire ado bajiro sore gotiyuju quēna, Mar'iare:

—Quēnaro ajiya mu. “Israel ñamasir'i jānerabatia, Dios ĩ bojasere quēnaro masiato” yigu, āni sūcare cōañumi Dios. To bajiri ĩ gotimasiosere ajicōari, ĩre tud'iruarāma jājarā masa. To bajiro ĩna yijare, ĩnare ĩacōari, “ ‘Diore rūcuborā ñaja yua’ yigotiboarine, ĩre terā ñaama”, yimasiruarāma gājerāju. ĩre tud'irāma, ĩna rijato beroju rojose tāmūtujabetiriaroju vajedicuarāma ĩna. To bajiboarine gājerājuama, jājarā, ānire ajitirānucōari, Dios yarā ñacoaruarāma ĩna, rojose tāmūtujabetiriaroju vaborona. Mujuama, āni mu macu ĩ bajirotire buto sutirituocoja mu —Jesús jacore yiyuju Simeón.

36-37 To ĩ yiro bero, Diore yirācuboriavijure ñañuju Ana vāme cutigo. Aser ñamasir'i jāneño ñañuju so, Fanuel maco. Diore gotirētosarimaso ñañuju so quēne. So manaju cutiboar'ĩ, cojomo cōro jua jēnituarirāca cūmari so rāca ñatusacune, sore bajirocaveocoasuju. To ĩ bajiveorio sigōne ñacōarūgūñuju so. To bajiñagō ĩne, ochenta y cuatro cūmari cūotusasuju. Diore yirācuboriaviju ñacōari, so quēne Diore ĩre rūcubuojo, ĩre so sēnirirūmari bare babe-tirūgūñuju so. 38 Simeón ĩnare ĩ gotiñarone ĩna tujū ejayuju so Ana. ĩnare ĩ gotisere ajicōari, “Quēnaro yiyuja mu”, Diore ĩre yivariquēnañuju so. To yigajanocōari, “Rotimorāgōrucami” yigu, Dios ĩ cōarocure, “Jerusalén macana quēnaro ñato” yigu, ĩnare yirētosarocure ĩ ejarotire tuoĩa yuñarāre, “Jēre ruyayumi”, ĩnare yigotibatoyuju Ana.

Nazaret vāme cuti macaju ĩna tudiare queti

39 José, to yicōari, Mar'ia quēne Moisés ñamasir'ire Dios ĩ roticūmasiriarore bajirone yigajanocōañujarā ĩna. To bajiri, Galilea sitare ñarimaca, Nazaret vāme cuti macaju Jesūre ĩre āmitudiasujarā ĩna. 40 To baji tudieja, ti macaju ñacōañujarā ĩna. Toju bucayuju Jesús. Quēnaro masirūtuasuju, ĩ bucarūtuatore bajirone. To bajicōari, ruju tutuaquēnagū ñarūtuasuju ĩ. To bajiro ĩ bajiñarore ĩre yirēmōrūgūñuju Dios.

Diore yirācuboriaviju Jesús ĩ tujare queti

41 Nazaretju Jesús ĩ ñatoye, Jerusalénju tocārāca cūmane Pascua boserāmu ĩarā varūgūñujarā ĩ jacua. 42 To bajiri juaāmo cōro, gubo jua jēnituario ñaricūmari tusacaju, Pascua boserāmure ĩaguacu, ĩ jacua rāca vasuju Jesús. 43-45 Boserāmu ĩagajano, ĩna tudirirāmu, “To bajigumi” yimasīna manone, tojune tujacoasuju Jesūjuama. To ĩ bajiboajaquēne, “Gājerā rāca baba cutivagu bajigumi”, yituoĩacōañujarā ĩ jacua juama. To bajiro ĩna yituoĩa vaboajaquēne, rāioriju ĩna tujare ejabesuju. To bajiro ĩ bajijare, ĩna yarāre, ĩna rāca vanare, ĩna masirāre sēñifacudiboayujarā ĩna. “Maami”, yicōañujarā ĩnajuama. To bajiro ĩna yijare, Jerusalénjune ĩre macarā tudicoasujarā ĩna.

46 Toju ejacōari, idiarāmu ĩre macatusanaju ĩre ĩabujayujarā ĩna yuja. Diore yirācuboriaviju ñañuju ĩ. Toju Dios ĩ rotimasire gotimasiorimasa rāca rujicōari, gāmerā ñagōñañujarā ĩna. 47 ĩ gotisere ajicōari, “Daquegu ñaboarine, josasere yua sēñiaboajaquēne, quēnaro tuoĩacōari, yuare cudiami”, ĩre yituoĩañujarā ĩna. 48 To ĩna yīñarone, Jesús jacua ĩna tujū sājaejacōari, ĩre ĩaucacoasujarā. To bajicōari, ado bajiro ĩre yiyuju ĩ jaco:

—Macu, ¿no yigu to bajiro yuare bajiveoati mu? Buto tuoĩarejairāne mare macamu yua —ĩre yiyuju so.

49 To bajiro ĩre so yirone, ĩjuama ado bajiro sore cudiyuju ĩ:

—¿No yirā yure macari mua? ¿Adi vire yu jacu ĩ bojasere yu yirotire masibeti mua? —ĩ jacuare yicudiyuju Jesús.

50 To bajiro ĩ yisere quēnaro ajimasibesujarā ĩnajuama. “No bajiro yiru yati mani macu”, yituoĩacōañujarā. 51-52 ĩ jacojuama, quēnaro ajimasibetiboarine, so usujuma quēnaro tuoĩacōa ñañuju.

To bajiro ĩnare ĩ yiro bero, ĩ jacua rāca tudicoasuju, Nazaretju. Toju bucarūtuasuju ĩ. Bucarūtuacune, ĩ jacua ĩre ĩna rotirore bajiro yirūgūñuju ĩ. To bajicōari, butobusa masirūtuasuju ĩ. To bajiro ĩ bajisere ĩre ĩvairiquēnarūgūñuju Dios. Masa quēne, ĩre ĩvairiquēnarūgūñujarā ĩna.

3

Juan vāme cutigu, masare oco rāca bautizarimasu, yucá manojū ĩ gotimasiore queti
(Mt 3.1-12; Mr 1.1-8; Jn 1.19-28)

1-2 Cojorāmu yucá manojū Zacar'ias macure, Juanre Jordán vāme cutiyaju ĩre gotiroticōañuju Dios. To ĩre ĩ gotiroticōaridore, Tiberio César, juaāmo cōro, cojo gubo

jediro ñaricãmari ï rotitusaticũmare, cojo sita me ñarãre rotigu ñaũuju ï. Ìre rotibosarã quẽne ñaũujarã ña. Pilato vãme cutigu Judea sitanare ìre rotibosayuju ï. Gãji, Herodes vãme cutigu, Galilea sitanare ìre rotibosayuju ï. Gãji, Herodes bedi, Felipe vãme cutigu, Iturea, to yicõari, Traconite sita ñarãre ìre rotibosayuju, ña. Gãji Lisaniã vãme cutigu, Abilinia sitanare ìre rotibosayuju. To bajicõari, paia ujarã ñamasurã Anãs, Caifãs vãme cutirã ñaũujarã ña.

Tirotore Juanre gotirotiyuju Dios. ³ To ï yijare, Jordán vãme cutiya riaga tuju ñacõari, ìre ajirã ejarãre ado bajiro gotirãjaducirũgũũju:

–Rojose mua yisere tuoĩasutiritiya mua. To yicõari, “Rojose yirũabeaja yua. Diorãca quẽnaro ñaruarãja yua” yirã, oco rãca yure bautizarotiya mua. To bajiro mua yijama, rojose mua yisere muare masiriorucumi Dios –ñare yigotiyuju Juan.

⁴ Ado bajiro Juan ï bajiro tire ucamasiũuju Isa'ias, Diore gotirẽtobosarimasu ñamasir'i: “Yucũ manojũ sigũ masũ ado bajiro goticudirũgũrucumi: ‘Mani uju ejarucumi. To bajiri, rojose mua yisere yitujacõari, quẽnasejuare tuoĩavasoaya mua, ìre yurã. Uju, ï vadiroto rĩjoro, quẽnaro quẽnoyurãma masa. Rojoribedo maa, ñaboaria maare riojo maa gorãma, ï vadiroto maare.

⁵ Goje ti ñajama, sita rãca biberãma. Buri cuti maa ti ñajuquẽne, coaquẽnocũrãma. To bajiro yu yijama, “Jediro rojose mua yisere yitujacõari, quẽnasejuare tuoĩavasoaya mua, mani ujure yurã” yigu yaja yu.

⁶ To bajiro mua yiro bero, rojose mua tãmuoborotire muare yirẽtobosarocure Dios ï cõagũre ñajediruarãja mua' yigoticudirũgũrucumi, yucũ manojũ ñacõari”, yucamasiũumi Isa'ias ñamasir'i.

⁷ To bajiri oco rãca Juanre bautizarotirã, ejayujarã jãjarã masa. Ña bautizarotirone, ado bajiro ñare yiyuju Juan:

–Oco rãca muare yu bautizasere bojaboaja mua. Vãtia uju rojose ï yirore bajirone rojose yijairã ñaja mua. To bajiro bajirã ñari, “Rojose yua yise vaja rojose yuare yibetirucumi Dios”, yituoĩa vadiboaja mua. ¿To bajiro mua bajise suorine rojose mua tãmuorotire masibeatiquẽ mua? ⁸ Rojosere yitujacõari, “Quẽnaro yirã ñaama” masa muare ña yĩamasiro tire yirã, quẽnasejuare yirũgũrona ñaja mua. Ado bajiro yituoĩabesa mua: “Abraham ñamasir'i jãnerabatia ñamasurã mani ñajare, rojose mani yise vaja rojose manire yibetirucumi Dios”, yituoĩabesa. Adiari gũtari rãca Abraham jãnerabatiare ï godoveorũajama, godoveomasigũmi Dios –ñare yiyuju Juan.

⁹ –Oteriyucãri, rica mani yucũrire bajiro bajijaja mua. Rica manijare, quẽareacõari, soereariare bajiro yirucumi Dios. Tire bajirone yiecoruarãja mua quẽne, mua tuoĩavasoabetijama. ¿Quẽnase mua yibetire ñacõari, jeame yatibetimeju muare rearucumi Dios! –ñare yiyuju Juan.

¹⁰ To ï yigotisere ajicõari, –¿No bajirojua yua yiro tire bojati Dios? –ìre yisẽniãũujarã ña.

¹¹ To bajiro ìre ña yisẽniãrone ado bajiro ñare cudiyuju Juan:

–Juase sudirori cuorã, cojase ïsima, sudi magũre. Bare cuorã, bare magũre ecaba –ñare yicudiyuju Juan.

¹² Ujure gãjoa sãnibosarimasã quẽne ejayujarã, Juanre oco rãca bautizarotirã. Ejacõari, ado bajiro ìre sãnĩãũujarã ña quẽne:

–Gotimasiormasũ, yuajuarema ¿ñiere yua yiro tire bojati Dios? –ìre yisẽniãũujarã ña quẽne.

¹³ To bajiro ña yirone, ado bajiro ñare gotiyuju Juan:

–Mua ujarã masare ña vaja sãnĩrotiro cõrone sãnĩña. Ti rẽtoro vaja sãnibeticõãña mua – ñare yicudiyuju Juan.

¹⁴ Surara quẽne ado bajiro sãnĩãũujarã ña:

–¿Yuarema, no bajiro yua yiro tire bojati? –ìre yisẽniãũujarã.

To bajiro ña yisẽniãrone, ado bajiro ñare cudiyuju ï:

–Gãjerãre ãmabesa mua. Socarãne gãjerãre rojose ñagõmacabesa. Mua moase vajare, mua ujarã muare ña vaja yiro cõrone cuovariquẽnaña mua –ñare yicudiyuju Juan.

¹⁵ Masajuama, Juan ï gotimasiorsere ajicõari, “Rotimorũgũrucumi” yigu Dios ï cõarocure buto tuoĩayucõa ñarã ñari, “¿Ìne ñaruyatiquẽ?”, Juanre ìre yituoĩãũujarã, ña usurijama.

¹⁶ To bajiro ña yituoĩase ñajare, ado bajiro ñare yiyuju Juan:

–“Rotimorũgũrucumi” yigu, Dios ï cõagũ me ñaja yu. Rojose ña yisere yitujacõari, Dios ï bojasejuare yirãre oco rãca bautizarũgũjaja yu. To bajiro yu yiboajuquẽne, yu bero ejaqu ï moasejua quẽnamasucõaruaroja. Ña, Esp'iritu Santore cõamasirucumi, masare. “Dios ï bojabetire yaja yua” yimasicõari, tuoĩavasoaruarãma, Esp'iritu Santo ï ejarẽmose rãca –ñare yiyuju Juan.

¹⁷ Gajeye ado bajiro masare gotiyuju Juan:

—Yu bero ejaɣuɣama, trigo ajere besegare bajiro yirucami, masare. To bajiri ti gasere yireacōari, soereariarore bajiro yirucami, jeame yatibetimeɣu masare cōagū. To yicōari, quēnase cōrone juagare bajiro yirucami, ĩre ajitirānārāre juavacu —ĩnare yiyuju Juan.

¹⁸ Masare gotimasioɣū, cojo vāme me gotirūgūñuju, Cristo quēnaro ĩ yirotire gotimasioɣū. ¹⁹ To bajiro ĩnare gotirūgūñu ñari, Uɣu Herodes, ĩ bedi Felipe manajore Herod'ias vāme catigare ĩ manajo catijare, to yicōari, rojose yijaigū ĩ ñajare, “Rojose yigu yaja mu”, ĩre yiyuju Juan. ²⁰ To bajiro Juan ĩ yisere ajicōari, rētoro rojose yigu, tubiberiaviju Juanre ĩre tubibecūñuju.

Oco rāca Juanre Jesús ĩ bautizarotire queti
(Mt 3.13-17; Mr 1.9-11)

²¹ ĩ tubibe ecoroto rĳoro, rojose ĩna yisere yitujacōari, Dios ĩ bojasejuare yirāre oco rāca ĩnare bautizarūgūñuju Juan. To bajiri, Jesús quēne, rojose yibecu ñaboarine, oco rāca Juanre bautizarotigu ejayuju. To ĩ yiecoro bero, Diore, ĩ jacure sēniñuju. ĩre ĩ sēniñarone, ō vecaju ūmāgasero soje jānacuasuju ti. ²² Ti jānarone, bujare bajigu rujadicōari, Jesús joere rocajeoyuju Esp'iritu Santo. Jesús joere ĩ rocajeorone, ado bajiro yi ocaruyuyuju ō vecaju: —Yu macu, yu maigū masu ñaja mu. Mu rāca bato variquēnaja yu —ĩre yi ocaruyuyuju.

Jesús ñicua ĩna vāme catimasire queti
(Mt 1.1-17)

²³ Treinta cūmari cōro cnotasacu, masare gotimasioɣuyuju Jesús. To bajiri manire bajiro ruɣu caticōari ĩ ruyuare ñajare, “José macu ñaami”, ĩre yituoiañujarā masa. To bajiro ĩna yituoiare ñajare, ĩ jacure bajiro bajiyuju José.

José jacu ñamasiñuju El'i.

²⁴ El'i jacu ñamasiñuju Matat.

Matat jacu ñamasiñuju Lev'i.

Lev'i jacu ñamasiñuju Melqui.

Melqui jacu ñamasiñuju Jana.

Jana jacu ñamasiñuju José.

²⁵ José jacu ñamasiñuju Matat'ias.

Matat'ias jacu ñamasiñuju Amós.

Amós jacu ñamasiñuju Nahúm.

Nahúm jacu ñamasiñuju Esli.

Esli jacu ñamasiñuju Nagai.

²⁶ Nagai jacu ñamasiñuju Maat.

Maat jacu ñamasiñuju Matat'ias.

Matat'ias jacu ñamasiñuju Semei.

Semei jacu ñamasiñuju Josec.

Josec jacu ñamasiñuju Judá.

²⁷ Judá jacu ñamasiñuju Joanán.

Joanán jacu ñamasiñuju Resa.

Resa jacu ñamasiñuju Zorobabel.

Zorobabel jacu ñamasiñuju Salatiel.

Salatiel jacu ñamasiñuju Neri.

²⁸ Neri jacu ñamasiñuju Melqui.

Melqui jacu ñamasiñuju Adi.

Adi jacu ñamasiñuju Cosam.

Cosam jacu ñamasiñuju Elmadam.

Elmadam jacu ñamasiñuju Er.

²⁹ Er jacu ñamasiñuju Jesús.

Jesús jacu ñamasiñuju Eliezer.

Eliezer jacu ñamasiñuju Jorim.

Jorim jacu ñamasiñuju Matat.

Matat jacu ñamasiñuju Lev'i.

³⁰ Lev'i jacu ñamasiñuju Simeón.

Simeón jacu ñamasiñuju Judá.

Judá jacu ñamasiñuju José.

José jacu ñamasiñuju Jonam.

Jonam jacu ñamasiñuju Eliaquim.

³¹ Eliaquim jacu ñamasiñuju Melea.

Melea jacu ñamasiñuju Mena.

Mena jacu ñamasiñuju Matatá.

Matatá jacu ñamasiñuju Natán.

Natán jacu ñamasifiñuju David.
³² David jacu ñamasifiñuju Isa'i.
 Isa'i jacu ñamasifiñuju Obed.
 Obed jacu ñamasifiñuju Booz.
 Booz jacu ñamasifiñuju Sala.
 Sala jacu ñamasifiñuju Naasón.
³³ Naasón jacu ñamasifiñuju Aminadab.
 Aminadab jacu ñamasifiñuju Admin.
 Admin jacu ñamasifiñuju Arni.
 Arni jacu ñamasifiñuju Esrom.
 Esrom jacu ñamasifiñuju Fares.
 Fares jacu ñamasifiñuju Judá.
³⁴ Judá jacu ñamasifiñuju Jacob.
 Jacob jacu ñamasifiñuju Isaac.
 Isaac jacu ñamasifiñuju Abraham.
 Abraham jacu ñamasifiñuju Taré.
 Taré jacu ñamasifiñuju Nacor.
³⁵ Nacor jacu ñamasifiñuju Serug.
 Serug jacu ñamasifiñuju Ragau.
 Ragau jacu ñamasifiñuju Peleg.
 Peleg jacu ñamasifiñuju Heber.
 Heber jacu ñamasifiñuju Sala.
³⁶ Sala jacu ñamasifiñuju Cainán.
 Cainán jacu ñamasifiñuju Arfaxad.
 Arfaxad jacu ñamasifiñuju Sem.
 Sem jacu ñamasifiñuju Noé.
 Noé jacu ñamasifiñuju Lamec.
³⁷ Lamec jacu ñamasifiñuju Matusalén.
 Matusalén jacu ñamasifiñuju Enoc.
 Enoc jacu ñamasifiñuju Jared.
 Jared jacu ñamasifiñuju Mahalaleel.
 Mahalaleel jacu ñamasifiñuju Cainán.
³⁸ Cainán jacu ñamasifiñuju Enós.
 Enós jacu ñamasifiñuju Set.
 Set jacu ñamasifiñuju Adán.
 Adán, Dios i rujeosomasir' i ñamasifiñuju i, masa jediro ñicu.

4

Dios i bojabetire vátia uju Satanás, Jesúre i yirotiäre queti
 (Mt 4.1-11; Mr 1.12-13)

¹ Jordán ña yirisaju Juan oco ráca ñre i bautizaro bero, Esp'iritu Santo bujare bajigu rujiadicõari, Jesús joere rocajeoejagune, ñre ejarẽmoshooyuju, Dios i bojarore bajiro Jesús i yicõa ñarũgũrotire yigu. To bajivagure yucá manõju ñre ñmato vasuju Esp'iritu Santo.
² Tojare cuarenta ñarirũmuri Esp'iritu Santo i bojarore bajiro vacudiyuju Jesús. To i bajinãrone, vátia uju Satanás, ñre ejacõari, “Yu yirotisere yicõari, Dios i bojabetire yato” yigu, ñre rotirũgũboayuju. To bajiro i bajicudirirũmure babesuju Jesús. To bajigu ñari, bũto ñiorijayuju.
³ To bajiro i bajijare, ado bajiro ñre yirotiõoyuju Satanás:

–Dios macune mu ñajama, adia gũtare, pan godoveoya mu –ñre yirotiõoyuju.

⁴ To bajiro Satanás ñre i yiboajaquẽne,

–Yibeaja yu. Dios oca masa ña ucamasire ado bajiro gotiaja: “Bare rĩne ñamasuse me ñaja. Dios ocare mani cudisejua ñaja ñamasusema. ‘Bare ti manijare, rijarearuarãja’ yire ti ñaboajaquẽne, rijarere Dios i bojabetijama, rijabetiruarãja. Catiñarotire rotigu ñaami”, yigotiaja Dios oca masa ña ucamasire –ñre yiyuju Jesús.

⁵ To bajiro i yiro bero, gũtau joeju Jesúre ñmato vasuju Satanás. Toju ñmato ejacõari, adi macarũcro ñarimacari jediro guaro ñre iõjeocõañuju. ⁶⁻⁷ ñre iõgajanocõari, ado bajiro ñre gotiyuju Satanás:

–“Masa ñajediro rotiya” yigu, yure cũcami Dios. ña gajeyeũni quẽne, yu ye ñaja. To bajiro, yu rĩjorojua gũsõmuniari tuetucõari, “Yu uju ñamasugũ ñaja mu” yure mu yirũcũboojama, adi sita ñajediro mure ñsirũcũja yu –Jesúre ñre yiyuju Satanás.

⁸ To bajiro ñre i yigotiõojaquẽne, ado bajiro ñre cudiyuju Jesús:

—Yibeaja yu. Ado bajiro gotiaja Dios oca masa ina ucamasire: “Mani ujju Dios sigürene, ‘Yu ujju ñamasugü ñaja mu’ ñe yirucubucocari, cudire ñaja”, yigotiaja Dios oca masa ina ucamasire —Satanáre yicadiyuju Jesús.

⁹⁻¹¹ To i yiro bero, Jerusalén macaju Jesúre ñe ñmato vasuju Satanás quëna. Toju ejacöari, Diore yirucubucoriavi joeju ñe ñmato mujasuju. Ñe ñmato mujaejacöari, ado bajiro yiyuju Satanás:

—Ado bajiro gotiaja Dios oca masa ina ucamasire:

“Ñe moabosarimasa ángel mesare ñe coderotirucami Dios. Mu quedajama, ‘Güta joeju rocajeogu, i gubo jearomi’ yirä, ñe boca ñiaruaräma ña”, yigotiaja Dios oca. To bajiro Dios oca ti gotijare, Dios macane mu ñajama, adoju ñe jatiquedi rujaiañoña mu —Jesúre yiboayuju Satanás.

¹² To bajiro ñe i yiboajaquëne, Jesúñama, ado bajiro ñe yiyuju:

—To bajiro mu yisere cudibeaja yu. “Dios i yiriarore bajiro yure boca ñiaruaräma ángel mesa” yimasiru, yu jatiquediñajama, Dios i bojabetire yigu yigüja yu. Gajeje ado bajiro gotiaja Dios oca masa ina ucamasire: “‘Dios, ‘Yirucuja’ yiyumi’ yituoñarä, ‘¿Yiru masu yiyujari?’ yimasiruarä, mu tuoñare bajiro mu yiajajama, quënebeaja”, yigotiaja Dios oca masa ina ucamasire —Ñe yiyuju Jesús, Satanáre.

¹³ Rojose ñe yirotiñeoboa, vacoasuju Satanás, “Bero ñe yirotiñagüsa” yigu.

Jesús, Galilea sitaju tudiejacöari, i gotimasiosuore queti
(Mt 4.12-17; Mr 1.14-15)

¹⁴ Satanás i vato bero, quëna Galilea sitaju tudicoasuju Jesús. Tudiejacöari, Espiritu Santore cuogu ñari, i ejarëmose räca deseju ñariaro mano quënarö yiyuju Jesús, tojore. To bajiro i yijare, i bajise quetire gotibatoyujarä masa, toana jediro, gajeroana quëne. ¹⁵ Dios ocare ina bueriviriju masare gotimasiodirügüñuju Jesús. To bajiro i yisere ajicöari, “Quënarö masigü ñaami”, ñe yiyujarä ña, ñe ajirä jediro.

Nazaret väme cuti macaju Jesús i tudiejare queti
(Mt 13.53-58; Mr 6.1-6)

¹⁶ Nazaretju, i buchariaröju tudiejayuju Jesús. Daquegu ñagüjane jud’io masa ina ususäjararümurire Dios ocare ina buerivire säjarügür’i ñari, ususäjararümü ti ejaro säjasuju. Säjacöari, ejarüju ejayuju. To bajiñaboa, vämurügüñuju, Dios ocare ñagotiguagu. ¹⁷ I vämurügürone, Diore gotirëtosamasir’i, Isa’ias i ucamasire ñaritutire ñe isifüju ti viagu. To bajiro i yirone, titutire jänacöari, i ñagotirotijare ñabujayuju. ñabujacöari, ado bajiro ñare ñagotiyuju Jesús:

¹⁸ —“Espiritu Santore cuogu ñari, i ejarëmose räca tuoñacöari, muare gotiaja yu. ‘Maioro bajiräre quënarö yu yiroti quetire ñare gotirucüja mu’ yigu, ‘Rojose yirucubarine, tire yibeticöato’ yigu, yure cöacami. Sigüri yure masimena, ñamenare bajiro bajirä, ‘Yure masiäto ña’ yigu, yure cöacami. Gäjeräma, tubibe ecoriaräre bajiro bajiräre, rojose yisejararäre, ‘Rojose ña yisere yitujato’ yigu, yure cöacami.

¹⁹ ‘“Adirodone ñaja üju Dios, masare rojose ña tãmuoborotire ñare i yirëtobosarotirodo”, ñare yigotiaya mu’ yigu, yure cöacami”.

“To bajiro bajiraroja ti”, yuucamasiñumi Isa’ias, Dios ocare gotirëtogü —Ñare yïñagotiyuju Jesús.

²⁰ To bajiro yïñagoti gajanocöari, i ñaritutire buacöari, ti viagure tuojuju. To yicöa, ejarüjucoasuju yuja, ñare bueguagu. To i bajirone bato ñe ñañujarä ña jediro, ñare i gotisere ajiruarä ñari. ²¹ To bajiro ña bajirone, ado bajiro ñare gotiyuju i:

—Ñe adirodone ñaja, “Bajiraroja” Isa’ias i yuucamasiriarore bajirone bajirirodo —Ñare yigotiyuju Jesús.

²² To bajiro i yisere ajicöari, no yimasibesujarä ña:

—¿No bajiro bajicöari, quënarö gotimasiosasiati i? ¿Adi macagu José maca me ñatique? —Jesúre ñe yiyujarä ña.

²³ To bajiro ña yisere ajicöari, ado bajiro ñare yiyuju Jesús:

—Yure rucububeaja mu. Ado bajiro yure yituoñaja mu: “Capernaüm väme cutoju ñañañamani i yirere ajicaju mani. Riojo gotigu, ñañañamani i yisere manire quëne yïtoato i’, yituoñaja mu. Mani gotise queti, ado bajiro gotiaja: “‘Sigü, uco yigu, i rijajama, i masune uco yi, caticoacami. To bajiro i bajisere ñacöari, ‘Uco yigu masune ñaami’ yimasiräja mani”, yigotiaja. Ti ñure yure gotirua tuoñaja mu, ado bajiro yu yisere bojarä ñari: “Ñañañamani yigu masu mu ñajama, Capernaümju ñañañamani mu yïlorere bajiro mu ya macanare quëne yïloroti ñaja”, yure yiboaräja mu —Ñare yigotiyuju Jesús.

²⁴ To yigajano, ado bajiro ñare gotiyuju quëna:

—Riojo muare gotiaja yu. Diore gotirëtobosarimasu gajeroju Dios ocare i gotimasiocudijama, ire ajirëcabuoräma. To bajiboarine, i ya macanare Dios ocare i gotimasiojama, ire ajiteräma. To bajirone bajiaja yure quëne —Inare yiyuju Jesús. ²⁵ —To bajirone bajimasiñuju ti, mani ñicuaire quëne. Diore gotirëtobosamasir'i, El'ias vâme cutigüre, i yarä ñamasiriärä, ire ajitemasiñujarä ña. El'ias i ñariorori yoaro oco quedibetimasiniuju. Idia cäma jediro gaje cäma gudareco oco quedibetimasiniuju. To bajiro bajica yiro, bare manimasiñuju. Manajua rijaveomasiriärä, tirodori jäjarä ñamasiniujarä ña. ²⁶ To bajiri El'ias i ejarëmorotire bojarä, jäjarä ña ñaboajaquëne, ña tujuaire cöabecune, “Sidön vâme cuti maca tu ñarimaca, Sarepta vâme cuti maca ñagöjuare sore ejarëmoaya” yigu, ire cöamasiñuju Dios. ²⁷ Eliseo vâme cutigüre, Diore gotirëtobosamasir'ire quëne, to bajirone bajimasiñuju. I ñariorori, mani ñicua ñamasiriärä, gase boarä jäjarä ñamasiniujarä ña. Jäjarä ña ñaboajaquëne, ñare catiobetimasiniuju i. Inare catiobetiboarine, gäjerä masujuare, Siria sitagüre Naamán vâme cutigüre catiomasiñuju Eliseo —Inare yigotiyuju Jesús, Dios ocare ña buerivi rëjaräre.

²⁸ To bajiro i yigotisere ajicöari, ña jedirone buto jünisiniujarä. ²⁹ To bajiro bajirä ñari, Jesúre ñiacosujarä ña. Gütau ñañuju ti, ña ñarimaca taju. “Tiu gütau joeju ire turocaqueoto mani” yirä, Jesúre ñia vaboayujarä ña. ³⁰ Ire ña ñia vaboajaquëne, no yimasiña manone ña vatoane vacoasuju Jesús.

Masa usuju sãñagüre vätire Jesús i buocare queti
(Mr 1.21-28)

³¹⁻³² Galilea sitare ñarimaca, Capernaum vâme cuti macaju vasuju Jesús. Ti macaju ejaçöari, ususäjariarümu ti ejaro, Dios ocare ña bueriviju ñare gotimasioñuju i. Ujäre bajiro bojonebecune quënarö i gotimasiojare, ajiiñamani i gotise ti ñajare, no yimasibesujarä ña.

³³ Ti vire sīgä ümu ñañuju, i usuju vätì sãñagü. I usuju sãñacöari, ado bajiro Jesúre ire avasãñuju vätì:

³⁴ —Jesús, Nazaret vâme cuti macagu, çno yigu yua tu vadiati mu? ;Yuaire göjanabiobesa! ÇRojose yua yise vaja, rojose yuaire yiguagu vadiati mu? Mure ñamasiaja yua. Rojose yigu me, Dios i cöar'i ñaja mu —Jesúre yivasãñuju vätì.

³⁵ To i yirone, oca tutuase räca ado bajiro ire yiyuju Jesús:

—iÑagöbesa mu! ;To yicöari, i usujure budigoya! —vätire ire yiyuju Jesús.

To i yirone, rijaquedirotiyuju vätì, masare. To yicöari, rojose ire yiruagu ñaboarine, rojose ire yibecune, ire budigocoasuju yuja. To i bajijare, masujuama quënaejacoasuju. ³⁶ To bajisere iacöari, ti vi ñarä jediro no yimasibesujarä ña, ti ünire iabetirügüriärä ñari. To bajicöari, ña masune ado bajiro gämerä sënñañujarä:

—çno bajiatì? Ajiiñamani oca manire gotimasiogü yami. Buto masigü ñaami. Vätia buto masirä ña ñaboajaquëne, masa usurijure sãñaräre ñare bureamasiami —gämerä yiyujarä ña.

³⁷ To bajiro Jesús i yiñasere masa ña gotibatöjare, Galilea sitana tire ajjedicöañujarä ña.

Pedro ümañicore Jesús i catiore queti
(Mt 8.14-15; Mr 1.29-31)

³⁸ Dios ocare ña bueriviju ñar'i, budiasuju Jesús, Simón Pedro ya viju vacu. Ti viju sãjaejaçöari, Pedro ümañicore ñañuju. So ruju buto asicöari, buburibujayuju so. To bajiro so bajijare, Jesús sore i catiosere bojayujarä ña. ³⁹ To bajiro ña yirone, so tu ejarügöçöari,

—So ruju asise, tujaya —yiyuju i. To bajiro i yirone, sore ruju asiboase sore tujacoasuju. To bajiro sore i yicatiöririmarone, vämurügöçöari, bare ñare ecayuju so.

Jäjarä, rijaye cutiräre Jesús i catiore queti
(Mt 8.16-17; Mr 1.32-34)

⁴⁰ Tiju bero, räioriju Jesús taju juaejayujarä, rijaye cutiräre. To ña bajisere iacöari, tocäräçure i ämori ñujocöari, ñare catioyuju Jesús. ⁴¹ Vätì sãñaräre quëne juaejayujarä. Inare quëne, ña usuriju sãñaräre vätiare bureayuju Jesús. To i yirone, “Dios macune ñaami” yimasirä ñari,

—Dios macu ñaja mu —vätia ña yivasäjare, ñare ñagörotibesuju Jesús, “ ‘Masa rojose ña tãmuoborotire ñare yirëtobosacöari, “Rotimuorügörcumi” yigu, Dios i cöar'i ñaami Jesús’ masare yiajioroma” yigu.^a

“Gaje macarianare quëne, quënase quetire goticudirocu ñaja yu”, Jesús yire queti
(Mr 1.35-39)

⁴² Gajerämu, busuriju, masa manöju vacoasuju Jesús, Diore sëniagu. To i bajiboajaquëne, ti macana, ire macasuya, ejacoasujarä ña. Toju ire iabujacöari,

^a 4:41 “Masare i rijabosarotirümu ti ejaбетijare, vätiare ñagörotibesuju Jesús”, yiyujarä sīgäri, Dios oca masa ña ucamasire buerëtoburimasa.

—Yua rāca tudaiya mu. Gājerā ina űarōju vabesa mu —İre yiboayujarā İna. ⁴³ To bajiro İna yisere ajicōari, ado bajiro İnare yicūdiyuju Jesūs:

—Tudiabeaja yu. Gaje macarianare quēne, quēnase quetire goticudirūgūrocu űaja yu. “Eju Dios yarā quēnaro İ yirona mu űarūajama, rojose mu yisere yitujacōari, yure ajitirūnūña”, İnare quēne yigotimasiroti űaja. “To bajiro yicudiatu” yigu, yure cōacami Dios —İnare yicūdiyuju Jesūs.

⁴⁴ To bajiri, gaje macariana jud'io masa Dios ocare İna bueriviriju sājacōari, quēnase quetire gotimasiocudirūgūñuju Jesūs.

5

Vai sīarimasare Jesūs İ jire queti (Mt 4.18-22; Mr 1.16-20)

¹ Cojorāmu Genesaret vāme cutira űtabucura tuju űañuju Jesūs. To İ bajiro İacōari, jājarā masa ejayujarā. İna ejaro İacōari, İnare gotimasio űañuju İ. To bajiri İ gotimasiotere buo ajiruarā űari, İ ture jājarābusa ejayujarā masa. ² To bajiri İ rūgōboarijure rūgōbibeccōañujarā. To İna bajijare, ju cūmuari masa manjari jayasere İabujayuju İ. Vai sīarimasa İna bajiyucirire coerā İna vāgāgoriari űañuju. Coja űañuju Pedro yaga. ³ Tia tu űañuju Pedro, vai sīaűar'i İ bajiyucirire coeűagū. To bajiri tiare vasājacōari,

—Quēnaca yure űuviojaya mu —Pedrore İre yiyuju Jesūs. İre İ űuviojoro bero, cūmuaju sāñacōari, masare gotimasioñuju quēna. ⁴ İnare gotimasio gajanocōari, ado bajiro Pedrore İre yiyuju:

—İcuarōju vijajajacōari, mu bajiyucare rearoderuuya mu! —İre yiyuju. ⁵ To bajiro İ yisere ajicōari, ado bajiro İre yicūdiyuju Pedro:

—Yua űju, jēju űami yu bajiyucare rearoderuu űamicutiboabu yu. Vai, mama İna. To bajiboarigine yure mu rotijare, rearoderuu İaruarāja quēna —Jesūre yicūdiyuju Pedro.

⁶ To bajiri, űcuarōju vijajajacōari, İna bajiyucirire rearoderuucōari, tūajāmuoaboayujarā İna. İna tūajāmuoaboaro, jājarā İna sājajare, İna bajiyucari vocoabusa bajiyuju. ⁷⁻¹⁰ To ti bajijare, gājerā vai sīarimasare jiyujarā İna, “Yure ejarēmoroaya” yirā. To İna yirā, İna tuju ejacōari, İna ya cūmuaju vaire juasāñujarā İna quēne. Ju cūmuajune rujaruabusarōju yijāmuojocōañujarā. Pedro rācana űañujarā Zebedeo rīa, Juan vāme cutigu, to yicōari, Santiago vāme cutigu. Jājarā vai İna sājaro İaucajedicoasujarā İna, ti űnre İabetirūgūriarā űari. Ture İaucacōari, Jesūs ture gusomuniari tuetucōari,

—Masirētogū űaja mu. To bajiro yigu űari, quēnaro yigu mu űasere masiaja yu. Dios İ bojarore bajiro yigu me űaja yuma. Yure baba cutirūabecūja mu, quēnagū űari —Jesūre yiyuju Pedro. To bajiro İ yisere ajicōari, ado bajiro İnare yiyuju Jesūs:

—Yure güibeticōāña mu. Vai sīarimasa mu űaserema jēre moagajanocōaja mu. To bajiri yucarema masa yure İna ajitirūnurotijuare yure moabosarā űarūgūruarāja mu —İnare yigotiyuju Jesūs.

¹¹ To bajiro İ yijare, İna cūmuarire vejamocū, to yicōari, İna gajeyeűnre quēne cūcōa, İre suyacoasujarā İna.

Gase boagure Jesūs İ catioire queti (Mt 8.1-4; Mr 1.40-45)

¹² Cojorāmu macaju Jesūs İ űaro, İ tuju ejayuju rijaye cutigu, İ ruju jediro gase boagu. Jesūre İacōari, gusomuniari tuetuyuju, İre rūcūbuogu. To yicōari, ado bajiro Jesūre İre yiyuju:

—Yua űju, yu cāmire mu yarūajama, yaya —İre yisēniñuju İ.

¹³ To bajiro İre İ yisere ajicōari,

—Mu cāmire yarūcūja yu —İre yigune, İre moaİañuju Jesūs. To bajiro İ yiririmarone, İ cāmi İre yaticoasuju yuja. ¹⁴ To İre yigajanocōari, gājerāre İre gotirotibesuju Jesūs. To bajiro İre yicōari, ado bajiro İre yiyuju:

—Yucacane paire mu rujure İoaya. Mu rujare İre İogāne, Moisére Dios İ roticūmasiarore bajiro vaibucurā ecariarāre sīacōari, paire İre İsima, Diore rūcūbuogu. To mu yisere İacōari, “Caticoasumi”, yiruarāma masa —İre yiyuju Jesūs, gase boaboar'ire.

¹⁵ To bajiro İ yisere masa İna masisere İ bojabetiboajaquēne, Jesūs İ yīnase quetire ajijedicōañujarā. To bajiri, jājarābusa masa ejarūgūñujarā, Jesūs tujare, İ gotisere ajirā, to yicōari, İna rijaye cutisere İre catioerotirā. ¹⁶ To bajiro İna bajiboajaquēne, masa manōju İnare cāmotadiveocoarūgūñuju Jesūs, Diore İre sēnigū vacu.

Micagure Jesūs İ catioire queti (Mt 9.1-8; Mr 2.1-12)

¹⁷ Cojorāmu Jesūs masare İ gotimasio űarore, fariseo masa, Dios İ rotimasire gotimasiotimasa quēne ajirujuyujarā İna. İna űañujarā Galilea sita űarimacariana, to bajicōari,

Judea sita ñarimacariana. Gãjerãma, Jerusalén macana ñañujarã. To ñna ajirujirone, Dios í masise ráca rijaye cutirãre ñnare catioñoñuju Jesús. ¹⁸ To bajiro í yíñarone, micagüre ãmiayujarã. Ñre ãmiadicõari, Jesús tuju cûruaboayujarã ñna. ¹⁹ To ñna yiruaboarore jãjarã masa ñnabibecõañujarã. To bajiri, vijure sãjamasibesujarã. “Tire bajicõaja” yirã, vi joeju ñre ãmimujasujarã. Ñre ãmimujacõari, Jesús í rügõro vecare goje yijorayujarã. To yigajano, micagüre í jesariju rácanne ñre jidirujio ejoyujarã, Jesús tuju. ²⁰ “Micagüre ñamaicõari, ñre catiorucumi Jesús” ñna yituoñasere ñamasicõari, micagüjare ado bajiro ñre yiyuju:

—Rojose mu yirere mure masiriocõaja yu —Ñre yiyuju Jesús.

²¹ To í yisere ajicõari, Dios í rotimasire gotimasiorimasa, fariseo masa quëne, ado bajiro tũoñañujarã ñna:

—¿No yigu to bajise yati í? To bajiro í ñagõjama, Diore ñre rucubuobecu yami. Dios sigüne ñagümi, ti ñnare yimasigüma —yituoñañujarã ñna.

²² To bajiro ñna yituoñasere ñamasicõari, ado bajiro ñnare yiyuju Jesús:

—“Diore bajiro masa rojose ñna yisere masiriomasiaja’ yisocaami”, yure yituoñaboaja mu. ²³ “Rojose mu yirere masiriocõaja” yu yicõa tujajama, “Socu yami. Socu me yami”, yure yíñamasigü magümi. To bajiboarine, micagüre, “Vãmurügücõari, vasa” ñre yu yijama, “Socu me yami. Rojose í yirere masiriocõami”, yure yíñamasirãja mu. ²⁴ To bajiri, “Dios í roticõacacu ñari, Diore bajirone masare rojose ñna yisere masiriomasigü ñaami’ yure yíñamasiatu” yigu, ñni micagüre ado bajiro ñre yaja yu: “Vãmurügüña mu. Mu jesarijare ãmiña. To yicõari, mu ya vijü tudiasa”, ñre yaja yu —Ñre yiyuju Jesús.

²⁵ To í yiririmarone, masa jediro ñna ñaro ríjoro vãmurügücõari, í jesarijare ãmi, í ya vijü vacoasuju í yuja. “Quënarõ yaja mu”, Diore ñre yivariquëna vasuju í. ²⁶ To bajiro Jesús í yisere ñaucacoasujarã masa. “Ti ñnare ñabetirügücaju maní. Ñni, Dios í masise ráca yigu yami” yituoñacõari, “Quënarõ yaja mu”, Diore ñre yivariquëñañujarã ñna.

Lev’ire Jesús í jire queti

(Mt 9.9-13; Mr 2.13-17)

²⁷ Micagüre catiocõari bero vacoasuju Jesús. To bajivacu, Lev’i vãme cutigure ñañuju. Hjure gãjoa sënibosarimasa ñañuju. Gãjoa sënirã ñna rujirijure gãjoa sënirujiyuju. To í bajiro, ñre ñacõari, ado bajiro ñre yiyuju Jesús:

—Yure ajisuyaya —Ñre yiyuju.^b

²⁸ To bajiro í yisere ajicõari, í yere juabecune, Jesúre suyacoasuju í yuja.

²⁹ Bero, í ya vijü ejacõari, Jesúre rucubuoçu, jairo bare quënorotiyuju Lev’i. To yicõari, Jesúre, í buerimasare quëne jiyuju. Hjure gãjoa sënibosarimasa, to yicõari, gãjerãre quëne jirëoñuju í. Ñna ñañujarã “Rojose yirã ñaama” masa ñna yíñarã. To bajiri, jãjarã ñañujarã í jirëoriarã. ³⁰ To bajiri, Jesúrãca ñna bañarone, ejayujarã fariseo masa, Dios í rotimasire gotimasiorimasa quëne. Ñna ñañujarã, Moisére Dios í roticümasirere buto ajirucuborã, rojose yirã ráca ñaruamena. To bajiri, ñna bañaroju ejacõari, ado bajiro Jesús buerimasare ñnare sëníñañujarã:

—¿No yirã ñnoa rojose yirã ráca bati mu? —Ñnare yisëñíñañujarã ñna.

³¹ To bajiro ñna yisere ajicõari, ado bajiro ñnare cudiyuju Jesús:

—Caticuënarãma, uco yigure bojamenama. Rijaye cutirã ríne ñre bojarãma ñna. ³² To bajiro bajiaja yure quëne. “Rojosere yirã me ñaja yua” yirãma, yure bojamenama. “Rojose yirã ñaja yua” yirã ríne yure bojarãma. Quëñase yirãre jigüagu me, adi macarucurojure vadicaju yu. Rojosere yirã, “Rojose ñna yisere yitajato” yigu, vadicaju yu —Ñnare yiyuju Jesús.

“Mani sutiritisere ñacõari, quënarõ manire ejarëmorucumi Dios” yirã, bare babetire queti

(Mt 9.14-17; Mr 2.18-22)

³³ To í yiro bero, Jesúre sëníñañujarã sigüri:

—Juan vãme cutigu, masare oco ráca bautizarimasa buerimasa, to yicõari, fariseo masa quëne, mani ñucua ñna yimasiriarore bajiro Diore ñna sënirirümarirema bare babetirügüma.

¿No yirã tire yibeati mu buerãma? —Jesúre yisëñíñañujarã ñna.

³⁴ To ñna yisere ajicõari, ado bajiro ñnare gotimasioñuju Jesús:

—Sigü í ãmosiarirãmure ñre variquënaejarëmorã ñnarãma. To í ñmato yíñaro cõro ñre variquënaejarëmocõa ñnarãma. Ñnare bajiro bajiamu yu buerã. Yu ráca ñari, variquënacõa ñaama. “Sutiritimena ñari, no yirã bare babeticõa yimenama” yimasire ñaja. ³⁵ To bajiboarine, cojorãmu yure ñna ñnavato ñacõari, bare bamene Diore sënirügümarãma, “Mani sutiritisere ñacõari, quënarõ manire ejarëmoato Dios” yirã —Ñnare yiyuju Jesús.

³⁶ To yicõari, quëna gaje gotimasioire queti ado bajise ñnare gotirëmoñuju Jesús:

^b 5:27 Leví, jua vãme, vãme cutigu ñañuju. Gaje vãme, Mateo vãme cutiyuju. Leví, hebreo oca ráca, Mateo romano oca ráca yiruaro yaja.

–Mame oca yu gotimasiose ricati ti ñajare, yu ye rāca mani ñicua ña yimasirere mua tuoñavojama, quēnabeaja. Sudiro bucuse ti vojama, sudiro mamasere voāmicōari, tiatume-naja mani, bucuse vorijure. To bajiro mani yijama, sudiro mamasere virojocōarāja mani. To bajicōari, bucuse rāca quēnaro ruuyubetoja mamasegaju rāca mani tiaturiju ñari. To bajiri bucuse, mamase rāca mani tiavobetore bajiro, mame oca yu gotimasiosere, mani ñicua oca rāca tuoñavobesa mua. ³⁷ To bajirone bajiaja nye oco quēne. Mame nye ocore, vaibucugaserone quēnorijaoa bucujajuare jiomenaja mani. Bucujajuare mani jiojama, jāmusñituca yiro, yivocōaroja tijoajuare. To bajiro mani yijama, nye ocore, vaibucugaserone quēnorijaoare quēne to bajirone yireacōa tujana yirāja mani. ³⁸ “To bajirobe” yirāma, mame nye ocore vaibucugaserone quēnorijaoa, mamajoajuare jiore ñaroja. To yicōari, nye oco, vaibucugaserone quēnorijaoa quēne, cojoro cōro quēnaro ñaruaroja. To bajiri mame nye ocore, bucujajuare mani jiojetore bajiro mame oca yu gotimasiosere, mani ñicua oca rāca tuoñavobesa mua. ³⁹ To bajiro muare yaja yu, ado bajiro ti bajijare: Mani gotise queti ado bajiro bajiaja: “Nye oco tirūmaju ña quēnore idirūgūrāma, nye oco mame ña quēnose idirūamenama, ‘Tirūmuaye ña quēnorejua quēnaja’ yirā”, yigotiaja mani gotise. To bajirone bajiaja mame oca yu gotimasiose quēne. Jājarā tirūmuaye ocare ajirūcubosejarāma, mame oca yu gotimasiosere ajiterāma, “Tirūmuaye ocajua quēnaja” yirā –ñare yiyuju Jesús.

6

Ususājariarāmū ñaboajaquēne, Jesús buerimasa trigo ajere tūnejuacōari ña bare queti
(Mt 12.1-8; Mr 2.23-28)

¹ Ususājariarāmū ti ejaro, trigo oterivese cature vasujarā, Jesúrāca. To bajivanane, trigo ricare tūnejuacōari, ña āmorine ti gasere sīguereacōari, bayujarā ña. ² Tire ña basere ñacōari, sīgāri fariseo masa ado bajiro ñare yiyujarā:

–Ususājariarāmū yire mere yaja mua –ñare yiyujarā.

³ To bajiro ña yisere ajicōari, ado bajiro ñare cudiyuju Jesús:

–¿David ñamasir'i, i babarā rāca ñiorijacōari, ñare i ūmato bamasirere masibeati mua?

⁴ Ñiorijarā ñari, “Mani rāca ñagūmi Dios” masa ña yirivijure sājacōari, Diore ire rūcuborā pan gājerā ña cūboarere juacōari, i babarā rāca bamasijūju i. To bajiri Moisés ñamasir'i i gotimasirema, “Paia rīne baruarāma” i yimasiboarere bamasijūjarā ña. To bajiro ña yiboajaquēne, ti vaja rojose ñare yibetimasijūmi Dios. ⁵ Yu, Dios i roticōacacu, “Ususājariarāmūre ado bajiro mua yijama, quēnaja. To bajirojua mua yijama, quēnabeaja”, yirotiḡu ñaja yu –ñare yicudiyuju Jesús, fariseo masare.

Āmo ñujobecure Jesús i ñujorotire queti
(Mt 12.9-14; Mr 3.1-6)

⁶ Gaje semana gaja, ususājariarāmū ti ejaro, Dios ocare ña buerivijū tudivasuju Jesús quēna. Sājacōari, toanare gotimasioñuju. Ti vijū ñañuju sīgū, riojocatua āmo ñujobecu. ⁷ Dios i rotimasire gotimasiorimasa, to yicōari, fariseo masa quēne ñañujarā. “Jesús, rojose yimi’ ujarāre ire yigotiyirorāsa” yirā, Jesúre ire ñacodeyujarā ña. “Adirūmu ususājariarāmūre āni āmo ñujobecure i masise rāca i ñujorotijama, ‘Dios, Moisére i roticūmasirere cudibecu yimi’ yigotiruarāja mani”, yituoñañujarā. ⁸ To bajiro ña yituoñasere ñamasicōañuju Jesús. To bajigu ñari, ado bajiro yiyuju, āmo ñujobecujuare:

–Vūmurāgūña –ire yiyuju.

To i yirone, vūmurāgūñuju i.

⁹ To bajiro ire yicōari, Dios i rotimasire gotimasiorimasare, to yicōari, fariseo masare quēne ado bajiro ñare sēñañañuju Jesús:

–¿Ususājariarāmūre quēne, no bojagu masare quēnaro mani yijama, quēnabetojari? ¿Dis-ejuare yiroti ñati? ¿Quēnasejuare, rojosejuare yiroti ñati ti? ¿Rijaye catirāre catiorejuare yiroti ñatique? To yiterā, ¿ñare sīacōaroti ñatique? –ñare yiyuju Jesús.

¹⁰ I sēññasere ña cudisere ajiru, tocārācure ñare ñaboajuju. ña cudibeto ñaboacu, ado bajiro ire yiyuju, āmo ñujobecujuare:

–Mu āmore ñujoya mu –ire yiyuju Jesús.

To i yirone, i āmore i ñujorone, quēnajeacoasuju yuja. ¹¹ To bajiro ire i yijare, Jesúre buto jūnisiniñujarā ña Dios i rotimasire gotimasiorimasa, to yicōari, fariseo masa quēne. “¿No bajiro yicōari, Jesúre sīarotirāti mani?”, gāmerā yīñagōñujarā ña.

Ī ocare goticudisūoronare Jesús i besere queti
(Mt 10.1-4; Mr 3.13-19)

¹² Cojorāmū burojū majasuju Jesús, Diore sēññacu. Tojū Diore sēñi ñamicutibusocoasuju i. ¹³ I sēñi busuorirāmūre, i buerimasare jirōñuju Jesús. To bajiri i tu ña ejarone, juaāmo cōro, gubo jua jēñituarirācu ñarā ñare beseyuju, i ocare

goticudibosaronare. ¹⁴⁻¹⁵ Ado bajiro vāme cutirā ñañujarā: Simón vāme cutiboar'i Pedro vāme cutigu, i bedi, Andrés ñañujarā. Santiago, Juan, Felipe, Bartolomé, Mateo, Tomás ñañujarā. Alfeo macu, Santiago, to yicōari, Simón vāme cutigu, celote yere tuoīaboar'i ñañuju. ¹⁶ Santiago macu, Judas vāme cutigu ñañuju. Tusagu Judas Iscariote vāme cutiyuju. I ñañuju Jesure Isirocar'i. To bajiri juaāmo cōro, gabo jua jēnituarirācu ñañujarā Jesús i beseriarā.

Masa jājarāre gotimasiocōari, rijaye cutirāre Jesús i catioere
(Mt 4.23-25)

¹⁷ I beseriaro bero, ina rāca rojaejayuju i, rujatūcuroriju. Toju gājerā Jesús buerimasa ire ñayuyujarā ina. Judea sita ñarimacariana, gājerāma, Jerusalén macana ñañujarā. Gājerā moa riaga tuana, Tiro macana, to yicōari, Sidón macana quēne ñañujarā ina. I gotimasiocere ajiruarā, to yicōari, i catioere bojarā, ire ñayuyujarā ina. ¹⁸ Ina usurijure vātia sñānarā ñari, rojose tāmūorā quēne ñañujarā. Ina usurijure sñānarāre vātiare bureayuju Jesús. ¹⁹ To yicōari, tocārācu rijaye cutirāre quēne catioyuju. To bajiro i yisere iacōari, masa jediro ire moaīarūayujarā, “Manire quēne catioato” yirā.

Variquēnaronare, to yicōari, rojose tāmūoronare Jesús i gotimasiore queti
(Mt 5.1-12)

²⁰ Inare catiohajano, i buerimasare iacōari, ado bajiro inare gotiyuju i:
—“Masimena ñari, mū ejarēmose buto bojaja yua”, Diore ire yisēnirūgūrāma, i yarā ñarāma. To bajiri, rojose tāmūoboarine, Dios taju variquēnarona ñarāma.

²¹ Yucūire Dios i bojabetire yicōari, tuoīasutiritiñarā quēne, variquēnarona ñarāma, beroju ina tuoīasutiritisere Dios inare i yirētobosaroti ti ñajare.

²² Dios i roticōacacure, yure mua ajitirūnuse suorine gājerā muare ajatud'icōari, “Rojorā ñaama” muare ina yisocaboajaquēne, variquēnararāja mua. ²³ To bajiro muare ina yiboajaquēne, buto variquēnaña mua, “Beroju Dios taju ejarā, quēnase bujaruarāja” yimasirā ñari. Mua rījoroana, Diore gotirētobosamasiriāre quēne, rojose muare ina yirore bajirone inare quēne rojose yimasirāñarā mua.

²⁴ Gājerāma, gajeyēni jairo cuovariquēnarā ñari, Diore bojamina ñarāja mua. Adigodoju variquēnarā ñaboarine, berojuma sutirituarāja.

²⁵ Gājerāma, “Disejua yuare ruyabeaja” yivariquēnarā ñari, Diore bojamina ñarāja mua. Adigodojare variquēnarā ñaboarine, berojuma variquēnabetiruarāja mua.

Gājerāma, mua rijato bero mua bajirotire tuoīamenane, adigodoayere tuoīacōari ajarāma, beroju, otiruarāja mua.

²⁶ Masa, “Quēnaro yirā ñaama” muare ina yisere ajicōari, variquēnaboaja mua. To bajirone bajimasirāju tirūmūja. “Diore gotirētobosarimasa ñaja yua” yitomasiriāre, “Quēnaro yirā ñama” inare yirācūbuomasiboayujarā mua ñicua.

“Manire iaterāre quēne mani iamaijama, quēnaja”, Jesús i yigotimasiore queti
(Mt 5.38-48; 7.12)

²⁷ Yure ajitirūnūre ado bajise muare rotiaja yu: Muare iaterāre quēne iamaifā. Inare iamaicōari, quēnaro yira. ²⁸ Rojose muare yirāre quēne quēnaro ina ñarotire, Diore inare sēnibosaya mua. ²⁹ Cojojacatua, mua vayujuare i jajama, gajejacatuare quēne ire jarotiya. Sīgū, mua sudirore joeagarore i veaāmijama, jubeagarore quēne ire veaīscōaña. ³⁰ No bojarā mua gajeyēnure ina sēnijama, isiña. Mua gajeyēnure juarudigure, “Yure tuoja”, ire yibesa mua. ³¹ Gājerā quēnaro muare ina yisere bojaja mua. To bajiri quēnaro muare ina yisere bojarā ñari, quēnaro inare yira mua quēne.

³² Muare iamairā rīne mua iamaijama, ¿“Quēnaro yaja mua”, muare yīagūjari Dios? Yibecumi. Rojose yirā quēne, inare mairā rīrene inare iamairūgūrāma ina. ³³ Quēnaro muare yirā rīrene quēnaro mua yijama, ¿“Quēnaro yaja mua”, muare yīagūjari Dios? Yibecumi. Rojose yirā quēne, quēnaro inare yirā rīrene quēnaro yirūgūrāma ina. ³⁴ Muare tuomasirā rīrene no bojasere mua vasoajama, ¿“Quēnaro yaja mua”, muare yīagūjari Dios? Yibecumi. Rojose yirā, inare tuomasirā rīrene ina sēnisere inare isirāma ina quēne. ³⁵ To bajiri ado bajiro muare gotiaja yu: Muare rojose yirāre quēne, inare maifā mua. Inare quēne quēnaro yira. “Mani isisere manire tuoīamenane, inare isiña. To bajiro inare mua yijama, quēnamasusere muare ujoγucumi Dios. “Quēnaro yaja mu” Diore yimenarene, to yicōari, rojose yirāre Dios i maiorore bajirone mua maijama, “Dios rīa ñaja yua” yīorā yirāja mua. ³⁶ Mani jacu Dios i iamaire bajirone mua quēne, masare iamaifā —i buerimasare yigotiyuju Jesús.

C 6:30 “Ado bajiro gotigu yiyuju Jesús”, yicama Dios ocare gotirētoburimasa: “Mani vayujuare jagure, to yicōari, gajeyēni manire emagāre, to yicōari, gājerāre no bojase rojose manire yirāre Jesús i yijama, inare gāmebeticōari, quēnasejuaere yiroti ñaja yigu yiyuju”, yicama ina.

“Rojose yirã ñaama. Ti sɔori rojose tãmuoruarãma’ yiruarã, ñare ñabesebesa”, Jesús ï yigotimasiore queti

(Mt 7.1-5)

³⁷ Quëna ado bajiro gotiyuju Jesús:

–“Rojose yirã, ñaama. To bajiro yirã ñari, rojose tãmuoruarãma”, gãjerãre ñare yïñabesebesa. To bajiro mua yijama, “Rojose yirã ñaama”, maare yïlaromi Dios. Gãjerã rojose maare ña yisere mua masiriojama, rojose mua yisere maare masiriorucami Dios quëne. ³⁸ No bojase ña sɔobetijama, ñare ña. To bajiro mua yijama, ñare mua ñisirere ñacõiacõari, mua ñise rëtoɓusaro maare ñisirucami Dios –Ñe ajitirãnurãre yigotiyuju Jesús.

³⁹ To yigune, adi gotimasiore quetire ñare gotiyuju:

–Sīgũ ñabecu, gãji ñabecure ï tãvavajama, gojeju reasãcõanama, ña juarãjune. ⁴⁰ Gajeyerema, ñare buegu rëtoɓusaro masirã me ñaama ï buerã. To bajiboarine quënarõ ña buejeocõajama, ñare buerimasure bajirone masirãma ña quëne.

⁴¹⁻⁴² Gajeyerema, ado bajiro yirãre bajiro yaja mua: Gãji buto rojose ï yibetiboajaquëne, “Mu cajeare sũjurioaca sãñaja. Tijucare amirocato” yirãre bajiro yaja mua. Tire buto ñatirãnurã ñaboarine, mua cajeajure jairisũjuro sãñarijaure tijare “Amirocaya”, yimasibeaja mua, “Buto rojorã ñaja yua” yituoñamasimena ñari. Mua rãcagu ï yisejuare ñacõari, “Riojo tuoñabeaja mu. “Quënasejuare tuoñavasoaya’ yirã, riojo mure gotiruarãja” yigotirã ñaboarine, “Adi ñaja quënase. Tijua ñaja rojose”, yimasimenaja, ï rëtoro rojose yirã ñari. “Quënarõ yirã ñaja yua” yituoñaboarine, rojorã ñaja mua. “Buto rojorã ñaja yua” mua yituoñamasiro beroju, mua rãcagure ejarëmomasirãja mua, “Quënarõ riojo ñato ï” yirã –ï buerãre ñare yigotimasioñuju Jesús.

“Ti rica cutise suorine yucãre ñamasijaja mani”, Jesús ï yigotimasiore queti

(Mt 7.17-20; 12.34-35)

⁴³ –Gajeyerema, yucã vãnuricu, “Quënase rica cutiricu ñaja” mani yiboaricune, quënabeti rica cutibetoja. To yicõari, vãnubeti, “Quënabeti rica cutiricu ñaja” mani yiboaricune, quënase rica cutibetoja. ⁴⁴ Ti rica cutise suorine yucãre ñamasijaja mani. Quënase bare higos vãme cuti ricare juaroana, vãtijota yucãrijure macamenaja mani. To yicõari, uye juaroana, vidiroju ñaricu savajotaujure macamenaja mani. ⁴⁵ To bajirone bajijaja masare quëne. Sīgũri quënase tuoñarã ñari, quënase yirãma. Gãjerã, rojose tuoñarã ñari, rojose yirãma. To bajiro bajijaja mua ñagõse quëne. Masa ña ñagõsere ajicõari, “Rojose tuoñarã ñaama. Quënase tuoñarã ñaama”, yimasijaja mua. To bajiri ña usuriju ña tuoñabujuoñasere, ña riseriju ñagõburũgũama ña –Ñare yigotiyuju Jesús.

“Quënarõ ñe ajitirãnurã, to yicõari, ñe ajiboarine, ñe cudimenama, ado bajiro bajirãma”, Jesús ï yigotimasiore queti

(Mt 7.24-27)

⁴⁶ Quëna ado bajiro ñare yiyuju Jesús:

–¿No yirã yu rotisere cudibetiboarine, “Yua uju” yure yati mua? ⁴⁷ Yu gotimasiosere ajicõari, yu rotirore bajiro yiguma, ado bajiro yigu ñgure bajiro bajigu ñagãmi: ⁴⁸ ï ñgũ ñagãmi gũtajãju gojeri coaejocõari, botari rãgõcõari, vi buagure bajiro bajigu. Vi ï buaro bero, buto oco quediroma. To bajicõari, riaga jaicoatoja. Ti viju ti jaiejacoaboajaquëne, juriaquedibetoja ti vi. ⁴⁹ Yure ajiboarine, yu rotirore bajiro yibecujua ñagãmi sita vajaroju vi buagure bajiro bajigu. Ti vi ï buaro bero, buto oco quediroma. To bajicõari, riaga jaicoatoja. Ti vijure ti jaiejarone, yoaro mene juriaquedicoatoja –Ñare yigotiyuju Jesús.

7

Surara ujure moabosarimasure Jesús ï catiore queti

(Mt 8.5-13)

¹ Gotimasiore queti ñare gotigajanocõari, Capernaum vãme cuti macaju vasuju Jesús. ² Ti macajure ñañuju romano masu. Surara uju ñañuju ï. Ñe moabosarimasu, ï maigũ, buto rijayuju. Bajirocãcãju yiyuju ï. ³ To bajiri ti macaju Jesús ï vadire ajicõari, “Ñe catiogũ vadiato Jesús” yigu, jud’io masa bucarãre ñare cõañuju ï, “Ñe jiaya” yigu. ⁴ To bajiri Jesús tãju ejaicõari, ado bajiro ñe yisëniñujarã ña:

–Yua tuagu, romano masu, surara uju, ï queti cõarã bajijaja yua. “Vadiato Jesús. Yu maigũ, yure moabosagu, buto rijaju. To bajiri rijacu yami. Ñe catiogũ vadiato” ï vijare, bajibu yua. ⁵ Mani yarã, jud’io masare maiami. To bajiri ñe Dios ocare yua buerotivire buaroticami. To yigu ï ñajare, ñe sënibosarã bajibu yua. ¿Ñe moabosagure catiogũ varuabeati mu? –Jesúsre yisëniñujarã ña.

⁶ To bajiro ña yijare, ña rãca vacoasuju Jesús. Ñe cõñatone, gãjerã uju ï cõariarã ñe bocayujarã ña. Ñe bocacõari, ado bajise ñe queti gotiyujarã ña:

–“Yu uju, quēnagū ñaja mu”, mure yami romano masu. “Yuma, rojose yu yisere tuoľabojonegū ñari, yu ya vire ĩre sĕjarotimasibecuja yu. ⁷ To bajiri, ĩre boca bojoneaja yu”, mure yami. No yigu sĕjabecuja mu. “Sĕjabetiboarine, ĩ ñagōtuoľasene catiomasicōagūmi”, mure yami. ⁸ “Gĕjerĕ surara ujarĕ beroagu ñaja yu. To bajiri, yu quēne, gĕjerĕ surarare rotigu ñaja yu. Sĕgure, ‘ĽVasa!’ yu yijama, vajami. Gĕjire, ‘Vayĕ’ yu yijama, vadiami. To yicōari, yure moabosarimasare, ‘Tire yija’ yu yijama, yirŭgūmi. To bajiri, ĩroque rotigu masu ñari, adoju sĕjadibetiboarine, ĩ ñagōtuoľasene caticoarucami”, mure yami –Jesŭre yiyujarĕ ĩna, romano masu ĩ gotirotirĕ.

⁹ To bajiro ĩ yirere ajicōari, no yimasibesuju Jesŭs. To bajiri, judarĕgĕcōari, jĕjarĕ ĩre sŭyarĕre ado bajiro ĩnare gotiyuju:

–Riojo muare gotiaja yu. Israel ĩnamsir'i jĕnerabatia yu yarĕ ñaboarine, “Masigŭ, to yicōari, quēnagū ñari, yure yirĕmorucami” romano masu yure ĩ yituoľarore bajiro tuoľagŭre ĩabetirŭgŭaja yu –ĩnare yigotiyuju Jesŭs.

¹⁰ To bajiro ĩ yiro bero, romano masu ĩ gotirotiriarĕ, vijure sĕjacōari, ĩna ĩajama, ĩre moabosagure catiquēnagŭ ñagŭre ĩre ĩaľujarĕ ĩna.

Bajirocar'ire Jesŭs ĩ catiore queti

¹¹ To ĩ yiriaro bero, gaje macaju vasuju Jesŭs, Na'ın vĕme cuti macaju. ĩ buerĕ quēne gĕjerĕ quēne, jĕjarĕ masa ĩ rĕca vasujarĕ ĩna. ¹² Ti macaju ĩna ejaro, bajirocar'i rujĕrĕre gajavayujarĕ ĩna, ĩre yujeroana. Jĕjarĕ masa ĩna rĕca vayujarĕ ĩna. ĩ ñaboar'i jaco quēne, vayuju. Manaju rijaveorio ñaľuju so. Sĕgĕne macu cutirio ñari, bŭto otiyuju. So otĭ vadone sore bocayuju Jesŭs. ¹³ Sore ĩamaicōari,

–To cōrone otitujaya mu –sore yiyuju ĩ.

¹⁴ To yicōari, so macu rujuri ĩna gajarijotire ĩ moaľeajarĕgŭrone, tujarĕgŭcōaľujarĕ ĩna. ĩna tujarĕgŭrone,

–“Vĕmarŭjuĕna” mure yaja yu –ĩre yiyuju Jesŭs.

¹⁵ To ĩ yirone, vĕmarŭjuri, ñagōľuju ĩ yuja, bajirocar'i. To ĩ bajiro ĩacōari, ĩ jacore tĕaľisľuju Jesŭs. ¹⁶ ĩre ĩ catiosere ĩacōari, gŭiyujarĕ masa, ti ũnire ĩabetirŭgŭriarĕ ñari. To bajirĕ ñari,

–Diore gotirĕtobosarimasu ĩnamasugŭ mani tujĕre ejaami yuja. ĩ yarĕ mani ñajare, manire ĩamaicōari, Jesŭs suorine manire ejarĕmoami Dios –Diore yirŭcubuo variquēnaľujarĕ ĩna.

¹⁷ To bajiro Jesŭs ĩ yisere ajjedicōaľujarĕ ĩna, Judea sitana. Ti sita sojuana quēne, tire ajiyujarĕ ĩna.

Juan vĕme cutigu, masare oco rĕca bautizarimasu ĩ cōariarĕ, Jesŭre ĩna sĕniľare queti (Mt 11.2-19)

¹⁸ Jesŭs ĩ yĭnasere masijeocōaľuju, Juan, ĩ buerimasa ĩna gotise ti ñajare. ¹⁹ Tire ĩre ĩna gotiro bero, juarĕ ĩ buerĕre sĕniľaroticōaľuju Juan:

–Jesŭre, “ĽMune ñati, ‘Rotimŭorĕgŭrucami’ yigu, Dios ĩ cōar'i, ‘Yu bero ejarucami’ Juan ĩ yigotimasiocacu? ĽGĕjire yuroti ñatique maji?’, Jesŭre yisĕniľaaya –ĩnare yicōaľuju Juan.

²⁰ To bajiro ĩ yicōariarĕ, Jesŭs tĕ ejacōari, ado bajiro ĩre sĕniľaľujarĕ ĩna:

–Juan vĕme cutigu, masare oco rĕca bautizarimasu buerĕ ñaja yu. “ĩre sĕniľaaya” ĩ yicōajare vabu yu. ĽMune ñati, “Rotimŭorĕgŭrucami” yigu, Dios ĩ cōar'i, “Yu bero ejarucami” Juan ĩ yigotimasiocacu? ĽGĕjire yuroti ñatique maji? –ĩre yisĕniľaľujarĕ ĩna.

²¹ To bajiro ĩna yisĕniľarĕ ejarone, jĕjarĕ rijaye cutirĕre catioľuju Jesŭs. Masa sŭriju sĕnarĕre vĕtiare quēne bureaľoľuju. To yicōari, caje ĩamenare quēne ĩnare ĩarotĭoľuju. ²² To bajiri, Juan ĩ cōariarĕ ĩna sĕniľasere ajicōari, ado bajiro ĩnare cudiyuju Jesŭs:

–Ado bajiro Juanre gotiba mu: “Jesŭs ĩ masise rĕca ĩ yjare, ĩabetiboariarĕ quēne ĩma. Rujasagueri vaboariarĕ quēne, quĕnaro vama. Gase boariarĕre quēne, ĩna cĕmi yatibu. Ajĭmena ñaboariarĕ quēne, ajĭma. Bajireariarĕ quēne, tudicatima. To yicōari, maioro bajirĕre quēne, Dios oca quĕnasere gotimasio ecoma ĩna”, yigotiba, Juan tĕju ejacōari. ²³ To bajiri, “ ‘Quĕnase bujaruarĕma, Juan ĩ ajitirĕnŭrĕ, ‘Socu me yami’, yure yituoľarĕma’ yimi”, ĩre yigotiaya –ĩnare yiyuju Jesŭs, Juan ĩ sĕniľarotiriarĕ.

²⁴ To bajiro ĩ yisere ajicōari, ĩna vase rĕcane, Juan vĕme cutigu, masare oco rĕca bautizarimasu ĩ ñare quetire gotiyuju Jesŭs, jĕjarĕ ĩre ajĭsŭyarĕre:

–Yucŭ manojĕ vana, Ľñimu ũgŭre tuoľa vacati mu? ĽMasa ĩna bojasere bajiro yirĕa tuoľagŭre ĩarĕ vacati mu? “To bajiro tuoľagŭ me ñacami”, yimasiaja mu. ²⁵ Ľñimu ũgŭre tuoľarĕ vacati mu? ĽQuĕnase sudi sĕnagŭre tuoľa vacati? To bajiro me tuoľariarĕja mu. “Quĕnase sudi sĕnarĕma, quĕnarivirĭju, ujarĕ ya virĭju ñarĕma”, yimasiaja mani. ²⁶ Ľñimu ũgŭre tuoľa vacati mu? ĽDiore gotirĕtobosarimasure tuoľa vacatique mu? Riojo muare gotiaja yu. Gĕjerĕ Diore gotirĕtobosarimasa rĕtoro ñagŭre ĩariarĕja mu. ²⁷ Juan ĩ bajiro tire gotiro, ado bajise gotiaja Dios oca masa ĩna ucamasire:

“ “Rotimuoŕögörucami” yigu, mure yu c̄aroto r̄joro, mure gotiyurocure c̄oasuoŕacuja yu maji’ yami Dios. Í ñarucami ado bajise gotirocu: “Yoaro mene ejarucami, ‘Rotimuoŕögörucami’ yigu, Dios í c̄oaro. To bajiri rojose Dios í bojabetire yitujac̄oari, í bojasejmare yi yuya mua” yigotirocu ñarucami’ yami Dios”, yigotiaja Dios oca masa ina ucamasire.

28 Diore gotir̄etobosarimasa ina gotimasire r̄etoro ñamasuse ñaja, Juan, Diore í gotir̄etobosasejua. To bajiro ti bajiboajaquene, Juan í gotise r̄etoro ñamasuse ñaja yu gotirotic̄oará ina gotise. “Eju Dios yarã quēnaro í yirona mua ñaruajama, Jesúre ajitir̄anuña” ina yigotisere yaja yu. Ñamasurã ñaama, “Ñamasurã me ñaama Jesús í gotirotic̄oará” mua yĩaboajaquene –í rãca ñarãre ñare yiyuju Jesús.

29 Juan í gotimasiorere ajitir̄anuñujarã ina, ejure gãjoa s̄enibosarimasa. Gãjerã quēne, jãjarã ñre ajitir̄anuñujarã ina. “Mu gotiŕore bajirone bajiaja. Rojose yirã ñaja yua” yituoĩac̄oari, Juanre bautizarotiyujarã ina, Diore r̄ucuborã. 30 Ina bautizarotiboajaquene, fariseo masa, Dios í rotimasire gotimasiorimasa quēne, Juan í gotisere ajic̄oari, “Bajibeaja ti”, yituoĩañujarã ñajuama. Dios í bojasere yir̄aabesujarã. To bajiri Juanre bautizarotibesujarã ñama.

31 Quēna ado bajiro ñare gotiyuju Jesús:

–Ado bajiro yirãre bajiro yirã ñarãja mua, adirodoriana: 32 Daquerã, gãjerã rãca ajerucamenare bajiro yirã ñarãja. Ina ajerit̄ucuroju rujic̄oari, gãjerãjua, ado bajiro ñare gotijir̄ama: “ ‘Basavariquēnato mani’ yirã, mure jir̄ubosobu yua. To bajiro yua yiboajaquene, basabeju mua. To bajiri, ‘Rijariarãre buc̄urã ina oticatore bajiro sutiriose boca otiruarãja mua, yua basañarone’ yiboabu yua. To yua yiboajaquene, otibeju mua”, ñare yigotirãma, ina rãca ajerucamenare. 33 Ina rãca ajerucamenare bajiro yirã ñarãja mua, adirodoriana. Juan, quēnase bare babeti, quēnase idire idibeti bajiñañuju í. To bajiro bajigu í ñajare, “Vãti sãñagu ñagãmi”, ñre yituoĩacaju mua, ñre ajiterã ñari. 34 Í bero gotimasiosuocaju yu, Dios í rotic̄oacacu. Yujama, quēnase bare ba, quēnase idire idi bajiñaja yu. To bajiro yigu yu ñajare, “Jairo bagu ñaami. Idimecagu ñaami. Ejure gãjoa s̄enibosarimasa, gãjerã rojose yirãre quēne ñare baba cutiami”, yure yĩaj̄unisiniaja mua, yure quēne ajiterã ñari. 35 To bajiro Juanre quēne, yure quēne mua yise ti ñaboajaquene, Dios í masise rãca yua yise ti ñajare, berõju, “Quēnaro yirã yiboayuma”, yure yimasiruarãja mua –í rãca ñarãre yiyuju Jesús.

Fariseo masu ya vijũ Jesús ñare queti

36 S̄igã fariseo masu ñañuju í, Simón vãme cutigu. “Bare bagu vaja”, Jesúre yiyuju í. To bajiro í yijare, í tujũ vasuju Jesús. Sãjaejac̄oari, barujiyuju í. 37 Ti macaju r̄õmio ñañuju rojose yigo. To bajiri, Simón ya vijũ bare bagu Jesús í ejasere ajic̄oari, gãta sotũ alabastro vãme cuti rãca veariaru ñmiejayuju so. S̄atiquēnase sãñaritu ñañuju tira. 38 Jesús gubori veca ejarãgũc̄oari, otiyuju so. So otirone, so caje oco reaėjoyuju ti, í guborire. To yic̄oari, so joa ñajone tire vejacaroyuju. Tire vejacaroc̄oari, í guborire usuyuju. To yic̄oari, s̄atiquēnase so juadirere Jesús gubori joere yjeoyuju. ñre r̄ucubõgo yiyuju, to bajiro so yijama. 39 To bajiro so yiro ñac̄oari, ado bajiro tuoĩañuju Simón, Jesúre, “Bare baguaba” ñre yir̄ijua: “Diore gotir̄etobosagu masu í ñajama, iso r̄õmiore, ‘Rojose yigo ñaamo’ yĩamasic̄oari, sore moañarotibetibogãmi”, yituoĩañuju í. 40 To bajiro Simón í tuoĩasere masic̄oari, ado bajiro yiyuju Jesús:

–Gotimasiore queti mure gotiguagu yaja yu.

To í yirone,

–Yure gotiya –Jesúre ñre yic̄udiyuju í.

41 To bajiro í yic̄udirone, ado bajiro ñre gotiyuju Jesús:

–Ejma juarã ñarãma ina, gãjijua gãjoa vasoariarã. S̄igã, jua c̄uma moaroto c̄oro vaja mogãmi í. Gãjijua, juarã mujua moaroto c̄oro vaja mogãmi. 42 Gãjoa tuoŕuaboarãma ina, bajirãjuma. To bajiri ina gãjoa mano ñac̄oari, “Tone bajic̄oato. Yure mua vaja mosere muare masir̄oc̄oaja yu”, ñare yigãmi, ñare maigũ ñari. To bajiri, ado bajiro mure s̄eniñaja yu: Gãjoa vasoariarãre ñare í masir̄ore ñajare, çnijua buto ñre maigãjari? –Ñre yis̄eniñañuju Jesús.

43 To bajiro ñre í yis̄eniñarone,

–Yu tuoĩajama, jairo ñre vaja mor̄ijua, buto ñre maigãmi –Ñre yic̄udiyuju Simón.

To í yirone,

–Riojo yaja mu –Ñre yiyuju Jesús.

44 To yigotic̄oari, r̄õmiojua sore ñagãne ado bajiro Simónre yiyuju Jesús:

–¿Adiore ñati mu? Yure jiboarine, mu ya vi yu ejaro, yu guborire yu coerotire oco yure ñibeju mu. To bajiboarine adioma so caje oco rãca yu guborire coemo soma. To yic̄oari, so joa ñajone yu guborire vejacoecaromo so. 45-46 Yure s̄enigãne, ejarãre mani yarã ina yir̄ugũrore bajiro yure usubeju mu. To bajiro mu bajiboajaquene, sãjaejagone yu guborire so usurojane

usutajabeticōa ñaamo adioma, yare rūcubuoogo. Muma, yu rujoa joere uye sutiquēnase yare yuejeobeju mu. Yare rūcubuoobecu ñari, bajibu mu. To mu bajiboajaquēne, sojuama, uye sutiquēnase jairo vaja cutisere yu gubori joere yuejeoamo so. ⁴⁷ To bajiri quēnaro ajiya mu. Buto yare so maisere yilomo so. Tire ñacōari, ado bajiro sore yimasiaja mani: “Rojose yijaigo yu ñaboajaquēne, rojose yu yisere yare masirioḡami Dios' yituoīaḡ ñaamo”, yimasiaja mani. To bajiboarine, “Diore maibetibusaja” yigure ñacōari, ado bajiseju yimasiaja mani: “Buto rojose yibecu yu ñajare, Dios mojoroaca yare ī masiriojare, ĩre maibetibusacōaja' yituoīaḡ ñaami”, ĩre yimasiaja mani —Simōne yiyuju Jesús.

⁴⁸ To yicōari, rōmiore ado bajiro sore yiyuju Jesús:

—Rojose mu yirūḡūreere mare masiriocōamu yu —sore yiyuju Jesús.

⁴⁹ To bajiro ī yirone,

—¿No yigu to bajise yati ī? To bajiro ī ñaḡōjama, Diore rūcubuoobecu yami. Dios sigāne ñaḡūmi ti ũnre yimasigūma —yituoīañujarā ĩna, ḡājerā “Baroaya” yigu, Simón ī jiriariḡua.

⁵⁰ To bajiro ĩna yituoīajare, ado bajiro sore yiyuju Jesús:

—“Rojose yu yirūḡūseere yare masiriocōañumi Dios” mu yituoīase ñajare, rojose tāmuetajabetiriaroju mu vaborotire mare yirētobosabu yu. To bajiri, “Dios ī ĩajama, quēnaḡo ñaja yu”, yituoīa variquēna vasa mu —sore yiyuju Jesús.

8

Jesúre, ĩ buerimasare quēne ĩnare ejarēmōrūḡūriarā rōmiri

¹ Tiju bero, cojo maca me ejacudiyuju Jesús, Dios oca quēnasere masare gotimasiodigu. “Eju Dios yarā quēnaro ī yirona mua ñarḡajama, rojose mua yisere yitujacōari, yare ajitirāñuñā”, ĩnare yigotimasiodiyuju. Ti macarijare ī rāca vasujarā ĩna, ī ocare goticudisnorona, juaāmo cōro, gubo jua jēnituarirācu ñarā. ² Rōmia quēne, ĩna usuriju sāñarāre vātiare Jesús ī bureariarā, to yicōari, rijaye cutiriarā ī catioriarā quēne ñabajiyujarā ĩna, Jesúre sūyarā. Sigō, Mar'ia Magdalena vāme cutigo ñañuju so. Cojomo cōro gaje āmo jua jēnituarirācu so usuju sāñariarāre vātiare ī bureario ñañuju so. ³ Gajejo, Juana, Cuza manajo, ñañuju so. Cuza, Herodes ya viju codeḡu ñañuju ī. Gajejo, Susana vāme cutigo ñañuju so. ḡājerā rōmia quēne, jājarā ñañujarā ĩna, Jesúre sūyarā. ĩna cuosere Jesúre, ĩ buerimasare quēne ĩnare ĩsirūḡūñujarā ĩna, ĩnare ejarēmōrā.

Oterimasu ĩ bajirere Jesús ĩ gotimasioire queti

(Mt 13.1-9; Mr 4.1-9)

⁴ Jesúre ajirā ī taju rējarūtuasujarā ĩna, ḡajamacari ñarā quēne. To ĩna bajiro, ado bajise gotimasioire queti ĩnare gotiyuju ī:

⁵ —Sigū oterimasu, veseju ote ajere oteḡu vacumi. Vese ejacōari, ote ajere ī reabaterone, ḡajeye maaju vējaquearoja. To bajiri tire cudarāma masa, maa vana. To yicōari, minia ejacōari, tire bareacōarāma ĩna. ⁶ ḡajeyema, ḡāta joeju reajeoroja. To bajicōari, judiboarine, oco manijare, sñireacoatoja ti. ⁷ ḡajeyema, jotayucū vatoaju vējaquearoja. To bajicōari, ti judiboajaquēne, jotajua bucūaveocoatoja ti. ⁸ ḡajeyema, sita quēnaroju vējaquearoja. To baji, judibucūacōari, quēnase ñacōari, jairo rica cutiroja. Cojotō cien ñaricari rica cutiejoroja —ĩnare yigotiyuju Jesús.

To yigajanocōari,

—Tire mua ajimasirḡajama, quēnaro tuoīañā mua —ĩnare yiyuju Jesús.

“Ado bajiro yirūaro yaja oterimasu ĩ bajire queti”, Jesús ĩ yigotirētobure queti

(Mt 13.10-23; Mr 4.10-20)

⁹ Tiju bero, ado bajiro Jesúre sēñiñañujarā ī buerimasa:

—Oterimasu ĩ bajire queti ma gotimasiose, ¿no yire ũni ñati ti? —ĩre yisēñiñañujarā ĩna.

¹⁰ To bajiro ĩna yisēñiñajare, ado bajiro ĩnare cudiyuju ī:

—“Eju Dios yarā quēnaro ī yirona yua ñarḡajama, ado bajiro yiroti ñaja” ĩna yimasibet-icatire Dios ī masise rāca ajimasiaja muma. To bajiboarine, ḡājerājuama, yu yīsere ĩarā ñaboarine, to yicōari, yu gotisere ajirā ñaboarine, “To bajiro manire yigotigu yami”, yimasimenama.

¹¹ “Ado bajiro yirūaro yaja” oterimasu ĩ bajire quetire yu gotise: Ote ajere yu yijama, Dios ocare yigu yibu yu. ¹² Ote aje, maaju vējaquearere yu yijama, “Eju Dios yarā quēnaro ī yirona ĩna ñarḡajama, ado bajiro yiroti ñaja” yu yigotimasiosere quēnaro ajimasimenare yigu yibu yu. Minia, ejacōari, ote ajere ĩna basere yu yijama, vātia uju ejacōari, Dios ocare ĩna ajimasiboasere guaro ī masirosere yigu yibu yu. To bajiro yami vātia uju, “Dios ocare ajitirāñucōari, quēnaro yirēto ecoroma ĩna” yigu. ¹³ ḡāta joeju vējaqueacōari, guaro judibucūaboarere yu yijama, yu yere ajicōari, quēnaro variquēnase rāca ajirā ñaboarine, yoaro mene tire ĩna quejerotire yigu yibu. Sñirearere yu yijama, yu yere ajirā ñaboarine,

rojose ñna tãmuojama, yoaro mene yu ocare ñna ajitujarotire yigu yibu. ¹⁴ Jotayucá vatoaju vējaqueacõari, judiboarere jotayucájua ti bucuaveorere yu yijama, yu gotisere ajirã ñaboarine, tuoñarejairã, to yicõari, gajeyẽtini bojatuoñarã ñari, yu yejuare ñna tuoñatujarotire yigu yibu. To bajiro bajirã, yu yere ajisuoboarine, yu bojarore bajiro yimenama ñna. ¹⁵ Sita quẽnaroju vējaqueare judibucacõari, quẽnase rica cutirere yu yijama, yu yere ajimasicõari, Dios ñ bojarore bajiro quẽnaro yirãre yigu yibu –ñare yigotiyuju Jesús.

Sĩabusuariare tuoñacõari, Jesús ñ gotimasiore queti
(Mr 4.21-25)

¹⁶ Quẽna gaje queti ado bajiro ñnare gotiyuju Jesús:

–Sĩabusuariare jẽocõari, sotũne tiare mubũamenaja mani. Tiare jẽocõari, “Ñajediro ti vianare añubusuato” yirã, vecaju jeorãja mani. Tire bajiro bajaia yu gotimasiore. “Ajimasibeticõato masa” yigu me, to bajise ñnare gotiaja yu. “Quẽnaro riojo ajimasiato ñna” yigu, gotirũgũaja. ¹⁷ Dios suorine masa ñna ajimasibeticati jediro, quẽnaro ajimasiruarãma.

¹⁸ No bojagu Diore ajitirãnugãre, “Quẽnarobusa ajimasiato” yigu, ñ masisere cõarucumi Dios. Gãjirema, ñre ajigu ñaboarine, ñre ñ ajitirãnubetijare, ñ ajimasiboasere masiriojeocõarucumi ñ. To bajiri ñre masibetimasucõarucumi ñ. To bajiro ti bajijare, muare yu gotisere quẽnaro mua ajimasiruarajama, Dios ñ bojarore bajiro quẽnaro yimũorũgõña mua –ñ buerimasare yigotiyuju Jesús.

“Yu yarãma, ado bajiro bajirãjua ñaama”, Jesús ñ yire queti
(Mt 12.46-50; Mr 3.31-35)

¹⁹ Jesús, masare ñ gotmasio ñarone, ñ jaco, ñ bederã rãca ñre ñarã ejaboayujarã ñna. To bajiboarine jãjarã masa ñna ñnjare, ñ tũju ejamasibesujarã. ²⁰ ñ tu ñna ejamasibetijare, sigũ, ado bajiro Jesũre ñre yiyuju:

–Mu jaco, mu bederã quẽne macajũju ejama, mu rãca ñagõruarã –Jesũre ñre yigotiyuju.

²¹ To bajiro ñ yigotisere ajicõari, ñre ajinãrãjuare ado bajiro ñnare yiyuju Jesús:

–No bojarã Dios ocare ajicõari, ñ rotirore bajiro yirã ñarãma yu bederãre bajiro bajirã, yu jacore bajiro bajirã –ñnare yiyuju Jesús.

Mino vatone, oco sabesere Jesús ñ tũjore queti
(Mt 8.23-27; Mr 4.35-41)

²² Cojorũmu Jesús ñ buerã rãca cũmuaju vasãjacõari,

–Gajejacatuaju jẽajaro mani –ñnare yiyuju Jesús.

²³ ñna jẽatone, buto mino vasuju. To bajicõari, buto sabeyuju. Ti saberone, cũmua sagueca yiro, oco sãjacõari, rujacoarũayuju. To ti bajiboajaquẽne, cãnigũ yiyuju Jesús. ²⁴ ñ cãniro ñacõari, ñre yujioyujarã ñna:

–Yua uju, ñrujareana yaja mani! –ñre yiyujarã ñna.

To bajiro ñna yijare,

–ñMino tũjaya! ñSabese quẽne tũjaya mua! –yiyuju Jesús.

To ñ yirone, tũjacoasuju mino. Sabese quẽne sabebesuju yuja. ²⁵ To yicõari,

–“Rojose mani tãmuoboajaquẽne, manire yirẽtobosarucumi”, yare yituoñarã me ñnaja mua –ñnare yiyuju Jesús.

To bajiro ñ yisere ñacõari, no yimasibesujarã ñ buerimasa.

–ñÑimũ õgũ masu ñati ñni? Minore, to yicõari, sabesere ñ tũjarotijama, ñre ajiaja –gãmerã yiyujarã ñna, ñre gũirã.

Gerasa vãme cuti maca tuagure ñ usuju sãñarãre vãtiare Jesús ñ bureare queti
(Mt 8.28-34; Mr 5.1-20)

²⁶ Htabucura gajejacatuaju Gerasa vãme cuti maca tũju ejayujarã. ²⁷ Toju ejacõari, Jesús ñ majatone, sigũ õmu, ti macaju ñaboarã, ñre bocayuju ñ. Sudi magũne, yoaro masa rijariarãre ñna yujerariaviju ñarũgũñuju ñ. Vãtia sãñagũ ñañuju. ²⁸⁻²⁹ To bajigu ñari, cojoji me ñ masu ñ bojasere yimasibeticõari, vãtia ñna bojasejuare yirũgũñuju ñ. To bajiro bajigu ñ ñnjare, cõmemane ñre siaboayujarã ñna. ñre ñna siaboajaquẽne, tãasure reacõarũgũñuju ñ. To yicõari, yucã manojũ varũgũñuju, ñre sãñarã vãtia to bajiro ñre ñna varotijare. To bajiri Jesũre ñ bocarone,

–Ñni masu usuju sãñarã, budiya mua –vãtiare ñnare yiyuju Jesús.

To ñ yirone, masũjua, vãtia suorine avasãcõari, Jesús rĩjorojua gusomuniari tuetuyuju. To ñ bajirone, vãtiajua, masu usuju sãñacõari, ado bajiro Jesũre sãnĩaavasãñujarã:

–Jesús, masirẽtogũ, Dios macu ñnaja mu. ¿No yigu yua tu vadiati mu? “Yuare gõjanabiobesa”, muare yisẽniaja yua. “Rojose mua yise vaja, rojose muare yibeaja yu”, yuare yiya –Jesũre yisẽniñujarã.

³⁰ To ñna yirone, ado bajiro vãtia sãñagũre sãnĩañuju Jesús:

—¿Ñimu vāme cutiati mu? —Īre yiyuju.

³¹ To ĩ yisere ajicōari, ado bajiro ĩre cadiyuju vātiajua:

—Legiōn vāme cutiaja yua —Īre yiyujarā. Jājarā ĩ usujare sāñarā ñari, to bajiro ĩre yicadiyujarā vātia. To yicōari, buto Jesure sēniñujarā:

—Tusabetigoje tubibe ecocōari, josari tāmoriarioju yuare cōabesa mu —Jesure ĩre yisēniñujarā.

³² Buroju jājarā ecariarā yesea macabañañujarā. Īnare ĩacōari, ado bajiro Jesure sēniñujarā vātiajua:

—Yuare mu bureajama, ōa yeseajuare yuare sājarotiya —Īre yiyujarā ĩna.

To bajiro ĩre ĩna yijare,

—Muare varotiaja yu —vātiare ĩnare yiyuju Jesús.

³³ To ĩ yirone, masu usujare sāñaboariarā budicoasujarā yuja, yeseajuare sājaroana. Īna sājarone, buro ūmaroja vacōari, utabucuraju rearoderujacōa tujasujarā.

³⁴ Yeseare coderimasa, to bajiro ĩna bajisere ĩacōari, ūmacoasujarā, ĩna ya macaju vana. Toju ejacōari, ti macanare, to yicōari, ti maca tu ñarimacarianare quēne, tire gotibatoyujarā.

³⁵ To bajiro ĩna yigotisere ajicōari, Jesure ĩarā vasujarā ĩna, ti macana. ĩ tujū ejacōari, vātia sāñaboar'ire ĩañujarā ĩna. Sudi sāñacōari, Jesús tu rujiyuju. ĩna bajirore bajiro bajigu ñañuju ĩ yuja. Vātia ĩna sāñajama, tuoĭamasibecu ñañuju maji. Quēnaro tuoĭagū ñañuju yuja. To ĩ bajisere ĩacōari, Jesure buto güiyujarā ĩna.

³⁶ Vātia sāñaboar'ĩ ĩ bajisere ĩariarā, gājerāre gotiyujarā. ³⁷ To bajiri, Gerasa vāme cuti macana to sojua vadirarā quēne, Jesure buto güirā ĩari,

—Vacoasa. Ado mu ñasere bojabeaja —Īre yiyujarā ĩna.

To ĩna yijare, tudiacu, cūmuaju vasājañuju Jesús. ³⁸ To ĩ bajirone, ado bajiro ĩre yiboayuju vātia sāñaboar'ĩ:

—Mu rāca buto varuaja yu quēne —Īre yiboayuju. To bajiro ĩ yiboajaquēne, ado bajiro ĩre cadiyuju Jesús:

³⁹ —Yu rāca vadibesa. Mu ya vijū tudiasa. “Dios ĩ masise rāca yu usuju sāñarāre vātiare bureami Jesús”, mu yarāre ĩnare yigotiba —Īre yicadiyuju Jesús, vātia sāñaboar'ire.

To bajiro ĩ yijare, ĩ yarā tujū tudicoasuju ĩ. Tudiejacōari, ĩ ya maca ñarā jedirore, ti quetire goticadiyuju.

Jairo macore Jesús ĩ catiore queti

(Mt 9.18-26; Mr 5.21-43)

⁴⁰ Jesús tudijēacoasuju quēna, gajejacatāaju. Toju ĩ ejarotire yucōa ñañujarā ĩna, masa. To bajiri ĩ jēaeja majatone buto variquēnase rāca ĩre sēniñujarā ĩna. ⁴¹⁻⁴² To ĩna bajirone, Dios ocare ĩna buerivi ūju quēne ejayuju, Jairo vāme cutigu. Jesure ĩacōari, ĩ rĭjorojua gusomuniari tuetuyuju, ĩre rācubuoju. To yicōari, ado bajiro Jesure ĩre sēniñuju:

—Yu maco sīgōne ñagō, juaāmo cōro, gubo jua jēnituari cūmari tusaco ñaamo so. Bajirocaco yimo. So tu ejacōari, sore mu moaĭajama, caticoaruocomo —Jesure ĩre yisēniñuju.

To bajiro Jairo ĩ yisere ajicōari, ĩre suyasuju Jesús. Jājarā masa ĩre suyacōari, no bajiro yi vamasīna manojū vasujarā ĩna. ⁴³ To bajiro ĩna bajivatoajure sīgō gāmorōmi cutigo ñañuju so. Juaāmo cōro, gubo jua jēnituari cūmari rijañañuju. Uco yirimasa, sore ĩna uco yire vaja, vaja yigo, gājoa so cuoboarere ĩnare ĩsijeocōañuju. To bajiro ĩnare so yiboajaquēne, quēnaejabesuju so. To bajiri gājerāre Jesús ĩ catiore quetire ajirio ñari, jājarā masa vatoaju Jesure suyasuju so. ⁴⁴ ĩ suyarojua ejarūgūcōari, ĩ sudiro gajare moaĭañuju. So moaĭaririmarone, sore quēnaejacoasuju yuja. ⁴⁵ So moaĭarone, ado bajiro masare sēniñañuju ĩ:

—¿Ñimu yu sudirore moaĭari? —ĩnare yisēniñañuju.

—Mure moaĭaña maja —Īre ĩna yicudijedicōajare, ĩ buerimasa, Pedro vāme cutigu, ado bajiro Jesure yiyuju ĩ:

—¿No yigu “¿Ñimu yure moaĭati?”, yati mu? Mu tujū jājarā ñaja yua, mure moaĭarā —Īre yiyuju Pedro.

⁴⁶ To ĩ yiboajaquēne,

—Sīgō rōmio, “Quēnaejagosa” yigo, yure moaĭamo so. Yure moaĭagōne, “Yu masise suorine quēnaejacoajamo”, yimasicōamu yu —ĩnare yiyuju Jesús. ⁴⁷ To bajiro ĩ yijare, “Jēre ĩre yu moaĭasere masicōami” yigo ñari, nanagōne, Jesús rĭjorojua ejacōari, gusomuniari tuetuyuju so. To yicōari, ñajediro so bajirere Jesure gotiyuju. ⁴⁸ To so yirone, ado bajiro sore cadiyuju Jesús:

—Yu maigō, “Ī sudiro gajare yu moaĭajama, quēnaejacoaruocoja yu” mu yituoĭase ñajare, “Quēnaejato”, mure yibu yu. To bajiri, “To bajiro yure yimi”, yituoĭa variquēna vasa mu —sore yiyuju Jesús.

⁴⁹ To bajiro sore ī yīñarone, Dios ocare ĩna buerivi ʉjʉ Jairo vāme cutigʉ ya viagʉ ejayuju. Ejacōari, ado bajiro Jairore gotiyuju:

–Mʉ maco bajirocacoamo. No yigʉ mʉ ya vijʉ gotimasiorimasʉ ĩ vasere bojabecʉja mʉ yuja –Jairore yiyuju ĩ.

⁵⁰ To ĩ yisere ajicōari, ado bajiro Jairore gotiyuju Jesʉs:

–Tʉoĭasutiritibesa mʉ. Yʉ masisejuare tʉoĭacōa ñaña. Mʉ tʉoĭacōa ñajama, tudicati-coarʉocomo so –ĭre yiyuju Jesʉs.

⁵¹⁻⁵³ To yi vanane, ejayujarā Jairo ya vijure. Tojʉ ejana ĩna ĩajama, ĩ maco so bajirocacoajare, buto otīñañujarā ĩna, ti vi ejariarā. To bajiro ĩna yīñajare, ado bajiro ĩnare yiyuju Jesʉs:

–Otibesa mʉa. “Bajirocacoajamo” mʉa yiboago, cānigō yamo –ĭnare yiyuju Jesʉs.

To ĩ yijare, ĭre ajayujarā ĩna, “Bajirocacoamo” yimasirā ñari. To yicōari, bajirocario so jesari sōajure ĩnare jājārotibesuju Jesʉs. Pedro, Santiago, Juan, to yicōari bajirocario jacʉare quēne tocārācane ĩnare jājārotiyuju Jesʉs. ⁵⁴ Jājaejacōari, bajirocario āmore ñagāne, ado bajiro sore yiyuju Jesʉs:

–Daquego, vāmʉrūgāña –sore yiyuju.

⁵⁵ To ĩ yirone, bajirocario cativāmʉrūgūcōañuju so yuja. To so bajisere ĩacōari,

–Bare sore ecaya mʉa –ĭnare yiyuju Jesʉs.

⁵⁶ So tudicatisere ĩacōari, no yimasibesujarā so jacʉa, ti ũnire ĩabetirūgūriarā ñari. To bajiro ĩna bajisere ĩacōari, ĩna macore ĩ catiosere gotirotibesuju Jesʉs.

9

Ī ocare goticudisʉoronare Jesʉs ĩ cōare queti

(Mt 10.5-15; Mr 6.7-13)

¹ Cojorāmʉ, juaāmo cōro, gubo jua jēnituarirācʉ ñarāre ĩ buerimasare jirēoñuju Jesʉs. ĩnare jirēocōari, masa ũsriju sāñarāre vātiare ĩna bureamasirotire, to yicōari, rijaye cutirāre ĩna catiomasirotire ĩnare ʉjoyuju ĩ. ² To bajiro yicōari, ĩnare ĩ cōaroto rījoro ado bajiro ĩnare yiyuju:

–“ʉjʉ Dios yarā quēnaro ĩ yirona mʉa ñarʉajama, rojose mʉa yisere yitʉjacōari, Jesʉre ajitirāña”, yigotimasiocudirona ñaja mʉa. To bajicōari, rijaye cutirāre catiorona ñaja –ĭnare yirotiyuju Jesʉs. ³ To yicōari, quēna ado bajiro ĩnare yiyuju Jesʉs:

–No bojase mʉa cʉose juaábeja. Tueriayucāri, mʉa bare sārĭajoari, to yicōari, gājoare quēne juaábeja. Gajeye sudi juaámenane, mʉa sāñasene sāñacōari, vaja. ⁴ Tocārāca macare mʉa ejajama, mʉa ejasʉorivine cānima. Ti vine ñacōari, yʉ ocare goticudirʉarāja mʉa maji, gajeroju mʉa varoto rījoro. ⁵ Mʉa ejarimacana, quēnaro mʉare ĩna bocaāmbetijama, to yicōari mʉa gotisere ĩna ajirʉabetijaquēne, ti macajure ñabeja. Mʉare ĩna ajirʉabetijare, mʉa gubo sudi tuyasere sitare varerea, vacoaja. To bajiro mʉa yijama, “Quēnaro yʉare bocaāmbeticōari, yʉare mʉa ajirʉabetijare, rojose mʉare yirʉcʉmi Dios” yirā yirʉarāja mʉa –ĭnare yiyuju Jesʉs.

⁶ To bajiro ĩ yijare, ĩ ocare goticudirā vasujarā ĩna: “Rojose mʉa yisere yitʉjacōari, quēnasejuare tʉoĭavasoyā” ĩnare yigoticōari, Cristo sʉorine quēnaro Dios ĩ yirotire gotimasiocudiyujarā ĩna. Rijaye cutirāre quēne catiocudiyujarā, ĩna vati macari ñaro cōrone.

Jesʉs ĩ bajiñasere ajicōari, “¿Ñimʉ ũgū ñarojari?”, Herodes ĩ yitʉoĭare queti

(Mt 14.1-12; Mr 6.14-29)

⁷⁻⁹ Jesʉs ĩ bajiñasere, to yicōari, ĩ goticudirotiriarā ĩna bajiñasere quēne ajijeocōañuju Galilea vāme cuti sita ñarā ʉjʉ, Herodes vāme cutigʉ. To yicōari, Jesʉs ĩ bajiñasere masa ĩna tʉoĭasere quēne ajiyuju Herodes. Ado bajiro tʉoĭañujarā sīgūri:

–Juan vāme cutigʉ, masare oco rāca bautizarimasʉne sĭacoboarine, tudicaticoarimi –yitʉoĭañujarā.

Gājerāma, ado bajiro yiyujarā:

–Diore gotirētobosarimasʉ El'ias ñamasir'i ñagūmi quēna –yiyujarā.

Gājerājuama, ado bajiro yiyujarā:

–Diore gotirētobosarimasa ñamasiriarā rācagu tudicatar'i ñagūmi quēna –yiyujarā ĩna, Jesʉre.

Herodejuama, ado bajiro yiyuju:

–Juan me ñagūmi. ĩ rujoare jatarocaroticōacaju yʉ. To bajiri, ¿ñimʉ ũgū ñarojari ĩ? –yiyuju Herodes. To bajiro yigʉ ñari, Jesʉre ĩarʉarūgūboayuju ĩ.

Masa, cinco mil ñarāre Jesʉs ĩ bare ecare queti

(Mt 14.13-21; Mr 6.30-44; Jn 6.1-14)

¹⁰ ĩ goticudiroticōariarā, tudiejacōari, Jesʉrāca rējañujarā juaāmo cōro, gubo jua jēnituarirācʉ ñarā ĩ buerimasa. ĩ rāca rējacōari, ĩna yicudirere ĭre gotiyujarā. To bajiro ĩna yiro bero, ĩnare

ũmato vasuju Jesús, masa ñna manibusaroyu, Betsaida vãme cati macaju. ¹¹ To bajiri Jesús ï vati quetire ajicõari, ïre suyaejasujarã jãjarã masa. Ñna ejasere ñacõari,

—Yure ajirã, ado mua ejase quẽnaja —Ñnare yiyuju Jesús.

To yicõari, ado bajiro ñnare gotimasioñuju:

—Ëju Dios yarã quẽnaro ï yirona mua ñaruajama, rojose mua yisere yitujacõari, yure ajitirũnuña —Ñnare yigotimasioñuju. To yicõari, rijaye cutirãre catioyuju.

¹² To bajiro yĩñarone, rãïoroto rĩjoro, juaãmo cõro, gubo jua jẽnituarirãcu ñarã Jesús buerimasa, ï tu ejacõari, ado bajiro ïre yiyujarã:

—Masa manoyu ñaja. To bajiri, “Masa cutoyu bare vaja yibamasiato ñna” yigu, to yicõari, ñna cãnirotijurire “Vaja yicõari, cãniato ñna” yigu, masare ñnare varotiya mu —Jesũre yiyujarã ñna.

¹³ To bajiro ñna yiboajaquẽne,

—Muane ñnare bare ecaya —Ñnare yiyuju ï.

To ï yirone,

—Jairo bare cuobeaja yua. Bajiboarine, cojomo cõro pan, juarã vai cuoaja yua. Ñna barotire, no bajiro vaja yibosamasimenaja mani —ïre yiyujarã.

¹⁴ Ñna tujare cinco mil ãmua ñañujarã ñna. To bajiro ñna yisere ajicõari, ado bajiro ñnare yiyuju Jesús, ï buerimasare:

—Masare rujatubuari ñnare rujirotiya. Tocãrãcatubuare “Cincuenta ñarirãcu rujiya”, ñnare yiya mua —Ñnare yiyuju Jesús, ï buerimasare.^d

¹⁵ To bajiro ï yijare, ï rotiore bajirone ñnare rujirotijeoyujarã ñna, Jesús buerimasa. ¹⁶ To bajiro ñna rujiyediro ñacõari, cojomo cõro ñaricari panre, juarã vai ñarãre quẽne juacõari, õ vecajua ñamõñuju Jesús. To yicõari, “Quẽnaro yaja mu”, Diore ïre yiyuju. To yicõari, panre iguesurebatecõari, ï buerimasare ñsiñuju, “Rujirãre ñnare ñsibatoya” yigu. Juarã vaire quẽne vêtũrebatecõari, ï buerimasare ñsiñuju, “Rujirã jedirore ñnare ñsibatoya” yigu. ¹⁷ Sigũ ruyariaro mano quẽnaro bauucutijedicõañujarã. Ñna bagajanoro bero, ñna baruasere ñna juarẽojama, juaãmo cõro, gubo jua jẽnituario ñarijiburi ruyayuju.

“Rotimũorãgõrucumi” yigu, Dios ï cõar’i ñaja mu”, Jesũre Pedro ï yire queti (Mt 16.13-19; Mr 8.27-29)

¹⁸ Cojorãmu ï buerimasa rĩne ñna ñnaro, ï jacure sẽnĩñuju Jesús. Ñ jacure sẽnigajanocõari, ado bajiro ñnare sẽnĩñaju ï:

—¿Ñimu ñaami yure yati ñna masa? —Ñnare yisẽnĩñaju.

¹⁹ To ï yisere ajicõari ado bajiro ïre cudiyujarã ï buerimasa:

—Sĩgũri, “Juan vãme cutigu, masare oco rãca bautizarimasa, tudicaticõari bajigumi quẽna”, mure yama ñna. Gãjerãma, “El’ias ñamasir’i ñaami”, yama ñna. Gãjerãjuama, “Diore gotirẽtobosamasir’i ñaami”, mure yama —Jesũre yicudiyujarã.

²⁰ To ñna yirone, ado bajiro ñnare tudisẽnĩñaju Jesús:

—Muama, ¿ñimu ñaami yure yati mua? —Ñnare yiyuju.

To ï yirone, ado bajiro ïre cudiyuju Pedro:

—Mu ñaja rojose yua tãmuoborotire yuare yirẽtobosacõari, rotimũorãgõrucu, Dios ï cõar’i —Jesũre yiyuju.

²¹ To bajiro Pedro ïre ï yisere ajicõari, gãjerãre gotirotibesuju.

“Yure sãruarãma”, Jesús ï yire queti (Mt 16.21-28; Mr 8.31-9.1)

²² To yicõari, ado bajiro ñnare gotiyuju ï:

—Yu, Dios ï roticõacacu, buto rojose tãmuorucuja. Bucurã, paia ujarã, to yicõari, Dios ï rotimasire gotimasiomasa quẽne, rojose yure yicõari, yure sãruarãma ñna. Yure ñna sãboajaquẽne, idiarãmu tusatirãmune yure catiorucumi Dios —Ñnare yigotiyuju Jesús.

²³ To yicõari, ï buerimasa gãjerãre quẽne ñnare jirẽocõari, ado bajiro gotiyuju Jesús:

—No bojagu yu yu ï ñaruajama, ï bojasere, ï ye ñarotire tuoĩabetirucumi. Tuoĩabeticõari, “Jesũre bajiro rojose tãmuorucuja yu quẽne” yituoĩacõari, yu juare ajisuyarucumi. ²⁴ No bojarã, ñna bojaro ñnare cutirema adi macarucurore ñasere ñavariquẽnacõari, Diore tuoĩamenama, Dios ï catisere yayibetire cuomena ñaruarãma ñna. To bajiboarine, yure ajitirũnurã, yu oca ñna gotisere ajijũnisinicõari, ñna sãrãma, Dios tu quẽnaro ñnara ñarãma. ²⁵ Sigũ adi macarucuroju gajeyeũni jediro ï bujaboajaquẽne, beroyu rojose tãmuotũjabetiriaroyu ï vajama, ï gajeyeũni ï bujaboare ñie vaja manoya. ²⁶ Masa ñna ñaro rĩjorojua, “Jesũre rucubogũ ñaja yu”, yibojonebesa. To bajiro yibojonegũ ñari, yu yu ï ñaruabetijama, “Yu yu me ñaami”, ïre yĩñarucuja yu quẽne, Dios ï roticõacacu ñacõari, “Quẽnarẽtogũ ñaja yu” yu jacu ï yĩñorore bajiro yigu ñari, ï bususe rãca yu vadirãmu. Yu rãca vadirũarãma Dios ï cõarã, ñngel mesa. ²⁷ Riojo

^d 9:14 Ñamasare, rõmiare cõmenane, ãmua bucurã rĩrene ñna cõjama, cinco mil ñañujarã ñna.

muaire gotiaja yu. Mua sīgūri mua bajireabetone, “Ñajediro uju ñaami yu roticōacacu” Dios muaire ī yīlosere ĩaruarāja mua – ĩnare yigotiyuju Jesús.^e

Ī buerimasa ĩna ĩaro rĭjorojua Jesús ĩ godovediōore queti
(Mt 17.1-8; Mr 9.2-8)

²⁸ To bajiro ĩnare ī yigotiriario bero, cojomo cōro, gaje āmo idia jēnituario tusatirāmu cōro, Pedro, Juan to yicōari Santiagore quēne buro joeju ĩnare ūmato vasuju Jesús. ²⁹⁻³² Toju ĩna ejaro bero, Diore sēnigū vasuju Jesús. To ī bajitoye, buto ĩnare vujajeyuju Pedro mesare. To ĩna bajīnarone, Jesūjua, Diore sēniñagūne, ricati ruyugu godovedicoasuju. To ī bajisere ĩaucacoasujarā ĩna. Sudi ī sāñase buto boticoasuju. To bajicōari, cajemose busuyuju ti. To ī bajirone, Moisés ñamasir'i, El'ias ñamasir'i rāca Jesús tū ruyuarūgūñujarā ĩna. ĩna quēne, busubatese rāca ruyuyujarā ĩna. To bajicōari, Jerusalén vāme cūti macaju ī sīaeroretire Jesūrāca ĩna gāmerā ñagōñasere ĩañujarā Pedro mesa. ³³ To bajiri Jesūrāca ñagōgajanocōari, ĩna cāmotadirirīmarone, ado bajiro Jesūre gotiyuju Pedro:

–Yū uju, adojū mani ñajama, quēnamasucōaja. Mua ñaro cōrone vijāiri muaire buabosaruarāja yua. Mu yajāi, El'ias yajāi, to yicōari, Moisés yajāi buabosaruarāja –Jesūre yiboayuju Pedro. “To bajiro yigu yigūja” yiri mene yicōañuju. ³⁴ To bajiro ī yirirīmarone, bueri buto cajemose ĩnare buebibecōañuju ti. To bajiro ĩnare ti bajirone, buto gūiyujarā ĩna Pedro mesa. ³⁵ To bajicōari, bueri vatoaju ado bajiro ocaruyuyuju:

–Ānine ñaami yu macu, “Rotimorūgōrucuja mu” yigu, yu cōagū. Īre quēnaro ajitirānūña mua –yī ocaruyuyuju.

³⁶ To bajiro ti ocaruyuro bero, ĩaboayujarā. El'iare, Moisére quēne ĩnare ĩabujabesujarā. Jesús sīgūne ñañuju ī yuja. To bajisere ĩariarā ñaboarine, yoaro, gājerāre tire gotimene bajicōañujarā ĩna.

Masu usuju sāñagūre vātire Jesús ĩ burocare queti
(Mt 17.14-21; Mr 9.14-29)

³⁷ Ti buroju majariarā, gajerūmaju rojaejayujarā ĩna quēna. Ti buro jūdoju, jājarā masa ĩre yurā bajīnarāre ĩnare ejayujarā. ³⁸ Jesús ī ejasere ĩacōari, sīgū, ado bajiro ĩre sēniñuju:

–Gotimasiorimasa, yu macure ĩamaifa mu. Sīgūne ñagū ñaami. ³⁹ Ī usujure vāti sāñāñami. To bajiro ī bajijare, biyarocaca rijaquedicōari, ī riseju sōmo budirūgūami. ⁴⁰ To bajiri mu buerimasare, “Yū macu usuju sāñagūre vātire burocaya”, ĩnare yisēniboabu yu. Īre burocamasimema –Jesūre yiyuju ĩ.

⁴¹ To ī yisere ajicōari, ī buerimasare, to yicōari, ĩre ajirā ejariarāre quēne ado bajiro ĩnare yiyuju Jesús:

–Rojosere tūoīarā ñari, Diore ajitirānūmena masu ñacōaja mua. ¿No cōroju muaire gotimasio tujaguti yu? Yoaro mua rāca yu ñaboajaquēne, yu masise muaire yu ujosere ajitirānūbeaja mua maji –ĩnare yiyuju Jesús. To yicōari, –Adojua mu macure āmiaya –ĩre yiyuju, vāti sāñagū jajujuare.

⁴² To bajiro ī yijare, ĩ macure Jesús tūju ī āmivatone, ĩ usuju sāñagū vāti, ĩre rijaquedirotiyuju. To bajiro ī yijare, rijarocacūcoasuju. To bajiro ī bajirone,

–To cōrone ĩre yitajaya –yicōari, vātire ĩre burocacōañuju Jesús.

Vāti ī budirone, catiquēnagū ñacoasuju daquegūja. To ī bajirone, ī jacure ĩre tūāsiñuju Jesús. ⁴³ To bajiro Jesús ī yisere ĩacōari, no yimasibesujarā masa jediro, ti ūnire ĩabetirūgūriarā ñari. “Jesús ī yīose rāca ‘Masirētogū ñaja yu’ manire yīogū yami Dios”, yitūoīañujarā ĩna jediro.

“Yūre sīaruarāma”, Jesús ĩ yigotibabore queti
(Mt 17.22-23; Mr 9.30-32)

Jesús ī yisere masa ĩna tūoīañarone, ado bajiro ī buerimasare gotiyuju ĩ:

⁴⁴ –Muaire yu gotisere ajicōari, masiritubeja mua. Yūre Dios ī roticōacacure masare ĩsirocacacūmi sīgū –ĩnare yiyuju Jesús.

⁴⁵ To bajiro ī yiboajaquēne, ajimasibesujarā ĩna. “Ajimasibeticōato” Dios ī yijare, bajiyujarā. To bajicōari, “Yūare gotiquēñoña”, yimasibesujarā, ĩre gūrā ñari.

“¿Ñimujua ñagūti ñamasugū ñarocu?”, Jesús buerimasa ĩna yī oca josare queti
(Mt 18.1-5; Mr 9.33-37)

⁴⁶ “¿Ñimujua ñagūti ñamasugū ñarocu?”, gāmerā yī oca josayujarā Jesús buerimasa. ⁴⁷ To bajiro ĩna gāmerā yīsere ĩamasicōari, sīgū daquegure jicōari, ī tūju ĩre rūgōrotiyuju Jesús. ⁴⁸ To yicōari, ado bajiro ĩnare gotiyuju:

^e 9:27 Dios oca masa ĩna ucamasirere buerētoburimasa sīgūri ado bajiro yicama ĩna: “9.27 gotirijare.” “Ñajediro uju ñaami yu roticōacacu” Dios muaire ī yīorotire Jesús ī yijama, ī buerimasa sīgūri ĩna ĩaro rĭjorojua Jesús ĩ godovediōore yigu yirimi”, yicama Dios ocare buerētoburimasa sīgūri.

—Āni daquegu, “Ñamasugū me ñaja yu” i yituoïarore bajiro tuoïaräre, gājerā tu ña ejaro, quēnaro ñare yirāma, yarene quēnaro yirā yirāma. To yicōari, yare quēnaro yirāma, yare cōacacure quēne quēnaro yirā yirāma. To bajiri, ado bajise mūare gotiaja yu: Yare ajitirānugū, gājerā ña bojasere masicōari, quēnaro ñare yiejarēmogū ñarucumi ñamasugūma —i buerimasare yigotiyuju Jesús.

“Yare ajitirānucōari, mani yise ñnire yigūma, mani rācagu ñagūmi”, Jesús i yire queti (Mr 9.38-40)

⁴⁹ To bajiro i yigotiro berone, ado bajiro Jesúre gotiyuju Juan:

—Gotimasiorimasu, masa usuriyu sāñaräre vātiare bureagure ñamu yua. “Jesúre ajitirānugū ñari, ado bajise mūare rotimasiaja yu: ‘Budiya’”, yifāmi, vātiare bureagu. Mani rācagu me i ñajare, “Tire yibesa”, ñe yibu yua —Jesúre yigotiyuju Juan.

⁵⁰ To i yisere ajicōari, ado bajiro ñe yiyuju Jesús:

—“Tire yibeticōaña”, ñe yibeja. Quēnaro yirimi —ñe yiyuju Jesús. To yicōari, i buerimasa jedirore ado bajiro yiyuju:

—Ado bajiro ti bajijare, to bajiro yaja yu: No bojagu yare ajitirānucōari, mani yise ñnire yigūma, mani rācagu ñagūmi —ñare yiyuju Jesús.

Santiagoore, to yicōari, Juanre, “Samaria sitaju ñarimacanare rojose ñare yirua tuoïabesa”, Jesús i yire queti

⁵¹ Dios ō vecayu i ñaraju ñe i ñmimujarotirāmu ti cōñarūtuadijare:

—Jerusalénju mani varoti ejacoaju. To bajiri varūtu vajaro mani —i, bueräre yi vasuju Jesús.

⁵² Varūtu vacune, i rācanare i ejaroti quetire, “Goti rījoro cutiaya”, ñare yicōañuju i. To i yicōariarā, Samaria sitaju ñarimacaju ejacōari, “Jesús i cānirotijure macayurā bajibu yua”, yiboayujarā ña. ⁵³ To bajiboarine ti macanajua, Jesús i ejasere bojabesujarā ña. “Jerusalénju vacu bajigumi” yimasirā ñari, ñe ñaterā bajiyujarā ña.^f ⁵⁴ To bajiro ña bajise ñajare, ado bajiro Jesúre sēniñañujarā, Juan, i gagu Santiago rāca:

—Yua ūju, ¿“Ō vecaye jea ūjvñjase rāca ñare soereacōaña mu”, Diore yua yisēnisere bojati mu? —ñe yisēniñaboayujarā ña.

⁵⁵ To bajiro ñe ña yisēniñarone, judarügücōari, ado bajiro oca tutuase rāca ñare gotiyuju Jesús:

—¿No yirā to bajise tuoïati mu? To bajiro mu yituoïajama, vāti i bojarore bajiro tuoïarā yaja mu —ñare yigotiyuju Jesús.

⁵⁶ To bajiro ñare yigajanocōari, Samaria sitana ñare ña bojabetijare, gaje macajua vacoasujarā ña.

“Yare mu ajisuyarujama, josaruroja ti”, Jesús i yigotimasiore queti (Mt 8.19-22)

⁵⁷ ña varūtuatone, sigū ña rāca var’i, ado bajiro Jesúre ñe yiyuju:

—No bojaro mu vato cōrone mure suyaruaja yu —Jesúre ñe yiyuju i. ⁵⁸ To i yirone, ado bajiro ñe cudiyuju Jesús:

—Buyairoarema, ña gojeri ñacaju. Miniare quēne, ña jiburi ñacaju. To ña bajiboajaquēne, yu, Dios i roticōacacuma, cānirijaju magūre bajiro bajiaja yu. To bajiri yare mu suyajama, buto mure josaruroja —ñe yicudiyuju Jesús.

⁵⁹ To ñe i yiro bero, ado bajiro gājjūare yiyuju Jesús:

—Yare suyaya mu —ñe yiyuju.

To i yiboajaquēne, ado bajiro Jesúre cudiyuju i:

—Yu ūju, yare yuya mu maji. Yu jacu i bajirocacoajare, ñe yujegucacu yaja yu. ñe yujecōari bero, mure suyaruaja yu —Jesúre ñe yiboayuju.

⁶⁰ To bajiro ñe i yiboajaquēne, ado bajiro ñe cudiyuju Jesús:

—Yucane yare suyaya mu. “Ūju Dios yarā quēnaro i yirona mu ñarujama, Jesúre ajitirānūña”, yigoticudiaya mu. Yare ajitirānūmena, rijariaräre bajiro bajirā ñarāma. ñajua rijariaräre yujeato ña —ñe yicudiyuju Jesús.

⁶¹ To bajiro ñe i yiro bero, quēna gāji ado bajiro Jesúre yiyuju:

—Mu rāca yu varoto rījoro, yu ya vianare ñare vare gotiguacu yaja yu maji —Jesúre ñe yiboayuju i. ⁶² To bajiro i yiboajaquēne, ado bajiro ñe cudiyuju Jesús:

—“Diore rotibosagure mure ajitirānu suyaruaja” yiboarine, gaje vāme tuoïavoguma, Ūju Dios yu me ñagūmi —ñe yicudiyuju Jesús.

^f 9:53 Samaria sitana, samaritanos vāme cutiyujarā ña. ña rāca gāmerā ñaterā ñañujarā judío masa. “Jerusalénju Diore quēnase ñe yiricuboroti ñaja” judío masa ña yituoïasere bajiro tuoïarā me ñañujarā samaritano masa.

10

Setenta y dos ñarirãcure ï ocare Jesús ï goticudiroticõare queti

¹ Tiju bero, Jesús ï buerimasare ï goticudirotisuoriarã mere, gãjerãre beseyuju Jesús. Setenta y dos ñarirãcã beseyuju. Ìnare besecõari, “Yũ ocare goti rĩjoro cutiaya”, Ìnare yicõañuju ï. Ì goticudiroti macari ñaro cõrone juarãri cõañuju.

² Ìnare ï cõaroto rĩjoro, ado bajiro Ìnare yiyuju:

–Ote jairo bucarõaroja. To bajiro ti bajijare, ote ujare sãniña, “Moabosarimasa cõato ï” yirã –Ìnare yiyuju Jesús.ḡ

³ To bajiro ñare yigoticõari, ado bajiro Ìnare yiyuju quẽna:

–Ovejare, buyairoa vatoaju giũoroju Ìnare cõagũre bajiro muare gotimasioducudirotiaja yũ –Ìnare yiyuju. ⁴ –No bojase mua cuose juaãbeja. Gãjoare, barere quẽne juaãbeja. Gũbo sudi juaãmenane, mua cudasene cudacõari, vaja. Maaju masare mua bocajama, Ìnare sãniña, rãtocoaruarãja mua, yoaro ñare queti gotimaniamenane –Ìnare yiyuju Jesús.

⁵ –Viju ejacõari, “¿Nati mua?” Ìnare yigajanocõari, “ ‘Quẽnaro ñaña mua’ muare yaja yua”, Ìnare yiba, ti vianare. ⁶ To mua yirone, ti viana quẽnaro muare Ìna bocaãmijama, mua yirore bajiro quẽnaro ñaruarãma. Quẽnaro muare Ìna bocaãmibetijama, “ ‘Quẽnaro ñaña’ yua yibetiriarãre bajirone ñacõaña mua” Ìnare yi, vacoaja mua. ⁷ No bojarã gãjerãre moabosarimasa, vaja bujarãma. To bajirone bajiruaroja muare quẽne. Quẽnaro muare bocaãmirã tũne ñacõari, Ìnare mua gotimasiose vajane Ìna basene ba, Ìna idise idi yicõa ñaruarãja mua. Mua ejarivine ñacõaruarãja mua, gaje viri cãnicudimenane. ⁸ Macaju mua ejariviana, no bojase bare muare Ìna ecasene ba variquẽnama. ⁹ Rijaye cutirãre catioba. To yicõari, “Uju Dios yarã quẽnaro ï yirona mua ñaruajama, rojose mua yisere yitujacõari, Jesũre ajitirãnuña”, ti macanare yigotimasioma. ¹⁰ To bajiboarine yũ cõarimacajare mua ejaro, muare quẽnaro Ìna bocaãmibetijama, ti maca gudarecoju jãjarã Ìna Ìaro rĩjoroju ejacõari, ado bajiro ñare gotiba mua: ¹¹ “Uju Dios yarã quẽnaro ï yirona mua ñarotire gotirã bajiboabu yua. To bajiri, ‘Quẽnaro yũare bocaãmibeticõari, yũare mua ajiruabetijare, rojose muare yirucumi Dios’ yirã, adi macaye sitare yua gũbo sudi tuyasere varereaja yua”, Ìnare yigotiba mua. ¹² Riojo muare gotiaja yũ. Ti macana muare Ìna ajiruabeti vaja Diojuama, rojose ñare yirucumi masare ï beserirãmu ti ejaro. Sodoma macana ñamasiriarã rãtobusaro rojose tãmuõruarãma Ìna, muare quẽnaro bocaãmimenama –Ìnare yiyuju Jesús.

Ìre ajitirãnuñbeti macariana Ìna bajisere to yicõari, Ìna bajirotire tũõlacõari, Jesús ï gotire queti

(Mt 11.20-24)

¹³ To bajiro ñare yigoticõari, macariana Ìre Ìna ajitirãnuñbetire gotiyuju Jesús:

–Coraz Ìn macana, to bajicõari, Betsaida macana quẽne, buto rojose tãmuõruarãma. Ti macarianare Ìaiañamani yũ yũocatore bajiro, Tiro vãme cuti macanare, Sidõn vãme cuti macanare quẽne Ìaiañamani yũ Ìojama, tirãmuju rojose Ìna yisere tũõasutiriticõari, yitujacoaboriarãma Ìnama. “Rojose yua yisere yiruabeaja” yisutiritirã ñari, sutiritirã Ìna sãñasejua sudi vasoacõari, to yicõari, Ìna rujoariju õja majeoboriarãma. ¹⁴ Sidõn macana, to bajicõari, Tiro macana ñamasiriarã rãtobusaro rojose tãmuõruarãma Ìna, Dios, masare ï beserirãmu ti ejaro. ¹⁵ Capernaum macanajua, “Quẽnarã ñari, õ vecaju Dios ï ñaroju ñarona ñaja mani”, yitũõaboarãma Ìna. To bajiro Ìna yitũõaboajaquẽne, Dios tũju ñabetiruarãma. Rojose tãmuotujabetiriarõju ñaja Ìna cõaacorõtoma. ¹⁶ Mua gotisere ajicõari, “Riojo yama” muare Ìna yijama, yũrene, “Riojo yami” yirã yiruarãma. Muare Ìna ajitejama, yũre ajiterã yiruarãma. To bajiro Ìna yijama, yũre cõacacũre, yũ jacũre, ajiterã yiruarãma –Ìnare yiyuju Jesús, ï gotiroticõarãre.

Jesús ï gotiroticõariarã Ìna tudiejare queti

¹⁷ Tiju bero, ï gotiroticõariarã, setenta y dos ñarirãcũ Jesús tũ tudiejayujarã quẽna. Variquẽnase rãca tudiejarãne, ado bajiro Ìre gotiyujarã Ìna:

–Masa usũriju sãñarãre, vãtiare, “Jesús ï rotise rãca muare budirotiaja” yua yijama, cãdima Ìna –Jesũre yigotiyujarã Ìna.

¹⁸ To Ìna yirone,

–Yũ rotise rãca vãtia uju, Satanãs yarãre mua burearone, õ vecaju bujo ï yabesere bajiro Satanãs ï quedirujasere Ìamu. ¹⁹ “Ãñare, cotibajare Ìnare cudaboarine, rojose tãmuobetiruãrãja mua” yigu, yũ masisere muare ujojame yũ, “Rojose yirã jediro, to yicõari, vãtia quẽne rojose muare yibeticõato” yigu. ²⁰ Yũ ejarẽmose rãca masa usũriju sãñarãre, vãtiare, mua burearere

ḡ 10:2 To bajiro ï yijama, ado bajiro yigu yiyuju: “ Jãjarã ñarãma yũ ocare ajicõari, yũre ajitirãnuñrona. To bajiboarine, mojoroaca ñarãma yũ ocare gotirãjua. To bajiro ti bajijare, Diore sãniña, “Jãjarãbasa yũ ocare gotirimasare cõato ï” yirã yiyuju Jesús”, yiyujarã Dios oca masa Ìna ucamasire buerãtoburimasa.

tuoia variquēnaboarine, “Ado cōro ñaama yu rāca ñarūgūrona” Dios ī yiucau ecocana ñari, tijuare butobusa tuoia variquēnaroti ñaja —Inare yigotiyuju Jesūs.

“Quēnaja”, Diore Jesūs ī yivariquēnare queti
(Mt 11.25-27; 13.16-17)

²¹ To yigajanocōari, Espiritu Santo ī ejarēmose rāca, “Quēnaja”, Diore yivariquēnagū, ado bajiro yiyuju Jesūs:

—Cacu, ò vecagu uju ñaja mu. Adi macarucurore quēne, ñajediro uju ñaja mu. “Jēre masiaja yua” yituoīaboarē, “Yu ocare ajimasibeticōato ina” yigu, ñare masirioaja mu. To yicōari, “Masimena ñaja yua” yirājuare, “Ajimasiato” yigu, ña ajimasirotire yirēmorūgūaja mu. To bajiro mu yijama, mu bojarore bajiro yigu yaja mu —Diore yiyuju Jesūs.

²² To yicōari, ado bajiro ī rāca ñarājuare gotiyuju Jesūs:

—Yu jacu ī ejarēmose suorine jediro yimasijeogu ñaja yu. “Tire yimasiato” yigu, adi macarucurojore yare cōacami yu jacu. To bajiro yare yicacu ñari, yu yisere masijeocōami yu jacu. Yu quēne, ī yisere masijeocōaja. “Īre masiatio” yigu, yu beserā rīne yu jacure masiama —Inare yigotiyuju Jesūs.

²³⁻²⁴ To yicōari, ī buerimasa rīne ña ñaro, ado bajiro ñare gotiyuju Jesūs:

—Variquēnaña muama. Yu yīosere tuoīacōari, yu bojarore bajiro tuoīavasoariarā ñari, tire yu gotimasiosere ajimasijaja muama. Riojo muare gotiaja yu. Tirāmuju jājarā Diore gotirētosamasiriarā yucu muare yu yīosere ĩaruamasiboayuma. Yu gotimasiosere mua ajisere ajiruamasiboayuma. To bajiri muama, jairo yu yīosere masirā ñari, to yicōari, yu gotimasiosere ajirā ñari, variquēnaña mua —Inare yiyuju Jesūs, ī buerāre.

Dios ī rotimasirere gotigune, samaritano masu ī yirere Jesūs ī gotire queti

²⁵ To bajiro Jesūs ī yīnarone, sīgū Dios ī rotimasirere gotimasiorimasu, ĩre sēniñaru, vāmarūgāñuju. “Ado bajiro yu sēniñajama, josase ti ñajare, cudimasibeticōari bojoneose tāmurocūmi” yituoīagū ñari, ado bajise ĩre sēniñañuju:

—Gotimasiorimasu, yu rijato beroju “Tudirijabeticōato” yigu, Dios ī catisere yare ī ĩsiseru yu bojajama, ũno bajiro yiroti ñati yare? —Īre yisēniñañuju.

²⁶ To ī yisere ajicōari, ado bajiro ĩre cudiyuju:

—¿No bajiro yati ti, Dios ī rotimasire, tire buegu mu ĩajama? —Īre boca yisēniñacōañuju Jesūs.

²⁷ To bajiro ī yisere ajicōari, ado bajiro Jesūre cudiyuju ī:

—Dios ī rotimasire, ado bajiro yaja ti: “Mani ũjare, Diore buto mairoti ñaja. No bojagure mani mairo rētoro, no bojase mani cuose, to yicōari, mani bojatuoīase rētoro Diore mairoti ñaja”. To yicōari, “Mu masu rujare mu mairore bajirone mu tuanare maiña” yigotijaja Dios ī rotimasire ñamasuse —Jesūre yucudiyuju Dios ī rotimasire gotimasiorimasu.

²⁸ To bajiro ī yisere ajicōari,

—Riojo cudijaja mu. To bajiro mu yirūgūjama, mu rijato beroju “Tudirijabeticōato” yigu, Dios ī catisere mure ī ĩsiseru bujarucujaja mu —Īre yiyuju Jesūs.

²⁹ To bajiro ī yisere ajicōari, “Ti vāme ñaro cōrone cudijeobeami” yituoīagū ñari, “Quēna gaje vāme yu sēniñajama, gotimasibeticōari, bojoneoro tujarucūmi” yigu, Jesūre ĩre sēniñañuju ī quēna:

—¿Ñimarā ñati yu tuana, yu maironama? —Īre yisēniñañuju.

³⁰ To bajiro ī yisēniñajare, gotimasiore queti gotiyuju Jesūs:

—Sīgū jud'io masu, Jerusalēnju rojacami Jericōju ejaqu vacu. Ma ī vatone, ĩre ñiarāma juarudirimasu. ĩre ñiacōari, sudi ī sāñasere, to yicōari, ī gajeyeūni ñajediro ĩre ēmajecōarāma ña. To yicōari, masacatibecujaja ĩre quēsiñacōarāma ña. To yi, vacoanama ña. ³¹ To ña yi vato bero, vagumi pai. ĩre ĩaruabecu ñari, ĩre gānirētocoacūmi. ³² Ī bero, paire moabosarimasu vagumi. Ī quēne ĩre ĩacōari, gānirētocoacūmi. ³³⁻³⁴ ĩna rētoro bero, samaritano masu vagumi. ĩre ĩamaicōari, ī tare tujarūgū ejaqu. To bajicōari, ī cāmire ĩre ũco yigu, olivo ũyene, to yicōari, ũye oco rāca ī cāmire ĩre tugūmi. To yicōari, sudigase rāca ī cāmire ĩre dureagūmi. Dureagajanocōari, ī yu burro vāme cutigu joeju ĩre āmijeo, vacoacūmi samaritano masu. Vacudirimasa ña cāniriviju ĩre āmiejocōari, ĩre codegūmi.^h ³⁵ To bajiro ĩre yicodēnao, gajerāmu ti vi ũjare ĩre gājoa ĩsigūmi, juarūmu moare vaja yire cōro. To yicōari, ado bajiro gotigūmi: “Rojorā ña quēsiñacor'ire ĩre vaja yibosagu yaja yu, ado ĩre mu coderoti vaja. ĩTo bajiri quēnaro ĩre codeba mu! ĩre mu codero bero, yu vaja mojama, ado quēna gāme vagu, mure vaja yicōarucujaja yu” ĩre yigūmi, ti vi ũjare —yigotiyuju Jesūs, Dios ī rotimasire gotimasiorimasure.

³⁶ To bajiro ĩre yigotigajanocōari, ado bajiro ĩre sēniñañuju Jesūs:

^h 10:33-34 Samaria sitana, samaritano masa vāme cutiyujarā ña. ĩna rāca gāmerā ĩateyujarā judio masa.

—Ti quetire, ¿no bajiro tuoŋati mu? Ìna idiarā ñariarā, ¿nijua Ìre Ìamañujari Ì? —Ìre yisēñiñaju Jesús.

³⁷ To bajiro Ì yisēñiarone,

—“Maioro bajigu ñaami” yīasutiriticōari, quēnaro Ìre yir’ijua ñarimi Ìre mair’ima —Jesúre yicadiyuju Dios Ì rotimasire gotimasiorimasu.

To bajiro Ì yirone, ado bajiro cadiyuju Jesús:

—Riojo yare cadiaja mu. To bajiri, mu quēne to bajirone yia. Maioro bajirāre mu Ìajama, Ìnare ejarēmoña —Ìre yiyuju Jesús.

Marta mesa ya viju Jesús Ì ejare queti

³⁸⁻³⁹ Ì buerimasa rāca Jerusalēnju varūtu vacune, gaje macaju Ìnare ūmato ejayuju Jesús. Tojre Marta vāme cutigo, so bedeo, Mar’ia rāca ñañuju so. To bajiri Ìna ya viju Jesús Ì ejarone, Ìre bocacōari, Ìre sēniñuju Marta. Sājaecōari, Jesús Ì gotimasio ñaro tare rujiyuju so bedeo, Mar’ia, Ìre ajirujigo. ⁴⁰ To bajiro so bajijare, Martajua, “Jairo moare ti ñajare sīgōne ñari, moatimabeaja yu” yigo, Jesúre ado bajiro Ìre yiboayuju so:

—Yu ūju, yu sīgōne yu moasejarema tuoŋabeaja mu. Yu bedeo, yare ejarēmobeamo so. To bajiri, “Mu gagore sore moaejarēmoña”, sore yia mu —Jesúre Ìre yiboayuju Marta.

⁴¹ To bajiro so yisere ajicōari, ado bajiro sore cadiyuju Jesús:

—Marta, yu maigō, moarere tuoŋarejaibesa mu. ⁴² Mu bedeo, quēnasejare tuoŋamasiamo so. To bajiri yu gotisere ajigo yamo. To bajiro so bajijare, sore moarotire maja —sore yicadiyuju Jesús.

11

Diore mani sēnirotire Jesús Ì gotimasiore queti

(Mt 6.9-15; 7.7-11)

¹ Cojorāmu Ì jacure Ìre sēniñuju Jesús. To Ì yigajanorone, sīgū Ì buerimasu ado bajiro Ìre sēniñaju:

—Juan vāme cutigu, masare oco rāca bautizarimasu, Ì buerāre Diore Ìna sēnirotire gotimasioñuju Ì. To bajiri, ¿yuare quēne Diore yua sēnirotire yuare gotimasiogūti mu? —Jesúre yisēñiñaju Ì.

² To bajiro Ì yijare, ado bajiro Ì buerimasare gotimasioñuju Jesús:

—Diore mua sēnijama, ado bajiro sēniuarāja mua:

“Yua jacu, masa ñajediro, ‘Quēnarētogū ñaja mu’ mure yirūcūbuoato Ìna. Adi macarūcūroana, mu bojase rīne yua yirotire tuoŋa yurūgūaja yua. Jēre ō vecaju mu ñaroju mu yarā mu rotirore bajirone yīnarāma. To bajiri adi macarūcūrojre quēne mu rotirore bajiro rīne yirere bojaja yua.

³ Tocārācarāmune yua barotire cōaña mu.

⁴ ‘Rojose yua yisere masirioya’ mure yisēniaja yua, rojose yuare yirāre quēne masiriorā ñari. Rojose yua yirotire masigū ñari, ‘Tire yibeticōato Ìna’ yigu, yuare matabosaya’. Ado bajiro Diore mua sēnijama, quēnaja —yiyuju Jesús, Ì buerimasare.

⁵⁻⁶ To yicōari, gotimasiore queti ado bajiro Ìnare gotiyuju:

—Sīgū, vacudigu, ñami gadarecoju Ì baba ya vijure ejagumi. Ì ejaro Ìacōari, bare Ìre ecaroti ti manijare, gaje viagu Ì babare sēnigū vacoacumi. Ì ya viju ejacōari, “Yu baba Ì ejaro Ìre yu ecaroti ti manijare, mure bare sēnigū bajibu yu”, Ìre yigumi. ⁷ To bajiro Ì yirone, ado bajiro Ìre cudigumi: “Yare gōjanabiobesa mu. Jēre sojere bibecōamu yu. Yu, yu rīa quēne cānirā yaja yua. To bajiri, vāgācōari, mure Ìsimasibeaja yu”, Ìre yicadicōagumi. ⁸ Ìre Ì Ìsirūabetiboajaquēne, Ìre Ì sēnitajabetijare, Ì bojasere Ìsicōarūcumi.

“Diore mua sēnijama, mure cudirūcumi”, Jesús Ì yigotimasiore queti

(Mt 7.7-11)

⁹ To bajiri quēnaro yare ajija mua. Diore mua sēnijama, cōarūcumi. Ìre sēnicōari, mua macajama, bujaruarāja mua. Sīgū no bojase Ìre ti ruyajama, gāji ya viju ejacōari sājara, sēniñagumi. Ì sēniñajare, Ìre sājaroticōari, Ìre ejarēmogumi. To bajirone bajijaja Diore sēniñare quēne. Ìre mua sēnisere ajicōari, quēnaro mure yiejarēmorūcumi. ¹⁰ “Dios manire ejarēmorūcumi” yituoŋarā ñari, Ìre Ìna sēnisere Ìnare cōarūcumi. Ìna macajaquēne, bujaruarāma —Ì buerimasare yiyuju Jesús.

¹¹ To yicōari, quēna ado bajiro Ìnare gotimasioñuju Jesús:

—“Vai bojaja yu” mua macu Ì yisēnijama, ¿ñañ, bar’i merene Ìsirātique mua? Ìsimenaja mua. ¹² “Gājabocu rīa bojaja yu” mua macu Ì yijama, ¿cotibajare Ìsirātique mua? Ìsimenaja mua. ¹³ Diore bajiro quēnase yirā me ñaboarine, mua rīare quēnaro yaja mua. To bajiri tire

masicōari, ado bajiro Diore yimasijaia mani: “No bojarā Esp'iritu Santore cōoruarā, mani jacu ò vecagare ina sēnijama, inare cōarucami”, yimasijaia mani –ī buerimasare yiyuju Jesús.

*“Vātia uju ī masise rāca yigu yami Jesús”, ina yire queti
(Mt 12.22-30; Mr 3.20-27)*

¹⁴ Sīgū vāti sāñagū ñañuju. “iÑagōbeticōato!” yigu, ī usujure sājacōari, ñañuju. Īre Jesús ī burocārone, ñagōmasicoasuju masujua. Tire iacōari, no yimasibesujarā masa, ti ūnire ĩabetirūgūriarā ñari. ¹⁵ Sīgūri, ado bajiro Jesúre ĩre yituoñañujarā ina:

–Ī usuju vātia uju Beelzebú vāme cutigu sāñagū ñaami Jesús. To bajiri Beelzebú ī masise rāca vātiare bureaami –Jesúre ĩre yituoñañujarā ina.

¹⁶ Gājerāma, ado bajiro Jesúre yiyujarā:

–“Dios ī cōagū ñaami” yua yīamasirotire yigu, ò vecaye ĩañañamani yuare yīoña –Jesúre ĩre yiboayujarā ina. ¹⁷ “Beelzebú sāñagū ñaami” socarāne ina yituoñasere masicōari, ado bajiro inare gotiyuju Jesús:

–Cojo sitana rotirimasa ina gāmerā quēajama, ina masune gāmerā sīayayirā yirāma. To bajirone bajiroja cojo macanare quēne, cojo vi ñarāre quēne. ¹⁸ To bajirone bajiroja vātiare quēne. Vātia ina gāmerā bureajama, “Masare rojose yitujato mani” yirā yiborāma. To bajiro ti bajijare, “Beelzebú vāme cutigu ī masise rāca masa usurijū sāñarāre vātiare bureaami” yure mua yiboase, riojo yirā me yaja mua. ¹⁹ To bajiro yure mua yituoñaboajama, mua buerā quēne masa usurijū sāñarāre vātiare ina bureasere, “Vāti ī masise rāca burearāma ina quēne” yirāre bajiro yaja mua. To bajiro mua yijama, “Tuoñamavisarā yaja mua”, muare yiruarāma ina, mua buerā. ²⁰ Ado bajiroja tuoñarona ñaboaja mua: “Vātia uju ī masise rāca me yami. Esp'iritu Santo ī masise rācajua vātiare bureaami”, yure yituoñarona ñaja mua. To yicōari, “Rotimūorūgōrucami” yigu, Dios ī cōar'i ñaami”, yituoñamasiroti ñaja muare.

²¹ “To bajiro yimasiroti ñaboaja” yigu ñari, “Quēnabusaro yimasiatō” yigu, quēna gajeye gotimasiore queti muare gotiaja yu: Sīgū, guamu, jairo besu cōogu ñari, ī ya viayere quēnaro ī ĩatirāñujare, no bajiro yicōari juarudimasimenama. ²² To bajiboarine, “Jairo cōogu yu ñajare, yure ēmamasigū magāmi” ī yituoñaboasere, gāji ejacōari, ĩre quēagāmi. To yicōari, ī besure, ī gajeyeūnire quēne ēmacōari, gājerā ī babarāre ĩsibatogāmi ī rētoro tīmagū. Tire bajiro bajiaja yure quēne. Vātia uju, masigū ī ñaboajaquēne, yujua, ī rētoro masigū ñaja yu. Ī rotiboasere ĩre yirobteticōari, vātiare yu burease suorine, vāti ī rotiajeboariarāre ĩre ēmagū yaja, “Yu yarā ñato” yigu.

²³ No bojarā yu gotiboasere ajitirāñamenama, yure ajitirāñaboronare matarā yirāma. No bojarā, “Jesúre ajitirāñña” yure yigoticudibosamenama, “Īre ajibesa” yirāre bajiro bajirā ñarāma –inare yiyuju Jesús.

*Vāti, masu usujure sāñar'i, budicōari, ī tudisājare queti
(Mt 12.43-45)*

²⁴ Quēna ado bajiro yiyuju Jesús:

–Vāti, masu usujure budicōari, oco manorijū vacudigūmi. Tujariajau ñujabecu ñari, ado bajiro tuoñagūmi: “Yu budiriarojuene vacarocū ñagūja yu”, yituoñagūmi. ²⁵ Masu usujure ī budigoriarore tudiejagu ī ĩajama, gōjanabiose mano, quēnarivire bajiro masu usujure ĩaejagūmi. ²⁶ To bajiro ī usujure ĩaejacōari, cojomo cōro jua jēnituarirācu vātia ī rētoro rojose yirāre ūmato ejagūmi. To yicōari, ina ñaro cōrone masu usujure sājārāma ina. To bajiri, rētorobusa rojose yigu ñagūmi masu yuja. To bajirone bajiruroja muare adirodoria rojose yirāre quēne. Vātiare yu bureacōaboajaquēne, yure ajitirāñamena ñari, butobusa rojose yirā ñaja mua –inare yiyuju Jesús.

²⁷ To bajiro ī yisere ajicōari, sīgō rōmio masa vatoaju ñacōari, ado bajiro Jesúre ĩre yiyuju:

–Buto variquēnagōmo so, mare ūjubucōorio –ĩre yiyuju so.

²⁸ To so yirone, ado bajiro sore cadiyuju Jesús:

–To bajiro yure mu yiboajaquēne, Dios ocare ajicōari, ī rotisere quēnaro yirā ñarāma buto variquēnarāma –sore yicadiyuju Jesús.

*“ĩañañamani mu yīosere bojaja yua”, ina yire queti
(Mt 12.38-42; Mr 8.12)*

²⁹ Jesús tujare jājarābusa masa ina ejarūtuate, ado bajiro ĩnare gotiyuju Jesús:

–Mua adirodoria, rojose yirā jājarā ñaja mua. Yure ajiterā ñari, ĩañañamani muare yu yīosere bojaboaja mua. To bajiro mua bojaboajaquēne, muare yīobetrucuja yu. To bajiboarine Jonás ñamasir'i Diore gotirētobosarimasu ī bajimasirere bajiro bajīoroti ñaroja. ³⁰ Jonás ina taju ī ejaroto rjoro ī bajimasirere ĩnare ī gotisere ajicōari, “Diore gotirētobosagu ñaami”, ĩre yituoñamasiñujarā ina, N'inive vāme cuti macana ñamasirarā. Ti ūnire bajiro bajirucuja yu quēne, Dios ī roticōacacu ñari. To bajiro yu bajise ñajare, “Dios ī cōar'ine

ñañumi”, yimasiruarāma masa.³¹ “Uju Salomón quēnaro masigū ñañuju” yire quiete ajicōari, Sabá sitana ujo ñamasirio, sōju vadicōari, ĩre ajigo ejamasñuju so. Salomón rētoro ñamasugū ñaja yu. To bajiro yu bajiboajaquēne, muajuama, yare ajitirānubeaja mua. To bajiri masare Dios ĩ beserirāmu ti ejaro, ado bajiro bajiruaroja muare: Salomón tu ejamasirio, tudaticōari, “Mua ye suorine rojose tāmōuarāja”, muare yiruocomo so, yu gotisere ajirā ñaboarine, rojose mua yitujabetijare, ĩnare yiyuju Jesús.³² N’ĩnive macana ñamasirār, Jonás ñamasir’i Dios oca ĩ gotisere ajicōari, rojose ĩna yisere sutiriticōari, yitujamasñujarā ĩna. Jonás rētoro ñamasugū ñaja yu. To bajiro yu bajiboajaquēne, muajuama, rojose mua yisere yitujabeaja mua. To bajiro yirā mua ñajare, masare Dios ĩ beserirāmu ti ejaro, ado bajiro bajiruaroja: N’ĩnive maca ñamasirār, tudaticōari, “Mua ye suorine rojose tāmōuarāja”, muare yĩruarāma –ĩnare yiyuju Jesús.

³³ To yicōari, quēna gaje quieti, gotimasiore quieti ado bajiro ĩnare gotiyuju Jesús:

–Siabusuariare jēocōari, sotune tiare mubaamenaja mua. Tire jēocōari, “Ñajediro ti vianare ĩjubusuato” yirā, vecaju jeorāja mua –ĩnare yigotiyuju Jesús.]

³⁴⁻³⁵ To yicōari, quēna gaje gotimasiore quieti ĩnare gotiyuju:

–Mua caje quēnaro ti ruyujama, “Tine ñaja quēnamasuse”, yĩamasajaja mua. To bajiboarine, mua caje quēnaro ti ruyubetijama, quēnabetire ĩacōari, mua masune, “Ti ñaja quēnamasuse”, yisocarāja mua. Tire bajiro bajijaja mua tuoĩase quēne. Dios ĩ bojarore bajiro quēnaro mua tuoĩajama, ñajediro quēnaro riojo tuoĩamasiruarāja mua. ĩ bojabetire mua tuoĩajama, “Riojo tuoĩamasajaja” mua masune yisocañarā rĩne, ñajediro riojo tuoĩamasimena ñacoararāja mua. To bajiri, quēnabetire ĩacōari, “Mani masune, ‘Ti ñaja quēnamasuse’ yisocarobe” yirā, Dios ĩ bojarore bajiro quēnaro tuoĩaña mua. ³⁶ Dios ĩ bojarore bajiro quēnase rĩne mua tuoĩajama, ñajediro quēnaro riojo tuoĩamasiruarāja mua –ĩnare yiyuju Jesús.

Fariseo masa, to yicōari, Dios ĩ rotimasire gotimasiorimasa quēne, “Rojose tāmōuarāja mua”, Jesús ĩnare ĩ yire quieti

(Mt 23.1-36; Mr 12.38-40; Lc 20.45-47)

³⁷ To bajiro ĩ yigajanoro bero, sigū fariseo masu,

–Yu ya vijū yu rāca baḡu vayá mu –Jesúre yiyuju.

To bajiro ĩ yir’i ñari, ĩ tujū sājajacōari, ĩ āmori coebecune, baejarūju vasuju Jesús. ³⁸ To ĩ bajiro ĩacōari, “ ‘Manire ĩvaririqēnato Dios’ yirā, mani ñicua ĩna yimasiriarore bajiro āmori coecōari rĩne, baroti ñaja’ yirotimasire yirūcūbuobeami Jesús” ĩre yĩḡāḡ ñari, no yimasibesuju fariseo masu.

³⁹ To bajiro ĩre ĩ yituoĩasere ĩamasicōari, ado bajiro ĩre gotiyuju Jesús:

–Idiriabaja, bare jeobariabajare bajiro bajijaja mua, fariseo masa. Idiriabaja, bare jeobariabaja joema coeriabajare ñaboarine, jubearuama buto ueri cutibajarire bajiro bajijaja mua. Mua usuri bajisejuarema tuoĩabeaja mua. To bajirā ñari, “Quēnaro yirā ñaja yua” yituoĩaboarine, rojosere quēne tuoĩarā ñari, rojorā ñaja mua. ĩaworā ñari, “Ĩnare yitocōari, ĩna cuoboasere emaruarāja”, yituoĩarā ñaja mua. ⁴⁰ Tuoĩamasimena bajiro bajirā ñaja mua, “Rojorā ñaja mani” yimasimena ñari. ¿Dios, mani rujuĩre rujeor’i, mani usurire quēne rujeobesujarique ĩ? Mani usurire rujeor’i ñari, quēnaro mani tuoĩasere quēne bojaami Dios. ⁴¹ Rojasere tuoĩatujaya. To bajiro mua yijama, Dios ĩ bojarore bajiro tuoĩarā ñari, quēnaro yirā masu ñaruarāja mua.

⁴² Buto rojose tāmōuarāja mua, fariseo masa. Dios ĩ rotimasire buerētobucōari, ñamasuse mejuare ajitirānūrāja mua. To bajiro yirā ñari, bare sāvōore, an’is, menta, comino vāme cutire mojoroaca ti vaja cutiboajaquēne, Diore yirūcūbuoriavi moabosarimare ĩsajaja mua. To bajiro yirā ñaboarine, Dios ĩ rotimasire ñamasusejuarema ajitirānūmenaja mua. Ado bajiro bajijaja ñamasuse: Quēnaro riojo yire, gājerāre ĩmaire, to yicōari, Diore maire quēne ñaja ñamasuse. Tire quēne yirūḡūrona ñaja mua.

⁴³ Buto rojose tāmōuarāja mua, fariseo masa. Boserāmū ñaro rūcūbuorijajaju baruji variquēnaja mua. Dios ocare ĩna bueriviriju quēne rūcūbuorijajaju rujuvāriquēnaja. Masa ĩna ñariju mua ejajama, rūcūbuose rāca muare ĩna sēniserē bojarūḡūja mua.

⁴⁴ Buto rojose tāmōuarāja mua. Masa, gojere bajiro bajijaja mua. Ti goje joere vaboarine, “Masa ĩna yujerigoje ñaroja” yimasimenama, o ēñerocaju ti ñajare. Tire bajiro bajijaja muare quēne. Rojasere mua tuoĩasere masimena ñari, “Rojorā rāca ñaja mani”, muare yimasibeama masa, mua tujū ejarā –ĩnare yigotiyuju Jesús, fariseo masare.

⁴⁵ To bajiro ĩ yigotirone, sigū Dios ĩ rotimasire gotimasiorimasa ñañuju ĩ. Ado bajiro Jesúre yiyuju:

ĭ 11:30 “Ti ũnire bajiro bajirūcūja” Jesús ĩ yijama, rijacoaboarine, ĩ tudicatirotire tuoĩacōari, yiyuju. ĩ 11:33 To bajiro Jesús ĩ yijama, ĩ oca riojo masirāma, “Gājerāre gotimasioroti ñaja” yigu, yiyuju.

—Gotimasiorimasa, tuoīamasiri mene goticōaja ma. Fariseo masare to bajiro ma yijama, yuaē quēne tud'igu yaja ma —Jesūre ĩre yiyuju.

⁴⁶ To bajiro ĩ yirone, ado bajiro ĩre cudiyuju Jesūs:

—Ma, Dios ĩ rotimasire gotimasiorimasa quēne buto rojose tãmuoruarāja. Dios ĩ rotimasire masirã ñari, ĩ rotimasire rētoḃusaro yirotirũgũaja ma. “Cojo vãme me mani rotire ñajare, cudijeomasimenama ĩna” yimasirã ñaboarine, ĩnare ĩamaimenane, “Ñajediro yua gotirētoḃuse rijojo ñaja”, masare ĩnare yirũgũaja ma.

⁴⁷ Buto rojose tãmuoruarāja ma. Diore gotirētoḃosamasiriarãre ma ñicua ĩna sīamasiriarãre ĩna yujemasirijau joere quēnarijauri quēnoaja ma, “Quēnarã ñañuma” yirã. ⁴⁸ To bajiro ma yijama, “Quēnarã ñañuma” yirã me yaja ma. Ado bajirojua yirã yaja: “Diore gotirētoḃosamasiriarãre mani ñicua ĩna sīamasire quēnañuja ti” yirã yaja ma, ma ñicua rojose ĩna yiriarore bajiro rojose yirã ñari.

⁴⁹ To bajiro ma yiroto rĩjorojũne masicōañumi Dios, quēnaro tuoīagũ ñari. Ado bajiro yiyumi, ma ñicua, to yicōari, muare quēne tuoīayugu ñari: “Jud'io masa vatoaju yure gotirētoḃosarãre, to yicōari, gãjerã yu oca goticudirimasare quēne cōarucija yu. ĩnare sīaruarãma ĩna. Gãjerãrema, rojose ĩnare yiruarãma”, jud'io masare muare yiyumi Dios. ⁵⁰⁻⁵¹ To bajiro ma ñicua ĩna yimasire, ma yisere quēne ado bajiro muare yirucumi Dios: Abel ñamasir'ire ma ñicu ĩ sīasuosimare, to yicōari Diore gotirētoḃosarimasare ma ñicua ĩna sīamasire, to yicōari Diore yirucubuarivi jubeaju ñarijau soemuorijau taju ma ñicua Zacar'iare ĩna sīatusamasire ti ñajare, buto rojose tãmuoruarāja ma adirũmuri ñarã. ĩna bajimasiriarore bajirone Diore ma ajitirũnubeticōa ñajare, ĩna sīamasire vaja rojose ĩnare ĩ yiroti rētoḃusaro rojose muare yirucumi Dios, adirũmuri ñarãre.

⁵² Buto rojose tãmuoruarāja ma, Dios ĩ rotimasire gotimasiorimasa. Tire buerētoḃucōari, ñamasuse mejuare ajitirũnucōari, gotimasioivadicaju ma. To bajiro ma yijama, “Uju Dios yarã quēnaro ĩ yirã ñabeticōato mani” yirãre bajiro yinaja ma. To yicōari, “Gãjerã, Uju Dios yarã quēnaro ĩ yirã ñabeticōato ĩna” yirã yaja ma. Dios yarã ĩna ñaraboajaquēne, ĩnare matarã yaja ma. To bajiro ma quēne ĩ yarã ñabetiruarāja ma —ĩre yicudiyuju Jesūs, Dios ĩ rotimasire gotimasiorimasare.

⁵³⁻⁵⁴ To yigajano, ĩre jivar'i ya vijare Jesūs ĩ budiato, buto ĩre jũnisiniñujarã Dios ĩ rotimasire gotimasiorimasa, fariseo masa quēne. ĩre jũnisinirã ñari, buto ĩre sēñĩagōjanabioyujarã ĩna. “ĩ cudimasibetijama, ĩre ocasãrãsa mani” yirã, quēnaro ajisuya vasujarã.

12

“Quēnaro yirã ñaja yua” yituoīaboarine, ‘Rojorã ñaama’ ĩnare yĩamasicōari, ĩna gotimasiosere ajibesa’, Jesūs ĩ yire queti

¹ “Rojose Jesũre yirãsa” yirã, ĩre ĩna ajicodẽ ñarone, jãjarã masa ĩ tujare rējañujarã ĩna. Jãjarã masu rējařã ñari, ĩna masune gãmerã cudaroriju ñañujarã ĩna. To ĩna bajĩñarone, Jesūs ĩ buerimasajuare ado bajiro gotisuo yuju ĩ:

—Fariseo masa “Pan vauvato” yirã, ĩna vuosere quēnaro ajicōiãña ma. “Quēnaro yirã ñaja yua” yituoīaboarine, rojose yirã ñaama. ² Masa ĩna masibeti jediro, ĩ beserĩma ti ejaro, “Quēnaro tire masiato” yigu, masare ĩnare gotirucumi Dios. ³ Masa ĩna ajibeto yayioroaca ma ñagõsere, “Jediro ajiato” yigu, ma ñagõrere gotirucumi Dios —ĩ buerimasare yigotiyuju Jesūs.

“Masa rojose yirãre gũimenane, Diojuare gũiroti ñaja muare”, Jesūs ĩ yire queti (Mt 10.26-31)

⁴ To yicōari, quēna ado bajiro ĩ buerimasare gotiyuju Jesūs:

—Yu babarãre ado bajiro muare gotiaja yu: Muare sīaruarãre gũibeja ma. Ma usũrijurema sīamasimenama ĩna. ⁵ Diojuare ma gũijama, quēnaja. ĩ ñaami mani catisere rotigu. ĩ masu masiami. To bajiro rojose tãmuotujabetiriaroju muare reamasicōami.

⁶ Cojomocãrãcu miniare mani vaja yijama, juatii gãjoatiiri rãca vaja yire ñaroja ti, mojoroaca vaja cutirã ĩna ñajare. To cõroaca vaja cutiboarine, Dios ĩ rotibetone rijagu magũmi. ⁷ Masajuare, Dios ĩ ĩajama, jairo vaja cutirãre bajiro manire ĩaami. Manire buto maiami ĩ. To bajiro bajigu ñari, mani rujoajoare, cojojoara ruayabeto cõĩajeogu ñaami. To bajiro rojose muare yirãre gũibeja —ĩ buerimasare yiyuju Jesūs.

“Masa ĩna ĩaro rĩjorojua, ‘Jesũre ajitirũnugũ ñaja yu’ ma yijama, quēnaja”, Jesūs ĩ yire queti (Mt 10.32-33; 12.32; 10.19-20)

⁸ Quēna ado bajiro ĩ buerimasare gotiyuju Jesūs:

—Ado bajiro muare gotiaja yu: Masa ĩna ĩaro rĩjorojua, “Jesũre ajitirũnũrã ñaja yua” yirãrema, yu quēne õ vecaju yu jacu yarã ángel mesa ĩna ĩaro rĩjorojua, “Ánoa ñaama yu yarã”, yĩõrucija yu. ⁹ To bajiboarine masa ĩaro rĩjorojua, “Jesũre ajitirũnũrã me ñaja yua” ĩna yijama,

yu quēne, Dios ī roticōacacu, ð vecaju yu jaca yarā ángel mesa ĩna ĩaro rĭjorojua, “Yu yarā me ĩaama ĩnana”, yirucuja yu.

¹⁰ No bojarā, Dios ĩ roticōacacure rojose yure ĩna ĩagōro bero, sutiriticōari, Diore ĩna sēnijama, rojose ĩna yisere masiriorucami. To bajiboarine, Espiritu Santo ĩ masise rāca moagūre, “Satanás ye rāca moami” ĩna yitudĭjama, Espiritu Santojare rojose yirā yirāma. Tirema gajerado ti ĩacoabojaquēne, masiribetirucami Dios.

¹¹ Yu ocare mua gotimasiojare, muare ĩnejecōari, Dios ocare ĩna buerivirijū ęjarā rĭjorojua muare juaáruarāma ĩna. To yicōari, macari ęjarā rĭjorojua muare juaáruarāma ĩna. To yi vanane, ęjarā ĩamasurā rĭjorojua muare juaáruarāma. ęjarā rĭjorojua muare ĩna juaejaro, “¿No bajiro ĩagōrāti yua?”, yituoĭarejaibeja mua. ¹² “ĩagōña” muare ĩna yiririmarone, mani jaca Dios ĩ cōagū, Espiritu Santo ĩ ęjarēmose rāca “Ado bajiro gotiruarāja yua”, yimasiruarāja mua –ĭ buerimasare yigotiyuju Jesús.

“Jairo gajeyeũni mani cuobetijaquēne, no yibeaja”, Jesús ĩ yire

¹³ To bajiro ĩ yiro bero, ado bajiro Jesúre sēniĭaĭuju sĭgū:

–Gotimasiorimasu, yu jaca ĩamasicacu gajeyeũnire cuobeaja yu. Yu gagu, tire juacūcacu ĩaboarine, yure ĩsirubeami. To bajiri, “ĭ ye ĩarotire ĩre ĩsiĭna mu” ĩre yiya, yu gagure –Jesúre ĩre yiboajuju ĩ.

¹⁴ To bajiro ĩ yisere ajicōari, ado bajiro ĩre cudiyuju:

–“Tire yirotirimasu ĩarucuja mu” yigū me, yure cōacami Dios –ĩre yicudiyuju Jesús.

¹⁵ To yicōari, masa jedirore ado bajiro gotiyuju:

–Gājerā ye gajeyeũnire bojaĭabesa. To yicōari, gajeyeũni catirā mua ĩajama, buto tire maibesa. Jairo mani cōojama, mani cuobetijaquēne, no yibeaja. Ti sũori me variquēnare ĩaroja –ĩnare yiyuju Jesús.

¹⁶ To yicōari, gotimasioŕe queti ĩnare gotimasioĭuju Jesús:

–Sĭgū masu gajeyeũni jaigu ĩagūmi. ĩ ote quēne, jairo rica cutiroja ti. ¹⁷ Jairo ti ricacato ĩcōari ado bajiro tuoĭagūmi: “¿No bajiro yiguti yu? Nojua cūmasiriaro maja yu”, yituoĭagūmi.

¹⁸ To bajiro yituoĭagūne, “Ado bajiro yirucuja yu”, yituoĭabujagūmi. “Bare cūriavirire cagueracōari, gaje viri jacobusariviri buarucuja yu. To yicōari, ti virijure yu barere, yu gajeyeũnire quēne cūrucuja yu. ¹⁹ To yigajanocōari, ado bajiro tuoĭa variquēnarucuja yu: “Guaro jedibetiraroja ti, yu cūose. To bajiri, ususāja, quēnaro bare ba, idire idi, yivariquēna ĩarucuja yu”, yituoĭaboagūmi, socane. ²⁰ To bajiro ĩ yituoĭaĭarone, ado bajiro ĩre yigūmi Dios: “Tuoĭamasibecure bajiro yaja mu. Mu rijato bero mu bajiro tire tuoĭabecune yicōaja mu. Adi ĩnaine rijacoarucuja mu. To bajiri mu cūosema, ¿ĭnima yejua ĩnararoadā?”, ĩre yigūmi Dios. ²¹ Tire bajirone bajiaja Diore tuoĭamenane, jairobua gajeyeũni juacūrĭtuanarema. “Disejua ruyabetiraroja yuare” ĩna yiboajaquēne, Dios ĩ ĩajama, “Yu ye quēnasejare bujabetirona ĩnana, yure ajitirānumena ĩari”, ĩnare yĭaami Dios –ĩnare yiyuju Jesús.

“ĭ rĭa mani ĩajare, manire ĩtirānucami Dios”, Jesús ĩ yire queti (Mt 6.25-34)

²² To ĩ yiro bero, ado bajiro ĩ buerimasare gotiyuju quēna:

–To bajiro Dios ĩ yĭase ti ĩajare, adi macarucurojare mua bajiro tire tuoĭarejaibesa mua. “¿No bajiro bujacōari, bare ba, idi, sudi sāĭna, yicatiĭarāti yua?”, yituoĭarejaibesa. ²³ Quēnamasuse mani usure, to yicōari mani rujare manire ĩsiĭnumi Dios. To bajiri mani baroti, mani idiroti, to yicōari sudi mani sāĭnarotire quēne cōarĭgūrucami ĩ. ²⁴ Minia ĩna bajisere tuoĭaĭna mua. ĩna otebetiboaquēne, to yicōari, bare ĩna juarēocūbetiboaquēne, ĩnare bare cōarĭgūmi Dios. “Mĭniare quēne ĩamaigū ĩari, manire roque rētoro maigūmi”, ¿yimasibeati mua? ²⁵ “Adi macarucurojare ĩarā yoaro catiruarāja yua” mua yituoĭarejaiboase, “Yoarobua catiato” yiro, muare ęjarēmomasibeaja ti. ²⁶ To bajiro ti bajijare, mua catiĭarotire tuoĭarejaibesa.

²⁷ Sudi mua sāĭnarotire quēne tuoĭarejaibesa. Go bucuasere tuoĭaĭasaque mua: Moabeti, to yicōari, sudi sāĭnarua tuoĭarejaibeaja ti. To bajiboarine, ęju Salomón ĩamasirĭi gajeyeũni jaigu ĩ ĩaboajaquēne, quēnase ĩ sudi sāĭnamsire rētoro quēnase ĩaja ti. ²⁸ Gore buto quēnase ĩarotirĭgūmi Dios. Quēnase ĩaboarine, yoaro mene sĭnicatoja. Ti sĭniro ĩcōari, bare quēnoruarā, tire juacōari, soerāma masa. To bajiri yoaro catise me ti ĩaboajaquēne, tire quēnorĭgūmi Dios. Go rētoro manire roque maigū ĩari, “Manire sudi cōarucami Dios”, yimasiroti ĩaja muare. “To bajirone yigūmi Dios”, yajitirānubetibusarā ĩaja mua. ²⁹ To bajiri, “¿No bajiro bujacōari, bare ba, idi, yicatiĭarāti yua?”, yituoĭarejaibesa. ³⁰ Dios yarā me ĩarāma, tire buto tuoĭarejairāma. Manijarema, mani jaca ĩagūmi, “Ti ruyaja, ĩnare” yimasigū. ³¹ To bajiri, “ęju Dios yarā, quēnaro ĩ yirā ĩaja mani. ĩ bojarore bajiro quēnase rĭne yiruarāja”, yituoĭarĭgūna mua. To bajiro mua yijama, adi macarucuroaye mua cuobetire bujaruarāja mua.

Ō vecaju Dios taju quēnase mani bujaroti queti
(Mt 6.19-21)

³² Jājarā me űaja mua. To bajiboarine tuoġarejaibesa. Uju Dios quēnase muare cōavariquēnarūgūami. To yicōari, ĩ űaroju ō vecaju variquēnase rāca muare bocaāmirucumi. ³³ Jediro mua cūose gājerāre ĩsijeocōaűa. To yicōari, ti vaja bujacōari, maioru bajirāre ĩsima. To bajiro mua yijama, ō vecaju Dios ĩ űaroju quēnase bujaruarāja mua. Muare quēnaro Dios ĩ yise jedibetiraroja. Tojare juarudirimasa ejabetiruarāma. To yicōari, quēnaro muare Dios ĩ yisere barearā manama. ³⁴ Ō vecaye quēnase mua bujaroti jedibetiroti ti űajare, mua cūosejuare tire tuoġarejaimenane, “Quēnaro yua yise vaja ō vecaju vaja tacūrā yaja” yituoġacōari, quēnaro yirūgūűa –ĩ buerimasare yigotiyuju Jesús.

“Yu tudiejarotire quēnaro tuoġayya”, Jesús ĩ yire queti

³⁵⁻³⁶ Ado bajiro ĩnare gotiyuju Jesús:

–Adi macarucurore vaveorucuja yu. To bajiboarine, tudiejarotire quēna. Yu manitoye quēne, yu bojarore bajiro quēnaro yicōa űama, yu tudiejarotire tuoġayurā űari –ĩnare yiyuju Jesús.

To bajiro yigajanocōari, gotimasiore quetire tuoġacōari, ĩnare gotiyuju Jesús:

–Sġgū uju gājerā ĩna āmosiarirūmu, boserūmu ĩna yiro, ĩagū vacoacumi ĩ. To bajiri ĩ tudiejaroto rġjoro ĩre moabosarimasa ĩre yurāma ĩna. “ĶNo cōro tudiejaroti ĩ?”, yirūgūrāma ĩna. Tudiejacōari, “Manire ĩ jirone, guaro sojere jānaruarāja mani”, yituoġarāma ĩna. ³⁷ To bajiri cānibetiriarā űari, ĩna uju ĩ tudiejaroto, buto variquēnarāma ĩna. To cōrone ĩna uju ĩnare rujirotigumi. ĩnare rujiroti, ĩ masune ĩnare bare ecagumi, ĩna uju űaboarine. ³⁸ To bajiri űami gudareco ti űacoaboajaquēne, cānibetiriarā űari, ĩna uju ĩ tudiejaroto, ĩre ĩacōari, buto variquēnarāma ĩna.

To bajiri uju ĩ manitoyeju ĩ tudiejarotire yurā, ĩna cānibetiriarore bajiro bajicōa űaruarāja mua, yure yurā űari. Yu bojarore bajiro quēnaro yicōa űama mua. To bajiro mua bajijama, yu tudiejaroto ĩacōari, buto variquēnaruarāja –ĩnare yigotiyuju Jesús.

³⁹ To yicōari, quēna gaje queti gotiyuju:

–Adi quetire quēne tuoġaűa: Sġgū vi uju, “Adi űami juarudirimasu ejarucumi” ĩ yimasijama, roori űabogumi, ĩre mataru. ⁴⁰ To bajiri, “Dios ĩ roticōagū ĩ tudiejarotire mani masibetirimarone tudiejaromi” yirā, roori űarūgūruarāja mua –ĩnare yigotiyuju Jesús.

“Ado bajiro bajigumi yu tudiejarotire roori űagūma”, Jesús ĩ yire queti
(Mt 24.45-51)

⁴¹ To bajiro ĩ yijare, sġgū ĩ buerimasu, Pedro vāme cutigu, ado bajiro Jesúre ĩre sēniġaűaju ĩ: –Yu uju, Ķtire yua rġrene gotigu yati mu? ĶJedirore gotigu yatique mu? –ĩre yisēniġaboayuju ĩ.

⁴² To ĩ yirone, ado bajiro ĩre cūdiyuju Jesús, gaje queti, gotimasiore rāca gotigu:

–Ado bajiro bajirucumi yure quēnaro ajitirānu tujabecu, quēnaro tuoġagū: Uju, gajeroju űagucacu, ĩ varoto rġjoro, “Yu ya vianare yure codebosaba” yigu, ĩre moabosarimasare ĩ cūvarġire bajiro bajigu űagūmi. ⁴³ ĩ uju, ĩ rotiriarore bajirone ĩ moayurere tudiejacōari, ĩ ĩaejajama, quēnaro ĩre yigumi, ĩre moabosarimasare. ⁴⁴ Riojo muare gotġaja yu. Uju ĩ bojarore bajirone ĩ yire ti űajare, ĩ cūose jedirorene, ĩre ĩatirānurotigumi. ⁴⁵ Ado bajiro bajirucumi yure quēnaro ajitirānubecuma: Rojose yigu ĩ űajama, uju ĩ vato bero, “Yoatoju tudiejarumi” yituoġagū űari, ĩ ujure moabosarimasare rojose yigumi. To yicōari idimecārūgūrāre baba cuticōari, ĩna rāca idirūgūgūmi ĩ quēne. ⁴⁶ To ĩ yġűarone, ĩ uju, tudiejarumi. Tudiejacōari, ĩ rotiriarore bajiro ĩ yibetire ti űajare, rojose ĩre yigumi. To bajiri “Quēnaro yirā űaja yua” yiboarine, ĩna yirore bajiro yimena rojose ĩna tāmurore bajirone tāmurogumi.

⁴⁷ No bojagu ĩ uju ĩ bojasere masiboarine, ĩ rotiriarore bajiro ĩ yibetijama, tudiejacōari, buto ĩre quēasġacōagūmi ĩ uju. ⁴⁸ Gājijua, uju ĩ bojasere masibecane ĩ yijama, tudiejacōari, quēnabusane ĩre quēagūmi ĩ uju –ĩnare yigotiyuju Jesús.^k

“Yure mua ajitirānuserere ĩacōari, muare ġajūnisiniruarāma”, Jesús ĩ yire queti
(Mt 10.34-36)

⁴⁹⁻⁵⁰ Quēna ado bajiro ĩnare gotiyuju Jesús:

–“Rojose tāmurotujabetiriaroju mani vaborotire manire yirētobosarucumi Jesús’ yivariquēnarona űato” yigu, vadicaju yu. To bajiro bajicacu űari, gājerā tire tuoġamenare ĩnare soereaguare bajiro bajicaju yu. To bajicacu űari, guaro ĩnare yu rġjabosarotire bojaja yu. ⁵¹ “‘Quēnaro űato ĩna masa’ yigu, vayumi Jesús”, yure yituoġabesa mua. Dios ĩ bojabeti yirā, yu ocare ajjūnisinicoari, yure ajitirānūrāre ĩateruarāma ĩna. To bajiri ado bajiroja yure

^k 12:48 Adi vāmere yigu yiyuju Jesús: Adi macarucuroju Jesús ĩ tudiejarone, uju ĩre moabosarimasare ĩ yiriarore bajiro ĩnare yirucumi Dios. To bajiri Dios ĩ bojasere quēnaro masirāre, “Quēnaro yija”, yami Dios. ĩ bojasere quēnarobusa masirā, “Butobusa masiűa”, yami Dios. Mani masiro cōro mani yisere bojaami Dios.

yituoiaña: “ Í suorí ricatirí tuoíaruarāma masa’ yigu bajiyumi Jesús”, yure yituoiaña. ⁵² “Ado bajiro bajiruroja” yigu yaja yu: Cojo viana ñaboarine, sígari yure ajitirunurā ña, gājerāña yure ajiterā ña, bajiruarāma. ⁵³ Í macu, yure í ajitirunujama, í jascujua íre íaterucumi. Jacujua, yure í ajitirunujama, í macujua, íre íaterucumi. So macojua, yure so ajitirunujama, so jacojua, sore íaterucómo. Jacojua, yure so ajitirunujama, so macojua, sore íaterucómo. So jējojuua yure so ajitirunujama, so ūmañicojua, sore íaterucómo. So ūmañicojua yure so ajitirunujama, so jējojuua, sore íaterucómo –ínare yigotiyuju Jesús.

Rodori bajisere í gotimasiore queti
(Mt 16.1-4; Mr 8.11-13)

⁵⁴ To yicōari, ado bajiro ínare gotirūtusuju Jesús, jājarā masare:
–Muiju í rocasātojuua buerí tí vadijama, “Oco quedirujaja”, yīamasiasia mua. ⁵⁵ To yicōari, mino varuagūmuaye tí vēatujama, “Buto asirucumi muiju”, yīamasiasia mua. ⁵⁶ Namasuse mere íamasicōari, “Masirā ñaja yua”, yituoíaboaja mua. Namasusejare masibeaja mua. Adirūmuri yu yisere íarā ñaboarine, “Dios í roticōar’í ñari, yami”, yīamasibeaja mua –ínare yiyuju Jesús.

“Rojose mua yigare oca quēñoña”, yire queti
(Mt 5.25-26)

⁵⁷ Ado bajiro ínare gotiyuju Jesús quēna:
–¿No yirā mua masune yu yisere íacōari, “¿To bajirojua yiroti ñatique?”, yituoíabeati mua? ⁵⁸ Gājire rojose mua yijama, oca quēnorimasu tujua mua ejaroto rjoro, í rāca oca quēnoroti ñaja mua juarāne. Oca quēnorimasu tu ejaminane, mua oca quēnobetijama, masare coderimasure juarotirucumi, muare. Íjua, muare tubberucumi. ⁵⁹ Riojo muare gotiaja yu. Rojose mua yire vaja mua vaja yibetijama, budimenaja mua. Tire bajirone bajiruroja. Dios í vaja sēnirirūmu ejaroto rjorojua, rojose mua yir’íre íre oca quēñoña. Mua gāmerā oca quēnobetijama, Dios í vaja sēnirirūmu tí ejaro, rojose tāmtojtjabetiriaroju, tudibudiyamanoju muare cōarucumi –ínare yigotiyuju Jesús.

13

“Rojose mua yisere yitujacōari, Dios í bojarore bajirojua mua yibetijama, rojose mua yise vaja bajiyayiruarāja mua quēne”, Jesús í yire queti

¹ Tirāmune queti gotirā Jesús tujua ejayujarā ína. Í tujua ejacōari, ado bajise íre gotiyujarā ína:

–Galilea sitana, Diore yirūcubuoariaviju sājajecōari, Diore rūcubuoarā, vaibucurāre sīañujarā ína. To ína bajirone, Ūju Pilato í yarāre ínare sīaroticōañuju –Jesúre yigotiyujarā ína.

²⁻³ To bajiro ína yigotisere ajicōari, ado bajiro ínare gotiyuju Jesús:

–Galileana ína bajiyayirere muare gotirucuja yu: Buto rojose ína yise vaja me bajiyayiyujarā ína. Gājerā Galileana rētoro rojose yirā me ñaboayujarā ína. Mua quēne, rojose mua yisere mua tuoíavasoabetijama, bajiyayicoaruarāja mua. ⁴⁻⁵ Siloé vāme cuti macajure cojo ví, juriaquediato, juaāmocārācu, cojo gubo jedi, gaje gubo idia jēnituarirācu masare sīañuju tí. Buto rojose ína yire vaja me bajiyayiyujarā ína quēne. Gājerā Jerusalén macana rētoro rojose yirā me ñaboayujarā ína. Mua quēne rojose mua yisere yitujacōari, Dios í bojarore bajirojua mua yibetijama, bajiyayicoaruarāja mua –ínare yigotiyuju Jesús.¹

Higuera vāme cutiū rica manire tuoíacōari, Jesús í gotimasiore

⁶ Quēna gaje queti gotimasiore queti ínare gotiyuju Jesús:

–Sīgū masu vese cutigū ñagūmi. Í ya vesere higuera vāme cutiare otegumi. Í oter’í, “Вуча, rica cuticoatoja tí” yigu, íagū vacumi. Vajecōari, íaboagumi. Rica manicōaroja. ⁷ To ñagūmi, í vesere codebosarimasu. To bajiri, íjuare ado bajiro gotigumi: “Jēre idia cāma tiare rica macaboaja yu. Rica manirūgūaja tí. Quēarocacōaña mu, tiare. Rojoricu ñaja tí. Gaji ote vasoaroti ñaja”, íre yigotigumi. ⁸⁻⁹ To í yiboajaquēne, ado bajiro íre cudigumi vese coderimasu: “Maji. Quēarocabeticōato mani. Adí cūmare quēne quēnaro tiare íacoderuaja yu. Sita quēnase tu, vaibucurā gūda quēne tu, quēnaro tiare code, gaje cāma gāme tudíaruarāja maní quēna. To cōrone tí rica manicōajama, quēarocaruarāja maní”, íre yicugūdimi vese coderimasu –ínare yigotiyuju Jesús¹¹

Ūsušājarirāmū rōmiore Jesús í catiore queti

¹ 13:4-5 13.2-5 “Ína bajiyayirotire Jesús í gotijama, ína rijato beroju, rojose ína tāmtojtjabetirotire yigu yiyuju”, yituoíama síguri, Dios oca masa ína ucamasire buerētoburimasa. ¹¹ 13:8-9 “Adi quetire Jesús í gotijama, ‘Masa rojose ína yise vaja rojose tāmtojtjabetiriaroju ínare reategu ñari, rojose ína yisere yitujacōari, íbojasejare ína yirotire yugumi Dios’ yimasigū yiyuju t’”, yiyujarā síguri, Dios oca masa ína ucamasire buerētoburimasa.

¹⁰ Ʋsusājararāmū ti ņaro Dios ocare ĩna buerivijū masare gotimasio ñaŋuju Jesūs. ¹¹ ĩnare ĩ gotimasio ņarojare ñaŋuju sġō rōmio. Yoaro, juaāmo cōro, cojo gubo jedi, gaje gubo idia jēnitarirāca ņaricāmari so usuju vāti ĩ sāñajare, mubiarine ñacōaŋuju so. ¹²⁻¹³ To so bajiñasere ĩacōari, sore yiyuju.

—Jēre mu rijaye cutise mure jedicoaju ti —sore yiyuju Jesūs.

To yigune, so suyarojua joere ĩ āmori ņujeoyuju. ĩ ņujeorirāmarone, riojo vāmujocoasaju so yuju. Vāmujogone, ado bajiro gotiyuju:

—Jesūs suorine quēnaro yare yami Dios —yigotiyuju so.

¹⁴ To bajiro so yiboajaquēne, Dios ocare ĩna buerivi ūju, so quēnaejasere ĩacōari, Jesūre ĩajūnisiniŋuju ĩ. “Ʋsusājararāmure catorotibeama ūjarā. To bajiri, ‘Rojose yigu űaami’ ”, Jesūre yijūnisiniŋuju ĩ. To bajiro Jesūre ĩre yijūnisinigū űari, ado bajiro masajuare gotiyuju:

—Tocārāca semana, cojomo cōro coja jēnitarirācarāmuri, moariarāmuri űaja ti. To cōroju mua catorotire sēnirā vadirūgūroti űaja. Adirāmū ususājararāmū űnorema to bajiro yirā ejabesa mua —ĩnare yigotiyuju ĩ.

¹⁵ To bajiro ĩnare ĩ yirone, ado bajiro ĩre gotiyuju Jesūs:

—“Quēnaro yirā űaja yua” yitūoĭaboarine, rojorā űaja mua. Ʋsusājararāmū ti űaboajaquēne, mua ta vœuare, burroare, bare ecariavijū űarāre ĩnare jojiocōari, ĩna oco idiroju tūa varūgūaja mua. ¹⁶ To bajiro mua yirūgūse űajare, adiore yu catiosere ĩacōari, buto variquēnaroti űaboaja muare. Vaibœu me űaamo. Mani yo, Abraham űamasir’i jāneűone űaamo so. Vātia ūju sore siacōari, œogure bajiro yiyumi. Juaāmo cōro, cojo gubo jedi, gaje gubo idia jēnitarirāca cāmari to bajiro sore œoűaűumi. To bajiro sore ĩ yicœoűajare, “Ʋsusājararāmune sore catiocōaroti űaroja”, yibu yu. Mua quēne yare bajiro tuoĭamasiűa —ĩre yiyuju Jesūs, ti ve űajare.

¹⁷ To bajiro ĩ yisere ajicōari, “Riojo gotiami”, yibojoneűujarā ĩna, ĩre tud’irirā. Gājerājuama, buto variquēnaűujarā ĩna, jediro quēnase rĭne Jesūs ĩ yirūgūse ĩacōari.

“Mostaza vāme cutiu rica, ajeare bajiro bajaja”, Jesūs ĩ yire

(Mt 13.31-32; Mr 4.30-32)

¹⁸ Higuera, rica manire sġū ĩ rocare queti Jesūs ĩ gotiro bero, ado bajirone masare gotimasioűuju:

—“Rotimœorūgōrœuaja mu” yigu, Dios ĩ cōagū, yu gotimasiosere no bojarā ĩna ajitirāűajama, muare yu gotisere mojoroaca ajimasiboarine, rojose ĩna űare cutisere tuoĭavasoacōari, tocārācarāmuri quēnaro űamujarūgūcōari, quēnaro ajimasimujarūgūajama, ado bajiro bajiruaroja: ¹⁹ Sġū ĩ ya vese mostaza ajea otegumi. To bajiri ĩ oterica mojoricaca űaboarine, ti judibœuacoajama, ote yucāri rētoœusaricu jairicu űaroja tūa. Jairicu ti űajare, tūa rujariju minia ĩna ria catirotijurire quēnorāma ĩna —ĩnare yigotimasioűuju Jesūs.

“Pan vauvasere bajiro bajaja” Jesūs ĩ yire queti

(Mt 13.33)

²⁰ Quēna ado bajiro gotimasioűuju Jesūs:

—“Rotimœorūgōrœuaja mu” yigu, Dios ĩ cōagū, yu gotimasiosere no bojarā ĩna ajitirāűajama, muare yu gotisere mojoroaca ajimasiboarine, rojose ĩna űare cutisere tuoĭavasoacōari, tocārācarāmuri quēnaro űamujarūgūcōari, quēnaro ajimasimujarūgūajama, ado bajiro bajiruaroja: ²¹ Rōmio, pan quēnogoago, trigo vetare idiaji vasācōari, pan űmato vauvasere vœogomo so. To so yijare, jairo vauvaroja ti. Tire bajirone bajiruaroja, Diore rotibosagare yare ajitirāűarā jājarābusa mua bujaroti —ĩnare yigotimasioűuju Jesūs.

“Eyabetisoje űaja Dios tūja vana sājarario”, Jesūs ĩ yigotimasiore queti

(Mt 7.13-14, 21-23)

²² Jerusalēnju vacu űaboarine, tocārāca maca ĩ rētorimacarire ĩnare gotimasiovasuju Jesūs.

²³ To ĩ bajivatone, sġū ĩ rācagu ĩre sēniűaűuju ĩ:

—¿Yu ūju, masa rojose tāmœotajabetiraroju vaborona Dios ĩ yirētoœosarona, mojoroaca űarāti? —ĩre yisēniűaűuju, Jesūre.

To bajiro ĩ yisere ajicōari, ĩ rācanare ado bajiro ĩnare gotimasioűuju Jesūs:

²⁴ —Ūju Dios yarā quēnaro ĩ yirā mua űaruajama, eyabetisojere sājarāre bajiro josaruarāja mua. Ti josaboajaquēne, ĩ yarā űaűa mua. Riojo muare gotiaja yu: ĩ yarā mejuama, jājarā űaruarāma ō vœaju eyabetisoje sājaruaboarā. ²⁵⁻²⁶ Soje bibero bero ejaruārāma ĩna. To bajicōari, sojere jānamasimena űari, ado bajiro yare sēniűaboaruārāma ĩna: “Ūju, so ve jānaűa mu” yare yiboaruārāma. To ĩna yirone, “Muare masibeaja yu”, ĩnare yirœuaja yu. To bajiro ĩnare yu yisere ajicōari, ado bajiro yare yiruārāma ĩna: “Mu rāca bare ba, idi, yicanane űaja yua. Yua ya macajare ejacōari, yuare gotimasioacaju mu”, yiboaruārāma ĩna. ²⁷ To ĩna

¹¹ **13:18** Mostaza ajea ti bajire queti Jesūs ĩ gotirere, “Ado bajiro yirūaro yaja”, yiyujarā Dios oca masa ĩna ucamasirere buerētoœubudiriarā sġūri. “Jesūs ĩ gotimasiosere ajitirāűarā ĩ űarirodo mojoroaca űaboarine, jājarā ĩna bujarotire yigu yiyuju Jesūs”, yiyujarā ĩna.

yirone, “Jêre muare masibeaja’ yigotigajanomu ya. ¡Vasa! Rojorã ñaja mua”, ñare yirucuja ya. ²⁸ To yu yirone, ña ñicua, Abraham, Isaac, Jacob, to yicõari Diore gotirêtobosamasiriarã ñajediro Dios tujũ quênaro ña ñasere ñacõari, buto sutiritiruãrãma ña, ñare ya sãjarotibetijare. To bajicõari, buto rojose tãmuorã ñari, guji põguê, oti, yiruãrãma ña. ²⁹ To bajiboarine Dios tujũ ejaruarãma gãjerã. Muiju ï jiado vadiriãrã, ï rocasãto vadiriãrã, to yicõari varuaga soje vadiriãrã, gajejacatua varuaga soje vadiriãrã ñaruãrãma. Tojare ï rãca barujiaruãrãma ña.⁰ ³⁰ Jãjarã adoju ñamasurã, õ vecajuarema ñamasumena ñaruãrãma ña. Adi macarucuroju jãjarã ñamasumenama, õ vecajuarema ñamasurã ñaruãrãma —ñare yigotimasioñuju Jesús.^P

³¹ To bajiro ï yigotimasiorone, Jesús tujũ ejayujarã fariseo masa sãgũri. ï tujũ ejacõari, ado bajiro gotiyujarã ña:

—Gajeroju vacoasa mu. Uju Herodes, muare sãaru macañãñuju ï —Jesũre yigotiyujarã ña.

³² To bajiro ña yisere ajicõari, ado bajiro ñare cudiyuju Jesús:

—Herodere quênaro tuoãgũre ado bajiro ñre gotiba mua: ³³ “Moaroti ñaja yure maji. Masa usuriju sãñarãre vãtiare ñare burearoti, to yicõari rijaye cutirãre catioroti ñaja yure maji. Yama, yu bajĩñarotire quênaro masiaja ya. To bajiri Jerusalenjune vacu bajiaja ya. To bajiro yure varotiami Dios. Tone Diore gotirêtobosamasiriarãre sãrearũgũmasiñujarã ña, masa. Tone yure quêne sãruãrãma ña”. To bajiro yu gotisere yure gotibosaba mua —ñare yicudiyuju Jesús.

Jerusalén macana ña bajiro tire Jesús ï tuoãsutiritire queti

(Mt 23.37-39)

³⁴ To bajiro ñare yigajanocõari, Jerusalén macanare ñre ña sãarocarõ bero ña bajiro tire tuoãcõari, ado bajiro yiyuju Jesús:

—Jerusalén macana, Diore gotirêtobosamasiriarãre sãmasiriarã jãnerabatia ñacõama ña. Dios ï cõamasiriarãre ï ocare gotimasiorimasare gũtane ñare reasãmasiriarã jãnerabatia ñaama. Cojoji me gãjaboco so queraju eñeroca so rãre so juarẽorore bajiro ñare yiruaboacaju ya, ñare coderu. To bajiro yu yiruaboajaquêne, ñajuã yure bojabeticama. ³⁵ To bajiri jêre “Ña ñarijare codetujacõaja yu yuja”, yituoãmi Dios. Riojo gotiaja ya: “ ¡Rotimorãgõrucumi’ yigu, Dios ï cõar’i vadiami! ¡Quênase ñre yivariquênato mani! ¡Diore rotibosagu ñajare, ñre quênaro yato Dios!”, yure ña yiroto rãjoro, quêna juaji yure ñabetiruãrãma ña —ñare yituoã ñagõñuju Jesús, Jerusalén macanare.

14

Ucũgure Jesús ï catiore queti

¹ Ususãjariãrãmu ti ñaro, fariseo masa uju ya vijure bagu vasuju Jesús. Toju ï ejaro, “Jesũ, rojose yimi” ujarãre yi ocasãruãrã, Jesũre quênaro ñacodeyujarã ña, fariseo masa, Dios ï rotimasire gotimasiorimasa quêne. ² Toju ñañuju sãgũ, ï ruju jediro ucũgu. ³ To bajiri fariseo masa, Dios ï rotimasire gotimasiorimasa quêne ña tuoãsere masicõari, ado bajiro ñare sãniãñuju Jesús:

—¿Adirũmu ususãjariãrãmuare rijaye cutirãre manire catiorotibeati Dios oca masa ña ucamasire? —ñare yisẽniãñuju ï.

⁴ To bajiro ï yiboajaquêne, ñre cudibesujarã ñajuãma. To bajiri ucũgure jicõari, ñre catioyuju Jesús. To yicõari, ñre varotiyuju. ⁵ ñre varoticõari, ï vato bero ñarãre ado bajiro ñare gotiyuju ï:

—Ta vecu mua ecar’i, gojeju ï quediocãsãjama, “Ususãjariãrãmu ñaja” yirã, çãmirã vame-nada mua? —ñare yigotiyuju Jesús.

⁶ To ï yisere ajicõari, no bajiro ñre cudimasibesujarã ña.

“Masa, ñamasumenajuare, Ñamasurã ñato’ yigu yirucumi Dios”, yire queti

⁷ To ï yiro bero, toju barã ejarã, rucubũoriajũre rujiruãyujarã ña. To ña bajisere ñacõari, ado bajiro ñare gotimasioñuju Jesús quêna:

⁸⁻⁹ —No bojagu ï ãmosiarotire “Ëarã vadiato” yigotiecorã mua ñajama, ï tujũ ejarãne, rucubũoriaju rujibeja. To bajiro mua bajibetijama, rucubũoriaju mua rujiro bero gãji mua rêtoro ñamasugũ ï eajama, ado bajiro muare gotirucumi vi uju: “Tusarojuã rujiaja muãma. Ñijua, mua bero ejaquã, adore rujirucumi”, muare yirucumi. To bajiro ï yirone, buto bojoneruãrãja mua. ¹⁰ To bajiri “Ëarã vadiato” muare ña yijama, ña tujũ ejacõari, tusarojuã rujiba mua. Vi uju, muare ñacõari, “Rucubũoriajuã rujiaja mua”, yirucumi. To bajiro

⁰ **13:29** Diorãca ña barujirotire Jesús ï yijama, Diorãca quênaro ña ñarotire yigu yiyuju, yiyujarã Dios oca masa ña ucamasire buerêtoburimasa. **P 13:30** “To bajiro Jesús ï yijama, judio masa Dios ï besesũboariãrã jãjarã ï tujũ ña ejabetirotire, to yicõari, judio masa me ñarã ï besetusarã ï tujũ ña ejarotire yigu yiyuju ï”, yituoãñujarã sãgũri Dios oca masa ña ucamasire buerêtoburimasa.

mũare ĩ yiro ajiri, mũare yirũcũbuogũarãma ĩna, rujirã quẽne. ¹¹ Ado bajiro ti bajijare, to bajiro bajiaja: No bojagũre, ñamasugũ ñarũagure, “Ñamasugũ me ñato”, ĩre yirũcũmi Dios. No bojagũre, “Ñamasugũ me ñaja yu” yigũ, quẽnaro gãjerãre yirũcũbuogũjuare, “Ñamasugũ ñato”, ĩre yirũcũmi Dios —ĩnare yigotimasioñuju Jesũs.

Maioro bajirãre Jesũs ĩ mairotire queti

¹² To yigajanocõari, viagure ado bajiro ĩre gotiyuju Jesũs:

—Gãjerãre mũ barotijama, mũ babarãre, mũ yarãre, to yicõari, jairo cõorãre mũ tuanare, ĩnare barotibeticõaña. ĩnare mũ barotijama, bero ĩnãjua quẽna barotirãma, cõorã ñari yibeticõaña. ¹³ To bajiri, gãjerãre mũ barotijama, ñie cõomenare, micarãre, rujasagueri vanare, to yicõari, ĩamenare quẽne barotiya mũ. ¹⁴ ĩnãjuama mũre bare ecamasimenama ĩna, mojoroaca cõorã ñari. To bajiro ĩnare mũ yijama, bũto variquẽnarũcũja mũ. Beroju ĩ bojarore bajiro yiriarãre rijararãre, ĩ catorirãmũju mũre vaja yirũcũmi Dios, to bajiro mũ yise vaja —viagure yigotiyuju Jesũs.

“Ī macũ ĩ ãmosiaguadijare, masare jirẽogũmi uju”, Jesũs ĩ yigotimasiore queti (Mt 22.1-10)

¹⁵ To bajiro ĩ yisere ajicõari, sĩgũ, Jesũrãca barujigu, ado bajiro ĩre gotiyuju:

—Uju Dios tũju õ vecaju ĩ rãca barona variquẽnarũarãja mani —Jesũre ĩre yigotiyuju.

¹⁶ To bajiro ĩ yisere ajicõari, ado bajiro ĩre cadiyuju Jesũs:

—To bajirone bajiboroja, Dios tũju mũ ejajama —ĩre yicudiyuju Jesũs. To yicõari, gotimasiore quetire gotiyuju:

—Cojorũmu sũgũ masu quẽnaro boserũmu yigũmi. Tirũmu ñaroto rĩjoro jãjarã masare jigũmi, ĩnare ũmato baru. ¹⁷ To bajiri boserũmu ti ejaro, ĩre moabosagure cõagũ, ado bajiro ĩre yigũmi: “Yu rãca barona barã vadiato ĩna. ‘Bare quẽnogajanoaja yũ jẽre’, mũare yicõami’ ĩnare yigotiba”, ĩre yigotigũmi, ĩre moabosarimasure. ¹⁸ To bajiro ĩ yicõar’i, gãjerãre jicudiboagũmi. ĩna ñajediro ricatine ĩre boca cũdirãma ĩna. ĩ jisũogu ado bajiro ĩre cũdigũmi: “Cojotũcuro oteriatũcuro vaja yibu yu. Tojũre ĩaguacu yaja yu. To bajiri, ‘Ī tũju bagũ varũboarine, vamasibeaja’ yũre yigotibosaba”, ĩre yicudigũmi. ¹⁹ Gãjima, ado bajiro ĩre cũdigũmi: “Cojomocãrãca ta vecua vaja yibu yu. ĩnare ĩãlaguacu yaja’ yicõami. To bajiri, ‘Vadĩmemi’ ĩre yicõama, mũ ujure”, ĩre yicũdigũmi, ĩ quẽne. ²⁰ Gãjijũma, ado bajiro yigũmi quẽna: “Manajo cuticoaju yu, yucũacane. To bajiri boserũmu ĩagũ vamasibeaja yu”, ĩre yicũdigũmi. ²¹ To bajiro ĩna yijare, ĩ uju ja viju tudiejacõari, ĩna yicõasere ĩre gotigũmi. To bajiro ĩna yicõasere ĩ gotiro ajijũnisinigũmi ĩ uju. Jũnisinigũne, ado bajiro rotigũmi quẽna: “¡Guaro vasa mũ! ¡Macari ñajediro vasa mũ! Ñie cõomenare, micarãre, ĩamenare, rujasagueri vanare, ĩnare jiba. ĩnãjua, yũ tũju barã vadiato ĩna”, ĩre yigotigũmi, ĩre moabosarimasure. ²² To bajiri uju ĩ yirore bajiro yigotidũdigũmi ĩre moabosarimasu. ĩ goticudiro bero, tudiejacõari, ado bajiro ujure gotigũmi: “Uju, yũre mũ roticõarore bajirone ĩnare gotigajanomu yũ yuja. Masa bojarẽmocõaja maji”, yigotigũmi. ²³ To bajiro ĩ yijare, ado bajiro ĩre rotigũmi uju quẽna: “Maca tusarõanare maa tũri ñarãre quẽne ĩnare jijeocõama mũ. ‘Yu vi jũmũcoajaro’ yigũ yaja yu. ²⁴ Yu rãca baroadiato’ yũ yicõaboarãjuama, yũ rãca babetĩrũarãma ĩna”, ĩre yigũmi ĩ uju —ĩre yigotiyuju Jesũs.

“Yũre ajitirũnũgũ ĩ masu rujũre ĩ mairo rẽtoro yũre maigũmi”, Jesũs ĩ yire queti (Mt 10.37-38)

²⁵ Tirãmuri jãjarã masa Jesũrãca vasujarã ĩna. To ĩna bajiro judarãgũ, ĩnare ĩacõari, ado bajiro gotiyuju Jesũs:

²⁶ —No bojagu yũ buegu, ĩ jacure, ĩ jacore, ĩ manajore, ĩ rĩare ĩ mairo rẽtõbũsaro yũre maigũmi. To bajicõari, catiquẽnãgũ ñagũ quẽne, rijaye tãmũo gajajuagu ñaboarine, yũre maigũmi. ²⁷ No bojagu, “Jesũre bajiro rojose tãmũosũyaruũcũja yũ” yĩtũõĩabecu, yũre ajitirũnũgũ ñamasibecũmi —ĩnare yigotiyuju Jesũs.

²⁸ To yigajanocõari, gotimasiore queti ĩnare gotiyuju ĩ:

—Uũmarivi quẽnorũ, “Ti vire yũ quẽnoja, ¿vaja tĩjacoaruaboati?” yigũ, ĩ ye gãjoare cõĩagũmi. ²⁹ ĩ cõĩabetijama, ti vire ĩ quẽnogajanobetone, ĩ vaja yĩñaboase gãjoa jediveocoatoja ti, ĩre. To bajiri ĩ vire quẽnogajanobecũmi. Gãjerã, ĩ quẽnogajanobeto ĩacõari, ĩre ajarãma ĩna. ³⁰ “Adi vire quẽnõboarine, gajanomasibeami ĩ”, ĩre yĩajarãma ĩna —ĩnare yigotiyuju Jesũs.

³¹ To yigajano, gaje queti ĩnare gotirĩtuasuju:

—Uju, gãji uju rãca ĩna gãmerã quẽajama, ado bajiro tũõĩagũmi: “¿Yua diez mil ñarirãcu yũre moabosarimasa rãca, veinte mil masa cõogure quẽarẽtocũrãjari yua?”, ¿yĩtũõĩasubecũjarique? ³² “ĩnare quẽarẽtõmasimenaja yua” ĩ yĩtũõĩajama, “¿No bajiro yua yĩrotire bojati mũ, ‘Yua rãca gãmerã quẽabeticõato’ yĩrã?”, ĩ mũmare yisẽniã roticõagũmi, gãji uju tũjũre. ³³ To bajiri, vi bũagure, to yicõari, gãmerã sũaroana ujure bajiro bajiaja yu. Jẽre

yu yirotire cōiajeocaju yu. To yicōari, “To bajiro ina yijama, yu buerā ñaruarāma”, yimasijaja yu. To bajiro yigu yu ñajare, ado bajisere tuoīamasifia mua: No bojaju, jediro ī cuosere yu bojarore bajiro yu yirotisere bojabecu, yure ajitirānugū ñamasibecumi —Inare yigotiyuju Jesús.

“Yure ajitirānarā, moa ocasere bajiro ina bajijama, quēnaja”, Jesús ī yire queti (Mt 5.13; Mr 9.50)

³⁴ Quēna ado bajiro gotiyuju Jesús:

—Moa ñaja bare sāre. Mua barotire vaibucu rii catisere cūrāma, moa turāja mua, “Boarobe” yirā. ³⁵ Moa ti ocaboase ti ocabeticoajama, “Quēna tudicoato” yirā, no bajiro yimasimenaja mua. To bajiri, tire reacōarāja mua. Moa ocatujabetire bajiro mua bajijama, quēnaja. Tire mua ajimasirūajama, quēnaro tuoīaña mua —Inare yigotiyuju Jesús. ¶

15

Oveja coderimasure bajiro manire Dios ī maitujabeti queti (Mt 18.10-14)

¹ Jesúre ajirā ī tiju ejarūgūñujarā. Ina ñañujarā rojose yirā, ūjure gājoa sēnibosarimasa, to yicōari, gājerā quēne. ² To bajiri fariseo masa, Dios ī rotimasire gotimasiiorimasa quēne ñañujarā. Ado bajiro Jesúre gōjañujarā Ina:

—Rojose yirāre maiami. Ina rāca barūgūami —Ire yigōjacodeyujarā Ina.

³ To bajiro ina yijare, gotimasiore queti ado bajiro Inare ovejasiioñuju Jesús:

⁴ —Sīgū ñagūmi cien ovejare codegu. Cojorāmu sīgū oveja yayicoacumi. To bajiri Inare coderimasa, ruyarāre, noventa y nueve ñarāre ta veseju Inare cūcōari, yayir’ire macagū vacoacumi ī, “Bujacōariju tujarucuja” yigu. ⁵ Yayir’ire bujacōari, buto variquēnagūne, ire gaja tudicoacumi, ī ya viju. ⁶ Ī ya vi ejacōari, ī babarāre, ī tuanare quēne, rējarotigumi. “Oveja yayir’ire bujabu yu. Mua quēne yure variquēna ejarēmoña”, Inare yivariquēnagūmi. ⁷ Tire bajiro bajiroja o vecaju Dios ī ñaroju. Oveja yayir’ire bujacōari, ī variquēnariarore bajiro variquēnarāma āngel mesa, Diore moabosarā, sīgū masu, rojose ī yisere yitujacōari, Dios ī bojasejure ī yijama. Socarāne gājerāma, “Quēnarā ñaja yua” yituoīarārema variquēnamenama āngel mesa —Inare yigotimasiioñuju Jesús.

Gājoatiire yiyayiocōari, titiire bujagone, so variquēnariarore bajiro manire Dios ī maitujabeti queti

⁸ To yicōari, gaje queti gotirēmoñuju Jesús quēna:

—Rōmio, juaāmocārācatiiri, gājoatiiri cuogo ñagōmo. Cojotii ti yayiro ĩacōari, sīabusuariare so ya vire sīabusogomo so. To yicōari, quēnaro tumacagōmo, “Titiire bujacōariju tujarucuja” yigo. ⁹ Titiire bujacōari, buto variquēnagōne, so babarāre, so tuanare quēne rējarotigomo. “Gājoatiire yayiritiire bujabu yu. Mua quēne yure variquēnaejarēmoña”, Inare yivariquēnagōmo. ¹⁰ Tire bajiro bajiroja o vecaju Dios ī ñaroju. Gājoatiire bujacōari, so variquēnariarore bajiro variquēnarāma āngel mesa, Diore moabosarā, sīgū masu, rojose ī yisere yitujacōari, Dios ī bojasejure ī yijama —Inare yigotimasiioñuju Jesús.

Ī macu ī tudiejaro ĩacōari, rojose yiboar’irene ĩjacu ī masirioreaye Jesús ī gotimasiore queti

¹¹ To yicōari, gaje queti gotirēmoñuju Jesús quēna:

—Sīgū masu juarā rīa cutigu ñagūmi. ¹² Ī bedijua, ĩjacure ado bajise ire yigumi: “Cacu, yu ye ñarotire yure ĩsiña mu”, ĩre yigumi. To bajiro ĩyijare, Inare ujojeocōagūmi ĩjacu, Ina ye ñarotire. ¹³ To ĩ yiro heroagarūmarine, ĩ macu, ĩ bedijua gaje sitaju varu ĩ yere ĩsigūmi ĩ. Ti gājoa rācane vacoacumi, gaje sitaju vacu. Toju ejacōari, rujajine ĩ gājoare yibatereajeocōagūmi. ¹⁴ To bajiro yireacōari bero, josari tāmuogūmi, tojure. To ĩ bajīnarone, ti sitaju bare quēnaro manoja. To ti bajijare, buto ñiorijasogūmi. ¹⁵ To bajiro bajiboacu, toagure moare sēnigūmi ĩ. To bajiri eciarārā yeseare ĩre coderotigumi ĩ. ¹⁶ Inare codeñagūju, yesea Ina basene baruaboagūmi, mano ñiorijagu ñari, ñimujane ĩre Ina bare ecabecu ñari. ¹⁷ To bajīñaboacu, tuoīagūmi ĩ: “Yu jacu moabosarimasarema jājarā Ina ñaboajaquēne, Ina base ruyaquēnacuda ti. No yigu yuma adojure ñiorija ñati yu”, yituoīagūmi. ¹⁸ To yi, “Ban. Cacu ya viju tudiarocu ñagūja yu. Tojure tudiejacōari, ado bajise Cacure ĩre yirucuja yu: ‘Cacu, rojose yicaju yu, Diore, mure quēne. ¹⁹ To bajiri macu yure mu yise bojabeaja yu. Mure moabosarimasure bajiroja yure yiya mu’ yu jacure ĩre yicōa ejarucuja yu”, yituoīagūmi. ²⁰ To yi, ĩjacu ĩ ñaroju tudicoacumi, maane.

To bajiro ĩ bajivato, sōjune ĩ jacu bocaĩacōari, ĩre ĩmaigūmi. To bajiri ĩre vabocōari, jabario, usu, ĩre yigumi, ĩjacu. ²¹ To bajiro ĩ yirone, “Cacu, Diore rojose ĩre yicaju. Mure quēne

¶ 14:35 Adi quetire Jesús ī yijama, ado bajiro yigu yiyuju, yiyujarā Dios oca buerētoiburimasa: ĩre ajitirānūmenama, moa ocabetire bajiro ñarā yirāja mua. To bajiri mua suyarūajama, yu sīgūrene mua ajitirānu suyajama, quēnaja.

rojose mare yicaju ya. To bajiri macu yure ma yise bojabeaja ya”, ĩre yigumi. ²² To bajiro ĩ yiboajaquene, ĩre moabosarimasare jicōari, “Sudi quēnase masure juaāya. To yicōari, ĩre sudi sāña. Āmo sāriabedore quēne ĩre sāña. Gūbo sudire quēne ĩre sāña. ²³⁻²⁴ To yicōari, ta vecu mame jaigure ĩre sāña ma. ĩre bacōari, basavariquēnato mani. Yu macure, ‘Rijacoarimi’ ĩre yirūgūboabu ya. Caticōañumi”, ĩnare yigumi ĩ jacu. To yicōari, ĩre basajeorāma ĩna.

²⁵ To bajiro ĩna yifarijure ĩ macu ñasuhogujuaa, vesejene boñacōāgūmi. To bajifñaboacu, tudiacumi yuja. Tudiacu, ĩ ajicōñarūtu vajama, to basa ocaruyu ñarāma ĩna. ²⁶⁻²⁷ Tire ajicōari, ĩ jacure moabosarimasare ĩre sēñiāgūmi, “¿Ñiere yirā yiri ĩna?” yigu. To bajiro ĩ yirone, “Mu bedi tudiejami. To bajiri ta vecu mame jaigure sīarotimi mu jacu, mu bedi ĩ tudiejajare”, ĩre yigumi ĩ. ²⁸ To bajiri tire ajicōari, buto jūnisinīgūmi, ĩ gagu, vire sājaraubecu. To bajiri ĩ jacu tire, “¡To bajibeticōaña mu!” yigu, budiacumi. ²⁹ To bajiro ĩ bajirone, ado bajise ĩ jacure ĩre yigumi: “Tocārāca cūma mu ye moarere mare moabosarūgūboacaju ya. To bajiboarine, divatojuane no sigū vaibucucaca cabrito vāme cutiguacare, ĩ barbarā rāca basavariquēna bato ĩna” yigu, yure ĩsibeticaju ma. ³⁰ To bajiboarine, mu macu rojorā rōmiri rāca mu ye gājoare yireagu var’ijuarema, ta vecu mame jaigure sīacōari, basavariquēnaja mu”, ĩre yigumi, ĩ jacure.

³¹ To bajiro ĩ yijare, ado bajiro ĩre cudigumi ĩ jacu: “Ado ya rācane ñacōarūgūaja ma. To bajiri ya cūose jediro mu ye ñaja ti. ³² Yucurema basavariquēnato mani, mu bedi, ‘Rijacoarimi’ ya yirūgūboagu, gāme tudiejami. ĩre bujacōaja mani yuja”, ĩre yigumi ĩ jacu – ĩnare yigotimasioñuju Jesús.

16

Ujure moabosarāre ĩre rotibosarimasu socune quēnaro yitocōari, rojose ĩ yirere Jesús ĩ gotimasioire queti

¹ Ado bajise ĩ buerimasare gotiyuju Jesús quēna:

–Sīgū gajeyeūni jaigu ĩ yere codebosagure ĩre cuogumi. Gājerājua, “Mu yere yibatereagu yami”, ĩre yigotirāma. ² To bajiro ĩna yisere ajicōari, ĩ yere codebosagure ĩre jicōari, ado bajiro ĩre yigumi: “Gājerā, mu yibateresere gotiama. To bajiri mu yisere cōari, ucaticōaña ma. Yu yere codebosabetirucuja ma yuja”, ĩre yigotigumi ĩ uju. ³ To bajiro ĩ yijare, ado bajiro tuoñarejaigumi ĩre codebosarimasu: “¿No bajiro bajiguti ya? Yu uju yure bucōarucumi yuja. No gajeye moare bujabecuja ya yuja. Ote oteroti ñarore coafimabecuja ya. Bojoneose, gājerāre gājoa sēñibecuja ya”, yituoñarejaigumi ĩ. ⁴ To bajiro yituoñarejaiboacu, “Jēre ya yirotire masiaja ya yuja, ‘yu uju yure ĩ buro bero, gājerā ĩna ya viriju ya ejaro yure ĩamaiato ĩna’ yigu”, yigumi. ⁵ To bajiri ĩ ujure vaja morāre ĩnare jijeocōagūmi. To bajiro yituoñar’i ñari, sīgū ĩ ejaro, ado bajiro ĩre yigumi: “¿No cōro ya ujure vaja moati ma?” ĩre yisēñiāgūmi. ⁶ To bajiro ĩ yisēñiārone, “Cien ñarirajeri uyerajeri bare roagu sāvorerere tire vaja moaja ya”, ĩre yigumi. To bajiro ĩ yirone, “Ja. Rujiya. ‘Adi mu vaja more tuyarijūrore mojoroaca cincuenta ñaro vaja moaja’ yuacatu vasoatoya”, ĩre yigumi. ⁷ To bajiro ĩre yigajancōari, gāji ĩ ejaro, ĩre sēñiāgūmi: “¿No cōro vaja moati ma?” ĩre yigumi. “Cien jiburi pan quēnorotire vaja moaja ya”, ĩre yigumi. To bajiro ĩ yirone, “Adi mu vaja more ñarijūrore mojoroaca ochenta jiburi vaja moaja yuacatu vasoatoya”, ĩre yigumi. To yicōari, gājerāre quēne to bajiro rīne yigumi. ⁸ To bajiro ĩ yiro ajicōari, “Quēnaro yigu me ñaboarine, tuoñamasigū ñaami”, yituoñagūmi ĩ uju, ĩre –ĩnare yigotiyuju Jesús, ĩ buerimasare.

–To bajiro tuoñama ĩna, jājarā masa, Diore ajiterā. Gajeyeūnire buto tuoñarā, masare yitocōari, vaja bujamasiama ĩna. Yure ajitirāñarājuaa, “Quēnabusaro Dios ĩ bojarore bajiro ajitirāñuato ĩna” yirā, quēnaro ma yirotire tuoñabetibusacōaja ma.

⁹ To bajiri ado bajiro muare gotiaja ya. Rijanane ma yere, ma gajeyeūnire juavamasibetirāñarāja. To bajiri ma cūosere maioro bajirāre ĩsiña ma. To bajiro ma yijama, ma rijato bero, ĩnare quēnaro yirirā ma ñajare, Dios ĩ ñaroju quēnaro muare ĩvariquēnararāma ĩna.

¹⁰ Gajeyere quēne muare gotiaja ya. Gajeyeūni, gājoa codebosarimasu mojoroaca ñasere quēnaro codeguma, jairo ñasere quēne quēnaro codemasiami. Gājima, gajeyeūni, gājoa codebosarimasu ñagū mojoroaca ñasere codemasibecuma, jairo ñasere quēne codemasibecumi. ¹¹ Adi macarucurojere Dios muare ĩ ĩsise “Dios ĩ cōase ñaja” yituoñacōari, ma gājoare, gajeyeūnire, ma cūosere quēnaro ma cuomasijama, Dios, buto variquēnacōari, ĩ tuayere quēnamasusere muare ujurucumi, tuoñamasireayere, moamasireayere, to yicōari ma ñarotiayere quēne. ¹² Adi macarucuroyere ĩ cōasere ma cuomasibetijama, quēnamasuse ma cuoborotire ujobetirucumi Dios.

¹³ Diore yirucuborāma, adi macarucuroyere tuoñarūcubomenama, “Dioja ñaami ñamasugū” yituoñarā ñari –ĩnare yigotiyuju Jesús.

Gajeyēnīre, gājoare buto bojarāre Jesús ī gotire queti

¹⁴ To bajiro ī yisere ajicōari, űagōjuruāñujarā fariseo masa, gajeyēnīre, to yicōari, gājoare quēne, tire buto bojarā űari. ¹⁵ To īna yijare, ado bajiro īnare gotiyuju Jesús:

–Quēnase mua yijama, “‘Quēnarā űaama’ manire yīlato masa” yirā, yitorūgūaja mua. To bajiro mua yiboajaquēne, mua tuoīasere īamasigū űaami Dios. To bajiri, “Quēnamasucōaja” masajuama īna yīlaboasere, Diojuama, “Quēnabetimasucōaja” yīlāami –fariseo masare īnare yiyuju Jesús.

“Yū űju űaami Dios’ mua yijama, ī rotisere cudiroti űaja”, Jesús ī yire queti

¹⁶ Quēna ado bajiro īnare gotimasioñuju Jesús:

–Rēmojure Dios yere Moisés ī rotimasirere, Diore gotirētobosamasiriarā masare īna gotimasiorema, Juan vāme cutigu, masare oco rāca bautizarimasu ī gotimasioriajune tusaja. “űju Dios yarā quēnaro ī yirā mua űaruajama, rojose mua yisere yitujacōari, Jesūre ajitirūnuña” yisejua űaja űamasusema. Tire ajirā űari, quēnaro yure ajivariquēnasuyasuoadicama jājarā masa.

¹⁷ Adirūmuriaye űamasute ti űaboajaquēne, Moisére Dios ī roticūmasire, to yicōari, Diore gotirētobosarimasa īna gotimasiosimire űajediro űacōarūgūruaroja. Adi macarucuro jediroto rījoro, cojo vāme godocutibeturaroja. űajediro Dios ī gotiriarore bajirone bajiruaroja –īnare yigotimasioñuju Jesús.

“Ī manajore rocacōari, gajeore ī manajo cutijama, quēnabeaja”, Jesús ī yire queti (Mt 19.1-12; Mr 10.1-12)

¹⁸ Quēna ado bajiro īnare gotimasioñuju Jesús:

–Sigū ī manajore rocacōari, gajeore ī manajo cutijama, ī manajo masu me űaamo. Sore ajerio cutigu yami, Dios ī űajama. To yicōari, manaju rocaro rāca ī manajo cutijaquēne, ī manajo masu me űaamo. Sore ajerio cutigu yami, Dios ī űajama –īnare yigotimasioñuju Jesús.

Sigū gajeyēni jaigu, to yicōari, Lázaro vāme cutigu rāca īna bajirere Jesús ī gotire queti

¹⁹ To bajiro yigajanocōari, quēna ado bajiro īnare gotiyuju Jesús:

–Sigū űagūmi jairo gajeyēni cuogu. Quēnase sudi, vaja jacase rīne sānarūgūgūmi. Tocārācarūmarīne bare quēnase rīne ba, boserūmu quēno, variquēnarūgūgūmi. ²⁰ Ī ya vi soje tuaca űie cuobecu, maioro masu bajigu rujigūmi, Lázaro vāme cutigu. Ī rujari cāmi boagu űagūmi ī. ²¹ Ī bareasere barua rujigūmi. To ī bajirujirone, ī cāmire ĩre verogōjanaborāma yaia. ²²⁻²³ Cojorūmu rijacoacūmi Lázaro. Ī rijato bero, ō vecaju ī űicu Abraham tuju ī usure āmicōanama āngel mesa. Bero, gajeyēni jaigu quēne bajirocacoacūmi. Bajirocacōari, yuje ecogūmi. To bajicōari, rojose tāmūotujabetiriaroju cōaecogūmi. Toju űacōari, ĩamuogūne, Abraham, Lázaro rāca īna űaro ĩabujagūmi, ō vecaju űarāre. ²⁴⁻²⁵ ĩnare ĩabujacōari, Abrahamre ado bajise avasāĩamuogūmi: “űicu, yure ĩamaĩña. Adi jeamere buto rojose tāmūoaja ya. Lázarore, yu tuju ĩre cōaña. Mojoroaca oco juaádiato”, ĩre yivasāgūmi. To ī yirone, ado bajiro ĩre cudigūmi Abraham: “Tuoīaña jānami. Mu ya macaju űagū quēnasere cuocaju mu. Variquēnacaju mu. Lázarojuama toju űagū buto rojose tāmūocami. Yucarema, quēnaro variquēnaro űagū bajiami yuja. Mujuama buto rojose tāmūogū bajiaja mu yuja. ²⁶ Gajeyerema jairigoje űamatacōaja. To bajiri mu tujare ejamasibeaja yua. Muajua quēne yua tujare ejamasibeaja mua”, ĩre yicudigūmi Abraham.

²⁷ To bajiro ī yijare, gajeyēni jaigu űaboar'i ado bajiro ĩre yigūmi: “ ‘Lázarore yu jacu ya yiju ĩre cōaña’ yigu yaja. ²⁸ Yū bederā cojomocārācu űarāre, Lázarore ĩre gotiroticōaña. ĩna quēne, adoju rojose yu tāmūorore bajiro bajiroma’ yigu yaja”, Abrahamre yigotiboagūmi. ²⁹ To ī yirone, “Moisés, to yicōari, Diore gotirētobosamasiriarā quēne ĩna ucarene jere tire cuorāma ĩna, mu yarā. Tire bueato ĩna”, ĩre yicudigūmi Abraham. ³⁰ To ī yirone, “Bajibeaja. Buemena. ‘Rijar’ine tudicaticōari, gotiami manire’ yirā, ĩre ajirācubuoacōari, tuoīavasoruarāma ĩna”, ĩre yiboagūmi, jeameju rojose tāmūoñagū. ³¹ To ī yirone, ado bajiro ĩre cudigūmi Abraham quēna: “Moisés, to yicōari, Diore gotirētobosamasiriarā, ĩna ucamasirere mu bederā ĩna ajitirūnubetijama, rijar’ī, ĩnare ī gotiboajaquēne, ĩre ajimenama”, yigūmi Abraham – ĩnare yigotiyuju Jesús, fariseo masare.

17*“Mua suorine gājerā rojose ĩna yijama, gūiose űaja”, Jesús ī yigotimasioire queti (Mt 18.6-7, 21-22; Mr 9.42)*

¹ ĩ buerimasare ado bajiro gotimasioñuju Jesús:

–Rojose yirā jājarā űarāma. To bajiri gājerāre rojose űmato yiruarāma. To ĩna yise suori buto rojose tāmūoruarāma. ² Rojose ĩnare ĩna űmato yiroto rījoro, tocārācurene ĩna āmuarijure gūta jairica siatucōari, riaga ācuaroju ĩnare rearoderuucōajama, rojose tāmūobetibusaborāma.

³ To bajiri, “Rojose mani ūmato yijama, rojose tāmūoborāja” yirā, quēnaro tuoīamasirine nārūgūña mua. Sīgū rojose muare ī yijama, “Rojose yure yībū mu”, ĩre yiya. To bajiro mu yisere ajicōari, “Riojo yaja mu” ī yisatiritijama, rojose muare ī yisere ĩre masirioya mua. ⁴ Tocārācājine rojose muare ĩna yijama, ĩnare masirioya, rojose muare ĩna yiro cōrone, “Juaji rojose muare yibetirūcāja” yirāre –ĩnare yiyuju Jesūs.

“Dios ĩ rotimasirore bajirone yirūaja yua” yirā, Jesūs buerā ĩna sēniboare queti

⁵ To bajiro ĩ yisere ajicōari,

–“Tocārācājine masirioūmamenaja” yituoīarā ñari, yua masiriotīmarotire Dios ĩ ejarēmosere bojaja –yiyujarā ĩna.

⁶ To bajiro ĩre ĩna yirone, ado bajiro ĩnare gotiyuju Jesūs:

–Mojoroaca yimasirā ñaboarine, “Dios ĩ ejarēmose rāca yimasicōarāja” yirā, icu morera vāme cutiure, “Mua masune vuevati, rūgōaya” mua yirotijama, to bajirone bajiruaroja ti – ĩnare yigotiyuju Jesūs.

“Ejūre moabosarimasu, ado bajiro bajire ñaroja”, Jesūs ĩ yire

⁷ To yigajanocōari, ado bajiro ĩnare gotirūtuasuju ĩ quēna:

–To bajiri, ĩāñāmani mua yijama, ado bajirojua tuoīama mua: Moabosarimasu cuorā ĩre mua rotisere tuoīañ: Ovejare muare codebosaguar ĩre, ĩ tudiejaro, “Mujua basuoya”, ĩre yimenaja mua. ⁸ Ado bajirojua ĩre yirāja mua: “Yua barotire roabosaya. Roagajanocōari, yuare ecaba. Yua bagajanoro bero, mūjua barucuja mu”, ĩre yirāja mua. ⁹ Mua moarotisere ĩ moaro ĩacōari, “Quēnaja ti”, ĩre yimenaja mua, “Yuare moabosarimasu ñaami” ĩre yituoīarā ñari. ¹⁰ To bajiro ĩre mua yituoīare bajirone tuoīagūmi ĩ quēne. To bajiri, “ ‘Quēnaro yaja mua’ manire yato Dios” yituoīacōari, “Ñamasurā ñaja” yirāre bajiro yisocabesa. “No bojagure moabosarimasu, ĩ moarotiecorore bajiro bajigu ñaja”, yituoīarūgūña –ĩnare yigotiyuju Jesūs.

Gase boarāre Jesūs ĩ catiore queti

¹¹ To bajiri Galilea sita, Samaria sita rāca vatojere varūtuasuju ĩ, Jesūs, Jerusalén macaju vacu. ¹² Varūtu vacune, gaje maca ejayuju. Ti macajure ĩ ejaro, juāāmocārācu rujuri gase boarā ĩre bocayujarā ĩna. ĩ tuaca ejamenane, sōju ñarine ado bajiro ĩre yivasañujarā ĩna:

¹³ –Jesūs yua uju, yuare ĩamañia mu –ĩre yiyujarā.

¹⁴ To bajiro ĩna yivasārone, ĩnare ĩacōari, ado bajiro ĩnare yiyuju Jesūs:

–Paiare mua rujurire ĩoaya. To mua yijama, caticoaruarāja mua –ĩnare yiyuju ĩ.

To bajiro ĩ yijare, vacoasujarā ĩna. Maa ĩna vato rīne ĩna cāmi boaboare yaticoasuju ti yuja.

¹⁵ To bajiro sīgū ruju gase boagu ñar’i, ti yatiro ĩacōari, judarūgū, Jesūs teju tudicoasuju quēna. Tudiacune, variquēnagū ñari, “Quēnaro yure yami Dios”, yivasā varūtuasuju ĩ. ¹⁶ Jesūs tajure tudiejacōari, muqueayuju ĩ. To bajicōari, ado bajiro Jesure gotiyuju:

–Yu gase boaboase mu suorine ti yatijare, buto quēnaja –Jesure ĩre yigotiyuju. ĩ ñañuju samaritano masu. ¹⁷⁻¹⁸ To bajiro ĩ yisere ajicōari, ado bajiro yiyuju Jesūs:

–Juāāmocārācure gase boariarāre yu catioboajaquēne, āni samaritano masu, ĩ sīgūne tudidiāmi, “Quēnaro yure yami Dios” yigu vāgu –ĩ rācanare ĩnare yigotiyuju Jesūs.

¹⁹ To bajiro yigajanocōari, ĩ catior’ire ado bajiro ĩre yiyuju:

–Vūmurūgūña. Vasa. “Yure ĩamaicōari, catiorucami Jesūs” mu yituoīajare, mure catiobu yu –ĩre yigotiyuju Jesūs.

“Dios ĩ roticōagū, ¿no cōro ejaguti ĩ?”, Jesure ĩna yisēñiare

(Mt 24.23-28, 36-41)

²⁰⁻²¹ Cojorāmu ado bajiro Jesure sēñiñujarā fariseo masa:

–¿No cōro ejacōari, rotisnoguti Dios ĩ cōarocu? –ĩre yisēñiñujarā ĩna.

To bajiro ĩre ĩna yisēñiarone ado bajiro ĩnare cadiyuju Jesūs:

–Mua yutuoīare bajiro bajibeaja ti. Ruyurone, “Adine ñaja. Ise ñaja” yimasīñamanire bajiro bajise ñaja, Dios ĩ roticōagū ĩ ejasema. Jēre mua vatoane ñaboaja ti –ĩnare yiyuju Jesūs.

Jesūs adi macarucuro ĩ tudiejaroti queti

²² To bajiro yicudigajanocōari, ĩ buerāre ado bajiro ĩnare gotiyuju Jesūs:

–Yoaro yu rāca ñarūaboarāja mua. To bajiro mua bajiboajaquēne, mua rāca ñacōa ñabetirūcāja yu. ²³ To bajiri yu tudivadiroto rījorore, “ĩne ñaami. Tudiejami. Tone ñami”, muare yisocaruarāma. To bajiro ĩna yijama, ĩnare ajibetiruarāja mua. ²⁴ Ūmuagasero jediroju bujo ĩ yabesere masa ĩna ĩarore bajiro yu vadore yure ĩare ñaruaroja. ²⁵ To bajiro yu bajiroti rījorore, adirodoana jairo rojose yure ĩna yisere rojose tāmūoroti ñaja ti. “Dios ĩ cōagū me ñaami” yica yirā, yure sīarotiruarāma masa. ²⁶ Yure ĩna sīaro bero, tudicaticōari, quēna vadirucuja yu, adi macarucurojore. Noé ñamasir’i ĩ ñariarodo masa ĩna bajīñamasiriarore bajiro bajīñaruarāma, Dios ĩ roticōacacu, yu tudiejarirūmure quēne. ²⁷ Adi macarucuro ti rujaroto rījoro bare ba, idi, manajo cuti, yicōa ñamasīñujarā ĩna. Diore tuoīari mene, “¿To bajiroado

yatique?” yimenane, jairica cūmua quēnogajanocōari, Noé ī vasājaro ūnone to bajiro yicōa űamasifujarā ĩna. “To bajiroado yiroja” ĩna yimasibetone, ĩnare ruureacōañuju Dios. To bajirone bajiruarāma masa, yu tudiejarirāmure quēne. ²⁸ To bajirone bajifūmasifujarā masa, Lot űamasir'ī ĩ ıariarodoana quēne. Sodoma macana bare barā, idirā, gajeyēni gāmerā ĩsirā, gājerā vaja yicōari cōarā, gājerāma, oterā, viri buarā, yicōa űamasifujarā ĩna, Diore tuoāmenane. ²⁹ Sodomaĵere űaboar'ī Lot ī rudiro hero, ō vecaye jea űjse azufre vāme cutise rāca Dios ī soereamasiriarore bajiro bajirone bajiruaroja ti. ³⁰ To bajirone bajifūaruarāma masa, Dios ī roticōacacu yu tudiejarirāmure quēne.

³¹ To bajiri, quēnaro űaına mūa, rojosere yimenane. Yu gotisere quēnaro tuoāmajarūgūıa, “No bojarıame vagūmi” yituoāarā ıari. No yimasifūa maniruarōja. Sıgū ī ya vi joeju jesagūma, ruıiacōari, ī ya vi jubeaju gajeyēni űasere juaāfūmabetirucūmi. Gāji, veseju moaıagū, ī ye sudire juagu tudiafūmabetirucūmi, ruıarımarone yu ejaroti ti űajare. ³² Lot manajo so bajimasire tuoāına mūa. Gajeyēnure űmaveovaco ıari, tire maıgō, ĩatūoca yigone, moatutune godovedirocacoasaju so.

³³ No bojarā, no ĩna bojarone ıare cutirāma adi macarucuro űasere ĩvariquēnacōari, Diore tuoāmenama, Dios ī catisere yayibetire cuomena űaruarāma ĩna. To bajiboarine, yure ajitirūnarā, yu oca ĩna gotisere ajijūnisinicōari, ĩna sıarāma, Dios tuju quēnaro ıarona ıarāma.

³⁴ Gajeyerema adi macarucuroju yu tudivadoju, űami ti űajama juarā űmua cāniıarāre ejacōari, sıgū āmiecorucūmi. Gājima, āmiecobetirucūmi. ³⁵ űmua ti űajama, rōmia juarā trigore vāiaabo űaruarāma. To bajiri, sıgō āmiecorucōmo. Gajeoma, āmiecobetirucōmo. ³⁶ Juarā űmua veseju moaıaruarāma. To ĩna yınarone, sıgū āmiecorucūmi. Gājima, āmiecobetirucūmi ĩnare yigotiyuju Jesūs.

³⁷ To bajiro ĩnare ī yigotirone,

—ıNoĵare to bajise bajiroti ti? —ĩre yisēniıañujarā ī buerimasa.

To bajiro ĩre ĩna yisēniıarone, ado bajiro cadiyuju Jesūs:

—Rıjar'ī, ī boacūıarorema, yuca ejarāma ĩna —ĩnare yicadiyuju Jesūs.[†]

18

“*Ŭare ejarēmogūmi, yua sēnijama' yituoāarā ıari, Diore sēnitujabetiroti ıaja, Jesūs ī yire quieti*”

¹ “Diore ĩre sēnitujabeticōato ĩna” yigū ĩnare gotimasioñuju ī:

² —Cojo macare sıgū masu űagūmi masa ĩna yisere ĩacōiarimasu. Diore, to yicōari, masare quēne rūcubuopecu űagūmi. ³ ĩ ya macajure sıgō űagōmo manaju rijaveorio. Bيارoaca ado bajiro ĩre sēniıo ejaboagomo: “Ŭare ejarēmoına mū. Rojose yure yami”, ĩre yıoagomo. ⁴ To bajiro so yıoajaquēne, sore yıosadabecūmi. To bajiboarine, buto ĩre so sēnicōa űajare, ado bajiro tuoāgūmi yuja: “Diore, to yicōari, masare quēne rūcubuopecu ıaja yu. ⁵ To bajiro bajigu űaboarine, buto so sēniıōjanabiocōa űajare, sore ejarēmorucuja yu. Sore yu ejarēmobetıama, yure gōjanabiocōa űabogomo”, yituoāgūmi —ĩnare yigotiyuju Jesūs.

⁶ Ti quietire gotigajanocōari, “Ado bajiro yıruaro yaja”, ĩnare yiyuju:

—Masa ĩna yisere ĩacōiarimasu ī yirere ajıasaque mūa: ⁷⁻⁸ ıDios, ī ejarēmosere bojarā ĩre sēnitujamenare, ī yarāre, yoaro ĩnare ejarēmobecutique ī? To bajiro yibecūmi Diojuama. Mūa sēniro cōrone tocārācagine muare cadimasiami. To bajiri, ı“Ŭare ejarēmogūmi Dios” yituoācōari, ĩre sēnitujamenare, tudivagu, bujarucuada yu? —yiyuju Jesūs.

Fariseo masu, gājoa sēnirimasu rāca Diore ĩna sēnirere Jesūs ī gotimasioire quieti

⁹ Quēna gaje quieti ĩnare gotimasioñuju. ĩre ajirā sıgūri ado bajise yituoāañujarā ĩna: “Quēnaro yirā ıaja yuama”, yituoāañujarā ĩna. To bajiro yicōari, “Rojorā űaama ĩnama”, gājerāre yıarā űañujarā ĩna. To bajiro yirā ĩna űajare, ado bajise quieti ĩnare gotiyuju Jesūs:

¹⁰ —űmua juarā űarāma ĩna, Diore yirūcubuoıiavıju ĩre sēniarā vana. Sıgū fariseo masu űagūmi. Gāji, űjere gājoa sēnibosarimasu űagūmi ī. ¹¹ Fariseo masu, Diore yirūcubuoıiavıjere sājaejarūgūcōari, ado bajiro Diore ĩre yigūmi, ī tuoāse rāca: “Dios, mure variquēnaja yu, gājerāre bajiro bajibetir'ī. Gājerāma, juarudirā űa, yitorā űa, gājerā manajoare ajeriarā cutirā űarāma ĩna. Ado eıaju, űjere gājoa sēnibosarimasu, ĩre bajiro bajigu me ıaja yu. To bajiri mure variquēnaja yu. ¹² Tocārāca semana juaji bare babeaja yu, mū rotimasire cedıgu ıari. Yu moase vaja juaāmocōro ıaritiiri vaja tagu, cojotıi mū ya vire cūbosarūgūaja yu”, Diore ĩre yigūmi. ¹³ Gājıjua gājoa sēnibosarimasu ōjune tujacōari, ō vecajure ĩmūobecūmi, ī rojosere bojone, sutiritimasucōagū ıari, ī cotitērore jagune, ado bajise Diore sēniıami: “Dios, yure ĩamaına mū. Rojose yu yisere yure masirioya mū”, Diore yisēniıami. ¹⁴ Ŭare quēnaro ajıja mūa: Rojose ī yisere sutiriticōari, Diore sēniıama, rojose ī yisere masirio ecocōari, ī ya vıju tudiasūmi. Gājıjua, fariseo masu, ī ya vıju tudıajama, “Rojogu űaami”, Dios ī yıiagū űagūmi.

[†] 17:37 “Ŭuca ejarāma, masu boagu ī ıarore” ī yıjama, “Rojose yirāma, no bojarone űacōarāma” yigu yiyuju Jesūs.

To bajiro ti bajijare, ado bajiro muare gotiaja yu: “Quēnaro yirā mani ñajare, ‘Quēnarā ñaja mua’ manire yīlagūmi Dios” yituoīarāre, “Quēnarā me ñaama. Rojorā ñaama”, yīlagūmi Dios. No bojagure, “Quēnagū me ñaja yu” Diore yisutiritigūjare, “Quēnagū ñaami”, ĩre yīīaracūmi Dios –ĩnare yigotiyuju Jesús.

Rīamasare Jesús ĩ ĩhubuejore queti
(Mt 19.13-15; Mr 10.13-16)

¹⁵Jesús taju rīamasacare juaejayujarā masa, “Ī āmori ĩhubuejore, Diore ĩnare sēnibosato ĩ” yirā. ĩna juaejare ĩacōari, ado bajiro ĩnare yiyujarā ĩ buerimasa:

–ĩJudibesa! Gōjanabioro yaja mua –ĩnare yiyujarā. ¹⁶To bajiro ĩnare ĩna yiboajaquēne, rīamasare ĩrēocōari, ado bajiro ĩ buerimasajuare yiyuju Jesús:

–Rīamasare, “Judibesa” ĩnare yibesa. “Quēnaro yuare yiracūmi Dios” yituoīarā ñaama rīamasa. ĩna tuoīarore bajiro tuoīarā ñaama Ūju Dios yarā. ¹⁷Riojo muare gotiaja yu. Rīamasa ĩna yiecorore bajiro yiecorā ñarāma Ūju Dios yarā –ĩ buerimasa yiyuju Jesús.

Gajeyēni jaigū, Jesūre ĩ sēnīare queti
(Mt 19.16-30; Mr 10.17-31)

¹⁸Sīgū ūju, ado bajiro Jesūre ĩre sēnīañuju:

–Gotimasorimasa, quēnagū ñaja mua. Yu rijato beroju “Tudirijabeticōato” yigū, Dios ĩ catisere yure ĩ ĩsire yu bojajama, ĩno bajiro yiroti ñati yure? –Jesūre ĩre yiyuju.

¹⁹To ĩ yisere ajicōari, ado bajiro ĩre cūdiyuju:

–ĩNo yigū, “Quēnagū ñaja mua”, yure yati mua? Dios sīgūne ñaami quēnagūma. ²⁰Mu rijato beroju “Tudirijabeticōato” yigū, Dios ĩ catisere mu bujaruajama, Dios ĩ rotimasire cūdiroti ñaja. Tire masiaja mu. Dios ĩ rotimasire yu yijama, ado bajise yimasire yaja yu: “Gāji manajo rāca ajerio cūtibesa. Siabesa. Juarudibesa. Socune, ‘Rojose yimi’ yigotirobosa. Mu jacare, mu jacore quēne quēnaro ĩnare rācūboya”, yigotiaja Dios ĩ rotimasire –ĩre yiyuju.

²¹To ĩ yisere ajicōari, ado bajiro yicūdiyuju:

–Daquegūne tire cūdisuadicaju yu –ĩre yicūdiyuju.

²²To ĩ yisere ajicōari, ado bajiro ĩre gotiyuju Jesús:

–Cojo vāme ruayaja mu yiroti, mu rijato beroju “Tudirijabeticōato” yigū, Dios ĩ catisere mu bujaruajama: Jediro mu cuosere gājerāre ĩsijeocōañā. To yicōari, ti vaja bujacōari, maioro bajirāre ĩsima. To bajiro mu yijama, ō vecaju Dios ĩ ñaroju quēnase bujaracūja mu. To bajiro yigajanocōari, yure ajisuyaya –ĩre yiyuju Jesús.

²³To ĩ yigū buto sutiriti vacoasuju ĩ, gajeyēni jaigū ñari, tire maigū. ²⁴Ī sutiritisere ĩacōari, ado bajiro ĩ buerimasajuare gotiyuju Jesús:

–Gajeyēni jairārema, yure ĩna suyarua tuoīaboajama, buto josaruaroja ĩnare. To bajicōari, yirēto ecobosabetiruarāma. ²⁵Vaibucu camello vāme cutigū, gājojota gojeacare sājārētobudimasisbecūmi. To bajirone bajiaja gajeyēni jairāre quēne, yure ĩna ajitirānu suyaraboajama. To bajiro ĩna bajijare, yirēto ecobosabetiruarāma –ĩnare yiyuju Jesús.

²⁶To bajiro ĩnare ĩ yisere ajicōari, no yimasibesujarā ĩna. To bajiri ado bajiro ĩre sēnīañujarā:

–Riojo mu gotijama, ĩno bajiro bajirāñua Dios tujare ejaruarāda? –ĩre yiyujarā.

²⁷To bajiro ĩna yisere ajicōari, ado bajiro ĩnare cūdiyuju Jesús:

–ĩna masune ejamasimenama masa, Dios tujare. Diojuama, ñajediro yimasijeocōami. Ñiejua josase maja ĩrema. Ī suorine ĩ taju ejamasire ñaja –ĩnare yiyuju Jesús.

²⁸To ĩ yisere ajicōari, ado bajiro ĩre yiyuju Pedro:

–Yu ūju, jediro yua gajeyēnire cūcōari, mare suyacaju yua –ĩre yiyuju.

²⁹⁻³⁰To ĩ yisere ajicōari, ado bajiro ĩre cūdiyuju Jesús:

–Riojo muare gotiaja yu. No bojarā yure ajitirānurā ñari, yu ye gotiroana, ĩna ya vi, ĩna yarā, ĩna manajoa, ĩna jacua, ĩna rīa, to yicōari ĩna ya veserire quēne ĩna vaveojama, ĩna cuoboare rētohusaro quēnase bujaruarāma ĩna, adi macarucurore. To yicōari, ĩna rijato berojuma “Tudirijabeticōato” yigū, ĩ catisere ĩnare ĩsirucūmi Dios –ĩnare yicūdiyuju Jesús.

“Yure sīaruarāma”, Jesús ĩ yigotitusare queti
(Mt 20.17-19; Mr 10.32-34)

³¹Jerusalénju ĩnare ūmato varūtu vacune, juaāmo cōro, gubo jua jēnituarirācu ñarāre ĩnare gotirū, ricati ĩnare ĩcāmotoyuju Jesús. To bajiro yicōari, ado bajiro ĩnare yiyuju:

–Quēnaro ajija mua. Jerusalénju vana bajiaja mani. Dios ĩ roticōacacu, yu bajiro tire jairo ucayuma tirānuana Diore gotirētohusamasiriarā. Ñajediro ĩna ucarere bajirone bajijeocōaruaroja yure. ³²⁻³³Romano masare yure ĩsiruarāma. To ĩna yijare, yure ajatud’irā, gooco yure eoreatucōari, bajaruarāma ĩna. To yicōari, yucātēroju yure jajurocacōaruarāma. Yure jajurocacōari, yuieboaruarāma. To ĩna yiboajaquēne, yure ĩna sīarirāmu bero, idiarāmu tusatirāmunē tudicaticoacūja yu quēna –ĩnare yiboayuju Jesús.

³⁴ To bajiro ñare ĩ yisere ajimasibesujarã ĩna, ĩna ajimasirotire Dios ĩ cõabetijare.

Caje ĩabecure Jesús ĩ ĩarotire queti
(Mt 20.29-34; Mr 10.46-52)

³⁵ Jericó vãme cuti macaju ĩ cõñatone, caje ĩabecu rujiyuju, maa tu. Maioro bajigu ĩ barotire, to yicõari, gajeyeũniaca ĩ cuorotire tuoĩagũ, gãjoa sãnigũ bajiyuju. ³⁶ Masa jãjarã ĩna rãtosere ajicõari,

–¿No bajiro bajiatu ti? –ĩnare yisẽniãñuju ĩ.

³⁷ To bajiro ñare ĩ yisẽniãrone,

–Jesús Nazaret macagu, rãtoacu yami –ĩre yiyujarã ĩna.

³⁸ To bajiro ĩna yisere ajicõari, ado bajiro Jesũre jivasãñuju ĩ:

–Jesús, yua uju, Uju David ñamasir'i jãnami, “Rotimũorũgõrũcumi” yigu, Dios ĩ cõar'i ñaja mu. Yure ĩamaĩña mu –yivasãñuju ĩ.

³⁹ To bajiro ĩ yivasãrone,

–¡Avasãbesa! –ĩre yiyujarã ĩna, Jesũre ĩre rĩjoro cuti vana.

To bajiro ĩna yiboajaquẽne, butobusa avasãñuju quẽna:

–Uju David ñamasir'i jãnami, “Rotimũorũgõrũcumi” yigu, Dios ĩ cõar'i ñaja mu. Yure ĩamaĩña –Jesũre ĩre yivasãñuju.

⁴⁰⁻⁴¹ To ĩ yisere ajicõari, tujarũgũñuju Jesús. To bajicõari,

–ĩre jiya mua –masare ñare yiyuju. To bajiro ĩ yijare, Jesús tuju ĩre jiejoyujarã ĩna. To ĩna jieoro ĩacõari, –¿No bajiro mure yu yisere bojatu mu? –ĩre yiyuju Jesús, caje ĩabecure.

To ĩ yijare, ado bajiro ĩre yicũdiyuju:

–Yu uju, tudĩarũaja yu –ĩre yiyuju.

⁴² To bajiro ĩ yisere ajicõari, ado bajiro yiyuju Jesús:

–“Yure ĩamaicõari, ĩarotirũcumi” yure yituoĩagũ ñari, ĩacoaju mu. Ñie rojose maja mure yuja –ĩre yiyuju Jesús.

⁴³ To bajiro ĩ yirĩĩmarone, caje ĩabecu ñaboar'i, ĩacoasuju ĩ yuja. ĩacõari, ĩ quẽne Jesũre suyacoasuju. “Quẽnaro yaja mu”, Diore ĩre yivariquẽna vasuju ĩ. Masa quẽne tire ĩarã, “Quẽnaro ĩre yami Dios”, yiyujarã ĩna quẽne.

19

Zaqueo rãca Jesús ĩ bajire queti

¹ To bajiri, Jericó vãme cuti macare rãtoacu bajiboayuju Jesús. ² To ĩ bajivatore, sīgũ ti macagu ñañuju, Zaqueo vãme cutigu. ĩ ñañuju gãjoa sãnibosarimasa uju. Gajeyeũni jaigu ñañuju.

³ To bajiri, Jesús ĩ rãtoato buto ĩarũaboayuju. ĩre ĩarã jãjarã ĩna ñajare, ĩre ĩabujabesuju ĩ, yegũaca ñari. ⁴ To bajiri, Jesús ĩ varoti maa tuju ĩ rĩjoro ũma va, yucũju mujasuju, Jesũre ĩre ĩaru. ⁵ ĩ jesarõ eñeroca ejayuju Jesús. To bajicõari, ĩre ĩamũõñuju, Zaqueore. ĩre ĩamũõgãne,

–Zaqueo, guaro rujiaya mu. Yucu mu ya viju tujarũcũja yu –ĩre yiyuju Jesús.

⁶ To bajiro ĩre ĩ yirone, guaro rujiacõari, variquẽnagũne, Jesũre ĩre ũmato vasuju Zaqueo, ĩ ya viju. ⁷ To bajiri Zaqueo ya viju Jesús ĩ ñasere ĩacõari, ado bajiro gãmerã yiyujarã masa:

–Rojogu ture ñagũ bajiami –yiyujarã ĩna.

⁸ ĩ ya viju ñacõari, ado bajiro Jesũre gotiyuju Zaqueo:

–Yu cuose, gajeyeũnire, maioro bajirãre gudareco ñare ĩsirucũja yu. Gãjerãre ĩnare yitocõari, ĩna ye ñaboasere ãmacaju yu. To bajiri ñare yu ãmacati rãtorõ ñare ĩsirucũja yu. Babarĩracãji ĩnare yu ãmacati rãtobusaro ĩnare ĩsirucũja –Jesũre ĩre yiyuju ĩ.

⁹⁻¹⁰ To bajiro ĩre ĩ yisere ajicõari, ado bajiro ĩre gotiyuju Jesús:

–Quẽnaro yaja mu. Abraham Diore ĩ ajitĩrũnũmasiriarore bajiro Diore ajitĩrũnũaja mu. To bajiro yigu mu ñajare, mure, to yicõari, mu ya vianare quẽne, rojose mua yisere mũare masiricõcãja yu. To yicõari, rojose mua tãmũoborotire mũare yirãtobosarũcũja yu. Yayirãre bajiro bajirãre, rojose tãmũoboronare, ĩnare yirãtobosagu vadicaju yu, Dios ĩ roticõacacu –ĩre yigotiyuju Jesús.

Moabosarimasa ĩna bajirere Jesús ĩ gotimasiore queti
(Mt 25.14-30)

¹¹ To bajiro ĩre ĩ yigotisere ajicõari, ado bajiro tuoĩaboayujarã masa: “Jerusalẽnju ĩ ejaroti mojoroaca ti rãyajare, yucũacane Israel vãme cuti sitare manire rotisũorũcumi Jesús, Dios ĩ roticõar'i, romano masare bucõari”, yituoĩaboayujarã ĩna. To bajiro ĩna yituoĩasere ĩamasicõari, gotimasiore quetire ado bajiro ĩnare gotiyuju Jesús:

¹²⁻¹³ –Sīgũ ñagũmi gaje sitaju varocu, uju ñamasugũ ĩ ñarõju, uju ĩ ñarotire sãnigũ, “Yu ya macanare rotigusa” yigu. ĩ varoto rĩjoro, ĩre moabosarimasare juaãmocãrãcure jirẽogũmi. ĩnare jirẽocõari, ĩ ye gãjoare ĩnare bategumi. “Yu manitoyeju adi gãjoa rãca vaja yicõari, mua

vaja yisere gājerāre ĩsirā, jaibusaro vaja sēnima, 'Jaibusaro gājoa bujarāsa' yirā". To yigajano, vacoacumi. ¹⁴To bajiro ĩ bajiboajaquēne, ĩ ya macana uju ĩ ĩasere bojamenama ĩna. "Yua uju ĩ ĩasere bojabeaja" yirā, ĩna rācanare gotiroticōarāma, uju ĩnamasugāre.

¹⁵To bajiro ĩnare ĩna yicōaboajaquēne, ĩna uju ĩre cūgūmi uju ĩnamasugū. To bajiro ĩ yir'ĩ ĩnari, ĩ ya macanare ĩnare rotigu tudiejagumi. Tudiejacōari, ĩ gājoa ĩsiriarāre ĩnare jicōagūmi, "Tire quēnaro yimasiboayujari ĩna" yigu. ¹⁶ĩ moarimasu ejasuoqu, ado bajiro ĩre yigumi: "Gājoa yure mu ĩsacati rāca mure bujarēmobosabu ya, juaāmōcārācaji yure mu ĩsacati rētoabusaro", ĩre yigumi, ĩ ujure. ¹⁷To bajiro ĩ yijare, "Yure quēnaro moabosayuja mu. Yu yicatore bajiro yure cadiyuja mu. Mojoroaca mure ya ĩsacati rāca ya yicatore bajiro yigu mu ĩnjare, ĩnamasuse moare mure moarotiaja ya. Juaāmōcārāca macarianare rotirucuja mu", ĩre yigumi ĩ uju. ¹⁸ĩ bero gāji ejagumi: "Gājoa yure mu ĩsacati rāca mure bujarēmobosabu ya, cojomocārācaji yure mu ĩsacati rētoabusaro", ĩre yigumi, ĩ ujure. ¹⁹To bajiro ĩ yijare, "Cojomocārāca macarianare rotirucuja mama", ĩre yigumi ĩ uju.

²⁰⁻²¹ĩ bero, ĩ ujure ĩogū ejagumi gāji: "Adine ĩnaja mu gājoa, yure mu ĩsacati. Sudigaserone gūmacōari, cūcaju ya, 'Buto roticōari ĩ bojarore bajiro yirere bojagu ĩnacami' mure yigūigu ĩnari", ĩre yigumi. ²²To bajiro ĩ yijare, ado bajiro ĩre cadiigumi ĩ uju: "To bajiro yure yitōoagū ĩnaboarine, yure quēnaro moabosabetir'ĩ mu ĩnjare, rojose mure yirucuja ya. ²³Gājoa mure ya ĩsacati rāca vaja yicōari, mu vaja yisere gājerāre ĩsicōari, jaibusaro vaja sēnibetiboarine, gājoa cūriavijua mu cūjama, jaibusaro yure bujarēmobosaboriaja mu", ĩre yitud'igumi ĩ uju. ²⁴⁻²⁵To bajiro yigotigajano, ĩ tu rügōrāre ĩacōari, ado bajiro ĩnare rotigumi: "Ānire gājoa ya ĩsibocatire ēmaña. Tire ēmacōari, juaāmōcārācaji ĩre ya ĩsacati rētoabusaro bujarēmocōari cuoguñare ĩre ĩsiña", ĩnare yigumi ĩna uju. To bajiro ĩ yitotiboajaquēne, "Jere jairo cuoami ĩma", ĩre yicōarāma, ĩna ujure. ²⁶To bajiro ĩre ĩna yisere ajicōari, ado bajiro gotigumi ĩna uju: "No bojagu ĩre ya ĩsise rāca ya bojarore bajiro yigu, quēnase bujarucumi. No bojagu ĩre ya ĩsise rāca ya bojarore bajiro yibecurema, ĩre ya ĩsibocatire ĩre ēmarucuja ya, 'Yu bojarore bajiro yimasibeami' yigu. ²⁷Uju ya ĩasere bojamenarema, ya rĩjoroja jiejocōari, ĩnare siareacōaña mu", yigumi ĩna uju —ĩnare yigotiyuju Jesús.⁵

"Rotimōrōgōrucumi" yigu, Dios ĩ cōagū ĩnaja ya" yitōgū, Jerusalēnu Jesús ĩ ejare queti (Mt 21.1-11; Mr 11.1-11; Jn 12.12-19)

²⁸To bajiro yigotigajanocōari, varūtu vasuju Jesús, Jerusalēn ĩnajari maajure. ²⁹⁻³⁰Varūtucōari, ejayuju, Betfagé, Betania vāme cuti macari tujure. Ti macari tujure, Olivo vāme cuti buro ĩnajuju ti. Ti buroja ejaguagune, juarā ĩ buerāre ado bajiro ĩnare gotiyuju ĩ:

—Mani varoto riojo ĩnarimacare vasa maji. Toju ejacōari, burro macu ĩna siaturügōr'ire bujaruarāja mu, jesañamagūre. ĩre ojacōari, yure āmiadibosaba. ³¹Ti macagu sīgū, mu ojarō ĩacōari, "¿No yirā ĩre oĵati?" muare ĩ yisēñajama, "Mani uju ĩre bojami", ĩre yicudiba —ĩnare yiyuju Jesús.

³²To ĩ yisere ajicōari, vasujarā ĩna. To ejacōari, Jesús ĩ gotiriarore bajirone burro macure ĩabujayujarā ĩna. ³³ĩre ĩna ojarone,

—¿No yirā ĩre oĵati mu? —yiyujarā ĩna, burro ujarā.

³⁴To bajiro ĩna yirone,

—Mani uju bojaami —ĩnare yicudiyujarā ĩna.

³⁵To bajiro ĩnare yigajanocōari, burro macure āmivasujarā, Jesús tujū. To yicōari, ĩna ye sudi joeayere vejecōari, burro macu joere jeoyujarā. To yigajanocōari, Jesús ĩre vajejarotiyujarā ĩna. ³⁶To bajiri burro joere jesamaja vasuju Jesús, Olivo vāme cuti buro majacu. To ĩ jesamaja vatone, ĩna ye sudi joeayere vejecōari, ĩ varotijure cū rĩjoro cadiyujarā. "Yua uju ĩnaja mu" yirā, to bajiro yiyujarā, Jesús ĩ rucuborā. ³⁷To bajiro ĩna yi vati maajure jesamaja, joe jeacōari, Jerusalēnu ĩ rojaroto rĩjorore, "Quēnaro yaja", Diore yivasā variquēnañujarā ĩna, jājarā. Dios ĩ masise rāca ĩñamamani Jesús ĩ yilore tōoicōari, ado bajiro yivasā variquēnañujarā:

³⁸—"Rotimōrōgōrucumi" yigu, Dios ĩ cōar'ĩ, ĩnaami. ĩDiore rotibosagu quēnaro ĩ yigu ĩnaami! Manire ĩvariquēnagūmi Dios. Quēnagū masune ĩnaami —yivasā variquēnañujarā ĩna.

³⁹To bajiro ĩna yivasā ĩnarene, sīgūri ĩnajuñarā fariseo masa quēne. To bajiri Jesús ĩre rucuborā ĩna yivasāsere ajicōari, ado bajiro Jesús ĩre yiboayujarā ĩna:

—Mu buerāre avasārotibeticōaña mu —ĩre yiboayujarā ĩna.

⁴⁰To bajiro ĩre ĩna yiboajaquēne, ado bajiro ĩnare cadiyuju Jesús:

—To bajiro ĩna yivasābetijama, adiari gatarijure avasāroticōarucumi Dios —ĩnare yicudiyuju Jesús.

⁵ 19:27 "Uju ĩnaami" yure yirucubomenare rojose tāmōtūjabetiriaroju ĩnare rearucuja ya' yigu, yiyuju Jesús", yama ĩna Dios oca buerētoburimasa.

⁴¹ To yi va, Jerusalén maca tuaca ejagune, ti macare ïagüne, otiyuju Jesús. ⁴² Ado bajiro yiotiyuju:

–Yucune Jerusalén macana, variquenare ïnare Dios ï cõaruaboasere, ïna masune ajitirũnu sũyamasibeama. To bajiri quẽnaro ñvariquenamasibeturarãma. ⁴³⁻⁴⁴ Masa rojose ïna tãmuosere yu suorine Dios ïnare ï yirẽtobosasere masimena ñari, buto rojose tãmuõuarãma ïna. ïnare quẽaruarã vadiruarãma gãjerã. Adi macajure vadicoãri, ïnare gãnibiaquearuarãma, “Rudiroma” yirã. Gãnibiaqueacoãri, quẽnaro siajeocõaruarãma, ïnare. Virire quẽne, gajeyẽnure quẽne jediro reaieocõaruarãma ïna. To bajiro ïna yireacoãro bero, adi maca ñaboariaro, rujatũcuro ñaruarõja ti –yiotiyuju Jesús, Jerusalén macare ïagüne.

Diore yirãcubõoriaviju ñacoãri, gajeyẽni ïsirivire bajiro ïna yinãjare, Jesũs ïnare ï tud'ïãgõbure queti

(Mt 21.12-17; Mr 11.15-19; Jn 2.13-22)

⁴⁵⁻⁴⁶ To bajiro yigajano, varũtu vaejacoasuju ï, Jerusalẽnju. To ejacoãri, Diore yirãcubõoriaviju sãjañuju ï. Sãjaeacoãri, ti viju ïsiñarãre ãgõbucõañuju ï. ïnare ãgõbucõagũne, ado bajiro ïnare gotiyuju:

–Dios ï rotimasire masa ïna ucamasire ado bajiro gotiaja: “Yu ya vima, yure sãnirũcubõorã rãjariavi ñaruarõja”, yigotiaja, adi vire. To bajiro ï yimasire ti ñaboajaquẽne, mua suorine juarudirimasa ñarivire bajiro bajaia ti –ïnare yigotiyuju Jesús.

⁴⁷ To bajiro ïnare ï yigõburiaro bero, tocãrãcãmuri ti vine masare buerũgũñuju Jesús. To ï yisere, paia ujarã, Dios ï rotimasire gotimasiorimasa quẽne, masa ujarã quẽne, “¿No bajiro ïre sãrãti mani?”, yitõõarũgũñujarã ïna. ⁴⁸ No bajiro yimasibesujarã ïna, bajirãjuma, masa ñajediro buto ïre ïna ajitirũnu sũyajare.

20

“¿Ñimu mũre ï rotise rãca to bajiro yati mu?”, Jesũre ïna yisẽnĩare queti

(Mt 21.23-27; Mr 11.27-33)

¹ Cojorãmu, Diore yirũcubõoriaviju masare gotimasioñuju Jesús. “Rojose mua yisere yitujacoãri, quẽnasejuare tũõlãvasoaya” ïnare yigoticoãri, ï suorine quẽnaro ïnare Dios ï yirotire gotimasioñuju ï. To bajiro ï yigotimasio ñarone, ïre sãnĩarã, ï tũre ejayujarã bucurã, paia ujarã, Dios ï rotimasire gotimasiorimasa quẽne. ² Ado bajiro ïre yisẽnĩañujarã ïna:

–¿Ñimu mũre ï rotise rãca to bajiro yirũgũati mu? –ïre yisẽnĩañujarã ïna.

³ To bajiro ïna yisere ajicoãri,

–Yu quẽne, ado bajiro mũare sãnĩaja yu: ⁴ ¿Ñimu rotiyujari, Juanre, “Oco rãca masare ïnare bautizacudiya” yigu? ¿Dios rotiyujari? ¿Masajua rotiyujarique? –ïnare yisẽnĩañuju Jesús.

⁵ To ï yisere ajicoãri, ïna masune gãmerã ñagõñujarã ïna:

–“Dione, Juanre oco rãca masare bautizarotiyumi” mani yijama, ado bajiro manire sãnĩajacagumi: “Tire masirã ñaboarine, ¿no yirã ïre ajitirũnubeticati mua?” manire yisẽnĩajacagumi. ⁶ To yicoãri, “Masane, Juanre oco rãca bautizarotiriarãma” mani yijama, gãtarine manire reasãruarãma masa, “Diore gotirẽtobosarimasa ñaboacami Juan” yirã ñari – gãmerã yinãgõñujarã ïna. ⁷ To bajiro yirã ñari, ado bajiro ïre cudiujarã ïna:

–Juanre rotir'ire masibeaja yua –Jesũre yicudiujarã ïna.

⁸ To ïna yisere ajicoãri, ado bajiro ïnare cudiujuju Jesús:

–To bajiro mua cãdjare, yure rotigu vãmere gotibetirũcũja yu quẽne –ïnare yiyuju Jesús.

“Jud'io masa ïna ajitirũnubetijare, gãjerãjuare ujuracumi” yigu, moabosarimasa rojose yirã ïna bajire rãca Jesũs ï gotimasiore queti

(Mt 21.33-44; Mr 12.1-11)

⁹ To bajiro ïnare yigajanocoãri, gotimasiore queti ado bajiro ïnare gotiyuju Jesús:

–Sĩgũ masu uye vese otegumi. Tire otegajanocoãri, gãjerãre, “Yure ïatirũnubosaba”, yigumi. “Uye ti rica cutiro, gãjerãre ïsicõari, vaja sãniruarãja. To yicoãri, mua juarotire, ‘Ado cõro ñaja mani ye. Ado cõro ñaja ï ye’ yicõĩama”, ïnare yirotigumi. To yicoãri, gajeroju vacoacumi. ¹⁰ To bajiri cojorãmu, “Uye rica cuti bucuacoatoja” yigu, ïre moabosarimasure cõagumi, “Uye, yure ïna cũbosare yure juabosaaya” yigu. Uye veseju ï ejarone, ïre ñiacõari jarãma vese coderimasa. To yicõã, ïre uye ïsimenane, “Vasa”, yirãma ïna. To bajiri uye juabecune tudiejagumi, ïre roticoãri'ĩ tũju. ¹¹ To bajiri uye ï juabetire ïacoãri, gãjire cõagumi quẽna, vese uju, “Uye yure juabosaga vasa” yigu. Uye veseju ï ejasere ïacoãri, rujajine ïre yitud'icõari, ïre quẽne jarãma ïna. To bajiro ïre yigajanocoãri, uye ïsimenane, “Vasa”, ïre yirãma ïna. ¹² To bajiri uye ï juabetire ïacoãri, quẽna gãjire cõagumi vese uju. Uye veseju ï ejasere ïacoãri, ïre quẽne jarãma ïna. To bajiri cãmi cutigumi. To yicoãri, ïre ñiacõari, vese sojuaju rocarãma ïna.

¹³ To bajiro ti bajijare, “¿No bajiro yigati yu?”, yituoĩagũmi uju. “Yu maigũre, yu macure ĩre cõarũcũja yu. Īnuare rucũbuorãma ĩna”, yituoĩagũmi. ¹⁴ To bajiro yituoĩacõari, ĩ macure cõagũmi. To bajiro ĩ yituoĩaboajaquẽne, ĩ macu veseju ĩ ejasere ĩacõari, ado bajiro gãmerã ñagõrãma vese coderimasa: “Adi sita uju ĩ bajirocaveojama, ĩ macune ñaami vasoarocu. To bajiri ĩre mani sĩajama, mani ye sita ñaruaroja yuja”, gãmerã yĩrãma ĩna. ¹⁵ To bajiri vese sojuaju ĩre ñia oja vanama. To yicõari, sĩarãma ĩna yuja –ĩnare yiyuju Jesũs, ti quetire gotigu.

To bajiro ĩnare yigajanocõari, ado bajiro ĩnare gotiyuju quẽna:

–¿Ti vese uju tudiejagu, no bajiro ĩnare yigujari ĩ, ti vese coderimasare? ¹⁶ Ado bajiro yigami: Veseju vacõari, ti vese coderãre sĩagũmi. To yicõari, gãjerãre coderotigumi, ti vesere –ĩnare yiyuju Jesũs.

To bajiro ĩ yisere ajimasicõañujarã jud'io masa. To bajiri,

–¡Bajibeticõato ti! –yiyujarã ĩna. “ Uju macure sĩariarãre bajiro bajiaja mua', manire yami” yimasicõañujarã ĩna.

¹⁷ To bajiro ĩna yirone, ĩnare ĩacõari, ado bajiro ĩnare yiyuju Jesũs:

–¿“Uye vese uju ĩ macure rojorã ĩna sĩaocarere bajirone gũtavi quẽnorimasa coja gũtare rocaruarãma” Dios oca masa ĩna yiucomasirere ĩabeticatiquẽ mua? Ado bajiro gotiaja: “Gũta rãca vi quẽnorimasa coja gũtare rocarãma ĩna. ĩna rocaria ñaboarine, gajea gũta rẽtoro quẽnarica ñaruaroja tia. Tia gũta suorine quẽnarivi quẽnorucumi Dios. Tia manijama, quẽnomasibetibogumi”, yigotiaja Dios oca masa ĩna ucomasire.

¹⁸ To yigajano, ado bajiro gotĩrũtuasuju ĩ Jesũs:

–No bojarã, yu ocare ajiterã, rojose tãmuoruarãma ĩna –ĩnare yiyuju Jesũs.

¹⁹ To bajiro Jesũs ĩ gotimasiosere ajicõari, “Manire mani bajisere yigu yami”, yiajimasĩñujarã paia ujarã, Dios ĩ rotimasire gotimasiorimasa quẽne. “ Uju macure sĩariarãre bajiro bajiaja mua' manire yami”, yiajimasĩñujarã ĩna. To bajiro yirã ñari, Jesũre ñiaruaboayujarã ĩna. To bajiboarine masare gũirã, ĩre ñiabesujarã.

“Ujarã gãjoa manire ĩna vaja yirotijama, ĩnare ĩsiroti ñaja”, Jesũs ĩ yigotire queti (Mt 22.15-22; Mr 12.13-17)

²⁰ Jesũre ñiaruarã ñari, gãjerãre cõañujarã ĩna, Jesũs tũju. To bajiri, “ Mani uju Cãsar ĩ rotisere quẽnabeaja' ĩ yisere ajirudirã vasa. To bajiro ĩ yise ti ñajama, ĩre gotiyirorãsa mani, Pilatore”, yituoĩaboayujarã. To bajiri Jesũs tũjere ĩ gotisere ajirãre bajiro bajitoyujarã ĩna cõariarã.

²¹ Jesũs tũ ejacõari, ado bajiro ĩre sãnĩañujarã ĩna:

–Ajiya gotimasiorimasa. “Riojo gotigu ñaja mu”, yimasiaja yua. “Ado bajiro mani yisere bojagumi Dios” yigotimasiojũ, ñaro cõrone riojo yuare gotimasioja mu. “Ado bajiro yu gotimasiojama, yure ajijũnisinuarãma” yituoĩabecũne, riojo gotigu ñaja mu. Masa ñajedirore riojo gotigu ñaja mu. To bajiro yigu mu ñajare, mu tuoĩasere ajiruaja yua. ²² ¿Roma macagu uju, Cãsar, gãjoa manire ĩ vaja yirotisere mani vaja yijama, quẽnacõarolari? ¿Dios ĩ rotimasirere cõdimena yirãjarique mani, ĩre mani vaja yijama? –Jesũre yisãnĩaboayujarã ĩna.

²³⁻²⁴ Jesũjama, “Rojose yure yiruãrã, to bajise yure sãnĩatoama ĩna”, yimasicõañuju. To bajiri, ado bajiro ĩnare gotiyuju:

–Gãjoatii cojotii yure ĩofa mua.

To ĩ yijare, gãjoatii ãmiadi, ĩre toñujarã ĩna. Gãjoatiire ĩacõari, ado bajiro ĩnare sãnĩañuju Jesũs:

–¿Ñima rioga tuyati? ¿Ñimu vãme tuyati? –ĩnare yiyuju Jesũs.

To ĩ yirone,

–Roma macagu Uju Cãsar vãme cutigu rioga tuyaja. To yicõari, ĩ vãme tuyaja ti –Jesũre yicũdiyujarã ĩna.

²⁵ To ĩna yijare, ado bajise yiyuju Jesũs:

–To bajiri aditiire ĩacõari, “Cãsar yatii ñaja”, yimasiaja mani. Ujarã manire ĩna vaja yirotijama, ĩnare vaja yiroti ñaja, manire. To bajirone bajiaja Diore quẽne. “Dios suorĩ bajiaja” mani yimasijama, “Yua cuose ti ñaboajaquẽne, ti rãca mu bojarore bajiro yiruãrãja”, Diore ĩre yiroti ñaja, manire –ĩnare yiyuju Jesũs.

²⁶ To bajiro ĩ yisere ajicõari, no yimasibesujarã ĩna, to bajise quẽnaro ñagõgũre ajibetirũgũriarã ñari. To bajiri, ĩre sãnĩatujacõañujarã yuja. Jesũs rojose ĩ yibetijare, ĩna ujure ocasãmasibesujarã ĩna.

“¿Bajirearãma, tudicaticoanajari?”, Jesũre ĩna yisãnĩatorã (Mt 22.23-33; Mr 12.18-27)

²⁷⁻²⁸ To bajicõari, saduceo masa quẽne sigũri ejayujarã, Jesũre sãnĩatorã. “Masa ĩna rijato bero, ĩna usuri ĩna rujuri ñaro cõrone quẽna tudicatimenama” yirã ñañujarã saduceo masa. Ado bajiro ĩre sãnĩañujarã:

–Ajiya, gotimasiorimasa. Moisés ñamasir'i ado bajiro ĩ yiuacũmasire ti ñajare, mure sãnĩarã vabu yua. Ado bajiro yimasĩñuju Moisés: “Sigũ, manajo cutiboa, rĩa magũne ĩ

bajirocabama, i gagu manajo ñariore manajo cutirucumi i bedijua. To bajiri i rāca ñacōari, so macu cutijama, i gagu macu ñarucumi”, yimasifuju Moisés. ²⁹ Sīgū rīa cojomo cōro, jua jēnitiurirācu āmua ñaboacama. Sīgōrene manajo cutiboacama ina. Nāsuogu sore manajo cutisuboacami. Rīa magāne rijacoacami i. ³⁰⁻³¹ Ī rijato bero, gāji i bedi vasoaboacami. Ī quēne rīa magāne rijacoacami. Ī bederā quēne, to bajirone sore manajo cutiboacama. Rīa manane, rijajedicoacama ina quēne. ³² So manajua ina rijajediro bero, so quēne rijacoacamo yuja. ³³ To bajiri bajireacōari, quēna ina tudicatijama, ġīmujua ñaguīda so manaju masu ñarocama, ina ñaro cōrone sore ina manajo cuticato bero? —Jesūre yisēniīatoyujarā ina.

³⁴⁻³⁵ To ina yirone, ado bajiro cūdiyuju Jesús:

—Bajireariarā, “Quēnarā ñaama” Dios i yīarā, quēna tudicatiro bero, manajo cutire, manaju cutire quēne maniruarōja. ³⁶ Tudirijabetirona ñari, to bajiro bajiruarāma. Ō vecaju āngel mesare bajiro bajirā ñaruarāma. To bajicōari, i suorine tudicatiriarā ñari, Dios rīa ñaruarāma —Inare yicūdiyuju Jesús. ³⁷ —ġ“Masa ina bajirearo bero, ina usuri caticōaroja” yirere ĩabeticatiquē ma? ġYucūyoa ũjuriyoa vatoaju Dios Moisére ĩ ñagōmasirere ĩabeticatiquē? Dios masune ado bajiro gotimasifumi i oca masa ina ucamasire rāca: “Mua ñicua ñamasiriarā Abraham, Isaac, Jacob, ina rūcubuo vadimasicacune ñaja yu”, yigotimasifumi Dios. ³⁸ Masa bajireariarā ina usuri ti caticōa ñabetijama, to bajise yibetimasiborimi. Bajireariarā, quēna tudicatirāju ina rūcubuo ñagūmi. Masa ina usuri ti caticōa ñabetiboajuquēne, “Diore rūcuborā ñarāma”, yimasifua maja. “Ina usuri ti caticōa ñajare, bajireariarā ñaboarine, Diore rūcubocōa ñarāma”, yire ñaja —Inare yiyuju Jesús.

³⁹⁻⁴⁰ To i yise ñajare, saduceo masa, ire sēniarēmobesujarā, ire gūirā ñari. To bajiri, ado bajiro Jesūre yiyujarā sīgūri, Dios i rotimasire gotimasiorimasajama:

—Gotimasiorimasu, quēnaro cūdiaja mu —Ire yiyujarā ina.

“*Rotimūorūgōrucumi’ yigu, Dios i cōarocu, ġñimū ñarucumi, yituoīati tua?*”, Jesūs i yisēniīare queti

(Mt 22.41-46; Mr 12.35-37)

⁴¹⁻⁴³ To bajiro ire ina yiboajuquēne, ado bajiro masare gotiyuju Jesús:

—“*Rotimūorūgōrucumi’ yigu, Dios i cōarocu, masu ñarucumi. Ūju David ñamasir’i jānamine ñarucumi*” yise ñaja. To bajiro tua yituoīaboajuquēne, Diore yigure bajiro, “yu ũju”, yimasifujari Ūju David ñamasir’i, i jānami i ñaboajuquēne, ado bajise i yiucajama:

“Yu ũjare ado bajiro yirucumi Dios: ‘Yu riojojacatua rujiya maji. Mure ĩaterāre, “Rojose yitujaya” inare yu yiro bero, rojose yimasibetiruarāma yuja. To cōrone rotisūorucija mu’ yirucumi Dios, yu ũjare”, yucamasifumi David.

⁴⁴ To bajiri, “*Rotimūorūgōrucumi’ yigu, Dios i cōarocu, David ñamasir’i jānami ñarucumi*” yucamasire ti ñaboajuquēne, ġno yigu i ũjare bajiro bajigutiquē? —Inare yiyuju Jesús.

“*Rojose tāmūoruarāma Dios i rotimasire gotimasiorimasa*”, Jesūs i yire queti

(Mt 23.1-36; Mr 12.38-40; Lc 11.37-54)

⁴⁵⁻⁴⁶ To bajiro Inare yigajanocōari, masa ina ajjediro, ado bajiro i buerimasare gotiyuju Jesús:

—Dios i rotimasire gotimasiorimasare bajiro bajibeja muama. Dios i rotimasire gotimasiorimasa, sudiro yoaquēnariase sāñacōari, masa ina ĩaro rījoro vacudi variquēnarāma ina. To yicōari, jājarā masa ina rējarūgūrijaurire ejarūgūrāma. Gāji inare i bocajama, rūcubuose rāca Inare i sēnisere ajivariquēnarāma. Dios ocare ina buerivirijure quēne ñamasuri cūmurorire rujivariquēnarāma. Boserāmuri ti ñajaquēne, ina bajama, ñamasuri cūmurorire rujivariquēnarāma ina. ⁴⁷ Manajua rijaveoriarā ya virire ēmarā ñaboarine, masa ina ĩaro rījoroja, “*Quēnaro yirā ñaama’ yīlato*” yirā, yoaro Diore sēnirā yaja, yisocarūgūboarāma ina. To bajiro ina yise vaja, gājerā rojorā, rojose ina tāmūose rētoro rojose tāmūoruarāma ina —Inare yiyuju Jesús.

21

Manaju rijaveorio maioro bajigo ñaboarine, gājoa so sāre queti

(Mr 12.41-44)

¹ Diore yirucuboriaviju ñacōari, gājoa jairā gājoa sāriajujure gājoa ina sāñasere ĩaŕuju Jesús. ² To ina yīnarone, sīgō, manaju rijaveorio, gājoatii juatiine so sāsere ĩaŕuju. Mojoroaca vaja cutitiiri ñaŕuju ti. ³ Tire so sāro ĩacōari, ado bajiro i buerimasare gotiyuju Jesús:

—Riojo muare gotiaja yu. Adio maioro bajigo, gājerā rētoro sāmo so. ⁴ Gājoa jairā ina sāboajuquēne, jairo rūyacōaroja Inarema. Soma, so cuose ñaro cōroacane sācōamo —Inare yiyuju Jesús.

“Diore yiracubhorriavire jud’io masa me ñarã caguerocacõaruarãma”, Jesús ï yire queti (Mt 24.1-2; Mr 13.1-2)

⁵⁻⁶ Diore yiracubhorriavire ñacõari, sigũari ï buerimasa ado bajiro Jesúre ïre yiyujarã:
—Quênarivi ñaja. Gũta quênase rãca quênaro quënoñuma ña. Diore rãcubhorã ña cũre quëne quênase ñaja —Jesúre ïre yiyujarã ña.

To bajiro ña yisere ajicõari, ado bajiro gotiyuju Jesús:

—Adi vi mua ñarivi ñaro cõrone cague vëjajedicoaruarõja. To bajiri adi viaye gajea gãta joere jesabetiruarõja —ñare yiyuju Jesús.

“Macarucuro ti jedirotõ rjoro ado bajiro bajiruarõja”, Jesús ï yire queti (Mt 24.3-28; Mr 13.3-23)

⁷ Ado bajiro Jesúre ïre sënñañujarã ña:

—¿Divato cagueroca ecoroti Diore yiracubhorriavi? ¿No bajiro ti bajiro ñacõari, “Jesús ejañagũ yigũmi”, yimasirãti yua? ¿No bajiro ti bajiro ñacõari, “Adi macarucuro jediato yaja”, yimasirãti yua? —Jesúre yisënñañujarã ña.

⁸ To bajiro ña yisere ajicõari, ado bajiro ñare cõdiyuju Jesús:

—Roõri ñaruarãja mua, “Socarãne, gãjerã manire yitoroma” yirã. Jãjarã yitorã ñaruarãma, “Yune ñaja ‘Rotimuõrõgõrucumi’ yigu, Dios ï cõagũ” yirã. To yicõari, “Adi macarucuro ti jedirotõ cõñaja”, yitoruarãma. To bajiro ña yiboajaquëne, ñare ajitirũbetiruarãja mua.

⁹ To bajicõari, mua tuana to yicõari, gajeroana quëne gãjerã rãca ña gãmerã siasere ajiruarãja mua. Tire ajicõari, gübetiruarãja mua. “Bajiruarõja” Dios ï yiriarore bajirone bajiruarõja. To bajiro ña gãmerã yĩñaboajaquëne, adi macarucuro jediro me bajiruarõja.

¹⁰ Cojo sitana, gaje sitana rãca gãmerã sjaruarãma. ¹¹ Buto sita saberuarõja. To yicõari, cojo maca me ñoñaruarõja. To bajicõari, cojo sita me gajeye rojose cõarucumi Dios, “Rojose tãmuõato masa” yigu. Vecajure ñañamãni güiose Dios ï yiose ñaruarõja.

¹² To bajiro ti bajirotõ rjoro, muare ñejeõari, rojose muare yiruarãma masa. Dios ocare ña bueriviũ ujarã rjorojua muare juaõõari, muare goti yiruarãma ña. To yicõari, muare tubiberuarãma. Yu ocare mua gotimasiojare, macari ujarã rjorojua muare juaãuarãma ña. To yi vanane, ujarã ñamasurã rjorojua muare juajuarãma ña. ¹³ To bajiro muare ña yijare, yu oca quënasere ñare gotiruarãja mua. ¹⁴ Muare ñejeõari, ujarã rjorojua muare ña juaãroto rjoro, “¿No bajiro ñagõrãti yua?”, yitõõarejaibetiruarãja mua. ¹⁵ Mua ñagõrotiũ ti ejarõ, “Ado bajiro ñagõroti ñaja”, yimasiruarãja. Mua ñagõjama, mua masise rãca me ñagõruarãja. Yu masise rãca ñagõruarãja. Yu masise muare yu cõajare, mua ñagõsere ajicõari, “Socarã yaja mua”, muare yibetiruarãma muare ñaterã —ñare yiyuju Jesús. ¹⁶ —Mua jacua, mua bederã, mua yarã, mua rãcana quëne, muare ñsirearuarãma ña. To bajiro ña yijare, sãacomenarãja mua sigũari. ¹⁷ Yure ajitirũnurã mua ñajare, muare ñateruarãma jãjarã masa. ¹⁸ To bajiro muare ña yiboajaquëne, ñie muare godocutiruarõja. Dios ï ejarõmose rãca ï tũju ejaõari, quënarõ ñacõa ñarũgõruarãja mua. ¹⁹ Yure mua ajitirũnu tujabetijama, to bajirone bajiruarãja mua.

²⁰ Jerusalén macajure surara ña gãnibiasere mua ñajama, “Jerusalén maca ti jedirotirũmu cõñaro bajiaja”, yimasiruarãja mua. ²¹⁻²² Jerusalén maca jedirotire Dios oca masa ña ucamasire ti gotirotore bajiro bajiruarõja. Rojose tãmuõariarũmũri ñaruarõja. To bajiroti ti ñajare, Jerusalén maca tuana, Judea sitana, Jerusalén macaju rudibeticõato ña. Gũtayucũjuaju guaro rudicoajaro ña. Jerusalén macana quëne, guaro rudicoajaro ña. ²³ To bajiro bajirirũmure buto rojose tãmuõuarãma masa, ï bojasere ña yibetire Dios ï ñajũnisinjare. Rõmia macu sãñarã, ùjurã cõarã quëne, rojose tãmuõuarãma ña, ùmatĩmabetica yirã. ²⁴ Sigũirire jasjaruarãma jud’io masa me ñarã. Gãjerãre, sãacomenarã ñare ñejebatecõaruarãma, gajerojũju. To yicõari, ña ye sita cuõruarãma jud’io masa me ñarã, “To cõrone rotitũjaruarãma” Dios ï yitõõariarũmu ti ejaroto rjoro.

“Dios ï roticõacacu tudiejarucũja yu”, Jesús ï yire queti (Mt 24.29-35, 42-44; Mr 13.24-37)

²⁵ Jud’io masa me ñarã ña rotirirodo jedirijau, muiju ãmuagu, to yicõari, ñamiagu quëne, ñocõa quëne, buto güiose bajĩõruarãma. Tire ñagũiruarãma adi macarucuroana ñajediro. Moa riaga buto jacase saberuarõja. To bajiro ti busisere ajigüicõari, no yimasibetiruarãma ña. ²⁶ Õ vecayere narũobatorucumi Dios. To bajiro ti bajiro ñacõari, “Adi macarucuro jediato yaja” yitõõacõari, buto güiruarãma ña. Sigũari ñamecu vanane, rijavëjaruarãma ña. ²⁷ To bajicõari, yu masise rãca, buto bususe rãca, oco bueri vatoajũ adi macarucurojare Dios ï roticõacacu yu rujiadire ñaruarãma ña. ²⁸ To bajiri, adi güiose ti bajisõõore ñacõari, tũõiatutuarãja mua. Tũõiatutuacõari, ñamõõuarãja mua, “Yucacane rojose tãmuõõtujabetiriarõju mani vaborotire manire yirëtobõsaguagu yigũmi Dios” yimasirã ñari —ñare yigotiyuju Jesús, ï buerãre.

²⁹ To yigajanocõari, gotimasiore queti gotiyuju quëna:

—Yucáre tuoiaña mua. ³⁰ Yucú gajecu bucuamujacđari, jü mameaja. Tire íacđari, “Mojoroaca ruyaja cüma ti ejaroti”, yimasiaja mani, jud’io masa. ³¹ Tire bajiro muare yu gotise ti bajisere íacđari, “Mojoroaca ruyaja Diore rotibosagu, Jesús í vadiroti”, yimasiruarāja mua.

³² Riojo muare gotiaja yu. Adirodo ñarā mua bajireajediroto rjoro, muare yu gotirote bajirone bajiraroja ti.^t ³³ Adi macarucuro ñaro cđrone, to yicđari, ó vecaye quēne jedicoararoja. To bajiboarine, yu ocama, jedibeti muorügöcđaruaroja.

³⁴ To bajiri yu vadirotire masiritibesá. Idire mecúose idimecúcđari, yure mua masiritijama, quēnabetoja. To bajicđari, gajeyēni mua cuose, to yicđari, gajeye mua cuorna tuoiasere buto tuoiarā ñari, yure mua masiritijama, quēnabetoja. ³⁵ “To cđrone ejarucami” jājarā masa ina yimasibetirímarone, tudiejarucuja yu. To yu bajijare, masa ñajediro yure rudimasibetiruarāma ina. ³⁶ To bajiro bajiro ti ñajare, roori ñaruarāja mua. To bajicđari, ado bajiro Diore sēnirüguruarāja mua: “ ‘Dios í roticđacacu í tudivadiroto rjoro, rojose tãmuoroti ti ñabojajuquēne, ire ajitirūnu tujabeticđari, ó vecaju í rjorojua bojonemenane ejato’ yigu, yuare ejarēmoña”, ire yisēnirüguruarāja mua —ñare yigotiyuju Jesús.

³⁷ Tocārācarūmarine Diore yirūcubūoriaviju masare gotimasiōrügūñuju Jesús. Ñamirema ñare vaveocđari, Olivo vāme cuti buroju cānirügūñuju. ³⁸ Quēna busuriju jājarā masa ire ajirā sājārügūñujarā ina, Diore yirūcubūoriaviju.

22

*“¿No bajiro yicđari, Jesúre ñiarāti mani, ire sīaruarā?”, ña yire
(Mt 26.1-5, 14-16; Mr 14.1-2, 10-11; Jn 11.45-53)*

¹ Pascua boserūmu pan ūmato vauvase vūoyamani basūoriarūmu cđñañuju. ² To bajicđari, paia ujarā, Dios í rotimasire gotimasiōrimasa quēne, Jesúre sīaruarā, masare güirā ñari, “¿No bajiro yicđari, ire ñiarāti mani?”, gāmerā yīñagōñañujarā ina.

³ To ina yituoiañatoyene, Judas Iscariote vāme cutigu rāca ñarā ñajediro Jesús buerimasa, juaāmo cđro, gubo jua jēnituariarācu ñañujarā. To bajiboagure, í usujare sājacoasuju vātia uju, Satanás vāme cutigu. ⁴ To bajiri, í usuju vātia uju í sājare, í suorine rojose tuoicđari, paia ujarā, Diore yirūcubūoriavi coderā ina ñarøjure vacoasuju Judas. Ina tujū ejaicđari, Jesúre í ísirocarotire gāmerā ñagōñañujarā ina. ⁵ Jesúre í ísirocaruasere ajivariquēnacđari,

—Gājoa mure ísiuararāja yua —ire yiyujarā. ⁶ To ina yisere ajivariquēnacđari, tudicoasuju Judas. Jesús tujure ejaicđari, “¿Dirīmaro ūnone Jesúre ñare yu ísjama, josari mene ire ñiamasirojari ina?”, yituoiañuju í.

Jesús í batúsare queti

(Mt 26.17-29; Mr 14.12-25; Jn 13.21-30; 1 Co 11.23-26)

⁷ Pascua boserūmu pan ūmato vauvase vūoyamani basūoriarūmu, to yicđari, oveja macare ina sīariarūmu ejayuju ti. ⁸ To bajiri Pedrose, Juanre ado bajiro ñare yicđañuju Jesús:

—Adi ñami bare mani barotire quēnoyurā vasa mua —ñare yicđañuju.

⁹ To bajiro í yisere ajicđari,

—¿Noju bare quēnoyurāti yua? —ire yisēñañujarā ina.

¹⁰⁻¹¹ To bajiro ina yisēñarone, ado bajirone ñare cđdiyuju Jesús:

—Yure quēnaro ajija mua. Macaju muare yu gotigu tare vasa mua. To mua ejarone, sīgū, oco vagu muare bocarucami. Ire sūyaja mua. To bajicđari, vi í sājare, ti vi ujure ado bajiro ire yiba: “ ‘¿Noju ñati Pascua boserūmu adi ñami yu buerimasare yu ūmato barotijau?’ mure yicđami gotimasiōrimasa”, yiba mua. ¹² To mua yirone, muare íorucami, vecajua sđa, jairisđa, quēnogajanoriasđare. Tone mani baroti quēnoyuba mua —ñare yiyuju Jesús, ñare varotigu.

¹³ To í yijare, vacoasujarā ina juarā yuja. To eja, í yiriarore bajirone bajiyuju ti. To bajiri tisđaju ina barotire quēnoyuyujarā ina.

¹⁴ To bajiri Pascua boserūmuaye bare bariaju ti ejaro, í buerimasa juaāmo cđro, gubo jua jēnituariarācu ñarā ejaicđari, barujiyujarā ina, í rāca. ¹⁵ To bajiñarāne, ñare ūmato baguagane, ado bajiro ñare gotiyuju Jesús:

—Rojose yu tãmuoroto rjoro, mua rāca Pascua boserūmu bare buto barua tuoicajaju yu. ¹⁶ Dios í roticđacacu ñari, muare yu ūmato baro bero, quēna tudibabetirucuja. To bajiboarine, adi macarucuroju yu tudivado beroju yure roticđacacu í ñarøjure tudi mua rāca quēnaro bavariquēnarucuja yu, rojose tãmuoboriarāre yu yirētobosarā rāca —í buerimasare ñare yiyuju Jesús.

¹⁷ To yigajano, idiriabaja āmicđari,

—Quēnaro yaja mu —Diore yiyuju.

^t 21:32 Griego masa ye rāca “esta raza” yiroma, judío mesare yiro yaja. To bajicđari, “esta generación” ti yijama, adirodo ñarāre yiro yaja.

To yicōari, tibaja ĩnare ĩsigāne, ado bajiro yiyuju ĩ:

—Maa jediro adire idiya. ¹⁸ Riojo muare gotiaja yu. “Rotimuoarāgōrucuja mu” yigu, Dios yure ĩ cūroto r̄joro, uye oco idibetirucuja yu —ĩnare yiyuju.

¹⁹ To yigajanocōari, pan āmicōari, “Quēnaja”, Diore yiyuju Jesús. To yigajano, tire matocōari, ĩ buerimasare ĩsibatogune, ado bajiro ĩnare gotiyuju ĩ:

—Ti űaja yu ruju rii. Muare rijabosarucuja yu. Yu rijato bero, muare yu rijabosare tuoĭacōari, yure rūcubuoarā, ado bajirone rējacōari, barūgūruarāja —ĩnare yigotiyuju ĩ.

²⁰ To yicōari, bare ĩna baro bero, uye oco sānaribajare āmicōari, ado bajiro ĩnare gotiyuju Jesús quēna:

—Adi űaja tirāmuaana, “Rojose mani yirere masirioato” yirā, Diore rūcubuoariaju joere ĩna yuejeoriarore bajiro bajise. Yucarema, yu ri’i űaja. Ti suorine, “Gajerodori ado bajiro masare quēnaro yirucuja yu” Dios ĩ yigotimasiriarore bajiro bajiruaroja yuja. Yu rijato bero, muare yu rijabosare tuoĭacōari, yure rūcubuoarā, ado bajirone rējacōari, idirūgūruarāja —ĩnare yiyuju Jesús.

²¹⁻²² To yigajano, ado bajiro ĩnare gotiyuju quēna:

—Dios ĩ tuoĭariorore bajiro rojose tāmuoarucuja yu, Dios ĩ roticōacacu. To bajiro bajirocu yu űajare, sigū mua rācagu, yu rāca bagu, yure ĩaterāre yure ĩsirocarucumi. Yure ĩ gotiyirose suorine rojose tāmuoarucuja yu. “Masare yirētobosarucumi” Dios ĩ yimasire űajare, tīrotire yigu bajirucuja yuma. To bajiboarine, yure gotiyirogūjuama, rojose tāmuoarucumi —ĩnare yigotiyuju Jesús, ĩ buerimasare.

²³ To bajiro ĩ yisere ajicōari,

—ĭűimujua űati, ĩre ĩsirocarocuma? —ĩna masune gāmerā yisēniāñujarā ĩna.

“ĭűimujua űagūti űamasugūma?”, Jesús buerimasa ĩna gāmerā yire queti

²⁴ To bajiro gāmerā yigajanocōari,

—ĭűimujua űagūti űamasugūma? —gāmerā yi oca josayujarā ĩna. ²⁵ To bajiro ĩna yijare, ado bajiro ĩnare gotiyuju Jesús:

—Ujarā, Dios yarā me űarā, ĩna yarāre buto tutuaro rotirāma ĩna. To bajiro yirā ĩna űaboajaquēne, “Masare quēnaro yirā űaama”, yīarūcubuoere űaja. ²⁶ Muama, yu yarā űari, ĩnare bajiro bajibetiruarāja. Yure ajitirūnugū, űamasugū űarucumi, gājerā bedire bajiro bajituoĭagū. To bajiro yu yijama, “Gājerā ĩna bojasere masicōari, quēnaro ĩnare yirūcubuoogu űarucumi” yigu yaja yu. ²⁷ ĭűijua rētoro űamasugū űarojari, rotigujua, rotiecogujua? Moarotigu űagūmi űamasugūma. To bajiro ti bajiboajaquēne, yujua, mua uju űaboarine mua bojasere masicōari, quēnaro muare yigu űaja yu.

²⁸ Rojose tāmuoadicaju yu. To bajiro bajigu yu űaboajaquēne, yure ajitirūnucōa űaja mua. ²⁹⁻³⁰ To bajiro bajirā mua űajare, ado bajiro quēnaro muare yirucuja yu: “Rotimuoarāgōrucuja mu” yigu, yu jacu yure ĩ cūroju, “Rotiruarāja mua quēne” yigu, muare cūrucuja yu quēne. To cōrone juaāmo cōro, cojo gubo jua jēnituaro űariaserire rujiruarāja mua. To yicōari, mani yarā, jud’io masa, juaāmo cōro, cojo gubo jua jēnituarirācu űarā masatubuarire rotiruarāja mua. Yure ajitirūnūrāre, to yicōari, yure ajitirūnūmenare ĩacōiamasiruarāja. To yicōari, yu rāca bare ba, idi yīiűarūgūruarāja mua —ĩnare yiyuju Jesús.

“Jesúre masibeaja yu’ yirucuja mu”, Pedrorre Jesús ĩ yire queti
(Mt 26.31-35; Mr 14.27-31; Jn 13.36-38)

³¹ To yigajanocōari, ĩ buegare Pedrorre ado bajiro gotiyuju Jesús:

—Quēnaro yure ajiya mua. Vātia uju, “ĭJesúre ajitirūnūrā masu űati ĩna?” yīaru, rojose ĩnare cōaruaja yu”, Diore yisēniāñuju ĩ, muare. To bajiro ĩ yijama, “Rojose ĩnare yu cōajama, Jesúre ajitirūnu tujacoanama ĩna” yigu, yiyuju ĩ, tire. ³² To bajiro Diore ĩ yiboajaquēne, Diore mure sēnibosabu yu, “Yure ajitirūnūbetiboarine, quēna yure mure ajitirūnaato ĩ” yigu. To bajiri yue ajitirūnūbetiboarine, quēna yure mu ajitirūnuro bero, gājerā yu buerā űarāre ejarēmoma, quēnaro yure ĩna ajitirūnucōa űarūgūrotire yigu —Pedrorre ĩre yiyuju Jesús.

³³ To bajiro ĩre ĩ yisere ajicōari, ado bajiro Jesúre ĩre yiyuju Pedro:

—Mure ĩna tubibeboajaquēne, mure ĩna ĩsacōajaquēne, mu rāca űacōa űagū űari, sīaecomasiaja yu quēne —Jesúre ĩre yiyuju Pedro.

³⁴ To ĩ yisere ajicōari, ado bajiro ĩre cadiyuju Jesús:

—Riojo mure gotiaja yu. Busiyujua gājabocu ĩ űagōroto r̄joro idiaji, “Jesúre masibeaja; ĩ rācagu me űaja yu”, yirucuja mu —Pedrorre ĩre yiyuju ĩ.

³⁵ To yigajanocōari, ĩ buerimasare ado bajiro ĩnare sēniāñuju Jesús:

—ĭMua cuosere, mua barere, gajeye gubo sudire quēne tire muare juarotibeticōari, “juarāri, vacōari, yu ocare gotibosacudiaya” yigu, muare yu yirotsuocatirūmure űie muare godocucati? —ĩnare yisēniāñuju.

—Yure godo cuobeticaju —yicadiyujarā ĩna.

³⁶ To bajiro ña yicudisere ajicōari, ado bajiro ñare gotiyuju Jesús:

–Yucurema mua cuosere, mua barere, to yicōari, to yicōari, mua gājoare quēne juaya. Jariase cuobecu, sudiro yoariase, i gūboju tusariasere ísicōari, jariasere vaja yia. ³⁷ Masa rojose yure ña yirotire quēnaro mua tuoíamasirotire yigu, to bajise muare yaja ya. Ado bajiro yure gotiyuju Dios oca masa ña ucamasire: “Rojorāre ñare ña yirore bajiro ñe yiruārāma, rojose i tāmurotire yirā”, yure yigotiyuja ti. Diore gotirētobosarimasa, “Ado bajiro bajiruaroja” ña yucamasire ñajare, to bajiro yure yiruārāma. Ñajediro ña ucamasire bajirone bajijeocōaruaroja yure –ñare yiyuju Jesús.

³⁸ To bajiro ñare i yisere ajimasibeticōari, ado bajiro ñe yiyujarā ña, i buerā:

–Yua uju, ñaña ma. Adone juajāi, jariase cuoaja yua –yiyujarā ña.

To bajiro ña yijare,

–To bajiro masu yimenaja mani –ñare yicudiyuju Jesús yuja.

Getseman'i vāme cutojū veseju, Jesús i jacure i sēnigā vare

(Mt 26.36-46; Mr 14.32-42)

³⁹ To yigajanocōari, Jerusalén vāme cuti macaju ñar'i, Olivo vāme cuti buroju i buerimasare i ūmato varūgūriarore bajirone ñare ūmato vasuju Jesús. ⁴⁰ Toju ejacōari, ado bajiro ñare gotiyuju Jesús:

–Vātia uju Satanás i yirotisere yicōari, “Dios i bojabetire yirobe” yirā, Diore sēniña –ñare yiyuju Jesús.

⁴¹⁻⁴² To bajiro ñare yicōa, i sīgāne to sojubusa vasuju i. Íacōarine ñagū, gūsomuniari tuetucōari, ado bajiro Diore sēniñuju i:

–Cacu, yure ña sīaroti matamasīaja ma. To bajiboarine, mu bojarore bajirone bajiato –Diore yiyuju.

⁴³ To bajiro ñe yigajanorone, ángel Diore moabosagu ruyuyuju i. Ruyucōari, “Dios i bojarore bajiro yicōa ñato” yigu, Jesúre ejarēmoñuju i. ⁴⁴ To i yiro bero, rojose i tāmurotire tuoía sutiritigu ñari, butobusa Dios i ejarēmorotire sēnitujabesuju Jesús. To bajiro bajiñagū rīne, buto ri i rāca vusase usaca budicōari, “tapi, tapi, tapi” yivējareacūñuju ti, sita joejere.

⁴⁵ Diore sēnigajano, vāmurūgūcōari, i buerā tu tudiejayuju. I gotirere buto tuoíasutiriticodeboa, cānicuasujarā. ⁴⁶ Ña tu ejacōari,

–Cānibesa mua. Vāmurūgūcōari, Diore sēniña, “Vātia uju Satanás i yirotisere yicōari, Dios i bojabetire yirobe” yirā –ñare yiyuju Jesús.

Jesúre ña ñiare queti

(Mt 26.47-56; Mr 14.43-50; Jn 18.2-11)

⁴⁷ To bajiro Jesús ñare i gotiñaririmarone, jājarā masa vayujarā ña. Ñare ūmato vagn, Judas Iscariote vāme cutigu, Jesús buerimasu ñar'ine ñañuju i. To bajivadi, Jesús rījorojna ejacōari, socne ñe buto ñamaigūre bajiro ñe usuguagu yiyuju. ⁴⁸ To i yirone, ado bajiro ñe gotiyuju Jesús:

–Judas, ¿Dios i roticōacacure yure sīaronare, “To bajiro usugotigusa”, yituoíaboati mu? –Ñe yiyuju Jesús.

⁴⁹ To bajiro i yirone, Jesúre ña ñiaruaro íamasicōari,

–Yua uju, ¿jariase rāca ñare jasurereacōarāti yua? –yisēniñañujarā ña, i buerā.

⁵⁰ To yisēniñarāne, sīgū i buegu, i jariase yoveaāmicōari, paia uju ñamasugūre moabosarimasure gāmoro jatarocacōañuju. ⁵¹ To i yisere íacōari, ado bajiro ñe yiyuju Jesús:

–Yibesa mua –ñare yiyuju Jesús, i buerāre.

To yicōari, gāmoro jataroca ecoguyare i gāmorore āmitucōari, ñariarore bajirone yiquēnocōañuju Jesús. ⁵² To yicōari, ñe ñiaruārāre, paia ujarāre, Diore yirācuboriavi coderimasare, to yicōari, bucūrāre quēne, ado bajiro ñare yiyuju Jesús:

–¿No yirā gajeyeūni juarudirimasare ñiarāre bajiro jariaseri rāca, yucú rāca yure ñiarā vadiati mua? ⁵³ Tocārācarāmūrine Diore yirācuboriaviyu mua ñaro gotimasiortūgūmu ya. To bajiboarine yure ñabetirūgūmu mua maji. Yucurema Dios i tuoíacatore bajirone bajiruaroja. To bajiri, Satanás suorine rojose mua bojarore bajiro yimasiruarāja mua yuja –ñare yiyuju Jesús.

“Jesúre masibeaja yu”, Pedro i yire queti

(Mt 26.57-58, 69-75; Mr 14.53-54, 66-72; Jn 18.12-18, 25-27)

⁵⁴ To bajiro i yirone, Jesúre ñiacōari, paia uju ñamasugū tuju ñe āmasujarā. Toju ejacōari, sājastujarā ña. Ñe ña āmivato, sōju yayiīasuyayuju Pedro. ⁵⁵ To bajiri Jesúre āmivariarā sīgāri toju ejacōari, macajú tūcuro gudarecoju tujayujarā. Tone jea riocōari, rujiyujarā ña, jea sūmañarā. To ña bajiñarone, ejacōari, ña rāca rujiyuju Pedro quēne, jea sūmagū.

⁵⁶ Jeame tu rujiyu ñari, quēnaro ruyuyuju i. To bajiro i bajijare, sīgō paia uju ñamasugūre moabosarimaso, jeame tu i rujiro ñe íamasicōari,

—Jesúrācagune űaami —Pedrore yiyuju so.

⁵⁷ To bajiro so yisere ajicōari, ado bajiro sore yiyuju Pedro:

—Īre masibeaja yu —sore yiyuju.

⁵⁸ To ĩ yiro beroaca, ĩre ĩacōari,

—ĶJesúrācagu űabetiboati mu? —Īre yiyuju gāji.

To bajiro ĩ yisere ajicōari,

—Ī me űaja yu —yiyuju ĩűama.

⁵⁹ Cojo hora bero, gāji, Pedro ĩ űagōsere ajicōari, ĩ babarāre ado bajiro yiyuju:

—Jesúrācagune űaami, Galilea sitagu űari —yiyuju ĩ.

⁶⁰ To bajiro ĩre ĩ yisere ajicōari, ado bajiro yiyuju Pedro:

—“Riojo yaja mu”, muere yimasibeaja yu. Jesúre masibeaja —Īre yiyuju Pedro.

To bajiro ĩ yiriűmarone, gājabocu űagōcōaűuju yuja. ⁶¹ Ī űagōrone, Jesús, ĵadarūgūcōari, Pedrore ĩaűuju ĩ. Ī ĵadarūgū ĩarone, Jesús ĩre ĩ gotirere masibūjayuju Pedro yuja, “Gājabocu ĩ űagōroto rĭjoro, idiaji, ‘Jesúre ajisuyagu me űaja yu’ yirucuja mu” Jesús ĩ yirere. ⁶² Tire masibūjācōari, vacoasuju. Vacōari, buto otiyuju.

Jesúre ĩna ajatud'ire queti

(Mt 26.67-68; Mr 14.65)

⁶³ To bajiri, Jesúre ĩacoderimasa, ĩre jacōari, ajatud'iyujarā ĩna. ⁶⁴ Ī cajere siabibecōari, ĩre jayujarā. To yicōari,

—“ Ī, muere jaami' yuere yigotiami Dios”, yuare yiya mu —Jesúre ĩre yisēniĩa tud'iyujarā ĩna.

⁶⁵ To yicōari, cojo vāme me ĩre yiajatud'iyujarā ĩna.

Jud'io masa űjarā űamasurā, “ĶDios macune űati mu?”, Jesúre ĩna yisēniĩare queti

(Mt 26.59-66; Mr 14.55-64; Jn 18.19-24)

⁶⁶⁻⁶⁷ Busuro bero, paia űjarā quēne, to yicōari, Dios ĩ rotimasire gotimasiorimasa quēne, Jesús ture rējaűujarā ĩna. Rējacōari, ĩre āmiasujarā ĩna, űjarā űamasurā tujare. Toju ejacōari, ado bajiro Jesúre yiyujarā ĩna:

—“Rotimūorūgōrucūmi” yigu, Dios ĩ cōagū mu űajama, yuare gotiya —Jesúre ĩre yiyujarā ĩna.

To bajiro ĩre ĩna yisere ajicōari, ado bajiro cudiyuju Jesús:

—“Īne űaja yu” yu yijama, yuere ajirūamenaja mu. ⁶⁸ Yūjua, yu sēniĩajama, yuere cudimenaja mu —ĩnare yiyuju Jesús. ⁶⁹ To yigajanocōari, ado bajiro ĩnare gotiyuju quēna:

—Yu bajiro tire masibeticōari, to bajiro yuere yaja mu. Dios ĩ roticōacacu űari, yoaro mene ĩ riojojacatua rujicōari muere yu besero ĩaruarāja mu —yiyuju Jesús.

⁷⁰ To bajiro ĩ yisere ajicōari,

—Ķ“Dios macune űaja yu” yigu yati mu? —Īre yisēniĩaűujarā ĩna jediro.

To bajiro ĩna yisere ajicōari,

—To bajirone bajiaja. Īne űaja yu —ĩnare yicudiyuju ĩ yuja.

⁷¹ To bajiro ĩ yisere ajicōari, ado bajiro gāmerā űagōűujarā ĩna:

—“Dios ĩ cōacacu, ĩ macu űaja yu” ĩ yise suorine Diore rojose yigu yami. No yirā gājerāre, “Rojose yigu űaami” yironare macarēmomenaja mani yuja —gāmerā yiyujarā ĩna.

23

Pilato taju Jesúre ĩna āmiejare queti

(Mt 27.1-2, 11-14; Mr 15.1-5; Jn 18.28-38)

¹⁻² To yigajanocōari, Jesúre ĩre āmiasujarā ĩna jediro, Pilato vāme catigu ya viju vana. Ī taju ĩre āmiejacōari, ado bajiro Jesúre gotiyiroyujarā ĩna:

—Ānire bujabu yua. Ado bajiro yimi: “Īju Cēsare gājoa muere ĩ vaja yiroisere mu vaja yijama, quēnabeaja. To yicōari, ‘Rotimūorūgōrucūmi’ yigu, Dios ĩ cōagū űaja yu”, yimi —Jesúre ĩre yigotiyiroyujarā ĩna.

³ To bajiro ĩna yise űajare, ado bajiro Jesúre sēniĩaűuju Pilato:

—ĶMune űati jud'io masa űju? —Īre yiyuju Pilato.

To bajiro ĩ yisere ajicōari, ado bajiro ĩre cudiyuju Jesús:

—To bajirone bajiaja —Īre yiyuju Jesús.

⁴ To ĩ yirone, paia űjarāre, to yicōari, jājarā masa to űarāre quēne ado bajiro ĩnare yiyuju Pilato:

—Yu ĩajama, űie rojose yigu me űaami —ĩnare yiboayuju Pilato.

⁵ To bajiro ĩ yiboajaquēne, buto avasāűujarā ĩna:

—Galilea sitajure gotimasiosuoyumi. Bero, Judea sitana űajedirore gotibatomavisioni —Īre yiyujarā ĩna.

Herodes taju Jesúre ĩna āmiejare queti

6-7 To bajiro İna yisere ajicōari, ado bajiro İnare sēniġaġuju Pilato:

—ĶĀni, Jesŭs Galileagu ġati? —İnare yisēniġaġuju İ.

To İ yirone,

—Toagune ġaami —yicudiyujarā İna.

To bajiro İna yijare,

—Uġu Herodes ya sitagu İ ġajare, Herodeġua İre İacōġato —İnare yiyuju Pilato.

Tirġmġrre Jerusalēġune ġaġuju Herodes quēne, Pilato İ ġarimacane. To bajiri tire masicōari, Herodes tuġu Jesŭre cōaġuju Pilato. ⁸ To bajiri, Jesŭs İ ejaro, İre İacōari, buto variquēnaġuju Herodes, buto İre İaruarġġr'i ġari. Yoaro İre İaruaboayuju. Jesŭs İ yirere ajirġġr'i ġari, İ İaro rġroġua quēne, İaġaġamani Jesŭs İ yġosere buto İaruayuju İ. ⁹ To bajiro yigu ġari, yoaro Jesŭre sēniġaġuju İ. To bajiro İ yiboajaquēne, İre cudibesuju Jesŭs. ¹⁰ Paia uġarā, Dios İ rotimasire gotimasiorimasa buto rojose avasāgotiyiro ġaġujarā İna. ¹¹ To bajiri, Jesŭs İ cudibeti İaboana, İre ajatud'iyujarā Herodes, İ surara quēne. To yigajanocōari, quēnariase sudiro Jesŭre sācōari, İre tuocōaġujarā, Pilato tuġare quēna. ¹² Tirġmġne Herodes, Pilato rāca gāmerā oca quēnoġujarā İna, gāmerā İateboariarā.

“Jesŭre sġaroti ġaja”, İna yire queti

(Mt 27.15-26; Mr 15.6-15; Jn 18.39-19.16)

¹³ İ tuġu Jesŭre İ tuocōajare, paia uġarāre, masa uġarāre to yicōari, masa to ġarāre quēne jirēoġuju Pilato. ¹⁴ İna ejaro, ado bajiro yiyuju İ:

—“Uġu Cēsar İ rotisere cudibesa mua' yigotimavisioami” yirā, jēu ānire yu tuġu āmiejabu mua. To bajiro mua yise ġajare, mua ajiro İre quēnaro sēniġaboabu yu. Yu İajama, ġie rojose yibecu ġaami. ¹⁵ Herodes quēne, “ġie rojose yibecu ġaami” yigu ġari, yu tuġu İre tuocōaġumi. “ġie rojose İ yiro cōro İre sġaġa manoja”, yaja yu. ¹⁶ To bajiri İre bajegajanocōari, bucōaruarāma yu surara —İnare yigotiboayuju Pilato, to rējararāre.

¹⁷ Tocārāca cāma Pascua boserāmu jud'io masa İna quēnoġama, sġgā, tubibe ecor'ire İna burotigure İnare bubosarġġġuju Pilato.

¹⁸ To bajiri, “Jesŭre İre bucōarucaja yu” İ yisere ajicōari, ado bajiro Pilatore avasājedicōaġujarā masa:

—İBajibeticōato! İBarrabāġuare bucōari, Jesŭġuare sġarotiya mu! —yivasā jedicōaġujarā İna.

¹⁹ Barrabās vāme cutigu, “Gobierno İ rotiboasere cudibeticōari, mani masu rotirāsa” yituoġcōari, İ barbarā rāca masare sġar'i ġaġuju. To bajiro İ yire vaja tubiberiavġu ġaġuju İ.

²⁰ To İna yiro bero, quēna ado bajiro gāme tudisēniġaġuju Pilato. To bajiro İna yivasā ġaboajaquēne, Jesŭre bucōaru, quēna İ budġrotire sēniġaboayuju Pilato. ²¹ To bajiro İ yirone,

—İYucātēroġu İre İaju sġaroticōaġa mu! İre İajutuya! —İre yivasā cudiyujarā İna.

²² To bajiro İna yirone, jēre ġaġi İnare İ gotiboasere gotiboayuju İ quēna:

—ĶĀie rojose İ yire suori İre sġarotiguti yu? İre quēnaro sēniġamu yu. Yu İajama, ġie rojose yibecu ġaami. To bajiri, İre bajegajanocōari, bucōaruarāma yu surara —İnare yigotiboayuju Pilato quēna.

²³ To İ yiboajaquēne, İna yiriarore bajiro, İre avasātujabesujarā İna, Jesŭre sġaruarā. To bajiro İna yivasācōa ġajare, İna rotirore bajiro cudigu, Barrabāġuare İre bucōaġuju. ²⁴⁻²⁵ To yicōari, Jesŭġuarema İ yarā surarare İsiġuju, “Yucātēroġu İre İajusġato İna” yigu.

Yucātēroġu Jesŭre İna İajusġare queti

(Mt 27.32-44; Mr 15.21-32; Jn 19.17-27)

²⁶ To bajiri Jesŭre āmicoasujarā İna, İre sġarā vana. İre āmivanane, sġgā Cirene vāme cuti sitagu, Simón vāme cutigure bocayujarā. İre bocacōari,

—Jesŭs İ gaja vatġġāire İre ġajabosaya —İre yġ vasujarā İna.

²⁷ İġarā masa Jesŭre sšyayujarā İna. Rōmia quēne, İre sšyacōari, otiyujarā İna. ²⁸ To bajiro İna otisere ajicōari, İudarġġġuju Jesŭs. İdarġġcōari, ado bajiro İnare gotiyuju İ:

—Mua Jerusalēn macana rōmiri, yure otibesa. Mua bajġrotire, to yicōari, mua rġa İna bajġrotire tuoġcōari, otiya. ²⁹ No boġarġāmu ejaruaroġa buto rojose mua tāmġrotirāmu. Tirġmġre ado bajise tuoġaruarāġa mua: “Rġa mana rōmiri rojose tāmġorā ġaboarine, buto sutiritibetiruarāma, ‘Bucurā rġne bajġrearuarāġa yu’ yituoġarā ġari”. ³⁰ To bajiri, “Josari rojose tāmġorobe; rojose mani yise vaja rojose manire cōarucami Dios” yirā, guaro bajġreadarotire yirā, “ġātayucari yuare tājoreadaya”, yituoġaruarāma. ³¹ Yu yirore bajġrone bajġruarāġa mua. Ado bajiro yu gotisere ajituoġaġa mua: “ġie rojose yibecu ġaami” yure yirā

^u 23:30 “Rojose İna yise suorine rojose İna tāmġorotire tuoġamecurā, ġātayucari, burori, yuare tooya”, yġruarāma' yaja Ap 6.16-17. To bajġboarine Lc 23.30 ġaje vāme yġruaro yaja”, yiyujarā Dios ocare buerētoburimasa sġgāri.

ñaboarine, yure rojose yama ña. To bajiri, “Rojorã ñaama” mware yĩarã ñari, rētoabusaro mware rojose yĩrũarãma ña – ñnare yigotiyuju Jesús, ñre otisũyarãre.

³² To bajiri gãjerã jũarã rojose yĩriarãre jua vasujarã, Jesũrãca, ñnare sũaruarã. ³³ Ñnare jua va, Rũjoco Buro vãme cuti buroju majaejayujarã. Toju Jesũre, to yĩcõari, rojorãre quẽne, yucãtẽrorĩju jajutuyujarã ña. Sĩgũre Jesús riojocatũare, gãjirema ñ gãjocatũajuare jajutuyayujarã. ³⁴ Jesús ñre ña jajuturo bero, ado bajiro Diore sẽnĩũju ñ:

–Cacu, yure sũarãre rojose ña yisere masĩrioya mu. “Rojose yĩrã yĩrãja yua” yimasime-nane yama ña.

To bajiro ñ yiro bero, Jesús ye sudire bojarã, ado bajiro yiyujarã surara: “Ñĩmũjua ñ sudire ñ ujarõ ñarãsa mani” yĩrã, gũtarine reacũia ajeñañujarã. To yĩajecõari, ñ sudire gãmerã ñsibatoyujarã ña. ³⁵ Tire ñacõari, Jesũre ajatud'yujarã masa. ña ujarã quẽne, ado bajiro Jesũre ajatud'yujarã ña:

–Gãjerãre rijaye cutĩrãre catiorũgũmi. To bajiri, “Rotĩmuorũgõrũcũmi” yĩgu, Dios ñ cõagũ ñ ñajama, ñ masune rujiadimasiato –yĩajatud'yujarã ña.

³⁶⁻³⁷ Surara quẽne ñre ajatud'yujarã ña. Ñ tũju ejaõõari, uye oco jiasere Jesũre idiroitiboayujarã. ñre idiroitĩrãne, ado bajiro ñre ajatud'yujarã ña:

–Mu jud'io masa uju mu ñajama, mu masune rujiaya –ñre yĩajatud'yujarã ña.

³⁸ Jesús ñ jaju ecoritẽrojure ñ rũjoa vecare griego masa oca, romano masa oca, jud'io masa oca ña ucaturia jũro tuyayuju. Ado bajise yĩrijũro ñañuju ti: “Ñni ñaami jud'io masa uju”, yĩucare ñañuju.

³⁹ To bajicõari, sĩgũ rojogu Jesũrãca yucãtẽroju jaju ecor'ĩ ado bajiro ñre tud'yuju ñ quẽne, Jesũre:

–¿“Rotĩmuorũgõrũcũmi” yĩgu, Dios ñ cõagũ me ñatĩque mu? Ñ mu ñajama, rujiacõari, yũare yĩrẽtobosaya –ñre yĩtud'yuju ñ quẽne.

⁴⁰ To bajiro ñ yisere ajicõari, gãjĩjuama, ado bajiro ñre boca yiyuju ñ:

–Rojose mani yire suorĩ manĩrema jajutuama ña. To bajiri, ¿Dios tũju ejaõõari, rojose mu yise vaja rojose mure ñ yĩrotire gũbeatĩque mũma? ⁴¹ Manima, mani masu ye suorĩne bajijaja. To bajiboarine, ñjuama, ñie rojose yĩbecũ ñaami –boca yiyuju.

⁴² To bajiro yĩgajanocõari, ado bajiro Jesũjuare gotiyuju ñ:

–Jesũs, “Rotĩmuorũgõrũcũmi” yĩgu, mure cõar'ĩ Dios ñ cũro bero, yure ñamaicõari, rojose yũ yise vaja rojose tãmuotũjabetĩriaroju yũ vaborotire yure yĩrẽtohosaba –Jesũre yigotiyuju ñ.

⁴³ To ñ yisere ajicõari,

–Yure quẽnaro ajijya mu. Adirãmune yure ajitĩrũnurã ña varĩquẽna tũjabetoju yũ rãca ñarũcujaja mu –ñre yĩcũdiyuju Jesús.

Jesũs ñ usutadĩre queti

(Mt 27.45-56; Mr 15.33-41; Jn 19.28-30)

⁴⁴⁻⁴⁵ Jesũre ña jaju sũariarãmune, ãmũrecaji ñarone, rẽtiañuju yuja. Idia hora cõro rẽtiañañuju. Idia hora rẽtiatũsatone, Diore yĩrũcũbuorĩavĩju sudĩgaseso yotoriario voru-jĩmedicoasuju ña. Tiase yotoriario, “ ‘Dios ñ ñarisõa’ vãme cuti sõare sãjamasĩbeama masa”, yĩmasĩriaro ñaboayuju. ⁴⁶ To ti bajirone,

–¿Cacu, yũ usure mu tũju cõaja yũ! –Diore yĩavasã, usutadicoasuju ñ yuja.

⁴⁷ To bajiro ñ bajijare, ado bajiro yiyuju surara uju:

–Riojone bajiboayuja. Ñie rojose yĩgu me ñamasĩboayumi ñni –yiyuju ñ.

⁴⁸⁻⁴⁹ Jãjarã masa ñañujarã, Jesũre ña sũarore ñarã vadĩriarã. Jesũre masĩrã quẽne, Galilea sitana rõmiri ñre sũyaboariarã quẽne, ñre ña sũasere sõju ñarũgõñujarã ña quẽne. Tire ñagajanocõari, buto sũtĩritĩrãne tudĩjmedicoasujarã ña.

Jesũre ña yujere queti

(Mt 27.57-61; Mr 15.42-47; Jn 19.38-42)

⁵⁰ Arimatea macagu, Josẽ vãme cutĩgu ñañuju. Jud'io masa ujarã rãcagu, masa ña ñarũcũbuogũ, quẽnaro yĩgu ñañuju ñ. To bajicõari, Diore quẽnaro ajĩrũcũbuogũ, ñ rotĩmasĩrere quẽnaro cudĩgu ñañuju. ⁵¹ Ujarã Jesũre ña sũaruasere bojabesuju ñjuama. “ ‘Rotĩmuorũgõrũcũmi’ yĩgu, Dios ñ cõar'ĩ ñaami”, Jesũre yĩtoũagũ ñañuju. ⁵² Jesús rujuarĩre ãmiru, Pilatore sẽnĩgũ vasuju ñ. ⁵³ ñre sẽnĩcõari, Jesús rujuarĩre ãmiru jiocõari, sudĩjãiri botĩrijãiri rãca ñre gũmañuju. To yĩgajanocõari, masa yujerĩavi gũtavi ña quẽnorĩavĩju ñ rujuarĩre cũñuju. Gãjerãre yujẽiaña manĩvi ñañuju ti vi. ⁵⁴ Tĩrãmũjuama jud'io masa ña usũsãjariarãmũ ñrõroagarãmũ rãĩrorĩrãmũ ñrõroaca ñañuju. V

V 23:54 “Usũsãjariarãmũre yĩrã, ña moatusariarãmũ rãĩoato bero ñasũoaja”, yĩrũgũñujarã judĩo masa. To bajiri, quẽnoveo jecõarũgũñujarã ña usũsãjarotĩrãmũ ejaroto ñrõro, tĩrãmũre “Moamenane usũsãjacõã ñarãsa” yĩrã ñari.

⁵⁵ Jesúrãcana rãmiri, Galilea sitana vadimasiriarã rãmiri Jesúre ìre yujeroanare Ìasuyayujarã Ìna. Ìnare suya, eja, Ìna yujerivire Ìacõari, Jesús rujarire Ìna cùrore Ìaflujarã Ìna. ⁵⁶ Ìagajanocõari, tudicoasujarã. Tudiejacõari, Ìna ñariviju sutiquenase re rijariarã rãca cùrere quenoñujarã Ìna. To yigajanocõari, ussãjariarũmu ti ejaro, Dios Ì rotimasiriarore bajiro ussãjaflujarã Ìna.

24

Jesús Ì tudicature queti

(Mt 28.1-10; Mr 16.1-8; Jn 20.1-10)

¹ Gaje semana Ìna moasuarũmu ti busumujado Jesús rujarire Ìna yujerivire Ìarã vasujarã rãmia, sutiquenase Ìna quenorere, “Tuto manì” yirà. ² Ejacõari, Ìna Ìajama, gũta tũnuobibeoaria mañuju. ³ To bajiri ti vi sãjacõari, Ìaboayujarã Ìna. Ì rujari mañuju. ⁴ To bajiro ti bajiro Ìacõari, “¿No bajiro bajiyujari ti?” Ìna yitõiarone, Ìna tũre Ìngel mesa juarã ruyuarũgũcõaflujarã Ìna. Bũto yaase sudi sãñarã ñaflujarã Ìna. ⁵ To bajiro Ìna bajirone, bũto gũirãne, gũsumuniari tuetucõari, mureacũcoasujarã Ìna. To Ìna bajirone, ado bajiro Ìnare gotiyujarã Ìna, Ìngel mesa:

—¿No yirà rijariarã yujeriaroju Jesúre macati mua? ⁶ Maami adorema. Jẽre caticoami. Mua rãca Galileaju ñagũ, ado bajiro mua Ì goticature tũoiaña mua: ⁷ “Dios Ì roticõacacu, rojorãre Ìsecorucuja yu. Yuare jajutu sãnarãma Ìna. To bajiboarine yure Ìna sãro bero, Ìdiarũmu tusatirũmũne quẽna tudicaticoarucuja yu”, mua yicami Jesús —Ìnare yigotiyujarã Ìna Ìngel mesa.

⁸⁻¹⁰ To bajiro Jesús Ìnare Ì gotirere tũoibujacõari, tudicoasujarã Ìna. Toju ñaflujarã Jesús buerimasa juãmo cõro, gũbo, coja jẽnituarirãcu ñarã, gãjerã Ì rãca ñarã quẽne ñaflujarã Ìna. To bajiri Ìna tũjere tudiejacoasujarã Ìna, rãmia. Ado bajiro vãme cutirã ñaflujarã Ìna: Mar'ia Magdalena vãme cutigo ñafluju so. Bero Juana, bero gajeo Mar'ia, Santiago jaco ñafluju so. To yicõari, gãjerã quẽne ñaflujarã Ìna. To bajiri Jesús buerimasa tũjere ejacõari, jediro Ìnare bajirere gotiyujarã Ìna. ¹¹ To bajiro Ìnare Ìna gotiboajaquẽne, Ìnare ajitirũnubesujarã Jesús buerimasa. “Mecurã yama Ìna”, yitũoiaflujarã Ìna.

¹² To bajiboarine, Pedrojuama, Ìna gotisere ajicõari, Ìmacoasuju Ì. Ìma vaejacõari, sojeju mubiar'ì, Ìasõñuju Ì. Jesúre Ìna gũmaboare rĩne ñafluju ti. Tire Ìacõari, “¿No bajiro bajicõari, bajiyujari ti?” yitũoiajegaũne, tudicoasuju Ì.

Emaús vãme cuti macaju vanare Jesús Ìnare Ì ruyuaĩore queti

(Mr 16.12-13)

¹³ Tirũmũne Jesúrãca ñariarã juarã vasujarã Ìna, Emaús vãme cuti macaju vana. Jerusalẽnju ñacõari, Emaús vãme cuti macajure varia mua, once kilõmetros ñafluju ti. ¹⁴ To vanane, Jesús Ì bajirocarere gãmerã queti gotivasujarã Ìna. ¹⁵ To bajiro Ìna yì vatone, Ìnare emũñuju Jesús. ¹⁶ Ìnare Ì emũboajaquẽne, “Jesúne ñaami”, yimasibesujarã, Dios, Ìre Ìna Ìamasiborotire Ìnare Ì masiriocõajare. ¹⁷ To bajiri Ì rãca vacõa ñaflujarã Ìna. To bajivacũne,

—¿Ñie Ìni quetire gãmerã gotiati mua? —Jesús Ìnare Ì yisẽniãarone, sutiritirãne, tujarũgũflujarã Ìna.

¹⁸ To bajicõari, sũgũ, Cleofas vãme cutigu ado bajiro Jesúre sẽniãafluju Ì:

—¿Mũma Jerusalẽnjure vacudigu ñaboarine, adirũmari bajiñasere masibeati mu? —Jesús Ìre yisẽniãafluju Ì.

¹⁹ To bajiro Ì yisere ajicõari, ado bajiro Ìre yiyuju Jesús:

—¿No bajiro bajise Ìnare yigu yati mu? —Ìnare yisẽniãafluju Ì.

To bajiro Ì yisere ajicõari, ado bajiro Jesús Ìre cudiyujarã Ìna:

—Jesús, Nazaret macajure Ìna yimasisere yaja yua. Ìma, Diore gotirẽtobosagu ñari, quẽnaro masare gotimasicõari, Ìaiañamanire yũogũ Ì ñajare, Dios, to yicõari mua jediro, “Quẽnagũ ñaami”, Ìna yũlagũ ñaboami. ²⁰ To bajiro yigu Ì ñaboajaquẽne, paia ujarã, manì ujarã rãca Ìre sãroticõamasifũma Ìna. Yucãtẽroju Ìre jajusãrotimasifũma. ²¹ “Ìma, Israel sitanare, quẽnaro yua ñarotire yiejarẽmorocu ñagũmì”, yitũoiamasiboabu yua. Ìre Ìna sãmasirirũmu rãca manì cõãjama, Ìdiarũmu tusatirũmu ñaja. ²²⁻²⁴ “Ì rujarire bujabeju yua”, yima. “To yua Ìaãarone, yuare ruyuaĩoma Ìngel mesa. Yuare ruyuaĩocõari, ‘Jẽre tudicaticoami Jesús’”, Ìnare yigotiyujarã Ìna. “To bajiro yima” Ìna yigotisere ajicõari, no yimasibetiboana, yua rãca ñarã, sũgũrã Ìarã vasuma Ìna. Toju vaejacõari, rãmia Ìna gotiriarore bajirone Jesús rujari ti manore Ìaflujarã Ìna quẽne —Jesús yigotiyujarã Ìna, Emaús vãme cuti macaju vana.

²⁵ To bajiro Ìna yisere ajicõari, ado bajiro Ìnare yiyuju Jesús:

—Tũoiamasimenare bajiro bajiaja mua. Diore gotirẽtobosarimasa ñamasiriarã “Rotimũorãgõrucami” yigu, Dios Ì cõarocu Ì bajiro Ìnare ucamasire ti ñaboajaquẽne, “Riojo

gotiriarāma”, yituoīabeaja mua maji. ²⁶ “Rotimuoṛogḡṛucami” yigu, Dios ī cōarocu, ī rotiroto rījoro, rojose tāmōgucami”, yuucamasifūma ina jediro –inare yiyuju Jesús.

²⁷ To yigajanocōari, “Rotimuoṛogḡṛucami” yigu, Dios ī cōarocu ī bajirotire Moisés ī ucamasirere, gājerā ñajediro Diore gotirētobosamasiriarā ina ucamasirere quēne Inare gotirētobuyuju ī.

²⁸ To bajiro Inare goti vacu rīne, ina vati macare ejacōari, ina tujaro ūnone Jesújuama, rētoarocure bajiro bajiyuju. ²⁹ To ī bajiboajaquēne, ire rētoarotibesujarā ina.

–Vabesa mu. Adone yua rāca tujaya. Rāioato bajiaja –ire yiyujarā.

To bajiro ire Ina yijare, ina ya viju Ina rāca sājasuju ī. ³⁰ Ina sājaejacōari bero, ina rāca baru-jigane, pan āmicōari, “Quēnaja”, Diore yigotiyuju Jesús. To yigajanocōari, panre matocōari, Inare īsibatoyuju ī. ³¹ To ī yirone, ire Ina īamasirotire cōaḡuju Dios. Ire Ina īamasirirīmarone, yayicōa tujasuju Jesús. ³² To ī bajirone, ado bajiro gāmerā yiyujarā ina:

–Manire ēmucōari, quēnaro ī gotirūtu vadisere ajivariquēnamu mani. To bajiri, “Jesúne ñaami”, yīamasiroti ñaboabu ti –gāmerā yiyujarā ina.

³³ To yīñarāne, Jerusalénju tudicoasujarā ina, Jesús buerimasa, juaāmo cōro, gubo coja jēnituarirācu ñarā, to yicōari gājerā Ina rācana quēne Ina ñaroju. ³⁴ To bajiri, ina tudiejaro īacōari, ado bajiro Inare gotiyujarā ina:

–Mani uju tudicaticoasumi. Pedroro ruyuaifūju ī –Inare yigotiyujarā ina.

³⁵ To bajiro Ina yigotigajanorone, Jesúrāca Ina vare quetire, to yicōari, panre matocōari, Inare ī isibatorone, ire Ina īamasirere Inare gotiyujarā ina, Emaús maca variarājua.

Ī buerā vatoajure Jesús ī ruyuaifore queti
(Mt 28.16-20; Mr 16.14-18; Jn 20.19-23)

³⁶ To bajiro Ina gotiñarone, Ina vatoaju ruyuarāgūñuju Jesús. Ruyuarāgūcōari,

–¿Nati mua? Quēnaro ñaña mua –Inare yiyuju ī.

³⁷ To bajiro ī yiejaro, ire īaucacōari, buto gūiyujarā ina. “¡Bajirocar'i vāti ñaami!”, yituoīagūiyujarā ina. ³⁸ To Ina yigūisere īacōari, ado bajiro Inare yiyuju Jesús:

–¿No yirā yure īaucati? ¿No bajiro yirā, “Jesús me ñaami”, yituoīati mua? ³⁹ Yune ñaja. Yu āmorire, yu guborire, Ina jajumasise godore īaīasaque mua. Yure moaīaña mua. Bajirocar'i vātima, gōa maami. Ri'i maami. Yuma ri'i cutijedicōaja yu. Īaña mua –Inare yiyuju Jesús.

⁴⁰ To bajiro Inare yigotigajanocōari, ī āmorire, ī guborire quēne Inare īofūju ī. ⁴¹ To bajiro Inare ī yiboajaquēne, “Īne ī ñajama, quēnamasucōaboroja”, ire yituoīacōa ñañujarā Ina maji. To bajiro ire Ina yituoīacōa ñajare, ado bajiro Inare yiyuju ī:

–¿Bare cūoti mua? –Inare yisēniñuju ī.

⁴² To bajiro ī yijare, vai sesoriajuria ire īsiñujarā Ina. ⁴³ Ire Ina īsirone, Ina ĩaro rījorojua bayuju ī. ⁴⁴ Tire bagajanocōari, ado bajiro Inare gotiyuju:

–Yu bajirocaroto rījorojua yu bajirotire muare goticaju yu. Moisés ī ucamasire, to yicōari, Diore gotirētobosarimasa ñamasiriarā Salmo Ina ucamasire quēne yu bajirotirene yimasifūma –Inare yigotiyuju Jesús.

⁴⁵ To bajiro Inare yigoticōari, Dios oca masa Ina ucamasirere Ina ajimasirotire Inare ujoyuju ī. ⁴⁶ To yigajanocōari, ado bajiro Inare gotimasioñuju ī:

–Ado bajiro yu bajirotire gotiaja Dios oca masa Ina ucamasire: “Rotimuoṛogḡṛucami” yigu, Dios ī cōarocu bajirocacoarucami. Bajirocaborine, ī bajirocaro bero, idiarāmu tusatirāmune tudicaticoarucami. ⁴⁷ Ī tudicatiro bero, Jerusalén macanare gotimasioruarāma. Inare Ina gotimasioro bero, adi macarūcuro ñarā jedirore ado bajiro gotimasioruarāma: ‘Rojose mua yisere tuoīasutiriticōari, yitujaya mua. To bajiro mua yijama, rojose mua yise vaja muare Cristo ī vaja yibosare ñajare, rojose mua yisere masirio variquēnarucami Dios’ yigotimasioruarāma”, yigotiaja ti, Dios oca masa Ina ucamasire.

⁴⁸ Muama, to bajiro yu bajisere ĩarā ñari, “Riojone ñaja. To bajirone bajicaju”, gājerāre yigotimasiruarāja mua. ⁴⁹ Dios ī yicator bajirone mua rāca ñarocure Esp'iritu Santore muare cōarucaja yu. To bajiri, adi macane Jerusalénne yuñaruarāja mua maji. Esp'iritu Santo rujiejacōari, Dios ī masisere muare ujorucami. To bajiro ī yiro bero, yu ocare goticudirā varuarāja mua –Inare yigotiyuju Jesús.

Dios ī ñaroju Jesús ī mujare queti
(Mr 16.19-20)

⁵⁰ To bajiro Inare ī yiro bero, Betania vāme cuti maca taju ī buerimasare ūmato vasuju ī. Toju ejacōari, ī āmori ñumuori,

–Quēnaro muare yato Dios –yiyuju ī.

⁵¹ To bajiro Inare ī yīñarone, ī ñaroju ire āmimujacoasuju Dios. ⁵² Dios ire ī āmimujatone, muqueacōari, Jesúre rācūbuoyujarā Ina. To yigajanocōari, Jerusalénju quēnaro variquēnarā

tudicoasujarã ĩna yuja. ⁵³ Tudiejacõari, tocãrãcarĩmari Diore yirũcũhorĩavijũ sãjacõari,
“Quẽnaro yaja mũ”, ĩre yivariquẽnarũgũũujarã ĩna.

To cõro ñaja.

Evangelio según SAN JUAN

¹ Dios macu Jesucristo suorine Diore masiama masa. Rëmojune jëre ñie manojurene ñacõamasifuju Jesús, i jacu rãcane. Jesúne, Dios ñacoadimasifuju. ² Macarucuro, õ vecayere quëne, tire Dios i rujeoroto rjoroju jëre i rãcane ñacõamasifuju i macu. ³ Macarucurore, õ vecayere quëne ñajediro i macu suorine tire rujeomasifuju Dios. I macu i manone Dios i rujeoroti maniboriaroja. ⁴ Mani rijato berojuma, “Tudirijabeticõato” yigu, Dios i catisere ñisigü, ñacoadimasifuju Dios macu. I jacu i catisere i macu i ñisise suorine Diorãca quënarõ ñaama masa, ñe masirã yuja. ⁵ Diore ajimenajuma, rojose yirã ñari, “Riojo ñamasusere masiaja yuma”, yitõaõboarãma. To bajiro yirã ñaõboarine, “Diorãca quënarõ ñato” yigu, Jesucristo i ñisere masa jediro ña ajibetirotire yirã, yimasimenama Diore ajiterã.

⁶⁻⁷ Sīgü ñacami Juan vãme cutigu. Masare, “Rojose yiruabeaja yua. I suorine Diorãca quënarõ ñaja yua” yirãre oco rãca ñare bautizagu ñacami. Ñe goti rjoro cutirotiyumi Dios, i macu i bajiroti quetire. I bajiroti quetire ajicõari, “To bajiro masu bajigu ñagümi” i macure masa jediro ña yitõaõrotire bojagu ñari, to bajiro ñe goti rjoro cutirotiyumi Dios. ⁸⁻⁹ Riojo ñamasuse Juan i gotimasiocatima i masune tõiõaquënocõari, i goticati me ñacaju ti. Dios macu adi macarucurojore ejacacu yejua ñacaju ti, riojo ñamasuse Juan i gotimasiocati. “Rojose mani tãmuoborotire manire yirëtobosarocu ñaami” Dios macure masa ña yitõaõrotire yigu, ñe goti rjoro cutirimasu ñacami Juanma.

¹⁰ Jesúma, adi macarucurojore manire bajiro ruju cuticõari i ruyaroto rjorojune jëre ñacõañuju i. I suorine adi macarucurore Dios i rujeomasire ti ñaõboajaquëne, ñe ñacõari, “Ñni, Dios macu ñaami”, ñe yimasibeticama ña, adi macarucuroana masa. ¹¹ Jud'io masa, “Yu rã ñaja mua” Dios i yigoticõboariã taju manire bajiro ruju cuticõari, ña rãca i ñarügüboajaquëne, ñe ñatecama ña. ¹² Ñe ña ñateboajaquëne, sīgüri ñe yua ajitirãnjare, “Yu rã ñaja mua”, yuare yiañumi Dios. ¹³ “Jud'io masa ñari, Dios rã ñaja yua”, yimasirã manojã. Gãjerã masa quëne, to bajiro yimasibeama. To yicõari, “Mani masune mani tõiãse suorine Dios rã ñaja mani”, yimasirã manojã. Ado bajirojua bajiaja: “ ‘Yu rã ñaja mua’ i yiañajare, i rã ñacõaju”, yirejua ñaja.

¹⁴ Dios macu manire bajiro ruju cuticõari, yua rãca bajirãrügücamu. Yuare ñamaicõari, quënarõ yirügücamu. To yicõari, Dios yere gotigu, riojo gotimasiorügücamu. “I ñacami Dios macu. Sīgüne ñagü, i jacure bajiro ñamasugü ñacami”, ñe yimasiaja yua, ñe ñacana. ¹⁵ Ñe goticami Juan vãme cutigu, masare oco rãca bautizarimasu. Jesú i ejarone, ado bajiro masare goticami:

—Ñane ñaami muare yu goti rjoro cutiguma. I bajirotire gotigu, ado bajiro muare yigotiadicaju yu: “Yu bero sīgü ejarucami. Yu rjorojune jëre ñacõañumi. To bajigu i ñajare, yu rëtoro ñamasugü ñaami ña” muare yigotiadicaju yu —yicami Juan, Jesús i bajirotire gotigu.

¹⁶ Masare maimasucõagü ñari, mani ñajedirore quënarõ manire yirügüami Dios macu. ¹⁷ Moisés ñamasir'i suorine masare Dios i rotimasirere masire ñaja. Jesucristo suorine Dios manire i maisejuarema masire ñaja. I ocare quëne, riojo ñamasusere, Jesucristo suorine tire masire ñaja. ¹⁸ Nijuañe Diore ñe ñagü magümi. To bajiboarine i macu sīgüne ñagü, i jacu rãcagu ñari, i jacure bajirone tõiõagü ñari, i jacu i bajisere riojo manire gotimasiocami.

Juan vãme cutigu, masare oco rãca bautizarimasu, Jesucristore i goti rjoro cutibosare queti (Mt 3.11-12; Mr 1.7-8; Lc 3.15-17)

¹⁹ To bajiri paiare, ñare ejarëmorãre quëne cõañuma ña ujarã, Jerusalén macana. “ ‘¿Ñimü ñati mu?’ masare oco rãca bautizagure Juanre ñe yisëñiama” yirã, ñare cõañuma. ²⁰ To bajiro ñe ña yisëñiasere ajicõari, ado bajiro ñare yicudicami Juan:

—Yuma, masa rojose ña tãmuoborotire ñare yirëtobosacõari, “Rotimurõgõrucami” yigu, Dios i cõagü me ñaja yu —ñare yicami Juan.

²¹ To bajiro i yirone, ñe sëñiãaquënocama ña:

—¿Ñimü ügüña ñatique mu, to yijama? ¿El'ias, Diore gotirëtobosamir'i, gãme tudicaticõari, bajiatique mu? —Ñe yisëñiãacama.

—I me ñaja yu —yicõacami quëna.

To bajiro i yirone, ñe sëñiãacama quëna:

—¿Mune ñatique Diore ñe gotirëtobosarimasu, “Ejarucami” ña yigu? —Juanre yisëñiãacama.

—I me ñaja yu —yicõacami quëna.

²² To bajiro i yise ñajare:

—¿Ñimũ ũgũja ñati mu? —İre yicama İna. —Yuare sēniīaroticōarāre, “İ ñaami”, İnare yigotirũaja yua. ¿Ñimũ ũgũ ñaja yu, yaticue mu, mu masune mu yijama? —İre yisēniīacama quēna, Juanre, masare oco rāca bautizagure.

²³ To bajiro İna yisere ajicōari, ado bajiro İnare yicudicami:

—Yũne ñaja, yucũ manojũ masare gotimasioacudirũgũgũma. Ado bajiro yigotirũgũaja yu: “Mani uju ejarucumi. To bajiri rojose mua yisere yitujacōari quēnasejuare tuoİvasoaya, İre yurā”, yirũgũaja yu. To bajiro yu yigotirotire jēre tirũmũjune, “To bajiro yirucumi İ”, yiuca rĩjoro cuticōamasifũmi Diore İre gotirētobosarimasu, Isa'ias ñamasir'i —yicudicami Juan, İre sēniīarāre.

²⁴ Fariseo masa İna cōariarā ñacama İna, Juanre sēniīacana. ²⁵ Quēna İre sēniīacama İna:

—To bajise yigu ñaboarine, Cristo me ñaboarine, El'ias ñamasir'i me ñaboarine, Diore gotirētobosarimasu “Ejarucumi” İna yigu me ñaboarine, ¿no yigu oco rāca masare bautizaticue mu? —Juanre yisēniīacama.

²⁶ To bajiro İna yisere ajicōari ado bajiro İnare yicudicami:

—Yũma, masa rojose İna yisere yitujacōari, Dios İ bojasejuare yirāre oco rāca İnare bautizagu ñaja yu. To bajiboarine mani ñarigodoju jēre ñagũmi, “To ñagũmi” mua yimasibecu.

²⁷ Yu bero masare gotigu ñaboarine, yu rētoro ñamasugũ ñagũmi İma. Ñamasurā rİne İre yibosamasiana, ñamasugũ masu İ ñajare —İnare yicudicami Juan.

²⁸ To bajiri, adi ñajediro bajicaju Betania vāme cuti macaju. Ti maca ñacaju Juan, masare oco rāca İ bautizacatiya Jordān vāme cutirisa gajejacatuaju.

²⁹ Gajerũmu, yua taju Jesũs İ vadone İre İacami Juan vāme cutigu, masare oco rāca bautizarimasu. İre İacōari ado bajiro masare yigoticami:

—İaña mua yuja. İne ñaami Dios yu, oveja macure bajiro masare rijabosarocu. No bojarāre “Rojose yu yise vaja yare rijabosayumi” İre yironare rojose İna yise vaja İnare rijabosarocu.

³⁰ İ yirotire goti rĩjoro cutigu ado bajiro muare yigoticaju yu: “Masa İna İaro rĩjoroju yu gotimasioro bero gotimasiorucumi gāji” muare yicaju yu. “Yu rĩjorojune jēre ñacoayumi İma. To bajiri yu rētoro ñamasugũ ñaami” muare yicaju yu. ³¹ Yu quēne, “İ ñagũmi” yimasibeticaju yu maji. To bajiboarine, “İne ñagũmi ‘Rotimũorũgōrucumi’ yigu, Dios İ cōar'i” mani yİamasirotire bojagu ñari, oco rāca masare bautizadicaju yu —yuare yicami Juan.

³²⁻³⁴ Quēna gajeye ado bajiro yuare yigoticami:

—İre İaboarine, “İne ñagũmi ‘Rotimũorũgōrucumi’ yigu, Dios İ cōar'i”, yimasibeticaju yu maji. To bajiboarine Dios ado bajiro yare yİ ocaruyucami İ, “Masare oco rāca bautizarucuja mu” yare yİ ocaruyucōari: “Yu cōagũ, Esp'iritu Santo, bujare bajigu rujiadicōari, İ joere rocajorucumi. İne ñarucumi, ‘Rojose İna yisere quēnaro masicōari, tuoİvasoatĩmato İna’ yigu, Esp'iritu Santore cōarocu”, yare yİ ocaruyucami Dios. To bajiro yare İ yicatore bajirone İamu yu yuja. To bajiri, “Dios macu ñaami”, yimasiaja yu yuja —yigoticami Juan, yuare gotigu.

Jesũre İre ajisũvasuoriarā queti

³⁵ Gajerũmu oco rāca masare İ bautizacatoju ñacami Juan quēna. İ rāca ñacaju yua, jnarā, İ buerā. ³⁶ To yua ñaro, Jesũs İ rētoato İre İacōari, ado bajiro yuare goticami Juan:

—İaña. İne ñaami Dios yu, oveja macure bajiro masare rijabosarocu —yuare yicami Juan.

³⁷ To bajiro Juan İ yisere ajicōari, Jesũre İre suyacaju yua yuja. ³⁸ To İre yua suyatone, judarũgũ İacōari,

—¿Ñiere bojarā bajiatu mua? —yuare yisēniīacami.

To bajiro İ yisēniīarone:

—Gotimasiorimasu, ¿noju ñari mu ñaro? —İre yisēniīacaju yua.

³⁹ To bajiro İre yua yirone,

—İarā vayā —yuare yicudicami.

To bajiro İ yijare, İre suyaejacoacaju yua, İ ñaroyure. Muiju İ rocasāroto rĩjoro ejacaju yua, tojare. To bajiri İ rāca bajiña, tojune cānicoacaju yua yuja.

⁴⁰ Juan vāme cutigu, masare oco rāca bautizarimasu İ gotisere ajicōari, yu rāca Jesũre İre suyacacu ñacami Andrés. Simōn Pedro vāme cutigu bedi ñacami. ⁴¹ Jesũre İre İamasicōari, guaro İ gagu Simōnre İre jigu vacoacami. İre bujacōari ado bajiro İre gotiyuju:

—“Rotimũorũgōrucumi” yigu, Dios İ cōagũ, Cristo mani yituoİayũnarũgũgũre İamu yu yuja —İre yiyuju Andrés.

⁴² To bajiro İre yİ, yua cutoju İre jicoayumi Andrés. Simōnre İre İacōari, ado bajiro İre yicami Jesũs:

—Simōn ñaja mu, Jonás macu. To bajiboarine Pedro vāme cutirucuja mu yuja —Simōnre İre yicami Jesũs. (Gāta yire ũni ñaja ti, “Pedro” yire.)

⁴³ Gajerãmu Galilea vãme cuti sitajũare yũare ũmato vacami Jesũs. To bajiri tojũre ejacõari, Felipe vãme cutigure Ìre bujacami yuja. Ìre bujacõari, ado bajiro Ìre yicami Jesũs:

—Yũ rãca vayã. Yũre ajitirũnu suyaya mu —Ìre yicami.

⁴⁴ Betsaida vãme cuti macagu ñacami Felipe. Ti macanane ñacama Pedro, Ì bedi Andrés quẽne. ⁴⁵ Jesũre Ìamasicõari, Natanael vãme cutigure Ìre gotigu vacoacami Felipe. Ìre bujacõari, ado bajiro Ìre gotiyuju Ì:

—“Bajirũcumi” Moisés ñamasir'i Ì yuicamasir'ire Ìamu yũ yuja. Diore Ìre gotirẽtobosarimasa quẽne, “To bajirũcumi” Ìna yuicamasir'ire Ìamu yũ yuja. Ì ñaami Nazaret vãme cuti macagu, Jesũs vãme cutigu, Josẽ vãme cutigu macu —Natanaelre Ìre yigotiyuju Ì.

⁴⁶ To bajiro Ì yirone,

—¿Ìma Nazaret vãme cuti macagu ñaboarine, quẽnagũ ñaguĩda? —Felipere Ìre yisẽniãañuju Natanael.

—Vayã. Ìre Ìaãatoque mani —Ìre yiyuju Felipejuama.

To bajise gãmerã yicõari, yũa tũju vadicoayuma Ìna yuja.

⁴⁷ Natanael Ì vadore Ìacõari ado bajiro yicami Jesũs:

—Õ tusagu, Israel ñamasir'i jãnami Dios Ì bojasere yigu vadiami. Masare yitogu me ñaami —yicami Jesũs.

⁴⁸ To bajiro Ì yirone,

—¿No bajiro yicõari yũre Ìmasiati mu? —Ìre yicami Natanael.

To bajiro Ì yirone,

—Felipe mure Ì jiroto rĩjorojũne higuera vãme cutiu ãñeroca mu ñarõjũne jẽre mure Ìacõamu yũ —Ìre yicami Jesũs.

⁴⁹ To bajiro Ì yisere ajicõari:

—Gotimasiorimasa, Dios macu ñaja mu, yũare Israel ñamasir'i jãnerabatiare rotimũorãgõrocũ —Ìre yicami Natanael.

⁵⁰ To bajiro Ì yisere ajicõari ado bajiro Ìre yicadicami Jesũs:

—“¿Higuera vãme cutiu ãñeroca mu ñarõjũne jẽre mure Ìacõamu yũ” mure yũ yiserene ajicõari, “Rotimũorãgõrũcumi” yigu, Dios Ì cõar'i ñaami”, yũre yimasiati mu? Adì rẽtoro Ìaãañamanire mure yĩlorũcũja yũ —Ìre yicami Jesũs.

⁵¹ Gajeyẽ quẽna ado bajiro yũare yicami Jesũs:

—Ñamasusere riojo mũare gotiãja yũ: Ëmũagasero soje ti jãnarone, yũ, Dios Ì roticõacacure, to yicõari, Diore moabosarãre Ìna mujatore, Ìna rujiadore quẽne Ìaruarãja mua —yũare yicami Jesũs.

2

Canã vãme cuti maca Ìna ãmosiare queti

¹ Juarãmu bero, Galilea sita Canã vãme cuti macajũre sũgũ Ì manajo cutirũmu boserũmu ñasũocaju ti. Jesũs jaco quẽne ñacamo so, tojũre. ² Jesũre, to yicõari, yũa Ì buerãre quẽne, yũare jicama Ìna. To bajiro Ìna yicana ñari, yũa quẽne Jesũrãca ñacaju tojũre. ³ Yũa idĩñaro rĩne yũe oco jedicoacaju. To ti bajirone, ado bajiro Jesũre yicamo Ì jaco:

—Ëyẽ oco jedicoaju yuja —Ìre yicamo.

⁴ To so yirone,

—¿Caco, no yigo tire yũre gotiati mu? Maji, Ìaãañamani Dios Ì masise rãca yũ yĩloroti ejabeaja maji —sore yicami Jesũs.

⁵ To bajiro Ì yisere ajicõari ado bajiro Ìnare yicamo so, yũe oco iorimasare:

—Ì rotirore bajiro yiya —Ìnare yicamo so.

⁶ Tore ñacaju oco varia sotari, gãtane Ìna vearia sotari. Cojomo cõro, coja jẽnituario ñari sotari ñacaju ti. “Ado bajiro mani yijare, ‘Rojose mana ñaja mũa’ manire yĩãami Dios” yirã Ìna coeri sotari, oco sotari ñacaju ti. Ti sotari cincuenta, to yicõari, setenta litros cõro juari sotari ñacaju. ⁷ To bajiri ado bajiro yũe oco iorimasare Ìnare yicami Jesũs:

—Oco jiojũmũõña adi sotarire —Ìnare yicami.

To bajiro Ì yisere ajicõari, ti sotari ñaro cõrone jiojũmũocama Ìna. ⁸ Ìna jiojũmũogajanoro Ìacõari, ado bajiro Ìnare yicami Jesũs:

—Boserũmu ũmato yirimasare mojoroaca vaãmi vati, Ìre ioaya —Ìnare yicami Jesũs.

Ìnare Ì yirotirore bajirone iocama Ìna. ⁹ Tire Ì idiroto rĩjorojũne oco jẽre yũe oco godovedicoasuja ti, ti sotũ ñaro cõrone. “Toayẽ yũe oco ñaroja”, yimasibeticami. Tire iorimasa rĩne masicama Ìna. Tire idicõari, mame manajo cutirocure jicami boserũmu ũmato yirimasa. ¹⁰ Ì ejarone, ado bajiro Ìre yicami:

—Gājerāma, ĩna boserāmu yisno vajama, quēnasejuaare iosnocama. Jairo masa ĩna idiro beroju, quēnabetibusare iocama ĩna yuja. Muma quēnasejuaare ruayuja mu, yucnaca ĩna ioserema —ĩre yicami boserāmu ũmato yirimasu.

¹¹ To bajiro Jesús ĩ yicati, ĩaĩaĩamanire Dios ĩ masise rāca ĩ yĩiosuocati ñacaju ti Galilea sita, Caná vāme cuti macajure. ĩaĩaĩamanire ĩ yĩiojama, “ ‘Rotimuoarūgōrūcumi’ yigu, Dios ĩ cōacacu ñaja yu” yigu yĩiosuocami. To bajiro ĩ yĩiosere ĩacōari, butobusa ĩre ajitirānucaju yua, ĩ buerā.

¹² Boserāmu ti jediro bero, Capernaum vāme cuti macaju ũmato vacami Jesús. ĩ jaco, ĩ bederā, to yicōari yua ĩ buerā quēne, ĩ rāca vacaju yua. Yoarobusa ñacaju yua, ti macajure.

Diore yirūcubūoriaviju ñacōari, gajeyēni ĩsriavire bajiro ĩna yĩñajare, Jesús ĩnare ĩ tud'iaġōbure queti

(Mt 21.12-13; Mr 11.15-18; Lc 19.45-46)

¹³ Yua jud'io masa Pascua boserāmu yua yirotirāmari cōñaro Jerusalēnju ejacaju yua, Jesūrāca. ¹⁴ Toju Diore yirūcubūoriaviju ta vecua ĩsirimasa, oveja ĩsirimasa, buja ĩsirimasa quēne ñacama. Gājerā ye rāca gājoa vasoarimasa quēne ĩna rujiri cūmuroriju rujicama ĩna. ¹⁵ To bajiro ĩna yĩñasere ĩacōari bajeriamare quēnocami Jesús. To bajiro yicōari ĩna yarā ta vecuare, ovejare Diore yirūcubūoriaviju ñarāre ĩnare bajeāġōbucami. Gājoa vasoarimasa ye ġājoatiirire varebateacōacami. To yicōari ĩna gājoa jeorijauire tucaguereacami. ¹⁶ To yicōari, buja ĩsirimasure ado bajiro yicami yuja:

—Ānoa mua ĩsironare juabudi vasa mua. Yu jacu ya vire gajeyēni ĩsriavi godoveobesa mua —ĩnare yicami Jesús.

¹⁷ To bajiro ĩ yisere ajicōari, Dios oca masa ĩna ucamasire ado bajiro tuoĩabujacaju yua, ĩ buerā: “Mu ya vire quēnaro ĩna yirūcubūobetijare, ĩnare ĩajūnisinirucuju ya. To bajiro yu yise ñajare yure śiarocaruarāma ĩna”, yirere tuoĩabujacaju yua.

¹⁸ To ĩ yirone, to ñacana jud'io masa Jesūre ĩre sēñīfacama:

—“Dios ĩ masise rāca yigu yaja yu” mu yijama, ¿no bajiro yuare yĩoġuada mu? —ĩre yisēñīfacama ĩna, Jesūre.

¹⁹ To bajiro ĩna yisere ajicōari ado bajiro ĩnare yicūdicami Jesús:

—Adi vi Diore yirūcubūoriavire mua cagueroacōajama, idiarāmu tusatirāmune quēna ti vire buajeocōarucuju ya —ĩnare yicami.

²⁰ To bajiro ĩ yisere ajicōari,

—Cuarenta y seis ñaricūmari josayujarā ĩna, adi vire buaĩnarā. ¿Muma, “Idiarāmu berone quēna buajeocōarucuju”, yiboati mu? —Jesūre ĩre yicama ĩna.

²¹ Jesús to bajiro Diore yirūcubūoriavire ĩ yijama, ĩ masu rujurene yigu yicōañumi. ²² ĩ bajirocero bero gāme ĩ tudicatiato, “To bajiro bajiruaraja” ĩ yigoticatire tuoĩabujacaju yua, ĩ buecana. Tire tuoĩabujacōari, Dios ocare masa ĩna ucamasire, Jesús ĩ goticacate quēne ajitirānucaju yua.

“Masa jediro ĩna tuoĩasere ĩamasigū ñaami Jesús”, yire queti

²³ Jerusalēnju Pascua boserāmu ĩna yĩñaro, quēna gajeye ĩaĩaĩamanire masare yĩocami Jesús. To bajiro ĩ yĩiojare, “ ‘Rotimuoarūgōrūcumi’ yigu, Dios ĩ cōar'i mani uju ñaami”, ĩre yiajitiirūncama jājarā masa. ²⁴⁻²⁵ Jesūyama to bajiro ĩna yiajitiirūnsere ĩamasicōari, “Socarā mene yama”, yibeticōacami, masa jediro ĩna tuoĩasere ĩamasigū ñari.

3

Jesús, Nicodemo rāca ĩ ñaġōre queti

¹ Sigū fariseo masu, Nicodemo vāme cutigu ñacami. Jud'io masa vatoajure ñamasugū ñacami ĩ. ² ĩamiju Jesūre ĩre ĩaġū ejayuju. ĩ tujare ejacōari, ado bajiro Jesūre ĩre yiyuju:

—Gotimasiorimasu, “Mure cūñumi Dios, ‘Masare gotimasioato’ yigu”, mure yimasajaja yua. Sigū mu yirore bajirone yĩoĩamanire yĩgure ĩabeticaju. To bajiri, “Diorāca ñacōari, yami”, yimasajaja yua —Jesūre ĩre yiyuju.

³ To bajiro ĩ yisere ajicōari, ado bajiro Nicodemore gotiyuju Jesús:

—Riojo mure gotiaja yu. No bojarā, quēna gāme ruyuamenama, Dios ĩ ñarōjare ejamasi-menama —Nicodemore yiyuju Jesús.

⁴ To bajiro ĩ yijare, ado bajiro Jesūre sēñīañuju Nicodemo:

—¿No bajiro bucu ñacoaboarine, quēna gāme tudiruyucoare ñarajari? ¿Quēna ĩ jacore sājacoacujarique ĩ, quēna gāme tudiruyuaru? —Jesūre ĩre yiyuju Nicodemo.

⁵⁻⁶ To bajiro ĩ yisere ajicōari, ado bajiro ĩre cūdiyuju Jesús:

—“Quēna gāme ruyuaroti ñaja” yu yijama, masa suorine gāme ruyuarotire yigu me yaja. “Quēna gāme ruyuaroti ñaja” yu yijama, “ ‘Dios ĩ cōaġū, Esp'iritu Santo ĩ ejarēmose rāca Diorāca quēnaro ñacōari, ĩ bojarore bajiro yirā ñato’ yigu, ĩ yirotire sēñiroti ñaja”, yigujua

yaja. “Dios ï bobabeti yiruabeaja ya. Ì suorine ï råca quënarõ ñaja ya” yirã, oco råca bautizarotiriarã, to yicõari, Esp’iritu Santo ï ejarëmose råca Diorãca quënarõ ñarã, ña rïne ñarãma Dios ï ñarõjure ejaçõari, ï råca ñamurõgõrona. ⁷ “Dios ï cõagã, Esp’iritu Santo ï ejarëmose råca Diorãca quënarõ ñarã, ña rïne Dios ï ñarõjure ejaçõari, ï råca ñamurõgõrurãma” mure ya yisere, ajiyamanire bajiro ajimavisiasaba ma. ⁸ Mino no ti bojarone vëatucõarõja ti. Mino ti vëatujama, ajiãja mani. To bajiboarine, “Toãye vado. Tojuare vatoja”, yimasibeaja mani. Tire bajirone bajigu ñaami Dios ï cõagã, Esp’iritu Santo. “Esp’iritu Santo ï ejarëmose råca quënarõ ñacõari, ï bojarore bajiro yigu ñato” yigu, gãjire ï yirotere masibeama masa — Nicodemore yiyuju Jesús.

⁹ To bajiro ï yirone, quëna gãme sënĩaquënoñuju Nicodemo:

—¿No bajiro bajiroada ti? —Jesúre ïre yisënĩã quënoñuju Ì.

¹⁰ Ado bajiro ïre cãdiyuju Jesús:

—¿Israelita masare ñare gotimasiogã ñaboarine, adi quetirema masibeati ma? ¹¹ Riojo mure gotiaja ya. Mani ñase, Dios ï yiserene, maare gotirũgũaja ya. To bajiboarine ya gotirũgũsere ajicõari, “To bajiro me bajiaja”, yicõarũgũaja ma. ¹² Adi macarucuroayere ya gotisere ajitegu ñari, Dios ï bajisere ñabujayamanire ya gotijaquëne, ajiterucuja ma —ïre yiyuju Jesús.

¹³ Gajeye quëna ado bajiro ïre gotiyuju Jesús:

—Sĩgũ, Dios ï ñarõjure mujar’i maami. Yu sĩgũne ñaja ya, Dios ï ñarõjune rujiadicõari, tudĩ gãme mujarocuma. Dios ï roticõacacu ñaja ya Diorãcagu. ¹⁴ Tirãmaju Moisés ñamasir’i, yucã manoju ñacudigu yucã joeju ñãare bajigu ñãgũre cõmene quënor’ire ïre jeomasifũju, “Ñãa cõniecoriarã ïre ñamurõato ña” yigu. To bajiro ï yir’ire ñãa cõniecoriarã, ïre ñamurõãja, caticõamasifũjarã ña quëna. To bajiro bajiruroja yure quëne, Dios ï roticõacacure quëne. Yucãtëroju yure jajutucõari, vãmurõgõrurãma ña, ya bajirocarotire yirã. ¹⁵ To bajise bajirocũ ñari, no bojarã, “Jesucristo ï bajirocare suorine yure ñavariquënacõari quënarõ yirucumi Dios” yituoarãre ña rijato beroju “Tudirijabeticõato” yigu, ya catisere ñare ñisrucuja ya — Nicodemore ïre yiyuju Jesús.

Ñajediro masare maigũ ñari, ï macure Dios ï cõare queti

¹⁶ —Ñajediro masare maimasucõagũ ñari, ï macu sũgũne ñãgũre ïre cõañumi Dios, “Masare rijabosato” yigu. To bajiro ï yire ñajare, “Jesucristo ï bajirocare suorine yure ñavariquënacõari, quënarõ yirucumi Dios” yituoarãma, ña rijato beroju “Tudirijabeticõato” yigu, Dios ï catisere ï ñisriarã ñarãma. ¹⁷ Adi macarucuroanare, “Rojose ña yise vaja rojose ñare yato” yigu me, ï macure cõañumi Dios. Ado bajirocũ yiyumi. “Mure ajitirãnurona ña rijato beroju, rojose tãmoutujabetiriarõju ña vaborotire ñare yirëtobosarucuja ma” yigu, ï macure cõañumi Dios.

¹⁸ “Dios macu ñãgũmi” Jesúre yituoagũre rojose tãmoutujabetiriarõjure ïre cõabetirucumi Dios. Dios macu sũgũne ñãgũre, “Dios macu me ñãgũmi” ïre yigujarema, to bajiro ïre ï yise vaja rojose tãmoutujabetiriarõju ïre cõarucumi Dios. ¹⁹ Ì macure adi macarucurojure ejaçacure ïre ajitirãnunenare rojose tãmoutujabetiriarõju ñare rearucumi. Ì macu suorine Diorãca quënarõ ñaama masa, ïre masirã. Masajuma rojose yitujarumena ñarã ñari, quënasejuare tũõavaoarumena ña. To bajiri Dios macure ajitirãnunenama. To bajiro yirã ña ñajare, ñare rearucumi Dios. ²⁰ Rojose yirã, Dios macure terãma ña. “Masa rijorojuã, “To bajise rojose yicaju ma’ yure yiromi Jesús” yibojonerã ñari. ²¹ Dios ï bojasere quënasejuare yirãma, Dios macure ajitirãnurãma ña. Yayiorõju yirudibeama ñajuma, “ ‘Dios ñare ï yirëmojare, quënasejuare yirũgũama’ yimasiato ña” yirã.

Juan masare oco råca bautizarimasu, Jesús ï ñasere ï tudigotire

²² Nicodemore Jesús ï gotiro bero, vacoacaju ya, Judea sitaju. Tojare yoarobusa ñacaju ya. Toju masare oco råca bautiza ñarũgũcaju ya. ²³ Juan, oco råca bautizarimasu, Salim vãme cuti maca tũju Enõn vãme cuti macaju oco råca masare bautizarũgũñuju ï quëne. Tojare riaga jairo ti oco cutijare, ñare bautiza ñarũgũñuju Ì. Jãjarã masa ïre bautizarotirã ejarũgũñujarã ña, tojare. ²⁴ Ado bajiro yĩñamasifũju Juan, tubiberiaviju ï tubibe ecoroto rijoro: ²⁵ Oco råca masare Juan ï bautiza ñarone, gãji jud’io masu, Juan buerã tũjare ejayuju Ì. Ejaçõari, “To bajiro me bajiaja. Ado bajirojuã mani yijare, ‘Rojose mana ñaja ma’ manire yĩagũmi Dios” yigu, ña råca oca josayuju Ì. ²⁶ Ì råca ña oca josariaro bero, Juan tũju ejaçõari, ado bajiro ïre gotiyujarã ï buerã:

—Gotimasiõrimasu, Jordãne vãme cutirisa ijacatũju ma ñagoticacu, ma yirũgũrore bajirone masare oco råca ñare bautizarũgũñuju Ì. To bajiri jãjarã masa mani tũjare ejaõborona, ï tũja rïne varũgũrãma ña, ïre yigotiyujarã ña —Juanre, masare oco råca bautizarimasare.

²⁷ To bajiro ña yisere ajicõari, ado bajiro ñare gotiyuju Juan:

—Ñie manane ñaborãma masa, Dios ï cõabetijama. Mani bajirũgũse quëne Dios ï bojasere bajirone bajirũgũaja ti. ²⁸ “Rotimurõgõrucumi” yigu, Dios ï cõar’i me ñaja ya. “ Ì ejaroto

rījoro, ĩre goti rījoro catiataro' yigu, Dios ĩ cōar'i űaja yu", jēre muare yigoticōacaju yu —Īnare yiyuju Juan, ĩ buerimasare.

²⁹ To yicōari, "Āmosiagu babare bajiro bajiaja yu" yigu, ado bajiro ĩ buerāre ĩnare gotima-sioűuju Juan:

—Āmosiariarām̄ so manajū űarocu babare ajisuyaroco me űagōmo. So manaju űarocujūare ajisuyaroco űagōmo. So manajure so ajisuyasere ĩacōari, buto variquēnagūmi ĩ baba. Tire bajirone, "Masa jājarāre oco rāca bautizarūgūűuju ĩ quēne" muā yisere ajicōari, buto variquēnaja yu quēne. ³⁰ Yu rētoro űamasugū űaami ĩma. To bajiri, yure ĩna rācuburogo rētoro ĩre ĩna rācubuosere bojaja yu —ĩ buerāre yiyuju Juan.

"Gāji magūmi Jesūre bajiro bajigu", yire queti

³¹ Dios taju vadir'i űaami jediro uju űamasugū. Gāji ĩ cōro űamasugū magūmi. Adi macarūcuroayere ĩarā űari, tirene gotiaja mani. Dios taju vadir'ima ō vecayere, to yicōari, adi macarūcuroayere quēne quēnaro masigū űari, jediro uju űamasugū űaami. ³² ĩma, ĩ ĩarere, ĩ ajirere gotiami ĩ, Dios yere. To bajiboarine ĩ gotisere ajitirūnabeama masa. ³³ "Jesūs ĩ yirore bajiro bajiroja" ĩre yiajiguma, to bajiro ĩ yiajise suorine "Socagu me űaami Dios" yigu űagūmi. ³⁴ Esp'iritu Santore ĩre cōaűumi ĩ macure adi macarūcuroajere ĩ cōar'ire, "Ī tuoiarore bajiro tuoiamasiato" yigu. To bajiro ĩ yir'i űari, Dios ocarene goticami Jesūs. ³⁵ Mani jacu Dios, ĩ macure maigū űari, "űajedirore rotiya mu", ĩre yicūűumi. ³⁶ No bojagu, Dios macure ajitirūnagūma, Dios ĩ catisere cūogu űaami. To bajiboarine no bojagu Dios macure ajitirūnabecūma, Dios ĩ catisere cūobeami. To bajiro ĩ bajijare, rojose ĩ yisere ĩajūnisini tujabecūne, rojose ĩ yise vaja, rojose ĩre yirūcūmi Dios, rojose tāmūotujabetiriaroju ĩre rocagu.

4

Jesūs, Samaria sitago oco vago ejagore "Yure ioya", ĩ yire queti

¹ To bajiri, "Juan rēto᱃saro masare oco rāca bautizarūgūűuju Jesūjuā. To bajiri Juan buerimasa rēto᱃saro űaűujarā Jesūs ĩ buerimasajuā" yire quetire ajiyujarā fariseo masa. ² (Quēnaro masuma, masare oco rāca bautizabetirūgūcūmi Jesūs. Yūajuā, ĩ buerimasajuā masare oco rāca ĩnare bautizarūgūcūmi.) ³ To bajiri, "Jesūs masare oco rāca bautizagu yigūmi" fariseo masa ĩna yituoiasere masicōari, Judea sitare űacana vacoacaju yua Jesūrāca, Galilea sitaju tudiana yuja.

⁴ To vana, Samaria sitare rētoroiti űacaju yuare. ⁵ To bajiri tojure ejacoacaju yua, Sicar vāme cuti macajure. Ti macama Jacob űamasir'i, ĩ macu Josere ĩ ĩsiasire sita taju űacaju ti. ⁶ Tojure űacaju oco goje, Jacob űamasir'i ya goje. Bogagu űari, ti goje tare ejarūju ejacami Jesūs. Ūmurecaji cōro muiju tūacami. ⁷⁻⁸ Yua ĩ buerājuama gaje macaju bare vaja yirā vacoacaju yua. Tojure Jesūs ĩ rujirone, sigō Samaria sitago oco vago ejayumo so. So oco vago ejaro ĩacōari, sore oco sēniűuju Jesūs:

—Oco yure ioya —sore yiyuju ĩ.

⁹ Sore ĩ oco sēnirone, ado bajiro ĩre yiyuju so, Samaria sitago:

—¿No yigu jud'io masū űaboarine, Samaritana yu űaboajaquēne, yure oco sēniati mu? —Jesūre yiyuju so. Samaritano masa, jud'io masa rāca gāmerā terā űacoayuja yua. To bajiri, to bajiro Jesūre ĩre yiyuju so.

¹⁰ To bajiro so yisere ajicōari:

—Dios ĩ ĩsiritire mu masijama, "Ī űaami yure oco sēnigū" mu yimasijama, yūjuare oco sēnibogaja mu. Yure mu oco sēnijama, oco catireayere mare ioboguja yu —sore yiyuju Jesūs.

¹¹ To bajiro ĩ yijare,

—űiene oco vabecūja mu. Ūmarigoje űaja adi goje. ¿Nojuayere yure catorotirema yure oco ioguada mu? ¹² Mani űicu Jacob űamasir'i adi gojere cūmasiűumi ĩ. Ī quēne idimasiűuju, adi goje ocure. ĩ rā quēne idiyujarā. ĩ yarā vaibcūrā ecariarā quēne idiyujarā. Mūma, ¿"Ī rētoro űamasugū űaja yu" yigu yatique mu? —Jesūre ĩre yiyuju so.

¹³ To bajiro so yijare, ado bajiro sore cūdiyuju Jesūs:

—No bojarā adi goje ocure idiboariarā, quēna gāme oco idirūacōarūarāma. ¹⁴ No bojarā oco catireayere masare yu ĩorāma, quēna gāme oco idirūabetirūarāma. ĩnare yu oco iose suorine Diorāca quēnaro űacōa űarūgūűuarāma —sore yigotyuju Jesūs.

¹⁵ To bajiro ĩ yisere ajicōari:

—Tijūare idirūaja yu quēne, "Quēna adi gojeayere tudi oco vacōari, idirobe yu" yigo —Jesūre ĩre yiyuju so.

¹⁶ To bajiro so yirone,

—Vasa. Mu manajure ĩre jiaya. ĩre ji, vaba quēna adoju —sore yiyuju Jesūs.

¹⁷ To bajiro ĩ yijare,

—Manajū magō űaja yū —yicadiyujū so.

To so yisere ajicōari, ado bajiro sore yiyujū Jesús:

—“Manajū magō űaja yū” mū yiserema soco me yaja mū. ¹⁸ Cojomocārācsū manajūa cutiuro űaja mū. Quēna yucū mū rāca űagū quēne, mū manajū masu me űaami. To bajiri, “Manajū magō űaja yū” mū yiserema soco me yaja mū —sore yiyujū Jesús.

¹⁹ To bajise sore ī yisere ajicōari, ado bajiro ĩre yiyujū so:

—Diore gotirētososagu űaja mū, mure yimasiaja yū —yiyujū so, so bajisere ī gotise űajare.

²⁰ —Mani űicūa, adi burojū ejacōari, vaibucure soemomasifūjarā, Diore ĩre yirūcūborā. To bajiboarine mūama, jud'io masama, “Jerusalēnū rīne yirūgūroti űaja”, yirūgūaja mūa — Jesūre yiyujū so.

²¹ To bajiro so yijare, ado bajiro sore yiyujū Jesús:

—Mure yū gotisere ajitirānūā mū: Cojorūmū adi burore quēne, to yicōari Jerusalēnjūre quēne Diore, mani jacure, ĩre yirūcūborā vabetirūarāma masa. ²² Mūama, Diore quēnaro mūa masibecarene rūcūborāja mūa. Yūajūama, mūa rētoro ĩre masiaja yūa. Yūa, jud'io masa suorine masa rojose ĩna tāmūborotire ĩnare yirētososarūcūmi Dios. ²³ “Cojorūmū Diore ĩre yirūcūborā vabetirūarāma” mure yū yigotiserema yoato mene bajirotirene mure gotiaja yū. Masa, Diore rūcūborā masuma, Esp'iritu Santo ī bojarore bajiro tuoīacōari, ĩre rūcūborāma ĩna. To bajiro ĩre yirūcūbosere bojaami mani jacū. ²⁴ ĩabūajamagū űaami Dios. To bajiri, masa ĩre ĩna rūcūboromasucōarūajama, socarā mene Esp'iritu Santo ī bojarore bajiro tuoīacōari, ĩre rūcūborāma —sore yiyujū Jesús.

²⁵ To bajiro ī yisere ajicōari ado bajiro yiyujū so:

—“Diore gotirētososagu ejarūcūmi, Cristo ĩna vāme yigu”, yimasiaja yū. Ejacōari, yūare quēnaro gotiquēnojeorūcūmi —Jesūre yiyujū so.

²⁶ To bajiro so yirone,

—ĩne űaja yū, mure űagōgūma —sore yicami Jesús.

²⁷ To bajiro sore ī yīnarone, tudiejacajū yūa, ī buerā. To rōmio rāca ī űagōűajare, no yimasibeticajū yūa, tūnīre ĩabetirūgūriarā űari. To bajiboarine, “¿űie űnīre bojati mū? ¿No yigu so rāca gāmerā űagōri magū?”, ĩre yisēnīabeticajū yūa. ²⁸ Yūa tudiejarone oco varia soture āmibecone, so űariaroju vacoacamo so. So űariaroju tudiejacōari, ado bajiro masare ĩnare yigoticudiyujū so:

²⁹ —Jediro yū yiadirere, “Ado bajiro yicajū mū” yūre yigotigure ĩarā vayā mūa quēne. ¿Diore gotirētososagu, Cristo me űagū yiguida ī? —ĩnare yiyujū so.

³⁰ To bajiro so yirere ajicōari, Jesūre ĩarā, yūa tūjūre vayuma ĩna. ³¹ ĩna ejaroto rījoro ado bajiro Jesūre yiboacajū yūa:

—Gotimasiorimasū, baya —ĩre yiboacajū yūa.

³² To bajiro ĩre yūa yiboajaquēne, ado bajiro yūare cūdicami Jesús:

—Jēre yūrema yū bare űacōaja mūa masibeti —yūare yicōacami.

³³ To bajiro ī yirone,

—¿Sīgū ĩre bare cūgū ejarida ī? —yūa masune gāmerā yisēnīlacajū yūa.

³⁴ To bajiro yūa gāmerā yīűagōsere ajimasicōari, ado bajiro yūare yicami Jesús:

—Yūre cōacacū ī bojasere yū yijama, ti moarere yū yigajanojama, tine űaja yū barere bajiro bajise. Masama bare bavariquēnarūgūama. Yūma yūre cōacacū ī bojasere bajiro yicōari, variquēnarūgūaja yū. ³⁵ “Babari muijua rūyaja maji, ote ti bucuroti, tire mani juarēoroti”, tocārāca cūmari yirūgūaja mūa. Dios ocare masare gotimasiorājūama, ti űnīre yituoīabesa. “Masare Dios ocare mani gotimasiorotijū ejabeaja maji”, yituoīabesa mūa. Yūma ado bajiro yaja: Jēre ote bucurocoajū yūja. Yucūacane tire juaroti űaja. ĩālasaque. ĩājarā masa yūre ajitirānūrona vadiama ĩna. Ado cōrone ĩnare mūa gotimasiojama, quēnamasucōaja, mure yaja yū. ³⁶⁻³⁷ Socaro me bajiaja bucūrā ĩna gotimasire: “Sīgū űagūmi otegu. Gāji űagūmi ti rica cutiuro boca juarēogū”, yiyujarā bucūrā. To bajiro masune bajiaja ti, yū ocare gotimasiorāre quēne. Tuoīasaque mūa: Sīgūri űaama yū ocare masare gotimasiosorā. Oterimasare bajiro bajirā űaama. ĩna bero ĩnare gotimasiorā, ti rica cutiuro boca juarēorāre bajiro bajirā űaama gājerā. ĩnajuā ĩna gotimasiorone, ĩnare ajitirānūama masa yūja. To bajiri goti rījoro cutiriarā űa, bero gotimasiorā űa, bajiama ĩna. No bojagu otericare juarēogū, vaja bujagu yigūmi. To bajirone bajirāma yū ocare masare gotimasiorā quēne, variquēnarere bujarā. ĩna gotimasiose ti űajare, yūre ajitirānūama masa. To bajiri yūre ajitirānūā űari, Diorāca quēnaro űarūgūarāma, ĩna rijato beroju quēne. To bajiro ĩna bajisere ĩacōari, ĩnare gotimasiosoboriarā, bero ĩnare gotimasiorā rāca buto variquēnarūarāma ĩna. ³⁸ Tirūmūju quēne mūare cōacajū yū, mūa gotimasiose suorine masa ĩna ajitirānūrotire yigu. Yū ocare ĩnare gotimasiosoboriarā me űaja mūa, bajirājūma. To bajiri, gājerā ĩna gotimasiosoboriarā űaama, mūajūa mūa gotimasiorone, yūre ajitirānūrona —yūare yigoticami Jesús, ī buerimasare.

³⁹ To bajiro ñnare i yiro bero, “Jediro yu yiadirere, ‘Ado bajiro yicaju mu’ yure yigotimi i” rómio so yigotisere ajicōari, jājarā ti macariana Samaria sitana, ado bajiro Jesúre tuoñacama ñna: “Diore gotirētobosagu, Cristo ñnaami”, Jesúre yituoñacama ñna. ⁴⁰ To bajiro yituoñarā ñnari, Jesús tu vadieja, ñre lavariquēnacōari, yuare tujaroticama ñna. To bajiri, ñna rāca juarūmu ñnacaju yua. ⁴¹ ñna rāca ñnacōari, Jesús i masune ñnare i gotimasiosere ajicōari, “Diore gotirētobosagu, Cristo ñnaami”, yituoñacama jājarābusa. ⁴² Jesúre ñre ajitirūnacōari, ado bajiro sore yicama ñna, rómiore:

—Jēre, ñre ajitirūnuaja yua, mu gotise rīne me. Yucune yua masune ñre ajicōari, “To bajiro masu bajigu ñnaami”, ñre yiajitrūnuaja yua yuja. “Ñne ñnaami adi macarūcroana rojose mani tāmuborotire manire yirētobosarocu”, yimasaja yua yuja —sore yicama ñna, ti macana.

Ñnamasugū macure Jesús i catioire queti

⁴³ To yiro bero juarūmu bajiña, vacoacaju yua quēna, Jesúrāca, Galilea sitajuña vana. ⁴⁴ Ado bajiro yuare yigotimami Jesús, ñna gotimasirere gotigu:

—“Diore gotirētobosarimasare ñna ye sitana ñnare rūcubuoheama” yise socaro mene yigotija ti —yuare yigotimami Jesús.

⁴⁵ Galilea sitajure Jesús i ñnarirojure i rāca yua ejatone quēnaro yuare yicama toana. ñna quēne Jerusalēnju Pascua boserūmu ñnaro ñarā variarā tudiejariarā ñnacama ñna. To bajiri jediro Pascua ñnaro Jesús i yicatire ñariarā ñnañuma ñna quēne.

⁴⁶ To bajiro bero Galilea sita Caná vāme cuti macaju ejacaju yua quēna, Jesúrāca. To ñnacaju, ocorene uye oco i godoveocato. Tojure ñnacami sīgū masu ujure rotibosagu. I macu, Capernaum vāme cuti macaju buto rijañañuju i. ⁴⁷ To bajiri, Judea sitaju ñnar’i Galilea sitajuare Jesús i vadisere ajicōari, ñre ñagū ejacami ujure rotibosagu. Jesús tujure ejacōari ado bajiro ñre yicami:

—Yu ya viju vayá. Yu macu bajirocacu yimi. ñre catiogu vayá —Jesúre, ñre yicami.

⁴⁸ To bajiro i yisere ajicōari, ado bajiro ñre yicami Jesús:

—Ñañamanire yu yiosere mua ñabetijama, “Dios i masise rāca yigu yami”, yure yiajitrūnubetiruarāja mua —ñre yicami Jesús.

⁴⁹ To bajiro i yiboajaquēne:

—Yu rāca mu vadibetijama, bajirocacarūcumi yu macu —Jesúre ñre yicami.

⁵⁰ To bajiro i yijare yuja:

—Mu ya viju tudiasa. Jēre ñre catiocōaja yu —ñre boca yicōacami Jesújuama.

To bajise ñre i yisere ajicōari, Jesúre ñre ajitirūnacami. To bajiri i ya viju tudicoacami yuja.

⁵¹ I ya vire i cōñarūtuatone, ñre moabosarimasa bocacōari, ado bajiro ñre yigoti bocayujarā ñna:

—Jēre mu macu quēnacomi yuja —ñre yiyujarā ñna.

⁵² To bajiro ñna yirone,

—¿No cōro masune tudiquēnasuori i, yu macu? —ñnare yisēñañañuju.

—Ñamica, ñmurecaji ñnaro masune ñre tujamasimu ti —ñre yiyujarā ñna, ñna ujure.

⁵³ To bajiro ñre ñna yibocarone, “To cōro muiju i tusatone, ‘Jēre mu macure catiocōaja yu’ yure yimasimi Jesús”, yituoñamasifñuju i. To bajiri i quēne, i yarā quēne, “‘Rotimūorūgōrūcumi’ Dios i yicōagū, manire ejarēmorocu ñnaami”, Jesúre ñre yiajitrūnubetiruarā ñna.

⁵⁴ Ti ñnacaju quēna gaje ñañamanani Jesús i yīobabocati, Judea sitare ñnacōari, Galilea sitaju tudiejacōari, i yīlocati.

5

Micagūre Betzata utara tujū ñnagūre Jesús i catioire queti

¹ To i yiro bero, jud’io masa ñna bajimasirere tuoñacōari, boserūmu ti ejaare, Jerusalēnju yuare űmato vacami Jesús. ² Ti macana ñna vajanare, “Sājaroma ñna” yirā, ñna matagāniriacūni soje, Oveja vāme cuti soje ñnacaju ti. Ti soje ture ñnacaju masa ñna guarita. Hebreo ocama Betzata vāme cuticaju tira. Tira ture cojomocārāca viriaca sitane ñna veariaviriaca ñnacaju, rijaye cutirā ñna cūñariviriaca. ³ Tojure jājarā ñnacama rijaye cutirā. Caje ñmena, rujasagueri vana, micarā quēne, to cūñacama. Tira oco ti saberotire yurā, bajicūñacama ñna. ⁴ Dios tuagu, ángel, tocārācaji tirajure i ejarone, tira oco saberūgūñuju ti. To ti bajirone, no bojagu rijaye cutigu, varocarogūñuju rīne guaro catirūgūñuju i. ⁵ Toju rijaye cutirā vatoaju ñnacami sīgū treinta y ocho cāmari rijañar’i. ⁶ I cūñaro ñnacōari, yoaro i cūñarūgūre ñnamicōari, ado bajiro ñre sēññacami Jesús:

—¿Quēna tudicati quēnaejacoarūati mu? —ñre yicami Jesús.

⁷ To bajiro i yisere ajicōari, ado bajiro ñre yicami:

—Sīgūjuama oco ti saberone yure ñmiroñuagū maami. Tocārācaji oco ti sabero, gājerājuña rīne yu rījoro ñuñaveocōarūgūlama ñna —ñre yicami, Jesúre.

⁸ To bajiro i yirone,

—Vūmurūgūña. Mu cūñaritore āmiña. To yicōari, vasa —ire yicami Jesús.

⁹ To i yiririmarone, quēnaro catiquēnagū ñacoacami i yuja. I cūñaritore āmi, vasuocami yuja. Tirūmu ñacaju jud'io masa yua ususājariarūmu. ¹⁰ To bajiri i cūñaritore i gaja vato ñacōari, ado bajiro ire yicama jud'io masa ujarā:

—Yucama ususājariarūmu ñaja. To bajiri mu cūñaritore gajabesa mu. To bajiro mu yijama, moare ñaja ti —ire yicama sigūri, Jesús i catiocacure.

¹¹ To bajiro ina yiro, ado bajiro ñare cudicami Jesús i catiocacu:

—Yure catiogū, “Mu cūñaritore āmiasa”, yure yimi —ñare yicami.

¹² To bajiro i yisere ajicōari, ado bajiro ire sēñīfacama ña:

—¿Ñimu ñari, “Mu cūñaritore āmiasa” mure yigūma? —ire yisēñīfacama ña.

¹³ To bajiro ire ña yisēñīboajoquēne, tojure jājarā masa vatoaju Jesús i vayayicoajare, “I ñaami”, ñare yigotimasibeticami. ¹⁴ Tiju bero, Diore yirūcubūoriavijū yua ñaro, rijarūmuri cutir'ire ire ñabujacami Jesús quēna. Ire ñabujacōari, ado bajiro ire yicami Jesús:

—Ajija. Quēnaro quēna tudicatiocaju mu. Quēna gāme rojose yibesa, “Butobusa rojose tāmūorobe” yigu —ire yicami Jesús.

¹⁵ To bajiro i yiro bero micase rijaye cutiboacacu, ire sēñīboariarā tuju ejacōari, “Jesúne ñaami, yure catiogū”, ñare yigotiyumi i. ¹⁶ To bajiri ususājariarūmure micaboacacure Jesús ire i catiocatore bajiro gājerare to bajirone i yirūgūjare, josari i tāmūorotire yirā, ire rojose yisūyacama ña, jud'io masa ujarā. ¹⁷ “Ususājariarūmu ti ñabojajuquēne, masare i catiose vaja, rojose tāmūoato i” yirā ña ñabojajuquēne, ado bajiro ñare yicami Jesújuama:

—Masa rijaye cutirāre catiotujabecu ñaami Dios, yu jacu. To bajiri ñare catiotujabeaja yu quēne —ñare yicami Jesús.

¹⁸ “Ususājariarūmure Dios i moarotibetiboajoquēne, moami Jesús”, ire yijūnisinica jud'io masa ujarā, ire sīaruarā. To yicōari, “Dios ñaami yu jacu” i yisere ajicōari, “Diore bajiro ñamasugū ñaja yu yigu yami”, yicama ña. To bajiro yirā ñari, butobusa jūnisinirā ñari, ire sīarua tuoīacama ña.

“Dios macu ñari, i rotirore bajiro yimasijaja yu”, Jesús i yire

¹⁹ To bajise ña yituoīasere ñamasicōari ado bajiro ñare yicami Jesús:

—Ñamasusere riojo muare gotiaja yu: Dios macu ñari, yu bojase yibeaja yu. Yu jacu i yisere ñacōari, i yirore bajirone yaja yu. Jediro yu jacu i yirore bajirone yu quēne i macu quēne, to bajirone yaja. ²⁰ Yu jacu yure maiami. Yure maigū ñari, jediro i yisere yure ioami. Adirūmuriaye rētoro josasere yure yīorūcūmi. To bajiro i yisere yu yīosere ñacōari, no yimasibetiruarāja muā quēne, ti ūnire ñabetirūgūriarā ñari. ²¹ Bajireariarāre catorūgūami yu jacu. To bajiri yu, i macu quēne, i yirūgūrore bajirone yirūgūaja yu, no yu bojarāre. ²² Masa rojorāre beserocu me ñaami yu jacu. “Ñare beserocu ñaja mu”, yure yicami. ²³ To bajiro yure yicami, ire quēnaro ña yirūcubūorore bajirone yure quēne “Yirūcubūoato ña” yigu. Quēnaro yure yirūcubūobecūma, yu jacure, yure cōacacure quēne yirūcubūobecu yigūmi —jud'io masa ujarāre yicami Jesús.

²⁴ To bajiro ñare yigajanocōari, ado bajiro goticami Jesús:

—Ñamasusere riojo muare gotiaja yu: No bojaju yu ocare ajicōari, yure cōacacure ajitirūnūgūma, Dios i catisere cuogu ñaami. I ūgūrema, rojose tāmūotujabetiriaroju ire cōabetirūcūmi Dios. ²⁵ Ñamasusere riojo muare gotiaja yu: Adirūmuri bajiro tirene muare yaja yu: Yure ajitirūnūmenama, bajireariarāre bajiro bajirāma, ña rijato beroju “Tudirijabeticōato” yigu, Dios i catisere cuomena ñari. To bajiboarine Dios macure yure ajitirūnūuarāma sigūri. ñajuare, “Ña rijato beroju tudirijabeticōato” yigu, Dios i catisere ñare ñisrūcūja yu. ²⁶ Masare yu jacu i catorūgūrore bajiro yure i catorotocati ñajare, i catisere ñare ñismasijaja yu. ²⁷ To yicōari, Dios macu ñaboarine, masare bajiro ruju cuticōari, masa vatoaju ñar'i yu ñajare, “Masare besemasirūcūja mu”, yure yicami yu jacu. ²⁸ To bajiro yu yisere ajiyamanire bajiro ajituoīabesa muā. Bajireariarā jediro ñare yu jiro, ña ajijediro tirūmu ejaruarōja. ²⁹ To cōrone yu jisere ajicōari, yu tuju ejajediruarāma ña, tudicatianā yuja. Yu tu ejacōari, quēnaro yirūgūriarāma, Diorāca quēnaro ñacōa ñarūgūuarāma ña. Rojose yirūgūriarārema rojose tāmūotujabetiriaroju ñare cōarūcūja yu yuja —ñare yigoticami Jesús, jud'io masa ujarāre.

“Ado bajiro yure ña yire sūori, ‘Rotimūorūgūōrcūmi’ yigu, Dios i cōar'i ñaami yure yimasiroti ñaja”, Jesús i yire queti

³⁰ Quēna ado bajiro ñare goticami Jesús:

—Yu bojarore bajiro yigu me ñaja yu. Yure cōacacu i bojarore bajiro yirua tuoīagū ñari, masare rojose yirāre, to yicōari quēnase yirāre yu ñabesejama, quēnaro riojo yaja yu. ³¹ “To bajiro yigu ñaja yu” yu masurione yu yijama, “Socu yami”, yure yiroti ñaborōja. ³² To bajiboarine, ñaami sigū, yure gotibosaga. Yure i gotibosase, quēnaro riojo ñaja ti. ³³ Gāji

quēne, “Īne ñaami ‘Rotimuoŕagōŕucami’ yigu Dios ĩ cōar’i”, yure yigotibosayumi, Juan, masare oco rāca bautizarimasu. Ī tujare mua ejarēmomasare sēniaroticōaŕuĵa mua. Quēnaro riojo muare cadiyumi. ³⁴ “Rotimuoŕagōŕucami” yigu Dios ĩ cōar’ire yure ĩ gotibosajaquēne, yure ĩ gotibosabetijaquēne, no yibeaja ti, yure, Dios ĩ cōacacu ñari. Juan yure ĩ gotibosarere muare gotiaja yu, tire ajitirūnacōari, rojose tāmōtūjabetiriaroĵu mua vabetirotire bojagu ñari. ³⁵ Sĭabusuocōari quēnaro riojo ĩamasire ñaja. Tire bajirore bajicami Juan, quēnaro riojo yure gotibosacacu ñari. Īre ajivaricuēnaŕuĵa mua maji. ³⁶ To bajiro muare yiboarine, “Sĭgū ñaami yure gotibosagu” yu yijama, Juanre tūoĭagū me yaja yu. Juan yure ĩ gotibosacati rētoro ñamasuse ñaja. Tima ĩaĭaĭamanire muare yu yĭlorūgūse, yu jacu yure ĩ rotise ñaja. Tire ĩacōari, “Socū me yami. Dios ĩ cōar’i ñaami”, yure yimasiamā masa. ³⁷⁻³⁸ Yu jacu yure cōacacu quēne, ĩ masune, “Yu macu, yu cōagū ñaami” yigu ñari, masa ĩna ajimasirotire ĩnare cōarūgūami. ĩ cōacacure yure ajitirūnumena ñari, ĩre ajimena, to yicōari, ĩ ocare ajitirūnumena ñaja mua. ^a ³⁹⁻⁴⁰ Dios ocare masa ĩna ucamasirere buto buerūgūboaja mua, “Ti ocare manĭ buejama, Diorāca quēnaro ñacōari, manĭ rijato beroĵu ĩ rāca quēnaro ñacōa ñarūgūruarāĵa manĭ” yirā. To bajiboarine yu bajiserene muare ti gotiboajaquēne, yure ajirūabeaja mua. Yure mua ajitirūnūĵama, Diorāca quēnaro ñacōari, mua rijato beroĵu ĩ rāca quēnaro ñacōa ñarūgūborāĵa mua.

⁴¹ “Quēnaro yure yirūcūboato masa” yigu me, adi macarūcuroĵure vadicaĵu yu. ⁴² Mua tūoĭasere ĩamasiaja yu. To bajiri, “Diore mairā me ñaja mua”, muare yimasiaja yu. ⁴³ Yu jacu yure ĩ roticōajare, adoĵu vadicaĵu yu, muare gotimasiogū. To bajiro yu bajiboajaquēne, yure ajitirūnūbeaja mua. No bojagu, Dios ĩ cōabecūrema, “Masa quēnaro yure yirūcūboato ĩna” yigu ĩ vadijama, ĩnare ajitirūnūruarāĵa mua. ⁴⁴ Mua masune quēnase gāmerā yirūcūboore bojarūgūĵa mua. Dios sĭgūne ñaami manĭ ũju. To bajigu ĩ ñaboajaquēne, “Quēnase manire yato Dios” yirā, no bojase mua yirotire yitūoĭabetirūgūĵa mua. To bajiro bajirā ñari, yure ajitirūnūbeaja mua. ⁴⁵ Yu jacu tujare mua ejaro, “Yure ajitirūnūbeticama”, muare yigotiyirobetirūcūĵa yu. Moisés ñamasir’ine ñaami to bajisere muare yigotiyirogu. “Moisés ñamasir’i ĩ rotimasiere quēnaro manĭ ajitirūnūĵama, Dios tujū varuarāĵa manĭ”, yitūoĭaboaja mua. ⁴⁶ To bajiboarine yu bajirotirene ucamasinūmi Moisés. To bajiri ĩ ucamasirere mua ajitirūnumasucōajama, yure quēne ajitirūnūborāĵa mua. ⁴⁷ ĩ ucamasirere quēnaro ajitirūnumena ñari, yure quēne ajitirūnūbeaja mua, –ĩnare yicami Jesūs, jud’io masa ũjarāre.

6

Masa, cinco mil ñarāre Jesūs ĩ bare ecare queti
(Mt 14.13-21; Mr 6.30-44; Lc 9.10-17)

¹ To bajiro ĩnare ĩ yiro bero, ũtabucūra Galilea vāme cutira gajejacatūĵaju yure ũmato ĵēacami Jesūs. Gaje vāme, Tiberias vāme cuticaĵu tira. ² “Dios macūne ñaja yu” yigu, rijaye cutirāre Jesūs ĩ catiorūgūse ĩacōari, ĵājarā masa ĩre sūyarūgūcama ĩna. ³ Gajejacatūĵaju ejacōari, burore yure ũmato majacōari, ruĵicami Jesūs. ⁴ Pascua boserūmu jud’io masa yua quēnorotirūmu cōñacaju. ⁵ To bajiri ĵājarā masa Jesūre ĩre sūyarūgūrā ĩna vadore ĩacōari, ado bajiro Felipe ĩre yicami Jesūs:

–ĩnare ecaruarā, ĵnoĵu bare vaja yirāti manĭ? –ĩre yicami.

⁶ “Ado bajiro yirūcūĵa yu” yimasiboarine, “ ‘Mu ejarēmose rāca ecamasicōaruarāĵa’ Felipe yure ĩ yicūdiro ajigusa” ĩre yigune, yicōaŕumi Jesūs. ⁷ To bajiro ĩ yijare ado bajiro ĩre yicūdicami Felipe:

–Doscientos gāĵoatiiri rāca vaja yiboarine, ĩnare ecaĵeomasibetiborāĵa manĭ –Jesūre ĩre yicami.

⁸ To ĩ yirone, yua rācagu, Pedro bedi Andrés vāme cutigu, ado bajiro Jesūre yicami:

⁹ –Sĭgū daquegu, coĵomo cōro pan cebada vāme cutise, to yicōari, ĵuarā vaire cūboami, bajigūĵama. Masa ĵājarā ĩna ñajare, tūjariaro manimasucōaja ti –Jesūre ĩre yicami Andrés.

¹⁰ To bajiro ĩ yirone,

–Masare ĩnare ruĵirotiya –yicami Jesūs.

Toĵure tatūcuro ñacaju. To bajiri, ta joeĵu ruĵicama. Cinco mil ũmua ñacama ĩna.^b

¹¹ ĩna ruĵijediro ĩacōari, pan daquegu ĩ baborotirene juacōari, “Quēnaro yaja mu”, Diore yivariquēnacami Jesūs. To yicōari ĩ buerāre yure ĩsicami, “Ruĵirāre ĩsibatoya” yigu. Vaire quēne, to bajirone yicami. Sĭgū ŕnyariaro mano quēnaro baŕsucūĵedicōacama. ¹² ĩna bagajanoro ĩacōari, ado bajiro yure yicami Jesūs:

^a 5:37-38 “ ‘Diore ajimena, to yicōari, ĩre ĩamena ñaja mua’ Jesūs ĩ yijama, ‘ĩre ĩarā ñaboarine, to yicōari, ĩre ajirā ñaboarine, ‘Dios macū ñaami’ yimasibeama’ yigu yiyuju”, yiyujarā Dios ocare masa ĩna ucamasire buerētoburimasā. ^b 6:10 ĩamasare, rōmiare cōmenane, ũmua bucūarā ĩrene ĩna cōĵama, cinco mil ñaĵuarā ĩna.

—Īna baruasere juarēoña. Bajirearobe tija ma —yuare yicami Jesús.

¹³ To bajiro yuare i yijare, cebada vāme cutise cojomo cōro pan űaboarere yua juarēojama, juāñmo cōro, gabo juā jēnituario űarajibari ruayacaju. ¹⁴ To bajiro ĩaĭaűamanire Jesús i yīōro ĩacōari, ado bajiro yicama masa:

—Diore gotirētobosarimasu, adi macarucurojore vadicoari, manire rotirocane űaami — Jesure ire yicama masa.

¹⁵ To bajiro ĩna yijare, “Yu bojabetiboaajuquēne, yure āmivacōari uju yure cūruama” yima-sicōari, i sīgūne buro joejare majacoacami Jesús.

Oco joene Jesús i vare queti
(Mt 14.22-27; Mr 6.45-52)

¹⁶ Ti rāioato ĩacōari, utabucurare rojaejacaju yua, Jesús buerimasa. ¹⁷ Rojaeja, cūmua vasāja jēacaju yua, gajejacatūaju Capernaum vāme cuti macaju vana. Ti rētiacoaboaajuquēne, ejabeticōacami Jesús. ¹⁸ To yua bajijēarūtuatone, buto mino vacaju. To bajica yiro, buto sabetuocōacaju ti. ¹⁹ Cinco o seis kilōmetros cōro yua jēatusatone, yua tuju oco joene vadicaami Jesús. Oco joene i vadire ĩarāne, ucacaju yua. ²⁰ To bajiro yua bajiboaajuquēne, ado bajiro yuare yicami Jesús:

—Gūibesa. Yune űaja —yuare yi vadicaami Jesús.

²¹ To bajiro yuare i yijare, variquēnarāne, ire sācaju yua. ĩre yua sārīrīmarone jēaejacoacaju yua yuja.

Jesure masa ĩna macare queti
²²⁻²⁴ Utabucura gajejacatūaju tujacana, cūmuane yua i buerā Jesús i manone yua jēsere ĩacama ĩna. To bajiri gajerāmu yua tudijēaejabetore ĩacōari, Jesure quēne ĩre ĩabeticōari, Tiberias macana ĩna ejase cūmune jēaejayuma, Capernaum vāme cuti macaju, Jesure macarā.

“Pan quēnamasere bajiro bajigu űaja yu”, Jesús iyire queti

²⁵ Yuare ĩabujacōari, ado bajiro Jesure yisēniācama ĩna:

—Gotimasorimasa, ĩDivato adore ejari mu? —ĩre yisēniācama ĩna.

²⁶ To bajiro ĩna yisēniāsere ajicōari:

—űamasusere riojo muare gotiaja yu. ĩaĭaűamanire yu yīōsere ĩari, “To bajiro yigu i űajare, ĩre ajitirānu suyaroti űaja” yirā me yure macasuyaja mu. “Quēnaro bausucutiraroju bare ecagu űaami” yirā űari, bajiaja mu. ²⁷ Bare mu bojamasusejuama yoaro meacane muare jediveocoatoja ti. To bajiri mu barotire tuoĭarejaibeticōaĭna mu. Gajeye barere bajiro bajise űaja, Dios i roticōacacu yure ajitirānurāre yu ĩsisema. Jedibetiraroja tima. “‘Tire ĩsimasiame’ yure yimasiato ĩna” yigu, ĩaĭaűamanire yu yīōrūgūrotire yure ujomami Dios. To bajiri, bare jedibetijare bojarā, Dios i bojasere yija mu —ĩnare yicami Jesús.

²⁸ To bajiro i yijare, ĩre sēniācama ĩna:

—ĩNo bajiro yua yirotire bojati Dios? —ĩre yisēniācama.

²⁹ To bajiro ĩna yisere ajicōari ado bajiro ĩnare yicadicami Jesús:

—Dios i cōacacure yure mu ajitirānusere bojaami Dios —ĩnare yicami Jesús yuja.

³⁰ To bajiro i yijare,

—ĩűie űnire Dios i masise rāca ĩaĭaűamanire yuare yīōrucuada mu, tire ĩacōari “Yure ajitirānuato ĩna” yuare yigu? ³¹ Mani űicua űamasiriarā yucū manojū űacudirā, manā vāme cutisere bamasīñjarā ĩna. To bajirone gotiaja Dios ocare masa ĩna ucamasire. Tuoĭasaque: “Bare Dios i űaroayere manire ecagu yivējañumi”, yigotiaja Dios oca, masa ĩna ucamasire — Jesure ire yicama. To bajiro ĩna yijama, “Moisés űamasir'i suorine bajiriaroja ti” yirā yicama.

³² To bajiro ĩna yisere ajicōari, ado bajiro cudicami Jesús:

—űamasusere riojo muare gotiaja yu: Moisés űamasir'i me Dios i űaroayere barere ĩnare cōacami. Yu jacune űaami i űaroayere barere ĩnare cōacacama. To bajirone bajiaja pan quēnamasusere quēne. Tire muare cōami Dios. ³³ Tire mu bajama, mu rijato beroju, “Tudirijabeticōato” yigu, Dios i catisere ĩsiecuarāja mu.

³⁴ To bajiro i yirone,

—To yijama, pan quēnamasusere yuare ecarūgūma mu —ĩre yicama ĩna yuja.

³⁵ To bajiro ĩna yijare, ado bajiro ĩnare yicami Jesús yuja:

—Yune űaja pan quēnamasuse Dios i cōase. To bajiri, no bojagu yure ajitirānūgūma, bausucutirūgūgūre bajiro bajigami. To bajiri, disejuane Dios i ejarēnose ĩre ruayabetiraroja.

³⁶ To bajiro yu bajiboaajuquēne, yure ajitirānubeaja mu, yure ĩarā űaboarine. Jēre tirene muare gotiboabu yu. ³⁷ No bojarā yure ajitirānurāma, yu jacu suorine yu bojarore bajiro quēnasejuare tuoĭavasoarirā űaama. No bojagu yure ajitirānūgūre, “Mure bojabeaja”, ĩre yibetirucuja yu. ³⁸ Adojure vagu, yu bojasere yiru me rujadicaju yu. Yu jacu i bojasejuare yiru, vadicaju yu. ³⁹ Ado bajiro bojaami yu jacu, yure cōacacu: ĩ suorine yure ajitirānurā űajediro, űatusarirāmure rojose tāmūotūjabetiraroju ĩna vasere bojabeami. ĩ tuju ĩna

ñasejuare bojaami.^{C 40} No bojagu, “Dios macu ñaja mu” yure yimasicōari, yure ajitirānugäre, Dios i catisere i cuosere bojaami yu jacu –inare yicami Jesús.

⁴¹ “Pan quēnamasusere bajiro bajigu ñaja yu Dios i ñaroju rujiadicacu” Jesús i yisere ajicōari, ñagōjaicama jud'io masa ujarā. ⁴² Ado bajiro gāmerā yicama:

–¿Adi macagu, José macu me ñatique? I jacure, i jacore quēne masiaja mani. To bajigu ñaboarine, “Dios i ñaroju rujiadicaju yu”, manire yisocaboami –gāmerā yicama ina.

⁴³ To bajiro ina gāmerā yuñajare, ado bajiro inare yicami Jesús:

–Yure ñagōmacabesa mua. ⁴⁴ Yu jacu suorine yu bojarore bajiro quēnasejuare tuoļavasoariarā rīne ñaama yure ajitirānūrā. Natusarirāmu inare catiorūcūja yu. ⁴⁵ Diore gotirētobosariarā yure ajitirānūrōna ina bajiro tire yirā, gotirā ado bajiro ucayuma ina: “Dios i masise suorine masiruarāma ina jedirone”, yuucayuma ina. To bajiri yu jacu i masise suorine yu bojarore bajirojuare tuoļavasoacōari, yure ajitirānūrārāma.

⁴⁶ Masu, nijuane yu jacure ļagu maami. Yu sigāne i tujare rujiadicacu ñari, ire ļacacu ñaja yu. ⁴⁷ Ñamasusere riojo muare gotiaja yu: No bojagu yure ajitirānugāma, Dios i catisere cuogū ñaami. ⁴⁸ Pan quēnamasusere bajiro bajigu ñaja yu. ⁴⁹ Mua ñicua yucū manojū manā vāme catisere bare, Dios i cōarūgūrere barūgūrariarā ñaboarine bajireajedicoasuma ina. ⁵⁰ Yurema, pan quēnamasusere bajiro bajigūre, masa ina ajitirānūjama, bajireacoaboarine, quēna tudicaticōari, quēnaro ñarūgūrārāma ina. ⁵¹ Yure ñaja pan quēnamasusere bajiro bajigu Dios i cōacacuma. No bojarā yure barā ina rijato beroju, quēna tudicaticōari, quēnaro ñarūgūrārāma. To bajiro ina bajiro tire yigu, inare rijabosarūcūja yu –jud'io masa ujarāre yicami Jesús.

⁵² To bajiro i yisere ajicōari, ina masune ado bajiro gāmerā yicama ina:

–¿No bajiro i rujare manire ecariquida i? –gāmerā yicama ina.

⁵³ To bajiro ina yisere ajicōari, ado bajiro inare yicami Jesús:

–Ñamasusere riojo muare gotiaja yu: Yure, Dios i roticōacacure, yu rujare mua babetijama, yu ri'ire quēne mua idibetijama, mua rijato beroju “Tudirijabeticōato” yigu, Dios i catisere cuobetiruarāja mua. ⁵⁴ No bojagu yu rujare bagu, yu ri'ire idigu ñaami Dios i catisere cuogū. To bajicōari, i rijato beroju natusarirāmure tudicaticōari, quēnaro ñarūgūrūcūmi. ⁵⁵ Yu ruju ñaja bare ñamasuse. To bajicōari, yu ri'i ñaja idire ñamasuse. ⁵⁶ To bajiri yu rujare bacōari, yu ri'ire idiguma, yu rācagu ñagūmi. Yujua quēne, i rācagu ñaja yu. ⁵⁷ Yu jacu, yure cōacacu catirere cuogū ñaami. To bajiri i suorine catiaja yu. To bajirone bajirūcūmi yure ajitirānugū quēne. Yu suorine i rijato beroju quēna tudicaticōari, yu rāca quēnaro ñacōa ñarūgūrūcūmi. ⁵⁸ To bajiri pan quēnamasusere bajiro bajigu, Dios i ñaroju rujiadicacu ñaja yu. Yuma mua ñicūare ō vecaye bare Dios i cōare manā vāme catisere bajiro bajigu me ñaja. Mua ñicua, manā vāme catisere bariarā ñaboarine, bajireajedyuma ina. No bojagu yure ajitirānugāma, i rijato beroju quēna tudicaticōari, yu rāca quēnaro ñacōa ñarūgūrūcūmi –inare yicami Jesús, jud'io masa ujarāre.

⁵⁹ Ado bajiro i gotimasio ñajama, Capernaum vāme cuti maca ñarivi, Dios ocare ina bueriviju ñacōari, inare gotimasio camu Jesús.

“Yu ocare ajitirānugārema, ‘Tudirijabeticōato’ yigu, Dios i catisere ļisurūcūja”, Jesús i yire queti

⁶⁰ To bajiro i gotisere ajicōari, ļajarā ire sayarā, ado bajiro gāmerā yicama ina:

–To bajiro i yigotimasiose, no bajiro yimasiriaro maja. Tire ajivariquēnagū magūmi –gāmerā yicama ina.

⁶¹ To bajiro ina gāmerā yisere masicōacami Jesús. To bajiri, ado bajiro inare yicami:

–To bajiro muare yu yigotimasiosere ajitebesa mua. ⁶² “Riojo me yami” mua yituoļajama, Dios i roticōacacu ō vecaju yu vadicatorjare quēna yu tudimujatore ļacōari, “Riojo yiyumi”, yituoļaboarāja mua. ⁶³ “Yu rujare ina base suorine, ina rijato beroju ‘Tudirijabeticōato’ yigu, Dios i catisere suoruarāma masa” yu yijama, yu rujare yigu me yaja yu. Yure masa ina ajitirānusejuare yigu yaja. Yure ajitirānūrārema Esp'iritu Santore inare cōarūcūja yu, ina rijato beroju, “Tudirijabeticōato” yigu. ⁶⁴ To bajiro yu yigotisere, “Socu yami”, yituoļaja mua sigāri –inare yicami Jesús.

Rēmojuņe, “Ina ñaruarāma ‘Socu yami’ ” yure yituoļarā, to yicōari, “I ñarūcūmi yure ļisirocarocu” yimasigū ñari, to bajiro inare yicami.

⁶⁵ To bajiro yigajanocōari, ado bajiro inare gotiquēnocami:

–“Yure sayarā sigāri, ‘Socu yami’, yure yituoļaama” yimasigū ñari, “Ñimarā yure ajitirānūrā maniborāma, yu jacu suorine quēnasejuare ina tuoļavasoabetijama”, muare yibu yu. To bajiri yu jacu suorine quēnasejuare tuoļavasoarā me ñari, “Socu yami”, yure yaja mua sigāri –inare yicami Jesús.

^C 6:39 Natusarirāmure i yijama, adi macarūcūro ti jediro tudiejacōari, masare i ľabeserirāmure yigu yiyuju Jesús.

⁶⁶ To bajiro ĩ yisere ajicōari, jājarā ĩre suyaboacana ĩre cāmotadicōari, juaji ĩ rāca vacudibeticama ĩna yuja. ⁶⁷ To bajiro ĩna bajiro ĩacōari, juaāmo cōro, gubo jua jēnitiuarirācu ĩnarāre ado bajiro yuare sēniñacami Jesús:

—¿Mua quēne, “ĩre cāmotadito mani”, yure yituoīati mua? —yuare yisēniñacami.

⁶⁸ To bajiro ĩ yisere ajicōari, ado bajiro ĩre yicudicami Pedro:

—Ñimujua mure bajiro bajigu magāmi. Yua rijato beroju, “Tudirijabeticōato” yigu, Dios ĩ catisere yuare mu ĩsire gotiaja mu. ⁶⁹ Mure ajitirānuaja yua. “Rojose yigu me, Dios ĩ cōar'i ĩnaja mu”, mure yimasiaja yua —Jesúre ĩre yicami Pedro.

⁷⁰ To bajiro ĩ yisere ajicōari ado bajiro yuare yicami Jesús:

—Muarema, ¿juaāmo cōro, gubo jua jēnitiuarirācu ĩnarāre yuare muare bese juabeticati yu? To yu yicana mua ĩboajaquēne, mua vatoare ĩnaami sīgū vātia ujure cudigu —yuare yicami Jesús.

⁷¹ To bajise ĩ yijama, Simón macu Judas Iscariotere yigu yiyumi Jesús, yua juaāmo cōro, gubo jua jēnitiuarō rācagu ĩboarine, ĩre ĩsirocarocu ĩ ĩnjare.

7

Jesús bederā ĩboarine, ĩre ĩna ajitirānubetire queti

¹ To bajiro ĩ yiro bero, quēna Galilea sitaju yuare ũmato vacudicami Jesús. Judea sitaju ĩnarubeticami, ti sitana jud'io masa ujarā ĩre ĩna sīarujare. ² Yucú manojū ĩna ĩncua ĩna ĩnacudimasire tuoīariarūmuri, Enramadas vāme cuti boserūmu cōñacaju. ³ To bajiri, Jesús bederā ado bajiro ĩre yicama:

—Judea sitaju mure suyaboacana, jājarā ĩnarāma. To bajiri adojure tujabesa. Tojuane tudicoasa mu, ĩna quēne, “ĩaīañamanire mu yīorūgūse ĩato ĩna” yigu. ⁴ No bojagu, jājarā masa ĩre ĩna ĩamasiroire ĩ bojjama, masa mojjoroaca ĩnarojure yīocudibecami. ĩaīañamanire yīomasigū ĩari, jājarā ĩna ĩnarojure yīoaya mu —ĩre yicama ĩna, Jesús bederā.

⁵ Jesús bederā ĩboarine, “ ‘Rotimūorūgōrcami’ yigu, Dios ĩ cōar'i ĩnaami”, ĩre yituoīarā me ĩnacama. ⁶ To bajiri ado bajiro ĩnare yicami Jesús:

—Judeaju yu varoti ejabeaja maji. No bojarirūmu mua vajama, muarema quēnacōaja. ⁷ Diore ajimena mua ĩnjare, muare ĩatemenama. Yurema ĩateama ĩna, “Mua yirūgūse, rojose ĩnaja ti” ĩnare yu yijare. ⁸ Enramadas boserūmu ĩarā vasa muama. Yurema, yu varoti ejabeaja maji —ĩ bederāre yicami Jesús.

⁹ To bajiro ĩnare ĩ yiro bero, Galilea sitajure ĩnacōacaju yua maji.

Enramadas vāme cuti boserūmure Jesús ĩ gotimasiore queti

¹⁰ ĩ bederā ĩna vato bero, Jesús quēne, Enramadas boserūmu ũmato ĩagū vacami. To bajiboarine, yayioroaca yuare ũmato ejacami. ¹¹ To ĩnacama jud'io masa ujarā quēne. ĩre macaboacama.

—¿Noju ĩnati ĩ? —yicudiboacama.

¹²⁻¹³ Tirūmūre jājarā masa Jesúre ĩnagōjai ĩnacama ĩna. Sīgūri ado bajiro yicama:

—Quēnaro yigu ĩnagūmi —yicama ĩna.

Gājerājuama:

—Quēnaro yigu me ĩnagūmi. Masare yitogu ĩnagūmi —boca yicama. Ujarāre gūirā ĩari, ĩna masune yayioroaca gāmerā ĩnagōca ĩnacama ĩna, Jesúre gōjarā.

¹⁴ Enramadas boserūmu ĩna yī gudareco cutiatio, Diore yirūcubūoriavire sājacōari, masare ĩnare gotimasiocami Jesús yuja. ¹⁵ ĩ gotimasiocere ajicōari, no yimasibeticama jud'io masa ujarā:

—Buebetir'i ĩboarine, ¿no yigu to bajise gotimasiomasati ĩ? —yicama ĩna.

¹⁶ To bajiro ĩna yisere masicōari,

—Yu gotimasiocama yu ye me ĩnaja. Yure cōacacu ye ĩnaja ti. ¹⁷ Dios ĩ bojasere mua yirūajama, “Dios ĩ yerene gotimasiocami”, yimasiborāja mua. ¹⁸ No bojagu no ĩ tuoīasene gotiguma, masa quēnase ĩre ĩna yirūcubūosere bojjagumi. No bojagu ĩre cōacacure Diore masa quēnase ĩre ĩna yirūcubūosere bojjaguma, riojo masune gotigu ĩnagūmi. ĩne ũnijūare masare ĩnare yitobecami.

¹⁹ ¿Moisés ĩnamasir'i Dios ĩ rotimasire muare cūbesujarique ĩ? Tire cūorā ĩboarine no bojjagu mua vatoare Dios ĩ rotimasire cudijeogu maami. Rojose yu yibetiboajaquēne yure sīarujaja mua —masare yicami Jesús.

²⁰ To bajiro ĩ yisere ajicōari, ado bajiro ĩre cudicama ĩna masa:

—Vāti mu usujure sājacōari, rojose mure yitogu yigūmi. ĩmujua mure sīarujagu magūmi — ĩre yicama ĩna, Jesúre.

²¹ To bajiro ĩna yijare,

—Ususājariarūmu ĩboajaquēne, sīgū rijagure yu catioero ĩacōari ĩnucacaju mua, “Ususājariarūmu ĩboajaquēne moami” yīlaterā. ²² Moisés ĩnamasir'i sūcicare circuncisiōn

yirere maare rotiyumi i. I masu me tire rotisoyumi. Jere i nicaajune to bajirone yicoadimasifujara ina. To bajiro rotimasire najare, ususajariarumu ti naboajaquene, sũcare circuncisi3n yaja mua. 23 Moises namasir'i i rotimasirere cadira nari, ususajariarumu ti naboajaquene sũcare circuncisi3n yaja mua. Yujuairema ususajariarumu ti naboajaquene sigũ rijagure yu catiojama, ¿no yira yure jũnisiñati mua? 24 Nie manone rujajine quẽnaro tuoĩabetiboarine, "Rojose ire naja", yure yibesa mua. "Rojose ire naja" mua yijama, quẽnaro tuoĩa rijoro yic3ari, "Rojose ire naja", yure yija mua —inare yicami Jesũs, masare.

"Dios i narojure vadicaũ naja yu", Jesũs i yire queti

25 To bajiro i yisere ajic3ari, Jerusal3n macana sigũri ina masune gãmerã s3niĩacama ina: —¿Sĩaruarã, ina macagu me naruyuati i? 26 Ado mani jediro rijorojuaire nãgõñaami i. To i bajiboajaquene sigũ ire boca yimatagu maami. Adoana ujarã, "Cristo Dios i c3agũ, mani uju nãgũmi i", ¿yituoĩarãda ina? 27 "Ti macagu vayumi", yimasiaja mani. Cristorema, "I ejaro, 'Toagu vayumi' yimasibetiruarãja mani", yiadire naja —ina masune gãmerã yicama ina. Jerusal3n macana sigũri.

28 To bajiro ina yisere ajic3ari, Diore yirũcũburiavijũ gotimasio nãcacũ, oca tutuase rãca nãgõcami Jesũs yuja:

—Yure iac3ari, "Ti macagu nãami", yure yituoĩaboaja mua. To bajiro mua yituoĩajama, yure c3acacure riojo yigure masibeaja mua. 29 Yuma ire masiaja. I c3acacune naja yu. I narojune vadicaũ yu —inare yicami Jesũs.

30 To bajiro i yijare, buto ire ajijũnisiñarã nari, ire nĩaruaboacama ina, jud'io masa ujarã. To bajiboarine ire nĩamasibeticama ina, "To c3rone nĩaacorucumi" Dios i yiriarũmu ti ejabetijare.

31 Gãjerãma jãjarã ire ajitirũnucama ina. To bajiri ado bajiro yicama ina:

—Cristo, Dios i c3ar'i nãgũmi ãni. No bojagu i r3toro iããñamanire yigu manirucumi —yicama ina, ire ajitirũnarã.

Jesũre ire nĩaruarã, Diore yirũcũburiavire coderimasa ina ejare queti

32 Masa Jesũs i bajisere yayioroaca ina gotiro ajiyuma fariseo masa. To bajiri, Diore yirũcũburiavi coderimasare Jesũre ire nĩarotiyuma ina, paia ujarã quẽne. 33 Ina ejaro iac3ari ado bajiro yicami Jesũs:

—Yure c3acacũ tũju quẽna tudiarũcũja yu. To bajiri yoaro meaca adore masa tũjare nãrucũja yu. 34 Yure macaruarãja mua. To bajiboarine yure bujabetiruarãja mua. Yu narojure no bajiro yi vamasibetiruarãja mua —masare inare yigoticami Jesũs.

35 To bajiro Jesũs i yisere ajic3ari, jud'io masa ujarã ina masune gãmerã s3niĩacama ina:

—¿Nojũre variquĩda i, ire mani bujabetirotorejuma? Mani nãro sojuaju vac3ari griego masa rãca vusarã tũju varũ yigumi, i yijama. Tojũre vac3ari, gãjerã masare, o mani yarãre gotimasiogũ varũ yigumi, i yijama. 36 "Yure macaboarine yure bujabetiruarãja mua. To bajic3ari yu narojure vamasibetiruarãja mua" i yijama, ¿no yire ãnire yati i? —gãmerã yĩnãgõcama ina.

"Masa Diorãca quẽnaro nãaruarã, ado bajiro bajirãma", Jesũs i yire queti

37 Masa manojũ ina nĩcũa ina nãcudimasirere tuoĩatusariarũmu, tirũmu nãcãju rujarũmu masuma. Tirũmure vũmũrũgũc3ari, oca tutuase rãca nãgõcami Jesũs:

—Sĩgũ i oco idirũajama, oco s3nigũmi. Tire bajirone, no bojagu Diore i masirũajama, yu tũjare vadic3ari ire yu catiorotire s3nigũ ejato i. 38 Ajija mua. Ado bajiro gotiaja Dios ocare masa ina ucamasire: No bojarã yure ajitirũnarãrema, "Ina usũriju oco masare catiose, riagare bajiro ãmayuc3a nĩaruaroja, 'Diorãca quẽnaro nãc3a nãrũgũrãro' yiro", yigotiaja Dios oca —masare inare yigoticami Jesũs.

39 To bajiro i yijama, "Yure ajitirũnarãre ina usũrijure, Dios i c3agũ Esp'iritu Santo ejac3ari quẽnaro inare ejarẽmoc3a nãrũgũrucumi, ina rijato beroju tudirijabetic3ari, Diorãca quẽnaro nãronare" yigu yicami Jesũs. O vecajure, quẽnase ire yirũcũburiavijũre Jesũs i tudiejabetijare, Dios i c3agũ Esp'iritu Santore adi macarũcũrore Jesũre ajitirũnucanare c3abesumi Dios maji.

Ricatiri rĩne masa ina tuoĩare queti

40 Jesũs i nãgõsere ajic3ari, sigũri ado bajiro yicama:

—Diore ire gotir3tobosarimasa, Dios ocare ucarã, "To bajirũcumi" masa ina yicumasir'i masune nãami —yicama ina, sigũri.

41 Gãjerãjũama ado bajiro yicama ina:

—Cristo, "Rotimũorũgõrucumi" yigu, Dios i c3ar'i masune nãc3aami —yicama ina.

Gãjerãma ado bajiro yicama:

—Cristo me nãami. No bajiro yigu, Galileagune Cristo nãbecumi. 42 Dios ocare masa ina ucamasire ti gotijama, ado bajiro yaja: "Uju David nãmasir'i jãnerabatia jãnami nãrucumi

Cristo. To bajiri David ñamasir'i ire bajirone Belén macagune ñarucami i quêne", yigotiaja Dios oca –yicama ña.

⁴³ Ado bajise ricatiri rñe Jesúre ñe yituoñacama ña. ⁴⁴ Sīgūri ñe ñiaruaboacama. To bajiboarine ñe ñiamasibeticama.

Jud'io masa ujarā, Jesúre ña ajitirānubetire queti

⁴⁵ Diore yirācubūoriavire coderimasa Jesúre ñe ñiamasibeticōari, fariseo masa, paia ujarā tujare tudiacama ña. Ñie manane ña ejaro ñacōari ado bajiro ñare yisēñiñajuarā ña paia ujarā:

–¿No yirā ñe āmiadibeti mua? –ñare yiyujarā ña.

⁴⁶ Ado bajiro ñare yicūdiyujarā Diore yirācubūoriavire coderimasa:

–Ñe bajiro ñagōrā manicama ña –yiyujarā ña.

⁴⁷ To bajiro ña yijare, fariseo masajua ado bajiro ñare yiyujarā:

–¿To yitogū i yiserene ñe ajiri mua? ⁴⁸ Mua ujarā ñaja yua. Yūama sīgū ñe ajitirānugū maja. Mani ujarā quêne sīgū ñe ajitirānugū maami. ⁴⁹ Adoana masa Moisés ñamasir'i i rotimasirere masibeticōari, Jesúre ñe ajitirānūrāma. To bajiro ña bajijare, ñare rearucami Dios –yiyujarā ña fariseo masa.

⁵⁰ Nicodemo ñamiju Jesúre ñe ñagū ejar'i, fariseo masū ñañuju i quêne. Ñe barbarē ado bajiro ñare yiyuju i:

⁵¹ –¡Majique! Moisés ñamasir'i manire i rotimasirere yirā, i gotisere ajicōari, ñe sēñiñabetiboarine, “Rojose ñaja ti, ñe”, yimasibeaja mani –yiyuju Nicodemo, i barbarē.

⁵² To bajiro i yijare,

–¿Mu quêne Galileagu ñatique mu? Dios ocare masa ña ucamasariatutire ña ñasaque mu. Tire mu buero bero, “Diore gotirētobosarimasū Galileaju vadir'i manirucami” yiuaturere masirucuja mu quêne –ñe yiyujarā ña, Nicodemore tud'irā.

⁵³ To bajiro ñe yicōa, ña ya viriju tudijedicōasujarā ña.

8

Rōmio manaju cutiboarine, gāji rāca ajeri cutigo Jesús tujare so ejare queti

¹ Macaju yua tujarone, Olivo vāme cuti buroju majacoacami Jesús. ² Gajerūmu, busuriju, Diore yirācubūoriaviju tudiejacami quēna Jesús. Ñe ejaro ñacōari jājarā masa i ture rējacama. To bajiro ña bajijare, rujicōari yaare gotimasioacami Jesús.

³ To bajiro yuare i yigotimasio ñarone, fariseo masa, Dios i rotimasire gotimasiorimasa quēne ejacama. Sīgō rōmio manaju cutiboarine gāji rāca ajeri cutigore yua ñaro rñjorojuare sore jiaejocama ña. ⁴ To yicōari, ado bajiro Jesúre ñe yicama ña:

–Yuare masiogū, adio rōmio manaju cutiboarine gāji rāca so ajeri cutisere ñamu yua.

⁵ Moisés ñamasir'i i rotimasire ado bajiro yirotiata ti: “To bajiro yirārema gūtane ñare reasñañā”, yaja ti. Muma, ¿no bajiro tuoñati mu? –Jesúre ñe yicama.

⁶ “Moisés i yiriare bajirone Jesús manire i cūdibetijama, Jesús, rojose yimi” ujarāre yi ocasñuarā, Jesúre sēñiñatoboacama ña. To bajiro ña yisēñiñatobojaquēne, mubiacoari i āmo vāsoane ucacami Jesús, sita tūcurojare. ⁷ Ñe ña sēñiñatujabetijare, vāmurūgūcōari, ado bajiro ñare yicami Jesús yuja:

–Mua rācagu, “Rojose yibecu ñaja yu” yigu, gūtane muare ūmato rocavasuoato –ñare yicami Jesús.

⁸ To bajiro yicōa, quēna mubiacoacami Jesús. Mubiacoari, sita tūcurore ucacōa ñacami quēna. ⁹ To bajiro i yisere ajicōari, “Rojose yibeticaju” yigu manicami. To bajiri, sore gūtane rocavamenane, bucurā vasuo, tiju bero gājerā vajedicōacama ña. To ña baji veogo, so sīgōne Jesúrāca tujacamo so. ¹⁰ To ña bajiro bero, vāmurūgūcōari, so sīgōne so ñaro ñacōari, ado bajiro sore sēñiñacami Jesús:

–¿Noju ñati ña yuja, “Rojose yimo” mure yirāma? ¿Rojose mu yise vaja, sīgūñuama mure sīamenane, vacoajari ña? –sore yicami Jesús.

¹¹ To bajiro i yijare,

–Yure sīamenane, vacoajama –Jesúre yicamo.

To so yisere ajicōari, ado bajiro sore yicami Jesús:

–Yu quēne, “Rojose mu yire vaja rojose tāmuroñocoja”, yibeaja yu. Vasa. Quēna gāme rojose yibeja mu yuja –sore yicami Jesús.

“Yu suorine Diore masire ñaja”, Jesús i yire queti

¹² Quēna ado bajiro masare ñare yigoticami Jesús:

–Yu suorine Diore masiama masa. Yure ajitirānūmasurāma, Diore masimenare bajiro bajibetiruarāma ña. Yure ajitirānūrāre catioaja yu, ña rijato beroju, “Quēnaro catijedicōa ñarūgūrājaro” yigu –ñare yicami Jesús.

¹³ To bajiro ĩ yisere ajicōari, ado bajiro yicama fariseo masa:

—“To bajiro bajigu ñaja yu” mu yiboajaquēne, nijhane gāji mami, “Riojo gotiami” mare yiguma. To bajiri to bajiro mu yiboase vaja maja ti. To bajiro yitocōagū yaja mu —Jesúre ĩre yicama.

¹⁴ To bajiro ĩna yijare, ado bajiro ĩnare yicadicami Jesús:

—Yu vadicatojure masiaja yu. Yu varotore quēne masiaja yu. To bajiri yu masune yu gotise ñaboarine, socase me ñaja ti. Muama, yu vadicatojure, to yicōari, yu varotore quēne masibeaja mua. ¹⁵ Masa ñari, riojo masimenane, “Rojose yirā ñaama”, gājerāre yīābeserūgūaja mua. Yuma, masa ĩna yisere ĩabesege me yaja. ¹⁶ To bajiboarine masa rojose ĩna yisere yu ĩabesejama, yu sīgāne ĩabesebeaja yu. Yu jacu, yure cōacacu, yu rācane ĩabeseami. To bajiri, masare, “Rojose yirā ñaama” yu yijama, riojo masune ĩnare gotiaja yu. ¹⁷ Mua ñicua ĩna rotimasirere ado bajiro yucamasire ñaja ti: “ ‘Rojose yimi’ juarā ĩna yijama, ĩnare ajiya”, yaja ti, mua ñicua ĩna rotimasire. ¹⁸ To bajiri, “To bajiro bajigu ñaja yu”, masare yīorūgūaja yu, yu masu quēne. Yu jacu yure cōacacu quēne, ĩ masune, “Yu macu yu cōagū ñaami” yigu ñari, masa ĩna ajimasirotire ĩnare cōarūgūami —ĩnare yicami Jesús.

¹⁹ To bajiro ĩ yisere ajicōari, ado bajiro ĩre sēñīacama ĩna:

—¿Noju ñati mu jacu? —ĩre yicama, Jesúre.

To bajiro ĩna yijare ĩnare cūdicami Jesús:

—Yure ĩamasibeaja mua. To bajiri yu jacure quēne masibeaja mua. Yure mua ĩamasijama, yu jacure quēne masiborāja mua —ĩnare yicami Jesús.

²⁰ Diore yirūcuborīavijū, masa ĩna gājoa sārīaju tujare rūgōcōari, to bajise masare ĩnare yigotimasiocami Jesús. Toju jud'io masa ujarā ĩna moariju ti ñaboajaquēne, Jesúre ñiamasibeticama, ĩre ĩna ñiaroticu maji ti ejabetijare.

“Yu vatojure no bajiro yi vamasibetiruarāja mua”, Jesús ĩ yire

²¹ Quēna ado bajiro masare yigoticami Jesús:

—Varucuja yu. Yu vato bero, yure macaboaruarāja mua. Yure bujamena rīne rojose mua yise rācane bajireacoaruarāja mua. To bajiri yu vatojure vamasibetiruarāja mua —ĩnare yicami Jesús.

²² To bajiro ĩ yisere ajicōari, ado bajiro gāmerā yicama ĩna, jud'io masa ujarā:

—¿ĩ masune ślayayirū yati ĩ, “Yu varotojure vabetiruarāja mua” ĩ yijama? —gāmerā yicama ĩna.

²³ To bajiro ĩna yisere ajicōari:

—Muama, adigodoana ñaja. Yuma, ō vecagujū ñaja. Adi macarucuroana Diore ajimena ñaja muama. Yuma, adi macarucuroagu me ñaja yu. ²⁴ To bajiri, “Rojose mua yise rācane bajireacoaruarāja mua”, muare yibu yu. “ĩne ñaja yu” yu yirore bajiro yure mua ajitirūnabetijama, rojose mua yise rācane bajireacoaruarāja mua —ĩnare yicami Jesús.

²⁵ To bajiro ĩ yisere ajicōari, ado bajiro ĩre sēñīacama ĩna:

—¿Ñimu ūgū ñati mu? —ĩre yicama ĩna, Jesúre.

To bajiro ĩna yirone, ĩnare cūdicami Jesús:

—Muare gotisuoqujune, “ĩñaja yu” muare yisuoadicaju yu. ²⁶ Jairo muare yu gotiroti ñaboaja ti. Rojose mua yisere ĩacōari, “Ado bajiro rojose yaja mua” cojoji me muare yu yiborotine bajicōaja ti. To bajiboarine masare adi macarucuroanare muare yu gotijama, yure cōacacu ĩ gotirotise rīne gotirūgūaja yu —ĩnare yicami Jesús.

²⁷ To bajiro ĩ yiboajaquēne, “ ‘Yure cōacacu’ yigu, ‘Diore, ĩ jacure’ yigu yami”, yiajimasibeticama ĩna. ²⁸ To bajiri ado bajiro ĩnare yigoticami Jesús:

—Dios ĩ roticōacacane ñaja yu. Yucūtēroju masa yure ĩna jajuturo bero bajisere ĩacōari, “Riojo yiyumi. To bajiro masune bajigu ñañumi”, yure yimasiruarāja mua. “ĩ masurione ĩ tuoasere me gotirūgūñumi. ĩ jacu ĩre ĩ gotimasirotisere gotirūgūñumi”, yimasiruarāja mua. ²⁹ Yure cōacacu yu rācane ñacōa ñarūgūami. ĩ bojase rīne yaja yu. To bajiri yure vaveobetirūgūami —masare yigoticami Jesús.

³⁰ To bajiro Jesús ĩ yisere ajicōari, jājarā masa ĩre ajitirūnucama.

“Dios rīa me ñaama rojose yirā”, Jesús ĩ yire queti

³¹ To bajiri jud'io masare ĩre ajitirūnūrāre ado bajiro goticami Jesús:

—Muare yu gotimasirotisere mua ajitirūnū tujabetijama, yu buerā masune ñaruarāja mua. ³² To bajiro bajirā rīne Dios ocare socabetire ajimasiruarāja mua. Ti ocare ajimasicōari, rojose mua yisejasere yitujaruarāja mua, Dios ĩ bojasejuare yiruarā —ĩnare yicami Jesús.

³³ To bajiro ĩ yijare, ado bajiro yicama ĩna:

—Abraham ñamasir'ī jānerabatia ñari, Dios yarā ñaja yua. To bajiri, ¿no bajiro yigu, “Rojose mua yisejasere yitujaruarāja mua, Dios ĩ bojasejuare yiruarā”, yuare yati mu? —Jesúre ĩre yicama ĩna.

³⁴ To bajiro ina yisere ajicōari, ado bajiro yicami:

—Ŋamasusere riojo muare gotiaja yu: No bojarā rojose yirāma, rojose yisejarā ŋari, rojose yitujamasibeama. ³⁵ Sigū ī ujure moabosarimasa, “Ado yure moarotigu rācane ŋacōa ŋarūgūrucuja yu”, yimasibeami. Uju macujama, ī rācane ŋacōa ŋarūgūrucumi. To bajiri, Dios rīama, ī rācane ŋacōa ŋarūgūruarāma. ³⁶ To bajiri, rojose mua yisejasere yu suorine “Yitujaruarāja” mua yijama, “Rojose maja ŋare”, muare yirucuja yu yuja. ³⁷ “Abraham ŋamasir'i jānerabatia ŋaja yua” mua yisere masiaja yu. To bajiro yirā ŋaboarine, yu gotisere ajitirūnubeticōari yure sīaruaja mua. ³⁸ Yu jacy yure ī yīocatire muare gotiaja yu. Mūama, mua jacy rojose yigu ī rotisere cudirā ŋaja —īnare yicami Jesūs.

³⁹ To bajiro ī yisere ajicōari, ado bajiro yicama īna:

—Abraham ŋamasir'ine ŋaŋumi, “yua jacy” yua yiguma —Jesūre ire yicama īna.

To bajiro īna yirone, ado bajiro īnare yicami Jesūs:

—Abraham ī yirūgūriore bajirone yiborāja mua, ī rīa mua ŋajama. ⁴⁰ Yu jacy, Dios oca socase mere ī gotirotirote bajirone muare yu gotimasioboajaquēne, yure sīaruaja mua. Abraham ŋamasir'ima ti ūnire yibetirūgūmasiŋumi. ⁴¹ Yure sīaruarā, mua jacy masu rojose yigu ŋadir'ī ī yirūgūrore bajirone yirā ŋaja mua —īnare yicami Jesūs.

To bajiro ī yijare, ado bajiro ire yicama:

—Yu jacy masuma, Dios ŋaami. Gāji mami yuarema. Ī rīa masune ŋaja yuama —Jesūre ire yicama īna.

⁴² To bajiro ina yisere ajicōari, ado bajiro īnare cudicami Jesūs:

—Mua jacy masune Dios ī ŋajama, yure maiboriarāja mua. Yu masu me vadicaju yu. Dios yure ī cōajare vadicaju yu. Dios tujū vadicōari adone ŋaja yu. ⁴³ Ūno yirā yu gotisere ajimasibeati mua? Yu gotimasiosere ajiruamena ŋari, tire ajimasibeaja mua. ⁴⁴ Mua jacyta, vātia uju ŋaami. Ī rīa ŋaja mua. To bajiri ī bojasere bajirone mua quēne yirua tuoŋaja mua. Rēmojuŋe masare sīarimasune ŋacoayumi vātia uju. Riojo gotibetirūgūami. Yitorimasa, socase jacy ŋaami. Ī gotijama, socarūgūami. Rēmojuŋe to bajirone bajicoayumi. ⁴⁵ Yuarema socabeti quetire gotigu yu ŋajare, yure ajitirūnubeaja mua. ⁴⁶ Sigū, “Ado bajise rojosere yicaju mu”, yure yimasigū mami. To bajiri, riojo muare yu gotiboajaquēne, ūno yirā yure ajitirūnubeati mua? ⁴⁷ Dios rīa mua ŋajama, ī ocare ajiboriarāja mua. Ī rīa me ŋari yure ajiruabeaja mua —īnare yicami Jesūs.

“Abraham ŋamasir'i rījorojuŋe ŋacoadicaju yu”, Jesūs ī yire

⁴⁸ To bajiro ī yirone, cudicama jud'io masa ujarā:

—“Samaria sitagu, vāti sāŋagū ŋaja mu” muare yua yirūgūse riojone yiyuja yua —Jesūre ire yicama jud'io masa ujarā yuja.

⁴⁹ To bajiro ina yisere ajicōari, ado bajiro īnare yicami Jesūs:

—Vāti sāŋagū me ŋaja yuma. Yu jacy Diore quēnase ire yirūcubuoaja yu. Mūama, yure rācubuoabeaja mua. ⁵⁰ “Quēnaro yure yirūcubuoato īna masa” yigu me vadicacu ŋaja yu. Sigūne ŋaami, quēnaro masa yure īna yirūcubuosere bojagama. Yure rācubuoamenare īmasigū ŋaami. Īmasicōari, rojose yure īna yise vaja rojose tāmuorotirucumi. ⁵¹ Ŋamasusere riojo muare gotiaja yu. No bojarā yu gotisere ajitirūnurāma, bajireabetiruarāma īna —īnare yicami Jesūs.

⁵² To bajiro ī yisere ajicōari, ado bajiro Jesūre yicama jud'io masa ujarā:

—To bajiro mu yisere ajicōari, “Vāti sāŋagū masune ŋaami”, muare yimasiaja yua yuja. Abraham ŋamasir'ī, Diore gotirētobosarimasa ŋamasiriarā quēne, bajireajedicoasuma īna. To bajiro īna bajire ti ŋaboajaquēne, “Yure ajitirūnurāma bajireabetiruarāma īna”, yiboaja mu. ⁵³ Yu ŋicu Abraham ŋamasir'ī, ŋamasugū ŋamasifūju īma. Ī rētoro ŋamasugū ŋatique mu? Abraham quēne, Diore gotirētobosarimasa quēne bajireajedicoasuma īna. To yijama, ūŋimū ūgū ŋati mu? —Jesūre ire yicama īna.

⁵⁴ To bajiro ina yijare, īnare cudicami Jesūs:

—Yu masurione, “Quēnagū ŋaja yu. Quēnase yigu ŋaja yu” yu yiboajama, ŋie vaja maja ti. Yu jacy ŋaami quēnase yure yirūcubuoagu, “Īne ŋaami yua Dios” mua yiboagu. ⁵⁵ Īre masibeaja mua. Yuma, Īre quēnaro masiaja. “Īre masibeaja” yu yijama, muare bajirone socagu ŋaboguja yu. Yuma, quēnaro masune Īre masicōaja yu. Ī yirore bajirone Īre cudiaja yu. ⁵⁶ Mūa masa ŋicu, Abraham ŋamasir'ī, “Cojorāmu ejarūcumi Dios ī cōagu, ŋajediro masa uju” yigu, variquēna yuŋamasifūmi. To bajiri adi macarūcrojore yu ejaro īacōari, variquēnamasucōacami —īnare yicami Jesūs, jud'io masa ujarāre.

⁵⁷ To bajiro ī yisere ajicōari, ado bajiro Īre yicama īna, Jesūre:

—Bucu me ŋaja mu. Cincuenta cūmari cuobetiboarine, ūno yigu, “Abraham ŋamasir'ire Īre īacaju yu”, yati mu? —Īre yicama īna.

⁵⁸ To bajiro ina yijare, ado bajiro īnare yicami:

—Ñamasusere riojo muare gotiaja ya. Abraham ñamasir'i i ñaroto ñjorojune jêre ñacðacaju ya —ñare yicami Jesús.

⁵⁹ To bajiro i yisere ajicðari, gütari juacama, ñre rearuarã. To bajiro ñna yirone, ñnare rudicða budiacami Jesús, Diore yirucabuoriavire ñaboacaca.

9

Caje ñabecu ruyuar'ire Jesús i ñarotire queti

¹ To bajivacune, sigü rêmone caje ñabecu ruyuar'ire ñre ñabujacami Jesús. ² To i bajisere ñacðari, ado bajiro ñre sêniñacaju ya, i buerimasa, Jesúre:

—Gotimasioğü, çno yigu rêmone ñabecu ruyuyujari ñma? ç i jacuağa o i masu ye sñori bajiyujarique? —Jesúre ñre yisêniñacaju ya.

³ To bajiro ya sênifarone, ado bajiro yaure cüdıcami Jesús:

—İ masune rojose i yire vaja me, i jacua quêne rojose ñna yire vaja me, to bajigu ruyuyuyumi i. “Dios i masisere masirãjaro masa” yigu, to bajigu ruyuyuyumi. ⁴ Çmua ti ñaro moamasıaja mani. Rãiro berojuma moamasıbeaja mani. To bajirone bajıaja mani catise quêne. Ado ñarãma, moamasıaja mani. To bajıboarine, no bojarırãma mani bajıreacoajama, moamenaja mani. To bajiri, yaure cðacacu i rotırore bajırone quênaro yırügüroti ñaja. ⁵ To bajiri adi macarucrojure masa rujure bajiro ruju cuticðari, ya ñasere ñacðari, to yicðari, ya gotımasıosere ajicðari, Diore masıama masa. Ti ñaja ya moare —yicami Jesús.

⁶ To bajiro yigajanogüne, sita tücurojure gooco eoreacucami. To yicða, i goocone sitare yierocami. To yicðari, ñabecure tine tucami, i cajere. ⁷ To bajiro ñre yicðari ado bajiro ñre yıroticami, ñabecure:

—Siloé vãme cutırıtı, masa ñna guarügüritaju vasa. Toju ejadçari, mu cajere coeba —ñre yicami Jesús, ñabecure. (Hebreo oca rãca “siloé” ñna yıjama, “cðar'i” yırã yicama.)

To bajiri Jesús i coerotısere ajicðari, i coerotırore bajırone i cajere coegu vacoacami ñabecu. İ cajere coegajanogüne, ñacoasuju. To bajiri i ya vıju tudıcoasuju. ⁸ İ tudıejaro ñacðari, i yarã, ñre ñarügüriarã, ado bajiro ñre yıyujarã ñna:

—“ç yure ñamaicðari, yure ñsiña” yırujırügügü me ñıti ñma? —yıyujarã ñna.

⁹ To bajiro ñna yirone,

—İne ñnaami —yıyujarã ñna sigüri.

Gãjerãjuama:

—İ me ñnaami. ñre bajıgune ñnaami, bajıgujuma —yıyujarã gãjerãjuama.

To bajiro ñna yısere ajicðari i masune,

—İne ñaja ya —yigotıyuju i.

¹⁰ To bajiro i yigotıjare ado bajiro ñre yisêniñañujarã masa:

—çNo bajiro yicðari, ñacoati mu yuja? —ñre yıyujarã ñna.

¹¹ To bajiro ñna yıjare,

—Sigü, Jesús vãme cutırıtı i goocone sitare yierocðari ya cajere tumi. Tire tucðari, ado bajiro yaure yırotımi: “Siloé vãme cutırıtıtaju vacðari, mu cajere coeba”, yaure yimi. To bajiri tiraju ejadçari, ya cajere coebu ya. To bajiro yıgune, ñacoaju ya yuja —ñnare yıyuju i.

¹² To bajıse ñnare i yigotıjare, ado bajiro ñre yisêniñañujarã masa:

—çNoju ñarojari, to bajiro mure yır'ıma? —ñre yisêniñaboayujarã ñna.

—Ba. Masıbeaja ya —yıyuju ñabecu ñboar'i.

¹³ To bajiro i yısere ajicðari, farıseo masa tujure ñabecu ñboar'ire ñre jıasujarã ñna. ¹⁴ İ goocone sitare yierocðari ñabecure Jesús i caje ñarotıcatırımuma, judıo masa ñna ususãjarırãmı ñacaju ti. ¹⁵ To bajiri ñabetıboacacure ñna ñmıejaro ñacðari, ado bajiro ñre yisêniñañujarã farıseo masa:

—çNo bajiro yicðari, ñabetırügüboagune, ñacoati mu yuja? —ñre yisêniñañujarã farıseo masa.

To bajiro ñre ñna yirone,

—İ goocone sitare yierocðari, ya cajere tumi. Tire coegune ñacoaju ya yuja —ñnare yigotıyuju i.

¹⁶ To bajiro i yirone,

—Mure to bajiro yır'ıma, Dios i cðar'i me ñagümi. Çsusãjarıarãmure rucabuobesumi —yıyujarã ñna.

Gãjerãjuama ado bajiro yıyujarã ñna:

—Rojose yigu i ñajama, ado bajiro ñañañamanıre yıbetıborımi —yıyujarã gãjerãjuama.

To bajiri ricatırı rıne tuoñañujarã ñna farıseo masa. ¹⁷ To yicðari bero, quêne gãme sênıñañujarã ñna, ñabecu ñboar'ire:

—Muma, çno bajiro tuoñati mu, “İato” mure yır'ire? —yıyujarã ñna.

To bajiro ñna yirone,

—“Diore gotirētobosarimasū ñagūmi”, yaja yuma —yiyuju ī.

¹⁸ “Īabecu ruyuar’i ñaboarine, ĩacoasumi yuja”, yirūabesujarā ĩna maji. To bajiri ĩabetiboar’i jacuare jicōaŋujarā ĩna. ¹⁹ ĩna ejaro, ado bajiro ĩnare yisēñiāŋujarā ĩna:

—¿Mua macu, ĩabecu ruyucacacu mua yigune ñati ānima? ¿No bajiro yicōari ĩabecu ñaboarine, ĩacoasujari ī yuja? —yisēñiāŋujarā ĩna, ī jacuare.

²⁰ To bajiro ĩna yisēñiāŋujare, ĩnare gotiyujarā ĩna:

—Īne ñaami yua macune, ĩabecu ruyucacacune. ²¹ To bajiboarine, “Ado bajiro yicōari, ĩaami yuja”, yimasibeaja yua. Ī cajere ĩarotir’ire masibeaja yua. Īre sēñiāña mua. Bucu ñaami jēre. Ī masu muare gotiato —yiyujarā ī jacua.

²² Jud’io masa ujarāre ĩnare gūirā ñari, “Jesūne ñaami ĩre ĩarotir’i” ĩnare yiterā ñari, to bajise yiyujarā ī jacua. Jud’io masa ujarā ado bajiro yitūoiaŋujarā ĩna:

—“Jesūs ñaami ‘Rotimūorāgōrucami’ yigu, Dios ī cōar’i, mani uju” yirāre sājārotibetiruarāja mani, Dios ocare ĩna buerivirijare —yitūoiaŋujarā ĩna.

²³ To bajiri, “Manire sājārotibetoma” yirā, “Bucu ñaami. Īre sēñiāña”, ĩnare yiyujarā ĩabetiboar’i jacua.

²⁴ To bajiro ĩna yijare, ĩabetiboar’ire ado bajiro ĩre yiyujarā ĩna quēna:

—Dios sīgūrene quēnase ĩre yirūcūbuoya, mu cajere ĩarotir’i ī ñajare. Jesūñarema, “Rojose yigu ñaami”, ĩre yimasiaja yua —Īre yiyujarā ĩna.

²⁵ To bajiro ĩna yisere ajicōari, ado bajiro yiyuju ī:

—“Rojose yigu, quēnase yigu ñagūmi”, ĩre yimasibeaja yua. “Īabecu ñaboacacu, yucurema ĩagū ñaja yu yuja”, yimasiaja yu, tūrema —yiyuju ī.

²⁶ To bajiro ī yisere ajiboarine, quēna ĩre sēñiāŋujarā ĩna:

—¿No bajiro mure yiri ī, “Īto ī” mure yigu? —Īre yiyujarā ĩna.

²⁷ To bajiro ĩna yijare, ado bajiro ĩnare cudiyuju ī:

—Jēre muare gotūobabu yu. Yure ajibeaja mua. ¿No yiruarā quēna gāme gotire bojati mua? ¿Mua quēne ī buerā ñaruatique? —ĩnare yiyuju ī.

²⁸ To bajiro ī yisere ajicōari, ĩre tud’yujarā ĩna:

—Muma, ī buegu ñaja mu. Yuama, Moisés ñamasir’i ī rotimasirere buerā ñaja yuama.

²⁹ “Moisés ñamasir’ire ñagōñumi Dios”, yimasiaja yua. Mure catior’irema masibeaja yua. “Toju vadir’i ñagūmi”, yimasibeaja yua, ĩrema —yiyujarā ĩna.

³⁰ To bajiro ĩna yisere ajicōari, ado bajiro ĩnare cudiyuju ī:

—Yu cajere ī ĩarotiboajaquēne, “Toju vadir’i ñañumi”, yimasibeaja mua. ³¹ “Rojose yirārema ajibecami Dios. Īre rūcūbuocōari, ī bojasere yirā rīrene ajigumi Dios”, yimasiaja mani.

³² “Īabecu ruyuar’ire sīgū ĩre ĩaroticoaŋuju” yire ajiyamanicaju ti. ³³ Yure ĩarotiguma, Dios ī cōagū me ī ñajama, yure no yimasibetiborimi —ĩnare yiyuju ī.

³⁴ To bajiro ī yijare, ado bajiro ĩre yiyujarā ĩna:

—Rēmone rojose rāca ruyuar’i ñaja mu. To bajigu ñaboarine, “Īnare gotimasiorucuja yu”, ¿yitūoiaŋuati mu, yuare? —Īre yiyujarā ĩna, ĩabecu ñaboar’ire.

To yicōa, ĩre bucōaŋujarā ĩna, Dios ocare ĩna bueriviju ñaboagure.

“Yure ajitirūnūmenama, caje ĩamenare bajiro bajiama”, Jesūs ī yire queti

³⁵ Īabecu ñaboar’ire ĩre ĩna bucōasere ajicaju yua, Jesūrāca. To bajiri ĩre ĩabucōari, ado bajiro ĩre yicami Jesūs:

—¿Dios ī roticōacacure ajitirūnūati mu? —Īre yicami Jesūs.

³⁶ To bajiro ī yirone, ado bajiro ĩre cudicami:

—Yure gotiya. “Ī ñaami”, yiya. Īre ajitirūnūaja —Jesūre ĩre yicami.

³⁷ To bajiro ī yirone, ado bajiro ĩre cudicami Jesūs:

—Jēre ĩre ĩaja mu. Īne ñaja yu, ado mu rāca ñagōgāne —Īre yicami Jesūs.

³⁸ To bajiro ī yirone,

—Yu uju, mure ajitirūnūaja yu —Jesūre ĩre yicōa, ī rĭjorojuare gusomuniari tuetucami, “Ñamasugū masune ñaja mu” ĩre yirūcūbuogu.

³⁹ To ī yiro bero, ado bajiro masare yicami Jesūs:

—Īamenare bajiro bajirā ñaama Dios ocare ajitirūnūmena. “Quēnaro Diore ajitirūnūato ĩna” yigu, adi macarucurojue vadicaju yu. To bajiboarine Diore ajitirūnūmena ñaboarine, “ ‘Diore ajitirūnūā ñaja yua’ yirāma, rojose tāmtotūjabetiriaroju vararāma ĩna” yiguagu vadicaju yu —ĩnare yicami Jesūs.

⁴⁰ To bajiro ī yijare, to ñacana fariseo masa sīgūri, Jesūre ĩre sēñiācama ĩna:

—¿“Dios ocare masimena ñaama ĩna quēne” yigu, yuare yati mu? —Jesūre ĩre yicama ĩna.

⁴¹ To bajiro ĩna yirone,

—“Dios ocare quēnaro masibeaja yua” mua yigotijama, rojose maniboriaroja ti, muare. “Jēre Dios ocare masiaja yua” yirā űari, yare mua ajitirānabetijare, rojose űacōa űaja muare —Īnare yicami Jesūs.

10

Ovejare ĩatirānagūre bajiro Jesūs ĩre ajitirānārē ĩ codese

¹ Quēna masare gotimasiogū ado bajiro yicami Jesūs:

—Ŋamasusere riojo muare gotiaja yu. No bojagu oveja ĩna űarisānirore, sojere sājabecu, soje manijurene joresājagūma, juarudirimasu o gājerā yarāre ēmacudirimasu űagūmi. ² Sojene sājagūma, ĩnare coderimasu űaami. ³ Ovejare coderimasare, “Sājajaro ĩ” yigu ĩre soje jānabosagūmi, ti sāniro sojere codegu. ĩ sājatone ĩ oca jedisere ajimasicōarāma ĩna oveja. ĩna vāmene ĩnare jibugūmi, ĩnare masigū űari. ⁴ ĩnare jibujeocōari, ĩnare rĳoro cuti vacūmi. ĩ ocare ajimasicōari, ĩre sūyarāma ĩna. ⁵ ĩna ajimasibecūema sūyanama ĩna. ĩ ocare ajimasibeticōari, ĩre rudiruarāma ĩna —ĩnare yicami Jesūs, masare.

⁶ Ado bajise ĩnare yigotimasioboacami Jesūs. ĩnajuama boca ajimasibeticama.

“Oveja ĩna sājarijojere bajiro bajigu űaja yu”, Jesūs ĩ yire queti

⁷ ĩna ajimasibetire masicōari, ado bajiro ĩnare goticami Jesūs quēna:

—Ŋamasusere riojo muare gotiaja yu. Yu űaja soje, oveja ĩna sājarijojere bajiro bajigu. Ovejare bajiro bajirā űaama masa. ⁸ Yu rĳoro ejariarāma, “Rotimōrāgōrūcūmi” yigu, Dios ĩ cōagū űaja yu”, yisocariarāma. ĩna űaro cōrone juarudirimasare bajiro bajirā űacoayuma ĩna, yare ajitirānuriarāre, “Ajitirānubeticōaına” yirā. To bajiro ĩnare ĩna yĳojoaquēne, yare ajitirānūajuama, ĩnare cudibesuma ĩna. ⁹ Yu űaja sojere bajiro bajigu. No bojarāre yare ajitirānūrāre, rojose tāmuotujabetiriaroju ĩna vaborotire ĩnare yirētosarūcūja yu. Ovejare coderimasare bajirone quēnaro ĩnare ĩacoderūgūrūcūja yu. To bajiri ıie gūiose mano quēnaro űacōa űarūgūrūarāma ĩna.

¹⁰ juarudirimasa, masare juarudiruarā, ĩnare sĳama ĩna. Yujuama, “Sĳū ruyabeto catireayere quēnaro cuojedicōato ĩna” yigu, vadicaju yu. ¹¹ Yu űaja ovejare quēnaro coderimasare bajiro bajigu. Ovejare quēnaro coderimasare ĩre ĩna sĳarūboajaquēne, quēnaro ĩnare codecōa űarūcūmi. ĩre bajiro bajigu űaja yu. Yare ajitirānūrā rojose ĩna yise vajare yune ĩnare vaja yĳbosarocū űaja yu. ¹² Sĳū, vaja bojagu rĳine ĩ moajama, quēnaro ovejare codetirānubecūmi. Buyairo ĩ ejaro ĩacōari, ovejare vaveocoacūmi ĩ, ĩre rudigu. ĩ yarā oveja me ĩna űajare, ĩnare vaveocoacūmi. To bajiri, buyairo jĳaejacōari, ovejare ĩnare āgōbatereacōagūmi. ¹³ Vaja bojagu masune moagū űari, ovejare ĩnare maibecūne, ĩnare vaveorūcūmi, ĩ yarā me ĩna űajare.

¹⁴⁻¹⁵ Yu űaja ovejare quēnaro coderimasare bajiro bajigu. Dios, yu jacu yare ĩ masirore bajirone yu quēne ĩre masiaja. Tire bajirone yare ajitirānūrāre quēne ĩnare ĩamasiaja yu. ĩnajuama quēne, yare ĩamasiamā ĩna. ĩnare rijabosarocū űaja yu. ¹⁶ Yure ajitirānūrōna, sĳūri, jud’io masa me űaruarāma. ĩnare quēne ĩnare jirēorūcūja yu. ĩna quēne yare cudiruarāma ĩna. To bajiri cojorūmu cojo masare bajirone bajicōa űarūgūrūarāma ĩna, gāmerā ĩamairā. To bajiri yu sĳūne quēnaro ĩnare coderūgūrūcūja yu.

¹⁷ Yure ajitirānūrāre ĩnare rijabosaruaja yu, “ĩna rĳato beroju rojose tāmuotujabetiriaroju vatoma ĩna” yigu. Yu rĳato beroju quēna tudicatirūcūja yu, bajigūjuama. Yure ajitirānūrāre yu rijabosaruajare, yu jacu buto yare maiami. ¹⁸ Masare yu rijabosaruajebetijama, no bajiro yicōari yare sĳabetiborāma ĩna. Masare yu rijabosaruase űaja yu bojarore bajirone yu yiroti. To bajiri, quēna yu tudicatirūajama, caticoa masiaja yu. To bajiro yu yimasirotire yare cūcūmi yu jacu —masare yigoticami Jesūs.

¹⁹ To bajiro ĩyisere ajicōari, jud’io masa űjarā ricatiri rĳine tūōĳacama ĩna. ²⁰ Jājarā ĩna rācana ado bajiro yicama:

—Vāti sāıagū, mecūrimasu ĩ űaboajaquēne, ĳno yirā ĩre ajiatu mua? —ĩnare yicama ĩna.

²¹ Gājerājuama, ado bajiro yicama ĩna:

—Vāti sāıagū ĩ űajama, to bajise űagōbetiborimi; to yicōari, caje ĩamenare quēne ĩnare ĩarotibetiborimi —yicama ĩna.

Jud’io masa űjarā, Jesūre ĩna ajirūabeti queti

²² Jerusalēnju Diore yirūcūbuoriavijure űarāre Diore rūcūbuomenare ĩnare bucōari, ĩna quēnorere tūōariarūmūri űacaju ti, tirūmūri. Juebucūmūri űacaju ti. ²³ To bajiri Diore yirūcūbuoriaviju sājacōari, Salomōn vāme cutijacatuajuare vacaju yua Jesūrāca. ²⁴ To bajiro yua bajīnarone, Jesūs tūju jud’io masa űjarā rējacōari, ado bajiro ĩre sēniacama:

—ĳno cōroju, “ĩ me űaami. ĩne űaami”, mure yimasirāti yua? “Rotimōrāgōrūcūmi” yigu, Dios ĩ cōar’i mū űajama, yucane riojo yuare gotiya —Jesūre ĩre yicama ĩna.

²⁵ To bajiro ña yisere ajicōari, ado bajiro cūdicami Jesús:

—Jēre muare gotiboaja yu. Yure ajibeaja mua. Yu jacu ī rotisene cojoji me muare yīōcōarūgūboaja yu. Tire ĩacōari, “Īne ñaami”, muare yiroti ñarūgūboaja ti. ²⁶ Yu yarā me ñaja mua, bajirājuma. To bajiri yure ajitirūnubeaja mua. ²⁷ Oveja ña uju ocare ña ajimasirore bajirone yu yarā yure ajimasiana ña. Yu quēne quēnaro ñare masiaja. To bajiri yure ajitirūnū sayaa ña. ²⁸ Dios ĩ catisere ñare ĩsiaja yu. To bajiri niyuane yure jicāmoto ecobetirucami. To bajiri, ña rijato beroju, quēna tudicatijedicōari yu rāca quēnaro ñacōa ñarūgūruarāma. ²⁹ “Īnare cōoato” yigu, yu jacu yure cūcami. Niyuane ī rētoro masigū magūmi. To bajiri niyuane yure jicāmoto veomasibetirucami. ³⁰ Yu, yu jacu rāca sigūne ñaja yua — yicami Jesús, jud'io masa ujarāre.

³¹ To bajiro ĩ yirone, gūtarire juacama ña, ĩre rearuarā. ³² To bajiro ña yisere ĩacōari, ado bajiro ñare yicami Jesús:

—Yu jacu ī masisene cojoji me mua ĩaro rijorojuā ĩaĩñamanire yīōrūgūmū yu. ¿Di vāme yu yīōsere ĩacōari, “Rojose yigu yami” yirā, gūthane yure rearuati mua? —Īnare yicami Jesús.

³³ To bajiro ĩ yirone, ado bajiro ĩ cūdicama ña jud'io masa ujarā:

—Īaĩñamanire mu yīōse suorī me gūta rāca mure rearuarāja yua. Rujajine Diore mu yise vaja mure rearuarāja yua. Yuare bajiro masu ñaboarine, “Dios ñaja yu”, yiboaja mu —ĩre yicama ña, Jesúre.

³⁴ To bajiro ña yijare, ado bajiro ñare yicami Jesús:

—“Yure bajiro bajirā ñaja mua’ yiyumi Dios”, yiuacamasire ñaja, mua ñicua ña rotimasire.

³⁵ “Dios ocare masa ña ucamasire riojo ñamasuse ñaja”, yimasiaja mani. “Ī ocare ajitirūnūrāre, Yure bajiro bajirā ñaja mua’ yiyumi Dios”, yimasiaja mani. ³⁶ “Mu sigūne ñaja mu, yure bajiro bajigu” yigu, adi macarucurojore yure cōacami Dios. To bajiro ĩ yicacu yu ñaboajaquēne, “Dios macu ñaja yu” yu yirone, ¿no yirā, “Diore yiajegu yaja mu”, yure yati mua? ³⁷ Yu jacu ī yirore bajirone yu yibetijama, yure ajitirūnūbesa. ³⁸ Yu jacu ī yirore bajirone yu yijama, yure ajitirūnūbetiboarine, yu yīōsere ĩacōari, “Dios macu ñaami”, yitūōaroti ñaja muare. To bajiri, “Yu jacu rācane ñaja yu. Ī quēne yu rācane ñaami” yu yigotimasiosere ajicōari, “Riojo gotiami”, yure yimasirona ñaja mua —ñare yicami Jesús.

³⁹ To bajiro ĩ yisere ajicōari, ĩre ñiaruaboacama ña. Jesújuama boca rudicoacami.

⁴⁰ To bajivacu, Jordán vāme cutirisa gajejacatūaju yuare ũmato jēacoacami Jesús. Toju ejačōari, masare oco rāca Juan ĩ bautiza ñacatojore tujacaju yua yuja. ⁴¹ Tojore jājarā masa ĩre ĩarā ejacama. Jesúre ĩre ĩacōari, ado bajiro gāmerā yicama ña:

—Īaĩñamanire yīōbetiboarine, jediro Jesús ĩ bajisere gotigu, socu mene gotiyumi Juan — gāmerā yicama masa.

⁴² Tojore jājarā masu, Jesúre ĩre ajitirūnū sayasuocama ña yuja.

11

Lázaro ĩ bajirocare queti

¹⁻² Sīgū ñacami Lázaro vāme cutigu. Ī bederā rōmiri ñacama Mar'ia, gajeo Marta. Īna ñacama Betania vāme cuti macana. Mar'ia ñacamo so, Jesús guborire sutiquēnase tucōari so joa ñajone vejacarocaco. Buto rijayuju Lázaro. ³ Lázaro ĩ rijaro ĩacōari, ĩ bederā rōmiri Jesúre ĩre oca cōañuma ña:

—Mu baba Lázaro buto rijami —ĩre yi oca cōañuma ña.

⁴ Tire ajicōari, ado bajiro yuare yicami Jesús:

—Rijaye ĩre sĩabetoja. “Quēnarētoḡū ñaami Dios. Ī cōrone quēnagū ñaami ĩ macu quēne’ yirūcūbuorājaro masa” yigu, rijagu bajigami —yuare yicami Jesús. “Īre rijaye ĩre sĩabetoja” yigu, “Rijayayicōa tujabetirucami” yirane yicōañumi.

⁵ Lázaro, ĩ bederā rōmiri Martare, to yicōari, Mar'iare quēne ñare maicami Jesús. ⁶ To bajiboarine, “Buto rijami Lázaro” ña yisere ajiboarine, vabeticami Jesús maji. Tone yua ñacatone juarāmū ñacōacaju yua maji, Jesúrāca. ⁷ To baji, juarāmū bero yuare ĩ buerāre ado bajiro yuare yicami Jesús:

—Ita quēna, Judea sitaju. Lázaro ĩ ñaroju vajaro mani —yuare yicami Jesús.

⁸ To bajiro ĩ yisere ajicōari, ado bajiro ĩre sēñiacaju yua:

—Cānūbusane toana jud'io masa ujarā gūta rāca mure rearuacama ña. ¿Tojore quēna tudivaroti tuōlati mu, yure gotimasiogū? —ĩre yisēñiacaju yua, Jesúre.

⁹ To yua yirone, ado bajiro yuare cūdicami Jesús:

—Adi macarucurojore mani catiro cōro quēnaro cōñamasiami Dios. Ī bojaro cōro catiruarāja mani. No bojarā Diore masirā, Dios ĩ bojasere yitujabeama, yure ajitirūnūrā ñari. ¹⁰ Diore masimenajuama, Dios ĩ bojasere yiruabeama, yure ajitirūnūmena ñari —yuare yicami Jesús.

¹¹ Tire yuare goticōa, quēna gajeje yuare gotirēmocami:

—Mani baba Lázaro, cānicarimi. To bajiri ĩre yujioguacu yaja yu —yicami Jesús.

¹² To bajiro ĩ yijare, ado bajiro ĩre yicaju yua:

—Cānigū ĩ bajijama, caticoarucami —ĩre yicaju yua, Jesúre.

¹³ “Cānigū bajigumi” Jesús ĩ yisere ajicōari, “Ī ususājarere yigumi”, yicōacaju yua. To bajiro yua yitūoĭaboajaquēne, Jesújuma, “Bajirocacoarimi” yirune yicōañumi Jesús. ¹⁴ To bajiri, “Yure quēnaro ajimasibeama ĩna” yigu, riojo yuare goticami Jesús:

—Lázaro bajiyaicocarimi —yicami yuja. ¹⁵ —Variquēnaja. Quēnaro ĩ tujare vabeju yu, “Riojo Dios macune ñaami” mua yirūcabuorotire yigu. To bajiri, ita. Īato, Lázarore —yuare yicami Jesús.

¹⁶ Jesús buerimasu yua rācagu, Tomás vāme cutigu ñacami. Cojoji ruyuarāne, juarā ruyuar’i yua yicacu ñacami. Ado bajise yuare yicami:

—Ita mani quēne. Jesúrācane bajiyayirāsa —yuare yicami Tomás.

“Yu ñaja masare catiomasigū”, Jesús ĩ yire queti

¹⁷ To bajiri, Betaniaju yua ejarone, —Babarirāmuri tusaju, Lázarore ĩna yujero bero —yuare yigoticama masa.

¹⁸ Jerusalén macaju ñacōari, vajama, tres kilómetros vaejariaro ñacaju Betania maca. ¹⁹ Jerusalén maca vadiriarā jud’io masa jājarā ejayuma, Lázaro ĩ bajirocajare otirā. “Quēnabeti bajiaja ti mua gagu ĩ bajiyayise” Martare, to yicōari Mar’iare quēne yiotirā ejayuma ĩna. ²⁰ To bajiro ĩna yiñarone, “Vadiami Jesús” ĩna yisere ajicōari, yuare bocago, vadicoayumo Marta. To so bajiro ũnone, so bedeo, Mar’iajuma, vadibesumo. Vijune ñacōañumo so. ²¹ Jesús tujare ejacōari, ado bajiro ĩre yicamo Marta:

—Yu ũju, adone mu ñajama, yu gagu bajiyayibetiborimi. ²² Ī bajirocoto bero ti ñaboajaquēne, “Diore mu sēnijama, mu sēnirore bajirone mare cādirucami Dios”, yimasajaja yu —Jesúre ĩre yicamo so, Marta.

²³ To so yisere ajicōari,

—Mu gagu quēna caticoarucami —sore yicami Jesús.

²⁴ To bajiro ĩ yijare,

—Socu me yaja mu. Ñatusarirāmū masare Dios ĩ catorirāmūju, quēna caticoarucami yu gagu —ĩre yicamo so.

²⁵⁻²⁶ To so yisere ajicōari, ado bajiro sore yicami Jesús:

—Yu ñaja masare catiogu masuma. No bojarā yure ajitirānūrama bajiyayicoaboarine, quēna tudicaticōararāma ĩna. To ĩna bajiro bero, juaji tudirijabetiruarāma. ¿Tire ajitirānūati mu quēne? —Martare sore yisēñacami Jesús.

²⁷ To bajiro ĩ yisere ajicōari,

—“Yu ũju, mu yirore bajirone bajiaja ti. Mune ñaja, ‘Rotimūorūgōrucami’ yigu, Dios ĩ cōar’i, masa ñajediro ũju. Dios macune ñaja mu, adi macarucurojare vadir’i”, mare yimasajaja yu —Jesúre ĩre yicamo so.

Lázaro masa boero tujū Jesús ĩ otire queti

²⁸ To yicōa, so bedeo Mar’iare, sore jigo, tudicoacamo Marta. So tujare ejacōari, ado bajiro Mar’iare sore gotirudiyuju so, yayioroaca:

—Manire gotimasiormasu tone ñaami. “Vadiato”, mare yimi —sore yiyuju Marta, so bedeo.

²⁹ To sore so yigoticōarojuma, guaro vāmū budi vadicoayumo so Mar’ia, Jesúre ĩre ĩagoago.

³⁰ Jesúrāca ti macajure ejabeticajū yua maji. Marta yuare so bocacatojune ñacōacaju yua maji.

³¹ Mar’ia rāca ñañuma ĩna jud’io masa, so gagu ĩ bajiyayijare otirā. To bajiri Mar’ia guaro so vāmū vado ĩacōari sore sūyayuma ĩna quēne. “Masa boero tujū otigo, vaco bajigomo” yirā baji ruyuyuma ĩna.

³² Mar’ia, Jesús tujū ejacōari, ĩ gūbori tujū gūsumuniari tuetucamo so, ĩre rācūbuogo. To yicōari, ado bajiro ĩre yicamo so:

—Yu ũju, cānūju mu eajama, yu gagu bajiyayibetiborimi —Jesúre ĩre yicamo so, Mar’ia.

³³ Mar’ia so otisere ĩacōari, so rāca vadicana jud’io masa quēne ĩna otisere ĩacōari, Jesús, buto satiriticami. ³⁴ To bajicōari ĩnare sēñacami Jesús:

—¿Noju ĩre yujemasiri mua? —Īnare yisēñacami Jesús.

To bajiro ĩ yirone,

—Adojuā ĩagū vadiīasa yua ũju —ĩre yicama ĩna.

³⁵ To bajiro ĩre ĩna yirone, oticami Jesús. ³⁶ Jesús ĩ otisere ĩacōari, ado bajiro yicama ĩna jud’io masa, sīgūri:

—Īāsaque. Lázarore buto ĩre maiboayumi —gāmerā yicama ĩna.

³⁷ To bajiro ĩna yirone, gājerā sīgūri ado bajiro yicama:

—Caje ñabecure ñaroticacu ñaboarine, ¿no yigu Lázaroema, “Rijabeticōato”, yimasibesujari? —gāmerā yicama ña sīgāri, to ñacodecana.

Lázaro ñ tudicatire queti

³⁸ Buto sätiritigune, ejarügacami Jesús, Lázaro masa boero tujare. Gütavi ñacaju ti, bajirocar'ire ña yujeriaju. Gütane bibe ecoyuja. ³⁹ Tojare ejagune,

—Gütare tūnuo gocōaña —ñare yicami Jesús.

To bajiro ñ yirone ado bajiro ñre yicamo so, Marta, Lázaro ñaboar'i bedeo:

—¡Yu uju, majique! Babaricārācarūmu tusacoaju ñ bajiyayiro bero. Jēre ñni säticoacumi —Jesúre yicamo so.

⁴⁰ To so yiboajaquēne, ado bajiro sore yicami Jesús:

—Yure mu ajitirūñajama, rētoro ñamasusere Dios ñ yimasisere ñarūocoja mu, mure yibu yu —sore yicami Jesús.

⁴¹⁻⁴² To bajiri yuja, gütare tūnuogocama masa. ña tūnuogorone, ð vecajuare ñarūocōari, ado bajiro yicami Jesús:

—Cacu, “Quēñaja” mure yaja, yure mu ajise ñajare. Tocārācagine mure yu sēniro ajirūgūaja mu. To bajiri, “ ‘Dione ñaami Jesúre ñre cōar'i' yimasiato ña” yigu, ña ñaro rījorojuja yu yimasirotire mure sēñiaja yu —Diore yicami Jesús.

⁴³ To yigajanogune, tutuase avasācami Jesús yuja:

—Lázaro, budiaya mu —yicami Jesús.

⁴⁴ To bajiro ñ yirone, bajirocar'ire ña yujer'i ñaboarine, budicoadicami Lázaro. ñ ricarire to yicōari, ñ rujare quēne sudine dūrear'i ñacami. ñ gūbori, ñ rūoja quēne sudine gūmar'i ñacami. To bajiri,

—Ñre ðjaña mua. Vajaro ñ —ñare yicami Jesús.

“¿No bajiro yicōari, Jesúre ñre sīarāti mani?”, ña yire queti

(Mt 26.1-5; Mr 14.1-2; Lc 22.1-2)

⁴⁵ To bajiro Jesús ñ yīosere ñacōari, jājarā jud'io masa, Mar'iare baba cuticana, Jesúre ñre ajitirūñu suyasucama ña. ⁴⁶ Gājerāma, Jesús ñ yīosere ñacōari, fariseo masare gotirā vasujarā ña. ⁴⁷ ña gotisere ajicōari, fariseo masa, paia ujarā rāca rējañujarā ña. Rējacōari, jud'io masa ujarāre, Dios ñ rotimasire gotimasiorimasare quēne jirēocōañujarā ña. To bajiri ña rāca ado bajiro gāmerā ñagōñujarā ña:

—¿No bajiro ñre yirāti mani? Buto masune ña ñañamanire yīogū yami. ⁴⁸ To bajirone ñre mani yiboa tujajama, masa jediro ñre ajitirūñarūarāma. To bajicōari, Diore yirūcubūoriavire caguereacōarūarāma romano masa. To yicōari mani ñarimacarine reajeocōarūarāma ña —gāmerā yiyujarā ña.

⁴⁹ Ti cūmare paia uju ñamasugū Caifás vāme cutigu ñacami. To bajiro ña yisere ajicōari, ado bajiro ñare gotiyuju ñ:

—Masibeaja mua. ⁵⁰ Mani ye jedirore ña reajama, quēnabetoja. To bajiri ñañañamanire yīogū, manire rijabosato ñ —yiyuju Caifás.

⁵¹⁻⁵² ñ masurione to bajise tuoñacōari, yibesuju Caifás. Paia uju ñamasugū ñari, Dios suorine to bajiro gotiyuju, Jesúre ñre sīarāgu ñaboarine. “Jud'io masa rīrene ñare rijabosabetirūcumi Jesús. No bojarā Jesúre ñre ajitirūñarūona Dios rīa ñaronare adi macarūcuroanare ñare rijabosarūcumi Jesús” yimasibecu ñaboajaquēne, ñ tuoñasere Caifāre cōañuju Dios. ⁵³ To bajiri, Caifás ñ gotiriarūmune, “¿No bajiro yicōari Jesús ñre sīarāti mani?”, gāmerā yisūoyujarā ña, jud'io masa ujarā.

⁵⁴ To bajiri, jud'io masa ña ñarorema ñacudibeticami Jesús yuja. To ñabecune, yucú manojū ñarimaca, Efra'ñ vāme cuti macajua yuare ūmato vacoacumi Jesús.

⁵⁵ Pascua boserūmu ña yiroto mojoroaca ruyacoadicaju ti. To bajiri, jājarā masa vacama Jerusalénju, “ ‘Rojose mana ñaja mua yuja’ manire yīato Dios” yirā, paia ña yirotirere yirā vana. ⁵⁶ Tojare ejacōari, Jesúre macaboayujarā ña. ñre macaboana, Diore yirūcubūoriavijare ejacōari ado bajiro gāmerā sēñiñañujarā ña, Jesús ñ ejabetijare:

—¿Mūma no bajiro tuoñati mu? ¿Boserūmu vadibetimasucōagū yiguida? —gāmerā yiyujarā ña, Jesús ñ ejabetijare.

⁵⁷ Fariseo masa, to yicōari, paia ujarā quēne, “Jesúre mua ñabujajama, yuare gotiba. ñre ñaruarā yaja yua”, yiyujarā ña, masare.

12

Jesús gūborire sutiquēnasene rōmio so yuejeore queti

(Mt 26.6-13; Mr 14.3-9)

¹ Cojomo cōro, coja jēñituarirūmuri Pascua boserūmu ñaroti ti ruyarūtuato Betania vāme cuti macaju vacaju yua, Jesūrāca. Lázaro ñ ñarimaca ñacaju ti maca Betania. To ñacaju

Lázaro, bajirocaboar'irene Jesús ire i catiocato. ² Jesús i ejaro iacōari, ire rācuborā ire bare quēnoecacama toana rōmiri. Lázaro bedeo, Marta ñacamo, yuare bare jeogo. Lázaro quēne ñacami, yua rāca bagu. ³ Yua bañarone sutiquēnase nardo vāme cutisere amiejacamo Lázaro bedeo ñatusago, Mar'ia vāme cutigo. Trescientos gramos cōro ñacaju ti. Jairo vaja cutise ñacaju. Tine Jesús gaborire yuetucamo so. Yuetucōari so joa ñajone tire vejacarocamo so. Vi jūmārone sutiñamucocaju ti.

⁴ Tone ñacami Judas Iscariote quēne. I quēne yuare bajirone Jesús buegu ñacami. I ñañumi Jesúre iaterāre isirocarocu. Jesús gaborire so yueturo iacōari, ado bajiro sore yicami:

⁵ –Tire sutiquēnase ire isicōari, trescientos ñaritiiri juaroco ñaboayumo so. Ti vaja juacōari, maioro bajirāre ñare mani isijama, quēnaboyuja ti –sore yicami Judajuma.

⁶ Maioro bajirāre maibetiboarine to bajiro yicōacami i. Juarudirimasu ñari to bajise yicami i. I ñarūgūcami yua gājoare juabosarimasu. To bajiro yica yigune yua gājoare juarudicōarūgūñumi i. ⁷ To bajiri Judas to bajise sore i yijare, ado bajiro ire yicami Jesús:

–Tone yicōato. Yure ña yujeroto rījoro yuejeo rījoro cutigo yamo so. ⁸ Maioro bajirā maa rāca ñacōa ñarūgūruarāma, maa ejarēmorona. Yuma, maa rāca ñacōa ñabetirucja –ire yicami Jesús.

Lázaro ña sīarūare queti

⁹ “Betania macaju ñaami Jesús” ña yisere ajicōari jud'io masa jājarā ejacama. Jesús sīgūre ñare ñarā ejarā me, bajicama ña. Lázaro, Jesús i catior'ire ñarā rācane vayuma ña. ¹⁰⁻¹¹ Lázaro quēne sīarūayujarā ña paia ujarā, ire Jesús i catiore sūorine, jājarābusa Jesúyare ajitirūnu suyacōari, ñare ña cāmotadise ñajare.

“Rotimūorūgōrūcūmi” yigu, Dios i cōagū ñaja yu” yīlogū, Jerusalénju Jesús i ejare queti (Mt 21.1-11; Mr 11.1-11; Lc 19.28-40)

¹²⁻¹³ Jerusalénju Pascua boserūmu ña yīñarore ñarā, jājarā masa ejayuma ña. To bajiri Mar'ia Jesúre so yuetucatirūmu beroagarūmu ñacaju tirūmuma. To bajiri tirūmurene Jesús i ejarotire ajicōari, jejeju ũni rujañoquerire jasurejuacōari Jesúre bocacama. Ire bocarā, ado bajiro yivasā variquēnacama ña:

–i“Rotimūorūgōrūcūmi” yigu, Dios i cōar'i ñaami! iQuēnase ire yivariquēnato mani! iDiore rotibosagu quēnaro i yigu ñaami! –Jesúre ire yivasā variquēnacama ña.

¹⁴ To bajiro ña yi vatone, burro vāme cutigūre ire bujacōari, ire vajejacami Jesús, “To bajirone bajirūcūmi” Dios oca, masa ña yuicamasire ñajare. Ado bajiro yuicamasifūma ña:

¹⁵ “Maa Jerusalén macana, gūibetiruarāja maa. Maa uju ñarocu burro vāme cutigu joeju jesacōari, vadirūcūmi”, yuicamasifūma.

¹⁶ Maji to bajiro ña yuicamasire ajimasibeticaju yua, i buerimasa. Jesús masare rijabosacōari Dios i ñaroju i tudimujato bero, “Dios ocare masa ña ucamasire, Jesús i vaditotirene gotiyuja ti”, yimasicaju yua yuja.

¹⁷ Jere ña yujerijare Lázaro Jesús i catiocatire ñacana, masa jedirorene gotibatocōañuma. ¹⁸ To bajiri, iañañamanire Jesús i yīiocatire ajicōari Jesúre ñarā ejacama jājarā masa. ¹⁹ To bajiro masa ña yisere iacōari fariseo masa ña masune gāmerā ñagōñujarā ña:

–Ñaña. Masa jediro i ocare ire ajitirūnuama ña yuja. No yiriario maja mani –gāmerā yiyujarā fariseo masa.

Griego masa Jesúre ña macare queti

²⁰ Pascua boserūmure Jerusalénju Diore rācuborā vana rāca sīgūri vusacama griego masa. ²¹ Felipere sēniñarā ejayujarā ña. Galilea sita Betsaida vāme cuti macagu ñacami Felipe. Jesús buegu ñacami i quēne. Ado bajiro Felipere yiyujarā ña:

–Jesúráca ñagōrūaja yua –Felipere ire yiyujarā ña.

²² To bajiro ña yisere ajicōari, Andrére ire gotigu vasuju Felipe. To bajiri ña juarā Jesúre gotirā ejacama, yua taju. ²³ ña gotisere ajicōari, ado bajiro yicami Jesús, ñare:

–Yu ñaja Dios i roticōacacu. Yure ña sīarotirūmu cōñaja ti. Yure ña sīaro bero, “Rétoro quēnagū ñaami”, yure yimasiruarāma masa. ²⁴ ñamasusere riojo mūare gotiaja yu: Yu rijabosabetijama, masa ñajediro, Diorāca quēnaro ñabeticōari, ña bajirearo bero, rojose tāmūotūjabetiriaroju varuarāma. Trigo aje otierarore bajirone bajiaja ti. Trigo ajea, sita ēñeroca tiare ña coacūbetijama, judibetoja ti. Tiare ña coacūjama, judicōari, jairo rica cutiraroja ti. To bajirone bajiraroja yure quēne. Yure ña yujejare, yu sūorine ña rijato bero quēnaro catijedicōa ñarūgūruarāma jājarā yure ajitirūnūrona. ²⁵ No bojarā, no ña bojarone ñare cutirāma adi macarūcuro ñasere iavariquēnacōari, Diore tūoīamenama, Dios i catisere cuomena ñaruarāma ña. To bajiboarine, yure ajitirūnūrā, “I oca yua gotise ñajare, yuare ña siacōajama, quēnacōaroja” yirāma, Dios i catisere sūorā ñaruarāma. ²⁶ No bojagu yu bojasere yirūagu, quēnaro yure ajitirūnu suyaroti ñaja. To bajiro bajiguma, yu rāca ñacōa ñarūgūrūcūmi. To bajiro bajigūrema quēnaro ire rācuborūcūmi yu jacu –ñare yicami Jesús.

“Masare rijabosarucuja yu”, Jesús i yire queti

²⁷ To bajiro yicōari, ado bajiro ñagōcami Jesús quēna:

—Buto tuoīasutiritiaja yu. ¿No bajiro yiguti yu? ¿“ ‘Casu rojose tāmuroṃi’ yigu, yure matabosaya”, yiguti yu? To bajiro yibetirucuja yu. Tire tāmuroṃe vadicasu ñaja yu —yicami Jesús.

²⁸ To bajiro yicōa, Dioṃare sēnicami yuja:

—Casu, mu bojarore bajirone bajiato. Masa mure rūcuburoājaro —Diore ĩre yicami Jesús yuja.

To bajiro ĩ yirone, ð vesaṃu ocaruyucaju:

—Mu suorī “Masa quēnaro yure yirūcubuoato” yigu, yicoadicaṃu yu. To bajiri, yirucuja yu quēna, mu bajirotire —yi ocaruyucaju ð vesaṃu.

²⁹ Tire ajirāne,

—Bujo ñaromi —yicaju yua sīgūri.

Gājerāma:

—Ángel ĩre ñagōgū yiromi —yicama ĩna.

³⁰ To bajiro masa ĩna yisere ajicōari, ado bajiro yicami Jesús:

—“Yure yiro me”, yi ocaruyucaja ti. Muare “Ajiato” yiro, yaja. ³¹ Yucnacane rojose yure yirāre ĩabesesoṃucami Dios. To bajiro ĩ yisoṃone masare ĩnare rojose yiroṃigure yirētorūgūrucuja yu. To yu yirone, masare ĩ rotirūgūboasere rotimasibetirucami ĩ yuja.

³² Yucúteroju masa yure ĩna jajutuse suorine masa ñajediro uṃ ñarucuja yu yuja. To bajiro yu bajise suorine, “Dios macu, yu uṃ ñarucuja mu, mu masise rāca yure ejarēmorocu”, yiruarāma jājarā adi macarucuroana.

³³ To bajiro ĩ yijama, “Ado bajiro sīaesoṃucuja” yigu yicami. ³⁴ To bajiro ĩ yijare, ado bajiro ĩre cudicama masa:

—Dios ocare masa ucamasire ti gotijama, “ ‘Rotimurogōgūrucami’ yigu, Dios ĩ cōarocu bajirocabetirucami”, yigotiaja ti. To bajiro ti yigotiboajaquēne, ¿no yigu, “ ‘Rotimurogōgūrucami’ yigu, Dios ĩ cōagūre yure jajuturuarāma ĩna”, yati mu? ¿Ñimujua Dios ĩ roticōar’i masuma ñati? —Jesúre ĩre yicama ĩna.

³⁵ To bajiro ĩna yijare, ado bajiro cudicami Jesús:

—Yu suorine riojo ñamasusere masiama masa, ĩna masirujama. Yoaro mene muare vaveoguagu yaja yu. To bajiri yure quēnaro ajitirānūtusaya mu, “Ī yirore bajirone yirāsa mani” yirā. To bajise mu yijama, rojose tāmurotūjabetiriaroju vabetiruarāja mu. Diore masimenajuma, rojose tāmurotūjabetiriaroju ĩna varotire masibeama. ³⁶ To bajiri, muā rāca yu ñarone yure ajitirānuña, “Īre bajirone Diore masicoaruarāja mani” yirā —ĩnare yicami Jesús.

To bajiro masare ĩnare yigotigajanocōa, ĩna masibetojuā vacōari, ĩnare yayicami Jesús.

Jud’io masa Jesúre ĩna ajitirānubetire queti

³⁷ Jesús, jairo ĩaīañamanire ĩnare ĩ yīboajaquēne, ĩre ajitirānubeticama masa. ³⁸ “To bajiro bajiruaraja ti” Isa’ias ñamasir’i, ĩ yimasire ñajare, bajicaju ti. Ado bajiro yucamasiñumi:

“Yua uṃ, mure yua gotirētobosasere ajiboarine, to yicōari, mu yīosere ĩboarine, mure ajitirānugū maami”, yucamasiñumi Isa’ias ñamasir’i.

³⁹ Dios ĩ cōarocure ajitirānubetironare yigu ado bajiro ucamasiñumi Isa’ias ñamasir’i quēna:

⁴⁰ “Īre ĩna ajitirānubeti vaja ĩna masiboasere ĩnare masiriojeocōarucami Dios. To bajiro ĩ yise ñajare, ĩre ajimasibetiruarāma. Riojo ĩna ajimasijama, rojose ĩna yirūgūsere tuoīasutiriticōari, tuoīavasoaborāma ĩna. Yure ĩna sēnijama, yure ĩna cāmotadicōa tujaborotire ĩnare yirētobosaboguja yu, yigotiami Dios”, yucamasiñumi Isa’ias ñamasir’i.

⁴¹ “Cristo rētoro ñamasugū maami” Dios ĩ yīosere ĩcōari, to bajiro yucamasiñumi Isa’ias.

⁴² “To bajiro bajiruaraja” Isa’ias ĩ yucamasire ñaboajaquēne jājarā jud’io masa, to yicōari ĩna ujarā quēne sīgūri Jesúre ĩre ajitirānucama ĩna. To bajirā ñboarine, masa ĩna ajiro ģjorojuā, “Jesúre ajitirānurā ñaja”, yibeticama ĩna bajirājuma, fariseo masa, “Jesúre ajitirānurāre sājaroṃbetiruarāja mani, Dios ocare mani buerivijure” ĩna yire ñajare. To bajiri ĩnare gūirā, “Yuare masiroma” yirā, tire gotibeticama ĩna. ⁴³ To bajiro yirā ñari, Dios ye rētobosaro masa yejuare rūcuborere bojacama ĩna.

“Yure ajitirānūmenare rojose ĩna tāmurotūjabetiriaroju ĩnare cōarucami Dios”, Jesús ĩ yire queti

⁴⁴ Ruyugoaro goticami Jesús:

—Yure ajitirānurāma, yu sīgūrene ajitirānurā me yama. Yu jacu yure cōacacure quēne ajitirānurā yama. ⁴⁵ Yure ĩarāma, yu jacure quēne ĩarā yama. ⁴⁶ Yu suorine Diore masiama masa. Adi macarucurojare vadicaṃu yu, “Yure ajitirānucōari, rojose yitujato” yigu. ⁴⁷ Yu

ocare ajiboarine yure ña ajitirñabetijama, yu me ñaja rojose tãmoťujabetiriaroju ñare cõarocũma. Adi macarũcũroanare rojose yigũagu vadicasũ me ñaja yũma. Yure ajitirñarãre ña ñaro cõrone rojose tãmoťujabetiriaroju ña vaborotire ñare yirẽtobosaguagu vadicaju yũ.
 48 To bajiboarine, yure rũcũbũobeticõari, yu ocare ajitirñamenama, ñatũsarirũmũ rojose tãmoťujabetiriaroju varũarãma ña. 49 Yu masurione tuoĩacõari, tire gotigu me yaja yũ. Yu jacũ yure cõacasũ i gotitotise rĩne gotiaja yũ. 50 “Yu jacũ i yurise ña ajitirñũjama, ña rijato beroju, tudirijabeticõari, yũ rãca quẽnaro ñacõa ñarũgũruarãma ña”, yimasiaja yũ. To bajiri yũ gotijama, yũ jacũ yure i yirotirore bajirone gotiaja yũ —masare yicami Jesũs.

13

İ buerimasare ña gũborire Jesũs i coere queti

1-3 Pascua boserũmũ yua batũsaroto rĩjoro, jẽre, “Yu jacũ tũju adi macarũcũrore yũ vaveoroto mojoroaca rũyaja yuja”, yimasicõacami Jesũs. Simõn macũre, Judas Iscariotere, “Jesũs vajanare ñare ocasãrucuja yũ, ‘İre ñiato ña’ yigu” yirere ñare cõaũumi i, vãtia uju. Jẽre tire masicõaũumi Jesũs. “Dios tũju vadicasũ ñaja yũ. To bajiri i tũju quẽna tudiarũcuja yũ. Rẽmoju, ‘No yiyamagũ ñaja mũ. No mũ bojasere yimasiaja mũ’ yure yicoadicami Dios”, yimasicõacami Jesũs. Rẽmoju adi macarũcũroanare, ñare ajitirñũcanare, yũare maicoadicami “Mũare maimasucõaja yũ” yigu, ado bajiro bajicami Jesũs adi macarũcũrojure i ñatũsacatirũmũri. Tire mũare gotigũagu yaja yũ.

4 Yua batũsañarone, vãmũrũgũcõari, joeado i sãñaritore veacami Jesũs. To yicõari, i ruju gudarecore toallare siatucami. 5 To yicõari, rujabajaju ocure jiocami. Jiojeo, yua gũborire coecami Jesũs. Coecõari, toalla rãca yua gũborire carocami.

6 Pedro gũborire i coegudone, ado bajiro ñare boca yicami:

—¿Yu uju ñaboarine, yu gũborire coeguagu yati mũ? —yicami Pedro.

7 To bajiro i yijare, ado bajiro ñare cudicami Jesũs:

—Yucũacarema mũa gũborire yũ coesere tuoĩamasibeaja mũa maji. Bero tire ajimasirũarãja mũa —yicami Jesũs.

8 To bajiro i yiboajaquẽne:

—Yu gũborire coebetirũcuja mũ —Jesũre ñare yicami Pedro.

To bajiro i yirone,

—Mũ gũborire yũ coebetijama, yũ rãcagu me ñarũcuja mũ —Pedrore ñare yicami Jesũs.

9 To bajiro i yisere ajicõari, ado bajiro ñare cudicami Pedro:

—To mũ yiro ñnoma yũ gũbori rĩne coebesa. Yu ãmorire quẽne, yũ rujoare quẽne coeya —Jesũre ñare yicami Pedro.

10 To bajiro i yisere ajicõari, ado bajiro ñare cudicami Jesũs:

—Jẽre guacõar'irema, jediro i rujure coere maja. Gũbori rĩne coejama, quẽnaja. Ueri manare bajiro bajirã ñaja mũa. To bajiboajaquẽne sigũ ñaami mũa rãcagu ueri cutigũre bajiro bajigu —yũare yicami Jesũs.

11 “İ ñaami yure İsirocarocu” yimasicõari, “Mũa jedirone ueri mana ñajedicõa bajibeaja mũa”, yũare yicami Jesũs.

12 Yua gũborire coegajanocõari, quẽna i veacũcatiasere sãñacami Jesũs. To yigajano, quẽna gãme ejarũjucõari ado bajiro yũare goticami Jesũs:

—¿Mũa gũborire yũ coesere ajimasiati mũa? 13 “Yũare gotimasiogũ, yua uju”, yure yaja mũa. İ masune ñaja yũ. To bajiro yure mũa yijama, quẽnaja. Riojone yaja mũa. 14 Yu, mũa uju, mũare gotimasiogũ ñaboarine, mũa gũborire yũ coejare, mũa masu quẽne, mũa gãmerã gũbori coejama, quẽnaja. 15 “Yu yirore bajirone yato ña” yigu, mũare yũogũ yaja yũ. 16 Ñamasusere riojo mũare gotiaja yũ: Sigũ moabosarimasũ ñamasugũ me ñaami i. İ ujujuama ñamasugũ ñaami. Sigũ gãji i cõar'i i ñajama, ñamasugũ me ñaami. Ñamasugũjuama ñare cõar'i ñaami. To bajiri mũa uju ñari. “Yu yirore bajirone mũa masu quẽne gãmerã ejarẽmoña mũa”, mũare yaja yũ. 17 Yu gotisere ajicõari, quẽnaro mũa yijama, variquẽnarũarãja mũa.

18 Mũa jedirorene yigu me yaja yũ adirema. Yu besecanare, mũare quẽnaro masiaja yũ. Yucũacane yũ bajiroti Dios i goticũcati ejarũaroja ti. Ado bajiro yigotiaja ti, Dios ocure masa ucamasire: “Yu rãca bagũ ñaboarine yure İsirocarocu ñaami”, yigotiaja Dios oca. 19 Ti bajiroto rĩjoroaca mũare gotiaja yũ. To bajiro ti bajiro ñacõari, “‘Rotimũorũgõrũcumĩ’ yigu, Dios i cõar'i ñaami”, yure yiajitirñũruarãja mũa. 20 Ñamasusere riojo mũare gotiaja yũ: Yu cõarãre ajitirñũrãma, yure quẽne ajitirñũruarãma. No bojarã yure ajitirñũrãma, yure cõacasũre quẽne ajitirñũama —yũare yicami Jesũs.

*“Sigũ mũa rãcagu yure ñarãre yure İsirocarũcumĩ”, Jesũs i yire queti
 (Mt 26.20-25; Mr 14.17-21; Lc 22.21-23)*

²¹ To bajiro yigoticōari bero, buto tuoīasutiriticami Jesús. To bajiri quēnaro riojo yuare goticami:

—Ŋamasusere riojo muare gotiaja yu. Sīgū maa rācagu, yure īaterāre yure īsirocarocūmi — yuare yicami Jesús.

²² To bajiro ī yisere ajicōari, yua ī buerimasa, yua masune gāmerā īacaju yua, “¿Ŋimujuare yati?” yirā űari. ²³ Yure ī buegure buto yure maicami Jesús. To bajiri yua batūsacati ī tuaca barujicaju yu. ²⁴ “¿Ŋimujuare yati mu?” īre yisēniāto” yigu, yure sōjucami Pedro. ²⁵ To bajiro ī yiro īacōari, Jesús tubusaca varuacaju yu, īre sēniāgū:

—Yu űju, ¿Ŋimujua űati mure īaterāre īsirocarocūma? —īre yisēniācaju yu.

²⁶ To yu yirone, ado bajiro yure cūdicami Jesús:

—Pan yosecōari, yu īsigūne űarucūmi yure īsirocarocūma —yicūdicami Jesús.

To yicōa yuja, Simón macu Judas Iscariotere, īsicami ī yuja. ²⁷ Tire bocaāmicōari, ī barone ī usujure vātia űju sājacoa ruyucami Judare. To bajiro ī bajijare, ado bajiro īre yicami Jesús:

—Mu yirua tuoīasere yidaya mu —Judare īre yicami Jesús.

²⁸ ī rāca barujicana sīgūjūma to bajiro ī yisere ajimasibeticaju yua. ²⁹ Yua ye gājoare coderimasi ī űajare, “Boserūmu űaro manī baroti vaja yiaya” īre yigu yigūmi Jesús”, yituoīaboacaju yua sīgūri. Gajeyerema, “‘Maioro bajirāre gājoa īsiaya’ yigu yigūmi ī yijama”, yicōacaju yua.

³⁰ Bagajano, vacoacami Judas yuja. Jēre űamiju űacaju ti.

“Gāmerā īamaīña”, Jesús īyire queti

³¹ Judas ī budiato bero, ado bajiro yuare yicami Jesús:

—Yucacane, “Quēnamasugū űaami Dios ī roticōacacu”, yimasiroti űaja. To bajiro yure yirā űari, “Quēnamasugū űaami Dios quēne”, yimasiroti űaja ti. ³² Diore masa īna rūcūbuojama, yure quēne, “īre rūcūbuoruarāma”, yirucūmi Dios. Yoaro mene to bajiro yiguagu yami Dios. ³³ Yu rīare bajiro bajirā űaja maa. Maa rāca yoaro űacōa űabetirīgūgūcūja yu. Yure macaboaruarāja maa. Cānu jud’io masa űjarāre yu gotimasirore bajirone muare quēne gotiaja yu. “Yu varotore vamasimenaja maa”, muare yaja yu. ³⁴ Yucne mame rotisere muare gotiaja yu: Ado bajiro bajiñama maa: Muare yu īamaidicatore bajirone maa quēne gāmerā īamaīña. ³⁵ Maa gāmerā īamairo īacōari, “Jesús buerimasa űaama”, muare yīaruarāma īna, masa jediro —yuare yicami Jesús.

“Jesúre masibeaja yu yirucūja mu”, Pedrore Jesús īyire queti
(Mt 26.31-35; Mr 14.27-31; Lc 22.31-34)

³⁶ To bajiro ī yisere ajicōari, Jesúre sēniācami Pedro:

—Yu űju, ¿nojuu vacu yati mu? —īre yicami Pedro.

To bajiro ī yijare,

—Yucacarema yu varotojare vamasibecūja muma maji. Ado beroju yure sūyarucūja mu —Pedrore īre yicami Jesús.

³⁷ To bajiro ī yirone,

—Yu űju, ¿no bajijare yucacarema mu rāca sūyamasibecūada yu? Mu sīaceroti űaboajaquēne, yujua sīacorcūja yu —Jesúre yicami Pedro.

³⁸ To bajiro ī yirone, ado bajiro īre cūdicami Jesús:

—¿Socabetibotime mu? Ŋamasusere riojo mure gotiaja yu: Gājabocu ī űagōroto rījoro idiaji, “Jesúre īre masibeaja yu”, yirucūja mu —Pedrore īre yicami Jesús.

14

“Yu sūorine Dios tujare ejamasire űaja”, Jesús īyire queti

¹ To bajiro Pedrore īre yigajano cōari ado bajiro yuare yigoticami Jesús quēna:

—Buto tuoīarejaibeticōaīna maa. Diore īre ajitirūncōari, yure quēne ajitirūnūña. ² Yu jacu ya vijure jairo maa űarotijauri űaja ti. To ti bajibetijama, muare gotibetibogūja yu. Toju maa űarotire muare quēnoyugu varu bajiaja yu. ³ Toju maa űarotijaurire quēnogajano cōari, quēna gāme vadirucūja yu. “Tojare yu űaro yu rāca űarājaro” yigu muare juagu ejarucūja yu quēna. ⁴ Yu vaejarotore masiaja maa. To bajiri toju vaejaria maare masiaja maa —yuare yicami Jesús.

⁵ To bajise ī yiboajaquēne, ado bajirojuu īre yicami Tomás:

—Yu űju, mu varotore masibeaja yua. ¿No bajiro yicōari, to varia maare masiruarāda yua? —Jesúre īre yicami.

⁶ To bajiro ī yirone ado bajiro īre yicūdicami Jesús:

—Yune űaja varia maare bajiro bajigūma. Yu sūorine Dios tujare ejare űaja ti. Yu sūorine riojo űamasusere masire űaja ti. “īna rijato beroju tudirijabeticōato” yigu, Dios ī catisere masare īnare īsigū űaja yu. To bajiri, yure ajitirūnurā rīne yu jacu tujare ejaruarāma. ⁷ Yure

mua masijama, yu jacure quēne ĩre masiruarāja mua. Yure ĩarā ĩari, “Ī jacure masiaja yua”, yimasiruarāja mua —yuare yicami Jesús.

⁸ To bajiro ĩ yirone, ado bajiro ĩre yicami Felipejama:

—Yua uju, mu jacure yuare ĩoĩa mu. To mu yicōaroju, “Riojo gotiami yuare”, yimasiruarāja yua yuja —Jesure ĩre yicami Felipe.

⁹ To bajiro Felipe ĩ yijare,

—Tirūmujune mua rāca ĩacōa swoadicaju yu. ĩNo yigu to yu bajiboajaquēne yure ĩamasibeati mu maji? No bojagu yure ĩagūma, yu jacure ĩagū ĩaami. To bajiri, “Mu jacure yuare ĩoĩa”, yibeticōaĩa mu. ¹⁰ “Yu jacu rācane ĩacōaja yu. Ī quēne yu rāca ĩaami”, muare yaja yu. Tire ajicōari, ĩ“Riojone gotiami”, yure yibetimasucōati mua, yure ajitirānūrā? Muare yu gotirūgūserema yu masune yu tuoĩase mere muare gotiaja yu. Yu jacu, yu rācane ĩacōarūgūgū ĩ yise ĩajare, jediro yicoadicaju yu. ¹¹ “Yu jacu rācane ĩaja yu. Ī quēne yu rācane ĩaami” yu yisere yure ajitirānuĩa. Yu gotisere ajicōaboarine yure mua ajitirānubetijama, ĩaĩaĩamanire yu yĩoadirūgūcatire tuoĩacōari, yure ajitirānuĩa mua. ¹² Namasusere riojo muare gotiaja yu: No bojagu “‘Rotimorūgōrucami’ yigu, Dios ĩ cōar’i ĩaami” yure yĩajitirānugūma, yu yirore bajirone yirucami. Yucacane yu jacu tu vagua yaja yu. Dios tu yu tudĩajare, ĩaĩaĩamani yu yĩocati rētoĩusaro ĩaĩaĩamanire yĩoruarāja mua quēne. ¹³ Yure ajitirānūrā ĩari, gūimenane sēnirūgūma mua. To bajiro mua yijama, no mua bojasere mua sēnro cōrone muare ĩsirūgūrucuja yu, “‘Quēnamasugū ĩaami’ yu jacure yimasĩato ĩna” yigu. ¹⁴ Yure ajitirānūrā ĩari, gūimenane yure mua sēnijama, no mua sēnrore bajirone muare cūdirucuja yu —ĩbuerāre yuare yicami Jesús.

“Esp’iritu Santore cōarucami Dios”, Jesús ĩ yire queti

¹⁵ To bajiro yĩajanocōari, ado bajiro yuare goticami Jesús quēna:

—Yure mua maimasucōajama, yu rotisere cūdiruarāja mua. ¹⁶ To bajiro mua yijama, yu jacure ĩre sēnirucuja yu. “Yure ĩvasoaroĩure ĩre cōato ĩ” yigu. Ī cōarocu ĩaami Esp’iritu Santo riojo gotigu. Mua rāca ĩacōarūgūrucami, muare yirēmogū. ¹⁷ Diore ajimena Dios ĩ cōagū Esp’iritu Santore masibeama ĩna. To bajiri ĩna usurĩjare ĩre sĩjarotimasibeama. Mua rāca ĩ ĩajare, ĩre masirā ĩaja muama. Mua usurĩjare ĩacōarūgūrucami.

¹⁸ Vagua yaja yu. Mua rāca ĩagū vadirucuja yu quēna. ¹⁹ Yucacane vagua yaja yu. To bajiri yure ajimenama, yure ĩabetiruarāma. Mua rāca yu ĩarūgūrotire masiruarāja muama. Yu rijato bero quēna gāme caticōarocu yu ĩajare mua quēne, yure ajitirānūrā, mua rijato beroju quēna gāme caticōari ĩacōarūgūrucarāja mua quēne. ²⁰ Yu jacu rāca ĩacōaja yu. Mua rāca quēne ĩacōaja yu. Muajua quēne, “Yu rācane ĩacōaja mua” yu yirore bajirone, yu tudicatirāmu, “Socu mene yiyumi Jesús”, yimasiruarāja mua yuja. ²¹ Yu rotisere cūdigūma, yure maigū ĩaami. Yure maigūrene ĩre mairucami yu jacu quēne. Yu quēne ĩre mairucuja yu. ĩre maicōari, ĩ rāca ĩagū ejarucuja yu. To yu bajiro yure ĩabetiboarine ĩ rācane yu ĩasere “Masĩato” yigu ĩre rotirucuja yu —yuare yicami Jesús.

²² To bajiro ĩ yisere ajicōari, Judas Iscariote me, gāji Judas vāme cutigu, ado bajiro ĩre sēnĩacami:

—Yua uju, ĩno yigu gājerāre ĩnare yĩĩobecune, yua rĩrene yuare yĩĩorucuada mu? —Jesure ĩre yisēnĩacami Judas.

²³ To bajiro ĩ yirone, ado bajiro cūdicami Jesús:

—No bojarā yure mairā, yu gotisere ajitirānūrāma. To bajiri yu jacu ĩnare mairucami. To bajiri yu quēne, yu jacu quēne, ĩna tu ĩarā vadiruarāja yua. ²⁴ No bojagu yure maibecūma, yu gotisere ajitirānubecūmi. Muare yu gotisema yu masune yu tuoĩarujoose mere muare gotiaja yu. Yu jacu yure cōacacu ĩ gotirotisere gotiaja yu.

²⁵ Maji mua rāca ĩagū ĩari, tire muare gotiaja yu. ²⁶ Yure ĩvasoaroĩure, Esp’iritu Santore ĩre cōarucami yu jacu. ĩajediro muare yu gotiadicatire, “Masiritiroma” yigu, muare ejarēmorucami —yuare yicami Jesús.

²⁷ Gajeye quēna ado bajiro yuare goticami Jesús:

—Muare vare gotiguagu yaja yu. Muare yu rijabosaroti ĩajare, Diorāca quēnaro ĩnaruarāja mua. Yure ajimenajuama, “Ado bajiro mani yijama, quēnaro ĩnaruarāja mani” yiboarine, Diorāca quēnaro ĩamasibetiruarāma. To bajiri, tuoĩarejaibesā mua. To bajicōari, gūibesā. ²⁸ “Vagua yaja yu. To bajiboarine mua rāca ĩagū vadirucuja yu quēna” yu yisere ajĩbu mua. Socarā mene yure mua maĩjama, “Yu jacu tujare vagua yaja yu” yu yisere ajicōari, quēnaro variquēnaboriarāja mua. Ī ĩaami yu rētoĩusaro ĩagū. ²⁹ Yu bajiroto rĩjoro tire muare gotiaja yu. To bajiri to ti bajiro ĩacōari, butobusa yure ajitirānūrāja mua.

³⁰ Gajeye jairo muare ñagðrēmobetirucuja ya. Diore ajimenare rojose yiroitigu, vātia uju, jēre vadicoagami. To bajiboarine, yure rotimasigū me ñaami ina. ³¹ Yu jacu ī rotirore bajirone yaja ya. To bajiro ya yisere ĩacðari, “Ī jacure maigū masune ñacðaami”, yimasiruarāma masa —yure yicami Jesús.

To bajiro yigajanocðari,

—Ita. Vajaro mani —yure yicami Jesús yuja.

15

“Ûyebu ñamasuribure bajiro bajigu ñaja”, Jesús ĩyire queti

¹ —Ûyebu ñamasuribure bajiro bajigu ñaja ya. Tibure ĩatirānugāre bajiro bajigu ñaami ya jacu. ² To bajiri tibu rujuri ti rica manijama, jasurereacðarucumi. Ti rica cutijama, quēnaro ĩatirānugucumi. “Jairobusa rica cutiato” yigu, sīnirirujurirema, tire bejareacðarucumi. ³ Rica cuti rujurire bajiro bajirā ñaja mua, muare ya gotimasiosere ajitirānurā ñari. To bajiri ya jacu suorine jēre rojose mana ñacoadicaju mua. ⁴ Quēnaro ya rāca ñacðarūgūma mua. To bajiro mua bajijama, mua rācane ñacoarūgūrucuja ya. Ûyebu raju tibujure ti tuyabetijama, rica manoja ti. To bajirone bajiruarāja mua. Yu rāca mua ñabetijama, quēnase yimasibetiruarāja mua yuja.

⁵ Yu ñaja ñyebure bajiro bajigama. Tibu rujurire bajiro bajirā ñaja mua. No bojarā ya rāca ñarāma, ina rāca ya ñajare, quēnase rīne yiruarāma ina. To bajiro ina bajijama, jairo rica cutirāre bajiro bajirā ñaruarāma ina. Yu manijama, ina masurione Dios ĩ ĩavariquēnase yimasibetiruarāma ina. ⁶ No bojagu ya rāca ñabecurema ĩre rocacðarucumi ya jacu. Sīnirirujure āmicðari, jeameju tiarocagure bajiro ĩre yicðarucumi ya jacu.

⁷ Yu rācane ñacðari, muare ya gotimasiosere masiritibeticðari, mua bojasere yure mua sēniro cōrone muare ĩsirucuja ya. ⁸ Quēnase rīne mua yirūgūserē ĩacðari, ya jacure quēnase ĩre yirūcubuoarāma masa. To bajiri, “Jesūre ĩre ajitirānurā ñaama”, muare yimasiruarāma ina. ⁹ Yu jacu yure ĩ mairore bajirone muare quēne maiaja ya. Yu mairā ñaja mua. To bajiri quēnase rīne yirūgūña mua, ya bojarore bajirone yirā. ¹⁰ Yu rotisere mua cudirūgūjama, ya mairā ñarūgūruarāja mua. To bajirone yaja ya quēne. Yu jacu yure ĩ rotisere cudirūgūlaja ya. To bajiri yure mairūgūami ya jacu.

¹¹ “Yure bajirone quēnaro variquēnaro ñato ina” yigu muare gotiaja ya. ¹² Ado bajiro muare rotiaja ya: Muare ya maiadicatore bajirone gāmerā maifā mua. ¹³ Sigū ĩ babare maigū ñari, ĩrijabosajama, tijna ñaja ñamasuse gāmerā maireayema. ¹⁴ Yu rotirore bajiro mua cudijama, ya babarā ñaruarāja mua. ¹⁵ To bajiri, “Yure moabosarimasa ñaja mua”, muare yibeaja ya yuja. Moabosarimasama ina uju ĩ yisere masimenama ina. “Yu babarā ñaja mua”, muare yaja ya yuja. Jediro ya jacu yure ĩ gotiadicatire muare gotimasiocoadicaju ya. To bajiri ya babarā ñaja mua. ¹⁶ Yure besecana me ñaja muama. Yujua muare besecaju ya. “Quēnase rīne yato ina” yigu, muare besecaju ya. To bajiro mua yijama, gājerā muare ĩacðari, muare ajicðari yure ajitirānuguarāma ina quēne. To bajiri Dios ĩ catisere suoruarāma ina quēne. To bajiri, quēnase mua yijama, yure mua sēnirore bajirone muare ĩsirucumi ya jacu. ¹⁷ Ado bajiro muare rotiaja ya: Gāmerā ĩamaifā mua —yure yicami Jesús.

“Diore ajimena, muare ĩatud’iruarāma”, Jesús ĩyire queti

¹⁸ Quēna ado bajiro yure gotimasiocami Jesús:

—Diore ajimena muare ĩna ĩatud’ijama, “Yua rīrene ĩatud’irā me yirāma ina. Jesūre quēne ĩre ĩatud’icoadicama ina”, yituoĩamasiruarāja mua. ¹⁹ Diore ajimenama, ĩnare bajiro tuoĩarāre maiaama ina. To bajiri ĩnare bajiro mua tuoĩajama, muare quēne maiboriarāma ina. Diore ajimena rāca mua ñarore muare besecaju ya, “Tuoĩavasoacðari, yure ajitirānurājaro” yigu. To bajiri muare ĩatud’iama Diore ajimena yuja. ²⁰ Muare ya gotisere masiritibesa mua: “Moabosarimasama, ñamasugū me ñaami. Ûjujua ñamasugū ñaami ina” yigu, muare gotibu ya. Diore ajimenama, mua ujure, yure rojose yisuyarūgūama. To bajiri muare quēne rojose yisuyaruarāma. To bajiboarine tuoĩavasoacðari, ya gotimasiosere cudirūgūama. To bajiri muare quēne muare cudiruarāma. ²¹ Yure cðacacure quēne masibeama Diore ajimena. To bajiri yure ajitirānurā mua ñajare, muare quēne rojose yisuyaruarāma ina.

²² Masare gotimasioğū ya vadibetijama, “Rojose yirā ñaja mani. Dios ĩ rotiriarore bajirone cudibeaja”, yimasibetiboriarāma, Diore ajimena. ĩnare ya gotimasioro bero ñajare, “Rojose mana ñaja”, yimasibeama ina yuja. ²³ No bojarā yure ĩatud’irā, yo jacure quēne ĩatud’irā yama ina. ²⁴ Ina ĩaro ĩjorojua Dios ĩ masise rāca ĩaĩañamanire ya yĩobetijama, “Yure Dios ĩ masise rāca ĩaĩañamanire ĩ yĩobetijare, ‘Dios ĩ cðar’i, Cristo ñaami’ ĩre yimasibeaja yua”, yiboriarāma ina. Dios ĩ masise rāca ĩaĩañamanire ya yĩoro ĩacana ñaama ina. Tire ĩacana ñaboarine ina ĩatirānubeti vaja rojose ĩnare ñacða ñaja. To bajiri, yure ĩateama ina. Yu jacure quēne ĩre teama ina. ²⁵ Dios ocare masa ina ucamasire ti gotirore bajirone bajiaja ti yuja,

yucarirema. Ado bajise gotiaja ti: “Ñie manone yure Ìateama Ìna”, yigotiaja ti —yure yicami Jesús.

²⁶ To bajiro yicōari, gajeyere quēna ado bajiro yure gotimasociami Jesús:

—Dios ì cōagū Esp'iritu Santore socabecure muare cōarucuja yu, yu gotimasirūgūsere “Ajimasio” yigu, muare ejarēmorcure. ²⁷ Yu gotimasiosurojane yu rācane ñacoadicaju mua. To bajiri, yu gotimasociature ajicana ñari, Ìañāmanire yu yīocature Ìacana ñari, masare gotimasiasiruarāja mua —yure yicami Jesús.

16

¹ Quēna ado bajiro yure gotimasiorūtuacami Jesús:

—“Yure ajicuejeroma” yigu, adire muare gotiaja yu: ² Dios ocare mani buerūgūriviya mua ñarore muare bucōaruarāma Ìna. To bajiro yicōari muare sīarāne, “Dios ì bojasere bajiro ānoare Ìre sīabosaja mani”, yitūoīaboaruarāma Ìna. ³ To bajiro Ìna yijama, yure quēne, yu jacure quēne masimena ñari, yīruarāma Ìna. ⁴ “ “To bajiro masune bajiruaroja ti” yiquīda ì Jesús’ yitūoīamasirājaro Ìna” yigu, muare gotiaja yu.

Esp'iritu Santo ì ejarēmoritire Jesús ì gotimasiore queti

Rēmojure muare gotisūogu, muare gotibeticaju yu maji, “Ìna rāca ñarucuja yu maji” yigu ñari. ⁵ Yure cōacacu taju vuguagu yaja yu yuja. To yu bajiboajaquēne, “¿Noju vuguagu yati mu?”, yure yisēniabeaja mua. ⁶ Sēniāmenane, muare yu yigotiserene tūoīasūtirititaja mua. ⁷ To bajiri, riojo muare gotiaja yu. Yu vacojama, muare quēnaruarōja. Yu vabetijama, muare ejarēmorcū, Esp'iritu Santo mua rāca ñagū vadibetibogami. Yu vajama, Ìre cōarucuja yu. ⁸ Esp'iritu Santo ì vadijama, ì ejarēmose rāca, “Riojo manire yiyumi Dios. Rojose yirā ñaja mani”, yimasiruarāma masa. Ì ejarēmose rāca quēnase masune yirere masiruarāma Ìna. Gajeye quēne, Ì ejarēmose rāca ado bajiro tūoīamasiruarāma masa: “Diore mani cudibeti vaja rojose tāmūotujabetiriarōju manire cōarucami Dios”, yimasiruarāma. ⁹ Yure Ìna ajitirūnubeti vaja rojose tāmūotujabetiriarōju Ìna varotire Esp'iritu Santo ì ejarēmose rāca masiruarāma. ¹⁰ Yu jacu ì ñarōjore yu varoti ti ñajare, yure Ìabetiruarāja mua. Yu jacu tu ñacōari, yu cōagū Esp'iritu Santo ì ejarēmose rāca, “Quēnaro riojo yigu ñañumi”, yimasiruarāja mua. ¹¹ “Masare rojose yirofigure vātia ujare rojoroja, rojose tāmūoato” yigu, Ìre yu cōarotire Esp'iritu Santo ì ejarēmose rāca masiruarāja mua.

¹² To bajiro yigajanocōari, ado bajiro yure yigotimasociami Jesús:

—Jairo muare yu gotiroti ñabojaja ti. To ti bajiboajaquēne yucune muare yu gotieocōajama, ajimasimenaja mua maji. ¹³ Dios ì cōagū Esp'iritu Santo mua tu ejaçōari, ì ejarēmose rāca riojo masu ajimasijeoruarāja mua. Ì sigū ì ejarēmose rīne bajibetiruarōja. Yu jacu ì rotise rāca ejarēmorcūmi. To yicōari, “Ado bajiro bajiruaroja” ì yise rāca ajimasiruarāja. ¹⁴ To yicōari, mua rāca yu yīñarūgūcature mua ajimasirotire muare ejarēmorcūmi Esp'iritu Santo, “ Jesús, quēnamasugū ñaami” Ìre yirūcūbuoato Ìna” yigu. ¹⁵ Ñajedirone yu jacu yure ì rotirore bajirone muare gotiaja yu quēne. To bajiri, “Mua rāca yu yiadīcature muare gotimasiorucami Esp'iritu Santo”, muare yibu yu —yure yicami Jesús.

¹⁶ To yigune, quēna ado bajiro goticami Jesús:

—Yucune yu jacu taju vuguagu yaja yu. To bajiri yure Ìabetiruarāja mua. To bajiboarine quēna yoaro mene yure Ìacōaruarāja mua —ì buerāre yure yicami Jesús.

“Tūoīasūtiritirā ñaboarine, variquēnaruarāja mua”, Jesús ì yire queti

¹⁷ To bajiro ì yisere ajicōari, sigūri ì buerā, ado bajiro gāmerā yisēniācaju yua:

—¿No yire ùnire yigu yati ì? —gāmerā yicaju yua. —“Yu jacu taju vuguagu yaja yu. To bajiri yure Ìabetiruarāja mua. To bajiboarine quēna yoato mene yure Ìacōaruarāja mua”, manire yami —gāmerā yicaju yua. ¹⁸ —“Yoato mene yure Ìaruarāja” manire ì yijama, ¿no bajiro bajiru yati? “Tire yigu yami”, yiajimasibeaja mani —gāmerā yicaju yua.

¹⁹ To yua yīñarone, “Yure sēniāruama Ìna”, yimasicōacami Jesúsjuama. To bajiri ado bajiro yure yicami:

—“Yoaro mene yure Ìabetiroana yaja mua. To bajiboarine quēna yoato mene yure Ìacōaruarāja mua”, muare yibu yu. To bajiro yu yiserene, ¿mua masune gāmerā sēniāti mua? ²⁰ Riojo ñamasusere muare gotiaja yu. Tūoīasūtiritirā ñari, otiruarāja mua. Diore ajimenama, variquēnaruarāma Ìna. Mūama, tūoīasūtiritirā ñaboarine yoaro mene quēna variquēnacōaruarāja mua. ²¹ Adire bajiro bajiruaroja ti: Sigō rōmio, macu cūtigoago, tūoīasūtiritigomo so. “Josari tāmūorcūojoja” yigo. So macu cūtro berojama, tire tūoīasūtiritibecone, variquēna masiriocōagōmo so. ²² Tire bajirone mua quēne yucurema tūoīasūtirititaja mua. To bajiboarine quēna muare Ìagū vadirucuja yu. Yure Ìacōari, buto variquēnaruarāja mua quēna. To bajiro mua variquēnasere gāji, “Variquēnabeticōañā mua”, yibetirucūmi.

²³ Tīrāmu ti ejarone yuja, ñiejuare yare sēñīabetiruarāja mua yuja. Jēre masicōaruarāja mua. Riojo ñamasusere muare gotiaja yu: “Rotimuoṛōgōrucami” yigu, Dios ī cōar’i ñaami” yare yiajitrūnarā ñari, yu jacure mua sēñijama, mua sēñiro cōrone muare ĩsirucami. ²⁴ “Jesúre ajitrūnarā ñaja yua”, yisēñibeticaju mua maji, yu jacure. Ado beroma yuja, “Jesúre ajitrūnarā ñaja yua”, yisēñirūgūña mua. To bajiro mua yijama, muare ĩsirucami yu jacu, “Quēnaro variquēnato ĩna” yigu —yare yicami Jesús.

“Rojose yure ĩna yiboajaquēne, rojosere yibeticōari, Dios ī bojasejuare yicoadicaju”, Jesús ī yire queti

²⁵ Gajeye quēna ado bajiro yuare yigoticami Jesús:

—Muare yu gotijama, gotimasiore rāca muare goticoadicaju yu maji. Bero muare yu gotijama, gotimasiore rāca me muare gotirucuja yu. To bajiro yu jacu yere muare yu gotijare, quēnaro ajimasiruarāja mua. ²⁶ Yu jacu tuju yu tudiejato berone, “Yuare sēñibosaya mu”, yure yibeticuarāja mua. Mua masune, yu jacure güimenane, “Jesúre ajitrūnarā ñaja yua”, ĩre yisēñirūgūruarāja mua. ²⁷ Muare maiami yu jacu, yure mua maijare. “Dios ī cōar’i ñaami” mua yiajitrūnarajare, muare maiami ī. ²⁸ Yu jacu tu ñar’i, adi macarucurojare vadicaju yu. To bajiri adi macarucuroanare vaveocoarucuja yu, quēna yu jacu tu tudiacu —yare yicami Jesús, ī buerāre.

²⁹ To bajiro ī yisere ajicōari ĩre cudicaju yua yuja:

—Yucarema gotimasiore rāca me, mu gotisere quēnaro ajimasijaja yua yuja. ³⁰ “Ñajediro masigū ñaja mu”, yīamasijaja yua yuja. Mure yua sēñiaroto rjorojune jēre yua sēñiarotire masicōaja mu. To bajiri, “Dios tu vadir’i ñaja mu”, mure yiajitrūnaraja yua yuja —Jesúre ĩre yicaju yua.

³¹ To bajiro yua yijare, ado bajiro yuare cudicami Jesús:

—¿Socarā mene, “Quēnaro mure ajitrūnaraja yua”, yure yati mua? ³² Riojo muare gotiaja yu: Yucune yare cāmotadijedicoaruarāja mua. To bajiro mua bajiboajaquēne, sīgūne ñabetirucuja yu. Yu rācane ñacōa ñarucami yu jacu. ³³ Ti jediro muare gotiaja yu, “Yuare ajitrūnarā, quēnaro ñacōaruarāja mua” yigu. Adi macarucuroana, Diore ajimena, rojose muare ĩna yijare, rojose tāmuoṛuarāja mua. To bajiboarine, tuoīatimama: Masa rojose yure ĩna yiboajaquēne, rojose yibeticōari, Dios ī bojasejuare yicoadicaju yu. To bajiri, mua quēne yure bajirone yimasiruarāja mua —yare yicami Jesús, ī buerāre.

17

Ī buerimasare Diore Jesús ī sēñibosare queti

¹ To bajiro yicōari bero, ō vecajare ĩamuoōari, ado bajiro yicami Jesús:

—Casu, mu tuju yu tudiaroti mojoroaca ruyaja ti yuja. Masa, “Quēnamasugū ñaami” yure ĩna yimasirotire yigu, ejarēmoña. To bajiro mu yijama, yu suorine, “Quēnamasugū ñaami”, mure quēne yiguarāma ĩna. ² Mu macu ñaja yu. “Masare ñajedirore rotimasiato ĩ” yigu yure cōacaju mu. Mu suorine yure ajitrūnarā, “Īna rijato bero quēnaro catijedicōa ñarūgūrājaro” yigu yure cōacaju mu. ³ Ado bajiro bajijama ĩna tudirijabetirure suorāma: Dios ñamasugāre, mure masiama. To yicōari, mu roticōacacure quēne yure masiama.

⁴ Adi macarucuroju yu ñaro, yu suorine quēnase mure yirucubuoocadicama ĩna masa. Yure mu yirotrūgūro cōrone jēre mure yibosagajanoaja yu. ⁵ Adi macarucuro ti ruyuaroto rjorojune mure bajirone rucubuo ecogu ñacoadicaju yu. To bajiri, mu tuju yu tudiejaro, quēna yure ĩna yirucubuoortire yigu, yure yirēmoña mu.

⁶ Yu buerimasa mure ajimena rāca ĩna ñarore mu besecana ñama. ĩnare besecōari, yure ĩsacaju mu. To bajiri yu suorine mure masiama ĩna yuja. Mu yarā ñacōari, mu ocare cudirā ñaama. ⁷ To bajiri jediro yu gotimasiore, to yicōari, ĩaīañamani yu yīosere ĩacōari, “Dios suorine yami”, yimasijama ĩna. ⁸ Mu ocare yure mu gotitrotatore bajirone ĩnare goticoadicaju yu. Tire ajicōari, “Dios tu vadir’i, Dios ī cōar’i ñaami”, yure yimasijama ĩna yuja.

⁹ Mure ĩnare sēñibosaja yu. Mure ajimenarema ĩnare mure sēñibosabeaja yu. Yure mu ĩsicana ñajare, sēñibosaja yu. ¹⁰ Yu yarā ñarā ñari, mu yarāne ñarā bajijama. ĩna suorine yure quēnase yirucubuoama masa.

¹¹ Yucūacane mu rāca ñagū vagnagu yaja yu. To bajiri adi macarucurore vaveoacu yaja yu yuja. Yure ajitrūnarāma, adi macarucuroju tujacōarā yama ĩna. Casu, rojose yigu me ñaja mu. Mu masise, yure mu ĩsicati rācane ānoare ĩnare ĩatirūñña. Cojoro cōro tuoīarā ñaja mani. Manire bajirone ĩna quēne “Sīgūre bajirone tuoīato ĩna” yigu, ĩnare ĩatirūñña. ¹² Adi macarucurojare ĩna rāca ñagū yu yimasirotire yure mu ĩsicati ñajare, quēnaro ĩnare ĩatirūñncoadicaju yu. “Sīgū rojose tāmuoṛujabetiriaroju vatomi” yigu quēnaro ĩnare ĩatirūñncoadicaju yu. To bajiboarine sīgū ñaami rojose tāmuoṛujabetiriaroju varocu. “To

bajiro bajiruaroja” mu yicature masa ina ucamasicati ti goticatore bajirone yigu bajiruacumi ina.

¹³ Yucucacane mu tu vagua yaja yu yuja. Adi macarucurojore ñagü maji adire mure sēniaja yu, “Yure ajitirunurā, yu variquēnarore bajirone ina quēne quēnaro variquēnajedicōato ina” yigu. ¹⁴ Ānoa yu buerā, yure mu gotiroticature ajicōari tuoīavasoacana ñaama ina. To bajiri mure ajimena ina tuoīare bajirone tuoīabeama ina yuja. Yure bajirone tuoīarā ñama. To bajiro bajirā ina ñajare, inare lateama masa, mure ajimena. ¹⁵ Yure ajitirunurāre, “Mure ajimena rāca vatoaju ñabeticōato ina’ yigu, inare juacoasa mu”, mure yibeaja yu. Ado bajirojua mure sēniaja yu. Quēnaro inare yirēmoña, “Vātia ujare ire cudiroma ina” yigu. ¹⁶ Mure ajimena ina tuoīarore bajirone tuoīagū me ñaja yu. To bajiri, yure ajitirunurā quēne, mure ajimena ina tuoīarore bajiro tuoīarū me ñaama ina. ¹⁷ Riojo ñamasuse ñaja ti mu oca. To bajiri yure ajitirunurāre inare yirēmoña mu, mu ocare “Quēnaro ajimasiato ina” yigu. Mu ocare ajimasicōari, “Quēnase rine yirā ñato” yigu, inare yirēmoña. ¹⁸ Mure ajimena vatoajure yure cōacaju mu. Yu quēne, to bajirone mure ajimena vatoajure yure ajitirunurāre inare cōaguagu yaja yu. ¹⁹ “Yu bajiritire mu tuoīacatore bajirone bajiruaroja ti”, mure yaja yu, “Yu suorine quēnase inare ejaruaroja” yimasigū ñari. To bajiro mure yaja yu, “Yure ĩacōari, ‘Dios ocare socabetire Jesús ĩ cudirore bajirone cudirāsa mani’ yato ina” yigu –yicami Jesús, Diore sēngü.

²⁰ Gajeyē ado bajiro Diore sēnicami Jesús:

–Yu rāca ñacōari, yure ajitirunurā rīrene inare sēnibosagu me yaja yu. Ānoa ina gotimasiose ti ñajare, “Gājerā quēne, yure ajitirunurārāma” yigu, inare quēne sēnibosaja yu. ²¹ “Yure ajitirunurā ñajediro sigūre bajiro ñato ina” yigu, mure sēniaja yu, to yicōari, “Mani rāca quēne ñacōa ñato ina” yigu. Cacū, yu rāca ñaja mu. Yu quēne, mu rāca ñaja. To mani bajirore bajirone sigūre bajiro ina ñasere bojaja yu. To bajiro ina bajiro ĩacōari, “Socū mene Dios ĩ cōar’i ñañumi Jesús”, yituoīavasoaruarāma masa. ²² “‘Diorāca ñaami’ masa yure yirūcubuoato” yigu, yure ejarēmoadicaju mu. To bajirone yure ajitirunurāre quēne, yure mu ejarēmocatore bajirone inare ejarēmorucuja yu, masa, inare ĩacōari “‘Diorāca ñaama’ inare yirūcubuoato” yigu. To bajiro inare yirucuja yu, mani bajirore bajirone, “Sigūre bajiro ñato ina” yigu. ²³ Ina rāca ñarūgūaja yu. Mu quēne, yu rāca ñarūgūaja mu. To bajiri sigūre bajirone tuoīaruarāma ina. To bajiro ina bajiro ĩacōari, “Dios ĩ cōar’ine ñañumi Jesús”, yimasiruarāma masa. “Ī macure ĩ maiore bajirone inare quēne maiami Dios”, yimasiruarāma masa.

²⁴ Cacū, yure ajitirunurā yure mu ĩsicana ñaama ina. To bajiri yu rāca ina ñarotire bojaja yu, mu rāca yu rotiñarore “Īarājaro ina” yigu. To bajiri, mu rāca yu rotisere ĩacōari, “Adi macarucuro ti ruyuaroto rījorojone Jesure maicoayumi Dios” ina yimasirotire bojaja yu. ²⁵ Cacū rojose yigu me ñaja mu. Mure ajimenama, mure masibeama ina. Yuma, mure masiaja yu. Ānoa yu buerā quēne, “Dios ĩ cōar’ine ñaami”, yure yimasiana ina. ²⁶ “Ado bajiro bajigū ñaami Dios”, inare yigotimasiocoadicaju yu, yure ajitirunurāre. To bajirone inare gotimasiocōaja yu maji, yure mu maiore bajirone “Gājerāre maiato ina” yigu. To yicōari, “Īna rāca yu ñacōa ñarūgūotire masiatio ina” yigu to bajiro yure ajitirunurāre inare gotimasioaja yu –Diore ire yicami Jesús.

18

Jesure ina ñiare queti

(Mt 26.47-56; Mr 14.43-50; Lc 22.47-53)

¹ To bajiro Diore Jesús ĩ yisēniro bero, Cedrón vāme cuti cora gajejacatūaju vacaju yua, ĩ rāca. To vanane, olivo vāme cutisere oterivesejore jiacaju yua. ² Tocārācagine ti vesejore rējacaju yua. To bajiri Judas, Jesure ĩaterāre ĩsirocacaju quēne, yua rāca rējarūgūcacu ñari, tojore quēnaro masicami. ³ To bajiri ti vesere masigū ñari, surarare, to yicōari, Diore yirūcubuoarivi coderimasare ūmato ejacami Judas. Paia ujarā, to yicōari, fariseo masa ina cōariarā ñacama. Jariaserine besu cōocama ina. Sigūri sīabusuoriari, gājerā mujorijāirire bajise sīare cōocama ina. ⁴ Jēre, “To bajirone yure yiruarāma” yigoticacu ñari, inare bocaguacami Jesús. Inare bocacōari ado bajiro inare sēñiacami:

–Īñimure macati mua? –Inare yicami Jesús.

⁵ To bajiro ĩ yirone,

–Jesús Nazaret macagure macaja yua –ire yicudicama ina.

To bajiro ina yirone,

–Yune ñaja –inare yicudicami ĩuama.

Judas, Jesure ĩaterāre gotiyiror’i quēne ina rāca ñacami. ⁶ “Yune ñaja yu” Jesús ĩ yirone, judavējacoacama ina. ⁷ To ina bajirone, inare tudisēñiacami Jesús:

–Īñimure macarā bajiati mua? –Inare yicami Jesús.

To bajiro ĩ yirone,

—Jesús Nazaret macagure macaja yua —yicama İna.

⁸ To bajiro İna yisere ajicōari:

—“Yune űaja yu”, jēre m̱are yibu yu. Yurene m̱a macajama, yu rācanare İnare varotiya maji —İnare yicami Jesús.

⁹ To bajiro İ yijama, “To bajiruaroja ti’ İ yigotitore bajiro bajiato” yigu yicami. Ado bajise Diore İre yicami: “Caçu, yure mu İscanare quēnaro İnare İtirũncōadicaju yu, ‘Sīgũ bajiyayromi’ yigu”, yicami Jesús.

¹⁰ Jesure İna űiaruaro İacōari, İ jariasere yoveacami Pedro. Tiasene paia uju űamasugũre moabosarimasure, Malco vāme cutigure riojojacatuaga gāmore İre jatarocacōacami Pedro.

¹¹ To bajiro İ yijare, ado bajiro Pedrorre İre yicami Jesús:

—Mu jariasere tudisuacōaűa quēna. Rojose yu tām̱orotire yu jacu İ bojacatire,

“Tām̱oṟabecami”, ¿yure yiboatime mu? —Pedrorre İre yicami Jesús.

Anás ya vijũ Jesure İna űmiejare queti

(Mt 26.57-58; Mr 14.53-54; Lc 22.54)

¹² To bajiro İ yirone surara, İna uju rāca, Diore yirũcũbuoriavi coderimasa quēne Jesure űiacama İna. İre űiacōari, İ űmobearire siacama İna. ¹³ To yicōari, Anás ya vijũ İre űmicoacama İna yuja. Caifás űmaűicu űacami Anás. Ti cūmare paia uju űamasugũ űacami Caifás. ¹⁴ Caifás űaűuju: “İre mani sıabetijama, mani űaro cōrone sıajeocōarũarāma İna romano masa. To bajiri manire rijabosagure bajirone bajiato İ”, yigotir’i űaűuju İ.

“Jesure masibeaja yu”, Pedro İ yire queti

(Mt 26.69-70; Mr 14.66-68; Lc 22.55-57)

¹⁵ Pedro rāca, Jesure İna űmivato suyacaju yua. Paia uju űamasugũre quēnaro İ masigũ űacaju yu. To bajiri josari mene paia uju ya vi ta biberiasāniro rētosājacoacaju. ¹⁶ Pedrojuama ta biberiasāniro suyarojuajune sājabecune tujacoacami. To bajiri paia uju űamasugũre masigũ űari, ta biberiasānirore coderimasa rāca űagōgũ tudibudicoacaju yu. To yicōari Pedrorre İre jisōcaju yu. ¹⁷ To cōrone ta biberiasānirore coderimasa, Pedrorre İre sēnĩacamo so:

—¿Jesús buerimasa rācagu me űati mu? —İre yicamo so, Pedrorre.

To so yirone,

—İ me űaja yu —sore yicami Pedro.

¹⁸ Ti usajare, paia uju űamasugũre moabosarimasa, Diore yirũcũbuoriavi coderimasa quēne jea riocōari, sũmaűacama İna. Pedro quēne İna rāca sũmaűacami.

Paia uju űamasugũ, Jesure İ sēnĩare queti

(Mt 26.59-66; Mr 14.55-64; Lc 22.66-71)

¹⁹ Jesure İna űmiejaro, İacōari, paia uju űamasugũ, ado bajiro İre sēnĩaűuju:

—¿Nocārācu űati mu buerā? ¿İne űnire İnare gotimasiōrũgũati mu? —İre yisēnĩaűuju İ, Jesure.

²⁰ To bajiro İ yijare, ado bajiro cadiyuju Jesús:

—Masa İaro ṟjoroju gotisnoadicaju yu, Diore yirũcũbuoriavijure, to yicōari, İ ocare mani buerũgũrivirijure quēne. Disejuane yayioroaca yu gotimasiore maja. ²¹ ¿No yigu yũjare sēnĩati mu? Yure ajicanajuare İnare sēnĩaűasaque. Yu gotirũgũcatire mure gotirũarāma İna. Tire masirāma İna —İre yiyuju Jesús, paia uju űamasugũre.

²² To bajiro Jesús İ yisere ajicōari, sīgũ, Diore yirũcũbuoriavi coderimasa Jesús riogare jayuju. İre jacōari,

—To bajiro mu yicudijama, paia uju űamasugũre İre rũcũbuogu me yaja mu —Jesure İre yiyuju Diore yirũcũbuoriavi coderimasa.

²³ To bajiro İ yirone, İre cadiyuju Jesús:

—Riojo me yu yijama, “Ado bajiro yaja mu”, yure yigotiya mu. Riojo yu yiboajaquēne, ¿no yigu yure jati mu? —İre yiyuju Jesús.

²⁴ To bajiro İre yisēnĩacōari bero, İre İna siarere jojiorotibecune paia uju űamasugũ Caifás vāme cutigu tujare Jesure cōaűuju Anás.

Quēna, “Jesure masibeaja yu”, Pedro İ yire queti

(Mt 26.71-75; Mr 14.69-72; Lc 22.58-62)

²⁵ To İna yiűaro űnone jea sũmacōa űacami Pedro. İ rāca jea sũmaűarā ado bajiro İre yisēnĩacama İna:

—¿İ buerimasa me űati mu quēne? —İre yisēnĩacama İna.

To bajiro İna yirone, —Bajibeaja. İ me űaja yu —yicami Pedro.

²⁶ To bajiro İ yirone, sīgũ paia ujuare moabosarimasa Pedrorre İre sēnĩacami:

—Olivo vāme cutisere oteriveseju, İ rāca mu űaro, mure İamu yu —İre yicami. İ űacami Pedro İ gāmore jatacacu.

²⁷ To bajiro i yisēniīasere ajicōari,
—Ī me űaja yu —yicōacami quēna Pedro.
To bajiro i yirirīmarone, gājabocu űagōcōacami yuja.

Pilato tuju Jesúre ina āmiejare queti
(Mt 27.1-2, 11-14; Mr 15.1-5; Lc 23.1-5)

²⁸ Tiju bero, Caifás ya vi űariarā, Pilato ya vijuare Jesúre ire āmivacama. Jud'io masa uju űaboarine, Roma vāme cuti macagu űacami Pilato. To cōrone busumujacoacaju yuja. Ī ya vire sājabeticama ina jud'io masa, “Gājerā masa ya vi mani sājajama, Pascua bare bamasimenaja mani” yituoīarā űari. ²⁹ To bajiri, Pilato ina rāca űagōru budiacami i yuja:

—Ķűie rojose i yise suori ire ocasāti mua? —yicami Pilato, jud'io masare.

³⁰ To bajiro i yisēniīarone, ado bajiro ire cudicama ina:

—Rojose i yibetijama, mu tu ire āmiejobetiboriarāja yua —ire yicama ina.

³¹ To bajiro ina yirone,

—Īre āmicoasa mua. Mua masune rojose i yisere ĩacōīajeocōari, rojose i yise vaja rojose ire yiba mua yuja —ĩnare yiboacami Pilato, jud'io masare.

To bajiro ĩnare i yirone,

—Yua, jud'io masama, masare sīamasibeaja —Pilatore ire yicama ina.

³² “Yucātēroju yure jajutusīacōaruarāma masa” Jesús i yicator bajirone bajicaju ti.

³³ Quēna sājacōari, Jesúre ire jiyuju Pilato. To yicōari, ado bajiro Jesúre ire yisēniīaűuju:

—ĶJud'io masa uju masune űati mu? —Jesúre ire yiyuju Pilato.

³⁴ To bajiro i yirone,

—ĶMu masu tuoīarine, to bajise yure yisēniīati mu? ĶGājerā mre ina gotijare, to bajise yure sēniīatique mu? —Īre yiyuju Jesús, Pilatore.

³⁵ To bajiro i yijare,

—Jud'io masu me űaja yu, tia. Mu yarāne, paia ujarā rāca, yu tu mre āmiejoama ina. Ķűie űni rojose yirori mu? —Jesúre ire yiyuju Pilato.

³⁶ To bajiro i yisere ajicōari, ado bajiro ire cadiyuju Jesús:

—Masa uju mu yigure bajiro bajigu me űaja yu. To bajiro bajigu yu űajama, yure sayarimasa yure ĩaterāre ina rāca gāmerā quēaboriarāma ina, “Yure űiaroma ina” yirā. To bajiri, masa uju mu yigure bajiro bajigu me űaja yu. Yure rotise adone űabeaja —Pilatore ire yiyuju Jesús.

³⁷ To bajiro i yirone,

—To yijama, Ķuju űati mu? —yiyuju Pilato.

To bajiro i yirone ire cadiyuju Jesús:

—Mu yirone bajirone bajijaja yu. Ujune űaja yu. Adi macarucurojare vadicōari ruyucacaju, riojo űamasusere gotiru. No bojarā yu gotisere ajivariquēnarāma, yure ajitirānurā űaama —Pilatore ire yiyuju Jesús.

³⁸ To bajiro i yirone,

—Ķűie űnire yigu yati mu, űamasuse űaja mu yiserema? —Jesúre ire yiyuju Pilato.

“Jesúre sīaroti űaja”, ina yire queti

(Mt 27.15-31; Mr 15.6-20; Lc 23.13-25)

To bajiro Jesúre ire yisēniīa gajanocōari, budiejacami Pilato, jud'io masare gotiguagu quēna:

—Yu ĩajama, űie rojose yigu me űaami. ³⁹ Tocārāca cāmari Pascua mua yiro cōro, sīgū tubibe ecor'ire mreare bubosarūgūaja yu. To bajiri, Ķmua jud'io masa ujure yu bubosasere bojati mua? —ĩnare yicami Pilato, jud'io masare.

⁴⁰ To bajiro ĩnare i yijare, ado bajiro ire avasācudicama ina:

—Īrema bubesa mu! ĩBarrabájuaire ire bucōaña! —yīavasācama ina, Pilatore.

Barrabájuaama, juarudirimasu űaűuju.

19

¹ To bajiro ina yisere ajicōari, Jesúre ire bajerotiyuju Pilato yuja. ² Jesús rujoa joere jotabedo suariabedo ire jeoyujarā surara. To yicōari, ujarā ina sāűarito űnore sūarivujorore ire sāűujarā ina. ³ To bajiro ire yigajanocōa, i tubusa ejarūgūcōari, ado bajiro ire yiyujarā ina: —Jud'io masa ujure mre quēnarotiaja yua yuja —yīajatud'iyujarā ina, Jesúre.

To yicōari i riogare ire jayujarā ina.

⁴ To bajiro ina yiro bero quēna budiejacōari jud'io masare ado bajiro ĩnare yicami Pilato yuja:

—Īaña mua! Yu ĩajama, űieju rojose yigu me űaami. Mua quēne ire ĩacōari, “Yure bajiro tuoīato” yigu, ire buaja yu —ĩnare yicami Pilato.

⁵ To bajiro ī yirone, jotabedo jesacōari, sūarivujore sñacōari budiadicami Jesús. To cōrone yuja ado bajiro masare yicami Pilato:

—īāña mua! Āni űaami ī yuja —īnare yicami Pilato.

⁶ To bajiro ī yirone, Jesús ī budiadore īacōari ado bajiro avasācama īna paia űjarā, Diore yirūcubūoriavi coderimasa quēne:

—īYucūtēroju īre jajutuya! īīre jajutuya! —yivasācama īna.

To bajiro īna yirone,

—īMua masune īre āmivacōari yucūtēroju īre jajutuaya mua! Yūjua yu īajama, űiejua rojose yigu me űaami —īnare yicami Pilato, jud'io masare.

⁷ To bajiro ī yisere ajicōari, ado bajiro īre cudicama jud'io masa:

—Yua űicua īna rotimasiriarore bajirone yirā “Rijacoajaro” yaja yua, “Dios macu űaja yu” ī yire vaja —Pilatore īre yicama īna.

⁸ To bajiro īna yisere ajicōari butobūsa gūiyuju Pilato. ⁹ To bajiri quēna viju īre jicōari īre sēñifañuju Pilato:

—¿Noagu masu űati mu? īre yisēñifañuju Pilato.

To bajiro ī yisēñifañoajaquēne —īre cudibesuju Jesús.

¹⁰ To bajiri quēna īre tudisēñifañuju Pilato:

—¿Yure cudibeatime mu? Gājerāre mare yucūtēroju yu jajuturotirūajama, jajutu rotimasi-aja yu. Mare yu burūajaquēne bucōamasaja yu. ¿Tire masibeatigue mu? —Jesúre īre yiyuju Pilato.

¹¹ To bajiro ī yirone,

—No bajiro yicōari rotimasibetibogūja mu, Dios ī bojabetijama. Masare rotirocure mare cūcami Dios. To bajiri mu tūjare yure cōagūre, mu rētoro rojose masu űacōaja ti —Pilatore īre yiyuju Jesús.

¹² To bajiro ī yisere ajicōari, “¿No bajiro yicōari, Jesúre īre bucōaroti űaboati ti?”, yitūoīañuju Pilato yuja. To bajiro ī yitūoīaboajaquēne, ado bajiro yivasācama jud'io masa:

—īre mu bucōajama, űju űamasugū César vāme cutigu rācagu me űarucūja mu. No bojagu īre sēñibecūne, “űju űarucūja yu” yiguma, César ī īategu űaami. To bajiri, īre mu bujama, quēnabeaja —Pilatore īre yivasācama īna.

¹³ To bajiro īna yisere ajicōari, Jesúre īre jiburoticami Pilato yuja. To yicōari, rotigu ī rujirijure ejarūjūcoacami Pilato. Gabata vāme cuticaju hebreo ocarema. “Gūtane buoriaju” yire űni űacaju ti. ¹⁴ Pascua boserūmu bare basūoriarūmu rījoroagarūmu, űacaju ti. űmurecaji űaro ado bajiro īnare yicami Pilato, jud'io masare:

—Āni űaami mua űju —īnare yicami.

¹⁵ To bajiro ī yisere ajicōari, buto avasācama īna quēna:

—īSīacōaroti űaja! īSīacōaroti űaja! īYucūtēroju īre jajutusīarotiya mu! —Pilatore īre yivasā cudicama īna.

To bajiro īre īna yise űajare, ado bajiro īnare yicami Pilato:

—¿No yigu mua űjare jajutusīarotiguada yu? —īnare yicami Pilato.

To bajiro ī yijare, ado bajiro īre cudicama paia űjarā:

—César sīgūne űaami yua űjama. űimujua gāji maami —yicama īna, Pilatore.

¹⁶ To bajiro īna yisere ajicōari, “Yucūtēroju īre jajusiato īna” yigu, Jesúre īnare īsicami Pilato. To bajiri Jesúre īre āmicoacama īna yuja.

Yucūtēroju Jesúre īna jajusiare queti

(Mt 27.32-44; Mr 15.21-32; Lc 23.26-43)

¹⁷ īre īna āmiato, yua quēne suyacaju yua. īre āmivacōari, yucūtērore īre gajaroticama īna. Hebreo ocama Gólgota vāme cuti buroju īre āmivacama īna. “Rajoco Buro” yire űni űacaju ti.

¹⁸ Toju īre āmiejacōari, Jesúre yucūtēroju īre jajutucama īna. ī tu gājerā juarā īnare jajutucama. Sīgūre ī riojocatua, gājire ī gācojocatua īnare jajutucama īna. ¹⁹ Jesús ī tuyarītērojore ī rūjoa vecare ī vāmere ucaturotiyumi Pilato. Ado bajise yituyacaju: “Jesús Nazaret macagu, jud'io masa űju” yiuature űacaju ti. ²⁰ Jājarā jud'io masa tire īacama īna. Maca tuacane űacaju ti, Jesúre īna jajutucato. ī rūjoa veca vāme tuyase griego oca, hebreo oca, lat'in oca quēne űacaju ti. ²¹ To bajiri jud'io masa paia űjarā ado bajiro īre yicama, Pilatore:

—“Jud'io masa űju űaami” mu yuacarotiboare quēnabeaja ti. “Jud'io masa űju űaja yu' yiboami”, yuicavasoarotiya mu —Pilatore īre yicama īna.

²² To bajiro īna yiboajaquēne, ado bajiro īnare cudicami Pilato:

—Jēre uca ecooamu. To bajiro űacōato —īnare yicami Pilato.

²³ Yucūtēroju Jesúre jajutugajanocōari, ī sudi sñaboarere juacama īna surara. Babaricārācaju vocōari, gāmerā batocama īna. To bajiri, cojasene ruyacaju ti, īna āmirotiase. Jesús ī

sāñarito joeado tiayamano ñacaju ti. Riojone suamujagajanoriaro ñacaju ti. ²⁴ To bajiri ado bajiro gāmerā yicama surara:

—Tiasere vobeticōato mani. “Ñimujua tiasere ī āmiujaro iarāsa mani” yirā, gūtariacane reacūacama īna.

To bajiro īna yijama, Dios ocare masa īna ucamasire ti gotiriarore bajirone bajicaju ti yuja, ado bajiro ti yimasire ñajare: “Yu ye sudire gāmerā batoruarāma īna. ‘Ñimujua tiasere ī āmiujaro iarāsa mani’ yiruarāma īna. To yirāne gūtariacane reacūararāma īna”, yigotiaja Dios ocare masa īna ucamasire. To bajiri, to bajirone yicama surara.

²⁵ Jesús yucátēroju ī tuyaro taju adocārācu ñacaju yua: Ī jaco, to yicōari, so yo Cleofas manajo Mar'ia vāme cutigo, gajeo Mar'ia Magdalena, ñacaju yua. ²⁶ Yu Jesús ī buecacu, ī maigū quēne ñacaju yu. Ī jaco rāca yu ñasere ĩacōari ado bajiro yicami Jesús:

—Caco, ī ñarucami mu macre bajiro bajigu —sore yicami Jesús, yujuare.

²⁷ To yicōari, yujuare ado bajiro yicami:

—Mu jacore bajiro bajigo ñarucocomo so —yure yicami Jesús.

To bajiro ī yise ñajare, yu ya viju sore ūmato ñarūgūcaju yu yuja.

Jesús ī usatādire queti

(Mt 27.45-56; Mr 15.33-41; Lc 23.44-49)

²⁸ Jesús, to bajise yuare ī yiro bero, “Dios ī bojadicatoro bajirone jēre adi macarucurojere yijeocōaja yu yuja” yigu ñari, Dios ocare masa īna ucamasire, “Ti gotirore bajirone bajiato ti” yigu,

—Bogoaja yure —yicami Jesús yuja.

²⁹ To ñacaju yue oco jiasē. Tire, sudiro buruane ñiabiācōari, hisopo vāme cutiricu gajane siatucama īna, tiburuare. To yicōari, Jesús rise tujere ñumotucama īna. ³⁰ Hye oco jiasē veroīacōari ado bajiro yicami Jesús:

—Dios ī roticōacatore bajirone jēre yijeocōaja yu yuja. To cōrone ñaja —yicami Jesús.

To yigane, murocayo, usatadicōa tujacami Jesús yuja.

Surara, Jesús varubure ī sarejorare queti

³¹ Pascua boserāmu bare basuoriarāmu rījoroagarāmu ñacaju ti. Gajerāmu yua jud'io masa ususājariarāmu ñacaju. To bajiri yucátēroju rijariarā rujuri tuyasere bojabeticama īna. To bajiri Pilatore ĩre sēniñujarā jud'io masa ujarā:

—Yucátēroju tuyarāre īna ñicuḡari ḡoare jatūerotiya mu, “Guaro rijacoajaro” yigu. To yicōari īna rujurire rujio rotiya —ĩre yiyujarā īna, jud'io masa ujarā.

³² To bajiri Pilato ī rotijare, ī yarā surara vacōari, yucátēroju Jesús taju juarā tuyarāre īna ñicuḡari ḡoare jatārecama īna. ³³ Jesús tujere ejarūḡcōari, “Jēre usatadicōasumi ānima”, ĩre yīlacama īna. To bajiri ī ñicuḡari ḡoare jatārebeticama īna.

³⁴ To bajiboarine Jesús varubure sigū surara sarejoracami. Ī sarejorarone, ri'ī, oco rāca budicaju. ³⁵ Yu, tire gotigu, tire ĩacacu masune ñacōaja yu. “Riojo gotiaja tire”, yimasiaja yu. Muare quēne, quēnabusaro “ Jesús ñaami Dios macu mani uju, ī masise rāca manire ejarēmogū' yimasiatō īna” yigu, riojo tire gotiaja yu. ³⁶ To bajiro ti bajijama, Dios ocare masa īna ucamasire ti gotirore bajirone jediro bajicaju ti. Ado bajiro gotiaja Dios oca: “Cojo ḡōaro ĩre ḡōaro jajeabetiruarāma īna”, yigotiaja ti Dios oca. ³⁷ Gajeju Dios oca ti gotijama, ado bajiro gotiaja: “Sarejora ecor'ire ĩaruarāma masa”, yigotiaja Dios oca.

Jesúre īna yujere queti

(Mt 27.57-61; Mr 15.42-47; Lc 23.50-56)

³⁸ To īna yiro bero, Arimatea vāme cuti macagu José, Jesús rujurire āmiru Pilatore sēniñuju ī. Jesúre ĩre ajitirānucacu ñacami José. To bajiboarine ḡajerāre gotibatobeticami, jud'io masa ujarāre ḡūgu. To bajiri, “Āmiña” Pilato ī yijare, Jesús rujurire rujioḡu vasuju José.

³⁹ Nicodemo ñamiju Jesúrāca ñagōḡū ejar'ī quēne ejayuju. Treinta y cuatro kilo cōro rūcuse sutiquēnasere yuaejayuju ī. Mirra vāme cutise, āloe vāme cutise rāca vñore ñañuju ti sutise. ⁴⁰ To bajiri José, Nicodemo rāca, Jesús rujurire rujicōcōari sudjāiri botiquēnarijāirine sutisere tucōari, ĩre ḡūmañujarā īna. Yua jud'io masa, to bajiro yirūḡcaju yua, bajirearāre yujerā. ⁴¹ Jesúre yucátēroju īna jajutusiacato, ote vese taju ñacaju ti. Ti vesejare masa yujeriavi ḡūtavi mame quēnorivijure ī rujurire cūñujarā. Ḡajerāre yujeñañamanivi ñañuju ti vī. ⁴² Ususājariarāmu, Pascua bare basuoriarāmu ti ejaroto mojjoroaca ruycaju ti. To bajiri ti viju Jesús rujurire cūñujarā īna, sōju me ti ñajare.

20

Jesús ī tudicātre queti

(Mt 28.1-10; Mr 16.1-8; Lc 24.1-12)

¹ Gaje semana ña moasnoriarũmu busurijũ jẽju rẽtiabusarõjũne vasuju so Mar'ia Magdalenã. Jesũre ña yujeriavi tũ ejacõari, so ñajama, gãta tũnobibeboaria mañuju. ² To ti bajiro ñacõari, ùmadi, yua tũju ejacamo so. Pedro, yu, Jesũs bũto ñ maicasu, ñacaju yua. Yua tũjũre ejacõari, ado bajiro yuare goticamo so:

—Mani ẽju rujurire ãmicoasuma ña. “Toju ñ rujurire cũriarãma ña”, yimasibeaja yu —yuare yicamo so.

³ To so yisere ajicõari, Pedro rãca ñarã vacoacaju yua. ⁴ Yua juarã, cojoro cõro ùmacaju yua. Pedro rõtobusaro ùmacaju yuua. To bajiri, yuua ñ rĩjoro ejacoacaju yu. ⁵ Mubiãcõari, ti vire ñacõaju yu. Ñre ña gãmaboare rĩne ñacaju. Sãjabeticaju yu, bajigujũma. ⁶ Yu berõju ejacami Pedrojuama. Ñma ñre ña yujeriavijũ sãjacoacami. Ñ quẽne, Jesũre ña gãmaboare rĩrene ñacami. ⁷ Jesũs rujoare ña gãmarioo ricatiju ti jesarõ ñacami. Ñre ña dureariaboare gajeroju jesacaju ti. ⁸ To cõrone yu quẽne ñ rĩjoro ejasũocasu quẽne sãjacoacaju yu. Tire ñacõari, “Tudicatioasumi Jesũs”, yimasicaju yu yuja. ⁹ “Rijacoaboarine tudicatioarũcumi Jesũs” Dios ocare masa ña ucamasire ti yigotisere ajimasibeticaju yua maji. ¹⁰ To bajicõa, yua ya vijũ tudicoacaju yua yuja.

Mar'ia Magdalenare Jesũs ñ ruyuaõore queti

(Mr 16.9-11)

¹¹ Mar'ia Magdalenama, Jesũre ña yujeriavi tũjũne oticõa tujasumo so. Otiñagõne, mubiãcõari, ti vire ñacõõaũuju so. ¹² Ñacõõagõne, juarã ángel mesa, botiquẽnase sãñacõari rujurire ñaũuju so. Sigũ Jesũs rujoa ñariarõjũre rujiyuju ñ. Gãji, ñ gubori ñariarõjũre rujiyuju. ¹³ So otĩñaro ñacõari, sore sãnĩñajuarã ña, Mar'ia Magdalenare:

—¿No yigo otiatu mu? —sore yiyujarã ángel mesa.

To bajiro ña yirone,

—Yu ẽju rujurire ãmicoasuma ña. “Toju ñ rujurire cũriarãma ña”, yimasibeaja yu —yiyuju so.

¹⁴ To bajiro ñare yigotigajanocõari, judarũgũgõne Jesũre ñaũuju so. Ñre ñaboarine, “Jesũne ñaami”, yimasibesuju so. ¹⁵ To cõrone ñua sore sãnĩñajuju ñ:

—¿No yigo otiatu mu? ¿Ñimũre macatu mu? —sore yiyuju Jesũs.

“Adi vese coderimasũ ñagũmi”, yitũõacõaũuju so. To bajiri ado bajiro ñre yiyuju so:

—Ñ rujurire mu ãmicũjama, “To cũmu yu”, yure yigotiya. Ámigõ varũo yaja yu —ñre yiyuju so.

¹⁶ To so yirone, ado bajiro sore yiyuju Jesũs yuja:

—Mar'ia —sore yiyuju.

To bajiro ñ yirone hebreo ocane ado bajiro ñre yiyuju so:

—Rabuni —yiyuju so. “Gotimasiogũ” yire ñni ñaja ti.

¹⁷ To so yirone, ado bajiro sore cudyuju Jesũs:

—Yure moaĩabesa maji. Yu jacu tũju mujabeaja yu maji. Vasa. Yu yarãre ñare gotiaya: “Dios mani jacu, mani rũcũbuõõu, ñ ñarõju vacu yimi”, ñare yigotiaya —sore yigotitroyuju Jesũs, Mar'ia Magdalenare.

¹⁸ To bajiro ñ yirõ, yuare gotigo ejacamo so. “Mani ẽjũre ñamu yu”, yuare yicamo so. To yicõari, Jesũs ñ gotitroticõariarõre bajirone yuare goticamo.

Ñ buerimasare Jesũs ñ ruyuaõore queti

(Mt 28.16-20; Mr 16.14-18; Lc 24.36-49)

¹⁹ Moasnoriarũmu rãõoati ñamire yua Jesũs ñ buecana vijure rẽjacõari, ñacaju yua. Yua yarã jud'io masare ñare gãirã ñari, sojere tubibecõari ñacaju yua. To bajiro yua bajĩñaro yua vatoane ruyuarũgũcõacami Jesũs:

—¿Ñati mũa? Quẽnaro ñaña mũa —yuare yicami Jesũs.

²⁰ To yigũne, ñ ãmorire ña jajucatiure, ñ varubũre ña sarecature yuare ñocami Jesũs. Yua ñ buecana yua ẽjũre ñacõari, bũto variquẽnacaju yua yuja. ²¹ To bajiri quẽna ado bajiro yuare gotirũtuacami Jesũs:

—Quẽnaro ñaña mũa. Yu jacu masa tũju yure ñ cõacatore bajirone yu quẽne mũare cõaja yu yuja —yuare yicami Jesũs.

²² To yigũne, yuare jutijeocami. Jutijeogũne, ado bajiro yicami:

—Dios ñ cõagũre Esp'iritu Santore bocaãmĩña mũa. ²³ Ñre bocaãmĩcõari, gãjerã rojose ña yisere mũa masiriojama, Dios quẽne rojose ña yisere masirioarũcumi. Rojose ña yisere mũa masiriobetijama, Dios quẽne rojose ña yisere masiriobetirũcumi —yuare yicami Jesũs.

Jesũs ñ tudicatiro Tomás ñ ñare queti

²⁴ Yuare Jesũs ñ ruyuaõorõrema, Tomás yua rãcagu cojõji ruyuarãne, juarã ruyuar'õ yua yicacu manicami maji. ²⁵ Jesũs ñ ruyuaõoro bero Tomãre ñabujacõari, “Mani ẽjũre ñre ñamu

yua”, ìre yiboacaju yua. To bajiro ìre yua yiboajaquène ado bajiro yuare boca cudicami Tomás:

– Ì ãmorire ìre ìna jajucati gojerire Ìacðari yu tõeÌabetijama, to yicðari Ì varubure ìna sarecatijure yu moaÌabetijama, “Ìne ñaami”, yimasibecuja yu –yuare boca yicami Tomás.

²⁶ Cojomo cõro idia jënituarirãmuri bero quëna rëjacaju yua. Tigrãmu yua rëjarirãmure Tomás quëne ñacami yuja. Soje turiaro ti ñaboajaquëne yua vatoane ruyuarügacami Jesús quëna.

– ¿Ñati mua? Quënarõ ñaña mua –yuare yicami Jesús.

²⁷ To yicða, ado bajiro Tomãre ìre yicami:

– Yu ãmorire Ìacðari, mu ãmo vãsoane yure tõeÌaÌa mu. Mu ãmo vãsoane yu varubure ìna saremasirijure tõeÌaÌa. “Ì me ñagãmi”, yibeja yuja. “Ìne ñaami”, yimasìña mu yuja –Ìre yicami Jesús.

²⁸ To bajiro ìre Ì yirone,

– Yu uju, Dione ñaja mu –Jesùre yicami Tomás.

²⁹ To bajiro Ì yirone, ado bajiro ìre cudicami Jesús:

– Tomás, yure Ìagũ ñari, “Ìne ñaja mu”, yure yaja mu. Gãjerãma yure Ìabetiboarine mu yirone bajirone yure ìna yijama, quënarõ variquënaruarãma ìna –Tomãre ìre yicami Jesús.

“ *Masa, Jesùre ìre ajitirãnarãjaro*’ yigu, adi quetire ucaja yu”, Juan Ì yire

³⁰ Gajeye jairo ÌaÌaÌamanire yìocami Jesús, yuare Ì buerãre. Ti ñarõ cõrone ucajeobeaja yu, adi queti ucaju. ³¹ Yu ucasema, “Mani rijato beroju, rojose tãmuotujabetiraroju mani vaborotire manire yirëtobosacðari, Ì rotirotire yigu, Dios Ì cõar’i, to yicðari, Ì macu ñagãmi Jesús” mua yituoÌarotire yigu, ucaja yu. To bajiro Jesùre mua yituoÌajama, mua rijato beroju, “Tudirijabeticõato” yigu, Dios Ì catisere Ìsiecoruarãja mua quëne.

21

Ì buerimasa, cojomo cõro jua jënituarirãcu ñarãre Jesús Ì ruyuaÌore queti

¹ Tiju bero, quëna yuare ruyuaÌocami Jesús, Ì buecanare. Tiberias vãme cutira tusaroju yuare ruyuaÌocami Ì. Ado bajiro bajicami: ² Adocãrãcu ñacaju yua, rëjacana: Simón Pedro vãme cutigu, Tomás yua rãcagu cojoji ruyuarãne, juarã ruyuar’i yua yicacu, Natanael, Galilea sitagu Canã vãme cuti macagu, yua Zebedeo rãa, gãjerã juarã Jesús Ì buecana ñacaju yua. ³ To yua bajìnarone, ado bajiro yicami Pedro:

– Vai vayaguacu yaja yu –yicami.

To bajiro Ì yijare,

– Yuã quëne mu rãca vana yaja –Ìre yicaju yua.

To yi, Ì rãca vacoacaju yua. Va, cãmua vasãjacaju yua. Ti ñamire vai vaya ñamicutiboacaju yua. ⁴ Ti busumjadone utabucara tãne yuare ruyuaÌocõacami Jesús. To Ì bajiboajaquëne, “Ìne ñagãmi”, yimasibeticaju yua. ⁵ Ado bajise yuare yicami:

– ¿Vai sÌabeati mua? –yuare yicami Jesús.

To bajiro Ì yijare,

– Vai vayaboaja yua. Sãjabeama –Ìre yicaju yua.

⁶ To yua yirone,

– ¿Cãmua riojoacatuare bajìure rocãroaya mua! To bajiro mua yijama, vai sÌaruarãja mua –yuare yicami Jesús.

To Ì yirotirore bajirone yicaju yua. Jãjarã vai ìna sãjajare, no yi tãmuo sãÌmabeticaju yua.

⁷ Tire Ìaboacu, yu, Jesús Ì maicacu ado bajiro ìre yicaju yu, Pedrorre:

– Mani ujuÌne ñaami –Ìre yicaju yu.

Tire ajicðari, Ì sudiro veacucatiàsere guarõ sãña, jatirocarõa, bacða jãjacami Ì, Jesús Ì ñarojuare. ⁸ Cien metros cõro vijariarõjure jayacaju yua. To bajiri jabua cutõjure bajìure sãjacanare vaire vejajãjacaju yua. ⁹ Jãjajaja, majacðari, jeame ãjãrime vecare vai jesarãre ìnare Ìacaju yua. To bajicðari, pan quëne jesacaju ti. ¹⁰ Yuã ejaro Ìacðari ado bajiro yuare yicami Jesús:

– Gãjerã vai juadirẽmoña yucnacane mua vayasãrãre –yuare yicami Jesús.

¹¹ To bajiro Ì yisere ajicðari, cãmuaure ejasãjacami Pedro. To yicðari, bajìure boeju vejamocãmami, jacarã vai sãñaricure. Ciento cincuenta y tres ñarirãcu ñacama vai ñajediro. Jãjarã ìna ñaboajaquëne, surebeticaju ti, bajiu. ¹² To Ì yiro bero, ado bajiro yuare yicami Jesús: –Bayujiroaya –yuare yicami Jesús.

“¿Ñimu ñati mu?”, ìre yisëniÌabeticaju yua, “Mani ujuÌne ñaami” yirã ñari. ¹³ To yicða, yua tãju ejarãgũ, panre yuare Ìsibatocami. Vaire quëne, to bajirone yicami.

¹⁴ Ìdiaji yuare ruyuaÌocoacami, Ì sÌaecõato bero tudicaticðari.

Simón Pedro rãca Jesús Ì ñagõre queti

¹⁵ Yna bayujigajanoro bero, Pedrore ñre sēniñacami Jesús:

—¿Mñ rācana yure ñna mairo rētoro yure maiati mñ Pedro, Jonás macñ? —Ñre yisēniñacami Jesús.

To bajiro ñ yirone,

—Yñ ññ mñre maiaja yñ. Mñre yñ maisere masiaja mñ —Jesúre ñre yicami Pedro.

To bajiro ñ yijare,

—¡Ovejare ññare ñna ecarũgũriarore bajirone yñ yarāre yure gotimasiobosaba mñ! —Ñre yicami Jesús.

¹⁶ Quēna tudisēniñacami Jesús, Pedrore:

—¿Yñre maimasucōati mñ Pedro, Jonás macñ? —Ñre yicami Jesús.

To bajiro ñ yirone Pedroññama:

—Yñ ññ mñre maiaja yñ. Mñre yñ maisere masiaja mñ —Jesúre ñre yicami Pedro quēna.

To bajiro ñ yijare,

—¡Ovejare coderiarore bajirone yñ yarāre yure codebosaba mñ! —Ñre yicami Jesús.

¹⁷ To yicōa, quēna ñre tudisēniñacuēnocami Jesús:

—¿Yñre maiati mñ Pedro, Jonás macñ? —Ñre yicami Jesús.

Idiaji, “¿Yñre maiati mñ?” Jesús ñ yisere ajicōari, sutiriticoacami Pedro yuja. To bajiri ado bajiro Jesúre ñre yicami Pedro:

—Yñ ññ, ññajediro masigũ ññaja mñ. Mñre yñ maisere masiaja mñ —Jesúre ñre yicami Pedro.

To bajiro ñ yijare,

—Ovejare ñna ecarũgũrore bajirone yñ yarāre yure gotimasiobosaba mñ. ¹⁸ Socñ mene mñre gotiaja yñ. Tirũmññ mamñ ññagũññma sudi sãñacōari, no mñ bojarone vacudirũgũcaju mñ maji. Bñcñ mñ ñatone mñ ñmorire siacōari, mñ varũbetojure mñre ñmiruarãma ñna —Pedrore ñre yicami Jesús.

¹⁹ To bajise Pedrore ñ yijama, ñ sñaeoroti vãmere gotimasiogũ yicami. To bajiro mñ yicōsere ñacōari, “Diore rũcñbñogñarãma masa” yigñ, to bajise goticami Jesús, Pedrore. To yigajanogũne,

—Vayá yñ rāca. Yñre ajitirũññ sũyaya —Ñre yicami Jesús.

“Jesús ñ maimasugũ ññacajñ yñ”, Juan ñ yire queti

²⁰ Judati ñacōari ññare yñ sũyaro yñre ñacami Pedro. Yñ ññacajñ Jesús ñ buecacñ, bñto ñ maicacñ. Yñne ññaja Jesús, Pascua boserũmñ yñare ñ ñmato batúsacatirũmñ ñ tubusaca ñacōari, “¿Ññimñ ññati, mñre ññterāre ññirocarocñma?” Jesúre yisēniñacacñ. ²¹ Yñre ñacōari, ado bajiro Jesúre ñre yisēniñacami Pedro:

—Yñ ññ, ññima, ¿ñno bajiro bajirijariquida? —Jesúre ñre yisēniñacami Pedro.

²² To bajiro ñ yirone, ado bajiro ñre cudicami Jesús:

—Quēna yñ tudivadirotoju ñ catiroñre yñ bojajama, caticōa ññarũgũññcñmñ maji. No bajiro mñre yibeaja ti, mñ masibetijaquēne. Mñma yñre ajitirũññ sũyaya mñ —Pedrore ñre yicami Jesús.

²³ To bajiro ñ yirone, yññarema, “‘Rijabetirũcñmñ’ yigñ yigñmñ” yirene masicōacama ñna. To bajiboarine Jesúññama, “Rijabetirũcñmñ”, yibeticami. Ado bajiroññ yicami ñ: “Yñ tudiejarijññ ñ catisere yñ bojajama, caticōarũcñmñ maji. Tire mñ masibetijama, no yibeaja mñre” yigñ yicami Jesús. Tire quēnaro ajimasibeticōari, “Rijabetirũcñmñ Juan” yire queti gotibatoyuma ñna.

²⁴ Juan ññaja yñ, Jesús ñ buecacñ. Yñne ññaja, adi paperare ucagñ. Yñ gotisere, “Riojo gotiaja ti”, yimasiaja mani.

²⁵ Gajeyey jairo ññaja Jesús ñ yññocati. Jediro Jesús ñ yirũgũcatire mani ucajeocōajama, adi macarũcrore ññjabetiboroja paperatutiri.

To cōrone ññaja.

HECHOS de los Apóstoles

“Esp'iritu Santore m̄uare c̄baruc̄sja yu”, Jesús ĩyire queti

¹⁻² ¿Teófilo, ñaboati mu? Tír̄m̄u m̄uere papera c̄basuocaju yu. Ti papera r̄aca Jesús ĩyis̄uorere masare ĩ gotimasiorere m̄uere ucac̄oacaju yu. ĩ bueriar̄a yure ĩna goticato c̄oro ucajeoc̄oacaju yu. ĩ ruyuarere ucasuocaju yu. To yic̄bari, ĩ s̄ñaeorere, tudicatic̄bari ð vecaju ĩ m̄ujarere quēne ucacaju yu. Ò vecaju ĩ m̄ujaroto r̄ijoro, ĩ bueriar̄are ĩnare gotimasiorotic̄oagū, Esp'iritu Santo ĩ ejar̄emose r̄aca, “Ado bajiro yiba m̄ua” ĩnare ĩ yigotic̄ũre ucacaju yu. ³ ĩ r̄ijato bero, tudicatic̄bari ĩ c̄baronare cojoji me ĩnare ruyuañuñuju Jesús. To bajic̄bari, cuarenta ñarir̄m̄ari ĩna r̄aca ñagū, ĩnare ĩ ũmato yir̄ũgũriare bajiro ĩnare ũmato yic̄o ñañuju, “ĩne ñaami” ĩna yimasiorire yigu. To bajiñagū, “Yu rijabosare suorine yure ajitir̄un̄r̄are ĩavariquēnaami Dios yuja”, ĩnare yigotimasioñuju.

⁴ ĩna r̄aca ñagūju, ado bajiro ĩnare gotiyuju Jesús maji:

—Adone ñac̄oama maji, Jerusalénne. Dios mani jacu ĩ gotirere bajirone ĩ c̄oagū Esp'iritu Santo ejarotire yuba m̄ua. Tire m̄uare yu gotic̄atire ajicaju m̄ua. ⁵ Tír̄m̄uju oco r̄aca m̄uare bautizacami Juan, “Dios ĩ bojabeti yir̄uabeaja” m̄ua yituoñajare. To bajiri, yoaro mene Esp'iritu Santore m̄uare c̄baruc̄ami Dios, m̄ua r̄aca ñarocure, “Dios ĩ bojarore bajirone yimasiatu” yirocure —ĩnare yiyuju Jesús.

Jesús ð vecaju ĩ m̄ujare queti

⁶ To bajiri, Jesúr̄aca r̄ejar̄a ado bajiro s̄enñañujar̄a ĩna:

—Tír̄m̄uju romano masa, mani Israel ñamasir'i jānerabatia ye sitare ēmac̄bari, moar̄tis̄uoadimasiñuma ĩna. ¿Yucurema, ĩnare buc̄bari, “Rotim̄or̄uḡor̄uc̄aja mu' yigu, Dios ĩ c̄oagū ñaja yu”, yigotiguti mu? —Jesúre ĩre yiyujar̄a ĩna.

⁷ To bajiro ĩna yijare, ado bajiro ĩnare c̄diyuju Jesús:

—No bajiro yic̄bari, masimenaja m̄uama. Dios mani jacuma ĩ masise r̄aca ĩ yirotire, ĩ s̄ḡune masiami. ⁸ To bajiboarine, Dios ĩ c̄oagū Esp'iritu Santo ĩ vado, ĩ masise m̄uare ejaruaroja ti. To bajiri, ḡajer̄a masa t̄uju vac̄bari yure gotibosar̄a varuar̄aja m̄ua. Jerusalénjure, adi maca Judea sita jediro, Samaria sitaju quēne, macar̄uc̄uro ñaro c̄orone yure gotibatocudibosaruar̄aja m̄ua —ĩnare yiyuju Jesús ĩ buer̄are.

⁹ To bajiro ĩnare gotigajanoḡane, ĩre ĩna ĩañarone m̄ujacoasuju Jesús. Buerigasero ejacune yayicoasuju. To bajiro ĩ bajiro bero ĩre tudĩabesujar̄a yuja. ¹⁰ ĩ m̄ujaveoro bero to bajirone vecajure ĩamuoc̄o ñañujar̄a ĩna maji. To ĩna bajirone ĩna vatoaju juar̄a ángeles ruyuar̄uḡoc̄oñujar̄a ĩna. Buto botise sudi s̄añar̄a ñañujar̄a ĩna. ¹¹ To bajic̄bari, ado bajiro ĩnare gotiyujar̄a ĩna:

—M̄ua Galileana, ¿ñiere yir̄a ũm̄uagaserouare ĩamuoc̄o ñati? Jesús, m̄ua r̄aca ñar'i, ũm̄uagaseroua ĩ m̄ujato m̄ua ĩarore bajirone tudirujadiruc̄ami quēna —Jesús bueriar̄are yiyujar̄a ángeles.

Judare, Mat'ias ĩ ñavasoare queti

¹² To bajiri, Olivo v̄ame cuti buro ñañujar̄a ĩna, Jesús ĩ bueriar̄a, ĩ c̄orona. To bajiri Jerusalénju tudicoasujar̄a ĩna yuja. Ti buro t̄uacane ñañuju ti, ti maca. ¹³ Ti macaju ejaçbari, v̄iju vecaga s̄oj̄are ñañujar̄a ĩna. Ado bajise v̄ame cutiyujar̄a ĩna: Pedro, Juan, Santiago, Andrés, Felipe, Tomás, Bartolomé, Mateo, ḡaji Santiago Alfeo macu ñañuju ĩ. Ḡaji Simón Celote ĩna yigu ñañuju. Ḡaji, Santiago macu Judas ñañuju ĩ. Toc̄ar̄acu ñañujar̄a ĩna. ¹⁴ Siḡure bajirone t̄uoñac̄bari, r̄ejar̄uḡũñujar̄a ĩna, Diore s̄enir̄a. Jesús beder̄a, ĩ jaco Mar'ia, ḡajer̄a r̄omia quēne ñañujar̄a ĩna.

¹⁵ Tír̄m̄urire ĩna r̄aca r̄ejar̄uḡũñujar̄a ĩna, Jesúre ajitir̄un̄r̄a. Ciento veinte c̄oro ñariar̄ama ĩna. ĩna vatoaju v̄amur̄uḡuc̄bari, ado bajiro ĩnare gotiyuju Pedro:

¹⁶ —Ajija m̄ua, yu yar̄a. Tír̄m̄uju Esp'iritu Santo ĩ ejar̄emose r̄aca Judas ĩ bajiro tire ucamasñuju, mani ñicu David ñamasir'i, Jesúre ĩre ñiacanare ũmato ejacacure. ¹⁷ To bajiri Judas yua r̄acagu ñabocami. ĩ ye moare quēne ñaboacaju ti. ¹⁸ Judas, ĩ masune rojose yic̄bari, rijacoasuju ĩ. ĩ rujoajane quediruji, t̄uasiarocayoc̄o t̄ujasuju. To baji, tuvagna potogune, ĩ gudamisi budibatecoasuju ti. To ĩ bajiro bero, rojose ĩ yire vaja ḡajoa ñar̄are juac̄bari, ti sitare vaja yiyujar̄a ĩna ḡajer̄a. ¹⁹ To bajiri to ĩna yijare, Jerusalén ñar̄a, Acéldame v̄ame yiyujar̄a ĩna, ti sitare. ĩna ocarema ri'i vese yire ũni ñañuju ti. ²⁰ “To bajiro bajiruaroja” David ñamasir'i ĩ yimasire socase me ñañuja, ado bajiro ĩ ucamasirema:

“Masa mano ñato ï ya vi. To bajiro bajicõari ï ye moare ñaboarere, gãji moavasoato”, Diore yuucabosayuju David ñamasir'i, Judas ï bajirotire goti rïjoro yïgũ.

21-22 To bajiro David ñamasir'i ï yuucamasire ti ñajare, Judare ïre vasoagu, Jesús ï rijato bero quẽna ï tudicatiro ñacacũre, Juan, Jesũre ï tuñiabiario ñacacũre, yua Jesús ï cõasuocana rãca vacudicacũre macato mani –yiyuju Pedro.

23 To bajiro ï yiro bero, juarãre ñmuare beseyujarã ñna. “Josẽ vãme cutigu quẽnagũmi” yicõari, “Gãji, Mat'ias vãme cutigu quẽnagũmi”, yiyujarã ñna. Josẽre, Justo ïre yiyujarã gãjerã. Gaje vãmerema, Barsabãs ïre yiyujarã. 24 To bajiro yicõari, ado bajiro Jesũre ïre sãnũñujarã ñna: –Jesũs yua uju, mu masiaja ñajediro masa ñna tuoñasere. To bajiri ñnoare, “Nijua ñati mu besegu” yuare ñoña mu. 25 Judare vasoarocu yua rãca moarocure ñoña yuare. Rojose yiru Judas yuare vaveocami. To bajiri yucurirema rojose ï yicati vaja, rojose tãmuotujabetiriaroju ñagũmi –yisãnũñujarã ñna, Jesũre.

26 To yigajano, Josẽ vãme ucatuyujarã ñna, gãtajure. To yicõari, gaje gãtare Mat'ias vãme ucatuyujarã. “Tiarire reacũtiato mani, ¿ñimujua ñati Dios ï beseguma?”, yiyujarã ñna. Gũtarire reacũtiacõari, “Mat'iane ñaami Dios ï beseguma”, yimasãnũñujarã ñna. To bajiri, juaãmo cõro, coja gabo jẽnũtuarirãcu ñañujarã maji. To bajiri, Mat'ias rãca ñarã, juaãmo cõro jua jẽnũtuarirãcu ñañujarã yuja.

2

Dios ï cõagũ Esp'iritu Santo ï ejare queti

1 Pentecostẽs boserũmure Jesũre ajitirũnarã rẽjañujarã ñna. 2 To bajiro ñna bajiñarone, ñaro tusarone busi ocaruyuyuju õ vecaju. Buto mino cutiejarore bajiro ejayuju, ñna ñarivijure. 3 To bajicõari, jea ujusere bajise ruyuyuju. To bajicõari tocãrcũrene ñnare quediẽreajeoyuju. 4 To bajiro ti bajirone, Dios ï cõagũ, Esp'iritu Santo ñnare ejayuju, tocãrcũrene. Ejacõari, ñna ñagõmasirotire ñnare ujoyuju. To bajiro ï yijare, tocãrcũne ricatiri rĩne ñagõjedicoasujarã ñna, gãjerã masa yere.

5 Pentecostẽs boserũmu ñaro, jud'io masa Jerusalẽn macajure boserũmu ñarã ejariarã ñañujarã, Diore rucuborã. Jud'io masa ñaboarine, ricatiri rĩne ñagõrã ñañujarã, gaje macari-ana vadiriarã ñari. 6 To bajiri mino vatore bajiro ti busisere ajicõari, jãjarã masa rẽjañujarã ñna, ti busirojure. To ejacõari ñna ajijama, ricati oca ñagõrã ñaboarine, sigũ ruyariario mano ñna ocare ajiyujarã ñna. To bajiri, no bajiro yimasĩna mañuju ñnare. 7 No yimasibeticõari, ñna masune ado bajiro gãmerã yiyujarã ñna:

–¿Galileana me ñati, mua ñajama? 8 Galileana, mua ocare, yua ocare quẽne ñagõmasimena ñaboarine, ñnoajuama, ¿no bajiro yicõari, mani ocare ñagõmasiati ñna yuja? 9-10 Adocãrãca sitana vadiriarã ñaja mani: Partia, Media, Elam, Mesopotamia, Judea, Capadocia, Ponto, Asia, Frigia, Panfilia, Egipto, to yicõari, Cirene maca adojuana Africana quẽne, Roma macaju vadiriarã sigũri jud'io masa quẽne ñaama. 11 To yicõari, gãjerã jud'io masare bajiro Diore rucuborã Roma macaju vadiriarã ñaama ñna quẽne. Creta, Arabia vadiriarã quẽne ñaama. To bajiro mani bajiboajuquẽne, Dios quẽnaro manire ï yĩñasere mani oca rãca manire gotiama, Galileana ñaboarine –gãmerã yiyujarã ñna.

12 To bajiro yituoñarejaica yirã, no bajiro yimasibesujarã ñna. To bajiri ado bajiro gãmerã yicõa ñañujarã:

–¿Ñie ñnare yirã, to bajiro yati ñna? –gãmerã yisãnũñujarã ñna.

13 Gãjerãjuama:

–Mecurã yama, yiajatud'iyujarã ñna –Jesũs buerimasa ñariarãre.

To rẽjarãre Pedro ï gotimasiore queti

14 To bajiro ñna yiajatud'isere ajicõari, juaãmo cõro, coja jẽnũtuarirãcu ñarã rãca vãmũrũgũñuju Pedro. Vãmũrũgũcõari, buto tutuase rãca ado bajiro gotiyuju Pedro, to rẽjarã ñna ajijediro:

–Quẽnaro ajija yu yarã, yu gotisere, Jerusalẽn ñarã quẽne. 15 “Mecurã yaja mua”, yuare yirãja mua. Mecurã me yaja yua. Busurijuaca ñaja maji. Masa mecuriaju ejabeaja maji. 16 Ado bajirojuã bajiaja: Yuare mua ñase, “To bajiro bajirũaroja”, yiyuju Diore gotirẽtobomasir'i, Joel. Ado bajiro yuucamasĩñuju:

17 “Adi macarũcuro ñatusarirũmũre Esp'iritu Santore ïre cõarũcujaja yu, jediro masare. To bajiri, ï suorine mua rĩa, Diore gotirẽtobosaruarãma ñna. Mamarãma, yu yĩosere ñamasiruarãma ñna. Bucurãma, yu cõasere cãjiriaruarãma.

18 Tirũmũre Esp'iritu Santore cõarũcujaja yu, yuare ajitirũnarãre. Mũmuare, rõmiare quẽne ïre cõarũcujaja yu. To bajiri yu ocare gotimasiaruarãma ñna.

19 To bajiri õ vecaju ñañañamanire muare yĩogũ, adigodo quẽne ñañañamanire yĩorũcujaja yu. Ri'ï ñarũaroja ti. To bajicõari, jea ujuare, bueri buemũjarũaroja ti.

²⁰ Ɔmuaɔa muiju quēne rētiacoarucumi. Ŋamiagu muiju quēne ri'ire bajirone sūagū ŋacoarucumi. Ti jediatone, Dios rojose yirāre ŋabeserirūma ejaro bajiruaroja. Ŋamasurirūma ŋaruaroja, Jesús to bajiro i yiorirūma. Gajerūma tire bajiro bajibe-tiruaroja yuja. Gūiorirūma ŋaro yiruaroja yuja.

²¹ To bajiboajaquēne no bojarā, 'Yu ŋu, rojose yigu ŋaja yu. Rojose yu yisere masiri-oya ma' yirāre rojose ŋa yise vaja rojose tāmoutajabetiriaroju ŋa vaborotire ŋare yirētobosarucuja yu, yami Dios", yucamasiŋuju Joel —yiyuju Pedro.

²² To yicōa, quēna tudigotiyuju Pedro:

—Dios i beserimasa ajiya mua. Nazaret macaga Jesús ŋaŋamanire Dios i masise rāca mware yioŋumi. To bajiri, "Dios i rotirore bajiro yiyumi Jesús", yimasijaja mua, tire ŋacana ŋari. ²³ To bajiro yimasirā ŋaboarine, Jesúre ŋaterāre ocasāŋuja mua. To yicōari, yucátēroju ŋare jajurotiyuja mua, ŋre. Tire mua yiroto rījorojune masicōaŋuju Dios. "To bajiro rojose ŋre ŋa yiboajaquēne, quēnasejuare yirucuja yu" yigu, ŋre cōaŋuju Dios, Jesúre. To bajiri mware matabesumi, "Jesúre ŋre sīato ŋa" yirā, ŋre ŋaterāre mua ŋsiboajaquēne. ²⁴ To bajiro Jesúre mua yiboajaquēne, Diojama, Jesús i sīaecoro bero, quēna ŋre caticōaŋumi. To bajiri rijayayicōa tujabesumi Jesús, no yiyamagū ŋari. ²⁵ To bajiri tirāmujū mani ŋicu David ŋamasir'i, Jesús i bajirotire yigu, ado bajiro ucamasiŋumi i:

"Cacu, yu rācane ŋaja mu. Yure mu ejarēmose ti ŋajare, ŋiere gūibeaja yu.

²⁶ Tire yu tuoŋajama, yure quēnamasucōaja. To bajiri bato variquēnagū quēnase mure ŋagōaja yu. To bajiri, 'Yu ruju ti yayiboajaquēne, quēna tudicaticoarucuja yu' yituoia tutuaja yu.

²⁷ Cacu, masijaja yu, ŋa yujerojune ŋacōa ŋabetirucuja yu. Mu macu ŋaja yu. Mure rācubuoaja yu. To bajiri yu ruju boarocabetiruaroja ti.

²⁸ To bajiri quēna yure catioarucuja yu, To cōrone bato variquēnarucuja yu, mu rāca ŋagū ŋari", yucamasiŋumi David, Jesús i yirotirene yigu.

²⁹ I tuoŋase mere yimasiŋuju i. I rijato, adone ŋre yujerocamasiŋujarā, ŋrema. "Ado ŋaja ŋre yujeriaro", yimasijaja mani. ³⁰ To bajiro bajirotire goti rījoro cutirimasu ŋamasiŋuju David. "Beroju 'Rotimorūgōrucumi' yigu, Dios i cōagū, yu ŋanami ŋarucumi. Yure bajiro ŋu ŋarucumi", yimasiŋuju David, Diore gotirētobosagu. ³¹ To bajiro ti bajirotire masigū ŋari, "Rotimorūgōrucumi" yigu, Dios i cōarocu Cristo rijacoaboarine, i tudicatirotire ucamasiŋuju. "ŋa yujerojune ŋacōa ŋabetirucumi Cristo. To bajicōari, i ruju quēne, boabetiruaroja. To bajigu ŋari, tudicaticoarucumi quēna", yucamasiŋuju. ³² Jesús i rijato bero, ŋre tudiciacaju yu. To bajiri, "Dios ŋre caticoyumi", yimasijaja yu. ³³ Jesúre, ŋ vearju ŋacōari, ŋre jiyuju Dios. To bajiri rācubuoarijare Dios i ruju riojocatuaajuare rujigumi. Tojore Dios i gotiriarore bajirone, "Esp'iritu Santore rotiya ma", Jesúre ŋre yiyuju. To bajiri Jesujūa yure cōaŋumi, Esp'iritu Santore. Jēju mua ŋase, mua ajise quēne, Esp'iritu Santo i ejajare, bajibu ti. Tine ŋaja ti, Dios i cōagū Esp'iritu Santo i ejase. ³⁴ Quēna David ŋamasir'i i bajimasirene gotijaja yu. David i masu i bajirotire yigu me, ucamasiŋuju. I ruju, Dios i ŋarōjore mujabetiriaroja. To bajiboarine Jesús i mujarotire yigune, ado bajiro yucamasiŋuju David:

"Yu riojocatua rujiya maji.

³⁵ Mure ŋaterāre, "Rojose yitujaya" ŋare yu yiro bero, rojose yimasibetiruarāma yuja. To cōrone rotisuoarucuja ma' yirucumi Dios, yu ŋjare", yucamasiŋumi David.

³⁶ To bajiri, "Israel ŋamasir'i jānerabatiare, 'Socase me ŋaja' yimasirājaro" yigu, mware gotijaja yu. Jesúre, yucátērojare mua sīar'irene, mani ŋu ŋamuoŋgōrocure cōaŋuju Dios —yiyuju Pedro, masare.

³⁷ To bajiro i yisere ajicōari tuoŋarejai sutiritiyujarā ŋa. To bajiri, Pedro rācanare sēnīaŋujarā:

—¿Yua yarā, no yirāti yua? —yiyujarā ŋa.

³⁸ To bajiro ŋa yirone, cūdiyuju Pedro:

—Rojose mua yisere sutiriticōari tuoŋavasoaya. To yicōari, oco rāca bautizarotiya mua, "Yure rijabosar' i ŋaami' Jesúre ŋre yituoŋarā ŋaja yu" yirā. To bajiro mua yijama, rojose mua yisere masiriocōari, Esp'iritu Santore mware cōarucumi Dios. ³⁹ Esp'iritu Santore mware cōarucumi, mua riare quēne, mua jānerabatiare quēne, sōjūanare quēne. "Yu rā ŋaruarāja mua" i yirere cūdirā ŋajedirore ŋre cōarucumi Dios —yiyuju Pedro.

⁴⁰ Ti rīne gotigu me yiyuju Pedro. Jairo ŋare gotimasioŋuju. To yigune ado bajiro gotiyuju: —Masa adirāmuaana rojose yirā rāca ŋabesa mua. Cāmotadicoasa mua, "Rojose tāmoutajabetiriaroju ŋa rāca vatobe" yirā —yiyuju Pedro.

⁴¹ To bajiro i yigotisere quēnaro ajiyujarā ŋa. To bajiri tres mil cōro ŋarā, ŋarēmoŋujarā ŋa, Jesúre ajitirūnarā. To bajiri, ŋare bautizarotiyujarā ŋa, "Rojose yirūabeaja. Dios yarā ŋaja yu yuja" yirā. ⁴² To bajiri Jesús i gotiroticōasuoariarā rāca rējaŋujarā ŋa. Tocārācarāmune ŋa

rāca rējarūgūñujarā. To bajiri sīgure bajiro tuoñañujarā ĩna. To bajicōari Diore sēnirūgūñujarā ĩna. Bare barā quēne, Jesús ĩ yirotiarore bajirone yibayujarā ĩna.

Jesúre ajitirānurā ĩna bajire queti

⁴³ Tirāmari Jesús ĩ gotiroticōasoriarā jairo ĩañañamanire yiyujarā, Dios ĩ masisere ĩnare ĩ cōajare. Tire ĩacōari, no yimasibesujarā ĩna toana ñajediro. ⁴⁴⁻⁴⁵ Tocārācune Jesúre ajitirānurā sīgure bajiro tuoñañujarā. “Yu ye ti ñaboajaquēne, mure ti ruyajama, ĩsirucuja yu”, gāmerā yituoñajedicōañujarā ĩna. Gājerāre maioro bajirāre ĩacōari, ĩna ye gajeyeñire ĩsicōari vaja sēni, juayujarā, ĩna, maioro bajirāre gājoa ĩsiruarā. ⁴⁶⁻⁴⁷ Tocārācarūmu sīgure bajiro tuoñañarā ñari, Diore yirūcubūoriavijure rējarūgūñujarā ĩna, Diore sēnirā. To yigajano, gājerāre jicoasujarā ĩna, ĩnare barotirā. ĩna ya virijū ejačōari, bare barāne, Jesús ĩ rotiriarore bajirone yibavariquēñañujarā ĩna. To bajiro bajirā, quēnase Diore yirūcubūorūgūñujarā ĩna. To bajiri ĩnare ĩacōari, “Quēnaro yirā ñaama?”, yñañujarā ĩna, ti macana. To bajiri, Jesús ĩ masisere ĩnare cōañuju. ĩnare ĩ cōajare, cojorūmu ruyabeto ti macana sīgūri, Jesúre ĩre ajitirānurāyujarā ĩna. To bajicōari, Jesúre ajitirānurā tuju rēñañujarā ĩna quēne. ĩna rāca ñarā, jājarābusa ñañujarā, Jesúre ajitirānurā.

3

Pedro, micagūre ĩ catiore queti

¹ Tocārācarūmu ñamicajua tusato, Diore sēnirā ejarūgūñujarā ĩna jud'io masa. To bajiri cojorūmu Pedro, Juan rāca, Diore ĩre sēnirā vasujarā ĩna quēne, Diore yirūcubūoriavijū. ² Ti vi soje ture rujiyuju rēmone micagū ruyuar'i. Tocārācarūmu tojūre ĩre ñmiejorūgūñujarā ĩ babarā. Ti soje, Quēnarisoje vāme cuti soje ñañuju ti. Ti soje ture rujičōari, ti vi sājare, “¿Yure ĩamaicōari, gājoa ĩsirūabeati mua?”, yirujirūgūñuju ĩ. ³ To bajiri, Pedro, Juan rāca ĩna sājatone, gājoare ĩnare sēniñuju micagū. ⁴ To bajiro ĩ yisere ajicōari, ĩre ñañujarā ĩna. To yirāne, ado bajiro ĩre yiyuju Pedro:

—Adojuare ĩña, mu —ĩre yiyuju.

⁵ To ĩ yijare, “Yure ĩsiruarāma mojoroaca” yigu, quēnaro ĩnare ajiyuju micagūjūama. ⁶ To yicōari, ado bajiro ĩre yiyuju Pedro:

—Gājoa maja yūare. Gajeye quēnamasuse mure yirēmorucuja yu. Jesucristo Nazaret macagu ĩ masise rāca mure varotiaja yu —yiyuju Pedro, micagūre.

⁷ To yicōari, ĩ riojojacatuaga ñmore ñiacōari, ĩre tuāvūmuorūgūñuju Pedro. To ĩ yirone, ĩ ñicugūri, ĩ ññatigāri tīmacoasuju, ĩre, micaboar'ire yuja. ⁸ To bajicōari, jatirocarūgūcōari, vasnoyuju ĩ yuja. ĩna rāca sājāsuju micaboar'i, Diore yirūcubūoriavijūre. To jatisājacune, “Dios quēnaro yure yami. Yu rijaye catisere yure catioami”, yivariquēñañuju ĩ. ⁹ Ti vi ñarā, to bajiro ĩ yivariquēñase ĩañujarā ĩna. ¹⁰ To bajiri ĩre ĩamasicōari ucayujarā ĩna. “¿Quēnarisoje' vāme cuti soje tu gājoa sēnirujirūgūgū me ñati ĩ?”, yiyujarā ĩna.

Diore yirūcubūoriavijū Pedro ĩ gotimasiore queti

¹¹ To bajiri micagū ñaboar'i, Pedroro, Juanre ĩnare ñiatuayuju, “Yure vaveobeticōato ĩna” yigu. Salomón vāme cutijacatuajūare rūgūñujarā ĩna, Pedro, Juan rāca. To bajiro ĩna bajirone, masa ĩna ñaro cōrone ũmarēñañujarā ĩna, ĩre ĩna catiorore ĩaucacōari. ¹² ĩna ũmarējaro ĩacōari, ado bajiro ĩnare gotiyuju Pedro:

—¿No yirā ĩaucati? ĩaucabesa, mua, yu yarā Israel ñamasir'i jānerabatia. Āni micar'ire yua masune catiobeju yua. “Diore quēnaro cudirā ñari, ĩre catioma”, yituoñabesa mua. ¹³ Ado bajirojua bajiaja: Mani ñicua Abraham, Isaac, to yicōari, Jacob ĩna rācubūomasir'i, ĩ bojasere yicacure Jesúre “Ñamasugū ñaami” yirūcubūogu, āni micar'ire yūare catiorotimi. To bajiro yigu ĩ ñaboajaquēne, Jesúre ĩaterāre ocasācaju mua, ujarāre, “ĩre sīato ĩna” yirā. Ūju Pilato, Jesúre ĩ burotirūaboajaquēne, muaju ĩre sīaruacaju. ¹⁴ Dios ĩ bojase rīne yigure Jesúre burotimenane, Barrabājuare ĩre buroticōacaju mua, Pilatore. ¹⁵ To bajiro mua yijama, ĩna rijato berōju “Tudirījabeticōato” yigu, Dios ĩ catisere ĩsirocure sīarotiyuja mua. To bajiboarine rijar'irene tudicatiocōañuju Dios. ĩre ĩacōari, “Quēna tudicatiocoasumi”, yimasiaja yua. ¹⁶ Āni micagū ñaboagure ĩre ĩaja mua. “Jesús yure catiorucami” ĩ yituoñajare, rēmone ĩ ñicugūri tīmacoaju ti. Tire ĩacōari, “Jesús suorine bajiaja ti”, yimasiaja mua.

¹⁷ Mani ujarā rāca Jesúre ĩre sīaroticaju mua, riojo tuoñabetica yirā. ¹⁸ “To bajirone bajirūaroja ti” Dios ĩ yimasire ñajare, bajicaju tīma. Ado bajiro ucamasīñujarā Diore ĩre gotirētobosariarā: “Rojose tāmucōari, sīaerocucumi Cristo”, yuucamasīñujarā ĩna. ¹⁹ Tire ajicōari, rojose mua yisere yitujacōari, Diore sēniña mua. To mua yijama, rojose mua yisere masiriorucumi. To bajiro ĩ yijare, ĩ rāca quēnaro ñaruarāja mua. ²⁰ To bajiro mua bajijama, Jesúre muare cōarucumi Dios quēna, tirāmujune “ ‘Masa ūju ñaña mu’ yigu mure cōarucuja” yimasir'i ñari. ²¹ Yucurema ō vēcaju ñagūmi Jesús. “To cōrone adi macarucurore

tudiquēnoručaja yu” Dios i yituoñariaro bajiro ti bajiroto rñjoro, tone ñacōa ñarucami. Adi ñaja tirāmuaana Diore ire gotirētobosamariarā, ina ucamasire. ²² Diore gotirētobosamari, Moisés vāme cutigu, ado bajiro gotimasiñuju, mani ñicūare: “Dios mani uju yare i cōacatore bajirone gāji i ocare gotirocure cōarucami. I cōarocuma, mani rācagune ñarucami. Jediro i yirore bajirone cudiruarāja mua. ²³ I yirore bajiro cudimenarema, ñare bucōaroti ñaja ti. Ñare bucōari ñare sīaroti ñaja”, yimasiñuju Moisés. Adi ñaja, Jesús i bajirotire goti rñjoro yigu, mani ñicūare i gotimasire.

²⁴ Samuel vāme cutimasir'i, to yicōari, ire bajiro bajirā quēne i beroana Diore ire gotirētobosariarā ñajediro, adirāmari bajirotire gotiyujarā ina quēne. ²⁵ Tirāmaju, mani ñicūare Dios i gotirere gotimasiñujarā ina. Dios mani ñicūare i goticōare ti ñajare, quēnase manire ejaruaroja ti. Ado bajiro mani ñicu Abraham ñamasir'ire gotimasiñuju Dios: “Masa jedirore quēnaro yiručaja yu, mu jānerabatia suorī”, yimasiñuju Dios, mani ñicu ñamasir'ire gotigu. ²⁶ To yimasir'i ñari, i macure catiocōari bero, mani jud'io masa tujare ire cōasuooyumi Dios, “I suorī, rojose ina yisere masiriocōari, quēnaro ñato ina” yigu cōañuju, i macure —ñare yigotimasiñuju Pedro.

4

Pedrore, to yicōari, Juanre tubiberiaviju masa ujarā, ina tubibere queti

¹⁻² To bajiri Pedro, Juan rāca, ado bajiro masare gotimasiñujarā ña:

—Jesús, sīacogū ñaboarine, quēna tudicaticoasumi. To bajiri mani quēne tudicatuuarāja, yimasijaia mani —yiyujarā Pedro, Juan rāca.

To ña yīnarore paia, to yicōari, saduceo masa quēne ejayujarā ña. Diore yirūcūbuoriavire coderimasa uju quēne ejayuju i. Buto jūnisiniejayujarā ña, Pedro, Juan rāca to bajiro ña gotimasiosere ajicōari. ³ To bajiri Pedrore, Juanre quēne ñare ñejeccōari, tubibe, vaveocoasujarā ña, rāioriju ti ñajare. ⁴ To bajiro ñare ña yiboajaquēne, Jesús ocare ajicōari, jājarā ajitirūnusuooyujarā ña. To bajiri amua cinco mil ñañujarā ña.

⁵ To bajiri busuriju tudirējañujarā ña quēna, jud'io masa ujarā, Dios i rotimasire gotimasiorimasa, to yicōari, bucūrā quēne. ⁶ Paia uju ñamasugū Anás, to yicōari, i yarā Caifás, Juan, Alejandro ñañujarā ña quēne. ⁷ To bajiri, Pedro, Juan rāca tubibe ecoriarāre, jirotiyuju Anás. To i yijare, i rñjorojuare ejaragū ejayujarā Pedro, Juan rāca. To ña ejaro, ado bajiro ñare sēñañuju Anás:

—¿Ñimu masare muare gotimasiorotimasiri? ¿Ñimu i masire rāca micagūre catiomasiri mua? —ñare yisēñañuju Anás.

⁸⁻⁹ To bajiro i yisēñiāro, Dios i cōagū Esp'iritu Santo i ejarēmose rāca cojo vāme rayabeto quēnaro cūdiyuju Pedro:

—Yuā ujarā, bucūrā quēne, quēnaro yure ajiya. “¿Ñimu i masire rāca micagūre catiomasiri mua?” yare mua yisēñiasere cudiručaja yu. ¹⁰ “Quēnaro masiāto” yirā, adi macana, to yicōari, “Israel sitana ñaro cōrone masiāto” yirā, ñamasusere muare gotiāja yua. Jesucristo Nazaret macagu suorine micagū ñaboar'i catimasimi. Jesús, yucātēroju mua sīar'ine, Dios i tudicatio'ine, micagū ñaboagure ire catiomasimi. ¹¹ Tirāmaju David ñamasir'i ado bajiro ucamasini: “Gūta rāca vi quēnorimasa coja gūtare rocarāma. Ña rocaria ñaboarine, gajea gūta rētoro quēnarica ñaruaroja tia. Tia gūta suorine quēnarivi quēnorucami Dios. Tia manijama, quēnomasibetibogumi”, yucamasini. “Ado bajiro bajiaja” yire ũni ñaja adi: Mua jud'io masa ujarā, Jesure ire bojabetesuja mua. To bajiboarine ñamasugū ñaami. ¹² Jesús rīne ñaami adi macarūcuroana masa, ña rijato beroju, rojose ña tāmūoborotire ñare yirētobosarocu, Dios i cōar'i. Gāji to bajiro manire yirētobosagu maami —yiyuju Pedro.

¹³ To bajiri Pedro, Juan rāca quēnaro masirāre bajiro ña ñagōsere ajimasicōañujarā ujarā. “Pāpera buebetiriā ñaboarine, quēnaro ñagōama ña. Jesūrāca ñarūgūriarāne ñaryuama ña. To bajiri ire bajirone gotimasioama”, yituoñañujarā ña, ujarā. ¹⁴ To bajiri micagū ñaboar'i, Pedro, Juan rāca i ñajare, “Rojose yiyuja mua”, yimasibesujarā ujarā. ¹⁵⁻¹⁶ To yi, budiarotiyujarā ujarā, Pedrore, to yicōari Juanre quēne. To yicōari ado bajiro ña masune gāmerā ñagōñujarā ña:

—¿No yirāti mani ñare, Pedrore, Juanre quēne? Jerusalén macana ña ñaro cōrone masiāma micar'ire ña catorere. To bajiri, “Socarā yama”, yimasina maja. ¹⁷ To bajiri ado bajiro ñare gotiroti ñaja: “Jesús yere quēna mua ñagōrēmojama, rojose tāmūorā vana yaja mua”, ñare yiroti ñaja, “To cōrone Jesús yere gotibatobeticōato yuja” yirā —yituoñañujarā ujarā. ¹⁸ To yi, quēna ñare jisōñujarā ña, Pedrore, to yicōari, Juanre quēne. Ña sājajearone:

—Jesús yere masare gotimasioabesa mua —yiboayujarā ña, Pedrore, to yicōari, Juanre quēne. ¹⁹ To bajiro ujarā ña yisere ajicōari, ado bajiro cūdiyujarā Pedro, Juan rāca:

—Muare yua cudijama, Diore cudimena yirāja yua. To bajiri, mua tuoļajama, muaµare yua cudijama, ģrijo yirā yirājari yua? ²⁰ Jesúre yua ģacati, yua ajicatire quēne, tire gotitujamasimenaja —yiyujarā Pedro, Juan rāca.

²¹ Tire ajicōari,

—Gotimasiobeticōaña, Jesús yere. Jesús yere mua gotijama, rojose tāmurouarāja mua —yiyujarā ūjarā quēna.

Micagū ī catisere ģacōari, “Quēnaro yigu űaami Dios”, yiyujarā masa. To ĩna yisere ajirā űari, Pedrose, to yicōari, Juanre quēne rojose ĩnare yimasibesujarā ĩna. To bajiri ĩnare budiroticōañujarā ūjarā. ²² Micagū űaboar’i, Pedro, Juan rāca ĩna catior’i, cuarenta cāmari rētobusaro tasacu űañuju ī.

“*Jesús yere gotimasiocōa űato ĩna’ yigu, yuare ejarēmoña*”, Diore ĩna yisēnire queti

²³ Budicoanajuma, ĩna babarā tujµ vacoasujarā Pedro, Juan rāca. Toju ejacōari paia ūjarā, to yicōari, bucūrā quēne, ĩnare ĩna yirere gotiyujarā ĩna. ²⁴ Tire ajicōari, sīgure bajirone tuoļacōari, ado bajiro Diore sēniñujarā ĩna:

—Dios, yua jacu, mu rīne űajediro masirētogū űaja mu. Mune, űmuagaserore quēnoñuja, sitare quēne, riagarire quēne jediro. Adi macarucuroayere jediro rujeoyuja mu. ²⁵ Tirāmujū yua űicu mu bojarore bajiro yimasir’i David űamasir’i, Esp’iritu Santo ī ejarēmose rāca ado bajiro ucamasifūmi:

“ĶNo yirā ‘Rotimurogōrucumi’ yigu, Dios ī cōagure jūnisiniati jud’io masa, to yicōari, jud’io masa me űarā quēne? ĶNo yirā Diore rojose yiruaboati ĩna?”

²⁶ ‘Rotimurogōrucumi’ yigu, Dios ī cōagure, to yicōari, Diore quēne rojose yiruārā, adi macarucuroana ūjarā rējacōari, űayuruarāma”, yiucomasiñumi David.

²⁷ Socu me yimasifūmi David. Ķ gotimasiriarore bajirone bajicaju. Ūju Herodes, Poncio Pilato vāme cutigu quēne, jud’io masa, to yicōari, jud’io masa me quēne, rējacama ĩna. Mu bojase rīne yigure, “Rotimurogōrucumi” yigu, mu cōar’ire Jesúre rojose ĩre yiruārā rējacama ĩna. ²⁸ “Ado bajirone bajiruaroja” mu yiriarore bajiro yirā, to bajiro yicama ĩna. ²⁹ To bajiri Dios yua jacu, yuare ajiya. “Rojose tāmurouarāja mua” yuare ĩna yisere masiritibesa mu. Mu yirore bajiro mure cudiruaaja yua. To bajiri yuare yirēmoña mu, “űNie gūimenane Jesús ī goticatire quēnaro gotiato ĩna” yigu. ³⁰ Mu masise rāca masa rijarāre catioya mu. Ķañañamanire quēne yiya mu, “ ‘Jesús, Dios ī bojase rīne yigu, ī macu suorine to bajiaja ti’ yato ĩna masa” yigu —yiyujarā ĩna, Diore sēnirā.

³¹ Diore ĩna sēnigajano, sita nuruañuju. Tirīmarone, Dios ī cōagū Esp’iritu Santo, ī masisere ĩnare ĩsiñuju. To ī yijare, cojo vāme ruayabeto Dios ī bojarore bajirone gūimenane, Dios ocare masare gotiyujarā ĩna.

Jesúre ajitirānūrā ĩna gāmerā yirēmore queti

³² Jesúre ajitirānūrā sīgure bajiro tuoļarā űañujarā ĩna. ĩna cuosere, “Ūu sīgū ye űaja”, yibesujarā ĩna. űajedirore, “Mani ye űaja” yirā, ĩna babarāre ĩsiñujarā ĩna. ³³ Jesús ī bajireayere gotimasio tujabesujarā Jesús ī gotiroticōasuoriarā. “Jesús, rijacoaboarine, tudicaticōari űaami quēna”, yigotiyujarā ĩna, masare. To bajiro quēnaro ĩnare yigoticōari, ĩañañamanire ĩnare yīñujarā. “To bajirone quēnaro yīñato ĩna” yigu, Jesúre ajitirānūrā ĩna űaro cōrone quēnaro ĩnare yirēmoñuju Dios. ³⁴⁻³⁵ Sita cuorā, viri cuorā, gājerāre ĩsiñujarā ĩna. To yicōari, gājoa bujayujarā. Gājoa bujacōari, Jesús ī gotiroticōasuoriarāre ĩsiñujarā ĩna, “Maioro bajirāre ĩnare ĩsiato” yirā. To bajiri ĩna rācana űijua maioro bajigo mañujarā yuja. ³⁶ To bajiro Jesúre ajitirānūrā vatoare, sīgū jud’io masu levita jūnagu űañuju ī. Josē vāme cutigu űañuju. Chipre vāme cutioyaju ruymar’i űañuju ī. Jesús ī gotiroticōasuoriarā, Josere gajeye ĩre vāme yiyujarā, Bernabé. Griego ocama, “Quēnase gājerāre oca cutigu” yire űni űañuju ti vāme. ³⁷ Sita cuoyuju Josē. Tire gājire ĩsiñuju ī. Ti vajane gājoa bujacōari, Jesús ī gotiroticōasuoriarāre ĩsiñuju, “Maioro bajirāre ĩsiato” yigu. Quēnaro yigu űañuju Josē.

5

Anan’ias, ī manajo Safira rāca, ĩna yitore queti

¹ Anan’ias vāme cutigu ī manajo Safira rāca, quēnaro yirā me űañujarā ĩna. Anan’ias ī manajo rāca ĩna ya vesere gājerāre ĩsiñujarā. To yicōari, gājoa bujayujarā ĩna. ² Anan’ias ī manajo rāca cojoro cōro tuoļañujarā ĩna. To bajiri gājoa mojoro yayioyujarā ĩna. To yicōari Jesús gotiroticōasuoriarāre ĩsigū vacoasuju, ruayasere. ĩna tujµ ejacōari,

—Ado cōrone bujabu yu —ĩnare yīsiñuju Anan’ias.

³⁻⁴ To ī yisere ajicōari, ado bajiro ĩre yiyuju Pedro:

—Anan’ias, Ķno yigu Diore ģategure vātia ūjare cudiatu mu? ĶMu ya vese me űari, mu ĩsirivesema? ĶTi vese vaja mure ĩna ĩsirema, mu ye me űari? To bajiro ti bajiboajaquēne, “Ti

vese vaja ñaro cõrone muare Isiaja yu", yitoaja mu. To bajiro yuare mu yitojama, yua rĩrene yitogu me yaja mu. Diore, Esp'iritu Santore quẽne yitogu yaja mu –yiyuju Pedro, Anan'iare.

⁵To ĩ yisere ajicõari, rijaquedicoasuju Anan'ias. To bajiro ĩ bajirere ajicõari, buto güiyujarã toana. ⁶Sigũri mame bucuarã Anan'ias rujure gũmacõari, ĩre yujerã vacoasujarã ĩna.

⁷Tres hora bero ejayuju Anan'ias ñaboar'i manajo. "To bajiro bajiriaroja", yibesuju so. ⁸To so ejarone,

–¿Adi ñati vese vaja, jediro mua bujare? –sore yiyuju Pedro.

–Ti ñaro cõrone ñaja –ĩre yicudiyuju so.

⁹To so yisere ajicõari, ado bajiro sore yiyuju Pedro:

–¿No yirã mu manaju rãca cojoro cõro tuoĩacõari, Dios ĩ cõagũ Esp'iritu Santore yitoruari mua? Ó tusaroma mu manajure yujerã variarã. Mure quẽne amiaroana yirãma, mure yujeruarã –sore yiyuju Pedro.

¹⁰To ĩ yirĩmarone, rijaquedicoasuju sojuama. Sãjanane, rijaqueariore ĩabujayujarã mame bucuarã. To bajiri sore amibudicõari, so manajure ĩna yujeriaro tuju sore yujeyujarã. ¹¹To bajiri, Jesũre ajitirũnarã ñajediro, to yicõari, ĩna tuana quẽne, "To bajiyuju" yisere ajicõari, buto güiyujarã ĩna.

Jesũs ĩ gotiroticõasuararã, ĩaĩañamanire ĩna yĩlore queti

¹²Tirãmũre Jesũre ajitirũnarã jediro sigũre bajiro tuoĩarã, Diore yirũcũbuoyiavi, Salomón vãme cutijacatuajuare rẽjarũgũñujarã ĩna. To bajicõari, Jerusalén macana ĩna ĩaro rĩjoro Dios ĩ masise rãca ĩaĩañamanire yĩloñujarã ĩna Jesũs ĩ gotiroticõasuararã. ¹³To bajiri, Jesũre ajitirũnarãre, "Quẽnarã masu ñaama", ĩnare yirũcũbuoyujarã Jerusalén macana. To bajiro yiboarine, Anan'ias ĩ manajo Safira mesa ĩna bajirere masicõari, "Jesũre ajitirũnũgũ ñaja yu quẽne" yisocacõari sãjarũcujaja yu", yibesujarã ĩna, güirã. ¹⁴To bajiri jãjarãbusa ñarũtuasujarã Jesũre ajitirũnarã. Rõmia quẽne, amua quẽne ñañujarã. ¹⁵Ĭaĩañamanire Pedro ĩ yĩlorere ajicõari, rijaye cutirãre ĩna jesarijauarã rãcane maa tu ĩnare juajeoyujarã ĩna. To bajiro ĩna yiejorã, Pedro ĩ rẽtorotire yuñañujarã, "Yuare moaĩato ĩ" yirã. "Ĭ moaĩabetijaquẽne, ĩ vãti mani joere ti rẽtojama, caticoarũarãja mani" yirã, yuñañujarã ĩna. ¹⁶To bajicõari, ti maca tuana jãjarã masa vasujarã, Jerusalenjure, rijaye cutirãre, to yicõari ĩna usurijure vãtia sãñarãre quẽne juavana. To bajiri rijaye cutiboariarã catijedicoasujarã. ĩna usurijure vãtia sãñarãre, vãtiare ĩnare bureayujarã ĩna, Jesũs ĩ gotiroticõasuararã.

Jesũs ĩ gotiroticõasuararãre ĩna ĩajũnisinire queti

¹⁷Tire ajicõari, paia uju ĩ rãcana, saduceo masa quẽne buto jũnisiniñujarã, Jesũs ĩ gotiroticõasuararãre. ¹⁸To bajiri ĩnare ñejeroticõari tubiberiaviju tubiberotiyujarã ĩna, Jesũs ĩ gotiroticõasuararãre. ¹⁹To ĩna yiboajaquẽne, tubiberiaviju ĩna ñaro, ángel ĩnare ruuyayuju ĩ, ñamiju. ²⁰To bajicõari, ĩnare jãnabucõañuju. ²⁰Ĭnare jãnabucõari,

–Diore yirũcũbuoriaviju vasa mua –yiyuju. –To ejacõari masare gotiba, Dios ĩ catisere ĩna cuorotire yirã –ĩnare yiyuju ángel.

²¹To bajiri busuriju jẽju, Diore yirũcũbuoriavire sãjaejacõari, masare ĩnare gotimasioñujarã quẽna.

Dios oca masare ĩna gotimasio ñarone, paia uju, ĩ rãcana, to yicõari, Israel sitana ujarã quẽne rẽjañujarã ĩna. To yicõari, "Tubiberiaviju ñarãma" yirã, ĩnare jiroticõañujarã ĩna. ²²Ĭna jiroticõariarã tubiberiavijure ĩna ejaro, mañujarã ĩna. To bajiboa, tudicoasujarã ĩna, gotirã tudiana. ²³Tudiejacõari, gotiyujarã ĩna:

–Tubiberiavi quẽnaro turiaro ti ñarore ejaboabu yua. Ti vire coderimasa quẽne tone ñaboama ĩna. To bajiboarine sojere jãnacõari yua ĩajama, mama ĩna, Jesũs ĩ gotiroticõasuararã –yigotiyujarã ĩna, tudiejana.

²⁴Tire ajicõari, paia uju, Diore yirũcũbuoriavire coderimasa uju quẽne, no yimasibesujarã ĩna yuja. "To bajiro ĩna bajijama, ¿no bajiro yiroana yirãda ĩna?", yiyujarã ĩna. ²⁵To ĩna yituoĩarejaĩarone sigã, ĩna tare ejacõari, ado bajiro ĩnare gotiyuju:

–Mua tubibecũboariarãma, Diore yirũcũbuoriaviju masare gotimasio ñama ĩna –ĩnare yigotiyuju.

²⁶To ĩ yijare, Diore yirũcũbuoriavi coderimasa uju, ĩre moabosarimasa rãca Jesũs ĩ gotiroticõasuararãre ĩnare ñejerã vasujarã ĩna. To bajicõari rujaji yimenane, ĩnare ñejeocoasujarã, "Rujajine ĩnare mani yijama, manire gũtane reasĩaborãma masa" yigũirã ñari.

²⁷To bajiro ĩnare yĩ vacõari, ujarã rĩjorojuare ĩnare umato ejayujarã ĩna. ĩna ejaro ĩacõari, ado bajiro ĩnare yiyuju paia uju:

²⁸–Jesũs yere mua gotimasiosere, muare gotirotibetiboacaju yua. To yua yiboajaquẽne, adoanare Jerusalén macanare ĩna ñaro cõro ĩnare buecudiyuja mua. To bajiri sigũ ruyariaro mano masiama mua gotimasiodisere. "Ĭna suorine sãaecocami Jesũs", yiyuja mua, yuare –yiyuju paia uju, Jesũs ĩ gotiroticõasuararãre.

²⁹ To i yisere ajicōari ado bajiro ire cadiyuju Pedro, i babarā rāca:

—Diojnare cadiroti űaja manire. Masa ina rotisere rētoro űaja Dios i rotisejna. ³⁰ Mani űicua ina rucubomasir'ine űaami Jesure yucātēroju mua jajusiarotir'irene tudicator'ima. ³¹ Ő ve-
caju űacōari, Jesure ire jiyuju. To bajiri i riojojacatua rucuboriajare rujigumi. Jesus masa uju
űarocure, ina rijato beroju rojose tāmtoutajabetiriaroju ina vaborotire inare yirētobosarocure
cūűuju Dios. “Mu suori Israel jānerabatia rojose ina yisere yitujamasiruarāma” yigu, to yicōari,
“To bajiro yirāre rojose ina yisere masiriomasirucuja yu” yigu, ire cōaűuju Dios. ³² Tire
masiaja yua. Dios i cōagū Esp'iritu Santo rāca űaja yua. To bajiri jediro Dios i yirere gotiaja
yua. No bojagure Dios i yirore bajiro cadigure, Esp'iritu Santore ire cōarucumi —yiyujarā
ina, Pedro i babarā rāca.

³³ To i yisere ajicōari, buto jūnisinirā űari, inare siaruyujarā. ³⁴ Gamaliel vāme cutigu, ina
rācagu, Dios i rotimasirere gotimasiorimasu űaűuju i, masa ina rucuboga. Vūmurāgūcōari,
—Pedro, i babarāre inare bucōaűa —yiyuju, gājerā ujarā rāca űagōru. ³⁵ To yicōari, ado bajiro
i babarāre gotiyuju:

—Quēnaro ajiya yu yarā mua. űnoare mua yiruasere quēnaro tuoiaűa mua. ³⁶ Teudas i yirere
masiritibesa mua. Yoabeaja ti, “űamasugū űaja” i yiboariaro bero. Tire ajicōari, “Socaro me
bajiroja”, ire yisayaboayujarā cuatrocientos űarā. Tiju bero, gājerā ire siacōaűujarā. To bajiri
ire sayaboariarā no ina bojarone bajicōaűuma ina. I gotimasioboare quēne to cōrone jedi-
coasuja. ³⁷ Tiju bero, “To cōro űaama masa” yimasiruarā, ina ucurotirirāmāre Galileagu,
Judas vāme cutigu űaűuju. Ire quēne i gotisere ajicōari jājarā masa ire sayaboayujarā. Tiju
bero, ire siacōaűujarā gājerā. To ina yijare, ire sayaboariarā no ina bojarone bajicōaűuma
ina quēne. ³⁸ To bajiri muare gotiaja yu: Gōjanabiobesa űnoare. No ina bojarore bajiro
yato. Ina masune tuoiaçōari, ina gotimasiodijama, yaiyori mene jedicōaruaroja tia. ³⁹
Dios i gotirotisere inayijama, gājerāre ina gotisere “Ajitirūnubeticōato” yirā, no bajiro
yimasimenaja mua. To bajiri mua yiruasere quēnaro tuoiaűa mua; Dios i rotisere yicōari,
“Yibetirotirene yiyuja” yirobe —inare yiyuju Gamaliel, i babarāre.

⁴⁰ To i yisere ajicōari,

—Socū me yaja mu. To bajiro masu bajiruaroja ti —yiyujarā ina.

To yi, Pedrore, to yicōari, i babarāre quēne jieçocōari, inare bajerotiyujarā ina yuja.
Inare bajegajano, Jesus yere ina gotimasiosere gotirotibesujarā ina yuja. To yicōari, inare
budirotiyujarā. ⁴¹ To bajiro inare ina yiro bero, Pedro, i babarā rāca ujarā vatoare űariarā,
variquēnase rāca budicōasujarā. Jesure mani ajitirūnuse suori rojose yieçoaja mani. “To
bajiro bajiruārāma, Jesure ajitirūnu tujamena űari’ Dios i yire űajare, bajiaja mani”, yituoia
variquēna budiasujarā.^a ⁴² To bajiri Jesus yere ujarā ina gotirotibetiboajaquēne, masare
gotimasio tujabesujarā ina. Tocārācarūmune Diore yirucuboriavijure, to yicōari ina ya
virijure quēne Jesucristo yere masare gotimasiodirūgūűujarā ina.

6

Cojomo cōro jua jēnitarirācu inare ejarēmōare ina besere

¹ Tirodore Jesure ajitirūnurā jājarābusa űarūtuasujarā ina. To bajiri, griego oca űagōrā,
hebreo oca űagōrāre ado bajiro űagōjaisouyujarā:

—Tocārācarūmune mua bare batojama, cojoro cōro batobeaja mua. Manajua rijaveori-
arāre hebreo oca űagōrā rōmiri rīne jairo űsiaja mua —yiyujarā ina griego oca űagōrā.

² To bajiro ina gāmerā űagōjaisere ajicōari, Jesure ajitirūnurā jedirore inare jirēoűujarā ina,
Jesus i gotiroticōasuoriarā. To yicōari, ado bajiro inare yiyujarā ina:

—Yuarēma, yua gotimasiosēja űaja, bare batoreaye rētoro űamasusema. Bare batorejūare
yua yijama, Diore ire cadimena yirāja yua. ³ To bajiri, cojomo cōro jua jēnitarirācu űarā
beseya mua, mua vatoanare, bare batorona űaronare. Quēnaro tuoiaűā, “Quēnaro yirā űaama”
mua yirā, Dios i cōagū Esp'iritu Santo i ejarēmose rāca tuoiaűā, cojo vāme ruayabeto Dios i
bojarore bajirone yirāre, inare beseya mua. ⁴ Ado bajirojua yirūgūruarāja yuama. Diore
ire sēnirūgūruarāja. To yicōari, Dios ocare masare gotimasiorā űaruarāja, yuama —yiyujarā
Jesus i gotiroticōasuoriarā.

⁵ To bajiro ina yisere ajicōari, sigāre bajiro tuoiaçōari, Esteban vāme cutigure beseyujarā
ina. Jesure quēnaro ajitirūnugū űaűuju i. To bajicōari, Esp'iritu Santo i ejarēmose rāca tuoiaçū,
cojo vāme ruayabeto Dios i bojarore bajiro yigu űaűuju. To yicōari, gājerā Estebanre bajiro
bajirāre beseyujarā ina. Adocārācu űaűujarā ina: Felipe, Prócoro, Nicanor, Timón, Parmenas,
to yicōari, Antioqu'ia macaju vadir'i, Nicolás, tocārācu űaűujarā, “Bare batooato” yirā ina
beseriarā. Nicolás, jud'io masu me űaboarine jud'io masare bajiro bajiyuju i. ⁶ Inare
besegajanocōari, “űnoa űaama masa, yua beserā”, yiyujarā, Jesus i gotiroticōasuoriarāre. To

^a 5:41 Mt 5.11-12.

Īna yijare, Īnare āmo űņueocōari Diore Īre sēniűuĵarā Jesūs Ī gotiroticōasuoriarā, “Quēnaro Īnare eĵarēmoato Dios” yirā.

⁷To bajiri, masa jĵarābusa ajitirānuűuĵarā, Jesūs yere. To bajirā rĳne, toĵure Jerusalēnjure, Jesūs yere ajitirānurā, jĵarābusa űnarūtuasujarā Īna. Paia quēne jĵarā, Jesūs yere ajitirānuűuĵarā Īna.

Estebanre Īna űĳiare queti

⁸Estebanre quēnaro yirēmoűuju Dios. To yicōari, Ī masisere Īre uĵoyuju. To bajiri jairo Īaĳaűamanire masare yĳiűoűuju Esteban. ⁹Īaĳaűamani Esteban Ī yĳiűoűaro, Ī rāca gāmerā űagōűuĵarā Īna. Dios ocare Īna buerivĳu vadiriarā űaűuĵarā. Moabosarimasa űaboariarā ya vi vāme cutiyuju ti vi. Cojo macana me űaűuĵarā Īna, bajirāĵuma. Cirene macana, Alejandrĳa macana űaűuĵarā Īna. Īna rācana Cilicia sitana, Asia sitana űaűuĵarā Īna. Esteban rāca űagōboanane, oca josayujarā Īna. ¹⁰Espĳritu Santo Ī eĵarēmoĵare, Īna rētoro masiűuju Esteban. To bajiri no bajiro Īre yimasibesujarā Īna. ¹¹To bajiri, gāĵerāre yayioroaca gāĵoa Īsiűuĵarā Īna, “‘Rojose yimi’ uĵarāre yato Īna” yirā. To bajiri, “‘Diore, to yicōari, Moisēs űamasirĳre quēne rojose Īnare űagōmacami’ yigotiba mu”, Īnare yiyujarā. ¹²To bajiro Īna yigotire űajare, Estebanre buto ĳunisiniűuĵarā ti macana. To bajiri, buĳurā, Dios Ī rotimasire gotimasiorimasa rāca Estebanre űaűuĵarā, Īna uĵarā tuĵure Īre āmivaruarā. ¹³Īna uĵarā tuĵure Īna āmiejarone gāĵoa Īsiecoriarā, ado bajiro yisocayujarā:

—Diore yirācuborĳavire, to yicōari, Moisēs Ī rotimasirere quēne rācubobeca rojose űagōrūgūami Esteban. ¹⁴Ado bajiro Ī gotisere ajirūgūmu yua: “Jesūs Nazaret macagu, Diore yirācuborĳavire caguerearacami. To yicōari, Moisēs manire Ī roticūmasirere vasoaracami”, yigotirūgūmi Esteban —yisocayujarā Īna.

¹⁵To Īna yisocasere ajicōari, Īna uĵarā yoaro Īre Īaĳaűuĵarā, Estebanre. Īre Īna ĳajama, āngel riogare bajiro rioga cutiyuju Esteban.

7

“Īĳie rojose yibēĳu yu”, Esteban Ī yire queti

¹To bajiri, paia uĳu, Estebanre Īre sēniĳaűuju:

—ĳ“Rojose yimi” mare Īna yise, rioĳo yati Īna? —Īre yiyuju, Estebanre.

²To Ī yirone, ado bajiro Īnare cudiyuju Esteban:

—Yu yarā, aĳiya mu. Tirūmuĳu mani űicu Abraham űamasirĳi, Mesopotamia Ī űarone, Harān vāme cuti macajure Ī űagū varoto rĳĳoro, Ī rāca űagōmasiűuju Dios. ³Ado bajiro yimasĳiĳuju: “Mu űarore, to yicōari, mu yarāre quēne vaveoya, gaje sitaju mare yu ĳorotoĳu vacu”, Īre yimasĳiĳuju Dios, mani űicu űamasirĳire. ⁴To bajiro Dios Ī yisere ajicōari, Caldea maca űarĳi, Harān vāme cuti macajure űagū vamasĳiĳuju. To Ī űaro, Ī jacu űamasirĳi Īre rijaveocoamasĳiĳuju. Tĳĳu bero, adoĳu mani űari sitajure Īre űarotimasĳiĳuju Dios. ⁵“Adi sitaju űaĳa” Dios Ī yĳiboĳaquēne, űajediro gāĵerā ye sita űamasĳiĳuju ti maji. To bajiri, “Adi űaja yu ye sita”, yimasibesuju Abraham. Rēmone, “Ado bajiro bajiruaroĳa”, yimasĳiĳuju Dios, Abrahamre: “Ti sitare mare ĳisurĳuja yu. Mu rijato beroĳu, mu jānerabatia ye sita űaruaroĳa”, yimasĳiĳuju Dios, Abrahamre, rĳa magū Ī űaboĳaquēne. ⁶To yicōari, ado bajiro Īre gotimasĳiĳuju Dios: “Coĳorūmu adi sitare vaveoruarāma mu jānerabatia. Adi sitare vaveocōari, gāĵerā sitajure űaruarāma. Toĵure Īna űaro, cuatrocientos cūmari Īnare rotĳajeruarāma Īna. ⁷To bajĳboarine mu jānerabatiare rojose Īnare Īna yise vaja gāmetorĳuja yu quēne. Tĳĳu bero, mu jānerabatia ti macare tudiveocoaruarāma. To baji, adi sitajure tudĳejaruarāma quēna. Adoĳu űacōari yure sēnirācuborĳuarāma”, yiyuju Dios, mani űicure Abraham űamasirĳire. ⁸To yicōari, ado bajiro Abrahamre rotimasĳiĳuju Dios: “Yu gotisere, ‘To bajirone bajiruaroĳa’ mu yicūdĳijama, mu macu Ī ruyaro bero, circuncisiōn Īre yirĳuja mu. ‘Dios yu űaami’ yĳu, to bajiro Īre yirĳuja mu”, yimasĳiĳuju Dios, Abrahamre. To bajiro Dios Ī yire űajare, Ī macu Isaac Ī ruyaro coĳomo cōro, ĳdia ĳēnituarirāmu tusatirāmere circuncisiōn Īre yimasĳiĳuju Abraham. To bajiri Isaac Ī macu Jacob vāme cutĳure circuncisiōn Īre yimasĳiĳuju. Jacob quēne to bajirone yimasĳiĳuju, Ī rĳare mani űicua űamasirĳiarāre. Juāāmo cōro, juā ĳēnituarirācu űamasĳiĳujarā Īna.

⁹Jacob rĳa, Īna bedi, Josē vāme cutĳure buto Īre ĳatemasiűujarā Ī gagu mesa. To bajiri Eĳipto sita vanare Īre ĳicōari, vaja sēnimasĳiĳujarā Īna. To bajiro Īna yĳiboĳaquēne quēnaro Īre ĳatirānucōa űaűuju Dios. ¹⁰Eĳiptoĳu Josē rojose Ī tāmuborotire Īre yirētobosamasĳiĳuju Dios. To bajiri uĳu, faraōn Īna yĳu rāca űamasĳiĳuju Josē. To Ī bajiĳaro, Ī masisere uĳomasĳiĳuju Dios, Josēre. Faraōn, Īre ĳavariquēnacōari, “Rotĳu űato, Īre yicūĳajaro ĳ’ yĳu yimasĳiĳuju Dios. To bajiri Eĳipto sitana űaro cōrone, Ī ya vianare quēne, “Īnare rotirĳuja mu”, Josēre Īre yicūmasĳiĳuju faraōn.

¹¹ To i yiro bero, Egipto sitajure bare jedicoamasiñuju. Canaán sitajure quêne jedicoamasiñuju. Masa buto ñiorjiamasiñujarã Ina. To bajicðari rojose tãmuomasiñujarã Ina. Mani ñicua, no ùno bare bujamasibetimasiniñujarã Ina. ¹² To bajiri José jacu mani ñicu ñamasir'i, Jacob, "Egiptoju trigo Ina juacũre ñañuju ti" yirere ajicðari, i rĩare cõamasiniñuju "Vaja yirã vajarõ" yigu. ¹³ Egiptoju bare juarã vamasiniñujarã Ina. Tiju bero, quẽna tojune vamasiniñujarã Ina. To Ina bajiro ñacðari, ado bajiro ñare yimasiniñuju José: "Yare ñamasibeaja mua. Mua bedine ñaja yu", ñare yimasiniñuju. To bajiro José i yirere ajicðari, "Í yarã ñaama", yimasiniñuju faraón. ¹⁴ To bajiri José, i yarã Ina ñaro cõrone i jacure quêne jiroticðañuju, "Egiptoju ñato Ina" yigu. Ina jediro ñarã, setenta y cinco ñamasiniñujarã Ina. ¹⁵ To bajiri, Egiptojure vamasiniñuju Jacob. Egiptoju yoaro ñaboacaju, bajirocacoamasiñuju Jacob. To bajicðari, i rĩa ñariarã, mani ñicua ñamasiriarã quẽne, tojune bajireamasiñujarã Ina. ¹⁶ Jacob i bajirocaro bero, i rujurire juamasiniñujarã, Siquem vãme cuti macaju. Toju ejacðari, ñare yujemasiniñujarã, gütaviju. To ñamasiniñuju Abraham, Hamor rĩare i vaja yimasiriavi, gütavi.

¹⁷ To bajiboarine mani ñicua ñamasiriarã, Egiptojure jãjarãbusa masa bujumasiniñujarã. To Ina bajiñaro rĩne, cõñamasiniñuju mani ñicua ñamasiriarãre Dios i sita ñiroti, mani ñicu Abraham ñamasir'ire i gotiriarore bajirone ti bajiroti. ¹⁸ Tiju bero, gãji uju Egiptojure rotisomasiñuju. José i ñamasirere masibecu, to yicðari, mani ñicua ñamasiriarãre rãcubuobecu ñamasiniñuju I. ¹⁹ Ñe mani ñicua ñamasiriarãre ñare yitomasiñuju. To yicðari, rojose yimasiniñuju. Mame ruyuarã ñamasare riagaju ñare rearotimasiniñuju I, "Bujroma" yigu. ²⁰ Tirodorene ruyua-masiñuju Moisés quẽne. Dios i ñajama, quẽnagũaca ñamasiniñuju I. To bajiri, i jacua idiarã muijua ñare cõomasiniñujarã Ina. ²¹ To bajiñaboa, so macuacare vijure ñare yayiomasiabeticðari, riagaju ñare jomasiñuju so. To so yir'ire, uju Egiptoagu maco, ñare ñabujacðari, so macure yigore bajiro ñare masomasiñuju so. ²² To bajiro so yibucõomasir'i, Egiptoana Ina bajisere quẽnaro masiniñuju I, Moisés. ²³ Ñagõjama quẽnaro tuoñamasicðari ñagõñuju I, Ina yere. Quẽnaro i yisere ñacðari, buto ñare yirũcubuojujarã Ina.

²³ Cuarenta cãmari cuotusacu, "Yu yarãre ñagũ varũcujaju yu", yituoñamasiniñuju I. ²⁴ To yi va, Ina tũju i ejaro, i yure egipcio masu ñare i bajero ñacðari, ñare gãmetoca yigu, ñare sñacõamasiniñuju Moisés. ²⁵ "Egipcio masa rojose manire Ina yisere manire yirẽtobosarocu, Dios i cür'i ñaami Moisés' yure yimasiriarãma yu yarã", yituoñamasiboayuju Moisés. To bajiro i yituoñaboaquẽne, tire tuoñabetimasiniñujarã Inajuama. ²⁶ To bajiri gajerãmu quẽna i yarãre ñare ñagũ vamasiniñuju Moisés. To ejacðari, i yarã juarã Ina gãmerã quẽñarore ñamasiniñuju I. Ñare ñacðari, ado bajiro ñare yimasiboayuju. "Yure ajiya maji. ¿No yirã cojo masa ñaboarine, gãmerã quẽati mua?", ñare yimasiboayuju. ²⁷ To i yirone, i babare quẽagũaju, Moisére ñare tuorcacõañuju, ñare jũnisinigu: "¿Ñimu Ina uju ñaña' mure yicati?" ²⁸ ¿Ñamica egipcio masure mu sñariarore bajiro yure quẽne sñaru yatique mua?", ñare yimasiniñuju I, Moisére. ²⁹ To bajiro i yisere ajicðari, Egipto sita ñar'i, Madián sitajure rudicoamasiñuju Moisés. Toju manajo bujacðari, juarã rĩa cutimasiniñuju I.

³⁰ To bajiri, cuarenta ñaricãmari bero, cojorũmu Sina'i vãme cutiricu gütãu tũju yucú manojure vacudigu vamasiniñuju Moisés. To bajiro i bajirone, i tũjure yucú zarza vãme cutiu, uju rãgõmasiniñuju. To bajiro vatoajure ruyuarãgũñuju ángel. ³¹ Tire ñacðari, uccacoamasiñuju Moisés. Quẽnaro ñaru tũbusaca i vatone ado bajiro ñare ñagõmasiniñuju Dios: ³² "Yune ñaja Dios. Mu ñicua Abraham, Isaac, Jacob quẽne Ina rãcubuoacane ñaja yu", yimasiniñuju Dios, Moisére. Tire ajicðari, güigu nanamasiniñuju I. To bajiri, ñaruabetimasiniñuju. ³³ Quẽna tudinãgõñuju Dios: "Adone yu ñaro ñaja ti. To bajiri mu gubo sudi vejeya mu, yure rãcubuoju. ³⁴ Yu yarã Israel ñamasir'i jãnerabatia, Egiptoju rojose Ina tãmuosere ñarũgũajaju yu. To bajicðari, Ina sutiritisere ñaja yu. To bajiri, 'Egiptoanare cãmotadiato Ina' yigu, ñare yirẽmogũ vabu yu. Egiptoju quẽna mure tudiarotiaja yu", ñare yimasiniñuju Dios —yigotiyuju Esteban, ujarãre.

³⁵ To yicða, quẽna gotirũtuasuju:

—Moiséne ñaami, mani ñicua Ina ajiruabetir'i. "Yua uju me ñaja mu. Rojose yua yisere ñacðarimasu me ñaja mu", ñare yimasiniñujarã mani ñicua. To bajiro Ina yiboajaquẽne, Diojuama, Egiptoju ñamasiriarãre ñare ñmato varocure yigu, yucú zarza vãme cutiu ujuñaro vatoajure ángel suorine Moisére gotimasiniñuju Dios. ³⁶ To bajiri ñañañamanire yũomasiniñuju Moisés, Egiptoju. To yigajano, mani ñicua ñamasiriarãre ñare ñmato vadimasiniñuju. To bajivacu, moa riaga Oco Sũarisã vãme cutojore, to yicðari, yucú manojure quẽne ñañañamanire ñare yũomasiniñuju Moisés. ³⁷ Ñe ñamasinumi ado bajiro mani ñicua ñamasiriarãre ñare gotimasir'i: "Dios mani jacu yure i cõacatore bajirone, gãji i ocare gotirocure cõarũcumi. Dios i cõarõcuma, mani yune ñarũcumi", yimasiniñuju Moisés mani ñicua ñamasiriarãre. ³⁸ Moiséne mani ñicua ñamasiriarã rãca gütãu Sina'i vãme cutiu veaju rẽjamasiniñuju. I sũgũne gütãujure mujacðari, ángel rãca ñagõmasiniñuju. To i yijare, ñare ñimasiniñuju, Dios i rotisere, mani jedirone mani ajitirãnu sayarotire.

³⁹ To bajiboarine tire ĩ gotisere ajiruabetimasiñujarã ĩna, mani ñicua. Tire ajiterã ñari, quẽna Egiptojure tudiaruamasasiñujarã ĩna. ⁴⁰ To yicõari Moisés gũtau joeju ĩ ñatoye rĩne, ĩ gagu Aarõn vãme cutigure ado bajiro ĩre yimasiñujarã ĩna: “¿Noju ñati mu bedi, Egipto sitaju mani ñaro manire ùmato vadicaçuma? Toju ĩ bajijnasere masibeaja mani. To bajiri, Diore bajiro bajigure mani rãcubũorocure quẽnoña mu. ĩ ùgũ rãca mani ñajama, manire quẽnaruarõja ti. No mani varuareore manire ùmato varucumi”, yimasiñujarã, Aarõn ñamasir'ire. ⁴¹ To yirã ñari, ta vecu macucare bajigu quẽnorujeomasasiñujarã ĩna. To yicõari, vaibucurã ecariarãre sãacõari, soeĩsimasiñujarã. To yicõari, basavariquẽna codemasasiñujarã, ĩna quẽnorujeor'i ta vecu macure bajigu ñagũre rãcubũorã. ⁴² To bajiri Dios ĩnare ĩatirũnu tujacoamasasiñuju. ĩna bojarore bajiro ĩna yirũajare, ĩnare matabetimasiñuju Dios. To bajiri ñocoare, muĩjure quẽne, ñamiagu muĩjure quẽne, yirũcubũomasasiñujarã ĩna yuja. To bajiri Diore gotirẽtobosamasir'i, Amõs, ado bajiro ĩ ucamasire ñajare, bajiyuju ti:

“Israel ñamasir'i jãnerabatia, yure ajija mua: ¿Cuarenta ñaricũmari yucũ manõju ñarã, vaibucurã, mua sãarãre yure rãcubũorã, yure soeĩsirũgũcati mua?

⁴³ Yure rũcubũomenane, mua masu mua quẽnorujeoriarãrene rãcubũocaju mua. Mojariviaca quẽnocaju mua. To yicõari, ti vi jubeaju Moloc vãme cutigure ĩre jeocõari gajarũgũcaju mua. Gãjire quẽne ñocore bajiro bajigure mua quẽnorujeor'ire, Refãn vãme cutigure ĩre rãcubũocaju mua. To bajiro mua yirũgũcati ñajare, Babilonia sojuaju muare cõarucuju yu”, yimasiñuju Dios ĩnare —yiyuju Esteban, ujarãre gotigu.

⁴⁴ To yicõa, ado bajiro ĩnare gotirẽmoñuju Esteban:

—To bajiri mani ñicua yucũ manõju ñarã, cabra vãme cutirã gase rãca ĩna quẽnoriovire cuomasasiñujarã ĩna. “Mani rãca ñagũmi Dios” ĩna yirũcubũorivi ñamasasiñuju ti vi. Dios, Moisére ĩ yĩoriarore bajirone ti vire quẽnorujeomasasiñujarã ĩna. No ĩna bojaro vana quẽne ti vire ãmicoarũgũmasasiñujarã ĩna. ⁴⁵ Moisés ĩ rijato bero, Josué vãme cutigu ĩre ñavasoamasasiñuju. Moisés rãcana ĩna bajirearo bero, ti vire cuosuyayujarã ĩna rĩa, mani ñicua. Ti vire ãmicõari, adi sita Canaãn vãme cuti sitajure vadimasiñujarã ĩna. To bajiri Dios ĩnare yirẽmoñuju, mani ñicuarẽ. Adi sita ñaboarãre ĩnare bucõamasasiñuju Dios. To ĩ yiriaro bero, mani ñicu David ñamasir'i ĩ ñaro quẽne ñacõamasasiñuju ti vi maji, cabra gasene ĩna quẽnorivi. ⁴⁶ David ñamasir'ire quẽnaro ĩre yimasiñuju Dios. To bajiri Diore variquẽnagũ ñari, ĩ yarã Jacob jãnerabatia rãca, ĩre ĩna yirũcubũoroti vire ĩre buabosaruamasasiñuju. To ĩ yituoĩabõjaquẽne, ĩre buarõtibetimasiñuju Dios. ⁴⁷ David macu Salomõn ñamasir'ijua Diore ĩre vi buabosamasasiñuju yuja —yiyuju Esteban, ujarãre gotigu.

⁴⁸ To yicõa, quẽna gotirũtuasuju ĩ:

—To bajiboarine, masa ĩna quẽnoriovire ñabecumi Dios, Diore ĩre gotirẽtobosamasir'i, ado bajiro ucamasire ñajare:

⁴⁹ “‘Adi macarucuroaye, to yicõari, õ vecaye ñajediro uju ñaja yu. To bajiro bajigu yu ñabõjaquẽne, ¿no bajirivi yure buabosaruarãda mua? ¿No bajiriju quẽnobosaruarãda yu ususãjarõtijurema?

⁵⁰ Yune ñaja ñajediro rujeocacuma' yami Dios”, yucamasasiñumi ĩre gotirẽtobosamasir'i —yigotiyuju Esteban.

⁵¹ To bajiro ĩnare yigajano, ado bajiro ĩnare gotirẽmoñuju quẽna:

—Dios ocare ajitirũnũbetirũgũaja mua. “Dios magũmi” yirãre bajiro ĩ ocare ajiteaja mua. Mani ñicuarẽ bajiro Dios ĩ cõagũ Esp'iritu Santore cudimena ñaja mua. ⁵² Siggũ, Diore gotirẽtobosar'i, mua ñicua quẽnaro ĩna yir'ĩ manicoayumi. To bajiri, Cristo rojose yibecure, ĩ ejarõtire gotiriarãre quẽne ĩnare sãamasasiñuma mua ñicua. To yiriarã ñari, cãnrĩbusane “Jesũre ĩre sãato” yirã ĩre ĩaterãre ĩsirocayuja mua. To bajiro mua yijare, ĩre sãaũuma. ⁵³ Dios ĩ rotimasiñere cudibetirũgũaja mua, ãngel mesa suori mua ñicua ĩna goticore ti ñabõjaquẽne —ujarãre ĩnare yiyuju Esteban.

Estebanre ĩre ĩna sãare queti

⁵⁴ Tire ajicõari, yaia guarãre bajiro guji ĩoñujarã ĩna, Estebanre bũto jũnisinirã ñari. ⁵⁵ To bajiro ĩre ĩna yibõjaquẽne, Esp'iritu Santo ĩ masisere ujar'ĩ ĩ ñajare, bũtobusa ĩre ejarẽmoñuju Esp'iritu Santo. To bajiri, õ vecaju ĩamuogãne, Dios ĩ ñasere ĩabujayuju. To bajicõari, ĩ riojõjacatua ñagũre Jesũre quẽne ĩaũuju. ⁵⁶ Tire ĩacõari, ado bajiro ujarãre ĩnare yiyuju Esteban:

—ĩaũa mua quẽne. Eũmuagasero soje jãnacõaju. Dios ĩ roticõacacu, ĩ riojõjacatuaũjuare ñaami —yiyuju Esteban.

⁵⁷ To ĩ yijare, quẽna ĩ tudĩñagõrotire ajiterã, ĩna gãmo gojerire bibeyujarã ĩna. To yĩ, ĩna jediro bũto avasãcõari, ĩre ñiarã ùmarẽjañujarã ĩna. ⁵⁸ To yicõari, ti maca sojuaju ĩre vejacoasujarã ĩna, gũtarine ĩre reasãroana. Toju eja, ĩna sudi joeayerẽ vejecõari, Saulo vãme cutigure ĩre ĩsiñujarã ĩna, “Tire codebosato” yirã. To yicõari, gũtarine Estebanre ĩre reasõvasujarã ĩna.

⁵⁹ Gātane ĩre ĩna reaĥarone, Jesúre ado bajiro sēniñuju Esteban:

—Jesús, yu ĩju yu usure bocañiña mu —yiyuju Esteban.

⁶⁰ To yí, gusomuniari tuetucōari, avasāñuju Esteban:

—Yure rojose ĩna yisere ĩnare masirioya mu —Jesúre ĩre yisēniñuju Esteban.

To yigajanogüne, rijacoa tujasuju Esteban.

8

Saulo, Jesúre ajitirānūrāre rojose ĩyirūgūre queti

¹⁻³ Estebanre gātane ĩre reasīariarā rācagu, ĩna sudire coderine ñañuju Saulo. “Estebanre ĩre śiacōato”, yitōiañuju ĩ quēne. Esteban ĩ śiacoro bero, ĩ rujurire ĩacōari, śīgūri jud'io masa Diore quēnaro rācubūorā ĩre yuyujarā ĩna. To yirāne, buto otiyujarā Estebanre. Tirāmurine Jesúre ajitirānūrāre Jerusalēnju ñarāre rojose yisuoýujarā ti macana. To bajiri Saulo quēne. Jesúre ajitirānūrāre cojovi ruyabeto ĩnare macañuju ĩ. ĩnare bujagune, ũmūare quēne rōmiare quēne ĩnare juacōari tubibecūrūgūñuju ĩ. To bajiri ĩna jedirone Jesúre ajitirānūrā, ĩ gotiroticōasuriorārā rāca ñariarā rudiasujarā Judea sitaju, to yicōari, Samaria sitajure quēne. Jesús ĩ gotiroticōasuriorārāma Jerusalēnre vaveobesujarā ĩna.

Jesucristo yere Samaria sitaju Felipe ĩ gotimasioire queti

⁴ Jerusalēn macana rudiriarā no ĩna vacudiro cōrone Jesús yere gotimasioyujarā ĩna. ⁵ Felipe, Jerusalēnju ñar'i, Samaria sita ñarimacajure vasuju. Toju ejacōari, “Rotimūorūgōrūcūmi” yigu Dios ĩ cōar'i Jesús yere ĩnare gotimasioñuju Felipe. ⁶ Jājarā masa rējañujarā, ĩ gotisere ajiruarā ñari. To bajicōari, ĩaĥañamanire ĩyīosere ĩañujarā ĩna. To bajicōari ĩ gotimasiosere quēnaro ajiyujarā ĩna. ⁷ To ĩna bajirone jājarā masa usurijure sāñarāre vātiare bureayuju Felipe. ĩnare ĩ bureajare, buto avasābudivasujarā ĩna vātia. Jājarā rijarāre quēne catioyuju ĩ. Mīcarāre, rujasagueri vanare quēne quēneojarotiyuju ĩ. ⁸ To bajiri ti macana buto variquēñañujarā ĩna.

⁹⁻¹¹ Ti macajure Simón vāme cutigu ñañuju. Cojo cāma me ĩ masisere yīoñuju ĩ. “Gājerā rētoro masigū ñaja yu” yigu, ĩaĥañamani yīorūgūñuju ĩ. To bajiro yigu ñari, “Yu ñaja ñamasugāma”, yiyuju ĩ, masare. To ĩ yise ñajare, śīgū ruyariaro mano ĩre ajiyujarā. Bucuarā quēne, rīamasa quēne jediro quēnaro ĩre ajiyujarā ĩna. “Diore bajiro masiami”, ĩre yirācubūorūgūñujarā ĩna. ¹² To yiriarā ñaboarine, Jesucristo ĩ rijabosare suorine ĩre ajitirānūrāre, “Yu yarā ñaja” Dios ĩ yīavariquēnasere gotiyuju Felipe. Tire ajicōari, Jesúre ĩre ajitirānūrāre ũmua, rōmia quēne. To yicōari, oco rāca Felipere ĩre bautizarotiyujarā, “Jesúre ajitirānūaja” yirā. ¹³ Simón quēne, Jesús yere ajitirānūañuju ĩ. To yicōari, oco rāca bautizarotiyuju ĩ quēne. To ĩ yiro bero, Felipere baba cutisuoýuju. To yicōari ĩaĥañamanire Dios ĩ masise rāca Felipe yīosere ĩacōari, no yimasibesuju Simón, ti ũnire ĩabetirūgūr'i ñari.

¹⁴ Jesús gotiroticōasuriorārā Jerusalēnju ñarā, “Samaria sitana jājarā Dios ocare ajitirānūañujarā” yire quetire ajiyujarā ĩna. To bajiri, Samariajare cōañujarā ĩna, Pedrore, to yicōari, Juanre quēne. ¹⁵⁻¹⁶ To bajiri, Samaria sitajure ejacōari, Diore ĩnare sēnibosayujarā ĩna, toana Jesúre ajitirānūsuarāre. Oco rāca bautizarotiriarā ĩna ñaboajaquēne, Dios ĩ cōagū Esp'iritu Santo ĩnare ejabesuju maji. To bajiri, “Esp'iritu Santo ĩnare ejato” yirā, Diore sēniñujarā ĩna. ¹⁷ To yicōari, Pedro, Juan rāca, Diore sēnicōari Jesúre ajitirānūsuarāre ĩna āmori rāca ĩnare ñujeoyujarā ĩna. To cōrojū Esp'iritu Santo ejayuju, ĩnare.

¹⁸⁻¹⁹ ĩna āmori rāca ĩna ñujeorone Esp'iritu Santo ĩ ejasere ĩañuju Simón. Tire ĩacōari ĩnare gājoa ĩsirū, ado bajiro yiyuju Simón:

—Gājerāre yu āmo ñujeorone Esp'iritu Santo ĩ ejarotire bojaja yu quēne —ĩnare yiyuju Simón.

²⁰ To bajiro ĩ yisere ajicōari, ado bajiro ĩre cudiyuju Pedro:

—Vaja mani Dios ĩ cōasere, “Vaja yire ñaroja ti”, yitōiaĥoaja mu. To bajiro yitōiaĥū ñari, mu gājoa rācane bajirocacōarūcūja mu. ²¹ Rojose mu tuoĥasere masiami Dios. To bajiri, Esp'iritu Santore mure cōabetirūcūmi Dios. ²²⁻²³ Mu tuoĥasere ĩamasicōaja yu. Rojose rīne tuoĥagū ñaja mu. To bajiri, rojose mu tuoĥasere yitūjaya. To yicōari, Diore sēniña mu, “Rojose yu yisere masirioya” yigu —yiyuju Pedro.

²⁴ To bajiro ĩ yisere ajicōari, ado bajiro ĩre cudiyuju Simón:

—Diore sēnibosaya mu, yare. Muā gotisere bajiro yare ti bajirore bojabeaja yu —yiyuju Simón.

²⁵ To ĩ yiro bero, Jesús ĩ yirere ĩna ĩarere, to yicōari, ĩ gotimasiorere ti macanare gotiyujarā. ĩnare gotimasio gajanocōari, Jerusalēnju tudianane Samaria sita ñarimacarianare Jesús ye quēnasere ĩnare gotimasioñujarā ĩna.

Etiop'ia sitagure Felipe, oco rāca ĩ bautizare queti

²⁶ To ĩna bajīñarone, Felipere ado bajiro ĩre yiyuju āngel:

—Jerusalénju vasa. To ejačōari, Gaza vāme cuti maca vati maare vaja m̄. Yucá manoju ñavati maa ñaja ti maama —yiyuju ángel, Felipere.

²⁷ To bajiri Felipe vacoasuju, ángel ĩ gotiriarore bajirone. Maa vacu, Etiop'ia sitana h̄jore gājoa codebosarimasare ĩre ñañuju Felipe. Jerusalénju Diore ĩre r̄acubwogu ejar'ĭ, tudiacu bajiyuju ĩ. ²⁸ Caballo ĩ t̄aa vaticoroju s̄añacōari, Diore gotir̄etobosamasir'ĭ, Isa'ias ĩ ucamasirere bues̄añañuju ĩ.

²⁹ To bajiri, ado bajiro yiyuju Esp'iritu Santo, Felipere:

—Ī tubusa vacōari, ĩre baba cuti vasa m̄ —yiyuju, Felipere.

³⁰ To bajiri ĩ tu vaejacōari, ajiyuju, Diore gotir̄etobosamasir'ĭ Isa'ias ĩ ucamasirere ĩ buesere ajiyuju Felipe. Tire ajicōari,

—¿M̄ buesere ajimasiati m̄? —yiyuju Felipe, Etiop'iağure.

³¹ To ĩ yirone:

—“To bajiro yir̄aro yaja”, yiajimasibeaja yu, ñimu yure ĩ gotiro cōro —yiyuju ĩ, Felipere. To yigune, —Yu tu vas̄ajaguaya —yiyuju Etiop'iağa.

³² Dios ocare Isa'ias ñamasir'ĭ ĩ ucamasirere ĩ buere ado bajiro yiyuju ti:

“Ovejare s̄iaroana ĩre ñiacōari ĩna jiatore bajiro ĩre yir̄ar̄ama ĩna. To bajiri, ovejare ĩna joa suaro ĩ avas̄abetore bajiro yigu, rojose ĩre ĩna yiboajaquēne, ñagōbetiracūmi.

³³ Masa ĩna ĩaro r̄joro bojoneose yiecoracūmi. Rojose ĩ yibetiboajaquēne, ‘Rojose yigu me ñaami’ ĩre yibosagu manir̄acūmi. To bajiri, ĩ s̄iaecoro bero, ‘Ī j̄anerabatia ñaama’ yimasiña manir̄aroja”, yiucomasire ñañuju, Etiop'iağa ĩ buere.

³⁴ To bajiri,

—Yure gotiya m̄. Ñimure yiro yati, to bajiro ti yijama. ¿Ī masune ĩ bajiro tire tuoīacōari yiyujari? ¿Gāji ĩ bajiro tire yigu, ucamasifujarique ĩ? —yiyuju Etiop'iağa, Felipere.

³⁵ To ĩ yijare, Isa'ias ĩ ucamasirere ĩre ĩagotigune, ado bajiro ĩre gotiyuju Felipe:

—Isa'ias ñamasir'ĭ to bajiro ĩ ucajama, Jesús ĩ bajiro tire yigu yimasiñumi —ĩre yigotiyuju Felipe. To yicōari, Jesús ĩ bajir̄arere ĩre gotimasioñuju yuja.

³⁶ To yi vana r̄ine, maa tu űtabyc̄ura ejayujar̄a ĩna. To eja,

—Īña, ado ñaja oco. ¿Yuc̄ne, oco r̄aca yure bautizar̄abeati m̄? —yiyuju Etiop'iağa, Felipere.

³⁷ To ĩ yirone, ado bajiro ĩre yiyuju Felipe:

— ‘Jesúne ñaami Dios macu, rotim̄or̄agōroc̄u’ yigu ĩ cōar'ĭ” m̄ yijama, oco r̄aca mure bautizar̄acuja yu —ĩre yiyuju Felipe.

To ĩ yirone, ado bajiro ĩre cudiyuju Etiop'iağa:

—To bajirone bojaja. Jesúne ñaami Dios macu, rotim̄or̄agōroc̄u yigu ĩ cōar'ĭ, yaja yu —yiyuju Etiop'iağa.

³⁸ To yi, űtabyc̄ura tuju tujayujar̄a. To bajicōari, űmato rojasuju, oco r̄aca Etiop'iağure ĩre bautizaguacu. ³⁹ ĩre bautiza gajano, ĩna majar̄agurone, ñaro t̄sarone ruyubetiboarine Esp'iritu Santo ĩre ñmicoasuju, Felipere. To bajiri ĩre ĩabeticōa tujasuju Etiop'iağa. To bajiboajaquēne, quēnaro variquēna vasuju ĩ Etiop'iağa. ⁴⁰ Felipejuama, “To bajiro bajir̄iaja” yiri mene, Azoto vāme cuti macaju ejayuju. Toju ñacōari, cojo maca ruyabeto Jesús ĩ bajirere masare gotimasiocudiyuju ĩ. Goticudigu r̄ine, Cesarea vāme ti macajure ejacoasuju ĩ Felipe.

9

Saulo, tuoīavasoačōari, Jesúre ĩ ajitir̄anure queti
(Hch 22.6-16; 26.12-18)

¹ Saulo ñañuju. Jesúre ajitir̄anur̄are s̄iaru, buto ĩnare ĩajūnisinir̄ugūñuju maji. To bajiri, paia uju ñamasuḡure s̄enigū vasuju. ² Damasco vāme cuti maca ñarivi, Dios ocare ĩna buerivir̄iju Jesúre ajitir̄anur̄are macagū varu, papera s̄eniñuju:

—Īnare yu ĩabujaro cōrone űm̄are, r̄omiare quēne, juadir̄acuja yu, Jerusalénju ĩnare tubibec̄ur̄a —yiyuju Saulo, paia uju ñamasuḡure s̄enigū.

³ ĩre s̄enigajano, vasuju ĩ. Maa ĩ vato r̄ine Damasco macaju ĩ cōñatone, ñaro t̄sarone vecaju buto caje mose busurujayuju ti. ⁴ To bajiro ti bajijare, quedirocac̄ucoasuju Saulo. Ī quedirocac̄uatone, ado bajiro ocaruyuyuju ti:

—Saulo, Saulo, ¿no yigu rojose yure yis̄yar̄uḡuati m̄? —yi ocaruyuyuju, ō vecaju.

⁵ To bajiro ti yirone,

—¿Ñimu űgū ñacōari, to bajise yure yati m̄? —yiyuju Saulo.

To ĩ yirone,

—Yune ñaja, Jesús, rojose m̄ yis̄yar̄uḡuḡane —ĩre yiyuju Jesús. ⁶ To bajiro ĩre yicōa, —Damascoju vasa m̄. To m̄ ejaro, “Ado bajiro yija”, m̄are yir̄ar̄ama —Saulore yiyuju Jesús.

⁷ Saulo rāca vana, masa maniboarine, to bajiro yi ocaruyusere ajicōari, no yimasibesujarā ĩna. ⁸ To ti bajiro bero, vāmūrügücōari, ĩaruaboayuju Saulo. Ī caje ruyubesuju. To ĩ bajijare, ĩ babarā Damascoju vana ĩre tūa vasujarā ĩna. ⁹ Damascoju ejacōari, idiarūmū ĩabeti, babeti, idibeti, bajiñañuju Saulo.

¹⁰ Damascojare Jesúre ajitirānugū ñañuju ĩ, Anan'ias vāme cutigu. ĩre ruyuaicōari:

—Anan'ias —ĩre yiyuju Jesús.

—Adone ñaja yu —yiyuju Anan'ias.

¹¹ To ĩ yirone,

—Vasa Riojo vāme cuti maajare. Ti maa vacune, Judas vāme cutigu ya vire ejarucuja mu. Toju ejacōari, “¿Adone ñati Saulo, Tarso vāme cuti macagu?”, ĩre yiba mu. Yucurema yure sēnigū yami Saulo. ¹² ĩĕre ĩre ĩomu yu, ĩ tujū mu ejarotire. To bajiri ĩ tu sājaejacōari mu āmo ñujeorucuja mu, “Quēna tudīiāto” yigu —Anan'iare yiyuju Jesús.

¹³ Tire ajicōari, ado bajiro yiyuju Anan'ias:

—Buto queti ajirūgūaja yu, Diore ajitirānūrāre Jerusalēnju ñarāre rojose ĩ yirūgūrere. ¹⁴ Yūare mure rācūbuorāre tubiberu, ejarimi —Jesúre ĩre yiyuju Anan'ias.

¹⁵ To ĩ yise ñajare, ado bajiro Anan'iare gotiyuju Jesús:

—Yu ocare masare gotimasiorocu yigu, ĩre cūmu yu, Saulore. Ujarāre, jud'io masare quēne, jud'io masa mere quēne gotimasiorucumi. ¹⁶ To bajiri, “Yure gotimasiosobagu ñari, rojose tāmuorucuja mu”, ĩre yirucuja yu —Anan'iare ĩre yiyuju Jesús.

¹⁷ To ĩ yijare, vacoasuju Anan'ias. Vijū sājaejacōari, ĩ āmo ñujeoyuju, Saulore. To yigune,

—Yu rācagu, ajiya mu. Jesús mani uju, mu vado, mure ruyuaiorine yure cōami, “Quēna tudi caje ĩato” yigu. “Dios ĩ cōagū Esp'iritu Santo mure ejato” yigu yure cōami —Saulore ĩre yiyuju Anan'ias.

¹⁸ To ĩ yirone, rujarātūrori ĩ cajearijure ñase jānevējañuju, Saulore. To ti bajirone quēna tudīiacoasuju Saulo. To bajisere ĩacōari, vāmūrügücōari, oco rāca ĩre bautizarotiyuju Saulo, “Jesúre ajitirānugū ñaja yu” yigu. ¹⁹ To ĩ yiro bero, bacōari, rujū tūmacoasuju Saulo quēna. To bajiri yoarobusa ñañuju Saulo, Jesúre ajitirānūrā rāca, Damascoju.

Saulo, Jesús yere Damascoju ĩ gotimasiosore queti

²⁰ Bero, Dios ocare ĩna buerivijū sājaejacōari, “Dios macu ñaami Jesús”, ĩnare yigotimasioñuju Saulo. ²¹ To ĩ yisere ajicōari, no yimasibesujarā ĩna, ñajediro:

—Āni Saulo, ¿Jerusalēnju Jesúre ajitirānūrāre ĩnare sīar'i me ñati? To yicōari, ¿Jesúre ajitirānūrāre ñejeru me adojure vayujari ĩ? ¿ĩnare ñejeōari, paia ujarāre ĩsibequida ĩ? —yiyujarā masa.

²² To bajiro ĩna yituoĭaboajaquēne, tocārācarāmū jājarābusa, Jesúre ajitirānūñujarā ĩna, Saulore ajicōari. “Socu me yaja yu. Jesúne ñaami, ‘Rotimūorūgōrucumi’ yigu Dios ĩ cōar'i”, yiyuju Saulo. Quēnaro ĩ gotise ñajare, no bajiro yimasibesujarā ĩna, jud'io masa Jesúre ĩre ajimena.

Jud'io masa, Saulore ĩre ĩna sīaruajare, ĩ rudire queti

²³ To bajiri Damascoju, Saulo ĩ gotiñasere ĩacōari, “ĩre sīaroti ñaja manire”, yituoĭañujarā ĩna, jud'io masa Jesúre ĩre ajitirānūmena. ²⁴ To bajiri ĩre ĩna sīaruasere ajiyuju Saulo. Ñami, āmua quēne ĩre sīaruarā, quearūgūñujarā ĩna maca budiriasojeri tujare. ²⁵ ĩre ĩna sīaruaboajaquēne, Saulo Jesús yere ĩ gotimasiosere ajitirānūrā ĩre ejarēmoñujarā, “Rudiajaro” yirā. Ñami, maca matariacāni veca ñarisiojeju, jibū jairijibūne sācōari, ticāni sayarojuaju ĩre rujlocōañujarā. To bajiro ĩna yijare, rudicoasuju Saulo.

Jerusalēnju Saulo ĩ bajire queti

²⁶ Rudiva, Jerusalēnju ejacoasuju ĩ. Tojare ejacōari, Jesúre ajitirānūrā rāca rējaruaboayuju ĩ. “Jesúre ĩre ajitirānugū me ñagūmi Saulo” yituoĭarā ñari, buto ĩre güiyujarā ĩna. ²⁷ To ĩna bajiboajaquēne, Bernabé vāme cutigu, Saulore ĩre ejarēmoñuju ĩ.

—Vayá. Jesús ĩ gotiroticōasuarāre ĩnare ñagōto mani —Saulore ĩre yiyuju Bernabé.

To yī, ĩna tujū ejacōari, ado bajiro Saulo ĩ bajirere ĩnare gotiyuju Bernabé:

—Ānire Saulore maaju ĩ vatone ĩre ruyuaioñuju Jesús. ĩre ruyuaicōari ĩre ñagōñuju ĩ. To ĩ yiro bero, Damasco vāme cuti macanare güibecune Jesús ĩ bajirere gotimasioñuju —ĩnare yiyuju Bernabé, Jesús ĩ gotiroticōasuarāre.

²⁸ To ĩ yisere ajicōari, “Mani rācagu ñaami Saulo”, ĩre yituoĭañujarā ĩna yuja. To ĩna yijare, Jerusalēnju ĩna rāca ñacōañuju Saulo. To bajiro bajigu rīne güiri mene Jerusalēn macanare Jesús ĩ bajirere ĩnare goticudiyuju ĩ. ²⁹ Jud'io masa ñaboarine griego oca ñagōrā quēne ñañujarā. To bajiri, Saulo rāca ñagōboanane, oca josayujarā. To yirāne, ĩre sīaruayujarā ĩna. ³⁰ ĩre ĩna sīaruasere ajicōari, Cesarea vāme cuti macaju Saulore ĩre āmicoasujarā ĩ rācana. ĩre āmiejacōari, ĩ ya macaju Tarso vāme cuti macajure cōacōañujarā ĩna.

³¹ Tirodore Judea, Samaria, Galilea sitana quēne Jesúre ajitirānūrā rojose tāmuobesujarā. Dios ī cōagū Espiritu Santo ĩnare ī ejarēmose rāca Jesús ocare butobusa ajivariquēnarūtusujarā ĩna, Jesúre ajitirānūrā. To bajiri jājarābusa ĩnarūtusujarā ĩna, Diore quēnaro cūdirā.

Micagūre Pedro ī catioire queti

³² To bajiri Jesús ī gotiroticōasuriorārā rācagu Pedro vāme cutigu, Jesúre ajitirānūrāre ĩacudigu, Lida vāme cuti macaju, ejayuju Pedro. ³³ Toju ejacōari, micagūre Eneas vāme cutigūre ĩre ĩabujayuju ĩ. Cojomo cōro idia jēnituarō rāca cūmari ī cānjesarioju jē-sacōarūgūñuju ĩ. ³⁴ ĩre ĩabujacōari, ado bajiro ĩre yiyuju Pedro:

—Ajiya mu. Jesucristo mre catioami. To bajiri vāmūrūgūña. To bajicōari mu cānjesarioire quēnocūña mu —yiyuju Pedro.

To bajiro ī yirone, micagū ĩnaboar'ī vāmūrūgūñuju ĩ. ³⁵ ĩ bajisere ĩañujarā Lida vāme cuti macana, to yicōari, Sarón vāme cuti macana quēne. Tire ĩacōari, Jesúre ĩre ajitirānūñujarā ĩna jediro.

Rijariore Pedro ī catioire queti

³⁶ Tirāmuri Jope vāme cuti macaju Tabita vāme cutigo ĩañuju so. Jesúre ĩre ajitirānūgō ĩañuju. Griego ocarema, Dorcas vāme cutigo ĩañuju. Quēnase yigo ĩañuju so. Maioro bajirāre quēnaro yirēmōrūgūñuju. ³⁷ To bajiro yicudiboacone, bajirocacoasuju so. To bajiri so yarā so bajirocato ĩacōari, rijariarāre ĩna yirūgūriarore bajiro sore ĩna yujeroto rījoro, so rujare coecōari, vecaga sōaju sore cūñujarā ĩna. ³⁸ Jope vāme cuti maca tune ĩañuju Lida vāme cuti maca. To bajiri, Lida macaju Pedro ĩ nasere ajiyujarā Jope macana, Jesúre ajitirānūrā. Tire ajicōari, juarā, Pedore “ĩre jirā vajaro” yirā ĩnare cōañujarā ĩna. To bajiro ĩna yicōariarā, ī taju ejacōari, ado bajiro ĩre yiyujarā ĩna:

—Yua rāca guaro vayā —ĩre yiyujarā ĩna.

³⁹ To ĩna yisere ajicōari, ĩna rāca vacoasuju Pedro. Toju ejacōari, Dorcas bajirocario so ĩarisōajure ĩre ĩmōcōañujarā ĩna. Jājarā manajua rijaveoriarā otiñañujarā ĩna, so ruju tare. To ĩna yiñarone, Pedro ī ejaro ĩacōari, ī tujare gānibiarūgūcoasujarā rōmia, ĩre gotiruarā:

—ĩña mu. Dorcas ĩnaboario so bajirocaroto rījoro jairo sudi yuare tiaĩsiboacamo —yirāne, Pedore ĩre juaĩoñujarā ĩna.

⁴⁰ To ĩna yirone,

—Adi sōare vijagocoasa maji —ĩnare yiyuju Pedro.

To yigajanocōari, gusomuniari tuetucōari, Diore sēniñuju Pedro. Diore sēnigajanocōari, rijariore judarūgū ĩañuju. Judarūgū ĩacōari:

—Tabita, vāmūrūjuña mu —sore yiyuju Pedro.

To ĩ yisere ajicōari, tudicaticoasuju so. To bajigo ĩnari, Pedore ĩacōari vāmūrūjuñuju so. ⁴¹ To so bajirone, so āmore ĩnacōari sore tūavāmūoñuju Pedro. To yicōari, ti sōare vijagoriarāre ĩnare jājarotiyuju quēna:

—Quēna so tudicatisere ĩarā vayā mua —ĩnare yiyuju Pedro, manajua rijaveoriarāre, gājerā Jesúre ajitirānūrāre quēne.

⁴² To bajiri, quēna so tudicatisere ajiyujarā toana Jope vāme cuti macana ĩajediro. Tire ajicōari, jājarā ĩañujarā “Jesús ī masise rāca yiyumi Pedro” yirā ĩnari, “Jesúre ajitirānūrā ĩnato mani quēne” yirā. ⁴³ To bajiro ī yiro bero, yoaro Jopeju ĩacudiyuju Pedro, vaibucarā gasene sudi, to yicōari vasojoari quēnorimasu, Simón vāme cutigu tujare.

10

Cornelio taju Pedro ī vare queti

¹ To bajiri Cesarea vāme cuti macajure, Cornelio vāme cutigu ĩañuju ĩ. Surara mesare coderā uju ĩañuju romano masu. Italia sitana surara uju ĩañuju ĩ. To bajiri cojomo cōro masa cōro ĩnarāre rotigu ĩañuju ĩ. ² Jud'io masu me ĩnaboarine, quēnaro Diore ĩre rūcuboyuju, ī ya viana rāca. Jud'io masare maioro bajirāre quēnaro ĩnare yirēmōrūgūñuju ĩ. Tocārācarāmune Diore ĩre sēnirūgūñuju. ³ To bajiri cojoramu ĩnamicajua tusato, āngel ĩre ruyuaĩoñuju, Corneliore.

Quēnaro ĩre ĩamasucōañuju Cornelio. ĩ tujare sājajacōari,

—ĩCornelio! —ĩre yiyuju āngel.

⁴ To ī yiboajaquēne, ĩre cūdibesuju maji. ĩre gūigu ĩnari, ĩre ĩacōa ĩañuju Cornelio. To bajigune,

—¿Ñie bojati mu? —ĩre yiyuju Cornelio.

To ĩ yirone,

—Diore ĩre mu sēnisere ajivariquēnarūgūami. Maioro bajirāre mu ejarēmōsere quēne ĩavariquēnarūgūami. To bajiri mre quēnaro yiguagu yami. ⁵ To bajiri, Jope vāme cuti

macajure ñaami Simón Pedro vāme cutigu. Īre jirā varonare ĩnare cōañā mu. ⁶ Gāji Simón vaibucurā gasene sudi, to yicōari vasojoari quēnorimasu ya vijure ñaami Simón Pedro, utabucura taju ñarivire —Īre yiyuju ángel, Corneliore.

⁷ To yigajanocōari, ĩre vaveocoasuju ángel. Ī vato bero, juarā ĩre moabosarimasare to yicōari, ĩ surarare quēnaro Diore ajirūcubuoagure quēne ĩre jiyuju Cornelio. ⁸ ĩnare jicōari, ángel ĩre ĩ gotirere ĩnare gotiyuju. To yigajanocōari, Jope macaju ĩnare varotiyuju.

⁹ To ĩ yicōariarā, gajerāmu āmurecaji ñaro Jope maca tu tāsasujarā ĩna. To ĩna bajirone, vi rijo tūñaju mujacōari, Diore ĩre sēniñuju Pedro. ¹⁰ Yoaro Diore sēniñagū ñari, ñiorijacoasuju. To bajiri gājerāre ĩre ĩna bare quēnobosañasere yuyuju ĩ. To ĩ bajiñarone, ado bajise ĩre ruyuaioñuju Pedrorre: ¹¹ Ō vecaju āmua gasero soje jānacōasuju ti. To bajicōari, sudijāi jairijāi juajacatua gaja ñiacōari yorujicōariarore bajiro rujiayuju ti. Rujiadi, ĩ taju ejayuju. ¹² Tojare ñañujarā vaibucurā jediro. Jēnirā, vuarā, āña quēne, ñajediro ñañujarā ĩna. ¹³ ĩ taju ti ejaro, ado bajiro yi ocaruyuyuju ō vecaju, Pedrorre:

—Vūmurūgūña mu. ĩnare siacōari, baya —ĩre yi ocaruyuyuju.

¹⁴ Tire ajicōari ado bajiro yiyuju Pedro:

—Babeaja ya. Rēoriarāre divatojuane baīabeticaju ya —boca yicōañuju Pedro.

¹⁵ To ĩ yirone, quēna ocaruyuyuju:

—“Rēore ñaja”, yibesā. “Baya” Dios ĩ yisema, quēnase ñaja —yi ocaruyuyuju.

¹⁶ Idiajiju ĩre bajīiocoasuju ti. To baji, tudimujacoasujarā. ¹⁷ Tire ĩacōari, “¿Ñie ũni yare bajiatī ti?”, yitūoñāju Pedro. To ĩ yīñarone, Simón vaibucurā gasene sudi, to yicōari vasojoari quēnorimasu ĩ ñarijare gājerāre sēniñacōari ĩ ya vi soje ture ejayujarā Cornelio ĩ cōariarā. ¹⁸ Ejacōari,

—¿Adi vire Simón Pedro vāme cutigu ñati? —yiyujarā ĩna.

¹⁹ Pedro ĩ ĩasere ĩ tūoñānarone, ado bajiro ĩre gotiyuju Esp'iritu Santo:

—Idiarā āmua mure macarā ejama. ²⁰ Vūmurūgūcōari, ĩnare ĩagū rujiāsa mu. Tūoñarejaibecune vasa, ya cōarā ĩna ñajare —Pedrorre ĩre yiyuju Esp'iritu Santo.

²¹ To bajiri, ĩna ture rujiacōari,

—Yune ñaja mu macagū. ¿No bajiro yirā vadi mu? —ĩnare yiyuju ĩ.

²² To bajiro ĩ yisere ajicōari, ado bajiro Pedrorre gotiyujarā ĩna:

—Yua ũju Cornelio yuare cōami. Surara ũju ñaami. Quēnaro Diore ajirūcubuoami. “Quēnase yigu ñaami”, ĩre yama jud'io masa jediro. To bajiri ado bajiro ĩre gotiyuju ángel: “Cornelio ajija mu. Simón Pedrorre jiaya mu. To yicōari ĩ gotisere quēnaro ajiba mu”, yua ũjare ĩre yiyuju ángel —yiyujarā Cornelio ĩ cōariarā, Simón Pedrorre.

²³ To ĩna yisere ajicōari, ado bajiro ĩnare yiyuju Pedro:

—Ado sājaaya maji. Rāioato yaja. Ya tu cāniña maji —ĩnare yiyuju Pedro.

To yi, gajerāmu ĩna rāca vasuju yuja. Sīgūri Joepana Jesúre ajitirānurā, ĩ rāca vasujarā, ĩre baba cuti vana.

²⁴ To bajiri gajerāmu, Cesarea vāme cuti macaju ejayujarā ĩna. ĩna ejaroto rījoro, ĩ yarāre, to yicōari, ĩ babarāre quēne ĩnare jirēoñuju Cornelio, “Simón Pedro ĩ gotisere ajito mani” yigu. ²⁵ To baji, vi taju ĩna ejarone, Pedrorre bocaāmiru budiasuju Cornelio. ĩre bocacōari, gūsomuniari tuetuyuju, Pedrorre rūcubuoagu. ²⁶ To ĩ yijare,

—Vūmurūgūña mu. Mure bajirone masu ñaja ya quēne —Corneliore ĩre yiyuju Pedro.

²⁷ To yi, gāmerā ñagōrāne vijū sājacoasujarā yuja. Sājaejacōari, jājarā ejacōari, bajīñarāre ĩnare ĩañuju Pedro.

²⁸ ĩnare ĩacōari, ado bajiro gotiyuju ĩ:

—Yua jud'io masa, gājerā masa ya vire yua sājajama, to yicōari, no bojariju gājerā masa rāca yua vusajama, yua ũjarā ĩna rotisere cudimena yirāja yua. Tire ajiriarāja mu. To bajiro ti bajiboajaquēne, Dioma ado bajiro yare yimasimi: “‘Quēñaja’ ya yisema quēnase ñaja. ‘Rēore ñaja’ yibesā mu”, yare yimasimi Dios. To bajiri, “Jud'io masu ñaboarine gājerā masa rāca ya ñajama, quēnacōaja ti”, yimasijaja ya yuja. ²⁹ To bajiri mu ocare ajicōari, tūoñarejaibecune vaba ya. To bajiri, ¿no bajiro yato yirā, yare bojacōari mu? —ĩnare yiyuju Pedro.

³⁰ To ĩ yisere ajicōari, ado bajiro ĩre cūdiyuju Cornelio:

—Cānu babarirāmu rījoroagarāmu, ñamicajua, ado cōro muiju ĩ tūsatone Diore sēniñamasimu ya. ĩre ya sēniñarone, sudi buto botise sāñacōari, yare ruyuarūgūmasimi ángel. ³¹ Ruyuarūgūcōari, ado bajiro yare gotimasimi: “Diore ĩre mu sēnisere ajivariquēnarūgūami. Maioro bajirāre mu ejarēmosere quēne ĩvariquēnarūgūami. To bajiri mure quēnaro yiguagu yami. ³² To bajiri, Jope macaju Simón Pedro vāme cutigure jiaya. Gāji Simón, vaibucurā gasene sudi, to yicōari vasojoari quēnorimasu ya vijure ñaami, utabucura taju ñarivire”, yare yimasimi ángel. ³³ To ĩ yijare, guaro mure jicōamasimu ya. Quēnaro vayuja mu. Ado mu

ejajare, variquēnaja yua. Adojure Dios ĩ ĩaro rējamu yua, ñajediro mure ĩ gotirotirere ajiruārā —Pedrore ĩre yiyuju Cornelio.

Cornelio rācanare Pedro ĩ gotire queti

³⁴ To bajiro ĩ yisere ajicōari, ado bajiro gotiyuju Pedro yuja:

—Ajimasaja yu yuja. Gājerā masare ĩ mairo rētoro jud'io masare maigū me ñaami Dios. ³⁵ No bojarāre Diore mani rācubuoajama, quēnaro mani yijama, cojoro cōrone manire ĩavariquēnaami Dios. ³⁶ Dios ĩ ejarēmose rāca yua yarā Israel ñamasir'ĩ jānerabatiare ĩnare gotimasiurūgūaja yua, ñajediro uju Jesucristo suorine Diorāca quēnaro ĩna ñaroti quetire. ³⁷⁻³⁸ Jesús, Nazaret vāme cuti macagu ĩ bajirere masirāja maa. Galilea vāme cuti sitaju oco rāca Juan ĩre ĩ bautizariaro bero, Esp'iritu Santore, to yicōari, ĩ masisere Jesure cōañumi Dios. To bajiro ĩ yicōar'ĩ ñari, masare quēnaro yicudicami, Galilea sitanare, to yicōari Judea sitanare quēne. ĩna usurijure vātia sāñarāre, vātiare ĩnare bureacudicami. Tire masirāja maa. ³⁹ Ti jedirore ĩacaju yua Jesús ĩ gotiroticōasuoacana, Jerusalén vāme cuti macaju yicature quēne. To bajiro ĩ yiro bero, Jerusalénju yucátēroju ĩre jajusiacama ĩna. ⁴⁰ To bajiro ĩre ĩna yiboajaquēne, idiarāmu tusatirāmune, ĩre catiocōari, “ĩnare ruyuaioña”, Jesure ĩre yiyumi Dios. ⁴¹ Jediro masa mere Jesure ĩre ruyuañorotiyumi. Rēmojane Jesús ĩ bajicature gotirona ĩ cūcana yua ñajare, “ĩre catiomyi Dios” yua yimasirotire yigu, ĩre ruyuañorotiyumi. To bajiri, Jesús ĩ tudicatio bero, ĩ rāca ba, idi, yicaju yua. ⁴² “Catirāre, bajireariarāre quēne ĩna yisere ĩacōiarocure Jesure ĩre cūñumi Dios”, yuare yigoticudiroticami Jesús. ⁴³ Diore gotirētosamasiriarā ĩna ñaro cōrone Jesús ĩ bajirotire ucamasifujarā ĩna. To bajiro yirā ñari, no bojarāre, Jesure ajitirānūrāre, rojose ĩna yisere Dios ĩ masirorotire ucamasifujarā —yiyuju Pedro.

Dios ĩ cōagū Esp'iritu Santo jud'io masa mere ĩnare ĩ ejasuore

⁴⁴ ĩnare ĩ gotimasio ñarone, Dios ĩ cōagū Esp'iritu Santo ĩnare ejayuju ĩ. ⁴⁵⁻⁴⁶ To ĩ bajirone, ricatiri rīne oca ñagōsuooyujarā ĩna, quēnase Diore yirācubuoarā. Tire ĩacōari, “Jud'io masa mere quēne ejaami Dios ĩ cōagū Esp'iritu Santo” yirā ñari, no yimasibesujarā Pedro rāca ejariarā jud'io masa. ⁴⁷ To bajiri, ĩ rācanare ado bajiro ĩnare gotiyuju Pedro:

—Yure ajija yu yarā. Esp'iritu Santo, manire ĩ ejacatore bajirone ĩnare quēne ĩ ejajare, ĩmani rācagu ñijuane, “Oco rāca ĩnare bautizabeticōato” yigu magūmi? —ĩnare yiyuju Pedro. ⁴⁸ To yicōari, —“Jesús suorine Dios yarā ñaama” yirā, oco rāca ĩnare bautizaya maa —ĩ rācanare ĩnare yiyuju Pedro.

To bajiri, ĩna bautiza ecoro bero, “Vabesa maji. Yua rāca ñacōaña”, Pedrore ĩre yiyujarā Cornelio rācana.

11

Jerusalén macana Jesure ajitirānūrāre Pedro ĩ gotire queti

¹ To bajiri Jesús ĩ gotiroticōasuoariarā, gājerā ĩre ajitirānūrā Judea sitanajua, “Jud'io masa me ñaboarine, Jesure ajitirānufujarā” yire quetire ajiyujarā ĩna. ²⁻³ To bajiri, Jerusalénju Pedro ĩ tudiejaro, ado bajiro ĩre sēñifufujarā ĩna:

—¿No yigu jud'io masa vi me ti ñaboajaquēne, sājacati mu? To bajicōari, ¿no yigu ĩna rāca bacati mu? —yiyujarā, Pedrore.

⁴⁻⁵ To bajiro ĩre ĩna yijare, ado bajiro riojo ĩnare gotiyuju Pedro:

—Jope macaju ñacōari, Diore ĩre yu sēñirone, ado bajiro yure ruyuaacaju. Vecaju sudijāi jairijāi juajacatua gaja ñacōari, yorujiocōariarore bajiro ejacaju ti, yu tujju. ⁶ “¿Ñie ñati, ti jubeajure?” yigu, quēnaro ĩacaju yu. Toju ñacama sāñarā vaibucurā jediro. Āña, jēñirā, to yicōari, vūrā quēne ñacama. ⁷ ĩnare yu ĩarone, o vecaju ado bajiro ocaruyucaju: “Pedro, vāmurūgūña mu. ĩnare sīacōari, baya mu”, yure yi ocaruyucaju ti. ⁸ “Babeaja yu. Rēorere divatojuane bañabeticaju yu”, boca yicōacaju yu. ⁹ To yu yirone, ado bajiro yure ocaruyucaju quēna: “Rēore ñaja”, yibesā. ‘Baya’ Dios ĩ yisema, quēnase ñaja”, yure yi ocaruyucaju. ¹⁰ Idiajiju to bajiro yure bajifocaju. To baji, tudimujacoacaju quēna. ¹¹ Ti mujato bero, idiarā ejacama, yu ñarivijure. Cesarea vāme ti macagu Cornelio vāme cutigu ĩnare cōañumi, yure “Macato ĩna” yigu. ¹² ĩna ejarone, “Tuoñarejaibecane vasa mu” Esp'iritu Santo yure ĩ yijare, vacaju yu. Cojomo cōro coja jēñituarirācu Jesure ajitirānūrā yure baba cuti vacama ĩna. ĩna rāca vacōari, Cornelio yu vijure sājacaju yua. ¹³ Yua sājajearone, ángel, ruyuañocōari, ĩre ĩ gotirere yuare goticami Cornelio. Ado bajiro yuare goticami: “‘Jope macaju mu ũmuare ĩnare cōaña mu, Simón Pedro vāme cutigure ‘ĩre jirā vajaro’ yigu. ¹⁴ Mure, mu ya vianare quēne gotimasiurucami ĩ. Muare ĩ gotimasiose suorine maa rijato bero, rojose tāmnotujabetiraroju maa vaborotire yirēto ecobosaruarāja maa’, yure yigotimasimi ángel’”,

yuaare yicami Cornelio. ¹⁵ To bajiro yuaare i yiro bero, Inare gotimasioacaju yu. Inare yu gotimasiosorone, Esp'iritu Santo manire i ejaatore bajirone Inare quene ejacami. ¹⁶ To i bajirone, mani uju Jesu's i goticatire masibujacocacaju yu: "Tiramuju oco rāca muare bautizacami Juan, 'Dios i bojabeti yirabeaja' mua yituoiajare. To bajiri, yoaro mene Esp'iritu Santore muare cōarucami Dios, mua rāca narocure, 'Dios i bojarore bajirone yimasiatore' yirocure" manire i yigoticatire. ¹⁷ Jesucristore ajitirānurā mani űajare, Esp'iritu Santore manire i cōacatore bajirone Inare quene cōacami Dios, jud'io masa me Ina űaboajaquene. Inare quene to bajiro i yijare, "Jud'io masa me űari, mani rācana me űaama", yimasibeaja yu —Inare yiyuju Pedro.

¹⁸ To bajiro i yisere ajicōari, ire sēniatujacōaűujarā Ina. Ado bajirojua yiyujarā Ina yuja:

—Quēnaro yigu űaami Dios. "Jud'io masa mere quēne, rojose Ina yisere masirioami, Ina rijato beroju i rāca quēnaro űacōa űato Ina" yigu —yiyujarā jud'io masa Jesure ajitirānurā.

Antioqu'iana, Jesure ajitirānurā Ina rējare queti

¹⁹ Tirāmuri rījoro Estebanre űacōari gājerāre quēne Jesure ajitirānurāre rojose Inare yiyujarā Ina Diore masimena. To bajiri sigūri Jesure ajitirānurā Fenicia sita űarimacariju, Chipre vāme cutiyoa űarimacariju, to yicōari, Antioqu'ia vāme cuti macaju quēne rudiasujarā Ina. Ti macarijare ejacōari, jud'io masa rīrene Jesu's yere Inare gotiyujarā Ina. ²⁰ Gājerāma, Chipre vāme cutiyoa űarimacariana, Cirene vāme cuti macana, vacōari Antioqu'ia macaju ejayujarā. Toju ejacōari, jud'io masa mere quēne Jesu's yere Inare gotiyujarā Ina. ²¹ "Quēnaro gotimasioato Ina" yigu, Inare ejarēmoűuju Esp'iritu Santo. To bajiri Jesu's i bajirere ajicōari, masa Ina rotisere Ina ajirūcubooarere ajitujacōari, jājarā Jesure ajitirānurāyujarā Ina.

²² Jesure Ina ajitirānurere ajiyujarā Jerusalén macana Jesure ajitirānurā suyarā. To bajiri Ina tujjare Bernabé vāme cutigure ire cōaűujarā. ²³ To Ina cōar'i, ejacōari, Dios quēnaro Inare i yisere űaűuju. To bajiri buto variquēnacōari, ado bajiro Inare gotiyuju:

—Tocārācune, Jesure ire ajitirānurūgūűa mua —Inare yiyuju Bernabé.

²⁴ Esp'iritu Santo i ejarēmose rāca tuoiajā űari, cojo vāme ruyabeto Dios i bojarore bajiro quēnaro yigu, to bajicōari, Jesure quēnaro ajitirānurā űaűuju Bernabé. To bajiri jājarā masa, i gotimasiosere ajicōari, Jesure ajitirānurāyujarā Ina.

²⁵ Tiju bero, Tarso vāme cuti macajure vasuju Bernabé, Saulore macagū. ²⁶ To ire ejabujacōari, "Ita mu, Antioqu'iaju", ire yiyuju. To bajiri vasujarā Antioqu'iajare. Tojare cojo cūma űaűujarā Ina, Jesure ajitirānurā rāca. Toju űacōari jājarā masare Dios oca Jesu's yere Inare gotimasioűujarā Ina. Ti macane Jesure ajitirānurāre, "Cristiano masa űaama Ina", yisoyujarā. "Mani iju űaami Cristo' yirā űaama" yire űni űaűuju ti vāme.

²⁷ Tirāmurirene Jerusalén macana, Diore ire gotirētobosarimasa ejayujarā tojare, Antioqu'iajare. ²⁸⁻³⁰ Ina rācagu űaűuju Agabo vāme cutigu. Jesure ajitirānurā Ina rējarūgurojore sājajacōari, Esp'iritu Santo i ejarēmose rāca tuoiajā, ado bajiro Inare gotiyuju Agabo:

—Judea sita ti űaro cōrone, űio ejarūaroja. Bare jedicoarūaroja —yiyuju Agabo.

To i yisere ajicōari, "Judeana űiorjarūarāma Ina. Gājoa Inare cōato mani", yiyujarā Antioqu'iana Jesure ajitirānurā. To Ina yiriarore bajirone yiyujarā Ina. Ina cuose Ina űsimasiro cōro Saulore, Bernabére quēne Inare űiűujarā, Judea űarāre Jesure ajitirānurā bucūrāre "Inare űiatio" yirā. To bajiro ti bajijama, Roma macagu Claudio vāme cutigu masa űajediro uju i űariarodore bajiyuju.

12

Santiago i űiacore, to yicōari tubiberiavire Pedro i budire

¹ Tirāmurirene, űju Herodes, Jesure ajitirānurāre sigūrire rojose Inare yisoyuju i. ² To yicōari, "Juan bedire Santiago i rējoare jataya mua", Inare yiyuju i. ³⁻⁴ To bajiro ire i yirotisere ajicōari, buto variquēnaűujarā jud'io masa i yarā sigūri. Ina variquēnaro űacōari, Pedroro quēne űiaroticōari, tubiberotiyuju i. To bajiro ti bajijama, pan vūoyamanire Ina bariarāmurire bajiyuju. Ire tubiberotigu, "Rudiromi" yigu, ado bajiro quēnaro coderotiyuju i:

—Diez y seis űarāre babaricārācune vacōari, tocārācagine babaricārācu codevasoaya mua —Inare yiyuju. To yicōari, "Pascua boserāmu ti jediro, masa Ina űaro rījoro Pedroro ire űarotirucūja yu", yituoiaűuju Herodes. ⁵ To bajiri quēnaro masune code ecocōaűuju Pedro. Tire ajicōari, gājerā Jesure ajitirānurā Diore buto ire sēnibosayujarā Ina.

⁶ Gajerāmu busurijune űaboayuju, Herodes Pedroro i űarotirāmu. Juarā surara coderimasa vatoajare cānicūűaűuju Pedro. Juāmojune cōmemari rāca űiacocōaűuju. Gājerā surara soje tune coderūgōűujarā Ina. ⁷ To Ina bajiboajaquene, űaro tusarone ruyuyuju ángel. To i bajirone Pedroro Ina tubiberiasōa busujāmucōaűuju. To bajicōari, Pedroro ire moaiaűuju ángel, ire yujiogu. I yujiro űacōari,

—Vāmūgūűa mu —Ire yiyuju, Pedroro.

To ĩ yirone, Pedrore ĩna siaboariamari, cōmemari jōvivējacoasuju. ⁸ To ti bajirone,
—Mu sudi sāñaña. Mu gubo sudi cudaya —Pedrore ĩre yiyuju. To yigune, ado bajiro
yirēmoñuju:

—Mu sudiro joeagarore quēne sāña. To yicōari, vayá. Yure sayaya mu —ĩre yiyuju ángel,
Pedrore.

⁹ To ĩ yirone, ĩre sayacoasuju Pedro. To bajiboarine, “To bajiro bajiguja yu”, yimasibesuju
ĩ. “¿Socarō me bajiatī ti?” yiboacu, “Ba. Socarō bajiroja gajeyerema”, yitōiñañuju Pedro. ¹⁰ To
bajivana rīne, jua soje surara ĩna coderisojerire rētoasujarā ĩna. Tusarisoje, cōme soje ñañuju
ti. Ti soje tu ĩna ejarone, ti masune jānacōasuju ti. To bajī budirūgū, maa ĩre ĩ ũmato vacune,
“To bajigumi” yimasiña manone yayicoasuju ángel. To bajiri Pedro sigūne tujacōañuju yuja.

¹¹ To bajisere ĩacōari, “Socarō me bajijaja”, yimasicoasuju Pedro. “Herodes ĩre siaromi’
yigu, yure ũmato budirocare cōañumi Dios”, yitōiñañuju ĩ. “To bajiri jud’io masa rojose yure
ĩna yirūaboase rētoacaju ti yuja”, yitōiñañuju Pedro.

¹² To yitōiñamasicōari, Juan Marcos vāme cutigu jaco, Mar’ia ya viju vacoasuju ĩ. Ti vijure
jājarā masa rējacōari ñañujarā, Diore sēnirā. ¹³ To ĩna yīñarore soje tu ejacōari,

—¿Ñaboati mua? —yiyuju Pedro.

Ti vijure, sigō ti vianare ejarēmorimaso ñañuju so, Rode vāme cutigo. To bajiri Pedro ĩ
sēniñasere ajicōari, soje tu ejarūgācōari, ajiyuju so, “¿Ñimu ñarōjari?” yigo. ¹⁴ Soje jānabecone
ajirūgōca yigo, Pedro ocare ajimasiñuju. ĩ ocare ajimasicōari buto variquēñañuju. To bajigo
ñari, soje jānabecone gotigo tījasuju, ti vianare.

—Macajūju ñaromi Pedro —ĩnare yigotiyuju so.

¹⁵ To bajiro ĩnare so yirone,

—Mecugō yigoja mu —sore boca yiyujarā ĩna.

To ĩna yijare,

—Soco me yaja yu —ĩnare boca yicudiyuju so.

To so yijare,

—Ba, ángel, Pedrore coderimasu ñagūmi —sore yiyujarā ĩna.

¹⁶ To ĩna yiboajaquēne,

—¿Ñaboati mua? —yi ocaruyucōa ñañuju Pedro, macajūju ñacōari.

To bajiri, sojere jānacōari, Pedrore ĩre ĩaucayujarā ĩna. ¹⁷ ĩre ĩna ĩaucasere ĩacōari, ĩnare,
“Ñagōbesa” yigu, ĩ āmone ñumoñuju Pedro. To yicōari, “Ado bajiro yure yirēmomi Dios,
tubiberiaviyu yu ñaro”, ĩnare yigotiyuju. Tire gotigajanocōari,

—Adire Santiagore, to yicōari, mani rācanare Jesúre ajitirūñarāre quēne ĩnare gotiaya mua
—ĩnare yiyuju Pedro.

To bajiro ĩnare yigotigajanocōari, gajeroju vacoasuju ĩ.

¹⁸ Gajerūmu busuato tubiberiavire codeboariarā, Pedro ĩ mano ĩacōari, “¿No bajiro
bajiyujari ĩ?” gāmerā yiboana, buto tuoñarejaiyujarā ĩna. ¹⁹ Herodes quēne, Pedro ĩ mano
ĩacōari, ĩre macarotiboayuju. ĩre bujabesujarā ĩna. To bajijare, tubiberiaviyu codeboariarāre
ĩnare sēniñaboayuju Herodes. ĩna cudimasibetijare, “ĩnare siñacōaña”, yiyuju ĩ. To yicōari bero,
Judea sitaju ñar’i, Cesarea vāme cuti macaju ñagū, vacoasuju Herodes.

Herodes ĩ bajirocare queti

²⁰ Tirāmūrire Tiro vāme cuti macanare, to yicōari Sidón vāme cuti macanare quēne buto
ĩnare jūnisiniñuju Herodes. To bajiri Sidón macana, Tiroana rāca rējacōari, Herodere ñagōrā
vasujarā ĩna. “Herodes ĩ jūnisinicōa ñajama, uju ĩ ñari sita bare mani bujarūgūšere ĩsibecumi”
yirā ñari, to bajiro bajiyujarā ĩna. Herodes tujure ñañuju ĩre ejarēmogū ñamasugū, Blasto vāme
cutigu. To bajiri Herodere ĩna ñagōroto rījoro, ĩre ñagōñujarā ĩna, Blastore. To ĩna yise ñajare,
ĩnare ĩamaicōari, ĩnare ñagōbosayuju Blasto. ĩnare ĩ ñagōbosarone, “Cojorūmu ĩnare ñagōrucuja
yu maji”, ĩre yiyuju Herodes. ²¹ “To cōro ĩnare ñagōrucuja yu” ĩ yiriarūmu ti ejarō, uju ñagū
ĩ sāñase sudi quēnase sāñañuju ĩ Herodes. To yicōari, rotigu ĩ rujiri cūmurojare ejarūjucōari,
masare gotiyuju ĩ. ²² ĩ ñagōsere ajicōari,

—Masu me ñaami āni. Dione ñaami —yivasā variquēñañujarā masa.

²³ To bajiro ĩna yīñarone, ángel Herodere rijaye ĩre cōañuju. To ĩ yijare, ĩ gudajoajure vāsia
ĩna bajare, bajirocacoasuju Herodes. “To bajise yibesa mua. Dios me ñaja yu. Dios sigūne
rūcūbuoya mua” ĩ yibetijare, to bajiro bajiyuju ĩre.

²⁴ Herodes ĩ bajirocariodore Jesús ĩ bajirere Dios oca gotisere ajicōari, jājarābusa Jesúre
ajitirūñarūtuasujarā ĩna.

²⁵ Bernabé, Saulo rāca Jerusalén vāme cuti macanare gājoa ĩnare ĩsigajanocōari, Antioqu’iaju
tudiasujarā ĩna. Gāji, Juan Marcos vāme cutigu, ĩna rāca vasuju ĩ.

13

Saulo, Bernabé rāca Dios ocare ina gotimasiocudisore queti

¹ To bajiri, Antioqu'ia vāme cuti macajure Jesúre ajitirānurā rācana, Inare gotimasiōrā, to yicōari, gājerā Diore gotirētobosarā ñañujarā. Adocārācu ñañujarā: Bernabé, Simón, Lucio, Cirene vāme cuti macagu, Manaén, Saulo. Tocārācu ñañujarā ina. Simónre, Ñigū ire yiyujarā gājerā. Manaénjua, Uju Herodes ñamasir'i rācagu ñaboayuju ī. Cojovata bucuariarā ñañujarā ina. ² To ñacōari, bare bamenane, Diore ire yirūcubuo ñañujarā ina. To yiñarāne, Esp'iritu Santo suorine ado bajiro yiyujarā ina, Bernabé, Saulore, Saulore quēne:

—Gajeroju mua gotimasiocudiro tire bojami Dios. To bajiri, ī bojarore bajirone yiruarāja mua —Inare yiyujarā.

³ To yicōari, quēna Diore rucubuoā bare bamenane, Diore Inare sēnibosayujarā ina, Bernabé, Saulore. To yicōari, ina rujoari joere ina āmori ñujeoyujarā, Bernabé, Saulore, “Dios ī bojarore bajirone gotimasiocudiya” yirā. To bajiro Inare yigajanocōari, Inare varotiyujarā ina.

Chipre vāme cutiyoa ñarimacarire Pablo, Bernabé rāca ina gotimasiōrā vare queti

⁴ To bajiri Esp'iritu Santo Inare ī cōajare, vacoasujarā ina, Bernabé, Saulo, Seleucia vāme cuti macajure. Ti maca moa riaga tu ñañuju ti. To bajiri, rojaeja, cūmua jairicaju vasāja vacoasujarā ina, Chipre vāme cutiyojaju vana. ⁵ Salamina vāme cuti maca jetagare rocatuejayujarā ina. Ejacōari, tiyoa ñarimacarire jud'io masa Dios ocare ina buerivirijure Jesús bajirere Dios oca gotisere gotimasiocudiyujarā ina. Ina rācagu, Inare ejarēmogū ñañuju Juan vāme cutigu.^b

⁶⁻⁸ To bajiri goticudirā rīne, Pafos vāme cuti macajure ejasujarā ina. Tojure sīgū Barjesús vāme cutigure ire ĩabujayujarā ina. Barjesús ti yijama, griego ocarema Elimas yiruaru yiyuju ti. Jud'io masu ñañuju ĩañañamanire yigu. “Diore gotirētobosarimasu ñaja yu”, yisocagu ñañuju ī. Ti macagu ujujua, Sergio Paulo vāme cutigu, quēnaro tuoĭagū ñari, quēnaro masigū ñañuju. To bajigu ñari, Jesús ī bajirere ina gotimasiōsere ajiru, Bernabé, Saulore Inare jicōañuju ī. To ī yire ñajare, ire gotimasiōñujarā ina. Ina gotimasiō ñarone,

—Inare ajibesa —yiyuju Barjesújua, “Jesúre ajitirānurōmi” yigu. ⁹⁻¹⁰ To ī yiboajaquēne, Esp'iritu Santo ī ejarēmose rāca tuoĭacōari, Barjesúre ire ĩacōari, ado bajiro ire yiyuju Saulo, romano ocarema Pablo vāme cutigu:

—Vātia ujure bajiro socajaigu ñaja mu. Jediro quēnasere buto tegu ñaja mu. Dios oca quēnaro riojo ti gotiboaquēne, “Tire ajibeticōañā. Socase ñaja”, masare yimavisiogu ñaja mu. ¹¹ To bajiri yucane rojose mu yise vaja rojose mre cōaami Dios. Caje ĩabecane ñacōaracuja mu, Dios ī bojaro cōro —ire yigotiyuju Pablo, Barjesúre.

To bajiro ī yirone, ĩabecu ñacoasuju ī yuja. To bajiri, “Yu āmore ñiacōari yure tūato” yigu, masare vare macaboayuju ī yuja. ¹² To ī bajisere ĩacōari, “Jesús ī bajirere gotimasiōrā ñari, to bajiro yama” yituoĭagū ñari, Jesús ī bajirere ajitirāñañuju ti macana uju.

Pisidia sita ñarimaca Antioqu'iaju Jesús ī bajirere ina gotimasiōre queti

¹³ To bajiri Pablo rācana, Pafos vāme cuti macare ñariarā, cūmua jairica rāca vacoasujarā ina, Perge vāme cuti macaju vana. Panfilia sitajure ñañuju Perge. Ti macaju ina rāca ejacōari, Juanjuama, Jerusalénju tudicoasuju. ¹⁴ Perge maca ñariarā, Pisidia sita ñarimaca Antioqu'ia vāme cuti macaju vasujarā. Ti macaju ejacōari, ussājariarāmū ñaro, jud'io masa Dios ocare ina bueriviju sāsujarā ina. ¹⁵ To bajiri Moisés ñamasir'i ī ucamasirere, to yicōari Diore gotirētobosamasiriarā ina ucamasirere quēne ĩagotiyuju gāji. To bajiro ī yiro bero, Pablo rācanare sēñañujarā ina, ti vi ujarā:

—“Butobusa Diore ajitirāñuato ina” yirā, quēnase oca yuare gotiya mua —Inare yiyujarā ina.

¹⁶ To bajiro ina yijare, vūmruĭgōcōari, ī āmone ñumuoñuju Pablo, “Ñagōbesa mua” yigu. To bajiro yicōari, ado bajiro Inare gotiyuju ī:

—Yure ajiya mua, Israel ñamasir'i jānerabatia, to yicōari, ñajediro Diore rucubuoā quēne:

¹⁷ Dios, Israel ñamasir'i jānerabatia ina rucubuoĭgu, Egipto sitaju ina ñaro Inare bujurotimasiñuju ī. To yicōari, ī masise rāca yucú manojū Inare ũmato vamasīñuju ī. ¹⁸ To bajiri, cuarenta ñaricūmari yucú manojū ñarā ire ina rucubuoĭbetiboaquēne, ina rāca ñacōa ñarūgūñuju ī. ¹⁹ Bero, ī suorine Canaán sita ñarimacarianare heteo masare, gergeseo masare, amorreo masare, cananeo masare, ferezeo masare, heveo masare, to yicōari jebuseo masare quēne Inare sīareacōari, ina ñaboaria macarire ñamasīñujarā ina. To bajiro ina bajijama, “Yu yarāja, ti sitare ñaruarāma” Dios ī yimasire ñajare, to bajiro bajiyuma ina. ²⁰ To bajiri, Egipto sitajure ina ñasuoriacūma, to yicōari Canaán sitajure ina ñasuomasiriacūma rāca, cuatrocientos cincuenta ñaricūmari tūamasīñuju ti.

^b 13:5 Lucas, “Juan” ī yijama, Juan Marcos vāme cutigure yami.

Bero, gājerā masa rojose ĩnare ĩna yijare, ĩnare ũmato ĩnarone cūmasiñuju Dios. Samuel vāme cutigare ĩre cūtasamasiñuju. Diore gotirētosagū ĩnmasiñuju ĩ. ²¹ Samuel ĩ ĩnarodore, “Gaje sitare ũju ĩ ĩnarore bajiro yua quēne ũju bojaja”, yimasifiñujā jud'io masa. To ĩna yijare, ĩna ũju ĩnarocure cūmasiñuju Dios. ĩ cūsuomasir'ĩ ĩnmasiñuju Cis macu, Saũl vāme cutigu. Benjam'ĩn ĩnmasir'ĩ ĩnami ĩnmasiñuju ĩ. Cuarenta ĩnaricūmari rotimasifiñuju Saũl. ²² Rojose ĩ yisere ĩvariquēnabeticōari, Isa'ĩ ĩnmasir'ĩ macu David vāme cutiguajare ũju ĩnarotimasifiñuju Dios. “ĩñajediro yirūcumi”, yĩnmasiñuju Dios, David ĩnmasir'ire. ²³ To bajiri, “David ĩnamire, Israel ĩnmasir'ĩ ĩnerabatia rojose ĩna tāmuborotire ĩnare yirētosarocure ĩre cōarucija yu” Dios ĩ yigotiriarore bajirone Jesure ĩre cōañumi. ²⁴ Israel ĩnmasir'ĩ ĩnerabatiare Jesús ĩ gotimasioroto rĩjorojone, ĩna jedirore ado bajiro ĩnare gotimasiorūgūñuju Juan vāme cutigu: “Rojose mua yisere tuoĩasutiritiija mua. Tuoĩasutiriticōari, ‘Rojose yiruabeaja yua. Diorāca quēnaro ĩnaruarāja yua’ yirā, oco rāca yure bautizarotiya mua. To bajiro mua yijama, rojose mua yisere muare masiriorucumi Dios”, ĩnare yigotimasiorūgūñuju ĩ. ²⁵ To bajiro ĩ yigotimasiorūgūre ĩ gotigajanoroto rĩjoro, ado bajiro ĩnare gotiyuju: “ ‘Rotimorūgōrucumi’ yigu, Dios ĩ cōagū me ĩaja yu. Yu bero ejarucumi ĩma. ĩnmasurā rĩne ĩre yibosamasiama, ĩnmasugū masu ĩ ĩnare”, masare yigotiyuju Juan –yiyuju Pablo.

To yicōa, quēna tudigotiyuju:

²⁶ –Abraham ĩnmasir'ĩ ĩnerabatiare to yicōari, ĩnajediro Diore rūcuborāre quēne rojose mani tāmuborotire manire ĩ yirētosaruase quietire manire cōañumi Dios. ²⁷ Jerusalen macana, to yicōari, ĩna ũjarā quēne, “Ānine ĩnaami ‘Rotimorūgōrucumi’ yigu, Dios ĩ cōagū, mani yurūgū”, Jesure ĩre yimasibesujarā ĩna. Tocārāca semana usasjariarāmure Diore gotirētosariarā ĩna ucamasirere ĩgotirā ĩnaboarine riojo tuoĩamasibesujarā. “Dios ĩ cōagū me ĩnaami” yirā, Jesure ĩre sjarotiyujarā ĩna, “To bajiro bajiruarōja” Dios ĩ yimasiriarore bajirone yirā. ²⁸ Disejua rojose Jesús ĩ yise ti maniboajaquēne, “ĩre sjarotiya”, Pilatore ĩre yiyujarā ĩna. ²⁹ “To bajiro yiruarāma ĩna” Dios ĩ yiriarore bajirone ti bajiro bero, Jesure yucūtēroju tuyagure ĩ rujurire āmirujocōari, masa yujeriavi gūtaviju ĩre cūñujarā ĩna. ³⁰ ĩre ĩna siabojajuquēne, ĩre catiocōañuju Dios quēna. ³¹ ĩ siaecoroto rĩjoro, Galilea sitaju ĩ rāca vadidcōari Jerusalenju ejariarāre tudicicōari cojorūma me ĩnare ruyuañoñuju Jesús. To bajiri, ĩ bajirere gotirūgūama ĩna, ĩre ĩariarā ĩnari.

³²⁻³³ To bajiri, quēnase quietire muare gotiaja: Tirāmju mani ĩncuare jud'io masare, “Quēnaro muare yirucija” ĩ yimasiriarore bajirone yiyumi Dios. Manire, ĩna ĩnerabatiare, to yicōari ĩnajedirore quēne yibosagu, Jesús ĩ rijacoaboajaquēne, ĩre catiomyumi Dios. Ado bajiro gotiaja ti, Dios ĩ goti rĩjoro cutire, Salmo segundo ucare: “Yu macu ĩnaja mua. Adirūma yure bajirone rotisurucija mu yuja”, yimasifiñuju Dios, Jesure ĩre ĩ gotirotire yigu. ³⁴ “Jesure ĩ catioro bero, tudirijabetirucumi” yigu, quēna gajeju ado bajiro yimasifiñumi Dios: “Davidre yu goti rĩjoro cuticatore bajirone quēnaro muare yirucija yu yuja”, yimasifiñumi Dios. ³⁵ Quēna gajeju ado bajiro gotiaja ti: “Mu bojasere yigure, ĩ rijato bero, boayayiromi” yigu, ĩre tudicatorucija mu”, yaja ti. ³⁶ To bajiro ti yijama, David ĩnmasir'ĩ ĩ bajiro ti mere gotiyuja. Dios ĩ bojasere yigu ĩnmasifiñuju David. To bajiro yigu ĩ ĩnaboajaquēne, ĩ bajirocaro bero gūtaviju, ĩ ĩncuare ĩna yujerivijure ĩ rujurire yujemasiñujarā masa. ĩre ĩna yujero bero, ĩ rujuri ĩnaboare boayayicoariarōja ti. ³⁷ To bajiboarine Jesujuama, rijacoaboarine, Dios ĩre ĩ catiojare, ĩ rujuri boayayibesuju. ³⁸⁻³⁹ To bajiri, ado bajiro tuoĩaña mua: “Moisēs ĩnmasir'ire Dios ĩ roticūmasirere cudijeoroti ĩnaja manire”, yimasicaju mani. “ĩnajedirore mani cudijeojama, ‘Quēnarā ĩnaama’ Dios ĩ yĩarā ĩnari, mani rijato beroju ĩ tuju ĩnaruarāja”, yicaju mani. To bajiboarine, “Cudijeogu magāmi”, yicoadicaju mani. Yucurema ado bajirojua bajiaja yuja: Jesure mani ajitirāñujama, rojose mani yisere masiricōari, Jesús manire ĩ rijabosare suorine, “ĩne rojose mana ĩnaama”, manire yĩagūmi Dios. ⁴⁰⁻⁴¹ Dios ocare ajiterā, ĩna bajiro tire ucamasifiñuma Diore gotirētosariarā. Ado bajiro ĩre ucabosamasiñuma: “Yu ocare ajiterā, ĩnañamanire yu yĩorotire, ‘Bajibetiruarōja’ mua yiboasere ĩaucacōari, bajireacoararāja mua”, yucamasifiñuma Diore gotirētosariarā.

To bajiri, “ĩna bajiro tire bajiro bajirabeaja yua” yituoĩacōari, muare yu gotisere quēnaro ajiya mua –ĩnare yigotiyuju Pablo.

⁴² To bajiro ĩnare yigotigajanocōari, Pablo, Bernabé rāca ĩna budiatone, ado bajiro ĩnare yiyujarā ĩna, Dios ocare ĩna buerivi ĩnarā:

–Gaje semana usasjariarāmu ti ĩnaro yuare gotimasiorēmōrā vaba quēna –ĩnare yiyujarā ĩna.

⁴³ Jud'io masa, to yicōari gājerā Diore rūcuborā quēne, Pablo, Bernabé rāca budicōari, ĩnare suyasujarā ĩna. To ĩna bajirone,

–“Manire maigū ĩnari, Jesús ĩ rijabosare suorine manire ĩvariquēnaami Dios”, yicōa ĩnarūgūña mua –ĩnare yiyujarā ĩna, Pablo, Bernabé rāca.

⁴⁴ To bajiri, gaje semana ususājararūmu ti űaro ti macana, jājarā rējaűujarā ĩna, Jesús ĩ bajirere Dios oca gotisere ajirā. ⁴⁵ Jājarā ĩna rējasere ĩacōari, buto jūnisiniűujarā jud'io masa. To bajicōari, “Socā yaja mu”, Pablōre ĩre yitud'iyujarā ĩna. ⁴⁶ To ĩna yiboajaquēne, bojonemenane, ado bajiro gotiyujarā Pablō, Bernabé rāca:

—Dios oca, jud'io masare gotimasiosuore űaja ti. To bajiboarine, tire ajiteaja mua. To bajiro yirā ıari, “Mani rijato beroju tudicatibetiruarāja mani” yirāre bajiro yaja mua. To bajiri Dios ocare ajiterā mua űajare, gājerā masare ĩnare gotimasiorūtuana yaja yua yuja.

⁴⁷ Ado bajiro yuare rotiyumi Dios:

“Yu ocare mua gotimasiose suori yure masiruarāma jud'io masa me űarā. ‘Adi macarucroana űajediro, rojose tāmūotujabetiraroju ĩna vaborotire ĩnare yu yirētobosarotire sēnirājaro’ yigu, muare cōagū yaja yu”, yuare yiyumi Dios —ĩnare yigotiyujarā Pablō, Bernabé rāca, jud'io masare.

⁴⁸ To ĩna yisere ajicōari, “Quēnaro masu yigu űaami Dios”, yivariquēnaűujarā jud'io masa mejuā. To bajicōari, “ĩna rijato beroju, quēna tudirijabetiruarāma” Dios ĩ yimasirirā, Jesúre ĩre ajitirānusoyujarā ĩna. ⁴⁹ To bajiri, Pablō, Bernabé rāca, mani űju ĩ bajirere ĩna gotisere ti macana, to yicōari ti maca tuana quēne ajijediyujarā ĩna. ⁵⁰ ĩna gotisere ĩna ajijedicoaboajaquēne, Pablōre, Bernabére gotiyiroyujarā ĩna, jud'io masa, gajeyeūni jairā rōmiri Diore rūcubuoarē, to yicōari ti macana űamasurāre quēne. To bajiro ĩna yijare, jūnisinicōari, Pablō, Bernabére varotiyujarā ĩna. ⁵¹ To bajiro ĩna yijare, ti macayē sitare ĩna gūbo sudi tuyasere varerea, vacoasuju Pablō, Bernabé rāca. To bajiro ĩna yijama, “Yuare mua ajirūabetijare, rojose muare yirucami Dios” yirā yiyujarā ĩna. To yicōari, Iconio vāme cuti macaju vacoasujarā ĩna. ⁵² To bajiro ĩna bajiboajaquēne, ĩna gotimasiosore suorine Jesúre ajitirānurāma, buto variquēnaűujarā ĩna. To bajicōari, Esp'iritu Santo ĩ ejarēmosē rāca tuoĩacōari, cojo vāme ruyabeto Dios ĩ bojarore bajirone yirūgūűujarā ĩna.

14

Iconio macaju Pablō, Bernabé rāca ĩna gotimasiosore queti

¹ Iconio macaju ejacōari, jud'io masa Dios ocare ĩna buerivire sājasujarā Pablō, Bernabé rāca. Sājaejacōari, quēnaro ĩna gotimasiosjare, Jesúre ĩre ajitirānusoyujarā ĩna, jājarā jud'io masa, jud'io masa me űarā quēne. ² To bajiro ĩna bajiboajaquēne, jud'io masa, Pablō, Bernabé rāca ĩna gotiboasere ajimenama, “Jesúre ajitirānurā socarā űaama”, jud'io masa me űarāre ĩnare yigotiyujarā ĩna. To ĩna yijare, Jesúre ajitirānurāre ĩateyujarā ĩna. ³ Ti macajure yoaro űacōaűujarā Pablō, Bernabé rāca. “Mani űju ĩ bajirere mani gotirotire manire ejarēmorucami” yituoĩarā űari, “ĩrijabosare suorine manire ĩavariquēnaami Dios” yire quetire ĩnare gotirūgūűujarā ĩna. To yicōari, Jesús quēnaro ĩnare ĩ ejarēmojare, ĩaűaűamanire yĩorūgūűujarā ĩna. ⁴ To bajiro ĩna yĩnaboajaquēne, ti macana ricatiri rĩne tuoĩaűujarā ĩna: Sĩgūri Pablō mesa ĩna gotisere ajitirānuűujarā. Gājerāma, ĩnare ĩaterā, jud'io masa rācana űaűujarā. ⁵ To bajiri, jud'io masa, jud'io masa me űarā quēne, “Gātane Pablōre, Bernabére reasĩato mani”, gāmerā yiyujarā, ĩna űjarā rāca. ⁶⁻⁷ To ĩna yirūase quetire ajicōari, Licaonia sitaju rudicoasujarā Pablō mesa. Ti sitaju ejacōari, Lистра vāme cuti maca, Derbe vāme cuti macare, to yicōari, ti macari turire quēne Jesús ĩ bajirere goticudiyujarā ĩna.

Listra vāme cuti macana, Pablōre gūta rāca ĩre ĩna reare queti

⁸ Lистра macare űaűuju sĩgū rēmojane ruyuagujane micar'i. To bajiri, no yivamasibecu űaűuju. Pablō ĩ gotimasiosere ajitirānuruyiyuju ĩ. ⁹ ĩre ĩ ajitirānusere, to yicōari, “Jesús, yure catiorucami” ĩ yituoĩasere ĩre ĩamasicōaűuju Pablō. ¹⁰ To yicōari, oca tutuase rāca ado bajiro ĩre yiyuju:

—Vūmurūgūűa —ĩre yiyuju Pablō. To ĩ yirone, jatīvāmurūgūcoasuju. To bajiri quēnaro vamasigū űaűuju. ¹¹ To bajiro Pablō ĩ yisere ĩacōari, ado bajiro avasāűujarā, ĩna oca, Licaonia oca rāca:

—Masa ĩna rūcubuoarā ō vecana, manire bajirone ruju cuticōari, adojure rujiayuma —yivasāűujarā ĩna.

¹² To yicōari Bernabé, “Zeus” ĩre yiyujarā ĩna. Pablōjuarema, “Hermes” ĩre yiyujarā ĩna, “Zeure űagōbosagu űaami” yirā.^c ¹³ Ti maca tujare Zeure yirūcubuoariavi űaűuju. Ti vijare pai ĩ yirone bajiro yigu űaűuju, “Zeure rūcubuoato mani” masare űmato yigu. “Pablō, to yicōari Bernabé ĩnare rūcubuoato mani” yigu, ta vecna, gore quēne juaáyuju ĩ. “Pablō mesare rūcubuoato mani” yigu, vaibucurā sĩacōari, masare űmato soeru yiboayuju. ¹⁴⁻¹⁵ ĩ űmato yiguadire ĩamasicōari, “Ti űnare yuare yirūcubuoetiroto űaja” yirā, ĩna sudire tāvoyujarā. To yicōari, masa ĩna űaro űmaejacōari, oca tutuase rāca ado bajiro ĩnare gotiyujarā ĩna:

^c **14:12** Licaonia masa ĩna rūcubuoarē ĩnare űagōbosagu, “Hermes vāme cutigami” yituoĩarā űari, to bajiro Pablōre ĩre yiyujarā ĩna.

—¿No yirã to bajise yati mua? Yaa quêne masane ñaja yaa. Muare bajirãne ñaja. To mua yise ùnirane, “Yitujato ña” yirã, muare gotirã vabu yaa. To bajiro yuare mua yiboase, vaja maja. Tire yitujacõari, Dios catimurõgõgõjuare yirõcõbuoya mua. Ì ñaami ùmuagaserore, sitare, ocore, ñajediro rujeor'ì. ¹⁶ Tirãmujurema masa no bojarãrene ña rucõbuosere, bojabecu ñaboarine, “Tone yicõato”, ñare yimasinju Dios. ¹⁷ “Tone yicõato” yigu ñaboarine, quênaro ñare yicoadimasiñumi Dios, “ ‘Quênagũ ñaami’ yimasiatõ ña” yigu. Ñe ñaami oco quedisere, rica cutire quêne muare cõarũgũma, “Rodori rica cutiatõ” yigu. Ñe ñaami barere muare cõarũgũma. Muare quênaro ì yise ñajare, variquênaja mua —Ñare yigotiyujarã Pablo, Bernabé rãca.

¹⁸ To bajiro ñare ña yigotiboaquêne, “Pablo, Bernabé ñare rucõbuorã vaibucurã sãisito mani”, yituoãcõañujarã ña.

¹⁹ To bajiro ña yifãrone, jud'io masa, Antioqu'ia macana, to yicõari, Iconio macana quêne ejayujarã ña. Ejacõari, Pablore, Bernabé ñare gotiyujarã ña, ti macanare. To bajiro ña yijare, gãta rãca Pablore ñe reayujarã, ñe sãruarã. To bajiro ñe yicõari, “Jere rijacoajami” yirã, ti maca tusaroju ñe vejavacõari, ñe rocacõañujarã ña. ²⁰ To bajiro ña yirocar'ire ñe ejayujarã ña, Jesure ajitirũnarã. To ña ejarone, vãmurũgũ, ti macajuane jiacoasuju Pablo quêne. Gajerãmu Derbe vãme cuti macaju vacoasuju Pablo, Bernabé rãca.

²¹ Ti macajure ejacõari, toanare Jesús ì bajirere ñare gotimasioñujarã. Tire ajicõari, jãjarã ñañujarã Jesure ajitirũnusorã. Ñare gotimasio gajanocõari, Lистра macaju vasujarã ña quêne. Lистра macare aja, ña rãca bajinã, Iconio macaju vacoasujarã ña. Ti macare aja, ña rãca bajinã, Pisidia sita ñarimacaju Antioqu'iaju vacoasujarã ña. ²² To ña bajicudiriatorijũ ñariarã Jesure ajitirũnarã ado bajiro ñare gotiyujarã ña:

—Jesure ajitirũnarã mani ñajare, rojose manire yirũgũama masa. To bajiro manire ña yiboajaquêne, Jesure ajitirũnucõa ñaruarãja mani, “Ì yarã ñari, ì tũju ejarona ñaja mani” yirã —Ñare yiyujarã ña. ²³ To yicõari, ñare ùmato ñaronare bucũrãre ñare beseyujarã. To yicõari, bare bamenane ado bajiro Diore mani ùjure ñare sãnibosayujarã ña: “Ado ñarã mu yarã ña ñajare, quênaro ñare yirẽmofã, mure ña ajitirũnucõa ñarotire yigu”, ñare yisãnibosayujarã ña. Jesure ajitirũnarã ña ñarimacarine ejacõari, to bajiro rĩne yicõañujarã, Diore ñare sãnibosarã.

Pablo, Bernabé rãca, Siria sita ñarimaca Antioqu'iaju ña tudiare queti

²⁴⁻²⁵ Pisidia sita ñarimacari ñariarã, Panfilia sitare ñarimacare, Perge vãme cuti macare ejayujarã. Ti macaju ejacõari, Jesús ì bajirere ñare gotimasioñujarã ña. To yigajanocõari, Atalia vãme cuti macaju vacoasujarã ña. ²⁶ Ti macaju ejacõari, cõmuane vacoasujarã, Antioqu'ia macaju tudiana, “Quênaro ñare ejarẽmoato” yirã, Diore ñare sãnibosariarã ña ñaroju. Ña goticudiroticõariarore bajirone yijeocõariarã ñari, Antioqu'iajure tudiejayujarã ña, Pablo mesa. ²⁷ Ti macajure tudiejacõari, Jesure ajitirũnarãre rẽocõari ña bajicudirere, Dios ñare ì yirẽmorere, to yicõari, jud'io masa me ñaboarine Jesure ña ajitirũnarãre quêne ñare gotiyujarã ña. ²⁸ Tone yoaro ñacõañujarã, Jesure ajitirũnarã rãca.

15

Jerusalénju rẽjacõari ña gãmerã ñagõre queti

¹ Tirodore, sãgãri Judea sitana Jesure ajitirũnarã, Antioqu'ia macajure vasujarã. To ejacõari toanare Jesure ajitirũnarãre ñare gotimasioñujarã. Ado bajiro ñare gotiyujarã ña:

—Moisès ñamasir'ire circuncisiõn yirere Dios ì roticũmasirere, mua yibetijama, rojose tãmuotujabetiriaroju mua varotire muare yirẽtobosabetirucumi Jesús —Ñare yigotiyujarã ña, Jesure ajitirũnarãre.

² Pablo, Bernabé rãca, to bajiro ña yisere ajicõari, buto ñare jũnisiñujarã ña. To bajiri, “To bajirone bajiroja” ña gãmerã yimasibetijare, Jerusalénju Pablore, Bernabé, to yicõari, gãjerã ña rãcanare quêne ñare cõañujarã Antioqu'iana. “Jerusalén macanare Jesús ì gotitoticõasoriarãre, to yicõari, ñe ajitirũnarãre ñare ùmato ñarãre quêne, circuncisiõn yirere ñare sãnĩaaya mua”, ñare yicõañujarã ña.

³ To ña yicõariarã, Fenicia sitare, Samaria sitare quêne ejacõari, Jesure ajitirũnarãre ado bajiro ñare gotibatoyujarã ña:

—Jud'io masa me ñaboarine, yaa gotimasiosere ajicõari, ña rucõbuoboarere rucõbuotujacõari, Jesure ajitirũnucama —Ñare yigotibatoyujarã ña.

Tire ajicõari, buto variquênãñujarã ña.

⁴ Jerusalénju Pablo, Bernabé rãca ña ejaro, quênaro ñare bocaãmĩñujarã Jesús ì gotitoticõasoriarã, gãjerã Jesure ajitirũnarã, to yicõari, ñare ùmato ñarã quêne. To bajicõari, Dios suorine jediro ña yirere ñare gotiyujarã ña, Pablo, Bernabé rãca. ⁵ To bajiro ña yisere ajicõari, fariseo masa, Jesure ajitirũnarã, vãmurũgũcõari, ado bajiro yiyujarã ña:

—Jesúre ajitiránuräre jud'io masa me ñaräre quëne, ñnare circuncisión yiroti ñaja ti. Moisés Dios i yiroticúmasiriarore bajirone yiroti ñaja ñnare quëne —yiyujarä ña.

⁶ To bajiro ña yijare, Jesús i gotiroticóasúoriarä, gäjerä Jesúre ajitiránuräre úmato ñarä, rëjañujarä ña, to ña yisere gämerä ñagörëtobudiruarä. ⁷ Yoaro gämerä ñagöñañujarä ña. To ña bajíñarone, vumürügücöari, ado bajiro ñnare gotiyuju Pedro:

—Yu yarä Jesúre ajitiránurä, yure ajiya. Tirämüju müa rëcagure yure besecöari, jud'io masa me ñaräre Jesús i bajicatire yu gotirotire yigu, yure cöacami Dios, “Tire ajicöari, Jesúre ajitiránuräto ña” yigu. Tire masiaja müa. ⁸ Masa ña tuoíasere masigü ñari, jud'io masa me ñaräre quëne Esp'iritu Santore ñnare cöacami Dios, manire i cöacatore bajirone. To bajiro ñnare i yicati ñajare, “Ñnare quëne ñavariquënaami Dios”, yimasiaja mani. ⁹ “Jud'io masa me ña ñajare, rojose ña yisere ñnare masiribetirücüja”, yibesumi Dios. Jesúre ña ajitiránurärojiñane, rojose ña yisere masiriocöari, Jesús i rijabosare súorine “Ñie rojose mana ñaama”, ñnare yíñañumi Dios. ¹⁰ To bajiro ñnare i yire ti ñnaböajaquëne, “Muare ruyaja. Dios müare i ñavariquënese müa bojajama, ado bajiro yiroti ñaja”, ñnare yaja müa, Jesúre ajitiránuräre. To bajiro ñnare müa yijama, Jesús i rijabosare súorine quënarö Dios manire i yisere ajimenare bajiro yirä yaja müa. Circuncisión ñnare müa yirotijama, Dios i rotimasire ñnare cörone cüdiroti ñaroja ñnare. Rëmojuñe mani ñicua quëne yijeobeticoadimasíñuma. Mani quëne, tire cudijeobeticaju mani. ¹¹ Ado bajirojuä tuoíaroti ñnaja manire: “Tire mani cudise súori me, rojose mani tãmüborotire manire yirëtobosagu, Jesúristo manire rijabosayumi”, yiroti ñaja manire. To bajirone bajiaja jud'io masa me ñaräre quëne —ñnare yigotiyuju Pedro.

¹² To bajiro Pedro i yisere ajicöari, ñagöbesujarä ña yuja. To ña bajirone, Dios i masise súorine ñañañamanire jud'io masa me ñaräre ña yílorere ñnare gotiyujarä Pablo, Bernabé räca. ¹³ To bajiro ña yigajanoro bero, ado bajiro yiyuju Santiago vãme cutigu:

—Yu yarä, yure ajiya. ¹⁴ Jud'io masa me ñarä ña bajirere manire gotigajanoami Simón. I gotisere ajicöari, “Jud'io masa me ñaräre quëne ñnare besecöari, ‘Yu rã ñaama ña’ yíñavariquënañumi Dios”, yimasiaja mani. ¹⁵ Ti bajirotire tuoíacöari ado bajiro ucamasíñujarä Diore gotirëtobosamasiriarä:

¹⁶⁻¹⁸ “Adirämüri ñarä, Úju David ñamasir'i jãnerabatia, újarä me ñaama ña. To bajiro ña bajiböajaquëne, beroju müa jud'io masare ñamaicöari, David jãnamire, “Rotimúorügörucüja mü” yigu, ñre yicöarücüja yu. I rotisúorone, jud'io masa me ñarä quëne yu rã ñaruarãma. To bajiro ña bajirotire yigu, ñre cöarücüja yu yami Dios”, yiuucamasíñujarä ña, mani újare Jesúre Dios i cöarotire yirä —yigotiyuju Santiago.

¹⁹ —To bajiri, ado bajiro tuoíaja yu: Jud'io masa me ñaböarine, ña rücübúorere rücübúo tújacöari, Dios i bojasejuare yiräre jairo ñnare rotibetiroti ñaja. ²⁰⁻²¹ Tirämüjuñe usúñariarämü ti ejarö, Dios ocare ña bueriviriju Moisés ñamasir'ire Dios i roticúmasirere gotimasiocöayuma ña, tocãrãca macarine. To bajiri ñamasuse ríne ado bajiro ñnare yuucacöato mani: “Ado bajirä ñarãma” ña masune yiquënorujeocöari, ña yirücübúorä tújare vaibücüräre síacöari, mojoroaca ña túju cürãma. Tire babesa, ñnare yuucacöato mani. To yicöari, manajo cutirä, manaju cutirä, manajo mana, manaju mana quëne, gäjerä räca ajeriarä cutibesa, ñnare yuucacöato mani. Vaibücürä síariaräre ña ri'ire yireamenane, babesa. ña ri'ire quëne idibesa, ñnare yuucacöato mani —ñnare yiyuju Santiago.

Jud'io masa me ñaräre ña ucacöare queti

²² To bajiro i yisere ajivariquënacöari, Jesús i gotiroticóasúoriarä, Jesúre ajitiránurä, ñnare úmato ñarä quëne, “Pablo, Bernabé räca Antioqu'iaju mani cöaronare beseto mani”, yiyujarä ña. To bajiri, Judas, Barsabás ña yigu, to yicöari Silas vãme cutigu ñañujarä ña. Jesúre ajitiránurä vatoajure ñamasurä ñañujarä ña. ²³ To bajiri, Pablo, Bernabé räcare ñnare cöañujarä ña. Ado bajise queti ña räca ucacöañujarä ña:

“Jesúre ajitiránurä, ñnare úmato ñarä to yicöari, Jesús i gotiroticóasúocana quëne, müa yarä ñaja yua, müa quëne Jesúre ajitiránurä müa ñajare. To bajiri müare, jud'io masa me ñaräre, Antioqu'ia macanare, Siria sitanare, to yicöari Cilicia sitanare quëne müare quënaroticöaja yua. Cojo masare bajiro bajirä ñari, Jesús bederä ríne ñaja mani. ²⁴ Ado yua räcana sígüri, ñnare yua cöabetiböajaquëne, müa ñaröjare vacöari müare ña gotimavisiodudise quetire ajibü yua. ²⁵ To bajiri, ‘Ñnare ucacöato mani, tire ñnare gotiquënorä. To yicöari, ado mani räcanare “Ñnare ñarä vajaro” yirä, Pablo, Bernabé räca ñnare cöato mani’ yituoíaja yua. Pablo, Bernabé, yua ñamairä ñaama ña. ²⁶ ñnare ña sínarüaböajaquëne, Jesús mani úju i bojasesere yicöa ñañuma ña, toju ña gotimasiocudijaquëne. ²⁷ To bajiri Judare, Silare, müare cöaja yua, Pablo, Bernabé räca. Toju ejacöari, müare yua ucacöasere quënarö müare gotiquënoruarãma ña. ²⁸ Esp'iritu Santo yuare i tuoíaejarëmose räca, ñamasuse ríne müare yiroticöaja yua: ²⁹ “Ado bajirä ñarãma” ña masune yiquënorujeocöari, ña rücübúorä tújare vaibücüre síacöari, mojoroaca ña túju cürãma. Tire babesa müa. To yicöari, vaibücürä müa

sġariarġe ĩna ri'ire yireamenane, babesa. ĩna ri'ire quġene idibesa. To yicġari, manajo cutirġ, manaju cutirġ, manajo mana, manaju mana quġene, gġjerġ rġca ajeriarġ cutibesa. Adire mġa yijama, quġenase yirġ ĩnaruarġja mġa. Muare quġenarotġaja yġa", ĩnare yiucacġaġujarġ ĩna, Antioqu'ianare, jud'io masa me ĩnarġe.

³⁰ To bajiri, Antioqu'ia macaju ĩna varotirġ, ĩnare vare goti, vacoasujarġ ĩna. To ejacġari Jesġre ajitirġnġrġe ĩnare rġcġari, gotiquġenorġ ĩna ucacġarere ĩnare ĩsiġujarġ ĩna. ³¹ Tire ĩacġari, buto variquġenaġujarġ ĩna, tuoġasutiritiġnaaboariarġ. ³² Judas, Silas quġene, Diore gotirġtobosarimasa ĩnaġujarġ ĩna. To bajiri toanare Jesġre ajitirġnġrġe Jesġs ocare quġenaro gotimasioġujarġ. Tire ajicġari, butobusa ajivariquġenaġujarġ ĩna. ³³ ĩna rġca yoaro ĩna bajġiaro bero, ĩnare queti cġariarġ taju tudiana, ĩnare ĩna vare gotirone,

–Quġenaro tudlasa mġa –ĩnare yituoġcġaġujarġ ĩna.

³⁴ To ĩna bajirone,

–Adone tujagu yaja yu –yitujacġaġuju Silama.

³⁵ Pablo, Bernabġ quġene, Antioqu'iajare tujayujarġ ĩna. To ĩnacġari, gġjerġ jġjarġ rġca Jesġs ĩ bajirere masare gotimasioġca ĩnarġgġġujarġ ĩna.

Jesġs ĩ bajirere Pablo ĩ goticudigu tudivare queti

³⁶ Antioqu'iaju yoaro bajġnaoana,

–Ita. Quġena ĩnare tudġacudito, Jesġs ĩ bajirere mani goticudicati macarire, “ġMani goticudicatore bajirone ajitirġnġcġa ĩati?” yirġ –ĩre yiyuju Pablo, Bernabġe.

³⁷ To bajiri, Juan Marcos vġme cutigure ĩre jiarġaboayuju Bernabġmġama. ³⁸ ĩre ĩ jiarġaboajaquġene, bojabesuju Pablomġama, Panfilia macaju Jesġs ĩ bajirere ĩna gotimasioġcudirore ĩnare ĩ tudivoore ti ĩnare. ³⁹ To bajiri sġgġre bajiro tuoġamasibetica yirġ, gġmerġ cġmotadicġaġujarġ ĩna. Bernabġmġama, Chipre vġme cutiyoaġu Juan Marcore ĩre šmato vasuju. ⁴⁰ To ĩ bajiro bero, Pablomġama, Silare ĩre yiyuju. ĩna varoto rġjoro, toana Jesġre ajitirġnġrġ Diore ĩnare sġnibosayujarġ, Pablora, Silare quġene, “ĩna goticudiro ĩnare eġarġmoato Dios” yirġ. To bajiro ĩna yiro bero, vacoasujarġ ĩna. ⁴¹ To bajivana, Siria sitare, Cilicia sitare quġene, Jesġre ajitirġnġrġe ĩnare gotimasioġcudirġgġġujarġ ĩna, “Butobusa ajivariquġenato ĩna” yirġ.

16

Timoteo, Pablora, Silare, ĩ baba cuti vare queti

¹ To bajivana, Derbe vġme cuti macare, to yicġari Lистра vġme cuti macajure quġene ejayujarġ Pablo mesa. Ti macajure Jesġre ajitirġnġgġre, Timoteo vġme cutigure ĩre bajayujarġ ĩna. Jesġre ajitirġnġgġ jud'io maso macu ĩnaġuju ĩ. ĩ jacġma, griego masu ĩnaġuju. ² Lистра macana, Iconio macana quġene, “Quġenaro yigu ĩaami”, ĩnare yigotiyujarġ Jesġre ajitirġnġrġ, Timoteore. ³ “ĩ jacġ griego masu ĩnacami”, yimasijedicġaġujarġ ti macariana. To bajiri ĩ rġca Timoteo ĩ vacudirore bojagu ĩari, “Jud'io masa adi macariana, ‘Circuncisiġn yiyamagġ ĩagġmi Timoteo’ yġateroma” yimasigġ ĩari, “Circuncisiġn yirotiya”, yiyuju Pablo. ⁴ To bajiro yicġa, vacoasujarġ ĩna, Timoteo rġca. ĩna eġarġmacari ĩnaro cġrone Jesġre ajitirġnġrġe ado bajiro ĩnare gotirġgġġujarġ ĩna:

–Jerusalġn macana Jesġs ĩ gotiroticġasuarġarġ, ĩre ajitirġnġrġe ĩnare šmato ĩnarġ quġene, “Adi vġmere yibetiroti ĩnaja” ĩna yirere –ĩnare gotirġgġġujarġ.

⁵ To bajiro ĩna yigotirġgġsere ajivariquġenaġujarġ ĩna, ti macariana Jesġre ajitirġnġrġ. To bajicġari, jġjarġbusa ĩnarġtuasujarġ ĩna.

Pablora Macedonia sitagu ĩ ruyuaġore queti

⁶ Asia sitajure Jesġs sġorine quġenaro Dios ĩ yisere ĩnare gotirotibesuju Esp'iritu Santo. To bajiri tojare vamenane, Frigia, Galacia, to yicġari, Mġsia sita ĩnarġmacarianare quġene ĩnare gotimasioġcudiyujarġ ĩna. ⁷ Mġsia sita tusariju ejacġari, Bitinia sitajure varġaboayujarġ ĩna. ĩnare varotibesuju Esp'iritu Santo. ⁸ To bajiri, Mġsia sitare varġtu vanane, ti sita ĩnarġmaca Troas vġme cuti macaju ejayuma ĩna. ⁹ Ti macajure Pablo ĩ eġarġioati ĩnare, Macedonia sitagu ĩre ruyuaġoġuju. Ruyuaġocġari, ado bajiro ĩre yiyuju:

–Vayġ. Yuare eġarġmoguaya –ĩre yijiyuju.

¹⁰ ĩre ĩ ruyuaġojare,

–Macedonia sitaju vajaro. Tojare Jesġs sġorine quġenaro Dios ĩ yisere mani gotirotire yigu, ĩre ruyuaġorotiyumi Dios –yituoġacaju yġa.

To yirġ ĩari, yġa gġjeyġnġre quġenosġcaju yġa, Macedoniaju varġarġ.^d

Filipos vġme cuti macaju Pablo mesa ĩna bajire queti

^d 16:10 Adi quetire ucamasirġ Lucas vġme cutigu, Troas maca ĩnacġari, Filipos vġme cuti macaju Pablo rġca varġ ĩari, “yicami Pablo”, yiucaiyumi.

¹¹ To bajiri, Troas maca ñariarã, cūmuane vacōari, Samotracia vāme cutiyoaju ejacaju yua. To ejacōari, gajerūmu Macedonia sita ñarimaca, Neápolis vāme cuti macajure vacaju yua. ¹² Romano masa, Macedonia sitare ēmacōari ña ñaro ñacaju. Ti maca ejacōari, Filipos vāme cuti macaju vacaju yua. Jairimaca, ñamasuri maca ñacaju ti maca. Tojure yoarobusaca ñacaju yua. ¹³ Ūsusājararūmu ti ñaro, ti maca tusaroju vacaju yua, riaga boeju. “Jud’io masa, rējacōari Diore ñe ña sēniriju ñaroja”, yitūōia rojacaju yua. Rojaejacōari, to rējarāre rōmiare ñare gotimasioacaju yua, Jesús suorine quēnaro Dios ñ yisere. ¹⁴ Sīgō yuare ajigo, Lidia vāme cutigo ñacamo, Tiatira vāme cuti macago. Sudijāiri, sūarivujōjāiri Isicōari, vaja sēnigō ñacamo. Quēnaro Diore yirūcūbūogo so ñajare, “Pablo ñ gotimasiosere ajimasiasi” yigu, ñ masisere sore cōañumi Dios. To bajiro sore ñ yijare, Jesúsre ñe ajitirānūsoacamo so. ¹⁵ To bajiro so bajijare, sore, to yicōari, so ya vianare quēne oco rāca ñare bautizacaju yua. To yua yiro bero,

–“Jesúre ñe ajitirānūgō ñamo” yure mūa yijama, yu ya vijū ñarā vayá mūa –yuare yicamo so.

To so yijare, so ya vijū ñacaju yua.

¹⁶ Cojorūmu Diore sēniriaroju vana, gājerāre moabosarimasore sore bujacaju yua. Vāti sāñagō ñacamo so. Vāti suorine masa ña bajirotire tuoñacōari, riojo gotigo ñacamo. To bajiro bajigo so ñajare, ña bajirotire masiruarā, sore sēniarūgūñujarā. To so yise vaja jairo gājoa bujarūgūñujarā so ujarā. ¹⁷ To bajiri yuare suyacōari, ado bajiro yuare yivasā suyarūgūcamo so:

–Ānoa, masirētogū Dios ñ bojasere yirā ñaama. Dios, masa rojose ña tāmūoborotire ñare ñ yirētobosarotire gotirimasa ñaama –yivasā suyarūgūcamo so.

¹⁸ Tocārācarūmūne to bajiro so yivasā suyajare, buto gōjanabidicami Pablo. To bajiri judarūgūcōari, so ūsūju vāti sāñagūre ado bajiro ñe yicami:

–Jesucristo ñ rotise rāca mure budirotiaja yu –ñe yicami Pablo.

To bajiro ñ yirone, budicoacami vāti.

¹⁹ So ūsūjare vāti ñ budicoajare, masa ña bajirotire gotimasibeco ñacamo so yuja. To bajiro so bajijare, “So suorine gājoa bujarūgūboabu mani. No yicōari, gājoa bujariaro maja mani yuja” yijūnisinirā ñari, Pablōre, Silare quēne ñare ñejecama so ujarā. ñare ñejecōari, masa ña yisere ñacōarimasa tūju ñare juaácama. ²⁰ ña tū ejacōari, ado bajiro goticama ña:

–Ānoa jud’io masa mani ñarimacanare gotigōjanabioama. ²¹ ña ñicua ña yimasiriarore bajiro yiroti ñaja, yigotimasioama ña. Manima romano masa mani ñajare, ña gotisere mani ajijama, Ūju César ñ rotisere cudimena yirāja mani –ñare yigoticama ña, vāti sāñaboario ujarā.

²² To bajiro ña yisere ajicōari, jājarābusa ñare ñajūnisinicama ña. ñare sudi vejecōari, ñare bajeroticama masa ña yisere ñacōarimasa. ²³ Buto ñare ña bajero bero, tubiberiavijū ñare tubiberoticama. To yicōari,

–Quēnaro ñare ñatirūnūma –ñe yicama ña, ti vire coderimasure.

²⁴ To ña yijare, gudareco ñari araujare no yirudimasifña manojū ñare juacōari, yucājāi goje cutijāine ña guborire yirētobuñiacōari, ñare tubibectōañuju.

²⁵ To ñ yicōariarā, ñami gudareco ñaro Diore sēni, basa, yifñañujarā ña, Pablo, Silarāca. Gājerā, ti vi tubibe ecoriarā, to ña yisere ajijujarā. ²⁶ To bajiro ña yifñarone, buto sita sabeyuju. To bajiro ti bajirone, ti vi ñarisōari sojeri jedirone jāñajedicooasuju. Cōmemarine ñare ñ siaboare jōjjjedicoasuju, ña jedirone. ²⁷ To bajiro ti bajirone, yujicōari, ti vi ñarisōari sojeri ñaro cōrone jāñariasojeri ti ñacōajare, “Budijedicōariarāma ña” yigu, ñ masune jariase rāca sīaguagu yiboayuju ti vi ñacoderimasa. ²⁸ To ñ yigūadone,

–ñmū masune sīabeticōañā! Yua ñaro cōrone adorine ñajedicōaja yua –ñe yiyuju Pablo.

²⁹ To ñ yisere ajicōari, siabusuorotiyuju ti vi coderimasa. To yicōari, ti vijure ūmasājacōari, buto gūigu ñari, nanagūne Pablo, Silarāca rījorojuare gusomuniari tuetuyuju, ñare rūcūbūogu. ³⁰ To ñ yiro bero, ñare bucōari, ado bajiro sēniñañuju ñ:

–Rojose yu tāmūoborotire Dios yure ñ yirētrotire yu bojjajama, ĩno bajise yiroti ñati yure? –ñare yisēniñañuju ñ.

³¹ To ñ yisere ajicōari, ado bajiro ñe cudiyujarā ña:

–Mani ūju Jesúsre mū ajitirāñujama, rojose tāmūotūjabetiriaroju mū vaborotire mure, mū yarāre quēne yirētobosarūcūmi Dios –ñe yiyujarā Pablo, Silarāca.

³² To bajiro ñe yicōari, ñe, ñ ya vianare quēne mani ūju ocare ñare gotimasioñujarā ña. ³³ Ti ñamine Pablo mesa cāmire coeyuju ñ, tubiberiavi coderimasa. ñare ñ coegajanorone, ñe, ñ ya vianare quēne oco rāca ñare bautizayujarā ña. ³⁴ To bajiro ñare ña yiro bero, ñ ya vijū ñare jiacōari bare ñare ecauyuju. Diore ajitirānūrā ñari, buto variquēñañujarā ña.

³⁵ Gajerūmu busuriju masa ña yisere ñacōarimasa, ado bajiro ña surarare ñare yiyujarā ña:

–Tubiberiavi coderimasare ĩre gotiaya, “Pablöre, Silare ĩnare bucđato” –ĩnare yiroticđaņujarđ ĩna. ³⁶ To ĩna yiroticđare ti ĩņajare, ado Pablo mesare ĩnare gotiyuju ti vi coderimasu:

–“Pablöre, Silare ĩnare bucđaņa”, yare yicđaņuma ĩna. To bajiri, “Rojose manire yirēmomenama”, yituoņa variquēna budiasa mua –ĩnare yiyuju ĩ.

³⁷ To ĩ yiboajaquēne, ado bajiro ĩnare yiyuju Pablo, masa ĩna yisere ĩacđiarimasa ĩna cđariaräre:

–Bajibeaja. Roma macana yua ĩboajaquēne, rojose yua yirere ĩacđiamenane, yuare bajarotimasima ĩna, masa ĩna ĩaro rĳjorojuu. To yicđari yuare tubiberotimasima. To bajiro yuare yirđ ĩboarine, ĳno yirđ masa ĩna ĩabetone yuare burotiati ĩna? ĩna masune yuare burđ vadiato –ĩna cđariaräre ĩnare yiyuju Pablo.^e

³⁸ To ĩ yijare, masa ĩna yisere ĩacđiarimasa tuju ejačđari, Pablo ĩ gotirere ĩnare gotiyujarđ ĩna. To ĩna yisere ajicđari, “Roma macana ĩaņuma ĩna quēne” yimasicđari, buto gũyujarđ ĩna. ³⁹ To bajiri tubiberiaviju ejačđari, “Rojose muare yua yimasisere masirioya mua”, ĩnare yiyujarđ, Pablo mesare. To ĩna yiro bero, ĩnare bucđari, rūcđuose rāca ĩnare varotiyujarđ ĩna, masa ĩna yisere ĩacđiarimasa. ⁴⁰ To bajiro ĩnare ĩna yiro bero, Lidia ya viju vasujarđ ĩna. Ti viju sđajacđari, to ĩnariaräre Jesũre ajitirũnräre quēnaro ĩnare gotiyujarđ ĩna. ĩnare gotigajanocđari, vacoasujarđ Pablo mesa.

17

Tesalónica vāme cuti macaju Pablo mesa rojose ĩna tāmũore

¹ To bajivanane, Anf'ipolis, Apolonia vāme cuti macare rētoanane, Tesalónica macajure ejayujarđ Pablo mesa. Tojũre jud'io masa Dios ocare ĩna buerivi ĩaņuju ti. ² To bajiri ĩ yirũgũriarore bajiro yiguacu, ti vire sđajũju Pablo. ĩdia semana cđo tocārācarũmu usũsđajariarũmuri ĩnaro Dios oca masa ĩna ucamasirere ĩnare bueajicđari, ado bajiro ĩnare gotimasiorũgũjuju:

³ –Tire quēnaro mua buejama, “‘Rotimũorũgđorcumi’ yigu, Dios ĩ cđarocu rojose tāmũocđari, ĩ rĳjarotire, to yicđari, quēna ĩ tudicatirotire gotiaja ti”, yimasirũarđja mua quēne. “To bajiro bajirũcumi” ĩna yuucamasir'i, “Jesũne ĩnaami”, muare yaja yu –ĩnare yigotimasioņuju Pablo.

⁴ To bajiro ĩ yisere ajicđari, sĳgũri jud'io masa, griego masa Diore rūcđuorũgũriarđ, to yicđari, rđmia ĩnamasurđ quēne, “Pablo mesa rācana ĩaja yua”, yiyujarđ ĩna. ⁵ To bajiro ĩna yisere buto ĩajũnisiniņujarđ gājerđ jud'io masa. ĩajũnisinicđari, jājarđ masa ĩna rējarũgũrijuu ejačđari, “Pablöre, Silare ĩnare ĩnejecđari, rojose yito mani” yirđ, rojose yiräre ĩnare jirēoņujarđ ĩna. To yicđari, “Jasón ya viju ĩnarāma” yirđ, ĩnare macarđ sđasujarđ ĩna. ⁶ ĩnare bujabetica yirđ, Jasón to yicđari gājerđ Jesũre ajitirũnräre quēne, ĩnare vejabudiacđari, ti maca ujarđ tuju ĩnare juuásujarđ. To ejačđari, ado bajiro ĩnare avasāgotiyujarđ ĩna:

–Ānoa, macarũcuro jediro ĩnarđ masare gđjanabiorđ ĩnaama. To bajiri adojure quēne manire gđjanabiorđ ejama ĩna. ⁷ Jasón ĩnare bocaāmiņumi ĩ ya viju. ĩna jedirone, ũju Cēsar ĩ rotisere ajirũcđuomena ĩnaama. “Gāji ĩnaami mani ũju, Jesũs vāme cutigu”, yirũgũama ĩna –yivavāsđ gotiyujarđ ĩna.

⁸ To bajiro ĩna yigotisere ajicđari, maca ujarđ, gājerđ to rējarđ quēne, buto avasājũnisiniņujarđ ĩna. ⁹ To yicđari, Jasónre, gājerđ Jesũre ajitirũnräre quēne ĩnare gājoa sēniņujarđ ĩna, “Tire mua ĩsijama, muare burũarđja yua” yirđ. To ĩna yijare, gājoa ĩnare ĩna ĩsironne, ĩnare bucđaņujarđ ĩna.

Berea vāme cuti macajure Pablo mesa ĩna bajire queti

¹⁰ Tirāmu rāioati ĩnamine, Berea vāme cuti macaju Pablo mesare ĩnare varotiyujarđ ĩna Jesũre ajitirũnrā. Tojũre ejačđari, Dios ocare ĩna buerivijure sđajũujarđ ĩna. ¹¹ Tesalónica vāme cuti macanare bajiro tuoĩabesujarđ ĩna, ti macana jud'io masa. Pablo ĩ gotimasiosere buto ajivariquēnaņujarđ ĩna. Tocārācarũmurine Pablo ĩ gotisere ajicđari, Dios oca masa ĩna ucamasirere buerũgũjujarđ ĩna, “ĳPablo ĩ gotisere bajirone gotiati?” yirđ. ¹² To bajiri jājarđ jud'io masa, griego masa rđmia ĩnamasurđ, ũmua quēne, Jesũre ĩre ajitirũnũsoyujarđ ĩna. ¹³ Berea macajure Jesũs sũorine quēnaro Dios ĩ yisere Pablo ĩ gotimasio ĩsere ajiyujarđ Tesalónica macana jud'io masa. Tire ajicđari, Pablo ĩ gotimasio ĩnarojure vasujarđ ĩna. Toju ejačđari, “Pablo rojose yigu ĩnaami”, ĩnare yigotiyujarđ ĩna. To ĩna yijare, Pablöre buto ĩre jũnisiniņujarđ ĩna, ti macana. ¹⁴ To ĩna yijare, moa riaga boeju Pablöre ĩre varotiyujarđ ĩna Jesũre ajitirũnrā. To bajiboarine, Timoteo, Silarāca Berea macane ĩnacđaņujarđ ĩnama.

^e 16:37 Pablo jacũ Roma macana surara rāca quēnaro ĩ moajare, Roma macagu me ĩ ĩboajaquēne, “Roma macagu ĩnaami” ĩna yuacature cđoyuju, judio masu ĩboarine. To bajiro ĩna yire ti ĩņajare, ĩ macu Pablo quēne, “Tarso macagu ĩboarine, Roma macagu ĩaja”, yiyuju.

¹⁵ Pablo rāca variarā, Atenas vāme cuti macaju ĩre cūejoyujarā ĩna. ĩre cū, Berea macaju ĩna tudiatone, “Guaro yu taju vayā”, yiuacōāñuju Pablo, Silas, Timoteore.

Atenas vāme cuti macaju Pablo ĩ bajire queti

¹⁶ Pablo, Atenas macaju ñacōari, Silas, Timoteore ĩnare yuñañuju ĩ. To bajiñagū, ti macana, ĩna yiñasere ñañuju, “Ado bajirā ñarāma” ĩna masune yiquēnorujeocōari, ĩna yirūcubuoñasere. Tire ñacōari, buto tuoñarejajuju. ¹⁷ To bajiri jud'io masa Dios ocare ĩna bueriviju sājacōari, ĩnare gotimasioñuju Pablo, Jesús suorine quēnaro Dios ĩ yisere. Griego masare, Diore rūcubuoñarāre quēne gotimasioñuju. To yicōari, tocārācarāmurine masa ĩna rējarūgūrjau ejarāre ĩnare gotimasioñuju Pablo. ¹⁸ Tojare epicūreo masa, to yicōari estoico masa ĩ rāca ñagōñujarā ĩna. To yicōari, ĩna masune ado bajiro gāmerā yiyujarā ĩna:

—ĶÑie ũnire ñagōru yiboati, āni tuoñamasibecu? ĶNo bajise gotiru yiboati? ĩ yarā ĩna rūcubuoñare “ĩna quēne rūcubuoato” yigu, manire gotimasioru yiboami —gāmerā yiyujarā ĩna, Jesús rijacoaboarine, quēna ĩ tudicaturere Pablo ĩ gotisere ajicōari.

¹⁹ To bajiro gāmerā yicōari, ĩre jiasujarā ĩna, masa rējacōari ĩna gāmerā gotiroju, Areōpago vāme cutoju. To ejacōari,

—ĶÑie ũnire ajīñamanire yuare gotirūgūati mu? ^f ²⁰ Mu gotise ũnire ajibetirūgūmu yua. Mu gotiri vāmere masirāja yua —Pablore ĩre yiyujarā ĩna.

²¹ (Atenas vāme cuti macana, to yicōari, gājerā gajeroju vadirirā quēne, ĩna ajīibetirūgūre ĩna ajijama, Areōpagoju vacōari, ti rione gāmerā gotirūgūñujarā ĩna.)

²²⁻²³ To bajiri ĩna vatoajure vāmurūgūcōari, ado bajiro ĩnare gotiyuju Pablo:

—Atenas vāme cuti macana, yure ajija mua. “Ado bajirā ñarāma” yiquēnorujeocōari, mua rūcubuoñarā jājarā ñaama adi macare. ĩnare buto rūcubuoñarā ñaja mua. Mua quēnoriarāre mua rūcubuoñarivire, ñacudica yigu, cojoju soemuoñarajare, ucaturere ñamu yu. Ado bajiro yibu ti: “Ado ñaja Dios ñañamagūre rūcubuoñaraju” yibu. ĩre masibetiboarine, mua rūcubuoñare muare gotiguagu vadimasimu.

²⁴ ĩne ñaami Dios, ñajediro uju, adi macarucuro ũmuagaserore, to yicōari, catirā ñajedirore rujeor'i. Masa ĩna buariavire ñagū ũgū me ñaami ĩna. ²⁵ Masa ĩre ĩna yibosare bojagu me ñaami. Diseju ĩrema ruyabetoja. ĩne ñaami ñajediro mani catirotire manire ĩsirūgūgāma.

²⁶ “Macarucuro ti ñaro cōrone jājarā masa ñarūtuuarāma” yigu, rēmojare sigūne ũmure rujeosomasiñuju. Mani catirotirodorire, to yicōari, mani ñaroti sitare quēne manire cūbosamasiñuju. ²⁷ “Ībujayamagū ñaboarine, yure ĩna sēnijama, yure masiruarāma ĩna” yigu, to bajiro manire rujeomasiniñuju ĩ. Sōju me ñaami. Ado mani rācane ñacōagūmi. ²⁸ ĩ suorine catiaja mani. Sigūri mua yarā ado bajiro ucamasifūma ĩna: “Mani rūcubuoñu yarā ñaja mani. To bajiri ĩ rā ñaja mani”, yucomasiñuma. ²⁹ To bajiri, Dios rā ñari, “Orone, cōme vetane, gūtane masare bajirā ĩna quēnoriarā ũgū ñagūmi mani rūcubuoñu”, ĩre yituoñabeticōato. Masa ĩna quēnoboasema Diore bajiro bajise me ñaja ti. ³⁰ Tirāmujurema, “Ado bajirā ñarāma” ĩna masune yiquēnorujeocōari, ĩna yirūcubuoñasere bojabecu ñaboarine, rojose yibetimasifūmi Dios, “Ī bojabetire yirā yirāja mani” ĩna yimasibetijare. To bajiboarine yucarema, “Yu ñavariquēnabetire yitūjacōari, yu bojasejuare yiya”, yami Dios, masa ñajedirore. ³¹ To bajiri, “Cojorāmu masa ĩna yisere riojo ñabeserocure cūrucuja yu”, yimasiniñuju Dios. To bajiro ĩ yir'i ñari, adi macarucurojare ejacōari, ĩ rijato bero Dios ĩre ĩ catiore ñajare, “Masa ĩna yisere ñabeserocu ñaami”, yimasire ñaja —ĩnare yigotiyuju Pablo.

³² “Bajirocacoaboarine quēna tudicaticoasuju” Pablo ĩ yigotisere ajicōari, ĩre ajayujarā ĩna, sigūri. To ĩna yirone, gājerājuama:

—To mu gotiserema, gajerāmū mure ajiruarāja —ĩre yiyujarā ĩna.

³³ To bajise ĩre ĩna yijare, vacoasuju Pablo. ³⁴ Sigūri, Pablo ĩ gotisere ajicōari, Jesúsre ĩre ajitirūñuoyujarā ĩna. Dionisio, Areōpago masu ñañuju ĩ. To yicōari, Dāmaris vāme cutigo, gājerā quēne ñañujarā ĩna.

18

Corinto vāme cuti macaju Pablo ĩ bajire queti

¹ To bajiro bero, Atenas macaju ñar'i, Corinto vāme cuti macaju vacoasuju Pablo. ² Toju ejacōari, Ponto sitaju ruayar' i jud'io masu Aquila vāme cutigure ĩabujayuju. Italia sitagu uju Claudio vāme cutigu, Roma vāme cuti macajure jud'io masa ĩna ñasere bojabecu ñari, ĩnare varotiyuju ĩ. To ĩ yijare, Italiaju ñariarā, Corinto macaju ejayujarā ĩna, Aquila, ĩ manajo Priscila vāme cutigo rāca. ĩnare ĩabujar' i ñari, ĩna ya viju ĩnare ĩagū vasuju Pablo. ³ Vaibucurā gaserorine viri buarotire quēnocōari, vaja sēnirā ñañujarā ĩna. To bajiri Pablo quēne, tire moarūgūr' i ñari, ĩna taju ñacōari, ĩna rāca moañuju ĩ. ⁴ ĩna rāca ñacōari, ũsusājararāmū ti

^f 17:19 Areōpago vāme cutore rējarūgūrariā Areōpago vāme cutiyujarā.

ejaro Dios ocare İna bueriviju vacđari, jud'io masare, griego masare quēne, “Jesús yere ajitirũnũto” yigu, İnare gotimasiorũgũũju Pablo.

⁵ Macedonia sitaju ĩariarã, Pablo ĩ ĩarojũre Corinto macajũre ejayujarã Silas, Timoteo rãca. To bajiri İna ejaro bero, vaibũcarã gaserorine viri buarotire ĩ quēnorũgũboarere yitujacđari, tocãřararũmũne jud'io masare İnare gotimasiorũgũũju. “Jesũne ĩaami masa rojose İna tãmuoborotire İnare yirētibosacđari, rotimuorũgđoroũca, Dios ĩ cđar'ı”, İnare yigotimasiorũgũũju Pablo. ⁶ To bajiro İnare ĩ yigotiboajaquēne, İre ajiterã “Rojose yigu ĩaami Pablo. Socagu ĩaami”, yiyujarã İna. To bajiro İre İna yijare, “To cđrone mũare gotitũjagu yaja” yigu, ĩ sudi sãřasere tãayayeyuju Pablo. To yicđari, ado bajiro İnare yiyuju:

–Jesũs suorine Dios quēnaro ĩ yisere mũare yũ gotisere ajiterã ĩari, suoye cutiaja mũa. Yũ suori me bajirũarãja mũa. To bajiri, jud'io masa mejuare mũare yũ gotiboasere İnare gotiguũca yaja yũ –İnare yigotiyuju Pablo.

⁷ To yigajanocđari, ti vi ĩar'ı, budicoasuju ĩ. Ti vi tũre ĩaũju Ticio Justo vãme cutigu ya vi. Jud'io masũ me ĩaboarine, Diore ajirũcũbuogũ ĩaũju ĩ. To bajiri ĩ tũ sãjasuju Pablo.

⁸ Jud'io masa Dios ocare İna buerivi uju Crispo vãme cutigu, ĩ ya viana, to yicđari Corinto macana quēne, jãjarã Pablo ĩ gotimasiosere ajicđari, “Jesũrãcana ĩaja yua” yirã, oco rãca bautizarotiyujarã İna. ⁹ Cojo ĩami Pabloure ruyuaĩocđari, ado bajiro İre yiyuju Jesús, mani uju:

–Gũibesa. Gũibecũne yũ yere İnare gotimasioũca ĩaãa. ¹⁰ Mũ rãcane ĩaja yũ. To bajiri mũre ĩiacđari, rojose mũre yirocũ maami. Adi macare jãjarã ĩaama yũre ajitirũnũrã –Pabloure İre yigotiyuju Jesús. ¹¹ To bajiri cojo cãma jedi, gaje cãma gudareco Corintojũre Dios ocare İnare gotimasio ĩaũju Pablo.

¹² Tirodore Acaya sita uju ĩaũju Galion vãme cutigu. To bajiri Pablo ĩ gotimasio ĩarone, jud'io masa, İre ĩiacđari, Galion tũju Pabloure İre amiasujarã İna, “Rojose yigu ĩaũumi” İre yato” yirã. ¹³ To ejacđari, ado bajiro Galionre gotiyujarã İna:

–“Ado bajiro yũre yirũcũbuorũgũũrãja mũa” Dios ĩ yicũmasire mere masare ũmato yirũgũami –İre yigotiyujarã İna.

¹⁴ To İna yijare, Pablo ĩ ĩagđũnadone, ado bajiro İnare gotiyuju Galion:

–Rojose ĩ yire ti ĩajama, “Rojose yigu yiyumi”, mũare yajibogũja yũ. ¹⁵ To bajiboarine mũa ĩicũa İna yirũgũre ĩ yijama, ĩ yibetijaquēne, no yibeaja, yũrema. To bajiri no yigu ĩ yirene ĩacđiabeũca yũ. Mũa masune tire oca quēnořa –İnare yiyuju Galion, jud'io masare.

¹⁶ To yigajanocđari, İnare budirotiyuju ĩ. ¹⁷ To ĩ yirã, budianane Dios ocare İna buerivi uju Sđstenes vãme cutigũre İnare ũmato var'irene ĩiacđari, quēaũujarã İna. To İna yiboajaquēne, “To yaja mũa”, İnare yibeticoũũju Galion.

Antioqu'ia macaju tudiejacđari bero, Dios ocare Pablo ĩ tudigotigu vare queti

¹⁸ To bajiro bero, Corinto macajũre yoaro ĩacđaũju Pablo. To bajiĩaboacũ, Jesũre ajitirũnũrãre vare goti, vacoasuju. Priscila so manaju Aquila quēne ĩ rãca vasujarã İna, Siria sitaju vana. Cencrea macajũ ejacđari, “Tire yirũcũja yũ” Diore İre yir'ı ĩari, ĩ rũjoa joare suarotiyuju Pablo. To bajiro ĩ yiro bero, cũmuane Efeso macajũ vacoasujarã İna. ¹⁹ Ti macajũ ejacđari, Priscila so manaju Aquila rãca to İna ĩatoyene, jud'io masa Dios ocare İna bueriviju vasuju Pablo. Ti vi ejacđari, İnare gotimasioũju ĩ. ²⁰⁻²¹ To ĩ yĩarone,

–Yũa rãca yoarobusa ĩacđaãa –İre yiboayujarã İna.

To İna yijare,

–Mũa rãca yoaro ĩamasibeaja yũ. Dios ĩ bojjama, quēna mũare ĩagũ vadirũcũja yũ –İnare yiyuju.

To yicđari, İnare vare goti vacoasuju cũmuane, Cesarea macajũ vacũ. ²² Cesarea macare ejacđari, Jerusalėnju vacoasuju ĩ. To ejacđari, Jesũre ajitirũnũrãre İnare quēnaroti gajanocđari, Antioqu'ia macajũ vacoasuju. ²³ Ti macajũ ejacđari, yoaro ĩaũju. To bajiĩaboacũ, vacoasuju Galacia sitajũre, to yicđari, Frigia sitajũre quēne, Jesũre ajitirũnũrãre “Butobusa ajitirũnũrũtũajaro” yigu, İnare goticudiguũca.

Efeso macajũre Apolos vãme cutigu ĩ gotimasiove queti

²⁴ Tirodore Efeso macajũ ejayuju jud'io masũ, Apolos vãme cutigu. Alejandr'ia vãme cuti macajũ ruyuar'ı ĩaũju ĩ. Dios ocare masa İna ucamasirere quēnaro masigũ ĩaũju ĩ. ²⁵ “Jesũs ĩaũumi, ‘Rotimuorũgđorũcumı’ yigu, Dios ĩ cđar'ı” gãjerã İna yigotimasior'ı ĩaũju ĩ. “Rojose mũa yisere yitujacđari, ‘Dios ĩ bojjesejũre yirũarãja’ yirã, oco rãca bautizarotiya” Juan ĩ yire rĩne masiũju ĩ. To bajiboarine, ĩ masiro cđoro quēnaro gotimasio variquēnaũju. ²⁶ Ti macajũ ejacđari, Dios ocare İna buerivijũre bojjonebecũne İnare gotimasioũju ĩ. To bajiro ĩ yisere ajiyujarã İna, Priscila, so manaju rãca. Tire ajicđari, “Cojo vãme İre ruyaja” yirã, ricati İre ĩcãmotocđari, İre gotirēmoũujarã İna, Jesús ocare, to yicđari ĩ bajirere quēne. ²⁷ ĩ gotimasiorotire İre İna gotirēmore bero, Acaya sitana Jesũre ajitirũnũrã İna ĩaroju varũa tũoũũju Apolos. “To mũ vajama, quēnamasucđaroja ti”, İre yiyujarã İna, Efeso vãme cuti

macana Jesúre ajitiránurá. To bajiri Acaya vāme cuti sitanare queti ĩnare ucacōañujarā ĩna, “Apolo maa tu ĩ ejaro, quēnaro ĩre bocaāmiña maa” yirā. To bajiri, Acayajure vacoasuju ĩ. To ejacōari, Dios ĩ ejarēmose rāca Jesúre ajitirānusuarārare ado bajiro ĩnare yirēmofuju Apolos: ²⁸ Quēnaro tuoāgū ñari, masa ĩna ĩaro rĳjoroĳua, jud'io masa ĩna gotiboasere, “To bajiro me bajiaja” yigu, Dios oca masa ĩna ucamasirere gotiyuju ĩ.

– “Rotimaurōgōrucami” yigu Dios ĩ cōar'i, ĩne ñaami Jesús –yigotimasiofuju ĩ.
Quēnaro ĩ gotimasiojare, “To bajiro me bajiaja”, yimasibesujarā jud'io masa.

19

Efeso vāme cuti macaju Pablo ĩ bajire queti

¹ Corinto vāme cuti macaju Apolos ĩ ñatoyene, Pabloĳua gūtayucu vatoaju ñarimacarire rētoacōari, Efesoĳu ejayuju. Toĳu ejacōari, Jesúre ajitirānurāre sĳgūre ĩnare bujayuju Pablo.

² ĩnare bujacōari, ado bajiro ĩnare sēñifañuju:

– Jesúre ĩre maa ajitirānusuarĳju, ¿Dios ĩ cōagū Esp'iritu Santo muare ejacati? – ĩnare yiyuju.
To ĩ yisere ajicōari,

– ¿Ñimu ñati Dios ĩ cōagū Esp'iritu Santo mu yiguma? ĩre masibeaja yua – ĩre yicūdiyujarā ĩna.

³ To ĩna yisere ajicōari,

– ¿Ñie ũnire yirā, oco rāca bautizaroticati maa? – ĩnare yisēñifañuju Pablo.

To ĩ yisere ajicōari,

– Juan ĩ yirere yirā, oco rāca bautizaroticaju yua – ĩre yicūdiyujarā ĩna.

⁴ To bajiro ĩna yijare,

– “Roĳose yiruabeaja yua. Dios ĩ bojeseĳuare yiruārāja yua” yirāre ĩnare bautizayuju Juan. To yicōari, “Yu bero eĳarocure ĩre ajitirānuma maa”, ĩnare yigotiyuju ĩ, Jesús ĩ eĳarotire yigu – ĩnare yigotiyuju Pablo.

⁵ To yicōari Jesús ĩ gotimasiorere, ĩ bajirere quēne ĩnare gotiyuju Pablo. Tire ajicōari, “Manire riĳabosayumi Jesús mani uĳa. To bajiri ĩ rācana ñaja yua” ĩre ĩna yiaĳitirānusojare, oco rāca ĩnare bautizayuju Pablo. ⁶ To yigajanocōari, ĩ āmori rāca ĩnare ĩ ñuĳeorone, Esp'iritu Santo ĩnare ejayuju. To ĩnare ĩ bajirone, aĳiyamani oca ñagōñujarā ĩna. To yicōari, Diore ĩre gotirētobosayujarā ĩna. ⁷ Juāāmo cōro, gabo ĳua ĳēnituarirācu ñañujarā ĩna.

⁸ Jud'io masa Dios ocare ĩna buerivĳu tuoāgūibecune idiarā muĳua ado bajiro ĩnare gotimasio ñañuju Pablo:

– Jesúne ñaami “Rotimaurōgōrucami” yigu, Dios ĩ cōar'i. ĩre ajitirānurāre, “Yu rācana ñaama” ĩnare yĳivariquēnaami Dios – ĩnare yigotirūgūñuju.

⁹ To bajiro ĩnare ĩ yigotiboajaquēne, sĳgūri ĩre ajitecoasujarā ĩna. To bajiri, “Jesús yere ajitirānu suĳare socase ñaja”, yigotiyujarā ĩna, ti vi rēĳarāre. To bajiro ĩna yijare, Tirano vāme cutĳu ya vi, buerivĳu Jesús yere ajitirānurāre ĩnare ũmato vacōari, tocārācarūmune ĩnare gotimasiorūgūñuju Pablo. ¹⁰ ĳua cāma ĩnare gotimasio ñañuju ĩ. To bajiri Asia sitana, jud'io masa, to yicōari griego masa quēne, mani uĳu Jesús ĩ bajirere to yicōari, ĩ gotimasiorere Pablo ĩ gotisere aĳjedicoasujarā ĩna. ¹¹ Tirodore ĩañañamanire Dios ĩ masise rāca yĳifoĳu Pablo. ¹² To bajiri, Pablo ĩ masune riĳaye cutirāre ĩ moaĳagū vabetiboajaquēne, sudi joeaye, to yicōari ĩna rĳjoa siararorine Pablore ĩre moaĳaroticōari, juacoarūgūñujarā riĳaye cutirā tĳu. Tire ĩna juaeĳasere moaĳarāne, caticoarūgūñujarā. Masa usurĳu sāñarā vātia quēne, budicoarūgūñujarā.

Masu usuju sāñagūre vātire, “Budiya”, Esceva rĳa ĩna yiboare

¹³ Masa usurĳu sāñarāre vātiare bureacōari, vaja sēnicudirimasa ñañujarā ĩna, ĩañañamanire Pablo ĩ yĳirodore. To yirūgūriarā ñari, “ ‘Jesús ĩ rotise rāca yaja yua’ mani yĳjama, quēnaro manire cudĳruarāma vātia”, gāmerā yiyujarā ĩna. To yirā ñari, “Pablo masare ĩ gotimasiorūgūgū, Jesús ĩ rotise rāca budiya”, yirūgūñujarā ĩna, masa usurĳu sāñarāre vātiare.

¹⁴ To bajiro yirūgūñujarā jud'io masu paia uĳu ñamasugū Esceva vāme cutĳu rĳa. Coĳomo cōro, ĳua ĳēnituarirācu ñañujarā ĩna. ¹⁵⁻¹⁶ To bajiro yirūgūriarā ñari, vāti sāñagū ĩ ñarivĳure sāĳaejacōari, “Jesús ĩ rotise rāca budiya”, yiboayujarā, masu usuju sāñagūre vātire. To ĩna yirone,

– Jesúrema masiaja yu. Pablore quēne ĩre masiaja. To bajiboarine muarema masibeaja – ĩnare yicōañuju vāti. To yigune, – ĩnare quēaña mu – yiyuju vāti, ĩ sāñagūre.

To ĩ yijare, ĩnare quēacōari, ĩna sudire voreajeocōañuju. To ĩ yiriarā, cāmĳrori cuticōari, sudi manane, ũmabudicoasujarā, ĩre rudiana. ¹⁷ Efeso macana, jud'io masa, to yicōari griego masa quēne, to bajiro Esceva rĳa ĩna yiecorere ajicōari, buto gūiyujarā ĩna. To yicōari, Jesús yere ĩna gotĳjama, rūcūbuose rāca gotiyujarā ĩna.

¹⁸ To yicōari, Jesúre ajitirānūrā, Dios ī bojabetire ĩna yirūgūre masa ĩna ajiro rĳorojua gotirā ejayujarā ĩna, “Tire tudiyibetiruarāja yua” yirā. ¹⁹ “Gājerā rētoro masirā ĩaja yua” yirā, ĩaĩaĩamani yĳorimasa, ĩna ucariatutirire buerā ĩaĩujarā gājerāma. To bajiri ĩna buerūgūriatutirire juadicōari, soereayujarā ĩna, masa ĩna ĩaro rĳorojua. Cincuenta mil ĩaritiiri cōro vaja cuti ĩaĩuju titutiri. ²⁰ To bajiri, Jesús yere ajitirānūrā jājarābusa ĩarĳtuasujarā ĩna.

²¹ To bajiro ti bajiro bero, ado bajiro yiyuju Pablo: “Macedonia sitanare, Acaya sitanare ĩacudigu varocu ĩagūja yu. To bajigone, Jerusalén macajure ejacoarucuja yu. Ti macajure ĩacōari, Roma vāme cuti macajure quēne ejacoarucuja yu”, yituoĩaĩuju Pablo. ²² To bajiro yituoĩagū ĩari, Macedonia sitajure ī varoto rĳoro, ĩre ejarēmōrāre, Erasto, to yicōari, Timoteore ĩnare cōaĩuju ī. ĩjuama, Asia sitajure ĩacōaĩuju maji.

Efeso macagu Demetrio vāme cutigu, Jesúre ajitirānūrāre rojose ī yiruare queti

²³ Tirodore Jesús yere ajitirānūmena, Jesús yere ajitirānūrājuare buto jūnisiniĩujarā, Efeso macana rĳne ĩaboarĳne. ²⁴ Demetrio vāme cutigu ĩaĩuju. Masore bajigo ĩagōre ĩna quēnorio Artemisa vāme cutigore ĩna rūcūbuorivire bajiriviriaca cōme botisene quēnocōari ĩsigū ĩaĩuju ī. Gājerā quēne, ī quēnose ũnĳre quēnorimasa ĩaĩujarā ĩna. Tire quēnorā ĩari, tire ĩsicōari, jairo gājoa bujarūgūĩujarā ĩna. ²⁵ ĩre bajiro moare cutirāre, to yicōari ĩre moabosarimasare quēne jirēoĩuju Demetrio. ĩ tu ĩna ejarone, ado bajiro ĩnare gotiyuju ī:

—Mani moase jairo vaja cutiĳa ti. Tire manire ĩna moarotibetijama, ĩie mana ĩaruarāja mani. Tire masiĳa mua. ²⁶ Pablo ī gotirūgūse ajirūgūaja mani. “Masa ĩna quēnorāma, rūcūbuoriarā me ĩaama”, yigotirūgūami. To bajiro ī gotisere ajitirānūrā, adi macana rĳne ĩabeama. Asia sita ĩaro cōrone ĩarāma, ī gotisere ajitirānūrā. ²⁷ To bajiro ī yigoticōa ĩajama, mani quēnosere vaja yibeticōari, Artemisare sore rūcūbuorā ĩna ejarūgūrivijure ejabetiruarāma ĩna. To yicōari, Asia sitana jediro, adi macarucuro ĩarā jediro, sore rūcūbuoboiarā sore rūcūbuobetiruarāma yuja —ĩnare yigotiyuju Demetrio.

²⁸ To bajiro ĩnare ī gotijare, ajijūnisinicōari, ado bajiro avasāĩujarā ĩna:

—Mani ya maca, Efeso vāme cuti macago ĩaamo Artemisa. ĩamasugō ĩaamo —yĳavasāĩujarā ĩna.

²⁹ To bajiro ĩna yĳavasā ĩarone, jājarābusa ĩna tujure rējacōari avasārēmōĩujarā ĩna. To yĳarāne sĳgū ī tuoĳarore bajiro tuoĳacōari, Gayore, Aristarcore quēne ĩnare ĩejeĩujarā. Macedonia sitana ĩaĩujarā ĩna, Pablo rācana. ĩnare ĩejeĩcōari, ti macana ĩajediro ĩna rējarūgūriaroju ĩnare juaasujarā ĩna. ³⁰ “ĩna rējaroju ĩnare juacoasujarā” ĩna yisere ajicōari,

—ĩnare juavariarāre ĩagōgū vacu yaja —yĳoayuju Pablo.

To ī yisere ajicōari, ĩre varotibesujarā gājerā Jesúre ajitirānūrāju. ³¹ Gājerā Pablo babarā, Asia sitana ųjarā sĳgūri, ti macare ejariarā, “Tojare vabeticōato” Pablōre ĩre yire queti cōaĩujarā, “ĩre ĩiaroma” yirā. ³² Tojare rējarā, rujajine tuoĳamecūcōaĩujarā ĩna. To bajiri, no ĩna bojarone ricatiri rĳne avasācōa ĩaĩujarā ĩna. “Tire yirā rējamu mani”, yimasibeticōaĩujarā. ³³ To bajiro ĩna yĳarone, “Yuare ĩagōbosaya; manire quēne rojose yĳoma ĩna” yirā, ĩna yu Alejandro vāme cutigure ĩre turocavioyujarā jud'io masa. To ĩna yĳare, “Avasātujaya” yigu, ī āmo rāca vāre vāre yĳoayuju. ³⁴ To bajiro ī yĳoajaquēne, “Jud'io masune ĩaami ī quēne” ĩre yĳiamasicōari, jua hora cōro, ĩna jedirone avasājedicōaĩujarā ĩna.

—Mani ya maca, Efeso vāme cuti macago ĩaamo Artemisa. ĩamasugō ĩaamo —yĳavasā ĩaĩujarā ĩna.

³⁵ To ĩna yĳarone, ti macana ųju,

—To cōrone avasātujaya —ĩnare yiyuju.

ĩna avasāĩujarone ado bajiro ĩnare gotiyuju:

—Ajĳa mua, adi macana: ĩna jedirone, “Artemisare sore rūcūbuorivire, to yicōari, ō vecajū quedirujadiarĳjare sore bajigo ruyurĳju, masa ĩna rūcūbuorĳjare coderimasa ĩaama”, manire yimasĳama ĩna. ³⁶ To bajiro ĩna yĳajare, rujajine yĳbesa. Quēnaro tuoĳacōari yĳi. ³⁷ Mani rūcūbuogore rujajine sore ĩna yĳibetĳoajaquēne, to yicōari rūcūbuorĳviayere ĩna juarudĳbetĳoajaquēne, ānoare ĩnare ĩejeayuja mua. ³⁸ Demetrio, to yicōari, ī quēnose ũnĳre quēnorimasa quēne, “Rojose yuare yama” ĩna yĳruajama, masa ĩna yisere ĩacōiarimasa tujure vajaro. ĩna ĩaama, tire yĳrimasama. ³⁹ Gaje vāme mua ĩagōrua tuoĳajama, ųjarā ĩna rējaroju vacōari, quēnaro tire gotĳroti ĩaja. ⁴⁰ “¿No yirā rujajine yimasiri mua?”, manire yĳsēĳiarāma romano masa, mua avasācōa ĩajama. To bajiro manire ĩna yĳsēĳiarone, “To bajiro ti bajĳjare, yĳbu yua”, ĩnare yĳgotĳmasibetiruarāja mani. To bajiri, “Rujajine mua yĳcudire vaja, rojose tāmuroarāja mua” manire yĳroma —ĩnare yiyuju ųju. ⁴¹ To yĳgotĳajanocōari, —Mua ya virĳju tudĳasa —ĩnare yiyuju ī.

20

Macedonia sitanare, Grecia sitanare quēne Pablo ĩ goticudire

¹ To bajiro ĩna yiriaro bero, “Ado bajiro ĩnaruarāja mua” ĩnare yigotira, Jesúre ajitirúnurāre ĩnare jirēoñuju Pablo. To yigajanocōari, ĩnare vare goti, vacoasuju ĩ, Macedonia sitaju vacu. ² Ti sitaju ejacōari, Jesúre ajitirúnurāre, butobusa ĩre ĩna ajitirúnurōtire ĩnare goticudiyuju. To yicōari, Grecia sitaju vacoasuju ĩ. ³ Ti sitaju ejacōari, idiarā muĩjuua ĩaũũuju ĩ. To bajĩnaboa, Siria sitajure varuaboayuju. Jud'io masa ĩre ĩna sĩaruasere ajicōari, vabesuju. To bajiri, “Macedonia sitare rētoarũcũaja yu, Efeso macaju vacu”, yituoĩañuju Pablo. ⁴ ĩre baba cuti vacana ado bajiro vāme cutirā ĩnacama ĩna: Berea vāme cuti macagu, Pirro macu Sópater vāme cutigu ĩnacami. To bajicōari, Segundo, Aristarco ĩnacama Tesalónica macana. Derbe vāme cuti macagu Gayo quēne ĩnacami. T'iquico, Tróximo, to yicōari, Timoteo ĩnacama ĩna Asia sitana.^h ⁵ Troas vāme cuti macaju vana, yua rĩjoro vacoacama ĩna, toju yuare yuroana. ⁶ Boserũmu pan ũmato vauvase vuoyamani bariarũmuri bero, vacaju yua, Filipos vāme cuti macaju. Ti maca ĩnariarā, Troas macajuare vana, cojomocārācarũmu bero, ejacaju yua, ti macajure. Ti macaju yuare yuyuma rĩjoro vacana. ĩna rāca cojomo cōro, jua jēnituarĩrũmuri ĩnacaju yua.

Troas macanare Jesúre ajitirúnurāre Pablo ĩ gotire queti

⁷ Sábado rāioriju rējacaju yua, Jesúre ajitirúnurā. “Yu rĩjato bero, mũare yu rijabosarere tuoĩarā, uye ocore idi, to yicōari, pan ba, yirũgũruarāja mua” Jesús ĩ yiroticũre ĩajare, tire yiruarā rējacaju yua. Yua baroto rĩjoro, Jesús ocare ĩnare gotimasiocami Pablo. Busuriju varocu ĩnari, goticōa ĩnacami. ĩ gotĩnaro rĩne, ĩnami gudareco ejacoacaju. ⁸ Idiatuti cutivi ĩnacaju yua rējacativi. To bajiri tusaritutijure ĩnacaju yua. Jairo sĩabusuore ĩnacaju ti. ⁹ Mame bucũagu Eutico vāme cutigu, yua rāca ĩnacami. ĩburiasojejare rujicōari, cānijurĩarũcũami. To bajica yigu, quedijsiacoacami. To bajiri rĩjar'ire tũavũmuooboa yicōacama. ¹⁰ To ĩna yisere ĩacōari, rujiadicami Pablo. Rujiejacōari, ĩre tũavũmuogũne, jabariocami. To yigune,

–ĩnacabeticōaña. Rijayayibeami –yuare yicami.

¹¹ To yicōari, mũajacoacami quēna. Jesús ĩ rijabosarere tuoĩagũ, bare ũmato bacami. To yicōa, gotirũtuacũne gotibusuocoacami. To ĩ yigajano bero, vacoacaju yua. ¹² Ti macana, variquēnarāne Euticore ĩre tũacoacama ĩna, Pablo ĩ catior'ire.

Mileto macajure Pablo ĩ vare queti

¹³ Maane Pablo ĩ varoto rĩjoro, cũmuane Aso macaju vacaju yua, “Toju yure sārũarāja mua” ĩ yijare. ¹⁴ Aso macaju yua ejaro bero, maaju vadicoari, ejacami. ĩ ejaro bero, Mitilene vāme cuti macaju ĩre sāvacaju yua. ¹⁵ Ti macaju yua ejabusuocatirũmure Qu'io vāme cutiyoa cānamũarore ejacaju yua. Gajerũmu, Samos vāme cutiyoaju ejacaju yua. Gajerũmu vana, Mileto vāme cuti macaju ejacaju yua. ¹⁶ Asia sitajure yoaro ĩnarũabecu ĩnari, “Efeso macare rētoarũarāja mani”, yicami Pablo. Jerusalēnjure Pentecostēs boserũmu rĩjoro ejaruagu ĩnari, guaro varũacami.

Efeso macanare Jesúre ajitirúnurāre Pablo ĩ gotitusare queti

¹⁷ Mileto macajure ĩnacōari, Efeso macana Jesúre ajitirúnurāre ũmato ĩnarāre jigu, ĩnare ucacōacami Pablo. ¹⁸ ĩ jicōarā ĩna ejaro, ado bajiro ĩnare goticami Pablo:

–Mua tũju ejasũogu, quēnaro yu yirũgũcatire bajirone yu yicōa ĩnasere masiaja mua. ¹⁹ Mani uju Jesús ĩ bojasere yu yijama, yu masune tuoĩacōari, yigu me yirũgũcaju yu. Yu yarā jud'io masa yure ĩna sĩaruajare, buto rojose tãmuocaju yu. Cojo vāme me rojose tãmuocōari, otirũgũcaju yu. ²⁰ Mua rējariviriju, to yicōari mua ya virijure quēne, yure ĩna sĩaruasere gũibecu, mũare ejarēmogu, yu masiro cōro Dios ocare mũare gotimasiorũgũcaju yu. ²¹ Jud'io masare, to yicōari, jud'io masa me ĩnarāre quēne, “Rojose mua yisere yitajacōari, ‘Dios ĩ bojasejare yiruarāja. To yicōari, mani uju Jesucristo ĩ rijabosare suorine rojose yua yisere Dios ĩ masiriojare, ĩ rāca quēnaro ĩaja yua’ yituoĩaña”, mũare yigotirũgũcaju yu. ²² Esp'iritu Santo yure ĩ rotise rāca, Jerusalēn macaju vacu bajiaja yu. Toju yure bajirotire masibetiboarine, bajiaja yu. ²³ To bajiboarine masiaja yu, bajigũjuma. Tocārāca macari yu ejaro, Esp'iritu Santo ado bajise yure gotirũgũami: “Tũbibe ecorũcũaja mu. To yicōari, gajey rojose tãmuorũcũaja mu”, yure yigotirũgũami. ²⁴ Tire tuoĩaboarine, yu bajirotire gũibeaja yu. Namasuse me ĩaja ti. Ado bajisejua ĩaja ĩnamasuse: Masare Dios ĩ maisere quēnase quetire mani uju Jesús yure ĩ gotiroticature tire yijeocōarũaja yu.

²⁵ Dios ĩ bojarore bajiro Jesúre ajitirúnurāre mũare gotimasio gajanocōaja yu. To bajiri yure tudĩabetiruarāja mua. ²⁶⁻²⁷ Quēnaro yure ajiya mua: Gũibecũne, jediro Dios ĩ bojaro cōrone mũare gotijeocōacaju yu. To bajiri, “Pablo, quēnaro yuare ĩ gotibeticati suorine rojose

^h 20:4 Macedonia sitaju ĩnacōari, Pablo rācanare ĩari ĩnari, “Adocārācu ĩnacama”, yiucauyumi Lucas. To yicōari, ĩ rāca varĩ ĩnari, “Bajicaju yua”, yiucauyumi.

tāmnoaja yua”, yibetiruarāja mua. ²⁸ “Rojosere yibetiruarāja”, yituoīacōa ñarūgūruarāja mua. Mua rācanare ĩre ajitirūnarāre ĩnare rijabosayumi Jesús, “ ‘Yū yarā ñaama’ yīlato Dios” yigu. To bajiri, Esp’iritu Santo muare ĩ roticūriarore bajirone quēnaro ĩnare ũmato ñarūgūruarāja mua. ²⁹ Yū vaveoro bero ejaruarāma gājerā, “Diore gotirētobosarimasa ñaja yua” yitorimasa. Mua ñaro vatoajure ejacōari, ĩna gotitose suorine Jesúre ajitirānu tujacōari, rojose tāmnoarāma mua rācana. ³⁰ Mua quēne, Jesúre ajitirūnarāre ũmato ñarā ñaboarine, “To bajiro me bajijaja. Ado bajirojua bajijaja ti”, yisocaruarāja mua sīgāri, “Yūajuare ajisuyato ĩna” yirā. ³¹ To bajiro bajiro ti ti ñajare, “Rojose yibetiruarāja”, yituoīacōa ñarūgūruarāja mua. Tocārācurene, idia cāma tire muare gotirūgūcaju yū, āmuari, to yicōari ñamire quēne. Tire muare gotiñagūne, sīgāri mre bajirojore tuoīacōari, cojoji me otisatiritirūgūcaju yū.

³² To bajiro muare yirūgūcaju ñari, “Īnare ĩtirūnuña”, yisēniaja yū, Diore. Muare ĩamaicōari, quēnaro Dios ĩ yisere, to yicōari muare yū gotimasociare quēne tire masiritibetiruarāja mua. Tire mua masiritibetijama, Jesúre butobūsa ajitirūnarūtuaruarāja mua. To yicōari, Dios rīa ñari, masi rijato beroju ĩ gotiriarore bajirone ĩ ñarojore quēnaseayere bujaruarāja mua. ³³ Dirūmu ũnone gājerā ĩna cuosere gājoare, sudire ĩnare sēnigōjanabiobetirūgūcaju yū. ³⁴ Yū masu moacōari, yū bojasere, yū rācana ĩna bojasere quēne tire vaja yirūgūcaju yū. Tire masijaja mua. ³⁵ To bajiro yū yijama, “Mani bojasere, to yicōari, maioro bajirā ĩna bojasere ĩnare vaja yīsiruarā, quēnaro moarūgūroti ñaja” yigu, yicaju yū. Tū ũnire ado bajiro manire gotimasioñuju mani ũju Jesucristo: “Īsieocōari, ĩ variquēnaro rētoro variquēnagūmi gājerāre ĩ ĩsijama”, manire yigotyuju Cristo. To bajiri, tire masiritibeticōaña mua —ĩnare yigoticami Pablo, Efesoana Jesúre ajitirūnarāre ũmato ñarāre.

³⁶ To bajiro ĩnare yigotigajanocōari, ĩna rāca gusomuniari tuetucōari, “Diore sēnito mani”, ĩnare yicami Pablo. ³⁷ To ĩ yigajanoro bero, otirāne Pablore ĩre jabario, usu, yicama ĩna. ³⁸ “Yūre tudīabetiruarāja mua” ĩ yijare, buto sūtiriticama ĩna. To bajirā ñari, cūmua yua vasājavatoju yuare ĩsuyaejocama ĩna.

21

Jerusalénjare Pablo ĩ vare queti

¹ Īnare vare gotigajano, vasāja, vacoacaju yua, Cos vāme cutiyoaju. Gajerūmu vana, Rodas vāme cutiyoaju ejacaju yua. Tiyoare rētoanane, Pátara macaju ejacaju yua. ² “Fenicia sitajure vana yaja”, yicama. To bajiri ĩna vatiane ĩna rāca vacoacaju yua. ³ To bajivana, Chipre vāme cutiyoare ĩacaju yua. To bajiri, tiyoa visarore vacaju. To baji rētoanane, Siria sitaju ejacaju. Tī sita ñarimaca, Tiro vāme cuti macaju rocatuejacōari, gajeyēni cūcama ĩna. ⁴ Tone tujacaju yua quēne. To bajiri toanare Jesúre ajitirūnarāre ĩabujacōari, cojomo cōro jua jēnituarirūmari ñacaju yua, ĩna rāca. To yua bajiñaro Esp’iritu Santo Pablo ĩ bajirojore ĩnare ĩ gotirere masirā ñari, “Jerusalénjare vabeticōaña mu”, ĩre yiboacama ĩna. ⁵ To ĩna yiboajaquēne, vacoacaju yua quēna. ĩna manajoa, ĩna rīa, jediro yuare ĩsuyarā vadicaama ĩna. ĩna rāca jabuaju rojaejacōari, gusomuniari tuetucōari, Diore sēnicaju yua. ⁶ Diore sēnigajanocōari, ĩnare vare goti, vasāja, vacoacaju yua. ĩna quēne, ĩna ya viriju tudicoacama.

⁷ Tiro variarā, Tolemaida vāme cuti macaju ejacaju yua. To ejacōari, Jesúre ajitirūnarāre ĩabujacaju yua. To bajiri ĩna rāca cojorūmu ñacaju. ⁸ Gajerūmu Cesarea vāme cuti macaju vacaju yua. To ejacōari, Felipe ya viju vacaju. Jesús ĩ bajirere gotimasioḡ ñacami Felipe. Jerusalén macana Jesúre ajitirūnarāre, “Bare batoato” yirā ĩna beseriarā rācagu ñacami. ⁹ Babaricārāco rīa rōmiri cuticami. Manajua mana ñacama. Diore gotirētobosarimasa rōmiri ñacama ĩna. ¹⁰ Yoaro ĩ tū ñacōacaju yua. To yua bajiñaro, Agabo vāme cutigu ejacami. Judea sitagu Diore gotirētobosarimasa ñacami. ¹¹ Yua tū sājajacōari, Pablo ĩ vēnarigaserore tūaveamicami. To yicōari, ĩ āmorire, ĩ guborire quēne siacami, tī gaserone. To yigune, ado bajiro yicami:

—Esp’iritu Santo ado bajiro yure gotiami: “Yū āmori, yū gubori yū siarore bajiro Pablore ĩre siaruarāma ĩna jud’io masa, Jerusalén macana. ĩre siacōari, jud’io masa me ñarāre ĩsiruarāma”, yure yigotiami Esp’iritu Santo —yuare yigoticami Agabo.

¹² To ĩyisere ajicōari, Cesarea macana, yua quēne, Jerusalénjare Pablore ĩre varotibetiboacaju. ¹³ To yua yirone, ado bajiro yuare yicami:

—¿No yirā otiami mua? Yure yisatiribeticōaña. Jesúre ajitirūnagū yū ñajare, jud’io masa Jerusalén macana yure ĩna sijama, ĩna sīajaquēne quēnacōararoja. To bajirone mani ũju Jesús ĩ bojjajama, “To bajirone bajijato”, yaja yū —yuare yicami Pablo.

¹⁴ To bajiro yuare ĩ yicūdjare, “Vabesa”, ĩre yibeticaju yua.

—Dios ĩ bojjarore bajiro bajija mu —ĩre yicōacaju yua yuja.

¹⁵ Tiju bero, yua gajeyēñire quēnosā, Jerusalénju vacoacaju yua. ¹⁶ Sīgūri Cesarea macana Jesúre ajitirūnarā, yuare ūmato vacama, Chipreagu, Mnasón vāme cutigu ya viju. Toju yuare cū, tudicama ina, “Ī ya viju cāniato” yirā. Tīrāmujane Jesúre ajitirūnugū ñacoayumi Mnasón.

Santiagoore Pablo ĩtagā vare queti

¹⁷ Jerusalénjūre yua ejato, toana Jesúre ajitirūnarā, variquēnase rāca yuare sēnicama ina. ¹⁸ Gajerūmu yua rāca vacami Pablo, Santiago ya vijure. To ñañuma Jesúre ajitirūnarāre ūmato ñarā jedirone. ¹⁹ To bajiri inare quēnaroti gajanocōari, ĩgotimasiorere Dios ĩ ejarēmose rāca jud'io masa me ñarā Jesúre ina ajitirūnarere inare gotijeocōacami Pablo. ²⁰ To bajiro inare ĩ yisere ajicōari, “Dios suorine to bajiro yiyumi Pablo” yirā ñari, Diore yirācūbuo variquēnacama ina. To yigajanocōari, Pablōre ado bajiro ĩre goticama ina:

—Adojure jājarā masu ñacōama jud'io masa, Jesúre ajitirūnarā. To bajirā ñaboarine, “Moisés ñamasir'ire Dios ĩ roticūmasirere quēne yicōa ñarūgūroti ñaja ti” yirā ĩne ñacōama ina. ²¹ To yicōari, ado bajiro mu yirūgūre yuare gotirūgūama: Jud'io masa, gaje sitaju ñarāre, “Moisére Dios ĩ roticūmasiboarere tire yibeticōato mani. Ñamasare quēne inare circuncisión yibeticōato mani. Mani ñicua ina yisuoadimasirere quēne tire yibeticōato mani” inare mu yirūgūre ajicōari, yuare gotirūgūama—ĩre yicama, Pablōre.

²² —Mure jūnisinirā ñari, mu ejasere ajicōari, ejaruarāma ina. To bajiri, ¿no bajiro yiruarāda mani? ²³ Ado bajiro yirūcūja mu: Adore babaricārācu ūma ñaama ina, “Tire yiruarāja yua” Diore ĩre yiriarā. ²⁴ Diore yirācūbuorivijure ina rāca vaju mu. Ti viju ejacōari, ina yirore bajiro yiba. “Tire yiruarāja” yicōari, yua yibetirere masrioya Dios” yirā, ĩre ina soemoosere, to yicōari, ina joare ina suarotisere inare vaja yibosaba mu. To bajiro mu yijama, “Socarō bajiyuja ti. Moisés ñamasir'ire Dios ĩ roticūmasirere cudigu ñaami ĩ quēne”, mure yiruarāma ina, jud'io masa, mani yarā. ²⁵ Jud'io masa me ñaboarine, Jesúre ajitirūnarājūare adocārāca vāmene inare roticaju mani: “Ado bajirā ñarāma” ina masune yiquēnorjeocōari, ina rācūbuorā tujure vaibucurāre sīacōari, mojoroaca ina taju cūrāma. Tire babesa mu. Manajo cutirā, manaju cutirā, manajo mana, manaju mana quēne, gājerā rāca ajeriarā cutibesa. Vaibucurā ma sīariarāre ina ri'ire yireamenane, babesa”, inare yicaju mani—Pablōre ĩre yigoticama ina, Santiago ya viju ñacana.

Diore yirācūbuoriviju ñagūre Pablōre ina ñiare queti

²⁶ To bajiri, gajerūmu Diore yirācūbuoriviju ina rāca vacami Pablo. To ejacōari, “ ‘Tire yiruarāja’ yure ma yicatore bajiro ma yibetire mure masriyoaja yu’ manire yato Dios” yirā, ĩ barbarā ina yirore bajiro yiyuju ĩ quēne. To yigajanocōari, paia taju sāsaju, Diore yirācūbuoriviju. “Vaibucurā ina soemoorotirāmu ti ejarō vadirūcūja yu, ina soemoose vaja inare vaja yibosagu”, yigotiguacu bajiyuju ĩ.

²⁷ To yir'ī ñari, cojomo cōro, jua jēnituarirāmu ti ejaroto rījoro, vasuju Pablo, Diore yirācūbuoriviju. Ti viju ñagūre ĩre ñañujarā jud'io masa Asia sita vadriarā. ĩre ĩacōari, “Rojose yirūgūr'ī ñaami”, masare yigotiyujarā, “Pablōre jūnisiniato” yirā. To ina yijare, ĩre jūnisinicōari, “ĩre ñiato mani”, yūmasujarā ina. ²⁸ To yicōari, ado bajiro avasāñujarā ina:

—Israel ñamasir'ī jānerabatia, yuare ejarēmōrā vayā. Rojose yigu ñaami āni. “Manire ĩateato” yigu, masā ñaro cōrone gotimasioacudirūgūami. To bajiro ĩ yirā ñari, Moisére Dios ĩ roticūmasiboarere, to yicōari, Diore yirācūbuorivire rācūbuobeama. To bajise inare gotirūgūr'ī ñari, Diore yirācūbuorivire rācūbuobecu, griego masare inare ūmato sājañumi—masare yivasā gotiyujarā ina, Pablōre ĩre jūnisinirā.

²⁹ Efeso macaju vadir'ī, griego masu, Trófimo vāme cutigu rāca Pablo ĩ ñarore ĩre ñañujarā ina. To bajiri, “Diore yirācūbuoriviju ĩre ūmato sājarimi Pablo” yituoarā ñari, to bajise yiyujarā ina.

³⁰ “Rojose yiyumi Pablo” ina yisocasere ajicōari, Jerusalén macana ñajedirone buto jūnisinirā ñari, avasā ūmarējañujarā ina, Pablōre ñiaroana. ĩre ñiacōari, Diore yirācūbuoriviju ñagūre ĩre vejabudiasujarā ina, ĩre sīaroana. ĩre vejabudianane, ti vi sojere tubibe, yicoasujarā ina. ³¹ Pablōre sīaroana ina yīñarirīmarone, romano masu surara ujure queti ejayuju, jūnisinirā, masa ina avasāñase. ³² To bajiri, surarare jirēocōari inare ūmato vasuju, Pablōre ina jañarojure. ĩna vado ĩacōari, ĩre jatujacōañujarā ina. ³³ Surara uju, ejacōari ĩre ñañuju. To yicōari, “Cōmemarine ĩre siaya”, yiyuju, ĩ surarare. To yicōari, “¿Ñimu ñati ĩ? ¿no bajise rojose mure yiri?”, inare yisēñañuju ĩ, Pablōre jūnisinirāre. ³⁴ To ĩ yisēñasere ajicōari, jājarā ĩre ina cudimavisiocōajare, “To bajiro rojose yiyumi”, yajimasibeticōañuju surara uju. Tire ajimasibeticōari, “Mani ñariviju ĩre āmicoaya”, yiyuju, ĩ surarare. ³⁵⁻³⁶ To bajiri Pablōre ñiacōari, ina ñarivi mujariaju taju ĩre āmiejayujarā. To ĩre ina āmiejagure “Pablōre sīaña” yivasācōari, butobusa ĩre jayujarā. To ina yijare, ĩre āmimujasujarā, ina ñariviju.

Ī 21:26 Lucas, ina rāca vabetirī ñari, “yiyujarā”, yuicayumi.

Īre sĭaruarāre Pablo ĭ ñagōre queti

³⁷ Īre ĩna āmisājaroadone,

—Mu rāca ñagōruaja yu —surara ujure ĩre yiyuju Pablo, griego oca rāca.

To ĭ yirone,

—¿Griego ocare ñagōmasiatique mu? ³⁸ “Egipto sitaju ñar’i, adi sitare ejacōari, ‘Gobierno ĭ rotiboasere cudibeticōari, mani masune rotirāsa’ ĩnare ũmato yicōari, sĭarimasa cuatro mil ñarāre yucē manojū ĩnare ũmato var’i ñagūmi”, mure yitūoĭaboabu yu —Pablore ĩre yiyuju surara ujū.

³⁹ To ĭ yisere ajicōari, ado bajiro ĩre cūdiyuju Pablo:

—Jud’io masu ñaja yu, Cilicia sita ñarimaca Tarso vāme cuti macagu. To bajiri, ānoa yure jūnisinirā rāca ñagōruaja yu —ĩre yiyuju Pablo.

⁴⁰ To ĭ yijare, ĩre ñagōrotiyuju surara ujū. To cōrone Pablojū, mujariarogure rāgōcōari, ĭ āmone ñumūoĭuju, “Ñagōbesa mu” yigu. To ĭ yirone, ñagōtūjacoa busayujarā. To bajiri, hebreo oca rāca ado bajiro ĩnare ñagōñuju Pablo:

22

¹ —Yu yarā, to yicōari, yu jacuare bajiro bajirā yure ajiya: “Rojose yibesumi” yure mua yimasirotire yigu muare gotiguagu yaja yu —ĩnare yiyuju Pablo.

² ĩna oca rāca ĩnare ĭ ñagōjare, ĩre ajiruarā, ĩna jedirone ñagōbeti jedicōañujarā. To ĩna bajiro ĩacōari, ado bajiro ĩnare gotiyuju ĭ:

³ —Jud’io masu ñaja yu quēne. Cilicia sita ñarimaca Tarso vāme cuti macaju ruyuar’i ñaja yu. Toju ruyuar’i ñaboarine, ado Jerusalénju busuacaju yu. To bajicōari, Moisés ñamasir’ire Dios ĭ roticūmasirere quēnaro yure buecami Gamaliel. To bajiri, quēnaro masicaju. Tire masigū ñari, “Dios ĭ bojase rĭne yirā yaja” mua yitūoĭarore bajiro yitūoĭagū ñacaju yu quēne.

⁴ To bajiro tūoĭagū ñari, “Jesūre ajitirānurā, Dios ĭ rotimasirere rūcubuoĭeama” yitūoĭacōari, ado bajiro rojose ĩnare yicaju yu: Ɔmure, rōmiare quēne ĩnare ñejeōari, tubiberiavirĭju ĩnare tubibecūrūgūcaju yu. To yicōari, ĩnare sĭarotirūgūcaju yu. ⁵ Socu me yaja yu. Paia ujū ñamasugū, to yicōari ĭ rāca rējarūgūrā quēne, tire ĩacana ñari, yu bajicitire masiama. “Damasco vāme cuti macana, mani yarā, tojare mure yirēmoato ĩna” yirā, yure uocabosacōari, ĩsicama ĩna. To bajiri, Jesūre ajitirānurāre macaguacu, Damasco macajure vaboacaju yu, “ĩnare ñejeōari, Jerusalénju yu juajejorāre rojose ĩna yise vaja rojose ĩnare yato” yigu.

“Rojose yicacu ñaboarine, Jesūre ajitirānusoacaju yu”, Pablo ĭ yire queti
(Hch 9.1-19; 26.12-18)

⁶ Ɔmurecaju muiju ĭ tusato Damascore yu cōñatone, ñaro tusarone vecaju buto caje mose busurujadicaju ti. ⁷ Yure ti busurocaturone, quedicocaju yu. Yu quedirocacūatone, ado bajiro ocaruyucaju ti: “Saulo, Saulo, ¿no yigu rojose yure yisuyarūgūati mu?”, yi ocaruyucaju ti. ⁸ To bajiro ti yirone, “¿ĭnimū ũgū ñacōari, to bajise yure yati mu?”, ĩre yicaju yu. To yu yirone, “Yune ñaja, Jesús, Nazaret macagu, rojose mu yirūgūgūne”, yure yi ocaruyucami. ⁹ Yu rāca vacana quēne, bususere ĩacama. To bajiboarine Jesús yure ĭ ñagōsere ajibeticama ĩna. ¹⁰ To bajiro yure ĭ yisere ajicōari, “Yu ujū, ¿no bajiro yiguti yu?”, ĩre yisēñiacaju yu. To yu yirone, “Damascojū vasa mu. To mu ejaro, ‘Ado bajiro yiya’ mure yiruarāma”, yure yi ocaruyucami.

¹¹ Yu caje ĩamasibeticaju. To yu bajijare, yu babarā Damascojū vana yure tūa vacama ĩna. ¹² Ti macajure ñañumi Anan’ias vāme cutigu. Moisés ñamasir’ire Dios ĭ roticūmasirere quēnaro ajitirānugū ñacami. “Quēnaro yigu ñaami”, ĩre yicama jud’io masa jediro. ¹³ Yure ĩagū ejacōari, ado bajiro yure yicami: “Yu maigū, Saulo, tudĭña mu quēna”, yure yicami. To yure ĭ yirone, ĩacoacaju yu. ¹⁴ To yicōari, ado bajiro yure gotirūtuacami: “Mani ñicua ĩna rūcubuoĭoadimasir’i Dios, mure beseyumi, ‘Rojose yibecure, yu macure ĩacōari, ĭ ñagōsere ajiatō’ yigu, to yicōari, ‘Yu bojasere masigūjaro’ yigu. ¹⁵ To bajiri Diore gotirētobosarimasu ñarucja mu. Mu ajirere, mu ĩarere quēne, tire gotirucja mu. ¹⁶ ¿No yigu yumanĭajari? Vūmūrūgūña. ‘Rojose yu yisere yure masirioya’ mani ujū Jesūre ĩre yiya. To yicōari, ‘ĩre ajitirānugū ñaja’ yigu, oco rāca bautizarotiya”, yure yicami Anan’ias.

¹⁷⁻¹⁸ Ti macaju yu ñacato bero, Jerusalénjare tudiejacōari, Diore yirūcubuoĭriavĭju, Jesūre sēnigū sājacaju yu. ĩre yu sēñiñarone yure ruyuaĭocōari, ado bajiro yure yicami: “Divatone vasa. Yu bajisere adi macanare mu gotijama, mure ajibetiruarāma ĩna”, yure yicami. ¹⁹ To yure ĭ yisere ajicōari, ado bajiro ĩre yicaju yu: “Yu ujū, tocārāca vine, Dios ocare ĩna buerivirire sājacōari, mure ajitirānurāre ñejeōari, ĩnare bajerūgūcaju yu. To yicōari tubiberiavĭju ĩnare tubiberūgūcaju yu. To yu yirūgūcana masirāma ĩna. ²⁰ Mure gotirētobosarimasure Estebanre ĩre sĭaroana ĩna yĭñarone, ‘ĩre sĭarocacōña’ yicaju yu quēne. To yicōari, ĩna sudi joeayere ĩna vejecūsere ĩnare codebosacaju yu”, ĩre yicaju yu. ²¹ To bajiro ĩre yu yĭboajaquēne, “Vasa mu.

Sõju mure sõaguagu yaja yu, jud'io masa me Ìna ñaroriju", yure yicami yu uju –jud'io masare Ìnare yigotiyuju Pablo.

Surara uju Pablore Ì sēnīlare queti

²² To cōro Ì gotitusatone, "Jud'io masa me ñarā tuju vasa mu' yure yicami yu uju Jesús" Ì yisere ajiterā ñari, buto avasātud'icōañujarā Ìna:

–Catitegu yami. Ìre sīarocacōaña –yiavasāñujarā Ìna.

²³ To bajiro yīñarāne, buto jūnisinirā ñari, Ìna sudi joeayere vejecōari, Ì cutojare reacōañujarā Ìna. To yicōari, sitane mareayujarā Ìna. ²⁴ To Ìna yijare, surara ujuña ado bajiro yiyuju, Ì surarare:

–Ìre āmisājacōari, Ìre bajeya mua. Ìre bajecōari, "¿No bajiro mu yijare, mure avasājūnisiniati Ìna?", Ìre yisēñīaña mua –Ìnare yiyuju.

²⁵ Ìre siatucōari, Ìre Ìna bajeroadone, to rügōgūre, surara ujure rotibosarimasure ado bajiro Ìre yiyuju Pablo:

–Rojose yu yirere Ìacōīabetiboarine, yure mua bajejama, ¿quēnacōarolari ti, Roma macagu yu ñaboajaquēne? –Ìre yiyuju Pablo.

²⁶ To bajiro Ì yisere ajicōari, Ì ujure gotigu vasuju:

–"Roma macagu ñaja", yure yimi. ¿No bajiro Ìre yiguti mu? –Ìre yiyuju.

²⁷ To bajiro Ì yisere ajicōari, Pablore Ìre sēnīlagū vasuju surara uju:

–Yure gotiya mu: ¿Roma macagu ñati mu? –Ìre yisēñīañuju Ì.

To Ì yisere ajicōari,

–Roma macagune ñaja yu –Ìre yiyuju Pablo.

²⁸ To Ì yisere ajicōari, ado bajiro Pablore Ìre yiyuju:

–"Roma macagu ñaami" yure yīato Ìna" yigu, jairo vaja yicaju yuma.

To Ì yirone, ado bajiro Ìre yiyuju Pablo:

–Yurema, yu jascūne, Roma macagu ñacōañumi. To bajiri, Roma macagu ñaja yu –Ìre yiyuju Pablo.

²⁹ To Ì yisere ajicōari, Ìre bajeruaboariarā, buto güiyujarā. To bajiri Ìre vurugocoasujarā Ìna. "Pablo, Roma macagu Ì ñaboajaquēne, Cōmemarine Ìre siaya" Ìnare yibu yu" yigu ñari, buto güiyuju surara uju.

Jud'io masa ujarā rāca Pablo Ì ñagōre queti

³⁰ To bajiri gajerūmu, "Pablore Ìre jojioya mua", Ìnare yiyuju surara uju. To yicōari, paia ujarāre, jud'io masa ujarā ñaro cōro Ìnare jirēoñuju, "Ado bajise rojose yimi Pablo" yure yigotiya mua" Ìnare yisēñīaru. To bajiri, Ìna ejaro Ìacōari, Pablore Ìre jiyuju, "Ìna rāca ñagōguaya mu" yigu.

23

¹ To Ì yigu ñari, ujarā rījorojua rügōcōari, ado bajiro Ìnare gotiyuju Pablo:

–Yure ajiya, yu yarā: Dios Ì bojase jediro yirügūaja yu. To bajiro yigu ñari, tuoīarejaibecune ñacōaja yu –Ìnare yiyuju Pablo.

² To bajiro Ì yisere ajicōari, Anan'ias vāme cutigu paia uju ñamasugū, Ì tu rügōrāre, "Pablo risere jaya", Ìnare yiyuju. ³ To bajiro Anan'ias Ì yijare,

–Mure jarūcūmi Dios. "Quēnaro yigu ñaja yu" yituoīaboarine, rojose yigu ñaja mu. "Moisés ñamasir'ire Dios Ì roticūmasire cudibecu ñaami" yure yī ocasārūaboarine, yure mu jaroti-jama, tire cūdibecu yaja mu –Anan'iare Ìre yiyuju Pablo.†

⁴ To Ì yisere ajicōari, Ì tu ñarā ado bajiro Pablore Ìre yiyujarā:

–¿To bajise Ìre yitud'iatu mu, Dios Ì cūr'ire paia uju ñamasugūre? –Ìre yiyujarā Ìna.

⁵ To Ìna yijare, ado bajiro yiyuju Pablo:

–"Paia uju ñamasugū ñagūmi", yimasibeju yu. "Muare ūmato ñagūre Ìre tud'ibesā", yigotiaja Dios oca masa Ìna ucamasire –Ìnare yiyuju Pablo.

⁶ Pablore gotiyiroriarā, saduceo masa, to yicōari fariseo masa ñañujarā Ìna. To bajiri, Ìnare Ìamasicōari, ado bajiro Ìnare yiyuju Pablo:

–Yu yarā, yure ajiya mua. Fariseo masu ñaja yu. Yu ñicua quēne fariseo masa ñamasīñuma Ìna. "Masa bajireariarāre Ìnare tudicatioñucūmi Dios" yigu yu ñajare, yure gotiyirorā yaja mua –Ìnare yiyuju Pablo.

⁷ To Ì yijare, fariseo masa, saduceo masa rāca gāmerā oca rētoruayujarā Ìna. To bajiro bajica yirā, gāmerā ajimasibesujarā. ⁸ Fariseo masama, ado bajiro tuoīarā ñañujarā Ìna: "Bajireariarāre tudicatioñucūmi Dios. Ángel mesa, to yicōari, mani vatoa Ìna ñaboajaquēne, Ìabujayamana quēne ñarāma", yituoīarā ñañujarā Ìna. Saduceo masajuama, "Bajireariarāre

† 23:3 "Mure jarūcūmi Dios" Pablo Ì yijama, "Rojose mu yise vaja rojose mure yirucūmi Dios" yigu yiyuju.

tudicatiobetiracumi Dios. Ángel mesa quēne manama. ‘Mani vatoare İabujayamana ñarāma’, İna yirā quēne, manama”, yirā ñañujarā İna. ⁹ To bajica yirā, butobusa avasāñujarā İna. Sīgūri fariseo masa, Dios İ rotimasire gotimasiorimasa ado bajiro yiyujarā İna:

–“Ñie rojose yibetirimi”, yaja yuama. İabujayamagū, İre ñagōrimi. İ yijama, ángeljua İre ñagōrimi –yiyujarā İna.

¹⁰ Butobusa İna avasājare, “İre sīaroma” yigu, “Mani ya vijū İre āmicoasa mūa”, İnare yiyuju surara ũju.

¹¹ To İ yijare, İre āmivacōari, İre tubibeyujarā İna quēna. To İna yiro bero, ñamijū Pablöre İre ruyuaİoñuju mani ũju. İre ruyuaİocōari, ado bajiro İre yiyuju:

–Tuoİagūibesā mū. Ado Jerusalēnjure yure mū gotibosarore bajirone Roma vāme cuti macajare quēne gotiracuja mū –Pablöre İre yiyuju mani ũju Jesús.

Pablöre İna sīaraboare queti

¹² Gajerāmū busurijū, “Ado bajiro Pablöre İre sīaruarāja mani”, yiyujarā İna sīgūri, jud’io masa. “Pablöre İre mani sīaroto rījoro bare babeti, idibeti, bajiruarāja mani. To bajiro mani yibetijama, rojose manire yato Dios”, yiyujarā İna. ¹³ Cuarenta rētoro ñarirācu ñañujarā İna, “Pablöre İre sīarāsa mani” yiriarā. ¹⁴ To bajiro yicōari, paia ũjarāre, Dios İ rotimasire gotimasiorimasare quēne İnare gotirā ejayujarā İna:

–“Pablöre İre mani sīaroto rījoro bare babetiruarāja mani. İre sīamenane mani bare bajama, rojose manire yato Dios”, yibu yua. ¹⁵ To bajiri paia ũjarā, to yicōari masa ũjarā quēne, surara ũjare ado bajiro İre yiuacacōaña mūa: “Yua tūju Pablöre İre cōaña. İre ajiquēnoroana yaja yua”, İre yiuatoya mūa. Adore İ ejabetone İre sīacōaruarāja yua –İnare yiyujarā İna.

¹⁶ To bajiro İna yisere ajiyuju Pablo bedeo macū. Tire ajicōari, surara ya vijū vasuju, Pablöre İre gotiguacu. ¹⁷ Tire İ gotijare, surara ũjare rotibosagure İre jiyuju Pablo. İ ejaro İacōari, ado bajiro İre yiyuju:

–Ānire jiasa mū. ũjare İre ñagōruami –İre yiyuju Pablo.

¹⁸ To İ yijare, ũju tūju İre jiasuju. To ejacōari, ado bajiro İre yiyuju:

–Pablo, yu tubibecūmasigū yure jicōari, “Ānire mū ũju tūju İre jiasa. İ rāca ñagōruami”, yure yimi. To bajiri İre jiaabū yū –İre yiyuju.

¹⁹ To İ yirone, gajerobusa İre tūaacōari, İre sēniİañuju İ:

–¿Ñiere yure ñagōruati mū? –İre yiyuju surara ũju.

²⁰ To İ yirone, ado bajiro İre yiyuju:

–Jud’io masa, sīgūre bajiro tuoİacōari, busiyū, “‘Yua tūju Pablöre İre cōaña. İre ajiquēnoroana yaja yua’ İre yiuatoya”, yima, İna ũjarāre. ²¹ To bajiri İnare ajibeja mū. Cuarenta rētoro ñarirācu ñama İna, Pablöre queacōari İre sīaroma. “İre mani sīaroto rījoro bare babeti, idibeti, bajiruarāja mani. To bajiro mani yibetijama, rojose manire yato Dios”, yīñama İna. To bajiri İnare mū cūdirotire yurā yirāma –surara ũjare İre yigotiyuju Pablo bedeo macū.

²² To İ yisere ajicōari,

–Vasa. Yure mū gotisere gājerāre İnare gotibeja –İre yiyuju surara ũju.

Surara ũju, Félix tūju, Pablöre İ cōare queti

²³ To yicōari, juarā İre rotibosarāre İnare jicōari, ado bajiro İnare yiyuju İ:

–Yucū ñami nueve ñaro, Cesarea vāme cuti macaju Pablöre ũmato vana yirāja mūa. Adocārācu İnare jirēoña, mūa rāca varona: Doscientos ñarirācu gumato varona, setenta ñarirācu caballo joe varona, to yicōari, doscientos ñarirācu reare besu cuocōari varonare İnare jirēoña mūa. ²⁴ To yicōari, caballo, Pablo İ jesavarocure quēne quēnoyuya. Sīacobecune, ũju Félix tūju Pablo İ ejasere bojaja yū –İnare yiyuju İre rotibosarāre, surara ũju.

²⁵ To bajiro yigajanocōari, ũju Félixre ado bajiro İre ucayuju İ:

²⁶ “¿Félix, yu rācūbuogu, tone ñaboati mū? Mure quēnaroticōaja yū. Yū ñaja Claudio Lisias vāme cutigu, surara ũju. ²⁷ Jud’io masa, ānire İiacōari, İre sīaruayuma İna. İre İna sīaroadone, ‘Roma macagu ñaami’ yire quetire ajicōari, yū surara rāca matamasimū yū. ²⁸ ‘¿No bajise rojose yiri?’ İnare yisēniİaru, jud’io masa ũjarā tūju İre āmiamasimū yū. ²⁹ To yū ejaro İacōari, İna ñicua İna yirūgūre, İ yibetirere yure gotimasima İna. Tire ajicōari, ‘Ñie rojose yibesumi. To bajiri, İre tubibecūña manoja ti. To yicōari, İre sīaña manoja’ yiajimasimū yū. ³⁰ İre İna sīaruasere ajigu ñari, mū tūju İre cōaja yū. To yicōari, ‘Rojose yimi’ İre yī ocasārāre quēne, ‘ũju Félix tūju vasa mūa’ İnare yiracuja, “‘Ado bajise rojose yimi’ mure yigotiato İna’ yigu”, İre yiuacacōañuju surara ũju, ũju Félixre.

³¹ To bajiro ī yiriarā űari, űamine Pablöre ĩre űmato vacĉari, Ant'ipatris vāme cuti macajure ejayujarā ĩna. ³² ĩna va űami cutibusuoriarāmune, tudicoayujarā ĩna, caballo joe vabetiri-arāma. Caballo joeĵu vana rĩne, Pablo rāca vasujarā ĩna. ³³ Cesarea macajū ejacĉari, ĩna űĵu ĩ ucacĉariaĵūrore űĵu Félixre ĩre ĩsiűujarā ĩna. To yicĉari Pablöre quēne ĩ tujū ĩre cūűujarā. ³⁴ ĩ ucacere ĩacĉari, “Ĵnoagu űati ĩ?”, ĩnare yisēniĩaűuju Félix. To ĩ yirone, “Cilicia sitagu űaami”, ĩre yicĉdiyujarā ĩna. ³⁵ To ĩna yisere ajicĉari, Pabloĵuare ado bajiro ĩre yiyuju:

–“Rojose yimasimi” mure yi ocasārā ĩna ejaroĵu yare mu gotisere ajirucĵa yu –ĩre yiyuju űĵu Félix.

To yicĉari, űĵu Herodes űamasir'i ya vĵu ĩre cūcĉari, ĩ surarare ĩacoderotiyuju.

24

“Rojose yibeticajū yu”, Pablo, űĵu Félixre ĩyire queti

¹ Cojomocārācarāmu bero ejayujarā jud'io masa. Paia űĵu űamasugū Anan'ias vāme cutĵu, Tértulo vāme cutĵu, to yicĉari bucūrā quēne űaűujarā ĩna, Pablöre, “Ado bajiro rojose yimasimi” ĩre yi ocasārā ejarā. Tértulo űaűuju ĩnare űagĉobosagu, romano masa ĩna rotisere masigū. To ĩna ejaro bero, Pablöre ĩre jicĉaűuju űĵu Félix. ² Pablo ĩ sājejarone, Félixre “Ado bajiro rojose yimi Pablo” yĵuagu, ado bajiro ĩre gotiyuju Tértulo:

–Adi sitanare quēnaro yuare coderūgūaja mu. Quēnaro rotĵu mu űajare, quēnaro űarūgūaja yua. “Ado bajiroĵua ĩnare yu rotĵama, quēnarararoĵa” yituoĩacĉari yuare rotirūgūaja mu. To bajiri, rĵoro rotiriārā rĉoro quēnaro rotimasĵa mu. ³ Adi sitanare quēnaro mu rotisere tuoĩacĉari, “Quēnamasucĉaja”, mure yivariquēnarūgūaja yua. ⁴ Gajeye jairo űaboaja, mure yu gotirūase. Moare jaibucĵaja mu. To bajiboarine gaje vāme mure gotirūaja yu. Tire aĵĵa mu maji. ⁵ Āni Pablo vāme cutĵu, yua jud'io masa jedirore buto gotimavisocudirūgūami. To bajiro ĩ yĵare, quēnaro űamasibeaja yua. To bajiri, nazareno masare socase yĵare ĩnare űmato űagū űaami. Tire masĵa yua. ⁶⁻⁷ Diore yirūcubuoariavire rūcubuoobecu, sājamasiűumi. To bajiro ĩ bajire űajare, ĩre űiamasimu yua, yuare rotise ti yĵore bajirone rojose yĵuarā. To yua yĵoadone, surara űĵu Lisias vāme cutĵu ĩ surara rāca ejacĉari, yuare ēmacoamasimi. To yicĉari, “űĵu Félix tujū vacĉari, oca quēnoruarāĵa mua”, yuare yimasimi. To bajiri, bajĵu yua. ⁸ To bajiri mu masu, ĩre sēniĩacĉari, “Socarā mene yĵyuma ĩna. Rojose yĵu űaami”, yimasirucĵa mu –űĵu Félixre ĩre yiyuju Tértulo.

⁹ ĩre ĩ gotĵajanorone, “Soc me yami. To bajirone bajimasimu”, ĩre yĵotirēmoűujarā jud'io masa, Tértulo rācana. ¹⁰ To ĩna yĵo bero, Pabloĵuare ĩre űagĉotiyuju Félix. To ĩ yĵare, ado bajiro ĩre gotiyuju Pablo:

–“Cojo cāma me jud'io masa yua yisere quēnaro rioĵo ĩacĉiarūgūami. To bajiri yu yisere quēne quēnaro rioĵo ĩacĉiarucumi” mure yituoĩamasigū űari, variquēnase rāca mure gotĵaja yu. ¹¹ Jerusalēnjure Diore yirūcubuoogu, eĵamasimu yu. Yu eĵamasiro bero, ĵuaāmo cōro, gubo ĵua jēnituarirūmuri űatusaju. Tire gājerāre mu sēniĩajama, yu gotĵore bajirone mure gotirāma ĩna quēne. ¹² Rojose yu yibetiboajaquēne, ānoa socarāne yure gotiyĵoama. Diore yirūcubuoariavĵure gājerā rāca gāmerā oca josabetimasimu yu. Dios ocare buerĵavirĵure, to yicĉari ti maca tūri űarāre quēne ĩnare gotimavisobetimasimu yu. ¹³ Rojose yu yĵo cōro, “Rojose yimasimi”, mure yĵotimasimenama ĩna. ¹⁴ Ado bajiroĵua bajĵu űaja yu. Jesús vāme cutĵure ajitirūnugū űaja yu. Yua űicua ĩna rūcubuoomasir'ire Diore ĩre rūcubuoogu űaja yu. “Socasere ajitirūnugū űaami” yure ĩna yĵama, Jesūre yu ajitirūnūjare, yama. To bajiro ĩna yĵoajaquēne, yua űicure Moisés űamasir'ire Dios ĩ roticūmasire jediro, to yicĉari, Diore gotirētobosariārā ĩna ucamasirere quēne ajitirūnugū űaja yu. ¹⁵ “Cojorāmu masa bajireariārē rojose yiriarāre, quēnase yiriarāre quēne ĩnare catioarūcumi Dios” ĩna yituoĩayurore bajirone tuoĵaja yu quēne. ¹⁶ To bajiro tuoĵagū űari, yu yimasiro cōro quēnasere yirūgūaja yu, Dios quēne, masa quēne, “ ‘Rojose yĵu űaami’ yure yĵroma” yĵu.

¹⁷ Cojo cāma me gajerori űacudiboacu, Jerusalēnjure eĵamasimu yu, yu yarā sĵūri maioro bajrāre ĩnare gāĵoa ĩsigū. To yicĉari, Diore rūcubuoogu űari, paire vaibucūrā sĵarotĉari, ĩnare soemurotĵu bajimasimu yu. ¹⁸⁻¹⁹ “Tire yirucĵa” yicĉari yu yibetirere, Diore yirūcubuoariavĵu űacĉari, “Yure masirioya” Diore yu yĵajanorone, yure ĩamasima jud'io masa, Asia sita vadiriārā. Jājarā masa rāca űacĉari, ruĵajine yicudĵu me bajimasimu yu. Tire yu yibetiboajaquēne, yure jūnisinirā űari, űiamasima ĩna. ĩna masune adojure vadĉari, rojose yu yĵere mure gotirā ejarona űaama ĩna. ²⁰ ĩna eĵabetĵama, ado űarā, jud'io masa űjarā rĵoroĵua ejacĉari, “Ado bajise rojose yimi” yure yi ocasāmasirā, rojose yu yĵere mure gotĵona űaama ĩna. ²¹ ĩna rĵoroĵua űacĉari, ado bajiro ĩnare gotimasimu yu: “ ‘Masa bajireariārē ĩnare tudicatorūcumi Dios’ yĵu yu űajare, yure gotiyĵorā yaja mua”, ĩnare yimasimu yu –űĵu Félixre ĩre yĵotiyuju Pablo.

²² To ĩ yisere ajicōari, Jesúre ajitirānūrā ĩna bajisere quēnaro masigū ĩnari, ado bajiro ĩnare gotiyuju Ūju Félix:

—Jēre ajicōaja yu. Surara ũju Lisias ĩ ejaroju, Pablöre yu yirotire mūare gotirucuja —ĩnare yiyuju ĩ Ūju Félix.

²³ To bajiro ĩnare yigotigajanocōari, surara ũjūre, “Ado bajiro ĩre codeba mūa”, yiyuju Félix:

—Tubiberiavi ñacōari, ĩ vacudijama, ĩ ĩacudijaquēne, “Vabesa”, ĩre yibeja. ĩ babarā ĩre ĩarā ĩna ejajama, ĩre yirēmorā ejajaquēne, “¿No yirā bajiati?”, ĩnare yibeja —ĩre yi vacoasuju Félix.

²⁴ To ĩ yivariaro bero, yoatoju tudiejayuju ĩ quēna, ĩ manajo Drusila vāme cutigo rāca. Jud'io maso ñañuju so. Ejacōari, Pablöre ĩre jirotiyuju ĩ. ĩ ejaro ĩacōari,

—Jesucristore ajitirānūrere yūare gotiya —Pablöre ĩre yiyujarā ĩna.

²⁵ —Dios quēnase rīne manire yirotiāmi. Rojose yiruaboarine, “Rojose yibetiruarāja” mani yitūoiasere bojaami Dios. Gajerāmū masa rojose ĩna yisere ĩ ĩabeserirāmū ejaruaroja —ĩnare yigotiyuju.

Tire ajicacōari,

—Jēre ajicōaja yua. Quēna gajerāmū yu moare manirāmū mure jirucuja. To cōroju mū gotisere ajirēmorcuja —ĩre yiyuju Félix.

²⁶ Tiju bero, cojoji me Pablöre ĩre jirūgūñuju Félix. Jesús ocare ĩ gotimasiose rīne, ajiru me ĩre jirūgūñuju ĩ. “Yure mū bucōajama, gājoa mure ĩsirucuja” ĩ yisere ajirūne, ĩre jicōarūgūñuju.

²⁷ To bajiro ĩ yīñaro rīne jua cāma rētoacoasuju ti. “Jud'io masa yure jūnisiniroma” yigu, Pablöre ĩre bubesere ĩ. Jua cāma bero, ũju ĩ ñaboasere budicoasuju Félix. To bajiri, Porcio Festo vāme cutigujua ũju sājañuju.

25

Ūju Festo rāca Pablo ĩ ñagōre queti

¹ Cesarea macaju ũju ĩ sājariaro bero, idiarāmū ñacōari, Jerusalén macajuare vasuju Festo. ²⁻³ Toju ĩ ejaro ĩacōari, paia ũjarā, gājerā jud'io masa ñamasurā quēne,

—Rojose yicami Pablo —Festore ĩre yi ocasañujarā ĩna. To yicōari, —Pablöre yūare mū jiroticōabosajama, quēnaruaroja —Ūju Festore ĩre yisēñiñujarā ĩna. To bajiro ĩna yijama, “Maa ĩ vadójūne Pablöre ĩre siācoarāsa mani” yirā, yiyoayujarā ĩna.

⁴ To bajiro ĩre ĩna yiyoajaquēne, ado bajiro ĩnare yiyuju Festo:

—Cesarea macajūne ĩre codecōa ñaruarāma ĩna. To bajiri, yoaro mene tojūre tudiarucuja yu quēna. ⁵ To yu bajirone, mūa rācana sigāri yu rāca tojūre vaejacōari, rojose Pablo ĩ yirere yure gotiruarāma ĩna —ĩnare yicūdiyuju Festo.

⁶ To bajiro ĩnare ĩ yiro bero, Jerusalénjūre juaāmocārācarāmū cōro ñacōari, Cesarea macajūre tudiasuju Festo. ĩ ejabusuorirāmūne oca ĩna ñagōquēnorijuju rujicōari, Pablöre ĩre jicōañuju ĩ. ⁷ Pablo ĩ sājajaro ĩacōari, “Cojo vāme me rojose yicami”, Festore ĩre yigotiyujarā ĩna, jud'io masa, Jerusalénju vadiriārā. “Rojose yicami” yicōarā ñaboarine, “Ado bajise rojose yicami”, yimasibesujarā ĩna. ⁸ To ĩna yiro bero, “‘Rojose yibesumi’ yure yato” yigu, ado bajiro yiyuju Pablo:

—Ñie rojose yibeticaju yu. Jud'io masa ĩna rotisere, to yicōari, Ūju César ĩ rotisere quēne cudirūgūcaju yu. To yicōari, Diore yirūcūbuoriavire quēne, rācūbuorūgūcaju yu —yiyuju Pablo.

⁹ To ĩ yirone, “Jud'io masa yure tud'iroma” yigu, ado bajiro Pablöre ĩre sēñiñañuju Festo:

—¿Jerusalénju ejacōari, rojose mū yirere mure yu sēñiñajama, quēnati? —ĩre yisēñiñaboayuju.

¹⁰ To ĩ yiyoajaquēne, ado bajiro ĩre yiyuju Pablo:

—Bajibeaja. No yigu vabecuja. Ūju César “Masa rojose ĩna yisere ĩacōiña” ĩ yiriavine ñaja yu. To bajiri adone yure sēñiñacōaroti ñaja. Yu yarā jud'io masare rojose ĩnare yibeticaju yu. Tire quēnaro masiāja mū. ¹¹ Rojose yu yire suori ĩnare mū sīarotijama, “Yure sīabesa”, yibecuja yu. To bajiri, socarāne “Rojose yicami” yure ĩna yi ocasājare, “ĩre sīaña” yigu, yure ĩsirocagu magūmi. “Rojose yiyujari yu” yigu, Roma macagu, Ūju Césare ĩre ĩacōiarotirucuja yu —ĩre yicūdiyuju Pablo.

¹² To bajiro Pablo ĩ yijare, ĩre ñagōjarēmōrāre, “¿No bajiro yiroti ñati ĩre?” ĩnare yisēñiñacōari bero, ado bajiro yiyuju Festo:

—“¿Rojose yiyujari yu?” yigu, Ūju César ĩre ĩacōiarotirucuja yu” mū yijare, ĩ tūju mure cōarucuja yu —Pablöre ĩre yiyuju Festo.

Ūju Agripa rāca Pablo ĩ ñagōre queti

¹³ To ĩ yiriārāmūri bero, Ūju Festore ĩagū ejayuju Ūju Agripa, Berenice vāme cutigo rāca. ¹⁴ Cojorāmū me ĩ rāca ñacōañujarā ĩna. To ĩna bajiñarone Pablo ĩ bajisere Agripare ĩre gotiyuju Festo:

—Sīgū ņaami ado, Pablo vāme cutigu, Ūju Félix ī tubiber'i. ¹⁵ Jerusalénju yu ņaro, “Rojose yicami”, yure yigoticama ĩucurā jud'io masa, paia ujarā quēne. “Rojose ī yicati vaja ĩre sīarotiya mu”, yure yiboacama ĩna. ¹⁶ To bajiro yure ĩna yiboajaquēne, “Yibeaja yu. Yua, romano masama, rojose masa ĩna yirere ĩacōiamenane, sīarotire manicoadimasīfuja. ‘Rojose yimi’ yigotiyirorā, to yicōari, rojose yir'i rāca ĩnare jirēocōari, sēniĩare ņacoadimasīfuja”, ĩnare yicaju yu. ¹⁷ Adojure ĩna rāca yu ejabusuocatirāmune, Pablore ĩre jicōacaju yu. ¹⁸ “Īre gotiyirorā, ‘Buto rojose masu yimasimi’ yure yigotiruarāma ĩna”, yituoĩaboacaju yu. “Rojose yigu yiyumi” yiajiyamanirene goticōacama. ¹⁹ “Yua rūcubuosere rūcubuobeamī. ‘Jesús vāme cutigu, rijacoaboarine tudicatiami quēna’ yisocarūgūami Pablo”. “ ‘Rojose yigu yimi’ yirā yaja”, yirā, ti rīne yure goticama. ²⁰ To bajiro ĩna yijare, “Rojose yiyumi”, yimasibeticaju yu. To bajiri, “ĶJerusalénju ejacōari, rojose mu yirere mure yu sēniĩajama, quēnati?”, ĩre yisēniĩaboacaju yu. ²¹ To yu yirone, ado bajiro yure yicadicami: “ ‘Rojose yiyujari yu’ yigu, Ūju Cēsare ĩre ĩacōiarotirucuja yu”, yure yicami. To ī yijare, surarare ĩnare coderoticaĵu yu, Ūju Cēsar ī ņaroĵure ĩre cōaru —Agripare ĩre yigotiyuju Festo.

²² To ī yisere ajicōari,

—Yu quēne, ī gotisere ajirujaja yu —Festore ĩre yiyuju Agripa.

To ī yijare, —Busiyu ajirucuja mu, ī gotisere —Īre yiyuju Festo.

²³ To bajiri gajerāmū masa ĩna rējariviju Pablore ajigu ejayuju Agripa, Berenice rāca. “Manire ĩacōari, ‘Namasurā ņaama ĩna’ manire yato” yirā, rūcubuojo ejayujarā ĩna. ĩna rācana, surara ujarā, gājerā Cēsare macana ņamasurā quēne ejayujarā ĩna, Pablore ajirā. ĩna ejaro bero, Pablore ĩre jiyuju Festo. ²⁴ Pablo ī ejarone ado bajiro gotiyuju Festo:

—Ūju Agripa, ado rējarā jediro, ĩaŃa muu. Āni ņaami Pablo. Buto ĩre sīaruarūgūama jud'io masa. Jerusalēana, adi macana quēne, “Īre sīacōaroti ņaja”, yivāsāboacama ĩna. ²⁵ “Ńie rojose ī yire suori ĩre sīaŃa manoja ti”, yicaju yu. To bajiro yu yiboajaquēne, “ ‘Rojose yiyujari yu’ yigu, Ūju Cēsare ĩre ĩacōiarotirucuja yu” yure ī yijare, “Ūju Cēsar ī ņaroĵu ĩre cōarucuja”, yicaju yu. ²⁶⁻²⁷ To bajiro yituoĩaboarine, rojose ī yirere ucamasibeaja yu, mani uĵure, Cēsare gotigu. Rojose ī yirere gotibecune ĩre yu ucacōajama, tuoĩamasibecune bajiro yigu yiguja yu. Tire tuoĩagū ņari, Pablore ĩre jicōamu yu, muu ajiro rījoroĵua, “Ūju Agripa ĩre sēniĩato” yigu. Īre sēniĩacōari, “Rojose yiyumi Pablo” mu yisere ajicōari, “Ūju Cēsare ĩre ucacōarucuja”, ĩre yibu yu —ĩnare yiyuju Festo.

26

¹ To bajiro Festo ī yisere ajicōari, ado bajiro Pablore ĩre yiyuju uĵu Agripa:

—Mu yirūgūrere yuare gotiya —Pablore ĩre yiyuju Agripa.

To ī yijare, ado bajiro ĩnare gotiyuju Pablo:

²⁻³ —Yu uĵu Agripa, mu ajiro rījoro gotiguagu ņari, variquēnase rāca gotiguagu yaja yu. Jud'io masa mani yisere quēnaro masiaja mu. Gāmerā ajimasibeticōari, yua gāmerā oca rētorūgūsere quēne quēnaro masiaja mu. To bajiri jud'io masa, “Rojose yigu ņaami” ĩna yiboasere mu ajiro rījoro gotiguagu yaja yu. To bajiri quēnaro yu gotisere ajirucuja mu —yiyuju Pablo, Agripare.

⁴ —Yu ya maca ņacōari, mamū ņagū yu bajiŃarūgūcatire masirāma jud'io masa jediro. To bajicōari, Jerusalénĵure yu bajirūgūcatire quēne masirāma. ⁵ Yure masirā ņari, “Fariseo masu ņacami”, mure yigotirāma ĩna, ĩnare mu sēniĩajama. Fariseo masama, Dios manire ī rotimasirere buto ajirūcubuoarā ņaama. ⁶ “Bajireariarāre ĩnare tudicatorucuja yu”, yigoti-masiŃumi Dios, mani ņicuaire. To ī yire ti ņajare, “To bajirone yirucumi” yituoĩagū yu ņajare, “Rojose yigu ņaami”, yure yi ocasācama. ⁷ Tire yu yituoĩarore bajirone tuoĩama jud'io masa, juaāmo cōro, gubo ĵua jēnituarirāca jūnari ņarā jedirone. Tire tuoĩarā, ņari ūmuari, ņamirire quēne buto Diore ĩre yirūcubuoarūgūama ĩna. Tire tuoĩagū yu ņajare, “Rojose yigu ņaami”, yure yi ocasācama jud'io masa. ⁸ ĶNo yirā, “Bajireariarāre tudicatorucumi Dios”, yituoĩabeati muu? —yiyuju Pablo.

“Jesúre ajitirūnārare rojose ĩnare yirūgūcaju yu”, Pablo ī yire queti

⁹ Quēna ado bajiro gotiyuju Pablo:

—“Nazaret macagu Jesús vāme cutigu yere ĩna ajitirūnuse vaja, cojo vāme me rojose ĩnare yirucuja yu”, yituoĩarūgūcaju yu. ¹⁰ To bajiro yigu ņari, Jerusalénĵure ņacōari, rojose ĩnare yirūgūcaju yu. “Jesús yere ajitirūnārare ĩnare tubibeya mu” paia ujarā yure ĩna yijare, jājarā Jesúre ajitirūnārare ĩnare tubiberūgūcaju yu. To yicōari, “Īnare sīacōato mani” ujarā ĩna yijama, “To bajirone bojaja”, yirūgūcaju yu quēne. ¹¹ Cojoĵi me Dios ocare bueriviriju sājaecōari, “ ‘Rotimuoarūgūcumi’ yigu, Dios ī cōar'i me ņarimi Jesús' yiya muu” yigu, ĩnare buto rojose yicudirūgūcaju yu. Buto ĩnare ĩtegu ņari, gājerā masa ĩna ņarimacariĵure ĩna rudicoaboajaquēne, rojose ĩnare yiru, ĩnare suyarūgūcaju.

*“Jesúre ajitiránunhocaaju yu”, Pablo iyire queti
(Hch 9.1-19; 22.6-16)*

¹² Jesúre ajitiránunhäre rojose ñnare yigu yu ñajare, “Damasco vāme cuti macaju vasa” paia ñjarā yure ña yijare, yu babarā rāca vacaju yu. ¹³ To yua bajivato, ãmurecaji ñaro, ãmuaqu muiju ï bususe rētoro buto caje mose busucaju ti. ¹⁴ To bajiro ti bajijare, quedicocacaju yua. Yua quediocacūatone, hebreo oca rāca ado bajiro yi ocaruyucaju ti: “Saulo, Saulo, ¿no yigu rojose yure yisuyarūgūati mu? To bajiro mu yijama, mu masune rojose yigu yaja mu”, yure yi ocaruyucaju ti. ¹⁵ To bajiro ti yirone, “¿Ñimu ũgū ñacōari, to bajise yure yati mu?”, ñre yicaju yu. To yu yirone, “Yune ñaja, Jesús, rojose mu yisuyarūgūgūne”, yure yi ocaruyucami. ¹⁶ To yigune, “Vāmurūgūña mu. Yure gotibosarucumi yigu, mure ruyuañojaja yu. To bajiri, yu bajicatire, to yicōari yucūaca mu ñasere, bero mure yu yīlorotire quēne masare gotimasiodirucuja mu. ¹⁷ Mu yarā jud’io masa, to yicōari jud’io masa me ñarā quēne, rojose mure ña yīrotire mure yirētosarucuja yu. ¹⁸ Vātia ũju ï bojasere yitujacōari, Dios ï bojasejare yirā ñaruarāma ña’ yigu, yu bajicatire mure gotimasioroticōagū yaja yu. Mu gotimasiosere ajitiránurā ñari, rojose ña yisere masirio ecocōari, Dios yarā ñaruarāma ña quēne”, yure yicami Jesús –Ñre yiyuju Pablo, Agripare.

“Jesús ruyuañocōari, yure iyiroticatire bajirone cudicaju yu”, Pablo iyire queti

¹⁹ –To bajiri, yure ruyuañocōari, ï yiroticatire bajirone cudicaju yu. ²⁰ Damasco vāme cuti macanare ñnare gotimasioshocaaju yu. Bero, Jerusalén macanare, Judea sitanare, to yicōari jud’io masa me ñarāre quēne ñnare gotimasiodirūgūcaju yu. “Rojose yua yisere yitujacōari, Dios ï bojasejare yiruarāja yua yigoticōari, quēnasejare yirūgūña maa”, ñnare yigotirūgūcaju yu. ²¹ To bajiro yu yijare, Diore yirūcubuoariaviju yu ñaro yure ñacōari, yure siarūaboacama ña, jud’io masa. ²²⁻²³ To bajiro yure ña yirūaboajaquēne, quēnaro yure ejarēmocami Dios. Yure ï ejarēmose ñajare, ñamasurā, ñamasunenare quēne, muare gotimasiodā ñarūgūaja yu. Moisés ñamasir’i, to yicōari Diore gotirētosamasiriarā quēne, “Ado bajiro bajiruarōja”, yucamasiñuma: “ ‘Rotimurūgūcūcumi’ yigu, Dios ï cōagū, rija-coaboarine, quēna tudicatisuorocū ñarucumi. To bajiro ï bajiroti ñajare, Diorāca quēnaro ñacōari, ï catisere ñisicoaruarāma, jud’io masa, jud’io masa me ñarā quēne”, yucamasiñuma. “ ‘Bajiruarōja’ ña yucariore bajirone bajijaja”, muare yigotirūgūaja –ñnare yigotiyuju Pablo.

“Jesúre ajitiránunato” yigu, Pablo Agripare ï gotimasiore queti

²⁴ To bajiro Pablo ï yigotiñarone, ado bajiro yivasañuju Festo:
–To bajiro yimecūcōagū yaja mu. Jairo bueri ñari, no bojasene tuoñacōari, goticōaja mu –Pablare ñre yivasañuju Festo.

²⁵ To bajiro ï yijare, ado bajiro yiyuju Pablo, Festore:
–Yimecūgū me yaja yu. Muare yu gotise socase me ñaja ti. Tire quēnaro ajicōari, “To bajirone bajiroja”, yimasiroti ñaja. ²⁶ Jesús ï bajirere yu gotise yayiorōju gotire me ñaja. Masa ña ñaro bajire ñaja ti. To bajiro bajire ti ñajare, masare yu gotimasioatire masigūmi ũju Agripa. To bajiri, gūibecune ñajediro ñre gotiaja yu –Festore ñre yiyuju Pablo.

²⁷ To yicōari, Agripajuare ado bajiro yiyuju Pablo:
–Diore gotirētosaruarā ña ucamasirere mu ajirūcubuosere masiaja yu –Ñre yiyuju Pablo.
²⁸ To bajiro ñre ï yisere ajicōari, ado bajiro yiyuju Agripa:
–“To cōro ñre yu gotirone tuoñavasoacōari, Jesúre ñre ajitiránucorucumi”, ¿yure yituoñacōati mu? –Ñre yiyuju Agripa.

²⁹ To ï yisere ajicōari, ado bajiro yiyuju Pablo:
–Yoaro meaca mure yu gotiboajaquēne, “Jesúre yu ajitiránurore bajiro ñre ajitiránunato” yigu, Diore mure sēnibosaja yu. To yicōari, maa jedirore Jesúre maa ajitiránurotire bojaja yu. To bajiboarine Jesúre maa ajitiránuse suori yure bajiro maa tubibe ecosere bojabeaja yu –yiyuju Pablo.

³⁰ To ï yisere ajicōari, Agripa, Festo, Berenice, to yicōari Pablare ñre ajinñarā jediro, vāmurūgū budicoasujarā ña. ³¹ Budianane, ado bajise gāmerā yiyujarā ña:

–Ñie rojose yibesumi. To bajiri, ñre tubibecūre, ñre siare quēne mañuja ti –gāmerā yiyujarā ña.

³² To yicōari, ado bajiro yiyuju Agripa, Festore:
–“ ¿Rojose yiyujari mu? yigu, ũju Cēsare ñre ñacōiarotirucuja yu” Pablo ï yibetijama, ñre bucōaroti ñaboayuja –Festore ñre yiyuju Agripa.

1 “Pablöre, gājerā tubibe ecoriarāre quēne, Italia vāme cuti sitajure ĩnare cōato mani”, yicama ĩna. To yirā ĩnari, Julio vāme cutigāre,

—ĩnare ũmato vasa —ĩre yicama. Roma macana surarare ĩju César ĩ beseriarāre rotigu ĩnacami Julio. 2 Cūmua ĩnacaju Adramitio vāme cuti macana yaga. Asia sitajure varoado bajicaju tia. To bajiri tia rāca vacaju yua. Yua rāca ĩnacamī Aristarco vāme cutigu quēne. Macedonia sita ĩnarimaca, Tesalónica vāme cuti macagu ĩnacamī.^k 3 Gajerūmū Sidón vāme cuti macaju ejacaju yua. “Rojose tāmūoami Pablo” yīlāmācōari, “Mū barbarāre ĩnare ĩacudiyā. No mū bojase mure ĩsiato”, ĩre yicami Julio. 4 Ti maca ĩnariarā, vacaju yua quēna. To yua bajivatone, buto mino vacaju. To bajicōari, yuare vēatucōaju. To ti bajijare, Chipre vāme cutiyoa ture gāniacaju yua. 5 To bajivana, Cilicia sitare rēto, Panfilia sitare, Licia sita ĩnarimaca Mīra vāme cuti macare ejacaju yua.

6 Ti macaju gajea cūmua Alejandrīa vāme cuti macana yagare, Italiaju varoado bajiricare ĩacōari, tia rāca yuare ũmato vacami surara ũju. 7 Buto mino ti vajare cojorūmū me josari vacōari, Gnido maca cānāmūarore ejacaju yua. Yua vato riojo buto mino ti vacōa ĩnjare, Creta vāme cutiyoa cutojua vacoacaju yua. Tiyoa ĩnarimaca Salmōn vāme cuti macare rēto, tiyoa ture vacaju yua, mino ti vabetibusarōjua vana. 8 Josari masu bajivana, Lasea maca tū ĩnarimaca Buenos Puertos vāme cuti macajure ejacaju yua.

9 Cojorūmū me vacoacaju yua. To bajiri tone buto yuare gūiocoacaju yuja, juebusu ti cōñajare. To bajiri, ado bajiro ĩnare goticami Pablo:

10 —Vabeticōato. Mani vajama, rojose tāmūoarāja. Cūmua rujacoarūaroja. Gajeyeūni quēne yayicoarūaroja. Mani quēne sīgāri rujareacoarūarāja —ĩnare yigotiboacami Pablo.

11 To ĩ yiboajaquēne, ĩre cūdibeticami surara ũju. Cūmua ũjarājua, “Vacoajaro mani” ĩna yisejūare ajicami. 12 Ti maca jetaga rocatuario juebusu ti ĩjama quēnabesuju. To bajiri, “Fenice vāme cuti macaju vajaro mani. Ti maca jetaga quēnaro rocatuario ĩñājuju ti, mino ti vabetibusajare. Toju mani ĩnaro juebusu rētorūaroja”, yitūoīacama ĩna jedirone.

Buto mino ti vare queti

13 To bajiri ĩna vatojūare mino ti vasere ĩacōari, “Vajaro mani”, yicama ĩna. To yi, cūmua ruucūñiarajau ancla vāme cutijūare tāmūosā, tiyoa ture vacoacaju yua. 14 To yua bajivatone, gajerojua buto tutuaro mino vadicōari, yuare vēaviocōacaju ti. Nordeste vāme cuti ĩnacaju ti. 15 To ti bajijare, “Tiyoa tūbusa vanasa mani” yirā, tiare veaquēnobusaboacama ĩna. Butobusa mino ti vajare, “Manire ti vēacōarore bajirone vacoajaro mani”, yicōacama ĩna. 16 To bajivana, Cauda vāme cutiyoa cōñarore rētoanane, mino ti vabetibusajare, cūmua jairica ture ĩna sijoriare tiare tāmūosācama ĩna, yua vacatia jubeaju. 17 To yigajanocōari, “Saguerobe” yirā, yua vacatia rāca quēnaro siañiacōacama ĩna. Sirte vāme cutiju cōñanane, “Ĵōrero vana yaja mani” yirā, ancla vāme cutijūare rocaroarucama ĩna. To bajiro ĩna yijare, mino ti vēacōarore bajirone vacaju yua. 18 Gajerūmū to bajirone mino ti vacōa ĩnjare, buto sabecōa ĩnacaju. To ti bajijare, “Rujarobe” yirā, gajeyeūni gājerāre ĩsiruarā ĩna juaboarere juarearodecōacama ĩna. 19 To ĩna yibusuorirūmū, to bajirone mino vacōari, ti sabecōa ĩnjare, cūmuayere quēne juarearodecama ĩna yuja. 20 Cojorūmū me, muiju ruyubeticami. ĩnānāre quēne ĩncoa ruyubeticama. Mino ti vatūjabetijare, “Rujareacoarūarāja mani”, yitūoīacaju yua.

21 Yoaro babeti vacaju yua. To yua bajivajare, ado bajiro yuare goticami Pablo:

—“Vabeticōato mani” mūare yu yimasere mūa ajijama, Creta vāme cutiyojūne mani ĩnacōajama, rojose tāmūobetiborāja mani. 22 To bajiboarine, tuoīasutiritibes mūa. “Cūmua ti yayicoaboajaquēne, manima caticōarūarāja”, yitūoīāna mūa. 23 Ĵēyuga ĩnami āngel yure ruyuañocōari yure gotimi, Dios, yu ũju, ĩ cōagū. 24 Ado bajiro yure gotimi: “Gūibesa mū. ĩju César tū ejacōari, ‘ĴRojose yiyujari yu?’ yigu, ĩre ĩacōarotirucūja mū. Dios, mure ĩmaigū ĩnari, ĩre mū sēnijare, rojose mūa tāmūoborotire mūare yirētobosarucami. Mū rāca vana jedirone catijedicōarūarāma ĩna”, yure yimi āngel. 25 To bajiri tire ajirā ĩnari, sutiritibes mūa. “Dios ĩ gotitotīcōariarore bajirone bajirūaroja”, yaja yu. 26 To bajiri, yucūyoa cōñarōjua mino manire vēatucōarūaroja —yuare yigoticami Pablo.

27 Adriatico vāme cutiyajure jua semana vacaju yua, mino yuare vēatucōase rāca. To bajivana rīne, ĩnami gūdiareco ti tusato, “Yucūyoare cōñacoana yirāja mani”, yicama cūmuare ĩacoderimasa. 28 To bajiri ũcūase cōñariama rāca “Ĵno cōro ũcūati ti?” yirā, ruucōiacama ĩna. Treinta y seis metros ũcūacaju ti. Yoarobusa vacōari, ruucōiacama ĩna quēna. Veintisiete metros ũcūacaju yuja. 29 To ti bajijare, “Gūtare rocaturo, cūmua vadirobe” yirā, cūmua ruucūñiare ancla vāme cutijūarire babarirācajūare rearoderucama ĩna, cūmua gude ĩnasejūare. To yicōari, “Guarobusa busuato” yirā, Diore sēnicama ĩna. 30 To yicōari, “Ĵguēaju ĩnānāre quēne rearoderuuroana yaja yua”, yicama cūmuare ĩacoderimasa. Cūmua mojorica rāca rudiarūarā

^k 27:2 Lucas vāme cutigu, Pablo rāca varī ĩnari, “vacaju yua”, yiucauyumi.

yirā yiboayuma. ³¹ To ĩna yiboajaquēne, surara ʋjure, to yicōari surarare quēne ado bajiro ĩnare goticami Pablo:

—Cūmuare ĩacoderimasa ĩna rudicoajama, catibetiruarāja mua —ĩnare yigoticami.

³² To ĩ yijare, “Rudicoanasa mani” ĩna yiboariare, ĩna siariamarire yijesurecōari, vējarocarocōacama ĩna, surara.

³³ To ĩna yiro bero, busujedibetone yua jedirore baroticami Pablo:

—“¿No bajiro bajirāti mani?” yitōiārā ĩnari, jua semana quēnaro bare bamenane ĩnacōaju mua. ³⁴ To bajiri bare baya mua, “Catirāsa” yirā. Nijwane mani rācagu rijayayibetirucami —yuare yigoticami Pablo.

³⁵ To bajiro yuare ĩ yiro bero, panre āmicōari, “Quēnaro yaja mu”, yicami, Diore sēnigū. To yigajanocōari, bacami. ³⁶ To ĩ yisere ajivariquēnacōari, bacaju yua quēne. ³⁷ Tia cūmuare vacana, doscientos setenta y seis ĩnarīācu ĩnacaju yua. ³⁸ Yua baʋsʋctiro bero, trigo joarire rearodecama ĩna, “Rācʋbetibusaro vanasa” yirā.

Pablo mesa ĩna rujare queti

³⁹ Busuro bero yucāyoare ĩacōari, “¿No ũnoju ĩnati?”, yicama ĩna. To bajiro yiboarine, jabua ti ruyujare, “Tibua cūtojuare rocatūrāsa”, yicama cūmuare ĩacoderimasa. ⁴⁰ To bajiri, ancla buto ti rūcujare, ti cānori rācane jasureruucōacama ĩna. To ĩna yirone, gājerāma “Cūmuare veaturāsa” yirā ĩna siaturiajāirire joiocama ĩna, jabuajuare jājaruarā. To yicōari, cūmua ĩguēa cūtojuā ĩnarigaserore mino tuarigaserore tūamucōama ĩna, “Cūmuare ũmato jājajaro” yirā. ⁴¹ Tusarøjare jājajamenane ti jōrejare, cūmua ĩguēa jabuaju jejacōacaju ti. To ti bajirone, buto oco sabeca yiro, cūmua gūde cūtojuare sabevaruucōacaju.

⁴² To ti bajirone, tubibe ecoriarā ĩna juadiriarāre “Baājājarudiatoma” yirā ĩnare sīarucōacama surarajua. ⁴³ ĩna sīarūaboajaquēne, Pablore maigū ĩnari, ĩnare sīarotibeticami ĩna ũjujua.

—Tire yimenane, baāmasirāma jatirearodecōari, tusarøjua baājājasa mua —ĩnare yicami.

⁴⁴ —Baāmasimenama, yucājāiri, to yicōari, no bojase jayase rāca ĩnacōari tusarøjua baājājasa —yicami. To bajiri sigū rujarocariaro mano jabuaju baājājajacaju yua.

28

Malta vāme cutiyoaju ejacōari, Pablo mesa ĩna bajire queti

¹ Toju ejacōari, “Malta vāme cutiyoaju ĩnaja mani”, yīamasicaju yua. ² Tijuana masa, to yua ejaro, quēnaro yuare yicama. Buto oco ti quedijare, yuare ũsacaju. To yua bajijare, jeame riocōari, “Sūmaroaya mua quēne”, yuare yicama. ³ Jearujuri juagu vacōari, ĩna riori mere ĩ ĩarone, āña jearujuri vatoo ĩnar’i, “Jea asisere rudiacaja” yigu, ĩ āmojure jatirocayocōari, cūnicami, Pablore. ⁴ ĩ cūniyojasere ĩacōari, ado bajiro gāmerā yicama toana:

—Masa sīarimasu ĩnagūmi. ĩna rujariarōju ĩ rujarocabetijare, ĩ masa sīare vaja ĩre āña cūnirotigomo so, mani rūcʋbuogo —gāmerā yicama ĩna.

⁵ To bajiro ĩna yiboajaquēne, jeameju āñare ĩre yayerocatīacōacami. To bajicōari, visiorūgū yibeticami Pablo. ⁶ “Guaro mijirūaroja. Ti mijibetijaquēne, ĩnaro tusarone rijacoa tujarucami”, yitōiaboacama tijuana jediro. To yicōari, yoaro ĩre ĩacodeñaboacama. ĩna tuoīarore bajiro ĩ bajibetijare, ado bajirojuā tuoīacama ĩna yuja: “Mani rūcʋbuogu, masare bajiro ruju cuticōari, ejami”, gāmerā yicama ĩna yuja.

⁷ To yua bajīñacatiju ture ĩnacaju, tiyoana ʋju Publio vāme cutigu ye sita. Quēnaro yuare bocaāmicami. To bajiri, idiarāmu ĩ rāca yua ĩnaro quēnaro yuare yicami. ⁸ ĩ tu yua ĩnaro, “Buto rijaami yu jacu” ĩ yisere ajicaju yua. “Bʋbʋrībʋjacōari, gūda cuduami. Mano gajajuar’i cānijesariaro joeju jesaami”, yicami. To bajiro ĩ yijare, ĩre ĩagu jājacami Pablo. ĩ tu jājajacōari, Diore ĩre sēnibosacami. To yicōari, ĩ āmori ĩnjeocami. To ĩ yirone, catiocacami ĩ yuja. ⁹ ĩre ĩ catiosere ajicōari, toana rijaye cutirā, ĩre catiorotirā ejacama ĩna. To ĩna bajijare, ĩnare catiocami Pablo. ¹⁰ To ĩ yijare, yuare rūcʋbuorā, quēnaro yirūgūcama ĩna. To yicōari, yua varoto rījoro, yua bojase jediro yuare ĩsicama.

Romaju Pablo ĩ ejare queti

¹¹ Malta vāme cuti yoajure idiarā muijua ĩnacaju yua. “Juebʋcu ti rētoro bero vanasa” yirā, tujayuma Alejandr’ia vāme cuti macana. To bajiri, juebʋcu bero, ĩna rāca vacaju yua quēna. Tia ĩguēajure, “Ado bajirā ĩnarāma cūmuare ĩacoderimasa mani rūcʋbuorā, Cástor, to yicōari Pólux vāme cutigu quēne” yicōari ĩna quēnoriarā ĩnacama. ¹² Siracusa vāme cuti macaju ejacōari, idiarāmu ĩnacaju yua. ¹³ Ti macaju ĩnacōari vana, Regio vāme cuti macaju ejacaju yua. Gajerāmu yua vato rijojo mino ti vajare, Puteoli vāme cuti macaju vaejacaju yua. ¹⁴ Ti macaju ejacōari, Jesure ajitirānūrāre ĩnare bujacaju yua. “Yua rāca cojo semana ĩñaña mua”, yuare yicama ĩna. To bajiri ĩna rāca cojo semana ĩnacaju yua. To baji, Romaju vacaju yua. ¹⁵ Yua vadi quetire ajicōari, yuare bocarā vayuma ĩna, ti macana Jesure ajitirānūrā. To bajiri, Foro de Apio vāme cuti macaju yuare bocacama. Gājerāma, Tres Tabernas vāme cutoju yuare

bocacama İna. To İna bajiro İacđari, variquēnagū ĩari, “Quēnaro yaja mu”, Diore İre yicami Pablo. ¹⁶ Roma vāme cuti macaju yua ejaro, tubiberiaviju Pablo İ ĩarubabetijare, “Gaje viju sīgū İ ĩacđajama, quēnacđaroja. To bajiboarine sīgū surara İre coderacumi”, yicama.

Romaju ĩacđari, Pablo İ bajire queti

¹⁷ Romaju İ ejaro bero idiarūma ĩatusacu, “Jud'io masa ĩjarāre İnare jirēoĩa”, yicami Pablo. İna rējajediro, ado bajiro İnare goticami:

—Yure ajiya yu yarā. Mani yarāre rojose yu yibetiboajaquēne, to yicđari, mani ĩicua İna yirūgūre yu rūcubuo rūgūboajaquēne, yure ĩiacđari, romano masare İsicama mani yarā, Jerusalén macana. ¹⁸ ĩie rojose yu yibetijare, “Rojose yibesumi” yicđari yure buruaboacama romano masajuama. ¹⁹ Yure İna buruaboajaquēne, mani yarāju, “İre bubeticđañ”, İnare yicama. To İna yijare, “Rojose yiyujari yu yigu, Roma macagu, İju Césare İre İacđiarotirucuja”, yicaju yu. “Rojose yure İna yicati ti ĩajare, rojose İnare yiya' yiru me, İju César taju varucuja”, yicaju yu. ²⁰ Tire gotiru muare jicđamu yu. Israel ĩamasir'i jānerabatia mani tuoĩayurūgūcacu, jere ejayumi. To bajiri, İre yu ajitirānujare, cōmema rāca yure siarūgūama —İnare yigoticami Pablo.

²¹ To İ yisere ajicđari, ado bajiro İre yicama İna, Roma macana jud'io masa ĩjarā:

—Judea sitana ejaboarine, “Rojose yigu ĩaami Pablo”, yuare yigotibetirūgūama. İna ucacđasere quēne İabetirūgūaja yua. To bajiri mu bajisere masibeaja yua. ²² To bajiboarine, “Jesure masa İna ajitirānujama, quēnabeti ĩaja” masa İna yise rine ajirūgūmu yua. To bajiri, mu tuoĩase yuare mu gotisere bojaja —İre yicama İna, Pablore.

²³ To bajiro İre yirā ĩari, İ gotisere ajirā İna rējararūmare İre goticama İna. “Tirūmu rējaruarāja mani” İna yicaturūmu ti ejaro, jājarābusa rējacama İna.

To bajiri, ado bajiro İnare gotimasiocami Pablo:

—Jesune ĩaami “Rotimuo rūgūrucumi” yigu, Dios İ cđar'i. İre ajitirānurāre, “Yu yarā ĩaama” İnare yĩavariquēnacđari, quēnaro yirūgūami Dios —İnare yigotimasiocami Pablo.

Tire İ gotimasiojama, Moisés ĩamasir'ire Dios İ roticūmasirere, to yicđari Diore gotirētobosamasirirā İna ucamasirere masigū ĩari, İnare gotimasiogū yicami. Busuriju İ goticoajama, rāioriju gotigajanocami. ²⁴ To bajiro İ yisere ajicđari, “Socu me yami. Riojone bajiroja”, yiajicama sīgūri. To bajiboarine gājerāma ajitebusacama. ²⁵ To bajiri sigūre bajiro tuoĩabetica yirā, budisucocama İna. To İna bajirone, ado bajiro İnare goticami Pablo:

—Ado bajiro mua bajiro tire yigu, Esp'iritu Santo, mua ĩicua ĩamasiriarāre İ yimasire riojo ĩañuja ti. “Ado bajiro İnare gotiya”, yimasifumi, Isa'ias ĩamasir'ire:

²⁶ “Mu yarāre İnare gotiaya mu: Yure ajirā ĩaboarine, ajimasibeticđañaruarāma. Yu yĩosere İarā ĩaboarine, “¿To bajiro bajisere yigu yatique İ?”, yĩamasibeticđañaruarāma.

²⁷ Ado bajiro bajirā ĩari, yu yere ajimasimena ĩarāma İna: Gāmo gojeri tusbeti, to yicđari, caje İamenare bajiro bajirāma. To bajiro yu yijama, “Yu yere tuoĩarūamena ĩaama” yigu yaja yu. To bajirā ĩari, tire quēnaro ajimasibeama. Yu yere İna tuoĩarūajama, tire ajimasicđari, yu bojarore bajiro tuoĩavasoacđari, yure sēnirūcubuo borāma İna. Yure İna sēnijama, yure İna cāmotadicđañ tujaborotire İnare yirētobosaboguja yu', İnare yigotiaya mu”, Isa'iare İre yigotimasiñumi Esp'iritu Santo. To bajiro İ yijama, adirodorianare quēne, muare gotigu yimasifumi.

²⁸ To bajiri quēnaro ajiya mua: Adirūmurire Jesús suorine quēnaro Dios İ yisere jud'io masa me ĩarājuare gotimasiocudiroti ĩaja. İnajuama tire ajirā ĩari, ajitirānuarāma —İnare yigoticami Pablo.

²⁹ To bajiro İ yigotijare, sīgūre bajiro tuoĩabetica yirā, gāmerā oca rētocđari, budijedicoacama jud'io masa.

³⁰ Jua cūma ĩacami Pablo, gājoa bojarā ĩari, İre İna vasoariavijure, Roma macajure. To bajirāgū, İre İarā ejarā jedirore quēnaro İnare yirūgūcami. ³¹ Gūbecane ado bajiro İnare gotimasiurūgūcami:

—Jesucristore mua ajitirānujama, “Yu yarā ĩaama” muare yĩavariquēnacđari, quēnaro muare yirūgūrucumi Dios. To yicđari, —Ado bajiro Jesucristore ajitirānurōti ĩaja —İnare yigotimasiurūgūcami.

Tire İ gotimasio ĩaro, “İnare gotibesa”, İre yibetirūgūcama İna, romano masa.

To cōro ĩaja.

Carta de San Pablo a los ROMANOS

Roma vāme cūti macana, Jesucristore ajitirānūrāre Pablo ī ucacōare queti

¹ Yū űaja Pablo vāme cūtiġu adi quetire mūare ucacōagū. Jesucristo, ī bojasere yigū űaja yū. Yure besecōari, yure cōacami Dios, “Yū macu suori quēnaro yū yise quetire gājerāre gotimasiocudirucaja mū” yigū.

²⁻³ Adi quetire Jesucristo ī bajirotire quēnasereucasuomasiñuma īna tirāmuanaġu Diore gotirētobosariarā. To bajiro adigodojure masare bajiro ruġu cūticōari ī ruyuare ti űajare, tirāmuana ī bajirotire yirā īna ucariarore bajirone bajiyumi. To bajiro, “Ēġu David űamasir’i jānami űaűumi”, ĩre yimasiasaja mani. ⁴ To bajiro ī siaecoro bero, Dios ī masise rāca ĩre caticōcōari, “űajediro ġu űaűa mū” ĩre ī yire ti űajare, “Jesucristo mani ġu, Dios macune űaami”, ĩre yimasiasaja mani.

⁵ To bajiro Jesucristo suori quēnaro yure yigū, yure goticudirotiyumi Dios, “Tocārāca sitana ī macu ī bajirere ajicōari, quēnaro ĩre ajitirānuato” yigū. ⁶⁻⁷ To bajiro mūa quēne Roma űarā, “Cristore ĩre ajitirānuāna” Dios ī yirere cūdiararā űaja mūa, Jesús yarā. Mūare buto maiami Dios. Jesure ajitirānūrā űari, Dios rīa űaűuja mūa. Mūare quēnarotigū, mani jacu Diore, to yicōari, mani ġu Jesucristore, ado bajise mūare sēnibosaja yū: “Quēnaro īna űarotire yirā, ĩnare ejarēmoűa”, mūare yisēnibosaja yū.

Roma macanare Pablo ī ĩagū varuare queti

⁸ űasuose ado bajise mūare gotiaja yū: Cristore ĩre mūa ajitirānusere gotirūġama tocārāca macariana. To bajiro ĩna yisere ajicōari, “Dios ī yise suorine Cristore ajitirānūrāma” yimasigū űari, “Quēnaro yaja mū”, Diore ĩre yaja yū. ⁹ Tocārācaġine Diore yū sēnijama, mūare quēne sēnibosarūġūaja yū. Dios yure ī rotirore bajiro buto cūdivariquēnaja yū. ĩ yirore bajiro cūdigū űari, ī macu suori quēnaro ī yise quetire goticudirūġūaja yū. To bajiro, masiami Dios, mūare yū sēnibosasere. ¹⁰ Diore sēniġū, “Mū bojajama, no bojarirāmū ĩnare ĩacudigū varuġuare yū”, ĩre yisēnirūġūaja yū. Mūa tuġu varu, tuoĩacōa űarūġūboaja yū. ¹¹ “Butobusa Jesure ajitirānuato” yigū, mūare ejarēmoruaja yū. ¹² Mūa quēne, yū quēne, “Butobusa ĩre ajitirānūrāsa mani” yigū, mani gāmerā ejarēmosere bojaja yū.

¹³ Coġoji me mūa tuġure yū varuarūġūboasere masiűa mūa, yū mairā. “Gaje sitana yū gotisere ajicōari, Cristore ĩre ĩna ajitirānucatore bajiro mūa rācana quēne ajitirānuato” yigū, varuarūġūboaja yū. Mūa űarojure varu tuoĩagū űaboarine, mūa tuġure vamasibeticaju yū. ¹⁴⁻¹⁵ Yū moare űaja Jesucristo ī bajire suorine Dios quēnaro masare ī yisere gotimasiore. Griego ocare űagōrāre quēne, ĩna mere quēne, quēnaro masirāre, masimenare quēne gotimasiroti űaja yure. To bajigū űari, Roma macaju eġacōari, mūa rācanare quēne buto gotimasioruaja yū.

“Masa, Jesucristore ĩre ajitirānucōari, quēnaseyere ĩna buġajare, tire gotibojonebeaja yū”, Pablo ī yire queti

¹⁶ Jesucristo ī bajire suorine masare quēnaro Dios ī yise queti, quēnase űaja. Tire ajicōari, Jesucristore ĩna ajitirānūjare, rojose ĩna yise vaja rojose ĩna tāmotuġabetirotire ĩnare yirētobosami Dios. Quēnaro ī yise űajare, ti quetire gotibojonebeaja yū. Jud’io masa, ti quetire ajisuocaju. Tiju bero, ajisuyarūtuajama jud’io masa me quēne. ¹⁷ Ado bajiro yaja ti queti: “ ‘ ‘ űie rojose mana űaama’ yato Dios” yigū, yure rijabosayumi Jesús’ yituoĩarāre, ‘űie rojose mana űaama’ ĩnare yīaami Dios”, yaja ti. ĩġune to bajiro ī yire űajare, to bajiro tuoĩaja mani. Tirene gotiaja Dios ocare masa ĩna ucamasire. Ado bajiro gotiami Dios: “ ‘űie rojose magū űaami’ yū yīavariquēnagūma, ‘Cristo suorine Diorāca quēnaro űaja yū’ yigū űari, ‘ĩ rijato beroġu tudirijabeticōato’ yigū, yū catisere yū ĩsigū űarucami ī űgūma”, yigotiaja Dios ocare masa ĩna ucamasire.

“Masa jediro rojose yirā űaama”, Dios ī yīase queti

¹⁸⁻¹⁹ “Ado bajiro ti bajijare, ‘Rojose mana űaama’ Dios manire ī yīasere bojaja mani jediro”, yigotimasiogūagu yaja yū. Dios ī rujeorere ĩacōari, “To bajiro tuoĩagū űagūmi”, yimasiroti űaja. To yicōari, “Masa rojose ĩna yisere ĩategu űaami”, ĩre yimasiroti űaja. “To bajiro tuoĩagū űagūmi” ĩre yimasiroti ti űaboajaquēne, ĩre rucububeticōari, rojose yirā űari, gājerā ĩre ĩna masirūboasere “ĩre masibeticōaűa” yirā yama. To bajiro ĩna yijare, rojose ĩnare ī yijama, rioġo yigū yirucami Dios. ²⁰ ĩabujayamagū ī űaboajaquēne, ī rujeorere ĩacōari, “ ‘To bajiro yir’i ī űajare, ĩ masisere masiaja’ yure yato ĩna” yigū, adi macarucurore rujeomasīñumi Dios. To bajiro, tire ĩacōari, “űagūmi mani rētoro masigū, adi macarucurore yiruġeosuor’i”, yire

ñacoayuja. To bajiro yire ti ñacoadijare, “Diore masiña manicaju ti”, yimasíña maja. To yicōari, “Dios i bojabetire masibecu ñari, no yu bojarone yirügücaju yu”, yimasíña maja. ²¹ Tirāmüja, Diore masiboarine, quēnaro ire rücbuobeticimasiñujarā masa. Quēnaro ñare i yiboajaquēne, “Quēnaro yaja mu”, ire yibeticimasiñujarā ina. To bajiro bajirā ñari, socasejuare ajitirānucōari, Dios i ñajama, rojose ti ñaboajaquēne, “Quēnasere yirā yaja mani”, yicoayuma ina. ²² To bajiro bajica yirāne, “Buto masirā ñaja yua” yicōarā ñaboarine, ñamasusejuarema masiriticoayuma ina. ²³ Dios rijabetirocujare ire rücbuobeticōari, masa rijarona rujare bajirojua quēnorujeocōari, rücbuoyujarā ina. To yicōari, varāre bajirā, vaibucarāre bajirā quēnorujeocōari, rücbuoyujarā ina.

²⁴ To bajiri, ire ina ajitirānubetijare, “Rojose ina yiruaro cōro yicōa ñato ina”, ñare yicōañuju Dios. To bajiro ñare i yijare, butobusa bojoneose yirütuasujarā ina. ²⁵ Dios yere ajitirānubeticōari, socasejuare ajitirānuruütayujarā ina. To yica yirā, Diore jediro rujeor’ijare ire rücbuobeticōari, i rujeorejuare ina masune quēnorujeocōari, rücbuoyujarā ina. Diojua ñaami masa ina rücbuobeticōari. To bajirone bajimoruögōato.

²⁶ To bajiri gaje vämejua rine masa ina rücbuocōa ñajare, “No ina bojaro yicōa ñato ina”, ñare yicōañuju Dios. Ado bajiro yirügüñujarā ina: “Rōmia, amua räca yiruārāma” Dios i yiboarere yibeticōari, rōmia rine gāmerā ajeriarā cutiyujarā ina. ²⁷ Emua quēne, “Rōmia räca yiruārāma” Dios i yiboarere yibeticōari, amua rine buto gāmerā yiruacōari, gāmerā yiyujarā ina. To bajiri ina rujariyare räca bojoneose yirā ina ñajare, rojose ñare yiyuju Dios.

²⁸ Ire ina ajibeti vaja, “No ña bojaro bajicōato”, ñare yiyuju Dios. ²⁹⁻³¹ Rojose ina yijama, ado bajiro yirügürāma: Jairo gajeyēüni cōarā ñaboarine, jaiabusaro bojarēmōrā ñarāma. Gājerāre, “Yu rētoabusaro quēnaro ñaama”, yijajūnisinirā ñarāma. Gājerāre sīa, buto oca josajai, socajairā ña, bajirāma. Gājerā rojose ina yirere ajicōari, gājerāre gotirudijairā ñarāma. Masa ina ajiro rījorojua quēne, socarāne, “Ado bajise rojose yima”, yigotirāma. Diore ire terā ñarāma. Gājerāre tud’irā ñarāma. “Ñamasurā ñaja yua”, yijairā ñarāma. Gājerāma, “Ñamasurā ñaja yua” yituoārā ñaboarine, “To bajiro bajirā ñaja yua”, yimenama. Rojose ina yirotire quēnaro yimasirā ñarāma. Ina jacuare ocarētōrā ñarāma. “Quēnase ñaja. Rojose ñaja”, yimasimena ñarāma. Ina gotirore bajiro yirā me ñarāma. Gājerā ina yarā ina ñaboajaquēne, ñare ñamaimena ñarāma ina. Maioro bajirāre sutiritiāmena ñarāma ina. To bajiri, rojose jediro yirā ñarāma. ³² To bajiro yirārema, “ ‘Rojose ina yise vaja, rojose tāmtojtābetiriaroju cōarucuja yu’ yiyumi Dios” yimasicōarā ñaboarine, rojose yitujamenama. To yicōari, ina yirore bajiro gājerā ina yijama, rojose ina yisere iacōari, buto variquēnarāma ina.

2

“Rojose, quēnase masa ina yisere ñabeserucumi Dios”, yire

¹ “Rojose ina yise vaja Dios rojose ñare i yijama, riojo yigu yigumi” yituoīacōari, “Quēnarā ñaja yua; yuarema rojose yibecumi” mua yituoīaboajaquēne, “Yuare quēne, rojose yuare yato Dios” yirā yirāja mua. Rojose ina yirore bajirone rojose yaja mua quēne. To bajiri, “Rojose yimena ñaja yua”, yimasimenaja mua. ² “Dios ñaami, ‘Rojose ina yise vaja rojose tāmtojtābetiriarāma’ yijamasigūma”, yimasijaja mani. ³ “Rojose ina yise vaja rojose ñare yirucumi Dios” yicōari, “Rojose yibeticōari yuarema”, yituoīaboati mua, ñare bajiro rojose yirā ñaboarine? ⁴ Rojose mua yise vaja guaro rojose muare i yibetijama, “Manire maigū ñari, rojose yibeticōari Dios”, yituoīaboati mua? To bajiro me bajijaja. Muare ñamaicōari, rojose mua yise vaja guaro rojose muare yiruabeami Dios. Rojose mua yisere sutiriticōari, mua tuoīavasoarotire bojaami. Rojose mua yisere “Yitujato” yigu, muare yugu bajiami maji. ⁵⁻⁶ To bajiri rojose mua yise vaja rojose muare i yibetijare, “Rojose yirā yaja yua” yisutiritimena ñari, rojose yitujabeaja mua. To bajiri, rojosere mua yicōa ñarügüjare, masare i beserirāmu ti ejarō, rojose yirāre rojose tāmtojtābetiriaroju i cōarotirāmu buto muare jūnisinigū ñari, rojose muare yirucumi Dios. To i yijama, “I yirore bajiro yigu ñaami”, yimasire ñararoja. ⁷ Sigūri quēnasere yitujamenā ñaama ina. “ ‘Quēnaro yirügücaju mua’, manire yato i Dios”, yituoīarā ñaama. Dios taju ina ñarotire bojarā ñaama. To bajiro ina tuoīajare, ina rijato beroju “Tudirijabeticōato” yigu, i catisere ñare ñirucumi Dios. ⁸ Gājerājuama to bajise tuoīarā me ñaama ina. Ina bojarore bajiro tuoīarā ñari, Diore ajimena ñaama ina. Ire ajimena ñari, rojose yirügüama ina. To bajiro ina yise ñajare, buto jūnisiniami Dios. Ñare jūnisinigū ñari, masare i beserirāmu ti ejarō, rojose tāmtojtābetiriaroju ñare cōarucumi. ⁹ Jud’io masa, jud’io masa me quēne, rojose yirāma, buto rojose tāmtojtābetiriarāma ina. ¹⁰ Quēnasere yitujamenāyarema, “Quēnaro yirügücaju mua” ñare yicōari, “Yu räca quēnaro ñaruarāja mua”, ñare yirucumi Dios. To bajiro yirucumi, jud’io masare, to yicōari jud’io masa mere quēne.

¹¹ Masare i ñabesejama, “Änoama rojose yirā ina ñaboajaquēne, ñamasurā ina ñajare, ñare quēnaro yirucuja yu” yigu me ñaami Dios. To bajiro yigu ñari, rojorāre rea, quēnarāre

jua, yirucumi. ¹² Jud'io masa me ñaräre, Moisére Dios í roticümasirere cuomena ña ñaboajaquêne, rojose ña yise vaja rojose tãmuotjabetiriarojuere ñare reacõarucumi. To yicõari, Moisére Dios í roticümasirere cuoräre quêne, tire cuorã ñaboarine ñre ña cudibeti vaja rojose tãmuotjabetiriaroju ñare reacõarucumi. ¹³ “Dios í rotimasirere cuorã ñaja yua” yirã ñaboarine, ti rotirore bajiro ña cudibetijama, ñie vaja maja. “Quênase yirã ñaama”, ñare yĩabeterucumi Dios. Í rotimasire ti yirore bajiro cudirã rĩne ñaruarãma, “Quênase yirã ñaama” í yĩarã. ¹⁴ To bajiri jud'io masa me ñarã, Moisére Dios í roticümasirere masibetiboarine, quênasere ña yijama, Dios í rotimasirere ajicõari, cudirãre bajiro bajirãma, í bojasere yirã ñari. To bajiro yirã, Dios í ucarotimasirere cuomena ñaboarine, rojose ña yisere masirãma, Dios í masisere ñare í cõase ti ñajare. ¹⁵ “Dios í rotise ñaja ti” yimasimena ñaboarine, Dios í bojasere masirãma ña. To bajiri rojose ña yijama, “Rojose yirã yaja yua”, yituoĩarãma. To yicõari, quênasere ña yijama, “Quênase yirã yaja yua”, yituoĩarãma. ¹⁶ To bajiro masa ña yituoĩarũgũse ñajare, masare í beserirãmu ti ejaro Jesucristore cõarucumi Dios, masa jediro ña tuoĩarũgũre ñacõari, “‘Ado bajiro tuoĩarã ñari, quênase bujarã, rojose tãmuorã, bajiruarãja mua’ ñare yato ñ” yigu. To bajiro í yiroti ti ñajare, Jesucristo manire í rijabosare suorine Dios quênaro í yise quietire yu gotimasiojama, tire quêne gotirũgũaja yu.

“Moisére Dios í roticümasirere cudirã ñari, Dios yarã ñaja yua”, jud'io masa ña yire queti

¹⁷ Ado bajiro yituoĩaboarãja mua jud'io masa sigũri: “Jud'io masa ñari, Moisés ñamasir'ire Dios í roticümasirere rucubuoaja yua. To bajiri Dios yarã ñaja yua, rojose í yibetirona”, yituoĩaboarãja mua. ¹⁸ Moisére Dios í roticümasirere cuorã ñari, í bojarore bajiro yirere masirãja. To yicõari, “Dios í rotimasire masicõari, quênasere yimasirã ñaja yua”, yirãja mua. ¹⁹⁻²⁰ To bajise yituoĩarã ñari, ado bajiro tuoĩaboarãja mua: “Dios yere masimenare gotimasiorimasa ñaja mani”, yiboarãja mua. “Rojose yirãre Dios í bojasejuare gotimasioaja mani. To bajiro mani yibetijama, ñamasare bajiro tuoĩacõa ñaruarãma”, yituoĩaboarãja mua, “Dios rotimasirere cuorã ñari, Dios ye jediro riojo masieorã ñaja mani” yituoĩarã ñari. ²¹ To bajiri gãjerã masare gotimasioiboarine, ¿muajuama gãjerãre mua gotimasiorore bajiro yibeati mua? Gãjerã masare, “Mua juarudijama, quênabeaja ti” yigotiboarine, muajuama juarudirãja mua. ²² “Mua manajo me rãca, rõmia quêne mua manaju me rãca mua ajeriarã cutijama, quênabeaja ti” yirã ñaboarine, muajuama, ¿no yirã tire yicõarũgũati mua? “Gãjerã masa, Diore masimena, ña masune ña quênoriarãjuare rucubuosocarãma. To ña yisere ñarã ñaja yua” yigotiboarine, ¿no yirã ña yirucubuosocariviriayere ñasere juarudiati mua? ²³ “Moisére Dios í roticümasirere ñamasusere cuoaja yua” yivariquênarã ñaboarine, ti rotirore bajiro yimenaja mua. To bajiro mua bajijama, Diore terã bajirãja mua. To bajiro mua bajisere ñacõari, gãjerã masa quêne, ñre terãma. ²⁴ Ti ñnire gotiaja Dios ocare masa ña ucamasire: “ ‘Dios yarã ñaja yua’ yigotirã ñaboarine, rojose yirũgũrãja mua. To bajiri Diore masimena quêne, ‘Rojosere quênaro yigu ñagũmi Dios’ yituoĩaama ña”, yigotiaja Dios ocare masa ña ucamasire.

²⁵ Circuncisión yiecoriarã ñarãja mua. “ ‘Dios yarã ñaja yua. To bajiri ñre cudirona ñaja yua’ yimasiritibeticõato ña” yigu, to bajiro mani ñicuaire yirotimasiñumi Dios. To bajiro Dios manire í yirotimasire ti ñajare, í rotimasire ñaro cõrone mani cudijeocõajama, circuncisión mani yiecore, vaja cutiboroja ti. To bajiboarine Dios í rotimasire jediro cudijeomena ñari, circuncisión yiecobetiriarãre bajirone bajicõaja mani. ²⁶ No bojarã, circuncisión yiecoyamana ña ñaboajaquêne, Dios í roticümasirere masibetiboarine, ti yirore bajiro ña yijama, “Yu yarã ñaama”, yĩagũmi Dios. ²⁷ Jud'io masajuama, Dios í rotimasire masa ña ucamasirere cuorã ñaboarine, to yicõari, circuncisión yiecoriarã ñaboarine, Diore quênaro cudimenaja mua. Gãjerã masa circuncisión yiecobetiriarã ñaboarine, Dios í roticümasirere masibetiboarine, ti yirore bajiro yirã ñarãma. To bajiro bajirã ñari, muare jud'io masare ñacõari, “Rojose yirã ñaama”, muare yĩaruarãma. ²⁸ Jud'io masa quênase ña gotiboajaquêne, to yicõari quênase ña yiboajaquêne tire ñacõari, “Jud'io masa masu ñaama”, yĩabeami Dios. Circuncisión yiecoriarã ña ñaboajaquêne, “Jud'io masa masu ñaama”, ñare yĩabeami Dios. ²⁹ Dios í ñajama, Esp'iritu Santo í ejarẽmose rãca tuoĩarã rĩne ñaama í yarã, jud'io masa masuma.

3

¹ To bajiro yu gotisere ajicõari, ado bajiro tuoĩarãja mua jud'io masa sigũri: “No yirã, ‘Jud'io masa ñaja yua’ yimenaja mani. Jud'io masa mani ñajaquêne, ñie bujamenaja. Circuncisión yire quêne, ñie vaja manoja”, yituoĩaboarãja mua. ² To bajiro me bajiaja. Cojo vãme me jud'io masare quênaro yiyumi Dios. Ñasuose ado bajiro muare gotiaja yu: Mani ñicuaire í ocare cõũmi Dios. “Quênaro muare yirucũja yu”, ñare yimasifumi Dios. Tire ajicõari, ado bajiro tuoĩarãja mua: ³ “Mani ñicua sigũri Dios í rotimasirere cudimena ña ñajare, ‘Quênaro ñare yirucũja yu’ Dios í yiboarere yibetirucumi”, yituoĩaboarãja mua. “Diore ajitirũnũrũgũrãrãja”

yirã ñaboarine, ña yirore bajiro yirã me ñaama masama. Diojuama, to bajiro bajigu me ñaami. “Quënaro ñare yirucuja” yir’i ñari, i yirore bajiro yirucumi. ⁴ Ado bajiro bajiaja: Masa mani socaboajaquëne, Dioma, socagu me ñaami. Tirene ucamasifumi Diore gotirëtobosarimasu: “Mure yu cudibeti vaja, rojose yure mu yiro ñacõari, ‘Yirucuja’ i yiriare bajiro yami’ mure yirucubo variquënaruarãma masa. To bajiri, ‘Socagu ñaami’ mure yigu manirucumi”, yuucamasifumi.

⁵ I rotimasiñumi Dios, mani ñicuaire. “Yu rotirore bajiro mua yibetijama, rojose mure yirucuja”, ñare yimasifumi. To bajiro i yimasire ti ñaboajaquëne, ñare ajibeticoayuma ña. To bajiri, jud’io masare, “Yu yarã ñaama”, yilabeami Dios yuja. Jud’io masare, “Yu yarã me ñaama” i yirere ajicõari, “Ñare ña cudibeti vaja, ‘Rojose’ yirucuja i yiriare bajirone yigu ñaami” yirã ñari, ñare rucubuoama ña, jud’io masa me. To bajiri, jud’io masajuma, Dios mure rojose i yisere masicõari, “Gãjerã yure rucubuo variquënato ña’ yigu, yu yarã me ñaama jud’io masama”, yigumi Dios. “To bajiro i yijama, mani rãca rojose yigu, yigumi Dios”, çyituoïati mua? ⁶ To bajiro me bajiaja. Masa rojose ña yise vaja Dios rojose ñare i yijama, vatojene rojose yigu me yami. To bajiri, masa rojose ña yisere ñamasigũ ñari, rojose ñare yirucumi Dios.

⁷ To bajiro mure yu gotisere ajicõari, ado bajiro tuoïarëmoarãja mua jud’io masa: “Dios i rotimasirere cudijeobetiboarine, i rotimasirere yirã ñaja mani. To bajiri rojosere mani yiboajaquëne, rojose manire yimasibeami Dios. Rojose mani yise vaja, rojose manire i yijama, rojose manire i yisere ñacõari, ‘To bajiro yirucuja’ i yiriare bajiro yigu yami Dios’ yilacõari, rucubuo variquënaruarãma jud’io masa me ñarã”, yituoïaboarãja mua. ⁸ To bajiro me bajiaja. To bajiboarine, jud’io masare yu gotimasiosere ajicõari, sigũri ado bajiro yure ñagõmacarãma ña: “ ‘Gãjerã, Diore rucubuo variquënato ña’ yigu, rojose yito mani’ yigumi Pablo”, socarãne yure yilagõmacarãma ña. To bajiro yirãma, rojose tãmuotujabetiriaroju reacorã ñarãma.

“Mani jedirone rojose mani yise vaja, suoye cutiaja mani”, yire

⁹ To bajiro mure yu gotisere ajicõari, çado bajiro yituoïati mua? “Dios manire i ñajama, gãjerã masa rëtore quënarã ñaja mani jud’io masa”, çyituoïati mua? To bajiro me bajiaja. Mani jud’io masa, jud’io masa me ñarã quëne, ñajediro rojose mani yise vaja suoye cutiaja mani, Dios i ñajama. ¹⁰ Tirene, ado bajiro gotiaja Dios ocare masa ña ucamasire: “Jediro mu rotirore bajiro cudigu magũmi.

¹¹ ‘Adi ñaja quënase. Tijua ñaja rojose’ yimasimena rñe ñaama. ‘Mu bojarore bajiro yirucuja yu’ mure yisëniã magũmi.

¹² Masa jediro mu ocare ajirũgũboariarã, tire ajitujacõari, rojosejuare yirã ñarãma ña. Gãjerãre quënarã yirã manama. Quënasere yirã manimasucõarãma.

¹³⁻¹⁴ Ña ñagõjama, masa yujiarogojere jãna ñiorãre bajiro yama ña. Socajairã ñaama. Gãjerãre jũnisicõari, ña tud’ijama, ña oca, ña rñma jũnisere bajiro budiaja.

¹⁵ Gãjerãre ña tud’ijũnisijama, guaro sjarã ñarãma.

¹⁶ Rojose yirã ña ñajare, ña vacudirijuri ñarãjua, rojose tãmuoama ña.

¹⁷ Gãjerã rãca quënarã ñare masimena ñaama.

¹⁸ Diore gũimena ñari, ñare rucubuoama ñarãma”, yigotiaja Dios ocare masa ña ucamasire.

¹⁹ Dios i rotimasirere, “Mani jud’io masare cũñumi, ‘Yu rotisere quënarã cudiatu ña’ yigu”, yimasiaja mani. To bajiri Dios i rotimasirere masiboarine tire yibeticõari, “Yuma suoye maja”, yimasiaja maja. To bajiri, jud’io masa, jud’io masa me ñarã quëne, “Dios ocare ti yirore bajirone, ‘Rojose yirã ñaja’”, yimasiaja mani. ²⁰ “Yu rotiro cõrone cudijeogu ñaja mu’ yure yilrucumi Dios”, yimasigũ magũmi. “Dios i rotimasire ñaro cõrone yijeomena ñari, suoye cutiaja mani”, yimasiaja mani jediro.

“Jesucristo manire rijabosayumi” yituoïarãre, “Ñie rojose mana ñaama”, Dios i yilare queti

²¹ To bajiro yirã ñaboarine, yucurema ado bajirojua yimasiaja mani yuja: “Dios i rotimasire ñaro cõrone yijeomena ñaboarine, sigũrire, ‘Ñie rojose mana ñaama’ yilãami Dios”, yimasiaja mani. Mani ñaja, Cristore ajitirũnarã ñari, “Ñie rojose mana ñaama” Dios i yilãrã. To bajiro manire i yirore goti rñjoro cutiyuja, Moisére Dios i roticũmasire, to yicõari, Diore gotirëtobosariarã ña ucamasire quëne. ²²⁻²⁴ Ado bajiro bajiaja ti, Dios quënarã manire i yise: Dios i rotimasire ñaro cõrone cudijeogu magũmi. To bajiboarine mani jedirone maigũ ñari, “Masa rojose ña yise vaja ñare vaja yibosaaya” yigu, i macure cõañumi Dios. I macu i rijabosare ti ñajare, rojose mani yisere manire masirioyumi Dios, Cristore ajitirũnarãre. To yigu ñari, “Ñie rojose mana ñaama”, manire yilãami Dios yuja. To bajiro bajiaja jud’io masare, jud’io masa me ñarãre quëne. ²⁵ “Masa rojose yirãre rojose tãmuotujabetiriaroju cõaroti ñaja” yir’i ñari, “Rojose tãmuoroma” yigu, Jesucristore i macure cõañumi, ñajediro rojose yirãre ñare rijabosarocure. To bajiro i yire ñajare, masare rijabosayumi Jesús. I ri’i

rāca manire ī vaju yibosare ti űajare, rojose mani yisere masirioyumi. To ī yijare, no bojagu Jesúre ajitirūnūgūre, “űie rojose magū űaami”, ĩre yīāami Dios. To bajiro ī yijama, “Yīrūcūja” ī yīrore bajiro yīgu yami. ²⁶ To bajiro yīr ī űari, tīrūmūanaju rojose ĩna yisere ĩaboarine, rojose ĩna yise vajare rojose tāmūotūjabetīriaroju ĩnare cōabesumi. To yīcōari, yucure quēne, “Rojose yīrā űaboarine, yūare rijabosayumi Jesucristo” yitūoīarāre rojose tāmūotūjabetīriaroju ĩnare cōabetīrūcūmi.

²⁷ To bajiri, “Dios ī rotimasire ti yirore bajirone mani yijare, ‘Quēnase yīrā űaama’ manire yīāgūmi Dios”, yimasīűa maja. Ado bajirojua yire űaja: “Jesucristo mani űju, manire ī rijabosare űajare, “űie rojose mana űaama” manire yīāgūmi Dios’ yīrājuare, ‘űie rojose mana űaama’ ĩnare yīāgūmi Dios”, yire űaja. ²⁸ To bajiri, Moisére Dios ī roticūmasirere mani masiro cōro quēnaro mani cūdīboajaquēne, “Quēnase yīrā űaama”, manire yīābecūmi. “Jesucristo manire ī rijabosare ti űajare, űie rojose mana űaja mani yuja” mani yisejuare masicōari, “Rojose mana űaama”, manire yīāgūmi Dios.

²⁹ űDioma, jud’io masa űju rīne űagūjarique? Bajigūmi, bajigūjuma. Bajicōari, jud’io masa me űarā űju quēne űagūmi. ³⁰ Sīgūne űaami Dioma. Gāji magūmi. To bajiri circuncisiōn yīecorīarāre, yīecoyamanare quēne, “Jesucristo manire ī rijabosare ti űajare, űie rojose mana űaja mani yuja” mani yisere masicōari, “Rojose mana űaama”, manire yīāgūmi Dios. ³¹ To bajiri, “Jesucristo ī rijabosare suorine manire ĩvarīquēnaami Dios” mani yitūoīajama, “Moisére Dios ī roticūmasirejua vaju mano tujaroja”, yitūoīarāja mua sīgūri. To bajiro me bajīaja. Moisére Dios ī roticūmasirere rearā me yīrāja. “Jesucristo suorī manire ĩvarīquēnagūmi Dios” yimasīrā űari, tīre yīrēmōrā yīrāja mani.

4

“űie rojose magū űaami Abraham’ yīāmasīűumi Dios”, yire

¹ Abraham, jud’io masa űicu űamasir’ire ado bajise ī yijare, “űie rojose magū űaami” ĩre yīāmasīűumi Dios yire quetire mūare gotirūcūja yu. ² Abraham quēnaro ī yimasire ti űaboajaquēne, “Rojose magū űaami”, ĩre yībesuju Dios. “Rojose magū űaami” ĩre ī yijama, “Quēnaro yīgu yu űajare, ‘Rojose magū űaami’ yure yīāgūmi Dios”, yīborīmi Abraham. ³ Ado bajirojua gotīaja Dios ocare masa ĩna ucamasire: “Abrahamre, ‘Quēnaro mure yīrūcūja yu’ Dios ĩre ī yisere ajicōari, ‘ī yīrore bajirone bajīrūaroja’ ī yimasire űajare, ‘űie rojose magū űaami’ ĩre yīāmasīűuju Dios”, yīgotīaja tī, Dios ocare masa ĩna ucamasire. ⁴ No bojagu gājire ī moabosajama, ĩre ī moabosase vaju ĩre vaju yīgu, ĩre ĩsigūmi. ĩre ī moabosase vaju bujacōari, “Vaju manone yure ĩsigū me yīmi. ĩre yu moabosase vajare yīgu, yure ĩsīmi”, yīgūmi. ⁵ Tīre bajiro me bajīaja tī, manire Diore ajitirūnūarāre. “Dios ī rotimasire ti yīrore bajiro mani yise űajare, ‘űie rojose mana űaama’ manire yīāgūmi Dios”, yitūoīabeaja. Ado bajirojua tūoīarā űaja mani: “Dios ī bojarore bajiro yīrā me mani űaboajaquēne, quēnaro manire yīgūmi. Rojose mani yisere ‘Manire masirioato Dios’ yīgu, manire vaju yībosayumi Jesús. To bajiro manire ī yībosare tī űajare, ‘űie rojose mana űaama’ manire yīāgūmi Dios, yaja tī, ī oca. To bajiro tī yijare, to bajirone bajiroja”, yitūoīarā űaja mani. To bajiro yitūoīarāre, “űie rojose mana űaama”, yīāgūmi Dios. ⁶ Tīre tūoīagū, Davīd űamasir’i, ado bajiro ucamasīűumi: “Rojose ĩna yisere tūoīabecūne, ‘Rojose mana űaama’ ĩnare yīāgūmi Dios, ĩre ajitirūnūarāre. To bajiro ĩnare ī yijare, varīquēnarūarāma”, yīucamasīűumi Davīd űamasir’i. ⁷ Ado bajiro yīucamasīűumi ī:

“Varīquēnarūarāma rojose ĩna yisere Dios ī masiriorā.

⁸ “Rojose mani yīro bero, manire masirīocōari, “Rojose yīcūju mūa. To bajiri rojose mūare yīrūcūja yu” tudīyībetīrūcūmi Dios’ yitūoīarāma, varīquēnarūarāma”, yīucamasīűumi Davīd.

⁹ Varīquēnarere tī yījama, jud’io masa, circuncisiōn yīriarā rīne yīro me yaja. Circuncisiōn yīecoyamana jud’io masa mere quēne yīro yaja. Abraham ī bajīmasirere tūoīasaque mūa quēna: Dios ĩre ī gotīmasirere, “ī yīrore bajirone bajīrūaroja” yīgu ī űajare, “űie rojose magū űaami”, ĩre yīāmasīűuju Dios. ¹⁰ To bajiro ĩre ī yījama, űcircuncisiōn ī yīecorīaro berojua, ī yīecobetojua bajīyujarique? “űie rojose magū űaami” Abrahamre Dios ĩre ī yījama, circuncisiōn ī yīecoroto rījorojune ĩre yimasīűumi. ¹¹ Dios ĩre ī gotīmasirere, “ī yīrore bajirone bajīrūaroja” yīgu ī űajare, “Rojose magū űaami”, ĩre yīāmasīűumi Dios. To yīcōari bero, “To bajiro ĩre yu yīcatire masirītīromi” yīgu, circuncisiōn ĩre yīrotīmasīűuju, Abrahamre. To bajiri Abraham circuncisiōn ī yīecoroto rījorojune, “Rojose magū űaami”, ĩre yīāmasīűuju Dios. To bajiro bajīmasir’i űari, jud’io masa űicu rīne űagū me bajīmasīűumi Abraham űamasir’īma. “Dios ī yīriarore bajirone bajīrūaroja” ī yitūoīamasīriarore bajirone yitūoīarā ĩna űajare, “űie rojose mana űaama” Dios ī yīīarāre quēne, ĩna űicūne űamasīűumi Abraham. ¹² Jud’io masa circuncisiōn yīecocōari, Abraham circuncisiōn yīecobecūju, “Dios

Ī yirore bajiro bajiruaroja” Ī yituoāmasiriarore bajirone tuoārare quēne Īna űicu űamasifumi Abraham.

“Cristore mani ajitirānūjama, ‘Yirucuja’ ĩ yiriarore bajirone yirucumi Dios”, yire queti

¹³ Mure, mu jānerabatiature quēne, adi macarucuro ti űaro cōrone muare ujurucuja yu”, yimasiņuu Dios, Abrahamre. “Yu rotisere quēnaro cūdiamī” yigu me, to bajiro ĩre yimasiņuu Dios. Abrahamjua, “ ‘Yirucuja’ Dios ĩ yiriarore bajirone bajiruaroja” yituoāmasir’i ĩ űajare, “Rojose magū űaami” ĩre yīagū űari, to bajiro ĩre yimasiņuu Dios. ¹⁴ “Dios ĩ rotimasire ti yirore bajiro yirā rīne, macarucuro ti űaro cōrone ujaruarāja” mani yituoājama, Dios Abrahamre, “Mure, mu jānerabatiare quēne ujurucuja yu” ĩ yimasiboarejuma vaja maniboroja. ¹⁵ “Dios ĩ roticūmasire ti yirore bajiro mani yijama, macarucuro ti űaro cōrone ujaruarāja” mani yituoājama, riojo gotirā me yirāja mani, Dios ĩ roticūmasire űaro cōrone cudijeomena űari. “Macarucuro ujaruarāja” mani yituoāboajaquēne, rojose manire yirucumi Dios, ĩ roticūmasire cudijeomena mani űajare. “Dios ĩ roticūmasire mani cūdebitboajaquēne, ‘Rojose mana űaama’ yīagūmi Dios” yituoāarā rīne űaama “Rojose mana űaama” Dios ĩ yīarā.

¹⁶ To bajiri, “Ī yirore bajirone bajiruaroja” ĩ yituoāse űajare, Abrahamre ĩamaicōari, “Macarucuro jedirore mure ujurucuja yu”, ĩre yimasiņuu Dios. To bajirone bajiaja manire quēne. Abraham Diore ĩ tuoāriarore bajiro Diore mani tuoājama, manire quēne, “Abraham jānerabatia űari, adi macarucuro jedirore ujaruarāja mua”, manire yīagūmi Dios. To bajiri jud’io masa Moisére Dios ĩ roticūmasire cūocōari, Abraham ĩ tuoāriarore bajirone ĩna tuoājama, ĩnare quēne to bajirone yirucumi Dios. ¹⁷ Dios ocare masa ĩna ucamasire quēne, to bajirone gotiaja: “ ‘Jājarā masa cojo sitana me űarā űicu űarucuja mu’ yigotimasiņuu Dios, Abrahamre”, yigotiaja. To bajiro Dios ĩ yisere ajicōari, “Ī yirore bajirone bajiruaroja”, ĩre yituoāmasiņuu Abraham. To bajiri, rijariarāre catiogu, to yicōari, űajediro rujeomasir’i űaami Dioma.

¹⁸ “Bucu űari, rīa maniacu bajiaja” Abraham ĩ yituoāboajaquēne, “Jājarā űaruarāma mu jānerabatia” Dios ĩre ĩ yijare, “Ī yirore bajirone bajiruaroja”, yimasiņuu Abraham. “Bajirucuja mu” ĩ yiriarore bajirone yigu, jediro űicu űaami yuja. ¹⁹ Abraham, cien cūmari cōro tusacu űamasifumi. Ī manajo rāca, juarājune bucūrā űari, rīa cutibetiarāju űamasifujarā. To bajiri, “To cōro bajireararāja yua” yimasibetiboarine, “Dios ĩ yirore bajirone bajiruaroja”, yicōa űagū űamasifumi Abraham. ²⁰ “ ‘Bajiruaroja’ Dios yure ĩ yicati bajibetiruaroja”, yibecu űamasifumi Abraham. To bajiro bajigu űari, “Dios ĩ yirore bajirone yirucumi” yigu űari, “Socagu me űaami Dios” ĩre yiajirucubūomasucoamasiņuu Abraham. To bajiri, “Mu yirore bajirone yigu űaja mu”, Diore yivariquēnamasiņuu Abraham. ²¹ “Ī yirore bajirone yirucumi. Ī yimasibeti manoja, Diorema”, yituoāmasiņuu. ²² “To bajiro yure tuoāgū ĩ űajare, ‘Rojose magū űaami’ ĩre yīaja yu”, yimasiņuu Dios. To bajirone gotiaja ti, Dios ocare masa ĩna ucamasire.

²³ Abraham sīgūrene, “Rojose magū űaami”, yiuca ecobesuja Dios ocare masa ĩna ucamasire. ²⁴ Manire quēne, Abraham Diore ĩ tuoāmasiriarore bajirone ĩre mani tuoājama, “Rojose mana űaama”, yīagūmi Dios. Ī űaami mani uju Jesucristo ĩ rijato bero ĩre catior’ima. ²⁵ “Rojose ĩna yise vaja ĩnare vaja yibosaya” yigu, Jesucristore ĩre rijaroticōaűumi Dios. To yicōari, Jesucristo ĩ rijato bero, “ ‘Rojose mana űaama’ manire yīagūsa” yigu, ĩre tudicatioyumi quēna.

5

Rojose mana mani bajise queti

¹⁻² To bajiri, “Rojose mani yise vaja manire vaja yibosayumi mani uju Jesucristo” mani yituoāsere masicōari, “Rojose mana űaama”, manire yīagūmi Dios. To bajirā űari, “Mani rijato beroju, ĩ rāca quēnaro űacōa űarūgūruarāja”, yivariquēnaja mani. To yicōari, “ ‘Yure bajiro quēnase rīne yirā űato’ yigu, manire yirēmogū yami”, yivariquēnaja mani. ³ To bajiro yirā űari, rojose tāmūboarine, variquēnaja mani. Tiaye rīne variquēnarā me yirāja mani. Rojose tāmūboarine, “ ‘Jesucristo suorī Diorāca quēnaro űaja’ yituoāarā űari, rojose yiruaboarine, tire yibeju yua”, yimasijaja mani. ⁴ Cojoji me rojose tāmūorā űaboarine, “Jesucristo suorī Diorāca quēnaro űaja” yituoāarā űari, rojose yiruaboarine, tire yimena űari, “Ī űaroju ĩ rāca quēnaro űaruarāja”, yituoāarā űari. ⁵ Esp’iritu Santore manire cōaűumi Dios. To bajiro ĩ yiriarā űari, “Manire maiami Dios”, yimasijaja mani. To bajiri, “Ī űaroju ĩ rāca űabetiruarāja”, yisutiritibetiruarāja mani.

⁶ Rojose yitujamasimena mani űajare, rojose mani yisere masirioru, ĩ macure cōaűumi Dios. “Rojose ĩna yise vaja, ĩnare vaja yibosaya” yigu. ⁷ Josari űaroja ti, gājire ĩna sīaroadone, “Yujua ĩre rijabosarucuja” yirema. Dios ocare ajitirānūgūre ĩre ĩna sīaroadijaquēne, ĩre maigū űari, “Yujuare sīaűa”, yimasigū magūmi. To bajiboarine quēnaro ĩre yigu ĩ űajama, “Yujuare

sñaña", yimasibogumi, cojojirema. ⁸ Rojose yirã mani ñaboajaquẽne, Jesucristojuama manire rijabosayumi. To bajiri, "Manire buto maiami Dios", yimasiaja mani. ⁹ Rojose yirã mani ñaboajaquẽne, Jesucristo manire i rijabosare ti ñajare, "Rojose mana ñaama", manire yiaami Dios. To bajiri, "Rojose tãmuotujabetiriaroju manire cõabetirucumi", yimasiaja mani. ¹⁰ Rojose mani yisere ãtegu ñaboarine, tire masirioru, i macure manire cõaũumi, "Inare rijabosaaya" yigu. To bajiri i macu manire i rijabosaro bero ãre caticõari, "Rojose mana ñaama", manire yiajũnisiini tujayumi Dios. To bajiri, ado bajiro yimasiaja mani: " 'Dios tujũ i rãca quẽnaro ñato' yigu, butobusa manire yirẽmorũgũrucumi Jesucristo", ãre yivariquẽnaja mani. ¹¹ Ti rĩne yivariquẽna tujamenane, "Jesucristo mani uju manire i rijabosare ñajare, Diorãca quẽnaro ñaja mani", yivariquẽnaroti ñaja.

Adãn i bajire, to yicõari, Jesucristo i bajire rãca Pablo gotire

¹² Adãn ñamasĩuju rojose yisnor'i. To bajiro i yimasire vaja rijacoamasiũuju. To bajiro i yimasire ti ñajare, jedirone rojose yirã ñari, bajireacoayuja mani quẽne. ¹³ Dios Moisere i roticũroto rjorojuane, masa jediro rojose yimasĩujarã ña. To ña yiboajaquẽne, i roticũre ti manijare, "Yu rotirore bajiro yibeama ña", yiaabetimasiũuju Dios. ¹⁴ To bajiro i yiaabetiboajaquẽne, Moisere i roticũroto rjoroana quẽne bajireacoadimasiũuma. To bajiro ña bajijama, Adãn Dios ãre i roticũsere masiboarine, i cudibetimasire vaja bajireacoadimasiũuma ña. To bajiri Adãn manire i yiomasire suorine bajireacoarũgũaja mani quẽne. To bajiboarine, "Quẽnase yigure ãre cõarucuja yu. I suorine quẽnaro ñaruarãma ña", yimasĩuju Dios.

¹⁵ Adãn rojose i yisnomasire vaja rojose manire ti ñaboajaquẽne, manire ñamaicõari, quẽnaro masu manire yirẽmoami Dios. To bajiri Adãn suorine "Rojose yirã ñaama" manire i yĩare ti ñaboajaquẽne, yucurema Jesucristo suorine "Rojose mana ñaama", manire yiaagũmi Dios. To yicõari, butobusa quẽnaro manire yirẽmocõa ñagũmi Jesucristo, "Diorãca quẽnaro ñato" yigu.

¹⁶ Adãn, rẽmojuane rojose i yisere iacõari, "Mu yise suorine, mu quẽne, mu jãnerabatiãju quẽne, bajireajedicõaruarãma", yimasĩuju Dios. To bajiro manire yimasir'i ñaboarine, yucurema cojõji me rojose mani yise ti ñaboajaquẽne, tire masiricõari, "Nie rojose mana ñaama", manire yiaagũmi Dios. ¹⁷ Sũgũ rojose i yisnomasire suorine masa jediro bajireacoayuja mani. To bajiro bajirã mani ñaboajaquẽne, Dios, masijeogu ñari, manire ñamaicõari, quẽnaro masu manire ejarẽmogũmi. "Jesucristo manire rijabosayumi" yirãre, rojose mani yisere masiricõari, "Rojose mana ñaama. Ña rijato beroju 'Tudirijabeticõato' yigu, yu catisere ñare ãsirucuja yu", manire yiaagũmi Dios.

¹⁸ Adãn rojose i yisnomasire suorine, "Masa jediro bajireacoaruarãma", manire yimasĩuju Dios. To bajiro i yimasire ti ñacõaboajaquẽne, "Jesucristo yuare rijabosayumi" yirãre, "Nie rojose mana ñaama. Ña rijato beroju 'Tudirijabeticõato' yigu, yu catisere ñare ãsirucuja yu", ñare yigũmi Dios. ¹⁹ To bajiro yu yijama, ado bajiro yigu yaja yu: Sũgũ Diore i cudibetimasire suorine rojose yirã ñacoayuja mani jediro, Dios i ñajama. To bajiro bajiriarã ñaboarine, Jesucristo, Dios i rotirore bajirone i cudire suorine, "Rojose mana ñaama" i yiaarã jãjarã ñarũtuãju mani yuja.

²⁰ Dios cũmasĩumi, i roticũmasirere Moisès ñamasir'i rãca, " I roticũriarore bajiro yibeticõari, rojose yijairã ñaja mani' yimasiatõ ña" yigu. I rotimasirere masiboarine, butobusa rojose yiyuma. To bajiro ña yiboajaquẽne, Diojuama, butobusa ñare ñamaĩumi. ²¹ Rojose mani yise vaja, bajireacõari, rojose tãmuotujabetiriaroju varona ñaũuja mani. To bajirona mani ñaboajaquẽne, manire ñamaigũ ñari, mani ujure Jesucristore cõaũumi Dios, "Mare ajitirũnurãre rojose ña tãmuoborotire ñare yirẽtobosaaya" yigu. To bajiri Jesucristo manire i rijabosare suorine, "Rojose mana ñaama, manire yiaacõari, ña rijato beroju 'Tudirijabeticõato' yigu, yu catisere ñare ãsirucuja yu", manire yiaagũmi Dios.

6

"Rojose mani yisere yitujacõari, Dios i bojasejuare yirã ñato mani", yire queti

¹ To bajiri Dios manire i ñamaire yu gotisere ajicõari, ñno bajiro tuoĩati mua? "Rojosere ña yiboajaquẽne, rojose yigu me ñaũumi. To bajiri, butobusa rojose yito mani. To bajiro mani yiboajaquẽne, manire maigũ ñari, manire masiricõõa ñarucumi", yituoĩaboati mua? ² To bajiro me bajijaja! "Manire rijabosayumi" yituoĩarã ñari, rojose yiruaboarine, tire yibetisoyuja mani. To bajiro yiriarã ñaboarine, ñno yirã rojosere tudiyirãji mani? ³ Bautizarere ajimasiati mua? Oco rãca manire ña bautizarone, "Cristore ajitirũnurã ñaja yua" yirã, ado bajiro yiriarãja mani: " "Rojose ña yisere, tire yitujato" yigu, Cristo manire rijabosayumi' yirã ñari, rojose mani yisere to cõrone yitujato", yiriarãja mani. ⁴ To bajiri rojose mani yisere yitujaruarã ñari, oco rãca mani bautizarotirone, Jesucristo rãca rijanare bajiro bajiyuja mani. To bajicõari, Jesucristo i yuje ecorõ ñare, i masise rãca ãre

tudicatoyumi Dios. To bajiri, i rāca tudicatrāre bajiro bajiyuja mani, bautismo mani yiecoro bero. To bajirā ñari, Jesucristo i ejarēmose rāca Dios i bojarore bajiro yirā ñaja mani.

⁵ To bajiri, Jesucristo rāca rijariarāre bajiro bajirā ñari, tudicatrāre i ñajare, i rāca tudicatrāre bajiro bajirā ñari, i ejarēmose rāca quēnase yirūgūroti ñaja manire. ⁶ “Rojose mani yisere yitujacōari, Jesucristojuare ire ajitirānuaja” yirāre, manire rijabosayumi Jesús, rojose mani yisere “Yitajato” yigu. To bajiro i bajire ti ñajare, rojosere yiruā tuoīaboarine, tire yitujaroti ñaja. ⁷ Masu i bajirocacoajama, juaji rojose yibecumi. To bajiri mani quēne rojose yirūgūriarā ñaboarine, Jesure ajitirānuca yirā, juaji rojose yibetiroti ñaja manire. ⁸⁻⁹ Mani quēne, Jesucristo rāca rijariarāre bajiro bajirā ñari, rojose yiruāboarine, tire yibetiruarāja. “Jesucristo i rijararo bero tudicaticōari, juaji tudirijabetiracumi” yimasirā ñari, “i ejarēmose rāca quēnase yicōa ñarūgūruarāja mani, adigodoju quēne, to yicōari, mani rijato beroju quēne”, yituoīaja mani. ¹⁰ Jesucristo cojojine rijayumi, “Rojosere yitujacōari, quēnasejuare yato ña” yigu. To bajiri juaji tudirijabecumi. I rijaro bero, tudicaticōari, yucurema o vecaju ñacōari, Dios i bojasere yīñagūmi. ¹¹ To bajiro tuoīarūgūroti ñaja manire quēne. “Quēnasejuare yato’ yigu manire i rijabosere ti ñajare, rojosere yiruāboarine, tire yibetiruarāja. To bajicōari, Jesucristo i ejarēmorā ñari, Dios i bojasere yicōa ñaruarāja mani quēne”, yituoīarūgūroti ñaja manire.

¹²⁻¹³ Mani ruja, yoaro catirotiruju me ñaja. To bajiri Dios i bojabetire yiruārā ñaboarine, tire yibetiruarāja mani. “Rijacoaboarine, Jesucristo i tudicatre ñajare, i ejarēmose rāca Dios i bojasejuare yiruārāja” yituoīacōari, quēnasejuā yirā ñaruarāja mani. ¹⁴⁻¹⁵ “Dios Moisére i roticūmasirere mani cudibetijama, rojose tāmūotujabetiraroju manire cōaracumi”, yituoīa gübetiroti ñaja manire. Dios, manire maigū ñari, i macure cōañumi, rojose mani yise vajare, “Vaja yibosato” yigu. To bajiri, “Nie rojose mana ñaama” manire yīñagūmi Dios”, yaja mani. To bajiri, rojosere yiruāboarine, Jesucristo i ejarēmose rāca rojose yibeaja mani.

“Rojose mana ñaama” Dios i yīñarā ñari, rojose mani yijama, quēnacōaroja”, yituoīati mua? To bajiro me bajiaja. ¹⁶ “Rojosere yiruārā ñari, tire mani yicōa ñajama, ti rione yisejacoanaja mani”, yimasibeati mua? “To bajiro mani yijama rojose tāmūotujabetiraroju varuarāja mani”, yimasibeati mua? “Tire yibeticōari, Dios i bojarore bajirojuā mani yicōa ñajama, i bojasejuare yisejacoanaja mani”, yimasibeati mua? ¹⁷ Tirūmujama rojosere yisejariarā ñari, ti rione muare yiruāmacōariaroja ti. To bajiri sigū moarimasu cuticōari, ire i rotiajeriarore bajiro muare bajiraroja rojosejuā. To bajiro muare ti bajiboajaquēne, ado bajisejuā yituoīañuja mua yuja: “Jesucristo manire rijabosayumi, rojose mani yise suori”, yituoīañuja mua. To bajiri yucurema Dios i bojasere yirā ñarāja mua. Tire tuoīacōari, Dios suorine to bajiro yirā mua ñajare, “Quēnaro yaja mu”, ire yaja yu. ¹⁸ Dios suorine rojose yitujacōari, quēnasejuare i bojarore bajiro yirā ñarāja mua. ¹⁹ Moarimasu cuticōari, i rotirere quēnaro masirāja mua. To bajiri tire cōiacōari, muare gotibu yu. Tirūmujama rojose yisejarā ñañuja mua. Yucurema ado bajiro Diore sēnirūgūña: “Mu bojase quēnase rīne yiruaja yua”, ire yisēnirūgūña mua.

²⁰ Rojosere yirā ñaboarine, “Rojose yirā yaja yua”, yimasibetiriarāja mua. ²¹ Rojose rīne mua yijama, ¿dise ūni quēnase bujacati mua? Bujabetiriarāja. Rojose mua yirūgūrere mua tuoīajama, “Bojoneose yirā yiyuja mani”, yirāja mua. Rojose rīne mua yicōa ñajama, rojose tāmūotujabetiraroju varona ñaboriarāja mua. ²² To bajiboarine, yucurema, Dios i ejarēmose rāca rojosere yitujacōari, ire cudirāja mua yuja. Ire cudirā ñari, Dios i ejarēmose rāca butobusa i bojasere yirūtuanaja mua. To bajicōari, mua rijato beroju tudicaticōari, i rāca quēnaro ñacōa ñarūgūruarāja mua. ²³ To bajiri, masa rojose mani yise vaja mani rijato beroju rojose tāmūotujabetiraroju varoti ñaja. To bajiboarine, Jesús yarā mani ñajama, rojose mani yise vaja, mani vaja yibetiboajaquēne, mani rijato beroju “Tudirijabeticōato” yigu, i catisere manire isiami Dios.

7

“Rojose mana ñarāsa” yirā, Moisére Dios i rotimasirere ajisuyabetiroti ñaja”, yire queti

¹ Yu mairā, Moisére Dios i rotimasirere masirāja mua. Mani catiro cōro tire cudire ñaja. Mani rijacoajama, tire cudimasimenaja. ² Tire bajirivāme muare gotiaja yu: Rōmio so manaju cutijama, i catiro cōro so manaju rāca so ñajama, quēnaja. So manaju i bajirocacoajama, “Gājire manaju cutibesā”, yibeaja Dios Moisére i roticūmasire. To bajiri so manaju i bajirocaro bero, gāji so manaju cutijama, Dios i rotimasirere cudibeco me bajigomo. ³ To bajiboarine, so manaju i catirone, gāji rāca so ajeri cutijama, “Rojose yigo yamo”, sore yīñare ñaroja. So manaju i rijato beroju, gāji rāca so manaju cutijama, Dios rotimasirere cudibeco me yigomo. To bajiri, “Rojose yigo yamo”, sore yimasifā manaja.

⁴ Tire bajiro bajiaja manire quēne. Cristo i rijaroto rījoro, Dios i rotimasirere mani cudibeti vaja rojose tāmūotujabetiraroju manire varoti ñaboayuja maji. To bajiboajaquēne,

rojose mani yisere “Masirioato Dios” yigu, manire rijabosayumi Cristo. Īre ajitirūnarā, ĩ rāca rijariarāre bajiro bajiaja mani. To bajiri yucurema, “Dios ĩ rotimasirere mani cudibetijama, rojose tāmūotujabetiriaroju manire cōarucumi Dios”, yitūoĭagūibetiroti űaja manire. Cristo, mani yu űaami. Īre catioyumi Dios, “Yu macure ajitirūnarā, yu bojarore bajiro yato” yigu.⁵ Jesure mani ajitirūnuroto rĭjorojuma, rojose rine yirā űarūgūűuja mani. Moisere Dios ĩ roticūmasire masiboarine, ti yirore bajiro yiruabesuja mani. To bajiri, rojose yisejarā űari, ti rione manire yiruamacōűuja ti. To bajiro yirā űari, rojose tāmūotujabetiriaroju varona űaboayuja mani maji.⁶ Yucurema, “Moisere yu roticūcatire cudijeoroti űaja, yu taju ina űaruajama”, yitūoĭabeami Dios. To bajiro ĩ yibetijare, “Dios ĩ rotimasirere mani cudibetijama, rojose tāmūotujabetiriaroju manire cōarucumi Dios”, yitūoĭagūirā me űaja mani yuja. To bajirā űari, Esp’iritu Santo ĩ ejarēmose rāca Dios ĩ bojarore bajiro yirā űaja mani.

Rojose mani yisere Pablo ĩ gotire queti

⁷ To bajiro muare yu gotisere ajicōari, ĩado bajiro yitūoĭati mua? “Dios, Moisere ĩ roticūmasire, ‘Rojose yiya mua’ manire yiro yaja”, ĩyitūoĭati mua? To bajiro me bajiaja. “‘Rojose yirā űaja mani’ yimasiasiato” yiro, yaja ti, Moisere Dios ĩ roticūmasire. Moisere ĩ roticūmasire ti manijama, “Rojose yirā űaja mani”, yimasibetiboriarāja mani. Ado bajiro bajiaja: “Gājerā ye gajeyēnure bojaĭabesa”, yigotiaja Dios ĩ roticūmasire. To bajiro ĩ yimasire yu masibetijama, “Rojose yigu yaja”, yimasibetiboriaja yu.⁸ “Bojaĭabesa” Dios ĩ yimasirere masicōari, “Yu bojaĭajama, rojose yigu yaja” yimasiboarine, rojose yigu űari, butobusa gājerā yere bojaĭarūtuacaju yu. Dios ĩ rotimasire ti manijama, “Rojose yigu yaja yu”, yimasire maniboriaroja.⁹ Moisere ĩ roticūmasirere yu masiroto rĭjorojuma, “Quēnaro yigu űaja yu”, yitūoĭaboacaju yu maji. “Bojaĭabesa” Dios ĩ yimasirere masicōari, “Yu bojaĭajama, rojose yigu yaja” yimasiboarine, butobusa gājerā yere bojaĭarūtuacaju yu. To bajiri, “Dios ĩ ĩajama, rojose tāmūotujabetiriaroju varocu űaja yu”, yimasicaju yu yuja.¹⁰ “Masa, yu rāca quēnaro űato” yigu, Moisere roticūmasiűumi Dios. To ĩ yimasire ti űaboajaquēne, “Tire yu cudibetijare, rojose tāmūotujabetiriaroju yure cōarucumi Dios”, yitūoĭacaju yu.¹¹ “Gājerā ye gajeyēnure bojaĭabesa” yirere ajicōari, “Tire yu cudijama, ‘Quēnaro yigu űaami’ yure yĭarucumi Dios”, yitūoĭacaju yu. To yitūoĭaboarine, gājerā yere bojaĭacōa űacaju yu. Tire yitujabecu űari, “Rojose tāmūotujabetiriaroju yure cōarucumi Dios”, yitūoĭacaju yu.

¹² To bajiri, Dios, Moisere ĩ roticūmasire, űajediro riojo yise űaja ti. To bajicōari quēnase űaja.¹³ Tire ajicōari, Dios ĩ rotimasire quēnase ti űaboajaquēne, “‘Ti suorine rojose yirā űari, rojose tāmūotujabetiriaroju varuarāma masa’, yigu yami”, ĩyure yitūoĭati mua? To bajiro me yaja yu. “Rojose ina yise vaja rojose tāmūoruarāma” yigūjua yaja yu. “‘Rojose masu yirā űaja mani’ yitūoĭamasiasiato’ yirojua bajiyuja Dios ĩ rotimasirema”, yimasiaja mani.

¹⁴ Dios ĩ roticūmasire, quēnase ti űaboajaquēne, rojosere yirua tūoĭarā űari, Dios ĩ bojabetijare yaja mani. To bajiri, sigū moarimasu cuticōari, ĩre ĩ rotiajerore bajiro manire bajiaja.¹⁵ Mani bajisere ajimasibeaja mani. Quēnasere mani yiruasejuarema yibetirūgūaja mani. To yicōari, “Rojose yibetiruarāja” mani yitūoĭasejuare yirūgūaja mani.¹⁶ “Mani yirūgūsere yiruabeaja” mani yitūoĭajama, “Quēnase űaja Dios ĩ rotimasire” yirā yaja mani.¹⁷ “Mani yirūgūsere yiruabeaja” yirā űaboarine, tire mani yijama, mani masune yirā me yaja mani. Rojosejua manire űmato yirūgūaja.¹⁸ Quēnasere yiruarā űaboarine, rojosejuare yirūgūaja mani. To bajiri, “Quēnasere yimasimena űaja mani”, yimasiaja.¹⁹ Quēnasere mani yiruasejuare yibeticōari, mani yiruabeti rojosejuare yirūgūaja mani.²⁰ To bajiri, “Mani yirūgūsere yiruabeaja” yirā űaboarine, tire mani yijama, mani masune yirā me yaja mani. Rojosejua manire űmato yirūgūaja.

²¹⁻²³ Ado bajiro bajirūgūaja manire: “Quēnasere yiruarāja” yirā űaboarine, rojosejuare yirūgūaja mani. Dios ĩ rotimasire ti yirore bajiro mani yiruacōaboajaquēne, rojosejua manire űmato ti yicōa űajare, rojosejuare yirūgūaja mani.

²⁴ To bajiri rojose yitujamasimena űari, rojose tāmūotujabetiriaroju mani varotire tūoĭacōari, buto sutiritiaja mani. “ĩNimū manire yirēmogūti, rojose yitujacōari, Dios ĩ bojasejuare mani yirūgūrotire yigu?”, yisutiritiaja mani.²⁵ To bajiro sutiritiboarine, “‘Rojose yitujacōari, yu bojasejuare yirā űato ina’ yigu, mani űjare Jesucristore ĩre cōaűumi Dios”, yivariquēnaroti űaja manire. To bajiri, “Quēnaro yaja mu”, Diore ĩre yivariquēnato mani.

To bajiri Dios ĩ bojarore bajiro mani yiruaboajaquēne, rojosejua manire űmato ti yicōa űajare, rojosere yicōa űaja mani.

8

“Esp’iritu Santo ĩ ejarēmose rāca quēnasere yimasiaja mani”, yire queti

¹⁻² Yucurema, “Yu roticatore bajiro yibeama” Dios ĩ yĭarā me űaja mani. Jesucristo yarā űari, “Rojose mana űaama” ĩ yĭarā űaja. To bajicōari, rojose yiruaboarine, Esp’iritu Santo ĩ

ejarēmojare, rojosere yimena ñaja mani. To bajiri, rojose tãmuotujabetiriaroju vabetricuarãja. ³Ado bajiro bajiyuja manire: Dios Moisẽre ĩ roticũmasire ti yirore bajiro cudijeomasibesuja mani, rojosejuare yirã ñari. Mani cudijeobetijare, rojose magũ ĩ ñaboajaquẽne, “Rojose yigu ñaja mu” ĩre yigure bajiro ĩ macure rijaroticõañumi Dios, “Rojose ĩna yisere ĩnare vaja yibosaya” yigu. Mani rujare bajiro ruju cutigu ñaboarine, rojose yibecu ñari, rojose mani yise vaja manire rijabosayumi. ⁴To bajiro yiyumi Dios, “Yu ejarẽmose rãca yu bojarore bajiro quẽnase rĩne yirã ñato” yigu. To bajiri, rojosere yiruãrã ñaboarine, tire yibeaja mani. To yicõari, Esp'iritu Santo ĩ ejarẽmose rãca tuoĩacõari, Dios ĩ bojarore bajiro yirũgũaja mani.

⁵Rojose yirãma, rojose ĩna yirotire tuoĩarũgũrãma ĩna. Esp'iritu Santo ĩ bojarore bajiro yirãma, “ĩ bojarore bajiro yirãsa” yirã tuoĩarũgũrãma. ⁶Rojose yirãma, rojose tãmuotujabetiriaroju varona ñaama ĩna. Esp'iritu Santo ĩ bojarore bajiro yirãma, ĩna rijato beroju, Diorãca quẽnaro ñacõa ñarũgũruãrãma. ⁷Rojose yirãma, Diore terã ñarãma ĩna. To bajirã ñari, ĩ bojarore bajiro yimasimenama. ⁸To bajiro yirãrema, ĩnare ĩavariquẽnabeami Dios.

⁹Muajuama, rojose yirã me ñaja mua, Esp'iritu Santo mua rãca ĩ ñajare. Esp'iritu Santo ĩ bojarore bajiro yirã ñarãja mua. Esp'iritu Santore cuobecu, Jesucristo yu me ñaami, ĩ ugũma. ¹⁰Rojose muare ũmato yirurujãrãma, boacoãruaroja. Boarotirujari ti ñaboajaquẽne, Cristo rãcana mua ñajare, “Rojose mana ñaama”, muare yĩagũmi Dios. To bajiro muare ĩ yĩajare, ĩ rãca quẽnaro ñarãja mua. ¹¹Dione ñaami Jesús ĩ rijacoãboajaquẽne, ĩre tudicator'ĩ. ĩre ĩ catiore ti ñajare, Esp'iritu Santore cuorã ñaja mua. ĩre cuorã mua ñajare, mua rijato beroju Cristore ĩ catoriarore bajirone muare quẽne tudicatorũcumi Dios, juaji boabetirotirujarire muare ĩsigũ.

¹²To bajiri yu mairã, rojose yiruãboarine, tire yibetiroti ñaja muare. ¹³Rojose mua yĩñajama, mua rijato beroju rojose tãmuotujabetiriaroju varuarãja mua. Rojose yiruãboarine, Esp'iritu Santo ĩ ejarẽmose rãca rojosere mua yibetijama, mua rijato beroju “Tudirijabeticõato” yigu, ĩ catisere muare ĩsirũcumi Dios.

¹⁴Esp'iritu Santo ĩ ejarẽmose rãca yirãma, Dios rĩa ñarãma ĩna. ¹⁵“Rojose mani yijare, rojose tãmuotujabetiriaroju manire cõarũcumi Dios' yigũiato ĩna” yigu me, manire ejarẽmoami Esp'iritu Santo. ĩ suorine Dios rĩa ñaja mani. To bajicõari, ĩ ejarẽmose rãca, “Dios ĩ macure ĩ mairone bajiro manire maiami” yituoĩarã ñari, “Cacu”, yaja mani, Diore. ¹⁶Esp'iritu Santo ĩ ejarẽmose rãca, “Dios rĩa ñaja”, yimasiaja mani. ¹⁷To bajiri ĩ rĩa, Cristo yarã mani ñajare, ĩ macure ĩ mairone bajirone manire maigũ ñari, manire quẽne quẽnaro yirũcumi Dios. Adigodoju, “Cristo ĩ bojasere yica” yirã, rojose mani tãmuojama, mani rijato bero Dios tuju quẽnaro ñarũgũruãrãja. ĩ macu quẽnaro ĩ ñarore bajirone quẽnaro ñarũgũruãrãja mani quẽne.

Mani rijato bero, quẽnaro mani ñaroti queti

¹⁸To bajiri adirũmuri, “¿No yirã rojose tãmuoati mani?”, yituoĩa sutiritibetiroti ñaja manire, rojose mani tãmuose rẽtoro quẽnaro Diorãca ñarona ñari. ¹⁹Adi macarũcuro Dios ĩ rujeore jediro, Dios ĩ rĩare quẽnaro ĩ yirotirũmu ti ejarore ĩaruaro buto yuñaroja ti. ²⁰Rẽmoju Dios ĩ rujeorema, adirũmuri ti bajirore bajiro me bajimasiñuju. Adãn rojose ĩ yise ti ñajare, “Boase rĩne ñacõarũaroja” Dios ĩ yimasire ñari, adirũmuri ñase quẽne, boase rĩne ñacõaja. To bajiboarine, “Cojorũmu adi macarũcuro ĩ rujeore Dios ĩ tudiquẽnorotirũmu ejarũaroja”, yimasiaja mani. ²¹To bajiri ĩ rujeore jedirone “Boabeticõari, quẽnase rĩne ñato” yigu, tudiquẽnorũcumi quẽna. To yicõari, “Yu rĩa quẽnase rĩne yirã ñato” yigu, tudirijayamanire manire ĩsirũcumi. ²²Adirũmuri quẽne Dios ĩ rujeore jedirone rojose tãmuocõa ñaja ti. Tire masiaja mani. Rõmio macu cutigoago, rojose so tãmuorore bajiro rojose tãmuoaja ti. ²³Esp'iritu Santo ĩ ejarẽmorã ñaboarine, rojose yicõa ñarã ñari, rojose tãmuorũgũaja mani. To bajiri, “Quẽnase rĩne yirã ñato” yigu, tudirijayamanire Dios manire ĩ ĩsirotire bojarã ñari, buto tuoĩacõa ñarũgũaja mani. ²⁴“Tudirijayamanire ĩsirũcumi”, yituoĩacõa ñarũgũaja mani, rojose mani yise vajare Jesús ĩ vaja yibosariã ñari. ĩere quẽnase rĩne yirã mani ñajama, tudirijayamanire manire ĩ ĩsirotire, no yirã yumenaja mani. ²⁵Mani cuobeti ti ñajare, quẽnaro tire yucõa ñarũgũroti ñaja.

²⁶Esp'iritu Santo manire ejarẽmogũmi, “Rojose yiruãboarine, tire yibeticõato ĩna” yigu. To yicõari, Diore mani sãnimasibetire masicõari, manire sãnibosarũgũgũmi, ĩ masise rãca. ²⁷Dios ĩ bojarore bajiro manire sãnibosagũmi. To bajiri, Esp'iritu Santo manire ĩ sãnibosasere masigũmi Dios. ĩ ñaami mani tuoĩasere masigũma.

Cristore ajitirũnrũ ñari, “Dios ĩ ejarẽmose rãca quẽnase rĩne yirã ñaruarãja mani”, yire queti

²⁸Dios ĩ beseriarã ñari, ĩre maiaja mani. To bajiri, quẽnaro mani ñarotire yigu, manire ĩ yirẽmorũgũsere masiaja mani. Rojose tãmuoãboarine, “Quẽnaro mani ñarotire yigu, manire yirẽmogũmi”, yituoĩacõa ñaroti ñaja. ²⁹Rẽmoju Cristore ajitirũnrũronare manire masicõañumi Dios. “Yu macu Jesucristore bajiro quẽnase rĩne yirã ñaruarãma ĩna” yigu. To bajiri,

“Yu bojarore bajiro yirãrema, İna gagu ñarucumi Jesucristo”, yicõamasifñumi Dios. ³⁰ To bajiri rëmojune, “Cristore bajiro quënase rine yirã ñaruarãma” i yiriarã ñaja mani. To bajiro manire yigu ñari, “Rojosere yitujacõari, İ macure ajitirãnuato” yigu, manire ejarëmoñumi. To yicõari, İ macure mani ajitirãnuajare, “Rojose mana ñaama”, manire yiañumi. To bajiri, İ macu yarã mani ñajare, “ İre bajiro quënase rine yirã ñato’ yigu, İnare ejarëmorucuja”, yiyumi Dios.

³¹ Ti oca quënasere masicõari, ado bajiro yirëmomasiaja mani: “Dios manire ejarëmoami, rojose tãmuotujabetiriaroju vabeticõato İna” yigu. Rojose gãjerã manire İna yiboajaquëne, “Dios manire İ ejarëmojare, no bajiro manire yimasimenama”, yimasiasaja mani. ³² İ maigũ İ ñaboajaquëne, İ macure İre cõañumi Dios, “Masare rijabosato” yigu. To bajiro yir’i ñari, quënasere manire ejarëmocõa ñarucumi Dios. ³³ To bajiri, İ beseriarãre manire İmaicõari, “Rojose mana ñaama”, manire yiañumi Dios. To bajiro İ yirã mani ñajare, “Rojose yirã ñaama”, manire yimasimenama. ³⁴ Rojose mani yise vaja, manire vaja yibosagu rijayumi Jesucristo. Tudicaticõari, Dios İ rujiro riojojacatãajuare rujicõari, manire ñagõbosarũgũgũmi. To bajiri, “Rojose yirã ñaama”, manire yibetirucumi İ quëne. ³⁵ Cristo manire İ maisere, “¿No yigu İnare maiati?” yigu magũmi. Cojoji me rojose mani tãmuoboajaquëne, gãjerã rojose manire İna yiboajaquëne, ñiorijarã, sudi mana mani ñaboajaquëne, gũioroju mani vaboajaquëne, gãjerã manire İna siboajaquëne, manire maicõa ñarucumi Cristo. ³⁶ Tirũmuju Dios ocare masa İna ucamasire mani bajisere gotiro, ado bajiro gotiaja ti:

“Mu yarã yua ñajare, gãjerã yuare sjarũgũama İna. Ovejare juaacõari, İna sjaroju juajacõari, İna sjarore bajiro yuare yirũgũama”, yigotiaja Dios oca.

³⁷ Ñajediro rojose mani tãmuose ti ñaboajaquëne, manire İ ejarëmocõa ñajare, “Manire bũto maicõa ñaami”, yitujabetiruarãja mani. ³⁸⁻³⁹ Dios manire İ maisere matase manoja. Mani bajireacoajaquëne, mani ñacõajaquëne, manire maitujabetirucumi. Adirãmuri rojose mani tãmuose, to yicõari, gajerãmuri rojose mani tãmuoroti ti ñaboajaquëne, manire maitujabetirucumi Dios. Ángel mesa, vãtia, adigodo ujarã, õ vecana, õ ñerocana, İañamana quëne, rojose manire İna yiboajaquëne, manire ejarëmocõa ñarucumi Dios, İ tũju mani ejarotire yigu. Jesucristo yarã mani ñajare, manire bũto maigũmi Dios.

9

Israel sitanare Dios İ besere queti

¹⁻³ “Yu yarã, Jesús İ bajirere İna ajitejare, İ yarã me ñaama”, yisũtiritiaja yu. İre ajitirãnuãgũ ñari, Esp’iritu Santo İ ejarëmose rãca, “Riojo gotiaja yu”, yimasiasaja yu. İnare maigũ ñari, rojose İna yise vaja İnare vaja yibosagu, Cristore İre cãmotadicõari, rojose tãmuotujabetiriaroju varũboaja yu; “To bajiro yu bajise vajane, İnajua Cristo rãcana ñato” yigu. ⁴ Yu yarãre ado bajiro quënarõ İnare yiyumi Dios: İnare besecõari, “Yu rĩa ñaja mua”, İnare yiyumi. To yicõari, İañamagũ ñaboarine, İaiañamani İnare yiorũgũñumi, “Mani rãca ñagũmi” İna yimasirotire yigu. Moises İamasir’ire İ rotisere İre cũmasifñumi. To yicõari, “Yu bojasere mua yijama, quënarõ muare yirucuja yu”, İnare yimasifñumi. “Mure, mu jãnerabatiajare quëne, adi macarucuro ti ñaro cõrone muare ujurucuja yu”, İnare yimasifñumi. ⁵ Yu ñicua, Diore rucũborã ñamasifñujarã İna. İna jãnamine ñañumi Cristo. İne ñagũmi Dios, ñajediro uju. İ ñaami masa İna rucũbo tujabetirocuma. To bajirone bajimuorãgõato.

⁶ Yu yarã israelita masare Dios oca quënase ti gotiboajaquëne, “Quënarõ yirucuja” İ yiriarore bajiro İ yibetijama, “Socu yiyumi”, yitũojarãja mua sigãri. To bajiro me bajiaja. İre ajitirãnuãrã rine ñarãma quënarõ İ yirõna. Gãjerãma, israelita masa ñaboarine, Dios İ İajama, İ rĩa me ñarãma, İre ajitirãnumena ñari. ⁷ Abraham jãnerabatia ñaro cõrone, İ jãnerabatia masu me ñarãma, Dios İ İajama. Ado bajiro Abrahamre gotimasifñuju Dios: “Mu macu Isaac rĩa ñaruarãma mu jãnerabatia masuma”, yimasifñuju Dios. ⁸ To bajiro ti yijama, ado bajiro yiro yaja: “Quënarõ mure yirucuja yu” İre İ yirere ajitirãnuãrãjua ñaama Dios rĩa. İna roque, Abraham jãnerabatia masu ñaama, Dios İ İajama. ⁹ Dios, ado bajiro İre yimasifñumi, Abrahamre: “Gaje cãma ado cõrone mure İagũ vadirucuja yu quëna. To bajiri, tirdore mu manajo Sara, macu cutirucocomo”, İre yigoti rĩjoro cutimasifñumi Dios.

¹⁰ Adi muare yu gotise rine ñabeaja. Abrahamre Dios İ gotiro bero, İ macu Isaac vãme cutigu, bucucõari Rebecare manajo cutiyuju. Sore İ manajo cutiro bero, cojoji rĩa cutigone, juarã rĩa cutimasifñuju so. Esau, Jacob vãme cutimasifñujarã. Juarãjune sigũ rĩa ñaboarine, Dios İ İajama, Jacob sigũne ñamasifñuju Abraham jãnami masu. ¹¹⁻¹² İnare so rĩa cutitiro rĩjoro, ado bajiro sore gotimasifñuju Dios: “Mu macu cutisogu, İ bedire moabosarimasu ñarucumi”, sore yimasifñuju Dios, Rebecare. İna juarãjune, quënasere, rojosere quëne İna yibetojune, to bajiro sore gotimasifñuju Dios. To bajiro sore İ yimasire ti ñajare, ado bajiro yimasiasaja mani: “Masa quënasere İna yise sũori me, İ bojarãre besegumi Dios”, yimasiasaja mani. ¹³ To bajiri,

Dios ocare masa İna ucamasire ado bajiro gotiaja: “Jacobjuare İre maicđari, Esaurema İre İatecaju yu”, yigotiaja Dios oca.

¹⁴ To bajiro İ yijama, “Rojose yigu yigumi Dios”, yituoİaboarāja mua. To bajiro me bajiaja. ¹⁵ Ado bajiro Moisere gotimasiñuju Dios: “Masa jediro rojose yirā İna İnaboajaquene, yu bojarāre besecđari, İnare İamairucuja yu”, İre yimasifuju Dios, Moisere. ¹⁶ To bajiri, Dios manire İ İamairotire mani sēnoro me, manire İamaigūmi. To yicđari, “Quēnase mani yise suori manire besegumi Dios”, yimasifūma maja. “İ bojarāre İamaicđari, besegūmi”, yimasire İnaja. ¹⁷ Egipto vāme cuti sitagu ūjare Dios İre İ yirotire gotiro, Dios ocare masa İna ucamasire ado bajiro yaja: “Ūju mure cūcaju yu, Yure mu ajiruabeti suori Egiptoanare rojose yu yisere İacđari, “Masigū İnaami Dios” masa yure yirūcubuoato İna’ yigu”, yigotiaja Dios ocare masa İna ucamasire. ¹⁸ To bajiro Dios İ yimasire İnjare, “İ bojarāre İamaicđari quēnaro yigu İnagumi Dios”, yimasire İnaja. To yicđari, “İre ajiterārema, ‘Butobusa yure ajiteato İna’ yigu İnagūmi”, yimasire İnaja.

¹⁹ Tire ajicđari, ado bajiro tuoİarāja mua sigūri: “Dios İ yiruasere, ‘Tire yibeticđato’ yigu magūmi. İ manijare, İ bojarore bajiro yigu İnari, rojose mani yisere İacđari, ‘Rojose tāmouuarāma İna’ Dios İ yijama, rojose yigu, yigūmi”, yituoİarāja mua sigūri. ²⁰ To bajiro mua tuoİajama, ado bajiro muare cudiguja yu: Dios İ rujeoriarā İnari, “Rojose yure yaja mu”, İre yimasibeaja mani. Riri sotu quēne, “¿No yigu to bajiri sotu yure veari mu?”, yibetoja ti, İ suture vear’ire. ²¹ Riri soturā İ veajama, İ vearua tuoİase cōro veagumi. Cojoruyaye ti İnaboajaquene, “Gājerā, yu veari suture İacđari, ‘Quēnase veamasigū İnaami’ yure yİlato İna” yigu, quēnari sotu veagumi. Gajerurema, “Yu suoroti sotu İnaruroja” yigu, “Ado bajiri sotu yu veajama, quēnaja”, yigūmi. “To bajirone manire yigūmi Dios quēne”, yimasiaja mani.

²²⁻²³ To bajiro yigu İnari, jud’io masa rojose İna yise vaja rojose tāmoutajabetiraroju İnare İ cōaruajama, cōamasigū İnaboarine, İnare cōabesumi. İnare İ cōabetijama, gājerājua, “Yu ocare İna ajitirānjare, İnare İamaicđari, ‘Rojose mana İnaama’ İnare yİİarucuja” yigu, bajiyumi. To bajiri, jud’io masare rojose tāmoutajabetiraroju İnare cōabetiboarine, rojose İna yijare, “Rojose tāmouİna mua”, İnare yirūgūİmi, “Jūnisinigū İnaami’ yure yimasiao” yigu.^a ²⁴ To bajiro yigu İnari, “Yure ajitirānuato” yigu, manire beseyumi, jud’io masare, jud’io masa me İnarāre quēne. ²⁵ Tirene gotiaja Dios İ yirere, Oseas İnamasir’i İ ucamasire:

“Yu yarā merene, “Yu yarā İnaama”, yirucuja yu. Yu İmaibeticanare, “Yu İamairā İnaama”, yirucuja yu, yami Dios.

²⁶ Yu rİa me İnaama İna’ Dios İ yiriario bero ti İnaboajaquene, ‘Catimouögögū Dios rİa İnaama İna’ yiruārāma”, yuucamasiñuju Oseas İnamasir’i.

²⁷ Isa’ias İnamasir’ijuaama, ado bajiro Diore gotirētobosamasiñumi, manire jud’io masare tuoİagū: “Jud’io masa moa riaga jare bajiro jājarā İnaboarine, mojoroana İnaruarāma, ‘Rojose tāmoutajabetiraroju vabeticđato’ yigu, yu yirētobosarā. ²⁸ Jājarā masa, adigodoana, rojose İna yise vaja, ‘Rojose tāmoutajabetiraroju İnare cōarucuja’ İ yiriarūmu ti ejaro rēmone İnare cōarearucūmi”, yuucamasiñuju Isa’ias. ²⁹ Quēna gajeju ado bajiro ucamasiñuju Isa’ias, jud’io masa mani bajirotire yigu:

“Rojose İna tāmouborotire sigūrire Dios masijeogu İnare yirētobosabecune, Sodomanare, Gomorranare, İ yiriarore bajiro İnare İ yireajeocōa tujajama, mani jānerabatia maniborāma”, yuucamasiñuju Isa’ias, jud’io masa mani bajirotire yigu.

Cristore ajitirānūrāre, “Rojose mana İnaama” Dios İ yİİarere jud’io masa İna ajiruabeti queti

³⁰ Tire tuoİacđari, jud’io masa me İnarāre ado bajiro yimasiaja mani: “¿No bajiro yirāti mani, “Rojose mana İnaama” Dios, manire İ yİİarotire yirā? yituoİabetiboarine, ‘Rojose mani yise vaja, manire rijabosayumi Cristo’ İna yituoİajare, ‘Rojose mana İnaama’ İnare yİİagūmi Dios”, yimasiaja mani. ³¹ To yicđari, jud’io masajuarema ado bajiro yimasiaja mani: “Dios İ rotimasire ti yirore bajiro mani yijama, ‘Quēnase yirā İnaama’ manire yİİarucūmi Dios”, yituoİaboayuma İna. To bajiro yituoİaboarine, İ rotimasire jediro İna cudibetijare, “Quēnase yirā İnaama”, İnare yİİabesuju Dios, yimasiaja mani. ³² ¿No yirā to bajise bajiyujari İna? ‘Jesucristo, manire İ rijabosare ti İnjare, manire İavariquēnagūmi Dios”, yibesuma. “Quēnaro mani yisere İacđari, ‘Quēnase yirā İnaama’ manire yİİavariquēnarucūmi Dios”, yituoİaboayuma İna. To bajiro yituoİarā İnari, gāta juatarāre bajiro bajiyuma.^b ³³ Ado bajiro yaja Dios oca, tire gotiro:

“Siōn vāme cuti macare gāta cūrucuja yu, masa İna juata quedirotiare. Tiare ajitirānūrāma, yu goticatore bajiro İnare quēnaro yirucuja yu. To bajiro İnare yu yijare, ‘Yirucuja’ İ yiriarore bajiro yigu İnaami’ yirā, sutiritibetiruarāma”.

^a 9:22-23 Rojose tāmoutajabetiraroju İnare cōabetiboarine, “Rojose tāmouİna mua” İnare İ yijama, adi macarucuro İacđari, rojose İna tāmouİarotire yigu, yiyuju. ^b 9:32 “Gātare juatayuma” ti yijama, jud’io masa Jesucristore İna ajiterere yiro yaja.

10

¹ Ajiya mua, yu mairā, Cristore ajitirānūrā. “Jud’io masa jediro rojose tāmōtūjabetiriarioju vatoma” yigu, Diore ĩnare sēnibosarūgūaja yu. ² Ado bajiro ĩna bajisere masiaja yu: Dios ĩ bojasere buto yiruaboama ĩna. To bajiboarine, “Ti ĩaja ĩ bojase”, yimasibeama. ³ “Rojose mani yisere Dios ĩ masiriose vaja, manire vaja yibosayumi Cristo. To bajiri, Dios ĩ ĩajama, ‘Rojose mana ĩaama’ manire yīlagūmi”, yituoīabeama. “Ī rotimasirere mani cudijama, ‘Rojose mana ĩaama’ manire yīlarūcumi Dios”, yituoīaboama. To bajiro ĩna yijama, Dios ĩ bojase yirā me yirāma. ⁴ “Cristo suorine manire ĩvariquēnagūmi Dios” yituoīarēma, “Rojose mana ĩaama”, yīlagūmi Dios. “Yu roticatire cudirā ĩari, rojose mana ĩaama”, ĩnare yibecumi.

⁵ “Dios ĩ rotisere cudirāma, rojose mana ĩaama” yigu, ado bajiro ucamasifūmi Moisés ĩamasir’i: “Dios ĩ roticatore bajirone cudirāma, Diorāca quēnaro ĩnacōa ĩnarūgūarāma ĩna, adigodoju, to yicōari, ĩna rijato beroju quēne”, yiuucamasifūju Moisés. ⁶ To ĩ yimasire ti ĩnaboajaquēne, “Dios ĩ rotimasire ti yirore bajirone cudigu magūmi”, yimasiaja mani. To yicōari, “Jesucristore masa ĩna ajitirānūjama, ‘Rojose mana ĩaama’ ĩnare yīlagūmi Dios”, yimasiaja mani. To bajiro yirā ĩari, “Dios ĩ ĩaroju ĩnagūre manire yirētobosarocure Cristore ĩre āmirā varoti ĩaja”, yituoīabetiroti ĩaja, manire. ⁷ To yicōari, “Rijariarā ĩna ĩaroju ĩnagūre Cristore ĩre tudicatorā varoti ĩaja”, yituoīabetiroti ĩaja, manire. ⁸ “To bajiro tire yituoīamenane, ‘Dios ĩ yiriarore bajirone bajiyuja’ yituoīamasicōari, gājerāre tire gotiya”, yigotiaja Dios oca. To bajiri, tirene masare ado bajiro gotimasiōrūgūaja yu: ⁹ “Jesūs ĩ rijacoaboajaquēne, ĩre tudicatioyumi Dios” yituoīacōari, “Jesūs ĩaami mani ĩju” mua yigotijama, rojose tāmōtūjabetiriarioju mani vaborotire manire yirētobosarūcumi Dios, yigotimasiōrūgūaja yu. ¹⁰ Tire ĩnare yu gotimasiojama, “Rojose mana ĩaama” ĩnare yīlacōari, rojose tāmōtūjabetiriarioju ĩna vaborotire ĩnare yirētobosarūcumi Dios yirā, ĩnare gotimasiōrūgūaja.

¹¹ To bajirone gotiaja Dios oca: “Jesūre ajitirānūrāma yu goticatore bajiro ĩnare quēnaro yu yijare, “Yirūcūja” ĩ yiriarore bajiro yigu ĩaami’ yirā, sūtiritibetiruarāma”, yigotiaja ti. ¹² ĩna ĩju ĩnagūmi jud’io masare, jud’io masa me ĩnarāre quēne. To bajiri, ĩre sēnirārema, quēnaro ĩnare yigūmi. ¹³ Tire gotiaja Dios ocare masa ĩna ucamasire: “ ‘Rojose yua yise vaja rojose tāmōtūjabetiriarioju yua varotire yuare yirētobosaya’ ĩre yisēnirārema yirētobosarūcumi mani ĩju”, yigotiaja Dios ocare masa ĩna ucamasire. ¹⁴ To bajiro ti gotiboajaquēne, “Dios ĩ cōar’i ĩaūmi” ĩna yituoīabetijama, no bajiro ĩre yisēnimenama. To yicōari, Jesūs ĩ bajire quetire ĩna ajibetijama, no bajiro yimasicōari, “Dios ĩ cōar’i ĩaūmi”, ĩre yimasimenama. No bajiroju yicōari tire masimenama ĩna, ĩmujūane Jesūs ĩ bajirere ĩnare ĩ gotimasiobetijare. ¹⁵ “Jesūs ĩ bajirere gotimasiojudijama” ĩmujūane ĩnare ĩ yiro cōro gotimasiojudirā vamenama. To bajiro yituoīarēre ado bajiro gotiaja Dios ocare masa ĩna ucamasirere: “Masare quēnaro Dios ĩ yise quetire gotimasiorā ĩna ejasere buto ĩvariquēnaja mani”, yigotiaja ti.

¹⁶ To bajiro ti yiboajaquēne, jud’io masa Jesūs ĩ bajire quetire ajirā jājarā ĩnaboarine, mojoroaca ĩaama ĩre ajitirānūrāma. To bajiro ĩna bajiritire yigu, Isa’ias ĩamasir’i ado bajiro ucamasifūmi: “Yu ĩju, yuare mu gotimasiorotisere ajiruamena ĩne ĩnacōama”, yiuucamasifūmi Isa’ias. ¹⁷ To bajiri, Cristo ĩ bajirere ĩna gotimasiosere ajicōari, “To bajirone bajirimi Cristo”, yituoīare ĩaja.

¹⁸ To bajiri, Jud’io masa, ĩCristo ĩ bajirere ajibesujarique ĩna? Ajiboayuma, bajirājuma. Ado bajiro gotiaja Dios ocare masa ĩna ucamasire: “Dios ocare gotimasiojudiyujarā ĩna. To ĩna yijare, Cristo ĩ bajirere ajijedicōañujarā”, yigotiaja Dios oca.

¹⁹ ĩJud’io masa tire ajiboarine, quēnaro ajimasibesujarique? Ajimasiboayuma. “Ado bajiro bajiruarāma jud’io masa”, yigotiaja Moisés ĩ ucamasire:

“ “Dios ocare ajimasimena ĩaama” mua yirāre, “Yu yarā ĩaja mua”, ĩnare yirūcūja yu. ĩnajuare quēnaro yu yisere ĩacōari, ĩnare jūnisiniruarāja mua’ yami Dios”, yiuucamasifūmi Moisés.

²⁰ Isa’ias ĩamasir’i quēne, gūituoīari mene ado bajiro ucamasifūmi:

“ ‘Yuare macamenajua, yuare bujaruarāma. “Diore masiruarāja” yituoīamenajua, yuare masiruarāma’ yami Dios, jud’io masa me ĩnarāre tuoīagū”, yiuucamasifūmi Isa’ias.

²¹ Jud’io masajūare Dios ĩ gotirere ado bajiro ucamasifūmi Isa’ias: “ ‘Tocārācarūmune, “Yu yarā mua ĩasere bojaja yu”, ĩnare yirūgūboacaju yu. Yuare cudibeticōari, yuare oca rētorūgūcama ĩna’ yami Dios”, yiuucamasifūmi Isa’ias.

11

¹ To bajiri, çĩ yarãre jud'io masare ñare maitujacoasujari Dios? Bajibeaja. No yigu maitujabecumi. Yu quêne, jud'io masu ñaja. Yu ñicu ñasor'i ñamasĩuju Abraham. To bajiri, ï jãnami ñamasir'i, Benjam'in ñamasir'ï ya jũnagu ñaja yu. ² Tirãmujũ, yua jud'io masare, "Yu yarã ñaruarãja mua", yimasĩumi Dios. To bajiro yir'ï ñari, maitujabeami. El'ias ñamasir'ï Diore ï sãnimasire masa ña ucamasirere ñariarãja mua. "Jud'io masa yu yarãre rojose ña yise vaja rojose ñare yiya" yigu, ado bajiro yimasĩumi: ³ Yu ujũ, yure ajija. "Mure gotirẽtobosarimasare sãajeocõama ña. Mure ña rucubũorĩjũre quêne reajeocõama ña. Yu sũgũne, mure rucubũogũma ruyaja yu. Yure quêne sũaruama", Diore ïre yimasĩumi El'ias. ⁴ To bajiro ï yisere ajicõari, ado bajiro ïre cudimasĩumi Dios: "Mu sũgũ me ruyaja. 'Yu yarã ñaja mua' yu yirã, siete mil ñarĩrãcu ruyaaama, yure rucubũorã, Baal vãme cutĩgure rucubũomena", yimasĩumi Dios, El'ias ñamasir'ire. ⁵ Yucurire quêne sũgũrĩre jud'io masare yuare ñamaicõari, quẽnaro ï yire ñajare, "Yu yarã ñaja mua" ï yirã ñaja yua. ⁶ Quẽnaro mani yibetiboajaquêne, manire ñamaicõari, quẽnaro ï yire ti ñajare, ï yarã ñaja mani. To bajiro ti bajijare, "Quẽnaro mani yise suori me, 'Yu yarã ñaama' manire yĩãũumi Dios", yimasija mani.

⁷ Ado bajiro bajiyuja jud'io masare: "Rojose mana ñaama" Dios ï yĩasere ña bojaboajaquêne, Diojũama, "Rojose mana ñaama", ñare yĩabesumi. To yibetiboarine, sũgũrĩre ñamaicõari, quẽnaro ï yire ti ñajare, "Rojose mana ñaama" ï yĩarã ñari, ï yarã ñaja yua. Gãjerãrema. "Yure ajiterã ñari, butobũsa yure ajiterũarãma", yiyumi Dios. ⁸ Tire gotiro, ado bajiro gotiaja Dios oca:

"Yure ajiterã ñari, butobũsa yu ocare ajimasibetirũarãma' yirucumi Dios. To bajiro ï yijare, ï ocare masa ña ucamasirere ñaboarine, ajimasibetirũarãma. Gãjerã ï ocare ña gotiboajaquêne, ajimasibetirũarãma ña", yigotiaja Dios oca.

Ï gotiriarore bajirone bajicõa ñaja ti, yu yarãre. ⁹⁻¹⁰ David ñamasir'ï quêne, ado bajiro ucamasĩumi, Diore ï sãnigũ:

"Jud'io masa, boserũmu yivariquẽnaboarã, sutiritiatio, to yicõari, ajimasibetirũarãma ñare yiya. Rojose ña yise vaja rojose tãmuorũarãma ñare yiya. To yicõari rojose ña yise vaja, sũgũne buto rucũsere juacõari, ï tãnivatore bajiro bajiatio ñare yiya", Diore ïre yisãnimasĩumi David.

Jud'io masa me ñarã, rojose ña yise vajare Dios ñare ï yirẽtobosare queti

¹¹⁻¹² To bajiri, çjud'io masa Cristo ocare ña ajirũabeti vaja, "Yu yarã me ñaja mua", ñare yicõa tãjasujari Dios? To bajiro me bajiaja. Jud'io masa jãjarã ïre ña ajirũabetijare, jud'io masa me ñarãjua Cristo ocare ajitirũnuũma. Ña ajitirũnuũjare, rojose ña yise vaja rojose tãmuotũabetirũaroju ña vaborotire ñare yirẽtobosayumi. To bajiro ï yijama, "Quẽnaro manire ï yiborere ñajuare quẽnaro yigumi Dios' yitũoĩacõari, 'Manire quêne quẽnaro yato Dios' yirã, yure ajitirũnuũto jud'io masa" yigu, jud'io masa mere quẽnaro yiyumi Dios. Jud'io masa quêne ña ajitirũnuũjama, masa jedirore rẽtoro quẽnaro yirucumi Dios.

¹³ Jud'io masa mejuare ado bajiro muare gotiaja yu: Muare gotimasiorocure yure cõacami Cristo. To bajiri, "Ti moare ñamasuse ñaja" yigu ñari, yu masiro cõro quẽnaro gotimasiorũgũaja yu. ¹⁴ Muare yu gotimasiojama, yu yarã jud'io masa, muare yu gotimasiosere ajicõari, "Yure ï gotibotire ñajuare gotimasioami' yirã ñari, ña quêne Cristore ajitirũnuũto" yigu, muare gotimasioja yu. To bajiri, rojose ña yise vaja rojose tãmuotũabetirũaroju ña vaborotire ñare yirẽtobosarucumi Dios. ¹⁵ Jud'io masa, Cristo ocare ña ajirũabetijare, jud'io masa mejuare gotimasiojaju yua. To bajiri Cristo ocare ajitirũnuũrã ñari, adigodoju Diorãca quẽnaro ñaama ña. Dios ï bojariarore bajiro jud'io masa quêne, Cristo ocare ña ajitirũnuũjama, rẽtoro quẽnarũaroja ti. Tudirijayamanire Dios ï catisere suorã ñaruarãma. ¹⁶ Pan mani quẽnorotibũruayere mojoribũruaca ãmicõari, mani quẽnoricare, "Dios yaga ñaruaroja" mani yijama, tiare quẽnorũ mani juarũare quêne, Dios ye rĩne ñacõaroja, ï lajama. Yucũ ñemare, "Dios ya ma ñaruaroja" mani yiboajaquêne, tiu rũjuri jedirone ï ye rĩne ñacõaroja. Abraham ñamasir'ire quêne, "Yu yu ñaami", ïre yĩãmasĩumi Dios. To bajiro ïre yir'ï ñari, ï jãnerabatia jedirore, "Yu yarã ñaama", ñare yĩãrucumi Dios.

¹⁷ Tirãmujũma, jud'io masa, olivo vãme cuti rũjure bajiro ñaũma. To bajiro ña bajiboajaquêne, tirũjure jatarocariarore bajiro ñare yiyumi Dios, ïre ña ajitirũnubeti vaja. Mũa, jud'io masa mejua, no bojaricu yucũ rũjure bajiro mua bajiboajaquêne, Jesucristore mua ajitirũnuse suorine ti rũjure jataãmiadicõari, olivo vãme cuti rũju ï jatarocariarũjure vasoagure bajiro yiyumi Dios. To bajiro ï yijama, "Sũgũ rĩare bajiro bajirã ñaruarãma" yigu yiyumi. ¹⁸ To bajiri, jud'io masa suori Dios ye quẽnase bajarã ñari, jud'io masare, "Yu yarã me ñaama" ï yĩarãre ñatebesa mua. "Ña rẽtoro quẽnarã ñaja yua", yitũoĩabesa. Ado bajirojua tũoĩãna: "Yu yarã ñaama' manire ï yĩaroto rĩjorojua, jud'io masarema, 'Mua suori masa jedirore quẽnarũaroja ti' ñare yimasĩuju Dios", yitũoĩãna mua.

¹⁹ To bajiro muare yu yigotiboajaquêne, mua sũgũri ado bajiro tũoĩarãja mua: "Yucũ rũjuri rojosere mani jasurerearore bajirone jud'io masare, 'Yu yarã me ñaama' ñare yĩãũumi Dios,

'Gājerā masa yu rīa ñato' yigu", yituoīarāja mua. To bajiro yituoīacōari, "Jud'io masa rētoro quēnarā ñaja mani", yituoīaboarāja mua. ²⁰ To bajiro tuoīarāre ado bajiro cūdiaja yu: Diore ña ajitirānubeti suori, jud'io masare reayumi Dios. To bajiro ñare yiboarine, mua juare ī yarāre bajiro muare īaami, ĩre mua ajitirānuse suori. ĩre mua ajitirānu suyabeticōajama, ī yarā me ñaborāja. To bajiri, "Jud'io masa rētoro ñamasurā ñaja", yituoīabeticōaña. Dio juare güiya, "Yuare quēne rearomi" yirā. ²¹ Jud'io masa ĩre ña ajitirānu suyabeti suori, rojose ña yire vaja ĩare yisuribesumi Dios. Olivo rujare ñasurirūju jatarocariore bajiro ĩare yiyumi. To bajiri mua jud'io masa me ñarā quēne, ĩre mua ajitirānu suyabetijama, to bajirone yirucūmi. ²² Diore mua teboajaquēne, muare īamaicōari, quēnaro ī yirene, to yicōari, jud'io masa, Cristo ocare ña ajitirānubeti vaja "Yu yarā me ñaama" ĩnare ī yirene tuoīaña. Tire masirā ñari, "Cristore mani ajitirānu tujajama, manire quēne, 'Yu yarā me ñaama' yīīarucūmi", yimasīña mua. ²³ Jud'io masa quēne, Cristo ocare ña ajitirānujama, ĩnare īamaicōari, "Yu yarā ñaja mua quēne", ĩnare yīīarucūmi Dios quēna. ²⁴ Jud'io masa me mua ñaboajaquēne, ĩnare ī yisuriorore bajirone muare īamaicōari, "Yu yarā ñaama", muare yīīañumi. To bajiro ī yire ñajare, "Quēna ĩre ña ajitirānujama, josari mene, 'Yu yarā ñaama' ĩnare yīīacōagūmi, jud'io masare", yimasire ñaja.

Jud'io masa rojose ĩna yise vajare Dios ĩnare ī yirētosaroti

²⁵ Yu mairā, masa ĩna masibeticatire ado bajiro muare gotiaja yu: "Dios yarā ñari, yua rīne ñaja ī ocare quēnaro riojo ajimasirā' yibeticōato" yigu, adi ocare muare gotiaja yu: Adirūmuri jud'io masa jājarā ñarāma Cristo ocare ajiterā. Jud'io masa me Cristore ña ajitirānūjediro bero, jud'io masa quēne, Cristore ĩre ajitirānūruarāma ĩna. ²⁶ ĩna ajitirānūjare, rojose ĩna yise vaja rojose ĩnare ī yiborotire ĩnare yirētosarucūmi Dios. Tirene, ado bajiro gotiaja Dios ocare masa ĩna ucamasire:

"Sion vāme cuti macagu ejarucūmi, jud'io masa rojose ĩna yisere Dios ī masiriose vajare, ĩnare vaja yibosarocu. Rojose ĩna yisere ī suorine yitujacōari, yure ajitirānūruarāma quēna.

²⁷ Rojose ĩna yisere masiricōari, yu goticatore bajirone yirucūja yu", yigotiaja Dios ocare masa ĩna ucamasire.^C

²⁸⁻²⁹ Cristo ī bajire suorine quēnaro Dios ī yisere jud'io masa jājarā ĩna ajirūabetijare, ĩnare ĩategūmi Dios. ĩna ajirūabetijare, jud'io masa me juare muare gotimasiočaju yua. To bajiboarine, jud'io masa ñicua ñamasiriarāre, "Yu rīa, quēnaro yu yirona ñaruarāja, mua jānerabatia quēne" ĩnare yir'ī ñari, ĩnare maicōa ñagūmi Dios. To bajicōari, "Yirucūja" ī yiriarore bajirone yigu ñari, Cristo ī bajirere ĩna ajitirānuro, ĩnare quēne, "Yu rīa ñaama", yīīarucūmi. ³⁰ Tirānūjama Dios ocare ajiterā ñañuja mua maji. To bajiro bajiriarā mua ñaboajaquēne, jud'io masa Dios ocare ĩna ajirūabetijare, mua juare īamaicōari, rojose mua yise vaja rojose mua tāmūborotire muare yirētosayumi. ³¹ To bajiri yucurema jud'io masa ñaama Dios ocare ajiterā. To bajiro ĩna bajiboajaquēne, muare īamaicōari, ī yiriarore bajirone rojose ĩna yise vaja rojose ĩna tāmūborotire ĩnare yirētosarucūmi Dios. ³² Ado bajiro bajiyuja manire: Jud'io masare, ĩna mere quēne, "Yu bojarore bajiro yirā me ñaama", manire yīīañumi Dios, "Manire rijabosayumi" Jesure yituoīarāre īamaicōari, quēnaro ī yirotire yigu.

³³ Mani jedirore quēnaro yigu ñagūmi Dios. ¡Masijeogu ñagūmi! ĩre bajiro quēnaro yigu magūmi. Nīmūjuane, ī tuoīasere, to yicōari ī yisere quēne masibecūmi. ³⁴ Ado bajiro gotiaja Dios ocare masa ĩna ucamasire: "Dios, mani ūju, ī tuoīasere masigū magūmi. ĩre gotimasioḡū magūmi. ³⁵ 'Quēnaro mani yijare, Dios quēne quēnaro manire yirocu ñagūmi' yimasibeaja mani". ³⁶ "Quēnase yure yirucūbuo variquēnato" yigu, ñajedirore rujeomasīñumi Dios. To bajiro ī yire ñaro cōrone cōogu ñagūmi. To bajiro bajigu ī ñajare, quēnase ĩre rucūbuo variquēnatujabetiroti ñaja, manire. To bajirone bajimūorūḡōato.

12

"Dios ī bojasere yirūḡūnarāja mani", yire queti

¹ To bajiri, yu mairā, Dios manire ī īamaisere masirā ñari, ī bojarore bajiro quēnase rīne yiroti ñaja. To bajiro mani yīñajama, ĩre rucūbuorā yirāja mani. Tire īvariquēnagūmi Dios. ² Adigodoaye rīne tuoīarā ĩna tuoīarore bajiro tuoīabetiroti ñaja muare. Muajuama, Dios ī ejarēmose rāca ī bojasere yirūḡūña. To bajiro mua yījama, "Quēnasere, Dios ī īvariquēnasere yirā vaja", yimasiruarāja.

³ Yure īamaicōari, quēnaro yure yigu, yure goticudirotiyumi Dios. To bajiri ado bajiro muare gotiaja yu: "Mani masune Dios ī bojasere yimasiaja mani", yituoīabesa mua. Ado bajirojua tuoīaña mua: "Tocārācare ricatiri rīne mani yimasirotire ūjomyi Dios. To bajiri, ī ejarēmose rāca yiruarāja", yituoīaña mua. ⁴ Mani rujare jairo ñaja. Āmo, cajea, gāmoro, gūbo,

gajeye quêne ñaja, cojo ruju ñaboarine. Ricati rïne yaja. Cajea rāca ña, gāmoro rāca aji, āmo rāca āmi, gūbo rāca va, bajimasire ñaja manire. ⁵ To bajirone bajiaja Cristore ajitirānūrāre quēne. Jājarā ñaboarine, Cristore ajitirānūrā ñari, cojo rujure bajirone bajiaja mani. To bajicōari, cojo masare bajiro quēnaro gāmerā ejarēmōrūgūaja mani.

⁶ Tocārācure ricati rïne ī bojarore bajiro mani yimasirotire manire ujoyumi Dios. To bajiri ī ujore mani yimasire rāca Cristore ajitirānūrāre ñare ejarēmōroti ñaja. “Īnare yu gotisere ajicōari, gotirētobosarimasa ñato” yigu, ĩna yimasirotire ñare Dios ī ujore ti ñajama, “Tire manire ujoyumi” yituoīacōari, gājerāre gotimasiroti ñaja. ⁷ “Gājerāre ejarēmōato” yigu, ĩna yimasirotire Dios ī ujore ti ñajama, ñare quēnaro ejarēmōroti ñaja. “Dios ocare ajimasicōari, gājerāre gotimasioato” yigu, ĩnare ī ujore ti ñajama, “Tire manire ujoyumi” yituoīacōari, quēnaro gotimasioroti ñaja. ⁸ “Yure ajitirānūrā butobusa ajitirānūato” yigu, ĩna gotimasiorotire ujoyumi Dios. Tire ujoecoriarāma, quēnaro gotimasioroti ñaja. Maioro bajirāre gājoa Isigūma, “To bajiro yu yise vaja yure ejarēmōrūarāma ĩna” yituoīagū me, ĩsroti ñaja. Rotirārema, quēnaro rotiroti ñaja. Maioro bajirāre ejarēmōrārema, variquēnase rāca ñare ejarēmōroti ñaja.

“Ado bajise ñaroti ñaja Cristore ajitirānūrā”, yire queti

⁹ Socarāne, “Muare maiaja”, yitobesa. To yicōari, ñare mai, ñare ejarēmo, rojose yibeti, quēnase rïne yirūgūña. ¹⁰ Cristore ajitirānūrā ñari, sīgū rīare bajiro bajiaja mua. To bajirā ñari, quēnaro gāmerā ĩamaicōari, rucubuoaya, “Īnaja ñaama ñamasurāma” gājerā ñare ĩna yīārūcuburotire yirā.

¹¹ Dios ī bojasere mua yijama, teyējairāne yibesa mua. Tocārācarāmune Dios muare ī ejarēmōsere tuoīacōari, variquēnase rāca ī bojasere quēnaro yirūgūña.

¹² “Ō vecaja manire quēnaro yirūcūmi Dios” yimasirā ñari, quēnaro variquēnase rāca ñacōarūgūña mua. Rojose tāmūoboarine, Diore ajitirānūcōa ñarūgūña. Īre ajitirānūcōari, “Yuare ejarēmōña”, ĩre yisēnitujabeja mua.

¹³ Cristore ajitirānūrā rojose ĩna tāmūojama, ñare ejarēmōña. Ejarāre quēnaro yija.

¹⁴ Rojose muare yirāre, “Quēnaro ñare yato Dios” yirā, ñare sēnibosaya.

¹⁵ Gājerā quēnaro ĩna variquēnajama, ñare variquēnaejarēmōña. Gājerā ĩna sūtiritijama, ñare sūtiritiejarēmōña.

¹⁶ Gājerā rāca cojo masare bajiro gāmerā ĩamaīña. “Ñamasurā ñaja yua”, yituoīabesa. “Ñamasurā me ñaama” gājerā ĩna yirāre baba cutiya mua. “Gājerā rētoro masirā ñaja yua”, yituoīabesa.

¹⁷ Quēnase rïne yirūgūña mua, “Quēnaro yirā ñaama” masā ĩna yīārotire yirā. Rojose muare yirāre ñare gāmebesa mua. ¹⁸ Mua yimasiro cōro quēnase rïne yija, “Masa jediro mani rāca quēnaro ñato” yirā. ¹⁹ Gājerā rojose muare ĩna yiboajaquēne, “Dios rïne ñaami, masa rojose ĩna yise vaja, rojose ñare yirocu” yirā ñari, rojose muare ĩna yijama, ñare yigāmebesa mua. Dios ocare masā ĩna ucamasire ado bajiro gotiaja: “Yu ñaja, rojose ĩna yise vaja, ñare rojose yirocu”, yigotiaja ti. ²⁰ Gaje vāme, ado bajiro gotiaja, rojose manire yirāre ñare mani yirotire yiro: “Muare ĩtegu ī ñorijajama, bare ĩre ecaya. Ī idiruajama, ĩre ioya. To bajiro ĩre mua yijama, rojose muare ī yisere tuoīacōari, muare buto bojonerūcūmi”, yigotiaja Dios oca. ²¹ Gājerā rojose muare ĩna yijama, rojose ñare yicōarūaboarine, quēnasejare yicōa ñaña.

13

¹ Dione ñagūmi masa ujarā ñaronare ñare cūrimasu. Ī cūriarā ĩna ñajare, ĩna rotirore bajiro quēnaro yirūgūruarāja mua. ² Dios ī cūrāre cudimenarema, ĩna cudibeti vaja rojose ñare yirūcūmi Dios. ³ Quēnase yirārema gūiorā me ñaama ujarā. Rojose yirājuarema gūiorā ñaama ĩna. To bajiri quēnase rïne yija mua. Quēnase rïne mua yijama, “Quēnaro yirā ñaama”, muare yīārūarāma mua ujarā. ⁴ “Masa quēnaro gāmerā ejarēmōato” yigu, ujarāre cūgūmi Dios. To ī yiboajaquēne, rojose mua yijama, “Rojose yua yise vaja rojose yure yirūarāma ujarā” yimasirā ñari, ñare gūirūarāja mua. “Rojose yirāre rojose ĩna yise vaja rojose yure yibosato” yigu, ñare cūgūmi Dios. ⁵ “Rojose mani yise suori rojose manire yiroma” yituoīarā ñari, ujarāre cudirūgūruarāja mua. Tiaye rïne, cudirā me, Gajeye quēne, “Mani cudisere bojagūmi Dios” yirā ñari, cudirūgūruarāja. ⁶ Masa ujarā Diore moabosarūgūama, manire “Quēnaro ñato” yirā. To bajiri manire ĩna moabosase vaja ñare vaja yiroti ñaja.

⁷ Mua ujarā jedirore Dios ī bojarore bajirone quēnaro ñare yiroti ñaja. ĩna vaja taro cōrone ñare vaja yija. “Gajeye moare ĩna yise vajare quēne ñare vaja yija” muare ĩna yirore bajirone cudirūarāja mua. To yicōari, quēnaro ñare yirūcubuoaya.

⁸ Gājerāre mua vaja moajama, mua vaja mosere vaja yija. Mua rācanare ĩamaīña. To bajiro mua yijama, Dios ī rotise ñaro cōrone cudirā yirāja. ⁹ Dios ī rotimasire ado bajiro gotiaja: “Manajo cutirā, manaju cutirā, manajo mana, manaju mana quēne, gājerā rāca ajeriarā

cutibesa. Siabesa. Juarudibesa. Gãjerã ye gajeyẽũnire bojaĩabesa”, yigotiaja Dios ĩ rotimasire. To bajicõari, gajeye ñarẽmoaja Dios ĩ rotimasire. Tire cojo vãme muare gotiguagu yaja yu. Cojo vãme ti ñaboajaquẽne, tire quẽnaro mani cudijama, Dios ĩ rotise ñaro cõrone cudirã yirãja mani. ĩ rotimasire ado bajiro yaja: “Mu masu rujure mu mairore bajirone mu rãcanare maiña”, yigotiaja Dios ĩ rotimasire. ¹⁰ Mani rãcanare mani majijama, rojose ñare yimenaja. To bajiro mani yijama, Dios ĩ rotise ñaro cõrone cudirã yirãja mani.

¹¹ Tiramaju Cristo ĩ bajirere ajisurãjune, “Tudiejacõari, quẽnaro manire yirucumi”, yicõasuyujaja mani. To bajiri yucurema, “Ī tudiejarotirũmu cõñadiaja” yimasirã ñari, tire tuoĩatujamenane, butobusa Dios ĩ bojarore bajiro yito mani. ¹² Cristo ĩ ejarotirũmu cõñacoaja. To bajiri vãti ĩ bojasere ña yirodori jedicoato yaja. To cõrone rojose yirãre reagucumi Cristo. Tire masicõari, “Cristo manire ejarẽmoato” yirã, ĩre sẽnito mani, “Rojose yirũaboarine, tire yibeticõari, ĩ bojasejuare yirãsa mani” yirã. ¹³ To bajiro mani bajijama, quẽnase rĩne yiruarãja mani. Boserũmũri ñaro idimescũcõari, avasãmescũcudirãre bajiro bajibetiroti ñaja manire. Manaju cutirã, manaju cutirã, manajo mana, manaju mana quẽne, gãjerã rãca ajeriarã cutibetiroti ñaja. Gãmerã oca rãtobeticoato. Gãjerã ña yisere ñajũnisinibeticõato mani. ¹⁴ Ado bajirojua yirã ñato mani: “Mani uju Jesucristo manire ejarẽmoato” yirã, ĩre sẽnirũgũto mani. ĩne ñagũmi manire ejarẽmogũ, “Rojose yiroma” yigu. To bajiri ĩ ejarẽmose ti ñajare, rojose yirũaboarine, tire yibetiruarãja mani.

14

“Cristore ajitirũnarã ñari, gãmerã ajirãcubũoto mani”, yire

¹ “Cristo yure ejarẽmogũmi” yituoĩagu ñaboarine, tuoĩagũgurema, quẽnaro ĩre yiya. “Ado bajiro yiroti ñaja” ĩ yisere ajicõari, “Bajibeaja. Ado bajirojua yiroti ñaja, mure”, ĩre yi oca rãtobesa. ² Sũgũri, Cristore ajitirũnarã, “Bare vãme cuti ñaro cõrone mani bajama, quẽnaja”, yituoĩaama ña. Gãjerãma, “Cristo manire ejarẽmogũmi” yituoĩarã ñaboarine, “Vaibucu rii mani bajama, quẽnabetoja” yituoĩagũcõari, bamenama ña. ³ Bare jediro barãjua, “Mani bajama, quẽnabetoja” yigũirãre, “Tuoĩamasimena ñaja mua”, ñare yibetiroti ñaja. Bamenajua quẽne, jediro barãre, “Rojose yirã yaja mua”, ñare yĩñagõjaibesa, “Īna quẽne, yu rĩa ñaama” Dios ĩ yirã ña ñajare. ⁴ Cristore ajitirũnarã, Dios ĩ rotirã ñaja mani. To bajiri sũgũri ña bajisere ñacõari, “Quẽnaro yaja mua. Ado yua rãca ñaña”, ñare yirã ñaboarine, ricati tuoĩarãrema, “Quẽnaro yibeaja mua. Gajeroju vasa”, ñare yibetiroti ñaja. Dios sũgũne ñaami ti ùnire yimasigũma. To yicõari ĩ rotirãre ejarẽmogũmi, “Yu rãca ñacõa ñato ña” yigu. To bajiri ricati tuoĩarãre quẽne, “Yu rãca ñacõa ñato”, ñare yimasigũmi.

⁵ Sũgũri, Cristore ajitirũnarã ado bajiro tuoĩaama ña: “Cojorũmũne, gajerũmũri rãtoro ñamasurirũmu Diore rãcubũoriarũmu ñaja”, yituoĩaama. Gãjerã Cristore ajitirũnarã, ado bajiro tuoĩaama: “Tocãrãcarũmũne Diore rãcubũoroti ñaja”, yituoĩaama ña. To bajiboarine ricati rĩne mua tuoĩase, no yibeaja. Diore mua sẽnise ñaja ñamasusema, “Ī bojasere yaja” mua yimasirotire yirã. ⁶ Sũgũ ñagũmi, “Adirũmu ñaja ñamasurirũmu Diore rãcubũoriarũmu” yigu. Mani yure Diore rãcubũogũmi. Gãjima, “Bare vãme cuti ñaro cõrone mani bajama, quẽnaja” yigu ĩ bajama, “Quẽnaro yaja mu”, Diore yigũmi. Gãji, vaibucu rii babecu ñaboarine, gajeye bare bañagũne, “Quẽnaro yaja mu”, Diore yirãcubũogũmi ĩ quẽne.

⁷⁻⁹ Cristore ajitirũnarã, mani masune tuoĩacõari, yirã me ñaja mani. Ado bajiro bajiaja: Siaecobarine, tudicaticoasumi Cristo, ña catijaquẽne to yicõari ña rijacoajaquẽne, “Īna uju ñarucumi” Dios ĩ yijare. To bajiri adigodo mani catiñaro cõro, mani rijato beroju quẽne, “Yu masune rotiaja. Gãji yure rotibeami”, yimasifã manaja. Cristo yarã ñari, mani rijato beroju quẽne ĩ yarã ñacõa ñaruarãja mani. To bajiri, Cristo ĩ bojase rĩne yicõa ñaroti ñaja.

¹⁰ To bajiro ti bajiboajaquẽne, ¿no yirã, “Rojose yaja mua”, mua yarãre ñare yĩñagõjai coderũgũati? To yicõari, ¿no yirã mua yarãre, “Tuoĩamasimena ñaja mua”, yĩĩateati mua? Mani ñaro cõrone, Dios ĩ ñaroju ejarona ñaja mani. To bajiri, “Ānoa ñaama quẽnase yicana. Ānoa ñaama rojose yicana”, yĩĩabeserucumi. To bajiro ĩ yirotire masirã ñari, gãjerã Cristo yarãre, “Rojose yaja mua”, yĩñagõjaibesa. ¹¹ Ado bajiro gotiaja Dios oca Isa'ias ĩ ucamasire: “Socũ me yaja yu. Ado bajise bajiruarõja ti, masa jedirore: Yu ñaro rĩjorojua yure rãcubũorã, gusomuniari tuetucõari, “Masa ña yisere masigũ ñaja mu”, yure yiruarãma ña”, yami mani uju”, yĩucamasifũmi Isa'ias.

¹² To bajiro ĩ yimasire ñajare, “Tocãrãcũne, ña yire jedirore Diore ĩre gotiruarãma ña”, yimasiaja mani.

¹³ To bajiri, “Rojose yaja mu” gãmerã yĩñagõjaibetiruarãja mani. Tire yibeticõari, “Mani rãcanare rojose ñare ùmato yirobe” yirã, quẽnase rĩne yito mani. ¹⁴ Yu, mani uju Cristo ĩ gotimasicotire ajicacu ñari, ado bajiro yaja yu: “Bare vãme cuti ñaro cõrone mani bajama, quẽnaja”, yimasiaja yu. To bajiro yu yiboajaquẽne, ñarãma gãjerã Cristore ajitirũnarã,

“Vaibucu rii yu bajama, rojose yigu, yiguja yu”, yituoarāma. ¹⁵ “Vaibucu rii yu bajama, quēnabetoja” yigu űari, muajua tire mua baro ĩacōari sutiriritigumi. To bajiro ĩ bajisere masirā űaboarine, mua bacōa űajama, “Mure maibeaja” yirāre bajiro yirāja mua. Mua rī mere, gājerāre quēne rijabosagu bajiyumi Cristo. To bajiri sīgū, Cristore ajitirānugū, “Vaibucu rii yu bajama, rojose yigu yaja” ĩ yisere ajicōari, vaibucu riire babeja. “Mani basere ĩ bajama, ‘Rojose yigu yaja yu’ yituoacōari, rojose tāmuoűajabetiraroju vatomi” yirā, tire babetiruarāja mua. ¹⁶ To bajiri, “Mani yise quēnase ti űaboajaquēne, tire ĩacōari, ‘Rojose yirā yama’ gājerā manire yīarāma” mua yimasijama, tire yibeticōaűa. ¹⁷ Mani barotire, mani idiotire buto tuoĩaroti me űaja. Mani űu ĩ bojarore bajiro quēnaro mani yisejuare tuoĩaroti űaja. To yicōari, Esp’iritu Santo manire ĩ ejarēmose suorine gājerā mani rāca quēnaro ĩa variquēnarotijuare tuoĩaroti űaja, manire. ¹⁸ Esp’iritu Santo ĩ ejarēmose suorine Cristo ĩ bojarore bajiro quēnaro mani yijama, “Quēnaro yirā űaama”, manire yīlavariquēnagūmi Dios. To bajicōari, masa quēne, “Quēnaro yirā űaama”, manire yīlaruarāma ĩna.

¹⁹ To bajiri butobusa ĩ bojarore bajiro mani yijama, gāmerā ejarēmora yirāja mani, “Jediro Cristo ĩ bojarore bajiro yirā űarāsa mani” yirā. ²⁰ To bajiri sīgū, Cristore ajitirānugū, mua baroti űaboasere ĩacōari, “Babetiroti űaja” ĩ yijama, tire babetiruarāja mua. “Mani basere ĩ bajama, ‘Rojose yigu yaja yu’ yituoacōari, rojose tāmuoűajabetiraroju vatomi” yirā, tire babetiruarāja mua. Mani base jediro quēnase rīne ĩacōaja. To bajiboarine mani rācagu Cristore ajitirānugū, “Vaibucu rii yu bajama, rojose yigu yaja” ĩ yīasere, mani bajama, rojose ĩre yiorāre bajiro yirāja mani. ²¹ Mani rācagu Cristo yu, mua basere, űye oco mua idise, to yicōari, gajeye no bojase mua yisere ĩacōari, ĩ quēne ĩ yijama, “Rojose yigu yaja”, yituoagūmi. To bajiro tuoĩagū ĩ űajare, to bajiro mua yijama, rojose ĩre yiorāre bajiro yirāja mani. ²² To bajiri, “Bare vāme cuti űaro cōrone mani bajama, quēnaja”, “Mani bajama, quēnabeaja” mua yituoasere, gāmerā gotimenane, Dios sīgūrene mua tuoĩasere gotiroti űaja. “To bajiro yua yisere ĩacōari, ‘Quēnaja’ yīagūmi Dios” yirāma, variquēnarāma. ²³ “Yua bajama ĩDios ĩ bojabetire yirojari yua?” yīboarine ĩna bacōajama, rojose yirā yirāja. To bajirone bajiaja. “Dios ĩ bojabetire yirā yaja” yiboarine, mani yijama, manire quēne rojose űaroja.

15

“Mani űaroti rīne tuoĩaroti me űaja”, yire queti

¹ “Cristo űare ejarēmogūmi” yituoarā űaboarine, tuoĩagūirāre, “To bajiro mua bajise quēnabeaja” ĩnare yimenane, ĩnare rūcubucōaűa. Mua űaroti rīne tuoĩamenane, tuoĩagūirāre ĩnare ejarēmoroti űaja. ² Mani rācana Cristore ajitirānugū, gājerā ĩre ajitirānugū űaboarine, tuoĩagūirā quēne, ĩnare ejarēmoroti űaja, “Butobusa Cristore ajitirānucōari, variquēnase rāca quēnaro űato ĩna” yirā. ³ Cristo adigodo ejačōari, ĩ yiriarore bajiro yito mani. ĩ sīgūne ĩ variquēnarotire bojagu me űaűumi. Mani variquēnarotijuare bojagu űari, buto rojose tāmuoűumi, manire ejarēmogū. To bajiri, ado bajiro gotiaja Dios ocare masa ĩna ucamasire: “Rojose yirā, mure ĩna rūcububobetijama, űurene rūcububomena yicama”, yigotiaja Dios ocare masa ĩna ucamasire, Cristo ĩ jacure Diore ĩ yirere yiro. ⁴ Jediro Dios ocare masa ĩna ucamasire quēnaro manire gotimasioaja ti. To bajiri tire mani buejama, quēnaro gotimasiočōa űaruarāja mani, “Butobusa Cristore ajitirānuato ĩna” yirā. To bajiri, “Ō vecaju manire quēnaro yirācumi Dios” yimasirā űari, variquēnacōa űaruarāja mani. ⁵ Dios manire ejarēmoami, “ĩna rācanare gotimasiočōa űaruarāma” yigu. “Yure ajitirānucōa űato” yigu, mani variquēnarotire cōaami. To bajiri, butobusa muare ejarēmoato Dios, mua gāmerā mairotire yigu. To bajiro ĩ yijama, Jesucristo ĩ bojarore bajiro yirā űaruarāja mani. ⁶ To bajiro manire ĩ ejarēmojare, mani űaro cōrone mani űjare Jesucristo jacure ĩre rūcubuo variquēnaruarāja mani.

Jud’io masa mere Cristo ĩ bajirere ĩna gotimasiore queti

⁷ To bajiri, “Yu yarā űaja mua” Cristo muare ĩ mairiarore bajirone gāmerā maiűa mua. Mua gāmerā maisere ĩacōari, “Dios suorine bajiaja” yirā űari, “Quēnagū űagūmi Dios”, ĩre yiruarāma masa. ⁸ Adi macarucurojare jud’io masare ĩnare ejarēmogū vayumi Cristo. Yua űicuaire, “‘To bajiro bajiruarōja’ ĩnare ĩ yimasiriarore bajirone yigu űaami Dios’ yimasioato ĩna” yigu, űare ejarēmoűumi. ⁹ Jud’io masa rī mere ejarēmogū vagu bajiyumi Cristo. Jud’io masa mere quēne ejarēmogū bajiyumi. “Masare Dios ĩ ĩmaisere masicōari, ĩre quēnaro rūcubuo variquēnato jud’io masa, jud’io masa me quēne” yigu, vayumi Jesus. To bajisene gotiaja Dios ocare masa ĩna ucamasire:

“Jud’io masa me, yu rāca mure yivariquēnato ĩna’ yigu, varucuja yu. Yu suorine mure yirūcubucōari, basaruarāma ĩna”, yigotiaja Dios ocare masa ĩna ucamasire, Cristo ĩ jacure ĩ gotirere yiro.

¹⁰ Quēna gajeye ado bajiro gotiaja Dios ocare masa ĩna ucamasire:

“Maa jud'io masa me, Dios yarā jud'io masa rāca cojo masare bajiro variquēnaruarāja maa”, yigotiaja Dios oca.

¹¹ Gajeye quēne ado bajiro gotiaja ti:

“Jud'io masa, ina me quēne, masa jediro ire rūcubuo variquēnaruarāja maa”, yigotiaja ti.

¹² Isa'ias űamasir'i quēne ado bajiro ucamasifūmi:

“Isa'i jānami sīgū ruyuarūcumi, jediro masa űju űarocu. Ire ajitirūnucōari, Ī suorine Diorāca quēnaro űarūgūruarāja mani' yiruarāma ina”, yiucomasiűumi Isa'ias.

¹³ “Cristo suorine Diorāca quēnaro űarūgūruarāja” yituoīamasirere manire cōagū űagūmi Dios. Irene ado bajiro muare sēnibosaja yu: “ Mure ajitirūnūtuacōari, quēnaro variquēnarā, mū rāca quēnaro űacōa űato ina' yigu, űnare ejarēmoűa. To yicōari, 'Esp'iritu Santo i ejarēmose rāca butobusa tire masiato ina' yigu, űnare ejarēmoűa”, Diore muare yisēnibosaja yu.

“Diore gotirētobosagu yu űarotire Dios i cōar'i űari, muare ucacōagū yaja”, Pablo ĩyire queti

¹⁴ Yu mairā, “Quēnaro yirā űarāma ina. Cristo ocare quēnaro masirā űari, quēnaro gāmerā gotimasiorā űarāma ina”, muare yimasiaja yu. ¹⁵ To bajiro maa bajisere masigū űaboarine, papera rāca quēnaro riojo muare gotiaja yu. “Tirūmju maa ajirere masiritibeticōato” yigu, muare ucacōaja yu. Dios yure űamaicōari, ĩ ocare gotirētobosagu yu űarotire ĩ bojacati űajare, muare ucaja yu. ¹⁶ “Jesucristo ĩ bajirere jud'io masa mere gotimasiato” yigu, yure cōacami Dios. To bajiro ĩ yicati űajare, yu gotimasiocere ajicōari, Cristore ajitirūnūama jud'io masa me űarā. Ire ajitirūnurā űari, Esp'iritu Santo i ejarēmose rāca “RoJose mana űaama”, Dios ĩ yīarā űari, ĩ yarā űaama.

¹⁷ To bajiri, “Dios ĩ bojasere yigu, Jesucristo suorine quēnaro moaja”, yivariquēnaja yu. ¹⁸⁻¹⁹ Jud'io masa mere yu gotimasiojama, yu masune tuoīacōari, gotigu me yaja. Cristo, ĩ ejarēmose rāca gotimasioja yu. Tire ajicōari, Cristo ĩ ejarēmose rāca quēnaro yu yisere ĩacōari, to yicōari, Esp'iritu Santo suorine ĩaīaűamani yu yīosere ĩarā űari, “Yure ejarēmorūcumi Cristo”, ire yituoīasuoocama ina. To bajiri, Jerusalēnjune Cristo ĩ bajirere gotisuoocacu, gaje macarire quēne goticudigu rīne, ĩliria sitaju gotiejocaju yu. ²⁰ “Cristo ĩ bajirere gotimasioűamana ina űarojure, gotimasiogū varucuja”, yituoīa vadirūgūcaju yu. Gājerā ina goticōarirojurema gotimasiogū varuabeticaju yu. ²¹ To bajiro yu bajirotire yiro, ado bajiro gotiyuja, Dios ocare masa ina ucamasire:

“Cristo ĩ bajirere masibetiriarā, gotimasio ecoruarāma.

To bajiri, tire ajimasiruarāma”, yigotiyuja ti.

Romaju Pablo ĩ varua tuoīare queti

²² To bajiri, Cristo ĩ bajirere gotimasioűamana ina űarojure gotimasioicudigu űari, maa ture varuaboarine, vabetirūgūcaju yu maji. ²³ Tirūmju maa tu varuacōa űacaju yu. To bajiro bajiruarūgūcacu űari, adi sitanare űnare gotimasiojeocōari, maa tujua varua tuoīaja yu yuja. ²⁴ Espaűaju vacu muare ĩarētoarucuja yu. To bajiri maa rāca yoaro variquēnacōa űaruagu űaboarine, yoaro maa rāca űabetirucuja yu, bajijujama. To bajiboarine maa ejarēmose bojaja yu, Espaűa yu ejasirotire yigu. ²⁵ To bajiro yu bajiroto rīoro Jerusalēnju vacoacu yaja maji, Cristore ajitirūnurāre űnare ejarēmoguacu. ²⁶ Cristore ajitirūnurā, Macedonia vāme cuti sitana, Acaya vāme cuti sitana quēne, ado bajiro tuoīaűujarā ina: “Jerusalēn macana, Cristore ajitirūnurā maioro bajirāre gājoa rāca űnare ejarēmoto mani”, yituoīaűujarā ina. To bajiro yituoīariarā, ina ĩsirere juacōari, Jerusalēn macanare ĩsiguacu yaja yu. ²⁷ ĩna masune tuoīacōari, “Īnare ejarēmoto mani”, yituoīaűujarā ina, jud'io masa me űaboarine. Jud'io masa suorine, jud'io masa mere, Dios yarā ina űnase ejayuja ti. To bajiri jud'io masare maioro bajirāre ejarēmoroti űaja. ²⁸ To bajiri Jerusalēn macanare gājoa űnare yu ĩsiro bero, Espaűaju vacu, muare ĩarētoarucuja yu. ²⁹ “Maa tu yu ejaro, mani űajediro mani variquēnarotire cōarūcumi Cristo”, yimasiaja yu.

³⁰ Yu mairā, Jesucristore ajitirūnurā űaja maa. To bajicōari, Esp'iritu Santo suorine gājerāre ĩamairā űaja. To bajiri yu bajisere tuoīacōari, Diore yure sēniejarēmoűa yaja yu. ³¹ “Judeana Cristo ĩ bajirere yu gotisere ajiterā roJose yure yiroma” yirā, Diore yure sēniejarēmoűa. To yicōari, “Jerusalēn macana, Cristore ajitirūnurā gājoa yu ĩsiritire variquēnase rāca boca juato ina” yirā, Diore yure sēniejarēmoűa. ³² To bajiri Diore yure maa sēniejarēmojama, variquēnase rāca maa tujū ĩagū ejarucuja yu, Dios ĩ bojajama. Maa tujū eja, maa rāca quēnaro usūsājarucuja yu. ³³ Dios, quēnaro maa űarotire muare ejarēmoato ĩ. To bajirone bajiato.

16

Pablo ĩ quēnaroticōare queti

¹ Febe vāme cutigore maa tu sore cōagū yaja yu. Dios suorine Cristore ajitirūnugō űaamo so. Cristore ajitirūnurā Cencrea vāme cuti macana rāca Diore moabosarimaso űaamo so. ² Sone űaamo jājarā Cristore ajitirūnurāre quēnaro ejarēmorio. Yure quēne ejarēmorūgūmo. To bajiri

mua tu so ejaro, “Mani ujure ajitirunugō ñaamo so quēne” yimasirā ñari, so bojase cōro sore yirēmoña, “Cristore ajitirunurā ñaja mani” yirā.

³ Yure bajiro Jesucristo ocare gotimasiorā ñacana, Prisca, so manaju Aquila, quēnato ña. ⁴ “Ire mani ejarēmojama, manire quēne sīarāma” yimasiboarine, yure ña sīaborotire yirētobosacama ña. To bajiri, “Quēnaro yure yicaju mua”, ñare yucacōaja yu. Yu sīgū mere, “Quēnaro yirā yicaju mua”, ñare yaja yu. Yu sīgū me to bajiro muare yicōaja yu. Jud'io masa me, tocārāca macariana Cristore ajitirunurā quēne, yirūgūama. ⁵ Quēnato Cristore ajitirunurā Aquila ya vi rējarūgūrā. Quēnato yu maigū, Epeneto quēne. Ī ñaami Asia sitagu Cristore ajitirunusor'ī. ⁶ Mar'ia, quēnato, bato muare ejarēmorio quēne. ⁷ Yu yarā, Andrónico, Junias quēne quēnato. Īna rāca tubiberiaviju ñacaju yu. Īna ñacama yu rījoro Cristore ajitirunusoriarā. Cristo ocare ajitirunurā ña cōarā rētoro quēnaro yicudiyuma ña.

⁸ Quēnato yu maigū Ampliato quēne. Mani ujure ajitirunugū Ī ñajare, ĩre bato maiaja yu. ⁹ Gāji, yure bajiro Cristo ocare gotimasioğū, Urbano vāme cutigu, quēnato. To bajicōari, yu maigū Estaquis quēne, quēnato. ¹⁰ Apeles quēne, quēnato. Rojose tāmuboarine, Cristore ajitirunucōa ñacami. Aristóbulo, to yicōari Ī ya viana quēne, quēnato. ¹¹ Yu yu Herodión quēne, quēnato. Mani uju Cristore ajitirunurā Narciso ya viana, quēnato. ¹² Trifena, to yicōari, Trifosa quēne quēnato. Mani uju Cristore bato moabosarimasa ñaama. Mani maigō Pērsida quēne, quēnato. So quēne, mani uju Cristore bato moabosacamo. ¹³ Rufo quēne quēnato. Cristore quēnaro ajitirunugū ñacami. Ī jaco quēne quēnato. Sone ñacamo, yu jacore bajiro yure maicaco. ¹⁴ To yicōari, As'incrito, Flegonte, Hermes, Patrobas, Hermas, ña rācana quēne, Cristore ajitirunurā jediro quēnato. ¹⁵ Filólogo, Julia, Nereo, to yicōari, Ī bedeo quēne, quēnato. Olimpas, to yicōari, ña rācana Cristore ajitirunurā jediro quēnato.

¹⁶ Cristo suorine cojo masare bajiro bajirā ñari, quēnaro gāmerā yisēñia, yiñaña mua. Adoana, Cristo ocare ajitirunurā jediro, muare quēnaroticōama ña.

¹⁷ Yu mairā, gajeye ado bajiro muare gotimasioaja yu: Mua rācana sīgūri ricati ña gotijare, sīgūre bajiro tuoīamenaja mua. Cristo oca mua ajiriarore bajiro me bajiaja ña yisema. To bajiri ñare cāmotadicōaña. ¹⁸ Mani uju Cristo Ī bojasure yirā me ñarāma ña. Īna tuoīarore bajiro yirā ñari, socarāne quēnaro gotitorāma. To bajiri socase ña gotisere ajitirunurāma, quēnaro tuoīamasimena. ¹⁹ Muarema, ñare bajiro mua bajibetijare, “Īna ujarāre quēnaro cūdirā ñaama”, yama masa, muare. To bajiro mua bajisere ajivariquēnaja yu. To bajiri, quēnase rīne mua yisere bojaja yu. ²⁰ Quēnaro mani ñarotire cōagū ñaami Dios. To bajiro yigu ñari, vātia ujure ĩre cūdaabogure bajiro yirucami, “Socarimasa ña gotibosere ajibeticōato ña” yigu. To bajiri, “Quēnaro ñare yiya” mani uju Jesucristore muare yisēñibosaja yu.

²¹ Yu baba, Cristo ocare gotimasioğū, Timoteo vāme cutigu, muare quēnarotiami. Yu yarā Lucio, Jasón, Sos'ipate quēne, muare quēnarotiamā.

²² Yu Tercio, Pablo Ī rotirore bajiro adi paperare ucabosagu quēne, mani uju Cristore ajitirunugū ñari, muare quēnarotiaja yu.

²³ Gayo quēne, muare quēnarotiami. Ī ya vijune ñacōari, Cristore ajitirunurā rējarūgūaja. Erasto adi macajure gājoa codebosarimasu quēne, muare quēnarotiami. Cristo suorine mani yu, Cuarto vāme cutigu quēne, “Quēnato”, muare yami.

²⁴ To bajiri, “Quēnaro ñare yiya”, mani uju Jesucristore muare yisēñibosaja yu. To bajirone bajiato.

“Diore rācubuo variquēnato mani”, yire queti

²⁵ Diore rācuburōrā ñari, “Quēnaro yigu ñaami. Rētoro masigū ñaami”, Diore yirūcuburoroti ñaja. Ī ocare quēnaro mua ajitirunujama, “Manire ejarēmogūmi Cristo” mua yituoarotire cōarucami Dios. Ī ocare gotimasiorūgūaja yu, masa rojose ña tāmuborotire Cristo Ī yirētobosarere. Tirāmujuma ti űnire gotimasio ecobesuja maji. ²⁶ To bajiboarine, Diore gotirētobosariarā ña ucamasirere ajicōari, “To bajise bajirore gotiro yaja”, yimasibesuma. Adirāmurirema, “Cristo Ī rijabosare ti ñajare, “Quēnarā ñaama”, manire yīñagūmi Dios, masa jediro yure yimasiasi” yigu, ti oca mani ajimasirotire manire cōañumi Dios, adi macarucaroju ñacōa ñarūgūgū.

²⁷ Ī ñagūmi jediro masigū. Gāji ĩre bajiro bajigu magūmi. Jesucristo manire Ī codese suorine ĩre yirūcubuo variquēnacōa ñato mani. To bajirone bajiato.

To cōrone ñaja.

Primera carta de San Pablo a los CORINTIOS

Corinto vāme cuti macana, Cristore ajitirānūrāre Pablo ī uacōāre queti

¹⁻³ Adi quetire muare cōagū, Pablo vāme cutigu űaja ya. űNati mua, Corinto macana, Dios suori ī macu ocare ajitirānūcōāri, rējarūgūrā? Jesucristo ī rijabosare űajare, “Rojose mana űaama” yicōāri, “Yū rīa űaama” Dios ī yīārā űaja mua. Sōstenes rāca űacōāri, mua rī mere ucaja ya. “Mani űjare Jesucristore sēnirā jediro, adi quetire ajiato” yirā, ucaja ya. Muare quēnarotirā, mani jacu Diore, to yicōāri, Jesucristo, mani űjare, ado bajise muare sēnibosaja ya: “Quēnaro mua rāca űna űnarotire yirā, űnare ejarēmoűna”, muare yisēnibosaja ya. Dios ī bojarore bajiro yure cōacami Jesucristo, “Yū suorine yū jacu quēnaro ī yise quetire gājerāre gotimasiocudiya mu” yigu.

“Mua bajisere tuoīacōāri, ‘Quēnaro yaja mu’ Diore yaja ya”, Pablo ī yire queti

⁴ Tocārācājine Dios, mani jacure sēnigū, muare quēnaro ī yisere tuoīacōāri, “Quēnaro yaja mu”, ĩre yivariquēnarūgūaja ya. Jesucristore ajitirānūrā mua űajare, quēnaro muare yirūgūami Dios. ⁵ ĩre ajitirānūrā mua űajare, ī oca jediro quēnaro riojo ajimasiocōāri, mua gotimasirotire, to yicōāri, ī bojarore bajiro mua yimasirotire yigu, muare ajoyumi Dios. ⁶ To bajiro muare ī yire űajare, Cristo ī bajirere muare ya gotimasiocere ajicōāri, “Socase me űaja”, yicaju mua. ⁷ űNajediro mua yimasiroti muare ī űjore ti űajare, mani űju Jesucristo ī tudiejarotire yurāre, űne rayabetoja, muare. ⁸ “Yure quēnaro ajitirānūcōā űnato” yigu, muare ejarēmorucumi. To bajiri, Jesucristo ī ejarirāmure, űimūjuane, “Rojose yirā űaama”, muare yimasigū manirucumi. ⁹ “‘Yirucuja’ ī yirore bajiro yigu űari, manire ejarēmorucumi Dios”, yimasaja mani. ĩűaami, “Jesucristore ajitirānūā” yirere manire cōagū. To bajiri ī ejarēmose suorine mani űju, Cristore ajitirānūrā űari, quēnaro gāmerā baba cutirūgūaja mani.

Corinto macana ricati rīne űna tuoīare queti

¹⁰ Yū mairā, yū gotirote bajiro yirā űboarine, gajeye mua yise quēnabeaja. Mani űju, Jesucristore yibosagu, ado bajiro muare yaja ya: Rojose mua yijama, “Juaji rojose yimenasa mani” yicōāri, sīgūre bajiro tuoīaűa. ¹¹ “To bajiro yama Corinto macana” Cloē yarā űna yisere ajicōāri, to bajiro muare yaja ya. ¹² Ado bajise yure gotiama: “Sīgūri, ‘Pablōre ajisuyarā űaja ya’, gājerāma, ‘Apolore ajisuyarā űaja ya’ yama. Gājerāma, ‘Pedrore ajisuyarā űaja ya’, gājerāma, ‘Cristore ajisuyarā űaja yaama’ yama”, yure yigotiama Cloē yarā. ¹³ űNo bajiro yirā to bajise űagōjaiati mua? “Mani űju Cristo sīgūne űaami” yirā űboarine, “Ĵājarā űaama mani űjarā” yisocarāre bajiro yīűaja mua. űYū, Pablone rojose mua yire vajare yirētobosagu, yucūtēroju rijabosayujarique ya? “Pablōre ajitirānūrā űaja ya” yirā me, oco rāca bautiza ecoyuja mua. ¹⁴⁻¹⁵ “Crispo vāme cutigu, to yicōāri, Gayo vāme cutigu, űna rīne űacama oco rāca ya bautizacana”, yituoīaja ya. To bajiri mua rācana, “Pablōre ajitirānūrā űaja ya”, yimasirā manama. Tire tuoīacōāri, “Tocārācājine űacama ya bautizacana”, Diore ĩre yivariquēnaja ya. ¹⁶ Estēfanas ya viana quēne űacama oco rāca ya bautizacana. To cōrone yiriĵaja ya. ¹⁷ “Oco rāca masare űnare bautizacudiaya” yigu me, yure cōacami Cristo. “Yū suorine Dios quēnaro masare ī yisere gotimasiocudiaya” yigūjuā, cōacami. “‘Quēnaro ī gotimasiocere, ĩre ajitirānūaja ya’ yato” yigu, me yure cōacami. To bajiro űna yijama, “‘Yucūtēroju rojose mani yise vajare yirētogū, manire rijabosayumi’ yituoīarā me űnarārāma”, yure yicami Jesucristo.

“Jesucristo manire ī rijabosare, űamasuse oca űaja”, yire queti

¹⁸ Yucūtēroju Cristo ī rijabosarere ajicōāri, “Socase űaja”, yituoīaama rojose tāmūotĵabetiriaroju varona. Dios tĵu varonajuama, ti quetire ajicōāri, “Masijeogu űaami Dios. ĩ sīgūne űagūmi rojose mani tāmūoborotire yirētobosarocu”, yituoīaama. ¹⁹ Tire bajirone gotiĵaja Dios oca masa űna ucamasire: “‘Masirā űaja ya’ yirāre masimenare bajiro űnare yirucūaja ya, yure űna masirotire yigu”, yigotiĵaja Dios oca masa űna ucamasire.

²⁰ To bajiri, “Dios ī rotimasire riojo gotimasiorā űaja ya” yirāre, to yicōāri, gājerā, “Adi macarucuro űnase jedirore masirā űaja ya” yirāre masimenare bajiro űnare yami Dios. ²¹ Masijeogu űaami Dios. To bajiri adi macarucuroana, masa űna masune űna buese, űna tuoīase suori ĩre űna masirotire bojabesumi. Ado bajiroĵua űna yisejuare bojayumi. ĩ macu ī bajirere ajitirānūrā rīrene rojose űna tāmūoborotire űnare yirētobosagu űaami Dios. To bajiri ti ocare ajicōāri, “To bajiro yimecurā yama. Socase űaja”, yama Diore masimena.

²² To bajiri, jud’io masa quēne, ti quetire űna ajitirānūsuoroto rĵoro, “Socase me űaja ya yirotire yirā, ĩaűanamani yure yīoűna”, yirā űaama. Griego masajuama, “Quēnaro űna gotiĵama, űnare ajisuyarārāja mani”, yirā űaama. ²³ To bajiro űna yituoīaboajaque, yajuama,

yucátëroju Cristo manire i rijabosarere gotimasiorügüaja. Jud'io masa ina ajitese, griego masa, "Yimecürä yama" yuare ina yisere yirügüaja yua. ²⁴ To bajiboarine, Cristo i bajirere yua gotimasiosere ajicöari, jud'io masa, griego masare quëne, "Yu macure ajitirünüña" Dios i yirere ina cadijama, i masisere inare cöaami. To i yijare, "Masijeogu ñaami Dios", yirügüama. ²⁵ Gäjeräyua, Diore masimena ñari, "Yimecürä yama Cristore ajitirünürä", yitöiäboama. To bajiro ina yiboajaquëne, "Masijeogu ñaami Dios. Ire bajiro yimasigü magümi", yimasijaja mani, i ocare ajitirünüräma. ²⁶ Yu mairä, Dios müare i besere tuoiaña müa. Jäjarä me ñacaju müa, ñamasurä, masare rotirimasa, to yicöari, "Masirä ñaama" Diore masimena ina yüiarä. ²⁷ To bajiro müa ñarotire bojayumi Dios. "Tuoiamasimena ñaama" masa ina yirä, to yicöari ina rücuöuomena ñaruaräma yu macure ajitirünürä", yiyumi Dios. To bajiro i yijama, "Masirä ñaama" Diore masimena ina yirücuöuoräre, 'Masirä me ñañuma' yato" yigu, yiyumi. ²⁸ "Ñamasurä me ñaama" to yicöari, 'No yimasimenama' masa ina yiräyua, yu macure ajitirünüräräma", yiyumi Dios. "Ñamasurä ñaama" masa ina yüiarä, ñamasurä me ñato" yigu, to bajiro yiyumi. ²⁹ To bajiro yigu i ñajare, i ñaro rïjoro, "Masa ina rücuöuogu, ñamasugü ñari, mü macu i bajirere ajicöari, 'Riojo gotiaja' yicaju yu", ire yirocu magämi. ³⁰ To bajiri Dios suorine Jesucristo i bajirere ajicöari, i yarä ñaja müa. To bajiri, Dios ocare ñamasusere masirä ñaja müa. Rojose müa yisere i masiriojama, Cristo i rijabosare suorine, "Rojose mana ñaama" Dios i yüiävariquënarä ñaja müa. ³¹ Dios macu suorine to bajiro müa bajise ñajare, ado bajiro gotiaja Dios ocare masa ina ucamasire: "Ñamasurä ñaja yua" yitöiämenane, 'Manire quënarö yiyumi Cristo. Iña ñaami ñamasugü' yivariquënaroti ñaja", yigotiaja Dios ocare masa ina ucamasire.

2

"Masigü ñaja yu" masa ina ñaro rïjorojua, yibecüne, Cristo i bajirere Pablo i gotimasiore queti

¹ Dios oca masa ina masibetirere müare yu gotimasiocaire tuoiaña müa, yu mairä. "Masigü ñaami" yure yüiato ina" yigu me, müare goticaju yu. ² "Yucátëroju Jesucristo i rijabosare rïne inare gotirücuja" yitöiägü ñari, to bajiro müare goticaju. ³ Müa tu ejaçu, gotimasibetirocure bajiro müare bojonecaju yu. To bajiro bajigu ñari, nanacaju yu. ⁴ Cristo i bajirere müare yu gotigüadjama, "Masirä ñaja yua" yirä ina yirore bajiro me müare goticaju yu. "Pablo quënarö i gotijare, Cristore ajitirünüaja yua" yato" yigu me, müare goticaju. Müare yu gotimasioro, Esp'iritu Santo i masise räca i ejarëmojare, "Riojo gotiami Pablo", yure yiajitiñacaju müa. ⁵ To bajiri, masa ina masise räca me ajimasicöari, Cristore ajitirünüacaju müa. Dios i masise müare i cöajare, Jesucristore ajitirünüacaju müa.

"Esp'iritu Santo i ejarëmose räca Diore masire ñaja", Pablo i yire queti

⁶ Jesucristo ocare quënarö ajitirünürä ina ñajama, yua gotimasiorotire Dios i cöajare, josabusase inare gotimasiorügüaja yua. Yua gotimasiose, adigodoana, masirä, to yicöari, üjarä ina masise me ñaja. Ina masiboase räcane ina rijato, yayicoarüaroja tijüama. ⁷ Yua gotimasiosejüama, Dios ye, i masise, i cöase ñaja. Ti oca, masa ina masibeticati ti ñaböajaquëne, adi macarüaro i rujeoroto rïjorojune, "Masare quënarö yirücuja" i yimasire ñaja. ⁸ Adigodoana üjarä tire ajimasirä manicama. Tire ina ajimasijama, mani üju Cristo quënamasugäre, "Yucátëroju ire jajutu siäcöaña", yibetiboriaräma ina. ⁹ To bajirone gotiaja Dios ocare masa ina ucamasire:

"Dios, ire mairäre, 'Quënas inare üjorücuja' yi goti rïjoro yiyumi. Masa ina äbetirügüre, ina äjüäbetirügüre, to yicöari ina tuoäbüjabetirügüre quëne ñaja", yigotiaja Dios oca masa ina ucamasire.

¹⁰ Yucürema, mani masibetirügürere Esp'iritu Santo i ejarëmose suorine Dios i üjosere masiaja mani. Ñajediro masiami Esp'iritu Santo. Dios i tuoäasere quëne masigü ñaami.

¹¹ Gäjerä ina tuoäasere, "To bajiro tuoäama", yimasüña maja. Mani masu mani tuoäase rïne masire ñaja. To bajirone bajiaja, Dios i tuoäase quëne. Mani masibetiboajaquëne, Esp'iritu Santo sigüne masiami, Dios i tuoäasere. ¹² To bajiboarine, adigodoana Diore masimena ina tuoäase üni mere manire cöañumi Dios. Esp'iritu Santoyuare manire cöañumi, manire i üjosere quënarö mani ajimasiorotire yigu. ¹³ To bajiri yua gotimasiojama, gäjerä yuare ina gotimasiore mere gotimasiorügüaja. Esp'iritu Santo yuare i ejarëmojare, quënarö gotimasiorügüaja yua.

¹⁴ Esp'iritu Santore cuomena, i ejarëmose räca yua gotimasiosere ajicöarä ñaboarine, ajimasimena ñari, "Tuoiamasimena ye ñaja", yicöama. To bajiro ina yiboajaquëne, Esp'iritu Santo suorine Dios yere quënarö ajimasire ñaja. Esp'iritu Santore cuomena, i ocare ajimasimenama. ¹⁵ Esp'iritu Santore cuoräyüama, masa ina yise jedirore äcöari, "Quënarö yama. Rojose yirä yama", yimasijama. To bajiro yirä ina ñajare, Esp'iritu Santore cuomenajüama, ina yisere äcöari, "Socarä yama", inare yimasibeama. ¹⁶ Dios oca masa ina ucamasire

ado bajiro ti gotijare, “Esp'iritu Santore cuorā ĩna yisere ĩacōari, ‘Socarā yama’ ĩnare yimasibeama Esp'iritu Santore cuomena”, muare yaja yu: “Mani ũju, ĩ tuoĭasere masigũ magũmi. ĩre gotimasiogũ magũmi”, yigotĭaja Dios oca masa ĩna ucamasire. To bajiro ti gotiboajaquẽne, Esp'iritu Santo suorine Cristo ĩ tuoĭarore bajiro tuoĭarā ĩaja mani.

3

“Dios ĩ bojasere yirā ĩaja yua”, Pablo ĩyire queti

¹ Maa taju ĩacudigu, Esp'iritu Santo ĩ bojarore bajiro yirāre yu gotimasicatore bajiro muare gotimasibeticaju yu. Cristore ajitirānuosuorā maa ĩajare, Diore tuoĭabeticōari ĩna masune ĩna bojarore bajiro yirāre yu gotimasicatore bajiro muare gotimasicaju yu. ²⁻³ Cristo ĩ gotimasiorene, josari me busane ajimasirere muare gotimasiorũgũcaju. “Yu gotimasiososere ajimasibeticōa ĩnaama” yigu, josasere muare gotimasibeticaju. Yucu quẽne to bajirone bajicōa ĩnarāja maa maji. Beroaye muare gotimasioroti ti ĩaboajaquẽne, muare yu gotimasioacatirene tudigoticōaroti ĩaroja. Maa masune maa bojarore bajiro maa yicōa ĩajare, to bajiro yaja yu. Gājerā ĩna bajisere ĩacōari, “Yua rētoro quẽnaro ĩnaama” yĭajũnisi, ĩagōjai, bajiĩarāja maa. To bajiro maa bajiĩajama, Esp'iritu Santore cuomenare bajiro maa masune maa bojarore bajiro yicōa ĩarāja. ⁴ Ado bajiro yirā maa ĩajare, to bajiro yaja yu: “Sigũri, ‘Pablore ajisuyarā ĩaja yua’, gājerājuama, ‘Apolore ajisuyarā ĩaja yuama’ yirũgũama” ĩna yisere ajĭaja yu.

⁵ Apolos, ĩamasugũ me ĩnaami. Yu quẽne, ĩamasugũ me ĩaja. Diojua ĩnaami ĩamasugũma. ĩre moabosarimasa ĩaja yua. Tocārācune, mani ũju, yuare ĩ moaroticōariore bajirone moaja yua. Yua gotimasiore suorine Cristore ajitirānuosoyuja maa. ⁶ Yu, muare Cristo ocare gotimasiosocaju. Yu gotimasioro bero, butobusa muare gotimasiorẽmoũmi Apolos. To bajiro yua yisere ejarẽmoami, Dios “Butobusa Cristore ajitirānuato” yigu. ⁷ To bajiri Cristo ĩ bajirere gotimasiosuorā, ĩna bero tire gotirẽmorā quẽne, ĩamasurā me ĩaja yua. Diojua, ĩnaami ĩamasugũma, “Yu macure ajitirānuocōari, butobusa ajitirānuarũtujaro ĩna” yiguma. ⁸⁻⁹ Gotimasiosuorā, gotimasiorẽmorā, cojoro cōro ĩacōaja yua, Diore moabosarā. Tocārācure ĩre ĩna moabosase vaja, vaja yirucumi Dios. Maa ĩaja Dios ĩ ĩatirānuarā, yuare ĩ moaroticōariore bajiro bajirā. To bajicōari, Dios ĩ quẽnorivire bajiro bajĭaja maa. ¹⁰ Yujua, ti vire busuogure bajiro bajigu ĩaja. Dios, yure ĩ yirẽmojare, ĩ oca ĩamasusere quẽnaro muare gotimasiosocaju yu. Yu gotimasioro bero gotimasiorā, yure buarẽmorāre bajiro yirā ĩnaama. To bajiri, quẽnaro riojo Dios ocare ĩnare gotimasioroti ĩaja. ¹¹ Ado bajise muare gotimasicocaju yu: “Jesucristo manire ĩ rijabosare ĩajare, rojose mana, Dios ĩ lavariquẽnarā ĩaja mani”, yigoticaju yu. Ti oca ĩaja ĩamasuse. Gājerā ricati ĩna gotimasiojama, Dios ye mere gotimasiorā yirāma. ¹²⁻¹³ Sigũri, Dios ocare ĩna gotimasiojama, quẽnaro riojo gotirāma. Gājerāma, quẽnaro riojo gotimasioimenama. Tocārācurene gotimasiorimasare, “Quẽnaro gotiyuma. Quẽnaro gotimasibesuma”, yimasiruarāja mani, masa jedirore Dios ĩ ĩabeserĩmaju. To bajiri, ĩna gotimasiorere, “Quẽnase ĩaja” yimasiru, jeameju tire soeĭagũre bajiro yirucumi Cristo. ĩna gotimasiore quẽnase ti ĩajama, uabetoja. Quẽnabeti ti ĩajama, uajedicoaruaroja. ¹⁴ Quẽnase ĩari, ti uabetijama, vaja yirucumi Cristo. ¹⁵ Rojose ĩari, ti uajedicoajama, rojose tãmuoruarāma quẽnaro yibetirarā. Rojose tãmuoroti ti ĩaboajaquẽne, rojose tãmuotujabetiriaroju ĩnare cōabetirucumi Cristo, ĩre ajitirānuarā ĩna ĩajare. Vĩ ti uaro rudi budirāre bajiro bajiruarāma.

¹⁶ “Esp'iritu Santore cuorā ĩaja mani”, yimasibeaticue maa? ¹⁷ Dios yarā ĩaja maa. To bajiro bajirā maa ĩajare, gājerā rojose muare ĩna ũmato yĭjama, ũmato yirājuare buto rojose ĩnare yirucumi Dios.

¹⁸ Maa masune socabesa. Adigodoaye rĩne tuoĭarā, “Masirā ĩaja yua” ĩna yituoĭarore bajiro maa yĭjama, maa masune socarā yirāja. “ĩamasurā me, masirā me ĩaja”, yituoĭaroti ĩaja muare. To bajiro maa yĭjama, ĩamasurā ĩnaruarāja maa. ¹⁹ Dios ĩ ĩajama, ĩre ajitirānumena ĩna tuoĭase, tuoĭamasimena ye ĩaja. Dios ocare masa ĩna ucamasire ado bajiro ti gotijare, to bajiro bajĭaja: “‘Dios oca socase ĩaja’ yituoĭarā ĩari, ‘Yua masise rāca ado bajiro yiruarāja’ yituoĭaboarāre matarũgũgũmi Dios, ‘Masimena ĩaboarine, to bajiro tuoĭaĭuja mani’ yimasiatu” yigu. ²⁰ Quẽna gajeju ado bajiro gotĭaja Dios ocare masa ĩna ucamasire: “Yure ajitirānumena, ‘‘Masirā ĩaja yua’ ĩna yituoĭaboase, vaja maja’ yimasigũmi Dios”, yigotĭaja Dios ocare masa ĩna ucamasire. ²¹⁻²² To bajiri, “Muare gotimasiorimasu rētoro yimasigũ ĩnaami yuare gotigu”, maa rācanare yivariquẽnabesa. No yirā to bajise yimenaja. Yu, Pablo, Apolos, to yicōari, Pedro, yua jediro, muare moabosarimasare bajiro muare ejarẽmorā, muare gotimasioaja yua. Adigodoaye jediro muare cũbosayumi Dios. Tire masicōari, ĩ ocare ajitirānuarā quẽnaro ĩaja maa. To bajiri, maa rijato bero quẽne, Dios taju quẽnaro ĩarũgũuarāja. ²³ Dios macu yarā maa ĩajare, jediro maa ye rĩne ĩacōaja.

4

Jesucristo ocare gotimasiorimasa ña bajire queti

¹ Muare gotimasiorimasare: “Cristore moabosarimasa ñaama”, yuare yiya mua. Ì oca masa ña masibeticatire yuare gotimasioroticōacami Dios. ² Moabosarimasa mani ñacōa ñaruajama, ña rotirore bajirone cūdirügüroti ñaja. Ña bojarore bajiro ña yijama, ñare rotigüja, quēnaro ñare ñavariquēnagūmi. ³ Yujuarema, “Cristo ñ bojarore bajiro quēnaro moagü ñaami Pablo” mua yijama, mua yibetijaquēne, no yibeaja yuarema. Masa yjarā quēne, “Cristo ñ bojarore bajiro quēnaro moagü ñaami Pablo” ña yijama, ña yibetijaquēne, no yibeaja. Yu masune, “¿Cristo ñ bojarore bajiro quēnaro moati yu, moamasibeatique yu?”, yituoñabeaja yu. ⁴ No yigu to bajise tuoñabecuja. Cristore quēnaro moabosadicaju. To bajiro yu yiboajaquēne, “Cristo ñ bojarore bajiro quēnaro moacami Pablo” yire ñni me ñaja ti. Mani yju Cristo ñaami, “Yu bojarore bajiro quēnaro moacami. Quēnaro moabeticami” yimasirocuma. ⁵ To bajiro yirocu ñajare, Cristo ñ tudiejaroto rjoro, “Ñni quēnaro moaami. Ìjua, quēnaro moabeami”, yuare yibetiroti ñaja muare. Masa ña ajibeto, mani yisere, mani tuoñasere quēne, ñ tudiejarirāmü, “Ajjedicōato masa” yigu, manire gotirotirucami. To cōrone mani yirere ñabesejeomasiruarāja mani. Quēnaro yiriaräre, “Quēnaro yicaju mua”, ñare yirucami Dios.

⁶ “Dios oca muare gotimasiorimasare ado bajiro tuoñaroti ñaja’ yimasianto ña” yigu, Apolos ñ bajisere, to yicōari, yu bajisere muare gotibü yu. “Yu bajisere tuoñacōari, Dios ocare masa ña ucamasire ti gotirore bajiro tuoñato ña quēne” yigu, to bajiro muare yibü yu, ado bajiro tuoñarā mua ñajare: “Yuare gotimasioğüja, muare gotimasioğü rētoro masigü ñaami”, yaja mua. To bajiro yibetiroti ñaja. ⁷ “Yuare gotimasioğüja, muare gotimasioğü rētoro masigü ñaami” mua yijama, “Gājerā rētoro masirā ñari, butobusa masigüre besemasiaja yu” yirā yirāja. “To bajiro yirā ñato” yigu me mua masirotire yjuoyumi Dios. Jediro mua masise Dios ñ ujore ñaja. To bajiri, Dios ñ ujore ti ñaboajaquēne, çmua masune tuoñacōari, “Masirā ñaja yu” yiräre bajiro yati mua? Tire yibeticōaña.

⁸ Ujaräre bajiro tuoñarügüja mua. To bajiro tuoñarā ñari, “Ña gotimasiosere bojabeaja. Masimena ñaama”, yuare yijaja mua. Dios yere quēnaro masirā mua ñajama, yu quēne, mua masisere ajitirānuborāja. ⁹ To bajiri, “Dios yarā ñ ñamaimena ñ cūriaräre bajiro bajiaja”, yituoñaja yu. “Vaja mana ñaja mua. Mua sñ ecosere ñaruarāja” masa ña yiräre bajiro bajiaja yu. “Adi macarucuroana, ò vecana ángel mesa quēne, Cristore ajitirānurā rojose ña tāmüosere ña ñaruajama, ñare ñato’ yigu, yuare cūñumi Dios”, yituoñaja yu. ¹⁰ Cristo ñ bojasere yirā yu ñajare, “Tuoñamasimena ñaama”, yuare yama masa. To bajiro yuare yiboarine, muajuarema, masiräre bajiro muare ñama. “Dios ñ ejarēmobetijama, ñ ocare quēnaro gotimasimenaja mani”, yituoñarā ñaja yu. To bajiro yirā yu ñaboajaquēne, “Dios oca quēnaro masiaja yu”, yirügüja mua. Gājerā ña rucuborā mua ñaboajaquēne, yuarema rucubobetirügüama masa. ¹¹ Tirāmüju yu bajicatore bajirone bajicōa ñarügüja yu, adiroridire quēne: Buto ñiorija, oco idiruaboa, sudi mani, masa quēne rojose yuare yirügüama. Yu ñarotivi quēne, maja yuare. ¹² Dios ocare gotirā ñaboarine, yu masune buto josari moarügüja yu, yu ñase vaja, yu base vaja, vaja yiruarā. Gājerā yuare ña ajatud’iboajaquēne, “Quēnaro muare yato Dios”, ñare yicudirügüja yu. Rojose yuare ña yiboajaquēne, ñare gāmebetirügüja. ¹³ Yuare ña tud’iboajaquēne, quēnasejuare tuoñacōari, ñare gotirügüja yu. Tirāmüju yuare ña ñatecatore bajirone ñatecōa ñarügüama.

¹⁴ “Yu ucacōasere ñacōari, ajiboñeato” yigu me, adi quetire muare ucacōaja yu. Yu mañrā, yu ñare gotimasioğüre bajiro muare gotiaja yu, “Quēnaro riojo masiato ña” yigu. ¹⁵ Cristo ñ bajirere muare gotimasiorā, diez mil ñarā ña ñaboajaquēne, yu sigüne ñaja, muare gotimasiosuocacu. Yu gotimasiosere ajicōari Jesucristore ajitirānusuocaju mua. To bajiri mua jacure bajiro bajiaja yuma. ¹⁶ To bajiro yu bajijare, yu yirügücatore bajiro mua yijama, quēnaroja.

¹⁷ To bajiro mua bajirotire bojagu ñari, Timoteore, muare ejarēmorcure, muare cōaja yu. “Cristore ajitirānugü ñari, ado bajiro bajirügüami Pablo”, muare yigotirucami, Jesucristore ajitirānurā jedirore yu gotimasioatire. Yu macu, yu maigüre bajiro bajigu mani yju ñ bojasere yigu ñaami Timoteo. ¹⁸ “Juaji ejabecami Pablo” yituoñarā ñari, sigüari mua rāca “Ñamasurā ñaja yu”, gāmerā yivariquēnarāja mua. ¹⁹ “Yu varotire Dios ñ bojajama, yoaro mene muare ñagu varucuja”, yituoñaja yu. Mua tu ejacōari, to bajiro gāmerā mua yñasere masirucuja yu. Dios ñ ejarēmose rāca mua yijama, mua rāca butobusa Cristore mua ajitirānüsere quēne ñamasirucuja. ²⁰ Ado bajise ti bajijare, to bajiro yaja yu: Dios yarā me ñaama socarāne, “Diore ajirā ñaja yu” yigotiboarine, ñ bojarore bajiro yimena. Ì yarā ñaama ñ ejarēmose rāca ñ bojarore bajiro yirā. ²¹ To bajiri mua tu ejacōari, çno bajiro muare yu

yirotire bojati? Rojose mua yisere mua yitujabetijama, tutuaro muare gotiracuja yu. Tire mua yitujajama, muare yu maisere quēnaro muare gotiracuja yu.

5

Ī jacu manajore ajerio cutigure Pablo ī burocarotire queti

¹ Gaje vāme muare gotiracuja yu. Sigū mua rācagu ī jacu manajore ī ajerio cutisere ajibu yu. To bajiro ī yijama, buto rojose yigu yiyumi. Gājerājuama, Diore ajimena űaboarine, ti űnire yimenama ĩna. ² To bajiro yirā űaboarine, “Dios oca masirā űaja yua”, yivariquēnarāja mua. Mua rācagu rojose ī yisere ĩsutiriticōari, ĩre burocaroti űaboayuja ti. ³⁻⁴ Mua rāca űabetiboarine, mua rāca űagāre bajiro tuoĳaja yu. Mani űju Jesucristo ī ejarēmose rāca, “Ado bajiro ĩre yiroti űaja”, yimasiaja yu, ĩ jacu manajore ajerio cutigure. To bajiro mua rējaroju, mua rāca űabetiboarine, yu tuoĳasejuma mua rāca űaracuja yu. To bajicōari, mani űju Jesucristo quēne, mua rāca űaracumi, muare ejarēmogū. ⁵ Ī jacu manajore ajerio cutigure, “Satanās ī bojarore bajiro rojose ĩre yato” yirā, ĩre burocaya. “Rojose tāmogū űari, ĩ jacu manajore ajerio cutibeticōari, Dios ī bojarore bajirojua yato” yirā, to bajiro ĩre yiruarāja mua. Tire ī yitujajama, mani űju Cristo, masare ī ĩbeserirūmu ti ejaro, rojose yirī ī űaboajaquēne, rojose tāmoutujabetiraroju ī vaborotire ĩre yirētobosaracumi.

⁶ Mua rācagu rojose ī yīűaboajaquēne, “Dios oca masirā űaja yua” mua yivariquēnase quēnabeaja. Tire bajiro bajiaja pan űmato vauvase. Mojoroaca vuore ti űaboajaquēne, vauvajediaja ti. Tire bajirone bajiaja rojose mani yise. Mani rācagu, rojose ī yicōa űajama, ĩ yisere ĩacōari, mani jediro rojose yijedicoanaja. ⁷ Jud’io masa, Pascua boserūmuri quēnorā, pan űmato vauvasere ĩna reajeorore bajiro rojose mua yisere reajeocōaĳa mua. “Jediro rojose mua yise yitujacōaĳa” yigu yaja yu. “Rojose mana űato mani” yirā, to bajiro yiya mua. Oveja macure bajiro masare Jesucristo ī rijabosare suorine rojose mani yise vaja manire ī vaja yueobosare űajare, to bajiro yiroti űaja. ⁸ “Rojose mani tāmuborotire manire yirētobosayumi” yirā, “Yiruarāja” mua yituoĳarore bajirone quēnase rīne yiroti űaja.

⁹ Tirūmju papera muare cōagū, ado bajiro gotiboacaju yu: “Gāmerā ajeriarā cutirā rāca űabesa”, muare yuicaboacaju yu. ¹⁰ To bajiro yu yijama, “Cristore ajitirūnmena rāca űabesa” yigu me yicaju yu. Adigodojare jjarā űarāma: Manajo mana, manaju mana, manajo cutirā, manajo cutirā quēne, gājerā rāca ajeriarā cutirā űarāma. To yicōari, jairo gajeyeūni cuorā űaboarine, jaibusaro bojarēmorā űarāma. Juarudirimasa űarāma. “Ado bajirā űarāma” ĩna masune yiquēnorujeocōari, rūcuborā quēne űarāma. Cristore ajitirūnmenajua jjarā ĩna űajare, ĩnare tuoĳacōari, “Rudiya” muare yu yiboajama, no bajiro yicōari, rudimasimenaja mua. Rijana rīne űarāma rudirāre bajiro bajirāma. ¹¹ Muare yu ucacōacatire, “Quēnaro ajimasiato” yigu, ado bajise muare papera ucacōaja yu quēna: “Ado bajiro bajirāma” yituoĳagū, “Īna rāca űabesa”, muare yuicacōacaju: “Cristore ajitirūnurā űaja yua” yiboarine, gāmerā ajeriarā cutirā űarāma. To yicōari, jairo gajeyeūni cuorā űaboarine, quēna gajeye bojarēmorā űarāma. Socarāne gājerāre, “Rojose yima”, yigotirimasa űarāma. “Ado bajirā űarāma” ĩna masune yiquēnorujeocōari, rūcuborā űarāma. Idimecurā, to yicōari, juarudirimasa quēne űarāma. “Īna űna rāca űabesa” yu yucajama, ĩna rāca mua babetirotire quēne tuoĳagū yaja. ¹²⁻¹³ Cristore ajitirūnmena ĩna yisere ĩacōari, “Adi quēnase űaja; tju rojose űaja”, yibeseroti me űaja manire. Dios sigūne űaami to bajise yirocuma. Cristore ajitirūnurā űaboarine, rojose ĩna yisere ĩacōari, “Tire yitujacōato” yirā, rojose ĩnare yiroti űaja. To bajiri Dios ocare masa ĩna ucamasire ti gotirore bajiro yiya mua. Ado bajiro gotiaja: “Mua rācagu rojose yigure ‘Yua rāca űabesa’ ĩre yicōaĳa”, yigotiaja Dios oca.

6

“Cristore ajitirūnurā rīne, rojose gāmerā mua yijama, ĩre ajitirūnmena tju vamene, mua masune oca quēnoroti űaja”, yire queti

¹ Gajeye quēnabeti mua yisere muare gotiracuja yu. Cristore ajitirūnurā rīne rojose mua gāmerā yijama, űno yirā oca quēnorarā, Cristore ajitirūnmena tju vacōari, oca quēnorotirūgūati mua? űNo yirā Cristore ajitirūnurā rīne rējacōari, ĩnare oca quēnorotibeatu mua? “To bajiro bajiaja”, űyibojonebeatu mua, Cristore ajitirūnmena tju varuarā? ² “Dios yarā űari, Cristore ajitirūnmena rojose ĩna yisere ĩbeserona űaja mani” yimasirā űaboarine, űno yirā ĩnamasuse mere mua rojose gāmerā yisere oca quēnomasibeatu mua? Mua masune oca quēnomasicōarāja. ³ Ángel mesa, vātia, ĩna yisere quēne ĩbeserona űari, adigodo mua yīűasere roque rētoro ĩbesemasirāja mua. ⁴ ĩna yisere ĩbeserona űaboarine, rojose gāmerā mua yisere, Cristore masimenare oca quēnorotirā varūgūaja mua. ⁵ “űTo bajiro yirūgūujari mani?” mua yimasirotire yigu, to bajiro muare gotiaja yu. Tire masicōari, Cristore ajitirūnmenare oca quēnorotibetiruarāja mua yuja. “Masirā űaja yua” yirā űaboarine, Cristore ajitirūnmena tju

mua oca quēnorotirā vajama, “Rojose mani gāmerā yisere mani rācagu oca quēnorimasu magūmi” yirāre bajiro yaja mua. ⁶ To bajiri ado bajiro bajiaja mua: Cojo masare bajiro bajirā űaboarine, rojose gāmerā yaja mua. To bajiro mua yise quēnabeti űaja. To yicōari, mua masune oca quēnomenane, Cristore ajitirānūmenajuare mua oca quēnorotirā vase űaja rētoabusaro quēnabeti.

⁷ Mua masune rojose mua gāmerā yijare, quēnabeaja. Gājerā taju űnare oca quēnorotirā vamenane, ado bajirojua mua yijama, quēnaboroja: Gāji rojose muare ī yisere gāmemenane, “Yūare yitocōari, yua ye űaboasere mu ēmase tone bajicōato. Mure masirioaja yua” ĩre mua yijama, gājerā taju mua vase rētoro quēnaroja. ⁸ To bajiro űmato bajiroti űnirene, ĩmuajuane űaja rojose yisnorāma! ĩMuanē űaja gājerā Cristore ajitirānūrāre, mua mairona űaboarē yitocōari, ĩna yere ēmarā!

⁹ To bajiro rojose mua yisere, “Rojose me űaja” mua yituoīase socase űaja. To bajiri, to cōrone mua yirūgūsere yitujacōaıa. “Rojose yirāma, Dios taju ejarona me űaama”, yimasiaja mua. Rojose yirāma, ado bajiro yirā űarāma: Manajo cutirā, manaju cutirā, manajo mana, manaju mana quēne, gājerā rāca ajeriarā cutirā űarāma. “Ado bajirā űarāma” yiquēnorujeocōari, rūcūbuorā űarāma. ¹⁰ Juarudirimasa űarāma. Jairo gajeyeūni suorā űaboarine, quēna gajeye bojarēmōrā űarāma. Idimecurā űarāma. Socarāne, “Ado bajise rojose yima”, yigotirimasa űarāma. Gājerāre yitocōari, ĩna cuoboasere ēmarā űarāma. “ĩna űnama, Dios taju ejarona me űaama”, yimasirāja mua. ¹¹ Mua quēne ĩnare bajiro bajiyuja mua maji. Yucurema Jesucristo, to yicōari Esp'iritu Santo suorine “Rojose mana űaama yu yarā” Dios ī yīarā űaja mua.

“Dios ī bojarore bajiro yiroti űaja”, yire queti

¹² Ado bajiro yisere ajirūgūaja mua: “Mani bojarore bajiro yimasiaja”, yigotiaja. To bajiro yigotiboajaquēne, mani tuoīarore bajiro mani yijama, quēnabetoja. “Butobusa Dios ī bojarore bajiro yirā űato mani” yirā, yibetiroti űaja manire. “Tire mani yisejacōajama, ti rione manire yirūamacōroja” yirā űari, yibeticōato mani. ¹³ Gājerāma, ĩna ruju ti bojarore bajiro yiruarūgūrā űari, ado bajiro yirūgūama: “Mani gudajoaju mani basāroti űaja bare. To bajicōari, gudajoajua quēne bare basārotioja űaja”, yirūgūama. To bajiro ĩna yise, socase me űaja, bajirojuma. To bajiboarine, mani base, mani gudajoa quēne űamasuse me űaja. Cojorāma tire reajeocōarucumi Dios. To bajiri, “Mani ruju quēne rōmia rāca ajeriarā cutiatio” yiro me bajiaja. Cristo ī bojasejuaire yirotiruju űaja. To bajiri, Cristojua quēne, “Yu bojasere yirā űaama” yigu, manire ejarēmogūmi. ¹⁴ Mani ruju ti bajiyayiboajaquēne, mani űju Cristore ī catoriarore bajirone manire quēne ī masise rāca catorarucumi Dios.

¹⁵ Cristo yarā űari, ĩre moabosarimasa űaja mani. To bajiro bajirā űaboarine, űrōmia, űmuare ajeriarā cuticōari, vaja sēnirā rōmiri rāca űarāti mua? ĩűabetiruarāja! ¹⁶ “ĩna rōmiri rāca mani ajeriarā cutijama, ĩnare ajeriarā cutirā űari, cojo ruıne, ruju cutirāre bajiro bajirā űarāja mani”, yimasirāja mua, Dios ocare masa ĩna ucamasire ado bajiro ti gotijare: “Manajo cutijama, juarā űaboarine, sīgū ruıre bajiro űaama, Dios ĩajama”, yigotiaja Dios ocare masa ĩna ucamasire. ¹⁷ Manajo cutirere ti gotirore bajirone mani quēne, Cristore ajitirānūrā űari, Cristo rāca cojo usune, usu cutirāre bajiro bajiaja mani, Dios ī ĩajama.

¹⁸ To bajiri Cristo yarā űari, rōmia rāca ajeriarā cutirūaboarine, yibeticōaıa mua. Gajeye rojose mua yisema, quēnacōaroja. To bajiboarine, rōmia rāca mua ajeriarā cutisejua űaja quēnabeti masu. ¹⁹ Esp'iritu Santore mani usurijure manire cōaıumi Dios. To bajiri mani usuriju ī űajare, “Esp'iritu Santo ī űarivire bajiro bajiaja”, yimasirāja mua. To bajiri mani ruju, mani masu ruju me űaja. Dios ye űaja. ²⁰ “Yu yarā űato” yigu, Satanās yarā űaboarē ī macu ī rijare suorine, “Yu yarā űaama”, manire yiyumi Dios. To bajiri rōmia rāca ajeriarā cutimenane, Dios ī bojarore bajiro rīne yiruarāja. To bajiro mani yijama, Diore rūcūbuorā yiruarāja mani.

7

ĩna manajo cutitirore ĩna sēniīacōarere Pablo ī cudire queti

¹ Papera rāca yure mua sēniīacōarere muare cudiaja yu. “Sīgū manajo magū ī űnacōajama, űquēnati?”, yure mua yisēniīacōarere, “Quēnaja”, yaja yu, tire. ² To bajiboarine, “Manajo mana, rōmia rāca ajeriarā cutire ĩna bojajama, manajo cutiroti űaja”, yaja yu. Rōmia quēne, ĩna manaju cutijama, quēnaja. ³ Manajo cuticōari, ī yiruarō cōro so cudijama, quēnaja. ĩına quēne, ĩ manajo so yiruarō cōro ī cudijama, quēnaja. ⁴ Manaju cuticōari, “Yu bojarore bajiro ĩre yirūcoja yu”, yibetirūocomo. So manaju ī yirore bajiro cudirūocomo. űmu quēne, manajo cuticōari, “Yu bojarore bajiro sore yirūcujā yu”, yibetirūcumi. ĩ manajo so yirore bajiro cudirūcumi. ⁵ To bajiri, ĩna manajo rāca ĩna yijama, “Yibesa”, yibeticōato ĩna manajoajua. ĩna manajoajua quēne, ĩna yiruarajama, “Yibesa”, yibeticōato ĩna manajua. To

bajiboarine, “Diore rúcabuorã, yibeticõato mani maji” Ìna juarãjune Ìna yituoìajama, quènjaja. Diore rúcabuo gajanocõari, Ìna yirügüiarore bajiro Ìna yijama, quènjaja. To bajiro Ìna yijama, “Gãjerã rãca ajeriarã cutiya”, yimasibetiracumi vãtia uju, Satanãs.

⁶ Adi jediro muare yu gotise, muare rotigü me yaja yu. “Yu gotirote bajirone mua yijama, quènjaja” yigu, tire muare gotiaja yu. ⁷ “Yure bajiro manajo mana mua ñajama, quènaboroja”, yituoìaja yuma. To bajiboarine sigüre bajiro bajirã me ñaja mani. Tocãrãcure ricati Dios Ì masisere manire ujoyumi.

⁸ Manajo manare, manaju manare, manaju rijaveoriarãre quène ado bajiro muare gotiaja yu: Yure bajiro manajo mana, römia quène manaju mana mua ñacõajama, quènjaja. ⁹ To bajiboarine, manajo magü Ì ajerio cutirãajama, manajo cutiatio. To bajirone yato römia quène. Ajeriarã cutire buto Ìna tuoìajama, manaju cutiatio.

¹⁰ Manaju cutirãre, ado bajiro muare gotiaja yu: Mua manajuare reare maja. Ti ñaja mani uju Ì rotire. Yu masu tuoìacõari, yigu me yaja. ¹¹ So manajure so rocajama, gãji manaju cutire manirãaroja. So manaju ñar'i rãca so oca quènojama, quènjaja. To bajirone bajiaja ùmure quène. Ì manajo cutijama, rocare maja.

¹² Mani uju yure Ì rotire me, yu masune tuoìacõari, ado bajise muare gotiaja, Cristore ajitirãnubeco rãca manajo cutirãre: Mu manajo Cristore ajitirãnubeco ñaboarine, mu rãca so ñacõa ñaruajama, sore rocabetiroti ñaja. ¹³ To bajirone gotiaja manaju cutirãre quène. Mua manajua Cristore ajitirãnumena ñaboarine, mua rãca Ìna ñacõa ñaruajama, Ìnare reabetiroti ñaja. ¹⁴ Ado bajiro ti bajijare, tire gotiaja yu: Mua manajua, Cristore ajitirãnumena ñaboarine, mua römiajua Cristore ajitirãnurã mua ñajare, Ì yarãre Ì Ìamaiore bajiro Ìnare Ìamaiani Dios. To bajirone bajiaja Cristore ajitirãnumena römire quène. Cristore ajitirãnumena Ìna ñaboajaquène, muare Ìna manajua cutijare, Ì yarãre Ì Ìamaiore bajiro Ìnare Ìamaiani. To bajiro ti bajibetijama, mua rãre, Cristore ajitirãnumenare bajiro Ìnare Ì laborotire Ì yarãre Ì Ìamaiore bajiro mua rãre quène Ìnare Ìamaiani. ¹⁵ Cristore ajitirãnugü manajo Cristore ajitirãnubeco ñari, Ìre so rocarãajama, rocacõato. To bajirone bajiatio römiojare quène. Cristore ajitirãnubeco ñari, Ì manajore Ì rocarãajama, rocacõato. To bajiro Ìna yijama, quènacõaroja. Quènarõ mani ñase bojaami Dios. ¹⁶ Ado bajiro ti bajijare, to bajise muare gotibü yu: “Cristore ajitirãnugü Ì ñajare, yu manaju yu rãca Ì ñacõa ñajama, Cristore ajitirãnucõaracumi Ì quène”, yimasimenaja mua. Ìma quène, “Cristore ajitirãnurã yua ñajare, yua manajoa yua rãca Ìna ñacõa ñajama, Cristore ajitirãnucõarãma Ìna quène”, yimasimenaja mua, Ìna bajirotire masimena ñari.

¹⁷ To bajiri Cristore ajitirãnumena Ìna bojarore bajiro Ìna yicõa ñaboajaquène, manijarema Cristore mani ajitirãnucõarãjune ricati rãne mani ñarotire manire ujoyumi Dios. To bajiro Ì yire ñajare, manire Ì cüriarore bajirone mani ñacõa ñajama, quènjaja. To bajiro rãne gotirügüaja yu, tocãrãca macariana Cristore ajitirãnurãre. ¹⁸ Tire yu gotijama, ado bajise tuoìacõari yaja: Cristore mua ajitirãnuroto rãjorojune jud'io masa ñari, circuncisión yecoriarã ñañujama mua. To bajiri mua rãcana, “‘Jud'io masa ñaama’ yãrãma” yirã, circuncisión yiyamanare bajiro ñaruarügürãja mua. Ti ùnire yibeticõañã mua. Mua ñariarore bajiro ñacõañã. Gãjerãma, Cristore mua ajitirãnuroto rãjorojune, circuncisión yecobetiarã ñañujama mua, jud'io masa me ñari. Mua rãcana, “Jud'io masare bajiro circuncisión mani yirotijama, quènarõja”, yituoìarãma. “Ti ùnire yibeticõato Ìna”, yaja yu. ¹⁹ Circuncisión yecoriarã mani ñajama, mani ñabetijaquène, no yibeaja. Dios Ì bojarore bajiro mani yisejua ñaja ñamasusema. ²⁰ To bajiri “Cristore mani ajitirãnucõarãjune tocãrãcure Dios manire Ì cüriarore bajirone mani ñacõa ñajama, quènjaja”, muare yaja yu. ²¹ Cristore mua ajitirãnuroto rãjorojune, gãjerãre moabosarimasa ñañujama mua. To bajiri adirãmure quène to bajirone mua moabosacõa ñajama, tuoìarejaibesa. To bajiboarine, mua ujarã, “Mua masune moamasirãrãja” muare Ìna yijama, Ìnare vaveocõari, mua masu mua bojarore bajiro moarãrãja mua. ²² Gãjerãre moabosarimasa Ìna bojase rãne yirãrã ñaboarine, Cristore mua ajitirãnucõarãjune, Satanãs Ì bojasere yitujacõari, Dios yarãjua ñacoasuja mua. Gãjerãre moabosarimasa me ñariarã quène, Cristore Ìna ajitirãnucõarãjune, Cristo yarã Ì bojasejune yirã ñacoasuma Ìna. ²³ “Yu yarã ñato” yigu, Satanãs yarã mua ñaboarone, Ì macu Ì rijare suorine, “Yu yarã ñaama”, muare yiyumi Dios. To bajiri gãjerã, Dios Ì bojabetire muare Ìna yirotisere Ìnare cudibetiroti ñaja. ²⁴ To bajiri Cristore mani ajitirãnucõarãjune Dios manire Ì cüre mani yicõa ñajama, quènjaja.

²⁵ Gajeye, manaju mana, manajo mana mua sënificãrere muare cudiaja yu. Mani uju yure Ì yirotire me ñaja ti. Yu masune tuoìacõari, muare gotigü yaja. Mani uju, yure Ìmaicõari, yure ejarãmorügüami, “Quènarõ riojo tuoìagü ñato” yigu. To bajiro yure Ì yijare, yure mua ajitirãnucõarã, quènjaja. ²⁶ Cristore ajitirãnurã ñari, buto rojose yecorã ñaja mani. To bajiri, ado bajiro ñaroti ñaja: Manajo mana, to yicõari manaju mana, mua ñacõajama, quènjaja. ²⁷ Manajoa cutirã, manaju cutirã quène, gãmerã reabesa. Manajo mana quène, manajo macabesa. Manaju mana quène, manaju macabesa. ²⁸ To bajiro yu gotisere ajiboarine, Ì

manajo cutijama, to yicōari rōmio quēne, so manajū cutijama, rojose yirā me yirāma ina. To bajiboarine manajoa cuticōari, rojose ina tāmnoajama, butobusa josari ñararoja inare. Tire, butobusa rojose ina tāmnoosere bojabecu ñari, “Manajū mana, to yicōari manajo mana mua ñacōajama, quēnaja”, muare yibu yu.

²⁹ Quēnaro tuoiaña yu mairā. Ado bajise yigu, “Mua ñariarore bajirone mua ñacōajama, quēnaroja”, muare yibu yu: Cristo i ejarotirūmu cōñaro masu bajiaja. To bajiri manajo cutirā, rōmia manajūa cutirā quēne, manajo mana mua ñariarore bajirone ñacōari, Cristo i bojasejuare yifnarūgūroti ñaja muare. ³⁰ Satiritirā, mua satiritisere buto tuoīabesa. Variquēnarā quēne, mua variquēnasere tuoīabesa. Gajeyēni bujarā quēne, mua cuosere tuoīabesa. “Adigodoju yoaro meaca catiruarāja mani” yituoīarā ñari, to bajiro bajiya. ³¹ Adigodoayere yoaro me jediroti ti ñajare, buto tire tuoīabesa. Ñamasuse me ñaja ti. Tire mua tuoīajama, Cristo i bojasejuare quēnaro yimasimenaja mua.

³² Adigodoayere buto mua tuoīasere bojabeaja yu. Manajo magūma, Cristo i bojasejuare buto tuoīagūmi, ñajediro i yisere i ñavariquēnarotire bojagu ñari. ³³ To bajiboarine, manajo cutigūma, adigodoayere buto tuoīagūmi, i manajo so variquēnarotire bojagu ñari. ³⁴ To bajiri Cristo i bojasere tuoīa, to yicōari, i manajo so bojasejuare quēne tuoīa, yigūmi. Juā vāme tuoīare ñaroja ire. To bajicōari, manajū magōma, Cristo i bojasejuare buto tuoīagōmo, ñajediro so yisere i ñavariquēnarotire bojago ñari. To bajiboarine, manajū cutigūma, adigodoayere buto tuoīagōmo, so manajū i variquēnarotire bojago ñari.

³⁵ “Manajo cutirūagu manajo cutibeticōato” yigu me, tire muare gotiaja yu. “Quēnaro tuoīacōari, manajo cutiatio ina” yigu, tire gotiaja yu. Dios i bojase rīne mua yifnasere bojaja yu.

³⁶ I manajo cutiroco ñario rāca, sore buto bojagu ñari, manajo cutiatio. To bajiro i yijama, rojose yigu me yigūmi. ³⁷ To bajiboarine, “Manajo cutibeticōaja” yigūma, manajo cutibeticōato. To bajiro bajigu ñari, gājerāre quēne, i ajeriarā cutibetijama, quēnaja. ³⁸ To bajiri i manajo cutiroco ñario rāca, manajo cutigūma, quēnaro yigu, yigūmi. “Manajo cutibeticōaja” yigūjuama, i rētoro quēnaro yigu, yigūmi.

³⁹ Manajū cutigo, so manajū i catiñaro cōro i rāca ñacōa ñaroco ñaamo maji. I rijato beroju, gājire, no so bojagure, mani ujure ajitirūnugūre, manajū cutirūocomo. ⁴⁰ To bajiboarine, “So manajū i rijato bero, gājire so manajū cutibetijama, rētoro quēnaro ñagōmo”, yituoīaja yu. Yu quēne, Espiritu Santore cuogu ñaja yu. To bajiri quēnaro tuoīacōari, to bajiro muare gotiaja.

8

“Jesúre ajitirūnarāre inare yirobetiroti ñaja”, yire queti

¹ Quēna gajeye muare gotiguagu yaja yu. Vaibucurāre siacōari, “Ado bajirā ñarāma” yiquēnorujeoriarā tujure ñare rūcubuoarā, mojoroaca vaibucu riire cūrūgūama. To yicōari, ruvasere barūgūama. To bajiri, ina yisere iacōari, “Socarā yama. Ina rūcubuoobarā manama” yimasirā ñari, “Yuā quēne, yua bajama, quēnacōaja”, yirāja mua. To bajiro mua yijama, gājerā, “Tire babetiroti ñaja manire” yituoīaboarājuare ñare ñamaimenane, “Ina rētoro ñamasurā ñaja yua” yirāre bajiro yaja mua. To bajiro yimenane, ado bajiroju yiroti ñaja: “Inare ñamaicōari, ñare ejarēmoroiti ñaja, ‘Butobusa Diore ajitirūnato ina’ yirā”. ² Masijeobetiboarine, “Quēnaro masigū ñaja yu” sigū i yiboajama, ruycōaroja ire, quēnaro riojo i masiroti. ³ Diore i maijama, i bojarore bajiro yigu i ñajare, “Quēnaro masigū ñaami”, ire yilamasigūmi Dios.

⁴ Yirūcubuoarā ña quēnorujeose ñie vaja maja. “Dios sigū ñaami, mani rūcubuoogu. Gājerā ire bajiro boarā ña quēnaro manama”, yimasiaja mani. ⁵ Gājerā ña gotijama, “Jājarā ñarāma mani yirūcubuoarā. Ō vecana, adigodoana quēne ñarāma”, yituoīaboarāma. ⁶ To bajiro ina yiboajaquēne, “Dios sigūne ñaami mani jacu”, yimasiaja mani. Ine ñaami ñajediro, “Yu bojasere yato ina” yigu, manire rujeor’i. To bajicōari, Jesucristo sigūne ñaami mani uju. Jesucristo suorine ñajediro rujeoyumi Dios. To bajiri i siacore suorine Dios yarā ñaja mani.

⁷ To bajiro yirā mani ñaboajaquēne, gājerā ñaama Cristore ajitirūnarā ñaboarine, mani tuoīarore bajiro tuoīamena. Ina ñaama, Cristore ña ajitirūnaroto rījoroju, “Ado bajirā ñarāma” ina masune yiquēnorujeocōari, rūcubuoarūgūriarā. To bajiro yirūgūriarā ñari, ado bajiro tuoīarāma: “Vaibucurāre siacōari, ‘Ado bajirā ñarāma’ yiquēnorujeoriarā tujure ñare rūcubuoarā, mojoroaca vaibucu riire ina cūsere mani bajama, rojose yirā yaja mani”, yituoīarāma. ⁸ To bajiro ina yijama, riojo tuoīarā me yama. Mani bajama, mani babetijaquēne, ñamasuse me ñaja, Dios i ñajama. “Tire mani babetijama, rētobusaro manire ñavariquēnarucūmi Dios”, yire maja. ⁹ “Mani base jediro quēnase rīne ñacōaja” yirā ñaboarine, babetiruarāja mua. Gājerā Cristore ajitirūnarā, “Ina basere mani bajama, ‘Rojose yirā yaja yua’ yituoīacōari, rojose tāmnoajabetiraroju vatoma ina” yirā, tire babetiruarāja mua. ¹⁰ To bajiro yu yijama,

ado bajiro yigu yaja yu: “Babetiroti ñaja” gāji ī yisere mua baro ĩacōari, “Yu bajama, quēnabetoja” yituoĭaboarine, bagumi ī quēne. ¹¹ Cristore ajitirūnarā ñaboarine, mua tuoĭarore bajiro tuoĭamenare quēne rijabosagu bajiyumi, “Yu rāca quēnaro ñato” yigu. To bajiri, “Mani base jediro quēnase rīne ñacōaja” mua yise suorine mua mairona ñaboarā ĩna quēne ĩna bajama, “Rojose yirā yaja yua” yituoĭarā ñari, rojose tāmuoĭujabetiraroju vanama. ¹² Mua rācagu Cristore ajitirūnugū, “Babetiroti ñaja” ī yĭaboasere mua bajama, rojose ĩre yirorā yirāja mua. To bajiro mua yijama, ī sĭgūrene rojose yirā me, yirāja mua. Cristore quēne rojose yirā yirāja. ¹³ To bajiri, “Vaibucu rii yu bajama, Cristore ajitirūnugū rojose ĩre yirogare bajiro yigujaja yu” yituoĭagū ñari, baĭobetiroti ñaja.

9

“Jesucristo ī cōar'i me ñaami Pablo” ĩna yirere Pablo ī cudire

¹ Yu bojarore bajiro yimasigū ñaboarine, Jesucristo ī bojasejuare yigu ñaja yu. Jesús, mani ujere ĩacacu ñaja yu. Gājerāre ī cōasuoriarore bajiro yure quēne cōacami. Yure ī gotiroticōacati suorine ĩre ajitirūnarā ñaja mua. ² “Jesucristo ī cōar'i me ñaami Pablo” gājerā ĩna yiboajaquēne, muaĭuama, muare yu gotimasiosuocati suorine Cristore ajitirūnarā ñari, “Jesucristo ī cōar'i ñaami”, yiroti ñaja muare.

³ “Jesucristo ī cōar'i me ñaami Pablo” yure yirāre ado bajiro ĩnare cudiaja: ⁴ Yu Pablo, to yicōari, Bernabé quēne, Jesús ī cōacana ñaja yua. To bajiri gājerā Jesús ī bajirere gotimasiorāre ĩna baroti, to yicōari, ĩna idirotire mua ĩsirūgūrore bajirone yure quēne ĩsiroti ñaja. ⁵ Pedro, ī rācana quēne Cristo ī gotiroticōariarā, to yicōari, mani uju Jesús bederā quēne, Jesúsre ajitirūnarāre manajoa cuticōari, ĩna rāca varūgūama. To bajiro ĩna bajijare, ĩna manajoare quēnaro codebosarūgūaja mua. To bajiri “Yua quēne, manajo cuticōari, vamasirāja”, yituoĭaja yua. ⁶ Jesús ī bajirere gotimasiodirimasa gajeye moare moamenane, “Quēnaro yure gotimasioato” yirā, ĩnare mua ejarēmoriarore bajiro yimenane. “ĩna masune moacōari, vaja yato ĩna ñarotire”, ũyituoĭati mua, yuarema? ⁷ Surara mesa quēne, ĩna moare rīne moarāma. “ĩna moare ĩna moajama, ĩna ñaroti vaja ĩsiecoruarāma”, yimasire ñaja. Uye oterimasuma, “Tire barucami”, yimasire ñaja. Cabrare coderimasu quēne, “ĩna oĭjecoa idirucami”, yimasire ñaja. ⁸ To bajiri, “Mani moase suorine quēnase bujaroti ñaja”, yimasire ñaja. To bajiri, Dios ocare masa ĩna ucamasire quēne, tire bajiro gotiaja. ⁹⁻¹⁰ Ado bajiro gotiaja Moisés ñamasir'ire Dios ī roticūmasire: “Ta vecu risere siabibebesa, trigo gasere ĩre mua cuda jānerotijama, ‘Ī quēne bato' yirā”, yigotiaja. To bajiro ī gotijama, ta vecua rīrene tuoĭagū me yimasinūmi Dios. Mani jedirore tuoĭacōari, yigu, yimasinūmi. Vese moarā, to yicōari, gājerā ĩna otere rica juarāre quēne, “Mani moase suorine quēnase bujaruarāja” yimasiatō” yigu, tire yimasinūmi Dios. ¹¹ Jesús ī bajirere muare gotimasiosuocaju yua, “To bajiro mani yise suorine Cristore ajitirūnarāra sĭgūri” yirā. Muare yua gotimasiojama, ote ajere oterāre bajiro muare yicaju yua. To bajiri yua gotimasioacati suorine Cristore ajitirūnarā ñari, yua otecatiricare bajiro bajirā ñaja mua. To bajiro bajirā mua ñajare, yua gotimasioacati vaja, muare yua sēnijama, ũvaja yiroti me ñaboayujarique? ¹² Gājerā Cristo ī bajirere ĩna gotimasiojare, ĩnare vaja yirūgūrāja mua. To bajiri, muare gotimasiosuocanare roque, ũnare mua ĩsiro rētoro yure vaja yiroti me ñatique?

To bajiro yiroti ti ñaboajaquēne, muare vaja sēnibeticaju yua. Buto josari yua moarūgūcati ti ñaboajaquēne, “Yuare ejarēmoĭa”, muare yibeticaju yua, “Gājoa bojarā, Jesús ī bajirere gotimasioama” manire yiroma” yirā. ¹³ Diore yirūcuborĭavĭju ĩre rūcuborā, bare ĩna cūsere ti vi moarimasa ñari, ĩna baroto cōro juacōari, barūgūama. Tire masiaja mua. ¹⁴ “Tire bajirone bajiruaroja yu ocare gotimasiodirimasare quēne. ĩna gotimasiose vajane bacatiruarāma”, yiyumi mani uju Cristo. ¹⁵ To bajiro ī yirere masigū ñaboarine, muare vaja sēnibeticaju yu. Sēnibeticacu ñari, “Yucuĭu yure vaja yĭya” muare yuacagu me yaja yu. Buto ñorĭjagu ñaboarine, muare bare sēnibecu rīne, rijacoarucuĭa yu. To bajiri, Jesucristo ī bajirere yu gotimasiodudijama, vaja sēnibetirūgūaja. “Vaja taami Pablo’ gājerā ĩna yisere bojabecu ñari, vaja sēnibeticaju”, yivariquēnaja yu.

¹⁶ Cristo ī bajirere gotimasioĭū ñari, “Ñamasugū ñaja yu”, yituoĭabetirūgūaja. Jesucristo yure ī gotiroticati ñaja yu moare. Tire yu gotimasioebetijama, rojose tāmūoboguja. ¹⁷ Jesucristo yure ī gotimasiorotibetone, yu masu “Ī ocare gotimasiodirucucuĭa” yu yijama, “Yu gotimasiose vaja, quēnase bujarucuĭa”, yituoĭaboguja yu. To bajiboarine, Jesucristo yure gotimasioroticōacami. To bajiri quēnase yu buĭajama, yu buĭabetijaquēne, no yibeaja ti. Ī ocare gotimasioĭā ñaroti ñaja yure. ¹⁸ To bajiro ti bajijare, vaja sēnibecune, Jesucristo ī bajirere gotimasio variquēnarūgūaja yu, vaja sēniroti ti ñaboajaquēne.

¹⁹ To bajiri yu gotimasiose vaja, yure vaja yimena ñari, rotimasibeama masa. Yure ĩna rotimasibetiboajaquēne, “Jājarābusa Cristore ajitirūnato” yigu, ĩna ĩvariquēnarore bajiro

bajijañarügüaja yu. ²⁰ Jud'io masa taju yu ñajama, Cristore İna ajitirānurotire bojaju ñari, İnare bajiro bajijaña yu quēne. To bajiro yu yijama, ado bajise yigu yaja yu: Moisére Dios İ roticūmasirere ajirūcubuoarā taju yu ñajama, “Cristore ajitirānuato” yigu, İna yirūcubuoore bajiro yirügüaja. “Tire quēnaro mani ajirūcubuoajama, manire İvariquēnarucami Dios” İna yituoārore bajiro tuoāgū me ñaboarine, to bajiro yirügüaja yu. ²¹ Jud'io masa me ñarā taju yu ñajama, “Cristo ocare yu gotimasiosere ajitirānuato” yigu, İna ñasere bajiro ñacōari, İnare gotimasiorügüaja. To bajiro yu bajijama, Dios İ bojabetire yigu me bajiaja. Jesucristore ajitirānucōa ñarügüaja yu. ²² “Manire ejarēmorucami Cristo” yituoāboarine, tuoāgūirā taju yu ñajama, İnare bajiro bajijaña yu quēne, “Yu gotisere ajvariquēnacōari, butobusa Cristo ocare ajitirānuato” yigu. “Sīgūri yu gotimasiosere ajitirānuato” yigu, İna ñasere bajiro ñacōari, İnare gotimasiorügüaja yu. ²³ “Cristore maa ajitirānuajama, rojose tāmutojabetiraroju maa vaborotire maaire yirētobosarucami” yire quetire ajjedicōato masa” yigu, to bajiro yirügüaja. To bajiri, “Gājerā Cristore ajitirānūrāre Dios quēnaro İ yirotire bajiro yare quēne quēnaro yato” yigu, to bajiro yirügüaja yu.

²⁴ Cristore ajitirānūrā, Dios quēnaro manire İ yirotire mani bojajama, josari yirügūroti ñaja. Ūmatimarā cōro buto İna ūmaboajaquēne, sigū ñagūmi İna rētoro ūmacōari, quēnase bujarocu. To bajiri mani quēne, gājerā rētoro ūmagūre bajiro mani yimasiro cōro yirügūroti ñaja, quēnase quēni yise vaja, Dios quēnaro manire İ yirotire bojarā ñari. ²⁵ To bajiri, İ ūmaroto rījorojune quēnaro ñayucōagūmi. To bajiro İ bajijama, yoaro mene rojoribedo ti ñaboajaquēne, “Gājerāre ūmarētocōari, bujagusa” yigune bajicōagūmi. To bajiro İ bajijosase ūnire yirāne, Cristore ajitirānūrā quēne İ bojarore bajiro mani yisere İacōari, yayiroti mejuare manire İ İsirotire bojarā, quēnaro yirügüaja mani. ²⁶ Quēnase mani bujaroti, yayiroti me ti ñajare, yu yimasiro cōrone Dios İ bojarore bajiro yijañarügüaja yu. Ūmagū İ ūmagajanorotiju rīne tuoācōari ūmagūmi. İre bajiro bajiaja yu quēne, Dios quēnaro yare İ yirotire bojatuoāgū ñari, İ bojarore bajiro yijañarügüaja yu. Quērimasu ñaboarine, quēnaro ñose ejobecami. Yujūama, quēnaro ñose ejogure bajiro bajigu ñari, Dios quēnaro yare İ yiroti rīrene tuoāgū, Dios İ bojarore bajiro yirügüaja yu. ²⁷ To bajiri, yu gotimasiorāre quēnaro Dios İ yirotire yu gotiboajaquēne, “Rojose yare yiromi” yigu, yu bojasere yiruaboarine, İ bojasejuare yirügüaja.

10

“Rūcubuoararā İna quēnoruiejorārē rūcubuoobesa”, yire

¹ Adire masiritibesa maa: Jud'io masa yua ñicua, Moisés ñamasir'ire suyamasirirā İna bajimasirere masiritibesa. “Egiptoana İnare sīabeticōato” yigu, Dios İ masise rāca buerine yua ñicuaire buebibecōamasiñuju. To İ yijare, jediro jēacoamasiñujarā riaga, Oco Sūarisa vāme cutiya, gajejacatuaju İnare rudirā. ² To bajiro İna bajijama, “Moisére ajitirānūrā ñaja yua” yijañarā bajimasiñujarā İna. ³ İna jēaro bero, İna jediro ō veyace manā vāme cuti Dios İ cōarere barügūmasiñujarā. ⁴ To yicōari, İna idicatirotire yigu, gūtajure oco budirotimasiñuju Dios. Ti oco İna idise quēnase ñamasiñuju. Jesucristo quēne, gūtare bajiro ñagū quēnasere cōagū ñacoayumi. To bajicōari, gūta suorine İna catijama, Cristo, ruyubetiboarine, İnare İ İatirānuajare, İna jedirone quēnaro ñacoayuma. ⁵ Quēnaro İnare İ İatirānuaboarone, jājarā rojose İna yijare, İnare İvariquēnabetimasiñuju Dios. To bajiro İna yisere İvariquēnabecu ñari, “Ūjorucuja” İnare İ yiboaria sitaju İna ejabetone, “Yucū manojune bajireacōāna maa”, İnare yimasiniñuju Dios.

⁶ To bajiro İna bajimasire ñajare, “Dios İ bojabetire mani yijama, İnare İ yimasiriarore bajiro manire quēne yiromi Dios” yimasirā ñari, mani yibetijama, quēnaja. ⁷ To bajiri yua ñicua sīgūri, “Ado bajigu ñagūmi” yiquēnorujeocōari, İna rūcubuoomasiriarore bajiro rūcubuoobesa maa. Yua ñicua, İna rūcubuoomasirere ado bajiro gotiaja Dios ocare Moisés İ ucamasire: “Ado bajigu ñagūmi” yiquēnorujeocōari, “İre rūcubuoarā yaja” yirā, baruyijuma. To yicōari, idiyuma. To yigajanocōari, basavariquēnacama”, yigotiaja Dios ocare Moisés İ ucamasire, Dios İ bojabetire İna yimasirere gotiro. ⁸ To yicōari, gajeye yua ñicua sīgūri, rōmia rāca gāmerā İna ajeriarā cutimasire ūnire yibetiroti ñaja manire. To bajiro İna yijaise vaja, cojorāmane veintitres mil ñarāre bajirearotimasiñuju Dios. To bajiri İnare İ yimasiriarore bajiro, “Manire quēne yiromi” yirā, yibetiroti ñaja. ⁹ “Rojose mani yijama, rojose manire yirucami” yituoāboarine, rojose yitujamena ñari, āña cūnieco, bajireacoamasiñujarā İna. To bajiri, “Rojose tāmurobe” yirā, İna yimasiriarore bajiro yibetiroti ñaja manire. ¹⁰ Yua ñicua sīgūri Diore ñagōmacamasiñujarā. To bajiro İna yise suorine İ tuagure İnare siarearotcōamasiñuju Dios. To bajiri āngeljua İnare siareacōamasiñuju. “Manire quēne to bajiro yirotiromi Dios” yirā, İre ñagōmacabetiroti ñaja.

¹¹ “To bajise rojose yua ñicua İna yimasiriarore bajiro mani yijama, İnare ti bajimasiriarore bajiro bajiruaroja manire quēne”, yimasiaja mani. Adirodoriana, mani tuoāmasirotire yigu, İna bajimasirere Moisére ucarotimasiñumi Dios. ¹² To bajiri, Cristore

quēnaro ajitirānugāma, quēnaro tuoīamasiri űato, “Jud’io masa rojose ĩna bajimasiriarore bajiro yure bajirobe” yigu. ¹³ Quēnaro tuoīaroti ti űaboajaquēne, “‘Rojose yiruabeaja’ yicōaboarine, rojose yicōaroti űaja”, yituoīaroti me űaja muare. “Yuare rojose ĩrotirotire bajiro muare rotibecami Satanās”, yiroti me űaja. Gājerāre rojose ĩyirotirotire bajiro rīne manire yirotirūgūami. Rojose manire ĩyirotirotire bajiro quēne, “Tire yibeticōari, yu bojasejuare yirā űato” yigu, manire ejarēmorcūami Dios.

¹⁴ To bajiri yu mairā, “Jud’io masa rojose ĩna bajimasiriarore bajiro manire bajirobe” yirā, quēnaro tuoīamasiri űaűa mua. “Ado bajirā űarāma”, ĩna masune yiquēnorujeocōari, ĩna rūcubuoarāre rūcububeticōaűa. ¹⁵ Quēnaro tuoīamasirā űari, muare yu gotisere ajicōari, “Riōjo gotiami Pablo”, yituoīamasiruarāja mua. ¹⁶ Cristo manire ĩrijabosarere tuoīarā, yue ocore mani idiroto rījoro, “Quēnaja” Diore yicōari, mani idijama, ĩCristo rī’ire idirā me yatique mani? Pan mani baroto rījoro, “Quēnaja” Diore yicōari mani bajama, ĩCristo ruju rīire barā me yatique mani? To bajiro mani yijama, “Manire ejarēmogūami”, yituoīaja mani. To bajiro mani yisere ĩacōari, butobusa manire ejarēmogūami, “Yure ajitirānuato” yigu. ¹⁷ Jājarā űaboarine, pan cojane batecōari, baja mani. To bajiro yirā űari, ĩyarā űaja mani jediro.

¹⁸ Jud’io masa, Diore rūcubuoarā, vaibucurāre sīacōari, mojoroaca soemuorāma. To yicōari, ruvasere barāma. Tire ĩna bajama, “Manire ejarēmogūami”, yituoīaama ĩna. To bajiro ĩna yisere ĩacōari, “Butobusa yure ajitirānuato” yigu, ĩnare ejarēmogūami Dios. To bajirone tuoīarāma, “Ado bajirā űarāma” ĩna masune yiquēnorujeocōari, rūcubuoarā quēne. ¹⁹ To bajiro yu yijama, “Catirā űarāma ĩna quēnorujeoriarā” yigu me yaja. To yicōari, “ĩnare rūcubuoarā vaibucu rii ĩna cūse űamasuse űaja” yigu me yaja. ²⁰ Ado bajirojua yigu yaja yu: Diore masimena, ĩna quēnorujeoriarāre ĩna rūcubuoajama, vātiajuare rūcubuoarā yirāma. To bajiri, vātiare mua ejarēmose, to yicōari, vātiajua quēne, ĩnare mua ajitirānuatire yirā, muare ĩna ejarēmoritire bojabeaja yu. ²¹ To bajiri manī űjare rūcubuoocōa, vātiare quēne rūcubuo mani yijama, quēnabetoja. To bajiro yibetiroti űaja manire.

²² To bajiro mani yijama, ĩajūnisinirucūami mani űju. ĩrētoro masirā me űaja mani. To bajiri, “Rojose mani yise vaja, rojose ĩ yijama, rudimasibetiruarāja mani”, yimasiaja.

“Mani űaroti rīne tuoīaroti me űaja”, yire queti

²³ Ado bajiro yisere ajitirūgūaja mua: “Mani bojarore bajiro yimasiaja”, yigotiaja. To bajirone bajiaja, bajirojua. Jediro mani yise manire ejarēmobeaja. To bajiro mani yijama, “Gājerā, Dios ĩ bojarore bajiro yirā űato” yirā me, yirāja mani. ²⁴ Mani masu quēnaro mani űaroti rīne tuoīaroti me űaja. Gājerā quēnaro ĩna űarotire quēne tuoīarūgūuarāja mani.

²⁵ Vaibucu rii ĩna ĩsiriju űasere vaja yicōari, “Rojose űaroja” yituoīamenane, mua bajama, quēnaja. “ĩĩna quēnorujeor’ire rūcubuoarā ĩna cūruare űati adī?”, yisēniābeja. Dios ocare masa ĩna ucamasire ado bajiro ti gotijare, “Sēniābetiroti űaja”, muare yaja yu: ²⁶ Adi macarucroaye jediro Dios ĩ rujeore ĩ űajare, bare űaro cōrone mani bajama, quēnaja.

²⁷ Cristore ajitirānubecu, “Yu tu barā vayā” yicōari, no bojase ĩ ecasere mua bajama, quēnaja. “ĩĩna quēnorujeor’ire rūcubuoarā vaibucu rii ĩna cūruare űati adī?” yisēniāmenane, mua bajama, quēnaja. ²⁸⁻³⁰ “Tire mani bajama, quēnaja” mua yituoīajama, gāji magūami, “Rojose yirā yaja mua” yigu. ĩna quēnorujeor’i tūju ĩna cūruare riire, “Quēnaja” Diore mua yisēniro bero mua bajama, rojose yirā me yirāja mua. To bajiboarine, Cristore ajitirānugū, “ĩna quēnorujeor’i tūju ĩna cūruare rii űaja, mani babeti” ĩ yigotijama, babeja. ³¹ To bajiri mani bajama, mani babetijaquēne, mani idijama, mani idibetijaquēne, no bojase mani yijama, Dios ĩ bojarore bajiro yiruuarāja mani, ĩre rūcubuoarā. ³² Gājerāre ĩamaimenane mani bojarore bajiro mani yisere ĩacōari, “ĩna quēne rojose yiroma” yirā, yibetiroti űaja. ³³ Tire muare yu gotirotire bajiro yitirūgūaja yu. To bajiro yigu űari, yu masu yu bojasete yibecane, yu rācana jediro ĩnare yu ejarēmoritijare tuoīacōari, yitirūgūaja yu, “Yu yise suorine Cristore ajitirānucōari, rojose tāmutojabetiriaroju ĩ yirētobosarā űato” yigu.

11

¹ To bajiri, “Cristo ĩbajīnariare bajiro yiroti űaja” yituoīacōari, yu yimasiro cōro yitirūgūaja yu. To bajiri mua quēne, yu bajīnarūgūisere tuoīacōari, mua yimasiro cōro yitirūgūoti űaja.

Rējariaviju Diore sēnirā, ĩocare gotirā, rōmia ĩna bajiroti queti

² “Jediro yu gotimasiatocare masiritimenane, ajitirānucōa űarāja mua”, yivariquēnaja yu. ³ To bajiro yigu űaboarine, gajeye muare gotimasioaja yu. Rējacōari, Diore mua rūcubose, “Ado bajirojua yiroti űaja”, muare yigotigu yaja yu: Tocārācure rotigu űari, mani rujoare bajiro bajiami Cristo. To bajirone bajiaja rōmia manajua cutirāre. ĩna manajua, ĩna rujoare bajiro bajirā űarāma, ĩnare rotirā űari. To bajirone bajiaja Cristore quēne. ĩjacu, ĩrujoare bajiro bajigūami, ĩre rotigu űari. ⁴ To bajiro ti bajijare, rējariaviju, rujoa jeoriarori jeocōari, Diore ĩna sēnijama, Dios oca ĩna gotijaquēne, Cristore rūcubuoemena yirāma. ⁵ Rōmiajua, ma,

Īna ruĵoa jeoriarori jeomenane Diore Īna sēnijama, Dios oca Īna gotijaquēne, Īna manajure rūcubuoemena yirāma. Īna ruĵoa jeoriarori Īna jeobetijama, joa suagoriarāre bajiro bajirā űarāma, Īnare rūcubuoemena űari. ⁶ To bajiro ti bajijare, “Rōmia manajua cutirā Īna ruĵoa jeoriarorire Īna jeorūabetijama, Īna joare suagoroti űaja”, muare yaja yu. To bajiro yu yijama, “Bojoneose ti űajare, ruĵoa jeoriarorire jeoato” yigu yaja. ⁷ To bajiri űmua, Diore Īna sēnijama, Ī ocare Īna gotijaquēne, ruĵoa jeoriarorire jeobetiroti űaja, “Yure rotibosacōari, yure rūcubuoato” yigu, Dios Ī rujeoriarā űari. Rōmijauama, “Ĕmuare rūcubuoato” yigu, Dios Ī rujeorio űaamo. ⁸ Rōmio gōarore āmicōari, űmure rujeobesumi Dios. Ĕmu gōarouare āmicōari, rōmiore rujeomasifūmi Dios. ⁹ “Rōmiore ejarēmoato” yigu me, űmure rujeomasifūmi Dios. Rōmioja, űmure ejarēmoato yigu, rujeomasifūmi. ¹⁰ To bajiro bajimasire ti űajare, Īna manajure rūcubuoarā, ruĵoa jeoriarori Īna jeojama, quēnaja. To bajiro Īna yijama, “Dios Ī bojarore bajiro yama, Īna manajure rūcubuoarā”, yĳavariquēnaruarāma āngel mesa. ¹¹ Ĕmuare quēne, rōmiare quēne rujeoyumi Dios. Rōmia Īna manijama, quēnaro űamasimenama űmua. Rōmia quēne, űmua Īna manijama, quēnaro űamasimenama. ¹² Ĕmu gōarone rōmiore Dios Ī rujeomasirio so űaboajaquēne, űmua, rōmia suorine Īna ruyuase ti űajare, “Gāmerā ejarēmoroti űaja”, yaja mani. To bajicōari, mani jediro űaja Dios Ī rujeoriarā.

¹³ Mua masune quēnaro tuoĳamasifū. “Rējariaviju Diore sēnirā, Ī ocare gotirā quēne, ruĵoa jeoriarori jeomenane rōmia Īna yĳajama, quēnabeaja”, yimasirāja mua. ¹⁴ “Ĕmua yuese Īna joa cutijama, bojoneose űaja”, yituoĳaja mani. ¹⁵ Rōmijauarema, “Yoese joa cutirā űaama”, yituoĳaja mani. “Īna joa Īna ruĵoarire buase űato” yigu, Dios Ī cūmasire űajare, to bajiro tuoĳaja mani, rōmiare. To bajiri yoese Īna joa cutijama, variquēnaama rōmia. ¹⁶ Sigūri to bajiro muare yu gotisere ajicōari, “To bajiro me bajijaja” Īna yijama, “űajediroana Cristore ajitirūnrāre, to bajise rĳne gotirūgūaja yua, muare yu gotiri vāmere”, Īnare yigotiroti űaja.

Cristo ĩ batūsare boserāmare baĳarā ĩna rūcubuoebetie queti

¹⁷ Rējacōari, mua basere tuoĳavariquēnabeaja yu. “Rējacōari bato mani” mua yibetijama, quēnacōaboriaroja. ¹⁸ “Rējaboarine, ricati rĳne tuoĳarā űari, ricatitubuari rujicōari, gājerā rāca oca josaama”, yire queti ajijaja yu, muare. Ado bajiro tuoĳarā mua űajare, “To bajirone bajirāma”, muare yaja yua: ¹⁹ “Mani tuoĳarore bajiro tuoĳarā rāca mani rujijama, Īna űaama Dios oca quēnaro masirā’ manire yĳuarāma”, yituoĳarāja mua. ²⁰ Ricati rĳne tuoĳarā űari, “Cristo ĩ batūsarere tuoĳacōari bato mani” mua yĳoase, Cristore rūcubuoemena yirāja. ²¹ Mua juavarere gājerāre yumenane, bajeocōarāja mua. To bajiri jairo barā, to yicōari, idimecūrā mua űaboajaquēne, mua bero ejarā sigūri bare mana űari, űiorjacoā űarāma. To bajiro yirā űari, cojo masare bajiro bajirā űaboarine, mua bero ejarā rāca baba cutimasifū manojaja muare. ²² Viri cutirā űarāja mua. Mua yu virijune bare ba, idi, mua yijama, quēnaja. To bajiro mua yibetijama, gājerā bare cuomenare rojose yĳorā yirāja mua. Gājerā Cristore ajitirūnrāre ĩaterā űari, ĳto bajiro yatique mua? “Bare cuomenare quēnaro yaja mua’ yato Pablo”, ĳyituoĳaboati mua? Yĳbeaja yu. To bajiro mua yijama, rojose masu yirā yirāja mua.

Mani űju ĩ rijaroto rĳjoro ĩ batūsare queti

(Mt 26.26-29; Mr 14.22-25; Lc 22.14-20; Lc 4.1-7)

²³⁻²⁴ Adi muare yu gotimasiose, mani űju ĩ rijaroto rĳjoro ĩ batūsare queti űaja. Yure ĩ goticati, to yicōari, muare yu gotirēcatati űaja. Ado bajiro bajijaja: Mani űjare Judas ĳre ĩ ĳsirocaroto rĳjoro, panre āmicōari, “Quēnaja”, Diore yisēniűuju Jesūs. To yigajano, panre mĳtocōari, ĩ buerimasare ĳsibatogune, ado bajise gotiyuju ĩ: “Ti űaja yu ruĳari. Muare rijabosarūcūja yu. Yu rijato bero, muare yu rijabosare tuoĳacōari, yure rūcubuoarā, ado bajirone rējacōari, barūgūuarāja”, Īnare yigotiyuju. ²⁵ To yicōari, bare Īna baro bero, űye oco sānaribajare āmicōari, ado bajiro gotiyuju Jesūs quēna: “Adi űaja tirāmuana, ‘Rojose mani yĳere masirioato’ yirā, Diore rūcubuoarajū joere Īna yuejeorore bajiro bajise. Yucurema, yu rĳi űaja. Ti suorine, ‘Gajerodori ado bajiro masare quēnaro yĳrucūja yu’ Dios ĩ yigotimasiriarore bajiro bajiraroja. Yu rijato bero, muare yu rijabosare tuoĳacōari, yure rūcubuoarā, ado bajirone rējacōari, idirūgūuarāja”, Īnare yiyuju Jesūs. ²⁶ ĩ rotiriarore bajirone mani bajama, mani idijaquēne, yĳorūgūroti űaja, “Manire rijabosayumi mani űju” yirā. ĩ tudiejaroju to bajiro yĳjuraruarāja mani.

²⁷ To bajiri, mani űju manire ĩ rijabosarere tuoĳagū, panre ba, to yicōari, űye ocore idi, yĳboarine, rūcubuoebeti rāca ĩ yijama, Cristore rūcubuoebesū yigūmi. “Cristo rĳi, ĩ ruĳari quēne, űie vaja mani űaja” yigu yigūmi. ²⁸ To bajiri panre mani baroto rĳjoro, to yicōari, űye ocore mani idiroto rĳjoro, rojose mani yĳere tuoĳa, Diore yigoticōari, panre ba, űye ocore idi, yiroti űaja. ²⁹ To bajiro yĳbecurema, Cristo manire ĩ rijabosare quēnaro ĩ tuoĳabetijare, rojose ĳre yĳrucūmi Dios. ³⁰ To bajiro ti bajijare, jājarā űarāja mua rijaye cutirā. Gājerāma, bajireacoana, bajireamena quēne űarāja mua. ³¹ Cristo manire ĩ rijabosarere quēnaro tuoĳacōari, to yicōari, rojose mani yĳere tuoĳa, Diore mani yigotijama, rojose manire

yibetiracumi Dios. ³² Rojose mani yise suorine rojose Dios manire ī yijama, “Rojose yitujacōari, yure ajimena rāca rojose tāmūotujabetiriaroju vabetiruarāma” yigu yigumi.

³³ To bajiri yu mairā, mani ūju manire ī rijabosare tuoīacōari panre barā, to yicōari ūye ocore idirā mua rējajama, gājerāre yucōari, ina ejajediro baba. ³⁴ Mua rējaroto rījoro, mua űiorijajama, mua ya viriju mua bajama, quēnacōaroja. To bajiro mua yijama, no yigu rojose muare yibecumi Dios.

Mua tujū ejacōari, gajeye quēnaro muare gotiracuja yu.

12

“Yu ūjose rāca gāmerā ejarēmomasiato” yigu, *Espiritu Santo manire ī yire queti*

¹ Yu mairā, gajeye Espiritu Santo ī masise manire ī ūjosere gotiguagu yaja yu, “Masiasiato” yigu.

² Diore mua ajiracuburoto rījoro, muare yitorimi vātia ūju, Satanās. To ī yijare, “Ado bajirā űarāma” ina masune yituoīa quēnorujeocōari, űagōmena ina űaboajaquēne, “Rētoro masirā űarāma” socarāne yiracuburoā űaűuja mua maji. ³ To bajiri, ado bajise mua masisere bojaja yu: Espiritu Santo rāca űagūma, “Rojose tāmūotujabetiriaroju Jesure cōaroti űaja”, yibecu űagūmi. To bajicōari, “Mani ūju, Jesure, Dione űagūmi” yiguma, Espiritu Santo ī ejarēmose rāca tire yigumi.

⁴ “Dios ī bojarore bajiro yimasiasiato” yigu, ī masisere manire ūjoyumi Espiritu Santo. Ī sīgūne manire ūjor’i ī űaboajaquēne, tocārācure ricati rīne mani yimasirotire manire ūjoyumi. ⁵ Dios ī bojasere yirā, ricati rīne mani yimasise ti űaboajaquēne, sīgūne űaami mani ūju. ⁶ Ricati rīne manire ī ejarēmose ti űaboajaquēne, sīgūne űaami manire ejarēmogūma. ⁷ Ado cōrone Espiritu Santo manire ī ūjosere muare gotigu yaja: Tocārācure Espiritu Santo ī űajama. “Gājerāre ejarēmomasiato” yigu, ī masisere ūjogumi. “Espiritu Santo ī ūjor’i űari, to bajiro yami”, yimasire űaja. ⁸ “Quēnaro tuoīacōari gotimasiogū űato” yigu, ī yimasirotire ĩre ūjogumi. Gājirema, “Dios ocare quēnaro ajimasicōari, ĩnare gotimasiogū űato” yigu, ī yimasirotire ĩre ūjogumi. ⁹ Gājirema, “Dios ī masise rāca yure ejarēmoracumi” ī yituoīarotire ĩre ūjogumi. Gājirema, rijaye cutirāre ī catiorotire ĩre ūjogumi. ¹⁰ Gājirema, ĩaıaűamani ī yīorotire ĩre ūjogumi. Gājirema, “Īre yu gotisere ajicōari, yure gotirētobosarimasu űato” yigu, ī yimasirotire ĩre ūjogumi. Gājirema, gājerā ina gotisere ajicōari, “Espiritu Santo ī ejarēmojare, ĩnare gotiama; vātijua ī ejarēmojare, ĩnare gotiama” ī yimasirotire ĩre ūjogumi. Gājirema, gājerā oca masibecu űaboarine, ī űagōmasirotire ĩre ūjogumi. Gājirema, “Ti ocare buebecu űaboarine, ajimasicōari, gotirētogū űato” yigu, ī yimasirotire ĩre ūjogumi. ¹¹ Ricati rīne tocārācure ī bojarore bajiro ina yimasirotire ĩnare ūjogumi.

“Cojo ruju űaboarine, mani rujure jairo űabateaja”, *yire queti*

¹² Mani rujure jairo űabateaja, cojo ruju űaboarine. To bajirone bajiaja mani Cristore ajitirānūrā quēne. ¹³ Jediro űaja mani. Jud’io masa, jud’io masa me űarā quēne űaja mani. Sīgūri gājerāre moabosarā, gājerāma, moabosamena űaja mani. Mani jedirore oco rāca mani bautiza ecorone, manire ejayumi Espiritu Santo. To bajiri Espiritu Santo suorine Cristo yarā, cojo masare bajiro űaejayuja mani.

¹⁴ Mani ruju, cojo ruju űaboarine, jairo vāme cutibatoaja. ¹⁵ Mani rujure, gubo ti tuoīajama, “Āmo me űaja yu. To bajiri, rujuaye me űaja” ti yiboajaquēne, rujuayene űacōa űaroja. ¹⁶ Gāmoro ti tuoīajama, “Cajea me űaja yu. To bajiri, rujuaye me űaja” ti yiboajaquēne, rujuayene űacōa űaroja. Tire bajirone bajiaja mani quēne. Sīgū, Cristore ajitirānūgū, gājire ĩacōari, “Īre bajiro yimasigū me űaja yu. To bajiri Cristo yu me űagūja yu” ī yiboajaquēne, Cristo yune űacōa űagūmi. ¹⁷ Mani ruju űaro cōrone, cajea rīne ti űacōajama, űno bajiro ajimasirāda mani? Mani ruju űaro cōrone, gāmoro rīne ti űacōajama, űno bajiro vīnimasirāda mani? Tire bajirone bajiaja Cristore ajitirānūrāre quēne. Īre ajitirānūrā jediro, cojo vāme rīne quēnaro yimasirā mani űajama, gaje vāme Dios ī bojasere yimasimena űaborāja mani. ¹⁸ To bajiri, Dios, manire rujeosugujune, mani ruju űasere, “Adijune ti űajama, quēnaja” yigu, mani rujuayerē rujeoyumi. To bajiri, mani ruju, cojo ruju űaboarine, ricati rīne ti űabaterore bajirone bajiaja Cristore ajitirānūrāre quēne. ¹⁹ Mani rujuaye, cojojune jairijaro ti űajedicoajama, rujujuaa nojua űabetoja. ²⁰ To bajiri mani rujuaye jairo űabateboarine, cojo rujune űaja.

²¹ To bajiro ti bajijare, mani cajea ti yijama, “űie vaja maja āmo”, yimasibetoja. Mani rujoa quēne, “űie vaja maja gubori”, yimasibetoja. űajedirone manire ejarēmoaja. Tire bajiro bajiaja Cristore ajitirānūrāre quēne. Cristore ajitirānūgū, gājire ĩacōari, “Yure bajiro yimasigū me űaami. Vaja magū űaami”, yibetiroti űaja. ²² Ado bajirojua bajiaja: Mani ruju űasere, “Adijuma űamasuse me űaja” mani yituoīaboasene űaja űamasuse. ²³⁻²⁴ Mani ruju űasere jediro toobetiboarine, “űamasuse me űaja” mani yisere, “Gājerā ĩaroma” yirā, sudine sāűatoorūgūja

mani. To bajiro mani yijama, mani Iorijū rētoro tijaure mairāre bajiro yirā yaja. “To bajirone bajiato” yigu, to bajise manire rujeoyumi Dios. ²⁵ Mani ruju jairo űabateboarine, cojoro cōro űamasuse űaja. Mani Jesúre ajitirānurā quēne, to bajirone bajirā űaja. Jājarā űaboarine, űamasurā rīne űaja mani. To bajiri variquēnase rāca gāmerā mairoti űaja. ²⁶ Mani ruju, cojoju rojose ti tāmujama, mani ruju jedirone rojose tāmujedicōja. To yicōari, mani ruju, cojoju quēnaro ti yiecojama, mani ruju jedirone quēnaro yiecojedicōja.

²⁷ To bajirone bajiaja mani Cristore ajitirānurā quēne. Tocārācane i yarā űaja mani. Sīgū mani rācagu i sutiritijama, mani jedirone i rāca sutiritiaja. To yicōari, sīgū mani rācagu i variquēnajama, mani jedirone variquēnaja mani. ²⁸ “Jājarā űacōari, ricati yato űna” yigu, tocārācure i masisere manire ujoyumi Dios. To bajiri i bajirere goticudironare yuare cōacami Jesús. Gājerā, ĩre gotirētosaronare cūñumi Dios. Gājerā, Dios oca gotimasioronare cūñumi. Gājerā, ĩlaűanamani yīlonare cūñumi. Gājerā, rijaye cutirāre catoronare cūñumi. To yicōari, gājerārema ejarēmoronare cūñumi. Gājerārema, Cristore ajitirānurāre űmato űaronare cūñumi. Gājerārema, űna masibeti oca űaboasere űagōronare cūñumi. ²⁹ “Ricati rīne yiruarāma” i yiriarā űari, mani jedirone, Jesús i bajirere goticudirā me űaja. Mani jedirone Diore gotirētosarā me űaja. Mani jedirone, Dios ocare gotimasiorā me űaja. Mani jedirone, ĩlaűanamani yīlorā me űaja. ³⁰ Mani jedirone, rijaye cutirāre catorā me űaja. Mani jedirone, mani masibeti ocare űagōrā me űaja. Mani jedirone, mani masibeti oca űna űagōsere buemena űaboarine, tire ajimasicōari, gotirētohurā me űaja. ³¹ To bajiri, jedirone masijeobetiboarine, quēnamasusejuare i űjorotire sēniűa.

To bajiro ma yiboajaquēne, gajeye űaja rētoro űamasuse. Tire muare gotiguagu yaja yu.

13

“Gājerāre mani maise űaja űamasusema”, yire queti

¹ Cojo oca ruayabeto mani űagōmasiboajaquēne, to yicōari, ángel mesa yere quēne űagōmasioecōboarine, gājerāre mani maibetijama, vaja mana űarāja mani. űagōre me űarajo. Buto busisere yibusiorāre bajiro yirāja mani, gājerāre mani maibetijama. ² Diore gotirētosarā, to yicōari, Dios ye masa űna masibetire masijeorā űaboarine, gājerāre mani maibetijama, vaja mana űarāja mani. “Manire ejarēmorucumi” Cristore yitūōiarā űari, gūtaure, “Gajeroju vururūgūcoasa ma masune” yimasiboarine, gājerāre mani maibetijama, vaja mana űarāja mani. ³ “Masare ĩnare maibetiboarine, maioro bajirāre jediro yu cūosere ĩnare ĩsijeocōari, yu masu ruju quēne ĩnare rijabosacoarucija” yu yijama, “Quēnaro yigu űaami” yure ĩna yivariquēnasere bojagu yu yijama, Dios taju űne vaja bujabecuja yu.

⁴ Gājerāre mani maījama, ado bajiro bajiruarāja mani: Rojose manire ĩna yiboajaquēne, ĩnare jūnisinimenane, quēnasejuare ĩnare yiruarāja. Quēnaro ĩna űajama, “Yu rētoro quēnaro űaama”, yīajūnisinirā me űaruarāja. “űamasurā űaja yu” yirā me űaruarāja. ⁵ Quēnaro mani űase rī mere tuoīarāja mani. Gājerā quēnaro ĩna űasere quēne tuoīarāja. Gājerā rojose manire ĩna yiboajaquēne, ĩnare rucuborā, yoaro mene jūnisini tujacoaruarāja. ⁶ Gājerā rojose ĩna yisere ĩvariquēnamenaja. Quēnaro ĩna yisejuare ĩvariquēnarāja. ⁷ Gājerā rojose ĩna yijare, buto rojose mani tāmuose ti űaboajaquēne, ĩnare maıtujamena űari, ĩnare űagōmacamenaja. Rojose ĩna yiboajaquēne, quēnaro ĩna yīrotire tuoīacōa űaruarāja.

⁸ Gājerāre mani maise, jedise me űaja. Diore gotirētosarejuama, jedise űaja. Masa ĩna masibeti oca űagōre, mani masise quēne, jedise űaja. ⁹ Ado bajiro ti bajijare, “Jedise űaja”, muare yaja yu: Adirodori Dios i masise manire i űjose ti űaboajaquēne, jediro masibeaja mani. ĩre gotirētosare Dios i űjose ti űaboajaquēne, űajediro ajimasibeaja mani. ¹⁰ To bajiboarine, i taju mani ejaro, i masisere manire i űjore, jediro ajimasijeocōaruarāja mani. To cōrone adirodoriaye mani masise, vaja maniruaraja.

¹¹ Ado bajiro bajiaja: Daquegnaca yu űajama, űagōjemasibeticaju yu maji. To bajicōari, quēnaro tuoīabeticaju. Bucucujaju, to bajiro yu bajicature yitujacaju yu. ¹² Tire bajirone bajiaja adi quēne: Quēnaro rujubetiase ĩoro ĩariarore bajiro Dios yere quēnaro ajimasijeobeaja mani maji. To bajiboarine, Dios tujama ĩoro quēnaro rujubetiase ĩarāre bajiro me Diore ĩaruarāja mani. To cōrojuma quēnaro ajimasijeocōaruarāja mani yuja.

¹³ To bajiri idia vāme űaja, adirāmuriaye űamasuse mani yirūgūroti: Diore ajitirānurūgūroti űaja. Gaje vāme, “Dios i gotiriarore bajiro i masise manire űjoeocōarucumi”, yitūōiarūgūroti űaja. To bajicōari, tusari vāme űaja űamasuri vāme, “Gājerāre mairūgūroti űaja” yiri vāme.

14

Gajeye oca masiűamani űaboasere ĩna űagōre queti

¹ To bajiri gājerāre mani maise űamasuse ti űajare, mani yimasiro cōro gājerāre mairūgūto mani. To yicōari, gajeye Dios i masise i yarāre i űjosere buto bojarā űari, ĩre sēnirūgūroti űaja. Tire bojarā, gajeye ma bojaro rētoro Diore gotirētosarotire muare i űjosere ma

bojajama, quēnaja. ² Ado bajiro ti bajijare, to bajise muare yaja yu: Sīgū, masiñamani oca i ñagōjama, masare ñagōgū me yigumi. Diore ñagōgū yigumi, Esp'iritu Santo i ujose rāca. I rācanajuama, ire ajimasimenama, "To bajirone bajiato" yigu, Dios i yise ti ñajare. ³ Gājiuama, Diore gotirētosobagu, masare gotigu yigumi. To bajiro i yijare, butobusa Diore ajitirūnarāma. ⁴ Masiñamani oca ñagōgūrema, i sigūrene quēnaja ti. Gāji, Diore gotirētosobaguama, i rāca rējarāre ejarēmogū yigumi.

⁵ To bajiri sigū ruyabeto oca masiñamanire mua ñagōjama, quēnaroja. To bajiboarine, Diore mua gotirētosobajama, rētosobuso quēnaroja. To bajiboarine, masiñamani oca ñagōgū i ñagōrone, "Mani rāca rējarā ajimasicōari, butobusa Diore ajitirūnūato" yigu, gāji tire i gotirētosobajama, ñamasuse moagū yigumi, i quēne. ⁶ Ado bajiro bajiaja: Yu mairā, muare ñagū ejaḡu, masiñamani oca yu ñagōjama, ŗno bajiro muare ejarēmogū yiguada yu? Muare yu ejarēmogūajama, ado bajirojua yiroti ñaja: Dios i ejarēmose rāca i ocare buecōari muare gotiroti ñaja. To bajiro yu yibetijama, i ocare buebetiboarine, i ejarēmose rāca tuoīacōari muare gotiroti ñaroja.

⁷ Gotimasiore queti muare gotigu yaja: Tōroare quēnaro i jutibetijama, "Ti basare jutigu yami", yimasīña manoja. To bajirone bajiroja arpa vāme cutijure quēne. Quēnaro i yibusomasibetijama, "Ti basare yami", yimasīña manoja. ⁸ Surarare jigū, trompeta vāme cutija quēnaro i jutibetijama, "Siarotiga yiroti", ire yiajimasimenama, quēnaro i jutibeti ti ñajare. ⁹ To bajirone bajiaja, gājerā, oca masiñamani mua ñagōboajama. Mua ñagōboasere ajimasibeticōari, "To bajiro yire ŗni ñaja", yimasibetiruarāma ina. To bajiro bajica yiro, masa mano ñagōriare bajiro bajicōaroja. ¹⁰ Adi macarucurore jājarā masa ñarāma ricati rīne ñagōrā. Ina cojo masama, gāmerā ajicōarāma. ¹¹ To bajiboarine, yu ocare ajibecu rāca, yua ñagōboajama, gāmerā ajimasimenaja. To bajiro ti bajijama, gāmerā ejarēmomasīña manoja. ¹² To bajirone bajiroja muare quēne, masiñamani oca mua ñagōjama. Gājerāre ejarēmomasimenaja. To bajiri, Esp'iritu Santo i masise muare i ujorotire buto bojarā ñari, gājerāre ejarēmorotijure sēniña, "Butobusa Diore ajitirūnūato" yirā.

¹³ Gājerāre ejarēmorotire tuoārā ñari, masiñamani oca ñagōrā quēne, Diore sēniña mua, "Ti ocare buebecu ñaboarine, ajimasicōari, gājerāre gotirētosobumasirā ñarāsa" yirā. ¹⁴ Diore sēniḡū, oca masiñamani yu ñagōjama, Esp'iritu Santo i ejarēmose rāca to bajiro ñagōgūja yu. "To bajiro yiruarō yaja" yimasibetiboarine, ñagōgūja yu. To bajiri gājerāma yure ajimasimenama. ¹⁵ To bajiro ti bajijare, ado bajiro yiroti ñaja: Cojojirema Esp'iritu Santo i masise yure i ujose rāca Diore sēniroti ñaja. Gajejuma, yu masune tuoīacōari, ire sēniroti ñaja. Cojojirema Esp'iritu Santo i masise yure i ujose rāca basaroti ñaja. Gajejuma, yu masune tuoīacōari, basaroti ñaja. ¹⁶ To bajiro mani yibetijama, Esp'iritu Santo manire i ujose rāca Diore mani yirūcubuoajama, "Tire ñagōrā yama", manire yimasimenama ina. To bajiri, mani rāca Diore yirūcubuoamasimenama. ¹⁷ "Quēnaro yaja mu" Diore mani yiboajaquēne, manire ajimasibeticōari, quēnabusaro Diore ajitirūnūmenama gājerā. ¹⁸ Mua rētoro masiñamani oca ñagōjaja yu. To bajiri, yu masibeti oca ñaboasere yu ñagōmasise yure i ujose ti ñajare, "Quēnaro yaja mu", Diore ire yaja yu. ¹⁹ To bajiboarine, cojomocārāca vāme cōro gotimasioruarūḡūaja, quēnaro ina ajimasirotire yigu. Diez mil ñari vāme ñase oca gājerā ina ajimasibeti yu gotijama, ajimasibetiborāma.

²⁰ Yu mairā, rīamasare bajiro tuoīabesa mua. Bucurā ina tuoīarore bajiro tuoīacōari, quēnaro tuoīamasīña, yu gotimasiosere. Rojosere rīamasa ina tuoīamasibetore bajiro mua quēne rojosejuarema yibeticōañā. ²¹ Dios ocare masa ina ucamasire ti gotijama, ado bajiro gotiaja: "Ina tūju gajeye oca ñagōrāre cōarucuja. To bajiro yu yiboajaquēne, yure ajibeticōa ñaruarāma", yigotiaja Dios oca masa ina ucamasire. ²² Ado bajiro manire yaja ti: "Masiñamani oca, Esp'iritu Santo i masisere manire i ujose rāca mani ñagōjama, Cristore ajitirūnūrā ina ĩaro rījoro ñagōroti me ñaja. ĩre masimena ina ĩaro rījorojua ñagōroti ñaja", yaja ti manire. To yicōari, Diore mani gotirētosobajama, Cristore ajitirūnūmena ina ĩaro rījoro ñagōroti me ñaja. ĩre ajitirūnūrā ina ĩaro rījorojua ñagōroti ñaja, "Quēnabusaro Cristore ajitirūnūato ina" yirā. ²³ To bajiro muare gotiboarine, ado bajise muare yicōa ñaja yu: "Masiñamani oca mani ñagōjama, ñie vaja manoja. Tire ajimasimenama gājerā", muare yicōa ñaja yu. Mani jediro rējacōari, masiñamani oca mani ñagōjama, gājerā Cristo i bajirere ajimena, to yicōari ocare ajimena, sājaejacōari, "Mecurā yama", manire yiruararāma. ²⁴ To bajiboarine, Diore mani gotirētosobānarone, sājaejacōari, Dios oca ti ñajare, "Rojose yirā ñaama" yuare yīlagūmi Dios", yimasiruarāma Cristo i bajirere ajimena. ²⁵ "Yua usurijū rojose yua tuoīasere masicoami Dios", yiruarāma. To yicōari, Diore rūcubuoarā, gusomuniari tueturuarāma ina. To yicōari, "Socarā me yaja mua. Mua rācane ñagūmi Dios", yiruarāma.

"Rējacōari, Diore rūcubuoarā, ado bajiro yirūḡūroti ñaja", yire

²⁶ Yu mairā, rējacōari, Diore rūcubuoarā, ado bajiro mua yijama, quēnaja. Sīgūri basa, gājerāma, Dios ocare buecōari gotimasio, gājerāma, Dios ĩnare i ñagōrotisere goti, gājerāma,

masiñamani oca ñagõ, to yicõari, gãjerãma, masiñamani ocare ajimenare, “Ado bajiro yiruaro yaja”, ñare yiruaraña mua. “Quẽnabusaro Diore ajitirãnũato” yirã, ti jediro gãmerã ejarẽmoruarãja mua. ²⁷ Masiñamani oca mua ñagõruajama, juarã, idiarã cõrone ñagõruarãja mua. Jãjarã ña ñagõjama, quẽnabetoja. Sīgũ ñagõro bero, ñagõrucumi gãji. Ñero ñagõrucumi ñagõtusagu. Ajimasimena ñaboarine, masiñamani oca ña ñagõro bero, gãjerã ti ocare ajimenare ña gotisere, “Ado bajiro yiruaro yaja” ñare yigotimasiorimasu quẽne ñarucumi. ²⁸ “Ado bajiro yiruaro yaja” yigotirimasu ña manijama, ña ñaro ñjoro mua masibeti ocare ñagõbetiroti ñaja. Ñagõbumenane, mua tuoĩase rãca Diore mua ñagõjama, quẽnaja. ²⁹ Dios ocare mua gotimasiojama, juarã, idiarã cõrone ñagõruarãja mua. Gãjerã mua ñagõsere ajicõari, “Socabeama”, yajimasiruarãma. ³⁰ Sīgũ, ña gotiñarone, ña gotisere ajigujua, Dios ña ejarẽmose rãca tuoĩacõari, ña quẽne ña gotiruajama, gotisuoqujua gotitajato, “Ñjua gotiatu” yigu. ³¹ To bajiri, sīgũ ña gotiro bero, gotirucumi gãji. Ñero gotirucumi gãji. To bajiro ñe yirũgũruarãja mua. To bajiro mua yivajama, sīgũ ruayabeto Dios ocare ajivariquẽnaruarãma ña. ³² Diore gotirẽtobosarã, ado bajiro bajirã ñari to bajiro quẽnaro gotirũgũruarãja mua: Mua gotirẽtose Espiritu Santo muare ña ujosere, “Ado cõrone tire yu gotijama, quẽnaja”, yimasirãja mua. ³³ Ñe oca mano manĩ rẽjasere ñavariquẽnarucumi Dios. Rẽjacõari, gãjerã ña gotiruaro rucubumenane manĩ ñagõjama, ñavariquẽnabecumi.

To bajiri gãjerã Jesũre ajitirãnũarã ña rẽjarore bajiro, rojose oca mano mua rẽjajama, quẽnaja. ³⁴ Diore rucubuoarã, ña rẽjaro, rõmĩama ñagõbetirona ñaama, to bajiro ña yibetirũgũre ti ñajare. Ña manajua ña rotirore bajiro cadiroti ñaja. To bajirone gotiaja Dios ocare masa ña ucamasire. ³⁵ Ña masiruajama, ña ya viju tudiejacõari, ña manajuare ña sãnĩajama, quẽnaroja. “Rẽjariavijure ñagõbetiruarãma rõmia” yire ti ñajare.

³⁶ ¿No yirã yu gotirore bajiro yibeticõa ñati mua maji? “Ña oca yuare cũñumi Dios, ‘Gãjerã masare quẽnaro rojo gotibosato’ yigu”, ¿yituoĩaboati mua? “Yua ñe Dios ocare masa ña ucamasire masirã ñaja yua”, ¿yituoĩaboati? Mua ñe me ñaja Dios ocare ajicana. ³⁷ Sīgũ, “Diore gotirẽtobosagu ñaja yu” ña yijama, muare yu gotisere ajicõari, “Dios ña rotirore bajirone gotiamĩ Pablo”, yimasirucumi. To bajirone yiruarãma gãjerã quẽne, “Espiritu Santo ña masise yuare ña ujosere rãca gãjerãre ejarẽmoaja yua” yirã. ³⁸ Yu gotimasiosere, “Socase ñaja” sīgũ ña yigotijama, ñe ajibeja.

³⁹ Yu mairã, ado bajiro muare yaja yu: Diore gotirẽtobosaroti, Espiritu Santo muare ña uxorotire buto bojarũgũña. Rẽjacõari, gãjerã masiñamani oca ña ñagõjama, “Ñagõbesa”, ñare yibeja. ⁴⁰ To bajiboarine, gãmerã rucubuoarã, quẽnaro tuoĩacõari, yu gotirore bajiro yirũgũña.

15

“Socase me ñaja Cristo ña tudicature”, yire queti

¹ Yu mairã, quẽna Cristo ña bajirone muare yu gotimasiosuocature mua tudituoĩasere bojaja. Tire ajicõari, Cristore ajitirãnũarã ña soacaju mua. ² To bajicõari, “Pablo ña gotirore bajirone yiyumi Cristo” mua yitujabetijama, rojose mua tãmuoborotire muare yirẽtobosacõari, quẽnaro muare yirucumi Dios. To bajiboarine, mua ajitirãnũ tujajama, muare yirẽtobosabetirucumi Dios.

³ Ti oca ñamasuse, Cristo yare ña goticati ñacaju. Ado bajiro bajiaja: Dios ocare masa ña ucamasire ti gotirore bajirone rojose manĩ yise vaja manire rijabosayumi Cristo. ⁴ Ñe ña jajuĩaro bero, ñe yujeyujarã ña. To bajiboarine, idiarãmu tusatirãmune Dios ocare masa ña ucamasire ti gotirore bajirone ñe catioyumi Dios. ⁵ To ña yijare, tudicaticõari, Pedroro ruyuaĩoñuju Cristo. Bero, ña buerã ñariarã cõrone ruyuaĩoñuju quẽna. ⁶ Bero, gãjerã quiniento rẽtoro ñarãre ñe ajitirãnũarãre ruyuaĩoñuju Cristo. To bajiri, jãjarã caticõama maji, to bajiro ña bajirere ñariarã. Gãjerãma, rijareacoasuma. ⁷ Bero, Santiagore ruyuaĩoñuju. Bero, ña ocare ña gotiroticõariarã jedirore ruyuaĩoñuju.

⁸ Ña ña ruyuaĩoriaro bero, yare quẽne ruyuaĩocumi. Ñe yu ajitirãnũaroto ñjoro, “Cristore ajitirãnũarõca ñagũmi”, yare yimasibeticama masa. Gãjerã Cristo rãca ñacõari, ñe ña ajitirãnũariarore bajiro ñe ajitirãnũabeticaju yu maji. ⁹ Ñe ajitirãnũarãre buto rojose ña yisuyacacu ñari, Cristo ocare gotigu ñaboarine, ñamasugũ me ñaja yu. Gãjerã ña ocare ña gotiroticõariarã ñaama ñamasurãma. ¹⁰ To bajiboarine Dios, yare ña maicõari, Cristo suorine ña ocare yare gotiroticõañumi. Quẽnaro yare ña yijare, quẽnaro ñe moabosaja yu. To bajiri, “Ñe gotirotiboacaju yu”, yare yibecumi. Gãjerã Cristo ña ocare ña gotirotiriarã rẽtobosaro gotimasiorũgũaja yu, “Jãjarãbusa ñe ajitirãnũarã ñato” yigu. Yu masune yigu me yaja. Yare ña maicõari, quẽnaro yare ejarẽmorũgũgũmi Dios. ¹¹ Cristo ña bajire yu gotijama, gãjerã Cristo ña gotirotiriarã ña gotiaquẽne, ña yibeja. Jediro muare yua gotise, ti ñe ñacõaja, mua ajitirãnũacati.

“Mani rijato bero, quēna mani tudicatibetijama, vaja maniboroja Cristore mani ajitirānuse”, yire queti

¹² To bajiri, “Í rijato bero ire catiyoumi Dios” yua yigotise ti ñaboajaquēne, muajuama, ¿no yirā “Bajireariarā, tudicatimenama”, yati mua? ¹³ To bajiro mua yisere quēnaro tuoñaña mua: Tudicatire ti manijama, Cristo quēne tudicatibetiborimi. ¹⁴ Cristo í rijato bero, Dios íre í catiobetijama, í oca masare yua gotise, vaja maniboroja. Íre mua ajitirānuse quēne, vaja maniboroja. ¹⁵⁻¹⁶ To bajiri, Dios Cristore í tudicatibetijama, socasere Dios í gotiroticōarāre bajiro bajiborāja yua. “Bajireariarā tudicatibeticōato” í yijama, Cristore quēne íre tudicatiobetiborimi Dios. ¹⁷ “Tudicatibetirimi Cristo” mua yituoñajama, íre mua ajitirānuse, vaja maniboroja. Rojose mua yisere muare masiribetiborimi Dios. ¹⁸ To bajicōari, Cristore ajitirānuriarā quēne, tudicatio ecomenare bajiro bajirāma bajireariarā, Cristo í tudicatibetijama. ¹⁹ Cristore ajitirānurā ñaboarine, mani tudicatibetijama, íre ajitirānumena ína satiritiro rētoro tāmuborāja mani.

²⁰ Ado bajirojua bajiaja: Cristo í rijacoaboajaquēne, íre catiyoumi Dios. To bajiri í ñagūmi, rijacoaboarine, quēna tudicaticōari, rijabetiroca ñasuoquma. To bajiro í bajijare, “Mani quēne íre ajitirānurā ñari, rijacoaboarine, íre bajiro quēna tudicaturāja”, yimasiaja mani. ²¹ Sīgū suorine masa bajireare ñasuojuja. To bajiboarine, quēna sīgū suorine bajireacoaboarine, tudicatire ñasuojuja. ²² Ado bajiro bajiaja: Adān ñamasir’i jānerabatia ñari, rijaurāja mani. To bajiboarine Cristore ajitirānurā í yarā mani ñajare, manire catiorucami Dios. ²³ Cristo ñagūmi rijacoaboarine quēna tudicatisuor’i. To bajicōari, adigodoju í tudiejarō, íre ajitirānuriarā tudicaturāma. ²⁴ To bajiro ti bajirone, adi macarucaro jediruroja. Íre íterā ñaro cōrone ína rotiboasere ínare yirotibetirucami Cristo. Adigodoana rojose yirotirā, ō vecana rojose yirotirāre quēne ínare yirotibetirucami. To yigajanočōari, ñajediro, íre ajitirānurāre í jacu Diojuare uxorucami, “Ñajediro uju ñamasugū ñarūgūrucuja mu” yigu. ²⁵ Cristo ado bajiro yiroca í ñajare, “To bajirone bajiruroja”, muare yaja yu: Cristo í jacare í uxoroto rjoro, í rotinārirodone, íre íterā ñaro cōrone ína rotiboasere ínare yirotibetirucami. ²⁶ Íre íterā ína rotiboasere yirotibeticōari, quēna masa ína bajirease quēne bajibetirotirucami Cristo. To bajiri íre ajitirānurārema, juaji rijare maniruroja. ²⁷ Dios ocare masa ína ucamasire ti gotirotore bajirone jediro uju ñarocure Cristore cūrucami Dios. Bajigujama, í jacure rotigu me ñaami Cristo. ²⁸ To bajiri, íre íterā ñaro cōrone ína rotiboasere ínare yirotibeticōari, jedirore rotigu ñarucami Cristo. Tirānume í rotimasirotire í yjorere íre tudisirucami, í jacure, “Ñajediro uju ñamasugū ñarucuja mu” yigu.

²⁹ “Bajireariarā tudicatimenama” sīgūri mua yisere tuoñacōari, gajeye muare gotirēmorūaja yu. ¿No yirā, bajireariarā, oco rāca bautiza ecobetiriarāre tuoñacōari, “Ínare bautiza ecobosoto mani”, yati mua? Bajireariarā ína tudicatibetijama, oco rāca ína bautiza ecore vaja maniboroja ti. ³⁰ Gājerāre Cristo í bajireare yua goticudise quēne, vaja maniboroja ti. Tire yua goticudijare, rojose yuare ína yirūase ti ñaboajaquēne, goticudicōa ñaja yua. Bajireariarā ína tudicatibetiboajaquēne, ¿no yirā to bajise yicōa ñati yua? ³¹ Yu mairā, riojo muare gotiaja yu. Buto yure ína sjaruajare, tocārācarānume tire tuoñarūgūaja. To bajiboarine, tire yu tuoñaro cōro yu goticati suorine Jesucristo mani ujure mua ajitirānusero tuoñavariquēnarūgūaja. ³² Adoana, Efeso macana yure ítecōari, buto rojose yure ína yirūaboajaquēne, tone goticōa ñacaju yu. Bajireariarā ína tudicatibetijama, yu goticati vaja, vaja bujabetiboguja yu. Mani rijato bero, mani tudicatibetijama, Cristore ajitirānumena ína tuoñarore bajiro tuoñaroti ñaboroja. Ado bajiro tuoñarāma ína: “Mani bajireacoajama, tudicatimenaja mani” yituoñarā ñari, “Mani bojarore bajiro yito mani”, yituoñarāma.

³³ To bajiro ína yisere ajitirānubesa. “Rojose yirā rāca mua baba cutijama, quēnaro yirā ñaboarine, ínare bajiro rojose yirūarāja mua quēne” yirere masiritibesa. ³⁴ “Mani rijato bero, tudicatimenaja mani” mua yituoñaboasere to cōrone tuoñatujaya mua. To yicōari, rojose mua yisere quēne yitujaya. “Rojose yirā rāca baba cutibesa”, muare yibu yu, mua rācana sīgūri Diore masimena ína ñajare. Tire muare gotiaja yu, yu gotisere ajicōari, mua tuoñabojonerotire yigu.

Rijacoaboarine, quēna mani tudicatiroti queti

³⁵ “Mani rijato bero, tudicatiroti ñaja manire” muare yu yiboajaquēne, sīgūri ñarāja mua ado bajise sēniarā: “Bajireariarā ñaboarine, ¿no bajiro tudicatrāda? To yicōari, ¿no bajiro ruju cutirāda?”, yure yisēniarāja mua. ³⁶ To bajiro yure mua sēniñajama, quēnaro tuoñamasimena yirāja mua. Ado bajirojua bajiaja: Ote mani otejama, joeaye boacoatoja. To bajiboarine, jubeyejua judiroja. ³⁷ Trigo aje, gajeye mani otejama, ruju jediro me oteja mani. ³⁸ Mani otero bero, “Ote ti ñarore bajirone judiatio” yigu, tire judirotimasigūmi Dios. Trigo aje ti ñajama, trigo judiruroja. ³⁹ Gajeyere quēne tuoñaña: Mani catirā, jediro ricati

rīne ruju cūtiaja mani. Masa, vaibucārā, minia, vai quēne ricati rīne ruju cūtiama. ⁴⁰ Ō vecana quēne, ricati ruju cūtirāma. “Ō vecana űato” yigu, ĩnare rujeoyumi Dios. To bajirone bajiaja, adigodoaye quēne. “Adigodoaye űato” yigu, tire rujeoyumi Dios. To bajiri ricati űaja ti. Ricati űaboarine, quēnase rīne űacōaja. ⁴¹ To bajirone bajiaja űmuagu muiju ĩ bususere quēne. űmuagu muiju ĩ busuro cōro me busuami űamiagu quēne. To bajicōari űamiagu muiju ĩ busuro cōro me busuama űooca quēne.

⁴² To bajirone bajiruārāja mani. Mani rijato bero, quēna tudicaticōari, ricati ruju cūtiruārāja mani. Mani rujurire gājerā ĩna yujero bero, boacoatoja. To bajiboarine, bero ricati ruju Dios manire ĩ ĩsrotijuama, rijabetitotiruju űaruaroja. ⁴³ Mani ruju boarotiruju űaja. To bajiboarine, bero Dios manire ĩ ĩsrotirujuama, no yimasıamani ruju űaruaroja. ⁴⁴ Mani ruju, “Adigodoju űato” yigu, Dios ĩ rujeoriaruju űaja. To bajirone bajiruaroja, manire Dios manire ĩ ĩsrotirujuama, “Yu rāca quēnaro űaruārāma” yigu, manire ĩ ĩsrotiruju űaruaroja.

⁴⁵ Ado bajiro gotiaja Dios ocare masa ĩna ucamasire: “Adān űamasir’ire ĩ catirotire ĩre ĩsimasiűu Dios”, yigotiaja. Adān beroagu űaboarine ĩ rētoro űamasugū űaami Cristo. ĩne űaami ĩre ajitirānūrā, rijacoaboarine, tudirijayamanire űogū. ⁴⁶ To bajiro ti bajiboajaquēne, ĩ rāca ō vecaju űarotiruju mere manire ĩsisoyumi. To bajiro ĩ yiro bero, ō vecaju ĩ rāca mani űarotirujare manire ĩsirucumi. ⁴⁷ Adān űamasir’ire sitane rujeomasıuju Dios. To bajiri adigodoagu űamasıuju ĩ. Bero vadir’i, Cristojuama, ō vecaju vadir’i űaıuju. ⁴⁸ Adigodoana Adān űamasir’i ruju cūtiriarore bajiro ruju cūtiaja mani. To bajirone bajiruaroja, manire Cristore ajitirānūrāre quēne. Cristo, rijacoaboarine, tudicaticōari, ĩ ruju cūtiriarore bajiro ruju cūtiruārāja mani quēne.

⁴⁹ Adigodoana Adān ĩ ruju cūtimasiriarore bajiro ruju cūtirā űaja mani. To bajiboarine, Dios taju ejacōari, Cristore bajiro ruju cūtiruārāja mani.

⁵⁰ Yu mairā, űamasusere muare gotigu yaja yu: Ado mani ruju cūtisema Dios taju űarotiruju me űaja. Gaje ruju, ruju cūticōari, Dios taju űaruārāja. ⁵¹ Quēnaro yare ajiya mua. Masa ĩna masibeticatire muare gotigu yaja yu: Cristo ĩ tudiejarō, ĩre ajitirānūrā jediro rija-jedibetiboarine, sıg ruyabeto gaje ruju, ruju cūticoaruārāja mani. ⁵² Trompeta vāme cūtijū, ĩna jutibusiorone, guaro cajea bibitiarore bajirone bajireariarā, tudicaticōari, rijabetitotiruju, ruju cūtiruārāma. To bajiro ĩna bajirone, mani quēne bajireamenane Cristore ajitirānūrā űari, gaje ruju, ruju cūtiruārāja mani. ⁵³ Ado bajiro ti bajijare, to bajiro bajiroti űaja: Mani ruju cūtise, rijacōari, boaroti űaja. To bajiri rijabetitotirujuare, ruju cūtiroti űaja. ⁵⁴⁻⁵⁵ To bajiro mani ruju cūtirone, Dios ocare masa ĩna ucamasire ti gotirone bajiro bajiruaroja. Ado bajiro gotiaja: “Rijaroti űaboasere reajeorucumi Dios. To bajiro ĩ yijare, ĩre ajitirānūrā, tudirijabetiruārāma. To bajiri, no yirā ĩna bajirotire gūimenama”, yigotiaja Dios ocare masa ĩna ucamasire. ⁵⁶ Dios ĩ rotimasiriarore bajiro yimena űari, rojose tāmuroaruārāma. To bajiro bajiroti ti űajare, ĩna bajirearotire gūirāma masa. ⁵⁷ To bajiboarine, mani űju Jesucristo manire ĩ rijabosare űajare, mani bajirotire gūibeaja mani. Tire tuoıacōari, “Quēnaro yaja mu”, Diore yito mani.

⁵⁸ To bajiri Jesucristore ajitirānūrā tujabetiruārāja mua, yu mairā. To yicōari, mua yimasiro cōro Dios ĩ bojasere yirūgūna. “űajediro Dios ĩ bojase mani yijama, quēnaro manire yirucumi” yituoıacōari, to bajiro yirūgūna.

16

Jerusalén macanare ejarēmora, gājoa ĩna juarēore queti

¹ Gājerā Cristore ajitirānūrāre ejarēmora gājoa mua juarēoritire muare gotigu yaja. Galicia sitana Cristore rucuborā ĩna rējaro, ĩnare quēnaro yu roticatore bajiro muare rotigu yaja. ² Tocārāca domingo űaro, gājoa mua ĩsruaro cōro, mua ĩsijama, quēnaja. Tire cojojune juarēocūma. To bajiro mua yijama, mua taju yu ejaro, tire juarēoroti maniruaroja. ³ Mua taju ejacōari, gājoa mua cūsere juavaronare, “Ānoa űaama tire juavarona”, yiba. To bajiri, queti ĩnare ucabosaruıaja yu. “Ānoa űaama quēnaro yirā. ĩnare quēnaro bocaımiıa” yire quetire ĩnare ucabosaruıaja yu, “Jerusalén macanare űoato” yigu. ⁴ “Pablo rāca varuārāma” mua yituoıajama, yu rāca varuārāma.

Pablo, Corinto macaju ĩ varna tuoıare queti

⁵ Macedonia sitaju varucıaja yu. Toju ĩacudigu vacune, mua taju ejarucıaja. ⁶ Yoaro, juebusu űaro cōro mua rāca űarucıaja, yu bajijama. Mua tu yu űaro, gājerā taju yu ĩacudigu varotire yirā, yure ejarēmoruārāja mua. ⁷ Ado cōrone mua tu yu vajama, yoaro mua rāca űabetiboguja yu. To bajiri mua taju vabeaja maji. Mani űju ĩ bojajama, yoarobusa mua rāca űaboguja yu. ⁸⁻⁹ Efeso macajune űacōaruıaja maji, jājarā yure ĩaterā ĩna űaboajaquēne, Jesús ĩ bajire yu gotimasiosere quēnaro ajiruārā jājarā ĩna űajare. To bajiri Pentecostēs boserāmu adoana ĩna yiro bero, varucıaja yu.

¹⁰ Timoteo, mua tu ĩ ejajama, “Manire güibecune, quēnaro riojo gotiatio” yirā, quēnaro ĩre yiba. Yure bajirone mani ujũ ĩ bojasere yigũ ñaami ĩ quēne. ¹¹ To bajiri ĩre quēnaro rācũbuoba. Yu tuju vaju, muare ĩarētovagumi. To bajiri, yu tuju ejaɣu, “Variquēnase rāca ejato ĩ” yirā, quēnaro ĩre ejarēmoma. Gājerā Cristore ajitirũnurā rāca ĩ ejarotire ñayuruarāja yua.

¹² Mani maigũ, Apolos ĩ bajisere yure sēñĩacõañũja mua. Gājerā Cristore ajitirũnurā rāca mua tuju ĩre varotirũgũboacaju yu. Varuabeticami. No bojarirũmu ĩ vatirũmu, varũcũmi, bajigũjuma.

“Estēfanas mesa ĩna rotirore bajiro mua yijama, quēna”, Pablo ĩyire queti

¹³ Rojose yirāre güimenane, quēnaro tuoĩacõari ñarũgũña mua. To bajicõari, mani ujũ Cristore tuoĩatujabesa, “Dios ĩ bojasere yitũjarobe” yirā. ¹⁴ Mua yise jediro quēnaro gāmerā maire rāca yirũgũrũarāja mua.

¹⁵ Acaya sitagu, Estēfanas, ĩ yarā rāca Cristo ĩ bajirere yu gotimasiosere ajitirũnusocama. Adirũmari ñarā, Cristore ajitirũnurāre ejarēmoama ĩna. Tire masiaja mua. ¹⁶ ĩnare, to yicõari, ĩna rāca moarāre quēne quēnaro mua cõdisere bojaja yu.

¹⁷ Estēfanas, Fortunato, Acaico ĩna ejasere buto variquēnaja yu. Jediro yu tuju mua ejama-sibetijare, ĩnajua, ejacõari, mua gotiroti ñaboasere quēnaro muare gotibosama. ¹⁸ Quēnaro muare ĩna gotibosajare, mua variquēnarore bajiro variquēnaja yu quēne. To bajiri, “Yuare quēnaro mua gotibosajare, variquēnaja yua” yirā, quēnaro ĩnare yiba mua.

Pablo, ĩnare ĩ quēnaroticõare queti

¹⁹ Asia sitana Cristore ajitirũnurā, “Quēnato”, muare yicõama. Aquila, ĩ manajo Prisca, ĩna ya vi rējarā quēne, mani ujũre ajitirũnurā ñari, muare quēnarotiana. ²⁰ Adoana Cristore ajitirũnurā, muare mairā, “Quēnato”, muare yicõama ĩna quēne. Gāmerā mairā ñari, rējacõari, quēnaro gāmerā yiba.

²¹ Yu Pablo, yu masune, “Quēnato”, muare yuacacõaja yu.

²² Mani ujũre ĩre ajitirũnumena, rojose tãmuotujabetiriaroju varuarāma ĩna. Mani ujũ, yoaro mene ĩ tudiejasere bojaja yu.

²³ Mani ujũ, quēnasere muare cõarũgũato. ²⁴ Mua quēne, Jesucristore ajitirũnurā mua ñajare, “Muare buto tuoĩamaiaja”, muare yicõaja yu.

To cõro ñaja.

Segunda carta de San Pablo a los CORINTIOS

Corinto vāme cuti macana, Cristore ajitirānarāre, Pablo ī ucacōare queti

¹⁻² ĆNati m̄ua Corinto vāme cuti macana, Dios suori ī macu ocare ajitirānucōari, rējarūgūrā? Adi queti m̄uare ucaja yua. Jesucristo suori Dios yarā ņaja m̄ua. M̄ua rī mere ucaja yua. M̄ua ye sitana, Acayana jediro Dios yarā adi quetire ĩna ĩarotire bojaja yua. M̄uare quēnarotirā, mani jacu Diore, to yicōari, Jesucristo mani ūjare ado bajise m̄uare sēnibosaja yua: “Quēnaro m̄ua rāca ĩna ĩarotire yirā, ĩnare ejarēmoŋa”, m̄uare yisēnibosaja yua. Yu ņaja Pablo, adi paperare m̄uare cōagū. “Yu ocare gājerāre gotimasiocudirucuja m̄u” yigu, Dios ī bojarore bajiro yure cōacami Jesucristo. Mani maigū, Timoteo rāca ņaja yu.

³ Diore ĩre rācubuto, mani ūjare Jesucristo jacure.

Īne ņaami manire ĩamaigū. Mani tuoīasutiritisere, “Sutiritibeticōato” yigu ņaami. ⁴ ņajediro rojose mani tāmujama, manire ejarēmōrūgūami. To bajiro manire ī yisere masicōari, mani quēne, gājerā rojose ĩna tāmujama, ĩnare ejarēmomasiruarāja mani. ⁵ “Diorāca quēnaro ņato” yigu, rojose manire tāmujobosayumi Cristo. To bajiri, gājerā Diorāca quēnaro ĩna ĩarotire yirā, rojose tāmujobosarūgūaja yua quēne. Butobusa rojose yua tāmujōnaro rīne, “Sutiriti tujacōari, variquēnato” yigu, butobusa quēnaro manire ejarēmōrūgūami Cristo. To bajiro ti bajijare, “Quēnaro yaja m̄u”, Diore ĩre yivariquēnarūgūaja yua. ⁶ To bajiri, m̄uare quēnaro yua ejarēmosere, to yicōari, ī rāca quēnaro m̄ua ĩarotijuaire quēne tuoīarā ņari, rojose tāmujōrūgūaja yua. To bajiro yua bajiboajaquēne, yuare quēnaro ejarēmōrūgūami. To bajiri, yua suorine m̄uare quēne ī ejarēmōjare, m̄ua quēne, rojose tāmujobosarūgūami Cristo ejarēmōjare bajiro ĩnare quēne ejarēmōgū yigūmi Dios” yimasirā ņari, “Cristore ajitirānu tujabetiruarāma”, m̄uare yituoīaja yua.

⁸ Yu mairā, adoju, Asia sitaju buto rojose yua tāmujocature m̄ua masisere bojaja yu. Buto rojose tāmujocana ņari, “Yuare sīabeticōato” yirā, no bajiro yimasibeticaju yua. ⁹ “Manire sīaruarāma”, yituoīacaju yua. “Dios ņaami manire rujeorī, rijariarāre quēne catiogu. To bajiri adigodojure ī sīgūne ņaami manire maigū” yua yituoīarotire yiro bajicaju. ¹⁰ Yuare ĩna sīaborotire yirētobosayumi Dios. To bajiri, “Ī yicatore bajiro manire yirētobosarūcūmi quēna”, ĩre yituoīa variquēnacōa ņaja yua. ¹¹ Diore m̄ua sēnise suorine yuare ejarēmōruarāja m̄ua quēne. Gājerā quēne, yuare sēnibosaruarāma. To bajiri ĩna rāca jājarā ņaruarāja m̄ua, yuare quēnaro Dios ī yisere ajicōari, “Quēnaro yaja m̄u”, Diore ĩre yirona.

“Ado bajiro tuoīagū ņari, m̄ua tujū vabeaja yu maji”, Pablo ī yire queti

¹² Ado bajise tuoīacōari, variquēnaja yua: “Dios ī bojarore bajiro masare quēnaro yicaju mani”, yituoīaja yua. Masare yitorā me ņaja yua. “Corinto macana rāca ņarā, quēnaro Dios ocare gotimasiocaju”, yituoīaja yua. Yuare quēnaro yiyumi Dios, “Gājerāre quēnaro yato” yigu. Yuare masune yua tuoīasene gotibeticaju. Dios ī masise rāca to bajiro yicaju yua. ¹³ M̄uare ucacōarā quēnaro riojo m̄ua ajimasirotire ucacaju yua. To bajiri ņajediro yua ucacature quēnaro ajimasirūja m̄ua. Bero quēne, jediro yua ucarotire ajimasiruarāja m̄ua. ¹⁴ To bajibosarūgūaja yua, yua ucasere quēnaro ajimasijeobeaja m̄ua maji. Quēnaro yuare m̄ua ajimasijeosere bojaja yua. Yuare m̄ua ajimasijeojama, mani ūjare Jesucristo ī tudiejarirāmu ti ejaro, “Quēnaro yuare gotimasiōfuma Pablo mesa”, yivariquēnaruarāja m̄ua. Yuare quēne, “Quēnaro ajitirānarā ņaama”, yituoīa variquēnaruarāja.

¹⁵ Tire tuoīagū ņari, quēna m̄uare ĩagū varua tuoīacaju yu. “To bajiro yu bajijama, ĩnare yu ejarēmōjare, butobusa variquēnaruarāma”, m̄uare yituoīaboacaju yu. ¹⁶ “Macedonia sitaju vacu, ĩnare ĩarētōarūcūja yu. Quēna tudiaju, ĩnare ĩarētōadirucūja”, yituoīaboacaju. M̄ua tujū ejacōari, “Judea vāme cuti sita yu ejamasirotire yirā, yure ejarēmōruarāma”, m̄uare yituoīaboacaju. To bajiro yituoīaboarine, beroju ricati tuoīacaju yu. ¹⁷ M̄ua tujū yu ejabetijare, “Quēnaro tuoīabecune, to bajise yituoīaboayumi”, yure yirāja m̄ua. “To bajiro yirucūja yu” yiboarine, ricatijua yigu me ņaja yu. ¹⁸ Mani jacu Dios, riojo gotigu ņaami. To bajiri yu, yu babarā quēne riojo gotirā ņaja yua. To bajiro yiruarāja yua yijama, yua yirore bajirone yaja yua. “To bajiro bajirā ņaama”, yuare yīagūmi Dios. ¹⁹ Jesucristore ajitirānugū ņari, to bajiro yaja yu. Yu Pablo, Silvano^a, Timoteo quēne, Jesucristo yere m̄uare goticaju yua. Ī ye queti socase me ņaja. “To bajiro yirucūja” yiboarine, ricatijua yire me ņaja. To bajiri, “Yiruarāja” yua yirore bajirone gotirūgūaja. ²⁰ “Quēnaro masare yirucūja” Dios ī yigoticūre

^a **1:19** Jesucristore ajitirānugū ņari, to bajiro yaja yu. Yu Pablo, Silvano, Timoteo a 1.19 Silas ti yijama, griego oca rāca yiyuju. Silvano ti yijama, latin oca rāca yiyuju. Hch 15.22; 18.5; 1 Pe 5.12 macaŋa.

jedirore yijejogu ñaami Cristo. To bajiro yigu i ñajare, quënaró Diore yirücbuöo variquëñaja mani. ²¹ Ñe ñaami Dios, muare, to yicöari yuare quëne, Jesucristo yarä mani ñarotire yigu, manire beser'i. To yicöari, yuare i ye ocare ümato gotimasioronare yuare cücami. ²² "Yu yarä ñaruaräma yuja" yigu, mani usurijure cöañumi, Esp'iritu Santore. Mani usurijure ejacöari, i ñajare, "Jesucristo yarä ñaja mani. To bajiri Dios i gotiriarore bajirone jediro i ñaroju quënamasusere bujaruaräja", yimasiaja mani.

²³ Ado bajiro tuoïagü ñari, mua tuju vabeticaju yu maji: Mua tuju ejacöari, muare yu gotiserene, "Tud'ire bajiro ajisutiritiroma" yigu, vabeticaju yu. To bajiri vabeticöari, "Queti yu ucace räca ñare gotirücuja maji", yitüoiacaju yu. Socu me yaja yu. Riojo masiami Dios quëne. ²⁴ Muare rotiruarä me to bajiro muare gotimasioaja. Jëre Diore quënaró tuoïamasirä ñaja mua. Quënaró mani ñajediro variquëñase räca butobusa Diore mani masirotire yirä, muare ejarëmorügüaja yua.

2

¹ Tirümüju mua tuju ejacöari, muare yu gotiro, buto sutiriticaju mua. To bajiri sutiriticaju yu quëne. To bajiro ti bajijare, quëna yu ñaro rïjoro mua sutiritirotire bojabecu ñari, "Ïna tuju ñagü vabecuja yu maji", yitüoiacöacaju yu. ² Mua sutiritijama, ñimu räca variquëñabetibogüja yu. To bajiri muare yu gotise suorine mua sutiritisere bojabecu ñari, vabeticaju yu. ³ Mua tuju ejacöari, sutirititegu, muare paperare ucacöacaju, mua räca yu variquëñarotijuaere bojagu ñari. ⁴ Ti quetire muare ucagu, sutiriticöari, buto oticaju yu. Tire mua ñasutiritirotire bojabeticaju. Tire ñacöari, "Buto manire maiami Pablo" mua yimasirotire bojacaju.

"Rojose yirere masirioya", Pablo ñyire queti

⁵ Mua räcagu rojose i yirere ajicöari sutiriticaju yu. Yu sigü me sutiriticaju. Rojose i yirere masicöari, sutiritiriaräja mua quëne. Butobusa i sutiritirotire mua yisere bojabeaja yu. ⁶ Jëre jëjarä rëjacöari, rojose i yire vaja rojose ñe yiyuja mua. "To cörone rojose tämuoato" ñe mua yisere bojaja yu. ⁷ Rojose i yirere masiriocöari, ñe baba cutiya quëna. To bajiro mua yibetijama, sutiriticöari, Cristore ajitiränu tujaocoarucumi. ⁸ To bajiri quënaró ñe yiya mua yuja, "Yure maïama' yimasiao i" yirä. ⁹ Tirümüju pæpera muare ucacöacaju yu, "¿Yu yirotisere yicöati?" yimasiru. ¹⁰ Gäji rojose i yirere mua masiriojama, yu quëne i yirere masirioaja. To bajiri rojose i yire ti ñajama, ñe masiriorucüja. Buto muare maigü ñari, Cristo i ñaro rïjorojua to bajiro yirucüja. ¹¹ Mani gämerä masiriocöa ñajama, vätiyu i bojarore bajiro manire rotimasibecumi. Bajiräyuma, masare rojose i yitoajerügüsere jëre masiaja mani.

Troas väme cuti macaju ejacöari, Pablo i tuoïarejaire queti

¹² Troas väme cuti maca ejacöari, Cristo oca quënasere toanare gotimasio ñacaju yu. To yu bajirone, jëjarä masa yure ajirä ejacama. ¹³ To bajiro ña ajirüaboajaquëne, yuüja, mani maigüre mua tuju yu cöacacure Tito väme cutigure bujabeticöari, buto tuoïarejaicaju yu. To bajiri, toanare vare goticöari, ñe macagü vadacaju yu, adoju, Macedonia sitaju.

¹⁴ "Cristo manire i rijabosare suorine vätia üju, rojose yirotigü, manire i rotiriarore bajiro yibeticöato" yigu yiyumi Dios. To bajiro i yijare, vätia üjere ajibeticöari, Dios i bojasejuare yirügüaja mani. "Jediroju quëñase sutise ti sutibatorore bajiro ñajediroanare ti quetire gotibatoato" yigu, yuare goticudi rotirügüami. To bajiro yigu i ñajare, "Quënaró yaja mu", Diore yivariquëñato mani. ¹⁵ Ti quetire masare yua gotibatosere ñavariquëñagümi Dios. Yua gotibatose suorine masa jediro, Dios tuju varona, rojose tämuotujabetiriaroju varona quëne, tire ajijediräma. ¹⁶ Cristore ajitiränümena rojose masu ña bajirotire yua gotimasiosere ajiteama, rojose tämuotujabetiriaroju varona ñari. Gäjeräyuma, Dios tuju varona, quëñase masu ña bajiroti yua gotijare, tire ajivariquëñaama. Yua masune yua tuoïasene gotibeaja. Dios i masise räca tire gotimasiorügüaja. ¹⁷ Bajiräyuma, gäjerä, jëjarä ñaräma, Dios ocare gotimasiorä. Ñama, "Tire goticöari, gäjoa bujaräsa" yirä ñaama. Yuajuama, ñare bajiro yirä me ñaja. Jesucristo yarä, Dios i cöariarä ñari, i ñaro rïjorojua räcübüose räca i ocare gotimasiorügüaja.

3

"Quënaró muare yirucüja' Dios i yiriarodo ti ejajare, ado bajiro bajiaja", Pablo ñyire queti

¹ Ña masurione, "Quënaró gotimasiorä ñaja", yama Pablo mesa. Pæpera jüro, "Quënaró gotimasioama' yirijüro gäjerä ñare ña ucabosariajürore ñaroti ñaja" yirere yiboaräja mua. Bajibeaja. Gäjerä gotimasiorimasajuma, to bajiro yirijajürore ña ñorore bajiro ñaroti me ñaja yuarema. ² Mua ñaja "Dios ocare quënaró gotimasioama" yua yïlorijürore bajiro bajirä. Muare ñacöari, "Pablo mesa, ñare ñamaicöari, Dios ocare quënaró gotimasioñuma", yuare yimasiräma masa jediro. Rojose mua yirere yitujacöari, quënaró mua yisejuare ñarä ñari, to bajise yiräma. ³ "Cristo i ejarëmojare, to bajiro bajiaja", muare yimasire ñaja. Tirümüju

gūtājāiriju ucaturcūmasiriarore bajiro muare yibesumi Dios. Ado bajirojua yiyumi: Mua usūju Esp'iritu Santore cōaŋumi. To yicōari, quēnasejuare tuoīarotire yiyumi, “Cristo yarā ņaama” gājerā muare ņa yirotire yigu.

⁴ “Cristo suorine manire ejarēmoami Dios” yirā ņari, “Ti quetire quēnaro gotimasioaja”, yaja yua. ⁵ “Yua masurio yua masise rāca masare gotimasioaja”, yibeaja yua. Ņajediro quēnase yua yise, Dios ī masise rāca yaja. ⁶ To bajiri Dios oca tirāmuayere ī vasoare gotirētobumasiaja yua. “Yu roticūšere cudijeobecuna, ī bajirocājama, rojose tāmūotujabetiriaroju varucūmi”, yigotiyuja tirāmuaye. Mameayejuama, tirāmuayere bajiro me bajiaja. Ado bajirojua bajaia: “Esp'iritu Santore cūrā rīne yure cudiruarāma. To bajiri, Diorāca ņācōa ņarūgūruarāma”, yigotiaja Dios oca.

⁷ Tirāmuju ī rotirere gūtājāiriju ucacōari, Moisés ņamasir'ire īsimasifūju Dios. Tire ņa cudijeobeti suori rojose tāmūotujabetiriaroju varoti ņamasifūju. Tire īsironne, buto yaase rāca ejayuju, “Dios ye ņaja” yiro. Ado bajiro bajimasifūju ti: Dios ī ucarijāirire ī boca juarone, buto ī rioga yaamasifūju, Moisére. Buto yaarica rioga cutigu ī ņajare, ĩre īmasibetimasifūjarā israelita masa. To bajiboarine yoaro mene quēna yaabeticoamasifūju. ⁸ Adidorirema, mameaye oca, Dios ī vasoare ņajare, Esp'iritu Santo, mani usūriju ejacōari, ī ejarēmose suorine Diorāca mani ņācōa ņarūgūrotire masiaja mani. To bajiri “Tirāmuaye oca rētoro ņamasuse ņaja mameaye oca Dios ī vasoare”, yituoīaja mani. ⁹ Tirāmuaye oca Moisére cūgū, “ņamasuse ņaja”, yīomasifūju Dios. To bajiro ī yire ti ņaboajuquēne, gājerā tire cudijeomena ņari, “Rojose tāmūorārāja”, yituoīamasifūjarā masa. Yucurema mameaye oca Dios ī vasoare suorine, “Dios ī ĩajama, rojose mana ņaja”, yimasiaja mani. To bajiri, “Tirāmuaye rētoro ņamasuse ņaja”, yimasiaja mani. ¹⁰ Mameaye oca, Dios ī vasoare, tirāmuaye rētoro ņamasuse ti ņajare, “ņamasuse me ņariroja tirāmuayema”, yituoīavasoare ņaja, adidorirema. ¹¹ Dios ī vasoare, juaji ī vasoabetiroti ti ņajare, “Tirāmuaye ocama yoaro ņabesuja”, yimasiaja mani. To bajiri yucurema, “Tirāmuaye oca rētoro ņamasuse ņaja”, yituoīaja mani.

¹² “ņamasuse ņaja Dios ī vasoare” yituoīarā ņari, bojonemenane tire gotimasioacudirūgūaja yua. ¹³ Moisés ņamasir'ire bajiro bajirā me ņaja yua. Moiséma, Dios ĩre ī ņāgōro bero, ī rioga yaase yayirūtuasere, “Israelita masa ĩaroma” yigu, ī rūjōa jeoriaro jeotoomasifūju. Yuaama, ī yimasiriarore bajiro yayior'i, masare gotimasioabetirūgūaja. ¹⁴ Tirāmujuare quēne Dios ocare ajitirānūuabetimasifūjarā israelita masa. To bajiri ī ocare ajiboarine, “To bajiro yirūaro yaja”, yimasibetimasifūjarā. Adirāmuri quēne to bajirone bajicōa ņaama ņa. Cristore ajitirānūrā rīne, Dios ocare ĩacōari, ajimasiamā ņa. ¹⁵ Tire muare tudigotiaja yu. Israelita masa, mani ūju Cristore ajitirānūuabeticōari, Moisés ī ucamasire ajimasibeama maji. ¹⁶ To bajiboarine, rojose ņa yisere yitujacōari, mani ūjere ņa ajitirānūuajama, ĩnare ejarēmogūmi, “Tire ajimasioato ņa” yigu. ¹⁷ Mani ūjere ajitirānūuorāre ejomasi Esp'iritu Santo. To bajiri, “Rojose mana ņaama” Dios ī yīlavariquēnarā ņari, “Dios ī retimasiere mani yijeobeti vaja, rojose manire yirucūmi Dios”, yituoīabeaja mani. ¹⁸ Jesucristore ajitirānūrā ņari, “Quēnarētogū ņagūmi”, ĩre yituoīamasiaja mani. To bajiri, ī bojarore bajiro yirūgūaja mani. To yirā rīne, butobūsa ĩre bajiro bajiruarāja mani, Esp'iritu Santo ī ejarēmōrā ņari.

4

¹ Yuare ĩamaicōari, ī ocare yuare gotimasiorotiyumi Dios, masare. To bajiro yuare ī yijare, tire tuoīavariquēnacōari, ti ocare gotimasioacudirūgūaja yua. ² Masa bojoneosere yirā, yayioroju ņa yirore bajiro yibeaja yuaama. “Manire ajitirānuato ņa” yirā, masare yitobeaja yua. Gājerā, “Quēnase bujarāsa” yirā, ņa masu ņa tuoīarujeorore bajiro gotimavisiobeaja yua, “Manire ĩagūmi Dios” yirā ņari. To bajiri, “Quēnaro gotimasioama Pablo mesa”, yuare yimasijedirāma masa. ³ Quēnaro gotimasiorā yua ņaboajuquēne, jājarā ņaama tire ajimasimena. Mani ūjere ajiterā ņari, to bajiro bajiamā. Rojose tāmūotujabetiriaroju varona ņaama ņa. ⁴ “Ajimasibeticōa ņato” Satanās ī yise ņajare, yua gotimasiosere ajimasibeama. ĩ ņaami vātia ūju, Dios ī bojabetire masare ĩnare yirotigū. Cristo, Diore bajiro bajigu ī ņajare, ī oca quēnamasusere ajitirānūucōari, quēnaro ĩre masa ņa rūcūbuosere bojabeami Satanās. ⁵ “Yua juare rūcūbuoya” yirā me, ti ocare gotimasiorūgūaja yua. “Mani ūju Jesucristo juare rūcūbuoato” yirā ņa yaja. Jesure maicōari, muare moabosarāre bajirone bajirūgūaja, tire muare gotirā. ⁶ Dios, rēmojuare adi macarucuro rētiaboarere busurotimasifūju. Tire ī yimasiriarore bajirone ī yere mani ajimasibetiboarere mani ajimasiorotire yiyumi. To bajiri, “Quēnarētogū ņaami Dios”, yimasiaja mani yucurema yuja, Jesucristo quēne quēnamasugū ī ņasere masirā ņari.

Cristore ajitirānūucōari, quēnaro ņare queti

⁷ Cristo ī gotiroticōariarā, ņamasurā me ņaja yua. ĩ ocajuā ņaja ņamasusema. Yua masune yua tuoīasene masare gotimasioabeaja. Buto tuoīamasirā me ņaja yua. To bajiro yua bajisere

bojagumi Dios, “Ína masise Ína ye me ñaja. Dios yene ñaja” masa yuare Ína yimasiritore yigu. ⁸ Gãjerã buto rojose yuare yirũgũama. To bajiro Ína yiboajajuquẽne, Dios í bojarore bajiro gotimasiocõa ñarũgũaja yua. Rojose tãmuoobarine, “¿No bajiro bajirãti?”, yituoãrejaibetirũgũaja. ⁹ Jãjarã yuare Íaterã Ína ñaboajajuquẽne, Dioma yua rãca ñacõa ñarũgũami. Cojopi me buto rojose yuare yiboarine, siãbetirũgũama. ¹⁰ No bojaro yua vacudiroju yuare siãruarã ñaama Ína. Jesũre Ína siãrãrore bajiro yuare quẽne siãruama. “Yuare siãroma” yigu, yuare quẽnaro coderũgũami Jesũs. Tire Íacõari, “Catigu ñaami Jesũs”, yituoãrũgũama masa. ¹¹ Jesũre ajitirũnurã yua ñajare, yuare siãruarũgũama masa. Yuare Ína siãruaboajajuquẽne, yua caticõa ñasere Íacõari, “Tudicaticõari, Ínare Íatirũnurũgũami Jesũs”, yĩãmasire ñaja. ¹² To bajiro rojose tãmuoobarine, yua gotimasiocãti ñajare, Jesũre ajitirũnurã ñacoacaju mũa. To bajiri, mũa rijato beroju mũa catirotire Dios í catisere í Ísicana ñaja mũa.

¹³ Masa yuare Ína siãruaboajajuquẽne, no yibeaja yuare. Sigũ Dios ocare ucamasir'i Diore í ajitirũnurãrore bajiro ajitirũnũcõa ñaja yua quẽne. Ado bajiro gotiaja í ucamasire: “Bajiro ajitirũnũgũ ñari, í ocare masare gotimasioaja yu”, yigotiaja Dios oca í ucamasire. To bajiro tuoãja yua quẽne. Diore ajitirũnurã ñari, yua catiãaro cõro í ocare gotimasiocõa ñaruarãja yua. ¹⁴ Ado bajiro tuoãrã ñari, masa yuare Ína siãruasere giũbeaja yua: “Mani uju, Jesũs í rijacoaboajajuquẽne, Íre catiõyumi Dios. To bajiri, Jesũs yarã manì ñajare, manire quẽne, catiõcãmi Dios”, yituoãja yua. “Muare quẽne catiõcãri, í ñarõju õ vecaju manire jua varũcãmi Dios”, yituoãja yua. ¹⁵ Ado bajiro tuoãrã ñari, “Yua rãca varuarãja mũa”, yibu yua: “Mani gotimasiõsere ajirona quẽnase bujato Ína’ yirã, rojose tãmuorũgũaja mani”, yituoãja yua. To bajiri mani uju ocare gotimasiõrã ñari, rojose tãmuorã ñaboarine, tire gotimasiocõa ñaja, “Jãjarãbusa Jesucristore ajitirũnurũtuajaro” yirã. “Manire Íamaicõari, quẽnaro yami Dios”, yivariquẽnaruarãma Íre ajitirũnurã. To bajiri, jãjarãbusa ñarũtuaruarãma Íre quẽnaro rãcubũorã.

¹⁶ To bajiri, Dios, quẽnaro yuare í yijare, tire tuoãvariquẽnacõari, í bojarore bajiro yirũgũaja yua. Yua rujuãjama butobusa ti bucũajedi vaboajajuquẽne, yu tuoãsejuama tocãrãcarãmũne butobusa quẽnase yirua tuoãrũtuana yaja yua, Dios í ejarẽmose rãca. ¹⁷ Adigodo ñarã, rojose yua tãmuorũgũse yoaro mene jedicoaroti ñaja. Beroju Dios í ñaroju, jedibetrotire, quẽnamasusere bujaruarãja yua. ¹⁸ “Mani rujuãye, manì Íase jediro, yoaro me jedicoaruarõja. Manì Íabujabetijuama, ñacõa ñarũrũgũaja”, yituoãja yua. To bajiri yua Íase, tire buto tuoãbetirũgũaja yua. Diore, to yicõari, í ye yua Íabujabetijurema buto tuoãrũgũaja.

5

¹ To bajiri mani rujuãma, vire bajiro bajiruru ñaja. Vi ti boarore bajirone, mani ruju quẽne boaruarõja. Ti boacoaboajajuquẽne, manì rijato beroju gajeruju manire vasoarũcãmi Dios, õ vecaju. Ti rujuãma, boabetiruju ñaruarõja. To bajiro í yitotire jẽre masiaja manì. ² To bajiro mani bajiroti í ñajare, cojojirema adigodoju ñarã, buto rojose tãmuoobana, õ vecaju manì ñarotiruju rãcãjua ñarua tuoãrũgũaja manì. ³ Adirũmũri manì uju í tudiejajama, buto quẽnaruarõja. Gãjerã rijararã gaje ruju Dios í vasoabetiriarã tujare vabetiruarãja manì. Riojone gaje ruju vasoaruarãja, to bajiro í bajijama. ⁴ To bajiri, cojojirema adigodo ñarã, rojose tãmuoobana, ruju cuti quejerũgũaja manì. Tire manì yijama, “Bajiyayirũaja” yirã me yaja. Bajiyayibetiboarine, rijabetiruju bojarã yaja. ⁵ Manì tuoãrũjeore me ñaja ti, manì ruju vasoaroti. Dios ñaami, “Gaje ruju vasoaruarãma” yir’ima. To yicõari, Esp’iritu Santore manire cõaũumi. “Dios í gotiriarore bajirone manì rujure vasoarũcãmi’ yimasiatõ” yigu.

⁶ “Maji adigodoju ñarã, manì uju Cristo í ñaroju ejamasibeaja”, yimasiaja. To bajiri manì bajirotire tuoã yurã, tire tuoãvariquẽnãja manì. ⁷ Adigodo ñarã, Cristore Íabetiboarine, “Í gotiriarore bajirone quẽnaro yirũcãmi”, Íre yituoãrũgũaja manì. ⁸ Adõju to cõrone ñaruarãja manì, manì uju í ñarõjũre manì varõtire yirã. ⁹ To bajiri adigodoju ñarã quẽne, õ vecaju manì ñarã vajuquẽne, Dios í Íavariquẽnase rĩne yiruarũgũaja. Disejuã gajeye ñamasuse maja manire. ¹⁰ Cojorũmu manì jediro Cristo í Íaro rĩjorojuã ejarona ñaja manì. To bajiri, “Ánoa ñaama quẽnase yicana. Ánoa ñaama rojose yicana”, yĩãbeserũcãmi. Yĩãmasicõari, manire vaju yirũcãmi.

“Cristo í rijabõsare sũorine Dios í Íavariquẽnarã ñaja manì”, Pablo í yire queti

¹¹ To bajiro í beserirãmu ti ejarõ, “Rojose Ínare yiromì” yirã ñari, “Íre ajitirũnũato” yirã, Ínare gotimasiõrũgũaja yua. “To bajirone tuoãama Pablo mesa”, yuare yimasigũmì Dios. Mũa quẽne, to bajirone mũa yituoãsere bojaja yua. ¹² Tire muare yua gotijama, yuare mũa Íavariquẽnasere bojarã me yibu yua. Ado bajirojuã bajiaja: Yuare ñagõmacarãre, “Ado bajiro tuoãcõari, cõdimasiato” yirã, tire muare gotibu yua. Yuare ñagõmacarã ñaama, gãji í tuoãsere masibetiboarine, “Quẽnagũ ñaami”, yituoãrãma. Quẽnaro í bajisere Íacõari, “Quẽnagũ ñaami”, yĩãrã ñaama. ¹³ Yuare ñagõmacarã sigũri, “Tuoãmasimena, mecũrimasa ñaama Pablo mesa”, yuare yirãma. No yibeaja ti. Dios í bojarore bajiro masare gotimasiõaja yua. Gãjerãma,

“Quēnaro yitomasirā ñarāma”, yuare yiñagōmacarāma. Ti quēne, no yibeaja. “Muare yitorā yama” muare ña yiboajaquēne, tire ajicōari, Dios ye quēnase bujaja mua. ¹⁴ “Manire ñamaiami Cristo” yituoñacōari, ñe cudiruaaja yua. Manire buto ñamaigū ñari, rojose mani yise vaja manire rijabosayumi. To bajiri, “Ñe ajitirānūrāre manire ñ rijabosare ñajare, mani quēne ñ rāca rijariarāre bajiro bajiyuja”, yituoñaja mani. ¹⁵ “Rojose yitujacōari, yu bojasejuare yimasiato” yigu, ñe ajitirānūrāre manire rijabosayumi Cristo. ñ rijato bero, tudaticōari ñ ejarēmose ñajare, ñe ajitirānūmasiaja mani. ¹⁶ Tirāmujuma, Cristore, to yicōari, gājerāre quēne, ña tuoñasere masibetiboarine, “Ñano ñaama quēnarā; ñano ñaama rojorā”, yituoñariarāja mani maji. Cristore ajitirānūcōari, to bajiro tuoñabeaja mani yuja. ¹⁷ To bajirone bajiaja Cristore ajitirānūrā jedirore. Cristore ajitirānūsuorā, Esp'iritu Santore cuorā ñari, rojose ña yirūgūre yirua tuoñabetirūgūama.

¹⁸⁻¹⁹ Dios ñaami, “To bajirone tuoñato” manire yigu. Tirāmujū ñ terā mani ñaboajaquēne, Cristo ñ rijabosare suorine, ñ yarā, ñ ñavariquēnarā mani ñarotire yiyumi. Rojose mani yisere masiriocōari, “Rojose mana ñaama”, manire yūñagūmi. To yicōari, “Gājerā quēne, yu ñavariquēnarā ñato ña” yigu, ñ ocare yuare gotimasioduci roticōañumi. ²⁰ To bajiri, Cristore gotirētobosarimasa ñaja yua. Muare yua gotimasiojama, Dios ñ masune vadicoari, ñ gotiroti ñnirene gotimasiorūgūaja. Cristore gotirētobosarā ñari, ado bajiro masare buto sēñiarūgūaja yua: “ ‘Rojose yua yisere masiroya mu; mu ñavariquēnarā ñaruaja’ ¿Dioe yiruabeati mua?”, ñare yirūgūaja yua. ²¹ Ñie rojose yibecu ñ ñaboajaquēne, “Rojose yigu ñaja mu” ñe yigure bajiro ñ macare rijaroticoañumi Dios, “Rojose ña yisere ñare vaja yibosaya” yigu. “Cristore ajitirānūronare, Ñie rojose mana ñaama” manire ñ yūñarotire yigu, yiyumi.

6

¹ Dios ñ ejarēmose rāca ñ yere gotimasiorā ñari, ado bajiro muare rotiaja yua: Dios, muare ñamaicōari, quēnaro ñ yire ñajare, ñ ejarēmose rāca ñ bojarore bajiro quēnaro yirūgūña. ² Dios ocare masa ña ucamasire ado bajiro ti gotiaja:

“Muare yu yirēmōrirūmu ti ejaro, mua sēñisere ajicōari, muare quēnaro ejarēmōrucuja yu, rojose mua tāmōsere muare yirētobosagu”, yigotiaja Dios ocare masa ña ucamasire. Quēnaro ajiya mua. Yucune ñaja rojose mani tāmōsere Cristo suorine Dios manire ñ yirētobosarirūmu. To bajiri yucune ñe mua sēñijama, “Yu bojase yimasiato” yigu, muare ejarēmōrucumi.

³ To bajiri, Dios ocare gotimasiorā, gājerājua “ ‘Socaserene gotiama’ yuare yiroma” yirā, rojose yibetirūgūaja yua. ⁴ Ñajediro yua bajisere ñacōari, “Dios ñ bojarore bajiro yirā ñaama Pablo mesa”, yimasiamama masa. Cojoi me gājerā rojose yuare ña yiboajaquēne, ñare gāmebeaja yua. Buto rojose tāmūboarine, tire tuoñarejaimenane, Dios ñ bojarore bajiro yicōa ñaja yua. Ado bajiro rojose tāmūorūgūaja yua: ⁵ Yuare ña bajerūgūse, tubiberiavijū yuare ña tubiberūgūse, rējacōari, rojose yuare yiruarā yuare ña tud'irūgūse, to bajicōari, buto moarā ñari cojojirema ñmanire quēne busuocōarūgūcaju. To bajicōari, cojoi me ñiorjarūgūcaju. To bajiboarine, Dios ñ bojarore bajiro yicōa ñacaju yua. ⁶ Gajeyere quēne ado bajiro yua bajisere ñacōari, “Dios ñ bojarore bajiro yirā ñaama Pablo mesa”, yuare yimasiamama masa: “Rojose yirobe” yirā, quēnase tuoñarūgūaja yua. Dios ocare quēnaro masiaja. Gājerā rojose yuare ña yiboajaquēne, ñare jūnisinibeaja yua. Socarā mene gājerāre mairā ñari, ñare quēnaro yirūgūaja. Esp'iritu Santo, yua rāca ñacōari, yuare ejarēmōrūgūami. ⁷ Dios oca, riojo ti gotirore bajirone gotimasiorūgūaja. Dios ñ ejarēmose rāca ñ bojarore bajiro yirūgūaja. To bajiro yirūgūaja, “Vātia űju Satanás manire rojose ñ yirotisere cudirobe” yirā, to yicōari, “Gājerā, rojose yitujato” yirā. ⁸ Cojojirema yuare rucubuoama masa. Gajerāmurema rucubuoameama. Cojojirema quēnaro yuare ñagōama. Gajerāmurema rojose yuare ñagōama. “Socarimasa ñaama Pablo mesa” masa yuare ña yituoñaboajaquēne, riojo gotimasioaja yua. ⁹ No bojaro yua vato, “Gājerā ñaama” masa yuare ña yūñaboajaquēne, yuare quēnaro masiamama sīgāri. Cojoi me “Rojose yibu mua” yigoticōari, yuare ña siarūboajaquēne, caticōa ñacaju yua. ¹⁰ Cojojirema buto sutiritirā ñaboarine, mani űju quēnaro ñ yisere, to yicōari, quēnaro ñ yirore tudituoñacōari, variquēnarūgūaja yua. Maioro bajirā yua ñaboajaquēne, Dios ocare masare yua gotimasiose suorine, Dios ye quēnamasuse bujaama ña. “Ñe mana ñaama Pablo mesa” masa yuare ña yigotiboajaquēne, Dios ye quēnamasuse ñ ujose jediro cuorā ñaja yua.

¹¹ Corinto macana, yuare ajiya. Yua tuoñase cōro muare gotijeoaja yua, muare buto mairā ñari. ¹² Quēnaro gāmerā maire ti manijama, yua suorine ñ bajiroja. Muare buto yua mailboajaquēne, muañama, yuare maimenaja. ¹³ Jacu ñ rīare maigū ñ ñagōrore bajiro muare ñagōaja yu. Muare yu mairore bajirone yare mañā mua quēne.

“Mani usujū Dios ñ ñajare, Cristore ajitirānūmena rāca baba cutibetiroti ñaja manire”, yire queti

¹⁴ Cristore ajitirānāmena rāca baba cūtibesa mūa. Dios ī bojase yirā, Dios ī bojabeti yirā rāca īna baba cūtijama, ħno bajiro īna yisere īvariquēnaguīda Dios? Bususere bajiro me bajiaja rētiase. Busuroju rētiabeaja. Rētiaroju, busubeaja. Tire bajirone bajiroti űaja Cristore ajitirānārē quēne. Cristore ajitirānāmena rāca baba cūtibetiroti űaja. ¹⁵ “Ado bajiro yiroti űaja” Cristo ī yijama, īre ajicōari, ħ“Mū gotirore bajirone tuoīaja yu quēne”, yicūdiguida Satanās? Sigāre bajiro tuoīarā me űama. To bajiro bajiaja manī Cristore ajitirānārā quēne. Īre ajimena īna tuoīarore bajiro tuoīabeaja manī. ¹⁶ Dios yarā űaja manī, īre ajitirānārā. To bajirone gotiaja Dios ocare masa īna ucamasire. Ado bajiro gotiaja ti:

“Yu yarā usju űarūgūrūcūja yu. No bojaro īna űaroju īna rāca űarūgūrūcūja. Īna rūcūbuogu űarūcūja yu. To bajicōari, yu yarā űaruarāma īna”, yigotiaja Dios ocare masa īna ucamasire.

To bajiri, Dios yarā űaboarine, ħīna masu īna quēnoruġeoriarāre rūcūbuorā rāca baba cūtirāda manī?

¹⁷ Īna rāca baba cūtibetiroti ti űajare, gajeye Dios ocare masa īna ucamasiriarore bajiro yiroti űaja muare. Ado bajiro gotiaja ti, manī uju ī gotimasire:

“Yure ajimenare cāmotadiya mūa. ‘Dios ī bojabeti yirobe’ yirā, īnare baba cūtibesa. To bajiro mūa yijama, yu yarā űaruarāja mūa”, yigotiami manī uju.

¹⁸ “Mūa jacu űarūcūja yu. To bajicōari, yu rīa űaruarāja mūa”, yigotiaja Dios ocare masa īna ucamasire, masijeogu manī uju ī űagōre.

7

¹ Dios ī gotimasire to bajiro manire ti gotijare, ī bojarore bajiro jediro rojose manī yise yitujacōari, īre rūcūbuorā űari, ī bojase rīne yito manī, “Rojose mana űato” yirā.

Corinto macana, rojose yitujacōari, quēnasejuare īna yire

² Quēna ado bajise muare gotiaja yua: Yuare maiűa mūa. űimūjuare rojose yibeticaju yua. űimūjuare rojose yibeticaju. űimūjuare yitobeticaju yua, “Yu masurio quēnase bujarāsa” yirā. ³ Tire muare yua gotijama, “Pablo mesare űagōmacarā, rojose yiyuja manī” mūa yirotere yirā me yaja. “űie rojose yibeticama Pablo mesa” mūa yirotiġuare yirā yaja yua. Jēju yua gotirore bajirone muare tudigotiaja yua: Buto muare maiaja yua. Mūa bajireacoajaquēne, mūa caticōajaquēne, muare maitujabetiruarāja yua. ⁴ “Quēnaro yirā űama Corinto macana; yua gotirore bajirone cūdiruarāma” muare yituoīacōari, rojose tāmūorā űaboarine, buto variquēnaja yua.

⁵ “Macedonia sitaju ejacōari, rojose tāmūomenaja manī”, yituoīaboacaju yua. Adoju quēne buto rojose tāmūocaju. Yuare īatecōari, tud’irūgūcama. To bajiri, “Ķesūre ajitirānārā, īre ajitirānu tjarātī?”, yituoīarejaicaju yua. ⁶ Dios űaami tuoīa sutiritirāre, “Tuoīa variquēnato” yigu. To bajiri, tuoīa sutiritirā űaboarine, Dios ī ejarēmose rāca tuoīavariquēnama yua. Tito ī ejase suorine, “Tuoīa variquēnato”, yuare yiyumi Dios. ⁷ Tito ejasere variquēnacōari, gajeyere quēne variquēnamū. Mūa bajisere ī īavariquēnare quetire ajicōari, variquēnaja yua quēne. Ado bajiro mūa bajisere yuare gotimi: “Buto mure īaruama Corinto macana. ‘Rojose manī yicati suorine buto sutiritiyuju Pablo’ yire quetire ajicōari, buto sutiritima. Mure rūcūbuocōari, mū ucacatore bajirone yima”, yuare yigotiejami Tito. To bajiro ī yisere ajicōari, butobusa variquēnaja yu.

⁸ Tirāmūju papera muare yu ucacōaro bero, “Tire īacōari, sutiritiruarāma īna. To bajiri cōabetiroti űaboayuja”, yituoīa sutiriticaju yu maji. To bajiboarine, sutiritibeaja yucurema, “Yoaro me sutiritirāma” muare yimasigū űari. ⁹ “Sutiritito īna’ yigu yiyuja yu” yigu me, variquēnaja yu. “Sutiriticōari, rojose īna yicati yitujacōari, quēnase tuoīaűuma” yigu, variquēnaja yu. To bajiro mūa bajisere bojayumi Dios. To bajiri tirāmūju muare yu papera cōacati, muare quēnaűa ti. ¹⁰ Rojose yigure, “Rojose tāmūoato” yigu űaami Dios. To bajiro ī yijama, “Rojose ī yisere yitujacōari, yuare ajitirānūato” yigu, yiyumi. To bajiro ī bajijama, rojose ī tāmūoborotire īre yirētosarūcumī Dios. Diore ajiterājuama, rojose īna yisere tuoīa sutiritibeama īna. To bajiri, rojose tāmūotujabetiraroju varuarāma īnama. ¹¹ Mūa rāca yu űaro, “Rojose manī yijama, manī yibetijaquēne, no yibeaja”, yituoīaboacaju mūa maji. “Manī yisere īavariquēnabeami Dios”, yijūnisiniriarāja mūa. Dios muare ī īavariquēnabete tuoīa ġūiriarāja mūa. “Manire oca űaja. Tire oca quēnoroti űaja”, yiyuja mūa. Dios ī īavariquēnasere bojarā űari, yu ucacōatore bajiro yivariquēnaűuja mūa. Rojose yir’ire rojose ī yire vaja, rojose īre yiyuja mūa. To bajiri, “Quēnaro yiyuma īna. űie rojose maja īnare”, muare yituoīaja yu yuja. ¹² Tirāmūju muare papera cōagū, mūa rācagu rojose yir’ī, to yicōari rojose yiecor’ire quēne buto tuoīabeticaju yu. Mūajuare quēnaro tuoīagū űari, muare ucacōacaju yu. “‘Pablo rūcūbuorā űari, ī rotirore bajiro yama īna’ Dios ī yūīamasisere tuoīamasiato” yigu, ucacaju yu.

¹³ To bajiri quēnaro mūa yirere tuoīacōari, variquēnaja yua. “Quēnaro īna yicature īacōari, yu tuoīarejaibocacate tuoīa tujacōari, variquēnacaju yu”, yigotimi Tito. To bajiro ī yijare, butobusa

muare variquēnaja yu. ¹⁴ Mua taju Titore yu cōaroto rījoro, ado bajiro ĩre yicaju yua: “Īnare yu ucacōasere quēnaro cudiruarāma Corinto macana”, ĩre yicaju yua. ĩre yua goticatore bajirone quēnaro cudiyuaja mua. To bajiri, tire ajivariquēnaja yua. ¹⁵ Mua taju ĩ ejaro, buto rūcubuose rāca ĩre mua bocaāmirere, to yicōari, ĩre quēnaro mua cudirere tuoĭabujacōari, butobusa muare maiami Tito. ¹⁶ “Yu rotise, josase ti űnaboajaquēne, quēnaro cudiruarāma” muare yituoĭacōari, buto variquēnaja yu.

8

“Maioro bajirāre variquēnase rāca ejarēmojama, quēnaja”, yire

¹ Yua mairā, gajeyere muare gotigu yaja: Adoana, Macedonia sitanare, Cristore ajitirānūrāre, Dios, ĩnare ĩamaicōari, quēnaro ĩ yise suorine quēnaro ĩna yicatu queti muare gotigu yaja. ² Buto rojose tāmuboarine, variquēnase rāca Diore ajitirānucōa űnaama. To bajicōari, jairo gājoa cuomena űnaboarine, gājerāre ejarēmouarā, ĩna cuose cōro juarēoűuma. ³ ĩna cuoro cōro ĩsicama. Bajibeaja. “Īsiecuarāma ĩna” yiboariaro rētobusaro ĩsiecocama. ĩacaju yu, to bajiro ĩna yiro. ⁴ ĩnare yu sēnibetibojaquēne, ado bajiro yure yicama: “Jerusalēn macana Cristore ajitirānūrā maioro bajirāre buto ejarēmouaja yua. To bajiri adi gājoa yuare juabosa vacōari, mua ĩsijama, buto quēnaruaroja”, yuare yicama. ⁵ Yua tuoĭaboacato rētoro quēnaro, ado bajiro yicama: “Mu bojarore bajiro yiruaja yua”, Diore ĩre yisēni gajanocōari, “Ī bojarore bajiro muare cudiruarāja”, yuare yicama. ⁶ To bajiri, “Adoana Macedonia sitana ĩna juarēoriarore bajiro, mua, Corinto macana quēne mua yijama, quēnaruaroja” yituoĭacōari, muare gājoa juarēorotisur ĩre Titore tudivarotiaja yua. “Toju vacōari, gājoa ĩna juarēore juarēojeoba mu”, ĩre yaja yua. ⁷ Gājerā Cristore ajitirānūrā rētobusaro ĩre ajitirānūrā űnaja mua. To bajiri ĩ ocare quēnarobusa gotimasiaja. To bajicōari, ĩna rētobusaro yuare mairā űnari, ĩna rētobusaro Dios ĩ bojarore bajiro yuare ejarēmo variquēnarā űnaja. To bajiri, maioro bajirāre quēne tuoĭamaicōari, gājerā ĩna cōase rētoro gājoa mua cōajama, quēnaruaroja.

⁸ To bajiro muare yu yijama, rotigu me yaja yu. “Tire ajicōari, maioro bajirāre gājerā ĩna ejarēmo variquēnase rētoro ĩnare ejarēmo variquēnato mani” mua yirotire bojagu, adi sitana quēnaro ĩna yicature muare gotibu yu. To bajiro mua yijama, “Socarā mene maioro bajirāre mairā űnaja yua” yirā, yirāja mua. ⁹ Mani űju, Jesucristo, ado bajiro quēnaro manire ĩ yire űnjare, “Quēnaro ĩnare ejarēmoto mani”, yituoĭaroti űnaja muare: Manire ĩamaicōari, ĩ rijabosarere masiaja mua. Diorāca jediro cuogu űnaboarine, manire ĩamaigā űnari, adigodojure vadicōari, maioro bajigu űnacoasuju ĩ. To bajiro bajiyuju, Diorāca quēnaro űnacōari, űnejua manire ruűabetirotire yigu.

¹⁰ Muare rotibetiboarine, quēnaro mua űnarotire bojagu űnari, yu tuoĭasere ado bajiro muare gotigu yaja yu: Rĭjoroaga cūmare quēne, variquēnase rāca ĩnare ejarēmoua tuoĭasouoyuja mua. To yicōari, gājoa juarēosouoyuja mua. ¹¹ To bajiri, “Maioro bajirāre mani ejarēmoua tuoĭavariquēnasocatore bajirone juarēojeocōato mani”, yivariquēnaűa. ĩna ĩsiro cōrone juarēocōari, cōaűa. ¹² “Jairo mani ĩsibetijama, ĩvariquēnabecumi Dios”, yituoĭabesa. Jairo cuorā, mojoroaca cuorā quēne, mani ĩsimasiro cōro mani ĩsivariquēnajama, manire ĩvariquēnagūmi Dios.

¹³ “Maioro bajirāre ejarēmoűa” yu yijama, “Cōajeocōaűa” yigu me yaja yu. “Maioro bajirāre gājoa cōajeocōari, maioro bajiya mua” yigu me yaja. ¹⁴ “Cristore ajitirānūrā, űjuaane maioro bajirā manicōato” yigu yaja. Adirāmūrirema mua űnaja jairo cuorā. To bajiri, “Maioro bajirā űnaama ĩna” yire quetire ajicōari, gājoa ĩnare mua cōajama, quēnaruaroja. To bajiri, ĩna quēne, maioro mua bajise quetire ajicōari, muare ejarēmouarāma. To bajiri űnejua ruűabetoĭa ĩnare, muare quēne. To bajiro mani yijama, cojoro cōro cuorā űnarāja mani jediro. ¹⁵ To bajiro mani yijama, Dios ocare masa ĩna ucamasire ti gotirore bajiro cudirā yiruāja mani. “To bajirone bajiruaroja”, yucamasinumi Moisés, israelita masa ĩna juarēoro bero, cojoro cōro cōiacōari, ĩna ĩsibatomasire űnjare. Ado bajiro gotiaja: “Jairo juarēoriarā űnaboarine, ĩna bojoro rētoro bujabeticama ĩna. Gājerāma, mojoroaca juarēoriarā űnaboarine, ĩna bojoro cōro bujacama”, yigotiaja Dios ocare Moisés ĩ ucamasire.

“Mua taju Tito mesare cōagā yaja”, Pablo ĩ yire queti

¹⁶ Muare tuoĭamaicōari, buto yu ejarēmouaro cōro muare ejarēmouami Tito quēne. “To bajiro tuoĭato” yigu, yiyumi Dios. To bajiro ĩ yijare, “Quēnaro yaja mu”, Diore ĩre yaja yu. ¹⁷ “Corinto macanare quēna mu ejarēmogū vajama, quēnaruaroja” yua yisēnĭasere ajicōari, buto variquēnami Tito. Muare buto ejarēmouagu űnari, “Yuare mua sēnĭaroto rĭjorojune, yu masu yu tuoĭase rāca, ‘Yucne varucĭja’ yituoĭamu yu”, yuare yimi.

¹⁸ Tito rāca varocare, yua maigūre cōaja yua. ĩ űnaami, manire bajirone Cristore ajitirānūgā. ĩre ajitirānūrā jediro, “Cristo oca quēnasere quēnaro gotirētobumasigā”, ĩna yirūcubougu űnaami. ¹⁹ Cristo ocare quēnaro gotirētobugu rĭ me űnaami. Adoana, Macedonia sitana,

Cristore ajitirānūrāri rējarūgūrā, “Gājoa manire juabosarāre ejarēmorūcūmi” yirā, ĩna besecacū quēne ĩnaami. Ti gājoa, maiorō bajirāre yua ĩsiroti suorine, “Maiorō bajirāre quēnaro ejarēmo variquēnarā ĩnaama, Cristore ajitirānūrā”, yitōiāruarāma masa. To yicōari, mani uju Jesucristore rūcūbuorāma. ²⁰ “Pablo mesa ĩna masune ĩna yireajare, gājoa ejabetoja” ĩna yigōjarotire bojamenta ĩari, yuare baba cutirocure ĩre bojacaju yua quēne. ²¹ “Quēnaro yama” Dios ĩ yĭvariquēnase rĭ mere bojaja yua. Masa quēne, to bajise ĩna yĭvariquēnase bojaja.

²² To bajiri, gājire cōaja yua, Tito mesa rāca. Cristore ajitirānūrā ĩari, mani yu ĩnaami ĩ quēne. ĩre ĩamasirā ĩari, “Quēnaro yigū ĩnaami”, ĩre yimasijaja yua. Cojoji rūyabeto quēnaro ejarēmo variquēnarūgūami. To bajicōari, “Corinto macana quēnaro cūdiaama ĩna” Tito ĩ yisere ajicōari, butobusa muare ejarēmorūami. ²³ To bajiri Tito, to yicōari, ĩ babarā juarā ĩnaama, mua tuju yua cōarā. ĩere Titore ĩre masirāja mua. ĩ ĩnaami yu baba, “Cristore quēnaro ajitirānūrā” muare yigū, yu rāca moarūgūgū. Gājerā juarā, Titore baba cuti vana, Jesucristore ajitirānūrā ĩari, mani yarā ĩnaama ĩna quēne. “Quēnaro yirā ĩnaama” adi macariana ĩna yĭarā, mua tuju ĩna cōarā ĩnaama. Quēnaro ĩna yise suorine Cristore quēnabusaro rūcūbuoama masa, adi macariana. ²⁴ Mua tuju ĩna ejaro, quēnaro ĩnare yiba. “Cristore ajitirānūrāre ĩamairā ĩnaama Corinto macana” yaja yua, adi macarianare Tito mesare cōarāre. To bajiri ĩnare quēnaro mua yĭjama, “Riojo yama Pablo mesa”, yĭruarāma ĩna.

9

Cristore ajitirānūrāre maiorō bajirāre ejarēmore queti

¹⁻² “Cristore ajitirānūrāre maiorō bajirāre ejarēmōrā, gājoa juarēocōari mani cōajama, quēnarūaroja”, yitōiārā ĩaja mua. To bajiri, mua cōaruā tuoĭase quetire masigū ĩari, “To bajiro mua yĭjama, quēnarūaroja”, muare yucabetiroti ĩaboaja. Adoana, Macedonia sitanare, ado bajiro ĩnare goticaju yu: “Acaya sitana, Corinto macana, mani mairā, ĩere ĩ cāma ‘To bajiro yiroti ĩaja’ yisuo yujarā”, ĩnare yicaju yu, muare. Tire ajicōari, “Mani quēne to bajirone yiroti ĩaja” yitōiācōari, ĩajarā gājoa ĩsicama. ³ To bajiro yisuoĭarā mua ĩaboajaquēne, yu varoto rĭjoro Tito mesare cōaja yu. “Gājoa juarēocōari, yure yuato” yigū, ĩnare cōaja yu. Adoanare gotirā, “Yu ejaroto rĭjoro gājoa juarēocōari, yuruarāma”, yaja yua, muare. To bajiri mua tuju yu ejaro, “Gājoa juarēojeobeaja maji” mua yisere ajirūabeaja yu. Adoanare ĩnare yu gotirote bajiro mua bajirotire bojaja. ⁴ Adoana Macedonia sitana sigūri yure ĩna baba cuti vajama, gājoa manone muare ĩna ĩarotire bojabeaja. “Corinto macanare quēnaro masijaja. Yua ejaroto rĭjorojune, gājoa juarēojeocōaruarāma ĩna”, yaja yua, adoanare gotirā. To bajiri, mua cūo yubetiĭama, bojoneruarāja yua. Mua quēne, bojoneruarāja. ⁵ Mani bojonerotire bojabecu ĩari, yu varoto rĭjoro, Tito mesare mua tuju ĩna vasere bojaja. “ĩsiuarāja” mua yigotirarore bajirone mua ĩsirotire yirā, muare ejarēmōruarāma ĩna. To bajiri yu ejarone, ĩsicōaruarāja mua. To bajiro mua yĭjama, “Pablo, ejacōari, ĩnare ĩsirotijare, ĩsiterā ĩnabarine, ĩsiñujarā”, yire manirūaroja. “Pablo ĩ ĩsirotibetiboajaquēne, ĩna masune maiorō bajirāre tuoĭamaicōari, ĩsivariquēnañujarā”, yirejua ĩnarūaroja.

⁶ Gājoa ĩsiroana, gotimasiore quetire masiritibeja: “Oterimasu, mojoroaca ĩ otejama, mojoroaca ti ricare bujarucūmi. Jairo oteguma, jairo bujarucūmi”.^b ⁷ To bajiri tocārācu, “Ado cōro ĩsirucuja yu” mua yitōiāro cōro mua ĩsijama, quēnarūaroja. Gājoa maiboarine, mua ĩsijama, quēnabetoja. Mua ĩsiteboajaquēne, gāji ĩ ĩsirotijare, mua ĩsijama, quēnabetoja. Mua masune ĩsiuarā, mua ĩsijama, quēnarūaroja. ĩsivariquēnarāre ĩamiami Dios. ⁸ To bajiro mua yisere ĩacōari, quēnaro muare yirucūmi Dios. Mua bojaro rētobusaro cōarēmorucūmi. To bajiro manire yami, “Gājerāre ejarēmōrā, ĩnajeĭro quēnaro ĩna yiro bero, ĩneja rūyabeticōato” yigū. ⁹ “To bajiro quēnaro mani yisere bojaami Dios”, yimasijaja mani, Dios ocare masa ĩna ucamasire quēnaro yigure ado bajiro ti gotijare:

“Maioro bajirāre jairo ĩsirūgūami. To bajiro quēnaro ĩ yirūgūesere masiritibeticōari, quēnaro ĩre yirucūmi Dios”, yigotijaja Dios ocare masa ĩna ucamasire.

¹⁰ Dios ĩnaami “Ote aje cūoato” yigū, manire cōagū. Ti ote aje suorine bare rĭ mere bujaja mani. Quēna gajeye ote aje mani oterotire quēne bujaja mani. Tire bajiro bajijaja Dios quēnaro manire ĩ yise. “Ado bajiro bajiato” yigū, quēnaro manire yami: Quēnaro manire ĩ yise suorine, cojoji me quēnaro yaja mani. Quēna gajerūmurema gājerāre quēnaro yimasijaja mani. Gājerā quēne, quēnaro mani yirā, gājerāre quēnaro yimasijama ĩna quēne. “To bajiro bajiato” yigū, quēnaro manire yami Dios. ¹¹ Jairo muare ĩsirūgūrucūmi Dios, “Maioro bajirāre ejarēmoato” yigū. To bajiro mua yĭjama, “Quēnaro yaja mu”, Diore ĩre yĭruarāma ĩjarā masa. To bajirone yĭruarāma Jerusalem macana Cristore ajitirānūrā quēne. Gājoa mua juarēore yu juaeasere ĩacōari, “Quēnaro yaja mu”, Diore ĩre yĭruarāma ĩna. ¹² To bajiri,

^b 9:6 Ado bajiro manire gotimasioro yaja ti queti: Gājerāre ejarēmōrā, ĩsiterā ĩari, mojoroaca mani ĩsijama, Dios ye quēnamasuse, mojoroaca manire uĭorucūmi. ĩsivariquēnarā ĩari jairo mani ĩsijama, jairo quēnamasuse manire uĭorucūmi.

gājerā Cristore ajitirānūrā, maioro bajirāre gājoa mua cōaroti, ina rī mere quēnaruroja. Tire ĩacōari, “Quēnaro yaja mu” ĩre ina yiroti ti ĩajare, Diore quēne quēnaruroja. ¹³ Gājoa ĩnare mua cōasere ĩacōari, “Cristore ajitirānūrā masu ĩarāma Corinto macana. Manire ejarēmocōari, gājerāre quēne ejarēmoama” muare yituoĩacōari, variquēnase rāca Diore rūsbuonārāma ĩna. ¹⁴ “Manire ĩna ejarēmose Dios suorine bajiaja” muare yituoĩamaicōari, Diore buto muare sēnibosarāma ĩna. ¹⁵ “Quēnaro yaja mu”, Diore ĩre yiroti ĩna manire. Quēnamasusere manire yibosayumi Dios. Rojose mani yise vajare “Yirētobosato” yigu, ĩ macure cōaĩumi.

10

“Dios yure ĩ rotise rāca gotimasioaja yu”, Pablo ĩyire queti

¹ Yu, Pablo, ado bajise gotigu yaja, sigūri yure ĩagōmacarāre: Quēnabeti masa ĩna yiboajaquēne, ĩnare ĩamaicōari, quēnaro ejarēmorigūñuju Cristo, “Rojose yitujacōari, quēnasejua tuoĩato” yigu, ĩre bajiro muare ejarēmoruaja yu quēne. “Mani rāca ĩ ĩajama, bojonegure bajiro manire gotiami Pablo. Sōju ĩacōari, manire ĩ ucacōajama, tud’igure bajiro gotirūgūgāmi”, yiyuja mua. ² Rojose yirāre tud’igure bajiro gotigu ĩboarine, mua taju ejacōari, tud’igure bajiro gotirūabeaja. To bajiri yure mua ĩagōmacasere yitujacōaĩa, “Mani taju ejacōari, tud’igure bajiro gotiromi” yirā. To bajiro mua yiboajaquēne, sigūri, adigodoaye rīne tuoĩarā, “ĩna masu ĩna bojarore bajiro yirā ĩnaama Pablo mesa” yuare yīĩagōmacarāre tud’igure bajiro gotiroti ĩaja. ³ Adigodoaye rīne tuoĩarā rāca ĩboarine, yua masu yua bojarore bajiro yirā me ĩaja yua. ⁴ Yua masise adigodoaye me ĩaja. Dios ĩ masise rāca yua gotijama, yuare ĩna ĩagōjaiboajaquēne, ĩnare gotirētobumasija yua. ⁵ Cristo ocare ajiterā, “Masirā ĩaja yua” yivariquēnarāre Diore sēnibosaja yua, “Riōjo me tuoĩaĩuja yua” yato” yirā. No bojosene gājerā ĩna tuoĩase, Cristo ĩ bojabeti ti ĩajama, tire yitujacōari, “Cristo ĩ bojarore bajiro rīne tuoĩato” yirā, Diore sēnija yua. ⁶ To bajiro muare sēnibosaja yua. Mua rācana yuare bajiro tuoĩamenare rojose ĩna yise vaja rojose ĩnare yirūgūrurāja yua, “Mua jediro Cristo ĩ bojarore bajiro yuare cudirua tuoĩato” yirā.

⁷ “To bajigu ĩaami” yure yīĩamasirā ĩboarine, yu tuoĩasejuaare masibeaja mua. Gāji, “Cristore ajitirānugū ĩaja” yigu ĩ ĩajama, Cristo yarā yua ĩasere quēne masirocu ĩaami. ⁸ “Cristore gotirētobosarimasu ĩari, muare rotimasija yu” yu yigotijare, “To bajiro ĩ yijama, ‘ĩnamasugū ĩaja yuma’ manire yigu yami”, yituoĩaboarāja mua. To bajiro mua yiboajaquēne, Cristo, to bajiro yirocure yure ĩ cōacati ĩajare, bojonebecune tire gotiaja yu. Mani uju, “Yu yere ajicōari, sutiritiatio” yigu me, yure cōacami. “Tire ajivariquēnato” yigujua, yure cōacami. ⁹ “ĩ ucacōase rāca yuare tud’igure bajiro yuare gotirūgūami Pablo” mua yituoĩaboasere bojabeaja yu. ¹⁰ Ado bajise yirā, tire bajiro yure tuoĩaboarāja mua sigūri: “Sōju ĩacōari, papera rāca goticōajama, tud’igure bajiro manire gotiami Pablo. Mani rāca ĩ ĩajama, bojonegure bajiro manire gotiami. Nie vaja maja mani rāca ĩagū, ĩ ĩagōse”, yure yituoĩaboarāja mua. ¹¹ To bajiro yure mua yiboajaquēne, to bajiro bajigu me ĩaja yu. Tud’igure bajiro gotiroti ti ĩajama, yu ucacōase rāca yu gotimasirore bajirone gotimasija yu, masa tu yu ĩajaquēne.

¹² Mua rācana sigūri, ĩna tuoĩa gotirōre bajiro yibeaja yuama. Ado bajiro tuoĩacōari, gotirāma ĩna: “Āĩnima ĩati mani vatoaju butobusa tuoĩagū? Yu ĩaja butobusa tuoĩagū” gāmerā yīĩagōrāma ĩna. “Gājerā rētoro masirā ĩaja mani”, yituoĩarāma ĩna. Tuoĩamasimena ĩarāma ĩna ũnama. ĩnare bajiro yibeaja yuama. ¹³ Yua masune tuoĩarujeocōari, gotibeaja yuama. “Ado bajiro bajirā ĩaja yua” muare yua gotijama, Dios, yuare ĩ rotire ĩajare, to bajise muare yaja. To bajiri, “Corinto macanare quēne yu ocare gotimasiorurāja mua”, yuare yiroticōaĩumi. ¹⁴ To bajiri, Dios, yuare ĩ rotijare, gājerā ĩrjoro vacōari, Cristo ĩ rijabosare suorine quēnaro Dios ĩ yisere muare gotimasioaja yu. ¹⁵ Gājerā ĩna gotimasioriarāre ĩacōari, “Yua gotimasiose suorine Cristore quēnaro ajitirānūrā ĩnaama”, yibeaja yuama. Yua masu yua moare rīne muare gotiaja yua. Quēnarobusa Cristore mua ajitirānurotore bojarā ĩari, butobusa muare gotimasioicōari, ejarēmoruaja yua, Dios yuare ĩ gotiroticōariore bajirone yirā. ¹⁶ “Cristore quēnaro ajitirānūrā ĩnaama” muare yimasicōari rīne, Dios ĩ bojarore bajiro gajeroju ĩarāre ĩ yere masimenare gotimasioruaja. To bajiro yua yijama, gājerā ĩna gotimasioicōariarārene, “Yu gotimasioacana ĩnaama ānoa” yigotirūamena ĩari, gotiecomenare gotirā varuaja.

¹⁷ Ado bajiro gotiaja Dios ocare masa ĩna ucamasire: “ĩnamasurā ĩna bajisere mua gotivariquēnarujama, Cristo ĩ bajisejuaare gotivariquēnaĩa. ĩne ĩaami ĩnamasugū”, yigotiaja Dios ocare masa ĩna ucamasire. ¹⁸ Ado bajiro ti bajijare, to bajiro gotiaja Dios ocare masa ĩna ucamasire: Gāji ĩ tuoĩarore bajiro yigu, “Quēnaro yigu ĩaja yu” ĩ yiboase, vaja maja ti. ĩ ũgārema “Quēnaro yigu ĩaami”, ĩre yivariquēnabeami Dios. “Quēnaro yicaju mu” ĩ yirāja ĩnaama, quēnaro yirā.

11

“Socase gotimasiorā, Dios i gotiroticōariarā me ñaama”, Pablo i yire queti

¹ Tuoīamasibecure bajiro yu gotiroti ti ñaboajaquēne, mua ajisere bojaja yu. ² Diore bajiro buto muare tuoīamaiaja yua. Ado bajiro bajiaja: Rōmio, ūmua rāca ñaīabeco so manaju ñarocare rīrene tuoīagōmo. Sore bajiro yirā mani quēne, Cristo rīrene ajitirānuaja mani. Yu ñaja “Cristore ajitirānuato” yigu, muare gotimasiosuocacu. To bajiri, Dios muare i maiore bajiro buto muare maiaja yu quēne. To bajiri, “Ānoa ñaama yu gotimasociati suorine mure ajitirānurā” Cristore ire yu yīoroto rījoro, “Ire ajitirānu tujacōari, gājerājuare ajitirānuroma” yigu, quēnaro muare iatirānurūgūaja yu. ³ Tirāmuju vātia uju, Eva ñamasioro quēnase sore yitomasifūju. To bajirone bajirāma gājerā, socase oca gotimasiorā. Īna gotimasiose suorine muare yitogumi. “Vātia uju quēnaro i yitosere ajitirānucōari, Cristo yejuare ajitirānu tujarāma”, muare yituoīarejaiaja yu. ⁴ Gājerā mua taju ejacōari, “Jesucristo, ado bajiro bajigu masu ñagūmi” Īna yisocasere ajicōari, “To bajirone bajigu ñagūmi” Īnare yicudicōari, ajitirānu variquēnarāja mua. To bajiro mua yijama, Espiritu Santo mere ajitirānurā yirāja mua. To yicōari, Cristo ocare, yua gotimasociati mere, ricati gotimasioerejuare ajitirānurā yirāja mua. To bajiro Īna yisejuare mua ajitirānūjama, quēnabetoja. ⁵ “Dios i cōariarā gājerā rētoro masirā ñaja yua”, muare yisocarāma Īna. Dios i cōar'i, Īnare bajiro socagu me ñaja yu. “Yu rētoro masirā me ñarāma Īna”, yituoīaja yu. ⁶ Īna gotimasiorore bajiro yimasibetiboarine, Dios ocare quēnaro masigū ñaja yuma. To bajiri, i ocare quēnaro muare gotirētoburūgūcaju yu. Cojoi me yare ajicana ñari, “Dios ocare quēnaro masiami Pablo”, yare yimasirāja mua.

⁷ ¿Mua tu ñagūju, “Ñamasurā ñaja yua” yirāre bajiro yirocu ñaboayujari, yure? ¿Cristo ocare quēnase muare gotimasioģu, vaja sēnirocu ñaboayujari? Bajibeaja. “Ñamasugū me ñaja” yigure bajiro bajirūgūcaju yu, “Yure tuoīamenane, Dios oca rīne ajitirānucōari, i yarā, ñamasurā ñato” yigu. ⁸ Gajeroana Cristore ajitirānurā gājoa yare ĩsicama Īna, “Corinto maca taju ñacōari, Īnare gotimasioato” yirā. Yure mua ĩsiroti ñaboacati, ĩnaja, yure ĩsicama. ⁹ Mua taju yu ñajaquēne, gājoa magū ñaboarine, “Yure ejarēmoña”, muare yibeticaju yu. Macedonia vadiriarā Cristore ajitirānurā ejacōari, yu bojaro cōro yure ĩsicama. Gājoa muare sēnibetirūgūcaju yu. Bero quēne sēnibetirūgūcūcūja. ¹⁰ Cristore ajitirānugū ñari, riojo i gotirote bajiro, ado bajiro muare gotiaja yu: “Gājoa sēnibecune, Dios ocare gotimasiorūgūcūcūja”, yivariquēna tujabetirucūcūja yu. Mua, Acaya sitana jediro, “Dios ocare i gotimasiose vaja, vaja sēnibetirūgūmi Pablo”, yimasirāraja mua. ¹¹ Muare buto maigū ñari, to bajise muare gotiaja yu. “Īnare buto maiami Pablo”, yure yimasigūmi Dios quēne.

¹² “Pablöre bajiro Dios i cōariarā ñaja yua quēne” yisocarā, muare Īna gotimasiose vaja, vaja sēnirūgūñujarā Īna. To bajiri, “Pablöre bajiro vaja sēnija yua” yimasibeticōato Īna” yigu, muare vaja sēnibetirucūcūja yu. ¹³ Socase gotimasiorimasa, Dios i cōariarā me ñarāma. ¹⁴ Īnare bajiro bajirūgūama Dios ocare ajiterā. Vātia uju Satanás quēne, cojojirema Dios tuagu ángel quēnaro yigure bajiro bajitorūgūami. ¹⁵ To bajiro bajigu i ñajare, “Ire cudirā quēne ire bajiro bajirūgūama”, yimasiaja yu. “Quēnase rīne yirā ñaama” Īnare mua yīasere bojarā ñari, to bajiro bajirāma. To bajiro Īna yisere ĩacōari, “Rojose tāmūorūgūruarāja mua”, Īnare yirotirucami Dios.

“Cristo i cōacacu ñari, buto rojose tāmūoaja yu”, Pablo i yire

¹⁶ Ado bajise muare tudigotiaja yu: “Tuoīamasibecure bajiro gotiami Pablo” mua yituoīasere bojabeaja yu. To bajiboarine, to bajiro mua yituoīajama, tuoīamasibecure bajiro muare yu gotisere ajiya mua, yare mua ĩarūcūbuorotire yirā. ¹⁷ Yucune muare yu gotiroti mani uju Jesucristo i gotirotise me ñaja. Yu masune yu bajisere muare gotiguagu yaja yu. ¹⁸ Mua rācana, socase gotimasiorā, jājārā adigodoaye rīne tuoīarāre bajiro gotirāma, Īnare mua ajirūcūbuorotire yirā. To bajiri “Yu quēne, Īna gotirote bajiro gotivariquēnarūcūcūja” yituoīacōari, mojoroaca muare gotirūcūcūja yu, “Yure ajirūcūbuoato Īna” yigu. ¹⁹ Muajuama, “Masirā ñaja yua”, yiboarāja, tuoīamasimena Īna gotisere ajisuyarā ñari. ²⁰ Īna rotiajerāre bajiro bajirā ñaboarine, Īnare ajiqejemenaja mua. “Īna suorine gājoa bujarāsa mani” yirā, muare Īna yitosere ajiqejemenaja. “Yuare ĩarūcūbuoya” yirāre bajiro Īna bajirūgūisere ĩaquejemenaja. “Ajirūcūbuobeaja mua” yirā, muare Īna jaboajaquēne, Īnare ajiqejemenaja mua. ²¹ Yujuama, mua taju ñagū, “Ñamasugū me ñaja yu” yigure bajiro yu bajijare, yure ajirūcūbuomenaja mua. Muare Īna yirore bajiro yu yijama, “Rojose yigu yaja yu” yituoīacōari, bojoneboguja yuma.

To bajiboarine, “Ado bajiro bajirā yua ñajare, yure ajirūcūbuoya” muare Īna yise ñajare, yu quēne, tuoīamasibecure bajiro muare gotirūcūcūja yu. ²² “Hebreo oca ñagōrā ñari, ñamasurā ñaja yua”, muare yiyujarā Īna. Yu quēne, Hebreo oca ñagōgū ñaja yu. “Yu, israelita masa, gājerā rētoro Diore masirā ñaja yua”, yiyujarā Īna. Yu quēne, israelita masu ñaja yu. “Quēnaro

muare yirucaja' Dios ĩ yimasir'i, Abraham ñamasir'i jãnerabatia ñaja yua", yiyujarã ĩna. Yu quẽne, Abraham ñamasir'i jãnami ñaja yu. ²³ "Cristo ĩ cõariarã ĩre moabosarã ñaja yua", muare yiyujarã ĩna. To bajiro ĩna yire ñajare, "Ĩna rõtobusaro Cristore moabosagu ñaja", muare yaja yu. Tuoĩamasibecure bajiro muare goticõa ñaja yu. Ado bajiro ti bajijare, "Ĩna rõtobusaro ĩre moabosagu ñaja", muare yaja yu: Cojoji me buto ĩre yu moabosajare, tubiberiaviju yure tubibecama masa. Cojoji me yure buto bajecama. Cojoji me yure sãaraboacama. ²⁴ Cojomocãrãcaji yure ñiacõari, buto rojose yirãre ĩna bajerore bajiro yure bajecama masa. Tocãrãcaine treinta y nueve ñarjiri yure bajecama. ²⁵ Idiaji yure ñiacõari, yucãne buto yure jacama ĩna. Yure sãararã, cojoji gũtane buto yure reaejoboacama. Idiaji moa riagare yu vaboacati cũmuari rujacaju. Cojoji cũmua rujacõari, ãmua ñarãmu cuti, quẽna ñamire quẽne, ña ñami cutibusuocaju yu, moa riagaju. ²⁶ Cojoji me Dios ocare gotimasiogũ, sõju josari vacudirũgũcaju yu. Riaga gũioroju vacaju. Juarudirimasa gũioroju vacaju. Cojo macana me yu yarã rojose yicama. To bajicõari, gãjerã masa vatoaju gũioroju vacaju. Jairimaca ñagũ, masa ĩna ñabetoju quẽne, gũioroju vacaju. Moa riaga gũioroju quẽne vacaju. "Cristore ajitirũnarã ñaja yua" yitocõari, rojose yure yiruarã vatoaju vacaju yu. ²⁷ Buto josari moadicaju yu. Cojoji me cãnibecune moabusuuarũgũcaju yu. Cojoji me bare babecu, ocure quẽne idibecu, tãmuorũgũcaju. Cojoji me ñiorjarũgũcaju yu. To bajicõari, buto usarũgũcaju, sudi yure ti manijare.

²⁸ Yu rujuaye ĩ me rojose tãmuorũgũaja yu. Tocãrãcarãmune Cristore ajitirũnarã, cojo macana me yu gotimasiocana, quẽnarobusa ĩre ĩna ajitirũnarũtuatire bojagu ñari, ĩnare buto tuoĩarejairũgũaja yu. ²⁹ Cristore ajitirũnarã ñaboarine, rojose yicõari, sutiritirãre, yu bujajama, yu quẽne, ĩna rãca sutiritiaja. Cristore ajitirũnarãre gãjerã ĩnare rojose ĩna ãmato yijama, ĩnare buto jũnisinaja yu. ³⁰ Yu bajicãtãre yu gotijama, "Masigũ me ñaami' yure yimasiato" yigu, yu bajicãtãre muare gotivariquẽnaja yu. ³¹ Tire muare yu gotivariquẽnasere, "Riojo gotiãmi Pablo", yure yimasigũmi mani uju Jesucristo jacu, Dios. ĩ ñaami "Ñajediro rõtore masigũ ñaja mu" mani yirucũborũgũrocũ. ³² Tirãmuju Damasco vãme cuti macaju yu ñarone, "Pablõre ñiacõari, tubiberotirucãju" yigu, ti maca matariacũni ñarisajeriju surara mesare cũñumi, ti maca uju, Areta vãme cutigure rotibosacacu. ³³ Yure tubiberuaboarine, yure ñiamasibeticami. Ti maca matariacũni vecaju ñariviju, jibu jairibane sãcõari, sojeacaju yure rujiocama ĩna, yure ejarẽmorimasa. To bajiro yure ĩna ejarẽmojare, rudicaju yu.

12

Dios ĩ ñaroju Pablo ĩ cãjiriare queti

¹ "Ado bajiro bajigu ñari, ñamasugũ ñaja yu' ĩnare yu yĩñagõjama, ñie vaja manõja ti" yituoĩagũ ñaboarine, mua bojarore bajiro gajeye muare gotirẽmorucãja. Yu cãjiriaroju mani uju yure ĩocãtãre, to yicõari, yure ĩ gotimasiocãtãre quẽne muare gotirucãja yu. ²⁻³ Tirãmuju, juããmo cõro jedi, cojo gubo babari jẽnituarõ ñaricũmari rĩjoroju, õ vecaju ĩ ñaroju yure ãmiejarimi Dios. "To bajiro yure ãmimujarimi", yimasibeaja yu, bajijũjama. Yu rujuare ĩ ãmimujabetijama, yu usujuare ãmimujarimi. Dios sigũne masiami tire. ⁴ "To bajiro yure ãmiejarimi" yimasibecu ñaboarine, "Ejacaju", yimasiaja. Mani uju ĩ ñaro, quẽnarigodo ñacaju. Toju ñagũ, masa ĩna masibeticãtãre ajicaju. ĩ goticati, masare ĩ gotirotise me ñacaju. ⁵ "Masigũ ñaja yu" yigotivariquẽnagũ yu ñajama, to bajiro Dios yure ĩ yicãtãre muare gotibogũja yu. To bajiboarine, "Masibecu ñaja yu" gãjerãre yu yajiose queti rĩne gotivariquẽnaja yu. ⁶ "Yure rũcũboato" yigu, gajeye quẽnaro Dios yure ĩ yicãti muare yu gotirẽmorũajama, socũ mene yigũja yu. Tuoĩamasibecure bajiro gotigu me yigũja. To bajiboarine, tire ĩabeticaju mua. To bajiri, "Riojo gotiãmi Pablo", yimasimenaja. Yu gotisere, to yicõari yu bajĩnasere ĩacõari, yure mua rũcũboasejuare bojaja. ⁷ Dios yure ĩ ocãti buto quẽnase ñacaju. To bajiri, tire yure ĩboarine, ĩre yu ocãti ñajare, gãjerã rõtore ñamasugũ yu ñatuoĩasere bojabecu ñari, vãri rojose yure ĩ yisere matabeticami. To bajiri josari jota judicõari, mani ñarore bajiro bajiaja ti, yure. ⁸ Rojose yu tãmuose, "Yure tujato" yigu, idiaji Diore sãniboacaju yu. ⁹ To bajiro ĩre yu sãniboajaquẽne, ado bajiro yure cudicami: "Catiobeaja yu. Yu yarã rojose ĩna tãmuojama, butobusa yure sãnirũgũama, Yu bojasere yicõa ñarãsa" yirã. To bajiro ĩna yijama, Rojose tãmuoarine, ĩnare yu ejarẽmojare, quẽnaro yama' yimasiamã masa", yure yicami Dios. ¹⁰ To bajiri, "Cristore ajitirũnũgũ ñari, rojose tãmuoaja" yimasicõari, variquẽnaja yu. Cojoji me rojose tãmuocaju yu. Cojoji me rojose yure yicoderũgũama masa. Cojoji me yu bojase rujarũgũaja yure. To bajirivãme rojose tãmuogũ ñaboarine, ado bajise tuoĩa variquẽnarũgũaja yu: "Rojose tãmuoarine, yure ĩ ejarẽmoroti ti ñajare, ĩ bojarore bajiro yicõa ñarucãja", yituoĩa variquẽnarũgũaja yu.

Pablo, Corinto macanare ĩ tuoĩarejãre queti

11 Yu bajisere gotigu tuořamasibecure bajiro gotibu ya. “Quēnaro yigu űaami Pablo” mua yibetijare, ya masune to bajiro yibu ya. To bajiboarine, “Quēnaro yigu űaami Pablo”, yiroti űaboayuja muare. Mu taju űarā, Dios ĩ cōariarā űaja űamasurā yirā rētoro űamasugū űaja ya. 12 Rojose tāmūboarine, mua taju űagā, Dios ĩ masise rāca jairo ĩařařamani muare yĳorūgūcaju ya, “ ‘Dios ĩ cōar’i űaami Pablo’ yure yimasiatō” yigu. 13 “Gajeroana Jesucristore ajitirānūrārema quēnabusaro yigumi Pablo”, řyituoĳaboati mua? Cojoro cōrone muare yirūgūajaja ya. To bajiro yigu űaboarine, gājerā Jesucristore ajitirānūrārema, “Yure ejarēmořa mua, ‘űamasiatō’ yirā”, ĩnare yicaju ya. Muarema, to bajiro yibeticaju. To bajiro muare yibeticōari, ĩnare ya yĳore bajiro muare quēne yiroti űaboayuja ti, yure. “To bajiro rojose muare ya yisere masirioya”, řmuare yiguada ya? Yibecuja. To bajiro ya yibeticati, “Rojose me űacaju”, yimasirāja mua.

14 Juaji mua taju ejacaju ya. To bajiri yucu ya vase rāca idiaji muare ĩagū varucuja. Yu varoto řĳoro, quēnojeocōaja ya, řere. Mua taju ejacōari, “Yure ejarēmořa, ya űamasirotire yirā” muare ya yibeticatore bajiro yibeticaraja ya quēna. Gājoa mua yere bojabeaja ya. Yure ĩmaicōari, Dios ĩ bojarore bajiro mua yĳotĳuare bojaja ya. Yu řiare bajiro bajaja mua. ĩna řia me űaama ĩna jacuare ĩatirānūrā. Jacuajua űaama ĩna řiare ĩatirānūrā. To bajiri mua jacure bajiro bajigu űari, yure mua ĩatirānūsere bojabeaja ya. To bajiri, “Yure ejarēmořa ya űamasirotire yirā”, muare yibeticaraja. 15 Muare buto maigū űari, jediro ya cuose muare ĩsicōari, ya yimasiro cōro quēnaro muare yĳrua tuořariquēnaja ya, “Cristore quēnabusaro ajitirānūrūtuajaro” yigu. Buto muare ya maĳboajaquēne, maĳuama, yure maĳbetibusaja.

16 “ ‘Yure ejarēmořa, ya űamasirotire yirā’ yibeticami Pablo”, yure yituoĳarāja mua. To bajiboarine, “Quēnaro tuoĳagū űari, ‘Gājoa buřagusa’ yigu, manire yitorimi”, řyure yituoĳaboati mua řigūri? 17 “Manire ĩ queti cōariarā rāca manire yitorimi Pablo”, řyituoĳaboati mua? Muare yĳobeticaju ya. 18 “ĩnare ĩama” yigu, tirāmuju mua taju Titore cōacaju ya, gāji Cristore ajitirānūrāgū mani maigū rāca. “Manire yitorimi Tito”, řyituoĳaboati mua? Yĳobetirimi. “Quēnaro yigu űaami”, řre yimasirāja mua. Yu tuoĳarore bajiro tuoĳacōari, mua rāca ya bajĳnacatore bajiro bajĳnarimi.

19 “ĩnare mani ĩvariquēnartore yirā, manire goticōarāma Pablo mesa”, řyituoĳaboati mua? To bajiro me bajaja. Ado bajiroĳua bajaja: Cristore ajitirānūrā űari, ĩ bojarore bajiro muare goticōarā yaja yua. Quēnaro yure aĳiya yua mairā. Jediro muare yua goticōase, “Cristore quēnabusaro ajitirānūrātō” yirā, muare goticōarā yaja yua. 20 Muare ya ĩacudigu vatirāmu, quēnaro yure mua űayusere bojaja ya. “Coĳořirema quēnaro űayubetiborāma”, yituoĳareĳajaja ya. Gāmerā oca ĳosacōari, mua bajĳnarore ejaruabeaja. Mua űarōjure ado bajiro mua gāmerā yise űarōja: Gāmerā tud’ire, “Mani rētořusaro quēnaro űaama” yĳĳajūnisinire, ĩna aĳibeto űagōĳaire, “ĩna rētoro űamasurā űaja yua” yituoĳare, tocārācune ricati řine tuoĳacōari, ĩna masurione ĩna bojarore bajiro ĩna yirūgūse quēne űarōja. To bajiro mua gāmerā yĳĳajama, tuoĳareĳaborāja mua, “Manire tud’iguagu yigumi” yirā. 21 Mua taju ya vacudiro rojose masa ĩna ucamasire. 2 Tĳirāmuju Dios ĩ ĩaro řĳoroĳua, “ ‘Yu gotimasiosere quēnaro ajitirānūrāma ĩna’ yimasibecuja”, yituoĳareĳajaja ya. “ĳājarā mua rācana gāmerā aĳeriarā cuticōa űarāre ya ĩabujajama, buto otigu yĳuĳaja ya”, yituoĳareĳajaja. “Tuoĳareĳabeticōato” yirā, rojose mua yisere yĳuĳaja mua.

13

Pablo ĩ gotĳusare queti

1 Juaji mua taju ejacaju ya. To bajiri yucu ya vase rāca idiaji muare ĩagū ejarucuja ya. To bajiri, rojose mua yĳrere yĳujacōari, quēnaseĳuare tuoĳařa mua, yure yurā. Ado bajise Dios ocare masa ĩna ucamasire gotĳaja: “Rojose yĳr’ire ĩna oca řāĳama, ĳuarā, idiarā űacōari ĩna oca řāĳama, quēnaruarōja. To bajiri ĩna idiarāĳune, to bajirone ĩna űagōĳama, ĩnare aĳirā quēne, ‘řocarā me yama’ yimasirāma”, yĳgotĳaja Dios ocare masa ĩna ucamasire. 2 Tĳirāmuju mua taju űagū, rojose yĳriarāre, yĳbetiriarāre quēne ado bajise yicaju ya: “Rojose mua yise mua yĳĳabetĳajama, quēna mua taju eĳagu, rojose mua yĳcōa űarūgūse vaja rojose muare yĳrucuja ya. Adirāmurirema muare rojose ya yĳbetibōajaquēne, ya yĳrotire masiřa”, muare yicaju ya. Mua taju űabecu quēne, to bajirone muare goticōa űaja ya. “To bajiro gotigu űaboarine, yibecumi”, yure yituoĳabesa. 3 “ ‘Cristo ĩ boĳasere gotĳaja mu’ yua yimasirotire yigu, ĩařařamani yuare yĳĳoma” yure mua yĳcōare űajare, to bajirone yĳrucuja ya. “Cristo, manire rojose ĩ yĳjama, no yĳbeaja. Masibecu űagūmi”, řre yituoĳabesa mua. Yu řuorine ĩ masisere muare yĳĳrucumi. 4 Masĳeogū űaboarine, manire bajiro ruĳu cuticōari, yucātēroĳu ĩ jaju ecoriaro bero, masibecure bajiro bajirocacoasumi Cristo. To bajiboarine, Dios ĩ masise rāca tudicaticōari, űagūmi quēna. Cristore bajiro rojose tāmūrūgūajaja yua quēne. To bajiro bajirā űaboarine, řre ajitirānu tĳajama űari, řre bajirone bajĳcōa űaruarāja. Dios ĩ ejarēmore rāca muare ejarēmocōa űaruarāja.

⁵ Mũa masune, “¿Cristore ajitirũnarã masu ñati yua?”, yitũoĩañã mũa. Cristore ajitirũnarã mũa ñajama, mũa rãca ĩ ñasere masiaja mũa. ĩ ñabetijama, ĩre ajitirũnarã masu me ñaja mũa. To bajiro mũa bajijama, mũa masune, “Cristore ajitirũnarã ñaja yua”, yisocarãja mũa. ⁶ Yũajũare, “Cristo ĩ cõariarã masu ñaama” yũare mũa yimasirotire bojaja yũ. Cristore ajitirũnarã mũa ñajama, to bajiro yirãja mũa. ⁷ “Rojose mũa yirũgũrere yitũjato” yirã, Diore mũare sãnibosaja yua. “Dios ocare quẽnaro gotimasioñumi Pablo” mũa yivariquẽnarotire yigu me, Diore mũare sãnibosaja yua. Quẽnasejũare mũa yirotire bojarã ñari, yaja. “Gãjerã socase gotimasiorã yama” yure mũa yiboajaquẽne, quẽnase mũa yiroti ñaja ñamasusema. ⁸ “Ñamasusere ajitirũnũato” yirã, Dios ocare gotimasiorũgũaja yua. Ñamasusere mũa ajitirũnũ tũjasere bojabeaja. ⁹ To bajiri mũa tũju ejacõari, “Quẽnaro Cristore ajitirũnũama ĩna” mũare yua yĩamasijama, tud'irãre bajiro mũare yibetirũarãja yua. To bajiro mũa bajisere ĩacõari, variquẽnarũarãja yua, “Quẽnaro gotimasiosibeama Pablo mesa” mũa yise ti ñaboajaquẽne. “Cristore ajitirũnũcõari, ĩ bojarore bajiro rĩne yirã ñato ĩna” yirã, Diore mũare sãnibosaja yua. ¹⁰ Mũa tũju ejacõari, tud'igure bajiro mũare gotirũabecu ñari, yũ varoto rĩjoro papera ucacõari, mũare cõaja yũ. Mani uju, “Yũ yere ajicõari, sutiritiatio” yigu me, yure cõacami. “Tire ajivariquẽnato” yigujua, yure cõacami.

¹¹ Yũ mairã, to cõrone mũare yũ gotimasiosere ucaja yũ. Tire ajitirũnũañã. Cristo ĩ bojarore bajiro rĩne yirũgũñã mũa. Sigũre bajiro tũoĩacõari, quẽnaro ñañã mũa. To bajiro mũa bajijama, mũa rãca ñacõa ñarũgũrũcũmi Dios. ĩ ñaami ĩ masisere ujuju, “Gãmerã maicõari, quẽnaro ñato” yigu. ¹² Cristore ajitirũnarã ñari, mũa rẽjajama, quẽnaro variquẽnase rãca gãmerã sãnima. ¹³ Adoana Cristore ajitirũnarã, “Quẽnato”, mũare yicõaama ĩna.

¹⁴ Mani uju, Jesucristo, quẽnasere mũare cõarũgũato. Mũare ĩamaiato Dios. To yicõari, Esp'iritu Santo, mũa jediro rãca ñacõa ñarũgũato.

To cõro ñaja.

Carta de San Pablo a los GÁLATAS

Galacia sitanare Cristore ajitiránurãre Pablo ï ucacõare queti

¹⁻² ¿Ñaboati mua, Galacia sitana, Jesucristore ajitiránurã? Yu ñaja Pablo adi queti muare ucacõagũ. Jesucristo, to yicõari, ï rijato bero ïre catior'ï, ï jacu, ïna ñaama ti quetire yure gotiroticõarimasa. Masane, "Goticudiaya" yirã ïna cõar'ï me ñaja. Yu sīgũ me adi papera muare cõaja yu. Yu rãcana, Jesucristore ajitiránurã quẽne, "Quẽnato", muare yicõaama ïna. ³ Mani jacu Diore, to yicõari, Jesucristo mani ujure ado bajise muare sēnibosaja yu: "Quẽnaro ïna ñarotire yirã, ïnare ejarẽmoña", muare yisēnibosaja yu. ⁴ Rojose mani yisere, "Tire yitujato" yigu, Dios ï bojarore bajiro manire rijabosayumi Cristo. ⁵ Dione ñaami "Quẽnarẽtogũ ñaja mu" mani yirãcuborũgũroca. To bajirone ïre yitujabetiruarãja mani.

"Ricati gãjerã ïna gotimasiosere ajibesa", Pablo ï yire queti

⁶ Cristo ï rijabosare suorï, "Quẽnaro yu yisere ajitiránucõari, yu yarã ñaña mua" Dios muare ï yirere cudicana ñaboarine, yoaro mene ï yure ajitirãnu tujacõari, gãjerã ricati ïna gotimasiosejũare ajitirãnuñuja mua. Tire ajisũtiriticõari, adi queti muare ucacõaja yu. ⁷ Cristo oca rĩne ñaja riojo gotimasioire. Gaje oca butobusa quẽnase manoja. To bajiro ti bajiboajaquẽne, gãjerã sīgũri, "Cristo oca quẽnasere ajitirãnubeticõato" yirã, muare gotimavisiorã yirũgũrãma. ⁸ Mua tũju yu ñajama, Cristo ocare riojo muare gotimasioicaju yu. To bajiri, sīgũ Cristo ocare ricati muare ï gotimasiojama, rojose tãmuotujabetiriaroju ïre rocacõaroti ñaja. Yu quẽne ricati yu gotimasiojama, yuare reacõaroti ñaroja. Õ vecagu quẽne, angel ñaboarine, vadicoari, ricati ï gotimasiojama, rojose tãmuotujabetiriaroju ïre quẽne rocacõaroti ñaja. ⁹ Tirãmũju mua rãca ñarã, yu goticatore bajirone quẽna muare tudigotiaja yu: Sīgũ, Cristo ocare yu goticati mua ajitirãnucati me, ricati muare ï gotimasiojama, rojose tãmuotujabetiriaroju ïre rocacõaroti ñaja.

¹⁰ To bajiro yu yijama, ¿masa yure ïna ajivariquẽnarotire yigu yatique yu? "Rojose ïna yiboajaquẽne, ïre ïna ajivariquẽnarotire yigu, ïnare quẽnaro gotiami Pablo", yiboayuja mua. To bajiro yu gotijama, Dios ï bojarore bajiro me yigu, yigũja yu. Tirãmũju to bajiro yicacu ñaboarine, yucurema to bajiro yibeaja yu. Dios ï ajivariquẽnarotijũare yigu, muare gotiaja.

Jesús, Pablõre ï gotiroticõare queti

¹¹ Quẽnaro ajiya yu mairã. Riojo muare gotiaja yu. Jesucristo oca yu gotimasiose, masa ïna tuoĩarujeore me ñaja. ¹² Tire gãjerãre yure gotimasioeticama. Jesucristo ï masune yure goticõari, tire yu ajimasirotire yure ujocami.

¹³ Yu bajicaitire ajicana ñari, "Riojo gotiami Pablo", yimasijama mua. Tirãmũju yu jud'io masa yere buto ajirãcubocajũ yu maji. To bajiro bajigu ñari, Cristore ajitirãnurãre buto rojose ïnare yirũgũboacajũ yu, "Ëre ajitirãnu tujato" yigu. ¹⁴ Gãjerã yu cõro ñatusana yu jud'io masa yere ïnare masirẽtocoacajũ yu, yu ñicua ïna rotimasirere ïna rēobusaro yivariquẽnagũ ñari. ¹⁵ To bajiro yu bajiboajaquẽne, yu ruyuaroto rĩjoroju, "Ñani Pablo, bucucacu, yu yu ñarucumi", yituoĩañumi Dios. To yicõari, beroju, buto quẽnagũ ñari, yure ïamaicõari, "¿Yu yu, yu bojasesere yigu ñarũabeati mu?", yure yicami. ¹⁶ "Ë macũne ñaami Jesús" yu yimasirotire yigu, yicami Dios. To bajiro yure yicami, ï macũ ï rijabosare suorine quẽnaro ï yise queti jud'io masa me ñarãre yu goticudirotire yigu. To ï yirone, "¿No bajiro yigati yu? ¿Tire quẽnabusaro ajimasigũsa' yigu, gãjerãre sēniaroti ñati?", yisēniãabeticajũ yu. ¹⁷ To yicõari, yu rĩjoro Cristo ï cõariarãre quẽne sēniãagũ, vabeticajũ yu, Jerusalẽnju. Ado bajiroju yicajũ yu: Yoaro mene Arabia vãme cuti sitaju masa ñabetoju vacajũ yu. Beroju Damasco vãme cuti macajũ tudiejacajũ yu quẽna.

¹⁸ To bajiri, "¿Yu yu, yu bojase yigu ñarũabeati mu?" Dios yure ï yiro bero, idia cãma bero, Pedrorẽ ïagũ vacajũ yu yuja, Jerusalẽnju. Toju ejaçõari, yoaro me ñacajũ yu, ï rãca. Juããmo cõro, cojo gũbo jēnituarõ ñarĩrãmuri ñacajũ yu. ¹⁹ Toju ñagũ, gãjerã Jesús ï cõariarãre ïabeticajũ yu. Pedrorẽ, mani uju ñari Santiagore quẽne, ïna juarãrene ïacajũ yu. ²⁰ Socu me yaja yu. "Riojo gotiami Pablo", yure yimasigũmi Dios.

²¹ Pedrorẽ, Santiagore ïnare yu ïaro bero, Siria vãme cuti sitaju, to yicõari, Cilicia vãme cuti sitaju ñacudicajũ yu. ²² Judea sitana Cristore ajitirãnurã, "Pablo ñaami", yure yĩamasibesuma ïna maji. ²³ To bajiboarine, gajeroana ado bajiro yure ïna ñagõre rĩne ajiyuma ïna: "Jesucristo ï rijabosare suorï Dios quẽnaro ï yise quetire ajitirãnu tujato' yigu, buto rojose yuare yiboacacũne, adirãmũrĩrema, ti quetirene masare gotimasiojudiami, 'Ajitirãnuto' yigu" yure ïna yire rĩne ajiyuma Judea sitana. ²⁴ "Yu macũre ajitirãnuña' Dios ï yicõare ñajare, ïre ajitirãnugũ ñagũmi Pablo" yimasicoari, "Quẽnaro yaja mu", Diore yirãcũbuoyujarã ïna.

2

Jesús i cōariarā Pablōre ina iavariquēnare queti

¹ Jerusalenju yu vacato bero, juäämo cōro, gubo babari jēnituari cāmari bero, Jerusalenju vacaju yu quēna, Bernabé rāca. To yicōari, Tito vāme cutigure ji vacaju yu. ² Dios i ejarēmose rāca, “Toju varoti űaja” yituoīagū űari, vacaju yu. Toju ejacōari, Cristore ajitirānurā sīgāri, “űamasurā űaama” ina yirūcubūorā rāca rīne rējacōari, goticaju yu. “Cristo i rijabosare suorine Dios quēnaro i yise queti jud’io masa me űarāre ado bajiro inare gotimasiorūgūaja yu”, inare yigoticaju. “Riojo masu inare gotimasiorūgūāmi Pablō” ina yiajimasirotire yigu, to bajiro inare yicaju. “Tire ina ajimasibetijama, yu gotimasiocana quēne, quēnaro Dios i yisere ajimasibetiruarāma ina quēne” yituoīagū űari, to bajise goticaju yu. ³ Tire ajicōari, yu gotirote bajirone tuoīacama ina quēne. To bajiro tuoīarā űari, “Dios yarā űaja yua; to bajiri ire cudirona űaja” yirā, jud’io masa circuncisiōn yiadire ti űaboajaquēne, yu rācagu Titore ire yirotibeticama ina yuja. To bajiro ire yirotibeticama, Tito, jud’io masa me űari, circuncisiōn yiyamagū i űaboajaquēne. ⁴ Gājerāma, “¿No bajiro yati Cristore ajitirānurā? ¿Moisére Dios i roticūmasire cūdiati ina?” yīarā, “Cristore ajitirānurā űaja” yuare yitocōari, rējacama ina. “Moisére Dios i roticūmasire cūdiroti űaja”, yituoīarā űacama. To bajiro ina tuoīacatore bajiro yua yituoīarotire bojaboacama. To bajiri yua rāca rējacōari, “Titore circuncisiōn yiya”, yiboacama ina. ⁵ To bajiro ina yiboajaquēne, cojo vāme yuare ina goticatore bajiro inare cudibeticaju yua. “Cristo i rijabosare suorine Dios quēnaro manire i yise queti, mavisiare mano, riojo Pablōre Dios i gotiroticōariore bajirone gotimasioāa űarūgūato” yirā, inare cudibeticaju yua. To yicōari, Galacia sitana, “Quēnaro Dios manire i yise queti mani ajicatore bajirone bajiyuja” mua yimasirotire yirā, inare cudibeticaju.

⁶ Gājerājua, “űamasurā űaama” Cristore ajitirānurā ina yirūcubūorā, “Quēnaro riojo gotimasioami Pablō”, yicama inama. “‘Rojose maja muare’ Dios manire i yīavariquēnase mu gotimasiorūajama, gajeye gotimasiorēmoroti űaja”, yure yibeticama. “Ado bajiro bajiriarā űari, űamasurā űaama ina” gājerā ina yirūcubūorā ina űajama, ina űabetijaquēne, no yibeaja yurema. “‘űamasurā űaama’ masa ina yirūcubūorā ina űajare, ‘Gājerā rētoro masirā űaama’ yīlagūmi Dios quēne”, yire maja. ⁷ Ado bajirojua yure yicama ina, masa ina rūcubūorā: “Dios i cōar’i űaja mu quēne. ‘Jud’io masa mere quēne yu macu suorī quēnaro yu yise queti gotimasioacūdiato’ yigu, mure cōaűumi Dios”, yure yicama ina. “‘Jud’io masare gotimasioato’ yigu, Pedrore Dios i cōariore bajiro mure quēne cōaűumi, ‘Jud’io masa mere gotimasioato’ yigu”, yure yicama ina, masa ina rūcubūorā. ⁸ To bajiro yu yijama, ado bajirojua yigu yaja yu: Dios i masise Pedrore űoyumi, “Yu bojarore bajiro jud’io masare gotimasioato’ yigu. Pedrore i űoriarore bajiro yure quēne űoyumi Dios, ‘Jud’io masa mere gotimasioato’ yigu.

⁹ To bajiri ti macana yua rāca rējacana, űamasurā űacama Santiago, Pedro, Juan quēne. Yu gotisere ajicōari, “Dios, quēnagū űari, to bajiro Pablōre gotimasio roticōaűumi”, yimasicama ina. To bajiro yirā űari, yure, yu rācagu Bernabé quēne, ado bajiro yuare goticama ina: “Yuare bajiro Dios i bojasere yirā űaja mua quēne. Jud’io masare yua gotimasiosere Dios i bojarore bajiro jud’io masa mere mua gotimasiosere bojaami”, yuare yigoticama ina. ¹⁰ To yicōari, ado bajise rīne yua yirotire goticama: “Dios i bojarore bajiro inare gotimasioacūdiroti ti űaboajaquēne, adoana Cristore ajitirānurā maiorō bajirāre inare masiritibeticōari, gājoa mua cōajama, quēnarūaroja”, yure yicama. To ina yicatore bajirone masiritibeticōari, “Inare ejarēmoto mani”, yicaju yu.

Pablō, “To bajiro mu yise quēnabeaja”, Pedrore i yire queti

¹¹ Pedro, yua tuoīacatore bajirone gotiboarine, berōju Antioqu’ia vāme cuti macaju yu űarone, ejacōari, rojose yicami. To bajiri i űaro rījorojua ejarūgūcōari, “To bajiro mu yise quēnabeaja”, ire yicaju yu. ¹² Ado bajiro rojose yicami Pedro: Rījorojua Antioqu’iaju ejacōari, quēnaro yicami maji. Jud’io masa me űarā rāca baba cuticōari, ina rāca bacami. To bajiro i yīarone, Jerusalen macana Santiago i cōariarā iacudirā ejacama ina quēne. “Jud’io masa me űarā, Dios i rotimasire cūdimena, circuncisiōn yibetiriarā ina űajare, ina rāca babetiroti űaja”, yituoīarā űacama ina. Ina ejasere iacōari, “‘Rojose yaja mu’ yure yiroma” yigu, gūicami Pedro, i quēne jud’io masu űari. To bajigune, babetirūtuacami, jud’io masa me űarā rāca yuja. ¹³ Ti macana, gājerā jud’io masa, jud’io masa me űarā rāca Pedro i babetire iacōari, ire bajirone babeticama ina quēne, ina masune “Ina rāca mani bajama, quēnacōaja” yituoīarā űaboarine. To bajiro ina yisere iacōari, Bernabé quēne, inare bajirone babeticami, jud’io masa me űarāre buto iamaigū űaboarine. ¹⁴ To bajiri, “Cristo i rijabosare suorine quēnaro Dios i yise queti ti gotirote bajiro tuoīamena űari, to bajiro yama” yimasicōari, jediro masa ina űaro rījoro Pedrore ado bajiro ire yigoticaju yu: “Jud’io masu űaboarine, tirāmuju Moisés i rotimasirere ajibecu űacoasuja mu. To bajiro mu bajijama, quēnaro tuoīaűuja mu maji. To bajiboarine Moisés i rotimasirere ajirūcubūogure bajiro yaja mu quēna. To bajiro mu bajijama, jud’io

masa me ñarãre Cristore ajitirãnurãre ado bajiro ñnare rotigure bajiro bajaia ma: ‘Cristore ajitirãnurã masu, “Rojose maja muare” Dios ï yĩavariquẽnarã mua ñaruajama, jud’io masa yere Moisés ï rotimasiriarore bajiro cudiroti ñaja muare quẽne’ ñnare yirofigure bajiro bajaia ma. To bajiro mu bajise quẽnabeaja’, Pedrorre ñre yigoticaia yu.

To yicõari, ado bajiro ñre goticaia yu quẽna:

¹⁵ Mani juarã jud’io masa ñaja manire. To bajiri gãjerã masa, Moisére Dios ï roticũmasirere cudimenare bajiro bajirã me ñaũuju mani maji. ¹⁶ To bajiboarine, beroju, “Moisére Dios ï roticũmasirere mani cudise suorine, ‘Rojose maja’ manire yĩabetirũcumi Dios”, yimasicoasuja mani. To bajiro yimasirã ñari, jud’io masa ñaboarine, mani ñicua yere, Moisére Dios ï roticũmasirere ajitirãnu tujacõari, Cristojuare ajitirãnuũoyuja mani, “ ‘Rojose maja’ manire yĩavariquẽnato Dios” yirã.

¹⁷ To bajiri ñre ajitirãnurã ñari, Moisére Dios ï roticũmasirejuare ajimenare bajiro bajaia mani. To bajiro bajirã mani ñajare, “Rojose yaja mua”, manire yĩaama yua yarã, Moisés ï rotimasirere ajirũcuborã. Ña tuoarore bajiro mani tuoajama, “Cristo suorine rojose yaja mani, Moisés ï rotimasire cudimena ñari”, yituoaboarãja. ¿Rojose manire yirofigure Cristo? ¡Yibeami! To bajiri, “Cristore ajitirãnurã ñari, Moisés ï rotimasirejuare mani ajibetijama, rojose yibeaja mani”, yimasire ñaja. ¹⁸ Moisére Dios ï roticũmasire mani ajitirãnu tujarere mani tudi ajitirãnuajama, rojose yirã yirãja mani. ¹⁹ Moisére Dios ï roticũmasire ado bajiro gotiaja: “Adire cudijeomena, rojose yirã ñaruarãma”, yigotiaja ti. Tirũmũju tire yu yimasijeoboajaquẽne, “ ‘Rojose maja’ yere yĩabetirũcumi Dios”, yimasicoacaja yu. To bajiri Moisére Dios ï roticũmasirere ajitirãnu tujacoacaja yu. To bajicõari, Cristo ocajuare ajitirãnuũocaja, “Ï rijabosare suorine, ‘Rojose magũ ñaami’ yere yĩato Dios” yigu. Tire tuoavariquẽnacõari, ï bojarore bajiro yirũgũaja. ²⁰ To bajiri tirũmũju yu bajicatore bajiro bajibeaja yu yuja. Cristo, yu rãcane ñaami. To bajiri, “Yure ejarẽmorũcumi” yituoagũ ñari, ñre sãnirũgũaja yu, ï jacu ï bojarore bajiro yu yirofigure yigu. Ñe ñaami yere maigũ, yere rijabosar’i. ²¹ Mani jacu quẽnagũ ñari, ï macu ï rijabosare suorine quẽnaro yare ï yisere tegure bajiro bajirũabeaja. Moisés ñamasir’i rotimasire mani ajisayase suorine rojose mani yise vajare yirẽtoecoriarã mani ñajama, Cristojuare manire ï rijabosare, vaja maniboriaroaja.

3

“Cristore mua ajitirãnuajare, Esp’iritu Santo, muare ejayumi”, yire queti

¹ Ajiya Galacia sitana. Cristore ajitirãnu tujacõari, ricatijãna ajitirãnurã ñari, tuoĩamasimenare bajiro bajaia mua. ¡No yirã gãjerã socasere gotirãre ajitirãnumenaja mua tia! Tirũmũju muare gotimasiorã, “Yucãtẽroju Jesucristo manire ï rijabosare ñajare, ‘Rojose mana ñaama’ manire yĩami Dios”, muare yicaja yu. ² To bajiri cojo vãme mua masibujasere bojaja yu: ¿Moisére Dios ï roticũmasire mua cudijare, Esp’iritu Santo, muare ejacõari, ï masisere muare ujocati? ¡To bajiro me bajicaja! Cristo ï rijabosare suorini Dios quẽnaro ï yise quietere ajicõari, Cristore mua ajitirãnuajare, muare ejayumi Esp’iritu Santo. ³ ¿No yirã tuoĩamasimena masu ñacõati mua? Tirũmũju Jesucristore mua ajitirãnuũorojuane, “Dios ï bojarore bajiro yato ña” yigu, muare ejarẽmoga, ejayumi Esp’iritu Santo. To bajiboarine, mua rãcane ï ñaboajaquẽne, adirãmũrrema, ¿“Dios ï rotimasire quẽnaro mani cudijama, Dios ï bojarore bajiro yirã ñne ñaruarãja mani”, yituoaboati mua? ⁴ Cojo vãme me quẽnaro mua bajirũgũboare, yucurema vaja manire bajiro bajaia. To bajiro mua bajise yu tuoajama, vaja manire bajiro bajise me ñaboayuja. Quẽnaro mua bajirũgũrere tuoĩacõari, “Jesucristore ña ajitirãnuũocatore bajiro tudiajitirãnurãma”, muare yituoajaja yu. ⁵ Esp’iritu Santore muare cõaũumi Dios. To yicõari, jairo ñaãaãmanire muare yĩoũumi. ¿No bajiro mua yicati ñajare, to bajise muare yiyujari? Moisére Dios ï roticũmasirere ti gotirore bajiro mua yise suorini me, to bajiro yiyumi. Cristojuare mua ajitirãnuajare, to bajiro yiyumi.

⁶ Dios ocare masa ñna ucamasire ado bajiro gotiaja ti: “ ‘Quẽnaro mure yirũcujaja yu’ Abrahamre Dios ï yirere, ‘Ï yirore bajirone bajirũaroja ti’ ï yajire ñajare, ‘Rojose maja’ ñre yĩaũuju Dios”, yigotiaja. ⁷ Tire ajicõari, ado bajiro yimasiaja mani: “Abraham ñamasir’ire bajiro Diore ajitirãnurãre, ‘Ï jãnerabatia ñaja mua’ ñnare yĩagũmi Dios”, yimasiaja mani. ⁸ Ado bajiro ti bajijare, to bajiro yimasiaja mani: Tirũmũju adi macarũcuroju ï macure Dios ï cõaroto rĩjoroju, “Jud’io masa me ñarã quẽne, Abraham, yure ï ajitirãnurãre bajiro yu macure ña ajitirãnuajama, ‘Rojose maja’ ñnare yĩarũcujaja”, yituoĩamasirũuju Dios. Tire tuoĩacõari, ado bajiro Abraham ñamasir’ire ñre gotimasirũuju: “Mu suorine masa jedirore quẽnase ñnare yirũcujaja yu”, yimasirũuju Dios. ⁹ To bajiri Abrahamre bajiro Diore ajitirãnurãre quẽnaro yami Dios. Ña rĩrene, “Rojose maja”, yĩagũmi.

¹⁰ “Moisés ñamasir’ire Dios ï roticũmasirere mani cudijama, ‘Rojose maja’ manire yĩarũcumi Dios” yituoaboarãre, “Rojose ñaja”, ñnare yĩagũmi Dios, ï rotimasirere cudijeomena ña ñajare. To bajirone gotiaja Dios ocare masa ñna ucamasire. Ado bajiro

gotiaja ti: “Dios i rotirere cudijeomenare, ‘Rojose ñaja’ ñare yílagü ñari, rojose ñare yirucumi Dios”, yigotiaja ti. To bajiri, tire cudijeorã ña manijare, “Tire ajitirãnurã jedirore, ‘Rojose ñaja’ ñare yílagümi Dios”, yimasijaia mani. ¹¹ Sígü tire cudijeogu i ñaboajaquêne, “Rojose maja”, ñe yílabetibogümi Dios, ricati i gotimasire ti ñajare. Ado bajiro gotiaja i gotimasire: “Manire ñamaicõari, ‘Rojose maja’ manire yílaami Dios, yituoïarãma, ña rijato beroju ña catirotire yigu, yu catisere yu ñisrã ñaama”, yigotiaja ti. ¹² Moisére Dios i roticümasire ado bajirojuã gotiaja: “Í roticücati jedirojune i cudijeocõajama, i rijato beroju Diorãca quënarõ ñacõa ñarügürucumi”, yigotiaja.

¹³ Dios i rotimasirere ajisuyaboarine, rojose mani yise vajare, Cristo, rojose magü ñaboarine rojose yir’ire bajiro manire rijabosayumi. Dios ocare masa ña ucamasire ado bajiro ti gotijare, “ ‘Rojose yir’i ñaami’ yílaami Dios”, yimasijaia mani: “Yucüju ña jaju slagüre, ‘Rojose yir’i ñaami’ yílaami Dios”, yigotiaja ti. ¹⁴ Tirãmüju ado bajiro gotimasifüju Dios, Abraham ñamasir’ire: “Yure mü ajitirãnurõre bajiro, gãjerã, yure ajitirãnurãre quënarõ ñare yirucüja”, ñe yimasifüju. Jud’io masa, jud’io masa me quêne, Cristore ña ajitirãnjama, ña rijato beroju mani catirotire yigu, ñare ñisrucumi Dios. To yicõari, “Esp’iritu Santore müare ejarëmorocure cõarucüja” Dios i yicatore bajiro yigu, ñare cõarucumi.

“Ado bajiro yirucüja yu”, Dios i yire queti

¹⁵ Quënarõ ajiya yu mairã. Gotimasiore queti müare gotigü yaja yu: Sígü, “Ado bajiro yirãsa”, gãji rãca gãmerã yigümi. To yicõari, “Yirucüja” i yiriarõ cõrone papera jüroju ucaturjeocõagümi. To bajiro i yicõare ñajare, gãjjüã, “Ado bajirojuã yiroti ñañüja” yigu, i ucaria jürojure ucarëmomasiyecumi. ¹⁶ Tire bajiro bajimasifüju Abrahamre Dios i goticümasire quêne. Ado bajiro ñe goticümasifümi: “Sígü mü jãnamõ suorine masa jedirore quënarõ yirucüja yu”, ñe yigoticümasifümi Dios. “Mü jãnerabatia suorine masa jedirore quënarõ yirucüja”, yibesumi. “Sígü mü jãnamõ suorine” i yijama, “Cristo suorine” yire ñi ñamasifüju ti. ¹⁷ “Tire quënarõ ajimasiato” yigu, müare gotimasiojü yaja yu. “Mü jãnamõ suorine masa jedirore quënarõ yirucüja”, Abraham ñamasir’ire yigoticümasifümi Dios. To yicõari, “Socü me yaja yu. Yu gotirore bajirone yirucüja”, ñe yigotirëmomasiifümi. To i yiro bero, cuatrocientos treinta cãmari bero, gajeye i rotimasire Moisére cümasifümi, jud’io masa ña cadirotire yigu. “Tire quënarõ ña cadijama, quënarõ ñare yirucüja”, Moisére ñe yimasifümi. To bajiro i yijama, “Tirãmüju Abrahamre yu goticature vasoagü yaja yu” yigu me yimasifümi. To bajiro i yijama, Abrahamre quënarõ i yirotire goticücõari, “Socü me yaja yu”, ñe yirëmobetimasiborimi Dios. ¹⁸ Moisére i roticüroto ríjorojune, quënarõ mani yirotire gotibecane, “Quënarõ müare yirucüja”, manire yigotiyumi Dios. To bajiri, “Dios i rotimasirere mani cadirotire tuoïagü me yiyumi”, yimasijaia mani. To bajiro i yibetijama, “Socane manire yiyumi”, yimasiborãja mani.

¹⁹ “Abraham i cadirotire gotibecane, ‘Masa jedirore quënarõ yirucüja’ Dios i yijama, ¿no yigu beroju Moisére ñe roticümasifüjari Dios?”, yituoïarãja müã, sígüri. To bajiro yituoïarãre ado bajiro cüdiaja yu: “ ‘Cudijeomasibeaja; rojose yijairã ñaja mani’ yimasiatõ masa” yigu, i rotimasirere cümasifüju Dios. “To bajiro tuoïarügüruarãma, Abraham jãnamõ suorine masare quënarõ yu yirotirãma ti ejarõ”, yituoïamasifümi Dios. Í masune, i rotimasirere Moisére gotibetimasifüju. Í tuana ángel mesare Moisére gotirotimasifüju. Ña gotisere ajicõari, jud’io masajuare gotirëtomasifüju Moisés quëna. ²⁰ “Mü jãnamõ suorine masare quënarõ yirucüja” Dios i yijama, i tuana ángel mesare gotirotibesuju. Í masune Abrahamre gotimasifüju.

“ ‘Rojose yirã ñaja’ masa ña yituoïarotire yigu, i rotimasirere cümasifüju Dios”, yire queti

²¹ Abraham ñamasir’ire quënarõ i gotiro bero, i rotimasirere cügü, ¿‘Abrahamre yu goticature masiritiya’ yigu, yiyujari? To bajiro me yiyumi. Moisére Dios i roticümasirere quënarõ mani cudijeose suorine, “Ñie rojose mana ñaama”, manire yibogümi Dios. ²² To bajiboarine, Dios i rotimasire masa ña cadise suorine, “Rojose mana ñaama”, ñare yibeami Dios. Dios ocare masa ña ucamasire ado bajiro ti gotijare, tire masijaia mani: “Masa jediro rojose yisejarã ñari, ti rione ñare yirucümacõrügüja”, yigotiaja. To bajiri, “Mü rotimasire cadibecu ñaja yu” Diore ñe yigoticõari, “Jesucristore yure i rijabosare ñajare, ‘Rojose maja’ Dios i yílagü ñaja yu” yituoïarã ríne ñaama Abrahamre Dios i goticümasiriarore bajiro quënarõ i yirã.

²³ Tirãmüju, “Jesucristore mani ajitirãnusere ñacõari, rojose tãmuotujabetiriarõju mani vaboritire manire yirëtobosarucumi”, yimasibeticaju mani maji. Dios i rotimasire cadirügüre ñañüja ti. To bajiri, “Rojose mani yise vaja rojose yibeticõato Dios” yirã, no bajiro yimasibesuja mani maji. ²⁴ Gotimasiore queti müare gotiaja yu: Üju, i macure ñe codebosagure ado bajiro ñe rotigümi: “ ‘Yu macü rojose yibeticõato’ yigu, ñe quënarõ coderucüja mü”, ñe yirotigümi. “Í bucucacõajama, yu yere cucomasijeocü i ñajare, no yigu ñe codebecüja mü”, ñe yigümi i üju. Í macure codebosagure bajiro bajiyuja Dios i

rotimasire. “Rojose yibesa mua” manire yimasiore ñacooyuja ti, Cristo manire ñ rijabosaro bero, “Í suorine, ‘Rojose maja’ Dios í yíarã ñaja” mani yituoíaroto ríjorojune. ²⁵ To bajiri adirámurirema Cristore ajitirúnurã ñari, manire codegure bajiro me bajajaja ti, Dios í rotimasire. ²⁶ To bajiri mua jediro Jesucristore ajitirúnurã ñari, “Yũ ríã ñaja” Dios yirã ñaja mua quêne yuja. ²⁷ Cristore ajitirúnucõari, oco rãca bautiza ecoyuja mua. To bajiro mua yiecosere íacõari, Cristo quênaro í yirügüriarore bajirone muare quêne “Quênaro yirã ñato” muare yiyumi Dios. ²⁸ Mua jediro Jesucristo yarã mua ñajare, cojoro cõro mua ñasere íamaigãmi Dios. Jud’io masa, jud’io masa me quêne ñaja mua. Gãjerãre moabosarimasa, moabosarimasa me quêne ñaja mua. Rõmia, ãmua quêne ñaja mua. Jediro vusaro mua ñaboajaquêne, Jesucristo yarã mua ñajare, cojoro cõrone mua ñasere íamaigãmi Dios. ²⁹ Cristo yarã ñari, Abraham jãnerabatiare bajiro bajajaja mua quêne. To bajirã ñari, Abrahamre Dios í gotimasiriarore bajirone quênaro í yirona ñaja mua.

4

¹ Gotimasiore muare gotiaja yũ quêne: Sígã, í macũ ñasnoçu, í jacũ ye jediro suorocu ñaboarine, í daqueccõajama, í jacure moabosarimasare bajiro bajiami. Ìna rotijama, Ìna rotirore bajiro cudiroti ñaja Ìre. ² Daquegu í ñaro, í jacure moabosarimasa Ìre coderãma. To yicõari, í suorotire quêne coderãma. “Yũ macure yũ suorone jediro Ìre Ìsiaja yũ yuja” í jacũ, í yirotirãmũ ti ejarõ, moabosarimasare bajiro me bajigumi yuja. Ìre rotimasinenama. ³ Mani quêne Cristore mani ajitirúnaroto ríjoroju, to bajirone bajiboacaju mani maji. Adigodoaye ríne tuoíarã, Ìna ajirãcũbore ti rotirore bajirone rotiecocaju mani. ⁴ To bajiro mani bajiñaboajaquêne, “To cõrone yũ macure cõgarũcujaja yũ” Dios í yiriarãmũ ejayumi. To bajiri Dios macũ ñaboarine, manire bajirone rõmio suorine ruuyayumi. Jud’io masũ ruuyar’i ñari, Dios í rotimasire rotiecoyumi. ⁵ Tirãmũaye rotimasire ajitirúnaboariarã, rojose mani yisere í masiriose vaja, í macũ í vaja yibosarotire yigũ, Ìre cõañumi Dios. Í ríã mani ñarotire bojagũ ñari, to bajiro yiyumi. ⁶ To bajiri Dios ríã mani ñajare, í macũ Jesucristo rãcagũ, Esp’iritu Santore, manire cõañumi Dios. Manire quêne í ñajare, “Cacu”, Ìre yivariquẽñaja mani. ⁷ To bajiri, adirámurirema, Dios Moisére í roticũmasire rotiecorã me ñaja, Dios ríã ñari. To bajiri, “Yũ ríãre quênaro Ìnare yirũcujaja yũ” í yiriarore bajirone manire yirũcumi”, yimasiaja mani.

“Jud’io masare bajiro bajibesa”, Pablo Ìyire queti

⁸ Tirãmũajama Cristore mua ajitirúnaroto ríjoro, Diore masibeticaju mua maji. Ìre masimena ñari, “Ado bajirã ñarãma” mua masune yiquenorujeocõari, rãcũboaboayuja mua maji. ⁹ Adirámurirema Diore masirã ñaja mua quêne. To bajiri, “Yũ ríã ñaama” muare yíãru, muare beseyumi Dios. Diore masirã ñaboarine, çno yirã Diore masimena Ìna rotirore mua rotiecoriarore bajiro Dios í rotimasirere rotiecorã ñaruati mua? To bajiro mua yirũaboase vaja maja. ¹⁰ Jud’io masa me ñaboarine, jud’io masa ye Moisére Dios í roticũmasire ti rotirore bajiro mua cudirügũre ajibũ yũ. “Adirãmũ rãcũboariarãmũ ñaja. Ado cõro ñamiagu Ì tusatone, ado cõro juebũcũ ti tusatone, to yicõari, ado cõro cãmã ti tusatone, rãcũboroti ñaja” yicõari, mua cudirügũre ajibũ yũ. ¹¹ Tire ajicõari, “çYũ gotimasioacati vaja mañujari?”, yituoíã sutiritiaja yũ.

¹² Yũ mairã, ado bajiro mua bajisere bojabeaja yũ: Dios í rotimasirere mua rotiecosere bojabeaja yũ. Yũjũama, jud’io masũ ñaboarine, “Tire yũ cudijama, ‘Rojose maja’ yure yirũcumi Dios”, yibeaja yũ. Yũ yituoíarore bajiro mua quêne, mua tuoíajama, quênaruroja. Tirãmũjũ mua tujũ yũ ñaro, quênaro yure yicajũ mua maji. ¹³ Tire masiritimenaja mua. Rijagũ ñari, mua tujũ ejacajũ yũ. Cristo ñ rijabosare suorine quênaro Dios í yise quetire muare gotimasiosuocaju. ¹⁴ Rijagũ yũ ñaboajaquêne, yure Ìatebeticaju mua. Àngel bocaãmíarẽ bajiro quênaro yure bocaãmicajũ mua. To yicõari, Jesucristore bocaãmíarẽ bajiro quênaro yure bocaãmicajũ mua. ¹⁵ Adirámurirema, “Vaja magũ ñaami” yíãrãre bajiro yure yaja mua yuja. To bajiri, “Yũ gotimasioacati ajicõari, bũto Ìna variquẽnacati masiriticoariarãma”, muare yituoíajaja yũ. Tirãmũajama, variquẽnacõari, bũto yure Ìamaicana ñari, mua yimasijama, mua caace juacõari, yure Ìsiboriarãja mua, “Ìamasiato” yirã. ¹⁶ Adirámurirema yure Ìateaja mua. çNo bajiro bajicõari, yure Ìateati? Cristo ñ rijabosare suorine quênaro Dios í yise quetire quênaro ríojõ muare yũ goticõã ñajare, çYure Ìateati mua?

¹⁷ Dios í rotimasire gotimasiorã, muare baba cutirügürãma Ìna. To bajiboarine, muare quênaro yirũarã me, to bajiro bajirãma. “Pablõre ajitecõari, mani rírene ajitirúnũato” yirã, to bajiro bajirãma. ¹⁸ Gãjerã manire mairã, bũto manire Ìna tuoíajama, quẽnaja. To bajiboarine, manire yitorũarã, socarãne manire Ìna maijama, quẽnabeaja. Gãjeyerema, mani tujũ gãjerã Ìna ñaro ríne, Ìnare mairõti me ñaja manire. To bajiro muare yirügũroti ñaboaja, yure. ¹⁹ Yũ mairã, yũ ríãre bajiro bajirã ñaja mua. Muare bũto tuoíacõã ñaja yũma. Rõmia Ìna macũ

cuoroto r̄joro, buto tuoīacōari, rojose ĩna tām̄uorore bajiro yu quēne, muare tuoīacōari, rojose tām̄uoaja. To bajiro r̄ine rojose tām̄uocōa ĩarūgūrucuja yu. Gajeye tuoīav̄uomenane, “Cristo ĩ rijabosare suorine, ‘Rojose maja’ manire yīāgūmi Dios” muā yituoīaroju, rojose tām̄uo tujarucuja. ²⁰ Muā tujū buto ĩar̄uaboaja yu. Toju yu ĩajama, quēnabusaro muare gotibogūja yu. Sōju ĩari, muare tuoīarejaicōari, adi papera rāca quēnaro muare gotimasibeaja yu.

Sara, Agar ĩna bajire queti

²¹ Muā sīgūri, Moisēre Dios ĩ roticūmasire cudirua tuoīaja muā. “Dios ĩ rotimasire” yuā yijama, Moisēs ĩ ucamasirere yirā yaja. To bajiri Moisēs ĩ ucamasirere muare yu gotimasiosere quēnaro ajimasīna muā. ²² Abraham ĩamasir’i, juarā ūmuā rīa cutimasīñuju. ĩ manajore moabosarimaso Agar vāme cutimasirio macu ĩamasīñuju sīgū. Gājijua, ĩ manajo Sara vāme cutimasirio macu ĩamasīñuju. ²³ Sarare moabosarimasore manajo cuti, yi macu cutimasīñuju Abraham. Gājijua, ĩ manajo cutisuoorio macu ĩamasir’ima, “Macu cutiruocomo” Abrahamre Dios ĩ yimasir’ire macu cutimasīñuju. ²⁴ To bajiro ĩna bajimasirere ado bajiro gotiaja: Moabosarimaso, so rīa cutijama, so ūjure moabosarimasa ĩarāma ĩna quēne. To bajiro r̄ine bajicoayuja ti. To bajiri, Sarare moabosarimaso, Agar vāme cutimasirio, gātāu Sina’i vāme cutiujū Moisēre Dios ĩ roticūmasirere bajiro bajiyumo so. To bajicōari, Dios ĩ rotimasire cudirā, ado bajiro so r̄iare bajiro bajijama ĩna: ĩna quēne, moabosarimasare bajiro bajijama, Dios ĩ rotimasire cudijeobetiboarine, “Manire ĩvariquēnato Dios’ yirā, cudiroti ĩaja” yirā ĩari. ²⁵ Gajeyerema, ado bajiro ti bajijare, “Moisēre Dios ĩ roticūmasirere bajiro bajijamo Agar”, yimasijaia mani: Cojojirema, “Agar” ĩna yijama, gūtau Sina’i vāme cutiure yirā yama masa. To bajicōari, Agar macu jānerabatia, árabe masa ĩna ĩaroju ĩaroja tiu. To bajicōari, Jerusalén vāme cuti macare bajiro bajijamo so, Agar. Moabosarimasa jacore bajiro bajijaja Jerusalén, ti macana, Dios ĩ rotimasire cudirā ĩna ĩajare. ²⁶ Ō vecaju quēne, Dios ya maca “Jerusalén vāme cuti maca ĩaroja”, yicama. Tojuma, moabosarimasa jacore bajiro me bajijaja. Sarare bajiro bajijaja, ti maca ĩarona, so r̄iare bajiro bajirā, “Dios ĩ rotimasire cudiroti me ĩaja” yicōari, Cristo r̄irene ajitir̄anurā mani ĩajare. ²⁷ Diore gotir̄etobosarimasa Isa’ias vāme cutimasir’i ado bajiro ĩ ucamasire ĩajare, “Sarare bajiro bajijaja ō vecaju, Jerusalén maca”, yaja yu. Sarare gotigure bajiro ucamasīñuju: “Rīa magō, ajiya. Rīa magō ĩaboarine, quēnaro variquēnaña. Macu cutigoago rojose tām̄uoīabeco ĩaboarine, ‘Jājarā rīa cutiruocoja’ yimasigō ĩari, variquēnaña mu. ‘Jājarā rīa cutiatio’ yigu yirucuja yu. Yu rāca ĩagō r̄etoro rīa cutiruocoja mu”, yucamasīñuju Isa’ias.^a

²⁸ Yu mairā, quēnaro ajiya. “Macu cutiruocoja mu” Dios ĩ yimasire ĩajare, macu cutimasīñuju Sara, Isaac vāme cutigure. ĩ jānamijua ĩañumi Cristo, “Ī suorine quēnaro yirucuja yu” Abrahamre Dios ĩ yigotimasir’i. To bajiri, manijua, Cristore ajitir̄anurā ĩari, Abraham jānerabatiare bajiro bajijaja mani yuja. Dios ĩ rotimasire cudirā, to bajiro me bajijaja mani. “Cristo ĩ rijabosare suorine quēnaro ĩnare yirucuja yu” Dios ĩ yimasire ĩajare, bajijaja mani. ²⁹ Gajeyerema, ado bajiro manire gotiaja Moisēs ĩ ucamasire, “Dios ĩ rotimasire” yuā yise: “Ī manajore moabosarimaso macujua, Esp’iritu Santo suorine Sara so macu cutir’ire rojose yimasīñuju”, yigotijaja Moisēs ĩ ucamasire. Adir̄amuri quēne, to bajirone bajijaja manire quēne. Cristo suori Abraham jānerabatiare bajiro bajirāre, manire rojose yirūgūama Abraham jānerabatia, Moisēre Dios ĩ roticūmasire cudirā. ³⁰ Rojose manire ĩna yiboajaquēne, Moisēs ĩ ucamasirere mani buejama, Dios ye mani cuoroti gotisere ĩabujarāja mani. Ado bajiro gotiaja: “Mu manajore moabosarimasore, so macure quēne ĩnare varoticōaña. So macu ĩari, mu rijato beroju mu cuosere cuosyabetir̄ucumi. Jediro Sara macu ye ĩaruaoroja”, yigotijaja, Dios ocare Moisēs ĩ ucamasire. To bajiro ti gotijare, “Moabosarimaso r̄iare bajiro bajirā me ĩarāma ‘Quēnaro ĩnare yirucuja yu’ Abrahamre Dios ĩ yimasiriarā”, yimasijaia mani. ³¹ To bajiri, yu mairā, “Ado bajise tuoīamasiatō” yigu, Moisēs ĩ ucamasire muare gotibū yu: “Dios ĩ rotimasire mani cudijeobetijama, manire ĩvariquēnabetir̄ucumi Dios” yituoīa gūirā me ĩari, moabosarimaso r̄iare bajiro bajirā me ĩaja mani. “Cristo ĩ rijabosare suorine Dios ĩvariquēnarā ĩaja” yirā ĩari, Sara ĩamasirio r̄iare bajiro bajirā ĩaja mani.

5

Rojose mano quēnase r̄ine yīñare queti

¹ “Yu suorine Dios ĩ ĩvariquēnarā ĩari, Dios ĩ rotimasire cudirua tuoīabeticōato ĩna” yigu, manire rijabosayumi Cristo. To bajiri, gajeye tuoīamenane, “Cristo ĩ rijabosare suorine Dios ĩ ĩvariquēnarā ĩaja mani”, yituoīarūgūruarāja muā. Gājerā ricati ĩna gotijama, ĩnare ajibetr̄ūgūruarāja.

^a 4:27 ĩs 54.1. Adir̄amurirema, “Yu rāca ĩagō” ĩ yijama, adi macarucuro Jerusalén macare yigu yimasīñuju. “Rīa magō ĩaboario” ĩ yijama, ō vecaju Jerusalén macare yigu yimasīñuju.

² Quēnaro ajiya mua. Ñamasuse muare gotigu yaja ya: “Manire İavariquēnato Dios” yirā, jud'io masa circunciōn yirotirāre bajiro mua yirotijama, Cristo suorine Dios İıavariquēnarā me ñaruarāja mua. ³ Quēna muare tudigotiaja ya: Jud'io masa circunciōn yirotirāre bajiro mua quēne, mua yirotijama, Dios İ rotimasire cūdjieoroti ñaboroja muare. To bajiboarine ñimujua cūdjieogu manirucami. ⁴ “Dios İ rotimasire quēnaro ya cūdjijama, yure İavariquēnarucami Dios” mua yituoĭajama, Cristore ajitirānurā me ñacoaruarāja mua. “Cristo İ rijabosare suorine manire İavariquēnagami Dios” yituoĭamena ñari, to bajiro bajiruarāja mua. ⁵ Manijua, “Cristo manire İ rijabosare ñajare, Dios İ İaro rĭjoro mani ejaro, ‘Rojose maja’ manire yĭıarucami”, yituoĭa yuñaja mani. Esp'iritu Santo ejaecoriarā ñari, to bajirone yituoĭa yuñaja mani. ⁶ Cristo yarā ñari, circunciōn yiecojama, yiecobetijaquēne, ñamasuse me ñaja. Ti suorine me manire yirētobosarucami Dios. “Manire rijabosayumi Cristo” mani yituoĭase, to yicōari gājerā mani maise suorijua manire yirētobosarucami Dios. ⁷ Cristo suorine quēnaro Dios İ yise queti socabtire quēnaro ajitirānurāsuoboacaju mua maji. ĆÑimarā oca suori tire ajitirānurā tujati mua? ⁸ Dios me to bajiro muare bajiroti. Dione ñami “Yū macu Cristore ajitirānurā” yigu, muare beser'i. ⁹ Panre ũmato vauvase quetire masiritibesa mua. Panre ũmato vauvasere mojoroaca vuore ti ñaboajaquēne, vauvajediaja ti, pan. Tire bajirone bajiaja socase mua tuoĭase. Socase, ñamasuse me ti ñaboajaquēne, mua tuoĭacōa ñajama, ñajediro riojo me tuoĭarā ñacoaruarāja mua. ¹⁰ To bajiboarine, “Cristo yarā ñaama İna quēne”, muare yituoĭaja ya. To bajiri, “İna quēne ya gotirore bajiro yiruarāma”, muare yituoĭaja ya. “Riojo gotiami Pablo. ‘Rojose maja’ manire yĭıato Dios’ yirā, Cristore ajitirānurācōari, gajeye yiroti me ñaja”, yituoĭarāja mua quēne. Gājerājuama, socase muare gotimasiorā, ñamasurā İna ñaboajaquēne, to bajiro İna yise vaja, rojose İnare yirucami Dios.

¹¹ Ado bajiro yure socase İna gotisere tuoĭaĭa, ya mairā: “Yua gotimasiosere gotimasioami Pablo quēne. ‘Diorāca quēnaro mua ñaruarajama, jud'io masare Dios İ rotiriarore bajiro circunciōn yirotiya’ yami Pablo quēne”, yure yisocayuma. To bajiro masare yigotimasiobeaja ya. To bajiro ya yigotijama, ya gotimasiosere ajicōari, Ćrojose yure yitujaboriarāda İna, jud'io masa? Yua, circunciōn yirere gotibecune, ado bajirojua gotimasioaja: “Yucātēroju manire rijabosayumi Cristo, İre ajitirānurāre Dios İ İavariquēnarotire yigu”, yigotimasioaja. To bajiro ya gotimasiosere buto ajiteama jud'io masa. ¹² To bajiro socase ocare gotirā, circunciōn yire rācuborā ñari, İna vejerijoare quēne İna yijetareacōajama, quēnaboroja.

¹³ Mua, ya yarā, ya bederāre bajiro ñarā, “Quēnaro ñarona, roticūmasirere rotiecobetirona ñato” yigu, Dios İ beseriarā ñaja mua. To bajiri, quēnase rĭne yirūgūrona ñaja mua. To bajiro İ yiriarā ñaboarine, “Mani tuoĭarore bajiro rojose mani yijama, quēnaroja”, yituoĭabeticōaĭa. Gājerāre İmaicōari, İna bojasere yirūgūrotijua ñaja. ¹⁴ To bajiro bajirūgūroti ñaja, Dios İ rotimasire ado bajiro ti gotijare: “Mū masu rujure mū mairore bajirone mū tuanare maiĭa”, yigotiaja. Tire mua yijama, Dios İ rotise ñaro cōrone cūdirā yirāja. ¹⁵ To bajiboarine, gāmerā İatecōari, tud'irūgūrāja mua. To bajicōari, mua gāmerā oca quēnobetijama, butobusa gāmerā İaterūtuarāja mua. To bajicōari, ñimujua Cristore ajitirānurā me manirucami.

¹⁶ To bajiri, ado bajiro muare gotiaja ya: Esp'iritu Santo muare İ rotisere mua cūdjijama, rojose mua yirua tuoĭaboasere yibetiruarāja. ¹⁷ Rojose mua yirua tuoĭase, to yicōari, Esp'iritu Santo muare İ rotise, cojoro cōro me ñaja. Quēnasejua mua yisere Esp'iritu Santo İ bojaboajaquēne, İrotisere cūdibeticōari, mua masu rojose mua yirua sejuare yirūgūrāja mua. ¹⁸ To bajiboarine Esp'iritu Santo muare İ rotisejuare mua cūdjijama, Dios İ bojarore bajiro İ rotimasire rotiecomenaja mua.

¹⁹ Rojose İnare yirua tuoĭasere yirūgūrā, ado bajiro yirā ñarāma: Manajo cutirā, manaju cutirā, manajo mana, manaju mana quēne, gāmerā ajeriarā cutirā ñarāma. İna rujuriaye rāca bojoneose yirā ñarāma. ²⁰ “Ado bajirā ñarāma” İna masune yiqūēnorujeocōari, İna quēnorāre rācuborā ñarāma. “Rētoro masirā ñaja yua” yirā, İaİaĭnamani yirā ñarāma. Gāmerā İaterā ñarāma. “Mani rētobosaro quēnaro ñaama”, yĭıajūnisinirā ñarāma. Guaro jūnisinidarā ñarāma. İna bojarore bajiro rĭne yirā ñarāma. Gājerā rāca İna ñajama, İna yise suorine sĭgure bajiro tuoĭabeticōari, quēnaro ñamenama masa. İna tuoĭarore bajiro tuoĭarā rāca ricati rujicōari, oca josarā ñaama. ²¹ Gajeyeĭnare gājerā yere İauorā ñarāma. İdire mecuose idimecucōari, rojose yirā rāca vana ñarāma. Ti ũnire yirā ñarāma, rojose İna yirua tuoĭasere yirā. Tirāmujua muare ya goticatore bajiro muare gotigu yaja ya quēna: Gājerā, to bajiro rojose yirūgūrā, ō vecaju ũju Dios yarā quēnaro İ yirona me ñarāma.

²² Esp'iritu Santo rācanajuama, İ masisere İ ũjoriarā ñari, ado bajirojua bajirā ñaja mani: Gājerāre mairā ñari, İna rāca variquēnarā ñarūgūĭaja mani. Gājerā manire rojose İna yĭıaboajaquēne, İnare jūnisinibeaja mani. To yicōari, “Yiruarāja” mani yirore bajirone yirūgūĭaja. ²³ Gājerāre rācuborā ñari, mani bojabetire İna yirua boajaquēne, “Yibesa”, İnare yibeaja mani. Rojosere yiruarā ñaboarine, tire yibetirūgūĭaja mani. To bajiro yirā mani ñajama, Dios

Í rotimasire ti gotiروه bajiro yirā yirāja mani. ²⁴ Cristo yarā ñari, ado bajiro tuoĭaja mani: “‘Rojose yiruaboarine, tire yibeticōato’ yigu, manire rijabosayumi Cristo. To bajiri, rojose yibetiruarāja mani”, yituoĭaja mani. ²⁵ Esp'iritu Santo suorine, mani rijato beroju mani catirotire yigu, Dios i catisere i ĩsiriarā ñari, i bojarore bajiro yirūgūroti ñaja manire.

²⁶ “Gājerā rētoro masirā ñaja yua”, yibetiroti ñaja manire. To bajiro mani yibetijare, manire ĩatemenama gājerā.

6

Gāmerā ejarēmore queti

¹ Yu mairā, Esp'iritu Santo rācana ñari, sīgū mua rācagu rojose i yijama, ĩre ejarēmoña, “Rojose i yise yitujato” yirā. ĩre tud'imenane, ĩamaicōari, ĩre ejarēmoroti ñaja muare. To yicōari, quēnaro tuoĭama, “ĩre bajiro rojose yirobe” yirā. ² Rojose tāmūorāre ĩamaicōari, ejarēmoña. To bajiro mua yijama, Cristo i rotiriarore bajiro yirā, yirāja mua.

³ Sīgū, “Rojose yigu me ñaja” i yituoĭajama, i masune socagu yami. ⁴ Tocārācu, mua yisere tuoĭacōari, “¿Dios i bojarore bajiro yigu yati yu?”, mua masune yisēñiarūgūña. Tire yituoĭacōari, “Yu yisere ĩvariquēnagūmi Dios” mua yijama, variquēnaruarāja mua. To bajiboarine, “ĩna rētoro quēnaro yibu yu” yicōiabecune, to bajiro yirūgūroti ñaja. ⁵ Beroju tocārācu mani yisere, “Ado bajiro yigu ñari, to bajiro yicaju yu” Diore ĩre yigotiroti ti ñajare, to bajiro mani masune yisēñiarūgūroti ñaja.

⁶ Cristo ocare mware gotimasiorimasare, i bojase masu ti manijama, ĩre ejarēmoroti ñaja muare.

⁷ Quēnaro tuoĭaña mua. “Rojose yu yijama, masibecumi Dios” mani yituoĭaboajaquēne, disejuā i masibeti manijare, mani yisere masijeogu ñaami. Gotimasioro ocare muare gotigu yaja yu: Ote ajere mani otejama, ti ajene judicōari, ti bucūato, ti ricarene juaruarāja. Gajeye mere juaruarāja mani. ⁸ Tire bajirone bajijaja gāji rojose i yiruā tuoĭarore bajiro yirūgūgūma. To bajiro i yicōa ñajama, o vēcaju rojose i yise vāja rojose tāmūotujabetiraroju ĩre rocarucumi Dios. Esp'iritu Santo i rotisere yirūgūgūrema, i rāca quēnaro masu i ñarotire yirucumi. ⁹ To bajiri Dios i bojarore bajiro quēnasere yitujabetiroti ñaja manire. Tire mani yitujabetijama, “To cōrone quēnaro yirucuja” Dios i yiriarūmu ti ejaro, quēnaro manire yirucumi. ¹⁰ To bajiri mani yimasiro cōro, masa jedirore quēnaro yirūgūruarāja mani. Gājerā Cristore ajitirānūrā ñari, mani yarā ĩna ñajare, butobusa ĩnare ejarēmorūgūruarāja mani.

Pablo, Galacia sitanare i gotitusare queti

¹¹ Adi yu gotitusase, jacase vāme rāca yu masune ucaja yu. ¹² Circuncisión yirotirā, gājerā jud'io masa ĩnare ĩna ĩarūcūbuorotire yirāma. Ado bajiro tuoĭarāma ĩna: “Mani uju Cristo, yucātēroju manire i rijabosare ñajare, ‘ ‘Rojose maja muare’, manire yĭĭvariquēnagūmi Dios’ mani yigotiboajaquēne, jud'io masa yere quēne mani gotimasioajama, manire rojose yimenama ĩna”, yituoĭarā ñaama. ¹³ Circuncisión yiriarā, Dios i rotimasire cadijeomasimena ñaboarine, circuncisión muare yirotirāma ĩna. “Galacianare circuncisión yiroticaju yua” ĩna yarā jud'io masare yigotivariquēnararā, to bajiro muare yirotirāma. ¹⁴ To bajisere gotimasibetirucuja yujama. Yu gotimasiosema ado bajise ñaja: “Yucātēroju mani uju Jesucristore jajusĭañuma masa. To bajiri, manire i rijabosare ñajare, ‘Rojose magū ñaami’ yure yami Dios”, yivariquēnaja yu. Adirūmurirema Cristore tuoĭamena, “Ñamasuse ñaja ti” ĩna yituoĭaboase, ñamasuse me ñaja yurema. Cristore tuoĭamena, “Ñamasugū me ñarimi Jesús” ĩna yituoĭaboagu, ñamasugū ñaami yurema. ¹⁵ Circuncisión mani yijama, mani yibetijaquēne, ñamasuse me ñaja ti. Ñamasuse ñaja Cristore ajitirānūcōari, i yarā Esp'iritu Santo rācana ñari, rojose mani yirūgūremani yiruā tuoĭabetirūgūse.

¹⁶ Mua jediro yu yirotisere ajitirānūrāre, ado bajiro muare sēñibosaja yu, Diore: “ĩnare ĩamaicōari, ‘Ñie rojose mano quēnaro ñato’ yigu, ĩnare ejarēmoña”, muare yisēñibosaja yu.

¹⁷ Rojose yure ñagōmacarājuare ado bajiro yaja yu: “Rojose yure mua yirose yitujaya yuja. Jesucristo oca yu gotimasiodudijare, rojose yure yirūgūcama masa. To bajiro ĩna yijare, jairo cāmi godō cutigu ñaja yu. Tire yu ĩojama, ‘Socu me yami Pablo. Jesucristo oca goticudirimasu ñaami’ yure yĭĭnararāma masa. To bajigu yu ñajare, yure ajirūcūbuoya mua yuja”, ĩnare yaja yu, rojose yure yirorāre.

¹⁸ Cristore ajitirānūrā mua ñajare, “Yu yarā ñaja mua quēne”, yaja yu. Mani uju Jesucristo, quēnasere muare cōarūgūato.

To cōro ñaja.

Carta de San Pablo a los EFESIOS

Efeso vāme cuti macana, Jesucristore ajitirānūrāre Pablo ī ucare queti

¹⁻² ĶNāti mua, Efeso vāme cuti macana, Dios yarā? Jesucristore ajitirānu tujamenare muare ucacōaja yu. Muare quēnarotigu, mani jacu Diore, to yicōari mani uju Jesucristore, ado bajise muare sēnibosaja yu: “Quēnaro ĩna űnarotire yirā, ĩnare ejarēmoĳa”, muare yisēnibosaja yu. Yu űajaja Pablo vāme cutigu, adi paperare muare cōagū. Dios ī bojjajare, Jesucristo ī cōacacu űajaja yu.

³ “Rētoro masigū, quēnarētogū űaami”, mani uju Jesucristo jacure ĩre yirūcūbuoto mani. Jesucristore ĩre mani ajitirānūsuorone, quēnaro manire yiyumi Dios, ĩ rāca quēnaro mani űasere, to yicōari mani űnarotire quēne. ⁴ Adi macarūcurore ī rujeoroto rĳorojune, “Jesucristo yarā yu rĳa űarona űaama”, manire yitūoĳamasifūmi Dios. Ő vecaju ī taju mani ejaro, “Jesucristo yarā ĩna űajare, űie rojose ĩnare yibetirūcūja yu. Quēnase rĳne yirā űaama” manire yĳaru, to bajiro yimasifūmi. ⁵ “Jesucristo ĩnare rijabosarocure cōarūcūja yu. Ti suorine yu rĳa űaruarāma ĩna”, yitūoĳamasifūmi Dios, manire maigū űari. ⁶ ĩ macu ī maigū yarā mani űajare, quēnaro manire yiyumi. Tire mani tūoĳajama, “Quēnaro masune yiyuja mu” ĩre mani yivariquēnarotire yigu, to bajiro yimasifūmi Dios. ⁷⁻⁸ To bajiri, ī maigū yarā mani űajare, “Rojose ĩna yise vaja ĩnare rijabosaaya” yigu, Jesucristore ĩre cōaĳumi Dios. To bajiro ī yiriaro bero, manire ī rijabosare űajare, “űie rojose ĩnare yibetirūcūja yu”, manire yĳaĳumi Dios. To bajiro ī yirere mani ajimasise ī cōare ti űajare, “Manire maimasucōaami Dios”, yimasijaja mani. ⁹ Tirāmujama, Dios ī cōarocu Cristo ī bajirocaroti suorine ĩnare quēnaro Dios ī yirotire masibeticama masa maĳi. Adirodorema quēnaro ī yisere, to yicōari quēnaro ī yirotire mani masirotire manire cōaĳumi. ¹⁰ “To bajiro yirūcūja yu” Dios ī yiriarāmu ti ejaro, ō vecanare, to yicōari adi macarūcuroanare quēne rojose tāmūotūjabetiriaroju rojose tāmūoboronare ĩnare yirētobosajeocōari, “űajediro uju űaĳa mu”, Jesucristore ĩre yirūcūmi.

¹¹⁻¹² Yua jud'io masa, “Rotimūorūgōrūcūmi” yigu, Dios ī cōarocure tūoĳayucana űajaja yua. To bajiri Cristore mua ajitirānūroto rĳoro ĩre ajitirānūcana űajaja yua. To bajicōari, adi macarūcuro ī rujeoroto rĳorojune, “Quēnaro ĩnare yirūcūja” ī yiriarore bajirone Cristo yarā yua űajare, quēnaro yuare yiyumi. To bajiro yuare ī yire ti űajare, quēnaro Dios yuare ī yirere, to yicōari, ō vecaju yuare ī yirotire quēne yua gotisere ajicōari, “Rētoro quēnagū űagūmi Dios”, ĩre yirūcūbuorūgūama gājerā. ¹³ Mua jud'io masa mere quēne, Jesucristo ī bajirere ajitirānūrā, ī yarā mua űajare, quēnaro yiyumi Dios. To yicōari, Dios taju mua ejaro Jesūre quēnaro ī yirore bajiro muare quēne quēnaro yirūcūmi Dios. Jesucristore mua ajitirānūsuorone, Esp'iritu Santore muare cōaĳumi Dios, “Cōarūcūja” ī yiriarore bajiro yigu. To bajiro ī yijare, “Dios yarā űajaja mani”, yitūoĳamasijaja mua. ¹⁴ To bajiri, Dios ī cōagū Esp'iritu Santo rācana mani űajare, “Quēnaro yirūcūja” ī yiriarore bajirone quēnaro manire yirūcūmi”, yimasijaja mani. To bajiri, “Dios taju mani ejaro, Jesucristore quēnaro ī yirore bajiro, manire quēne, quēnaro ī yiroto rĳoro, ‘Quēnase rĳne yirā űato ĩna’ yigu, manire ejarēmojeocōarūcūmi”, yimasijaja mani. To bajiro manire Dios ī yisere ĩacōari, “Quēnaro masu ĩnare yami Dios”, ĩre yirūcūbuorūarāma adigodoana, to yicōari, ō vecana quēne.

Jesucristore ajitirānūrāre, Diore Pablo ī sēnibosare queti

¹⁵ Mani uju Jesūre mua ajitirānūrūgūsere, to yicōari gājerā Jesūre ajitirānūrāre ĩamaicōari quēnaro mua yisere quēne ajicaju yu. ¹⁶ Tire ajigu űari, tocārācājine Diore yu sēnijama, “Quēnaro yaja mu. Mu suorine to bajise yama ĩna”, ĩre yirūgūaja yu. ¹⁷ ĩ űaami mani uju Jesucristore cōar'i, mani jacu, quēnaro masu manire yirēmogū. ĩrene ado bajise muare sēnibosaja yu: “ĩnare quēnaro mu yisere ajimasicōari, mu bojarore bajiro butobusa yato ĩna’ yigu, mu masisere ĩnare cōaĳa mu”, Diore muare yisēnibosarūgūaja yu. ¹⁸ Adigodoju muare ī yarāre quēnaro ī yisere mua ajimasijama, ĩ taju quēnaro muare ī yirotire ajimasiruarāja. ¹⁹⁻²⁰ To yicōari, “Dios manire ejarēmogūre, űiejua josase maja”, ĩre yimasiruarāja. Cristo ī bajirocaboajaquēne, ĩre catiocōari, ō vecaju ī űaroju ī riojojacatūare ĩre rojoyumi Dios. To bajiro ī yire űajare, “Masijeogu űaami”, ĩre yimasijaja mani. ²¹⁻²² Cristore riojojacatua ĩre rojocōari, ō vecanare, adi macarūcuroanare, to yicōari rijariarāre quēne, “Ķediro uju űaĳa mu”, ĩre yiyumi Dios. To bajiro ī yijare, rojose yirāre, rojose tāmūotūjabetiriaroju ĩnare ī rearoto rĳoro, ĩnare ī rearo bero quēne, rotimūorūgōcōa űarūcūmi. To bajiri, Cristore mani ajitirānūjama, ĩne űaami mani uju. Manire űmato űagū űari, mani rujoare bajiro bajigu űaami. ²³ To bajiri, Cristore ajitirānūrā űari, sigūre bajiro tūoĳarā űajaja mani. Mani űacudiro cōrone mani rāca űacōa űarūgūrūcūmi Cristo. To bajiri mani rāca ī űajare, űiejua ruabeaja manire.

2

“Cristo manire ĩ rijabosare suorine Dios ĩ catisere ĩ ĩsirā ĩaja mani”, yire queti

¹ Maa jud'io masa me ĩarā, ĩre masimena ĩari, rojose yirā ĩariarāja maa maji. To bajiri, catirā ĩaboarine, Dios ĩ ĩajama, bajireariare bajiro bajirā ĩariarāja maa. ² Rojose maa yijama, vātia ujure cadiarā yiriarāja maa. ĩ ĩaami Dios ocare ajimenare rotigu. ³ Yaa jud'io masa quēne, Dios ĩ roticūmasirere masiboarine, ti yirore bajiro yirūabesuja yaa. To bajiri, rojosere yisejacōari, ti rione yuare yirūamacōrūgūcaju ti maji. To bajiro bajirā ĩari, rojose tāmūotujabetiriaroju Dios ĩ rearona ĩaboayuja yaa quēne. ⁴ To bajiro yiecorona mani ĩaboajaquēne, manire maimasucōagū ĩari, quēnaro manire yiyumi Dios. ⁵ Rojose yirā ĩari, Dios ĩ ĩajama, rijariarāre bajiro bajirā mani ĩaboajaquēne, ĩ macu rācana mani ĩajare, ĩ catisere manire ĩsiñumi Dios. Quēnamasugū ĩari, rojose tāmūotujabetiriaroju mani vaborotire ĩ macu manire yirētobosarotiyumi Dios. ⁶ To bajiri, ĩ macu ĩ tudicatorione, manire quēne tudicatiogure bajiro manire yiyumi. To bajiro ĩ yijama, “Ō vecaju ĩ ĩaroju Jesucristo rāca rujirāre bajiro ĩaruarāma” yigu yiyumi. ⁷ To bajiro ĩ yijama, “Quēnaro yiyumi Dios” ĩna yirūgūrotire yigu yiyumi. ⁸ Maa masune, “Quēnaro yirā ĩaja yaa” maa yiro me, ĩ bojare bajiro muare yigu yiyumi Dios. To bajiri, “Quēnaro manire yibosayumi Dios” maa yitūoĩajare, rojose tāmūotujabetiriaroju maa vaborotire muare yirētobosayumi. ⁹ Cristo ĩ yirētobosare ĩajare, “Quēnaro yirā ĩari, Dios taju ĩaruarāja yaa”, yiroti me ĩaja. ¹⁰ “Jesucristo yarā ĩaruarāma”, manire yiyumi Dios. To bajiro manire yiyumi Dios, gājerāre quēnaro mani yirotire yigu.

“Jesucristore ajitirānūrā ĩari, gāmerā ĩatebeaja mani”, yire

¹¹ Tirāmaju mani bajirere masiritibesa maa. Rīamasaca mame ruyuarācare circuncisiōn yirere mani ĩicua ĩamasiriarāre ĩnare yirotimasīñumi Dios. “Dios yarā ĩaja yaa. To bajiri ĩ rotisere cadiroti ĩaja” yaa yirotire yigu, to bajiro yuare yiyumi. Maaĵama, Diore masirā me ĩaĵuja maa maji. ĩre masimena maa ĩajare, “Circuncisiōn yiyamana ĩaama ĩna” yirā, muare ĩaterūgūcaju yaa. ¹² Cristo ĩ bajirotire masimena, to yicōari Dios rīa me ĩaĵuja maa maji. Mani ĩicua jud'io masarema, “Yu rotisere maa cadijama, quēnaro muare yirūcaju yu”, ĩnare yigoticūmasīñumi Dios. Gajeyere quēne, ĩna cadirotire tūoĩabecune, “Yu rīa maa ĩajare, quēnaro muare yirūcaju yu”, ĩnare yimasīñumi Dios. To bajiboarine, maaĵama, maa rijato beroju maa bajirotire masibesuja maa maji. ¹³ To bajiro bajiriarā ĩaboarine, yucĕrema Jesucristo yarā ĩari, ĩ rijabosare suorine Diore masirā ĩaja maa yuja. ¹⁴⁻¹⁶ Yaa jud'io masa Dios ĩ roticūmasirere ajirācūbuorā ĩari, “Dios rīa ĩaja mani” yitūoĩacōari, jud'io masa me ĩarā rāca gāmerā ĩateyuja mani. Jesucristo manire ĩ rijabosare ti ĩajare, “Dios ĩ roticūmasire mani cadijama, ĩ taju ejaruarāja mani” yaa yitūoĩabecune vaja maa. Jesucristo manire ĩ rijabosare suorine, jud'io masa, jud'io masa me ĩarā quēne, cojo masare bajiro Diorāca quēnaro ĩasūoyuja mani. To bajiro mani ĩarotire yigu, manire rijabosayumi Jesucristo.

¹⁷ To bajiri yaa jud'io masa, Dios ĩ roticūmasire ajirācūbuocane, to yicōari, ĩ yere masimena quēne, Diorāca quēnaro mani ĩarotire gotigu, adi macarūcuroju vayumi Cristo. ¹⁸ Vadicōari, manire ĩ rijabosare suorine Esp'iritu Santo ĩ ejarēmose rāca mani jacu Diore sēnimasiaja mani. ¹⁹ Tocārācune Esp'iritu Santo ĩ ĩajare, Diore masirā ĩaja maa yuja. Dios rīa ĩaja maa quēne. ²⁰⁻²² Mani Cristore ajitirānūrā, gūtavi Dios ĩ quēnorivire bajiro bajirā ĩaja mani. To bajiri ti vijare ĩagūre bajiro bajigu ĩaami Esp'iritu Santo, mani jediro ĩ rācana mani ĩajare. Gūta ĩamasuricare bajiro bajigu ĩaami Jesucristo, ĩ suorine Dios rīa mani ĩajare. ĩ beroana ĩaama Diore gotirētobosariarā, to yicōari yaa Jesús ĩ bajirere goticudirimasa, yaa gotisere ajicōari Jesucristore maa ajitirānūsore ĩajare. Yaa beroana ĩaja maa.

3

Jud'io masa me ĩarāre Pablo ĩ goticudire queti

¹ To bajiri, jud'io masa me ĩarāre, Jesucristo ĩ bajirere yu gotimasociati suorine tubibe ecoaja yu. ²⁻⁴ Ti quetire masa ĩna masibeticatire, jud'io masa me ĩarāre Jesucristo suorine quēnaro Dios ĩ yisere mojoroaca muare goticōaja yu. “Jud'io masa me ĩarāre ĩnare goticudiatu” yigu, yu masirotire yure cōañumi Dios. Tire ajiriarāja maa. Tire yu ucasere ĩacōari, Cristo suorine muare quēnaro ĩ yisere ajimasiruarāja maa quēne. ⁵ Tirāmajuĕrema masa ĩna masibeticatire, Dios ĩ cōagū Esp'iritu Santo suorine gotimasioaja yaa, Jesucristo ĩ bajirere goticudirā, to yicōari Diore gotirētobosarimasa quēne. ⁶ Ti quetire muare tudigotiaja yu: Jesucristo ĩ bajirere ajitirānūrāre “Yirūcaju” ĩ yiriarore bajiro jud'io masare, jud'io masa me ĩarāre quēne, quēnaro yami Dios. To yicōari, ō vecajure quēne quēnaro yirūcumi. To bajiri ĩ yarā ĩacōari, cojo masare bajiro ĩaja mani ĩre ajitirānūrā.

⁷ Rojose yigu yu ĩaboajaquēne, “Tire goticudiatu” yigu, yu masirotire yure ujoyumi Dios. ⁸⁻⁹ Gājerā Cristore ajitirānūrāre Dios ĩ mairore bajiro yiecorocu me yu ĩaboajaquēne, yure

Īamaicōari, űajedirore rujeor'i űari, jud'io masa me űarāre yure gotiroticōaűumi Dios. "Masa ĩna masibeticatire Cristore ajitirānūrōnare quēnaro ĩnare yu yirotire goticudirucaja mu", yure yicōaűumi. To bajiro yure ĩ yire ti űaboajaquēne, quēnaro manire ĩ yirotire masijeoyamaja. ¹⁰ To bajiri, Jesucristore ajitirānūrāre quēnaro Dios manire ĩ yisere ĩacōari, "Tuoĭajeogu űaami", ĩre yirucubuoama āngel mesa, to yicōari gājerā ĩre rotibosarā quēne. ¹¹ Tirāmujū adi macarucuro ĩ rujeoroto rĭjorojune, "Yu macare ajitirānūrāre quēnaro ĩnare yirucaja", yituoĭamasifūju Dios. To bajiro ĩ yituoĭamasiriarore bajirone mani uju Jesucristo ĩ rĭjabosare suorine quēnaro manire yami Dios. ¹² "Jesucristo yarā mani űajare, manire ĩvariquēnagūmi Dios" yituoĭarā űari, ĩre gūimenane sēnirūgūaja mani. ¹³ To bajiri, Jesucristo ĩ rĭjabosare suorine Dios quēnaro ĩ yisere jud'io masa mere muare yu gotimasiocudicati suorine tubiberiaviju rojose yu tāmōsere ajicōari, sutiritibesa mua. Ado bajiroja tuoĭaűa: "Pablo ĩ gotisere ajicōari, Jesucristore ajitirānūrōcaju yua. To bajiri Dios yarā űaja yua", yituoĭa variquēnaűa mua.

Jesucristo manire ĩ maise queti

¹⁴ To bajiri, jud'io masare, to yicōari gājerāre quēne, mani jacu quēnaro manire ĩ yisere yu tuoĭajama, gusomuniari tuetucōari, ĩre sēnirūgūaja yu. ¹⁵ ĩne űaami, adi macarucuroana, ō vecana quēne, mani űaro cōro jacu, manire rujeor'i. ¹⁶ ĩre, ado bajiro muare sēnibosarūgūaja yu: "Quēnaro yigu űari, Esp'iritu Santo suorine ĩnare ejarēmoűa mu, buotobusa mre ĩna ajitirānūrōtire yigu. ¹⁷ "Mani rāca űagūmi Cristo manire ejarēmogū" yituoĭacōari, ĩre sēnirūgūato ĩna' yigu, ĩnare ejarēmoűa. To bajiro ĩna yicōa űajama, Cristore ajitirānūrā űari, ĩ bojarore bajiro gājerāre quēne ejarēmōrūgūruarāma", muare yisēnibosaja yu. ¹⁸ To bajiro mua yijama, Cristo muare ĩ maisere bajiro gājerāre maijeomena űaboarine, Cristo muare ĩ maisere quēnarobusa masiruarāja mua. ¹⁹ Masare ĩ maise jediro masijeobetirona űaboarine, quēnarobusa mua masirotire bojaja yu. To bajiro mua bajijama, Dios ĩ bojase rĭne yirā űaruarāja mua.

²⁰ ĩ rĭa mani űajare, ĩ masise rāca quēnaro manire yirēmōrūgūami Dios, ĩ bojarore bajiro quēnaro yirā mani űarotire yigu. To bajiro manire ĩ yijare, tire tuoĭacōari, "ĩre mani sēniro rētoro manire yirēmomasiami", yimasijaja mani. To bajiro yigu ĩ űajare, quēnase ĩre yirucubuoato mani. ²¹ To bajiri, ĩ rĭa, Jesucristo yarā űari, Diore quēnase rĭne ĩre yirucubuoarūgūto mani.

4

"Esp'iritu Santo ĩ ejarēmose rāca sigāre bajiro tuoĭaroti űaja", yire queti

¹ Jesucristo ocare yu gotise suorine tubibe ecogu, ado bajise muare gotimasioaja yu: "Quēnase rĭne yirā űato' yigu, manire beseyumi", yituoĭaja mua. To bajiri, "ĩ bojarore bajiro yirā űaűa mua", muare yaja yu. ² "űamasurā űaja yua", yituoĭabesa mua. Gājerāre ajirucubuoocōari, quēnaro ĩnare yirā űaűa. Gājerā gōjanabiuro ĩna yĭboajaquēne, ĩnare tud'ibesasa. To yicōari, rojose muare ĩna yĭboajaquēne, ĩnare maicōa űaűa. ³ Esp'iritu Santo ĩ ejarēmose rāca Diore sēnirūgūna mua, "Cojo masare bajiro quēnaro űato mani" yirā. ⁴ Mua jediro, sigāre bajiro tuoĭaja, Esp'iritu Santo rācana űari. To bajicōari, "Yirucaja" Dios ĩ yiriarore bajiro quēnaro muare ĩ yirotire tuoĭayurā űaja mua jediro. ⁵ Sigāne űaami mani uju, Jesucristo. ĩre ajitirānūrōcōari, "Cristo yarā űaja yua" yirā, oco rāca bautiza coriarā űaja mua jediro. ⁶ To bajicōari, mani jacu, Dios sigāne rucubuoaja mani. ĩ sigāne űaami mani jedirore rotigu. Mani rāca űacōari, manire ejarēmogūmi, "Yu bojasere yato ĩna" yigu.

⁷ Sigāre bajiro mani tuoĭaboajaquēne, ĩre ajitirānūrāre ricatiri rĭne mani yimasirotire manire ujoyumi Cristo. ⁸ Tire bajirone yaja Dios ocare masa ĩna ucamasire:

"ĩre ĩaterāre, 'To cōrone rojosere yitujaya' ĩnare yiroticōari, Dios ĩ űaroju ĩnare tudimujarucami mani uju, 'Ēju masu űaja yu' yĭogū. To yigajanocōari, adigodoana masare quēnase rĭne ĩna yimasirotire yigu, ĩnare cōarucami", yuucamasire űaja.

⁹ ĩno yire űnire "Tudimujarucami", yatĭ? Maji, adi macarucurojore ruļjayumi, ĩ tudimujaroto rĭjoro yĭruaro yaja. ĩere ruļjadicōari, bajirocacoasumi. To bajiri, "Bajireariarā ĩna űarojore quēne rotigu var'ĭ űaami", ĩre yimasire űaja. ¹⁰ Adi macarucurojore, to yicōari bajireariarā ĩna űarojore quēne rotigu var'ĭne űaami, quēna ō vecaju Dios ĩ űarojore quēne mujar'ĭ. To bajir'ĭ űari, dise ruļyabeto rotimasigū űaami. ¹¹ ĩne űaami ricatiri rĭne mani yimasirotire manire ujor'ĭ. To bajiro ĩ yire űajare, Cristo ĩ gotiroticōariarā űaja yua. Gājerāma, Diore gotirētobosarimasa űaama. "Jesucristo manire ĩ rĭjabosare űajare, Dios yarā mua űaruajama, rojose mua yisere yitujacōari, Cristore ajitirānūrā", yigotimasiorimasa űaama. Gājerāma, Cristore ajitirānūrāre ĩnare gotimasiorimasa űaama. Gājerāma, Cristore ajitirānūrāre Dios ocare masa ĩna ucamasire ĩnare gotimasiorimasa űaama. ¹² To bajiro ricatiri rĭne mani yimasirotire ujoyumi Cristo, ĩ bojarore bajiro mani yirotire yigu. To

bajiro mani yijama, gāmerā ejarēmōrā űari, butobusa Cristore ajitirānūrārāja mani. ¹³ Mani gāmerā ejarēmōcōa űajama, sīgāre bajiro Cristore ajitirānūrārāja, quēnase rīne yirā űaruarāja mani. ¹⁴ To bajicōari, rīamasare bajiro tuoīarā me űaruarāja mani. Rīamasa, socasere ajicōari, “Socarā yama”, yimasibeama ĩna. To bajiro yirā ĩna űajare, josari mene ĩnare yitorāma gājerā. To bajiri manire yitorāre ajimasiruarāja mani. ¹⁵ Mani űama, gāmerā ĩamaicōari, socamenane quēnaro gotirūgūrārāja. To bajiro mani yicōa űajama, mani űju Cristo ĩ bojase rīne yirā űaruarāja mani. ¹⁶ Cristo űaami mani űju. Dios ĩ bojarore bajiro manire ejarēmōrūgūami, butobusa gāmerā ejarēmōcōari, ĩ bojarore bajiro yirā mani űarotire yigu. ĩ bojarore bajiro gāmerā ĩamaicōari mani ejarēmōcōa űajama, butobusa Dios ĩ bojasere yirūtuarārāja mani.

Cristo ajitirānūrā űari, quēnase űare yire queti

¹⁷ Mani űju Jesucristo űare ĩ gotirōtjare, ado bajise muare yaja űu: Dios ocare ajimena, rojose ĩna yirūgūore bajiro yibesa mua. Dios ĩ űajama, vaja manire tuoīarā yirūgūama. ¹⁸ Dios ocare ajiterā űari, űamasusere ajimasibeama ĩna. To bajicōari, ĩ catisere cuorā me űaama ĩna. ¹⁹ “Bojoneose yirā yaja űa” yimasibeticōari, ti rione yisejariarā űaama. To bajiri rojose rīne yirūgūama. ²⁰⁻²¹ “To bajiro rojose ĩna yirūgūore bajiro yibetiroti űaja”, yimasirā űarāja mua. Jesucristo ĩ bajirere ajiriarā űari, “Quēnaro mani yirūgūore bojaami Dios”, yimasijaja. ²² Cristore mua ajitirānūrōto rjoroju, rojose yirūgūūja mua maji. To bajiro mua yirūgūariore bajiro yibesa mua. ²³ To yicōari, rojose mua yirua tuoīasere yibeticōari, Espiritu Santo ĩ yirēmose rāca quēnase űare yirua tuoīarūgūna mua. ²⁴ To bajicōari, Dios ocare ajitirānūrā űari, ĩ bojarore bajiro quēnase rīne yirūgūna mua.

²⁵ Dios ocare ajitirānūrā űari, mua socasere quēne to cōrone yitujaya. Jesucristore ajitirānūrā űari, cojo masare bajiro bajirā űaja mani. To bajiri, riojo gāmerā gotirūgūna mua.^a

²⁶ Gājire mua jūnisinijama, rojose ĩre yibesa mua. Yoaro ĩre jūnisinimenane, gāmerā oca quēnocōari, mua jūnisinisere tire masirūtiya. ²⁷ Yoaro mua jūnisinijama, vātia űju ĩ bojarore bajiro yirā yirāja mua.

²⁸ Juarudirūgūrīma, to cōrone juarudi tujaya. Juarudimenane, moa, vaja tacōari gājerā maioro bajirāre ĩnare ĩsiña.

²⁹ Gājerāre ruıajine oca rojose űagōbesa mua. Quēnase űare oca cutiya, muare ajirā, “Butobusa quēnase yirā űato ĩna” yirā. To bajiro mua yijama, ĩnare ejarēmōrā yiruarāja mua.

³⁰ Rojose mua yijama, rojose mua yisere ĩacōari buto sutiritigūmi Espiritu Santo. ĩne űaami Dios manire ĩ cōarī. “ĩ suorine, Jesucristo yarā űaja mani”, yimasijaja. ĩre cōa ecorā űari, rojose yimenane űacōaűa mua, Jesucristo “ĩnare yirētobosarūcaja” ĩ yiriarūmu ti ejarotire yurā.

³¹ Gājire rojose mua yirua tuoīasere yibesa. Gājerāre ĩatebesa. Jūnisinicōari, avasātud'ibesa. Gājerāre rojose űagōmacabesa. Gājerā rojose muare ĩna yiboajaquēne, jūnisinibesa. To yicōari, rojose muare yirāre gāmebesa. űajediro rojose mua yisere yitujaya mua. ³² ĩnare ĩamaicōari, quēnaro ĩnare yiroti űaja muare. Cristo manire ĩ rijabosare űajare, rojose mua yirere masirioyumi Dios. To bajiro manire ĩ yire űajare, ĩ yiriarore bajiro yirā, mua quēne, gājerā rojose muare ĩna yisere masirioya.

5

“Dios rīa űari, quēnaro ĩ yirore bajiro yiroti űaja”, yire queti

¹ Dios rīa, ĩ mairā űari, quēnaro ĩ yirore bajiro yiroti űaja muare quēne. ² Jesucristo muare ĩ maiore bajiro, gājerāre ĩnare maiña mua quēne. Muare maigū űari, rojose mua tāmuborotire muare yirētobosagu, muare rijabosayumi Jesucristo. To bajiro manire ĩ yirētobosare űajare, buto variquēnaűumi Dios.

³ Dios yarā űaja mani űju. To bajiri, manajo mana, manaju mana, manaju cutirā, manajo cutirā quēne, gājerā rāca ajeriarā cutibesa mua. To yicōari, jairo gajeyeűni cuorā űaboarine, gajeye quēna bojarēmobesa. Ti űnire mua yibetijama, niıuane “To bajiro yiyuma” yirā manama. ⁴ Quēnaro tuoīamenane, oca ajiquēnaűamani űagōbesa mua. To yicōari, “Gājerā rāca ajeriarā cuticōari, ajato” yirā, ĩna gotise űnire yibesa muama. Dios yarā űari, ti űnire űagōbetiroti űaja muare. Ado bajiro űa űaűa mua: Dios muare ĩ ejarēmōsere tuoīacōari, “Quēnaro yaja mu”, ĩre yivariquēna űaűa mua. ⁵ Ado bajiro bajiroti ti űajare, to bajise yibesa muare yaja űu: Manajo mana, manaju mana, manaju cutirā, manajo cutirā quēne, gājerā rāca ajeriarā cutirāma, Dios ĩ űarōjore ejabetiruarāma ĩna. Sīgūri Diore ĩna mairo rētoro gajeyeűnire mairā űarāma. To bajiro ĩna yijama, Diore rūcuborā me yirāma. To bajiri, Dios ĩ űarōjore ejabetiruarāma ĩna. ⁶ “To bajiro mani yijama, quēnacōaja” muare yitorāre ĩnare

^a 4:25 Ro 12.5.

ajibesana mua. To bajiro yirārema buto ĩateami Dios. To bajiro yirāre buto ĩatecōari, “Rojose tāmūoŋarāma”, yirūcumi Dios. 7 To bajiri to bajiro yirāre ĩnare baba cutibesana mua, “Mani quēne ĩna yirore bajiro Dios ĩ bojabetire yirobe” yirā.

⁸ Diore masimena ĩnari, ĩ bojasere mua yirotere masirā me ĩñaŋuŋa mua maji. Yucarema Jesucristo yarā ĩnari, Dios ĩ bojasere mua yirotere masicōari, tire yirūgūroti ĩñaŋa muare. ⁹ (ĩ bojasere yirāma, quēnase rīne yirā ĩnaama. To yicōari, gājerāre socasere yitorā me ĩnaama.) ¹⁰ “Mani yisere ĩvariquēnagūmi” yimasiruarā, ĩ bojasere yirūgūna mua. ¹¹ To yicōari, Diore masimena ĩna bojarore bajiro tuoĩacōari yirāre ĩnare baba cutibesana mua. Dios ocajuare ĩnare gotimasioŋa, “Rojose yirā ĩñaŋa mani’ yimasiatu ĩna” yirā. ¹² Masa ĩna ĩabetoju buto rojose ĩna yirūgūserere mani ĩnagōjama, bojoneose ĩñaŋa. To bajiri, ti ūnire ĩnagōbetiroti ĩñaŋa. ¹³ Dios ocajuare ĩnare mua gotimasiojama, tire ajicōari, “Rojose yirā yiyuŋa yua” yimasicōari, rojose ĩna yirere yitujaruarāma. ¹⁴ To bajiri ado bajise yire ĩñaŋa:

“Rojose yirā ĩnaboarine, ‘Rojose yirā yaja mani’ yimasibeaja mua. Bajireariarāre bajiro bajirā ĩñaŋa mua, ‘Rojose yirā yaja yua’ yimasibeticōari. To bajiro bajirā ĩnari, Cristujuare ajitirūnaŋa. To bajiro mua bajijama, ĩ ejarēmose rāca quēnase rīne yirā ĩnaruarāŋa mua”, yigotire ĩñaŋa.

¹⁵ To bajiri quēnaro tuoĩacōari, “Diore masirā ĩñaŋa yua” yirā, quēnasejuare yirūgūna mua. Diore masimena ĩna yirore bajiro yibesana. ¹⁶ Adirūmurire buto rojose yirūgūama masa. To bajiro ĩna yīnaro ūnone, muajuama, tocārācajine Diore sēnicōari, quēnaro yirūgūna. ¹⁷ Tuoĩamasimenare bajiro bajibesana mua. “Dios ĩ bojasere yimasiaja yua” mua yimasirotere tuoĩacōari, quēnaro yirā ĩñaŋa mua. ¹⁸ ĩdire mecūose idimecubesa. Mua idimecujama, mua masune rojose yirā yirāŋa. Tire idimecumenane, Espiritu Santo ĩ masisejuare ĩre sēnirūgūna, ĩ bojasere yiruarā. ¹⁹ Mua rējajama, Dios ocare masa ĩna ucamasire basare, Diore mua tuoĩabasare quēne, gāmerā gotiya mua. To bajiro mua yijama, Diore tuoĩacōari, buto variquēnase rāca basarūgūna, ĩre rucuborā. ²⁰ To yicōari, “Quēnaro yaja mu”, mani jacu Diore ĩre yirūgūna, ĩ suorine mani ūju Jesucristo quēnaro manire ĩ yirūgūse ĩñajare.

“Cristore ajitirūnarā ĩnari, ado bajiro mani ĩñajama, quēnaja”, yire quti

²¹ To yicōari, Cristore ajirūcuborā ĩnari, mua masu quēne gāmerā ajitirūcuboyu.

²² Rōmia, manajua cutirāre, muare gotigu yaja yu: Cristore ĩre mua ajirūcuborore bajiro mua manajuare quēnaro ĩnare ajirūcuboyu. ²³ Mua manajune ĩnaami muare ūmato ĩnagū. To bajirone bajijama Cristore ajitirūnarāre quēne. ĩne ĩnaami manire ūmato ĩnagū, to yicōari, rojose mani tāmūoborotire manire yirētobosar’i. Manire ūmato ĩnagū ĩnari, mani rujoare bajiro bajigu ĩnaami. To bajiro ĩ bajijare, ĩre moabosarā ĩnari, ĩ rujure bajiro bajirā ĩñaŋa mani. ²⁴ To bajiri Cristore mua ajirūcuborogūrore bajiro mua manajuare quēne ĩnare ajirūcuboyu.

²⁵⁻²⁶ Ūmuare quēne gotigu yaja yu: Cristo manire ĩ mairore bajiro mua manajoare ĩnare maiŋa mua. Manire maigū ĩnari, manire rijabosayumi Cristo. “Yure ajitirūnarā bautiza ecorāre, rojose ĩna yisere masiricōari, ‘Yu yarā ĩnaama’ ĩnare yīnarucuja yu” yigu, rijabosayumi Cristo. ²⁷ ĩ taju ejarā, rojose mana mani ejarotire yigu, manire rijabosayumi. ²⁸ To bajiri, manire Cristo ĩ mairore bajirone, mua manajoare ĩnare maiŋa mua. Juarā ĩnaboarine, sigū rujure bajirone ĩñaŋa mua, Dios ĩ ĩajama. To bajiri, ĩ manajoare maigūma, ĩ masu rujure ĩ mairore bajirone maigūmi, sore. ²⁹⁻³⁰ ĩmujuane ĩ masu rujure ĩtegu magūmi. Mani rujure maicōari, bare ba, quēnaro ĩatirūnaja mani. To bajirone manire ĩatirūnagūmi Cristo, ĩ rujure bajiro bajirā mani ĩñajare. ³¹ Dios ocare masa ĩna ucamasire ado bajiro ti gotijare, “ĩna manajoa cutijama, juarā ĩnaboarine, sigū rujure bajiro ĩnaama ĩna”, yimasire ĩñaŋa: “Ūmu, rōmio ĩ rujeomasire ti ĩñajare, ĩ manajo cutijama, ĩ jacuare ĩnare cāmotadirucumi. Manajo cuticōari, juarā ĩnaboarine, sigū rujure bajirone ĩnaruarāma”, yigotijama Dios oca. ³² Tire buecōari, ĩnamasusere masa ĩna masibeticatire muare gotimasioja yu: Cristo rāca mani ĩnasere quēne gotijama ti. “Cristo yarā ĩnari, ĩjarā ĩnaboarine, sigū rujure bajiro ĩnaama ĩna”, yire ūni ĩñaŋa. ³³ To bajiro yiruaru ti yiboajaquēne, manajoa cutirere quēne gotimasioja ti. Mua masu rujure ĩnare mairore bajirone mua manajoare ĩnare maiŋa. Mua, rōmia quēne, mua manajuare quēnaro ĩnare ajirūcuboyu.

6

¹ Rīamasare gotigu yaja yu: Mua jacuare quēnaro ĩnare ajiya. Cristo mani ūju to bajiro mua yisere bojaami. ² “Quēnaro muare yirucuja” ĩ yire rācaye Dios ĩ roticūmasire ado bajiro yaja: “Mu jacu, mu jacore quēne quēnaro rucuboyu. ³ To bajiro mua yijama, variquēnaro yoaro adigodojare catīnaruarāŋa mua”, yiyuŋa ti.

⁴ Rīamasa jacuare, ado bajise muare gotijama yu: Mua rīare ĩnare yijūnisiomenane, Dios ĩ bojarore bajiro yirā, quēnaro ĩnare gotimasioyoyu.

⁵ Moabosarimasare quēne gotijama yu: Mua ūjarāre rucubocōari, variquēnase rāca quēnaro ĩnare cudiya mua. To bajiro mua yijama, Cristorene cudirā yaja mua. ⁶ “Manire moare rotirā

Īna Īaro rīne quēnaro moaruarāja, ‘Yūare Īavariquēnato Īna’ yirā”, yituoīabeticōaīna mūa. Īna Īaro mūa moarore bajirone, Īna Īabetijaquēne moacōaroti űaja. “Cristore moabosarāre bajirone moarā yaja mani” yirā, quēnaro Īnare moabosaya mūa. ⁷To bajiri, “Cristo Ībojasere yirā yaja mani” yirā, variquēnase rāca quēnaro Īnare moabosaya mūa. ⁸Moabosarimasa mūa űajama, űabetijaquēne, quēnaro mūa moarejuare ĩacōari, quēnaro mūare yirucumi Dios.

⁹Moare rotirājuare quēne gotiaja yu: Ado yu gotise űni, mūa moarimasa Cristore Īna tuoīarore bajirone mūa quēne tuoīarona űaja. Mūare moabosarimasare, “Rojose mūare yiruarāja, mūa moabosabetijama” yimenane, quēnaro Īnare yiya. Sigāne űaami mani űju űamasugū, mūare moabosarimasare, to yicōari mūare quēne rotigu. “Īna űaama űamasurā” yigu me űaami. Quēnaro mūa moarejuare ĩacōari, quēnaro mūare yirucumi mani űju. Tire masiritibesa mūa.

“Vātia űju ĩ bojarore bajiro yibeticōato Īna” yigu Dios manire ĩ yirēmose queti

¹⁰űajedirore, ado bajiro mūare gotiaja yu: Mani űju Dios, jediro masijeogu űaami. To bajigu ĩ űajare, “ ‘Vātia Īna bojasere cudibeticōato Īna’ yigu, manire yirēmorucumi”, yituoīacōa űarūgūűa mūa. To bajiro mūa yijama, vātiare cudibeticōari, butobusa Dios ĩ bojasejuare yirā űarūtuararāja mūa. ¹¹Surara, sĳaguch, ĩ rujere “Sareejoroma” yigu, cōme sudiro sāűatoogumi. To bajiri mūa quēne, Dios ĩ masisere űjoecoriarā űari, vātia űju mūare “Yitoromi” yirā, tire tuoīatujabesa. To bajiro mūa bajijama, no bajirojuane mūare yitobecumi vātia űju. ¹²Manire bajiro bajirārene quēarā me yaja. Rojose manire yirotiajerā, ruyumena vātia rācajuā gāmerā quēarā yaja. “Īnare cudibetiroti űaja”, yimasiűa mūa. Buto masirā űaama vātia. űimujuane vātiare cudibecu magūmi, Dios ĩ yirēmobetijama. ¹³To bajiri, Dios mūare ĩ űjose jedirore tuoīarūgūűa mūa. To bajiro mūa tuoīajama, vātiare cudibeticōari, Dios ĩ bojasejuare yicōa űaruarāja.

¹⁴To bajiri, Dios ĩ yirēmose rāca ado bajiro yirā űaűa mūa: Dios ocare masa Īna ucamasirere tuoīatujabesa mūa. Tire quēnaro mūa masijama, mūare yitomasibetirucumi vātia űju. To yicōari, quēnaro yirūgūűa. ¹⁵“ ‘Jesucristo ĩ rijabosare ti űajare, rojose Īnare yibetirucuja yu’ manire yĳavariquēnaami Dios” yire quetire masiritibesa mūa, gājerāre gotimasiorarā. ¹⁶To yicōari, “ ‘Vātiare cudibeticōato Īna’ yigu, manire yirēmorucumi Dios”, ĩre yituoīarūgūűa mūa. To bajiro mūa yijama, rojose mūa yiruoabosere yimena űaruarāja mūa. ¹⁷“Vātiare reajeocōari, ĩ tujū quēnaro mani űarūgūrotire yigu, ĩ macure manire rijabosarotīcōaűumi Dios”, yituoīa tujabetirūgūűa mūa. Espiritu Santo ĩ yirēmose rāca Dios ocare tuoīacōari, vātiare Īnare cudibetiruarāja mūa. ¹⁸Īnare cudibeticōari, tocārācājine Espiritu Santo mūare ĩ yirēmose rāca quēnaro tuoīacōari, Diore sēnirūgūűa. To yicōari, “Vātiare cudibeticōato Īna” yirā, gājerā Cristore ajitirūnarāre Īnare sēnibosarūgūűa mūa. ¹⁹Yure quēne sēnibosarūgūűa mūa. “Īre ĩaterāre gūibecune, to yicōari jud’io masa mere quēne Dios oca Īna masibeticatire quēnaro gotimasīocōa űato ĩ” yirā, yure sēnibosarūgūűa mūa, Dios rā Īna űarotire yirā. ²⁰Ti quetire yure goticudirotyumi Dios. Tire masare yu gotimasiose suorine tubibe ecoaja yu. “Dios ĩ bojarore bajiro gūibecune gotiato ĩ” yirā, Diore yure sēnibosarūgūűa mūa.

Pablo, Īnare ĩ quēnaroticōare queti

²¹⁻²²Yu rācagu, mani maigu, űaami T’iquico vāme cutigu. Mani űju ĩ bojasere yigu űaami ĩ quēne. Mūa tujū ĩre cōagū yaja yu. Tojure ejacōari, yu bajiűase quetire mūare gotirucumi. Tire ajicōari, variquēnaruarāja mūa.

²³Mani jacu Diore, to yicōari mani űju Jesucristore quēne, ado bajise mūare sēnibosaja yu: “ Butobusa mūare ajitirūnato’ yirā, Īnare ejarēmoűa. To yicōari, ‘Mūa rāca quēnaro Īna űarotire’ yirā, Īnare ejarēmoűa. ‘Mūare ajitirūnarūtuane, butobusa gāmerā ĩamaito’ yirā, Īnare ejarēmoűa”, mūare yisēnibosaja yu. ²⁴Mani űju Jesucristore ĩre maitujamenare quēnaro mūare yato Dios.

To cōro űaja.

Carta de San Pablo a los FILIPENSES

Filipos macanare, Pablo, Timoteo rāca ñacōari, i quēnarotire

¹ ¿Ñati mua, Jesucristore ajitirānurā, Filipos macana? Yu, Pablo, yu baba Timoteo rāca adi papera muare ucaja yua. Jesucristo i bojasere yirā ñaja yua. Cristore ajitirānurāre muare ūmato ñarāre, inare moabosarimasare quēne, to yicōari, mua jedirore quēnarotiaja yua. ² Muare quēnarotirā, mani jacu Diore, to yicōari, mani ūju Jesucristore, ado bajise muare sēnibosaja yua: “Quēnaro ña ñarotire yirā, ñare ejarēmoña”, muare yisēnibosaja yua.

Jesucristore ajitirānurāre, “Quēnaro yaja mu”, Diore Pablo i yire queti

³ Tocārācaine muare tuoīacōari, “Quēnaro yaja mu”, Diore ire yirūgūaja yu. ⁴ Tocārācaine Diore sēnigū, muare yu tuoīajama, variquēnarūgūaja yu. ⁵ Tirāmujune Cristo suorī quēnaro Dios i yise quetire mua ajitirānurāre, “Ti ocare ajitirānuato gājerā quēne” yirā, quēnaro yare ejarēmoadicaju mua. To bajiro mua yicati ñajare, muare tuoīacōari, variquēnarūgūaja yu. ⁶ Jesucristore mua ajitirānurāre, “Yu bojarore bajiro yirā ñato” yigu, muare ejarēmosoyumi Dios. “To bajiro yicōa ñarūgūrucami, Jesucristo muare juagu i tudiejarirāmu ti ejaro, quēnase rīne yirā ñato ña’ yigu”, yimasiaja yu. ⁷ Muare maigū ñari, to bajiro muare tuoīaja yu. Cristo i rijabosare suorine quēnaro Dios i yise queti gājerare yu gotimasirotire yigu, yare ejarēmorūgūami Dios. Yure i ejarēmorore bajiro muare quēne ejarēmorūgūami, yure mua ejarēmorotire yigu. To bajiro i yijare, tubiberiaviju yu ñajama, yu ñabetijaquēne yare ejarēmorūgūaja mua. To yicōari, ūjarāre riojo ñare yu gotimasiorotire yirā, yare ejarēmorūgūaja mua. ⁸ Jesucristo muare i mairore bajirone buto muare maiaja yu quēne. Buto muare yu maisere masiami Dios quēne. ⁹ To bajiri, Diore sēnigū, muare tuoīacōari, ado bajiro muare sēnibosarūgūaja yu: “Butobusa gāmerā mairūtuajaro ña’ yigu, ñare ejarēmoña”, muare yisēnibosarūgūaja yu. To bajiro mua yijama, quēnaro Diore masiruarāja mua. To bajicōari, “Ado bajiro mani yijama, quēnaroja”, yimasiruarāja. ¹⁰ Tire masirā ñari, josase ti ñaboajaquēne, Dios i bojasere yitujabetiruarāja. To bajiri quēnaro yirā mua ñajare, Cristo i tudiejarirāmure, “Rojose yirā ñaama”, muare yitujabetirucami. ¹¹ To bajicōari, Jesucristo i ejarēmose rāca Dios i bojarore bajiro quēnase rīne yirā ñaruarāja mua. To bajiro mua yisere iacōari, “Quēnaro yigu ñagūmi Dios”, ire yirūcuboruarāma gājerā. To bajiro mua yirotire bojagu ñari, muare sēnibosarūgūaja yu, Diore.

“Cristo ocare ajitirānurā jājarābusa ñaama”, Pablo i yire queti

¹² Yu mairā, quēna adire mua masisere bojaja yu: Yure ña tubibecūse, “Gājerā quēne Cristo ocare ajitirānuato ña’ yiro, yare ejarēmoaja. To bajiri, rojose tāmūogū ñaboarine, Cristo ocare yu gotisere jājarā ajirūgūama. ¹³ “Cristore ajitirānurā i ñajare, ire tubibeyujarā ña’”, yimasiamā adi macagu ūju ya vi, coderimasa. To bajiro rīne yijedicoaama adi macana. ¹⁴ “Tubibe ecogu ñaboarine, Pablo quēne, Cristo yere gotimasio tujabeami” yituoīacōari, adoana mani mairā, jājarā, “Tire mani gotijare, rojose manire yirāma” yigūimene, butobusa Cristo ocare gotimasioama ña quēne.

¹⁵ Gājerāma, “Cristo ocare yu gotimasiojama, jājarā yure ajitirānuruarāma” yituoīacōari gotirāma. To bajiro yirā ñari, “Quēnaro gotimasiobeamī Pablo. Riojo muare gotimasioaja yuama”, yigotirāma. Gājerāmuama, rojose tuoīamenane, jājarābusa Cristore ajitirānurā ña ñarotire bojarā ñari, gotirāma. ¹⁶ “Cristo ocare Pablo i gotimasiorotire bajiro yigu, tubiberiviju i ñasere bojayumi Dios”, yimasirā ñarāma. To bajiri, yure mairā ñari, Cristo ocare gotimasiorāma ña quēne. ¹⁷ Gājerāmuama, quēnaro yu gotimasiosere iajūnisinirā ñari, “Pablo ña iavariquēnaro rētoro manire iavariquēnato masa” yituoīarā, Cristo ocare gotimasiorāma. To bajicōari, “ ña gotimasiosere quēnaro ajivariquēnaama masa’ ña yigotisere ajicōari, ‘Rojose bajiyuma yure ajitirānurāboacana’ yisutiritiatio Pablo” yirā, gotirūgūboarāma. ¹⁸ To bajiro ña yiboajaquēne, no yibeaja yure. “Sutiritiatio Pablo” yirā ñaboarine, Cristo ocare gotimasiorā ñarāma ña quēne. To ña yijare, buto variquēnaja yu.

¹⁹ Gajeyere quēne tuoīacōari, variquēnaja yu: Diore, yure mua sēnibosarūgūesere, to yicōari, Jesucristo i cōar’i, Esp’iritu Santo yure i ejarēmorūgūesere quēne masiaja yu. To bajiri, “Rojose yu tāmūose, to cōrone tāmūo tujarucuja yu”, yituoīa variquēnaja yu. ²⁰ Beroju, Jesucristo i ĩaro rījoro, yu yirere ire gotibojoneruabeaja yu. Cristo yure i ejarēmosere tuoīavariquēnacōari, i ocare riojo gotimasiorūgūaja yu. Tubiberiaviju ñagūre yure ña bujama, yure ña siacōajaquēne, no yibeaja yure. Cristore yu tuoīavariquēnarore bajiro ña quēne, ña tuoīasejuare bojaja yu. Tijuā ñaja ñamasuse. ²¹ To bajiri, yure ña bucōajama, ñajediro yu yirūgūrore bajiro yicōa ñarucuja, “Cristore quēnaro yirūcubuoato masa” yigu. Yure ña siacōajaquēne, rētoro yure quēnaruarōja. To cōrojuma, Cristo taju quēnaro ñacōarūgūrucuja

yu. ²² To bajiboarine, yure ina bucōajama, yu gotimasiose suorine jājarābusa Cristore ajitirānucōarāma. To bajiri, “Yure ina sīarotire bojaja yu. Yu caticōa űarotire quēne bojaja yu”, yimasibeaja yu. Jua vāmejune quēnacōaja yure. ²³ To bajiri, jua vāmejune bojacōagū űari, no yimasibeaja. “Cristo rāca yu űarotijua űaja rētoro quēnase” yu yituoīajama, “Yure sīacōato ina”, yituoīarūgūaja yu. ²⁴ Quēna gaje vāme yu tuoīajama, muare yu gotimasioroti ti ruajare, muare gotimasiocōa űaruaja yu. ²⁵ “To bajirone bajirucuja”, yituoīaja yu. To bajiri, butobusa Cristore ajitirānucōari mua variquēnarotire yigu, mua rāca yu űarotire bojaja yu. ²⁶ To bajiri quēna mua rāca yu űacudisere variquēnaruarāja mua. To bajicōari, rojose yu tāmuroo Cristo yure ī yirētosarere masicōari, “Quēnaro yaja mu”, Diore yirucubuoarāja mua.

²⁷ Cristo oca ti gotirore bajiro mua cudirotijua űaja űamasuse. Mua taju yu vajama, yu vabetijaquēne, ado bajiro mua yisere ajiruaja yu: “Cristo ocare ajicōari, sigūre bajiro tuoīarā űaama ina. To yicōari, ‘Cristore ajitirānucōato gājerā quēne’ yirā, ī ocare tocārācarāmune gotimasioama ina” yure ina yigotisere ajiruaja yu. ²⁸ To yicōari, “Īnare īaterāre quēne gūimenane Cristo ocare gotimasiorūgūama” yure ina yigotisere quēne ajiruaja yu. Muare īaterājuama, īnare gūimenane mua gotimasiocōa űasere īacōari, “Rojose tāmurotūjabetiriaroju manire cōarucumi Dios”, yimasiruarāma. To bajiboarine, muajuama, “Rojose mani tāmuroborotire yirētosarucumi Dios”, yimasiruarāja mua, īnare gūibetiriarā űari. ²⁹ Rojose muare ina yiboajaquēne, īnare gūimenane, Cristo oca ti gotirore bajiro goticōa űarūgūroti űaja muare. Muare īamaicōari, ī yarā mua űarotire muare yiyumi Dios. “Yu macure quēnaro yirucubuo űato ina” yigu. To bajiro ī yijama, Cristore ajitirānurā űari, rojose tāmuroboarine, īre mua ajitirānucōa űarotire yigu yiyumi. ³⁰ Rojose yu tāmurocatoro bajiro rojose tāmuroarāja mua quēne. “Adirāmuri quēne, rojose tāmuroboarine, Cristore ajitirānucōa űagūmi Pablo”, yure yimasirāja mua.

2

“űamasugū űaboarine, űamasugū űaja yu’ yibesumi Cristo”, Pablo ī yire queti

¹ Īre ajitirānurā mua űajare, muare quēnaro ejarēmorūgūmi Cristo, “Tuoīa variquēnato” yigu. Espiritu Santo quēne mua rāca ī űajare, gāmerā īamaicōari, quēnaro ejarēmorāja mua. ² To bajiri ado bajiro mua bajirotire bojaja yu: “Quēnaro variquēnato Pablo” yirā, sigūre bajiro tuoīarā űaűa mua. Mua rācana űajedirore cojoro cōro gāmerā īamaiűa. Sigūre bajiro tuoīacōari, Cristo ī bojarore bajiro yirūgūűa. ³ Gājerā ina yisere īacōari, “Manijua, ina rētoro yimasirāja”, yituoīabesa mua. “Gājerā rētoro űamasurā űaja yua”, yituoīabesa. “Īnajuā űarāma yua rētoro űamasurā” yituoīacōari, īnare quēnaro rucubuoarūgūűa. ⁴ Quēnaro mua űaroti rīne tuoīabesa. Gājerā quēnaro ina űarotire quēne tuoīarūgūűa.

⁵ Ado bajiro Jesucristo ī tuoīarore bajiro tuoīaroti űaja muare:

⁶ Ō vecaju űagū, Diore bajiro bajigu űaboarine, adigodoju vaju, “Īre bajiro bajicōa űarucuja yu”, yibesuju Cristo.

⁷ Diore bajiro bajigu űaboarine, “Yu jacu ī bojasere yiru, űamasugūre bajiro űabetirucuja” yituoīacōari, manire bajirone ruyauyuju Cristo.

⁸ Adi macarucuroju vadicōari, ī jacu ī bojarore bajiro yigu űari, űamasugūre bajiro me űacoasumi. To bajiro bajigu űari, rojose yirāre ina sīarore bajiro yucātēroju jaju sīacoyumi Cristo.

⁹ To bajiri, “Gājerāre masa ina rucubuooro rētoro ina rucubuoogu űato” yigu, Īre catioyuju Dios. To yicōari, “űajediro uju űarucuja mu”, Īre yiyuju Dios.

¹⁰ To bajiro Īre yiyuju Dios, ō vecana, adigodoana jediro, rijariarā quēne, ī macu Jesús vāmere ajicōari, mani yirucubuoarotire yigu.

¹¹ To bajicōari, “Jesucristo űaami uju űamasugū”, yijediruarāja mani. To bajiro mani yijama, mani jacu Diore rucubuoarā yiruarāja mani.

“Cristo, ī jacure ī cudiriarore bajiro ĩre cudicōa űarūgūroti űaja manire quēne”, Pablo ī yire queti

¹² To bajiri, yu mairā, Cristo, ī jacure ī cudirūgūriarore bajiro cudiroti űaja manire quēne. Mua taju űacōari, Cristo ocare muare yu gotisere quēnaro ajicaju mua. To bajiri, yucure quēne muare yu goticōasere butobusa Cristo ocare mua ajitirānucōare bojaja yu. Rojose mua yisere Dios ī yirētosarararā űari, rucubuose rāca ī bojarore bajiro yirūgūroti űaja muare. ¹³ “Yu bojasere yirua tuoīacōari, yato” yigu, manire ejarēmorūgūmi Dios.

¹⁴ Tocārācagine mua moare cutisere mua yijama, gāmerā űagōjaimenane, variquēnase rāca yirūgūűa mua. ¹⁵⁻¹⁶ To bajiro yirūgūűa, “ ‘Rojose yirā űaama ina’ gājerā manire yibeticōato” yirā. To bajiri, rojose yirā ina űaro rjoro, quēnase rīne yirūgūroti űaja muare. To yicōari, “Yu taju ina caticōa űarotire yigu, yu catisere ĩnare ĩsircuja” Dios ī yirere ĩnare gotimasiorūgūűa, “Tire masicōari, Dios ī bojarore bajiro quēnaro yato ina” yirā. To bajiro mua yijama, Cristo

ī tudiejarirūmu buto muare variquēnarūcūja yu. “Yu gotimasioacatore bajirone yirā űaama īna”, ĩre yivariquēnarūcūja yu, muare. ¹⁷⁻¹⁸ Jēre Diore ajitirūnūcōari, quēnaro yirūgūrāja muā. To bajiri, Cristore ajitirūnūrā muā űajare, gājerā, rojose muare īna yiboajaquēne, quēnaro yicōa űarāja muā. Muare bajirone yu quēne Dios ocare yu ajitirūnūjare, romano masa yure īna sīarotire yu tuoīajama, sutiritiboarine, Dios ocare muare yu gotimasioacatiūare variquēnaja yu. To bajirone tuoīavariquēnaroti űaja, muare quēne, muare yu gotimasioacatiere.

Timoteore, Epafrodito vāme cutigire quēne Filipos macaju Pablo ī cōarua tuoīare queti

¹⁹ Muā tuju Timoteo ī varotire, manī űju Jesús ī bojajama, yoaro mene ĩre cōarūcūja yu, muā űase quetire ajivariquēnaru. ²⁰ Ī sīgāne űaami muare yu mairōre bajiro tuoīagū. ²¹ Gājerāma, quēnaro īna űaroti rīne tuoīarā űaama. Jesucristo ī bojasere īna yirotire tuoīabeama īna. ²² “Jesucristo ī bojasere yigu űacami Timoteo”, ĩre yimasirāja muā. “Ī macure bajiro Pablore quēnaro ejarēmocami, űājarābusa, Cristo ocare ajitirūnūato īna’ yigu”, ĩre yimasirāja muā. ²³ To bajiri, tubiberavīju yu űaro yure īna yirotire masicōari, ī rāca muare queti cōarūcūja yu. ²⁴ Tire muare gotiboarine, “Manī űju ī ejarēmose rāca yu bajijama, yu quēne ī rāca muare īagū varūcūja”, yituoīaja yu.

²⁵ Yure ī ejarēmōrotire yirā, muā cōar’i manī maigū, Epafroditore, muā tuju ĩre tuocōagū yaja yu. Ī quēne, Cristo ocare riojo gotigū űari, yure bajirone rojose tāmūorūgūami. ²⁶ Muā űajedirore buto ĩaruami. To bajicōari, ī rijacati quetire muā ajirere tuoīarejaiami. ²⁷ Socase mere ajiriarāja muā. To bajirone bajicami. Bajirocacoarocare bajiroju bajicami. To bajiboarine, ĩre īmaicōari, ĩre caticocami Dios. To bajiro ī yijama, butobusa yu sutiritirotire bojābecū űari, ĩre caticocami Dios. ²⁸ To bajiri muā tuju ĩre tuocōagū yaja yu, caticūēnagū ī űasere muā ĩvariquēnarotire yigu. Muā tuju ĩre yu tuocōajama, yu quēne tuoīarejaibetibusarūcūja yu. ²⁹⁻³⁰ Cristo oca yu gotimasiosere yure ejarēmobeaja muā, sōju űarā űari. “Īre gotirēmōato” yirā, muā cōar’i quēne Cristo ocare gotimasiorūgūami. To bajiro yucidigune, buto rijaye jairo ti űajare, rijacoabocami. To bajiro bajicacu űaboarine, ī caticōajare, muā tuju ī ejaro, variquēnase rāca ĩre sēniruarāja muā. ĩre bajiro Cristo ocare goticudirāre quēne, quēnaro ĩnare yija.

3

“Cristore manī ajitirūnūse űaja űamasuse”, Pablo ī yire queti

¹ Jesucristo yarā űari, variquēnaűa muā. Tirūmūju muare yu ucacatire tudiucaja yu. To bajiro muare yu yicōa űajama, “Gājerā socase īna gotisere ajiroma” yigu, yaja. ² Cristo ocare ricati gotimasiorāre roori űaűa muā. ĩna űarāma rojose űmato yirōrā. “Dios ī ĩamairā manī űaruajama, circuncisionē yiroti űaja”, yisocarāma īna. ³ Circuncisionē yiecorā ĩna űaboajaquēne, Dios ī ĩamairā me űarāma īna. Manījuama, Esp’iritu Santo ī ejarēmōare, Diore quēnaro rūcūbuoaja manī. To yicōari, “Jesucristo manire rijabosayumi’ yituoīarā manī űajare, Dios ī ĩamairā űaja”, yituoīa variquēnaja manī. ⁴ Manī űicua īna yimasirere īna tuoīarore bajiro yu quēne yu tuoīajama, “Īna rētoro űamasugū űaja yu”, yituoīaroti űaboroja. ĩna tuoīasere bajiro yu quēne yu tuoīajama, ado bajise bajiroja: ⁵ “Dios ī rotimasiriarore bajiro yigu űato” yirā, cojomo cōro gaje āmo idia jēnituarirūmuri yu ruyuarō bero, circuncisionē yure yiyuma īna. To bajiri, jud’io masū űari, Benjam’in űamasir’i ya jūnagu űaja yu. Yu űicu űasūor’i űamasirūju Abraham. Yu űicua, jud’io masa űacoayuma īna. To bajiri, jud’io masa rīne gāmerā manajo cuticōari īna macu cutir’i űari, jud’io masū masū űaja yu. To bajicōari, fariseo yere tuoīagū űari, Moisére Dios ī roticūmasirere buto ajirūcūbuogu űaboacaju yu maji. ⁶ “Ado bajiro yu yisere bojagumi Dios” yituoīacōari, variquēnase rāca yirūgūboacaju yu. To bajise tuoīagū űari, “Cristore ajitirūnūrāma, manī űicua Diore īna rūcūbuomasiriarore bajiro yimenama” yituoīacōari, buto rojose ĩnare yirūgūcaju yu. To bajicōari, Dios ī rotimasire quēnaro cudigu yu űajare, “Adi vāme yibeami Pablo”, yure yimasigū manicami.

⁷⁻⁹ Yu űicua īna yimasiriarore bajiro yu yisere, “űamasuse űarōja”, yituoīaboacaju yu maji. Adirūmūrirema, Cristore ajitirūnūca yigu, “Vaja maja”, yituoīacōaja yu. To bajiri, yucūrema, “Jesucristore ajitirūnūrā rīne űaama Dios ī ĩvariquēnarā” yituoīagū űari, yu űicua īna yimasiriarore bajiro yu yiboacatire yitūjacōacaju. “Rojose yu yisere masirioato Dios’ yigu, yure rijabosayumi Cristo”, yituoīaja yu, adirūmūrirema. To bajiri, “Rojose magū űaami’ yure yīavariquēnagūmi Dios”, yituoīaja yu. ¹⁰ “Cristo ī ejarēmōrā rīne űaama Dios ī ĩvariquēnarā” yituoīacōari, Cristore ajitirūnūgū űari, butobusa ĩre masirūtuaraja yu. Tire yu yijama, ado bajiro yigu yaja yu: Cristo ī rijato bero, tudicaticōari, ī masise rāca ĩre ajitirūnūrāre ejarēmō űagūmi. Tire, ī masise rāca ī bojase rīne yigu űaruaja yu. To yicōari, ī jacure cudirūagu űari, Cristo, rojose ī tāmūoriarore bajiro rojose tāmūoruaja yu quēne. To bajiro bajigu, yucūtērojore ĩre īna sīariorore bajiro yure īna sīaboajaquēne, quēnaruaroja. ¹¹ To bajiro bajirocu yu űajama, yu rijato bero, yure quēne caticorūcūmi Dios.

“Quēnase rīne yirā ñarāsa mani”, Pablo ĩyire queti

¹² Jediro masigū ñari, quēnase rīne yigu ñaja”, yimasibeaja yu. To bajiboarine, “Dios ĩ bojarone bajiro quēnaro yirucuja” yigu, yu yimasiro cōro yirūgūaja yu. “Yure bajiro quēnase rīne yigu ñato” yigu, “Yure ajitirānuña mu”, yure yicami Jesucristo. ¹³ Quēnaro ajiya, yu mairā. “Cristo ĩ bojarone bajiro quēnase rīne yigu ñaja yu”, yimasibeaja yu. Tirāmuju yu yirūgūcatire buto tuoĭabetirūgūaja yu. Tire tuoĭabecune, quēnaro yu yirotiujare tuoĭarūgūaja. ¹⁴ “Dios tujū yu ejaro, quēnaro yu yise vaja quēnaro yure yato ĩ” yigu, to bajiro rīne yirūgūaja yu. ĩ tujū mani ejaro, quēnaro mani yise vaja, “Quēnaro ĩnare yirucuja”, yiyuju Dios, quēnase rīne yirā mani ñarotire yigu.

¹⁵ To bajiri yu tuoĭarore bajiro tuoĭarūgūroti ñaja muare quēne, quēnaro Cristore ajitirānurā jedirore. To bajiro tuoĭarā ñaboarine, cojo vāme ricati mua tuoĭajama, quēnaro mua masirotire yirucumi Dios. ¹⁶ Dios ĩ bojasere masijeobetiboarine, mani ajimasiro cōro mani yicōa ñajama, quēnaruaraja.

¹⁷ To bajiri, yu bajīñarūgūcatoro bajiro bajīñaña, mua quēne. ¹⁸ Gājerājuama, quēnasere yibetirūgūama. To bajiro ĩna bajise cojosi me muare gotirūgūcaju yu. Quēna ĩna bajisere tuoĭacōari, muare gotigu, buto sutiritiaja yu. To bajiro ĩna bajicōa ñajama, “Cristo ĩ rijabosare vaja maja” yirāre bajiro bajicōa ñarāma. ¹⁹ To bajiro bajirā ñari, rojose tāmtoŭjabetiriaroju varuarāma. Dios ĩ bojasere yimena ñari, ĩna masu ĩna bojase rīne yirā ñaama. To bajicōari, rojose ĩna yijama, bojonemenane, tire gotivariquēnarāma. Adigodoaye rīne tuoĭarūgūrāma. ²⁰ Manijūama, ō vecaju Dios tujū varona ñaja. ĩ ñaraju ñaja mani ñarūgūrotiju. To bajiri tijuare tuoĭarūgūaja mani. To yicōari, “Ō vecaju ñagū, vadicōari, rojose tāmtoŭjabetiriaroju mani varotire manire yirētosarucumi mani ũju Jesucristo”, yituoĭa variquēnarūgūaja mani. ²¹ To bajiro bajigune, quēnariruju ĩ ruju cutirore bajirone manire quēne vasoarucumi, adi macarucuroaye jediro rotimasigū ñari.

4

“Cristore ajitirānurā ñari, variquēnacōa ñaña”, Pablo ĩyire

¹ Yu mairā, quēnaro ajiya mua. Cristore ajitirānurā ñari, yu yarā ñaja mua. Muare maigū ñari, buto muare ĩaruaja yu. “Yu gotimasioctatire ajicōari, Diore quēnaro ajitirānucōa ñarāma ĩna”, muare yituoĭavariquēnaja yu. To bajiri mani ũju Jesucristore ajitirānu tujabetiroti ñaja.

² Evodia vāme cutigore, S'intique vāme cutigore quēne, muare gotigu yaja. Mua juarā, mani ũju yarā ñari, sigōre bajiro tuoĭaña mua. ³ Toagu, yure quēnaro baba cuticacajuare, “Ado bajiro yure yibosaya”, mure yisēniaja yu: ĩna, rōmia juarāre, “Gāmerā oca quēnoato” yigu, ĩnare ejarēmoña mu. To yu ñaro, Cristo ĩ rijabosare suorine quēnaro Dios ĩ yisere yu gotimasiorotire yirā, yure quēnaro ejarēmōrūgūcama ĩna. Clemente, ĩ babarā quēne yure ejarēmōrūgūcama. Yure ejarēmocanare, “Ado cōro ñaama yu tu ñarūgūrona” Dios ĩ yuucaturiatutiju ucatuecorā ñarāma.

⁴ Mani ũjare ajitirānurā ñari, tocārācājine ĩ yere tuoĭavariquēnarūgūña mua. ⁵ Rūcubuose rāca gājerāre quēnaro yirūgūña mua, “ ‘Quēnase rīne yirā ñaama’, gājerā muare yīlato” yirā. Mani ũju adi macarucuroju ĩ tudiejaroti, mojoroaca ruajaja.

⁶ Ñejuare mua tuoĭarejaisere bojabeaja yu. Tocārācājine rojose mua tāmtojama, “Rojose yua tāmposere yirētososaya” yirā, Diore mua sēnijama, quēnaja. To yicōari, muare ĩ ejarēmōroti ti ñajare, “Quēnaro yirucuja mu”, ĩre yivariquēnarūgūña. ⁷ To bajiro mua yijama, mua variquēnarotire yirēmōrucumi Dios. To bajiri, Jesucristo muare quēnaro ĩ ejarēmōrotire tuoĭarā ñari, rojose tāmtoŭā ñaboarine, variquēnacōa ñaruarāja. Tire ajimasibetiruarāma Jesúre ajitirānumena.

“Quēnase rīne tuoĭarūgūña”, Pablo ĩyire queti

⁸ Yu mairā, ado bajiro muare gotitusaja yu: Quēnase rīne tuoĭarūgūña. Rūcubuose queti, quēnaro yire queti, maire queti, to yicōari, masa quēne ĩna ajivariquēnase queti tuoĭarūgūña. To yicōari, “Quēnase ñaja” Dios ĩ yisere quēne tuoĭarūgūña.

⁹ Muare yu gotimasioctatore bajirone yirūgūña. Yure mua ajicatire, mua ĩacatire quēne to bajirone yicōa ñaña. To bajiro mua yijama, variquēnase manire cōagū, Dios, mua rāca ñacōa ñarūgūrucumi.

Filipos macana, ĩre gājoa ĩna ĩsirere Pablo ĩ gotivariquēnare

¹⁰ Yure tuoĭacōari, yu bojasere yure cōañuja mua quēna. To bajiri buto variquēnacōari, “Quēnaro yaja mu”, mani ũjare, Diore yaja yu. Yoaro yure mua cōabetiboajaquēne, “Cōarūaboarine cōamasimena bajirāma”, muare yituoĭacaju yu. ¹¹ “Yu suorua tuoĭase jediro suorūaja yu” yigu me yaja. Jairo yu suorūaja, yu suorbetijaquēne, variquēnacōa ñaja. ¹² Cojojirema maioro yu bajijama, yu bajibetijaquēne, variquēnarūgūaja yu. Bare ti ñajama, ti

manijaquēne, variquēnacōa ñaja. ¹³ To bajiro yu bajise jedirore yure ejarēmōrūgūami Cristo. ¹⁴ To bajiro yure ī ejarēmōboajaquēne, gājoa yure mña cōase suorine yure ejarēmōñuja mña.

¹⁵ Macedonia sitaju Cristo ī rijabosare suorine quēnaro Dios ī yise queti gotimasiocudi gajanocōari, quēna gajeroju yu vato, mña, Filipos macana rīne gājoa juarēocōari, yure cōañuja mña. Gājerāma, yu gotimasiocati suorine Cristore ajitirānūrā ñaboarine, yure cōabesuma īna. ¹⁶ Rījoroju quēne Tesalónica macaju ñagū, ñie cōobecu yu bajiro, cojoji me gājoa yure cōañuja mña. ¹⁷ “Quēna gajeye yure cōato” yigu me, to bajise muare yaja yu. “Yure mña yirore bajirone gājerāre quēne mña yicōa ñajama, rētobusaro quēnase muare cōato Dios” yigu yaja. ¹⁸ Mña cōariaro cōrone yure īsicami Epafrodito. Yu suorua tōōiacati rētobusaro cōañuja mña. Yure quēnaro mña yicatire īavariquēnarimi Dios. ¹⁹ Ī ñaami mani űju, ñajediro quēnase suorū. To bajicōari, ī macu yarā mña ñajare, mña suorua tōōīase jediro muare cōarucami. ²⁰ Quēnaro ĩre rācubuo variquēnarūgūruarāja mani. To bajirone bajiato.

Pablo, ĩ quēnaroticōare queti

²¹ Toana, Jesucristore ajitirānūrā jediro quēnato īna. Yu rācana, Cristore ajitirānūrā, muare quēnaroticōaama. ²² Adoana, Cristore ajitirānūrā jediro, muare quēnaroticōaama. Cristore ajitirānūrā, Roma macagu űju ñamasugūre moabosarimasa quēne muare quēnaroticōaama.

²³ Mani űju, Jesucristo, quēnaro muare yato ī.

To cōro ñaja.

Carta de San Pablo a los COLOSENSES

Colosas macana, Cristore ajitirānūrāre Pablo ī ucare queti

¹⁻² ¿Ñati mua, Colosas vāme cuti macana, Dios yarā? Jesucristore ajitirānū tujamenare muare uacōaja yua. Muare quēnarotirā, mani jacu Diore ado bajise muare sēnibosaja yua: “Quēnaro īna űarotire yirā, īnare ejarēmoña”, muare yisēnibosaja yua. Yu űaja Pablo vāme cutigu, adi paperare muare cōagū. Dios ī bojarore bajiro yure cōacami Jesucristo, “Yu suori yu jacu quēnaro ī yise quietire gājerāre gotimasiodirucuja mu” yigu. Yu rāca űaami mani maigū, Timoteo.

Cristore ajitirānūrāre tuoīacōari, Diore Pablo ī sēnibosare

³⁻⁴ “Jesucristore quēnaro ajitirānūcōa űaama īna. To bajicōari, Dios yarā jedirore quēnaro mairā űaama” muare masa īna yisere ajirūgūaja yua. To bajiro īna yirūgūšere ajivariquēnaja yua. To bajiri, tocārācājine mani űju Jesucristo jacure muare yua sēnibosajama, “Quēnaro yaja mu”, ĩre yivariquēnarūgūaja yua. ⁵ Tirūmujune riojo űamasusere, Cristo suori quēnaro Dios ī yise quietire mua ajitirānūšorijujune, “Ī oca ti gotirore bajirone ō vecaju Dios tūju ejacōari, quēnaro űarūgūruarāja mani”, yivariquēnacōayuja mua. To bajiro yirā űari, Dios yarāre quēnaro ejarēmoñuja mua. ⁶ Cristo ocare ajisucōari, “Ti űaja riojo űamasuse oca”, yiyuja mua. To yicōari, “Rojose yirā mani űaboajaquēne, manire ĩamaicōari, manire quēnaro yiyumi Dios”, yiajitiirānūñuja mua. Ī oca quēnasere mua ajitirānurore bajiro ajitirānūrūtuaana yirāma masa jediro. To bajicōari, mua yirūgūšore bajirone quēnaro yirūgūrāma īna quēne. ⁷ Mani maigū, Epafras vāme cutigu, űaami ti ocare muare gotimasiorī. Jesucristo ī bojasere yigu űari, adoju quēnaro yuare ejarēmōrūgūami. ⁸ Ī űaami “Esp’iritu Santo ī ejarēmose rāca gājerā Dios yarāre quēnaro maiaama īna, Colosas macana” yuare yigoticacu.

⁹ To bajiro ī yicatire ajicana űari, yua ajisucōarijune, Diore muare sēnibosadicaju, Dios ī bojasere quēnaro mua yimasirošire yirā. To yicōari, Esp’iritu Santo suorine tocārāca vāme mua masirošire quēne “Ejarēmōato” yirā, Diojuare muare sēnibosarūgūaja yua. ¹⁰ Muare yua sēnibosase suorine to bajiro mua yijama, mani űju ī bojarore bajiro yīnarūgūruarāja mua. To yicōari, ĩre butobusa masirūtuararāja. ¹¹ ĩre rētoabusaro mua masirūtu vajama, masirētogū, Dios, muare quēnaro ejarēmōrucami, jediro rojose tāmūboarine, ĩre mua ajitirānūcōa űarotire yigu. To bajiro muare ī yijama, rojose tāmūboarine, rojose muare yirāre jūnisinimenane, variquēnacōa űaruarāja mua. ¹² Mani jacu, Diore tuoīavariquēnacōari, ado bajiro ĩre sēniruarāja mua: “Quēnaro yaja mu. Quēnaro mu yire suorine mu yarā űaja yua. To bajiri mu űarōju, ejacōari, gājerā, mu yarā quēnaro īna yiecorore bajiro yiecoruarāja yua quēne”, Diore yivariquēnaruarāja mua.

¹³ Dios, ado bajiro manire ī yire űajare, to bajiro yivariquēnaruarāja mua: Satanās yarā, ĩ bojarore bajiro yirā űaboariarāre manire ejarēmōñumi Dios, ĩ macu ī maigū yarā, “Ī bojarore bajiro yirā űato” yigu. ¹⁴ Dios ī yire yu yijama, ado bajiro yigu yaja yu: Ī macu manire ī rijabosare suorine Satanās manire ī rotiboarere cudimena űacoariarāja mani. To bajicōari, rojose mani yisere Dios ī masirōrā űacoariarāja mani.

Cristo ī rijabosare suorine Diorāca quēnaro mani ıase queti

¹⁵ űimujua Diore ĩagū magūmi. To bajiboarine Cristore masirājuama, Diore masiaja mani. Cristo űaami adi macarucuro ti ruyuaroto rījorojune űacoadimasirī. ¹⁶ Ī suorine adi macarucuro űase jedirore rujeomasirūju Dios. Adi macarucuro űarā, ō vecanare quēne, ruyumena, ruyurāre quēne ī suorine rujeomasirūju Dios. To yicōari, ō vecana rotimasionare quēne ī suorine ĩnare rujeomasirūju Dios. To bajiro yimasirūju, “Quēnaro yiyumi” ĩre gājerā īna yirūcūšorotire yigu. ¹⁷ Adi macarucuro ti ruyuaroto rījorojune, űacōadimasirūju Cristo. To bajicōari, ī suorine jediro űaja. ¹⁸ Ī rijabosare suorine ī yarā mani űarotire yiyumi Dios. Cristo űaami rijacoaboarine quēna tudicatisuorī. To bajirī űari, masa īna rijato beroju “Tudirijabeticōato” yigu, Dios ī catisere ĩre ajitirānūrāre ĩsigū űagūmi. To bajicōari, ĩre ajitirānūrāre, ĩre ajitirānūmenare quēne jediro űju űagū bajigūmi. ¹⁹ Dios, ado bajiro tuoīañuju: “Yu macu, yure bajirone bajigu űari, ī sīgūne yu ye űajediro quēnasere cōagū űarucami”, yituoīañuju Dios. ²⁰ Adigodoana, ō vecana quēne rojose yirā űañujarā. To bajiri, rojose īna yisere “Masirioğusa” yigu, ĩ macare rijarotiyumi. To bajiro ī yijama, īna jediro ī rāca quēnaro īna űarotire yigu yiyumi.

²¹ Tirāmujarema Dios yarā me űañuja mua maji. Rojose tuoīacōari, rojose mua yire suorine Dios ī ĩajama, ĩre terā űañuja mua. ²² To bajiro bajiriarā mua űaboajaquēne, ĩ tūju mua ejaro, “Rojose mana űaama” ī yīarotire yigu, ĩ macare rijarotiyuju. ²³ To bajiro Dios ī yire ti

ñaboajaquêne, i tu mua ejarirãmu, “Rojose mana ñaama” i yĩlarotire mua bojajama, i macu suori quẽnaro i yire quetire ajitirũnucõa ñaroti ñaja. Ti quetire masa ñajedirojune ajirãma. Yu quẽne, tire goticudigu ñaja.

Diore ajitirũnarãre Pablo i ejarẽmore queti

²⁴ Cristo ocare ajitirũnarãre gotimasiodigũ, rojose tãmuogũ ñaboarine, variquẽnaja yu. Gãjerã quẽnaro ña ñarotire bojagu ñari, rojose tãmuoñumi Cristo. To bajiri, yure quẽne, to bajiro yu bajirotire bojayumi Cristo. ²⁵ “Cristo ocare jud'io masa me ñarãre quẽnaro gotimasiocudirũcumi” Dios i yitũoĩariore bajirone Cristo yure i yijare, Cristore ajitirũnarãre ejarẽmorimasu ñacaju yu. ²⁶ Yu gotimasiosere, tirãmunajuma tire masibetimasifũma maji. Adirãmurirema, i yarã ñarona tire ña masirotire yiyumi Dios. ²⁷ “Jud'io masa me ñarã, yu suori quẽnamasuse ña yiecorotire masiato ña, yu yarã” yigu yiyumi Dios. Ado bajiro bajiaja ti oca masa ña masibeticati: Muare ejacõari, mua rãca quẽnaro ñarũgũrũcumi Cristo. To bajiri, “Dios tũju ejacõari, quẽnamasuse yiecorũarãja mani”, yitũoĩa variquẽnarũarãja mua.

²⁸ No bojaro yua vato masa jedirore Cristo ocare gotimasiodudija yua, “Ire mua ajitirũnũjama, rojose tãmuotũjabetiriaroju vabetirũarãja mua” yirã. To yicõari, tocãrãcũne Cristore ña ajitirũnũjama, Dios tũju ña ejarirãmu, “Nie rojose mana ñaama” i yĩlarotire yirã, yua masiro cõro quẽnaro gotimasioaja yua. ²⁹ To bajiro ña bajirotire bojarã, josase ti ñaboajaquêne, Cristo i ejarẽmose rãca moarũgũaja yua.

2

¹ “Quẽnaro mani ñarotire yigu, josari moarũgũgãmi Pablo” mua yisere bojaja yu. Laodicea macana, to yicõari gãjerã yure iabetiriarã Cristore ajitirũnarã, to bajise ña yisere bojaja yu. ² Ado bajiro quẽnaro mua ñarotire yigu, josari moarũgũaja yu: Cristore mua tuoĩavariquẽnarotire, quẽnabusaro mua gãmerã mairũtuarotire, to yicõari, Cristore ocare quẽnaro ajimasirotire yigu yaja. To bajiro mua bajijama, masa ña masibeticatire, “Yu yarã masiato” yigu, Dios i yisere quẽnaro masirũarãja mua. To bajiro yu yijama, “Cristore quẽnaro masirũarãja mua” yigu yaja. ³ Cristo yarã rĩne ñaama, “Ti oca, masa ña masibeticatire ñamasusere masiato” yigu, Dios i yirã. ⁴ “Quẽnaro gotitorãre ajitirũnũrobe” yigu, tire muare gotibu yu. ⁵ Mua rãca ñabetiboarine, mua rãca ñagũre bajiro tuoĩaja yu. “Quẽnaro ñacõari, Cristore ajitirũnũcõa ñarãma” muare yitũoĩacõari, buto variquẽnaja yu.

“Jesucristo, yu uju ñaami” yiriarã ñari, i bojarore bajiro rĩne yirũgũroti ñaja muare”, Pablo i yire queti

⁶ “Jesucristo, yu uju ñaami” yiriarã ñari, i bojarore bajiro rĩne yicõa ñaroti ñaja muare. ⁷ Mua yirotire masirũarã, ire sãnirũgũrũarãja. To yicõari, Epafras muare i gotimasioriare bajirone Cristore quẽnabusaro ajitirũnũrũarãja mua. To yicõari, “Quẽnaro yaja mu”, Diore ire yivariquẽnarũgũrũarãja.

⁸ To bajiri, gãjerã ricati gotimasiorã, “Cristore bajiro bajirã ñarãma gãjerã” ña yisocasere ajibesa mua. Cristo ye me ñaja ti. Ña ñicua ña tuoĩamasiriarore bajiro tuoĩacõari gotirã yama.

⁹ Gãjerã manama. Cristo sigũne ñaami jediro Dios ye cuogu. Manire bajiro ruju cutiboarine, Dione ñañumi Cristo. ¹⁰ I rotijama, ñimujua ire cudibecu magãmi. To bajiri, Cristo yarã ñari, jediro ñamasuse cuorã ñaja mua. Disejua ruyabeaja muare quẽne. ¹¹ Circuncision ña yiecorijune, “Dios rĩare bajiro bajirã ñacoaju mani” yitũoĩarã ñari, tire yirũgũrãma jud'io masa. To bajiro ña yiboase, mani rujuaye ti ñajare, Dios i ñajama, vaja maja ti. Muajuarema, Cristore mua ajitirũnũsorone, muare ejarẽmoñumi, “Yu yarã ñacõari, rojose yirua tuoĩabeticõato” yigu. ¹² Mani bautizaecoajama, Jesucristo rãca rijariarãre bajiro bajiyuja mani. To bajicõari, “Jesucristo i yuje ecoro bero, i masise rãca ire tudicatĩoyumi Dios” yitũoĩariarã ñari, Cristo rãca tudicatirãre bajiro bajiyuja mani. To bajiriarã ñari, Jesucristo i ejarẽmose rãca Dios i bojarore bajiro yirã ñaja mani. ¹³ Tirãmũju rojose yiriarã ñari, Dios yarã me ñariarãja mua maji. To bajiro bajiriarã mua ñaboajaquêne, rojose mua yirere masirocõari, “Cristo i ejarẽmose rãca yu bojarore bajiro yirã ñato” yigu muare yiyumi Dios. ¹⁴ Rijorojuma Dios i rotimasirere cudijeobetiriarã mani ñajare, rojose tãmuorona ñañuja mani maji. To bajiro mani bajiroti ti ñajare, yucãtẽroju i macare rijarotiyuju Dios, “Rojose ña yise vaja, ñare vaja yibosato” yigu. To bajiri i rijabosare suorine rojose mani yisere masirojeocõañuju Dios. ¹⁵ To bajiro Cristo i rijabosare suorine vãtia rojose yirotirã, ña rotimasiboariarore bajiro, “Rotimasibeticõato” yigu yiyumi Dios.

“Dios i bojase rĩne mua yijama, quẽnaja”, Pablo i yire queti

¹⁶ To bajiri, Cristo yarã ñari, Dios i iavariquẽnarã ñaja mua. To bajiri, gãjerã socase gotirimasa ado bajise muare ña yisere ajibesa mua: “Ti ñaja babetiroti. Adi ñaja idibetiroti. Ñamiagu muju i roarirãmu beroagarãmu ñaja rũcũboriarãmu. Hũsãjararãmure ado bajiro yirũgũroti ñaja”, muare yirãma ña. ¹⁷ To bajiro ña yise, Cristo i rijabosaroto rĩjoro jud'io

masare Dios roticūmasireju ñañuja maji. To bajiboarine, adirūmūrirema vaja maja ti. Cristo ī bojarore bajiro quēnaro mani yisejua ñaja vaja cuti. ¹⁸ “Ángel mesare yua yirūcūbuorore bajiro yirūcūbuomena mua ñajare, muare īavariquēnabecumi Dios” īna yisere quēne ajibesa mua. Īna masune tuoīaboarine, “Yua cājiriaroju ĩacōari, quēnaro Dios ī rotisere gotiaja yua”, yirā ñarāma. “Ñamasurā me ñaja yua” yigotiboarine, īna tuoīasejua, “Ñamasurā ñaja”, yituoīaboarāma. ¹⁹ Cristore ajitirūnumena ñari, ī ye riojo gotirā me ñarāma. Cristo, sīgūne ñaami mani ūju. Dios ī bojarore bajiro manire ejarēmorūgūami Cristo, butobusa gāmerā ejarēmocōari, ī bojarore bajiro yirā mani ñarotire yigu.

²⁰ “Rojose yibeticōari, yu bojasejua yato” yigu, ĩre ajitirūnaronare manire rijabosayumi Cristo. To bajiro ī bajire ti ñaboajaquēne, ĩno yirā Cristore ajitirūnumena ĩna gotisere ajitirūcūbuoati mua? ²¹ “Tire moaīabesa Tire babesa” ĩna yirotsere ajitirūcūbuobesa mua. ²² Jedise ñaja bare. To bajicōari, muare ĩna rotise, Dios ye me ñaja. Masa ĩna masune tuoīacōari, ĩna gotimasiose ñaja. ²³ Īna ajivariquēnasere ĩna gotijama, tire ajicōari, “Quēnaro gotimasiama”, yituoīaboarāma sīgūri. To bajiro ĩna yiboajaquēne, quēnaro tuoīarā me ñarāma. Ado bajise ĩnare gotimasioboarāma ĩna: “Yua rūcūbuorāre mua quēne mua rūcūbuojama, quēnaja. ‘Masirā me ñaja’ mua yituoīajama, quēnaja. Mani rujure rojose mani yijama, quēnaja. To bajiro mani yijama, rojose mani yisere yitujaruarāja mani”, yituoīaboarāma. To bajiro ĩna yiboase socase ñaja.

3

¹ Cristore ĩna sīaboajaquēne ĩre catiuyumi Dios. To bajiro ĩre yicōari, ō vecaju, “Yū rāca rotirūcūja mu”, ĩre yiyumi. Cristore mani ajitirūnaroto rījoro, Diore masimena ñari, rojose yirā ñañuja mani maji. To bajiro mani yirūgūboare yitujacōari, Cristore mani ajitirūnūsuoriarūmune, “Yū tujū vuarāma”, manire yiyumi Dios. To bajiri, quēnaro manire ī yirotsere tuoīarūgūroti ñaja. ² Adigodoaye rojose tuoīamenane, Dios yejua tuoīarūgūroti ñaja. ³⁻⁴ Rojose mua yirūgūre yitujacōari, Cristore ajitirūnurā mua ñajare, “Ī rāca ñarūgūruarāja mua” Dios ī yiriarā ñañuja mua. To bajiri, rojose tuoīabetiroti ñaja. Cristo suorine mua rijato berojuma “Tudirijabeticōato” yigu, Dios ī catisere ī Isiriarā ñaja mua. To bajiri mua rāca ñagūmi Cristo. To bajiro ī bajisere īamasibetiboarine, adigodo ī tudiejaro, “Ñajediro ūju ñaami”, ĩre yirūcūbuoruarāma masa ñajediro. To cōroju muare quēne ī rāca mua ñasere ĩacōari, “Ī yarā ñañuma”, muare yirūcūbuoruarāma ĩna yuja.

“Rojose yibesa mua”, Pablo ĩyire queti

⁵ Rojose mua yirūgūre yitujaya mua. Manajo cutirā, manaju cutirā, manajo mana, manaju mana quēne, gājerā rāca ajeriarā cutibesa. Rojose yirua tuoīabesa. To yicōari, Diore mua mairo rētoro, gajeyēñire maibesa. Diore mua mairo rētoro, gajeyēñire mua maijama, Diore rācūbuorā me yirāja mua. ⁶ Rojose yirāre Dios rojose ĩnare ī yirotsi ti ñajare, rojose yibesa mua. ⁷ Tirāmūju rojose yimasiriarāja mua maji. ⁸ Adirūmūrirema ñajediro rojose mua yirūgūre to cōrone tire yitujaya. Gājerā rojose muare ĩna yiboajaquēne, jūnisinibesa mua. Gājerāre ĩatebesa. Gājerāre rojose ñagōmacabesa. ⁹⁻¹⁰ Mua socarūgūriarore bajiro socabesa mua. Cristore mua ajitirūnūsuorone, muare ejarēmosuoyumi. To bajicōari, quēnabusaro Diore mua masirotsire yigu, mua rāca ñacōa ñagūmi. To bajiri ñajediro rojose yibetiroti ñaja. ¹¹ To bajiro ti bajijare, jud’io masa mua ñajama, mua ñabetijaquēne, no yibeaja. Circuncisión yiriarā mua ñajama, mua ñabetijaquēne, no yibeaja. Gājerā masa ñaboarine, mua rācana yere ajimasirā mua ñajama, mua ñabetijaquēne, no yibeaja. Moabosarimasa mua ñajama, mua ñabetijaquēne, no yibeaja. Cristo ñaami mani jediro ūju. Manire ejačōari, mani rāca ī ñase rīne ñaja ñamasusema.

¹² “Yū yarā ñaña mua” yigu, Dios ī beseriarā ñarāja mua quēne. To bajiri ī ĩamairā ñarāja mua. To bajiro bajirā ñari, gāmerā ĩamaicōari, quēnaro yirūgūroti ñaja muare. “Yū rētoro ñamasurā ñaama”, gājerāre yirūcūbuorūgūroti ñaja. Gājerā muare rojose ĩna yiboajaquēne, ĩnare jūnisinibetiroti ñaja muare. ¹³ ĩnare jūnisinibeticōari, rojose muare ĩna yisere masirioruarāja mua. Mani ūju rojose mua yisere ī masiriorore bajirone rojose muare yirāre masirioya mua quēne. ¹⁴ Ti jediro yirotsi ti ñaboajaquēne, rētoro ñamasuse ñaja gāmerā ĩamaire. Mua gāmerā ĩamajama, Dios ī bojarore bajiro yirā, quēnaro ñarūgūruarāja mua. ¹⁵ Cristo suorine quēnaro ñarā ñari, mua yirotsire tuoīacōari, “To bajiro yu yijama, ĩna rāca quēnaro ñacōarūcūja” yimasicōari rīne, yiruarāja mua. Quēnaro mua ñarūgūre Dios ī bojarore, to bajiro yirūgūruarāja mua. Ī suorine quēnaro ñarā ñari, “Quēnaro yaja mu”, Diore yirūgūruarāja mua.

¹⁶ Cristo ocare masirā ñari, quēnaro tuoīacōari, tire gāmerā gotimasiorūgūruarāja mua, “Ti ocare butobusa masirāsa mani” yirā. To yicōari, Dios ocare masa ĩna ucamasire basare, Diore tuoīarā basare quēne, basaya mua. To bajiro mua yijama, muare quēnaro Dios ī yisere

tuoiacōari, buto variquēnase rāca basarūgūruarāja. ¹⁷ To yicōari, tocārācagine mua gotijama, mua moajaquēne, mani ũju Jesūre ajitirūnarā űari, i bojarore bajiro rīne yirūgūruarāja mua. To yicōari, “Quēnaro yaja mu”, mani jacu Diore yivariquēnarūgūruarāja mua.

Cristore ajitirūnarā mani bajise queti

¹⁸ Rōmiare, manajua cutirāre, muare gotigu yaja yu. Cristore ajitirūnarā űari, mua manajua quēnaro ajirācubūorūgūña. ¹⁹ Ūmuajuare, muare quēne gotigu yaja yu. Mua manajua quēnaro maiña. To yicōari, quēnaro ĩnare gotiya.

²⁰ Rīamasajuare, ado bajise muare quēne gotiaja yu: Tocārācagine mua jacua ĩna rotirore bajirone cudirūgūruarāja mua. To bajiro mua yisere ĩacōari, variquēnarūcumi mani ũju. ²¹ ĩna jacūajuare, muare quēne gotigu yaja yu. Mua rīare tud'ibesa, “Ajisatiriticōari, quēnasere yitujaroma” yirā.

²² Moabosarimasare, muare quēne gotigu yaja yu. Cojoi ruyabeto variquēnase rāca muare moare rotirāre quēnaro cūdiya mua. “Manire moare rotirā ĩna ĩaro rīne quēnaro moaruarāja, ‘Manire ĩvariquēnato’ yirā”, yituoĭabetiruarāja mua. ĩna ĩaro, ĩna ĩabeto quēne, quēnaro ĩnare moabosarūgūruarāja mua. “ĩnare quēnaro mani moabosabetijama, rētoro masigū, mani ũju, Cristo, manire ĩvariquēnabecumi” yituoĭa gūirā űari. ²³ Mua yimasiro cōro Cristore mua moabosarore bajirone muare rotirāre quēnaro ĩnare moabosaruarāja mua. ²⁴ Cristo sigūne űaami mani ũju űamasugū. To bajiri, űajediro i bojarore bajiro yirūgūroti űaja manire. To bajiro tuoiacōari, mani moajama, ĩre moabosarā yirāja mani. Tire masiritibesa. Mani ũju űari, i gotiriarore bajirone quēnaro manire vaja yirūcumi. Ti űaja i űarou ejacōari, gājerā ĩre ajitirūnarā rāca quēnamasue manire ĩsiroti. ²⁵ To bajiboarine rojose mua yirūgūjama, rojose muare yirūcumi Dios. To bajiri, “Ānoama rojose yirā ĩna űaboajaquēne, quēnaro ĩnare yirūcūja yu”, yigu me űaami.

4

¹ Moarimasa űarāre, muare quēne gotigu yaja yu. Muare moabosarimasare quēnaro ĩnare yiya. Sigūne űaami mani ũju űamasugū, muare moabosarimasare, to yicōari muare quēne rotigu. ĩne űaami mua yise jedirore sēniĭarocu.

² Mua jedirore gotigu yaja yu. Tocārācarūmūne Diore sēnirūgūroti űaja. To yicōari, i yirēmosere masicōari, “Quēnaro yaja mu”, yirūgūroti űaja. ³ Yuare quēne ado bajiro sēnibosarūgūña mua: “ ‘Cristo oca masa ĩna masibeticatire Pablo mesa gājerāre gotimasiodiatio’ yigu, ĩnare ejarēmoña mu”, ĩre yisēnirūgūña mua. Tire gotimasioigū űari, tubibe ecoaja yu. ⁴ Quēnaro riojo yu gotimasiorotire yirā, Diore sēnirūgūña mua. To bajirone yicōa űaroti űaja yure.

⁵ Cristore ajitirūnarūmena rāca mua űajama, quēnaro űaña mua. To bajiınarā, cojorūmu gotimenane, űabesa. Tocārācarūmu Cristo ocare ĩnare gotimasioicōa űaña. ⁶ ĩnare mua gotijama, quēnaro tuoiacōari, gotiya. To bajiro yicōari, muare ĩna sēniĭajama, quēnaro cudimasiruarāja mua.

Pablo i gotitasare queti

⁷ Adoju yu rācagu, mani maigū, T'iquico vāme cutigu űaami. Mua tuju ĩre cōagū yaja yu. Tojare ejacōari, yu bajise queti muare gotirūcumi. Yure quēnaro ejarēmorūgūgū, to yicōari, mani ũju i bojasere yigu űaami. ⁸ To bajiro yigu i űajare, mua tuju ĩre varotibu yu. Toju ejacōari, yu bajise quetire gotirūcumi. Tire ajivariquēnaruarāja mua. ⁹ ĩ rāca, mani maigū, Onésimo vāme cutigu mua ya macagure quēne, varotibu yu. Quēnaro yuare ejarēmorūgūmi i quēne. ĩ rāca ıacōari, yu bajirūgūse jedirore gotiruarāma.

¹⁰ Adoju tubiberiaviju yu rāca űagū Aristarco vāme cutigu, muare quēnarotiami. Bernabé tēñu, Marcos vāme cutigu quēne muare quēnarotiami. “Mua tuju i ejacoajama, ĩre quēnaro yiba”, muare yiuacōacaju yu, jēre. ¹¹ Jesús Justo vāme cutigu quēne muare quēnarotiami. Jud'io masa vatoajure adocārācune űaama, yu yarā, “Rotimūorūgōrūcumi” yigu, Dios i cōar'i, Cristo ocare yu rāca gotimasioicudirā. Yure buto ejarēmorūgūama. ¹² Mua ya macagu, Cristo i bojasere yigu, Epafras vāme cutigu quēne, muare quēnarotiami. Diore ajitirūnu tujabeticōari, Dios i bojarore bajiro rīne mua yirotire yigu, cojoi me Diore muare sēnibosarūgūami. ¹³ Muare, mua tuanare quēne, Laodicea macanare, Hierápolis macanare quēne buto tuoiamaigū űari, to bajiro muare sēnibosarūgūami. To bajiro i yirūgūsere ĩagū űari, muare gotiaja yu. ¹⁴ Ūco yirimasu, Lucas vāme cutigu, yu maigū quēne, muare quēnarotiami. Demas vāme cutigu quēne, to bajirone yami.

¹⁵ Cristore ajitirūnarā, Laodicea macana, “Quēnato ĩna”, yaja yu. Ninfa vāme cutigore quēne “Quēnato”, yaja. Cristore ajitirūnacōari, so ya viju rējarūgūrāre quēne, “Quēnato”, yaja yu. ¹⁶ Adi papera rāca muare yu gotisere mua ĩajeoro bero, Laodicea macana Cristore ajitirūnarāre ĩsirā vaja mua, “ĩna quēne ĩato” yirā. To yicōari, ĩnare yu papera cōacatiuare

juacōari, ĩama ma quēne. ¹⁷ Arquipo vāme cutigure ado bajiro ĩre gotiya: “Mani uju Jesucristo mare ĩrotirere quēnaro yijeoroti ĩaja”, ĩre yigotiya.

¹⁸ Yu Pablo, yu masune, “Quēnato”, mare yucacōaja yu. Adoju yu tubibe ecosere masiritibeticōari, Diore yare sēnibosarūgūña ma. Yu quēne, Diore sēnigū, ado bajiro mare sēnibosaja yu: “Quēnase ĩnare cōarūgūña ma”, ĩre yisēnija yu.

To cōro ĩaja.

Primera carta de San Pablo a los TESALONICENSES

Tesalónica macanare Cristore ajitirānūrāre ī babarā rāca Pablo ī ucacōare queti

¹ ¿Nati Jesús ocare ajitirānūrā, Tesalónica macana? Yū Pablo, yū babarā Silvano^a, Timoteo rāca adi quetire mūare ucacōaja, Dios mani jacu, to yicōari, mani ūju Jesucristo yarāre. Diore mūare sēnibosaja yua, “ Īnare ĩamaicōari, ejarēmoña mū, quēnaro ĩna űnarotire yigu”.

“Mua bajisere tuoīacōari, ‘Quēnaro yaja mū’ Diore ĩre yivariquēnaja yua”, Pablo ĩyire queti

² Tocārācājine Dios mani jacure ĩre sēnirā, mua jediro mua bajisere tuoīacōari, “Quēnaro yaja mū”, ĩre yisēnirūgūaja yua. ³ Ado bajiro bajirā mua űajare, to bajiro yirūgūaja yua: “Yūare ejarēmorūcumi” Diore ĩre yituoīarā űari, quēnaro yīñaja mua. Gāmerā mairā űari, gājerāre quēnaro ejarēmorūgūaja. “Mani ūju Jesucristo ĩ tudiejaro bero, ĩ rāca rijamenane űarūgūarāja”, yituoīa tujabeaja mua. To bajiro tuoīarā űari, rojose tāmūorūgūrā űaboarine, “Yūare ejarēmorūcumi”, ĩre yituoīa tujabeaja mua. To bajiri, to bajiro mua bajise Dios suori ti bajijare, “Quēnaro yaja mū”, Diore ĩre yivariquēnaja yua. ⁴ To bajiro Diore yaja yua, mani ūju yarā ado bajise mua bajisere masirā űari: Dios ĩ ĩamairā, ĩ beseriarā űaűuja mua. ⁵ “To bajiro mūare yiyumi Dios”, yimasiaja, ado bajiro bajicati ti űajare: “Jesús ĩ rijabosare suori manire ĩavariquēnaami Dios” yire quetire yua gotimasiojama, yua masune tuoīarujeocōari, gotirā me mūare gotimasiorūgūaju. Dios ĩ rotise rāca mūare gotimasiojaju yua. Dios ĩ cōagū Esp’iritu Santo suorine tuoīacōari, “Socase me űaja”, yimasicaju mua. Mua rāca yua bajīñacatire masicōari, “Quēnaro mani űarotire yirā mani tūju ejayuma”, yūare yimasirāja mua.

⁶ To bajiri mua quēne, yua yicature bajirone quēnaro yirūgūaju mua. To yicōari, mani ūju Jesús ĩ yiriarore bajirone yirūgūaju mua. To bajiri bajicatore bajirone rojose tāmūoobarine, “Variquēnato” yigu, Esp’iritu Santo mūare ĩ ejarēmocati űajare, buto ajivariquēnacaju mua. ⁷ To bajiro mua bajīñacatire ajicōari, mua ye sitana Macedonia űarā, adoana Acaya sitana quēne, “Īna bajīñariarore bajiro yiroti űaja manire”, yama ĩna, Cristore quēnaro ajitirānūrā jediro. ⁸ To bajiri mua gotimasiose suorine mani ūju Jesús ocare ajiyuma Macedonia sitana, Acaya sitana. Īna rī mere, gajeroana jājarāre gotimasioűuja mua. Quēnaro mua yirere ajicōari, “Cristore quēnaro ajitirānūrā űaama Tesalónica macana”, mūare yama. To bajiro mua bajisere jēre ĩna masicōajare, gajeroju yua vacudijama, mua bajisere gotibetirūgūaja yua. ⁹ Īnajua roque yūare quēnaro mua yicature gotirūgūama. “Ado bajirā űarāma” mua masune yiquēnorujeocōari, mua rācūboobarere yitujacōari, Dios catimūorūgūocūjuare mua ajitirānūsūocatiire gotirūgūama. ¹⁰ Gajeye ado bajiro mua gotisere yūare gotirūgūama: “Dios macu Jesús, ĩ bajirocaro bero, Dios ĩ catiorī, ō vēcaju űagūmi. Ī űaami rojose mani yise vaja rojose tāmūotujabetiraroju manire Dios ĩ reacōaborotire manire yirētobosarocu. To bajiro yirocu ĩ tudiejarotire yurā yaja” mua yīñasere quēne yūare yigotirūgūama ĩna.

2

Tesalónica macana rāca Pablo ĩ bajīñarere ĩ gotire queti

¹ Yua mairā, mua tu yua bajīñacatire tuoīacōari, “Buto quēnacaju”, yimasiaja mua. ² Mua tūju yua ejaroto rjoro, Filipos ĩna yirimacaju űacaju yua. Toju yua űaro rojose yūare yicama. Mua ya macana quēne yūare gotirotibetiboacama. Jēre tire masiaja mua. Yūare ĩna gotirotibetiboajaquēne, Dios ĩ ejarēmose rāca mūare goticōacaju, Dios oca Jesús suori quēnaro ĩ yise quetire. ³ Socasere ajirūcūborā me űari, tire mūare goticaju yua. Rojose yiruarā me, mūare goticaju. Mūare yitorūabeticaju. ⁴ “¿Yū bojarore bajiro yirā űati?” yigu, yūare rotīacōari, variquēnaűumi Dios. To bajicōari, “Yū macu suori quēnaro yū yise quetire gotiruarāja mua”, yūare yirotiyumi. To bajiri ĩ gotirotirore bajirone gotirūgūaja yua. “Masa ajivariquēnato” yirā me, gotirūgūaja. “Dios ajivariquēnato” yirāja, gotirūgūaja. ⁵ “Oca quēnase rāca yūare yitorā me yama”, yūare yimasicaju mua. “Gājoa manire ĩsiato” yirā me, mūare goticaju yua. Tire masiaja mua. Dios quēne, tire masiami. ⁶ “ űamasurā űaama’ yūare yato” yirā me, mūare goticaju yua. Noajuane, “Manire rācūbooato” yirā yua goticana manicama. ⁷ Mūare rotibeticaju yua. Cristo ĩ cōarā űari, yua rotijaquēne, quēnacōaboariaroja. To bajiboarine, sīgō rōmio so rīacare so ĩatirānūrare bajiro mūare ĩatirānūrūgūaju yua. ⁸ To bajiro mūare ĩamairā űari, “Cristo ye quetire ĩnare gotimasioruarāja”, yituoīa variquēnarūgūaju yua. Ti

^a 1:1 yū babarā Silvanoa, Timoteo rāca a 1.1 Silas ti yijama, griego oca rāca yiyuju. Silvano ti yijama, latīn oca űaűuju. Hch 15.22; 18.5 macaűa.

rī mere yivariquēnarūgūcaju yua. “Manire ĩaterā manire ĩna sīaroti ti űaboajaquēne, ĩnare gotimasioruarāja”, yivariquēnarūgūcaju yua, muare ĩamairā űari. ⁹ Yua mairā, mua tu űarā, buto josari yua moarūgūcatire masiritimenaja mua. Őmua, űami quēne moarūgūcaju yua. Toju mua tuju yua űase vaja, yua base vaja quēne yuare mua vaja yibosajama, josaboriaroja ti, muare. Tire masirā űari, “Vaja yibeticōato ĩna” yirā, Dios oca gotirā űaboarine, gajeye moare yua masune moacōari, bare vaja yibarūgūcaju yua.

¹⁰ Mua tuju űarā Dios ĩ bojarore bajiro quēnaro yirūgūcaju yua. Tojare quēnaro riojo yirūgūcaju yua. To bajiri socamenane, “Rojose yicama” yirā manama mua tu űarā. To bajiro yua bajicatire ĩacana űari, “Īna yicatoro bajiro yirūgūcama ĩna”, yuare yīűagōbosa masiaja mua quēne. Dios quēne tire yuare yīűagōbosa masigūmi ĩ. ¹¹ “Rīa cutigu ĩ rīare maigū, tocārācure quēnaro ĩ yirore bajiro manire yirūgūcama ĩna”, yuare yimasiaja mua. ¹² Rojose mua tāmūojama, mua tāmūobetiјаquēne, quēnaro muare gotimasiorūgūcaju yua, “ ‘Manire ejarēmorcūmi’ Cristore ĩre yitōia tujabeticōato” yirā. “Dios ĩ bojarore bajiro mua yisere buto bojaja yua”, muare yirūgūcaju yua. Dios űami rētoro űamasugū, quēnaro rotigu, “Yū tuju űaruarāja” muare yigu.

¹³ Gajeye ado bajiro mua bajicatire tuoīacōari, “Quēnaro yaja mu”, Diore ĩre yisēnirūgūaja yua. Dios oca muare yua gotimasioctire ajicōari, “Īna masune tuoīacōari, gotirā me yama” yimasicōari, yuare ajitirānūocaju mua. To bajiri socase me űaja Dios ye yua gotimasiorūgūse. To bajiri, tire quēnaro ajitirānūajama, Dios ĩbojase yirā űaruarāma. ¹⁴ Yua mairā, ti ocare ajitirānūrā mua űajare, rojose muare yiyuma mua yarā. Mua yiecorore bajirone yiyuma jud’io masa quēne, ĩna yarā Jesucristo ocare ajitirānūrāre. ¹⁵ ĩna yarāne űaama Cristore sīariarā. Rījoroju Diore gotirētobosariarāre quēne ĩnane sīariarā űaama ĩna. Yuare quēne tud’irā, varotcana űaama. To bajiro yirā űari, Dios ĩlavariquēnamena űaama. Jediro masare ĩaterā űaama. ¹⁶ Jud’io masa me rojose tāmūotujabetiriaroju ĩna varotire bojamena űari, Dios ocare gotimasiorūaboacaju yua. Yuare gotimasio rotibetirūgūama. Rēmōjane, rojose rīne ĩna yicōasuoadire űajare, to bajirone bajaja adirodore quēne. Rojose ĩna yitujabetijare, rojose ĩnare yicōagūagu yami Dios yua.

Tesalónica macajare Pablo ĩ tudivarua tuoīare queti

¹⁷ Yoaro mene quēna mua tuju yua tudivarotire gotirūaja yu. Yua mairā, muare yua vadiveocato bero, muare ĩabetiboarine, tocārācarāmure muare tuoīacōa űarūgūaja. To bajiri, muare buto tuoīarā űari, muare ĩarā varuarūgūboacaju yua. ¹⁸ Yū masu quēne cojoi me muare ĩagū varuarūgūboacaju yu. Tocārācagine mua tuju ĩarā yua varuacōarore, “Ejabeticōato” yigu, rojose yuare yirūgūűumi vātia uju Satanās. ¹⁹ Mani uju Jesucristo ĩ tudivado yua ĩorona mua űajare, muare ĩarā varuacaju yua. “Mu oca ĩnare yua goticati űajare, mre ajitirānūcama ĩna”, Cristore ĩre yīovariquēnaruarāja yua. To bajiro yua yiroti ti űajare, Jesús ĩ tudivadirotire buto tuoīavariquēnaja yua. Gājerāre yua tuoīaro rētoro muare tuoīavariquēnaja. ²⁰ Socarā me yaja yua. Cristore mua ajitirānūse buto tuoīavariquēnaja yua. Tire ĩre gotivariquēnaruarāja.

3

¹⁻² To bajiri, ĩarā vabeticōari, mua bajisere ajiruarā űari, yua maigūre, Dios ĩbojase yigūre Timoteore toju ĩre cōacaju yua. Yua rācagu, Jesucristo ocare masare gotimasioctidigu űaami ĩ quēne. To bajiri, “Quēnaro ĩnare gotiba mu, ‘Manire ejarēmorcūmi’ Jesucristore ‘Īre yitōia tujabeticōato ĩna’ yigu”, ĩre yicōacaju yua. Yūjuama, Silvano rāca tujacaju yu, Atenas vāme cuti macarema. ³ Rojose tāmūorā űaboarine, “Tire sutiritibeticōato” yirā, ĩre cōacaju yua. Masiaja mua: Cristore ajitirānūrā űari, rojose tāmūoroti űaja. ⁴ Mua rāca űarāju, cojoi me ado bajise muare goticaju yua: “Cristore ajitirānūrā mua űajare, rojose muare yiruarāma gājerā”, muare yicaju yua. Muare yua goticatore bajirone bajiyuja ti. ⁵ To bajiro ti bajijare, ado bajise muare yituoīarejaicaju yu: “¿Cristore ajitirānūcōa űaboati ĩna? Vātia uju Satanās, ¿Cristore ajitirānūbesa’ yirotibetiboati ĩ? To bajiro ĩ yisere ĩna ajijama, yua gotimasioboacatijuare ajitirānū tajaruarāma”, yituoīarejaicaju yu. To bajiri, tire masira, mua tuju Timoteore ĩre cōacaju yu.

⁶ Mua tuju ejar’i, adoju tudiejami quēna. Adoju ejacōari, mua bajise quetire oca quēnasere gotitudiejami. “Cristore ĩre ajitirānūcōa űaama ĩna. To yicōari, quēnaro gāmerā ĩamaicōa űaama”, yimi. “ ‘Muare quēnaro tuoīaja yua’ yima ĩna”, yuare yimi. “Īnare mani ĩaruaro cōro manire ĩaruama ĩnaja quēne”, yuare yimi Timoteo. ⁷ To bajiro ĩ yijare, Cristore ĩre mua ajitirānūcōa űasere ajicōari, buto variquēnaja yua. Gājerā suori buto rojose tāmūorā űaboarine, tire ajivariquēnaja yua. ⁸ To bajiri, Cristore ĩre mua ajitirānūcōa űasere ajicōari, buto variquēnamu yua. ⁹ Mua bajisere tuoīavariquēnacōari, “Quēnaro yaja mu”, Diore ĩre yisēni tujabetiruarāja yua. ¹⁰ Őmua, űami quēne, ado bajiro ĩre sēnirūgūaja yua: “ ‘Īna tuju ejato’ yigu, yuare yirēmōna mu”, ĩre yirūgūaja yua. “ ‘Butobusa Cristore ajitirānuato’ yirā, ĩna masibetire ĩnare yua gotimasiorotire yigu, yuare yirēmōna mu”, ĩre yirūgūaja yua.

¹¹ To bajiri ado bajiro mani jacu Diore to yicōari, mani uju Jesucristore yisēniaja yua: “Īna tuju ĩarā vajarō’ yirā, yuare ejarēmoña”, ĩnare yaja yua. ¹² To yicōari, ado bajise muare sēnibosaja yua: “Ībutobusa gāmerā ĩamaiato ĩna’ yirā ĩnare ejarēmoña”, ĩnare yaja yua. “Gājerāre quēne ĩamaiato ĩna’ yirā, ĩnare ejarēmoña”, yaja yua. “Īnare yua mairōre bajiro maiato ĩna’ yirā ĩnare ejarēmoña”, ĩnare yaja yua, muare sēnibosarā. ¹³ To bajiro mua majijama, rojose mua tuoĭasere “Yitujacōari, quēnase rīne tuoĭato” yigu, muare ejarēmorucumi Dios. To bajiro muare ĩ yijama, mani uju Jesūs ĩ yarā rāca ĩ tudiejarirūmu, mani jacu Dios ĩ rĭjorojua ñie rojose mana ñaruarāja mua. To bajirone bajiato.^b

4

Dios ĩ ĩavariquēnase queti

¹ Yua mairā, gajeye muare gotiruaaja yua. “Ado bajiro mua ñajama, muare ĩavariquēnarucumi Dios”, muare yimasiocaju yua. Tire ajicōari, quēnaro ñaĭuja mua. To bajiri, Dios muare “Īavariquēnato” yirā, butobusa ĩ bojasere mua yisere bojaja yua. Mani uju Jesucristo to bajiro yuare ĩ yirotijare, to bajiro muare yaja yua.

² Mani uju Jesūs ĩ roticatore bajirone muare yua roticature masiaja mua jēre. ³ Ado mua bajisere bojaami Dios: Dios yarā mua ñajare, quēnase rīne mua yisere bojaami. Manajo cutirā, manaju cutirā, manajo mana, manaju mana quēne, mua gāmerā ajeriarā cutisere bojabeami. ⁴ Manajo cutigu, ĩ manajo rāca rīrene gājerāre ajeriarā cutibecane, rūcūbuose rāca ñie oca mano ĩ yīñajama, quēnaja. ⁵ Diore masimena ñari, ĩna bojarore bajiro ajeriarā cutirūgūama. ĩnare bajiro yibetirūgūña. ⁶ ĩnare bajiro mua yijama, buto rojose muare yirucumi Dios. Jēre adirene muare goticaju yua. ⁷ “Rojose yirā ñato” yigu me, “Yu yarā ñato”, manire yiyumi Dios. “Quēnasejua yato” yigu, to bajiro yiyumi. ⁸ To bajiro yigu ĩ ñajare, adi yua gotimasiosere ajimena yua rī mere terāma. Diore quēne terāma ĩna. Rojose mani yisere “Yitujato” yigu, Esp’iritu Santore manire cōañumi Dios.

⁹ “Gāmerā ĩamairoti ñaja” mua yimasirotire jēre muare ejarēmoñumi Dios. To bajiri yuama, “Gāmerā ĩamaiña mua”, muare yiuacōabeaja. ¹⁰ Quēnaro yirā ñaja mua. Macedonia sitana Cristore ajitirūnarāre ĩamaiñā ñaĭuja mua. To bajiro yirā ñaboarine, butobusa ĩnare mua ĩamajama, quēnaruarōja. Yua mairā, to bajiro mua yirotire buto bojaja yua. ¹¹ Ñie oca manone quēnaro ñaruarāja mua. Gājerāre gōjanabiomenane, mua moasere moacōa ñaña. ¹² To bajiro mua yijama, muare ĩacōari, “Quēnaro yirā ñaama”, muare yīiarūcūbuoguarāma Cristore ajitirūnūmena. Ñiejua rūyabetiruarōja, muare.

Mani uju Jesūs ĩ tudivadiroti queti

¹³ Yua mairā, Cristore ajitirūnararā bajireararā ĩna bajirotire muare gotirā yaja yua. Diore masimenama, bajireararā ĩna bajisere riojo masibeama ĩna. Bajireararāre tuoĭacōari, buto sutiritiama. “Quēna tudicaticoaruarāma”, yituoĭarā me ñaama. ĩna tuoĭarore bajiro mua tuoĭasere bojabeaja yua. “Quēna tudicaticoaruarāma”, yirā ñaja manima. ¹⁴ “Jesūs ĩ bajirocacoaboajaquēne, quēna ĩre catiōyumi Dios”, yimasiaja mani. Tire masicōari, “Cristore ajitirūnararā bajireararāre quēne tudicaticorucumi Dios”, yituoĭaja mani.

¹⁵ Ado bajiro muare gotiaja yua, mani uju Jesūs ĩ bueriarāre ĩ gotimasiorere: Adigodo caticōa ñarājuama, ĩre ajitirūnūcōari, bajireararā rĭjoro juacobetiruarāja mani. ¹⁶ Ado bajiro bajiruarōja ti, Jesūs adi macaracuroju ĩ tudivadirotirūmu: Dios ĩ rotijare, ángel mesa uju ĩ ñagōse ocaruyuruarōja. To bajicōari, Dios ya jutiria ti busise ocaruyuruarōja. To cōrone, ō vecaju mani uju ĩ masune rujadiarucumi. To bajiro ĩ bajirone, ĩre ajitirūnararā bajireararā, quēna tudicaticoaruarāma. ¹⁷ ĩna tudicaticone, ĩna rāca adigodo catiñarā Cristore ajitirūnararāre juarēorotirucumi Dios. To yicōari, oco bueri vatoaju ĩnare juamujarotirucumi, “Īna ujure Cristore bocato” yigu. Toju ĩ rāca ñacōa ñarūgūuarāja mani. ¹⁸ To bajiri adi yua gotisere ajiri, gāmerā ñagōvariquēñaña mua.

5

¹ “Tirāmu, tirodo ñaro masu vadirucumi mani uju”, yimasiaña maja. Jēre tire masiaja mua. ² “To cōro vadirucumi” masa ĩna yimasibetiju vadirucumi. Juarudirimasu ĩ ejarotire quēne, “To cōro juarudigu ejaagu yigumi”, yimasibeaja mani. To bajirone bajirucumi Cristo quēne. “To cōro ñaro ejarucumi”, yimasibetiruarāja mani. ³ Ado bajisejua yimasiaja mani: Diore masimena, “Ñie oca mano quēnaro ñaja mani” ĩna yiboaro, ñaro tusarone guiose ejaruarōja. Rōmio quēnaro guda so ñaro gajane, ñaro tusarone jūnise sore ejarōja, so macu cutirijaujare. Tire bajirone bajiruarōja Jesūs ĩ ejaroti quēne. Masiñamanone ti bajijare, rudimasimena ñari, buto rojose tāmoguarāma ĩna masa Diore masimena. ⁴ Muajūama,

^b 3:13 2 Ts 1.7, 10.

rētiaroju ņarāre bajiro bajirā me ņaja maa. To bajiri mani uju ī tudivadisere ĩacabētīrārajā maa. Juarudirimasu ī ejasere ĩacōari, masa ĩna ucarore bajiro ucabētīrārajā. ⁵ Dios ī bojase yirā ņari, busuroju ņarāre bajiro bajirā ņaja maa. Dios ī bojabeti yirūgūrāma, rētiaroju ņarāre bajiro bajirā ņaama. ⁶ To bajiri Jesucristo ī vadirotire tuoīamenare bajiro bajirā me ņaja mani. Tire quēnaro tuoīayurā, rojosere yiruarā ņaboarine, tire yimena ņaja mani. ⁷ ņamire cāniama masa. Gājerāma, ņamire idimecurūgūama. ⁸ Manima, ĩnare bajiro bajirā me ņari, busuroju ņarāre bajiro bajiaja. To bajiri, tocārācaine quēnase rīne yīnarūgūroti ņaja, mani uju ī tudivadirotire tuoīayurā. “Manire ejarēmorucumi” mani ujure mani yituoīase, mani gāmerā maise suorine vāti manire rojose ī yirotiboasere cudibētīrārajā mani. To yicōari, Jesucristo ī vadirotire tuoīayu tujabetīrārajā mani, “Rojose tāmūotujabetīriaroju mani vaborere manire yirētobosarucumi” yirā. ⁹ “Rojose ĩna yise vaja rojose tāmūoato” yigu me, “Yu yarā ņaŃa maa”, manire yiyumi Dios. Mani uju Jesucristo manire ī rijabosare suori rojose tāmūotujabetīriaroju mani vaborere manire yirētobosaru, “Yu yarā ņaŃa maa”, manire yiyumi. ¹⁰ Manire rijabosayumi Jesús, “Yure ajitirūnarā, yu rāca ņacōa ņarūgūato” yigu. To bajiri tudiejagu, mani caticōa ņajama, mani rijacoajaquēne manire juamūjarucumi, “Yu rāca ņacōa ņarūgūato” yigu. ¹¹ To bajiro ti bajijare, tire gāmerā gotiya maa, “Ajivariquēnacōari, butobusa mani ujure ĩre ajitirūnūato” yirā. Jēre maa yīŃasere masiaja yua. To bajirone yicōa ņarūgūŃa.

Pablo ī gotiquēnorotire queti

¹² Yua mairā ado bajiro maa yijama, quēnaruroja: Mūare ūmato ņarāre Dios ī cūriarāre quēnaro rucubuoaya. ¹³ Quēnaro mūare ejarēmorūgūama ĩna. To bajiri, “ņamasurā ņaama”, ĩnare yirucubuoaya. To yicōari, quēnaro ĩnare yiya, “ ‘Manire maiama ĩna’ manire yimasiao ĩna” yirā. To yicōari, ņie oca manone quēnaro ņaŃa maa.

¹⁴ To yicōari, maa tuana moamenare tudībusari ĩnare gotiya, “Moato ĩna” yirā. Gājerā, sutiritirāre “Variquēnato” yirā quēnaro ĩnare gotiya. Gājerā, Cristore quēnaro ajitirūnūmenare, quēnaro ĩnare ejarēmoŃa. Cristore ajitirūnarā ņajediro rojose yimenane, quēnaro gāmerā gotirūgūŃa.

¹⁵ Gāji rojose mūare ī yijama, ĩre gāmebeticōaŃa.

Tocārācaine quēnaro gāmerā yiba maa. Masa jedirore to bajiro rīne yiba.

¹⁶ Tocārācarūmūne variquēnacōa ņarūgūŃa maa. ¹⁷ Tocārācarūmūne Diore sēniŃa. ¹⁸ Tocārācaine, “Quēnaro yaja mu”, Diore yirūgūŃa. Rojose tāmūoobarine, to bajiro rīne yirūgūŃa maa. Jesucristore ajitirūnarā to bajiro ĩna yisere Dios ī bojajare, to bajiro yirūgūŃa maa.

¹⁹ Rojose yibetirūgūŃa, “Rojose mani yisere ĩacōari buto sutiritiromi Espīritu Santo” yirā. ²⁰ Diore gotirētobosarā ĩna gotisere ajitebesa. ²¹ Tire quēnaro ajicōiŃa. ĩna masune tuoīarujeocōari, gotimasiorāma cojojirema. “Dios ye ņaja” maa yimasijama, tire quēnaro ajitirūnūŃa. ²² Tocārāca vāmere rojosere yitujacōari, tudiyibeticōaŃa.

²³ Ado bajise Diore mūare sēnibosaja yua: “ĩnare ejarēmoŃa, ‘Quēnaro ņato’ yigu. ‘Tocārācaine yu bojasere tuoīacōari, yirā ņato’ yigu, ĩnare ejarēmoŃa mu”, mūare yīsēnibosaja yua. Mani uju Jesucristo ī tudiejarirūmu, “Rojose mana maa ņarotire yirā”, Diore mūare sēnibosaja yua. ²⁴ “Ī yarā ņato” yigu, manire beseyumi Dios. To bajiri tocārācarūmūne mani rāca ņarūgūami. To bajiri, ī bojarore bajiro mani yirotire manire ejarēmorucumi.

Tesalónica macanare Pablo ī quēnaroticōare queti

²⁵ Diore yuare sēnibosarūgūŃa yua mairā.

²⁶ Maa tuana Cristore ajitirūnarā jediro maa rāca ĩna rējaro, yuare quēnarotibosaya maa, “ĩnare yua maisere masiato” yirā.

²⁷ Adi queti mūare yu ucacōasere toana Cristore ajitirūnarā jedirore ĩnare ĩgotiya maa, mani uju to bajiro maa yisere ī bojajare.

²⁸ Mani uju Jesucristo quēnaro mūare yato ĩ.

To cōro ņaja.

Segunda carta de San Pablo a los TESALONICENSSES

Tesalónica macana Cristore ajitirunuräre i babarä räca Pablo i ucacöare queti

¹ ¿Ñati Jesús ocare ajitirunurä, Tesalónica macana? Yu Pablo, yu babarä Silvano, Timoteo räca adi quetire muare ucacöaja, Dios mani jacu, to yicöari, mani uju Jesucristo yaräre.

² Ado bajise muare sēnibosaja yua: “Inare İmaicöari, ejarēmoña mu, quēnaro İna İnarotire yirä”, muare yisēnibosaja yua.

Cristo i tudiejariramu rojose yiriaräre Dios i beseroti queti

³ Yuare ajiya yua mairä. Tocäracajine mua bajisere yua tuoİajama, “Quēnaro yaja mu”, Diore İre yirügüaja yua. Butobusa Jesucristore ajitirunurütuana yaja mua. To yicöari, butobusa gämerä İmairütuana yaja mua. Dios muare i ejarēmojare, to bajiro bajiaja mua. To bajiro i yijare, to bajiro mua bajisere tuoİacöari, “Quēnaro yaja mu”, İre yirügüaja yua. ⁴ To bajiro bajirä mua İnjare, tocäräca macaju gäjerä Jesús ocare ajitirunuräre mua bajisere gotirä, “Quēnamasucöaama Tesalónica macana”, İnare yivariquēnarügüaja yua. Ado bajiro İnare yirügüaja yua: “Tesalónica cutoana Cristore ajitirunurä İna İnjare, rojose İnare yicoderügüama gäjerä. To bajiro İna yiboajaquēne, Cristore quēnaro ajitirunucöa İnaama İna”, İnare yivariquēnarügüaja yua. ⁵⁻⁶ Rojose tāmüorä İnaboarine, Cristore mua ajitirunucöa İnjare, “Yu taju mua vajama, quēnaja”, muare yİİami Dios. Rojose muare yiräjuarema, “Rojose tāmüotujabetiriaroju İnare yu reacöajama, quēnaruroja”, İnare yİİami Dios. To bajiro i yisere tuoİarä, “To cörone tujato”, yirotirucami Dios. Yuare quēne to bajiro yirucami, mani uju Cristo adi macarucaroju i tudiejarotirümü İnaro. Tirümü İnarone ö vecaju vadiveocöari, İ yarä İngel mesa İaİaİamani yimasirä räca jea İjubusuosere bajise buto bususe vatoaju rujiadirucami Jesús. ⁸ Tirümüne Diore masimenare mani uju Jesucristo oca quēnasere ajiteräre İna ajibeti vaja rojose İnare yirucami Jesús. ⁹ Rojose tāmüotujabetiriaroju İnare cöarucami. To bajiri i taju quēna juaji İnare vadirotibetirucami. To bajiri, “Rétoro masigü İnari, İnamasugü İnaami” mani yimasigüre mani ujure İmasibetiruaräma İna yuja. ¹⁰ To cörone, İre İvariquēnaruaräma İ yarä İre ajitirunurä İnjajidiro. To yicöari, “Quēnarëtogü İnaami”, İre yirucubuoİuaräma. To bajiri mua Tesalónica macana quēne, Jesús ocare yua gotimasioctaire ajitirunurä İnari, İna räca İnaruaräja mua.

¹¹ To bajiro İre mua yirotire yirä, cojoji me ado bajiro Diore muare sēnibosarügüaja yua: “Yu yarä İnaİna mua”, İnare mu yirere cudiriarä İnaama. ‘Quēnase İna yirüase yimasijeocöato İna’ yigu, mu masise räca quēnaro İnare ejarēmoña”, İre yaja yua, muare sēnibosarä. ¹² To bajiri, masa jediro quēnaro mua yisere İacöari, mani uju Cristore quēnaro İre yirucubuoİuama. To bajiri, Dios, mani uju Jesús quēne, muare İmaicöari quēnaro muare İna yiroti İnjare, muare quēne quēnaro rucubuoİuaräma masa.

2

Jesús i tudivadiroto rİjoroaye bajiroti queti

¹ Jesús i tudivadirotirümüne, “Yu räca İnato” yigu, Dios, manire i juarēorotire muare gotiquēnorä yaja. ² “İere Jesús i tudivadirümü ejacoaju”, muare yiyujarä gäjerä. Tire ajicöari, tuoİarejaibesa yua mairä. “Socase me İnja. İere Jesús i ejasere yure gotirotimi EspİRitu Santo” İna yiboajaquēne, İnare ajibesa. “İna gotirore bajiro yire queti ajibu yua” gäjerä İna yigotirēmoboajaquēne, tire ajibesa. “To bajirone bajiro ucayuma Pablo mesa quēne” gäjerä İna yiboajaquēne, İnare ajibesa. ³ To bajiro muare yitorä jedirore ajibesa mua. Ado bajiro bajisere İacöari, “Yoaro mene tudivagumi Jesús”, yimasiruaräja mua: İjarä masa, “Dios i rotibosere cudibeticöato mani”, yituoİarä İnaruaräma İna. To İna bajiİnare, Rétoro Rojogu ruyuarucami, beroju rojose tāmüotujabetiriaroju Dios i cöarocu.^a ⁴ Diore quēne, jediro masa İna rucubuosere quēne, İategu İnarucami. “Rétoro yure rucubuoİuaräja mua”, masare İnare yigu İnarucami. To bajirocu İnari, Diore yirucubuoİriaviju säjacöari, rujirucami. To yicöari, “Yune İnja Dios”, masare İnare yigotirucami İ, socune.

⁵ Ti quetire Jesús quēna i tudivadiroto rİjoroayere muare gotirügücāju yu, mua räca İngāju. To bajiri, “Tire masiritimenama”, muare yituoİaja yu. ⁶ Rétoro Rojogu adi macarucaroju vadirotire İere masiaja mua: “To cörone vadirucami” Dios i yiriaro rİjoroİune, ejabetirucami maji. ⁷ İ ejabetiboajaquēne, İere masare rojose i yirotirümü cöİnaro masu bajiaja. İre cöarocu, “Vasa mu” i yiroti İne ruajaja. ⁸ “To cörone vajaro” Dios i yirirümü ejarucami rojose yigu.

^a 2:3 1 Jn 2.18, Ap 13.1-2.

To bajiro ĩ bajiboajaquēne, mani uju Jesucristo ĩ tudivadirūmune, rētoro masigū ĩari, josari mene ĩre rocasōarucumi. ⁹ To bajiro ĩ yiecoroto rĳoro, adi macarucuroju vadicoāri, Satanās ĩ rotise rāca buto masigū ĩarucumi. To bajigu ĩari, “Masigū ĩagūmi yure yituoĭato” yigu, ĩalaĭamanire yĭorucumi. To bajiro ĩ yise socase ĩaruaroja. ¹⁰ Jediro rojose yĭrucumi, rojose tāmūotujabetiraroju varonare ĩnare yitogu. Dios ocare ajiterā ĩari, to bajicoāri, Jesucristo rojose ĩna yise vajare ĩ yirētibosarusere quēne bojamena ĩari, rojose tāmūotujabetiraroju varona ĩnaama. ¹¹ ĩ Ocare ajiterā ĩna ĩajare, “Rētoro Rojogu socune ĩ yisere ajitirūnacōa ĩaruarāma”, ĩnare yĭrucumi Dios. ¹² To bajiro yĭrucumi Dios, “Yu oca riojo ĩnamasusere ajimena ĩari, rojose rĭne yivariquēnarā jediro, rojose tāmūotujabetiraroju vajaro” yigu.

“Yu yarā ĩaĭa mūa’ Dios ĩ yirere cudiriarā ĩaja mūa”, yire

¹³ Ajija yua mairā. Tocārācajine ado bajiro mūa ĩnare tuoĭacoāri, “Quēnaro yaja mū”, Diore ĩre yivariquēnarūgūaja yua: Mani uju buto muare maiami. Tesalónica macana vatoana, “Yu yarā rojose tāmūotujabetiraroju vaborona ĩaĭa mūa” Dios ĩ yirere cudiriarā ĩaja mūa. To bajiro mūa bajisere bojayumi, “Rojose ĩna yisere tujacoāri, yu bojasejuare yato ĩna” yigu. To bajiro yigu ĩari, Esp’iritu Santore muare cōaĭumi, “ĩnare ejarēmoato” yigu. Muare ĩ ejarēmose ĩajare, Dios oca riojo gotisere ajicoāri, “Socase me ĩaja”, yimasijaja mūa. To bajiro yimasirā ĩari, rojose yĭruaboarine, tire yimena ĩaja mūa. ¹⁴ “To bajiro bajirā ĩnato” yigu, ĩ oca Cristo yere mūa tujū yuare gotimasio roticoāĭumi Dios. Rojose tāmūotujabetiraroju vabeticoāri, mani uju Jesucristo rāca mūa ĩarotire bojagu ĩari, to bajiro yiyumi. To bajiro mūa bajisere tuoĭacoāri, “Quēnaro yaja mū”, Diore ĩre yirūgūaja yua.

¹⁵ To bajiro Jesucristo ocare ajitirūnacōa ĩarūgūĭna. Mūa tujū vacōari, muare yua gotimasio catire masiritibesa. To bajicoāri, muare yua ucacoacatire quēne masiritibesa. ¹⁶ Mani uju Jesucristore, to yicoāri mani jacu Diore quēne, muare sēnibosaja yua. Manire ĩamaicoāri, quēnaro manire yiyumi Dios. ĩ suori ĩ yere tuoĭavariquēnarūgūaja mani. Jesucristo quēnaro ĩ yise ĩajare, “Dios ĩ gotiriarore bajiro quēnaro manire yĭrucumi”, yimasijaja mani.

¹⁷ ĩ yere tuoĭavariquēnacōari, ado bajiro Diore muare sēnibosaja yua: “ĩnare ejarēmoĭna mū, gājerā rāca quēnaro ĩna ĩarotire yigu”, muare yisēnibosaja.

3

“Yuare sēnibosaya”, yire queti

¹ Adi muare yua ucasene gotitusarā yaja. Mani uju ocare gājerā ĩna ajirūcubuosere bojaja mani. To bajiro ĩna bajisere bojarā ĩari, ado bajise Diore yuare sēnibosarūgūĭna: “Guarobusa cojoju ruyabeto, ti ocare mūa ajirūcubuosere bajiro gājerā quēne ajirūcubuojedicoato” yira, ĩre sēnirūgūĭna mūa. ² Rojose yuare yĭruarūgūrāre, “Rojose yuare yĭroma” yirā, Diore sēniĭna mūa. To yicoāri yua gotimasiosere ajiterā quēne ĩajarā ĩnaama. ³ Mani uju ĩagūmi “Yĭrucuja” ĩ yirore bajiro yigu. To bajiro yigu ĩ ĩajare, “Yuare quēnaro ajitirūnacōa ĩarūgūĭato” yigu, manire ejarēmorucumi”, yimasijaja mani. “Vātia uju Satanās, rojose muare yĭromi’ yigu, muare ejarēmorucumi”, yimasijaja mani, Diore. ⁴ “Jesūs mani ujure ajitirūnacōari, Tesalónica macana, quēnaro ĩna yirotire yigu, ĩnare ejarēmorucumi”, yituoĭaja yua. To bajiro, “Yuare roticoasere ĩna yirūgūrōre bajiro yicoā ĩarūgūrūarāma”, muare yituoĭaja yua. ⁵ Ado bajiro mani ujure muare sēnibosaja yua: “ ‘Quēnaro manire ĩamaiajā Dios’ yimasiritibeticoato ĩna’ yigu, ĩnare yirēmoĭna mū. ‘Cristore rojose ĩre ĩna yiboajaquēne, yure quēnaro ĩ ajitirūnacatore bajiro ajitirūna tujabeticōato ĩna’ yigu, ĩnare yirēmoĭna”, muare yisēnibosaja yua, mani ujure.

Pablo ĩ moarotire queti

⁶ Ajija yua mairā. Ado bajise mani uju Jesucristo yuare ĩ gotirotijare, yaja yua: Cristore ajitirūnacūgū ĩnaboarine ĩ moabetijama, ĩre baba catibesa mūa. ĩ ūgū, muare yua gotimasio catore bajiro yibeami. ⁷ “Pablo mesa mani rāca ĩarā, quēnaro ĩna moarūgūcatore bajiro yirūgūrōti ĩaja”, yimasijaja mūa. ⁸ Mūa tu ĩarā, vaja yicoāri rĭne mūa yere bare bacaju yua. Ūmuari, ĩamiri quēne quēnaro moarūgūcaju yua, “Mani masune bare vaja ta, barāsa” yirā. ⁹ Muare gotimasiorā ĩari, “Bare yuare ecaya” yua yijama, quēnaborijaja, bajirojuma. To bajiboarine muare sēnibeticaju yua. Quēnaro moarūgūcaju yua, “Manire ĩacoāri, ĩnare bajiro mani moajama, quēnaja’ yĭĭato” yirā. ¹⁰ Mūa rāca ĩarā, cojoji me ado bajiro muare yiroticaju yua: “Moarūamena, babeticōato ĩna. ĩnare ecabesa”, muare yiroticaju yua. ¹¹ “ĩna vatoaju sĭgūri moarūamena ĩnaama” yire quetire ajijaja yua. ĩna masune moabeticōari, gājerāre ĩna gōjanabiosere ajijaja yua. ¹² To bajiro ĩna bajise ĩajare, mani uju Jesucristo ĩ rotiore bajiro, ĩnare yiroticōaja yua: Gājerāre gōjanabiomenane, quēnaro moaĭna mūa, ĩne cuomena ĩari, mūa vaja tarotire yirā.

¹³ Ajija yua mairā. Quēnaro yicoā ĩarā ĩari tire quejebesa mūa. ¹⁴ Sĭgū adi papera yua ucasere ajitirūnubecare ĩamasicoāri, ĩre baba catibesa, “Bojonecoāri, ajitirūnacato ĩ” yirā.

¹⁵ Rojose ĩ yiboajaquēne, ĩre ĩatebesa m̃ua. ĩre tud'imenane, m̃ua bedire bajiro quēnaro ĩre gotiya.

“Quēnaro ñarũgũato ĩna” yigu, Pablo, Diore ĩ sēnire queti

¹⁶ Mani ɯju ñagũmi, “Ñie oca manone quēnaro ñato” yigu. To bajiri, “ ĩna rāca ñacōari, quēnaro ñacōa ñarũgũato' yigu ĩnare ejarēmoña”, ĩre yaja yua, m̃uare sēnibosarā.

¹⁷ Pablo ñaja yu, yu masune, “Quēnato” m̃uare yiucacōagũ. Gãjerãre yu ucacōajajuēne, to bajiro rĩne yirũgũaja. ¹⁸ Mani ɯju Jesucristo, m̃ua jedirore quēnaro m̃uare yirũgũato. To cōro ñaja.

Primera carta de San Pablo a TIMOTEO

Timoteore, Pablo ĩ ucacõare queti

¹ ¿Ñaboati mu, Timoteo? Yu ñaja Pablo vãme cutigu, adi quetire mure ucagu. Dios rojose mani yise vajare manire yirẽtobosar'i, ĩ macu Jesucristo suorine ĩ ocare ĩ goticud-iroticõar'i ñaja yu. To bajiri, manijama, mani rijato beroju manire ĩ yirẽtobosartire yirã, tuoĩavariquẽnacõa ñaja. ² Yu macure bajiro bajigu ñaja mu. Yu gotimasiocature ajitirãucõari, yure bajiro Jesucristore ajitirãucõa ñaja mu.

Mure quẽnarotigu, mani jacu Diore, to yicõari, mani uju Jesucristore quẽne, ado bajise mure sãnibosaja yu: "İre ĩamaicõari, quẽnaro ĩ ñarotire yirã, ĩre ejarẽmoña", mure yisãnibosaja yu.

"Socase oca gotimasioriesare ajitirãucõa", Pablo ĩ yire

³ Macedonia vãme cuti sita vacu, "Ado Efeso vãme cuti maca tujaya mu", mure yicaju yu. Ado bajiro yigu, to mu tujarotire bojacaju yu: Toanare Dios oca riojo gotimasiomenare, ĩnare mu gotimasirotibetirotire bojacaju yu. ⁴ To yicõari, bucãrã ye quetire socasere gotimasiore, "Ado bajiro yimasifũjarã" mu yirũgũsere yitujacõaña" ĩnare mu yirotire yigu, mure tujaroticaju yu. Tire ĩna gotijama, ricati rĩne tuoĩarã ñari, "Ado bajirojuã bajiyuja" ĩna gãmerã yirũgũse jedise me ñaja. Ti ocare ĩna gotimasiore suorine Dios ĩ bojarore bajiro yibeama. Dios ĩ bojarore bajiro ĩna gotimasiojama, ĩnare ajicõari, Cristore butobusa ajitirãucõarã masa.^a

⁵ Ti macana jediro ĩna gãmerã ĩmaĩrotire bojagu ñari, to bajiro mure gotirotiaja yu. Rojose mani yisere yitujacõari, Cristojare mani ajitirãucõari, "Rojose maja manire", yimasirãja mani. To bajiro mani bajijama, gãmerã ĩmaĩrãja mani. ⁶ To bajiro yu gotimasioboaquẽne, ti macana sigãri Dios oca ñamasusere ajitujacõari, vaja mani gajeyeuare tuoĩacõari, gãmerã ñagõrãma ĩna. ⁷ Moises ñamasir'ire Dios ĩ roticũmasirere gotimasioriesama ñarucõoama. To bajiboarine, ĩna masune tuoĩacõari ĩna gotiboaserene ajimasimenama.

⁸ Masa ĩna cudirotire yigu, Moiserẽ Dios ĩ roticũmasirere masirã ñari, "Quẽnase ñaja ti", yimasijama mani. To bajiboarine, Dios ĩ roticũmasirere mani ajimasibetijama, ñie vaja manõja ti. ⁹ İ roticũmasirere masicõari, "Diore cudibeaja yu. To bajiri rojose ñaja yure" masa ĩna yirotire bojagu ñari, tire cũmasifũmi Dios. To bajiri, quẽnaro yirãre tuoĩagũ me, ĩ rotimasirere cũmasifũmi. Rojose yirãjuare tuoĩagũ, tire cũmasifũmi. İre rucubõomenare, Dios yere ajatud'irãre, jacuare sjarãre, to yicõari, gãjerãre sjarimasare tuoĩagũ, ĩ rotimasirere cũmasifũmi. ¹⁰ Ajeriarã cutirãre, "Gãjoa bujarãsa" yirã, masare ñejecõari, gãjerãre ĩsirãre quẽne, ĩ rotimasirere cũmasifũmi Dios. Socarãre, to yicõari, Dios oca riojo gotimasiore ajiterãre quẽne ĩ rotimasirere cũmasifũmi Dios, "İre cudibeaja yu. To bajiri rojose ñaja yure" ĩna yimasirotire yigu. ¹¹ Cristo oca quẽnase rĩne ñaja ñamasuse. "Ti ocare gotimasioato" yigu, yure cõañumi mani uju Dios. İ sigũne ñaami quẽnagũ masu, "Quẽnaro yaja mu" mani yirucubõorũgũrocu.

"Yure quẽnaro yicami Cristo", Pablo ĩ yire queti

¹² Mani uju Jesucristo, quẽnaro yure ejarẽmocami, ĩ ocare yu gotimasiocudirotire yigu. "Yu bojarore bajiro gotimasiocudicõa ñarũgũrucumi" yigu, yure cõacami. To ĩ yicati ñajare, "Quẽnaro yicaju mu", ĩre yivariquẽnaja yu. ¹³ Tirãmuju Jesús ocare ajite, to yicõari, ajatud'irũgũboacaju yu. To yicõari, Cristore ajitirãucõarẽ buto rojose yirũgũcaju. To bajiro yicacu yu ñaboajaquẽne, yure ĩmaifũmi mani uju. "Yure ajitirãucõarẽ ñari, yure rojose ĩ yisere masibeami Pablo maji" yimasicõari, yure quẽnaro yicami, ĩ oca yu gotimasiocudirotire yigu. ¹⁴ Quẽnaro yure ĩ yicati suorine ĩre ajitirãucõaja yu. To yicõari, ĩre quẽne, gãjerãre quẽne, maĩaja yu.

¹⁵ Adi muare yu gotiroti riojo ñaja. Tire masa ñajediro ĩna ajitirãucõajama, quẽnaruarõja. Ado bajiro bajijaja: Rojose yirã rojose tãmuotujabetiriarõju ĩna vaborotire ĩnare yirẽtobosaru, adi macarucõarõju vayumi Cristo. Yu ñaja rẽtoro rojose yicacu. ¹⁶ To bajiro yicacu yu ñaboajaquẽne, yure ĩamaicõari, rojose tãmuotujabetiriarõju yu vaborotire yure yirẽtobosayumi Cristo. To bajiri, gãjerã quẽne, "Pablõre bajiro Cristore mani ajitirãucõajama, rojose mani yisere manire quẽne masiriorucumi Dios" gãjerã ĩna yimasirotire yigu, to bajiro yiyumi. ¹⁷ Mani uju Dios ĩ rotise jedibetiruarõja. İ ñaami ñajediro ti ruyuaroto rijorõju ñamasir'i, to bajicõari, ñacõa muorũgũrocu. Sigũ ĩre ĩagũ magũmi. İre bajiro bajigu magũmi. To bajiri, ĩre quẽnaro yirucubõorũgũroti ñaja manire. To bajirone bajiatõ.

^a 1:4 1 Ti 4.7; 6.20; 2 Ti 2.16; Tit 1.13-14.

18-19 Timoteo, yu macare bajiro bajigu, yure quēnaro ajiya. Mure yu gotiroticatore bajirone yiroti űaja mure. Tirūmūju Diore gotirētosarimasa, “Dios ocare gotirūcūmi” ina yicatore masiritibeticōari, ĩ ocare gotimasiocōa űarūcūja mu. To bajiro mu bajijama, vāti rojose mure ĩ yirotisere cudibeticōari, Cristojare ajitirūncōa űarūcūja. Gājerā sigāri űaama ĩ ocare ajitirūnu tūjacana. To bajicana űari, socasejare ajitirūnurā űarāma.^b 20 To bajiro bajicana űaama Himeneo, to yicōari, Alejandro quēne. Diore ajitirūnu tūjacana, ĩre rēcububeticama ĩna. To bajiri, “Vātia űju, Satanās, ĩ bojarore bajiro rojose muare yimasirūcūmi yuja”, ĩnare yicaju yu, “Rojose tāmūo quēnabeti tuoĭamasi, Dios ĩ bojarore bajirojua yato” yigu.

2

“Gājerāre ejarēmoato’ yirā, Diore sēnibosarūgūroti űaja”, Pablo ĩyire queti

¹ űasuose ado bajiro mure rotiaja yu: Toana rāca rējacōari, Diore sēnirā, masa jedirore sēnibosarūgūroti űaja muare. To yicōari, masare quēnaro ĩ yisere ĩarā űari, “Quēnaro yaja mu”, ĩre yirūgūroti űaja. ² Gobiernore quēne, űjarā jedirore sēnibosarūgūroti űaja. To bajiro mani yijama, Dios ĩ ejarēmose rāca űie oca mano űaruarāja mu. To bajiri, Dios ĩ bojarore bajiro quēnase rīne yirūgūrarāja. ³ To bajiro ĩnare mu sēnibosajama, muare ajivariquēnagūmi Dios, rojose tāmūotūjabetiriaroju mu vaborotire muare yirētosarosū. ⁴ Masa jediro rojose tāmūotūjabetiriaroju ĩna vabetirotire bojami. To bajiro bojagu űari, ĩ oca riojo gotimasiore quēne masa jediro ĩna masisere bojami. ⁵ Sigūne Dios ĩ űasere masiaja mani. Gāji mani rēcubūogu magūmi. To bajicōari, Jesucristo quēne, ĩ sigūne űaami manire bajirone ruju cuticōari, adi macarūcuroana Diorāca quēnaro mani űarotire yigu, rijabosar’i. ⁶ Mani jedirore rojose mani yise vaja manire yirētososagu, rijabosayumi. To bajiro ĩ bajire űajare, “Masa jedirore yirētososarūmi Dios”, yitūoĭamasiaja mani. ⁷ To bajiri, “Ti ocare jud’io masa mere quēnaro gotimasiocudirūcūja mu”, “Rojose mani yise vaja manire yirētososayumi” yitūoĭato ĩna’ yigu”, yure yicami Cristo. Socu me yaja yu.

⁸ Cristo ĩ cōacacu űari, toana ĩre ajitirūnurā jediro ado bajiro ĩna yirore yu bojasere mure gotiaja yu: űmuare gotigu yaja. Gājerāre jūnisinirā űaboarine, Diore ĩna sēnijama, quēnabeaja. To yicōari, gājerāre oca josarā űaboarine, Diore ĩna sēnijama, quēnabeaja ti quēne. Diore sēnirāma, rojose yimena űato.^c ⁹ Rōmiare quēne gotigu yaja yu. Cristore ajitirūnurā, űmu rāca ĩna rējaroto rījoro, quēnaro tuoĭacōari, ĩna sudi sāűasere bojaja yu. “ĽNo bajiro yirāti mani, ‘Manire ĩvariquēnato űmu’ yirā?”, yitūoĭabetiroti űaja. ĩna joare quēnorā, “ĽNo bajiro quēnorāti, mani joare, ‘űmu quēnaro ĩvariquēnato’ yirā?”, yitūoĭabetiroti űaja, ĩnare. ĩna busajaquēne, “Manire ĩvariquēnato űmu” yirā, jairo vaja cutise, perla vāme cutise, oro vāme cutise quēne, busabetiroti űaja ĩnare. To yicōari, sudi sāűarā, “Manire ĩvariquēnato” yirā, sudi jairo vaja cutise sāűabetiroti űaja. ¹⁰ Ado bajirojua yirūgūroti űaja: “Cristore ajitirūnurā űaja mani’ yirā űari, quēnase yirā mani űajare, manire ĩvariquēnato”, yitūoĭarūgūroti űaja, ĩnare. ¹¹ Dios ocare ajirā mu rējarojure, űagōmenane, ĩnare gotimasiomasa ĩna gotisere rēcubūose rāca ajirujiroti űaja, rōmiare. ¹² ĩnare gotimasirotibeaja yu. To yicōari, űmuare ĩna rotisere quēne bojabeaja yu. űagōmenane, ĩna űacōajama, quēnaja. ¹³ Rījoro Adān űamasir’ire rujeosomasiűuju Dios. Bero ĩ manajo Evare rujeomasirūju. ¹⁴ To bajicōari, Adān me űamasirūju vātia űjere yitocomasir’i. ĩ manajojua űamasirūju vātere yitocomasirio. Vāti ĩ yitomasisere cudicōari, rojose yimasirūju so. To bajiri, rōmiojua, űmure ajirūcubūoroti űaja. ¹⁵ Rojose yimasirio so űajare, “űajediro rōmia, ĩna rīa cutijama, rojose tāmūoruarāma”, yimasirūju Dios. To bajiboarine, Cristore ajitirūnu tūjamena űacōari, gājerāre ĩna majama, rojose tāmūotūjabetiriaroju ĩna vaborotire ĩnare yirētososarūcūmi Dios.

3

Cristore ajitirūnurāre űmato űarā ĩna bajire queti

¹ Jesure ajitirūnurāre űmato űaruarāre gotigu yaja yu. Socu me yaja yu. ĩna moarūasema, quēnase űaja. ² Tire ĩ moare cutirūajama, quēnaro tuoĭacōari, quēnase rīne yigu ĩ űajama, quēnaja. Quēnaro masa ĩna rēcubūogu, manajo cuticōari, gajeore ajerio cutibecu, ejari-masare quēnaro yigu, to bajicōari, quēnaro gotimasiomasigū ĩ űajama, quēnaja. ³ Mecūose idimecubecu, quēbecu, gājerāre ajijūnisinicōari, oca josabecu ĩ űajama, quēnaja. Rojose gājerā ĩna yiboajaquēne, ĩnare ĩamaicōari, quēnaro ejarēmogū űagūmi, “Quēnasejua tuoĭato ĩna’ yigu”. Gājoare bojatuoĭabecu űagūmi. ⁴ ĩ ya vianare quēnaro rotigu, ĩ rīa rēcubūose rāca ĩre quēnaro ĩna cudirore yigu, quēnaro ĩnare gotimasiogū űagūmi. ⁵ ĩ ya vianare quēnaro ĩ rotimasibetijama, Cristore ajitirūnurāre no bajiro rotimasibecūmi. ⁶ Cristo ocare ajitirūnurāre űmato űagū ĩ űarūajama, Cristore mame ajitirūnagū me űagūmi. Cristore

b 1:18-19 2 Ti 1.6. c 2:8 Mt 5.23-24; 6.14-15.

mame ajitirunugū ī ņajama, “Gājerā rētoro ņamasugū ņaja yu”, yituoīagūmi. To bajiro ī yijama, Satanās ī tuoīamasiriarore bajiro tuoīagū ī ņajare, “Rojose tāmurogucja” Satanāre Dios ī yirotimasiriarore bajiro yiecorucumi, ī quēne. ⁷ To bajiri, quēnaro yirūgūroti ņaja ĩre, “Cristore ajitirunūmena quēne, yare ĩarūcubuoato” yigu. To bajiro ī yibetijama, “Quēnaro yigu me ī ņajare, Cristo ocare ajirūabeaja yua”, yirāma masa. “To bajiro yato ĩna” yigu, rojosere yigu ņaami Satanās.

Cristore ajitirunurāre ūmato ņarāre moabosarimasa ĩna bajire

⁸ To bajicōari Cristore ajitirunurāre ūmato ņarāre moabosarimasare quēne, gājerā ĩna ĩarūcubuoarē bojaja mani. To bajicōari, ĩna bajirore bajirone bajirā ņarāma ĩna quēne. Mecuose idimecumena, “Gājoa bujarāsa” yirā, gājerāre yitomena ņarāma. ⁹ Dios oca socabetire mani gotimasiosere Dios ī ejarēmose rāca quēnaro ajitirunurā ņari, “Quēnase ņaja” ĩna yimasise rīne yirā ņarāma ĩna. ¹⁰ ĩnare mua beseroto rījoro, “Ānoa ņaama quēnase yirā, Cristo ocare quēnaro ajitirunurā” yimasiruarā, ĩnare ĩatirunūna maji. “Quēnaro ajitirunurā ņaama” ĩnare mua yimasijama, ĩnare beseruarāja mua yuja. ¹¹ Rōmiare quēne, Cristore ajitirunurāre ūmato ņarāre moabosarimasare gājerā ĩna ĩarūcubuoarē bojaja mani. Socarāne, “Ado bajise rojose yima”, gājerāre yigotirā me ņarāma. Quēnaro tuoīacōari, quēnase rīne yirā ņarāma. “Yiruarāja” ĩna yirore bajiro yirā ņarāma. ¹² Quēna Cristore ajitirunurāre ūmato ņarāre moabosarimasare, ūmūare gotigu yaja yu. Manajo cuticōari, gajeore ajerio cutibecu ī ņajama, quēnaja. ĩ rīa rūcubuose rāca ĩre quēnaro ĩna cudirotire yigu, quēnaro ĩnare gotimasioģū, to yicōari, ī ya vianare quēnaro rotigu ņagūmi. ¹³ Quēnaro ĩna moajama, gājerā ĩna ĩarūcubuoarā ņaruarāma. To bajicōari, Jesucristore quēnaro ajitirunurā ņari, Dios ocare ĩna gotimasiojama, quēnaro gotiruarāma.

Cristo suorine manire quēnaro Dios ĩyire queti

¹⁴ Yoaro mene mu tjuj varua tuoīaboarine, adi paperare mure ucacōaja yu. ¹⁵ “Varua tuoīaboarine, yoaro me mua tjuj yu ejařimabetijama, ‘Catimuořūģōrocu, Dios yarā ņari, ado bajiro yiroti ņaja’ yimasiao” yigu, adi paperare mure cōaja yu. Dios yarā ņari, “Ī oca, socabeti gotimasioře ņaja”, yigotĳaja mani. ¹⁶ Cristo suorine manire quēnaro Dios ĩyire queti quēnamasuse ņaja. Masa ĩna masibeti ī ejarēmose rāca mani masise ņaja. Ado bajiro bajĳaja ti:

Adi macarucurojū vadicōari, manire bajiro rujū cutĳiyuju Cristo. To bajicōari, Esp'iritu Santo suorine, “Īnie rojose magū ņaami”, yĳaņujarā masa. Āngel mesa quēne, ĩna ĩarūcubuoģu ņaņuju. Masa jedirore ī ocare gotimasioņujarā. To bajicōari, tocārāca sitana ī ocare ajitirunūņujarā. Manire rijabosacōari, ĩ tudicatiro bero, ō vecaju ĩ ņaroju ĩre āmicuasuju Dios.

4

Masa, Cristore ĩna ajitirunū tujaroti queti

¹ Cristore ajitirunurā, jārārā mani ņaboajaquēne, adi macarucuro ti jedirūtu vato cōrone sĳģari ĩre ajitirunū tujaruarāma. “Īre ajitirunū tujacōari, vāřia ĩnare ĩna yĳosere gotimasiořare ajitirunūruarāma”, manire yiyumi Esp'iritu Santo. ² ĩnare gotimasiořimasa ado bajiro bajirā ņarāma: “Quēnase gotimasiořaja” yirā ņaboarine, socasere gotimasiořā ņarāma. “Adi ņaja quēnase. Tĳjua ņaja rojose”, yimasimenama ĩna, rojose rīne tuoīarā ņari. ³ “Manajo cutĳibetĳiroti ņaja”, yirā ņarāma ĩna. To yicōari, “Tocārāca vāme babetĳiroti ņaja”, yirā ņarāma. ĩna tuoīariare bajiro me bajĳaja, Jesūre ajitirunurā Dios oca riojo gotimasiořere masĳģarema. Mani baroti ī cūreere barā, “Quēnaro yaja mu” Diore mani yirořire yigu, jediro bare cūmasiņumi Dios. ⁴ ņajediro bare Dios ī cūre quēnase ņaja. To bajiri, “Tocārāca vāme babetĳiroti ņaja”, yire maja manire. Bare mani bajama, “Quēnaro yaja mu” Diore yicōari, baroti ņaja. ⁵ “Bare ņaro cōrone quēnase ņaruarōja” ĩ yimasĳreere barā, “Quēnaro yiyuja mu” ĩre mani yĳjama, quēnaja.

Jesucristo ĩ bajirore bajiro yire queti

⁶ Mure yu gotimasioře jediro gājerā Jesucristore ajitirunurāre gotĳiroti ņaja mure. To bajiro mu yĳjama, Jesucristo ī bojarore bajiro ĩnare yĳejarēmogū yĳjaja mu. To bajicōari, Dios oca quēnasere gotimasio tujabecune, butobusa Diore tuoīavariquēnacōari, Jesucristo ĩ bojarore bajiro quēnaro yirūtu varucĳja mu.

⁷ Bucārā ye quetire socasere ĩna gotimasiosere ajĳbesa. Dios ĩ cūre me ņari, vaja mani ņaja. Tocārācarūmune, mu yirūģūrotĳjare tuoīacōari, ī bojarore bajiro quēnase rīne yirūģūņa.^d ⁸ Tocārācarūmune mani ruņere mairā ņari, quēnaro guacoerģģĳaja mani, “Catiquēnarā ņarāsa” yirā. To bajiro mani yise quēnase ņaja, bajirojuma. To bajiro mani yise rēřobusaro

^d 4:7 1 Ti 1.4; 6.20; 2 Ti 2.16; Tit 1.13-14.

quēnase ñaja tocārācarāmune, Dios i bojarore bajiro quēnase rīne mani yirūgūse. To bajiro mani yijama, adigodo mani catiñaro cōro, to yicōari, ò vεcaju Dios tujā mani ñajaquēne, quēnaro manire yicōa ñarucumi Dios. ⁹ Mure yu gotise, socase me ñaja. Masa jediro tire ina ajitirāñajama, quēnaruroja. ¹⁰ Socabeti ti ñajare, josari moarūgūaja yua. To bajīñarāne, catimorāgōrocare Diore ajitirāñarāre rojose ina bajiborotire inare yirētobosarocare tuoīa yuñaja yua.

¹¹ Adi queti yu gotise ti macanare mu gotimasiosere ajicōari, cudijedicōato ina. ¹² Bucu me mu ñajare, toana Cristore ajitirāñarā, mure ina rūcubuoetijama, quēnabetoja. To bajiri, “Bucu me yu ñabojajuquēne, yure quēnaro rūcubuoato” yigu, “Yure ejarēmorucumi Dios” ĩre yitōiācōari, ado bajise yirūgūña. Inare quēnaro ĩamaicōari, quēnase rīne yicōa ñarūgūña. To bajiro mu yijama, “Ī yire bajiro yiroti ñaja manire quēne” yitōiācōari, mure quēnaro rūcubuoarāma ina. ¹³ Yu ejaroto rījoro, toana rāca rējacōari, Dios ocare masa ina ucamasire quēnaro gotimasiorūgūña mu, “Tire ajicōari, butobusa ajitirāñarato” yigu. ¹⁴ “Quēnaro yimasiatō” yigu, Dios mure ĩ uocotire masiritibesa mu. Jesure ajitirāñarāre ũmato ñarā mure yua āmo ñujeorāne, Dios ĩ masise rāca, “Adi ñaja mu moaroti Dios ĩ cūre” yua yīñarone, tire mure ujoyumi Dios.^e

¹⁵ Adi queti mure yu gotimasiosere masiritibeticōari, mu yimasiro cōro yirūgūña. To bajiro mu yijama, mu yisere ĩacōari, “Butobusa Cristore ajitirāñarūtucayami”, yīñararāma ti macana. ¹⁶ Mu gotimasioroto rījoro, to yicōari, no bojase mu yiroto rījoro quēne, quēnaro tuoīacōari rīne, yirūgūña. To bajiro mu yicōa ñajama, mu gotimasiose ajitirāñarāre quēne, rojose tāmuoñajabetiriaroju mua vaborotire mure yirētobosarucumi Dios.

5

Cristore ajitirāñarā rāca ñare queti

¹ Sīgū bucu, rojose ĩ yiboajaquēne, tud'igure bajiro ĩre gotibesa. Ado bajiroja mu yijama, quēñaja: Rūcubuose rāca mu jacare mu yirore bajiro quēnaro ĩre gotiya. To yicōari, mamarāre quēne, mu bederāre mu yirore bajiro quēnaro inare yiya. ² Rōmia bucarāre mu jacore mu yirore bajiro quēnaro inare yiya. To yicōari, mamarā rōmiare quēne, mu bederāre mu rūcubuoore bajiro quēnaro inare rūcubuoaya.

³ Manaju rijaveoriarā maioro bajirā masu ina ñajama, rūcubuose rāca inare quēnaro ejarēmorūgūña. ⁴ To bajiboarine sīgō manaju rijaveorio rīa cutigo, to yicōari, jānerabatia cutigo so ñajama, ĩnaju ñarāma sore ejarēmorūgūrona. To bajiro ina yisere Dios ĩ ĩavariquēnase ñajare, to bajiro yirūgūroti ñaja. Mani jacua manire ĩamaicōari, mani daqueroju manire quēnaro ina yibucore ti ñajare, inare ejarēmorūgūroti ñaja, manire. ⁵ Manaju rijaveorio maioro bajiro masuare, so yarā sore ejarēmorā manijare, “Yure ejarēmorucumi Dios” yitōiācōari, ĩre sēnirūgūgōmo so. ũmua, ñamire quēne ĩre sēnirūgūgōmo. ⁶ Manaju rijaveorio, no so bojase rīne yigoyama, rojose yigo ñari, Dios ĩ ĩajama, catigo ñaboarine, catibecore bajiro bajicōa ñagōmo, rojose tāmuoñajabetiriaroju varoco ñari. Sojuarema ejarēmobetiroti ñaja. ⁷ Tire mure yu gotimasiosere mu tujā ñarāre Cristore ajitirāñarāre gotiya. Ina cudisere ĩacōari, “Rojose yama”, yirā maniruarāma. ⁸ Sīgū “Cristore ajitirāñarā ñaja yu” yiboarine, ĩ yarāre inare ĩ ejarēmobetijama, quēnabetoja. To bajiro bajigu ñari, Cristore ajitirāñarā tujacoar'ire bajiro bajigu ñagūmi. Gājerāma, Cristore ajitirāñarāma ñaboarine, ina yarāre ejarēmorā, rojose ina yiro rētoro rojose yigu ñagūmi.

⁹ Cristore ajitirāñarā manaju rijaveoriarā, mua ejarēmoronama, ado bajiro bajirā ñaruarāma ina: Sesenta cūmari rētoro tusana ñaruarāma. To bajicōari, sīgūne manaju cutiriarā ñaruarāma. ¹⁰ To bajicōari, gājerāre ado bajiro quēnaro yiriarā ñaruarāma: Ina rīare quēnaro bucoriarā, ejarimasare quēnaro yiriarā, “Yu rētoro ñamasurā ñaama” gājerāre Cristore ajitirāñarāre yitōiācōari, inare ejarēmoriarā, to yicōari, rojose tāmuarāre ejarēmoriarā ñaruarāma.

¹¹ Inare mua ejarēmoroto rījoro, ina manaju ĩ bajirocaro bero, “Gāji manaju cutibetiruocoya yu”, Cristore yisēniriarā ñaruarāma. Mamarābusa manaju rijaveoriarārema ejarēmobetiroti ñaja. Mamarāma, to bajiro yiriarā ñaboarine, buto manaju cutirua tuoīarāma ina quēna. ¹² To bajiro ina bajijama, “Rojose yirā yama”, inare yīñarucumi Cristo. ¹³ Gaje vāme quēne, ado bajiro bajirā ina ñajare, inare ejarēmobetiroti ñaja. Moamenane gājerā ya viriju ñacudirūgūrāma. To bajicudirā, socarāne, “Ado bajise rojose yima”, gājerāre yigotucidirūgūrāma. To yicōari, gājerā ina sēniābetiboajaquēne, “Ado bajiroja yiroti ñaja”, inare yigōjanabiorūgūrāma. To bajiro ina yijama, yibetirotirene yicōarāma. ¹⁴ To bajiro bajirā ina ñajare, quēna ina manaju cutirotire bojaja yu, “Rīa cuti, ina ya vi ĩatirāñu, yīñacōato” yigu. To yicōari, “Gājerāju inare ñagōmacaruarā, ina yisere ĩacōari, no yimasibeticōato” yigu, quēnaro ina ñasere bojaja

^e 4:14 2 Ti 1.6.

yu. ¹⁵ Jêre sîgōri mamarābusa manaju rijaveoriarā Cristore ajitirānu tujacōari, Satanājuare ajitirānu sūyarā ĩna ñajare, to bajiro mure gotibū yu.

¹⁶ Cristore ajitirānugō yarā, manaju rijaveoriarā ĩna ñajama, ĩnare ejarēmōrūgūroco ñagōmo. To bajiro so yijama, manaju rijaveoriarā maioro bajirāre ejarēmōrimasa ĩna manijare, ĩnare ejarēmomasiruarāma ĩna, gājerā Cristore ajitirānūrā.

¹⁷ Būcūrā, Cristore ajitirānūrāre ĩnare quēnaro ĩna ūmato ñajama, ĩnare rūcubūocōari, vaja yiroti ñaja. ĩna rācana quēnaro gotimasiorāre butobusa rūcubūoroti ñaja. ¹⁸ Dios ocare masa ĩna ucamasire, ado bajiro ti gotijare, tire ĩnare goticōaja yu: “Ta vecū risere siabibebesa, trigo gasere ĩre mua cūda jānerotijama, ‘Ī quēne bato’ yirā”, yigotijaja Dios oca masa ĩna ucamasire. Tire yigu, ta vecūa rīne tuoīagū me, yimasifūmi Dios. Gajeju quēne ado bajiro gotijaja: “Īna gotimasiose vajane bacatiruarāma”, yigotijaja Dios oca masa ĩna ucamasire.^f

¹⁹ Būcūre, “Rojose yimi” ĩna yi ocasājama, juarā, idiarā ñacōari ĩna oca sājama, ĩnare ajiroti ñaja.

²⁰ To bajiro ĩna yi ocasājama, Cristore ajitirānūcōari, rējarā jediro ĩna ĩaro rījorojuā tud’igūre bajiro ĩre gotiba mu, “Gājerā, būcūrā quēne tire ajicōari, ‘Manire quēne yiromi’ yimasiatō” yigu.

²¹ To bajiro mure yu rotisere ajirāma Dios, Ī macū Jesucristo quēne, ángel mesa, Dios Ī beseriarā quēne. Mu cūdirotire masiruarāma ĩna. Mu baba rojose Ī yijaquēne, yu rotirore bajiro cūdiya. ²² Cristore ajitirānūrāre ūmato ñarocure mu cūruajama, quēnaro yigu Ī ñasere ĩajeocōari, beseya. To bajiro mu yibetijama, rojose yigūre besegūja mu. To bajiro mu yijama, “Rojose yigūrene beseyumi”, mure yirāma. “To bajiro bajirobe” yigu, quēnaro ĩnare beseba. To yicōari, quēnase rīne yirūgūña.

²³ “Quēnase rīne yirūgūña” yigu ñaboarine, “Ūye oco idibetirūgūña”, yibeaja yu. Oco rī mere idirūgūña. Ūye oco quēne, mojoroaca idirūgūña, biyaroaca mu gūdajoa ti jūnirūgūse “Tujato” yigu.

²⁴ Ado bajiro ti bajijare, “Īnare quēnaro masicōari rīne, beseya”, mure yibū yu: Sīgūri rojose ĩna yisere ĩacōari, masiaja mani. To bajiboarine, gājerājuama, “Rojose yirā ñaama”, yimasifūmana ñaama. ĩnare quēnaro masicōari rīne, rojose yirā ĩna ñasere masiaja mani. ²⁵ To bajirone bajijaja quēnaro yirā ĩna ñase quēne. Sīgūri quēnase ĩna yisere ĩacōari, masiaja mani. To bajiri, ĩnare quēnaro mani masiroto rījoro, jēre “Quēnase yirā ñaama”, ĩnare yimasiaja mani. To bajiboarine, gājerājuama “Quēnase yirā ñaama”, yimasifūmana ñaama. ĩnare quēnaro masicōari, quēnase yirā ĩna ñasere masiaja mani. To bajiri Cristore ajitirānūrāre ūmato ñarāre, būcūrāre quēnaro masicōari rīne, beseya.

6

Gājerāre moabosarā ĩna bajire queti

¹ Jesucristore ajitirānūrā gājerāre moabosarā, ĩna ūjarāre rūcubūoroti ñaja. ĩna ūjarāre rūcubūobetire ĩacōari, “Rojose yirā ñaama Cristore ajitirānūrā; vaja maja ĩna gotimasiose”, yiruarāma gājerā. ² Sīgūri ĩna ūjarā, Cristore ajitirānūrā ñarāma. ĩnare rūcubūoroti ñaja. “Mani ūju Jesucristore ajitirānūrā ñari, Dios Ī mairā ñarāma ĩna quēne. To bajiri quēnaro ĩnare yibosato mani” yituoīacōari, butobusa ĩna moabosajama, quēnaja.

Cristo oca riojo gotimasiorere quēnaro ajitirānūre queti

Adi queti yu gotise ti macanare ĩnare gotimasioacōari, “Ado bajiro yirūgūruarāja mani”, ĩnare yīya.

³ Mani ūju Jesucristo ocare buerētobuobarine, ricati gotimasiorā ĩna bajisere gotijaja yu: Dios Ī bojase mani yisere riojo gotimasiomena ñarāma. ⁴ “Buto masirā ñaja yua” yituoīabarine, masimena ñarāma. Cristo ocare, “Ado bajirojuā yirūaro yaja ti”, gāmerā yi oca josarūgūrāma. To bajiro ĩna yise suorine, “Yu rētoro masirā ñaama” yīājūnisinire, gāmerā rūcubūobetire, “Socarā yama”, gāmerā yituoīare ñaroja. ⁵ Rojose tuoīarā ñari, Cristo ocare ajitirānu tujacōari, vāti Ī yitosere ajitirānūrā ñari, to bajiro yirūgūrāma. “Dios Ī bojarore bajiro mani yijama, gājoa būjaruarāja mani”, yituoīaboarāma ĩna. ⁶ To bajiro ĩna tuoīamavisioabajaquēne, mani cuoro cōro mani variquēnājama, Dios Ī bojarore bajiro mani yise suorine buto quēnase būjarūgūaja mani. ⁷ Adigodo mani ruyujama, ñie cuomenane ruyuararāja mani. To bajirone mani rijajaquēne, ñie āmi vamenaja mani. ⁸ To bajirona ñari, adigodoju ñarā, bare cuti, sudi cuti, mani yijama, variquēnaja mani. ⁹ Gājerājuama, jairo gājoa cuorua tuoīarūgūrāma ĩna. To bajiro tuoīarā ñari, rojose yisejarūgūrāma. To bajiro ĩna bajirotire yigumi vāti. To bajiro yirā rīne, rojose tāmūotujabetiraroju varuarāma. ¹⁰ Gājoare bojarā ñari, tocārāca vāmene rojosere yirūgūama sīgūri. Diore ajitirānūrā quēne, gājoare bojaca yirāne, Cristore ajitirānu tujacama. To bajiri, yuja, ĩna masune rojose tāmūorūgūama.

Timoteore Pablo rotire queti

¹¹ To bajiro ina yiboajaquene, mañama, Dios ya ñari, ñare bajiro yibesa. Dios i bojarore bajiro quēnase rīne yirūgūña. Buto rojose tāmūboarine, Cristore ajitirānū tujabesa. Gājerāre rūcūbūcōari, quēnaro ñare yirūgūña. ¹² Vāti rojose mure i yirotsere cūdbeticōari, Cristojuare ajitirānūcōa ñarucūja, “Ya macare ma ajitirānūjama, rojose tāmūotūjabetiraroju ma vaborotire mure yirētobosarucūja ya” Dios i yirere cūdicacu ñari. Tire ma cūdicatirāmure, jājarā ñacaju ya, gūbecane, “Cristore ajitirānūaja ya” ma yigoticatire ajicana. ¹³ Dios, adī macarucaro catiñasere rujeor'i, to yicōari, mani ūju Jesucristo quēne, mure ya rotisere ajirāma. Jesucristo ñaami gūbecane, Poncio Pilato vāme cūtigu i ñaro rījoro, gājerāre quēnaro mani gotirūgūrore bajiro gotir'i. Ado bajiro mure rotiaja ya: ¹⁴ Mure ya rotise ñaro cōrone quēnaro cūdiya, “Rojose yami” mure yiroma” yigu. Mani ūju Jesucristo adigodoju i tudiejaroto rījoro to bajiro rīne yicōa ñarūgūma. ¹⁵ Mani ūju, Dios, “To cōrone varucūmi” i yiriarāmune tudieja rotirucūmi. Īne ñaami gājerāre mani rūcūbūoro rētoro mani rūcūbūogu. Masirētogū ñagūmi. Nima gāji ĩre bajiro masigū magūmi. ¹⁶ Ī sīgāne ñaami ñajediro ti ruyaroto rījorojane ñar'i, to yicōari, rijabetirocu. Buto busuroju masa ĩna ejamasibetoju ñarūgūgūmi. Sīgū ĩre ĩagū magūmi. ĩre ĩarocu quēne magūmi. ĩre rūcūbūocōa ñarūgūroti ñaja manire. To bajiro rīne bajirūgūato.

¹⁷ Adigodoaye gajeyēni jairo cuorā ñacōari, “Gājerā rētoro ñamasurā ñaja ya” yirāre yibesa”, ĩnare yigotiya. “Jairo gājoa cuorā ñari, quēnaro ñarūgūruarāja mani” yitūoīabesa ma”, ĩnare yiya. Yoaro mene jedise ñaja gājoa. Dios catimūorūgōrocūjuare ajitirānūcōari, “Ī ñaami manire quēnaro ĩatirūnūgū”, yirūgūroti ñaja, ĩnare. “Quēnaro variquēnañato” yigu, manire quēnaro yirūgūami Dios”, yitūolarūgūroti ñaja. ¹⁸ To yicōari, “Jairo cuorā ñari, ti rāca cojoji me quēnase yirūgūña”, ĩnare yirotiya ma. “Īsivariquēnarūgūña”, ĩnare yiya. ĩna gājoare maimenane, gājerāre ejarēmōrā ĩna ĩsijama, quēnaja. ¹⁹ To bajiro ĩna yijama, quēnaro ĩna yise vaja ō vecaju gajeye cūrēmōrāre bajiro yirā, yiruarāma ĩna. Quēnaro ĩna yise vaja, ō vecaju quēnaro ĩnare yirucūmi Dios. ĩnare ĩ gotiriarore bajiro ĩna rijato beroju i rāca quēnaro ñacōa ñarūgūruarāma yuja.

Timoteore Pablo i gotitusare queti

²⁰ Ajiya Timoteo. “Cristo ocare quēnaro gotimasioato” yigu, mure cūñumi Dios. To bajiri quēnaro gotimasiorūgūña. Socasere ĩna gotimasiorūgūsere ajibesa. Dios i cūre me ñari, vaja mani ñaja, “Masirā ye ñaja” ĩna yitūoīaboase. ²¹ “Buto masirā yere gotimasioaja ya” yirāre ajisūyacōari, Cristo ocare ajitirānūbesujarā ĩna yuja.

Mani ūju Jesucristo, quēnaro mure yirūgūato.
To cōro ñaja.

Segunda carta de San Pablo a TIMOTEO

Timoteore, Pablo ï quënaroticðare queti

¹⁻² ĴNaboati mu, Timoteo? Yu ñaja Pablo vame cutigu, adi quetire mare ucasðagũ. Yu macure bajiro yu maigũ mu ñajare “macu” mare yaja yu. Mare quënarotigu, mani jaca Diore, to yicðari, mani uju Jesucristore quëne, ado bajise mare sënibosaja yu: “Quënarò mwa rãca ï ñarotire yirã ïre ejarëmoña”, mare yisënibosaja yu.

“ “Manire rijabosayumi Jesucristo” yirãre ña rijato beroju tudirijabeticðato’ yigu, yu catisere ñare ïsirucuja”, yicũmasiñumi Dios. To bajiro ï yicũmasire ti ñajare, “Ti quetire Jesucristore gotibosagu, to bajise gotimasiocudirucuja mu”, yicðañumi Dios, yure.

“Jesucristo ï bajirere masare gotimasio tujabesa”, Pablo ï yire

³ Yu ñicua Diore ña rucubomasiriarore bajirone ïre rucubwoaja yu quëne. Etmare, ñamire quëne ïre yu sënijama, “Dios ï ejarëmojare, ïre quënarò ajitirãnugã ñacami Timoteo” yimasigũ ñari, “Quënarò yaja mu”, ïre yivariquënarũgũaja yu. ⁴ To bajiro yu yijama, mare yu vadiveocatirãmu mu oticatire tuoïacðari, mare buto ñaruaja yu, mu rãca ñavariquënarũ. ⁵ Mu ñico Loida, mu jaco Eunice quëne, Cristore mu ajitirãnuròto rĩjorojuene ïre ajitirãnurã ñacama ña. “Ïna ajitirãnucatore bajiro ï quëne quënarò ajitirãnugã ñacami” yituoïacðari, “Quënarò yaja mu”, Diore ïre yivariquënarũaja.^a

⁶ To bajiro mare yituoïagũ ñari, ado bajise mu tudituoïarotire bojaja yu: Mare yu ãmo ñujeorone, “Adi ñaja mu moaroti Dios ï cüre” Diore yu yigotibosarone, quënarò mu yirotire mare ujoyumi Dios. To bajiro mare ï yire ti ñajare, tire masiritibecune, mu yimasiro cõro variquënase rãca quënarò yicða ñarucuja mu. ⁷ Mani tuoïabojonorotire yigu me manire ujoyumi Dios. Ado bajirojuã mani yirotire yigu manire ujoyumi: Jesús ï bajirere mani gotijama, gotigũibetrotire, masare mani mairotire, to yicðari rojosere yiruaboarine, tire mani yibetrotire yigu, manire ujoyumi Dios. ⁸ To bajiri, mani uju Cristo ï bajirere gotigũibesa. Cristo ï bojasere yigu ñari, tubibe ecocaju yu quëne. “Cristo suorine tubibe ecoyumi Pablo” yigũibecune, ado bajirojuã tuoïaña mu: “Cristo ï bojasere yigu ñari, Pablo rojose ï tãmuorore bajiro tãmuoroti ti ñaboajaquëne, Cristo suori quënarò Dios ï yise quetire ï ejarëmose rãca gotimasiocða ñarucuja yu”, yituoïaña. ⁹ Cristo ï rijabosere suorine, “Rojose mana ñaama”, manire yũañumi Dios. To yicðari, “Yu yarã ñari, quënarò yirã ñaña”, manire yiyumi. Adi macarucuro ï rujeoroto rĩjorojuene, “Ïnare mairucuja” yimasir’i ñari, quënase mani yibetiboajaquëne, “Rojose mana ñaama”, manire yũañumi Dios. ¹⁰ “Ïnare mairucuja yu” ï yiriarore bajirone yigu ñari, adigodoju Jesucristore cðañumi, manire ï rijabosarotire yigu. To bajiri Dios manire ï yire suorine mani masibetibotire, “Manire buto maiami Dios”, yimasiaja mani. To yicðari, “Jesucristo manire rijabosayumi” mani yituoïajama, mani rijato beroju “Tudirijabeticðato” yigu, Dios ï catisere manire ï ïsire quetire ajirã ñari, mani bajirotire gũibeaja mani.

¹¹ “Ti quetire ajitirãnuato masa” yigu, gotimasiocudirocure yure cðañumi Dios. ¹² To bajiri, ï bojarore bajiro gotimasiocudigu ñari, tubibe ecocðari, rojose tãmuoaja yu. To bajiro bajigu ñaboarine, yure ejarëmogũre Cristore quënarò masigũ ñari, ti quetire gotigũibeaja yu. To bajiri, “Yure ña sãaboajaquëne, Cristore ajitirãnurãjuama, quënarò yu gotimasiore bajirone ‘Gotimasiocða ñato’ yigu, mware ejarëmocða ñarucumi”, ïre yimasiaja yu. To bajiro ï yirã ñari, Jesucristo ï tudiejajaquëne, gotimasiocða ñaruarãma.

¹³ To bajiri, mare yu gotimasiocatire bajirone gotimasiocða ñaña. To bajiro mu yijama, “Jesucristore ajitirãnurãre manire maiami Dios” yimasigũ ñari, “Manire ï mairore bajirone ñare quëne yu mairotire yigu ejarëmorucumi” yituoïacðari, mu gotimasiore ñare maiña. ¹⁴ Dios ï ejarëmose rãca tuoïacðari, “Cristo suorine quënarò Dios ï yise quetire gotimasiorecu ñaja yu”, yicaju mu. To bajiri, “Quënarò gotimasioato” yigu, Esp’iritu Santo ï ejarëmose rãca mu yimasiro cõro yirũgũña. Gãjerã mu gotimasiore bajiro me ña gotijama, “Bajibeaja. Ado bajirojuã bajiaja”, ñare yigotirucuja mu.

¹⁵ Asia sitaju vadiriarã Cristore ajitirãnurã, yu babarã ñaboacana yu tuju vadiboarine, ejadimenane, tudicoarere jere masigũja mu. Ïna ñañuma Figelo, Hermógenes, to yicðari gãjerã quëne. ¹⁶⁻¹⁸ To bajiro ña bajiboajaquëne, Ones’iforo vame cutigũjuama, “Yu baba ñacami Pablo” yituoïagũibecu ñari, tubibe ecocðari yu ñarimacare ejasðagũjuma, macasuoasumi, yure bujacðariju “Tujagusa” yigu. Yure bujacðari, cojoji me quënarò yure ï yijare, variquënacaju yu. Ï ñarimaca Efeso vame cuti macaju yu ejaajaquëne, quënarò yure

^a 1:5 Hch 16.1.

ejarēmorūgūcami. Tire masigūja mu. To bajiro yicacu i ñajare, “Í ya vianare ñamaicōari, quēnaro yiba mu, masare mu beserirāmu ti ejaro”, Íre yisēñiñaja yu, mani ũjare.

2

“Cristo i bojasere yibosagu ñarucuja mu”, Pablo i yire queti

¹ Yu macare bajiro bajigu, ado bajise yu gotisere quēnaro ajiya mu: “Íre ajitirānugū yu ñajare, yure ñamaicōari, quēnaro yu yirotire yure ũjomyi Jesucristo” yimasigū ñari, i bojase rine yicōa ñaña mu. ² Mure yu gotimasiocaire gājerāre quēne gotimasiocaju yu. To bajiri, jājarā ñacama “Riojo gotiami Pablo” yirā. Tire riojo gotimasioronare gājerāre gotimasiotorirucuja mu, “Cristore ajitirānurā ñato ña quēne” yigu.

³ Surara masu, rojose Íre tāmuroti ti ñaboaquēne, i ũju i bojarore bajiro yigumi. Íre bajirone bajiroti ñaja mure quēne. Jesucristore ajitirānugū ñari, “Pablo rojose i tāmurore bajiro rojose tāmuroti ti ñaboaquēne, Cristo i bajirere gotimasiocōa ñarucuja yu” yituoīacōari, gotimasiotūgūña. ⁴ Surara i moajama, ũju i ñavariquēnarotire bojagu ñari, i rotise rine moagūmi. ⁵ To bajiro bajiaja ajerimasure quēne, “Gājerāre ajerētogūsa” yiboagure. Ajere vāmere bajiro i ajebetijama, i ajeboase vaja, vaja bujabecumi. ⁶ Gajeyere quēne ado bajiro yaja mani: “Vese moagūma, ñja ñaami ti vese ti rica cutiro, juasurocuma”, yaja mani. ⁷ Mure yu gotisere quēnaro tuoīaña. Quēnaro mu tuoīajama, gājerāre mu gotimasiotorire “Tuoīamasiatu” yigu, mure ejarēmorucumi mani ũju.

⁸ Cristo i bajirere masiritibeticōaña: ũju David ñamasir'i jānami, rijacoaboarine Dios suorine quēna tudicātir'i ñaami Jesús. To bajiri, “Rotimurogōrucumi” yigu, Dios i cōar'i ñaami. To bajiri, tirene gotirūgūaja yu, masare gotimasiogū. ⁹ Tire gotimasiogū ñari, rojose yir'ire bajiro cōmemarine sia ecocōari, tubibe ecoaja yu. Yure ña tubibeboajaquēne, Dios ocajuma gotitija ecobeturajoja. ¹⁰ To bajiri, “Ína ñaruarāma yu yarā” Dios i yūiararā quēnaro ña ñarotire yigu, rojose tāmuroja yu. Cristo i bajirere ajitirānurā ñari, “Ína rijato beroju Diorāca quēnaro ñaruarāma” yigu, gotimasiocōa ñaja yu.

¹¹ Ado bajiro gotire riojo ñaja: Cristore ajitirānurā ñari, rojose yiruaboarine, tire mani yibetijama, mani rijato beroju quēna tudicaticōari, i rāca quēnaro ñarūgūruarāja. ¹² Gājerā rojose manire ña yiboajaquēne, Dios i bojarore bajiro mani yicōa ñajama, ō vecaju i rotiroju i rāca ñaruarāja mani quēne. To bajiboarine, “Jesúre ajitirānurā me ñaja yua” mani yijama, i quēne, ō vecaju i jacu ñaro rījoroja, “Ínare masibeaja”, manire yirucumi. ¹³ Mani yirore bajiro yimena ñaboarine, “To bajirone bajigumi Dios quēne”, yituoīaroti me ñaja. Socagu me ñaami ña. “Yirucuja” i yirore bajirone yigu ñaami.

“Dios i bojarore bajiro quēnaro yija”, Pablo i yire queti

¹⁴ To bajiro mure yu gotisere, Cristo i bajirere gotimasiomasare ñare gotiya, “Tire masiritibeticōato” yigu. To yicōari, gaje vāme ado bajiro ñare gotirēmoña: “Socase ña yise ũni suorine gāmerā oca josabesa. Tire mua yijama, masare no bajiro yiejarēmobetoja. To bajiri, socase ña yisere ajanane, quēnasejuare ña ajiruaboasere ajimavisia tujacōarāma”, ñare yigotiya mu. ¹⁵ To yicōari, Cristore ajitirānurāre gotimasiogū ñari, Dios mure i ñavariquēnarotire yigu, mu yimasiro cōro variquēnase rāca quēnaro yirūgūña. To bajiro yigu ñari, bojonebecane, mu yirūgūserē Íre gotirucuja mu. ¹⁶ Adigodoaye rine tuoīacōari, “Gāmerā ñagōto mani” ña yijama, ñare ajibesa. Tire tuoīavariquēnarā ñari, Diojuare ajibeticōari, rojosejuare butobusa yirūtuana yirāma.^b ¹⁷ Socase ña gotimasiosejuare ajisuyacōari, Dios ocare ajiboariarā, jājarābusa ñarūtuaruarāma socasejuare ajirā. To bajiro bajiyuma, Hime-neo, to yicōari Fileto vāme cutigu quēne, Cristore ajisuyaboariarā. ¹⁸ Cristo i bajirere riojo ajisuyaboariarā, socasejuare ajisuyacōari, ña gotimasiojama, “Jere rijariarāre Dios i catiorarāmu rētoacoaja”, yisocarāma ña. To bajiro ña yijare, Dios ocare ajitujacōari, socasejuare ajisuyacoasuma sīgūri. ¹⁹ Socasere ña ajisuyacoaboajaquēne, Dios ocare ajisuyarā masujua, socasere ajisuyabetiruarāma ña. To bajiro ña bajirotire yiro, ado bajiro gotiaja ti: “Í yarāre ñamasiami mani ũju”, yigotiaja. To yicōari, gajeyere ado bajiro gotiaja: “Jesúre ajitirānurā ñaja yua” yirāma, rojose ña yisere yitujajama, quēnaja”, yigotiaja ti.

²⁰ Gotimasiore queti mure gotigu yaja yu: Gajeyetūni jairo ti ñarivima, oro rāca, to yicōari, plata vāme cuti rāca ña quēnoría sotari rione ñabetoja. Yucú rāca, riri rāca ña quēnoría sotari quēne ñaroja. Jairo vaja cuti sotarire iacōari, gājerā Íre ña ñarūcuburotore masigū ñari, ado bajiro tuoīagūmi ti vi ũju: “Ñamasurā ña ejaama, ñare bare ecagu, jairo vaja cuti sotari rāca bare jeogucuja”, yituoīagūmi, “Yure rācubuoato ña” yigu. “Yucú rāca, to yicōari, riri rāca quēnoría sotarine bare yu jeojama, yure rācubuoemenama” yigu, yu chose ñaruarōja”, yigumi. Ti sotarire bajirone bajiaja mani quēne, Cristore ajitirānurā. ²¹ Cristore ajitirānurā

^b 2:16 1 Ti 1.4; 4.7; 6.20; Ti 1.13-14.

ñaboarine rojose yirāma, tire yitujacōari, quēnasejuare ĩna yijama, “Rojose mana ñaama. ĩna suorine yure rūcubuoarāma gājerā quēne” yigu ñari, ĩre ĩna yibosarotire rotirucumi Dios.

²² To bajiri, ado bajiro yirūgũña mu: Mamarā, Diore ajimena, no ĩna bojase ĩna yise ũnire yibeticōari, ado bajirojua yirūgũña: “Ī yirore bajiro yigu ñaami” Cristore ĩre yituoīacōari, quēnase rīne yirūgũña. Diore, to yicōari “Jesucristore ajitirānurā ñaja yua” yisocamenare quēne, maicōari, mu rāca quēnaro ĩna ñarotire yigu, quēnaro ĩnare yirūgũña. ²³ Adigodoaye rīne tuoīacōari, “Gāmerā ñagōto mani” ĩna yijama, ĩnare ajibesa, “Tire mani gāmerā ñagōboajama, quēnabetoja” yimasigū ñari. ²⁴ Mani uju bojasere yiguma, oca josabecu ñagūmi. Ado bajirojua bajigu ñagūmi: Gājerāre ajirūcubuoōari, quēnaro ĩnare yigu ñagūmi. “Cristore quēnaro ajitirānuato ĩna” yigu, quēnaro gotimasiogū ñagūmi. ²⁵ Dios ocare riojo gotimasiomenare, Dios ĩ bojarore bajiro quēnaro yirūagu ñari, ĩnare ĩamaicōari, “Ado bajirojua bajajaja”, ĩnare yigotimasiogūmi. Dios suorine ricatijua tuoīacōari, ĩ oca riojo gotimasiorere ĩna ajitirānurotire bojagu ñari, to bajiro gotigūmi. ²⁶ Ī gotisere ajicōari, “Riojo gotiami” ĩre ĩna yiaijijama, “Satanās suorine masare yitorūgũñaja mani”, yirā ñari, ĩ rotiboasere yitujaruarāma ĩna.

3

“Adi macarucuro ti jediroto rījoro ado bajiro bajiruarāma masa”, Pablo ĩ yire queti

¹ Adi macarucuro ti jediroto rījoro Dios ĩ bojarore bajiro yirāma, buto rojose tāmuoarāma, jājarā ado bajiro rojose yirā ĩna ñajare: ²⁻³ Gājerāre maituoīamenane, ĩna masu yejuare tuoīarā ñaruarāma. Jairo gājoa cuorā ñaboarine, jaibusaro bojarēmorā ñaruarāma. “Ŋamasurā ñaja yua”, yijairā ñaruarāma. Gājerāma, “Ŋamasurā ñaja yua” yituoīarā ñaboarine, “To bajiro bajirā ñaja yua”, yibetiruarāma. Masare, Dios yere quēne, rūcubuoimena ñaruarāma. ĩna jacua ĩna rotisere cudimena ñaruarāma. Dios quēnaro ĩnare ĩ yiboajaquēne, “Quēnaro yaja mu”, ĩre yimena ñaruarāma. Gājerā rāca quēnaro ñamena ñaruarāma. Masa ĩaro rījorojua, socarāne, “Ado bajise rojose yima”, yigotirā ñaruarāma. Rojose ĩna yirua tuoīasere, “Yibeticōato mani”, yimena ñaruarāma. Quēnaro yirāre ĩaterā ñaruarāma. ⁴ “Mua babarā ñaruarāja” yiboarine, ĩnare ĩsirearā ñaruarāma. “Rojose yibetiroti ñaja” yituoīamenane, guaro rojosere yirā ñaruarāma. Dios ĩ bojasejua yiroti ũnirene yirā, ĩna bojasejuare yivariquēnarā ñaruarāma. ⁵ “Cristore ajitirānurā ñari, Diore rūcubuoaja” yigotirā ñaboarine, Dios ĩ bajirore bajiro yibetiruarāma.

To bajiro yirāre ĩacōari, ĩnare baba cutibesa. ⁶⁻⁷ ĩna ũna, no bojarone virire sājacudirā ñari, ado bajise tuoīarāre rōmiare bujarāma: Rojose ĩna yirua tuoīasere, “Yibeticōato mani” yibetiriarā ñari, “Rojose mani yise vaja rojose tāmuoarāja mani”, yituoīarāma. Tire tuoīasutirititērā ñari, gajeye no bojase mame gotimasiorejuare ajivariquēnaruarā ñarāma. To bajiri, socasere quēnaro ĩnare gotimasiorāma. To bajiro ĩna yijare, ajimasirā ñaboarine, Dios oca riojo gotimasioirejuarema masibetiruarāma. To bajiri, socarāne gotitorimasare ĩnare baba cutibetiroti ñaja. ⁸ ĩnare bajiro yimasifujarā ĩnare, to yicōari, Jambres vāme cutigu. Diore gotirētobosagu, Moisés ñamasir’i, uju, faraōne ĩre ĩ gotisere ajicōari, “Dios ocare ajirūcubuoeticōato” yirā, ĩaīañamanire yīomasifujarā ĩna. Ti ũnire yirā, adirāmuri ñarā quēne, Diore ajitirānurāre, “Ajitirānubeticōato” yirā, socasere gotimasiorāma. To bajiro yirā ñari, rojose rīne tuoīarāma. To bajiri, Cristo ocare riojo gotimasiorere ĩna ajitirānubetijare, “Yu macure ajitirānurā me ñaama”, ĩnare yīagūmi Dios. ⁹ Socase gotimasiorimasare, “Cristore ajitirānurā me ñaama” yimasibetiboarine, yoaro mene, “Socasere gotirūgūama”, ĩnare yīamasicoaruarāma masa. Tire bajirone bajimasifujaja, Janes, to yicōari Jambres mesare quēne. ĩna yitosere masibetiboarine, “Diore rūcubuoimena ñari, tuoīamasimenare bajiro yiyuma”, ĩnare yīamasicoasujarā masa jediro. To bajiri, socase gotimasiorimasare baba cutibetiroti ñaja.

“Yu bajicature tuoīacōari, quēnaro ñaña”, Pablo Timoteore ĩ yire queti

¹⁰ Mu baba cutibetironare bajiro me bajajaja mujuama. Yu gotimasiosere quēnaro ajitirānuadicaju mu. “Dios ĩ bojasere yigusa’ yigu, to bajiro bajijarūgūami”, yure yimasajaja mu. “Yure ejarēmorucumi Cristo” yu yituoīasere, yure ajirūcubuoimenare rojose yijūnisinibecu, yu maicōa ñasere, to yicōari, buto rojose tāmuoaraine, Cristore ajitirānurā ñari, yu gotimasioicōa ñarūgūsera masajaja mu. ¹¹ Antioqu’ia, Iconio, Listra vāme cuti macariju rojose yu tāmuoatire masajaja mu. To bajiro rojose yure ĩna yirūgūboajaquēne, gotimasioicōa ñacaju yu. Tocārācājine rojose yu tāmuoatire yure yirētobosacami mani uju. ¹² “Yu sīgūne rojose tāmuoogū me bajajaja”, yituoīajaja. Tocārācūne Jesucristore ajitirānurāma, Dios ĩ bojarore bajiro yirā ñari, rojose yiecoruarāma. ¹³ Rojose ĩna tāmuoñarone, socasere gotimasiorimasa quēne, “Diore gotirētobosarā ñaja yua” ĩna yisocajama, ĩna masune socasere gotiecorāre bajiro bajiruarāma. To bajiri, rojose yirā, to yicōari, socasere gotirā quēne butobusa Dios ĩ ĩvarequēnabetire yirūtuarāma.

¹⁴ To bajiro ina bajiboajaquēne, mujuama, Cristo ocare ajicōari, “Riojo gotimasiore ñaja” mu yiajicature ajitirānu tujabeja. “Yure gotimasiocana riojo gotimasiocama”, yimasaja mu. ¹⁵ To yicōari, daquegu ñagūjune, Dios ocare masa ina ucamasirere ajimasiadicaju mu. Tire mani buejama, “Jesucristo manire rijabosayumi’ yirāre quēnaro Dios i yise quetire butobusa masirā ñarūtuuarāja”, yimasaja mani. ¹⁶ Dios oca masa ina ucamasire ñajediro i ye ñaja. Tire ucamasiriārā, Dios i ejarēmose rāca tuoīacōari, ucamasifujarā. Ñajediro ado bajiro manire ejarēmoaja ti: Riojo ñamasusere manire gotimasioaja. “Rojose yigu ñaja mu” manire yigotimasiocōari, “Tire yitujacōari, ado bajiroja mu yijama, quēnaja”, manire yigotimasioaja. To bajiro yicōari, quēnaro mani yirūgūrotire manire gotimasiōrūgūaja. ¹⁷ Dios ocare ajiguma, “I bojarore bajiro quēnaseayere yimasijeocōato” yiro, to bajiro manire yigotimasiōrūgūaja Dios oca masa ina ucamasire.

4

“Cristore ajitirānarāre ado bajiro ñare gotiya”, Pablo Timoteore i yire queti

¹⁻² Ñamasuse mure gotigu yaja yu. Dios, i macu Jesucristo quēne tire ajirāma. Jesucristo ñaami, ñajediro rotiroca. Adigodojare tudiejacōari, catirāre, rijariarāre quēne, mani yirere iacōiarucami. To bajiro i yiroti ti ñajare, Cristo i bajirere gotimasiocōa ñarūgūña. Masa ina ajirūajama, ina ajirūabetijaquēne, inare gotimasiocōa ñaña. Rojose ina yirere, “Rojosere yiyuja yua” ina yimasirotire yigu, quēnaro ñare gotimasioña. To yicōari, “Rojose yitujaya mua”, inare yiba. “Ado bajiroja mua yijama, quēnaruroja”, inare yigotiba. To bajiro ñare mu gotimasiobajaquēne, rojosere ina yicōa ñajama, ñare gotimasiocōa ñarucuja mu. ³ Ado bajiro bajiroti ti ñajare, quēnaro ñare gotimasiōrūgūña mu: Adirūmuri Dios ocare mu gotimasiōsere ajirūgūrāma masa. Berojama tire ajitecōari, ina ajirūasejuare gotimasiōrāre jirēocōari, “Yure gotimasioña”, inare yiruarāma. ⁴ Dios oca riojo gotimasiorejuare ajitujacōari, tirūmāna ina tuoīarūgūmasirejuare ajitirūnarāma ina. ⁵ Mujuama, “To bajiro yirota” yigu, roori ñarūgūrucuja mu. Rojose mure ina yiboajaquēne, Dios i bojase jediro yicōa ñarūgūrucuja mu. To bajiro yigu ñari, “Jesucristo manire i rijabosare ñajare, Dios yarā mua ñarūajama, rojose mua yisere yitujacōari, Cristore ajitirānuña”, yigotimasiocōa ñarūgūrucuja mu.

⁶ Jēre yujarema, tire gotimasiogū yu ñajare, yure ña sīaroti mojoroaca ruajaja. ⁷ Rojose tāmugū ñaboarine, mani ūju i roticature bajirone quēnaro yicoadicaju. To bajiri, tire yijeocōaja yu. ⁸ To bajiro yigu yu ñajare, masare Dios i iabeserirūmu ti ejaro, “Quēnaro mure yaja’ yure yirucami Dios”, yimasaja yu. To bajiro yure i yijama, yu sīgūrene yigu me yirucami. Ñajediro adi macarucurojare “Jesucristo tudiejarucami” yituoīarāre quēne, to bajirone yirucami.

“Yure ñagū vaba”, Pablo Timoteore i yire queti

⁹⁻¹¹ Yu rāca ñaboagu, Demas vāme cutigu, yure vaveocami, Tesalónica vāme cuti macaju vacu. Dios yere i mairo rētoro adigodoayere maigū ñari, to bajiro bajicami. Crescente vāme cutigujare, “Galacia sitanare Cristo ocare gotimasiōrucuja mu”, ĩre yicōacaju yu. To yicōari, Titore quēne, “Dalmacia sitanare gotimasiōrucuja mu”, ĩre yicōacaju yu. To bajiri, Lucas sīgāne ñaami yu rāca tujagu. To bajiro ti bajijare, yoato me busane vayā. Marcore ĩre macabujacōari, ĩre āmiaba. Yure ejarēmogū vadiato. ¹² T’iquico vāme cutigujarema, Efeso vāme cuti macaju ĩre cōacaju yu. ¹³ Mu vadijama, yu sudiro joeadore yure āmiadibosaba. Troas vāme cuti macagu, Carpo vāme cutigu ya viju cūcaju yu. Yu papperaturi juadibosaba. To yicōari, gajeye papera yu cūcatire quēne juadimasucōama.

¹⁴ Alejandro vāme cutigu, cōme rāca quēnocōari, ina rucuborotire yīsirimasu, buto rojose yure yicami. Rojose yare i yicati vaja, ĩre quēne rojose ĩre yirucami mani ūju. ¹⁵ ĩre roori ñaña mu quēne, “Rojose yure yiromi” yigu. Dios ocare mani gotimasiocature “Ajibeticōato masa” yigu, buto rojose i yicati ñajare, to bajiro mure yaja yu.

¹⁶ Hjarā ĩna ĩaro rījoroja, “Nie rojose yibecu ñaami” yure yiejarēmorā manicama. Yu rāca ñaboacana yure vaveojedicoacama. To bajiboarine, “Ti vaja, rojose ĩnare yibeticōato Dios” yigu, ĩre yisēniaja yu. ¹⁷ Yure ĩna vaveojediboajaquēne, mani ūjuma, ejarēmocōa ñacami. To bajiri, jud’io masa me ñarāre, “Quēnaro Dios yisere ajitirānuato ĩna” yigu, ĩnare gotimasiocaju yu. Tire ajicōari, “Rojose yigu yaja mu”, yure yibeticama hjarā, mani ūju i ejarēmose ti ñajare. To bajiri, yure sīaborona, sīabeticama. ¹⁸ Ō vecaju i rotīñaroju yu ejarotire bojagu ñari, yure ejarēmocōa ñagūmi mani ūju. To bajiri, gājerā, “Dios i bojabetire tuoīato ĩ” yirā, rojose yure ĩna yiboajaquēne, ĩre ajitirānuco ñarucuja yu. “Quēnarētogū ñaja mu”, ĩre yirucuborotirōgūroti ñaja manire. To bajirone bajiato.

“Quēnato masa”, Pablo i yicōare queti

¹⁹ To bajiri mani mairāre, Prisca vāme cātigo, so manaju Aquilare, to yicōari, Ones'iforo ya vianare quēne, ĩnare quēnaroticōaja yu. ²⁰ Erasto vāme cātiguma, Corinto macaju tuja-coacami. Gāji, Trófirmo vāme cātigurema, ĩ rijajare, Mileto vāme cāti macaju ĩre cūcaju yu. ²¹ Јубуцу rĭjoro yoato me busane vayá, “Pablo tuju ejagusa” yigu.

To bajiri, mure quēnaroticōama, adoana, Jesucristore ajitirūnarā jediro. Eubulo, Pudente, Lino, Claudia quēne, mure quēnarotiama.

²² Mure quēnarotigu, mani ujure ado bajiro mure sēnibosaja yu: “Ī rāca ĩarūgūña mu, mu bojasere ĩ yirūgūrotire yigu. To yicōari, ĩ rācanare quēne, quēnasere ĩnare cōaĥa mu”, mure yisēnibosaja yu.

To cōro ĩaja.

Carta de San Pablo a TITO

Titore Pablo i quēnaroticōare queti

¹ ¿Naboati mu, Tito? Yu űaja Pablo vāme cutigu adi quetire mre ucacōagū. Dios i bojasere yigu, Jesucristo i cōagū űaja yu. To i yigu űari, Dios i ejarēmose rāca i macure ajitirānūrāre bātobusa ire ina ajitirānūrōtire, to yicōari, “Dios i bojasere ina yirotere ajimasiato” yigu, gotimasiōrūgūaja. Tire ajimasicōari, i bojarore bajiro quēnaro yirūgūama ina. ² To bajiri, “Diore mani ajitirānūjama, rijacoaboarine, tudicaticōari, Diorāca quēnaro űacōa űarūgūrārāja mani” masa ina yitōirotire yigu, Jesús i bajirere inare gotimasiōrūgūaja yu. Macarucuro i rujeoroto rījorojane, “Ado bajiro yirucūja”, yimasifūmi Dios: “Yure ajitirānūrā, rijacoaboarine, tudicaticōari, yu rāca quēnaro űacōa űarūgūrārāma”, yimasifūmi Dios, socabecu űari. ³ “Ado cōrone ti quetire gājerāre gotimasiōrucūmi” i yiriarore bajirone yure goticudirotiyumi Dios, ire mani cāmotadicōa tūjaborotire manire yirētobosagu űari. ⁴ Mure yu gotimasiosere ajicōari, “Jesucristo yere ajitirānūaja”, yicaju mu. To yicōari, Jesucristo i bojarore bajiro mu yirūgūšere ĩacōari, “Jesucristore ajitirānūgū masu űaami”, mre yicacu űaja yu. To bajiri, “Mure maiaja” yigu, yu macure bajiro bajigu mu űajare, “macu” mre yaja yu. Mure quēnarotigu, mani jacu Diore, to yicōari, Jesucristo manire yirētobosar’ire quēne, ado bajise mre sēnibosaja yu: “Quēnaro mra rāca i űarotire yirā, ire ejarēmoűa”, mre yisēnibosaja yu.

Jesucristore ajitirānūrāre űmato űaronare Tito i besere queti

⁵ Creta vāme cuti yoanare, Jesucristore ajitirānūrāre yu gotimasiojeobetire, “Mujua gotimasio gajanorucūja”, mre yicaju yu. To yicōari, “Toju űarimacari cōrone Jesucristore ajitirānūrāre űmato űaronare besegusa” yu yicanare mre besebesaba, mre yivadicaju yu. ⁶ To bajiri, inare űmato űaronare mu beserotire yigu, mre gotiaja yu: Jesucristore ajitirānūrāre űmato űarocu, “Rojose yigu űaami” masa ina yibecu űarucūmi. Manajo cutigu, gajeore ajerio cutibecu űarucūmi. I rīa quēne, Jesucristore ajitirānūrā űaruarāma. “Rojose yirā űaama”, to yicōari, “Ina jacure rucubūomena űaama” masa ina yirā me űaruarāma. ⁷ Jesucristore ajitirānūrāre űmato űarā, Dios i bojasere yirā ina űajare, “Rojose yirā űaama”, inare yibetiruarāma masa. Ina rācana ina gotijama, ajiterā, guaro jūnisiűimena, quēamena, idimecūmena, “Gājoa bujarāsa” yirā, gājerāre yitorā me űaruarāma. ⁸ Ado bajirojua bajiri űaruarāma: No bojase ina yiroto rījoro, quēnaro tūoiacōari yirā űaruarāma. To yicōari, ina ya vi ejarāre quēnaro yirā, no ina bojaro ina vacudijaquēne, masare ĩamaicōari, quēnaro inare yivariquēnarā űaruarāma. To yicōari, Diore quēnaro yirūcubūorā űaruarāma. Rojosere yiruarā űaboarine, tire yimena űaruarāma. ⁹ To bajiri socabetire Dios oca Cristo yere yu gotimasioatire ajitirānūrāriarā űari, quēnaro riojo ina gotimasiojare, bātobusa Jesús yere ajitirānūrārāma. “To bajiro me bajiaja” yirā quēne, “Riojo gotiama” yirā űari, ina gotimasiosere ajitirānūrārāma. To bajiro gotimasiorāre Jesūre ajitirānūrāre űmato űaronare beserucūja mu.

¹⁰ Tojare jājarā űacama, “Circuncisiōn yirere Dios i roticūmasirere yiroti űaja” yirā. To yicōari, socaserene masare ejarēmobetirene gotitorā űacama. To bajiro ina yijama, Dios i bojasere yirā me yicama. ¹¹ To bajise ina gotimasiosere, “To cōrone gotitujaya”, inare yiya mu. “Gājoa bujarāsa” yirā, socasere gotimasio űarāma. Tire ajica yirā, cojo viana me, ajimavisiarāma.

¹² “Rojose yama” yu yirore bajirone yiyumi Creta vāme cutiyogū ina yu quēne: “Creta vāme cutiyōana socarā űaja mra. Gājerāre rojose yirā, moamena, to yicōari, jairo barā űaja mra”, yiyumi, i yarāre. ¹³ To bajiro i yijama, riojo gotigu yiyumi. To bajiri socarāne masare gotitorāre buto inare gotiya mu, “Dios oca Jesús yejuare tūoiato ina” yigu. ¹⁴ Jud’io masa ina masune tūoiacōari socarāne ina gotisere, to yicōari ina rotisere quēne ajitujacōari, “Dios ye riojo gotisejuare ajiatō ina” yigu, inare gotiya mu.^a ¹⁵ Quēnasere tūoiarāma, jediro ina yise rīne quēnase űacōaroja. Rojosere tūoiarārema, ina yise jediro rojose rīne űaroja. “Adi űaja quēnase. Tijua űaja rojose”, yimasimenama ina, rojose rīne tūoiarā űari. ¹⁶ Ina űnama, “Diore masirā űaja yua” yirā űaboarine, rojosere Dios i ĩatesere yirūgūama. To bajiro yirā ina űajare, masa ina ĩavariquēnaboajaquēne, “Yu bojasere yibeama”, inare yīagūmi Dios.

2

“Ado bajirojua űaroti űaja manire’ inare yigotiya” yigu, Titore Pablo i ucacōare queti

^a 1:14 1 Ti 1.4; 4.7; 6.20; 2 Ti 2.16.

¹ Mújama, Dios ocare buecđari, riojo ĩnare gotimasioña, “Dios ĩ bojarore bajiro yirā ñato” yigu. ² Ado bajiro bućräre ĩnare gotimasioña: “Rojosere yiruaboarine, tire yimena ñaña. ‘Quēnase yirā ñaama’ masa ĩna yĳarāćućuorā ñaña. Quēnaro tćoĳacđari, quēnase rĳne yĳya. Gājeräre ĩamaicđari, ĩnare ejarēmoña. Cristo yere ajirā ñari, tire ajitirānu tujabesa”, ĩnare yigotimasioña mu.

³⁻⁴ Bucurā rōmirire quēne, ado bajiro ĩnare gotimasioña mu: “Diore ajitirānurā ñari, quēnaro yirā ñaña. Gājeräre socasere ĩnare gđjabesa. Idimećumenane ñaña”, ĩnare yigotiya. “Quēnase rĳne yirā ñari, mamarā rōmiri mame manajua ćutiräre, ‘Mua manajuae mua rĳare quēne ĩnare ĩamaiña’ ĩnare yigotiya mua”, ĩnare yĳya. ⁵ “Quēnaro tćoĳacđari, quēnase rĳne yĳya. Mua ye moare quēnaro moaña. Mua rācanare quēnaro yĳya. Mua manajuae ajirāćućuoya. ‘Tire yimenane, rojosejuae mani yĳjama, Jesús ocare ajirāma, “¿To bajise yirā ñañujarique?”, manire yiroma’ yirā, mamarā rōmirire ĩnare gotiya mua”, ĩnare yĳya, bućrā rōmirire.

⁶ Mamarā āmuare quēne, “Quēnaro tćoĳacđari, quēnase rĳne yĳya”, yigotiya mu. ⁷ Mu quēne quēnase rĳne yĳya mu. To bajiro mu yisere ĩacđari, “Īre bajiro yiroti ıaja manire quēne”, yĳruarāma. Dios ocare mu gotĳjama, “Masa yere ĩvariquēnacđari rāćućuoaťo” yĳgu me, rāćućuoae rāća quēnaro Dios ocare ĩnare gotiya. ⁸ Mure yu gotimasioatore bajiro riojo ĩnare gotimasioña, “Tire ajicđari, ‘Socayami’ yĳroma” yĳgu. To bajiro mu yĳjama, manire ĩaterimasa, riojo mu gotĳjare, tire ajicđari, bojoneruarāma.

⁹ ĩna ujaräre moabosarimasare Jesucristore ajitirānuräre quēne ado bajiro ĩnare gotiya: “Mua ujaräre quēnaro ĩnare ćadirūgūña, ‘Mani moasere ĩacđari variquēnato ĩna’ yirā. ¹⁰ To yicđari, mua ujarā yere juarudibesa. Tire ĩacđari, ‘Dios ocare ajitirānurā ñaama ĩna’ muare yĳruarāma. To bajiri, rojose mani tāmuoťujabetirotire manire yirēťobosagu yere ‘Quēnaro rāćućuoaťo ĩna’ yĳgu, quēnaro moaña”, ĩnare yĳya, ujaräre moabosarimasare, Jesucristore ajitirānuräre.

¹¹ “Jesucristore ajitirānurā rojose mani yise vaja rojose mani tāmuoťujabetirotire manire yirēťobosagure Dios ĩ cđare ti ıajare, quēnase rĳne yirā ñaña mua”, ĩnare yĳya mu. ¹² Ado bajiro Dios quēnaro manire ĩ yirūguse ıajare, “Quēnaro yirā ñaña mua”, ĩnare yĳya mu: Adigodo mani ćatiro cōro ĩ ĩatesere, ĩre ajimena ĩna yĳrore bajiro mani yĳruajama, “Quēnasejuae tćoĳacđari, yu bojarore bajiro quēnase rĳne yato” yĳgu, manire ejarēmoami Dios. ¹³ Jesucristo adigodojare tudiejacđari, quēnaro manire ĩ yĳrotire tćoĳayurā ñari, quēnasere yirūgūťoti ıaja. “Quēnarēťogū, ıaja yu” Dios ĩ yĳose rāća tudiejarāćumi. ĩ ñaami masirēťogū, rojose mani yisere Dios ĩ masiriose vaja, manire vaja yĳbosar’i. ¹⁴ Īre ajitirānurā, “ ‘Ñie rojose mana ñaama’ manire yĳĳato Dios” yĳgu, manire rijabosayumi Jesucristo. To bajicđari, “Rojose yĳruaboarine, yibeticđari, quēnasejuae yato” yĳgu, manire rijabosayumi.

¹⁵ To bajiri, mure yu gotirotisere quēnaro ĩnare gotimasiorūgūña mu. “Tire quēnaro mua ajisere bojaja yu”, ĩnare yigotiya. Mu gotisere ĩna ajibetĳjama, Cristore ıagđobosagu ñari, ujaräre bajiro bojonebecune gotiya mu.

3

“Jesúre ajitirānurāma, ado bajirojua ñaroti ıaja”, Pablo ĩ yire

¹ Gaje vāme ado bajiro ĩnare gotiya mu, “Masiritiroma” yĳgu: “Gobierno, to yicđari muare ũmato ñarā ĩna rotisere, quēnaro ĩnare ajirāćućuoya. To yicđari, gājeräre quēne quēnaro yirūgūña mua. ² Gājeräre socarāne rojose ĩnare ıagđbesa. Quēnase rĳne yirā ñaña. Rojose muare ĩna yĳboajaquēne, ĩnare ĩamaicđari, quēnaro ĩnare ejarēmoña. ĩnare ajirāćućuocđari, quēnaro ĩnare yĳya mua”, ĩnare yigotiya mu, Jesucristore ajitirānuräre.

³ Ado bajiro Dios quēnaro manire ĩ yise ıajare, gājeräre quēnaro yirūgūťoti ıaja manire: Mani quēne, Cristore ajitirānumena ñari, tćoĳamasimena ñariarāja mani. Diore ćudimena, socasejuae ajitirānurāriarāja mani. To yicđari, rojose mani yĳvariquēnasere rūgūmena ñariarāja mani. Gājerā ĩna ćuosere uorā ñariarāja mani. “Teose yirā ñaama” manire ĩna yĳjare, ĩnajuare quēne, “Teose yirā ñaama”, ĩnare yĳgāmejairā ñariarāja mani. ⁴⁻⁶ To bajiro rojose yirā mani ıaboajaquēne, “To cđrone ĩnare ĩamaicđari, quēnaro ĩnare yĳrāćuja yu” Dios ĩ yĳriarore bajirone Jesucristore cđañumi, “Rojose ĩna yise vaja rojose ĩna tāmūborotire ĩnare yirēťobosaaya” yĳgu. Īre mani ajitirānuroťo rĳjoro, quēnasere mani yĳbetĳboajaquēne, ĩre cđañumi. Ījama, manire ĩamaicđari, “Quēnaro ĩnare yĳrāćuja” yir’i ñari, yĳyumi. To bajiro ĩ yire ıajare, “Rojose mani tāmūborotire manire yirēťobosayumi” mani yĳťoĳajare. Esp’iritu Santore manire cđañumi Jesús, manire ejarēmorocure. To bajiro ĩ yĳjare, Esp’iritu Santo rāća ñarā ñari, “Ñie rojose mana ñaama” Dios ĩ yĳarā ñasuoyuja. To bajicđari, rojosere yĳruaboarine, tire yĳbetĳsuoyuja mani. ⁷ “Ñie rojose mana ñaama” Dios ĩ yĳarā ñari, mani rijato bero tudicaticđari, tudirĳjajamanire mani bujarotire, “Tćoĳavariquēna ñaruarāma” yĳgu, to bajiro yĳyumi Dios.

⁸ Dios yere socabetire mure goticōaja yu. Dios ye socabeti ti ñajare, quēnaro Dios i yirere tuoīarāre ĩnare mu gotimasiosere bojaja yu. “Quēnase rīne yīñato ĩna” yīgu, tire mure gotimasioroticōaja yu. No bojarā tire ajitirānūrārema ejarēmoruarōja. ⁹ Socase ĩna yise ũni suorine gāmerā oca josabesa. ĩna ñicua ĩna bajimasirere ĩna masise suorine gāmerā oca josabesa. Moisés ñamasir’i i roticūmasirere ajīmasibeticōari, ti suorine gāmerā oca mavisiabesa. Tima, masare no bajiro yiejarēmobetoja.

¹⁰ Sigū mua vatoaju, Jesucristo ocare ajitirānūrāre ricatine i gotimavisio ñajama, “Tire yibeticōaña”, ĩre yigotiba mu. To bajiro ĩre mu yigotiboajaquēne, i ajibetijama, quēna ĩre gotirēmoma. ĩre mu tudigotiboajaquēne, i ajibeti manicōajama, ĩre cāmotadicōama. ¹¹ ĩ masune, “Rojosere yīgu yaja yu” yimasiboarine, batobusa rojose i yicōa ñajama, ti suorine rojose ĩre yirucami Dios. To bajiri, rojose yijaigure masigū ñari, ĩre cāmotadiba.

Tito i bajiro tire Pablo i goticōare queti

¹² Artemas vāme cutigure mu taju ĩre cōarucuja yu. ĩre yu cōabetijama, T’iquico vāme cutigujare ĩre cōarucuja. ĩ ejaro ĩacōari, to i ñaro ũnone mu bajitūmaro cōro yure ĩagū varucuja mu, Nicópolis vāme cuti macaju. “Ti macaju juebucu rētorucuja”, yibu yu. ¹³ Apolos, to yicōari masare rotisere gotimasiorimasu Zenas vāme cutigu mu taju ejaruarāma. Mu tu eja, ñarūgūboa ĩna vato, mu ejarēmoro cōro ĩnare yirēmoma, “Quēnaro vajaro” yīgu. ¹⁴ Mua tuana quēne, Jesucristore ajitirānūrā ñari, gājerā ĩna bojase ti ruyajama, ĩnare ĩna ejarēmojama, quēnaja. Ti ñaja quēnaro ñarema. Gājerāre mani ejarēmobetijama, ñie vaja maja.

¹⁵ Mure quēnarotiaja yua jediro. Mu rācana quēne, Jesucristore ajitirānūrā, yuare mairā quēnato. Diore sēnirā, “Quēnasere ĩnare cōaña”, muare yisēnibosaja yua.

To cōro ñaja.

Carta de San Pablo a FILEMÓN

Filemón vāme cutigure, Pablo, Timoteo rāca ĩna quēnarotire

¹⁻³ ĶNaboati yua baba Filemón vāme cutigu? Mu ĩaja quēnaro yua maigū, yuare bajiro moagū. Mani maigō, Apia vāme cutigure, to yicōari, yuare bajiro moagū, Arquipo vāme cutigure quēne adi queti muare ucaja yua. Cristore ajitirānucōari, mu ya viju rējarūgūrā jedirore adi queti muare ucaja yua. Muare quēnarotirā, mani jacu Diore, to yicōari, mani ũju Jesucristore quēne, ado bajise muare sēnibosaja yua: “Quēnaro mua rāca ĩna ĩnarotire yirā, ĩnare ejarēmoña”, muare yisēnibosaja yua. Yu Pablo, mani maigū, Timoteo rāca adi papera rāca muare queti ucaja yua. Masare Jesucristo ocare gotimasiogū ĩari, adoju tubibe ecoaja yu.

Filemón Cristore ĩ ajitirānure queti

⁴⁻⁵ Mani ũju Jesucristore, to yicōari Dios yarāre quēne quēnaro mu maisere yure gotirūgūama masa. “Jesucristore quēnaro ajitirānucōa ĩaami. To bajicōari, Dios yarā jedirore ĩamaicōari, quēnaro yami” mure ĩna yisere ajivarīquēnaja yu. To bajiri, tocārācājine Diore sēnigū, “Filemónre quēnaro yiyuja mu”, ĩre yisēnirūgūaja yu. ⁶ Mu quēne, yure bajiro Jesucristore ajitirānugū ĩari, ĩajediro quēnaro Dios manire ĩ yisere mu ajimasirotire yigu, mure sēnibosarūgūaja. ⁷ “ĩnare ĩamaicōari, quēnaro mu yijare, varīquēnama Jesūre ajitirānūrā” ĩna yisere ajicōari, buto varīquēnarūgūaja yu quēne.

“Onésimo vāme cutigure quēnaro bocaāmiña”, Pablo ĩyire

⁸⁻⁹ Dios yarāre quēnaro yirūgūgū mu ĩajare, yure quēne quēnaro mu yirotire sēnigū yaja yu. Cristo ĩ cōacacu ĩari, mu yirūabetire rotimasirocu ĩaboarine, Dios yarāre quēnaro mu maisere masicōari, “Yure quēne maicōari, yu sēnīrore bajiro cudirucumi” yigu, mure sēnīaja yu. Yu ĩaja bucū Pablo. To yicōari, Cristo ĩ bajirere yu gotimasiose suori adoju tubibe ecoaja yu. ¹⁰ Ado bajiro mure sēnīaja yu: Quēnaro ajiya, Filemón. Onésimo mure moabosarimasu ĩaboarīre, yu macure bajiro bajigure sēnibosagu yaja. Adoju tubiberiavi ĩagū, Cristo ĩ bajirere yu gotimasīocati suorine Jesucristore ajitirānucami.

¹¹ Tirāmūju mure moabosarimasu ĩaboarine quēnaro mure moabosabesumi. Yucurema quēnaro ejarēmogū ĩaami. To bajiri, mure quēne quēnaro mure ejarēmorucami. ¹² Mu taju ĩre varotīaja yu. ĩ ĩaami buto yu maigū. To bajiri, quēnaro ĩre bocaāmiña. ¹³ Bajīgūjuma, yu rāca ĩ ĩasere bojaboaja yu, “Tubiberiavīju yu ĩaro yure ejarēmoato” yigu. To bajiro ĩ bajijama, sōju ĩacōari, yure mu ejarēmomasibetijare, mure ĩ moabosaroti ũnirene, yuare ejarēmocōa ĩabogumi. ¹⁴ To bajiboarine, “Pablo taju ĩ tujasere bojaja yu quēne” mu yiroto rījoro, “Adoju tujaja Onésimo”, yirūabeaja yu. To bajiri, ĩre bojagu ĩaboarine, mu taju ĩre varotīaja yu. Mu taju ĩ tudiejasere ĩacōari, “Pablore ejarēmorucu ĩaja mu” ĩre mu yijama, quēnaroja. ¹⁵ Mure rudīadīcōari, yoaro me adoju ĩ ĩarotire bojarimi Dios, mu taju tudiejacōari, quēnaro ĩ ĩacōa ĩarotire yigu. “Yucurema Jesucristore ajitirānugū ĩari, ĩ rijato beroju ĩ catirotire Dios ĩ ĩsir’i ĩari, ō vecaju quēne mu rāca quēnaro ĩacōa ĩarūgūrucami” yigu yaja yu. ¹⁶ Mu taju ĩ tudiejaro, “Yu moarimasu tudiejaami” ĩre yigu me, ĩre ĩamairucuja mu. “Jesucristore ajitirānugū ĩari, yu maigū, yu bedire bajiro bajigu ĩaami” yitūoīagū, ĩre ĩamaima. To bajiri ĩre yu mairo rētoro muja, ĩre mairucuja mu.

¹⁷ To bajiri, mu taju ĩre tūocōagū yaja yu. “Pablo quēne, yure bajiro Jesucristore ajitirānugū ĩagūmi” mu yitūoīajama, yurene bocaāmigūre bajiro Onésimore bocaāmima. ¹⁸ Tirāmūju rojose yir’i ĩ ĩajama, to yicōari, no bojase mure vaja mor’i ĩ ĩajama, yuare vaja sēniña. ĩre vaja yibosaru yaja yu. ¹⁹ Yu masune adire ucaja yu: “Onésimo mure ĩ vaja more ti ĩajama, ĩre vaja yibosarucuja”, yiucaja yu. To bajiro yu yiboajaquēne, ado bajise tūoīagūja mu: “Pablo ĩ gotimasīocati suorine Jesucristore yu ajitirānucōcati ĩajare, yu rijato beroju yu catirotire Dios ĩ ĩsir’i ĩaja yu. To bajiri ĩ gotimasīore vaja yure ĩ sēnijama, ĩre vaja yijeomasibecuja”, yitūoīagūja mu. ²⁰ To bajiri, Onésimo rojose mure ĩ yirere masirīocōari, ĩre quēnaro mu bocaāmijama, “Mani ũju ĩ bojarore bajiro yiyumi” mure yimasicōari, buto varīquēnarucuja yu.

²¹ “ ‘Quēnaro ĩre bocaāmiña’ yu yiro rētoro quēnaro ĩre yirucami” mure yitūoīacōari, adi papera yu ucase rāca mure sēnīaja yu. ²² Gajeye ado bajise mure yaja yu: Mu taju yu cānīrotisōa yure quēnoyubosaja. “Diore yure mua sēnibosarūgūrore bajirore yoaro mene adoju tubiberiavire budirucuja”, yitūoīaja yu. To bajicōari, muare ĩagū varūaja yu.

Pablo, ĩ rācana quēne ĩna quēnarotire queti

²³ Mani maigã, Epafraſ mure quẽnarotiami. Ī quẽne, Jesucristo ĩ bojasere yigũ ñari, adoju tubiberiaviju yũ rãca ñaami. ²⁴ Gãjerã, yũ rãca moarã, Marcos, Aristarco, Demas, Lucas quẽne, mure quẽnarotiana ĩna quẽne.

²⁵ Mani uju Jesucristo, quẽnase mure cõarũgũato.
To cõro ñaja.

Carta a los HEBREOS

Ī macu suorine ĩ ocare Dios ĩ gotimasiore queti

¹ Tirāmũju cojoi me mani ñicuaare Hebreo masare ĩnare gotimasioñuju Dios. Īre gotirētososariarā suorine ĩnare gotimasioñuju ĩ. Īna gotise rĩ me ĩnare yimasiosasiñuju. Gajeye quēne, ricati ĩnare ĩ yirotoćomasire rāca ĩnare yimasiosasiñujarā. To bajiri, “To bajiro tuoĭagũ ñagũmi”, yimasioñujarā ĩna, mani ñicua. ² To bajiri yucũrirema, Dios ĩ macure manire ĩ cōajare, quēnaro Diore masiaja mani. Macarũcuro, ō vecaye ñajediro ĩ macu suorine tire rujeomasioñuju Dios. Ī macune ñaami, “Jediro macarũcuroayere suorũcũja mu” ĩ yimasir’i. ³ Dios macure ajitirũnurā ĩre masirā ñari, “Rētoro ñamasugũ ñagũmi Dios”, yimasiaja mani. Diore masirā ñarāma ĩ macure masirā. Ī macure quēnaro masicōari, “Ī jacure bajirone bajigu ñagũmi”, yimasiaja mani. Ī macune ñaami, “Adi macarũcuroaye bajimũorũgōato” yirotimasir’i. Īne ñaami, Diore ajitirũnurā rojose mani yise vaja manire rijabosacōari, Diorāca ñajedirore rotigu.*

“Ángel mesa rētoro ñamasugũ ñaami Dios macu”, yire queti

⁴ To bajiri adirãmuri Diorāca rotigu ñari, Diore moabosarā ángel mesare rētoro ñamasugũ ñaami Dios macu. ⁵ Ī sīgũne ñamasugũ ĩ ñajare, ado bajise ĩre yiyumi Dios: “Adirãmũne yu macu ñari, yure bajiro rotisũorũcũja mu”, ĩre yimasioñuju Dios.

Ángel mesarema, to bajiro ĩnare yibesumi Dios. Gājerāre quēne, ti ũnire yibecane ĩ macu sigũrene tuoĭagũ, ado bajiro yiyumi Dios:

“Ī jacu ñaja yu. To bajiri yu macu ñaami”, ĩre yiyumi.

⁶ Ī macu ñamasugũre, adi macarũcurojũre ĩre cōagũ, ado bajise ĩre yiyumi:

“Ángel mesa quēne mure rũcũbuo jedicōarũarāma ĩna”, yiyumi Dios.

⁷ ĩre moabosarimasa ángel mesare yigu, ado bajiro yiyumi Dios:

“Ángel mesare yu rotijama, yoaro me mino ti vēatuvasere bajiro yoaro mene yure cũdirũarāma. To yicōari, jea ũjuse guaro ti ũjũjēniore bajiro yure moabosarũarāma ĩna”, yiyumi Dios, ángel mesa ĩre ĩna moabosarotire yigu.

⁸ Ī macu ñamasugũre yigu, ado bajirojũna yiyumi Dios:

“Yu macu ñari, Dios ñaja mu. Mu rotise jedibetirũaroja. Masare mu rotijama, yu bojarore bajirone quēnaro rotirũcũja mu.

⁹ Yu bojarore bajiro quēnaro yigu, rojosejũarema yibetirũcũja yitũoĩarũgũcaju mu. To bajiro yicacu mu ñajare, ‘Gājerā rētoro ñamasugũ ñaja’ mure vaja yu. To bajiro mure yu yijare, buto varũquēnaja mu”, yiyumi Dios, ĩ macure.

¹⁰ Quēna gajeye ado bajise yiyumi Dios, ĩ macure yigu:

“Rēmojũne adi macarũcurore rujeomasicaju mu.

¹¹ Mu rujeomasicati jedirone ti jedicoaboajaquēne, mũjũama, ñacōa ñarũgũrosu ñaja mu, Dios ñari.

¹² Sudi ĩna sãñasosere vejecōari, gajeye quēnase ĩna vasoasãñarore bajiro, adi macarũcuro ñase ti jedirore quēna gajeye vasoarũcũja mu. Mũma, rijabetirosu ñari, mũne ñacōa ñarũgũrũcũja mu”, ĩ macure yiyumi Dios.

¹³ Quēna, ĩ macu sigũrene ado bajise yirũcũbuoyumi Dios:

“Rũcũbuorĩajũre rujiya maji. Mure ĩaterāre, ‘Rojose yitajaja’ ĩnare yu yiro bero, rojose yimasibetirũarāma. To cōrone rotisũorũcũja mu”, yirũcũbuoyumi Dios, ĩ macure.

Ángel mesarema, to bajiro yibetimasioñuju Dios. ¹⁴ Ángel mesama, ruyumena ĩre moabosarā ĩ cōarā ñarāma. To bajiri, Diore ajitirũnurā ō vecaju quēnaro ĩ rāca ñaronare ejarēmōrā ñarāma ángel mesa.

2

“Ī macu suorine quēnaro manire Dios ĩ yirotire ajitirũna tũjabetiroti ñaja”, yire queti

¹ Dios macu ñamasugũ ĩ ñajare, ĩ ocare butobusa ajitirũnũto mani, tire mani ajitirũna tũjajama, “Quēnaro manire Dios ĩ yirotire masiriticōari, rojose yirobe” yirā. ² Tirāmũju ángel mesa suorine, Dios ĩ rotimasire Moisére ejamasioñuju ti. Tire, “Dios ye masu ñaũjuja”, yimasiaja mani. Tire cũdibetimasiriarā ñaboarine, rojose Dios ĩ yirotire masicōari, bojabetimasioñujarā. To bajiro bajirā ñaboarine, rojose tãmo jedicōamasioñujarā ĩna. ³⁻⁴ To bajiri Dios

* 1:3 Jn 1.1-3.

ī yirere masiboarine, ī rotimasire rētoro quēnasere mani ajitirānū tujajama, “No bajirojua yicōari rojose manire yibeticōato Dios”, yimasibetiruarāja. Rēmojune mani uju Jesūs űaűuju, adirodori Dios ī yarāre quēnaro ī yirotire gotisuar’i. Īre ajiriarā, ti ocare manire gotirētocama ĩna. To yicōari, Dios suorine jairo ĩaĩaűamanire manire yiōcama. To yicōari, Dios ī bojarore bajiro ĩna yimasirotire yigu, tocārācurene ricatī rīne ī masisere ĩnare ujoyumi Esp’iritu Santo. To ī yijare, manire quēnaro gotimasiocama ĩna. To bajiri, “Cristo oca socase mene bajajaja ti”, yimasicoacaja mani quēne.

Jesucristo manire bajigu ī ĩnare queti

⁵ Diore moabosarā, āngel mesarema, “Adi macarucuro jedirore rotiruarāja mua”, ĩnare yibesuju Dios. ⁶ Masajuarema, “Adi macarucurore rotiruarāja mua”, ĩnare yimasifūju. Sīgū, Diore ī sēnirere ucagu, ado bajise ucamasifūmi:

“Dios, ĩno yigu űamasurā me yua űaboajaquēne, yuare masiritibeati mu?”

⁷ ‘Āngel mesare bajiro bajibeticōato’ yigu, ‘űamasurā me űaruarāma’, yuare yiyuja mu. To bajiro yuare yicūr’i űaboarine, ‘űamasurā űato’ yuare yicūűuja mu quēna.

⁸ ‘Adi macarucuro űase jediro mu cūreere rotimasiato’ yigu, yuare cūűuja mu”, yīucamasifūju sīgū, Diore sēnigū.

“Noajuane masare cudimena maniruarāma” Dios ī yire ti űaboajaquēne, űajediro manire cudijedibeama maji. ⁹ To bajiboarine, sīgū adi macarucuroaye jediro rotimasigūre masiaja mani, Jesūs vāme cutigure. Ī bajirere ado bajiro masiaja mani: Āngel mesa rētoro űamasugū ī űaboajaquēne, “Yoaro meaca űamasugū mere bajiro bajirucūmi” yigu, adigodojure ĩre cōaűumi Dios. To bajiro ī yicōar’i űari, manire rijabosayumi Jesūs. Rojose tāmucōari, ī rijabosare űajare, “Jediro uju űamasugū űarucūmi”, ĩre yiyumi Dios.

¹⁰ Adi macarucuro űase jediro Dios ī rujeore űaja. Quēnaro ī rotimasijare, adi macarucuro bajise jediro bajiűarūgūaja. Jediro Jesucristo suorine, “Yu yarā űaama” Dios ī yīarā, “Yu tūju ejasiruarāma”, ĩnare yiyumi Dios. To bajiro yigu űari, “Rojose ĩna tāmucoborotire yirētobosaaya” yigu, ī macure cōaűumi Dios. To bajiro ī yiroticōajare, rojose tāmucōari, manire rijabosayumi Jesucristo. ¹¹ To bajiri, Jesūrāca űarā űari, sīgū rīare bajiro bajirā űaja mani. Mani quēne, Dios rīa mani űajare, bojonebecune, “Yu bederā űaama”, manire yigumi Jesūs. ¹² To bajirone gotijaja Dios ocare masa ĩna ucamasire:

“Mu bajisere yu bederāre ĩnare gotirucuja yu. ĩna rāca rējacōari, mure variquēnarā, basaruarāja yua”, yigotijaja.

¹³ Quēna gajeye ado bajise gotijaja, Jesūs Diore ī yirotire yiro:

“Yuare ejarēmorcūmi’ Diore ĩre yituoĭaja yu”, yigotijaja.

Quēna gajeye, ado bajiro gotijaja:

“Yu rīare bajiro bajirā űaama’ Dios ī yicana rāca adoju űaja yu”, yigotijaja, Jesūs ī yirotire yiro.

¹⁴ Mani, Dios rīa, sīgūre bajirone ruju cuti, rī’i cuti bajajaja mani. To bajiri, Jesūs quēne, Dios macu űaboarine, manire bajirone ruju cuticōari, manire rijabosayumi. To bajiro ī bajijama, ī rijabosare suorine rojose tāmucotūjabetiriaroju masare vāti ī varotiboasere tire tegu bajiyumi. ¹⁵ Adi macarucuro űarā rojose yirā űari, bajireacōari bero, “Rojose yiecoruarāja” mani yituoĭagūiboarere “To cōrone gūitajato ĩna” yigu, manire rijabosayumi. ¹⁶ To bajiri, “Āngel mesare ejarēmogū bajiyumi Jesūs”, yibeaja mani. Ado bajirojua yimasiaja mani: “Diore Abraham űamasir’i tūoĭariorore bajiro tūoĭarājuare manire ejarēmogū bajiyumi”, yaja mani. ¹⁷ To bajiri manire bajiro ruju cuticōari rojose tāmucōumi Jesūs. Adi macarucuro űagū paia uju ī űagōbosaro rētoro ī jacu ĩűaroju ī rijabosariarāre “űagōbosagusa” yigu bajiyumi Jesūs. Dios ī ĩajama, masa ĩna bajisere quēnaro gotirētobosagu, to yicōari masa rojose tāmucōare ĩnare ĩmaigū űaűumi. ĩne űaűumi masa rojose ĩna yise vajare “ĩnare masirioato Dios” yigu, rojose tāmucōari, ĩnare yirētobosar’i. ¹⁸ Cojojirema Dios ī bojarore bajiro ī yise, buto josarūgūűuju ti, Cristore. To bajiri rojose tāmucōuju ī. To bajirone bajajaja manire quēne. Manire bajiro bajir’i űari, Diore mani cūdiroti ti josajama, manire ejarēmomasiami Jesūs, “Yuare bajiro ĩna quēne, Dios ī bojasere yato” yigu.

3

“Moisés rētoro űamasugū űagūmi Jesūs”, yire queti

¹ To bajiri, “Jesūs manire ejarēmogū űaami”, yimasiaja mani. Manijua, “Dios ī ejarēmose rāca Cristore ĩre ajitirānuroti űaja” yimasicoari, ĩre cudirā űaja mani. “Yu yarā űato” Dios ī yiriarā űaja. Jesūjua űagūmi, “Masare quēnaro yu yirotire gotiba” Dios ī yicōar’i. To bajicōari, tirūmaju paia ujarā ĩna yisoadimasire űnire yigu, Cristo quēne rojose mani yisere “Masirioato Dios” yigu, manire sēnibosagu űagūmi. To bajiri, “űamasugū űagūmi Jesūs”, yituoĭato mani. ² Adi macarucurojare űagū Dios ī rotirore bajirone yigu, Dios yarā masare quēnaro ejarēmocūmi Jesūs. To bajirone yimasifūju Moisés űamasir’i quēne.

Dios i rotirore bajirone yigu, Dios yaräre quënarö ejarëmomasiñuju. ³⁻⁴ Quënarö ñare ejarëmomasiñ'li ñaboarine, “ ‘Rojose mana ñaama’ Dios i yïarä ñato”, yimasibetimasifiñuju. Jesuñuama, “ ‘Rojose mana ñaama’ Dios i yïarä ñato”, yimasigü ñaami. To bajiro yigu i ñajare, Moisés ñamasir'irëtoro Cristore rucuboroti ñaja. ⁵ Moisés ñamasir'ijuaama, Dios moarimasare bajiro bajimasifiñuju. To bajicöari, Dios i yirotirore bajirone cudigo, Diore ajitiränuräre quënarö ejarëmogü ñamasifiñuju. To bajiro i yimasirere tuoacöari, “Cristo suorö Dios manire quënarö i yirotirore gotimasioögü yimasifiñumi Moisés”, yimasiaja mani. ⁶ Cristojuaama, Dios moarimasare bajiro me bajiyuju. I ñaami Dios macu, i rotirore bajirone yigu. To bajicöari, Dios yarä uju ñaami Cristo. “Cristo suorö quënarö Dios i yirotirore yiecoruaräja mani” mani tuoiatujabetijama, i yarä ñacöa ñarügüraräja.

“Diore ajitiränu tujabesa mua”, yire queti

⁷ To bajiro Dios yarä ñari, Cristore ajitiränu tujabeticöato mani. Dios ocare masa ña ucamasire Dios yaräre gotigü, ado bajiro yimasifiñumi Esp'iritu Santo:

“Yucane muare yu gotisere mua ajijama, yu yirotirore bajiro cudiya.

⁸⁻⁹ ‘Mure ajitiränumenaja yua’ yibesa. Mua ñicua yure jünisinicöari, ña cudibetimasicatire bajiro bajibesa mua. Mua ñicua, masa manojü ña ñacudiro, juarä masa cöro ñaricömari ñañamanire ñare yïorügüboacaju yu. To yu yiboajaquëne, yure ajirucubomona ñari, ado bajise yirügücama ña: ‘Mani bojasejua mani yijama, ¿no bajise manire yirojari Dios?’ yirügücama ña.

¹⁰ To bajiro ña yisere jünisinicöari, ado bajise ñare yicaju yu: ‘Yure ajiterügüaja mua. To bajiri, “Ado bajiro tuoägü ñagümi”, yure yimasibeaja mua’, ñare yicaju yu.

¹¹ Quëna gajeye ñare goticaju yu: ‘Riojo muare gotiaja yu. Yu räca quënarö mua ñasere bojaboacaju yu. To bajiboarine cojoi me muajua yure mua ajibetijare, yu räca quënarö ñabetiruaräma’ yicöacaju yu”, yigotimasifiñumi Dios i cöagü Esp'iritu Santo.

¹² To bajiri mani ñicua Diore ña ajitiränu tujamasiriarore bajiro bajibesa yu yarä mua. Sigü mani yu, “Dios ocare socase ñaja” i yisere ajicöari, quënarö ire gotimasioña. “Masirëtögü Dios yere ajitiränu tujaromi” yirä. ¹³ Dios ocare gämerä gotivariquënaña mua. “Maji busiyu gämerä gotiroti ñaroja”, yituoabesa, mua räcana sigüri väti i rotisejuaere cudicöari, “ ‘Dios oca socase ñaja’ yiroma” yirä. To bajiri tocäracarümune gämerä goticöa ñarügüroti ñaja muare, “Tire ajitiränu tujabeticöato” yirä. ¹⁴ Tirämaju, Cristore ire mani ajitiränusocatore bajirone ire ajitiränucöa ñaroti ñaja manire. To bajiro mani bajicöa ñajama, mani bajirearo beroju ö vecaju Cristo räca quënarö ñacöa ñarügüraräja mani.

¹⁵ Tire muare yu gotirore bajirone gotiaja Dios ocare masa ña ucamasire:

“Yucane muare yu gotisere mua ajijama, yu yirotirore bajiro cudiya. ‘Mure ajitiränumenaja yua’ yibesa. Mua ñicua yure jünisinicöari, ña cudibetimasicatire bajiro bajibesa mua”, yigotiaja Dios ocare masa ña ucamasire.

¹⁶ Mani ñicua ña bajimasirere tuoñaña mua quëna: ¿Ñimarä ñañujari Dios i masune i gotisere ajirä ñaboarine, cudibetiriarä? Egipto sitaju ñaräre, Moisés i ümato variaräne bajiyuma.

¹⁷⁻¹⁸ Juarä masa cöro ñaricömari, Diore ña cudibetijare, buto jünisiniñuju Dios. ñare jünisinicöari, ado bajiro ñare yimasifiñuju Dios: “Riojo muare gotiaja yu. Quënarö sitare muare yu ujoaboacatore ejabetiruaräja mua”, ñare yimasifiñuju Dios. To bajiro i yire ñajare, ti sitaju ejamenane, masa manojü ña ñacudimasiriarojune bajireacoamasifiñuarä ña. ¹⁹ Tire ajicöari, “Diore ajirucubobetiriarä ñari, ti sitajare ejabesuma”, yimasiaja mani.

4

¹ To bajiri mani ñicua ña bajiriarore bajiro bajibeticöato mani. “Yu yarä, yu räca quënarö ña ñasere bojaja yu” ñare Dios i yiriarore bajirone yami, manire quëne. To bajiri, quënarö gämerä ejarëmoto mani, “Mani jedirone, Dioräca quënarö ñacöa ñarügüräsa” yirä. ² ñare Dios i yimasiboariarore bajiro manire quëne quënarö i yirotirore ajicaju mani. Mani ñicujuaama, Dios ocare ajirä ñaboarine, ñare i gotiriarore bajiro ña bajibetijare, “Toju ñaruaräja” i yimasiboariarore ejabetimasifiñuarä. ³ Manijuaama, Diore ire ajitiränu tujabeticöato mani. Ire ajitiränurä rine ñaräma quënarö i räca ñarona. To bajiro ti bajijare, ado bajise ñare gotimasifiñuju Dios, mani ñicuaere:

“Riojo muare gotiaja yu. Muare buto jünisinicöari, yu räca quënarö ñabetiruaräja mua”, ñare yimasifiñuju Dios, ire ajitiränubetiriaräre.

To bajiboarine adi macarucurore rujeogujune, “Masa yu beserä räca quënarö ñarucuja yu”, yituoacöamasifiñuju Dios. ⁴ To bajiro i yimasirere masiaja mani, Dios ocare masa ña ucamasire ado bajise ti gotijare:

“Adi macarucuro ñase jedirore rujeojeocöari, cojomo cöro, gaje ämo, jua jënituarirümure quënarö ñacöamasifiñuju Dios”, yigotiaja Dios ocare masa ña ucamasire.

⁵ To bajiri, “Yu ñarore bajirone quēnaro yu rāca ñaruarāma” i yiboarere ina ajitejare, ado bajiro ñare yimasifiñuju Dios:

“iYu rāca quēnaro ñabetiruarāja mua!”, yimasifiñuju.

⁶ “Yu rāca quēnaro ñato ina” yigu, Dios i yimasirere ajiriarā ñaboarine, i rāca quēnaro ñabetimasifiñujarā ina. To bajiboarine, masa rāca quēnaro i ñarotire bojacōa ñaami Dios. ⁷ To bajiri mani ñicua ñamasiriarā i gotirere ajitemasiriarā bero yoatoju David ñamasir'i Diore ajicōari, ado bajiro ucamasifiñuju:

“Yucane muare yu gotisere mua ajijama, yu yirotirore bajiro cudiya. ‘Mure ajitirānumenaja yua’ yibesa mua”, yuucamasifiñuju David ñamasir'i, Dios oca tutiju.

⁸ Diore ajitemasiriarā ina bajireajediro bero, ina rīa ñamasiriarā mani ñicua ñare ūmato vamasifiñuju Josué ñamasir'i, Dios ñare i ūjomasiriaroju. Toju quēnaro ñamasifiñujarā ina mani ñicua. Quēnaro ñaboarine, Diorāca quēnaro ina ñabetijare, ado bajiro yimasifiñuju Dios: “Yucane muare yu gotisere mua ajijama, yu yirotirore bajiro cudiya”, ñare yimasifiñuju quēna. ⁹ To bajiri muare yu gotisere ajicōari, ado bajiro ajimasirāja mua: “Dios yarā, i rāca quēnaro ina ñacōa ñarotire bojacōa ñagūmi”, yimasirāja mua. Diorāca quēnaro mani ñase ado bajiro bajiaja: Dios adi macarucurore rujeogajanocōari, quēnaro ñacōamasifiñuju. Tire bajirone bajiroja, Diorāca quēnaro mani ñacōa ñase quēne. ¹⁰ Adi macarucuro ñase jediro rujeogajanoacu, i bojarore bajiro ti bajirotirore masicōari, quēnaro ñacōamasifiñuju Dios. Ire bajiro quēnaro ñarucumi, “Ado bajiro mu yijama, yu rāca quēnaro ñarucuja mu” Dios i yirotisere cōdigu quēne. ¹¹ To bajiri i rāca quēnaro mani ñasere Dios i bojarore, quēnabusaro ire ajitirānuto mani, “I rāca quēnaro ñarāsa mani” yirā. Mani ñicua Diore ajitirānubeticōari, i rāca quēnaro ina ñabetimasiriarore bajiro bajibetiroti ñaja manire.

¹² “Dios oca ñamasuse ti ñajare, ajitirānucōa ñaroti ñaja”, muare yigotiaja yu. Masi-jeogu i ñajare, “To bajiro bajiraroja” i oca ti yigotirore bajirone bajiraroja ti. Jariase juajacatuajune bujariase mani usuju ti ejarore bajiro bajiaja Dios oca, mani ajise. To bajiri, mani tuoīase, “Masibecumi Dios” mani yiboasere quēne ñamasigū ñaami Dios. I oca suorine, “Rojose ñaja; quēnase ñaja”, yituoīamasija mani. ¹³ Disejua Dios i rujeore ire yayiomasiña manija. To bajiri, disejua mani yise, mani tuoīase quēne, i masibeti manija. I ñagūmi, ñajediro mani yisere mani gotiroca.

“Paia uju rētoro ñamasugū ñagūmi Cristo”, yire queti

¹⁴ Cristo, paia uju rētoro ñamasugū ñagūmi. Dios macu ñari, i taju manire ñagōbosagu ñagūmi. To bajiri, ire ajitirānu tujabeticōato mani. ¹⁵ “Cristo adi macarucuroju i ñaro, Dios i bojabetire yato” yigu, manire i yicoderūgūrore bajiro Cristore quēne rojosere ire yirotirūgūboayuju Satanās. To bajiboarine rojose yibesuju Cristo. “Yure quēne rojose yirotirūgūcamī Satanās; ñare quēne to bajirone yami” yimasigū ñari, “Dios i bojarore bajiro ina yiruaboase ñare josaja ti” yigu, manire ñamaicōa ñagūmi. Manire ñamaicōari, paia uju rētoro ñamasugū ñari, “ ‘Mure ajitirānu tujabeticōato ina’ yigu, ñare ejarēmoña”, i jacure manire yisēñibosarūgūgūmi. ¹⁶ To bajiri mani quēne, Diore guimenane, sēniroti ñaja. Ire mani sēnijama, rojose mani yise vaja rojose manire i yiborotire manire ñamaicōari, yibetirucumi. No bojarijune i ejarēmosere mani bojjama, quēnaro manire ejarēmorucumi.

5

¹ Mani ñicua ina ñarirodore ñamasifiñuju paia uju ñamasugū, Dios i beser'i, “Masare ejarēmoato” yigu, i cūr'i. Ado bajiro yirūgūmasifiñuju: Vauucurā ire ina ñisere quēne boca juacōari, soemuobosarūgūñuju, rojose ina yisere “Ñare masirioya mu” ñare yisēñibosagu. ² I quēne, manire bajirone bajigu i ñajare, Dios i rotise yimasijeogu me ñamasifiñuju i. “Yure quēne josaja” yituoīagū ñari, “Gājerā Diore ajitirānurāre, to bajirone bajiroja”, yīamafiñuju. ³ Manire bajirone rojose yigu ñari, “Rojose yu yise vaja yure masirioato Dios” yigu, gājerāre i sēñibosaroto rījoro, i quēne vauucu rii soemurūgūñuju. ⁴ Nijuañe, “Yu ñagūsa paia uju”, yibetimasifiñuju. Gājerā quēne, “I ñato”, yibesujarā. Dios sigūne, “Mu ñarucuja paia uju ñamasugū”, yimasigū ñamasifiñuju i. To bajiri, Aarón ñamasir'ire, “Paia uju ñaña”, ire yicūñomasifiñuju Dios. ⁵ To bajirone ire yiyumi Jesucristore quēne. Dione ire cūñumi. To bajiri ado bajise ire i gotirotire ucamasifiñuma masa:

“ ‘Adirūmune yu macu ñari, yure bajiro rotisurucuja mu’ yami Dios”, yuucamasifiñuma ina, Cristore, Dios i gotirotire yirā.

⁶ Gajeye i macure i gotirotire ado bajise yuucamasifiñuma ina:

“ ‘ ‘Masa rojose ina yisere ñare masirioya’ ñare yisēñibosagu ñarucuja mu’ mure yaja yu. ‘Paia uju ñamasugū Melquisedec i bajicatore bajiro bajirucuja mu’ mure yaja yu’”, yuucamasifiñuma ina, i macure Dios gotirotire yirā.

7 Cristo, manire bajiro ruja cuticōari, adigodoju ñagū ī bajirocaroto rījoro, Diore buto sēnirūgūñuju ī. Otigune, ado bajise jacase sēniñuju ī: “Cacu, Yure siabeticōato ina’ yigu, yure ejarēmoña. To bajiboarine, mu bojarore bajirone bajiruaroja”, yiyuju Cristo, ī jacare. ī rotirore bajiro yigu ī ñajare, ĩre ajicōari, “Yu bojarore bajirone bajiato” yigu, ĩre ejarēmoñuju Dios. 8 Dios macu ñaboarine, rojose tāmuoñumi Cristo. “Rojose tāmuoaboarine, Diore cudicōa ñaroti ñaja”, yituoñaju. To bajiro bajica yigu, ñajediro Dios ī rotirore bajirone yiyuju Cristo. 9 Ī rotirore bajirone ī cudijeocōajare, “Mu suori ĩna rijato beroju, mu rāca ñacōa ñarūgūruarāma ĩna, mure ajitirānurā”, ĩre yiyuju Dios. 10 To bajiri, “Paia uju ñamasugū Melquisedec ñamasir’i ī bajicatore bajiro bajiracuja mu” Dios ī yir’i ñagūmi Cristo.

“Jesucristore ajitirānu tujabetiroti ñaja”, yire queti

11 “Tirāmūju paia ujarā ĩna yisoadimasire ũnire yigu ñaami Cristo” yu yigotirēmoraaboase jairo ruajaja maji. Tire ajimasijeomenaja mua, buto muare ti josajare. 12 Tirāmūju, Cristore ĩre ajitirānusocaju mua. To bajiri tire quēnaro buecōari, butobusa ī bojarore bajiro mua yirūtu vajama, jere ī ocare masare gotimasiocoarona ñaja mua. To bajiboarine, “Maji, josabetijuare yuare gotimasiocōa ñaña” yituoñare bajiro bajiaja mua. 13 Rīamasa ũjurācare bajiro ñaja mua. To bajiro bajirā ñari, “Quēnase ñaja; rojose ñaja” ĩna yimasibetore bajiro bajirā ñaja mua. 14 Rīamasare bajiro me bajiama bucaacoanajuama. Tuoñamasicōana ñari, “Quēnase ñaja; rojose ñaja” yituoñamasicōari, Dios ī bojarore bajiro yirā ñaama.

6

1 To bajiri Cristo oca ñamasuse ti ñajare, “Yu gotisere ajimasiriora maja mua” yu yisere gotiguagu yaja, Dios ī bojarore bajiro mua yirotere yigu. Jere Cristo oca josabetibusasere masiaja mani. Adi ñaja Cristo ye mani buesocati: “Rojose yitūjacōari, quēnasejuare yituoñaroti ñaja manire” yirere buecaju mani. “Diore mani ajitirānubetiñama, rojose tāmoutujabetiraroju varuarāja mani” yirere quēne buecaju mani. 2 Gajeye ado bajiro buecaju mani: “Cristore ajitirānurā ñaja yua” yirāre oco rāca ĩna bautizasere quēne buecaju mani. To yicōari, “Esp’iritu Santo, mua rāca ñarucami” yirā, ĩnare ĩna āmo ñujeosere quēne buecaju mani. Quēna gajeye ado bajise buecaju mani: “Cristore ajitirānurā, bajireacoaboarine, tudicaticōararāma” yirere quēne buecaju mani. To yicōari, masare Dios ī beserotire quēne buecaju mani. 3 Ti ñacaju Dios oca josabetibusā mani buesocati. To bajiri, josasere quēne buemasicōari, butobusa ī bojarore bajiro yirūtuajaro mani, Dios ī bojajama.

4-6 Sīgūri Dios ocare ajitirānurā ñarāma maji. To bajicōari, Esp’iritu Santore suorā ñarāma. To yicōari, Dios ī bojasere yirā ñarāma. Dios ī masise rāca ĩaiañamanire yīoocōariā quēne ñarāma. To bajiro yirā ñaboarine, ĩna ajitirānu tujajama, juaji ajitirānubetiñarāma. To bajiro ĩna bajijama, Jesucristore ĩatecōari, yucātēroju ĩre jajuturiarā ũnane ñarā bajirāma ĩna. To bajiro ĩna bajijare, gājerā quēne Dios ocare ajirācubobeticōari, ajarāma. 7 “Dios ocare ajicōari, quēnaro ote vānuri sitare bajiro bajiaja mani” yigu, ado bajise muare gotiaja yu: Vese ote ñarivesere oco ti quediō bero ote quēnaro ti vānurore bajiro bajiroti ñaja manire. To bajicōari, ti sitajure ote vānucōari, quēnaro ti rica cutijama, variquēnagūmi ti vese uju. To bajiri, ote rica cuti vese ī ĩvariquēnarore bajiro manire quēne ĩvariquēnagūmi Dios, ī ocare ajicōari, ī bojarore bajiro mani yijama. 8 To bajicōari, gajejuame vese yirāju sita quēnabeto ñari, oco ti quediōajajuquēne, ote vānubetone, vidise rīne ti judijama, “Sita quēnabeto ñaja” yigu, tire soereacōagūmi ti vese uju. Tire bajirone Dios ocare ajiboarine, ajitirānu tujacōari, ī bojabetire ĩna yijama, rojose tāmoutujabetiraroju ĩnare reacōarucami Dios.

“Yure yirētobosarucami Cristo’ mani yituoñacōa ñajama, quēnaja”, yire queti

9 “Ado bajiro bajirāma Cristore ajitirānu tujarā” muare yu yigotimasiocore, “Muane ñaja Diore ajitirānu tujarona” yigu me yaja yu. Quēnaro mua yirere ajicōari, “Jesucristo suori Dios yarā ñarāma”, muare yaja yu. To bajiro muare yimasicōari, “Butobusa Dios ī bojarore bajiro yirūtu varuarāma ĩna”, muare yaja yu. 10 Quēnaro rīojo yigu ñaami Dios. To bajiro yigu ñari, ī bojarore bajiro quēnaro mua yirere masiritibetirucami. To bajiri, gājerā Dios yarāre mua ejarēmorer ajicōari, “Diore rācuborā ñarāma”, muare yimasiaja yu. ĩnare ejarēmocōa ñarāja mua maji. Tire quēne masiritibetirucami Dios. 11 To bajiro quēnaro mua yirūgūse quēnaja ti. Variquēnase rāca Dios ocare ajitirānu tujamenane, ñajediro quēnaro mua yirūgūrore bajirone gāmerā yicōa ñarūgūroti ñaja. To bajiro mua yicōa ñajama, “Cristo suorī quēnaro manire yirucami Dios” mua yituoñarore bajirone muare yirucami. 12 Dios ocare ajiterāre bajiro mua bajisere bojabeaja yu. To bajiri, “Bajiruaroja” ĩnare ī yirere ajitirānu tujabetirarāre bajiroju bajiya mua quēne. ĩnare bajiro mua bajijama, muare ī gotirarore bajirone muare quēne yirucami Dios.

13-14 Abraham ñamasir’i ī bajimasirere tuoñaña mua. “Gāji yure bajiro yigu magūmi” yituoñagū ñari, ado bajiro ĩre gotimasirūju Dios: “Mure socabeaja yu. Jājarā jānerabatia

cutirucami' mure yaja yu", ĩre yimasifiuju Dios, Abraham ñamasir'ire gotigu. ¹⁵ "Ī yirore bajirone yigu ñaami Dios" yigu ñari, "Socũ yigumi" yituoĩarejabetimasifiuju Abraham, Dios ĩ yirore yugu. To bajiri, Dios socabecu ĩ ñajare, "To bajiro bajiruaroja" Abrahamre ĩ yimasiriarore bajirone bajimasiñuju ti. ¹⁶ To bajiri, manijama, "Socũ me yigumi" gãjerã yiajiato yirã, masa rëtoro ñamasugũ Dios vãme rãca yirũgũrãma. To bajise ĩna yijama, "Socũ me yaja. Dios quẽne masigũmi", yirũgũama. To bajiro ĩna yisere ajicõari, "Socarã me yama", yituoĩarãma masa. ¹⁷ To bajiri, "Socũ me yigumi Dios. Ī yirore bajirone yigu ñagũmi' Abraham yure yiajiato" yigu, "Mure socabeaja yu", yimasifiuju Dios. ¹⁸ Socagu me ñaami. "Yirucãja" ĩ yirore bajirone yigu ñaami Dios. To bajiro yigu ĩ ñajare, rojose tãmuotujabetiriaroju mani vaborotire manire yirëtobosacõari, "Quẽnaro ĩnare yirucãja" ĩ yiriarore bajirone manire yirucãmi", yituoĩaja mani. ¹⁹⁻²⁰ To bajiro manire Dios ĩ yire ti ñajare, ĩ gotiriarore bajiro ti bajirore tuoĩacõa ñato mani. Diore yirucãbuoriavi yotoriaro vajajua Dios ĩ ñarisõajure jãjaecõari, "Rojose ĩna yisere ĩnare masirioya" yisẽnibosarimasa ñamasifiujarã paia ujarã. To bajiri, Cristo quẽne, ĩna yimasiriarore bajiro yigu, õ vecaju Dios ĩ ñaroju ejaecõari, "Rojose ĩna yisere ĩnare masirioya", manire yisẽnibosa ñagũmi. Paia uju ñamasugũ Melquisedec ĩ yimasiriarore bajirone yigu, Cristo quẽne, manire sãnibosacõa ñarucãmi. Manire ĩ sãnibosa ñajare, "Dios ĩ yiriarore bajirone quẽnaro manire yirucãmi", yimasijaja mani.

7

"Aarõn ñamasir'i rëtoro quẽnaro manire yibosagũmi Cristo", yire queti

¹ Melquisedec, Salem macana uju ñamasifiuju. To bajicõari, pai ñamasifiuju. Ñajediro ujure Diore rucãbuogu ñamasifiuju. Mani ñicu Abraham ñamasir'i gaje macariana ujarãre siãreacõari, ĩ ya macajure tudiamasiñuju ĩ. To bajiri ĩ tudiao, ĩre bocagu, vamasiñuju Melquisedec. ĩre bocacõari, ĩre sãnibosamasiñuju, "Quẽnaro ĩre yato Dios" yigu. ² To ĩ yiro bero, gaje macariana ujarãre siãreacõari, ĩna ye gajeyeuñi ñaboare ĩna juarere, juaãmo cõro ñaritubuari yicũcõari, cojutubua Melquisedec ñamasir'ire ĩsimasiñuju Abraham. "Melquisedec" ti yijama, "Uju quẽnase ĩne yigu" yire ùni ñañuju ti. Salem macana uju ñamasifiuju Melquisedec. "Salem" ti yijama, "Quẽnaro ñariamaca" yire ùni ñañuju. To bajiri, "Quẽnaro gãmerã yĩñato mani" yigu ñamasifiuju Melquisedec", yimasijaja mani. ³ Melquisedec jacua, ĩ yarã quẽne, to yicõari, ĩ ruyuarere, ĩ bajirocarere quẽne ucare ti maniboajaquẽne, "Pai ñamasifiuju Melquisedec", yigotiaja Dios ocare masa ĩna ucamasire. To bajise yũcare ti maniboajaquẽne, "Diore sãnitujabetirimi", yaja mani. To bajirone bajiami Cristo quẽne. "Īnare ejarẽmoña" manire yisẽnibosa tujabecumi", yimasijaja mani.

⁴ Abraham ñamasir'i ñamasugũ ĩ ñaboajaquẽne, ĩ rëtoro ñamasugũ ñamasifiuju Melquisedec. Gaje macariana ujarãre siãreacõari, ĩna ye gajeyeuñi ñaboare ĩna juarere, juaãmo cõro ñaritubuari yicũcõari, cojutubua Melquisedec ñamasir'ire ĩsimasiñuju Abraham. ⁵ Abraham ĩ bajirocaro bero, gajerodoju, "Paia ñaruarãma ĩna Abraham jãnami Lev'i vãme cutigu jãnerabatia", ĩnare yicũmasifiuju Dios. To bajiri, "Sĩgũ jãnerabatia ñaboarine, ĩna cuosere, juaãmo cõro ñaritubuari yicũcõari, cojutubua ĩna yu Lev'i ya jũnanare paiare ĩsuarãma ĩna", ĩnare yimasifiuju ĩ. ⁶ Lev'i cuti jũnagu me ñaboarine, Melquisedec quẽne, Abraham ĩ ĩsere boca juamasifiuju ĩ. Abraham ñamasir'ire, "Mu suorine adi macarucãroana ñajedirore quẽnaro yirucãja yu", yimasifiuju Dios. To bajiro ĩ yir'ĩ ĩ ñaboajaquẽne, Melquisedecjua ñamasifiuju, "Quẽnaro mure yato Dios" Abrahamre yisẽnibosagu. ⁷ To bajiri, "Quẽnaro mure yato Dios" yigujua ñaami ñamasugũ", yimasijaja mani. Tire masirã ñari, "Abraham rëtoro ñamasugũ ñamasifiuju Melquisedec", yimasijaja mani. ⁸ Gajeyere quẽne tuoĩaña mua. Adirũmuri ñarã paia, Lev'i jãnerabatia, manire bajirone bajirearuarãma ĩna quẽne. Melquisedecjuarema, "To cõro bajirocamasiñuju", yigotibeaja Dios ocare masa ĩna ucamasire. To bajiri, "Bajirocabetirimi", yicõaja mani. ⁹⁻¹⁰ Abraham ñamasir'i, Melquisedere ĩ ĩsirene, ĩ jãnerabatia quẽne beroju ruyuarona ñari, ĩna quẽne ĩre ĩsirãre bajiro yimasifiujarã. To bajiri Lev'i cuti jũnana quẽne, Abraham jãnerabatia ñari, Melquisedere ĩ ĩsirene, ĩna quẽne ĩsimasiñujarã. To bajiri, "Lev'i cutijũnana rëtoro ñamasugũ ñamasifiuju Melquisedec", yimasijaja mani.

¹¹ "Lev'i jãnerabatia ñaruarãma paia", yimasifiuju Dios. Sĩgũ Lev'i jãnami ñamasifiuju Aarõn vãme cutigu, paia uju ñamasugũ, Dios ĩ cũsuomasir'i. To bajiri Aarõn, Lev'i jãnami ĩ ñajare, "Aarõn rëtoro ñamasugũ ñamasifiuju Melquisedec", yimasijaja mani. Lev'i jãnami Aarõn, ĩna jãnerabatia quẽne, Diore rucãbuorã masa ĩna ĩsere ĩnare yibosarimasa ñacoadimasiñujarã ĩna. Tire boca juacõari, Diore rucãbuorã tire soemuomasifiujarã ĩna. "Rojose ĩna yise vaja, rojose ĩnare yibesa" masare yisẽnibosarimasa ñacoadimasiñujarã. To bajiro ĩna yiboajaquẽne, Diojua ĩ ĩajama, rojose ĩna yire ti ñacõajare, "Rojose mana ñaama", ĩnare yĩjabetimasifiuju

^b 7:4 "Gãjerã ĩna ĩsere boca juarã, ĩsirã rëtoro ñamasurã ñaama", yituoĩañujarã hebreo masa.

Dios. To bajiro ti bajijare, paia uju ñamasugũ Melquisedere bajiro bajigare, i macure cõañumi Dios, “Masare yirẽtobosato” yigu. ¹² Ire i cõaro bero, “Masa rojose ña yise vaja, rojose ñare yibesa” yibosarimasa bojabesuju Dios. To yicõari, Moisere i roticũmasire ña yiboarere quẽne bojabesuju. ¹³⁻¹⁴ Adigodoju manire bajiro ruju cuticõari ruyuyajuju mani uju Cristo, Judã ñamasir'i cutijũnagu. To bajiboarine, Judã jãnerabatiarema “Paia ñabetiruarãma”, yimasijũju Moisẽs ñamasir'i. To bajiri, Cristo rĩjorojore Judã jãnerabatiama, sigũjuane paia ñabetimasifũjarã.

¹⁵⁻¹⁶ To bajiri, “Levi jãnerabatia rĩne paia ñaruarãma” Dios i yimasire yigu me, paia uju Melquisedere bajiro bajiyumi Cristo. Tudicaticõari, rijabetirocu ñari, bajiyumi. To bajiro bajirocu ñari, “Paia uju ñamasugũ Melquisedere bajiro bajiyumi Cristo”, yimasiaja mani. ¹⁷ Dios i macure ado bajiro i gotirotire masa ña ucamasire ti ñajare, “Paia uju ñamasugũ Melquisedere bajiro bajicõa ñarucumi Cristo”, ire yimasiaja mani:

“ ‘Rojose ña yisere ñare masirioya’, ñare yisẽnibosa tujabetirocu ñaja mu’ mure yaja yu. ‘Paia uju ñamasugũ Melquisedec i bajimasicatore bajiro bajinarucuja mu’ ire yigotiyumi Dios, i macure’, yaja ti Dios ocare masa ña ucamasire.

¹⁸ Dios, Moisere i roticũmasiriaro cõrone ña cudijeocõaboajaquẽne, “Rojose mana ñaama”, ñare yĩãbetiborimi Dios. To bajiri Moisere Dios i roticũmasire, vaja manire bajiro bajiyuja ti. ¹⁹ To bajiro ti bajijare, Moisere i roticũmasire vasoayuju Dios. Mame i vasoarejuama, ado bajiro bajiaja: Manire Cristo i rijabosare suorine, “ ‘Rojose mana ñaama’ manire yĩãgũmi Dios” yimasirã ñari, variquẽnase rãca ire sãnirũgũja mani. To bajiro ti bajijare, “Tirãmuaye Moisere Dios i roticũmasire rẽtoro quẽnase ñaja adirodoriaye”, yimasiaja mani.

²⁰⁻²¹ To bajiri, i macu Cristore, “Paia ujarã rẽtoro ñamasugũ ñarucuja mu” yigu, ado bajiro ire yiyuju:

“ ‘Mure socabeaja yu. ‘Rojose ña yisere ñare masirioya’, ñare yisẽnibosa tujabetirocu ñaja mu’, mure yaja yu’, ire yiyuju Dios, i macure.

Gãjerãrema “Paia ujarã ñaruarãja mua” yigu ñaboarine, ti ùnire yibetimasifũju Dios. ²² Tire mani ajijama, “Jesucristo suorine Dios i gotiriarore bajirone quẽnaro manire yirucumi”, yimasiaja mani. ²³ Tirãmuaye Moisere Dios i roticũmasire rucubũorã, jãjarã paia ñamasifũjarã. To bajicõari, ña bajireajaquẽne, ñare moavasoarona jãjarã ñarũgũmasifũjarã. ²⁴ To bajiboarine, Cristojuarema, tudirijabetirocu i ñajare, “Ire moavasoarocu magũmi”, yimasiaja mani. ²⁵ “Jesucristo suorine Diore ajitirũnarãre, rojose ña yisere ‘Masirioato Dios’ yigu, Dios i ñaroju, ñare sãnibosacõa ñarũgũmi, tudirijabetirocu ñari”, yimasiaja mani.

²⁶ To bajiri tirãmuju paia ujarã ña yisoadimasire ùnire yigu, Cristo quẽne rojose mani yisere “Masirioato Dios”, manire yisẽnibosarũgũ ñagũmi. Cristo ñañumi masa rojose ña yirore bajiro yibecu. Quẽnase rĩne yigu ñañumi. To bajiro bajir'i i ñajare, Dios i ñaroju, “Rẽtoro ñamasugũ ñarucuja mu” Dios i yir'i ñagũmi. ²⁷ Paia ujarã ñamasurã ña yimasiriarore bajiro yigu me ñagũmi Cristo. Ñajuama, tocãrãcarũmune vaibucãrãre sãacõari, soemuomasifũjarã, “Rojose yua yisere masirioya” Diore yirã. To yicõari, ña yarãre quẽne rojose ña yirere “Ñare masirioya Dios”, ñare yisẽnibosarũgũmasifũjarã ña. To bajiboarine, Jesũjuama, mani jedirore cojijine rijabosayumi, rojose mani yisere “Masirioato Dios” yigu. ²⁸ Moisere Dios i roticũmasire, “Paia ujarã ñamasurã ñaruarãma” i yire ti ñaboajaquẽne, manire bajirone ña quẽne tire cudijeobetiriarã ña ñajare, “Rojose mana ñaama”, yĩãbetimasifũju Dios. To bajiboarine i macujuarema, quẽnase rĩne yir'i i ñajare, “ ‘Rojose ña yisere masirioya mu’ ñare yisẽnibosacõa ñarũgũrocu ñaja mu’, ire yiyuju.

8

“Cristo, õ vecaju manire sãnibosa ñagũmi”, yire queti

¹ “To bajirone bajigũmi Cristo, õ vecaju Diorãca i rotiñaroju”, mure yaja yu. ² Tojũre ejaçõari, “Rojose mani yisere masirioya”, manire yibosa ñagũmi Cristo, Dios i buariavijure.

³ Tocãrãcu paia ujarã ñamasurã ado bajiro yiyuma: Rojose masa ña yisere, “Ñare masirioya Dios”, yisẽnibosayujarã ña. To yicõari, Diore rucubũorã masa ña ñisere boca juacõari, ñare yibosayujarã. To bajiro ña yire ùnirene yigu, Cristojuama, manire rijabosayumi, rojose mani yisere manire yirẽtobosagu. ⁴ Yucuri ñarã paia, Moisere Dios i roticũmasiriarore bajirone yicõa ñarãma. To bajiri Cristo, adigodoju i ñacõajama, ñare bajiro yibecu i ñajare, “Pai me ñaami”, ire yiborãja mani. To bajiboarine, õ vecaju Dios i ñaroju, “ ‘Rojose ña yisere masirioya’ manire yibosagu ñagũmi”, yimasiaja mani. ⁵ “Mani rãca ñagũmi Dios” masa ña yirucubũorotivire Moisẽs ñamasir'i i buarotiroto rĩjoro, ado bajiro ire yimasifũmi Dios: “Gãtau joeju mure yu locativire bajirivine buarotiya”, yimasifũju Dios, Moisẽs ñamasir'ire. To bajiri, “Mani rãca ñagũmi Dios” masa ña yirucubũorivire ña buajama, Moisere Dios i iomasiriavire bajirivine buamasifũjarã. ⁶ Paia ujarã ñamasurã Dios i rotimasire cudimasiriarã

Īna yirūgūmasire rētoro quēnaro manire yibosarūgūgāmi Cristo. To bajiri, “‘Quēnaro muare yirūcūja yu’ Moisére Dios ī yicūmasire rētoro quēnase űaja adirodoraiye”, yimasiaja mani.

⁷ Moisére Dios ī yicūmasire rēmojune quēnase ti űacōajama, gajeye mamejuare vasoabeti-borimi Dios. ⁸ Moisére Dios roticūmasire masa ĩna cūdijeobetijare, ĩvariquēnabetimasifūju Dios. To bajiri, “Ado bajiro ĩnare gotiya”, yimasifūju ĩ:

“Mani űju Dios, ado bajiro muare gotiami: ‘Quēnaro ajiya mua. Cojorāmu mame muare vasoabosarūcūja yu, Israel vāme cuti sitanare, Judā vāme cuti sitanare’, muare yami.

⁹ ‘Egipto sitaju űarāre Israel sitaju ĩnare űmato vacu, quēnaro ĩnare gotiboacaju yu. To bajiboarine, yu yicatore bajiro ĩna cūdibetijare, “Yu yarā me űaama”, ĩnare yicaju yu. To bajiri, mame yu vasoarotijama, mua űicūare yu gotimasicatore bajiro me bajiruaroja’ muare yami Dios mani űju.

¹⁰ ‘To bajiri, Israel űamasir’i jānerabatiare mame yu vasoaroti, ado bajiro bajiruaroja: “Yu masise suorine yu rotisere tuoāmasiruarāma”, ĩnare yirūcūja yu. To bajiro yu yisere bojarā űari, quēnaro yirūgūruarāma. To yicōari, űu sīgēne ĩna űju ĩna yirūcūbuogu űarūcūja yu. To bajiri ĩnaju quēne yu yarā űaruarāma’ muare yami Dios.

¹¹ ‘Yu yarā űari, űamasā quēne, bucurā quēne, ĩna űaro cōrone, yure masijedicoaruarāma ĩna. To bajiri, “Ado bajiro tuoāgū űaami Dios”, gāmerā yimasiorā maniruarāma’, muare yami Dios.

¹² ‘Īnare ĩamaicōari, rojose ĩna yisere yu masiriojama, “Rojose yiriarā űaama”, juaji ĩnare yituoābetirūcūja yu. To bajiro ĩnare yu yiroti ti űajare, yure quēnaro masiruarāma ĩna’ muare yami Dios”, yimasifūju, Diore gotirētobosamasir’i.

¹³ “Mame oca quēnase vasoarūcūja” Dios ī yijama, tirāmuju ī yimasiboarere reagu yigūmi. To bajiri, “Tirāmuajejuma vaja manoja”, yimasiaja mani.

9

“Cristo, quēnaro manire yibosagūmi” yire queti

¹ “Adigodoju űarā yure rūcūbuorā mua rējarotivire mua buasere bojaja yu”, Moisés űamasir’ire ĩre yimasifūju Dios. ² To bajiri ī rotiriavire bajirone buamasifūjarā ĩna. Ti vi gudarecore sudirone yotoriavi űamasifūju. To bajiri, ejasuoriasōa Diore rūcūbuoriasōa vāme cutimasifūju. Tisōaju sĭabusuoriabajari jeoriaju űamasifūju ti. To yicōari, Diore ĩsroti pan jesariju quēne űamasifūju. ³ Gajesōa, Dios ī űarisōa vāme cutimasifūju. ⁴ Tisōajure, űamasifūju Diore rūcūbuorā, ĩna soejama, quēnaro satiquēnase soemuoriaju. “Dios ī űari sōagaju űaja” ĩna yiboajaquēne, ejasuoriasōajuarene űacōamasifūju ti. To bajicōari, Dios ī űarisōajure űamasifūju rujajata orone ĩna quēnorijata. “Dios ī rotirere cūdiroti űaja” yirā, ĩna quēnorijata űamasifūju. Tijatajare adocārāca vāme sĭāűamasifūju: Orone ĩna quēnorija sotu sĭāűamasifūju. Ti sotujure bare manā vāme cuti Dios ī cōare sĭāűamasifūju. To bajicōari, Aarōn ī tuemasir’i quēne ācatuar’i sĭāűamasifūju. To bajicōari, juajāi gūtajāi Dios ī rotimasire ī uca-masirijāiri quēne sĭāűamasifūju. ⁵ Tijata joere rūgōmasifūjarā Diorācana vurā querubines vāme cutirāre bajirā masa ĩna quēnomasiriarā. ĩna űamasifūjarā, “Adiű űaja masa rojose ĩna yisere Dios ī masirioriju” yigotirā. ĩna querūjuri rāca gāmerā űucānamucōari, rūgōmasifūjarā ĩna. Yucurema ti viaye buto gotire maja ti.

⁶ To bajiboarine, Diore rūcūbuoroti ti űajedicōajare, tocārācarūmune Diore rūcūbuorā sĭajaejarūgūmasifūjarā paia, űasuorisōare. ⁷ Paia űju űamasugū rĭne jājarūgūmasifūju, Dios ī űarisōa vāme cuti sōajure. Tocārāca cāmare cojojine jājamasifūju. Jājacōari, ī masu rojose ī yirūgūre, to yicōari, ī űarimacana, “Rojose yirā yaja yua” yituoāmenane, “Rojose yua yirūgūre masiriobosato Dios” yigu, vaibucurā rĭre juajājarūgūmasifūju. ⁸ “Paia űju űamasugū rĭne Dios ī űarisōare jājamasiami”, yimasifūjarā. Tire ĩna tuoājama, Esp’iritu Santo ī ejarēmose rāca, ado bajiroja yimasifūjarā ĩna: “‘Mani masune rojose mani yisere yure masirioja’, Diore yimasibeaja. ‘Paia űju űamasugū rĭne manire sēnibosagu űaami’ yimasiaja mani. To bajiro rĭne bajicōa űaruarāja mani maji. Dios manire ī sĭajarotirirūmu ti ejarōju tisōare jājaruarāja mani”, yimasifūjarā ĩna. ⁹ “‘Mani űicua Dios ī rotimasire ĩna ajitirūnūgūmasire rētoro quēnamasuse űaja’ mani yituoāmasirotire yiro bajijuja”, yimasiaja mani. “Mani űicua, tirāmuju ĩna yirūgūmasiriarore bajirone mani quēne, rojose mani yisere, ‘Manire masirioato Dios’ yirā, paire mani soemuoroticōa űajama, Diojua ī ĩajama, ‘Rojose maja ĩnare’ manire yĭabeticōa űagūmi”, yimasiaja mani. ¹⁰ Tirāmuaje Dios ī rotimasire ado bajiro bajijuja: “Adocārāca vāme baruarāja mua. Gajeyerema babetiruarāja mua”, ĩnare yimasifūmi. To yicōari, ĩna idirotire, ĩna guarotire, ĩna āmo coerotire quēne to bajirone yimasifūmi. To bajiro ī yijama, ti űajediro ī rotimasire mamejuā ī vasoaroto rĭjororema, ĩna rujare ĩna ĩatirānroti rĭne yigu yiyumi Dios.

¹¹ To bajiro ī yimasire ti űajare, yucurema, “Cristo suorine quēnaro yirūcūja yu” Dios ī yiriarodo ejayuja ti. To bajiro ī yire űajare, Cristo manire rijabosacōari, ű vecaju Dios

ya viju ñagũ vasuju. Ti viju ñacõari, paia uju ñamasugũ Ì sēnibosarore bajiro, “Quēnaro ñato ña” yigu, manire sēnibosa ñagũmi. To bajiro Ì yīnarivima, adigodo ñarã Diore rūcũbuorã ña buariavi rētoro quēnarivi ñaroja. ¹² To bajiri Dios Ì ñarisõaju jãjacõari, cabra rĩa ri'i, ta vecu rĩa ri'i adigodoju ñarã paia ujarã Diore ña Ìsiriarore bajiro yiru me, Ìjuama, Ì ruju rise suorine rojose mani yire vajare cojojine yirētosajecõaru, õ vecaju Dios Ì ñarisõaju jãjasuju Cristo. ¹³ Ado bajiro gotiaja Dios Ì rotimasire: “Bajirocar'ire moãibetiruarãja mua. To yicõari, 'Babetiruarãja mua' yu yisere quēne moãibetiruarãja. To bajiro yu yisere mua cõdibetijama, yure ña rūcũbuorivire sãjabetiruarãja mua. To bajiboarine, ta vecu macure ña soese rĩtire, oco rãca abavuore ñasere muare yayeturacumi pai. Tire Ì yibetijama, hisopo vãme cuti ruju rãca vaibucu ri'ine muare vëjabate guracumi. To bajiro muare Ì yijama, yure rūcũbuoriavire sãjamasiruarãja mua”, yimasifiñumi Dios. ¹⁴ “Vaibucurã ri'ine muare Ì yayeguojama yure rūcũbuoriavire sãjamasiruarãja mua” Dios Ì yimasire ti ñaboajaquēne, “Cristo manire Ì rijabosarejua rētoro quēnase ñañuja”, yimasiaja mani. Rojose yibetir'i ñari, to bajiro bajiyumi Cristo. Esp'iritu Santo ñacõa ñarũgũrocũ Ì ejarēmojare. Cristo manire Ì rijabosare suorine, rojose mani yisere masirioyumi Dios. To bajiri, “Rojose maja manire”, yitũõaja mani. To bajiro yitũõacõari, ñacõa ñarũgũrocũ Dios Ì bojarore bajiro quēnaro yirũgũroti ñaja manire.

¹⁵ “Mame muare vasoarucuja yu' Ì yiriarore bajirone bajiato” yigu, adi macarucurojare Cristore cõañumi Dios. To bajiro Ì yicõari' ñari, tirũmuaye ajirucũbuoriarãre quēne rojose mani yisere “Masirioato Dios” yigu, manire rijabosayumi Cristo. To bajicõari, Ì rijabosare suorine “Yu yarã ñaama” Dios manire Ì yīlarotire yigu, bajiyumi. To bajiro Ì bajibosariarã mani ñajare, “Quēnaro yirucuja” Dios Ì yiriarore bajirone yigu, mani rijato beroju Ì rãca mani caticõa ñarotire Ìsiecõrona ñaja mani. ¹⁶ Ado bajise tuoñaña mua: Mani yu, Ì bajiyayiroto rĩjoro, “Ìne ñaami yu ye gajeyeũni cuosuyarocũ”, yigumi. To bajiro Ì yir'i ñari, Ì bajirocato bero, Ì yere cuosuyagumi. ¹⁷ Ì caticõa ñajama, Ì masune cuocõa ñagũmi maji. Ì rijato bero, tire cuomasigũmi gãjjijua. To bajiri, “Ì gotiriarore bajirone bajiaja”, yimasire ñaja. ¹⁸ To bajirone bajimasifiñuju, “Quēnaro yirucuja yu” Dios Ì yimasirere quēne. “Dios manire Ì gotiriarore bajirone yato” yirã, vaibucurãre sãmasifiñujarã. ¹⁹ Dios Moisés ñamasir'ire Ì roticũmasire ñaro cõrone masa jedirore ñare gotimasifiñuju. Tire Ì gotiro bero, oveja joã ña sũorere, hisopo vãme cuti rujuju siatucõari, vaibucurã cabra vãme cutirã rĩare, ta vecu rĩare ña sãriarã ri'ire juacõari, oco rãca ña vuore yosemasifiñuju. To yicõari, Dios Ì rotimasire Moisés Ì ucariajotire vëjabate gumasiñuju Ì. To yicõari, masa ñajedirore quēne to bajirone yimasifiñuju. ²⁰ To bajiro yicõari, masare ado bajiro gotimasifiñuju Ì: “Dios muare Ì yirotsere cudiroti ñaja”, yimasifiñuju Moisés ñamasir'i, mani ñicũare. ²¹ “Mani rãca ñagũmi Dios” ña yirucũbuorivire quēne ri'ine vëjabate gumasiñuju Moisés. To yicõari, ti viaye ñase jedirore, to bajiro yimasifiñuju. ²² To bajiro Dios Ì rotimasire ñajare, vaibucu ña sãri' Ì ri'ine vëjabate gumasiñujarã ña. To bajiro ña yibetijama, ñare ñavariquēnabetiborimi Dios. To bajirone bajiyuja Cristore quēne. Ìre ña sãro, Ì ri'i ti budibetijama, “Rojose mani yisere masiriobetiborimi Dios”, yimasiaja mani.

“Cristo Ì rijabosare suorine, 'Rojose mana ñaama' manire yīañumi Dios”, yire queti

²³ To bajiri, Diore yirucũbuoriaviju ña sãjaroto rĩjoro, ña rujure ña ye gajeyeũnire quēne, vaibucurã ri'ine yayebate gurotiyujarã mani ñicua. To bajiro yiroticõari, sãjarũgũmasifiñujarã ña. To bajiro ña yijama, õ vecaju ña bajiroti ùnire yirã bajimasifiñujarã ña. To bajiboarine tojuama Dios ye masu ti ñajare, vaibucu ri' ña yayebate gurotire ùnirine yiro, rētoro quēnagũ Ì rijabosare bojayuja. To bajiri, manire Ì rijabosare ti ñajare, “Rojose mana ñacõari, Dios ya viju sãjaruarãja mani”, yimasire ñaja. ²⁴ Cristo, manire rijabosacõari bero, tudicaticõari, adi macarucuroju Diore rūcũbuoruarã, masa ña buariavi mere, õ vecagavi Dios ya vijuare sãjasuju Cristo. To bajiri, ti viju ñacõari, “Quēnaro ñato ña” yigu, manire sēnibosacõa ñarũgũgũmi. ²⁵ Paia uju ñamasugũ adigodoaguma, tocãrãca cãmare cojojine, Dios Ì ñarisõa vãme cuti sõare jãjarũgũmasifiñuju, vaibucu Ì sãri' Ì ri'ire “Masa rojose ña yisere masirioya Dios”, ñare yibosagu. To bajiboarine Cristojuma, õ vecaju Dios Ì ñarõjare ejacõari, adigodoagu paia uju Ì yimasiriarore bajiro yiru me, bajiyumi. Ì masu ruju ri'i suorine yirētosacõari, Dios ñarisõajure jãjasuju. ²⁶ Adigodoagu paia uju ñamasugũ tocãrãca cãmame “Masa rojose ña yisere, masirioya Dios”, ñare yibosarũgũñuju Ì. Cristo quēne, paia uju Ì yirũgũmasiriarore bajiro Ì bajijama, adi macarucuro Dios Ì rujeorĩjujune, cojoji me manire rijabosacõa suoadiborimi. To bajiro me bajiyumi Cristo. Cojojine manire rijabosayumi, “Rojose mana ñaama” manire Dios Ì yīlarotire yigu. ²⁷ Mani jediro cojojine bajirearona ñaja mani. Mani bajirearo bero, Ì tuju mani ejato, rojose yirãre, to yicõari quēnase yirãre ñabeserucumi Dios. ²⁸ Cojojine manire Ì rijabosare ñajare, jãjarã ñaja mani rojose yibetiriarãre bajiro bajirã. Quēna Cristo, Ì tudiejajama, “Rojose mani yisere masirioato Dios” yigu, me ejaracumi. “Manire rijabosayumi” yitũõarãjuare juaguagu bajiracumi.

10

¹ Moisés ñamasir'ire Dios ĩ roticũmasirejuama, "Rojose ĩna yisere ĩnare masiriojeorũcũja yu", ĩ yire me ñaũju. Beroju bajirotire baji rĩjoro cutise ñaũju. To bajiro bajijare, tocãrãca cũmane vaibũcũrãre sãcõari, "Rojose yua yisere yuare masirioato Dios" yirã ĩna soemũorotiboajaquẽne, "Rojose mana ñaama", ĩnare yĩĩabesuju Dios. ² Vaibũcũrã ĩna soemũorotise suorine, "Rojose mana ñaama" rẽmojuane Dios ĩ yĩĩacõajama, "Tudi rojose yua yisere masirioato Dios", yibetiboriarãma. ³ Vaibũcũrã rii ĩna soemũorũgũse tocãrãca cũmane rojose ĩna yirũgũrere tuoĩarotire yiro bajiaja. ⁴ Vaibũcũrã rii ĩna soemũosema rojose masa ĩna yisere, masiriose me ñaja.

⁵ Vaibũcũrã rii, ĩna soemũoboajaquẽne, rojose ĩna yisere Dios ĩ masiriobetijare, adi macarũcũrojuare ĩ vadiroto rĩjoro, ado bajiro Diore gotiyuju Cristo:

"Masa vaibũcũ rii ĩna soemũosere bojabeaja mu. To bajiri, 'Masare bajiro ruju cutigu ñato' yigu, yure cõaña mu.

⁶ 'Rojose mani yisere masirioato Dios' yirã, vaibũcũ rii ĩna soemũorotiboasere quẽne ĩvariquẽnabeaja mu.

⁷ To bajiri, ado bajiro mũre yaja yu: 'Adone ñaja yu. Mu bojasere yiru masa tũju vacu yaja. "To bajiro bajirũcũmi" mu ocare masa ĩna yiuacatore bajirone yiru, bajiaja' ", Diore ĩre yiyuju Cristo, masare ĩ rijabosarotire yigu.

⁸ Quẽna, tirene mũare gotiaja yu. " 'Rojose mani yisere masirioato Dios' yirã, vaibũcũ rii ĩna soemũorotiboasere ĩvariquẽnabeaja mu, mu roticũcati ti ñaboajaquẽne", Diore yiyuju Cristo.

⁹ Quẽna ado bajise yiyuju Cristo: "Mu bojasere yiru masa tũju vacu yaja yu", ĩre yiyuju. To bajiro ĩ yijama, ado bajiro ĩre yigu yiyuju: "Tirũmũju Moiserẽ mu roticũcatire yitajacõari, mamejuare masa ĩna ajise suori quẽnaro ĩnare mu yibosarotire bojagu bajiaja yu", ĩre yiyuju.

¹⁰ To bajiri Dios ĩ rotiriarore bajirone yigu, cojojine manire rijabosayumi. To bajiro ĩ bajire ñajare, rojose mani yisere masirioõari, "Rojose mana ñaama", manire yĩĩagũmi Dios.

¹¹ Jud'io masa, paia, tocãrãcarãmũrine ĩna ye moare ñajare, "Rojose ĩna yisere masirioato Dios" yirã, cojoji me vaibũcũrã riire soemũorũgũrãma ĩna. To bajiro ĩna yiboajaquẽne, rojose ĩna yisere, masiriose me ñaja. To bajiri rojose ĩna yisere masiriobecũmi Dios.

¹² Jesucristo, cojojine manire rijabosacõari bero, rojose mani yisere yirẽtobosajeocõagũ ñari, Dios ĩ rotiũaroju rãcũbũoriãjuare rujiyuju ĩ. ¹³ "Mũre terã ñajediro rotigu ñarũcũja mu", yiyuju Dios. To bajiri, "To bajiro yirũcũja" Dios ĩ yirere yuũagũmi Cristo. ¹⁴ To bajiri, Cristo cojojine manire ĩ rijabosare ñajare, "Rojose mana ñaama", manire yĩĩagũmi Dios. To bajiro ĩ yijare,

"Ñajediro rojose mani yirere, mani yirotere quẽne, manire yirẽtobosajeocõañumi Cristo", yimasiaja mani. ¹⁵ Dios ocare masa ĩna ucamasire suorine ado bajise manire gotiami Esp'iritu Santo:

¹⁶ " 'To bajiri, ĩnare mame yu vasoaroti, ado bajiro bajirũaroja: "Yu masise suorine yu rotisere tuoĩamasirũarãma", ĩnare yirũcũja yu. To bajiro yu yisere bojarã ñari, quẽnaro yirũgũrũarãma', yami Dios mani uju.

¹⁷ 'ĩnare ĩmaicõari, rojose ĩna yisere yu masiriojama, "Rojose yiriarã ñaama", juaji ĩnare yituoĩabetirũcũja yu', yami Dios", yigotiaja Dios ocare masa ĩna ucamasire.

¹⁸ To bajiri rojose mani yisere Cristo manire ĩ yirẽtobosajeore ti ñajare, rojose mani yisere tudituoĩabetirũcũmi Dios. To bajiri, no yirã vaibũcũ riire soemũomenaja mani.

"Diore quẽnaro ajitirũnũrũgũrũarãja mani", yire queti

¹⁹ To bajiri, Jesús, manire rijabosacõari, rojose mani yisere yirẽtobosar'ĩ ñari, õ vecaju manire sãnibosa ñagũmi. To bajiri gũimenane Diore sãnito mani. ²⁰ Tirũmũjuma Diore yirũcũbũoriãviju sudigasero yotoriãro ñaũju ti, " 'Dios ĩ ñarisõa' vãme cuti sõare jãjamasibeama masa" yĩĩoriju. To bajiro ti bajijare, ĩna masune Diore sãnimasimena ñari, paia uju ĩ sãnibosare bojarũgũmasiũnarã ĩna. Yucũrema Cristo manire ĩ rijabosare ti ñajare, no mani bojarijũne mani masune Diore sãnimasiaja mani. ²¹ Cristo sũgũne ñagũmi ñamasugũ manire sãnibosagu. To bajiro yĩĩagũmi õ vecaju Dios ya viju ñacõari. ²² To bajiri, tocãrãcãjine, "ĩ bojarore bajirone yirũaja" yirã, Diore sãnirũgũrũarãja mani. "Cristo suorine manire ĩvariquẽnagũmi Dios" yituoĩa tujamenane ĩre sãnirũgũrũarãja mani. To bajiro ĩre yisãnirãne, "Rojose ñaja manire", yituoĩabetirũarãja mani, Dios, "Rojose mana ñaama" manire ĩ yĩĩañajare. "Manire rijabosayumi Jesús" yirã, oco rãca ĩna bautizacana ñaja mani. ²³ Cristo oca mani buesocãtũre ajitirũnũ tujabetirũarãja mani. "Quẽnaro mũare yirũcũja" Dios manire ĩ yirere tuoĩatũjabetirũarãja mani, "Yirũcũja" ĩ yirore bajiro yigu ĩ ñajare. ²⁴ Mani rãcanare ĩmaicõari, quẽnaro gotirũarãja mani, "ĩna quẽne gãjerãre ĩmaicõari, variquẽnase rãca ĩnare ejarẽmoato" yirã. ²⁵ Cristore ajitirũnũrã ñari, rẽjarũgũroti ñaja, manire. Gãjerã rẽjarũgũboariãrã ĩna rẽjatũjarore bajiro bajibetiroti ñaja, manire. Rẽjacõari, "Cristore ĩre ajitirũnũ tujamenasa" yirã, quẽnaro gãmerã gotirũgũrũarãja mani, "Yoaro me ejarũaroja rojose yirãre Dios ĩ ĩabeserĩũmu" yimasirã ñari.

²⁶ Cristo ocare masiriarã ñaboarine, tire ajitirãnu tujacõari, rojosejuare mani yicõa ñajama, manire yirëtobosabetirucumi Cristo. ²⁷ To bajiri, rojose manire i yirotire tuoïagüirã rine, Dios masare i ñabeserirãmu ti ejaro, “Yuã uju me ñaja mu” ñe yirã räca rojose tãmuotujabetiriaroju vaborãja mani. ²⁸ Tirãmaju Dios i rotimasirere sigü tire i cãdibetijama, ado bajiro bajimasifüju: Juarã ñacõari, “Rojose yimi” ñe yirã ña ñajama, ñe ñaimainenane, Dios i rotiriarore bajirone yirã, ñe ñamasifüjarã ña. ²⁹ To bajiro bajimasire ti ñajare, yucarema mame i vasoarere ajitirãnuriarã ñaboarine, “Dios macu me ñarimi Jesús; manire rijabosabetirimi” ña yijama, ñare maigü Espiritu Santore rojose ñagõrã yirãma. To bajiri buto rojose tãmuoruarãma. “Manire rijabosabetirimi Jesús” ña yise ti ñaboajaquene, i rijabosare suorine, “Rojose ña yisere masirioçari, quẽnaro yirucuja yu” masare Dios i yimasiriarore bajirone bajiyuja. ³⁰ Rojose ña yise vaja buto rojose ña tãmuorotire masiaja mani, Dios ado bajiro i gotirere masa ña ucamasire ti ñajare: “Yune ñaja masa rojose ña yise vaja rojose ñare yirocu. Yu sigüne riojo tire yimasigü ñaja yu”, yigotiaja. Gajeye quene, ado bajise gotimasifümi Dios: “Yu ñaja yu yarã rojose ña yijama, ñare rojose yirocu”, yigotimasifümi Dios. ³¹ Caticõa ñarügürocu, Dios, rojose yirãre ñajünisinicõari, rojose ñare i yiroti, güiose masu ñaruarõja ti.

³² Dios i ejarẽmose räca Cristore mua ajitirãnu suocaire tuoïamasiña mua. Ñe ajitirãnurã mua ñajare, gãjerã cojoji me muare rojose yicama ña. To bajiro muare ña yiboajaquene, ñe ajitirãnucõa ñarügücaju mua. ³³ Masa ña ñaro rjorojuã muare ajatudicama ña. To yicõari, mua babarãre ña ajatudiro ñacõari, “Yuã räcana ñaama”, ñare yilamaicaju mua. ³⁴ Cristore ajitirãnurãre ña tubiberiarãre quene, “Yuã räcana ñaama”, ñare yilamaicaju mua. To bajiro yirã mua ñajare, rojose muare yicama gãjerã. Cristore ajitirãnucana mua ñajare, gãjerã mua tuju ejaçõari, mua gajeyuine emacama ña. To ña yiboajaquene, Cristore ajitirãnurã ñari, “Dios i gotiriarore bajirone, ña emase rëtoro quẽnase ñacõa ñarotire bujaruarãja mani, Dios i ñarõjuã”, yivariquenacaju mua. ³⁵ To bajiro mua yituoïacare bajirone bajiruarõja. To bajiri, Cristore ñe ajitirãnu tujabetiruarãja mua. ³⁶ Rojose tãmuoobarine, ñe ajitirãnucõa ña ña mua. To bajiro mua bajijama, Dios i bojarore bajiro yiriarã mua ñajare, Dios i gotiriarore bajirone õ vecaju quẽnaro muare yirucumi. ³⁷ To bajiro bajiroti ti ñajare, ado bajiro gotiaja Dios ocare masa ña ucamasire:

“Yu cõarocu Cristo yoaro meaca ejarucumi. ‘To cõrone ejarucuja mu’ yu yiroticatore bajirone ejarucumi.

³⁸ ‘Rojose magü ñaami’ yu yilavariquẽnagü, ‘I yirore bajiro yigu ñagümi’ yure yituoïagü ñari, bajirocãçõari bero yu tuju quẽnaro ñacõa ñarügürocu ñagümi. To bajiboarine, yure ajitirãnu tujagurema, ñe ñaquenabetirucuja yu”, yigotiaja Dios ocare masa ña ucamasire.

³⁹ To bajise Dios i gotimasire ti ñaboajaquene, manijuama, Cristore ñe ajitirãnu tujaronã me ñaja mani. To bajiri, “Manire rijabosayumi Cristo” yituoïarã ñari, rojose tãmuotujabetiriaroju vabeticõari, Dios tuju quẽnaro ñacõa ñarügüronã ñaja mani.

11

Diore mani ajitirãnu tujabetiroti queti

¹ “I yirore bajiro yigu ñagümi” Diore ñe mani yituoïajama, ado bajiro bajiaja: “Muare ñarucuja yu” manire i yijama, “Bujaruarãja mani”, yituoïarõti ñaja. “To bajiro masu bajiaja” Dios i yijama, maji tire ñabetiboarine, “To bajirone bajiroja”, yituoïaja mani. ² Mani ñicua to bajiro Diore ña tuoïajare, ñare ñavariquẽnamasifümi Dios.

³ “I yirore bajiro yigu ñagümi” Diore ñe yituoïarã ñari, ado bajise yimasiaja mani: “Ruyuaaya” Dios i yirore bajirone bajimasifüju, adi macarucuroaye, õ vecaye quene”, yimasiaja mani. To bajiro i yire ti ñajare, i rujeoroto rjorojuãma, manirügümasirere ñarügüaja mani, adi macarucuro ñasere.

⁴ “I yirore bajiro yigu ñagümi”, Diore ñe yituoïagü ñamasifüju mani ñicu Abel ñamasir'i. To bajiro Diore tuoïagü ñari, ñe rucubõogu, Dios i bojarore bajiro yigu, vaibucure soemõomasifüju. To bajiro i yijama, i gagu Ca'in rëtoro quẽnaro Diore rucubõogu yimasifüju. To bajiri, Diojuama, “Rojose magü ñaami”, ñe yilamasifüju Dios. Abel ñamasir'i tirãmaju i bajirocare ti ñaboajaquene, i yimasiriarore bajiro mani quene Diore mani rucubõoruajama, Dios i bojarore bajiro yirucubõorõti ñaja manire.

⁵ “I yirore bajiro yigu ñagümi”, Diore ñe yituoïagü ñamasifüju Enoc ñamasir'i quene. To bajiro Diore tuoïagü i ñajare, “Yu bojarore bajiro yigu ñaami” ñe yilavariquẽnagü ñari, i bajirocabõtone, ñe amicoamasifüju Dios. To bajiri, ñe bujabetimasifüjarã masa. To bajirone gotiaja Dios ocare masa ña ucamasire. ⁶ Ado bajiro tuoïarã ñari, Diore sënajaja mani: “Dios ñagümi” yimasicõari, “Yure ejarẽmoña” ñe yisënirãre quẽnaro yami” yituoïarã ñari, sënajaja

mani. To bajiro mani yijama, “Í yirore bajiro yigu ñagūmi” Diore yirā yaja. “Í yirore bajiro yigu ñagūmi” Diore ĩre mani yituoĭabetijama, manire ĩvariquēnabecumi Dios.

⁷ “Í yirore bajiro yigu ñagūmi”, Diore ĩre yituoĭagū ñamasifūju Noé ñamasir'i quēne. Ado bajiro ĩre yimasifūju Dios: “Masa ñajedirore ruureajeocōarucuja yu. To bajiri, cūmua jairica quēnoña mu, ‘Rujarobe’ yigu”, ĩre yimasifūju Dios. To bajiro ĩ yijare, bajiro tire masibetiboarine, “Í yirore bajiro yigu ñagūmi” Diore ĩre yituoĭagū ñari, ĩ gotirore bajirone yigu, cūmua jairicare quēnomasifūju Noé. To bajiri ĩ yarā rāca Noé ĩ rujaborotire ĩnare yirētosomasifūju Dios. To bajiboarine, gājerārema ĩ rācana ñaboariarāre, “Í yirore bajiro yigu ñagūmi Dios” yituoĭamena ĩna ñajare, ĩnare yirētosobabetimasifūju Dios. Noéjuarema, “Í yirore bajiro yigu ñagūmi” yure yituoĭagū ĩ ñajare, “Yu ĩvariquēnarā rācagu ñaami, ĩ quēne”, Noére ĩre yimasifūju Dios.

⁸ “Í yirore bajiro yigu ñagūmi”, Diore ĩre yituoĭagū ñamasifūju Abraham quēne. To bajiri, “Mu ñarimacare to cōrone vaveoya mu. Mu ñaroti sitare mure uxorucuja yu”, ĩre yimasifūju Dios. “Í yirore bajiro yigu ñagūmi” Diore ĩre yituoĭagū ñari, Dios ĩ rotisere ajicōari, vacoamasifūju ĩ, ĩ ñarotire masibetiboarine. ⁹ Gājerā ye sita ti ñaboajaquēne, “Adi sita mure uxorucuja” Dios ĩre ĩ yire ñajare, “Í yirore bajiro yigu ñagūmi” Diore ĩre yituoĭagū ñari, cojoju me viriaca buacōari, ñacadirūgūmasifūju Abraham. ĩ bajimasiriorore bajirone ñacadimasifūjarā ĩ macu Isaac, ĩ jānami Jacob quēne “Adi sita mure uxorucuja yu” Dios ĩnare ĩ yire ñajare. ¹⁰ To bajiboarine, variquēnagū ñacadimasifūju Abraham, “Ō vecaju Dios ĩ quēnoría macare quēnaro ñacōa ñarūgūrucuja yu” yituoĭagū ñari.

¹¹ To bajicōari, Abraham manajo Sara, bucuo rīa magō ñamasifūju so. ĩ quēne bucu ñamasifūju. To bajiboarine, “Í goticatore bajirone yirucumi Dios” yituoĭagū ñari, Dios ĩ ejarēmojare, macu cutimasiñujarā ĩna. ¹² To bajiri, “Bucacoarō ĩ ñaboarine, macu cuticōari, jājarā jānerabatia cutirocu ñamasifūmi. Jājarā ñocoa ñarāre, mani cōĭajeobetore bajiro, to yicōari, jare mani cōĭajeobetore bajiro jājarā jānerabatia cutirocu ñamasifūmi Abraham”, yimasijaia mani.

¹³ Abraham, Isaac, Jacob quēne, “Í yirore bajiro yigu ñagūmi”, Diore ĩre yituoĭariarā ñamasifūjarā ĩna, ĩna catiñaro cōrone. Dios ĩ gotiriarore bajiro ĩnare ĩ yibetiboajaquēne, “Í yirore bajiro yigu ñagūmi”, ĩre yituoĭacōa ñamasifūjarā ĩna. “Yu bajirocaro beroju yure ĩ goticatore bajirone yure yirucumi”, yituoĭarā ñamasifūjarā ĩna. To bajiro bajirā ñari, “Mure uxorucuja yu” Dios ĩ yire sitaju ñacudiñarā, ti sitanare ado bajise ĩnare gotimasiñujarā ĩna: “Adi sitajure yoaro ñabetiruarāja yua”, ĩnare yigotimasiñujarā ĩna. ¹⁴ To bajise ĩna yijama, “Gajeye sita ĩna ñacōa ñarotire tuoĭarā yiriarāma ĩna”, yimasijaia mani. ¹⁵ ĩna vadiveoria sitare tuoĭarā ĩna yijama, quēna ti sitajure ñarā, tudicoaboriarāma ĩna. ¹⁶ To bajiro ĩna tuoĭajama, ĩna vadiveoria sita tuoĭarā me yiyuma. ĩna vadiveoria sita rētoro quēnari sita ō vecaju Dios ĩ ñaroju varua tuoĭarā yimasifūjarā ĩna. To bajiro tuoĭarā ĩna ñajare, “Yune ñaja ĩna rucubogū; yu yarā ñaama ĩna”, yivariquēnamasifūju Dios. To bajiro yigu ñari, ĩna ñaroti macare ĩnare quēnobosayumi.

¹⁷⁻¹⁸ “¿‘Socu mene ĩ yirore bajiro yigu ñagūmi’ yure yituoĭagū ñati?” yimasira, ĩre rucuborā, vaibucure ĩna soemuoriarore bajiro yigu, ĩ macu sigū ñagūre sĭarotimasifūju Dios. “Isaac suori jājarā jānerabatia cutirucuja mu” Dios ĩ yire ti ñaboajaquēne, “Mu rotisere yibetirucuja”, yituoĭabetimasifūju. ¹⁹ “Bajireariarāre ĩnare tudicatiomasigū ñagūmi Dios” yituoĭagū ñari, “Yu macure yu sĭacōajaquēne, caticōarucumi” yituoĭagū ñari, ĩre ĩ sĭaguadijune, “ĩre sĭabeticōaĭna” Dios ĩ yijare, ĩre sĭabetimasifūju. To bajiro ĩ yire ti ñajare, “Rijacoaboarine, tudicatigare bajiro ĩre ĩamasifūju Abraham”, yimasijaia mani.

²⁰ “Í yirore bajiro yigu ñagūmi”, Diore ĩre yituoĭagū ñamasifūju Isaac ñamasir'i quēne. To bajiro Diore tuoĭagū ñari, ĩ rĭare ado bajiro ĩnare gotimasiñujaju, Jacob, Esaure quēne: “Í gotiriarore bajirone quēnaro mure yirucumi Dios”, yimasifūju.

²¹ “Í yirore bajiro yigu ñagūmi”, Diore ĩre yituoĭagū ñamasifūju Jacob ñamasir'i quēne. To bajiro Diore tuoĭagū ñari, ĩ bajirocaroto rĭjoro, ĩ macu José rĭare, “Quēnaro mure yirucumi Dios”, ĩnare yimasifūju ĩ. Bucu ñari, rūgōtĭmabetiar' ĩ ñaboarine, ĩ tueriu suorine vūmurūgōcōari, Diore rucubomasifūju ĩ.

²² “Í yirore bajiro yigu ñagūmi”, Diore ĩre yituoĭagū ñamasifūju José ñamasir'i quēne. To bajiro Diore tuoĭagū ñari, ĩ bajirocaroto rĭjoro, ĩ yarāre Israel ñamasir'i jānerabatiare ado bajiro ĩnare gotimasiñujaju: “Adi sita Egipto sitare vaveoruarāma ĩna, mua jānerabatia. ĩna vajama, yu gōare juacōari, Canaán vāme cuti sitaju yujeruarāma ĩna”, yimasifūju.

²³ “Í yirore bajiro yigu ñagūmi”, Diore ĩre yituoĭarā ñamasifūjarā Moisés ñamasir'i jacu, ĩ jaco quēne. To bajiro Diore tuoĭarā ñari, Moisés ĩ ruyaro bero, idiarā muijua ĩre yaiocumasiñujarā ĩna, “Quēnagūaca sūcare manire ĩsiami Dios” yirā, “To bajiri egipcio masa

uĵu, Israel űamasir'i jĵanerabatiare rĵamasa űmuare ĩ sĵarotibojajuquěne, ĩre gűimena űari, ĩ rotirore bajiro yibetimasifujarĵ ĩna.

²⁴ “Yirucuja' ĩ yirore bajiro yigu űagűmi”, Diore ĩre yituoĵagű űamasifuju Moissěs űamasir'i quěne. To bajiro tuoĵagű űari, bucucu, Egipto sita uĵu maco so masor'i űaboarine, “Egipcio masare bajiro bajigu űaami” masa ĩna yirucubuosere bojabetimasifuju Moissěs. ²⁵ Ado bajiro tuoĵagű űari, tire bojabetimasifuju ĩ: “Adi macarucuroju yu catiĵaro cĵoro egipcio masa rĵaca yu bojarore bajiro yu yijama, yu rijato beroju quěnabetoja ti. To bajiri Israel űamasir'i jĵanerabatia Dios yarĵ rĵaca baba cutirucuja yu, egipcio masa yure quěne rojose ĩna yiroti ti űaboajaquěne”, yimasifuju Moissěs űamasir'i. ²⁶ Ado bajiro tuoĵagű űari, to bajiro yimasifuju Moissěs: “Egipto sitana ĩna cuose jairo vaja cuti rĵetro űamasuse űaja, Cristo ĩ ejaroti Israel űamasir'i jĵanerabatia ĩna gotisejuama”, yituoĵacĵomasifuju. To bajiri, “ĩna rĵaca yu űajare, egipcio masa rojose yure ĩna yiboajaquěne, quěnacĵaruaroja”, yituoĵacĵomasifuju Moissěs. To bajiro ĩ tuoĵajama, ĩ rijato bero, “Cristo sĵorine quěnaro yure yirucumi Dios” yituoĵagű yimasifuju.

²⁷ Egipcio masa uĵu ĩ jűnininisere gűigu me, ti sitare vaveomasifuju Moissěs. “ĩ yirore bajiro yigu űagűmi Dios” yituoĵagű űari, Diore ĩre ĩabetiboarine, ĩ bojarore bajiro ĩ yirotire masicĵari, vacoamasifuju. ²⁸ “ĩ yirore bajiro yigu űagűmi Dios” yituoĵagű űari, Israel űamasir'i jĵanerabatiare “Dios ĩ rotirore bajiro Pascua boserűmu yito mani” yigu, oveja sĵar'i ri'ire cojovi ruyabeto sojerire turotomasifuju. Tire ĩamasicĵari, Israel űamasir'i jĵanerabatia ĩna rĵa cutisĵoriarĵare “Dios ĩ cĵagű ĵangel, sĵagű sĵajabeticĵato” yigu, yimasifuju Moissěs űamasir'i.

²⁹ “ĩ yirore bajiro yigu űagűmi Dios”, yituoĵarĵ űamasifujarĵ Israel űamasir'i jĵanerabatia quěne. To bajiro Diore tuoĵarĵ űari, Diore ajitirűnucĵari, moa riaga Oco Sűarisa vĵame cutiyare jĵemasifujarĵ. Dios ĩ masise suori “Riagare jĵato” yigu, oco mano ĩ yibosajare, carari mare jĵemasifujarĵ ĩna. To bajicĵari, egipcio masa ĩnare tuoruarĵ, suyajĵemasiboayujarĵ. ĩna jĵeajebetone, ruureacĵomasifuju Dios.

³⁰ To bajiro ĩna bajimasirio bero, Israel űamasir'i jĵanerabatia Jericĵ vĵame cuti macare ĵmaruarĵ, ti macare ĩna matariacűni suyarojuare eĵacĵari, cojomo cĵoro jua jĵenituarirĵacarűmuri rĵaja gĵnibiarűgűumasifujarĵ ĩna. To bajiro ĩna bajirone, “ĩ yirore bajiro yigu űagűmi Dios” yituoĵarĵ ĩna űajare, ti maca matariacűni cague vĵejacoamasifuju ti. ³¹ Ti macago Rahab vĵame cutigo, űmuare ajeriarĵ cuticĵari, vaja sĵenigĵ űaboarine, “ĩ yirore bajiro yigu űagűmi Dios”, yituoĵagű űamasifuju so. To bajiri Israel űamasir'i jĵanerabatia juarĵ ĩrudirimasa ejarĵare quěnaro ĩnare yimasifuju so. Quěnaro ĩnare yirio űari, so yu macana Diore ajirucububotiriarĵ rĵaca rijabetimasifuju.

³² Jĵere jairo muare gotibu yu. Tire bajiro Diore tuoĵamasiriarĵ jediro ĩna bajimasirere yu ucajama, yoaro ucaboguja yu. Gedeĵn, Barac, Sansĵn, Jĵetĵ, David, Samuel, to yicĵari, Diore gotirĵebosariarĵ jediro ĩna bajimasirere quěne ucaboguja yu. ³³ ĩna quěne, “ĩ yirore bajiro yigu űagűmi Dios” yituoĵarĵ űari, gaje sitana rĵaca ĩna gĵmerĵ sĵajama, ĩnajua rĵine, ĩnare sĵacĵarűgűumasifujarĵ ĩna. Gĵjerĵma, quěnaro masare rotimasifujarĵ ĩna, ĩna yarĵare, “Quěnaro gĵmerĵ yato” yirĵ. Gĵjerĵma, rojose tĵmuorĵ űari, “Yuare ejarĵemoĵna” yirĵ, Diore sĵenimasifujarĵ ĩna. To ĩna yijare, ĩ gotiriarore bajirone ĩnare ejarĵemomasifuju Dios. Gĵjerĵrema, “ĩ yirore bajiro yigu űagűmi” Diore ĩna yituoĵajare, “Yaia, leĵn vĵame cutirĵ ĩnare babeticĵato”, yiyumi Dios. ³⁴ Gĵjerĵma, jeame buto űjuroju ĩna reatĵiararĵ űaboarine, űabetimasifujarĵ. Gĵjerĵma, ĩnare ĩaterimasa jariaseri rĵaca ĩna sĵaruasere ĩacĵari, rudimasifujarĵ. Gĵjerĵma, tűmabetiboariarĵne, Dios ĩnare ĩ ejarĵemojare, tűmarĵ űacoasujarĵ ĩna. To bajiri, ĩnare ĩaterĵ sĵarĵ ejarĵare ĩnajua rĵine sĵareacĵarűgűumasifujarĵ. ³⁵ Rĵmia quěne, “ĩ yirore bajiro yigu űagűmi” Diore ĩre yituoĵarĵ űari, bajireacoanare Dios ĩ masise suori ĩ cĵiorĵare yarĵ cutiyujarĵ.

Gĵjerĵma, “ĩ yirore bajiro yigu űagűmi Dios” yituoĵarĵ, ado bajiro bajiyujarĵ: ĩnare ĩaterimasa ĩnare ĵejecĵari, “Dios ocare mu ajitirűnu tűjabetijama, mare sĵaruarĵaja yua”, ĩnare yigotiyujarĵ ĩna. To bajiro ĩna yiboajaquěne, “ĩ yirore bajiro yigu űagűmi Dios” yirĵ, ĩnare gűimene, ado bajiro tuoĵafujarĵ ĩna: “ĩna sĵacĵajaquěne, tudicĵicĵari, Dios tűju rĵetro quěnaro űaruarĵaja mani”, yituoĵamasifujarĵ ĩna. To bajiro yirĵ ĩna űajare, ĩnare sĵacĵafujarĵ. ³⁶ Gĵjerĵ quěne, “ĩ yirore bajiro yigu űagűmi Dios” yituoĵarĵ űari, ado bajiro rojose tĵmuĵujarĵ ĩna: ĩnare ajatud'icĵari, ĩnare bajeyujarĵ. Gĵjerĵrema, ĩna ĵmoriju cĵememarine sĵacĵari, tubibecűűujarĵ ĩna. ³⁷ Gĵjerĵrema, gűtane ĩnare reasĵafujarĵ. Gĵjerĵrema, ĩna ruju gudarecone yijetasĵacĵafujarĵ. Gĵjerĵrema, jariaseri rĵaca ĩnare saresĵacĵafujarĵ ĩna. Gĵjerĵma, sudi manijare, vaibucgasene sĵĵafujarĵ. To bajicĵari ĩna űaroti maca bujamenane, maioru rojose yiecocudirűgűujarĵ ĩna. ³⁸ “ĩ yirore bajiro yigu űagűmi Dios”, yituoĵarĵ űafujarĵ ĩna. Dios ĩ ĩamairĵ űaboarine, gĵjerĵ ĩna ĩaterĵ űari, ĩna űaroti bujamenane masa manoju, gĵtayucĵri vatoaju gĵtavirĵju űacudiyujarĵ ĩna.

³⁹ Rojose tãmuoriarã muare yu gotirã, jediro ñañujarã “Í yirore bajiro yigu ñagãmi Dios” yituoïariarã. To bajiro Diore tuoïarã ñari, “Manire ñavariquẽnagãmi Dios”, yituoïañujarã ña. To bajise tuoïarã ñaboarine, nijũane “Quẽnaro yirũcũja yũ” Dios i yirere yicobesuma maji. ⁴⁰ Ña tuoïase rẽtoro quẽnase i yirũajare, to bajiro bajiyuma maji. To bajiri, yucurema, mame Dios i vasoase ñajare, ñare, manire quẽne, “Rojose mana ñaama”, yĩagãmi Dios.

12

“Cristore ajitirũnũcõa ñarũgũruarãja mani”, yire queti

¹ To bajiro mani ñicua ña bajirere mani ajijama, “ Í yirore bajiro yigu ñagãmi’ Diore ñe yituoïacõari, quẽnaro ñe ajitirũnũnũma ña”, yimasijama mani. To bajiri josase ti ñaboajaquẽne, mani quẽne, Diore ajitirũnũ tujabeticõato mani. Mani tuana rojose manire ña yirotijama, ñare cõdibetirũarãja mani, “ Ña suorĩ Dios i bojabeti yirobe” yirã. Jesucristo, adigodoju ñagũ Diore i ajitirũnũriarore bajiro mani quẽne Diore ajitirũnũcõa ñarũgũruarãja. ² Cristore tuoïatujabetiroti ñaja manire. Ñe ñaami mani tuoïamasirotire cõagũ. To bajiri, manire i ejarẽmojare, “Í yirore bajiro yigu ñagãmi Dios”, yituoïa tujabeaja mani. Yucãtẽroju masa ñe ña jajuturo, buto rojose tãmuogũ ñaboarine, Dios tujũ quẽnaro i ñarotijũare tuoïagũ ñari, ñe ña yirotire, “Yibeticõato”, yibesumi. To bajiri manire rijabosacõari, yucurema, õ vecajũ Dios i rotĩñaroju i riojocacatua rũcũbuorĩajure rujigu ñagãmi.

³ Jesús adigodoju i ñaro, buto rojose ñe ña yiboajaquẽne, quẽnasejuare yicõa ñañumi. To bajiri mani quẽne, rojose tãmuorã ñaboarine, quejemenane, quẽnasejuare yicõa ñarũgũroti ñaja. ⁴ Jesucristo rojose i tãmuorĩarore bajiro tãmuonenaja mua maji. To bajiri, rojose tãmuorã ñaboarine, ñacõarãja mua. ⁵ Diore ajitirũnũrã ñari, i rĩare bajiro bajirãre, “Rojose tãmuorã ñaboarine, Í yirore bajiro yigu ñagãmi’ yure yituoïa tujabeticõato ña” yigu, muare gotimasioñumi. Tire masiritirãja mua. Ado bajise gotijaja ti Dios ocare masa ña ucamasire: “Мацу, ‘Адо бажіро́жа в’яу’, му́ре уу в’исере а́јтебеса. Ро́жосе тãмуогũ ñaboarine, yũ bojarore bajiro yicõa ñañã.

⁶ Yũne ña jacure bajiro bajigu ñari, yũ mairãre, ‘Адо бажіро́жа mua yijama, quẽnaruaroja’ ñare yirũgũajaja yũ”, yigotijaja Dios ocare masa ña ucamasire.

⁷ To bajiri, rojose tãmuoboarine, “Í yirore bajiro yigu ñagãmi Dios”, yituoïa tujabesa mua. Rojose mua tãmuose suorine quẽnaro muare i yirotire masiogũ yigumi Dios. Sigũ i rĩare i gotimasiorore bajiro yigu, yigumi Dios, “Yũ bojarore bajiro yirã ñato” yigu. Rĩa cutirã jedirone, ña rĩare gotirũgũrãma. ⁸ To bajiri, Dios quẽne, “Yũre ajitirũnũrã ñari, yũ rĩare bajiro bajirã ñaama” yigu, ñare gotimasiorũgũmi Dios. To bajiro muare Dios i yibetijama, jacu manare bajiro ñaborãja mua. ⁹ Mani jacua, manire ña yirere tuoïato mani. Rĩamasaca mani ñaro rojose mani yijare rojose manire yiriarãma ña, “Yũa bojarore bajiro yirã ñato” yirã. To ña yirore ajirũcũbuorĩarãja mani. To bajiri Dios quẽne, “Yũre bajiro quẽnaro yirã ñato” yigu, rojose mani yijare, rojose manire i yijama, butobusa ñe ajirũcũbuoroti ñaja manire. Ñe mani ajirũcũbuojama, mani rijato bero, tudicaticõari, i rĩaca quẽnaro ñacõa ñarũgũruarãja mani. ¹⁰ Mani jacua, ña gotimasiojama, ña yimasiro cõro manire gotimasiorĩarãma ña. Diojũama, masijeogũ ñari, “Адо бажіро́жа ña yijama, quẽnaja”, yimasigũ ñagãmi. To bajiro yigu i ñajare, yucurema rojose tãmuoboarine, quẽnaro ñe mani ajirũcũbuo tujabetijama, ñe bajiro quẽnaro yirã ñaruarãja mani. ¹¹ Rojose mani yise vaja “Rojose tãmuoato ña” yigu, Dios rojose manire i yijama, sutiritirãja mani. Rojose mani tãmuosere tuoïacõari, “Адо бажісе маніре в’имасіогũ в’ігумі Діос” mani yituoïamasijama, i bojarore bajiro yiroti ñaja. To bajiro mani yijama, quẽnaro ñaruarãja mani.

“Dios ocare mani ajitirũnũ tujajama, gũiose ñaja”, yire queti

¹² To bajiri, “Dios manire i gotirĩarore bajirone quẽnaro yirũcũmi” mua yituoïa suocatore bajiro yituoïañã mua quẽna. Tire tuoïacõari, mua yimasiro cõrone Diore quẽnaro ñe ajitirũnũña mua, “Ñajediro Dios i gotirĩarore bajirone quẽnaro manire yato” yirã. ¹³ To bajiri, Dios i bojasere yiruarã, quẽnaro tuoïañã mua. Quẽnaro tuoïacõari, i bojarore bajiro mua yijama, mua babarã quẽne Cristore butobusa ajitirũnũruarãma ña.

¹⁴ Mua jediro, quẽnaro gãmerã yirũgũruarãja mua, “Quẽnaro ñacõari, butobusa Dios i bojarore bajiro yirã ñato mani” yirã. To bajiro mua yibetijama, Diorãca quẽnaro ñabetiruarãja. ¹⁵ Mua rãcana ñajedirore quẽnaro ejarẽmorũgũruarãja mua, “Cristo suorĩ Dios quẽnaro manire i yisere, ‘Socase ñaja’ yituoïaroma ña” yirã. Socase yigu i ñajama, “Í suorine Dios ocare ajitirũnũ tujacõari, ñjũare ajĩsũyaroma” yirã, quẽnaro gãmerã ejarẽmorũgũña. ¹⁶ To yicõari, “Gãmerã ajeriarã cutiroma” yirã, mua rãcanare quẽnaro gotiruarãja mua. Esaú ñamasir’ire bajiro yibeticõañã mua. Í gagũ ñaboarine, bare barũne, “Yũre mu ecajama, mu bedire bajiro bajirũcũja yũ”, ñe yimasĩñuju. To yicõari, “Mani jacu i rijaroto rĩjoro, ‘Yũ macu ñasogũ ñaami’ i yirocũ ñarũcũja mu. To i yirocũ ñari, ‘Quẽnaro yirũcũja’ Dios i yirere yicococũ ñarũcũja

ma”, yimasifuju Esaú, i bedire. ¹⁷ “Dios ocare ajirucubobecu ñañumi”, ñe yimasiaja mani, ado bajiro ña bajimasire ñajare: I jacu i bajirocaroto rjoro, “I gagu ñaja ma. To bajiri quënaro mure yirucami Dios”, i jacu i yisere ajiruamasiyoayuju Esaú. “Jere ma bedijuare gotiyuja yu” i yisere ajicõari, buto otiboarine, “Quënaro yirucuja” Dios i yirere bajabetimasifuju Esaú.

¹⁸ To bajiri, mame Dios i vasoasere ajirucuboorã ñari, muama, mani ñicua ña ñamasire ñuire ñabesuja mua. Ñama, gütaju ñacudir'i Moisés i rojaejaro bero, gütai ti ñusere ñañuma. To bajicõari ti buesene rëtiacõamasifuju. Buto bujo quëne jamasifuju. To bajicõari, mino buto vamasifuju. ¹⁹ To bajiro ti bajirone, jutiria trompetã vãme cutãa bõsiser ajicõari, buto güimasifujarã ña. To bajicõari, Dios i ocaruyusere ajimasifujarã ña. Tire ajigüicõari, to cõrone i ñagõtujasere bojamasifujarã ña. ²⁰ Dios i rotirere no bajiro yimasibetica yirã, “To cõrone ñagõtujato”, ñe yimasifujarã. Ado bajiro ñare rotimasifuju Dios: “Sigü masu, to yicõari, vaibucu ügü quëne gütãure i cudajama, gütane reasiacõaroti ñaja”, yimasifuju. ²¹ Ña ñamasire buto güiose ti ñajare, Moisés ñamasir'i quëne, “Güigu, nanaja yu”, yimasifuju.

²² Mani ñicua ña bajimasiriarore bajiro bajirã me ñaja muama. To bajiri, õ vecaju ñaricu gütaju joeju ñarimaca Jerusalén vãme cuti macaju Dios ñacõa ñarügügü ya macaju ñarãre bajiro bajiaja mua. To bajicõari, Dios tuana jãjarã ángel mesa rëjacõari, Diore ña rucuboroju ñarãre bajiro bajiaja mua. ²³ To bajicõari, “Ado cõro ñaama yu rãca ñarügürona” Dios i yuacaturiarã ñari, i tuju ñarã rãca rëjarãre bajiro bajiaja mua quëne. Masa ñajedirore ñabesorecu tujare güimenane ejarãre bajiro bajiaja mua. Rojose yiriarã ñaboarine, Jesúre ajitirunãriarã ña ñajare, i tuju ña ejaro, “Rojose mana ñaja mua” Dios i yïariarã rãca ñarãre bajiro bajiaja mua quëne. ²⁴ To bajiri, Jesús tuju ejarona ñaja mua. Ñe ñaami, “ ‘Mame oca mure vasoarucuja yu’ Dios i yiriarore bajiro bajiato” yigu, manire rijabosar'i. To bajiri, i ri i suorine, “Rojose mana ñaama”, manire yïañumi Dios. To bajiboarine tirãmaju, Abel ñamasir'i i siaecomasirejuama, “I ri i suorine ‘Rojose mana ñaama’ masare Dios i yïaroti me ñamasifuja”, yimasiaja mani.

²⁵ To bajiri Cristo i rijabosare suorine mame oca Dios i vasoarere ajitirunãroti ñaja. Moisés ñamasir'ire Dios i roticõmasirere cojoji me ña cudibetijare, rojose ñare yirügumasiuju Dios, “Yitujacõari, yu bojasejuare yato ña” yigu. To bajiro i yimasire ñajare, mame i vasoasere quëne mani ajibetijama, “Rojose manire yirucumi”, yimasiaja mani. ²⁶ Gajeyerema tirãmaju mani ñicua ñamasiriarãre gotigu, sita nuraroju ñagõmasifuju Dios. I ocare masa ña ucamasire quëna i yirotire ado bajiro gotiaja: “Quëna yinurõojama, adi macarucõoaye, õ vecayere quëne yinurõobatorucuja yu”, yigotiaja, Dios ocare masa ña ucamasire. ²⁷ To bajiro quëna Dios, “Yirucuja” i yirere mani ajijama, “Adi macarucõro ñase jediro i rujeore reajeocõarucumi”, yimasiaja mani. Rëmojuene “Yayibetiraroja” i yirujeore rïne ruyararoja ti. ²⁸ To bajiri socase me ti ñajare, “Diore ajitirunãriarã ña bajireajama, i rotinãroju ña caticõa ñarotire yigu, i catisere i isiriarã ñari, i rãca ñarügüruarãma”, yimasiaja mani. To bajiro mani bajiroti ti ñajare, Diore rucuboorã, “Quënaro yure yaja ma”, ñe yisënitõ mani. To yicõari, i bojarore bajiro yirügütõ mani, “Manire ñajünisinicõari, rojose manire yiromi” yirã. ²⁹ I bojabeti yirãre rojose yigu i ñajare, i bojarore bajiro yiroti ñaja manire.

13

“Iavariquënato Dios” yirã, quënarõ mani yiroti queti

¹ To bajiri adi mure gotitusaja yu: Ado bajiro yïañã mua, “Manire ñavariquënato Dios” yirã. Cristo yarã ñari, gãmerã ñamaitujabesa mua. ² Gajeroana mua masimena Cristore ajitirunãrã mua tu ña ejaama, quënarõ ñare yiruarãja mua. Mani ñicua quëne, gajeroana ña masimena ña ejaboajaquëne, quënarõ ñare yirügumasiufujarã ña. To yirã ñari, cojojirema ángel mesare “Dios i cõariarã ñarãma” yimasibetiboarine, quënarõ yimasifujarã ña.

³ Gãjerã Cristore ajitirunãrãre tubibe ecorãre masiritibesa mua. Mani quëne mani tubibe ecojama, “Quënabetoja” yitõõarã ñari, ejarëmoña. Gãjerãre quëne, rojose ñare ña yijama, mua quëne ña rãca rojose tãmuorãre bajiro ñare ñamaicõari, ejarëmoña mua.

⁴ Gãmerã mua bojasere quënarõ rucubooroti ñaja. Manajo cutirã, manaju cutirã, manajo mana, manaju mana quëne gãjerã rãca ajeriarã cutibesa. To bajiro mua yijama, “Rojose tãmuorãrãma”, mure yirucumi Dios.

⁵ Jairo gãjoa cõorna tuõabesa mua. Mojoroaca cõorã ñaboarine, “Jere ñacõaja”, yitõõacõañã mua. Ado bajiro Dios i yirejuare tuõañã: “Mure vaveobecune, tu rãca ñacõa ñarügütrucuja yu”, yiyumi Dios, manire. ⁶ To bajiro i yirere mani ajijama, “Socã me yiyumi” yimasicõari, Dios oca ti gotirore bajiro ado bajiro yimasiaja mani:

“Dios ñaami rojose yu tãmuoro, yure ejarëmogã. To bajiro rojose yure yirãre güibeaja yu”, yaja mani.

⁷ Cristo ocare muare gotimasiosuocana ina bajicature masiritibesa mua. “I yirore bajiro yigu ñagūmi Cristo” yituoīarā ñari, ire ajitirānu tujamenane, bajireacoacama ina. Ina bajicatore bajiro, Cristore ajitirānu tujabesa mua quēne.

⁸ Jesucristo ñagūmi tuoīavasoabecu, cojojire bajiro quēnaro yirūgūgū. To bajiri muare gotimasiosuocanare quēnaro inare ejarēmori, manire quēne to bajirone ejarēmocōa ñarūgūrcūmi. ⁹ Muare ina gotimasiosuocature bajiro me, ricati ina gotimasiosere ajitirānubeticōaīna mua. Ado bajiro muare gotirūgūrāma ina: “Babetiruarāja mua” mani ñicua ñamasiriarā ina yimasirere mua ajirūcubujama, quēnaja”, muare yirāma ina. To bajiro muare ina yigotise me, ado bajiro mua yituoīarūgūsejua ñaja quēnase: “Dios manire īamaicōari, manire ejarēmorcūmi” mua yituoīarūgūsejua ñaja quēnase. To bajiro mua tuoīajama, butobusa i bojarore bajiro yirā ñarūtuuarāja mua.

¹⁰ Cristo manire i rijabosare suori Moisére Dios i roticūmasirore bajiro me bajiaja. Moisére Dios i roticūmasirere ajitirānurā, rojose ina yisere “Masirioato Dios” yirā, “Vaibucurā soemuocōa ñaroti ñaja” yituoīarā ina ñajare, “Rojose mana ñaama”, inare yīabecūmi Dios. Manijuarēma, vaibucu rii ina soemuose ūnirēne yigu, Cristo i rijabosare suori, “Rojose mana ñaama” Dios i yīarā ñaja mani. ¹¹ Moisére Dios i roticūmasirere ajitirānugū paia ūju ñamasugūma, vaibucu ina sīar’i ri’i ēoriabajare āmisājacūmi, Dios i ñarisōa vāme cuti sōaju, “Rojose ina yisere masirioato Dios” yigu. I sājatoye, vaibucu rujuuarēma ti maca sojuaju āmivacōari, soerocacōarāma ina, ire īaterā ñari. ¹² To bajiro vaibucure ina īaterore bajiro bajiyumi Jesús quēne. Jerusalén maca sojuaju yucātēroju jajušīa ecoyumi, rojose mani yisere manire yirētobosagu. To bajiro bajiyumi, “Rojose mana ñaama” manire Dios i yīarotire yigu. ¹³ To bajiro Jesús i bajibosare ñajare, Moisére Dios i roticūmasirere ajitirānurā rojose muare ina yibojajuquēne, tire ajirūcubuo tujacōari, mame Dios i vasoarejuare ajitirānurōti ñaja muare. ¹⁴ To bajiro bajiruarāja mua, adigodoayere tuoīabeticōari, “Dios i ñarimaca ñaja mani ñacōa ñarūgūroti maca” yituoīarā ñari. “Adi macarūcurojūrema manija mani ñacōa ñarūgūroti maca”, yimasirāja mua. ¹⁵ To bajiri, Jesucristo i rijabosare suori, Diorāca mani ñacōa ñarūgūroti ti ñajare, vaibucurāre sīacōari, ina soemuose ūnirēne yirā, “Quēnamasucōaja mu” Diore yirūcubuo tujabetiroti ñaja, manire. ¹⁶ To yicōari, “Quēnaro gāmerā yiroti ñaja manire” yirere masiritibeticōaīna mua. To yicōari, mua tuana maioro ina bajisere masicōari, mua cuose inare īsiña. To bajiro mua yijama, Dios i īavariquēnase yirā, yiruarāja mua.

¹⁷ Muare ūmato ñarāre quēnaro cūdiya mua. “¿No bajiro inare īatirānucati mua?” manire yisēniñagūmi Dios” yimasirā ñari, tocārācarūmune, “Diorāca quēnaro ñato ina” yirā, muare īatirānūgūrāma ina. To bajiri, quēnaro inare mua cūdiyama, to bajiro mua yisere, “Ado bajiro quēnaro mure ajitirānucama ina”, Diore ire yivariquēnaruarāma ina.

¹⁸ To bajiri, “Dios i bojarore bajirone yato i” yirā, Diore yure sēnibosaya. Dios i bojase jediro yirūgūaja yu. To bajiro yigu ñari, tuoīarejaibecune ñacōaja yu. ¹⁹ To yicōari, yoaro mene quēna mua tu yu varotire yirā, yure sēnibosaya mua, Diore.

“Quēnaro muare yato Dios”, yire queti

²⁰ “Quēnaro ñato ina” yigu manire ejarēmogūmi Dios. Īne ñagūmi, mani ūju Jesús manire i rijabosaro hero, ire catior’i, ire caticōari, “Ovejare īatirānugūre bajiro, yu yarāre quēnaro inare īatirānūrcūja mu” ire yir’i. Jesús i rijabosare suorine, “Rojose ina yisere masiriocōari, quēnaro yirūcūja yu” masare Dios i yimasiriarore bajirone bajiyuja. To bajiro i yise jedibetiruarōja. ²¹ Ado bajiro Diore muare sēnibosaja yu: “Mu bojarore bajiro yato ina” yigu, inare ejarēmōīna mu”, muare yisēnibosaja yu, Diore. “Jesucristo i ejarēmose rāca quēnaro yaja mua” yivariquēnato” yigu, Diore muare sēnibosaja yu. Quēnarētogū Cristo i ñajare, “Quēnamasucōaja mu”, ire yirūcubuo tujabetiroti ñaja, manire. To bajirone bajicōa ñarūgūato.

²² Mojoroaca muare papera ucacōaja yu. To bajiri, “Butobusa, I yirore bajiro yigu ñagūmi” Cristore ire yituoīato ina” yigu, muare yu gotisere quēnaro tire ajimasiña mua, yu mairā. ²³ Mani maigū Timoteore ina tubiber’ire jēre ire bucōañujarā. To bajiri, yoaro mene i eajama, i rāca mua taju varūcūja yu.

²⁴ Muare ūmato ñarimasa, to yicōari, mua rācana Jesucristore ajitirānurā jediro, “Quēnato”. “Quēnato”, muare yama Italia sitana quēne.

²⁵ Dios, muare īamaigū ñari, quēnaro muare yato i.

To cōro ñaja.

Carta de SANTIAGO

Jud'io masa, Jesucristore ajitirunurãre, Santiago i ucaçõare

¹ ¿Ñaboati mua, yu yarã, Jesucristore ajitirunurã, jud'io masa? Adi papera rãca muare ucacõaja yu, Santiago. Mani jacu Dios, mani uju Jesucristo quêne, ña bojasere yigu ñaja yu. Juaãmo cõro, gubo jua jënituarõ masa jünari ñaja mani, adi macarucuro jediro ñabatorã. Muare quënarotiaja yu.

“Diore mani sënijama, i masisere manire cõarucumi”, yire

² Ajija yu yarã, Jesucristore ajitirunurã. Gãjerã, rojose muare ña yiboajaquêne, sutiritimenane, variquënama. ³ Ado bajiro ti bajijare, “Variquënama”, muare yaja yu: “Rojose tãmuorã ñaboarine, Jesucristore mani ajitirunucõa ñajama, rojose yiruaboarine, tire yibetiruarãja”, yimasirãja mua. ⁴ Rojose mua yibetire tuoãvariquënacõari, beroju quëna rojose tãmuorã, “Rojose yibetiroti ñaja” mua yire masiritibeja mua. Tocãrãcãjine rojose tãmuoaboarine, Jesucristore mua ajitirunucõa ñajama, Dios i bojarore bajiro yirã ñaruarãja mua.

⁵ “¿No bajiro yu yirotere bojarojari Dios?” mua yituoãajama, ñe sënifia. “¿No yirã yure sënifati mua?” yigu me ñaami Dios. Ñe sënirã jedirore, “Yu masisere ñare cõarucuja” yigu ñaami. To bajiri ñe mua sënijama, mua masirotere muare ujoarucumi. ⁶ Diore mua sënijama, “Yu masirotere yuare ujobetirucumi”, yituoãabesa. Diore sënigã, “Yure ujoarucumi” yigu ñaboarine, “Yure ujobecumi” i yituoãajama, oco sabesere bajiro bajiroja i tuoãase. Gajeroju sabe, quëna gajeroju sabe, bajifãrore bajiro bajiroja i tuoãaboase. ⁷⁻⁸ To bajiri, cojoju ñamasibetore bajiro bajiroja, i tuoãase. Jairo tuoãagã i ñajare, “Dios i bojarore bajiro yirucumi”, yimasifia manõja. “Ñe bajiro mani bajijama, mani sënisere cõabetirucumi Dios”, yimasifia.

⁹ Maioro bajirã ñaboarine, “Jesucristore ajitirunurã ñari, Dios rãre bajiro bajirã ñaja yua” yimasicõari, variquënarõ ñaroti ñaja muare. ¹⁰ Gajeyëni jairã Jesure ajitirunurãre, variquënarõ ñaroti ñaja ñare quêne, “Ñamasuse me ñaja yua cõose” ña yituoãajama. Go yoaro mene sïnirõre bajiro bajiaja mani. To bajiro yu yijama, “Yoaro meaca catiruarãja mani” yigu yaja. ¹¹ Buto muuju i asijama, quënase ruyuboasene sïnirea bajicoacaja, ta, to yicõari, go quêne. To bajiri ñariaro quënase ruyuboase manicaju. Tire bajiro bajirãma gajeyëni jairo cõoobarã quêne. “Jalbusaro gajeyënire bujarãsa mani” yirã, moa vaja tañarã rine, bajireacoaruarãma.

“Rojose rine mani yicõa ñajama, rojose tãmuotujabetiriarõju varuarãja mani”, yire queti

¹² Rojose tãmuorügürã ñaboarine, mani rijato beroju, Dios tajn i rãca variquënacõa ñaruarãja mani. “To bajirone bajiruarãma yure mairã”, yiyumi Dios. To bajiro mani bajiroti ñajare, rojose mani yiruaboasere mani yibetijama, variquënaruarãja mani. ¹³ Rojose mani tuoãase, “Dios suorine to bajiro tuoãaja”, yiroti me ñaja. Rojose tuoãagã me ñagãmi Dios. To bajiri, “Dios suorine rojose yaja”, yimasifia maja. ¹⁴ Ado bajirojua bajiaja: Mani masune rojose yigua tuoãacõari, yirügüaja mani. ¹⁵ Rojose rine mani yicõa ñajama, rojose tãmuotujabetiriarõju manire cõarucumi Dios.

¹⁶ Yu mairã, quënarõ tuoãamasifia: ¹⁷ “Jediro quënase, Dios manire i cüre ñaja. Ñe ñagãmi ãmuagu muijure, ñamiagure, to yicõari, ñocoare quêne rujeomasir'i. To bajicõari, ‘Yirucuja’ i yirore bajirone yigu ñaami, quënase rine tuoãagã”, yituoãaroti ñaja. ¹⁸ Ñe oca quënasere mani ajitirunusoriarãmune, i rãca mani caticõa ñarügürotire manire isifiumi. To bajiro i yire ñajare, i rã ñasurõre bajiro bajirã ñaja mani. Tirãmujene to bajiro mani bajirotere bojayumi Dios.

“Dios oca ti gotirore bajirone cudiroti ñaja”, yire queti

¹⁹ Yu mairã, muare yu gotirotere masiritibeja mua: Mua rãcana muare ña gotisere quënarõ ajiroti ñaja. Muajua quêne, mua rãcanare mua gotijama, quënarõ tuoãacõari, ñare gotiba. Muare ña ajiruarbetijama, guaro jünisinibetiroti ñaja. ²⁰ Gãjerãre mani jünisinijama, Dios i bojarore bajiro yirã me yirãja mani. ²¹ Mani ajirügüse, to yicõari, mani gotirügüse quêne, ñamasuse ti ñajare, rojose mua yirügüse jedirore yitujacõaña mua. To yicõari, Dios ocare ajitirunucõa ñarügüña. Tire mua ajitirunucõa ñajama, rojose tãmuotujabetiriarõju mua vaborotire muare yirëtobosarucumi Dios.

²² Dios ocare ajicõari, ti yirore bajiro cudiroti ñaja. Tire ajiboarine, ti gotirore bajiro mua yibetijama, “Diore ajitirunurã ñaja yua” mua yituoãaboase socase ñaroja. ²³⁻²⁴ Dios ocare ajiboarine, mua cudibetijama, muare ejarëmbetoja. Mua cudibetijama, sigũ ëoro ãmiãcõagã ñaboarine, ëorore i cürifmarone, “To bajigu ñamu yu” i yimasibetore bajiro bajirãja mua. To

bajiri ěoroju quěnaro ĩĩaboase ĩre ejarěmobetaja. ĩre bajiro bajirăja mua, Dios ocare ajiboarine, mua cudibetijama. ²⁵ Găjerăma, rojose ĩna tămuoborotire Cristo ĩyirětobosarere tuoĩacăari tire masiritimenama. Masiritimena ĩnari, Dios ĩ rotisere variquěnase răca yicăa ĩnaruarăma.

²⁶ “Diore yu yirěcubuoase suorine ĩ bojasere yigu yaja yu”, yituoĩarăma sigări. To bajiro yituoĩară ĩboarine, rojose ĩna ĩagăsere ĩna yitujabetijama, ĩna masune socară yirăma. Diore ĩna yirěcubuoaboase, vaja manaja ti. Dios ĩ bojasere yiră me ĩnarăma ĩna. ²⁷ Mani jacu, Dios ĩ ĩajama, socu me ĩ bojasere yiguma, ado bajiro yigu ĩagămi: Jacua rijaveoriară, to yicăari, manajua rijaveoriarăre quěne, maioro ĩna bajijare, ĩnare ejarěmogă ĩagămi. To bajicăari, găjeră rojose ĩna yirěgărore bajiro yibecu ĩagămi ĩma.

2

“Jesús ocare ajitirănură ĩnari, gămeră ĩarěcubuoaroti ĩnaja”, yire

¹ Ajija yu mairă. Mani ĩju, Jesucristore ajitirănură ĩnaja mani. Quěnamasugă ĩ ĩnjare, ĩre buto rěcubuoaja mani. To bajiro yiră ĩnari, mani răcanare quěne gămeră ĩarěcubuoaroti ĩnaja. ² Mua rějarone, sigă quěnase sudi sănacăari, ămo săriabedori săcăari ejagumi. To yicăari, găjjijua sudi bucă sănacăari ĩ ejajama, ado bajiro yirăja mua: ³⁻⁴ Quěnase sudi sănacăari, săjaejagurema, “Ado ĩnaja rujiriaro quěnarito”, ĩre yirăja mua. Maioro bajijugăuarema ĩ săjaejaro ĩacăari, “Tone răgăcăaăa. Mu bajirăbetijama, rěcacane rujicăaăa mu” ĩre mua yijama, quěnaro gămeră ĩarěcubuoemena yirăja mua. To bajiro mua yijama, Dios ĩ bojarore bajiro yiră me yirăja mua.

⁵ Ado bajiro muare yu gotisere quěnaro ajija mua: “Yu macăre ajitirănură” Dios ĩ yirere cudiriară, maioro bajiră jăjară ĩnaama. “Maioro bajiră ĩnaama” Diore ajimena ĩna yĩară ĩboarine, Jesucristore ajitirănură ĩnari, “Butobusa ĩre ajitirănură ĩnato” yigu, quěnaro Dios ĩ yiră ĩnaama. To bajicăari, ĩ gotiriarore bajirone ĩ tăju ejarona ĩnaama. ⁶ To bajiboarine, maioro bajirăre ĩnare ĩarěcubuoabeaja mua. Gajeyěni jairăjuare rěcubuoarogăua mua. “ĩna suorine rojose tămuorăja mani”, ĩyimasibeatiquě mua? ĩna ĩnaama muare gotiyiroruară, ĩjară tăju, muare juavarěgără. ⁷ “Jesús yară ĩnaja yua” yicăari, bautiza ecoriară ĩnaja mua. To bajiri, ĩ ocare ajicăari, quěnaro variquěnaja mua. Gajeyěni jairăjuama ĩre rěcubuoabeticăari, ajarěgăama. ĩTire masibeatiquě mua?

⁸ Mani ĩju, Dios ĩmasusere ĩ rotimasire ado bajiro gotiaja: “Mu masu rujare mu maiore bajirone mu tuanare maiăna”, yigotiaja. Tire mua cudijama, quěnaro yiră yirăja mua. ⁹ Tire ajiră ĩboarine, masa jedirore mua ĩarěcubuoebetijama, rojose yiră yirăja mua. To bajiri, “Mua ye suorine rojose ĩnaja”, muare yĩagămi Dios. ¹⁰ Dios ĩ rotimasire ĩnaro cărone cudijeemare, “ĩna ye suorine rojose ĩnaja”, ĩnare yĩagămi Dios. To bajiro yĩagă ĩ ĩnjare, ĩ rotirere cojo văme mani cudibetijama, ĩnjediro ĩ rotirere cudibetjeocăarăre bajiro bajirăja mani, Dios ĩ ĩajama. ¹¹ Tirămăju ado bajiro rotiyumi Dios: “Manajoa cutiră quěne, manajua cutiră quěne, găjeră răca ajeriară cutibesa. Găjerăre sălbesa”, manire yiyumi Dios. To bajiro ĩ yire ĩnjare, manajoa cutiră găjerăre ajeriară cutibetiboarine, găjire mani săajama, Dios ĩ rotimasire cudimena yirăja mani. ¹² To bajiri, “Rojose mani yirăasere yibeticăari, Dios ĩ bojarore bajiro quěnase ĩne yiră ĩnato” yigu, manire rijabosayumi Cristo. To bajiri, quěnaro mani yibetijama, rojose mani yisere masicăari, rojose manire yirăcumi Dios, yimasiră ĩnari, quěnase ĩne yiroti ĩnaja manire. ¹³ To bajiri găjerăre mani ĩmajama, manire quěne ĩmairucumi Dios. Găjerăre mani ĩmaibetijama, masare ĩ ĩabeserirămu ti ejaro, manire quěne ĩmaibetirucumi Dios, rojose mani yire vaja.

“Quěnaro mani yisere ĩacăari, ‘Socară mene yure ajitirănură ĩnaama’ yigumi Dios”, yire queti

¹⁴ Adire quěne quěnaro ajija yu mairă: “Rojose tămuotujabetiriaroju yua vaborotire yuare yirětobosarucumi Dios” yiră ĩboarine, găjerăre mua ejarěmobetijama, Diore ajitirănură me ĩnarăja mua. To bajiro mua bajijama, rojose tămuotujabetiriaroju muare căarucumi Dios. ¹⁵⁻¹⁶ Cojojirema, ado bajiro bajiroja: Jesúre ajitirănugă, buto ĩniorjagu, to yicăari, sudi magă maioro bajigu ĩ ĩnaboajaquěne, “Quěnaro vasa. Bare quěnase bujaba. To bajicăari, sudi bujaba” ĩre yigotiboarine, ĩ bojasere mani ĩsibetijama, socarăne ĩre yigotiboarăja mani. ĩre mani ĩagăboase ĩie vaja manaja. ¹⁷ Tire bajiro bajiaja Diore mani ajitirănuse. “Diore ajitirănură ĩnari, ĩ yară ĩnaja mani” yiboarine, găjerăre mani ejarěmobetijama, “Diore ajitirănură ĩnaja yua” mani yituoĩaboase ĩie vaja manaja. Dios yară me ĩnarăja mani.

¹⁸ “Yu gotisere ajimasimenama” yigu, ado bajiro gotiaja: “Găjerăre quěnaro maiaja yua” mua yisere yure mua yĩobetijama, “Diore ajitirănură me ĩnaama”, muare yiguja yu. Yujarema, găjerăre quěnaro yu ejarěmosere ĩacăari, “Diore ajitirănugă ĩnaami”, yimasiruarăja mua. ¹⁹ “Sigăne ĩnaami Dios. Găji magămi” mua yituoĩase quěnaja. To bajiro tuoĩară ĩboarine, quěnaro mua yibetijama, “Sigăne ĩnaami Dios” mua yituoĩase ĩie vaja manaja. Vătia quěne “Sigăne ĩnaami Dios. Găji magămi” yituoĩară ĩnari, găiră nanarăma. To bajiboarine

rojose yitujamana ñarāma. ²⁰ “Diore ajitirānurā ñaja yua” yituoīarā ñaboarine, gājerāre mua ejarēmobetijama, quēnaro tuoīamasimenare bajiro bajirāja mua. “Diore ajitirānurā ñaja” mua yituoīaboase ñie vaja manoja. ²¹ Mani ñicu, Abraham ñamasir’i ī yimasirere muare gotiaja yu. Dios ī rotijare, ĩre rūcubuoarā ĩna soemuoīajau joeju ī macu Isaac vāme cutigure sīaguagu yimasiboayuju Abraham. ĩre ī sīaguadone, “ĩre siabeticōaña”, ĩre yimasīñuju Dios. To yicōari, ī rotirore bajiro yigu ī ñajare, “Rojose magū ñaja mu”, ĩre yimasīñuju Dios, Abrahamre. ²² To bajiri, Dios ī rotiriarore bajiro yimasir’i ī ñajare, “Diore ajitirānugū ñamasīñumi”, yimasīajaja mani. ²³ Dios ī rotiriarore bajirone Abraham ī cadire ñajare, “Yure ajitirānugū ñari, rojose magū ñaami” ĩre yimasīñuju Dios”, yigotiaja Dios ocare masa ĩna ucamasire. To bajiri, “Dios baba ñaami”, ĩre yimasīñujarā masa.

²⁴ To bajiri, “ĩre ajitirānurā ñaja yua” yicōari, quēnaro mani yijama, “Ñie rojose mana ñaama”, manire yīagūmi Dios. ²⁵ Rahab vāme cutīmasirio jājarā ajeriarā cutigo ñaboarine, quēnaro so yimasirere quēne tuoīaña: Jud’io masa uju ī cōamasiriarā ĩna ejaro ĩacōari, “Muare ĩaterā muare sīaroma” yigo, “Yu ya viju sājardiyua mua”, ĩnare yimasīñuju. To yicōari, “Mua rudiarotire muare gotiruochoja”, yimasīñuju so. To bajiro ĩnare so yirēmomasire ī ñajare, “Rojose magō ñaamo”, sore yīamasīñuju Dios. ²⁶ Mani ruju catise ti manijama, vaja manoja ti. To bajirone bajiaja “Diore ajitirānurā ñaja yua” yiboarine, gājerāre quēnaro mani yibetijama. “Diore ajitirānurā ñaja yua” mani yituoīaboase ñie vaja manoja.

3

Mani ñemero suorine rojose mani ñagōse queti

¹ Yu mairā Dios oca gotimasiorimasa ñaruarā quēnaro ajiya. Dios ocare masa ĩna ucamasire gotimasiorimasa quēnaro ĩna yibetijama, tire ĩacōari, ī ocare gotimasiorinare rojose ĩnare ī yiro rētoro rojose ĩnare yirucumi Dios. To bajiri, Dios oca gotimasiorā jājarā ñabesa mua. ² Mani jediro rojose yirā ñaja mani. Quēnase rīne ñagōgūma, rojose yirua tuoīaboarine, tire yibeticōari, Dios ī bojarore bajiro yigu ñagūmi. ³ Ado bajiro ti bajijare, “Rojose ñagōbetiroti ñaja”, muare yaja yu: Caballo vāme cutigure jesacōari ĩre mani yisere tuoīasaque mua: Jaigū ī ñaboajaquēne ī riseju cōmemaca sāja mani, “Mani rotirore bajiro cudiato ĩ” yirā. ⁴ Tire bajirone bajiaja cūmuari jacase quēne: Jacase ti ñaboarone buto mino ti vajama, veaturiaro mojarīaseaca ti ñaboajaquēne, veatumasirāma. ⁵ Tiaseacare bajiro bajiaja ti, mani ñemero quēne. Mojarīaseaca ti ñaboajaquēne jairo rojose ñagōaja mani. Jeare quēne tuoīasaque mua: Jeavaca, cojovacaca ñaboarine, jacariveserire sojeocōaroja ti. ⁶ Jeare bajiro bajiaja mani ñemero quēne. Mani rujuaye rāca rojose mani yise rētobusaro yaja ti, mani ñemero. Mani ñemero suorine rojose mani yijama, vātire cudirā ñari, rojose rīne yimuoīgōcoaruarāja mani. ⁷ Macarocana, vaibucurā ñaro cōro, vurā, āña, riaganare quēne mani ecarāre bajiro ĩnare rotimasīajaja mani. ⁸ To bajiboarine mani ñemero rojose ti ñagōjama, “Yibesa”, yimasibeaja mani. Jūnisinicōari, gājerāre mani tud’ijama, mani oca, āña rīma jūnisere bajiro ĩnare yirūgūaja. ⁹⁻¹⁰ Mani jacu Diore, “Quēnaro yaja mu” yiboarine, rojosere quēne ñagōrūgūaja mani. “Yure bajiro quēnase rīne yirā ñato” yigu, Dios ī rujeoriarā ñaboarine, gāmerā tud’irūgūaja mani. To bajiri, quēnase mani ñagōjama, rojosere yibetiroti ñaja manire. ¹¹ Oco goje, cojo goje ñaboarine, oco quēnase ti budijama, sāese budivobetoja. ¹² Oteu higuera vāme cutiū ñaboarine, olivo vāme cutiū ricare rica cutibetoja. To bajicōari, uyebu quēne, higuera vāme cutiū ricare rica cutibetoja. Tire bajirone bajiaja oco quēne. Ocase ti budijama, ocabeti budivobetoja. To bajiri, quēnase mani ñagōjama, rojosere yibetiroti ñaja manire.

Dios ī ejarēmose rāca masirā ĩna ñase queti

¹³ Mua rācagu “Masigū ñaja” ī yijama, gājerāre ajirūcubuoōari, quēnaro ĩnare yirocu ñaami. To bajiro ī bajijama, ī masisere, “Quēnaro yami”, yimasiruarāma masa. ¹⁴ To bajiri, gājerāre “Yua rētoro quēnaro ñama” mua yīajūnisinijama, masirā me ñarāja mua. To yicōari, “Gājerā rētoro ñamasurā ñarāsa mani” yituoīarā ña ñajama, masirā me ñarāja mua. ¹⁵ To bajiro mua tuoīase, Dios ī cōase me, mua masune mua bojarore bajiro tuoīarā yaja. To bajiro mua yisere bojagūmi vātia uju. ¹⁶ Gājerāre “Yua rētoro quēnaro ñama” yīajūnisinirā, to yicōari, “Gājerā rētoro ñamasurā ñarāsa mani” yituoīarā ĩna ñajama, ĩna jedirone ricati rīne tuoīarā ñari, rojose jediro yīnarāma. To bajiri, quēnaro ñamasimenama. ¹⁷ To bajiro ĩna bajiñaro ũnone, Dios ī ujose suorine masirājuama, quēnaro ĩna yarāre ũmato ñarāma. To bajicōari, gājerājuua ĩna ũmato ñajaquēne, ĩnare ajivariquēnarāma. Masa jedirore ĩarūcubuoōari, maiorō bajirāre ĩamairāma. To bajicōari, socamenane quēnase rīne yirā ñarāma. ¹⁸ Gājerā rāca quēnaro mani ñaruajama, mani yimasiro cōro quēnaro yiroti ñaja. To bajiro mani yisere ĩacōari, “Gājerā quēne jājarā Dios ī bojarore bajiro yirā ñato” yirā, ĩnare yiejarēmouarāma.

4

Diore tuoāmenare bajiro mani bajise queti

¹ ¿Nojua vadiati gāmerā mua īatese? Mua masune rojose yirua tuoācōari, rojosere gāmerā yirūgūaja mua. ² Gājerā īna cuosere buto bojaīarūgūaja mua, tire cuomena űari. To bajiri tire ēmaruarā, īnare quēarūgūaja mua. To yicōari, gājerārema īnare sīarūgūaja mua. Diore sēnimena űari, mua bojasere bujamasimenaja mua. ³ Rojose mua tuoāsere īamasicōari, īre mua sēniboase ī bojabeti ti űajare, muare cōabecumi Dios. Diore mua sēniboajama, gājerāre tuoāmenane, quēnaro mua űaroti rīne sēnirāja mua. ⁴ To bajiri, Diore ajitirānu tujariāre bajiro tuoārajā mua. Adi macarucuroaye rīne cuorua tuoārajāre bajiro me tuoāroti űaja, Diore ajitirānurārema. To bajiro ti bajijare, “Diore ajitirānugū űaja” yigu űaboarine, Diore masimena, īna cuorua tuoārajore bajiro ī quēne ī tuoāajama, Diore ajitirānu tujacōari, īre tegure bajiro bajigu űagūmi. ⁵ To bajirone gotiaja Dios ocare masa īna ucamasire: “Mani űsuriare buto īamaigū űari, masa īre īna ajibetire īavariquēnabecu űagūmi”, yigotiaja Dios ocare masa īna ucamasire. ⁶ To bajiro yigu űaboarine, “Yure ajitirānuato īna” yigu, buto ejarēmoria tuoāgū űagūmi. To bajiro yigu ī űajare, ado bajiro gotiaja ī oca masa īna ucamasire: “ ‘Gājerā rētoro űamasurā űaja yua’ īna yituoāsere yitujacōari, yuajuare ajitirānuato’ yigu, īnare yirēmobeami Dios. ‘űamasurā me űaja yua’ yituoārajūarema quēnaro yirēmomi”, yigotiaja Dios ocare masa īna ucamasire. ⁷ To bajiri, vāti ī yirotsire yibeticōari, Dios ī bojasejuare yirūgūa. To bajiro mua yijama, rojose muare yirotitujagūmi vāti. ⁸ Butobusa Diore mua ajitirānujama, ījua quēne muare ejarēmorcumi, “Quēnabusaro yure ajitirānuato īna” yigu. To bajiri, rojose mua yisere yitujacōaűa. “Diore masirā űaja yua” yiboarine, Diore masimena īna yisere yivariquēnarūgūaja mua. ⁹ Rojose mua yisere tuoācōari, variquēnarūgūaja mua. To bajiro me bajiroti űaja muare. Rojose mua yisere tuoāsūtiriticōari, otiroti űaja muare. ¹⁰ To bajiri, Diore “űamasugū űaja mu” yirā, quēnaro yirūcūbuoya mua. To bajiro mua yijama, “To cōrone adi macarucuro jedicoaruarōja” Dios ī yiriarāmu ti ejaro, “űamasurā űato”, muare yirūcumi Dios.

“Īna űaama rojose yirā’ yibetiroti űaja manire”, yire queti

¹¹ Ajija mua, yu mairā. Gājerā Jesūre ajitirānurāre űagōmacabesa. “Dios ī rotisere masibeama īna. To bajiri rojose tāmūorona űaama”, īnare yituoābesa mua. To bajiro mua yijama, Dios ī rotirore bajiro yirā me yirāja mua. Ado bajiro tuoārajā űari, to bajiro yirāja mua: “Dios ī rotise quēnaro gotibeaja ti. Ī rētoro masirā űaja yua” yirāre bajiro yiboaja mua. ¹² Dios sīgūne űaami, quēnaro mani yirotire roticūr'i. To bajicōari, ī sīgūne űagūmi masa īna yisere īabesegu, to yicōari, rojose tāmūotujabetiriarōju mani vaborotire yirētobosagu. Ī sīgūne űagūmi rojose tāmūotujabetiriarōju masare reagu. To bajiri gājerā Jesūre ajitirānurāre īacōari, “Dios ī rotisere masibeama īna. To bajiri rojose tāmūorona űaama”, yiroti me űaja manire.

“Adi macarucuroju mani bajirotire masirā me űaja”, yire queti

¹³ Gajeyeūni īsicudirimasare, muare gotigu yaja yu. Yure quēnaro ajija mua: “Yucu, busiyu gaje macaju vacōari, cojo cāma gajeyeūni īsiűarā, jairo gājoa bujaruarāja yua”, yigotivariquēnarūgūrāja mua, sīgūri. ¹⁴ Ti űnire yibetiroti űaja, mani bajirotire masimena űari. Mani catise bueri guaro buerēto vatore bajiro bajise űaja. ¹⁵ To bajiro ti bajijare, ado bajiroju yiroti űaja: “Mani catirotire Dios ī bojajama, catiruarāja yua”, yiroti űaja. ¹⁶ “űamasurā űaja yua” yituoārajā űari, Diore tuoāmenane, mua yirotire gotivariquēnarūgūaja mua. To bajiro mua yigotivariquēnase, Dios ī bojabeti űaja. ¹⁷ To bajiri, muare yu ucacōasere masicōari, “Ado bajiro mani yirotire bojagūmi Dios” yimasiboarine, mua yibetijama, rojose yirā yirāja mua.

5

Gajeyeūni jairā rojose īna tāmūoroti queti

¹ Sīgūri, gajeyeūni jairāre muare gotigu yaja yu. Gajerāmu buto rojose mua tāmūorotire tuoāotiya mua. ² “Gajeyeūni jairo cuorā űaja” mua yiboase, bare mua quēnocūse quēne, muare boaveocoaruarōja. Mua sudi quēnase űaboase butua ba ecooaruarōja. ³ Mua ye gājoa, oro quēne jairo bujacōari mua cūboase boacoaruarōja. Tire īacōari, “Maioro bajirāre ejarēmobesuma”, yīaruarāma gājerā. To bajiri, rojose tāmūotujabetiriarōju reaecorona űaja mua. Jairo gājoa catirā űaboaja mua. To bajiboarine, adi macarucuro ti jediroti mojoroaca ruaja. ⁴ Mua ote veseri moabosarāre quēnaro vaja yibesuja mua. To bajiro mua bajire űajare, “Yua moase vaja yuare yibeama”, yiyujarā īna. To bajiro īna yisere ajirimi Dios, űajediro masijeogu. ⁵ Adi macarucuroju űarā, mua yirua tuoārajore bajiro yirūgūaja mua. Ta vecuare īna sīarotirāmuri rījoro, “Jacobusarā īna űato sīarāsa mani” yirā, quēnaro

ecatusacama. To bajiri, ñare bajiro bajiaja mua quêne. No mua bojarore bajiro quênaro yĩñatusarũgũaja mua. To bajiro bajirã mua ñajare, “Rojose tãmuoruarãma” muare yĩlagũ yigumi Dios. ⁶ Masa rojose yimena ña ñaboajaquêne, “Rojose yima”, ñare yigoti yiroyuja mua. To bajiri, mua suorine ñaecooyuma sigũri. To bajiro mua yigoti yirosere ɛjarã quêne muare ña cudijare, no bajiro muare yimasibesuma ña.

Santiago ĩ gotitusare queti

⁷ Yu mairã, gãjerã suorine rojose tãmuorãre muare gotigu yaja yu quêna: Rojose muare ña yirũgũboajaquêne, Jesús ĩ tudivadirotire tuoĩayurã, ĩ bojarore bajiro quênaro yicõa ñarũgũña mua. Oterimasu ĩ bajisere tuoĩaña mua: “Ote, quênaro vãnucõari, juebusu bero rica cutĩruaroja” yigu, yoaro yucõa ñagumi oterimasu. ⁸ Ñe bajiro bajiya mua quêne. Mani ɛju ĩ tudiejarotire yurã, variquênase rãca ĩ bojarore bajiro yitujabetiroti ñaja. “Yoaro mene tudivadicõari, masa jediro mani yisere ĩabeserucumi” yirã, quênaro ñayuroti ñaja.

⁹ Rojose mua tãmuojama, gãjerãre “Rojose yaja mua”, gãmerã yĩatebesa, “Yoaro mene rojose mani yisere ĩabesecõari, rojose manire yĩromi Dios” yirã. ¹⁰ Diore gotirẽtobosamasiriã ña bajimasirere tuoĩaña mua: Masa rojose ñare ña yiboajaquêne, gãmemenane, Diojũare gotirẽtobosacõa ñamasiñujarã ña. ¹¹ To yicõari, adire quêne quênaro tuoĩaña mua: Rojose tãmuoobarine, “ ‘Manire ejarẽmorucumi Dios’ yicõa ñarãre quênaro yigumi Dios”, yituoĩaja mani. To bajiro bajimasiñuju Job vãme cutimasirĩre quêne. Cojo vãme me buto rojose tãmuoobarine, “Yũre ejarẽmorucumi Dios”, yicõa ñamasiñuju. Rojose ĩ tãmuoro bero, quênaro ĩ yilecomasirere ajirirãja mua. To bajiri, “Manire quêne ĩamaicõari, quênaro yigu ñagumi Dios”, yimasirãja mua.

¹² Yu mairã, gajeye ñamasusere muare gotiaja yu: “Yĩruarãja. Dios quêne masiami yua yirotire” mua yise ñnire yibeticõaña. “Yĩruarãja” yirã quêne, “Yĩruarãja” yĩ, “Yibetĩruarãja” mua yijama, “Yibetĩruarãja” yicõa tũjasa, “Mani socajama, rojose manire yibogumi Dios” yirã.

¹³ Rojose mua tãmuojama, “Yũare ejarẽmoña”, Diore yisẽniroti ñaja. Mua variquênajama, Diore basavariquênaroti ñaja. ¹⁴ Sigũ ĩ rijajama, “Diore yũre sãnibosato” yigu, muare ñmato ñarãre jicõaroti ñaja ñe. To bajiro ĩ yijama, ñmato ñarãjua, ĩ tũju ejaicõari, ñe sãnibosaruarãma ña. Sãnibosañarãne, ɛye ñe turuarãma, “Dios ñe catioato” yirã. ¹⁵ To bajiri, “Mani sãnirore bajiro ñe catiorucumi Dios” ña yituoĩajama, rijagure catiorucumi. To yicõari, rojose yirĩ ĩ ñajama, rojose ĩ yirere ñe masiriorucumi Dios. ¹⁶ To bajiri, rojose mua yirere muare masiricõari, mua rijasere quêne ĩ catiorotire yirã. To bajiri, Dios ĩ bojarore bajiro yirã mua ñajama, mua sãnirore bajirone cudirucumi. ¹⁷ Diore gotirẽtobosarimasu, El'ias vãme cutimasirĩ, manire bajiro bajimasiñuju. To bajiboarine, “Oco quedibeticõato” yigu, Diore ĩ sãnijama, ĩ sãnirore bajirone idia cãma, gaje cãma gudareco cõro oco quedibetimasĩñuju. ¹⁸ Bero, Diore ĩ tudisãnirone, oco quedimasĩñuju quêna. Tiju bero, quênaro ote rica cutimasĩñuju.

¹⁹⁻²⁰ Muare yu gotisere ajija mua, yu mairã. Mua rãcagu, Cristore ajitirũnu tũjacõari, rojose yigure, “Quêna Cristore ajitirũnuato ĩ” yirã, ñe mua ejarẽmojama, ĩ rijato beroju rojose ĩ tãmuoborotire ñe yirẽtobosarucumi Dios. To yicõari, rojose mua yisere muare quêne masiriorucumi Dios.

To cõro ñaja.

Primera carta de SAN PEDRO

Dios i beseriarãre Pedro i ucacõare queti

¹⁻² ¿Ñati mua, Dios i beseriarã? ¿Ponto sitaju, Galacia sitaju, Capadocia sitaju, Asia sitaju, Bitinia sitaju ñabaterã jediro, ñati mua? Adi queti muare ucaja yu. Gajeroriju mua ñabateboajaquene, Dios i ñaroju ñaja mua ñarotiju. To bajiri i ocare buto tuoïarã ñari, adi macarucuroana rãca ñaboarine, ina tuoïarore bajiro tuoïarã me ñarãja mua. Tirãmuju, “Ina ñaruarãma yu rãa bajiro bajirã” Dios i yimasire ñajare, to bajirone bajiaja mua. To bajiri, “Rojose mana ñaama” muare yïaru, Esp'iritu Santore muare cõañumi. To bajicõari, Jesucristo ocare cudirãja mua. To bajiro yiyumi, rojose mua yisere i macu suorine i masiriorügürotire yigu.

Muare quënarotigu, Diore ado bajise muare sënibosaja yu: “Butobusa quënase ñare cõaña”, muare yisënibosarügüja yu. “Yu suori yu jacu quënarõ i yise quetire gãjerãre gotimasiorucuja mu” yigu, yare cügami Jesucristo. Yu ñaja Pedro, adi quetire muare ucaju.

“Mani rijato bero, tudicaticõari, Diorãca quënarõ variquënacõa ñarügüruarãja”, yire queti

³ Mani ujju, Jesucristo jacu, buto manire maigã ñari, rojose mani yisere “Yirëtobosato” yigu, manire rijabosarotiyumi. I rijato bero, ire tudicatioyumi. To bajiro i yire ñajare, Jesure ajitirãnurã, Esp'iritu Santo suorine Diorãca quënarõ ñacõari, i bojarore bajiro yirã ñaja mani. To bajicõari, mani rijato bero i rãca quënarõ ñacõa ñarügürona ñari, “Quënarõ yaja mu”, Diore ire yito mani. ⁴ To yicõari, i gotiriarore bajiro õ vecaju buto quënase manire Dios riare bajiro bajirãre yayiroti me manire i uxorotire tuoïavariquëñaja mani. ⁵ I macure ajitirãnurã mani ñajare, i masise rãca manire quënarõ coderügügumi, i ñaroju ejacõari, i rãca quënarõ mani ñarügürotire yigu. To yicõari, adi macarucuro ti jedirirãmu ti ejaro, i tuoïariorore bajiro yigu, jediro quënarõ manire i yirügüserõ, to yicõari, õ vecaye manire i uxorotire quëne masiojeocõarucumi.

⁶ Tire tuoïacõari, adigodoju rojose tãmuorã ñaboarine, Dios taju quënase mani bajirotire tuoïa yurã ñari, buto variquënaroti ñaja manire. ⁷ Rojose tãmuoiboarine, Jesucristore mani ajitirãnucõa ñajama, “Ire ajitirãnurã masu ñaja” yïorã yaja mani. Oro vaja cutiro rëtorõ vaja cutiaja Jesucristore mani ajitirãnuse. Orojuama, jedise ñaja. “¿Oro masu ñati?” yirã, asioïama ina. Tire bajiro bajiaja Jesucristore mani ajitirãnuse quëne. “Yu macure ajitirãnurã masu ñati ina” yïaru, rojose mani tãmuosere yirëtobosabecumi Dios. To bajiri rojose tãmuoiboarine, Jesucristore mani ajitirãnucõa ñajama, “To cõrone tudivarucumi yu macu” Dios i yituoïariãmne, “Yu ejarëmose rãca quënarõ yicaju mua”, manire yivariquënarucumi Dios. To bajiro yigajanocõari, rucubuoïariaju manire rojorucumi.

⁸ Jesucristore iabetirarãja mua. To bajiboarine ire mairãja mua quëne. Adirãmuri quëne ire iamena ñaboarine, ire ajitirãnurã ñari, quënarõ variquënarãja mua. Dios tuana ina variquënarore bajiro buto variquënarã ñari, mua variquënasere rëtobusaro gotirãboarãja mua. To bajiboarine, gotmasimenaja. ⁹ Quënase muare i uxorotire, “To bajirone yirucumi” yituoïarã ñari, to bajirone bajirãja mua.

¹⁰ To bajiro quënarõ Dios manire i yirotire gotiyuma tirãmua, Diore gotirëtobosariarã. Quënağũ ñari, manire iamaicõari, quënarõ i yirotire gotiboarine, butobusa tire masirãboayujarã ina. To bajiri Diore ina gotirëtobosarere quënarõ buecõari, buto tuoïarügüñujarã ina. ¹¹ Esp'iritu Santore suorine Cristo i bajirotire tuoïa gotimasinuma. Buto rojose i tãmuoro bero, quënarõ i yirotire tuoïa gotiyuma. Tire gotiriarã ñaboarine, “To cõro ñaro bajiruaroja ti. To bajiro bajicõari, bajiruaroja” yimasiruarã, ina gotisere buecõari, tuoïarügüboayujarã ina. ¹² Tire quënarõ masibetiboarine, Dios suorine ado bajiro tuoïañujarã ina: “Tire iamena manu. Mani beroana ñaruarãma”, yituoïañujarã ina. “Mani beroana” ina yijama, manirene gotirã yiyuma. Cristo i rijabosare suorine quënarõ Dios i yise queti goticudirimasa, yua gotimasiosene ñaja Diore ina gotirëtobosare. Tire yua gotimasiorotire yigu, Esp'iritu Santore cõañumi Dios. Ti oca quënase ti ñajare, buto ajimasiruarügürãma ángel mesa.

“Quënase rine yiroti ñaja”, Pedro i yire queti

¹³ Ti ocare quënarõ ajimasirã ñari, Cristo i tudiejarirãmure quënarõ Dios i yirotire tuoïa tujamenane, tocãrcajine mani yirotire quënarõ tuoïarügüroti ñaja. ¹⁴ Dios riare bajiro bajirã ñari, Cristo ocare mua masiroto rïjoro, rojose mua yirügüriarore bajiro yibeticõari, i bojarore bajiroju yirügüroti ñaja. ¹⁵ Dios, quënase rine yigu, “Yu rãa ñaruarãja mua” i yire ñajare, ire

bajiro quēnase rīne yirūgūroti űaja. ¹⁶ Ado bajiro gotiaja Dios ocare masa ĩna ucamasire: “Quēnase rīne yigū űaja yu. To bajiri quēnase rīne yirūgūña mua quēne”, yigotiaja.

¹⁷ Gajeyerema, ado bajiro mani yigū űaboarine, masa jediro mani yisere ĩabeserocu űaami. ĩ ĩabesejama, “Ānoama rojose yirā ĩna űaboajaquēne, quēnaro ĩnare yirucuja yu”, yibetirucumi. To bajiri, Diore “mani jacu” mua yijama, rucubuose rāca ĩre yicōari, quēnase rīne yirūgūroti űaja. ¹⁸ Tirūmūju mua űicua rojose ĩna yimasiriarore bajiro yirūgūriarā űaboayuja mua maji. “Tire yitujacōari, quēnaro Dios ĩ yirona űato” yigū, rojose mani yise vaja manire rijabosayumi Cristo. ĩere Cristo manire ĩ vaja yibosarere masirāja mua. Gajeyeűni yoaro űabeti, gājoa rāca me vaja yibosayumi. ¹⁹ Rojose yĩabecu űari, ĩ rijare suorine, jediro rojose mani yire, mani yirotire quēne manire vaja yibosayumi Cristo. ²⁰ Adi macarucuro Dios ĩ rujeoroto rĳoroju, tire manire ĩ vaja yibosarotire tuoĩacōari, ĩ macure ĩ cōarotire tuoĩamasiűuju Dios. To bajiri adi macarucuro tusarirūmuri manire rijabosagu ejayumi Cristo. ²¹ “Manire rijabosayumi Cristo” yirā űari, Diore ajitirūnūaja mani. Cristore catiocōari, ĩ tu rucuborijare ĩre rojoyuju Dios. To bajiro ĩ yire űajare, “ĩ gotiriarore bajirone quēnaro manire yirucumi Dios”, ĩre yituoĩavariquēnarāja mua.

²² “Yu macure ajitirūnūa” Dios ĩ yirere cūdiriarā űaja mua. To bajiro bajirā űari, tirūmūju rojose mua yirūgūre, mua yitujabetire yitujacōari, socamenane sĳgū rĳare bajiro quēnaro gāmerā mairoti űaja. To bajiri butobusa mua gāmerā mairotire bojaja yu. ²³ Adirūmūrirema, quēnesejuare mani tuoĩarotire Dios ĩ ĩsiriarā űari, quēna gāme ruyuarāre bajiro bajirāja mua. Gajerodori ĩ oca ti vasoabetirotire bajiro mua quēne bajireacōari bero mua caticōa űarotire yigū, ĩ catisere ĩ ĩsiriarā űarāja mua. ²⁴ Dios ocare masa ĩna ucamasire ado bajiro ti gotijare, to bajiro yaja yu:

“Muiju ĩ jiado, buto asirone, ta sĳnicoacaju. Go quēne, sĳnyayicoacaju. To bajiri quēnase ruyuboacati manicaju. Tire bajirone bajirāma masa quēne. Yoaro mene bajireacoarūarāma.

²⁵ To bajiboarine, mani űju ocajuama űacōa űarūgūruaroja”, yigotiaja Dios ocare masa ĩna ucamasire.

“Mani űju oca” ti gotise, Cristo suorine quēnaro Dios ĩ yise quetire, mūare gotimasiore űaja.

2

¹ “Yu macure ajitirūnūa” Dios ĩ yirere cūdiriarā űari, jediro rojose yibetirūgūroti űaja. Adi űnire yibetirūgūña mua: Gājerāre yitobesa. Socabesa. Gājerāre, “Quēnaro űaama”, ĩnare yĩatebesa. Gājerāre rojose űagōmacabesa. ²⁻³ Butobusa Dios ocare ajivariquēnacōari, ti gotirore bajiro yirūa tuoĩarūtaroti űaja mūare. Sūca buto űjuruagure bajiro tire yirūa tuoĩarūtaroti űaja. To bajiro mua yijama, “Quēnaro manire yami Dios” yimasirā űari, quēnabusaro ĩ bojarore bajiro yirūtuarāja mua. To bajiro mua yijama, Dios tujū quēnaro űacōa űarūgūruarāja.

“Gūta űamasuricare bajiro bajigu űagūmi Cristo”, yire queti

⁴ To bajiri, mani űjere Jesucristo, mani catirotire manire ĩsigāre quēnaro ajitirūnūcōa űaāna. ĩne űaami masa vi quēnorā gūta ĩna cūsuorica, űamasuricare bajiro bajigu. ĩre buto ĩatecama masa. ĩre ĩna ĩateboajaquēne, Diojuama, “űamasugū űarucumi”, ĩre yiyumi. ⁵ To bajiro yigū űari, mūare quēne Jesucristore ajitirūnūarā rācana mua űajare, Dios ya vire gūta ĩ jeomūjavasere bajiro bajiaja mua. To bajicōari, ti vi űarā, quēnase rīne yirā, paiare bajiro bajiaja mua. To bajiri, Espĳritu Santo suori Dios ĩ ĩvariquēnasere yĩaāna. ⁶ Isaĳias ĩ ucamasire Dios oca ado bajiro ti gotijare, Jesucristo suorine Dios ĩ quēnorivire bajiro bajiaja mua:

“Sĳon vāme cuti maca űarica gūta, gajea gūta rētoro quēnaricare bajiro bajirocure cūrucuja yu. ĩre ajitirūnūarūjama, yu goticatore bajiro ĩnare quēnaro yu yirūgūjare, ĩ yirore bajiro yigū űagūmi’ yire yivariquēnarūarāma”, yigotiaja Dios ocare masa ĩna ucamasire, Cristore Dios ĩ gotirere yiro.

⁷ To bajiri, Jesucristore ajitirūnūarā űari, ĩre buto maiaja mani. Gājerā, ĩre ajimenajūarema, Dios ocare masa ĩna ucamasire ti gotirore bajiro bajiaja. ĩnarema, gūta ĩna rocariare bajiro bajiami Jesūs. Ado bajiro gotiaja ti:

“Gūta rāca vi quēnorimasa coja gūtare rocarāma ĩna. ĩna rocaria űaboarine, gajea gūta rētoro quēnarica űarūaroja tia. Tia gūta suorine quēnarivi quēnorucumi Dios. Tia manijama, quēnomasibetibogūmi”, yigotiaja Dios ocare masa ĩna ucamasire.

⁸ To yicōari, gajeye Dios ocare masa ĩna ucamasire “Gūta masa ĩna juata quedirotiare bajiro bajiami Jesūs” yigotiro yaja.

“Coja gūta, ĩna juata quedirotiare bajiro bajirocure cūrucuja yu”, yigotiyuja ti.

To bajiro ti gotijama, Cristo ocare ajimena ñari, ña rijato beroju rojose ña tãmuotjabetirotire yiro yaja. “To bajiro bajiruaraña” Dios i yigotiriarore bajirone bajiruaraña.

⁹ To bajiro bajirone me ñaja muajuama. Dios suorine i macre ajitirãncõari, i yarã ñaja mua. Dios, mani ujure rucubworã, i bojarore bajiro quẽnaro yirũgũrã ñaja mua. I suorine cojo masare bajiro bajirã ñari, i bojasere yirã ñaja. Rojose mua yisere i macu i vaju yijeobosare ñajare, Dios yarã ñaja mua. “Ñajediro quẽnaro yu yisere gãjerãre gotiato” yigu, “Yu yarã ñaruaraña”, muare yiyumi. Diore mua ajitirãnuroto rãjoroju, ñe masimena ñari, vãtia uju i bojasere yirã ñaboajuja mua maji. To bajiro yirã mua ñaboajaquẽne, muare ñamaicõari, quẽnaro i yire ñajare, ñe masirã ñari, rojose yitujacõari, Dios i bojasejuare yirã ñarãja mua. ¹⁰ Tirãmujũ Dios i ñamaimena ñañuja mua maji. To bajiri, sigũ riare bajiro ñabesuja mua maji. Adirãmurirema i masune quẽnaro i yijare, i yarã ñarãja mua yuja.

“Dios i bojase rĩne yirũgũña”, yire queti

¹¹ Yu mairã, adigodoju ñarã yoaro me catiñarona ñaja mani. To bajiboarine õ vecaju Dios tãju ñaja mani ñacõa ñarũgũrotojuama. To bajiro bajirone ñari, rojose mua yirua tuoasere yibetirũgũña. Rojose mua yirũgũjama, Diore mua ajitirãnubosare yitujarã ñari, rojose yiecoruaraña. ¹² Diore masimena vatoaju ñarã ñari, quẽnase rĩne yirũgũña, “‘Rojose yajama’ gãjerãre yi ocasãroma” yirã. Quẽnase rĩne mua yicõa ñasere ñariarã ñari, “Mu suorine quẽnaro yirũgũcama”, Diore yiruaraña, masare i ñabeserirũmu ti ejaro.

¹³⁻¹⁴ Roma macagu uju ñamasugũ, ñe cudirũgũña mua. ñe moabosarãre quẽne cudirũgũña. “Rojose yirãre rojose ña yise vaju rojose yure yibosato” yigu, to yicõari, “Quẽnaro yirãre quẽnaro ña yise vaju quẽnaro yure yibosato” yigu, ñare cũgũmi uju ñamasugũ. Õ vecagu, mani ujure quẽnaro ña rucubworotire bojarã ñari, quẽnaro ñare cudirũgũña mua. ¹⁵ Diore ajimena, muare rojose ña ocasãre ajicõari, “Socase ñaja” ujarã ña yituoãrotire yigu, quẽnase rĩne mua yirũgũsere bojaami Dios.

¹⁶ Ado bajiro ti bajijare, Dios i bojasere yirũgũroto ñaja: Rojose mani yiboajaquẽne, manire masirioyumi Dios. To bajiro i yire ñajare, “Rojose mani yijama, no yibeaja”, yituoãroti me ñaja. Ado bajirojuã tuoãrũgũroto ñaja: “Manire maigũ ñari, rojose mani yire masirioyumi Dios. To bajiri, mani quẽne, ñe mairã ñari, i bojasejuare yiruaraña”, yituoãrũgũroto ñaja. ¹⁷ Masa jedirore rucubworoti ñaja. Gãjerã Jesucristore ajitirãnurãre quẽne mairũgũroto ñaja. “Ñe mani cudibetijama, manire ñavariquẽnabecumi Dios” yituoãrã ñari, i bojarore bajiro yirũgũña. To yicõari, Roma macagu uju ñamasugũre quẽne quẽnaro rucubworũgũña.

“Rojose ñe yirãre Cristo i gãmebeticatore bajiro gãmebetiroti ñaja”, yire queti

¹⁸ Mua, gãjerãre moabosarã, mua ujarãre ajirucubwocõari, ña rotisere quẽnaro cudirũgũroto ñaja. Quẽnaro yirã ña ñajama, ña ñabetijaquẽne, ña rotisere quẽnaro cudiroto ñaja. ¹⁹ Cojojirema sigũ rojose i yibetiboajaquẽne, “Rojose yiyuja mu” ñe yituoãcõari, rojose ñe yigũmi i uju. To bajiro i yiboajaquẽne, ñe moabosarimasajua, Dios i bojarore bajiro yigu ñari, i gãmebetijama, “Quẽnaroja”, yirucumi Dios. ²⁰ Rojose mua yijama, to bajiro mua yise vaju rojose muare yigũmi mua uju. To i yiro bero, “Rojose mani yijare, to bajiro yimi” yimasirã ñari, ñe gãmebetiruaraña. To bajiboarine, quẽnaro mua yiboajaquẽne, rojose muare i yijama, rojose tãmuoborine, gãmebetiruaraña mua. To bajiro mua bajise ñaja Dios i ñavariquẽnase. ²¹ To bajiro mua bajirotoire yigu, “Yu rã ñaña”, muare yirimi Dios. Cristo quẽne, manire rojose tãmuobosagu ñaboarine, gãmebeticami. To bajiro i bajicati ti ñajare, ñe bajiro bajiroto ñaja manire quẽne. ²² Cojojirema rojose yĩabeticami. Ñimujuare yitobeticami. ²³ Masa ñe ña tudũboajaquẽne, ñare tudũgãmebeticami. Rojose ñe ña yirone, “Yure rojose mua yise vaju rojose muare yirucuja”, ñare yibeticami. Ado bajirojuã tuoãcami: “Dios ñaami, masa rojose ña yise vaju rojose ñare yigãmerocuma. To bajiro i yijama, quẽnaro riojo yirucumi”, yituoãcami. ²⁴ To bajicõari, yucãtẽroju ñe ña jaju sãrone, rojose mani yise vaju, manire rojose tãmuobosacami, rojose yibeticõari, quẽnasejuare mani yirotoire yigu. ²⁵ Tirãmujũma Diore ajimena ñari, oveja codecobicõari, ña mavisiacudirore bajiro bajiyuja mua maji. Yucurema, Cristore ajitirãnurã ñari, oveja codecorãre bajiro bajiaja mua.

3

“Gãmerã rucubworoti ñaja”, yire queti

¹⁻² Rõmia, manaju cutirãre, muare gotigu yaja yu: Mua quẽne, mani uju i ñavariquẽnrotire bojarã ñari, mua manajure quẽnaro cudirũgũña. Sigũri, mua manajua, Cristo ocare ajimena ñarãma. To bajiri, Cristo ocare mua gotibosasere ajiruamenama. Ti ocare gotibetiboarine, Diore rucubwocõari, quẽnase rĩne yĩñaña mua. To bajiro mua yisere ñacõari, ña quẽne Cristo ocare ajitirãnuborãma. ³ “Manire ñavariquẽnato ñmua” yirã, ñno bajiro yirãti mani?” mua yituoãajama, “Ado bajiro yiruaraña”, yituoãbetiroti ñaja: Mua joa quẽnorotire, quẽnase

mua busarotire, mua gāmo yorotire, to yicōari, quēnase mua sudi sāñarotire quēne, ti ūnire buto tuoīaroti me űaja. ⁴ Ado bajirojua buto tuoīaroti űaja: Quēnase yirua tuoīarūgūroti űaja. Mani rujuaye jedise űaja. Quēnase mani tuoīasejuama jedibetiruaroja. To bajiri, mua manajure ajirūcūbuocōari, ĩnare quēnaro mua yirotire tuoīarūgūroti űaja. To bajiro mua yijama, muare buto ĩvariquēnarucumi Dios. ⁵ Tirāmūju to bajiro quēnaro yirā űamasifūjarā rōmia manaju cutimasiriarā. Diore rūcūbuomasiriarā, “Manire ĩ gotiriarore bajiro yiracumi”, yituoīamasifūjarā. To yicōari, ĩna manajure cudirūgūmasifūjarā ĩna. ⁶ To bajirone bajimasifūju Sara vāme cutimasirio. So manaju Abrahamre ĩre so jijama, “Yu űju”, ĩre yimasifūju, ĩre rūcūbuogo. To yicōari, ĩre quēnaro cudimasifūju so. So bajiriarore bajiro bajiroti űaja muare quēne. Mua manajua rojose ĩna yirotire tuoīa gūimenane, quēnaro yicōa űaroti űaja.

⁷ Ūmua, manajo cutirāre, muare quēne gotiaja yu: Mua quēne, mani űju ĩ ĩvariquēnarotire bojarā űari, “Rōmia ĩmabetibusarā űaama” yituoīacōari, mua manajoare ĩnare ejarēmōrūgūña. To yicōari, Dios quēnagū űari, ĩnare quēne, ĩna rijato beroju “Tudirijabeticōato” yigu, ĩ catisere ĩ ĩsiriārā ĩna űajare, ĩnare quēnaro rūcūbuoaya. Quēnaro ĩnare mua rūcūbuobetijama, ĩre mua sēnisere ajibetirucumi Dios.

“Gājerā Cristore ajitirānurā rāca quēnaro űarūgūña”, yire

⁸ Gājerā Cristore ajitirānurā rāca mua bajirarotire mua jedirore gotitūsagu yaja yu. Sīgāre bajiro quēnaro tuoīacōari, űarūgūruarāja mua. Gājerā rojose ĩna tāmūosere mua ĩajama, ĩnare ĩmaicōari, ejarēmōroti űaja. “Yu rētoro űamasurā űaama”, gājerāre yituoīaroti űaja. ⁹ Gājerā rojose muare ĩna yijama, ĩnare gāmebetiroti űaja. Gājerā muare ĩna tud’ijama, ĩnare tud’igāmebetiroti űaja. Ado bajirojua ĩnare yirūgūroti űaja: Tud’igāmemenane, quēnaro ĩna űarotire yirā, Diore ĩnare sēnibosaya. To bajiro mua yirūgūser bojaami Dios, “To bajiro ĩna yijama, jediro quēnase yu ĩsiruasere bujaruarāma” muare yimasigū űari. ¹⁰ Dios ocare masa ĩna ucamasire ado bajiro ti gotijare, “Tire riojo gotiami Pedro”, yimasirāja mua:

“Quēnaro ĩna űaruajama, ĩna űagōroto ĩjoro quēnaro tuoīarūgūruarāma, ‘Rojose űagōrobe’ yirā. To yicōari, gājerāre yitobetiruarāma.

¹¹ Rojose yitūjacōari, quēnasejare yirūgūruarāma. ‘Gājerā rāca quēnaro űarāsa’ yirā, ĩna yimasiro cōro quēnaro ĩnare yicōa űarūgūruarāma.

¹² Quēnaro yirāre ĩatirānurūgūami Dios. To bajiri, ĩre ĩna sēnijama, ĩnare ejarēmōrūgūami. To bajiboarine, rojose yirārema ĩvariquēnabeami”, yigotiaja Dios ocare masa ĩna ucamasire.

¹³ Quēnase rīne mua yicōa űajama, űimarājua muare rojose yigu, magūmi. ¹⁴ To bajiboarine, sīgāri rojose muare ĩna yijama, “Quēnaro manire yirucumi Dios” yimasirā űari, rojose muare yirāre gūibeticōari, buto variquēnaroti űaja muare. ¹⁵ “Cristo, mani űju, jediro masigū űaami”, yituoīa rūcūbuocōa űarūgūrāja mua. Gājerā, “¿No bajiro tuoīarā űari, ‘Quēnaro yuare yirucumi Dios’ yati mua?” muare ĩna yisēniıajama, mua cudirotire quēnaro tuoīa yuya mua. ¹⁶ “ĩna rētoro masirā űaja” yituoīamenane, Dios ĩ bojarore bajiro ĩnare quēnaro cudiruarāja mua.

“Rojose yama” gājerāre ĩna yigotisere ajicōari, “Socarā yaja mua” ĩna yibojoneorotire yirā, quēnase rīne yirūgūruarāja mua. Cristore ajitirānurā űari, to bajiro yiroti űaja muare.

¹⁷ Rojose mua yise suorine rojose muare ĩna yijama, “Juaji to bajiro yibetiruarāja”, yituoīaruarāja mua. Ti quēne quēnase űaja, bajirojuma. To bajiboarine ti rētoro quēnamasuse űaja quēnase mua yise suorine Dios ĩ bojarore bajiro rojose mua tāmūojama. ¹⁸ Cristo quēne, quēnase rīne yigu űaboarine, rojose tāmūocōari, rojose yirāre manire rijabosacami. To bajiro bajicami, Dios tuju quēnaro mani űarūgūrotire yigu. Rijacoaboarine, Esp’iritu Santo suorine tudicatiyumi. ¹⁹ To bajicōari, rijariārā, tubiberiaroju űarāre ĩnare gotimasioyū vasuju Cristo.

²⁰ To űariārā, Noē ĩ űamasiriarodoju űariārā űaifūjarā. ĩnare Dios ocare gotimasioyaju Noē. Ajirūbetimāsifūjarā ĩna. To bajiri, cūmua jairicare Noē ĩ quēnotoyene, ĩre ĩna ajiritire yoro yumasioyaju Dios. ĩre ajibeticōa űamasifūjarā ĩna. To cōrone cūmua quēnogajanocōari, cojomo cōro jedi, gaje āmo idia jēnituariārācū rīne vasājamasifūjarā. Oco űamuse rāca ĩ ruureare suorine rojorā rāca ĩna űacōa űaborotire ĩnare yirētosamasifūju Dios. ²¹ Oco rāca mani bautizaecorirūmune, manire rojose tāmūoboronare yirētosayumi Dios. “Ti ūnine bajiyuju ti Noēre Dios ĩ yimasire quēne”, yimasiaja mani. Oco rāca mani bautizecojama, Dios mani jacure quēnaro mani tuoīarotire yirā, “Rojose yua yisere masirioya”, ĩre yisēniaja mani. To yicōari, “Jesucristo manire ĩ rijabosaro bero Dios ĩre ĩ catiore űajare, manire rojose tāmūoboronare yirētosayumi”, yaja mani. ²² Jesucristo, tudicaticōari, ō vecaju Diorāca rotīñagūmi. Toju űarā, űjarā űamasurā, űamasumena quēne, āngel mesa, gājerā quēne, ĩ rotisere cudīñarāma.

4

“Mani masirotire Dios ĩ űjoriārā űari, gāmerā ejarēmōrūgūroti űaja”, yire queti

¹ Adigodoju ñagū, rojose tāmucocami Cristo. To bajiri, manire quēne, “To bajiro mani bajirotire Dios ī bojajama, rojose tāmucuarāja”, yituoiaroti ñaja. Rojose tāmucocari, Cristore butobusa mani tuoīajama, rojosere yiraa tuoīamenaja mani. ² To bajiro mani tuoīarūgūjama, adigodoju mani catiñaro cōro mani masu mani bojarore bajiro yibeticōari, Dios ī bojasejuare yirūgūruarāja. ³ Ado bajiro ti bajijare, to bajiro yirūgūroti ñaja muare: Diore mua masirotoro rjoro, mua masu mua bojarore bajiro, ado bajiro yirūgūñaja mua maji: Rojose yirā ñari, rōmia rāca ajeriarā cutirūgūñuja mua. Idire mecūose idimecucōari, rojose yicudirūgūñuja mua. “Ado bajirā ñarāma” ña masune yiquēnorujeocōari, ña rūcūbuorāre mua quēne rūcūbuorūgūñuja. ⁴ To bajiro mua yirūgūboarere yitujacōari, rojose yirā rāca mua ñabetijare, adirāmurirema “¿no yirā mani rāca rojose yirūabeati? Rojorā ñaama” muare yituoīacōari, ajatud'irāma ña. ⁵ To bajiro muare ajatud'irā, “Rojose yirā ñari, ñare ajatud'icaju yua”, mani ujure yigotiroti ñaja ñare. Mani uju ñaami yoaro mene vadicōari, catirāre, rijariarāre quēne ñabeseroca. ⁶ Yoaro me to bajiro ī yirotime tuoīagū ñari, rijariarāre quēne ī oca quēnasere gotimasioñuju mani uju. To bajiro ñare gotimasioñuju, jēre rijariarā ñaboarine, ñe ajitirūnūrā ñari, tudicaticōari, Diorāca quēnaro ña ñarotire yigu.

⁷ Adi macarucuro ti jedirotirūmū cōñaro bajiaja. To bajiri, quēnaro tuoīacōari, rūcūbuose rāca tocārācaine Diore sēnirūgūña mua. ⁸ To yicōari, gāmerā ñamairūgūña. Ti ñaja ñamasusema. Gājerāre buto mani majama, cojoi me manire rojose ña yiboajaquēne, ñare masirorūgūruarāja. ⁹ Gājerā mua ya vi ña ejajama, variquēnase rāca ñare quēnaro yirūgūruarāja mua. ¹⁰ Tocārācāre ñamaicōari, ricati mua yimasirotime muare uxorimi Dios. To bajiri, muare ī ujure mua yimasise rāca Dios ī bojarore bajiro gāmerā ejarēmorūgūroti ñaja. ¹¹ Mua rācagu Dios ocare gotigu ī ñajama, quēnaro gotimasioato. Gājima, “Quēnaro gājerāre ejarēmogūcūmi” yigu, mani jacu Dios ī masisere ī uxor'ī ñari, quēnaro ejarēmoato. ña yirore bajiro rīne yicōa ñato gājerā quēne. Jediro mani yisere ñacōari, “Jesucristo suorine ñare quēnaro ejarēmogūmi Dios ñajediro uju”, gājerā ña yirūcūbuorotire yirā, to bajirone yicōa ñaña.

“Cristore mani ajitirūnūse suorine rojose manire yirūarāma gājerā”, yire queti

¹² Yu mairā, ajiya mua. Masa rojose muare ña yijama, “¿Yu macare ajitirūnūrā masu ñati ña?” yīlaru, rojose mua tāmucosere yirētobosabecūmi Dios. To bajiro ti bajijama, “¿No yigu, Jesure ajitirūnūgū ñaboarine, rojose tāmucocari yu?”, yibesa. ¹³ Mua quēne, Cristore ajitirūnūrā ñari, rojose ī tāmucocatore bajiro rojose mua tāmucocari, variquēnaña. To bajiro rīne mua bajicōa ñajama, adi macarucuroju Cristo ī tudiejarirūmure, ī rāca ñacōari, rētoabusaro variquēnaruarāja mua. ¹⁴ Cristore mua ajitirūnūse suorine gājerā muare ña tud'iboajaquēne, variquēnaña mua, Dios ī cōagū, Esp'iritu Santo, “Quēnaro yirā ñato” yigu, butobusa ī ejarēmorā ñari. ¹⁵ Cristore mua ajitirūnūse suorine rojose muare yirūarāma masa. To bajiboarine rojose mua yise suori rojose mua tāmucocari, ñavariquēnabetirucūmi Dios. To bajiri, “Rojose yirā ñari, rojose tāmucocari” yirobe yirā, ado bajiro rojose yibetirūgūña: Gājerāre siabesa. Juarudibesa. Gājerāre gōjanabiobesa. ¹⁶ Cristore ajitirūnūrā ñari, quēnasejuare mua yiboajaquēne, gājerā rojose muare ña yisere tāmucocari, “Rojose bajiaja mani” yituoīabojonemenane, Diojuare, “Mu ejarēmose rāca quēnaro yicōa ñaja yua”, ñe yivariquēnaña.

¹⁷ Jēre adirāmurine masa ña yisere ñacōari, “Ado bajiro yicana ñari, quēnase bujarā, rojose tāmucorā, bajiruarāma” Dios ī yirotime ejacoato yaja. To bajiro ī yisurona ñaja mani, ī yarā Cristore ajitirūnūrā. To bajiri, “Adigodoju rojose mani tāmucoro rētoabusaro ñe ajitirūnūmena roque rojose tāmucoruarāma”, yimasiaja mani. ¹⁸ Tire bajirone gotiaja Dios ocare masa ña ucamasire. “Rojose mana ñaama” Dios ī yīlārā quēne, adigodoju ñarā rojose tāmucocari. To bajiri, “Rojose mani tāmucoro rētoabusaro ñe ajitirūnūmena roque rojose tāmucoruarāma”, yimasiaja mani. ¹⁹ Rojose mua tāmucotire Dios ī bojajare, rojose tāmucobarine, quēnasejuare yicōa ñaña mua. “Ī gotiriarore bajiro quēnaro manire ñatirūnūcōa ñarucūmi manire rujeor'ī, ī tuju quēnaro mani ñarūgūrotire yigu”, yituoīarūgūña.

5

Cristore ajitirūnūrāre ūmato ñarāre Pedro ī gotire queti

¹ Bucarā, Cristore ajitirūnūrāre ūmato ñarāre, muare gotigu yaja yu. Yu quēne, Cristore ajitirūnūrāre ūmato ñagū ñaja yu. To bajicōari, Cristo rojose manire ī tāmucobosacatire ñacacu ñaja yu. To bajicōari, quēna ī tudiejarotirūmū yu quēne, mua rāca ñe ñavariquēnarucūja yu. ² Ovejare coderimasu quēnaro ī ñatirūnūrore bajiro, mua quēne, variquēnase rāca Cristore ajitirūnūrāre ñatirūnūrūgūña mua, “Dios ī bojarore bajiro quēnaro yirā ñato” yirā. “Ñare yua codese vaja, gājoa bujarāsa” yirā me, to bajiro yirūgūña mua. ³ Buto ñare rotibetiroti ñaja. Ado bajiroju yirotime ñaja. Cristo ī bojarore bajiro ñare ūmato yīlārūgūña mua. ⁴ To bajiro ñare mua ūmato yicōa ñajama, mani uju Cristo mua rāca variquēnarucūmi. To bajicōari, ī tudiejarirūmū muare quēnaro yirūcūmi, “Yu rāca variquēnacōa ñato” yigu.

⁵ Mamaräre, muare quëne gotiaja yu. Muare ùmato ñaräre quënarò rücuþuocõari, cüdiya. Cristore ajitirünurã, mua jediro quënarò gãmerã rücuþuoya. “Ïna rëtoro ñamasugü ñaja yu”, yituoïabesa. Ado bajirojua yïya: “Yu rëtoro ñamasurã ñaama”, gãjeräre yituoïaroti ñaja. Dios ocare masa ña ucamasire ado bajiro ti gotijare, to bajiro bajiroti ñaja:

“Ïna rëtoro ñamasurã ñaja yua’ yiräre ajibeami Dios. ‘Yua rëtoro ñamasurã ñaama’ gãjeräre yituoïarãjuare quënarò ejarëmoami”, yigotiaja Dios ocare masa ña ucamasire.

⁶ To bajiri Diore, “Yua rëtoro ñamasugü ñaami” yirã, quënarò yirücuþuorügüña mua. “Yua uju, ñajediro masijeogu ñaja mu. Mu bojarore bajiro bajiato”, ïre yirücuþuorügüña. To bajiro mua yijama, “To cõrone adi macarucuro jedicoaruroja” Dios ï yituoïararãmu ti ejaro, “Gãjerã rëtoro ñamasurã ñato” yigu, muare yirucami Dios. ⁷ Dios muare quënarò ï ïatirünjare, mua tuoïarejaise jedirore ïre gotirügüña mua.

⁸ Quënarò tuoïamasiri ñaña, “Satanás rojose ï yirotsere cüdirobe” yirã. Macarocagu yai, bar’i siaru, ï bajirore bajiro, rojose tãmuotujabetiraroju manire Dios ï cõarotire bojagu ñari, rojose manire yiroticudirügügãmi Satanás. ⁹ To bajiro ï yirotiþoasere cüðibetirügüña mua. “Ï gotiriarore bajiro quënarò manire ejarëmorucami Dios” yituoïa tujamenane, Dios ï bojasejuare yicõa ñarügürarãja mua. “Adigodoana Cristore ajitirünurã jediro, manire bajirone rojose tãmuorãma ña quëne”, yimasiritibesa. ¹⁰ Adigodoju ñarã, rojose mani tãmuoro bero, Dios tujã mani ejarone, ï bojarore bajiro quënase rïne yirã mani ñarügürotire yigu, yirucami Dios. Ïne ñaami manire ïamaicõari, jediro mani yisere manire ejarëmogü. ï suorine, “Cristore ajitirünucõari, ï rãca quënarò ñarügürarãja” gãjerã ña yigotisere ajlyuja mua. ¹¹ Ï ñaami masijeogu, ñajediro uju. “To bajirone bajicõa ñarucami”, ïre yirücuþuoto mani.

Pedro ï gotitusare queti

¹² Adi papera rãca mojoroaca muare yu gotisere yure ucabosami Silvano.^a Ï ñaami Cristore quënarò ajitirünugü, ï yirore bajiro yigu. “Adi papera ï ucasere ïavariquënacõari, Cristore ajitirãnu tujabeticõato” yigu, yaja yu. To yicõari, “Dios, manire ïamaicõari, quënarò ï ejarëmosere masiato” yigu, yaja yu. To bajiri, tire masiritimenane, ïre ajitirünucõa ñaña mua.

¹³ Ado Babilonia vãme cuti macaju ñarã, Cristore ajitirünurã, muare quënarotiamã ña. Dios suorine Cristore ajitirünurã ñaama ña quëne. Yu macare bajiro bajigu, Marcos vãme cutigu quëne muare quënarotiamã.^b ¹⁴ Cristo suorine cojo masare bajiro bajirã ñari, quënarò gãmerã yisëniã, yïñaña mua.

Toana, Cristore ajitirünurã jedirore ado bajiro Diore muare sënibosaja yu: “Mu macu Cristo yarã, quënarò ñato’ yigu, ñnare ejarëmoña”, muare yisëniþosaja yu.

To cõro ñaja.

^a 5:12 Silvano ti yijama, latin oca rãca yiyuju. Silas ti yijama, griego oca rãca yiyuju. Hch 15:22; 18:5; 2 Co 1.19 macaña.

^b 5:13 Jesure ajitirünusomasiriarã, cojojirema Babilonia ña yijama, Roma macarene yicõamasifujarã ña.

Segunda carta de SAN PEDRO

Cristore ajitirānurāre Pedro ī ucacōare queti

¹ ĆNati mua, Jesucristore ajitirānurā? Yu űaja Pedro, adi quetire muare ucacōagū. Jesucristo ī bojasere yigū űaja yu. Ī macu ī rijabosare suori quēnaro Dios ī yise quetire “Gājerāre gotimasiocudirucuja mu” yigu, yure cūcami. Jesucristone űaami Dios, mani rūcabuogu, rojose mani yise vaja manire rijabosari. “To bajiro ī bajire űajare, quēnaro yirucami Dios” yitūōiarā űaro cōrone, quēnaro yiecorona űaja mani. ² Muare quēnarotigu, Diore, to yicōari, Jesús mani űjare quēne, ado bajise muare sēnibosaja yu: “Butobusa mua ocare ajimasicōari, quēnaro ina űarotire yirā, ĩnare ejarēmōrūgūña”, muare yisēnibosaja yu.

³ Ī yarā űacōari, ī bojarore bajiro quēnase rīne mani yimasirotire yigu, manire beseyumi Cristo. Masijeogu űari, ĩre mani ajitirānūjama, manire quēnaro ejarēmōrucami.

⁴ To bajiri, masijeogu űari, “Quēnaro yirucuja” ī yicūmasiriarore bajiro manire yiyumi. To bajiro ī yiroti jairo vaja cūtre bajiro bajise űaűuja. Ti suori rojose mani tūōiasere “Yitūjato” yigu, manire yiyumi, ĩre bajiro yirā mani űarotire yigu.

⁵ To bajiri, quēnaro manire ī yire űajare, ĩre ajitirānurā űari, mua yimasiro cōro quēnasere yirūgūña, “Diore quēnabusaro masito mani” yirā. ⁶ Rojose yirūaboarine, tire yibeticōari, Dios ī bojarore bajirojua yirā, rojose tāmūboarine, quēnaro yicōa űarūgūroti űaja. ⁷ To yicōari, gājerā Cristore ajitirānurāre, ĩre ajitirānūmenare quēne mairūgūroti űaja.

⁸ Ti vāme jedirore yirā űacōari, butobusa mua yirūtu vajama, Jesucristo mani űjare quēnaro masirā űaruarāja mua. ĩre quēnaro masirā mua űajama, ī bojasere quēnaro yiruarāja. To bajiro mua yibetijama, ĩre masirā űaboarine, ĩre ejarēmōmenare bajiro bajirāja mua. ⁹ Ti vāme jedirore yimena, Dios ī bojasere quēnaro ajimasimena űarāma. To bajicōari, “Rojose yu yisere masirioyumi”, yimasiriticoaborāma. ¹⁰ To bajiri, ĩnare bajiro bajibesa mua. Ado bajirojua yirūgūña: “Cristo yarā űato” yigu, Dios beseriarā űari, mua yimasiro cōro űajediro yirūgūña. To bajiro mua yijama, Cristore ajitirānū tūjabetiruarāja. ¹¹ To bajicōari, mua rijato beroju, rojose tāmūotūjabetiriaroju mua vaborotire muare yirētobosagu, ō vecaju ī rotūűarōju varūquēnase rāca mua ejarotire yigu yirucami mani űju, Jesucristo.

¹² Muare yu gotisere masirā űari, quēnaro yirūgūrāja mua. Tire mua masiboajaquēne, muare goticōa űarucuja yu, “Masiritiroma” yigu. Gājerā socabeti quetire muare ina gotiriaro bero ti űaboajaquēne, muare goticōa űarucuja yu.

¹³ Yu catiűaro cōro muare gotimasiocōa űarucuja yu. To bajiri, yu gotisere quēnaro mua ajisere bojaja yu. ¹⁴⁻¹⁵ “Jesucristo mani űju, ‘Yoaro me rijacoarucuja mu’ yare ī yigoticatore bajiro bajiruarōja” yitūōiagū űari, yu rijato beroju ti vāmere mua masiritibetirotire yigu, yu yimasiro cōro muare gotimasiorūgūrucuja yu.

“Jesucristo ī masise rāca ī yīlocatire ĩacana űari, ‘űamasugū űaami’ ĩre yimasijaja yua”, Pedro ī yire queti

¹⁶ “Mani űju Jesucristo, masigū űaami. Adi macarucuroju tudiejarucami”, muare yigoticaju yua. “Masirētogū űaami Cristo”, muare yicaju yua. Yua masune tūōiācōari me, muare goticaju. Cristore ĩre ĩacana űari, muare goticaju. ¹⁷ Mani jacu Dios, Cristore quēnaro ī yirūcabuocatie, to yicōari, “ ‘űamasugū űaami’ yimasiatō ” yigu, Cristo ī godovedicatire yuare ĩocami Dios. To yigūne, ado bajise yuare yi ocaruyucami: “Ānine űaami yu macu, yu maigū. ĩre buto ĩvarūquēnaja yu”, yuare yi ocaruyucami. ¹⁸ To bajise Dios ī ocaruyucatie, buro joeju Cristo rāca űarā, ajicaju yua.^a

¹⁹ Diore gotirētobosamiriarā Cristo ī bajirotire ina gotimasiriarore bajiro bajicaju. Mua quēne yua gotimasiosere ajicōari, “Socabeti űaja”, yimasicaju mua. Tirūmūju quēnase queti Diore gotirētobosarimasa ina ucamasirema, rētiarojure mani sīabusuorore bajiro bajise űaűuja. Yua gotimasiose quēnaro mua buejama, Cristo ī tudiejarirūmu, ī ejarēmose rāca mua masiojeobetire quēnaro masijeocōaruarāja mua. ²⁰⁻²¹ Dios ocare masa ina ucamasirere mua buejama, ado bajise űamasusere quēnaro masiűa: Diore gotirētobosariarā, ina masune tūōiāmasicōari, ucabetimasīűujarā ĩna. Esp'iritu Santo ĩna masirotire ī ĩsise suori ucamasiűujarā.

^a 1:18 Mt 17.1-5, Mr 9.2-7, Lc 9.28-35.

2

*“Socase İna gotimasiosere ajitirānubesa”, yire queti
(Jud 4-13)*

¹ Diore gotirētobosarimasa socamena İna ņaboajaquēne, gājerā ņamasıñujarā, “Diore gotirētobosarā ņaja” yisocarıarā. To bajiri adırūmarıre quēne, mua rāca ņaruarāma socase gotirimasa. “Socabetıre muare gotıaja” yırā ņaboarine, rojose tuoıarā ņaruarāma. To bajiro tuoıarā ņari, manıre yırētobosar^aıre İre terā ņaruarāma. To bajiro bajarā İna ņajare, rojose tāmıuotıjabetıriaroju yoaro mene İnare cōacōarucumi Dios. ² To bajiro Dios İ yiroto rıjoro, mua rācana jājarā rojose İna yırore bajiro yıruarāma. To bajiro İna yısere İacōari, Dios ocare ajıteruarāma. ³ To bajiro socase gotimasiorimasa, “Gājoa bujarāsa mani” yırā, socase ti ņaboajaquēne, İna gotimasiose vaja muare vaja sēnıruarāma. Tirāmıjune “To bajiro rojose yırāre rojose tāmıuotıjabetıriaroju İnare cōarucıja yu”, yımasıñıju Dios.

⁴ Dios tuana, āngel mesa rojose yımasıriarā İna bajımsıre quetıre masırāja mua. “Rojose mua yıboajaquēne, rojose muare yıbecıja yu”, yıbetımasıñıju İ. “Rojose İna yıcati vaja rojose İnare yu yırotıre yucōa ņato” yıgu, cōmemari rāca İnare sıacōari, tusabetıgojeju İna ņacōa ņarotıre yıgu toju İnare cūmasıñıju. ⁵ Tirāmıju Noé İ ņamasıriarodoju ņamasıriarāre quēne, “Rojose mua yıse vaja rojose muare yıbetıracıja”, yıbetımasıñıju İ. İna jedırore oco ņamıse rāca İnare ruureajeocōamasıñıju İ. To bajiri, “Dios İ bojarore bajiro yırotı ņaja” gājerāre yıgotırügüboar^aı, Noé, İ yarā, cojomo cōro jedı, gaje āmo juā jēnıtuarıırcu ņarārema ruubetımasıñıju. ⁶ İnare İ yırıarore bajırone yıyımı Dios, “Sodoma macana, to yıcōari, Gomorra macanare quēne, rojose İna yıboajaquēne, rojose İnare yıbetıracıja yu”, yıbetımasıñıju. Ti macarıanare ö vecaye jea ājıse rāca vējıacōari, İnare soereajeocōamasıñıju İ. To bajiro İ yıjama, “Adırodore ņarā rojose yırā, tıre masıcōari, tuoıamasıato” yıgu, yımasıñıjımı. ⁷⁻⁸ Sodoma macanare, Gomorra macanare soereacōaboarıne, Lot vāme cutımasır^aıre İre yırētobosamasıñıju Dios. Quēnaro yıgu ņamasıñıju Lot. Tocārācarāmıne ti macarıana Diore ajımena, rojose İna yısere İacōari, gājerā “Rojose yama” İna yısere quēne ajıcōari buto tuoıasıtırıtırügūmasıñıju Lot. To bajiri, “Ejıaromi” yıgu, İre yırētobosamasıñıju Dios.

⁹ To bajiri, ti quetıre muare yu gotıse jedırore tudıtıuoıacōari, juā vāme ado bajıse masıaja mani: “Dios İ bojarore bajiro yırāre rojose İna bajıborotıre İnare yırētobosamasıamı”, yımasıaja mani. To yıcōari, “Rojose yırārema rojose İna yıse vaja, rojose tāmıuotıjabetıriaroju İnare İ cōaroto rıjoro, rojose İna yıjare, ‘Rojose tāmıuoıa mua’ İnare yırügūamı Dios”, yımasıaja mani.^b ¹⁰ “Rojose İna yıse vaja, rojose tāmıuotıjabetıriaroju İnare cōabeaja majı” Dios İ yııarāre mani yıjama, ado bajiro rojose yırāre yaja mani: İna masıne İna bojarore bajiro yırügūrāre, gājerā İna rotıserē ajıterāre quēne, İnare yaja mani. To bajiro yırā ņarāma socase gotımasıorımasa. “İna rētoro ņamasırā ņaja yua” yıtuōıacōari, güımenane, āngel mesare, to yıcōari, vātıare quēne rucıbuomenama. ¹¹ Socase gotımasıorımasa rētoro masırā ņaboarine, İnare bajiro yımenama Dios tuana, āngel mesama. Vātıare, “Rojose yırā ņari, rojose tāmıuoruarāja”, İnare yımenama.

¹² Socase muare gotımasıorımasa, İna ruju ti bojarore bajiro yırā, “Bojoneose yırā yaja” yımasımenane, tıre yırügūrāma. To yıcōari, āngel mesare, vātıare quēne İna bajıserē masımena ņari, rucıbuobetırügūrāma. To bajiro rojose İna yıse ņajare, rojose tāmıuotıjabetıriaroju İnare cōarucumi mani āju. ¹³ Gājerāre rojose İna yıre vaja, rojose tāmıuoruarāma. Bojoneose ti ņaboajaquēne, “ņamıju yırudırısa mani”, yırā me ņarāma. Bojonemena ņari, āmıuane yıvarıquēnarā ņarāma. Diore rucıbuorā mua rējajama, İna quēne mua rāca rējıacōari, “Dios İ bojasere yırā ņaja” yıboarine, no İna bojarore bajırojuā yırügūrāma. To bajiro rojose yırā ņaboarine, “Ado bajiro mani yısere İvarıquēnagūmı Dios”, muare yısocarāma. Rojose yırā rāca mua rējase suorıne, mua jedırorene, “Rojose yırā ņarāma”, muare yıñagōjıarāma masa.

¹⁴ Rojose yırā ņari, rōmıja jājarāre ajıerıarā cutırıua tuoıarügūrā ņarāma. Gājerā, Crıstore quēnaro ajıtırānımenare quēnaro İna yıtose suorıne rojose İnare ūmato yırā ņarāma. To bajıcōari, jairo gajeyēını cıorā ņaboarine, quēna gajeyē bojarēmōrā ņari, “Gājoa bujarāsa mani” yırā, quēnaro yısocamasırā ņarāma. To bajiro yırā ņari, rojose tāmıuotıjabetıriaroju Dios İ cōarona ņarāma. ¹⁵ Crısto ocare ajıriarā ņaboarine, ajıtııacōari, Dios İ bojabetıre yırā ņarāma. Beor macı, Balaam vāme cutımasır^aı, gājoare buto İ bojarıarore bajiro bojarā ņari, İ yırıarore bajiro rojose yırā ņarāma İna quēne. ¹⁶ Balaamıjuā, rojose İ yıruajare, Dios jedıro masıgū ņari, Balaam İ jesavacu burro vāme cutıgıre masıre bajiro ņagōrotımasıñıju. Ado bajiro İre yımasıñıju: “Rojose yıguacu yaja mu”, İre yıtuđıtııjomasıñıju burro. Rojose İ yıruaboarere yıbetımasıñıju Balaam ņamasır^aı.

^b 2:9 Rojose tāmıuotıjabetıriaroju İnare cōabetıboarine, “Rojose tāmıuoıa mua” İnare İ yıjama, adı macarucıro ņacōari, rojose İna tāmıuoıarotıre yıgu, yıyıju.

¹⁷ Quēna gaje vāme muare gotirēmoaja yu, socase gotimasiōrimasa īna bajisere: Oco ņaboariagojeri ti oco manore bajiro bajirā ņarāma. To bajicōari, buerigaserire mino vēareare bajiro bajirā ņarāma. To bajiro bajirā ņari, Dios oca quēnasere mani ajiruaboasere manire gotimasiobetiruarāma. To bajiri, “Rojose tāmūotūjabetiriaroju īnare cōarucija” ī yimasiriarore bajiro īnare cōarucami Dios. ¹⁸ “Rojose mani yiboajaquēne, manire īvariquēnacōa ņarucami Dios”, yivariquēnarāma. Tūoīamasimena ņari, to bajiro yirāma, “Gājerā quēne, mani yisere ajicōari, mani yirore bajiro rojose yato īna quēne” yirā. To bajiro īna yijama, Diore ajimena rāca rojose īna yirūgūboarere yitūjacōari, mame Cristore ajitirūnarāre butobusa īnare gotirāma. ¹⁹ “Socase mere muare gotiaja yua. Mani bojarore bajiro mani yijama, quēnaja. Cojorāmū rojose mani yisere yitūjaruarāja” yirā ņaboarine, rojosere yisejacoariā ņari, tūre yitūjamasimenama. To bajiro īnare gotirā ņaboarine, īna quēne rojose īna yise vaja rojose tāmūorona ņaboarine, to bajiro īnare gotirūgūrāma. ²⁰ Ado bajiro bajirāma socase gotimasiōrimasa: “Rojose mani yise vaja manire vaja yibosayumi Jesucristo mani ūju” yitūoīacōari, rojose īna yirūgūboarere yitūjacōaboarine, quēna rojose īna yicōa ņajama, tirāmūju rojose īna yiriaro rētoro rojose yirāma. ²¹ To bajiro rojose yirārema, rēmojane Cristore ajitirūnubeticōaroti ņaboayuja. Tire bajimenane, Cristore ajitirūnucōari, quēna īna ajitirūnū tūjajama, quēnabeti ņaja. To bajiro bajirā īna ņajare, butobusa rojose īnare yirucami Dios. ²² Cristore ajitirūnarāre ņaboarine, quēna īre īna ajitirūnū tūjajase ado bajiro gotiaja: “Ecari yai, mūñocōari, ī mūñosere tudibarucami”, yigotiaja. Quēna gajeye ado bajiro gotiaja: “Ecari yese űeritatate yugui moasīnirire quēnaro mani guocōaboajaquēne, titatate tudivacōari, yugui moasīnirucami quēna, ‘Tudi űeri jaiju ņagūsa’ yigu”, yigotiaja.

3

Mani ūju adi macarucaroju ī tudiejaroti queti

¹ Yū mairā, tirāmūju muare yu ucasuocatore bajiro muare tudijacaja yu, Cristo ocare masiritimenane, quēnaro mūa tūoīacōa ņarotire yigu. ² Tirāmūana, Diore gotirētobosamasiriarā īna goti rījoro yimasirere mūa masiritibetirore bojaja yu. To yicōari, mani ūju, rojose mani yise vaja manire vaja yibosar'i, adi macarucaroju ī tudiejarotire yuare ī gotimasiocatre, muare yua gotimasiocatre quēne mūa masiritibetirore bojaja.

³ Ti oca ņamasuse ado bajiro gotiaja: Adi macarucaro tusarirāmuri mani ūju Jesucristore ajitirūnarāre, adigodoju ī tudiejarotire mani tūoīa yuņajare, manire ajatud'iruarāma gājerā. īna ņaruarāma īna masune īna bojarore bajiro rīne yirā. ⁴ Ado bajiro manire ajatud'iruarāma: “Mani ūju’ mūa yigūma, ī gotiriarore bajiro me bajiami. Tudiejabeami. Quēnaro tūoīaņa mūa. Tirāmūju mani ņicūa ņaboacana, to yicōari, mani jacūa ņaboacana quēne bajireacōa tūjacama. īnare catiobeticami. Adi macarucaro Dios ī rujeosūomasiriarodoju ņamasiriarore bajirone bajicōa ņaja adirāmuri quēne. ‘Mani ūju’ mūa yigūma ī gotire, ņie vaja maja ti”, manire yiajatud'iruarāma. ⁵ To bajiro tūoīarā ņari, adi macarucaro Dios ī rujeosūomasirere masimena ņarāma. Mani jacū Dios jediro masigū ņari, adi macarucaro, ūmūagaserore quēne rujeomasīņuju. ī rotise űorine sita oco vatoaju ņare ruyuamasīņuju. To bajiro yicōari, ocore quēne ricati ti ņarotire yimasīņuju. ⁶ To bajiro ī yimasire ti ņaboajaquēne, ti vāmere bajirone bajicōa ņabetimasīņuju. Beroju, “Oco ņasuocatore bajiro tudirujiasa quēna” ī yirotimasire űorine adi macarucaro jedirone oco ņamuse rāca ruureajeocōamasīņuju ī. ⁷ To bajiro ī yirotimasiriarore bajirone bajimūorāgōruaroja, adi macarucaro, ūmūagaserore quēne Dios ī soerearotirāmū ti ejaro. Tirāmūne mani ūju, tudiejacōari, rojose yirūgūriarāre īabesecōari, “Rojose tāmūocōa ņarūgūriarāja”, īnare yirotirucami.

⁸ Yū mairā, adi vāme ņamasuri vāmere masiritibetiruarāja mūa: Mani ūju ī īajama, mil ņaricūmari ņaja cojorāmū. To bajicōari, cojorāmū ņaja mil ņaricūmari cōro, ī īajama. To bajiro yu yijama, “Cūmari mani cōiarore bajiro cōīabeami mani ūju” yigu yaja. ⁹ “ī gotirore bajiro yigu ņaboarine, guaro ejatūmabecumi maji. To bajiro ī bajisere manire tegū bajigūmi” gājerā īna yitūoīarore bajiro tūoīabetiroti ņaja muare. To bajiro me bajigūmi. Gājerā quēne rojose īna yisere yitūjacōari, Dios ī bojajare īna yirotire yugu bajigūmi maji. Masa jediro rojose tāmūotūjabetiriaroju īna vabetirore bojaami mani ūju.

¹⁰ Tire yuboarine, “To cōrone tudivarucami” Dios ī yitūoīariāmūne tudiejarucami mani ūju. “To cōro ņaro ejarucami” masa īna yimasibetijane ejarucami. Juarudirimasū ī ejarore quēne, “To cōro ņaro juarudigu ejarucami”, yimasibeaja mani. To bajirone bajirūaroja Cristo ī ejaroti quēne. ī tudiejarirāmū ō vecajū gūioro ocaruyūruaroja. Ti ocaruyuse rācane ō vecaye jediro yayicoarūaroja. To bajicōari, adi macarucaroaje jedirore soereajeocōarucami mani ūju. ņiejua ruyabetirūaroja yuja.

¹¹ Adi macarucaroaje jediro ūjuyayiroti ti ņajare, Dios rīare bajiro bajirā ņari, rūcūboose rāca ī bojarore bajiro quēnase rīne yirūgūroti ņaja muare. ¹² Cristo ī tudiejarirāmū quēnaro

ñayuruarāja maa. To bajiri i bojarore bajiro quēnase rīne yirūgūña, yoaro me i ejarotire bojarā ñari. I ejarirāmune ð vecaye jediro űjedicoaruroja. To bajicōari, adi macarucuroaye quēne buto ti asijare, ocoacoaruroja. ¹³ To bajiro bajiroti ti ñaboajaquēne, “Dios i gotiriarore bajirone quēna adi macarucuroayere, to yicōari, ð vecayere quēne reajeocōari, quēnase rīne mame rujeovasoarucumi Dios”, yitōiavariquēnaja mani. To bajiro i yiro berojare Dios i bojarore bajiro quēnaro yirā rīne catiruarāma.

¹⁴ To bajiri, yu mairā, Cristo i tudiejaroto rījoro, maa yimasiro cōro Dios i bojarore bajiro yicōa ñarūgūña maa, “Mani űju i tudiejarirāmujū, ‘Quēnase rīne yirā ñaama’ i yitavariquēnarona ñarāsa” yirā. ¹⁵ Mani űju, rojose yirāre rojose tāmōtūjabetiriaroju ñare cōbeami maji, “Rojose yitūjacōari, yure ña ajitirūñajama, rojose ña tāmōborotire yirētosagusa” yigu. Tire bajirone gotiyuja mani maigū, Pablo manire i ucacōare quēne. “Tire quēnaro riojo ajimasiato” yigu, quēnaro ñe ejarēmōñumi Dios. ¹⁶ Gājerāre i ucacōare quēne, tocārācājine i ucajama, tire bajiro rīne gotirūgūñumi. I ucare, cojo vāme mani ajimasirūajama, josari ñaja. Josase ti ñajare, tire ajimasimena ñari, ricatijua gotimasiorāma Cristore quēnaro ajitirūñamena. Dios ocare quēne ña buejama, ajimasimena ñari, ricatijua gotimasiorāma. To bajiro yirā ñari, rojose tāmōtūjabetiriaroju mani űju i cōarona ñarāma.

¹⁷ Yu mairā, socase ña gotimasiorotire muare yu gotisere jēre masirāja maa. Tire masirā ñari, “Diore ajimena, socase ña gotimasiosere ajitirūñacōari, Cristo oca riojo gotimasiosejare ajitirūñatjarobe” yirā, quēnaro tire tōiomasiri ñaña. ¹⁸ Jesucristo ñaami mani űju. I ñaami rojose mani yise vaja manire vaja yibosar’i, “Quēnase rīne yirā ñato” yigu. To bajiro yir’i i ñajare, butobusa ñe ajitirūñarūtuasa maa, “Quēnagū ñari, quēnaro manire yami” yimasicōari, butobusa gāmerā maiña maa. “Ñamasugū ñaami”, Jesucristore yirūcūborūgūroti ñaja.

To cōro ñaja.

Primera carta de SAN JUAN

Jesúre ajitirānūrāre Juan ī ucare queti

¹ Ćñaboati m̄ua, yu yarā? Adi papera rāca m̄uare queti ucaja yu. Adi macarucuro, ð vecaye quēne ti ruyuaroto r̄joroju, ñajediro mani catirotire ĩsirocū ñac̄oasuoayumi. To bajiri yu masune ĩre ĩa, ĩre aji, ĩre moaĭacacune m̄uare gotiaja yu. ĩ rijabosare suorine Dios ĩ catisere suorā ñaja mani. ² ĩre ĩacaju yua. ĩne ñagūmi Jesucristo, ĩre ajitirānūrā mani rijato beroju mani catirotire Dios ĩ catisere manire ĩsir'i. To bajiri yua ĩacatire m̄uare gotiaja yu. Yua ĩacacu, adi macarucuro ĩ rujeoroto r̄joroju ĩ jacu rāca ñac̄oasuoayumi. ³ Yua ĩacatire, to yic̄ōari yua ajicatire quēne m̄uare gotiaja yu. Dios, ĩ macu rāca ĩna tuoĭarore bajiro tuoĭarūgūaja yua. To bajiri m̄ua quēne, yua tuoĭarore bajiro m̄ua tuoĭarotire yigu, gotiaja. ⁴ Cojoro cōro mani variquēnarotire yigu, tire m̄uare gotiaja yua.

“Rojose yibecu ñaami Dios”, yire queti

⁵ “Quēnase r̄ine yigu ñagūmi Dios”, yuare yigoticami Jesús. To bajiri tire ajic̄ōari m̄uare gotiaja yua. ⁶ Rojose yiboarine, “Dios ĩ tuoĭarore bajiro tuoĭaja yua” mani yijama, socarā yirāja mani. ⁷ To bajiboarine, Diore sēnic̄ōari, ĩ bojarore bajiro quēnaro mani yic̄ōa ñajama, quēnaro ñaruarāja mani. To bajic̄ōari, Jesús ĩ rijabosare suorine, “Rojose mana ñaama”, manire yiarūgūgūmi Dios.

⁸ Quēnase r̄ine yirā manama. To bajiri “Quēnase r̄ine yirā ñaja mani”, yimasīña maja. ⁹ To bajiboarine, tocārācagine rojose mani yisere, “ ‘Yuare masirioya’ ĩre mani yigotijama, ‘Yirucuja’ ĩ yirore bajiro yigu ñari, tire manire masiriojeoc̄ōarucami Dios”, yimasīaja mani. ¹⁰ Gajeyerema, “Masa jediro rojose yirā ñaama”, manire yiyumi Dios. To bajiri, “Rojose yibeticaju yua” mani yijama, “Socu yirimi Dios” yirāre bajiro yirāja mani.

2

“Diore manire ñaḡōbosagu ñaami Jesucristo”, yire queti

¹ Yu r̄iare bajiro m̄uare maiaja yu. To bajiri, “Rojose yibetic̄ōato ĩna” yigu, adire m̄uare gotiaja yu. To bajiboarine rojose mani yijama, sīgū ñagūmi Diore manire ñaḡōbosagu. ĩne ñagūmi Jesucristo, rojose yibecu. ² Rojose mani yise vaja manire rijabosayumi, rojose mani yisere manire Dios ĩ masiriorotire yigu. Masa ñajedirore rijabosagu bajiyumi.

³ Gajeyerema, Dios ĩ rotirore bajirone mani yijama, “ĩre masīaja yu”, yimasīaja mani. ⁴ Sīgū, Dios ĩ rotisere cudibetiboarine, “ĩre masīaja yu” yiguma, socu yigumi. ⁵ Dios ĩ rotirore bajiro yigūja ñagūmi ĩre maigū. To bajiro mani yijama, “Dios yarā ñaja mani”, yimasirāja mani. ⁶ “Dios ĩ bojarore bajiro tuoĭaja” yiguma, Jesús ĩ bajiñacatore bajirone bajiñaroti ñaja.

Mame rotire queti

⁷ Yu mairā, mame oca mere m̄uare ucaja yu. Dios ĩ rotimasire, ĩ ocare masa ĩna ucamasire, m̄ua ajisuoadicatine ñaja. ⁸ Tirāmūayeju ti ñaboajaquēne, Jesús ĩ bajiñacatire ajic̄ōari, ti ocare quēnaro riojo ajimasire ñaja. To bajic̄ōari, Jesúre ajitirānūrā mani bajiñasere quēne ĩac̄ōari, ti ocare quēnaro riojo ajimasire ñaja. To bajiro ti bajijare, tirāmūaye ti ñaboajaquēne, mame ocare bajiro ejaja ti manire. Ti oca suorine Diore quēnabusaro masirūtu vana yaja mani.

⁹ Sīgū, “Dios ĩ bojarore bajiro yigu ñaja” yiboarine, gājire ĩ ĩatejama, Dios ĩ bojarore bajiro yigu me ñagūmi. ¹⁰ Gājerāre ĩamaigūja, Dios ĩ bojarore bajiro yigu ñagūmi. To bajiro ĩ bajijare, ñimūja ĩre rojose ūmato yirocu magūmi. ¹¹ Gājire ĩateguma, Dios ĩ bojabetire yigu ñagūmi. To bajiro yigu ñari, “Rojose yigūja yu”, yimasīgū me ñagūmi. Rojose ĩ yise vaja rojose tām̄uotūjabetiraroju ĩ varotire quēne masibecami.

¹² M̄ua jediro, yu r̄iare bajiro bajirā, adi queti m̄uare ucaja yu: Jesús manire ĩ rijabosare ñajare, rojose m̄ua yisere Dios ĩ masiriorā ñarāja m̄ua.

¹³ M̄uare bucārāre quēne, adi queti ucaja yu. Adi macarucuro, ð vecaye quēne ti ruyuaroto r̄joroju ñar'ire masirā ñarāja m̄ua.

M̄uare mamarāre quēne adi queti ucaja yu. Vātia ūju ĩ bojarore bajiro yiriarā ñaboarine, yimena ñarāja m̄ua yuja.

¹⁴ M̄ua jediro, yu r̄iare bajiro bajirāre adi queti m̄uare ucaja yu. Mani jacu, Diore masirā ñarāja m̄ua quēne.

Bucārāre quēne m̄uare queti ucaja yu. Adi macarucuro, ð vecaye quēne ti ruyuaroto r̄joroju ñar'ire masirā ñarāja m̄ua.

Mamarāre quēne muare queti ucaja yu. Dios ocare masa ina ucamasire ti gotiروه bajiro ajitirūnārā nārāja mua. To bajirā nari, vātia uju rojose i yirotiboasere cūdimena nārāja mua. To bajiro bajirā mua nājare, adi queti muare ucaja yu.

¹⁵⁻¹⁶ Adi macarucuro nārā ina tuoīarore bajiro tuoīabesa mua. Ado bajiro tuoīarā nārāma ina: Adi macarucuroayere īavariquēnacōari, ina bojarore bajiro rojose yirua tuoīarāma. Jairo ina gajeyēumi cūose rotise me nāja. Ina tuoīarore bajiro mua tuoīajama, Diore mairā me nārāja mua quēne. ¹⁷ Adi macarucuro ti jedirone, Dios i bojabeti masa ina yirua tuoīase, ina cūose, ina bojase quēne jedicoaruroja. Ti jedicoaboajaquēne, Dios i bojarore bajiro yirājuama, ina rijato beroju Dios taju quēnaro nārūgūruarāma ina.

Cristore terā jājarā ina nare queti

¹⁸ Ajiya mua, yu rīare bajiro bajirā. Adi macarucuro ti jedirotirūmu ejaroti, mojoroaca ruyaja. “Ti jedirotirūmu ti ejaroto rījoroaca vadirucūmi Cristore ire Tegū” yigotimasiorere ajicaju mua. To bajiri ado bajiro muare gotiaja yu: Jēre gājerā Cristore terā socase queti gotimasiorā, jājarā nārāma adi macarucurore. To bajiro ti bajijare, “Adi macarucuro ti jedirotirūmu ejaroti, mojoroaca ruyaja”, yimasiaja mani. ¹⁹ Ado bajiro ti bajijare, “Mani rāca naboacana quēne Cristore terā nārāma”, yimasiaja mani: Manire bajiro tuoīacana naboarine, ricati tuoīacōari, manire cāmotadicama. To bajiri, “Cristore terā nārāma”, yimasiaja mani. Dios yarā ina nājama, manire cāmotadibetiboriarāma.

²⁰ Espiritu Santore muare cōaŋumi Jesūs. To bajiro i yire nājare, Dios yere riojo masirāja mua. ²¹ Cristo yere quēnaro masirā mua nājare, “Tire tudituoīato” yigu, muare ucaja yu. Cristo oca socabetire masirā nari, “Ti mere gotimasioama”, yimasiaja mua. ²² To bajiro ti bajijare, “Masa rojose ina tāmūborotire inare yirētobosacōari, rotimūorūgōrucūmi” yigu, Dios i cōar’i me nārīmi Jesūs” yiguma, socagu nāgūmi. To bajiro i yijama, Diore to yicōari, i macure quēne tegū yigūmi. ²³ Jesūre tegū i nājama, i jacu Diore quēne tegū yigūmi. To bajiro i yijama, Diore ajitirūnūgū me nāgūmi. “Dios macure ajitirūnūaja” yigūjuama, i jacu Diore quēne ajitirūnūgū nāgūmi.

²⁴ Tirūmuju Cristo oca mua ajisuocatire tocārācarūmune mua tuoīacōa nājama, Dios i macu Jesūrāca, ina bojarore bajiro tuoīacōa nārūgūruarāja mua. ²⁵ To bajiro mua yituoīacōa nājama, “Yure ajitirūnūrāre quēnaro yirucūja” i yiriarore bajirone yiecorā nāja mani. To bajiri, mani rijato bero ina taju catimūorūgōrona nāja mani.

²⁶ Gājerā socase gotirīmasa ina nājare, inare ajicōari, “Ina nāama socase gotimasiorīmasa” mua yimasirotire yigu, adi papera muare ucaja yu. ²⁷ “Espiritu Santore manire cōaŋumi Jesūs”, yitūjabesa mua. Ī suorine nājediro socabetire, Jesūs ocare tuoīacōari quēnaro masirāja mua. To bajiro bajirā nari, “Socase nāja” muare yigotirocure bojamenaja mua. To bajiri, Espiritu Santo suorine Jesūs ocare masicōari, i bojarore bajiro yicōa nāña.

²⁸ Quēnaro ajiya, mua, yu rīare bajiro bajirā. Cristo i bojarore bajiro mani yicōa nājama, adi macarucuroju i tudiejaro, gājerā ire ajitirūnu tujarīarā ire ina labojonerore bajiro me bajiruarāja mani, “Quēnaro yuare yirucūmi” yituoīarā nari. ²⁹ “Quēnaro yigu nāgūmi Jesūs” yimasirā nari, “Jesūs i bojarore bajiro quēnaro yirāma, Dios rīa nāama”, yimasirāja mua.

3

Dios rīa nare queti

¹ Ajiya mua. Mani jacu Dios, buto manire maiami. Manire maigū nari, “Yu rīa nāama”, manire yami. To bajiboarine, jājarā nāama Dios rīa mani nāsere masīmena. To bajirā nari, Dios mani jacure quēne masibeama. ² Dios rīa nāja mani. Mani bajirotire, “Ado bajiro bajiruarāja”, yimasibeajama mani. To bajiboarine, “Jesucristo i tudiejaro, ire īarāne, ire bajiro bajicoaruarāja mani”, yimasiaja mani. ³ Tire tuoīayurā nari, rojose yibetirūgūaja mani, “Cristo rojose yibecu i narore bajirone nārāsa” yirā.

⁴ Rojose yiguma, Dios i rotisere yigu me nāgūmi. Ī rotisere mani cūdibetine nāja rojose mani yise. ⁵ “Jesucristo, rojose yigu me nāgūmi”, yimasirāja mua. “Quēnase rīne yigu nari, rojose mani yise vaja, manire vaja yibosagu adi macarucurojare vayumi”, yimasirāja mua. ⁶ Jesucristo i bojarore bajiro tuoīarā, rojose yimenama. Rojosere yirāma, Jesucristore masirā me nārāma. ⁷ Yu rīare bajiro bajirā, mua vatoaju muare yitogu “Manicōato” yirā, quēnaro ajicōaīa. Sīgū, “Quēnaro yigu nāja” i yisocabetijama, Cristo i yiriarore bajiro quēnaro i yisere īamasiruarāja mua. ⁸ Rojose yiguma, vātia uju i rotisere yigu nāami. Rēmojune rojose rīne yigu nācōasuoayumi vātia uju. To bajiboarine, Dios macu Jesucristo adi macarucurojare vayumi, vāti uju masare rojose i yirotsere “Yibeticōato ina” yigu.

⁹ Dios, rojose yibecu i nājare, i rīa quēne, rojose yirā me nāama. Espiritu Santo rācana nari, rojose yimena nāama. ¹⁰ To bajiri, Dios yarāre, to yicōari, vātia uju i ejarēmose rāca

yiräre quēne ado bajiro Inare İamasıaja mani: Rojose yigama, to yicōari Jesüre ajitirünugäre İamaibesuma, Dios yu me ñagūmi.

Gāmerā İamaire queti

¹¹ Tırūmujune Dios ocare gāmerā İamairoti ñaja yirere ajisuoadicaju mua. ¹² Ca'in İamasir'i İ yimasiriarore bajiro yibesa mua. Rojose yigu ñari, İ bedi quēnase İ yisejware İajūnisinicoari, İre sİamasifūju.

¹³ To bajiri, ajiya mua, yu mairā: Adi macarucuroana Diore ajiterā muare İna İatesere tuoİarejaibesasa. ¹⁴ Tırūmujū Diore masimena ñari, mani rijato beroju, mani catirotire Dios İ catisere İsicobesuja mani maji. Yucurema, gājeräre mani ujure ajitirünuräre İamairā ñari, “Mani rijato beroju mani catirotire Dios İ catisere İ İsiriarā ñaja mani”, yimasıaja. Gājeräre İamaimenama, Dios İ catisere İ İsirā me ñarāma İna. ¹⁵ Mani ujure ajitirünuräre İaterāma, Dios İ İajama, sİarımasa ñarā bajirāma İna. To bajiri, “İna rijato beroju İna catirotire İnare İsibecūmi Dios”, yimasıaja mani. ¹⁶ Cristo manire İ rijabosare ñajare, manire İ maisere masıaja mani. To bajiri mani quēne, mani ujure ajitirünuräre İamairā ñari, gājerā manire İna İateboajaquēne, Cristore ajitirünuräre ejarēmoroti ñaja. ¹⁷ Gajeyeūni jairo cuogu ñaboarine, mani ujure ajitirünuräre maioro bajiräre İ ejarēmobetijama, “Diore maiaja yu”, yisocagu ñagūmi. ¹⁸ To bajiri yu rİare bajiro bajirā, “Gājeräre İnare İamaıaja yua” yirā, İnare ejarēmoroti ñaja.

“*Dios, manire maigū ñari, quēnaro manire yirucūmi' yituoİa variquēnaroti ñaja*”, yire queti

¹⁹ Gājeräre mani maijama, “Dios ocare masa İna ucamasire quēnaro ajitirünujaja yua”, yimasirāja mani. To bajiri, “Manire İavariquēnagūmi Dios”, yimasirāja. ²⁰ “Dios ocare quēnaro ajitirünubeaja yua” mua yituoİa sutiritijama, “İRojose İati yuare?” yicōari, Diore sēniroti ñaja. İ İaami mani rētoro masigū, to bajicōari mani İamairo rētoro İamaigū. ²¹ “Yu ye suorine rojose ñaja yare” mani yituoİabetijama, Dios quēne, “Mu ye suorine rojose ñaja mure” manire yibecūmi”, yimasıaja mani. To bajiri gūimenane, İre sēniaja mani. ²² Dios İ rotisere mani cudijama, no mani sēniore bajirone manire cudirucūmi. ²³ Adi İaja Dios İ rotise: “Yu macu Jesucristore İre ajitirünunā mua. Gāmerā İamaıña mua”, yiyumi Dios. ²⁴ Tire ajirucsubuorāma, Diorāca ñarāma. To bajiri, Esp'iritu Santore Dios İ cōare suorine, “Diorāca ñaja mani”, yimasıaja mani.

4

Esp'iritu Santo rāca ñaräre, İ rāca İamenare quēne İamasire

¹ Ajiya, yu mairā. Jājarā, “Dios ocare gotimasiorā ñaja yua” yirā, Esp'iritu Santo rāca ñarā me ñarāma. To bajiri, “İEsp'iritu Santo rācana masune İati?” mua masune yituoİamasicōari, quēnaro İnare ajicōİaİna, “İna socajama, masıruarāja mani” yirā. ² Ado bajiro İna yisere ajımasıruarāja mua: “Adi macarucuroju ejaçōari, manire bajiro ruju catıyuju Jesucristo” yirāma, “Esp'iritu Santo rācana İaama”, yimasıruarāja mua. ³ To yicōari, gājerāma, “Manire bajiro ruju cutigu me İaİuju Jesucristo” yirāma, “Esp'iritu Santo rācana me İaama”, yimasıruarāja mua. İna İaama Cristore terā. To bajiro yirā, İere İna İnarotire ajıcaju mua. To bajiri, “Adıgodore İaama İna” yigu, muare gotıaja yu.

⁴ Vātia ujure rētoro masigū, İaami Dios. To bajiri, mua quēne İ rācana ñaja mua. İ rācana ñari, Cristore terā, muare İna yitoboasere İnare ajibesuja mua. ⁵ Adi macarucuroayerene Dios İ bojabetire gotırūgūama socase muare gotimasiorımasa. Tire ajısuayrūgūama gājerā Diore ajiterā. ⁶ Manıjama, Dios rİa ñari, İ ejarēmose rāca İ bojarore bajiro tuoİarā ñaja mani. To bajiri mani gotisere quēne ajısuayrāma Diore masırā jediro. To bajicōari, Diore ajiterāma, manire quēne ajiterāma. To bajiro ti bajıjare, “Diorācana İaama” to yicōari, gājerārema, “Diore ajiterā İaama”, yıİamasıruarāja mani.

Dios manire İ maise queti

⁷ Yu mairā, Dios suorine gāmerā İamaire ñaja. To bajiri İnajedirone gāmerā İamairoti ñaja. To bajiro mani yıjama, Diore masırā, İ rİare bajiro bajirā İaruarāja mani. ⁸ Masare maigū İaami Dios. To bajiri gājeräre maimenama, Diore masimena İaama. ⁹ İ macure ajitirünurā, İna rijato beroju İna catirotire İ catisere İnare İ İsirotire yigu, adi macarucurojare İ macu sİgāne İagüre cōaİumi Dios. To bajiro Dios İ yire İajare, “Manire maıami Dios”, yimasıaja mani. ¹⁰ Dios manire İ maiore bajiro manıjama, İre maıbeaja. To bajirā ñari, “Gājire maıgūma, ado bajiro bajıami” mani yimasıruajama, manire Dios İ maisere tuoİaroti ñaja. Manire maımasucōagū ñari, rojose mani yise jedirore manire masırioru, İ macure cōaİumi Dios, rojose mani yisere manire “Vaja yıbosato” yigu.

¹¹ To bajiri, yu mairā ajiya mua. To bajiro Dios manire İ maise İajare, gāmerā İamairoti ñaja manire. ¹² Dios, ruyubecu İ İaboajaquēne, mani gāmerā İamaijama, “Mani rāca İaami

Dios", yimasiruarāja mani. Masare ĩamaigū mani rāca ĩ űajare, gāmerā mairuarāja mani quēne. ¹³ Esp'iritu Santore manire ĩ cōare űajare, "Mani rāca űaami Dios", yimasiaja mani. ¹⁴ To yicōari, jediro ĩre ajitirānūrā rojose mani yise vaja rojose tāmūotujabetiraroju mani vaborotire manire yirētobosarocure Dios ĩ cōar'ire ĩacaju yua. ĩre ĩacana űari, ti quetire gotirūgūaja yua. ¹⁵ "Dios macu űagūmi Jesūs" yiguma, Diorācagu űagūmi.

¹⁶ Jesucristo ocare mani ajitirānūsorijune, "Dios manire maiami", yimasisuoadicaju mani. Dios suorine gājerāre ĩamaire űaja. To bajiri, Dios manire ĩ maisere masicōari, gājerāre ĩamaigūrema, "ĩ rāca űagūmi Dios", yimasiaja mani. ¹⁷ Dios manire ĩ ejarēmojare, ĩ macu manire ĩ mairiarore bajiro gājerāre mairuarāja mani. To bajiri Dios masare ĩ beserirāmu ti ejaro, "Rojose manire yirucūmi", yitūoĩagūibetiruarāja mani. ¹⁸ Jesucristo ĩ mairiarore bajiro quēnaro ĩ maijama, "Nie suori rojose yure yibecūmi Dios" yigu, tūoĩagūibecūmi. To bajiri manire Dios ĩ cōare űajare, mani gāmerā maijama, gūibetiruarāja, masare Dios ĩ beserirāmu ti ejajuquēne. Sigū, gāmerā maire, to yicōari Diore masibecu űari, tūoĩagūigūmi.

¹⁹ Diore mani maibetiboajaquēne, ĩjuama, buto manire maifūmi. To bajiro manire ĩ yire ti űajare, ĩre mairoti űaja. ²⁰ Sigū, "Diore maijaja yu" yigotigu űaboarine, Jesure ajitirānūgure ĩateguma, socagu űaami. To bajiri ĩ ĩatese suorine, "Diore maibecu űaami", ĩre yĩamasiaja mani. ²¹ Sigū, Diore ĩ mairuarāja, Jesure ajitirānūgure ĩamairoti űaja. To bajise manire yirotiyumi Dios.

5

"Dios rĩa űari, ĩ bojarore bajiro yiroti űaja", yire queti

¹ "Rotigu űarucūmi" yigu, Dios ĩ cōar' ĩ űaami Jesūs" yirāma, Dios rĩare bajiro bajirā űaama. ĩJacure mani maijama, ĩ rĩare quēne mairuarāja mani", yigotise űaja. To bajiri, mani jacu Diore mani maijama, "Yu rĩa űaama" Dios ĩ yĩarāre quēne mairoti űaja. ² Diore maicōari, ĩ rotirore bajiro mani cudijama, "Yu rĩa űaama" Dios ĩ yĩarāre quēne mairā yirāja mani. ³ Diore mani maijama, ĩ rotirore bajiro cudiruarāja mani. ĩ rotise josase me űaja. ⁴ Ado bajiro ti bajijare, "ĩ rotise josase me űaja", muare yibu yu: ĩjarā masa rojose tūoĩacōari, tire yirāre bajiro yirā me űaja mani, Dios rĩare bajiro bajirā űari. To bajiri, "Rojose yirūaboarine, Esp'iritu Santo ĩ ejarēmose rāca tire yibetiruarāja mani" yitūoĩarā űari, rojose yibetirūgūaja. ⁵ "Dios macu űaami Jesūs" yitūoĩarā rĩne űaama Esp'iritu Santo ĩ ejarēmose rāca rojose yimena.

"Yu macu űaami Jesūs", Dios ĩ yire queti

⁶ Jesūs, ĩ bautiza ecocati suorine, to yicōari, yucātēroju ĩ sĩaecocati suorine, masa rojose ĩna tāmūoborotire ĩnare yirētobosacōari, "Rotigu űarucūmi" yigu, Dios ĩ cōar' ĩ, ĩ macu űaja yu", yĩoñumi. To bajiri, "Dios macu űagūmi", yimasiaja mani. Mani masune to bajise tūoĩacōari, yimasibeaja mani. Esp'iritu Santo ĩ ejarēmose rāca socabetire tūoĩacōari, to bajiro yaja mani. ⁷ To bajiri idia vāme masiaja mani, Dios macu, Jesūs ĩ bajirere: ⁸ ĩ bautiza ecocati, ĩ sĩaecocati quēne, to yicōari, Esp'iritu Santo ĩ ejarēmose rāca "Dios ĩ cōar' ĩ űaami", yimasiaja mani. ⁹ Masa ĩna queti gotisere mani ajijama, quēnaja. To bajiboarine, "Ānine űaami yu macu" Dios ĩ yĩ ocaruyucacu ocajuare roque socabeti ti űajare, rētobusaro ajiroti űaja. ¹⁰ "Dios macu űagūmi Jesūs" yitūoĩagūma, "Socase me űaűaju Dios ĩ yire", yitūoĩagūmi. To bajicōari, "Dios macu me űarimi Jesūs" yitūoĩagūma, "Socagu űaami Dios" yitūoĩagūre bajiro yigūmi. ¹¹ Ado bajiro mani masirotire bojami Dios: "Socase me űaűaju Dios ĩ yire" yitūoĩarā mani űajare, "Mani rijato beroju mani catirotire ĩ catisere manire ĩsiñumi Dios" mani yimasisere bojami Dios. ¹² No bojarā ĩ macure ajitirānūrā, ĩna rijato beroju ĩna catirotire Dios ĩ catisere ĩsiecōariā űarāma. ĩ macu yere ajiterāma, Dios ĩ catisere ĩsiecōmena űaama.

Juan ĩ gotitū sare queti

¹³ "Mani rijato beroju Dios taju mani catirotire Dios ĩ catisere ĩ ĩsiriā űaja mani" yimasiato" yigu, Dios macure ajitirānūrāre, adi papera muare ucacōaja yu.

¹⁴ Dios ĩ bojasere mani sēnijama, ajirucūmi. Tire masirā űari, "ĩre mani sēnijama, ajirucūmi", yimasiaja mani. ¹⁵ Tire masirā űari, "ĩre mani sēnise cōro manire cudigūmi", yimasiaja.

¹⁶ Mna rācagu Jesure ajitirānūgū űaboarine, rojose ĩ yijama, Diore ĩre sēnibosaya. To bajiro mna yijama, rojose ĩ yisere ĩre masiriorucūmi Dios. To yicōari, rojose tāmūotujabetiraroju ĩ vaborotire ĩre yirētobosarucūmi Dios. To yicōari, quēna gajeye rojose masu űaja. Tire yirārema, "Diore sēnibosaya", yibeaja yu. ¹⁷ Rojose mani yise jediro, Dios ĩ űavariquēnabeti űaja. Jediro rojose mani yise ti űaboajaquēne, Jesure ajitirānūgū űari, rojose ĩ yiro bero, sutiricōari ĩ yitujajama, rojose tāmūotujabetiraroju vabetirucūmi. To bajicōari, quēna gajeye űaja rojose masu, ĩ masiriobeti.

¹⁸ Adire masiaja mani: Dios rñare bajiro bajirãma, rojosere yibeama. Dios macu Jesús manire yirẽmorũgũgãmi. To bajiro i yijare, vãtia uju rojose i yirotsere yibeaja mani. ¹⁹ “Yũ rña ñaama’ Dios i yirã ñaja mani”, yimasiaja mani. Gãjerãma, vãtia uju i ejarẽmose rãca i bojarore bajiro yirã ñaama ña. ²⁰ Gajeyere ado bajise masiaja mani: “Diore masiato” manire yigu, adi macarucuroju vayumi Dios macu. To i bajire ñajare, Diore quẽnaro masirã ñaja mani. To bajicõari, i macu Jesucristo rãca ñaja mani. “Ñe ñaami Dios”, yimasiaja mani. I ñagũmi mani rijato beroju mani catirotire i catisere manire isigũ. ²¹ Diore mani rucubũorore bajiro, disejua gajeye mani rucubũose manoja. To bajiro ti bajijare, quẽnaro tuoĩamasirã ma, “Gãjerã socase ña gotimasiosere ajisũyarobe” yirã.

To cõro ñaja.

Segunda carta de SAN JUAN

Jesúre ajitirúnarãre Juan ï ucare queti

¹ ¿Ñaboati mua, yu yo, “Yu macure ajitirúnãña” Dios ï yirere cudirio? Mu rïare quêne ucacõaja yu. Yu ñaja bucã. Yu sigũ me, Dios oca socabetire ajitirúnarã jediro, muare maiaja yu. ² Dios ocare ajitirúnarã ñari, gãmerã maimasucõaja mani. Ti oca manire jedibetiruarõja. ³ Muare quënarotigu, mani jacu Diore, to yicõari, ï macu Jesucristore ado bajise muare sënibosaja yu: “Quënarõ mua rãca ñna ñarotire yirã, ñnare ejarëmoña. ñnare ñamaicõari, mua oca socabetire ñna masirotire yirã, ñnare ejarëmoña”, muare yisënibosaja yu.

⁴ Gajeyerema buto variquënjaja yu. Sigũri mua rãcana mani jacu Dios ï bojarore bajiro ñna yïñase quetire ajicõari. ⁵ To bajiri, yu maigõ, adi papera muare yu ucacõase, mame oca me ñaja ti. Ti ñaja gãmerã mairotire mani ajisuoadicati. “Tire masiritibeticõato” yigu, muare gotiaja yu. ⁶ Mani gãmerã maijama, Dios ï rotiriarore bajiro yirügũruarãja mani. “Gãmerã maicõari, quënarõ yirügũña mua”, manire yirotiyumi Dios. Ti ñaja mua ajisuoadicati.

Socase gotimasiorimasa ñna ñnare queti

⁷ Socase gotimasiodudirimasa, jãjarã ñarãma. “Manire bajiro ruju cutigu me ñañuju Jesucristo”, yisocarãma. To bajise yirã ñari, Cristore terã ñarãma. ⁸ Quënase mua yirügũse vaja jediro quënarõ muare Dios ï yirotire bojarã, ñnare ajibesa mua.

⁹ Cristo ocare ñna gotisere ajitirúnã tujacõari, socarimasa ñna gotisejure ï ajijama, Diorãcagu me ñagũmi. Dios macu Cristo ocare ajitirúnã tujabesujama, ñna rãcagu ñagũmi. ¹⁰ To bajiri, Cristo oca me, ricati muare gotimasiorimasa mua ya viju ñna ejajama, ñnare sënibeja. To yicõari, ñnare sãjarotibeja. ¹¹ ñnare mua sãjarotijama, socase ñna gotisere ñnare yiejarëmorã yiruãrãja mua.

¹² Gajeye jairo muare yu gotiroti ti ñacõajare, yu masune muare gotigu varuã tuoïaja yu. To bajiboarine, adi rïne muare ucacõaja yu. Toju yu ejato, buto variquënaruarãja mani.

¹³ Mua yo, “Yu macure ajitirúnãña” Dios ï yirere cudirio, so rïa quêne “Quënarõ”, muare yama.

To cõro ñaja.

Tercera carta de SAN JUAN

Cristore ajitirānūgāre, Gayo vāme cutigure Juan ī ucacōare

¹ Gayo, ħāboati mū? Yū űaja būcu, Juan, adi papera mure ucacōagū. Yū quēne, Dios oca socabetire ajitirānūgū űari, mure maiaja yū.

² Yū maigū, mure quēnarotigu, Diore ado bajise mure sēnibosaja yū: “Mū rāca quēnaro ī űarore bajiro ī yarā rāca quēnaro űato’ yigu, to yicōari, ‘Rijaye quēne manicōato’ yigu, ĩre ejarēmoűa”, mure yisēnibosaja yū. ³ Gājerā Cristore ajitirānūrā mū rācana yū tujū ejacōari, “Dios oca socabeti ti gotirote bajiro yicōa űaami” ĩna yigotisere ajicōari, buto variquēnamū yū. ⁴ Cristore ajitirānūrā, yū rīare bajiro bajirā, Dios oca socabeti ti gotirote bajiro “Quēnaro yirūgūama” ĩna yisere ajicōari, buto variquēnaja yū. Disejua quēnabusase oca ajibeaja yū.

⁵ Yū maigū, gājerā Cristo ocare gotimasiocudirimasa, gajeroana ĩna űaboajaquēne, “Īnare yirēmorūgūami” mure ĩna yisere ajibu yū. To bajiro mū yirūgūse suorine “Cristo oca socabeti ti gotirote bajiro yigu űagūmi”, mure yimasire űaja. ⁶ Sīgūri Cristo ocare gotimasiocudirimasa, adoju Cristore ajitirānūrā ĩna rējariviju ejacōari, “Quēnaro yūare yirēmocami”, yūare yigotima ĩna. To yicōari, quēna mū tujū ĩna ejaro, “Quēnaro rētoajaro ĩna” yigu, Dios ī bojarore bajiro quēnaro ĩnare mū yirēmojama, quēnaroja. ⁷ “Dios ocare gotimasiocudito mani” yirā, vacama ĩna. ĩna gotimasiocudiroju, Diore masimenare, “Yūare ejarēmoűa”, ĩnare yibesuma. ⁸ To bajiri ĩnare yirēmoroti űaja manire, “Cristo ocare gotimasiocudicōa űato” yirā.

“Diótreres vāme cutigu rojose yiyumi”, yire queti

⁹ Muare papera ucacōaboacaju yū, mū tuana Cristore ajitirānūrāre. To bajiboarine, Diótreres vāme cutigujua masare gotimasiorā yua űasere bojabesumi, “Yūjua ĩnare űmato űagū űaja” yituoīagū űari. ¹⁰ To bajiro ī yire űajare, yū vatirūmu mūa rējariviju ejacōari, “Rojose yigu yiyuja mū”, ĩre yirūcuja yū. Ījua, rojose masu yūare űagōmacarūgūñumi. To bajiro ī yirere ajicōari, variquēnabeaja yū. Cristo ocare goticudirimasa ī tujū ejacōari, ĩna rējariviju ĩna sājaruajama, sājarotibesumi. To ī yirone sīgūri ī rācanajuama, sājarotiruaboayuma. To ĩna yirone, ĩna rācane “Budiasa mūa quēne”, ĩnare yitud’icōarūgūñumi.

“Demetrio vāme cutigu quēnaro yiyumi”, yire queti

¹¹ Yū maigū, rojose yirāre bajiro yibesa mū. Quēnasejuare yiya. Quēnase yirā, Dios rīare bajiro bajirā űarāma, ī ejarēmose rāca ī bojarore bajiro yirā. Rojose yirāma, Diore masimena űarāma.

¹² “Demetrio vāme cutigu, quēnaro yigu űaami”, yama masa jediro. ĩre bajiro quēnaro yigure gotiaja Cristo oca riojo gotise. To yicōari, “Quēnaro yigu űaami”, yaja yua quēne. To bajirone yiguja mū.

¹³⁻¹⁴ Gajeye jairo muare yū gotiroti ti űacōajare, yū masune muare gotigu varua tuoīaja yū. To bajiboarine, adi rīne muare ucacōaja yū. Toju ejacu, mure quēnaro gotirūcuja yū.

¹⁵ Quēnaro mūa űarotire yigu, muare ejarēmoato Dios. Adoana mani mairā, mure quēnarotiama. Mūa rācana mani mairāre yū quēnarotisere yure gotibosaya.

To cōrone űaja.

Carta de SAN JUDAS

Jesúre ajitirānūrāre Judas ī uacōāre queti

¹ Ūñati mua, “Yū rīa űaruarāma” Dios ī yirere cūdiriarā? Yū űaja Jesucristo ī bojasere yigu, Santiago bedi, Judas vāme cutigu. Mani jacu Dios muare buto maiami. To bajicōari, “Yū yarā űari, yare ajitirānucōa űarūgūato” yigu, muare quēnaro űatirānugūmi Jesucristo. ² Muare quēnarotigu, Diore ado bajise muare sēnibosaja yu: “Quēnaro mu rāca űna űarotire yigu, butobusa űnare űamaicōari, űnare ejarēmoűa. To yicōari, űnare mu maiseire quēnabusaro masirūtu vajaro űna’ yigu, űnare ejarēmoűa”, muare yisēnibosaja yu.

Socase gotimasiorimasa űna űnare queti
(2 Pe 2.1-7)

³⁻⁴ “Satanās rojose ī yirotibosere cūdimena űato” yigu, Jesucristo manire ī rijabosare quetire muare uacōaruaboaja yu. Tire ucaruaboarine, gajeye mua bajise quetire ajicōari, “Tijure ucarocu űaja”, yituoűaja yu. Mua rācana Diore rūcubuoemena socase gotimasiorimasa űarāma. “Dios, quēnagū űari, ī bojabetire mani yiboajaquēne, to bajise mani yise vaja rojose yibecūmi”, yisocarāma. To bajiri, “Gājerā rāca ajeriarā cutito mani”, yirāma. To yicōari, Jesucristo, mani űju, ī sīgūne ī űaboajaquēne, “Īre mani cūdibetijama, no yibeaja”, yisocarāma. To bajiri, ī rijariaro bero, tudaticōari, ī buerimasare Dios ī bojarore bajiro yigu, gotimasiojeocōaűumi. To yicōari, űnare gotimasioroticōaűumi, masa jedirore. To bajiri, űna gotimasiorere ajiriarā űari, gajeye ricati gājerā űna gotimasiosere mua ajijama, “Socase űaja” yicōari, riojo gotimasiosejare gotiroti űaja. To yicōari, “Socabeti gotirejare ajitirānu tujabeticōato mani” yirā, Dios ī bojarore bajiro yicōa űarūgūna.

⁵ Jēre mua masise ti űaboajaquēne, mua tudituoűarotire yigu, muare gotiaja yu: Tirūmuju Egipto sitana, israelita masare űna rotiajerāre gaje sitaju űnare űmato vamasifūju Dios. To bajiro űnare ī űmato bajiriaro bero, ĩre űna ajitirānubetijare, űnare bajirearotimasifūju Dios. Tire masicōari, “ Manire quēne rojose yiromi’ yirā, Diore ajitirānu tujabetiroti űaja”, yimasija mani. ⁶ To yicōari, āngel mesare quēne to bajirone yiyumi, ī rotibosere űna cūdibetijare. Sīgūri āngel mesa, Diore moabosarā űboarine, ī rotirore bajiro cūdibetimasifūjarā űna. To bajiro űna bajijare, cōmemari rāca űnare siacōari, tusabetigojeju űna űacōa űarotire yigu toju űnare cūmasifūju Dios. “Rojose yirā, rojose tāmūorūgūruarāma” űnare ī yirotirāmuju ti ejaroto rĳoro, tojune űacōa űaruarāma űna. To bajiro ī yirotirāmu ti ejaro, butobusa rojose tāmūoruarāma űna. Tire masicōari, “ Manire quēne rojose yiromi’ yirā, Diore ajitirānu tujabetiroti űaja”, yimasija mani. ⁷ űnare bajiro rojose yimasifūjarā Sodoma macana, Gomorra macana, ti maca tu űnarimacariana quēne. Ado bajiro yimasifūjarā: Manajo cutirā, manaju cutirā űboarine, gājerā rāca ajeriarā cutirūgūmasifūjarā. Manajo mana, manaju mana quēne, to bajirone yirūgūmasifūjarā űna. To yicōari, űna ruĳeri ti bojarore bajiro bojoneose yirūgūmasifūjarā. To bajiro űna yijare, ű veyace azufre vāme cutise rāca űnare soereamasifūju Dios. Ti quetire ajicōari, űna yiriarore bajiro yimenasa manima, “Mani rijato berōju jeame yatibetimeju manire rearomi Dios” yirā.

⁸ Tire masiboarine, tirūmuana rojose űna yimasiriarore bajirone yicōa űarāma mua rācana, Diore rūcubuoemena. Cājiriagū bajiriarore bajiro űnarā űari, űna ruĳeri ti bojarore bajiro “Bojoneose yirā yaja”, yimasimena űarāma. To bajicōari, mani űjare cūdimena űarāma. To yicōari, āngel mesare, vātiare quēne rūcubuoebetirūgūrāma socase gotimasiorimasa. ⁹ Āngel mesa űju Miguel vāme cutigu roque yisocarimasa rētoro rotimasigū űboarine, űnare bajiro rojose yibetimasifūju, vātire. Ado bajiro bajimasifūju: Moises űamasir’i ī rijato űacōari, ī ruĳere āmiarūamasiboayuju Satanās. To bajiro ī yijare, Satanāre tud’irūboarine, ĩre tud’ibetimasifūju Miguel. Ado bajiseju ĩre yimasifūju: “Mu yisere űacōari, ‘Rojose tāmūorucūmi’ Dios mure ī yijama, quēnararoja”, ĩre yicōa tujasuju Miguel. ¹⁰ Satanāre ī tud’ibetiboajaquēne, socase gotimasiorājuama, āngel mesare, vātiare quēne űna bajisere masimena űari, rūcubuoebetirūgūama. To bajicōari, űna ruĳu ti bojarore bajiro yirā, “Bojoneose yirā yaja” yimasimenane, tire yirūgūrāma. To bajiro yirā űari, rojose tāmūotujabetiaroju varona űarāma.

¹¹ Tirūmuana űamasiriarā rojose űna yimasiriarore bajiro yirā űna űnare, buto rojose űnare yirucūmi Dios: Ca’ĩn űamasir’i, rojose ī tāmūoriarore bajiro tāmūoruarā, rojose yirūgūama űna quēne. To bajicōari, Balaam űamasir’i ī yimasiriarore bajiro yirā, gājojuare bojamasucōarā űari, Dios ī bojasere yibetirūgūrāma. Corē űamasir’i ī bajimasiriarore bajiro yirā, űna űjarā űna rotisere cūdibetirūgūama űna quēne. To bajiro űna bajise vaja, rojose űnare ī yimasiriarore bajiro rojose tāmūotujabetiaroju űnare cōarucūmi Dios. ¹² Diore rūcubuoarā mua rĳajama,

socase gotimasiormasa quēne mua rāca rējarūgūama. “Dios ī bojasere yirā űaja” yiboarine, no īna bojarore bajirojua rīne yirūgūama. Mua tuoīarore bajiro tuoīarā me űaama. Ricatijuaere tuoīacōari, rojose yirūgūama. Īnare tuoīacōari, ado bajise muare gotiaja yu: Buto asirirūmu oco buerire ĩamacarāja mani, oco macarā. To bajiro mani yiņarone, oco buesere mino ti vēareacoajama, sutiritiuarāja mani, “Oco bujabeticōaja” yirā. To bajirone bajiroja socase gotimasiormasa īna gotiboase quēne. Quēna ado bajise muare gotiaja yu: Yucā ricare baruarā macarāja mani. Tire mani bujabetijama, sutiritiuarāja mani. Rica mani ti űajare, űie vaja maja tiu. Tiare quēacōarāja mani. To bajiri catibetiuaroja yuja. Tiare bajirone űie vaja mana űaama socase gotimasiormasa. To bajiri rojose tāmuoitujabetiriaroju ĩnare cōarucumi Dios. ¹³ To bajicōari, riaga jairisa ti saberone, sōmo cuti, ueri jai bajiaja. Tire bajirone bojoneri mene rojosere yiņarūgūama socase gotimasiormasa quēne. To bajicōari, űocoa tirūmuju ō vecaju Dios ī cūmasiriarā, sīgūri ĩnare ī cūmasiriarojore vaveoriarā īna űajare, īna űarūgūrotijure tuoīacōari, buto rētiaroju quēnomasiņuju Dios. To bajirone bajirāma socase oca muare gotimasiormasa quēne. Dios oca quēnasere ajitujacōari, īna masune īna bojarore bajiro yirā űari, buto rētiaroju űacōa űaruarāma.

¹⁴ Socase oca muare gotimasiore goti rījoro yimasiņuju Enoc űamasiri. Ī űamasiņuju Adān jānami. Adān macu űamasiņuju Set. Set macu űamasiņuju Enōs. Enōs macu űamasiņuju Cainān. To bajiro mani cōiaruji vajama, Enoc vāme cutimasiri rāca űarā, cojomo cōro gaje āmo jua jēnituarirācu űamasiņujarā. “Ado bajiro bajiruarāma Diore rācubuoena” yigu, ado bajiro Diore gotirētosamasiņuju ī: “Yure quēnaro ajiya. Cojorūmu adi macarucuroju ejarucumi mani uju. Ī rāca jājarā āngel mesa ejaruarāma. ¹⁵ Tirūmure masare beserucumi Dios. Īre rācububeticōari, rojose yiriarāre, rojose ĩnare yirucumi”, yigotimasiņuju Enoc űamasiri, mua rācana Diore rācubuoena īna bajirojore gotigu. ¹⁶ “Quēnabeaja”, yigōjarūgūama, īna. To yicōari, “Īna ye suorine rojose űaja”, yiņagōmacarūgūama. To bajiro yirā űaboarine, īna bojamasuse rīne yirūgūama. Gajeyerema, “Rētoro masirā űaja yua”, yirūgūama. To yicōari, īna bojarore bajiro yirā gājerāre quēnaro gotisocarūgūama.

Cristore masirāre gotiquēnore queti

¹⁷ Yu mairā, Cristo ī gotiroticōasuoriarā īna yigotimasiore masiritibesa mua. ¹⁸ Ado bajiro muare gotimasioriarāma: “Adi macarucuro jediroto rījoro Dios ocare ajatud’irā űaruarāma. Gājerāre tuoīamenane, rojose īna yiruase rīne yirūgūaruarāma”, muare yigotimasioriarāma Cristo ī gotiroticōasuoriarā. ¹⁹ Socase gotimasiormasajuama, ricati īna gotijare, sīgūre bajiro tuoīamenaja mua. Īna masu īna bojase rīne yicōarāma īna, Esp’iritu Santore cuomena űari.

²⁰ Yu mairā, Cristo ī bajirocare suorine quēnaro Dios ī yire queti mua ajisuore, masa īna masu tuoīacōari, īna gotimasiore me űaņuju. Dios ye űaņuju. Quēnarobusa tire ajitirūnuroti űaja. To yicōari, Esp’iritu Santo ī ejarēmose suorine Diore sēnirūgūroti űaja. ²¹ Dios muare buto ī maisere masirāja mua. To bajiri quēnaro ī bojarore bajiro yirūgūna, muare ī maitujabetirotire bajiro yirā. To bajiro mua yiņarone, Jesucristo ī tudiejarirāmu ti ejaro, muare ĩamaicōari, “Rojose maja” muare ī yirojore tuoīa yuņarūgūna. Tirūmure, Dios, muare ī gotiriore bajirone ī tujama quēnaro űacōa űarūgūaruarāja.

²² Sīgūri mua rācana, “Cristo oca, ĳrijo gotiati?” yirāre ĩamaicōari, quēnaro ĩnare gotimasioņa, “Socase me űaja’ yituoīato” yirā. ²³ Jeameju vaboronare yirēmoņa, Jesucristo rāca quēnaro tuoīacōari, īna űarotire yirā. Gājerāre quēne rojose yirūgūarāre ĩamaīfa. To bajiro yirā űaboarine, mua yirūgūsere quēnaro tuoīarūgūroti űaja, “Īnare bajiro rojose yirobe” yirā.

Judas Diore ĳrācubuoere queti

²⁴⁻²⁵ Tire tuoīacōari, ado bajiro sēniroti űaja manire: “Dios mu sīgūne űaja masirētogū. űimu gāji mure bajiro masigū magūmi. Yua uju Jesucristo ī rijabosare suorine yuare maiņuja mu. To yicōari, rojose yua yibetirojore yuare ejarēmōņuja mu. Mu rotiņaroju yua ejaro, ‘Rojose mua yire vaja maja’ yuare yīarucuja mu. To bajiri, mu űaroju ejacōari, mu rāca quēnaro variquēnaruarāja mani. Quēnarētogū űaja mu. To yicōari, uju űamasugū űaja mu. űie mu yimasibeti maja mure. To bajicōari, disejua mu rotimasibeti maja mure. To bajiro bajiyuja mu, adi macarucurore mu rujeoroto rījorojane. Adirāmure quēne, to bajirone bajicōa űaja mu. To bajiro rīne bajicōa űarūgūrucuja mu”, yiroti űaja manire, Diore rācubuoarā.

To cōro űaja.

APOCALIPSIS

Juan ī cājiriaroju Jesucristo ī gotire queti

¹ Adi papa, yoaro mene bajirotire gotiaja. Dios, ti quetire, ī macu Jesucristore gotiyuju, ī yarā, ī bojasere yirā, īna masirotire yigu. To bajiro ī yijare, “Yu bojasere yigure, Juanre, to bajiro bajirotire ruyuaōcōari, ‘Ado bajiro bajiaja mure yu ruyuaōse’ īre yigotimasiorucūja mu” yigu, āngelre cōañumi Jesucristo. ² Yu űaja Juan, yare āngel ī ruyuaōro bajicati cōrone riojo ucagu.

³ To bajiro bajiroti ti cōñajare, ado bajiro yaja yu: Adi queti Dios ī cōarere āgotirona, to yicōari, tire cōdirona quēne, quēnaro variquēnarona űarāma.

Cojomo cōro jua jēnituaro macariana Jesúre ajitirānūrāre Juan ī ucare queti

⁴⁻⁵ To bajiri, Asia sitana, cojomo cōro jua jēnituaro macarianare, Jesúre ajitirānūrāre muare ucaju yu, Juan vāme cutigu. Muare quēnarotigu, Diore, ī macu Jesucristore, to yicōari, Espiritu Santore quēne ado bajise muare sēnibosaja yu: “Quēnaro muā rāca īna űarotire yirā, īnare ejarēmoña”, muare yisēnibosaja yu. Dios űaami tirāmuju űamasir'i űaboarine, adirāmurire quēne űacōa űarūgūgū. Bero, masa tūju űagū, ejarocu űaami. Dios, rotigu ī rujiri cūmuro rījorojuā űagū űaami Espiritu Santo. Sīgū űaboarine, cojomo cōro jua jēnituariācu űarāre bajiro bajigu, jediro masigū űaami. To bajicōari, Jesucristo űaami ī jacu yere riojo gotirūgūgū. Rijacoaboarine quēna tudicaticōari, rijarocu me űasucami. To bajicōari, adi macarucuroana űarā űarā jediro űju űaami. Ī űaami manire maigu. Rojose mani yise vajare, ī rijacati rāca manire vaju yijeobosacacu űaami. ⁶ To bajiro ī yicati suorine paiare bajiro, ī jacu mani űju ī bojasere yirā űaja mani quēne. Ī rijacati rāca manire ī vaju yijeobosare űajare, “Ī űaami űajediro űju. Dise ī rotimasibeti ruyabetoja. To bajirone bajirūgūrucami”, īre yitōia variquēnato mani. To bajirone bajiato.

⁷ Adire quēne tōiaña muā: Buerigaseri vatoaju vadirucami Cristo. Ī vadore ĩjediruarāma masa, adi macarucuroana. Īre sīarocarotiana jānerabatia quēne īre ĩaruarāma. Īre ĩacōari, jediro otiruarāma. To bajirone bajiato.

⁸ űajediro masijeogu, mani űju, Dios, ado bajiro gotiami: —Alfa, omega űaja yu. Alfa yu yijama, “űajediro ti ruyaroto rījoroju űacaju yu. To bajicōari, omega yu yijama, űajediro ti yayiro beroju quēne űacōa űarūgūrucaju” yigu yaja —yigotiami Dios.

Ī űaami tirāmuju űamasir'i űaboarine, adirāmurire quēne űacōa űarūgūgū. Bero, masa tūju űagū, ejarocu űaami.

Cristo, Juanre, ī ruyuaōre queti

⁹ Yu Juan, Jesucristore ajitirānūgū űari, muā yu űaja yu. Īre ajitirānūgū űari, muare bajirone rojose tāmōaja yu. Gājerā rojose yare īna yiboajaquēne, muare bajirone īre ajitirānūcōa űaja yu quēne. Mani űjare cōdirā jediro to bajiro rīne bajirūgūroti űaja. Tirāmuju Dios ocare yu gotimasiojare, “Rojose tāmōato” yirā, Patmos vāme cutiyōaju yure cūcama ĩna. ¹⁰ Domingo űarirāmu, Espiritu Santo suorine yu sūyarojuā ruyugoaro ocaruyosere ajicaju yu. Jutiria trompeta vāme cutiare jutibusuoriaro cōro buto ocaruyucaju ti. ¹¹ Ado bajiro ocaruyucaju:

—Yucane mure yu ĩrotire paperatutiju ucacūja mu. Ucacōari, Asia sitana, Cristore ajitirānūrāre cōarucūja. ĩna űarāma cojomo cōro jua jēnituariāca macariana. Ado cōro űarāma: Efoana, Esmirana, Pērgamoana, Tiatirana, Sardisana, Filadelfiana, to yicōari, Laodiceana quēne űarāma —yi ocaruyucaju.

¹² Ocaruyosere ajicōari, “ĪNimu yare űagōati?” yigu, judarūgūcaju yu, īre ĩaru. Cojomo cōro jua jēnituaro sīabusuojeoriājuri űacaju. Orona īna quēnoraijuri űacaju ti. ¹³ Sīabusuojeoriājuri vatoaju masure bajigu űacami. Sudiro yoariase, ī gubōju tusariase sāñacami. Ī cotitērore cōmeta, orone quēnoriana jasācami. ¹⁴ Ī rūjoa joa oveja joare bajiro buto boticaju. To bajicōari, buerigaserire bajiro boticaju. Ī cajearima, jea űjusere bajiro yaacaju. ¹⁵ Ī gubori quēne, buto yaacaju. Bronze vāme cutise jeameju soecōari, īna gosiosere bajiro yaacaju ti. Ī űagōjama, oco menirore bajiro ocaruyucaju. ¹⁶ Ī āmo riojojacatūare, cojomo cōro, jua jēnituariācu űocōa cōcami. Ī riseju jariase, juajacatūajune bujarijāi budicaju. Ī rioga, muiju quēnaro ĩ asirore bajiro yaacaju.

¹⁷ Īre ĩancacōari, ī rījorojuā muqueacaju yu. Muqueagune, bajirocar'ire bajiro vārebeticaju yu. To bajiro yu bajiboajaquēne, ī āmo riojojacatūa yure űiajeocōari, ado bajiro yure yicami:

—Gūibesa mu. űajediro ti ruyaroto rījoroju űacaju yu. To bajicōari, űajediro ti yayiro beroju quēne űacōa űarūgūrucaju, yure yicami. ¹⁸ Yuma űasuoadicacūjune űacōa űarūgūja. Rijacoaboarine, tudicaticōari, juaji tudirijarocu me űaja yu. Rijariarāre quēne rotigu űaja

yu. Quēna ina tudicatirotire yimasigū űaja yu. To bajicōari, rijariarā jediro ina űarojure yu yarāre Inare juabumasaja yu. “Rojose tāmūotūjabetiriaroju vabeticōari, yu űarojua quēnaro űarūgūato” yigu, Inare juabumasaja yu —yure yicami yure ruyuaōocacu.

¹⁹ Quēna gajeye ado bajiro yure yicami:

—Yucune mure yu űorotire ucarucuja mu. Adirūmariaye, bero bajirotiayere quēne űarucuja mu. ²⁰ Yu āmo riojocatua cojomo cōro jua jēnituariāca űocoa mu űarāre, “To bajiro yiruaro yaja”, yimasibeaja mu. Ado bajiro yigu yibu yu, to bajiro yu yūojama: Ina űaama cojomo cōro, jua jēnituaro macariana yure ajitirānūrāre űmato űarā. Cojomo cōro jua jēnituariāca sīabusuojeore mu űasema, ado bajiro yire űni űaja: Cojomo cōro jua jēnituaro macariana yure ajitirānūrāre gotiro yibu —yure yicami yure ruyuaōocacu.

2

Efeso macanare Juan ī uacōāre queti

¹ Quēna ado bajiro yure yicami yure ruyuaōocacu:

—Efeso vāme cuti macana yure ajitirānūrāre űmato űagūre ado bajiro ucaya: “Adi mure yu ucase, ado bajiro bajigu mure ī gotise űaja: Ī āmo riojocatua cojomo cōro jua jēnituariāca űocoa cuogu, cojomo cōro jua jēnituariāca sīabusuoriabajari jeoriajūre űatirānūrūgū űaami. Yure ruyuaōocari, yure ī goticatre ĩre uacōābosagu yaja yu”, yūucaya —yicami.

To yicōari, ado bajiro mure goticami: ²—Jediro maa yisere masaja yu. “Mani űjure ajitirānūrāto gājerā” yirā, josari maa moarūgūse masaja yu. Gājerā rojose ina yiboajaquēne, yure maa ajitirānūrā tūjabetire masaja. Rojose yirāre maa űavariquēnabetire quēne masaja. “Cristo ocare riojo gotimasiorā űaja yu” yirāre ajicōācōari, “Socarimasa űaja maa” Inare maa yigoticatre quēne masaja yu. ³ Gājerā rojose mure ina yiboajaquēne, yure ajitirānūrācōa űaja maa. Yure ajitirānūrā maa űajare, rojose mure yama. To bajiro ina yiboajaquēne, yure ajitirānūrā tūjabeaja maa. ⁴ To bajiro maa bajiboajaquēne, cojo vāme ado bajiro maa bajisere űavariquēnabeaja yu: Yure ajitirānūrācōarā, maa maicato cōro yure maibeaja maa yu. ⁵ Yure maa ajitirānūrācōatire tūōācōari, quēna yure maa ajitirānūrācōatore bajiro tudiajitirānūrā. To bajiro maa bajijama, yu bojabetire yitūjacōari, yu bojasejūare yiruarāja maa quēna. To bajiro maa yibetijama, maa sīabusuoriabaja jeoriajūre ēmagū ejarucuja yu. ⁶ Yure maa maibetibusasere űavariquēnabetiboarine, adi vāme maa yisere űavariquēnaja yu: Nicolās vāme cutigure ajisuyarā, rojose ina yisere űateaja maa. Yu quēne, tire űateaja. ⁷ Esp'iritu Santo ī ejarēmose rāca űamasusere mure yu gotirotire maa ajimasirūajama, quēnaro ajiya maa, gaje macariana yure ajitirānūrā jediro: Yure ajitirānūrā tūjabetirona, yucā caticōa űarotiaye rica cuti ricare barona űaruarāma. Dios ya vese quēnarivesejure űaja tiu —mure yigoticami yure ruyuaōocacu.

Esmirna vāme cuti macanare Juan ī uacōāre queti

⁸ Gajeye ado bajiro yure yicami yure ruyuaōocacu:

—Esmirna vāme cuti macana yure ajitirānūrāre űmato űagūre ado bajiro yure uacōābosaya: Tire mure goticacu, űajediro ti ruyuaroto rījoroju űamasir'i, to bajicōari, űajediro ti yayiro beroju quēne űacōa űarūgūrocū űaami. Rijacoaboarine, tudicaticōari, rijarocū me űaami. Ado bajiro mure goticami:

⁹—Gājerā rojose mure ina yijare, rojose maa tāmūosere masaja yu. űie mana maa űasere masaja. To bajiro bajirā űaboarine, Dios mure ī űjore űajare, gajeyeūni jairāre bajiro ī ye quēnamasuse jediro cuorā űaja maa, ī macure maa ajitirānūrā tūjabetirotire yirā. “Jud'io masa űari, Dios rīa űaja yu” yitūōāboarā, masa ina űaro rījoroju, “Rojose yima” socarāne mure ina yirosere ajiya yu. To bajiro yirorā, Dios ī bojasere yirā me űaama. Vātia űjū, Satanās ī bojasejūare yirā űaama. ¹⁰ Rojose mure ina yirotire tūōāgūibes. “Sigūri, tubiberiaviju tubibe ecoato ina” yigu, mure yirucami Satanās. “Cristore ajitirānūrā tūjato” yigu, to bajiro mure yirucami. To ī yiroti űajare, juaāmo cōro űarirāmuri rojose tāmūoaruāja maa. Rojose tāmūoaboarine, yure ajitirānūrā tūjabesa. Mure ina sīaroti ti űaboajaquēne, yure ajitirānūrā tūjabesa. To bajiro maa bajijama, “Rijacoaboarine, quēna tudicaticōari, rijarona me űato” yigu, mure yirucuja yu. ¹¹ Esp'iritu Santo ī ejarēmose rāca űamasusere mure yu gotirotire maa ajimasirūajama, quēnaro ajiya maa, gaje macariana yure ajitirānūrā jediro: Yure ajitirānūrācōa űarūgūronama, rojose tāmūotūjabetiriaroju yu rearona rāca vabetiruarāma —mure yigoticami, yure ruyuaōocacu.

Pérgamo vāme cuti macanare Juan ī uacōāre queti

¹² Gajeye ado bajiro yure yicami yure ruyuaōocacu:

—Pérgamo vāme cuti macana yure ajitirānūrāre űmato űagūre ado bajiro yure uacōābosaya: Juajacatuajūne bujarijāi jariase cuocacu, ado bajiro mure goticami:

¹³—Ti macaju mua bajirügüserere masiaja yu. Ti maca ñaja Satanás ĩ ñavariquënarı maca. Ti macana jediro, “Satanäre rücbuorä yaja” yimasibetiboarine, ĩre cudirä vatoaju mua bajisere masiaja yu. Sıgü mua räca ñaboacacu, Antipas vāme cutıgure, ĩre ĩna sıacatire masiaja yu. “Cristo ocajuare ajitirünurotı ñaja” ĩ yıtujabetıjare, ĩre sıacama. ĩre ĩna sıaboajaquëne, yure ajitirünü tujabetıcaju mua. To bajiro mua bajıcöa ñasere masiaja yu. ¹⁴To bajiro muare quënarı yıboarine, ado bajiro mua yısejuare İavariquënabeaja yu: Mua räcana sıgüri, Balaam vāme cutıcacu, Balac vāme cutıcacare ĩ gotımasiocıtıre ajısuıacanan bajiro yama ĩna. Ado bajiro gotımasiocami Balaam, Balac vāme cutıgure gotıgu: “İsraelıta masare rojose mu yırorıajama, ũmuare ado bajıse rojose yı ocasāña: ‘Yuā quënor’ıre rücbuorä vaıbuıcare sıacöari, ĩ tıju yua cürıuare riıre mua bajaquëne, quënarıaroja. To yıcöari, yua yarä römıa räca mua ajerıarä cutıjaquëne, quënarıaroja tı’ ĩnare yı ocasāña’, yıgotımasiocami Balaam. ¹⁵Gājerä rojose yırä quëne, Nicolás vāme cutıgure ajısuıarä ñaama sıgüri ĩna räcana. ¹⁶To bajırı, Nicolásıre ajısuıaräre, to yıcöari, Balaam ĩ gotımasiocıtıre ajısuıacanan bajiro yıräre ajıbetıcöaña. ĩnare mua ajitirünücöa ñajama, mua tıju eıacöari, rojose mua yıse vaja, jıarıase yu rıseju budırıjāı, juajacatuajıne bujarıjāı räca muare rojose yırıucıja yu. ¹⁷Esp’ırıtı Santo ĩ eıarēmose räca ñamasıusere muare yu gotırotıre mua ajımasırıajama, quënarı ajıya mua, gaje macarıana yure ajitirünurä jediro: Yure ajitirünü tujabetıronare manä vāme cutıse yayıoroju ñare bare ĩnare eıacıucıja yu. To yıcöari, tocārıcıre gütari botırıcarı ĩnare İsrıucıja, mame vāme ucaturııre. Nımuıuane tıarıjıre ucaturıre İamasıbetırıucımi. Tıarıre boca juarä rıne masırıaräma —muare yıgotıcamı yure ruıyaııocacu.

Tıatıra macanare Juan ĩ ucacöare queti

¹⁸Gajeyıe ado bajiro yure yıcamı yure ruıyaııocacu:

—Tıatıra vāme cutı macana, yure ajitirünuräre ũmato ñagüre ado bajiro yure ucacöabosaya: Adı muare yu ucase, ado bajiro bajıcacu muare ĩ gotıcatı ñaja: Dıos macu, ĩ caıearı jea ũıusere bajiro yaacacu ñacami. To bajııcöari, cöme, bronıe vāme cutıse jeameju soecöari, İna gosıose buto yaasere bajiro gıborı cutıcacu ñacami. To bajıgu ñagü, ado bajiro muare gotıcamı:

¹⁹—Jedıro ĩna yıseıe masıaja yu. Mua gāmerä maıseıe masıaja yu. Yure mua ajitirünıusere quëne masıaja. “Quënabusaro ĩre ajitirünuto manı” yırä, mua gāmerä eıarēmoseıe quëne masıaja. Gājerä rojose muare ĩna yıboajaquëne, yure mua ajitirünücöa ñasere quëne masıaja. Tırümıju yure ajitirünıusorāju quënarı mua yıcatı rëtorı quënarı yırügüajı mua, adırımırıreıma. Tı jedıroıene masıaja yu. ²⁰To bajiro quënarı mua yıse tı ñaboajaquëne, ado bajıse mua yısejuare İavariquënabeaja yu: Mua tuago Jezabel vāme cutıgo socase so gotımasiosere ajıcöari, “Soco yaja mu. Gotımasiobetıcöaña mu”, sore yıbeaja mua. “Cristo oca rıojo gotımasiogö ñaja yu” yıtıcöari, so gotımasiosere suorıne yu boıase yırä ñaboarä, ado bajiro rojose yama: Ajerıarä cutırä ñaama. To bajııcöari, gājerä ĩna quënor’ıre rücbuorä vaıbuıcare sıacöari, ĩ tıju ĩna cürıuare riıre barä ñaama. ²¹To bajiro rojose so yıseıe yıtıjacöari, yu boıasejuare so yırotıre yoaro yubıusacöaboaja yu. Ajerıarä cutı tıjarıuabeamo so. ²²To bajiro so bajıcöa ñajare, “Cānıjesarıaro joıeju so ajerıarä cutırä räca, so cānırıgürııajı joıene buto rojose tāmıoato” yıgu, yırıucıja yu. So räca ajerıarä cutıräre quëne to bajırıone yırıucıja yu. Yıucıne rojose ĩna yıseıe yıtıjacöari, yu boıasejuare ĩna yıbetıjama, to bajırıone ĩnare yırıucıja yu. ²³To yıcöari, so rıare sıajeocöarıucıja yu. Tıre ajıcöari, “Masa ñajedıro manı tuoıasere masıjeogu ñaami”, yure yırıuaräma adı macarıcıroana ñajedıro yure ajitirünurä. Tocārıcıne ĩna yıcatıre quënarı İacöari, “To bajiro yıcana ñarı, quënase bujarä, rojose tāmıorä, bajırıuaräja”, ĩnare yırotırıucıja yu. ²⁴⁻²⁵Yure ajitirünurä, socase so gotımasiosere ajitirünımenajıare muare rojıgu yaja: “Adı ñaja Satanás oca ñamasıuse, gājerä ĩna masıbetı” sore ajısuıarä ĩna yıboajaquëne, tıre ajırıabeaja mua. To bajırı, adı rıne muare rotıgu yaja: Adı macarıcıroıju yu tudııeıaroto rıjoro, yure ajitirünü tujabetırotı ñaja. Gaje vāme muare rotıbeaja. ²⁶⁻²⁸Yure ajitirünücöa ñaronare, to yıcöari, yu boıasere yıtıjabetıronare mua rıjato berıoju, mua catırotıre yıgu, Dıos ĩ catıseıe muare İsrıucıja yu. To yıcöari, “Gājeräre yure rotıbosato” yıgu, yu maıseıe muare ũıoroıucıja yu. İmasıseıe yu jacı yure ĩ ũıocatıre bajırıone muare ũıoroıucıja yu, “Muare terä quëne muare cıdıato” yıgu. To bajırı, buto rotırıuaräja mua. Gājerä muare ĩna cudıbetıjama, josarı mene ĩnare sıareıuaräja. ²⁹Gaje macarıana yure ajitirünurä jedıro, Esp’ırıtı Santo ĩ eıarēmose räca muare yu gotıseıe mua ajımasırıajama, quënarı tuoıato ĩna —yıgotıcamı yure ruıyaııocacu.

3

Sardıs vāme cutı macanare Juan ĩ ucacöare queti

¹Quëna ado bajiro yure yıcamı yure ruıyaııocacu:

—Sardıs vāme cutı macana yure ajitirünuräre ũmato ñagüre ado bajiro yure ucaya: “Adı muare yu ucase, ado bajiro bajıcacu muare ĩ gotıcatı ñaja: Sıgü ñaboarine, coıjomo cöro juā

jēnituarirācu űarāre bajiro bajigure, Dios ĩ cōagū Esp'iritu Santore cuogu űacami. To bajicōari, cojomo cōro ĵua jēnituarirācu űocoa cuocami. To bajiro yure ruyuaĳocacu ĩ goticatire ĩre ucacōabosagu yaja yu", yucaya –yicami.

To yicōari, ado bajiro muare goticami:

–Masa ĩna ĩajama, “Cristore ajitirānūrā ıari, ĩna rijato beroĵu ĩna catirotire yigu, Dios ĩ catisere ĩ ĩsiriārā űaama”, muare yirāma. To bajiro ĩna yiboajaquēne, “Yure ajimenare bajiro mua rijato beroĵu rojose tāmūotujabetiriaroĵu varona űaama”, muare yaja yama. ² Yu ĩajama, Dios ĩ bojarore bajiro quēnaro yure ajitirānūrā me űaja mua. To bajiri, quēnaro tūoĳacōari, butobusa yure ajitirānūña, “Yure ajiterā masu űarobe” yirā. ³ Tirāmūĵu yu ocare muare ĩna gotimasociatire ajicaju mua. Tire tuditūoĳacōari, ajitirānūña quēna. To bajiro mua yibetĳama, juarudirimasure bajiro mua masibetone rojose muare yigu ejarucĳa yu. ⁴ To bajiro yirocu yu űaboajaquēne, mua rācana sigāri, Dios ĩ ĩajama, rojose mana űaja mua. To bajiri, sudi botise sāñacōari, yu rāca quēnaro ĩna űarūgūruarāĵa.^a ⁵ Yure ajitirānū tujabetirona, to bajirone bajiruarāma ĩna. “Ado cōro űaama yu tu űarūgūrona” Dios ĩ yucamasicatitutire ĩna vāmere coebetirucĳa yu. To yicōari, ō vēcaju yu jacare, āngel mesare quēne, ĩna ĩaro rĳoroĵua, “Ānoa űaama yu yarā”, ĩnare yĳorucĳa yu. ⁶ Gaje macariana yure ajitirānūrā jediro, Esp'iritu Santo ĩ ejarēmose rāca muare yu gotisere mua ajimasirūajama, quēnaro tūoĳato ĩna –yicami yure ruyuaĳocacu.

Filadelfia vāme cuti macanare Juan ĩ ucacōare queti

⁷ Quēna ado bajiro yure yicami yure ruyuaĳocacu:

–Filadelfia vāme cuti macana yure ajitirānūrāre ūmato űagūre ado bajiro ucaya: Adi muare yu ucase, ado bajiro bajicacu muare ĩ goticati űaja: Dios ĩ bojase rĳne yigu, rioĵo gotigu űacami. ĩne űacami Ūĵu David űamasir'i jānami, ĩre bajiro Dios yarāre rotigu. To bajiboarine, Dios tujuarne soĵe jānariaro cuogu űacami ĩna. Masare ĩacōari, “Ānoa, yu tujū űarūgūruarāma” ĩ yiroĳijama, to bajirone bajiruarāma. To bajiro ĩ yiroĳijama, űimūĵua ĩnare matarocu manirucumi. To bajiro ĩnare yiroĳirocu űacami. To bajicōari, gāĵerāĵuare, “Ānoama, yu tu me űaruarāma”, yiroĳirocu űacami. To bajiro ĩ yijaquēne, űimūĵua, ĩ tujū ĩnare űarotirocu manirucumi.

To bajiro yirocu űacami ado bajise muare goticacu:

⁸ –Jediro mua yisere masiaĵa yu. Gāĵerā muare ĩna ĩajama, “űamasurā űaama”, muare yibeama. To bajiro ĩna yibetiboajaquēne, yu suorine gāĵerā ĩna gotimasociatire bajiro quēnaro yirūgūĵaja mua. Yure ajitirānū tujabeĵaja. To bajiri, yu ocare gāĵerāre quēnaro mua gotimasiorotire yigu, yibū yu. Gāĵerā muare ĩna gotimasio rotibetiboajaquēne, yu suorine gotimasioĳoā űaruarāĵa. ⁹ To bajiro muare yiboarine, gāĵerāĵuarema, vātia ūĵu, Satanās ĩ bojasere yirā űaboarine, socarāne, “Dios rĳa űaja yua” yirāre, ado bajiro ĩnare yirucĳa yu: Gotimasiorā rĳoroĵua ĵasomuniari tuetucōari, “Muajua űaja Dios ĩ mairā” muare ĩna yiroĳire yirucĳa yu. ¹⁰ “Gāĵerā rojose muare ĩna yiboajaquēne, yure ajitirānūcōa űaroti űaja” muare yu yiroĳicatire bajiro cudirūgūĵaja mua, yu oca gotimasiorimasa. Adi macarucaro tūsarirūmūre gāĵerā, masa jedirore rojose yiruarāma, “Diore ajitirānubeticōato” yirā. “Tire yiroma” yigu, muare ejarēmocōa űarucĳa yu. ¹¹ Yoaro mene adi macarucaroĵu vadirucĳa yu. To bajiri, yure mua ajitirānūrore bajiro ajitirānū tujabeticōaĵa. To bajiro mua bajicōa űajama, quēnaro Dios muare ĩ yiroĳire matarocu magāmi. ¹² Yure ajitirānū tujabetironare, yu jacu tujū ĩna űarūgūrotire yirucĳa yu. ĩ ya vi botari boabeti, ti űarūgūrore bajiro űarūgūruarāma ĩna. ĩnare bubetirucĳa yu. ĩdia vāme ĩnare vāme ucaturucĳa yu. Ado bajirivāmeri yirucĳa yu: Yu jacu Dios vāme, ĩ ya maca vāme, to yicōari, yu vāme mame űarotire ucaturucĳa. Yu jacu ya maca, mame quēnorĳa maca ĵerusalēn vāme cuti maca űaruaroĵa. Ti maca ō vēcaju ruĳiadicōari, ejaruaroĵa. ¹³ Yure ajitirānūrā jediro, Esp'iritu Santo suorine muare yu gotisere mua ajimasirūajama, quēnaro tūoĳato –yigoticami yure ruyuaĳocacu.

Laodicea vāme cuti macanare Juan ĩ ucacōare queti

¹⁴ Quēna ado bajiro yure yicami yure ruyuaĳocacu:

–Laodicea vāme cuti macana yure ajitirānūrāre ūmato űagūre ado bajiro ucaya: “Adi muare yu ucase, ado bajiro bajicacu muare ĩ goticati űaja: ĩ suorine jediro quēnase Dios ĩ gotimasiriarore bajirone yirūgūami Dios. ĩ űacami ĩ jacu yere rioĵo gotirūgūgā. ĩ suorine adi macarucaroaye jedirore ruĵeomasirūmi Dios”, yucaya –yicami.

To yicōari, ado bajiro muare goticami:

¹⁵ –Jediro mua yisere masiaĵa yu. Yure tebetiboarine, quēnaro yure ajitirānūbeĵaja mua. To bajiro mua bajise, rojose masu űaja. Ti ūnire bojabeĵaja yu. ¹⁶ To bajiro bajirā mua űajare, yu yarā mua űasere bojabeticōari, muare reagūgu yaja yu. ¹⁷ Ado bajiro tūoĳaboĵa

^a 3:4 Sudi botise sānarāre ti gotijama, rojose mana, ĩre ajitirānū tujabetiriarā ıari, ĩ rāca űarāre gotiĵa.

mua: “Gajeyēni jairā ñaja mani. Mani bojase ñajediro, dise ruayabeto cwoaja mani. To bajicōari, Dios ye quēnamasuse ī uōjose jediro cuorā ñaja mani”, yituoīboaja mua. Yū ñajama, ado bajiro bajirāña ñaja mua: Rojose yirā ñari, sudi manare bajiro bajiaja. Yū bojarore bajiro yirā me ñari, ñie cuobetimasucōarāre bajiro bajiaja. To bajicōari, yure masimena ñari, ñamenare bajiro bajiaja mua, yū ñajama. ¹⁸ To bajiro bajirā mua ñajare, ado bajiro mua yirotire muare gotimasiogū yaja yu: Quēnamasuse ñajediro cuorā mua ñarajama, rojose mua yisere yitūjacōari, yure sēniña. To bajiro mua yijama, “Quēnase sudi sāñarāre bajiro bajirā ñato” yigu, rojose mua yisere Dios ī masiriojeorotire yigu, yirucuja. To yicōari, “Quēnamasuse ñajediro cuorā ñato” yigu, yū bojarore bajiro yirā mua ñarotire yigu, yirucuja. To yicōari, “Īarāre bajiro ñato” yigu, yure quēnaro mua masirotire yigu, yirucuja. ¹⁹ Yū mairā jedirore, “Rojose yaja mua; tire yitūjacōari, ado bajirojua mua yijama, quēnararōja”, ñare yigotimasiōrūgūaja yu. Riojo ñamasusere ñare gotimasiōrūgūaja yu. To bajiri, “Rojose yitūjaja yua”, yisocabeticōaña mua. ²⁰ Riojo ñamasusere muare gotiaja yu: Yū suorine ado bajiro tuoīaama masa: “Cristore ajitirūncōari, ĩre baba cutiroti ñaja”, yituoīaama. Yure ajitirūncōari, yure ĩna baba cuti variquēnarotire bojagu ñari, ĩna cudisere yurūgūaja yu. “Īre baba cutirūaja” ĩna masune ĩna yicūdijama, ĩna rāca quēnaro baba cutirucuja yu. ²¹ Yure ajitirūncōa ñaronare, ō vecaju yu taju yure ĩna rotibosarotire yirucuja yu. Yū jacure quēnaro ajitirūna tujabeticōari, ī taju ĩre yu rotibosarūgūore bajiro yure rotibosarūgūarāma ĩna quēne. ²² Yure ajitirūnarā jediro, Espiritu Santo ī ejarēmose rāca muare yu gotisere mua ajimasirūajama, quēnaro tuoīato —yigoticami yure ruyuaīocacu.

4

Ō vecaju Diore rūcuboroti queti

¹ To ī yiro bero, gajeye ado bajise yure bajiiocaju: Ō vecaju, Dios ī ñaroju, jānariasoje ĩacaju yu. To yū ĩamōrone, jutiria trompeta vāme cutiare jutibūsuoriaro cōro buto, ado bajiro ocaruyucaju ti:

—Mujaya. Bero bajiroti quetire mure ĩorucuja yu —yure yi ocaruyucaju.

² To bajiro ti yirone, Espiritu Santo suorine ō vecaju ejağure bajiro ĩacaju yu. Toju sīgū, rotigu ī rujiri cūmurore rujicami. ³ Ī rioga, buto yaacaju. Gūta quēnase, jaspe vāme cutise, to yicōari, gaje gūta, cornalina vāme cutise ti yaarore bajiro yaacaju. Ī rujiro taju buerimamure bajiriberua ñacaju. Gajea gūta, esmeralda vāme cutise ti yaarore bajiro yaacaju tiberua. ⁴ Ī rujiro taju veinticuatro cūmurori, ujarā ya cūmurori ñagānibiocaju. Ti cūmurorijure bucarā rujicama. Botise sudi sāñarā ñacama ĩna. To bajicōari, oro bedori jeocama.^b ⁵ ĩna vatoagu uju ñamasugū ī rujiri cūmurojune bujo ī yabese budicaju. To bajicōari, bujo ī jaro, ti busurore bajiro busucaju. Ī rujiri cūmuro rījorojua cojomo cōro jua jēnituarirācu jea ujaricuri rūgōcaju. Ado bajiro yigotiro bajicaju: Sīgū ñaboarine, cojomo cōro jua jēnituarirācu ñarāre bajiro bajigu, jediro masigū ī ñasere gotiro bajicaju.^c ⁶ Uju ñamasugū ī rujiri cūmuro rījorojua ne utabucurare bajirita ñacaju. Oco botirita ñacōari, quēnaro ruyurita ñacaju.

To bajicōari, ī rujiri cūmuro rījorojua, ti cūmuro suyarōjua quēne, riojocacatua, gācojacatua quēne, ĩaīañamana babaricārācu ñacama. ĩna rujiri jediro cajeari cuticama. ĩna riogari ñarijacatua quēne ĩna suyarōjua quēne cajeari cutirā ñacama. ⁷ ũasogu, yai, león vāme cutigure bajigu ñacami. Ī beroagu, ta vecure bajigu ñacami. ĩna beroagu, masu riogare bajiro rioga cuticami. Tusagu, ga jaigu, vugure bajiro bajigu ñacami. ⁸ Tocārācu, cojomo cōro, coja jēnituarorāca querūjari cuticama. ĩna rujiriju quēne cajeari cuticama. Ti joejua, ēñerocajua quēne cajeari cutirā ñacama. Ūmuari, ñamiri quēne Diore rūcuborā, ado bajiro basarūgūcama ĩna:

—Mani uju, quēnase rīne yigu ñaami. Quēnase rīne yigu ñaami. Quēnase rīne yigu ñaami. Jediro masigū ñaami. Tirūmaju ñamasir'i ñaboarine, adirūmurire quēne ñacōa ñarūgūgū ñaami. Bero, masa taju ñagū, varocu ñaami —yibasarūgūcama ĩna.

⁹ Uju ya cūmuro rujigure, ūmuari catimurogūgōrocure ĩna rūcubojama, ado bajiro yirūgūcama:

—Mu ñaja rētoro quēnagū. To bajicōari, rētoro ñamasugū ñaja mu. Quēnaro yaja mu —ĩre yirūgūcama ĩna.

¹⁰ Tocārācagine to bajiro ĩna yirone, bucarā, veinticuatro ñarā, ī taju muquearūgūcama ĩna, ĩre rūcuborā. Muqueacōari, ĩna jeoribedorire, “Rotirimasu ñaja yu” yimasioribedorire juacōari, ī rujiro rījorojua cūrūgūcama, “Quēnaro mu yise suorine mure rotibosamasiaja yua” yirā. To yicōari, ĩre rūcuborā, ado bajiro yicama:

^b 4:4 Bucurāre ti gotijama, Jesure ajitirūnarāre ūmato ñarāre gotiaja. ^c 4:5 Ap 1.4, 3.1.

11 —Yua uju, mu sīgüne ñaja mu, yua rūcubuoḡu. Ñajediro rujeomasir'i ñaja mu. Ti ñarotire mu bojatuoɪamasire suorine ruyuacōari, ñacōa ñaja jediro. To bajiro yimasir'i mu ñajare, ado bajiro quēnaro mure yirūcubuoḡoti ñaja: “Mu ñaja rētoro quēnagū. To bajicōari, rētoro ñamasugū, ñajediro masigū ñaja mu. Mu rotijama, mure cudiruarāma ñajediro” mure yirūcubuoḡoti ñaja —ire yicama ina.

5

Paperajotire suoñiarere jānerocure, quēnase rīne yigure, ina bujare queti

¹ To bajiro ina yicatire yu ajiro bero, uju ya cūmuroju rujigu i āmo riojocacatua papera tūnarijotī i cūosere iacaju yu. Tijoti totiju, joejua quēne ucare ñacaju. To bajicōari, cojomo cōro jua jēnituarō suoñiare ñacaju, tijotijure. ² To i bajirone, sīgū āngel, gājerā āngel mesa rētoro tutuagu, ado bajise ruyugoaro sēñiācamī:

—¿Nijua ñarōjari, tijotire suoñiarere jānecōari, ti ucare manire iagotirocu, Dios i iavariquēnaro? —yisēñiāboacami.

³⁻⁴ To bajiro i yisēñiāboajuquēne, ō vecana, adi macarucuroana, adi sita ēñerocana quēne, sīgūjuama tijotire suoñiarere jānerocu Dios i iavariquēnagū manicami. I manijare, buto oticaju yu. ⁵ Yu otisere iacōari, sīgū bucu, ado bajiro yure goticami:

—To cōrone otīya. Adojua iāña. Adone ñaami sīgū, vātīa uju i rotimasibecu. Vātīa uju i bojabeti ti ñaboajuquēne, masa rojose ina yise vaja inare vaja yibosagu, rijabosayumi. To bajicōari, rijacoaboarine, tudicatiyumi. Uju ñamasugū, Judā ya jūnagu ñaami. Uju David ñamasir'i jānami ñaami. Tijoti cojomo cōro jua jēnituarorācaji suoñiarere jānecōari, manire i iagotisere Dios i iavariquēnaro ñaami —yure yicami.

⁶ To i yirone, bucurā vatoaju, to yicōari, iāñamāna vatoaju, uju ya cūmuro gudarecoju ñacami oveja macure bajiro rijabosacacu. Cojomo cōro, jua jēnituarorāca jotari cuticami. I cajeari quēne, to cōrone ñacaju. Tire iacōari, “Sīgū ñaboarine, cojomo cōro jua jēnituarirācu ñarāre bajiro bajigure, adi macarucuro jediroju Dios i cōagū, Esp'iritu Santore cuogu ñaami”, ire yīāmasicaju. ⁷ Uju ya cūmuro rujigu riojocacatua i cuorijotire āmicami. ⁸ To i yirone, babaricārācu iāñamāna, to yicōari, veinticuatro ñarā bucurā quēne, oveja macure bajiro rijabosacacu rījorojua muqueacama, ire rūcubuoḡā. Ina jediro jabasariarore arpa vāme cutiriaserire cuocama. Orono quēnorīabajarire quēne cuocama. Tibajariju sutiquēnase soemuoroti jāmcōacaju. Sutiquēnase ti buemaja vase, masa, Dios yarā ire ina sēñisere bajiro bajise ñacaju. ⁹⁻¹⁰ I rījorojua muquearāne, ado bajiro basacama ina, basañamānīre:

—Mure siañuma masa. To ina yirone, tocārāca macanare, cojo masa jūna ruyabeto, cojo oca ruyabeto ñagōrāre, to yicōari, cojo sita ruyabetoanare Satanās yarā ñaboarāre rijabosacōari, mu ri'i suori yuare vaja yibosayuja mu, “Dios yarājua ñato” yigu. To bajiro mu yire suorine paīare bajiro mu jacu, manī uju i bojasere yirā ñaja yua quēne. To bajicōari, adi macarucuroanare rotiruarāja yua. Mu yire suorine to bajiro yua bajiroti ñajare, mune ñaja, tijoti suoñiare jānecōari, ti ucare yuare mu iagotisere Dios i iavariquēnagūma —yibasacama, i rījorojua muqueacana.

¹¹ To ina yiro bero, uju ya cūmuro tūju, babaricārācu iāñamāna, to yicōari, veinticuatro ñarā bucurā ina ñaro suyarōjuajure ñacōari, basacama āngel mesa. Jājarā masu ina ñajare, inare cōīajeobeticaju yu. ¹² Ado bajise ruyugoaro basacama:

—Oveja macure bajiro rijabosacacu, ado bajiro bajigu mu ñajare, quēnaro mure yirūcubuo variquēnaroti ñaja: Mu rotijama, mure cudiruarāma ñajediro. Ñajediro cuogu ñaja mu. Quēnaro tuoīagū ñaja mu. Rētoro masigū ñaja mu. Rētoro ñamasugū, rētoro quēnagū ñaja mu. Quēnaro mure yirūcubuo variquēnaroti ñaja —yibasacama āngel mesa.

¹³ To bajiro ina yisere ajicōari, ō vecana, adi macarucuroana quēne, adi sita ēñerocana quēne, moa riagariana quēne, ñajedirone, uju ya cūmuro rujigure, to yicōari, oveja macure bajiro rijabosacacure quēne quēnaro ina yirūcubuo basacatire ajicaju yu. Ado bajiro inare yibasacama:

—Ado bajiro bajirā mua ñajare, quēnaro muare yirūcubuo variquēnarūgūroti ñaja: Rētoro ñamasurā, rētoro quēnarā ñaja mua. To bajicōari, rētoro masirā ñaja mua. To bajirā mua ñajare, muare quēnaro yirūcubuo variquēnacōa ñaroti ñaja —yibasacama.

¹⁴ To bajiro yigajanorāne,

—To bajirone yirūgūroti ñaja —yicama babaricārācu iāñamāna.

To ina yirone, uju ya cūmuro rujigure, to yicōari, oveja macure bajiro rijabosacacure, inare rūcubuoḡā, muqueacama ina, veinticuatro ñarirācu ñarā, bucurā.

6

Cojomo cōro, jua jēnituarō ñase suoñiare queti

¹ To ña yiro bero, oveja macure bajiro rijabosacacu, papera tñnarijotire suoñiasuorijature ñ ñanesere ñacaju ya. To ñ yirone, babaricãrãcu ña ña ñamana rãcagu sigũ, bujo ñ jaro ti bususe cõro buto ruyugoaro ñ ñagõsere ajicaju:

—Adojuã vayã —yicami, gãjire jigũ. ² To ñ yirone, caballo botigu joe jesagure ñacaju. Ñ joe jesagu, tẽmbedo cuocami. Rujoa jeoriabedo jeococami. Ti bedore jeococõari, adi macarucuroanare, ñre ñaterãre quẽne ñ rotijama, ña cudirotire yigu, vacami.

³ Ñ vato bero, papera tñnarijotire suoñiarijature gãjere jãnecami oveja macure bajiro rijabosacacu. To ñ yirone, quẽna gãji ña ña ñamagũ ado bajise yicami:

—Adojuã vayã —yicami ñ quẽne, gãjire jigũ.

⁴ To ñ yirone, caballo suãgũre ñacaju ya. Ñ joe jesagu jariase jairiã ñ sicocami. To yicõari, “Ado bajiro yirucuja mu”, yiecocami: Masa quẽnaro ña ñabetirotire yigu, to yicõari, ña gãmerã sãrotire yigu, cũcocami.

⁵ Ñ vato bero, gãjeju suoñiarijature jãnecami oveja macure bajiro rijabosacacu. To ñ yirone, ado bajiro yicami quẽna gãji ña ña ñamagũ:

—Adojuã vayã —yicami ñ quẽne, gãjire jigũ.

To ñ yirone, caballo ñigũre ñacaju ya. Ñ joe jesagu, rũcuõariaro cuocami. ⁶ To ñ bajirone, ña ña ñamana vatoaju ado bajiro ocaruyucaju ti, caballo joe jesagure ñre gotiro:

—“Trigo vãme cutise, to yicõari, cebada vãme cutise mojoroaca bujato” yigu, tire yirojorucuja mu. To bajiro mu yijare, trigo vãme cutise bare, cojorãmu moare vaja, cojo kilo cõro bujare ñarãroja. To yicõari, cebada vãme cutise bare, cojorãmu moare vaja, idia kilo cõro bujare ñarãroja. “To bajirone bajiato” yigu, yirucuja mu. To bajiro yiboarine, olivo vãme cuti yucãrre, to yicõari, uyemarire quẽne yirojobetirucuja mu. “Uye roabare, uye oco quẽne, jairo vaja cutibeticõato” yigu, yirucuja mu —yì ocaruyucaju, caballo joe jesagure gotiro.

⁷ Ñ vato bero, gãjeju suoñiarijature jãnecami oveja macure bajiro rijabosacacu. To ñ yirone, quẽna gãji tusagu, ña ña ñamagũ, ado bajiro yicami:

—Adojuã vayã —yicami ñ quẽne, gãjire jigũ.

⁸ To ñ yirone, caballo sãrribogu ñagũre ñacaju ya. Ñ joe jesagu, Rijare Rotigu vãme cuticami. Ñ suyarõjuã gãji vadicami, Rijariarã ña ñaro vãme cutigu. To ña bajirone, ado bajiro ñare roti ocaruyucami Dios:

—Adi macarucuroana masa ña gãmerã sãrotire, ña ñiorijarotire, rijaye rãca ña bajirearotire, to yicõari, vaibucurã no yiyamana ñare ña sãrotire yirã, yiruãrãja muã —ñare yiroticami. To yicõari, —Masa jediro babaricãrãcatubuari batecõari, cojotubuanare mu sãjeocõajama, quẽnarãroja —ñare yiroti ocaruyucami Dios.

⁹ Ña vato bero, gãjeju suoñiarijature jãnecami oveja macure bajiro rijabosacacu. To ñ yirone, Diore rucũbuorã ña soemũoriãju eñerocaju gãjerã ña sãriarãre ñacaju ya. Dios oca quẽnaro ña gotimasiojare, to yicõari, “Jesũre ajitirũnãja yua” ña yitujabetijare, ñare sãñuma. ¹⁰ Ado bajise ruyugoaro goticama:

—Jediro masigũ ñaja mu. Quẽnase rĩne yigu, riojo gotigu ñaja mu. Yuare sãcana rojose ña yicãtore ñacõari, “Rojose tãmuotujabetiruarãja” ñare mu yiroti, ¿no cõro yoaro ruyati? —yicama ña.

¹¹ To ña yirone, botise sudi yoese ñare ñicami Dios. To yicõari,

—Tuo ñarejaibesã. Quẽnaca yucõã ña ña maji. Gãjerã ñaruarãma, muare bajiro yu macu ñ bojasere yirã ñari, sãacõrona. ñare ña sãjeoro berone, ña sãse vaja rojose tãmuotujabetiriarõju ñare rearucuja —yicami Dios.

¹² To ñ yiro bero, quẽna gãjeju suoñiarijature jãnecami oveja macure bajiro rijabosacacu. To ñ yirone, sita buto ti sabesere ñacaju ya. To bajicõari, mujuũ umãgu busu tujacami. To bajiri, nojuã busu manicaju. To bajicõari, ñamiãgu mujuũ, ri ñre bajiro buto suãcami.

¹³ Nõoca quẽne, sita tũcurojuare vẽjacoacama ña. Higuera vãme cuti ti rica burirodo rĩrojo, ti rica busere mino vẽasure vẽjacatore bajiro vẽjacama ña. ¹⁴ To bajicõari, umãgasero ya yicoacaju. Paperajoti tñnarirore bajiro bajiyayicoacaju. Jediro gãtaurire, yucãyoarire quẽne yivãreocõari, gajeroju tire cõacami Dios. ¹⁵ To bajiro bajijare, gãta gojeriju, gãtayucuri vatoaju rudisãjacoacama masa. Ujarã, rotirimsã, ñamasurã, ñamasumena quẽne, gãjerãre moabosarã, gãjerãre moabosamena quẽne, rudisãjacoacama. Gãjoã jairã, ñie mana quẽne, masa jediro rudisãjacoacama. ¹⁶⁻¹⁷ To bajiro rudicõari, gãtayucurire, gãtari jacasere quẽne, ado bajiro yicama ña:

—Uju ya cũmuroju rujigu, Dios yuare ñ ñabetirotire yiro, yuare tãjoyayioya. “Oveja macure bajiro rijabosacacu quẽne, yuare ñacõari, rojose yua yise vaja rojose yuare yibeticõato” yiro, yuare tãjoyayioya —yicama ña, gãtayucurire. —Rojose yua yisere ñacõari, “To bajiro yirã ñari, rojose tãmuotujabetiruarãja” yuare Dios, ñ macu ña yirotirãmu mojoroaca ti ruyajare, to bajiro vaja yua. To bajiro ña yijama, “Rojose tãmuobetirucuja yuma” ñare yicudimasirocu

magāmi. To bajiro ti bajijare, yuare tājōyayioya —yicama ĩna, gūtayucurire, gūtari jacasere quēne.

7

Īyarāre Dios ĩ ĩatirānaroti queti

¹ To ĩna yiro bero, ángel mesa babarirācu ĩacaju yu. Judoaga sojeju ĩacami sīgū. Jūnaga sojeju ĩacami gāji. Varuaga sojeju ĩacami gāji. To bajicōari, gajejacatuajua varuaga sojeju ĩacami gāji. To bajirone ĩacōacama ĩna, “Mino vabeticōato” yirā. To ĩna bajijare, adi sita joe, riagari joe quēne, mino vabeticaju. Yucú joere quēne, mino vabeticaju. ² To ĩna bajirone, muiju ĩ jiadōjua gāji ángel ĩ vadisere ĩacaju yu. Masirētogū, Dios vāme ucaturiaro cuocōari, ĩ vadore ĩacaju yu. Vadicōari, gājerā ángel mesare, adi sitare, riagarire quēne, Dios rojose ĩ yirotirāre bato ruyugoaro ado bajise ĩnare goticami:

³ —Adi sita, riagari, yucurire quēne rojose yibesa ma maji. Mani ũju, Dios ĩ bojasere yirā ĩna riovecarire Dios vāme ĩnare ucatuto mani maji. ĩnare ucatujeocōari, adi sitare, riagarire, yucurire quēne rojose yiruarāja mani —ĩnare yicami ángel.

⁴ To ĩ yiro bero,

—Dios vāmere ucatuecorā, juaāmo cōro, gubo jua jēnituarorāca jūnana ĩnaama —yuere yicama. —Jediro ciento cuarenta y cuatro mil Israel ĩnamasir'i jānerabatia ĩnaama —yuere yicama.

⁵⁻⁸ Ti jūnare cōiācōari, ado bajiro yuere goticama:

—Judá ĩnamasir'i jānerabatia doce mil ĩnarā ĩnaama. Tocārācu jānerabatia, cojoro cōrone ĩnaama. Adocārācu ĩnaama:

Rubén ĩnamasir'i jānerabatia,

Gad ĩnamasir'i jānerabatia,

Aser ĩnamasir'i jānerabatia,

Neftal'ĩ ĩnamasir'i jānerabatia,

Manasés ĩnamasir'i jānerabatia,

Simeón ĩnamasir'i jānerabatia,

Lev'ĩ ĩnamasir'i jānerabatia,

Isacar ĩnamasir'i jānerabatia,

Zabulón ĩnamasir'i jānerabatia,

José ĩnamasir'i jānerabatia,

to yicōari, ĩnatasamasir'ĩ Benjam'in ĩnamasir'ĩ jānerabatia,

ĩna jedirojune doce mil ĩnarā ĩnacōaama ĩna, Dios vāmere ucatuecorā —yuere yicama.

Jājarā botise sudi sāñarā Diore ĩna rūcubuoore queti

⁹ To ĩna yiro bero, ũju ya cūmuro, to yicōari, oveja macure bajiro rijabosacacu rĳorojua, jājarā masare ĩacaju yu. Tocārāca macana, cojo masa jūna ruyabeto, ricatiri rĳne ĩagōrā, to yicōari, cojo sita ruyabetoana ĩacama ĩna. Jājarā masu ĩna ĩajare, ĩnare mani cōiājama, cōiājeomenaja. Sudi botise sāñacōari, jūqueri cuocama. ¹⁰ To bajicōari, ruyugoaro ado bajise ĩnare yicama:

—Yua rūcubuoogu, Dios, rotigu ĩ rujiri cūmurore rujigu, to yicōari, oveja macure bajiro rijabosacacu, ĩnare ĩnaama rojose tāmūotūjabetiraroju yua vaborotire yuare yirētosarā —yicama ĩna.

¹¹ To bajiro ĩna yirone, ángel mesa ĩajediro, to yicōari, bucūrā, veinticuatro ĩnarā, to yicōari, babaricārācu ĩaĩñamana, ũju ya cūmuro taju rūgōgānĩbiacama ĩna. Gājerā ruyugoaro ĩna ĩagōsere ajicōari, Diore rūcubuoarā, ĩ rĳorojua muqueacama ĩna. ¹² Muqueacōari, ado bajiro yicama:

—Rĳojo gotiama ĩna. Mure rūcubuoaja yua quēne. Quēnaro mure yirūcubuo variquēnaroti ĩaja. Rētoro quēnagū ĩaja mu. Quēnaro yaja mu. Mu rotijama, mure cudiruarāma ĩajediro. Rētoro masigū ĩaja mu. To bajiro mu bajijare, quēnaro mure yirūcubuo variquēnacōa ĩnarūgūroti ĩaja. To bajirone bajiato —yicama ĩna, Diore gotirā.

¹³ To ĩna yiro bero, sīgū bucu, ado bajise yuere sēniācamĩ:

—Botise sudi sāñarā, ¿no bajiro bajirirājua ĩnati? —yuere yisēniācamĩ.

¹⁴ To ĩ yijare, ado bajiro ĩre cudicaju yu:

—Masibeaja yu. Mu masigūja. Yuere gotiya —ĩre yicaju yu.

To bajiro yu yijare, ado bajiro yuere gotimasiocami:

—ĩna ĩnaama rētoro rojose tāmūoriarodo bato rojose tāmūoboarine, Cristore ajitirānu tūjabetirarā. Rojose yiriarā ĩnaboarine, rojose ĩna yirere yitūjacōari, “Rojose yu yise vaja yuere vaja yijeobosayumi Cristo”, yitūfiarā ĩnaama. To bajiro yiriarā ĩnari, Cristo ĩ rijabosare suori, “Rojose mana ĩnaama”, Dios ĩ yirā ĩnaama.

- 15 To bajiro Dios ī yirā űari, ī ya cūmuro rījoroĵua ejacōari, ī bojasere yitajabeama īna. Ī tuana űari, űiejua rojose yiecobetiruarāma īna. Īnare quēnaro coderūgūrucami Dios.
- 16-17 To bajicōari, oveja coderimasare bajiro Īnare quēnaro coderūgūrucami Cristo quēne. Oco catire Īnare iocōari, Īnare űmato űarūgūrucami. To yicōari, “Ĵuaji sutiritibeticōato” yigu, Īnare quēnaro yirucami Dioĵua. To bajiro Īna yijare, űiorijabetiruarāma. Tudi oco idirubetiruarāma. To bajicōari, muiju Īnare tudiasibetirucami. To bajiri muiju ī asise tudi asisājabetiruarāma –yure yigotimasiocami.

8

Ruayariĵu suoűariariĵure jānere queti

1 To ī yiro bero, oveja macure bajiro rijabosacacu, cojomo cōro ĵua jēnitarorācaĵu suoűariariĵure jānecami. Tĵure ī jānerone, yoaro treinta minuto cōro oca mano űacaju. 2 To bajiro ti bajiro tusarone, cojomo cōro, ĵua jēnitarirāca āngel mesa, Dios rīĵoro Īna rūgōsere ĩacaju yu. Cojomo cōro, ĵua jēnitarirāca jutiriri trompeta vāme cutiricari boca ĵuacama Īna. 3 Gāĵi āngel, orone quēnoriabaja, sutiquēnase soemuriabajare cuogu űacami. Ūĵu ya cūmuro rījoroĵua Diore rūcuborā, Īna soemuriĵu orone Īna quēnoriĵu tĵu tibajare āmiejarūgūcami. Īejarūgūrone, Dios yarā Cristore ajitirānu tĵabetirirā, Diore Īna sēnise rāca vuocōari, Diore rūcubogu ī soemuroritire yirā, ĵairo sutiquēnase ĩre ĩsicama āngel mesa. 4 Tire ī soemurone, buese quēnaro sutiquēnase Diore bueejajaju. Dios yarā ĩre Īna sēnise quēne ejacaju, ī tĵu. 5 Tire soemuroĵano, ī cuoribajare soemuriĵuaye riti yaasere sājūmucōcācami. Tire sājūmucōcāri, adi macarucuroĵu ĵioreajeocōcācami. To ī yirone, adi macarucuroĵu buto buĵo yabecōari, ĵacami. To ī yise buto busucaju. To bajicōari, buto ĵūioro ocaruyucaju. To bajicōari, sita sabecaju.

Trompeta vāme cutiricari āngel mesa ĩna jutire queti

6 To ī yiro bero, trompeta vāme cutiricari jutiruarā, cuocama āngel mesa, cojomo cōro ĵua jēnitarirāca űarā.

7 Rījoroĵu jutisucami. Ī jutisurone, yusujedise oco veta vējacaju. To bajicōari, ĵea űĵuse, rī ĩ vusase, vējacaju. Ti vējarone, adi sita idiaĵu űasere coĵoĵu cōĵariaro cōro űajedicoacaju. Yucāri, jediro ta catise quēne, űajedicoacaju.

8 Ī beroĵu juticami quēna. Ī jutirone, āmuaricu ĵūtaure bajiricu űacōari, moa riagĵure űĵurocaroacoacaju. To ti bajirone, moa riaga idiaĵu űasere coĵoĵu cōĵariaro cōro rī ĩ godovedicoacaju. 9 To bajiri moa riagana űajediro idiaĵu űaboariarā coĵoĵuana cōĵariaro cōro bajireajedicoacama. To bajicōari, cūmuari ĵacase idiaĵu űaboariĵu, coĵoĵu ruĵajedicoacaju.

10 Īna beroĵu juticami quēna. Ī jutirone, ō vecagu űoco ĵaĵu quedicoacami. Ĵea űĵurore bajiro űĵucōa quedirujicami. Oco idiaĵu űasere, coĵoĵu cōĵariaro cōro rocaroacoacami. 11 Sūegū vāme cuticami űoco. To bajiri ī rocaroariĵune, idiaĵu űase, coĵoĵu cōĵariaro cōro sūese godovedicoacaju oco. To bajiri tire idicōari, jājarā masa bajireacama.

12 Īna beroĵu juticami quēna. Ī jutirone, āmuaĵu muiju, űamiagu quēne, űocoa quēne, ĩna busurūgūro cōro busubeticama ĩna yuĵa. Idiaĵu cōro, coĵoĵu cōĵariaro cōro busuboariarā, busubeticoacama ĩna. Coĵorāmĵu jediro busuboare, babari horari busumasibeticami. űamire quēne, űamiagu muiju, űocoa quēne, coĵo űami jediro busuboare, babari horari busumasibeticama. To bajiri, āmua, űami quēne ĩna busubetijare, buto rētiacaju.

13 Tĵu bero, ō vecaju ga ī vusere ĩacaju yu. Vugune ado bajise ruyugoarō goticami:

–Buto ĵūiose űaruarōĵa adi macarucuroanare. Buto rojose tāmuoruarāma ĩna. Āngel mesa idiarā, ĩna jutiroti ruĵaja. ĩna jutirone, buto rojose tāmuoruarāma adi macarucuroana –yigoticami ga.

9

1 To bajiro ī yigotiro bero, cojomocārāca tusacu juticami āngel. Ī jutirone, sīgū űoco adi macarucuroĵu ī quedirujiato ĩacaju yu. Ī űacami tusabetigoĵe ĩna tubiberiĵogĵere jānariarore Dios ī ĩsicacu. 2 Quedirujicōari, ti ĵogĵere jānacami. Ī jānarone, ĵairime ĵeame ti buemĵarore bajiro buemĵajaju. Ĵairo buejūmucōari, rētiacoacaju. To bajicōari, ruyubeticami muiju quēne. 3 Bueri vatoĵu ĵoreroa jājarā vubatecama, adi macarucurore. Cotibaja ī toarore bajiro ĩnare toaroticami Dios. 4 “Tare, yucārire, no bojase judisere baroĵobesa mĵa”, Dios ī yicana űacama ĩna. “ĩna riocicare, ‘Āni űaami Dios yu’ yi vāme ucatu ecomena rĵrene rojose yiruarāĵa mĵa”, Dios ī yiroticōacana űacama. 5 ĩnare ĵōjanabiorotiboarine, sĵarotibeticami Dios.

–Cojomocārāca muiĵua, cotibaja ī toarore bajiro ĩnare toarūgūrurāĵa mĵa –ĩnare yiroti-cami.

⁶ –Tocārācu muijuane buto rojose tāmuroā űari, buto bajirearuaboaruārāma. To bajiboarine rijamasibetiruarāma ĩna –ĩnare yicami Dios.

⁷ Yu ĩajama, sĳarĳmasa, gāmerā sĳaruārā caballo mesare ĩnare toose turĳarāre bajiro bajirā űacama joreroa. ĩna rujoari joere orone quēnorĳabedorire bajise jeocama. ĩna riogarĳma, masu riogare bajise űacaju. ⁸ Yoese joa cutĳcama. To bajicĳari, yai, leōn vāme cutĳgu gujire bajise jacase guji cutĳcama. ⁹ ĩna rujurire toose cōme gase űacaju. ĩna vujama, buto busucaju. Gāmerā sĳaroana, caballo mesa jairo tūnurĳcorĳ ĩna tūavatore bajiro ocaruyucaju ti. ¹⁰ Cotĳbaja ĩ toaricare bajise toarĳcarĳ cutĳrā űacama joreroa. ĩna toajama, cojomocārācu muiju cōro yoaro ti jūnjĳare, rojose tāmurogūcama. ¹¹ Joreroa uju, āngel rojogu űacami. To bajicĳari, tusabĳetigoje uju űacami. Hebreo oca rāca Abadōn vāme cutĳcami. To bajicĳari, griego ye rāca Apolĳon vāme cutĳcami. “Rearĳmasu” yire űni űaja ti.^d

¹² To bajirone bajĳaru joreroa ĩna toase rāca masa rojose ĩna tāmuroti quēne. Tire bajirone bajĳarujoa adĳ macarucuro tusarĳmuri rojose ĩna tāmuroti. Tĳju bero, rojose ĩna tāmuroti juaji ruycaju quēna.

¹³ Joreroa ĩna toaro bero, cojomo cōro coja jēnituarĳrācu tusacu āngel jutĳcami. ĩ jutirone, Diore rucuborā, ĩ rĳorojuā sĳtĳquēnase, ĩna soemurĳarĳu orone ĩna quēnorĳarĳ űase babaricārāca saviari gudarecoju ocaruyucaju. ¹⁴ ĩ jutirone, ado bajiro ocaruyucaju:

–Rĳaga, Ēufrates vāme cutĳrisa tĳju babaricārācu āngel mesa rojose yĳrāre yu siacūcanare ųjaaya –yĳ ocaruyucaju.

¹⁵ To bajiro ti yĳ ocaruyujare, “ĩdiaju űaboarĳaju, cojojuanare masare sĳajeocĳato” yĳgu, ĩnare ųjacami. “Tĳrodne, ĩ muijuene, tirāmune, ti horane masare sĳaruārāma” ĩ yĳtoĳarĳarore bajirone ĩna yĳrotire yĳgu, ĩnare siacūűuju Dios. ¹⁶ ĩnare ĩ ųjaro bero, jārjārā masu, surara mesa, caballo joeju jesarāre ĩacaju yu. “Doscĳentos millones űaama” yĳ ocaruyusere ajĳcaju yu.

¹⁷ Yu ĩajama, ado bajiro bajĳcama: ĩna rujurire toose ricatĳ rĳne űacaju. Gājerā sūase, gājerā űmaugaseroe bajiro sūmese, gājerā surise sāűacama. Caballo mesa, yai, leōn vāme cutĳgu rujoare bajiro rujoari cutĳcama ĩna. ĩna riserĳju budĳcaju jea buerĳ. To yĳcĳari, rojose sĳtise azufre vāme cutĳse quēne budĳcaju. ¹⁸ ĩdiaju űaboarĳaju, cojojuanare masare sĳajeocĳacaju ti, caballo mesa riserĳju budĳcatĳ. ¹⁹ ĩna riserĳ budĳse suorĳne gūiorā masu űacama. ĩna jĳcororĳ quēne űnare bajise űacaju. To bajicĳari, űna ĩ rujoa rāca ĩ cūnĳrore bajiro gūioro yise űacaju.

²⁰ Jārjārā ĩna sĳaecosere ĳaboarine, ĩna sĳaruacanajuama ado bajiro rojose yĳcĳa űarūgūcama: Vātiare rucubocĳa űarūgūcama. To yĳcĳari, rucuborā ĩna quēnorĳarā űacama: Oro, plata, bronze, gūta, yucū quēne ti rāca quēnocĳari, rucuborā űacama. ĩna quēnorĳarā, ĩase me, vase me, ajise me ti űaboajuquēne, tire rucubocĳa űarūgūcama. ²¹ To yĳcĳari, gājerāre siacĳa űarūgūcama. Masare rojacĳa űarūgūcama. Dios ĩ bojabĳtire ajerĳarā cutĳcĳa űarūgūcama. To yĳcĳari, juarudicĳa űarūgūcama.

10

Āngel, pāpera tūnarĳajotĳaca cuogu ĩ bajire queti

¹ Tĳju bero, gajeye ado bajise bajĳcaju: Sĳgū āngel, gājerā āngel mesa rētoro tutuagu, ų vecaju buerĳgaserĳ vatoaju ruĳcami. Ado bajiro bajĳcami: ĩ rujoa vecare buerĳmamu űacami. ĩ riogama, muiju űmaugare bajiro busucaju. ĩ űicugāri quēne, jeare bajise yaacaju.

² Pāpera tūnarĳajotĳaca ųjacĳari cuocami. Ruĳjejacĳari, ĩ gubo rĳojojacatĳajua, moa rĳagaju cudarocarocami. Gācojacatĳa gubo boejuā cudacūcami. ³ To yĳcĳari, ruycugaro avasācami. Yai, leōn vāme cutĳgu ĩ avasārore bajiro ruycujaju, ĩ avasācatĳ. Ruycugaro ĩ avasārone, cojomo cōro, juā jēnituarĳrācu bujoa űarā ĩre cudĳ ocaruyucama. ⁴ ĩna cudĳ ocaruyusere ajĳcĳari, ucaguagu yĳboacaju yu. Tire ucaguagu yu yirone,

–Tire ucabesa. To yĳcĳari, gājerāre gotĳbesa –yure yĳ ocaruyucaju, ų vecaju.

⁵ To bajise ti yĳ ocaruyuro bero, cojojacatĳa gubo moa rĳagaju cudarocarocĳari, gaje gubo boeju cudacūcĳari, ĩ āmo rĳojojacatĳa ĩ űumuosere ĩacaju yu. ⁶⁻⁷ “Yu gotĳrore bajirone bajĳarujoa’ ĩre mani yĳmasĳrotire” yĳgu, ado bajise yĳcami yure ruycūāocacu:

–Catĳmurogūcōrocu, Dios, ų vecaye, to yĳcĳari, adĳ macarucuroaye jediro rujecocacu, ĩ ĩaro rĳorojuā rĳojo yu gotĳrūgūrore bajirone ado bajise yaja yu: Cojomo cōro juā jēnituarĳrācu tusacu āngel ĩ jutĳtasarĳĳmarone, masa ĩna masĳbetĳcatĳ, “Ado bajiro yĳrĳcujaju yu” gotĳrētosarĳmasare ĩnare ĩ yĳcatoro bajirone yĳjeocĳarucami Dios, yĳcami yure ruycūāocacu. “To cōrone yĳjeorĳcujaju yu” ĩ yĳtoĳarĳarĳu ejaia –yĳcami yuja.

⁸ To ĩ yiro bero, ų vecaju yu ajĳcatĳ quēna ado bajiro yure gotĳrēmo ocaruyucaju:

–Āngel rĳojojacatĳa gubo moa rĳagaju cudarocarocĳari, gaje gubo boeju cudacūcĳari űagū tĳju vasa. Pāpera tūnarĳajotĳaca ĩ cuorĳĳotire āmiaya –yure yĳ ocaruyucaju.

^d 9:11 Apolĳon ti gotĳjama, “Rearĳmasu” yire űni űaűuju.

⁹ To bajiro ti ocaruyusere ajicōari, ángel tujá vacaju yu. Í tujá ejacōari,
—Tijotiicare yure ísiña —íre yisēnicaju yu.

To yu yisere ajicōari, yure ísigüne, ado bajiro yure yicami:

—Ūma. Baya mu. Adijotiicare mu barone, beroa ocore bajiro ibisitiruaroja mu riseju. To bajiboarine, mu baro bero, mu gudajoaju sūecoaruroja —yure yicami.

¹⁰ To í yijare, tijotire ámicōari, bacaju yu. Beroa ocore bajiro ibisiticaju. To bajiboarine yu baro bero, yu gudajoaju buto sūecaju. ¹¹ Yu baro bero, ado bajiro yure goticami í quēna:

—Masa tocārāca macana, cojo masa jūna ruyabeto, cojo oca ruyabeto ñagōrā, to yicōari, cojo sita ruyabetoana ína ujarā quēne ína bajiro tire goti rījoro yiroti ñaja mare quēna —yure yicami.

11

Juarā Cristore gotirētobosarimasa ína bajiro ti quieti

¹ To í yiro bero, cōiariure yure ísicami ángel. Í ísirone, ado bajiro yure yí ocaruyucami Dios:

—Tiu rāca yure yírūcubūoriavire cōiāya. Yure rūcubūorā ína soemūorijure quēne cōiāma. To yicōari, “¿Nocārācu masu ñati yure rūcubūoriaviju rējarā?” yigu, ínare cōiāma. ² Ti vi tu ñaritūcurorema cōiābesa. Yure ajimena yatūcuro ñaruroja ti tūcuro. Tojūre idia cūma gaje cūma gudareco cōro yu ya macajure rojose yicudiruarāma ína. ³ To bajiri juarā yure gotirētobosaronare cōarucuja yu. Idia cūma, gaje cūma gudareco cōro yure gotirētobosa ñaruarāma ína. “‘Sutiritiama’ yūiāto” yimasiore sudi sñācōari, gotiñaruarāma —yure yí ocaruyucami Dios.

⁴ Ína juarā gotirētobosarimasa ína ñajama, adi macarucuro uju, Dios íaro rījorojua, ju olivo vāme cutiuri, to bajicōari, síabusuoerijajuri, juaju ti ñarore bajiro ñarā bajicama.

⁵ Gotirētobosarimase íaterā, ínare rojose ína yirūaboajama, ína riseriju jea budicaju. Ti rāca ínare soereajeocōacama ína. ⁶ Oco quedise ína bojabetijama, “Oco quedibeticōato” yirā ñacama. To bajiri, Diore ína gotirētobosarirodo cōrone “Oco quedibeticōato” yicama. Ocore quēne, rí í godoveomasirā ñacama. To yicōari, adi macarucuroanare, no ína bojase “Rojose tāmūoato” yimasirā ñacama. No ína bojarore bajiro tire yimasirā ñacama.

⁷ Diore ína gotirētobosa gajanorone, ínare síaguagu ína tujá mūjaejacami tusabetigojeagu güiogu. To bajicōari, ínare síareacami. ⁸ Ínare síareacōari, jairimaca varia maaju ína rujurire cūcami. Maní ujure ína jajusīacati maca ñacaju ti maca. Ti macana buto rojose yirā ñari, Sodoma macana ñamasirārā, to yicōari, Egipto sitana ñamasirārē bajiro yicama ína. ⁹ To bajiri güiogu í síacana idiarūmu gajerūmu gudareco maaju cūñacaju ína rujuri. Masa ñajediro, cojo jūnana ruyabeto, cojo sitana ruyabeto, ína rujurire íacama. Sígūri, íacōari, ína yujerūaboajaquēne, ínare matakami güiogu. Buto ína íaterā ína ñajare,

—Ínare yujebeticōato —yicama masa. ¹⁰ Gotirētobosarimasa ína rijacoajare, jājarā masa, buto variquēnacama. Variquēnarā ñari, vaja manone gajeyēni gāmerā ísicama.

—Ína juarā manire rojose yibetiruarāma yuja —yivariquēnacama.

¹¹ To bajiro ína yiboajaquēne, idiarūmu gajerūmu gudareco tusatone, ínare catiocami Dios. To í yijare, tudicaticōari, ína vūmūragūserē íaucacōari, buto güicama masa. ¹² To ína bajirone, ò vecaju ruyugoaro ado bajise ocaruyucaju:

—Adojua mūjaaya —yí ocaruyucaju.

To bajiro yí ocaruyucati ajicōari, masa ínare íaterā ína íarone, buerigaseri vatoaju mūjacoacama ína. ¹³ Ína mūjatone, adi macarucuro buto sabecaju. Ti saberone, ti macare mil ñariviri ti ñajama, cien ñariviri jurivariavijacaju. To ti bajirone, siete mil masa bajireacama. Gājerā, catiruyarā, íaucacoacama ína quēna. Buto güirāne Diore rūcubūocama.

¹⁴ To bajiro ína bajicati, juaji bajitusacaju. Yoato mene rojose tāmūocama ína quēna.

Cojomo cōro jua jēnituarirācu tusacu ángel trompeta rāca í jutitusare quieti

¹⁵ Masa Diore ína rūcubūoro beroacane, cojomo cōro jua jēnituarirācu tusacu, Dios tuagu ángel jutitusacami. Í jutirone, ò vecaju jājarā masa ína oca jedirore bajiro ruyugoaro ado bajiro yí ocaruyucaju:

—Dios maní uju, Cristo quēne, ñajediro ujarā masu ñaama yuja. Adi macarucuroana ñajediro, rojose yirā quēne, cūdbetirūaboarine, ína bojarore bajiro rīne ína cūdirotire yirā, yama. To ína yijare, ñimarājua ínare cūdbetirona maniruarāma yuja. To bajiro rīne rotirūgūruarāma —yí ocaruyucaju, ò vecaju.

¹⁶⁻¹⁷ Ti ocaruyusere ajicōari, veinticuatro ñarā būsarā, Dios rījorojua, uju ya cūmuroriju rujirirā ñari, rūjuqueacōari, sitaju muqueacoacama ína. To bajiro yicama, íre rūcubūorā. To yicōari, ado bajiro Diore basarūcubūocama:

—Ñajediro masijeoga ñaja mu. Tirũmũju ñamasir'i ñaboarine, adirãmũrire quẽne ñacõa ñarũgũgũ ñaja mu. To bajiri quẽnaro rotisũoga yaja mu. Tire tũoĩacõari, “Quẽnaro yaja” mũre yivariquẽnaja yua.

¹⁸ Mũre masimena buto mũre jũnisiniadicama ña. Yucũrema, mũjua, ñare ñajũnisiniõõari, rojose ña yise vaja rojose mu yirotirãmũ ejacoaju. Rojose ñare yicõari, mũre gotirẽtobosarisare, to yicõari, mu yarã, mũre rũcũbuorã ñamasurã, ñamasumena quẽne, ña jedirote quẽnaro ña yire vaja, quẽnaro ñare yirũcũja mu. Adi macarũcũroanare gãjerãre rojose yirãre rojose tãmuotũjabetiriaroju ñare mu rearotirãmũ ejacoaju yuja —Diore yibasarũcũbuocama, Dios rĩjorojua muqueacana.

¹⁹ To ña yirone, õ vecaju Diore rũcũbuoriavi soje jãnacõacaju. To bajirone, ti vi jubearẽre Dios i rotimasire sãñarijataro ruyucaju. Ruyucõari, tijũne buto bujo yabecõari, jacami. To bajicõari, buto gũioro ocaruyucaju. To bajicõari, sita sabecaju. To bajicõari, yũsũjedise oco veta buto vẽjacaju.

12

Rõmio tũju gũsore bajigu ñagũro i bajire queti

¹ Bero, õ vecaju ãmũagaserõjũre, gaje vãme ñamasuse bajirotire ñoro ruyucaju. Ñasũose rõmio ruyucamo. Ʋmũagu mũiju i yaasere bajiro jaarito sudiro sãñagõ ñacamo. Ñamiagu mũiju joere rũgõcamo. So rũjoa jeoriabedore juaãmo cõro, jua jẽnituarirãcu ñocõa ñacama.

² Macu sãñagõ ñari, macu cutigoago, buto visigone avasãcamo so. ³ Tijũ bero, quẽna õ vecaju, gaje vãme ñamasuse bajirotire ñoro ruyucaju. So tũju gũsore bajigu ñagũro, sũagũ ñacami. Cojomo cõro jua jẽnituarirãcu rũjoari cuticami. To bajicõari, juaãmo cõro jotari cuticami. To bajicõari, tocãrãca rũjoari joere ujarãre rotibosarã ye jeoriabedori jeocami. ⁴ To bajicõari, ñocõa idiaju ñaboariaju, cojõjuanare i jicoro rãca ñare javẽjacami, adi macarũcũroju. Ñare javẽjacõari, rõmio rĩjorojua ejarãgũ ejacami, so macu cutirone ñre sãbaru. ⁵ To i bajirone, masa jediro uju ñarõcare, macu cuticamo so. I ñacami buto rotirocu. Gũsore bajigu ñagũro sũcare i barũajare, ñre so macu cutirone, ãnimũjacõari, Ʋju Dios ya cũmuroju ñre rojocama, sũcare. ⁶ Rõmiojua quẽne, gũsore bajigu ñagũrore rudiacõari, masa ña ñabetõju, “Toju ñarũocomo” Dios i yirijare ejacamo. Tojũre idia cãma gaje cãma gudareco cõro sore codeñacami Dios.

⁷ Sore i codero bero, õ vecaju ña gãmerã quẽaro ñacaju yu. Miguel rãcana ángel mesa, vãtia uju, gũsore bajigu ñagũro yarãre quẽacama ña. ⁸ Gũsore bajigu ñagũro yarãjua, quẽatĩmabeticama. To bajiri Miguel rãcanajua, ñare quẽatĩmacõari, ñare bureacõacama, õ vecajure. ⁹ To bajiro ña yijama, tojũre ñabeticõari, adi macarũcũroju ña ñarõtire yirã, yicama. Gũsore bajigu ñagũrore yu yijama, vãtia uju Satanãs yigu yaja. Adi macarũcũro masa ñajedirore “Dios i bojabetire yato” yigu, yitorimasu ñaami. Cojojirema, diablo ñre yire ñaja. Tirũmũju ñhare bajigu ñacõari, yitomasiir'i ñaami.^e

¹⁰ Tijũ bero, õ vecaju ruyugõaro ado bajiro ocaruyucaju:

—Masa, ñre ajitirũnrã, rojose tãmuotũjabetiriaroju ña vaborõtire ñare Dios i yirẽtobosariju ejacoaju yuja. Adi macarũcũro ñajediroana, rojose yirã quẽne, cãditẽtirũaboarine, ña cãdirõtire yirã, yama Dios, mani uju, Cristo quẽne. To bajiro ña yijare, ãmuari, ñamiri quẽne Dios rĩjorojua rũgõcõari, masare mani mairãre Cristore ajitirũnrãre “Rojose ñaja” ñare yĩñagõmacarũgũboagũre Satanãs ñre burõcacõamũ mani yuja.

¹¹ Cristo oca riojo gotisere ajicõari, “I rijabõsare sũõrine rojose yua yise vaja, yuare vaja yijeobõsayumi Cristo” yitũoĩacõari, i yere gotitũjamena ñari, sãacõoyuma. To bajiro yitũoĩacõari, ña gotitũjabetijare, adõjũre ñamasibeami Satanãs yuja, “Rojose yama. To bajiri rojose ñare yiroti ñaja” masare ñare yigoti yiroboagu.

¹² To bajiri adõjũre Satanãs i ñamasibetijare, variquẽnato mani. Mani variquẽnaboajaquẽne, macarũcũroanare, riagarĩanare quẽne, buto rojose bajirũaroja. Macarũcũrojũre mani rocagu, “Yoaro mene yu bojõrore bajiro yu yitũjarõtire yirũcũmi Dios” yimasicõari, buto jũnisinigãmi —yĩ ocaruyucaju, õ vecaju.

¹³ “Õ vecaju ñagũre yũre rocarũjõyuma Dios yarã, adi macarũcũroju yu ñarõtire yirã” yitũoĩamasicõari, rõmio macu cuticacore sũyacami gũsore bajigu ñagũro. ¹⁴ Sore i sũyaboajaquẽne, ga jaigu quẽrũjũri sore ñicami Dios, so vũrore yigu. “ ‘Masa ña ñabetõju, toju ñarũocomo’ Dios i yirijare vũ ejacõari, quẽnaro ñato” yigu, sore ñicami. Tojũre idia cãma gaje cãma gudareco cõro bare sore ecacõari, codecami Dios. ¹⁵ So vũrudisere ñacõari, sore sãrũacami gũsore bajigu ñagũro. To bajiri i riseju jairo oco yibucami, sore ruuru. ¹⁶ To bajiro i yiboajaquẽne, sita sore ejarẽmocaju. Oco i yibũboasere udiujũjeocõacaju. ¹⁷ To bajiro ti bajiro ñacõari, buto sore jũnisinicami gũsore bajigu ñagũro. Sore sãmasibeticõari, so jãnerabatiãjũre sãgũ vacami yuja. Ña ñacama Dios i rotisere cãdirã, Jesús sũõrine riojo

^e 12:9 “Yitorimasu” yũũaro yaja diablo ti yijama.

Īna masisere ajitirānu tujamena. ¹⁸ Īnare sīaru, moa riaga tusarōju rūgōcami gusore bajigu űagūro.

13

Īlañamana gūiorā juarā ĩna bajire queti

¹ Tiju bero, ado bajise bajiōcaju quēna: Sīgū gūiogu, moa riagaju majadicami. Cojomo cōro, jua jēnitarirāca rujoari cuticami. To bajicōari, juaāmo cōro jotari cuticami. Tocārāca jotari joere űarāre rotibosarimasa ye jeoriabedori jeocami. To bajicōari, “Dios űaami” yure yīlato” yigu, tocārāca rujoariju “Dios űaja yu” yisocari vāme ucatu ecoyumi. ² Macarocagu yai, leopardo vāme cutigure bajiro bajigu űacami. Ī guborima, buco guborire bajise gubori cuticami. Yai, león vāme cutigu risere bajiro rise cuticami. Gusore bajigu űagūro, ĩre bajiro ĩ rotimasirotire yigu, ĩ masisere ĩ űjocacu űacami. ³ Coja ĩ rujoare catibetirocure bajiroju jairicāmiro, cāmiro cuticami. To bajiroju bajicōacacu űaboarine, “Rijabesujari” yitūoīacōari, ĩre ajitirānu suyacama adi macarucuroana jediro. ⁴ ĩre ajitirānucōari, gusore bajigu űagūrore quēne rūcubuoacama masa, ĩ masise ĩ űjocacu ĩ űajare. Gājjjuare, yaire bajigu űagūre ado bajiro rūcubuoacama:

–Gāji, ĩre bajiro bajigu magūmi. Ī rāca ĩna gāmerā quēajama, űimūjua ĩre quēarētobecumi –ĩre yirūcubuoacama masa.

⁵ –Yu űaja rētoro űamasugū. űimū gāji yure bajiro bajigu magūmi –yigoticami gūiogu. To yicōari, Dios ĩ ajitese masu ĩre űagōmacacami. ĩdia cāma gaje cāma gudareco cōro ĩnare rotīñacami. To bajiri gūiogu rojose ĩ yīñasere, “Tire yibeticōañā”, ĩre yibeticami Dios. ⁶ “Yibesa” ĩ yibetijare, to bajirone goticōa űacami: Diore, ĩ űarōjare, to yicōari, ĩ tuanare quēne rojose űagōmacōa űacami. ⁷ To bajiri, Diore ajitirānūrāre siareacōari, adi macarucuro jediroanare roticami. “Īnare rotibesā” Dios ĩre ĩ yibetijare, to bajiro yicami. ⁸ ĩdi macarucuro ĩ rujeoroto rījoroju, “Ādo cōro űaruarāma yu tujū űarūgūrona” Dios ĩ yiriatutire cuocami oveja macure bajiro rijabosacacu. To bajiro Dios ĩ yibetiriarā rīne gūiogure ĩre rūcubuoarāma.

⁹ To bajiri, adi oca muare yu gotisere mūa ajimasirūajama, quēnaro ajiya mūa:

¹⁰ “Yu yarā, Cristore ajitirānūrā, adocārācu tubiberiaviju tubibe ecoruarāma” Dios ĩ yitūoīariore bajiro bajiruarāma. To bajiri, siacorona quēne, “Siacoruarāma” ĩ yiriaro cōrone bajiruarāma.

“To bajirone bajiruroja” Dios ĩ yire űajare, bajijaja” yitūoīarā, Cristore ĩna ajitirānu tujabetijama, quēnaruaroja.

¹¹ To bajiro yare bajiōcati bero, quēna gāji gūiogu sita tūcuroju joe jeaejacacami. Oveja macu mame jotari bugure bajiro jotari cutigu űacami. To bajiboarine, gusore bajigu űagūro, ocare bajiro űagōcami. ¹² Gāji, sita tūcuroju joe jeaejacacure rotigu űacami gūiogu, moa riagaju majadicacu. ĩre rotigu ĩ űajare, ĩ ĩaro rījorojua ejarūgū ejaacōari, jediro ĩ masise rāca ĩre rotibosacami sita tūcuroju joe jeaejacacu. To yigune, adi macarucuro űarā jedirore, ĩ űjare rūcubuoaroticami. ¹³ To yicōari, ĩlañamanire yīlorūgūcami. To yigune, masa ĩna ĩaro rījoro ō vecaye jea űjūvējase yīlorūgūcami. ¹⁴ Gūiogu, moa riagaju majadicacu ĩ masise suorine ĩ ĩaro rījoroju ĩlañamanire yīlogū űari, adi macarucuro űarā jedirore ado bajiro ĩnare yitocami:

–Moa riagaju majadicacure jariase rāca ĩna jasīaboajaquēne, rijabetirī ĩ űajare, ĩre rūcubuoarā, ĩre bajigu quēnoña. ĩre bajigu quēnogajanocōari, ĩre rūcubuoaya –ĩnare yitocami, “Dios ĩ bojabetire yato” yigu.

¹⁵ To ĩ yituro bero, ĩna quēnoruēocacure űagōgū ĩre godoveocami sita tūcuroju joe jeaejacacu. To ĩ yijare, űagōcōari, ĩre rūcubuoemenare siacōacami. ¹⁶ To yicōari, “Masa jediro ucatu ecoruarāma”, yitoticami. To ĩ yijare, gajeyeūni jairā, maioro bajirā quēne, gājerāre moabosarā, moabosamena quēne, ĩna āmo riojocatuare vāme ucatu ecocama ĩna. ĩna āmore ĩna ucatubetijama, ĩna riovecajuare vāme ucatu ecocama. ¹⁷ To bajiro ĩna yjecocati, gūiogu moa riagaju majadicacu yu vāme űacaju. To bajiro ĩ bajibetijama, ĩ ya númerojua űacaju. Ti vāme ucatu ecomena, ĩsicōari, vaja sēnimasibeti, ĩna bojasere vaja yimasibeticama.

¹⁸ To bajiri, ĩ ya número, 666 űacaju ti. űmū vāme yire űni űacaju ti número. “To bajirivāme yire űni űaja” yimasiruarā, quēnaro ĩnare bueroti űaja.

14

Rojose tāmūotujabetiriaroju vaboronare Dios ĩnare ĩ yirētobosaro ĩna basaroti queti

¹ Tiju bero, ado bajise bajiōcaju quēna: Siōn vāme cuti buro joe rūgōcami oveja macure bajiro rijabosacacu. ĩ rācana űacama ciento cuarenta y cuatro mil masa. ĩna riovecariju oveja macure bajiro rijabosacacu vāme, to yicōari, ĩ jacu vāme ucatu ecoriarā űacama. ² Bero, ō vecaju oco menirore bajiro ruyugoaro ocaruyucaju. To bajicōari, bujo ĩ jaro bususere

bajiro ruyugoaro ocaruyucaju. To bajicõari, arpa vāme cutise rāca jājarā masa ĩna jabasarore bajiro ocaruyucaju. ³⁻⁵ Babaricārācu ĩaĩaĩamana, to yicõari, bũcārā, uju ya cũmuro ture ĩnacama. ĩna ĩaro rĩjoro, ciento cuarenta y cuatro mil masa, mame basa basacama. ĩna rĩne ti basare masicama. ĩna ĩnacama adi macarũcuroana Satanás bojasere yiboariarā, Dios macũ ĩ rijabosare suorine, “Nie rojose mana ĩato” yigu, Dios ĩ yirẽtobosasuoriarā. To bajicõari, rōmia rāca ajeriarā cutĩamena ĩnacama. ĩna vatoagu sigũ socagu manicami. Oveja macũre bajiro rijabosacacũjare ĩ bojarore bajiro ĩre ajisũyariarā ĩnacama.^f

Idiarā ángel mesa Diore ĩna gotirẽtobosare queti

⁶ Bero, ángel õ vecaju ĩ vũsere ĩacaju yu. ĩ ĩnacami, Dios macũ suorine quẽnaro Dios ĩ yise quietire gotigu. Tocārāca macanare, cojo masa jũna ruyabeto, ti quieti jedibetirotire goticudiguacu bajicami. ⁷ Ado bajiro ruyugoaro goticami:

–Masare Dios ĩ beserirũmu ejacoaju ti. To bajiri, gũirāne, “Jediro masigũ ĩaja mu” Diore ĩre yirũcũbuoya. ĩ ĩnaami õ vecaye, adi macarũcuroaye, moa riagari, oco ũmaburigojeri, ĩajediro yirẽomasir’i. To bajiro yimasir’i ĩ ĩñajare, ĩre rũcũbuoya –yigoticami ángel.

⁸ Bero, quẽna gāji ángel õ vecaju ĩ vũsere ĩacaju yu. Ado bajiro goticami:
–Babilonia vāme cuti macana rojose ĩna yirũgũse suorine masa jediro rojose yirũgũboama. To bajiri, ti macanare reacõami Dios yuja –yigoticami.

⁹ Bero, quẽna gāji ángel õ vecaju ĩ vũsere ĩacaju yu. Vuvacane, ado bajiro ruyugoaro goticami:

–Gũioqu, moa riagaju majadicacũre rũcũbuorāre, to yicõari, ĩre bajigu ĩna quẽnorũeocacũre rũcũbuorāre quẽne rojose yirũcũmi Dios. ĩ vāmere ĩna āmoriju, ĩna riovecariju ucatu ecoriarõre ĩajũnisinicõari, ĩnare rojose yirũcũmi Dios. ¹⁰ ĩnare ĩamaibecũne, bũto rojose ĩna tãmuorõtire yirũcũmi Dios. No bojarā gũioqu rũcũbuorāre rojose tãmuotũjabetiriaroju reacõarũcũmi Dios. Toju, azufre vāme cutise ũjuñarõjore rojose tãmuorũgũuarāma ĩna. Oveja macũre bajiro rijabosacacũ ĩ ĩaro rĩjoro, to yicõari, ángel mesa ĩna ĩaro rĩjoroju rojose tãmuorũarāma ĩna. ¹¹ ĩna ũjirũmeaye bueri buetũjabetirũaroja. To bajiri, gũioqu rũcũbuoboariarāre rojose ĩna tãmuose jedibetirũaroja. ĩna quẽnocacũre rũcũbuorā, to yicõari, gũioqu vāme ucatu ecocana quẽne, to bajirone rojose tãmuorũarāma ĩna. ¹² Rojose ĩna tãmuotũjabetirotire tũoĩacõari, Dios ĩ rotisere cudirāma, Jesũre ajitirũna tũjabetiroti ĩaja muare –yigoticami ángel.

¹³ To ĩ yiro bero, õ vecaju ado bajiro yũre yi ocaruyucaju ti:

–Mure yu gotisere ucaya. Variquẽnase rāca ĩato, mani ũjare ajitirũna tũjabeticõari, bajirearā –yi ocaruyucaju, õ vecaju.

Tire ajicõari, ado bajiro yi ocaruyucami Esp’iritu Santo:

–To bajirone bajirũaroja. Josari moarũgũboariarā, to cõrone usũsājarũarāma ĩna. Ő vecaju ĩna ejarone, josare ĩna tãmuorere masicõari ĩnare vaja yirũcũmi Dios –yi ocaruyucami Esp’iritu Santo.

“Adi sita ĩnarāre beseaya”, Dios ĩ yire quieti

¹⁴ To ĩ yiro bero, buerigaseri quẽnaro botise ĩacaju yu. Ti joere masũre bajiro rujigure ĩacaju. ĩ rũjoare oro bedo jeocami. Jariase bujariasere cũocami. ¹⁵ Gāji ángel Diore rũcũbuoriaviju ĩ budiro ĩacaju yu. Buerigaseri joeju ĩagũre ruyugoaro ado bajiro goticami:

–Ote rica bũcũacoaju. To bajiri ricare jasurejuaya –ĩre yigoticami ángel.

¹⁶ To ĩ yisere ajicõari, buerigaseri joeju ĩagũ, quẽnase ĩne besecõari, jasurejuacami. ǧ

¹⁷ To ĩ yiro bero, õ vecaju Diore rũcũbuoriaviju gāji ángel budiadicami quẽna. ĩ quẽne, jariase bujariasere cũocami. ¹⁸ ĩ bero, vadicami gāji ángel. Diore rũcũbuorā, ĩna soemũoriaju tũju ĩar’i, jeare codegu ĩnacami. Diore rũcũbuoriaviju budiadicõari, jariase cuogure ruyugoaro ado bajise goticami:

–Macarũcuroaye ũye ĩcoaju. To bajiri mu jariase rāca jasurejuaya –yigoticami.

¹⁹ To ĩ yisere ajicõari, ti rica rojosere jasurejuacami. Juacõari, ti oco rijerotijũju cũcami. “Masa rojose ĩna yisere ĩajũnisinicõari, bũto rojose ĩnare yirũcũmi Dios”, yire ũni ĩacaju ti.

²⁰ Maca sojuaju cũdaabocama, ũyere. ĩna cũdaaborone, ũye oco ĩnaboasene ri’i godovedicõa yujacaju. Trescientos kilõmetros yoaro ri’i ũmayucaju. To bajicõari, caballo rũjoa tũsariju cõro ũcũaro ũmayucaju.

15

Adi macarũcuroanare rojose Dios ĩ yirotire ĩre ĩna yibosare

^f 14:3-5 Ap 4:2-8; 5:9-10. ǧ 14:16 To bajiro ĩ yijama, Jesũre ajitirũnarāre ĩ juarõtire yiro yaja.

¹ Tiju bero, quēna ò vecaju Ìaīaīamani gūiose ĩacaju yu. Ángel mesa, cojomo cōro jua jēnituariācū ñarā ñacama. “Bero, adi macarucuroanare cojomo cōro jua jēnituariācāji ricati rīne rojose yiruarāma” Dios ĩ yicūriarā ñacama. “Īna suorine yure ajiterāre rojose ĩnare yirotiyeocōarucūja yu” yigu, ĩ yire ñacaju.

² Riaga jairisa oco botirisa ñacōari, quēnaro ruyurisa ĩacaju yu. To bajicōari, jea vusarisa ñacaju. Tiya taju masa rügōcama. Īna ñacama gūiogure, moa riagaju majadicacure, to yicōari, ĩre bajigu ĩna quēnoruycacure ajibeticana. Īna riovecarire gūiogu ya nūmero ucatu ecobeticana ñacama. Arpa vāme cutise jabasare Dios ĩ ĩsire cuocama ĩna. ³ Moisés, Dios ĩ bojasere yimasir'ĩ ĩ basamasirere, to yicōari, oveja macure bajiro rijabosacacu ĩ basacatire tuoīacōari, ado bajiro Diore basacama:

—Mu ñaja yua uju, ñajediro masijeogu. Īmujua gāji mure bajiro masigū magāmi. Īaīaīamanire, to yicōari, ñajediro quēnase mu yirere tuoīacōari, “Quēnaro yiyuja” mure yaja yua. Masare quēnaro riojo yigu ñaja mu. To bajicōari, mu yirore bajiro yigu ñaja mu. Adi macarucuro ñarā jediro uju ñaja mu.

⁴ Mure gūijediruarāma masa. Mure gūirāne, “Rētoro masigū ñaami” mure yirucuboruarāma. Mu sīgūne ñaja cojoji rojose yīīabecu. Quēnaro riojo yigu mu ñajare, mure quēnaro rucuboruarāma adi macarucuroana jediro —Diore yibasacama.

⁵ To bajiro ĩna yibasaro bero, ò vecaju Diore rucuboriavi ti jānasere ĩacaju yu. To yicōari, Dios ĩ ñarisōa ti jānasere ĩacaju yu. ⁶ Diore rucuboriaviju cojomo cōro jua jēnituariācū ángel mesa, “Adi macarucuroju rojose yure yibosaruarāma” Dios ĩ yicūriarā, ĩna budisere ĩacaju yu. Sudĩ ueri manĩ quēnaro botise sāñacama ĩna. To yicōari, orone ĩna quēnorĩa gaserore cotitēroju tusarigaserore vēñacama. ⁷ To yicōari, barbaricārācū ĩaīaīamana rācagu, sīgū, cojomo cōro jua jēnituariācū ángel mesare tocārācurene orone ĩna quēnorĩabajari, masare rojose Dios ĩ yiroti jāmuo sāñarĩbajare ĩnare ĩsĩcami. Dios ñaami ñacōa ñarügurocu. ⁸ Tibajari ĩnare ĩ ĩsĩrone, “Quēnarētogū ñaja yu” Dios ĩ yīiose, ĩ masise quēne, jea bueri buejāmucoacaju Diore rucuboriavi yuja. Īmujua ti buerone, sājariaro manicami. Cojomo cōro jua jēnituariācū ángel mesa rojose yirona, ĩna yigajanobetone, ĩmujua sājariaro manicami, Diore rucuboriavijure maji.

16

Rojose sāñarĩbajari queti

¹ Diore rucuboriavi ti bueñarone, ti vijane ocaruyusere ajicaju yu quēna. Cojomo cōro jua jēnituariācū ángel mesare ado bajiro goti ocaruyucaju ti:

—Masa rojose ĩna tāmurotore yirā, mua suorĩbajare adi macarucuro joeju yuejeoya. Ti ñaja masa rojose ĩna yisere yu ĩatese —yi ocaruyucaju.

² To ti yirone, ñasuogu ángel ĩ suorĩbajare adi macarucuro joeju yuejeocami. To bajiro ĩ yirone, gūiogu, moa riagaju majadicacure bajigu ĩna quēnoruycacure rucubocōari, ĩ vāme ucatu ecocanare ĩna rujare buto jūnise cāmi joe jeacaju.

³ Quēna ĩ beroagu ángel, ĩ suorĩbajare moa riagaju yuerearodecami. Ī yuerearoderone, rĩ'ĩ godovedicoacaju oco. To bajicōari rijar'ĩ rĩ'ire bajise ñacaju ti. To bajiro ti bajirone, tiyaju ñaboariarā jediro rijajedicoacama.

⁴ Juarā berore quēna gāji ángel ĩ suorĩbajare, riagariju, oco ũmaburigojerire quēne yuerearodecami. To ĩ yirone, rĩ'ĩ godovedicoacaju, riagari quēne. ⁵ To bajise ti bajirone, ángel, oco codegu, ado bajiro ocaruyucami, Diore gotigu:

—Mu ñaja rojose yīīabecu. Tirūmuju ñamasir'ĩ ñaboarine, adirūmurire quēne ñacōa ñagū ñaja mu. Masa rojose ĩna yisere ĩajūnisinicōari, “Ocore, rĩ'ĩ godoveocōaca” mu yijama, quēnaja.

⁶ Masare mu yarāre sĩacama ĩna. Mure gotirētobosarimasare quēne, to bajirone yicama ĩna. To bajiri, “Rĩ'ĩ idiato ĩna rojose yicana” mu yijama, quēnaja —yi ocaruyucami ángel, oco coderimasu.

⁷ To ĩ yi ocaruyusere ajicōari, Diore rucuborā ĩna soemoriaju cutoju quēne ado bajise ocaruyucaju, Diore gotiro:

—Riojo ñaja. To bajirone bajijaja. Yua uju, masijeogu ñaja mu. To bajigu ñari, masa rojose ĩna yise vajare, riojo vaja yaja mu —yi ocaruyucaju.

⁸ Īna bero barbaricārācū tusacu ángel, ĩ suorĩbajare muiju joere yuejeocami. To ĩ yirone, ĩ asise rāca masare soecami muiju. ⁹ Īnare ĩ soeboajaquēne, rojose ĩna yisere yitujabeticama. To bajicōari, masirētogāre Diore rucubobeticōari, rojose ñagōmacacama ĩna.

¹⁰ Īna bero, cojomo cōro tusacu ángel ĩ suorĩbajare, gūiogu moa riagaju majadicacu, rotigu ĩ rujiri cūmuro joere yuejeocami. To ĩ yirone, gūiogu ĩ rotirā ĩna ñari sita jedirone rētiacoacaju.

To bajiri, rojose tãmuorã ñari, visiorã, Ìna ñemerori cūnicama Ìna. ¹¹ To bajiboarine, rojose Ìna yisere yitajabeticama Ìna. “Rojose tãmuoato” Dios Ìnare Ì yijare, Ìre rojose ñagõmacacama Ìna.

¹² Ìna bero cojomo cõro koja jēnituairãcu tusacu ángel Ì cuoribajare, Òufrates vãme cutiyaju yuerearodecami. To Ì yirone, oco manicoacaju, “Muiju Ì jjadojua vanã, ujarã jēato” yiro.

¹³ To Ì yiro bero, vãtia tũjare bajirã ñarãre idiarã Ìacaju yu. Sigũ, gusore bajigu ñagãro riseju budiadicami. Gũioju, moa riagaju majadicacu, riseju budiadicami gãji. “Diore gotirētosarimasu ñaja yu” yitogu, riseju budiadicami gãji. Ìne ñacami sita tũcuroju joe jeadicacu. ¹⁴ To bajiri, adi macarucuroana ujarã ñajedirore rēocõari, masirētogũ Dios masare Ì beserirãmu ti ejaro, Dios yarã rãca Ìna gãmerã quēarotire yirã, vacama. Ìna ñacama Ìaãñamani yĩorũgũrã.

¹⁵ Ì sãaeoroto rĩjoro ado bajiro yicami Cristo: “Quēnaro ajiya mua. ‘To cõro ejarucuja yu’ juarudirimasu Ì yigotibetire bajiro tudiejarucuja yu. To bajiro yu bajirotire Ì masicõa ñajama, yu tudiejaru, variquēnaruacami. Masiritigujama, sudi magũ gãjerã Ìna Ìaro rĩjorojua bojonegũre bajiro bajirucami”, yicami Cristo, Ì sãaeoroto rĩjoro.

¹⁶ To bajiri, Hebreo oca rãca Armagedõn vãme cutoju ujarãre rēocama vãtia.

¹⁷ To bajiri, cojomo cõro koja jēnituairãcu beroagu, Ì ñacami tusagu ángel. Ì cuoribajare ò vecaju yuebatecami. To Ì yirone, ò vecaju Diore rãcabuoriaviju rotigu Ì rujiri cũmuroju ado bajiro ruyugoaro ocaruyucaju:

–To cõrone ñaja yuja –yì ocaruyucaju, ò vecaju.

¹⁸ To Ì yirone, buto bujo yabecõari, jacami. To bajicõari, gũiose ocaruyucaju. To bajicõari, sita buto sabecaju. Adi macarucuroana Ìna sabe ecoriario rētoro sabecaju. ¹⁹ Ti saberone, jairimaca, Babilonia vãme cuti maca, idiaju baterũgũcaju. To bajicõari, adi macarucuroaye macari jediro sita ti saberone, vējajedicoacaju. Babilonia macana rojose Ìna yimasirere masiritibeticõari, buto rojose Ìnare yicami Dios yuja. ²⁰ To bajicõari, yucãyoari, gũtayucari quēne yayijedicoacaju. ²¹ To bajicõari, ò vecaye oco vetacujiri vējacaju. Cuarenta kilos rētoro rãcuricujiri ñacaju ti. Tire tãjo ecocõari, buto rojose Diore ñagõmacacama masa.

17

Gãjerã rãca ajeriarã cutirio rojose so tãmuore queti

¹ To yicõari, cojomo cõro jua jēnituairãcu ángel mesa rãcagu orobaja cuocacu yu tujju ejacami. Ejacõari, ado bajiro yure goticami:

–Adojua vayã. Riaga jairisa tujju ñagõ, jãjarã ùmuã rãca ajeriarã cutigo rojose so tãmuorotire mãre Ìoru yaja. ² To bajiro rojose yigo ñari, adi macarucuroanare, Ìna ujarãre quēne, rojose Ìnare yimecũorũgũamo –yure yicami ángel.

³ To Ì yirone, Esp'ritu Santo Ì masise suorine ado bajise Ìacaju yu: Masa manojua yure ãmicami ángel. Toju ejacõari, gũioju sũagũre Ìacaju. Ì joere jesacamo rõmio. So jesagure Dios Ì lateri vãme ucature tuyacaju. Cojomo cõro jua jēnituairãcu rujoari cuticami. To bajicõari, juaãmo cõro jotari cuticami. ⁴ Ì joe jesago, sũariase sudiro sãñacamo. Gajeyẽni jairo vaja cuti cuocamo so. Ti ñacaju oro, to yicõari gãta jairo vaja cuti, perla vãme cuti quēne. To yicõari, orobaja cuocamo. Tibajare rojose so yise sãñacaju. ⁵ So riovicare masa Ìna masibeti vãme ucatu ecorio ñacamo. Ado bajiro goticaju ti vãme: “Jairimaca Babilonia vãme cutigo ñaamo adio. So suorine jediro rojose masa Ìna yijare, ‘Ajeriarã cutirã jaco’ to yicõari, ‘Rojose jediro jaco ñaamo’ ” yirivãme ñacaju so rioveca tuyari vãme. ⁶ To bajicõari, “Adione ñaamo Dios yarãre sãario, to yicõari, Jesũre ajitirũnu tujamenare sãvariquēnagõ”, yĩãmasicaju yu.

“Rojogo masu ñaamo” yĩãmasicõari, no yimasibeticaju yu. ⁷ To bajiro yu bajirone, ado bajiro yure goticami ángel:

–Sore mu Ìase, masa Ìna masibeticature, mu masirotire yigu, mãre gotimasiogũ yaja yu: Gũioju, cojomo cõro jua jēnituairãcu rujoari cuticõari, juaãmocãrãca jotari cutigu, sore Ì ãmisere mu Ìajama, ado bajiro yire ùni ñaja: ⁸ Gũioju, mu Ìagũ, tirãmujju ñacami maji. Adirãmurirema ruyubeami yuja. To bajiboarine, rojose tãmuotujabetiriarõju Dios Ìre Ì rocaroto rĩjoro, tusabetigojeju ñar'i joe jeamujadirucami. Ì joe jeasere Ìacõari, Ìre Ìaucaruarãma masa. Ìna ñaruarãma adi macarucurore Dios Ì rujeoroto rĩjoroju paperatuti ucagu, “Ado cõro ñaruarãma catirona” Ì yuicabetiriarã.

⁹ Quēnaro ajigurema, ajimasirene ñaja. Cojomo cõro jua jēnituairãcu rujoari cutigu mu Ìagũ, cojomo cõro jua jēnituairãcu burori ñasere Ìoro bajajaja. Ti burori ñaja, ajeriarã cutigo so ñariburori. Gajeye cojomo cõro jua jēnituairãcu rujoari ti ñajama, tiari ñaro cõrone ujarã Ìna ñasere Ìoro bajajaja. ¹⁰ Ìre cojomo cõro bajireacoariarãma ujarã ñaboariarã. To bajiboarine juarã ruyaaama. Sigũ adirãmurire rotigu ñaami. Ì bero rotirocu, ruyubeami maji. To bajiboarine yoaro rotibeticami. ¹¹ Tirãmujjũre ñaboar'i gũioju sũagũ, yucariema ñabetiboarine,

rotigu ñarucami. Cojomo cõro jua jēnituairācu ɛjarā ñarā rācagune tudicaticõari, Dios ĩ rocaroto rĭjoro, rotitusarucami.

¹² Juaãmo cõro jotari mu ĩase, juaãmocārācu ɛjarā ĩna ñasere ĩoro bajiaja. Masare rotisobeama maji. Bero gũioḡu sũagũ ĩ rotirirāmũrire ĩna quēne yoaro meaca rotirā ñaruarāma. ¹³ Juaãmo cõro ɛjarā ñarā, ĩna jedirone “Gũioḡu sũagũ manire rotigu ñato”, ĩre yicũruarāma. ¹⁴ To bajiri, oveja macure bajiro rijabosacacu yarā rāca gāmerā quēaruarāma. To bajiboarine, oveja macure bajiro rijabosacacu ĩ yarā rāca, ĩna rētoro quēaruarāma. Gājerā ñamasurā rētoro ñamasugũ ñaami. To yicõari, ɛjarāre quēne ɛju ñamasugũ ñaami. To bajiri, Dios ĩ masise suorĩ ĩre ajitirānu tujamena ñaama ĩna, ĩ yarā —yure yigoticami ángel.

¹⁵ To yicõari, gajeye ado bajiro yure goticami ángel:

—Ajeriarā cutigo so ñaroju riagari mu ĩase, masa ñaama ĩna. Tocārāca macana, cojo masa jũna ruyabeto, to yicõari, cojo sita ruyabetoana ñaama ĩna. ¹⁶⁻¹⁷ Diojũama, “Ado bajiro yito mani” ĩna yitũoĩarotire ĩnare yirucami. To bajiro ĩ yijare, juaãmo cõro ñarā ɛjarā, sīgũre bajiro tũoĩacõari, gũioḡu sũagũre, “Manire rotigu ñato”, ĩre yicũruarāma ĩna. ĩ rāca ñacõari, ajeriarā cutigore ĩateruarāma ĩna. So ye jedirone ẽmaruarāma. To yicõari, so rujure baruarāma. So gõarema, jeameju soerearuarāma ĩna. To bajiro ĩna yijama, Dios ĩ tũoĩarioro bajiro yirā yiruarāma. ¹⁸ Ajeriarā cutigo mu ĩase, jairimaca Babilonia vāme cuti maca ti ñasere ĩoro bajiaja. Ti macana ɛju, gaje macariana ɛjarāre rotirucami —yure yigoticami ángel.

18

Babilonia maca rojose ti bajiro ti queti

¹ To ĩ yiro bero, õ vecaju gāji ángel buto yaagu ĩ rujiadirere ĩacaju yu. To bajiro bajigu ĩ ñajare, adi macarucuro busujedicoacaju. To bajicõari, gājerā ángel mesare rotigu ñacami.

² Ruyugoaro ado bajiro ñagõcumi:

—Jairimaca, Babilonia vāme cutiboaria maca yayicoato yaja. Ti macana masa bajireajediroana yama. Vātia ĩna ñarimaca ñaruaroja. To bajicõari, vurā ñajediro, roacũose barā ĩna ñaro ñaruaroja yuja.

³ Babilonia macana buto rojose ĩna yisere ĩacõari, rojose yama gājerā quēne. To yicõari, adi macarucuro ñarā ɛjarā, rojose rōmia rāca ajeriarā cutiama. Babilonia macana buto ĩna gajeyetũni bojatujabetijare, ĩnare gajeyetũni ĩsicõari, gājoa bujarũgũama gaje macariana. Babilonia macana to bajiro yirũgũrā ĩna ñajare, ĩnare rearucami Dios —yure yigoticami ángel.

⁴ To yicõari, õ vecaju ado bajiro yure goti ocaruyucami Dios:

—Ti macana rāca ñabesa. To bajicõari, rojose ĩna yiroro bajiro yibesa, “Rojose ĩna tãmuorore bajiro rojose tãmuorobe” yirā.

⁵ Ti macana buto rojose ĩna yisere masiritibeaja yu —yi ocaruyucami Dios.

⁶ To yicõari, rojose yironajuare ado bajise goti ocaruyucami Dios:

—Gājerāre rojose ĩna yise vaja, butobusa rojose ĩnare yiba mua.

⁷ Ti macana jairo gajeyetũni suorā ñaama ĩna. Disejua ruyabeaja ĩnare. “Ujarā ñaja mani” yiboama. “Manajua rijaveoriarāre bajiro sutiritibetiruarāja mani” yiboama. “Rojose tãmuomenane, quēnaro ñacõa ñaruarāja mani” yirā ñaboarine, buto rojose yirā ĩna ñajare, buto rojose ĩnare yirucuja —yi ocaruyucami Dios.

⁸ —To bajiri cojorãmne buto rojose yiecoruarāma. Sīgũri rijayene bajirearuarāma. Gājerā, ñione rijaruarāma. Gājerā buto sutiritiruarāma. Gājerā jeameju soe ecoruarāma. To yicõari, ti macare soereajeocõarucuja. Rētoro masigũ ñari, to bajiro rojose ĩnare yirucuja —yi ocaruyucami Dios, mani ɛju.

⁹ —Ti maca buyere ĩacõari, buto sutiritiruarāma adi macarucuroana ɛjarā. “Ti macana suorine jairo gajeyetũni bujaboacaju”, yotiruarāma. ĩna ñaruarāma ti macana ñaboariarā rāca buto rojose yirũgũriarā. ¹⁰ Ti macana rāca rojose tãmuoruamena, sõjũne tujaruarāma ĩna, tire gũirā. Otirāne, ado bajiro yiruarāma ĩna:

“¡Abel! Jairimaca ñaboaria maca uayayicoaju. Gaje macari rētoro ñamasuri maca ñaboabu. Ti macana rojose ĩna yise vaja yoaro mene yayoicaju ti. Yucurema maaja”, yĩñagõruarāma adi macarucuroana ɛjarā —yi ocaruyucaju.

¹¹ —Adi macarucuroana gajeyetũni ĩsicudirimasa quēne, ti maca uasere ĩacõari, buto sutiritiruarāma. To yicõari, otiruarāma ĩna. “Ñimu mani juavasere boca juagu magũmi”, yiotiruarāma. ¹² ĩsiruarā ĩna juavase ado cõro ñaboaruaroja: oro, plata, gũta jairo vaja cuti, perla, sudi jairo vaja cuti, to yicõari, yucũ quēnaro sutiquēnase ĩna juare, gajeye marfil vāme cutise rāca ĩna quēnore, yucũ jairo vaja cuti ĩna juare, cõme hierro vāme cuti, to yicõari, bronce vāme cuti juavarũgũboayuma. ¹³ To yicõari, gajeye quēnase sutise ĩna buebatose, to yicõari ĩna rujure ĩna tuse juavarũgũboayuma. To yicõari, gajeye canela vāme cuti bare sãvuore, uye oco, uye gatere, trigo vāiaabore, vāiaaboyamani quēne, ta vecua, oveja, caballo mesa, caballo

mesa ña tãavato masa ña sãñavaticori quëne juavarũgũboayuma. To yicõari, ña moarimasa ñaronare quëne juavarũgũboayuma. To bajiboarine ti macagu ñimũjua boca juagu ñi manijare, sutiritiruarãma ña. ¹⁴ Babilonia macana ñaboacanare tuoñarã, ado bajiro yiruarãma ña:

“Jairo vaja cuti ña bavariquë naboacati, to yicõari, jediro gajeyëni jairo vaja cuti ña cuovariquë naboacati rãcane bajireajedicoajama”, yiruarãma —yi ocaruyucaju.

¹⁵ —To bajiri Babilonia macana ñaboariare gajeyëni ñicõari, jairo gãjoa bujarũgũboariarã ti maca buemujasere ñacõari, sutiritirã, sõju ñarũgõruarãma ña, ti macana rãca rojose tãmuorua mena. ¹⁶ Toju ñarũgõcõari, otirãne, ado bajiro yiruarãma:

“¡Abe! Rojose tãmuoaja Babilonia ñaboacati maca. Rõmio quë naru ruyugore bajiro ñaboacaju ti maca. Sudi sũase quë nase sãñagõre bajiro ñaboacaju ti maca. Oro, gãta jairo vaja cutise, perla vãme cutise, jediro gajeyëni cuogore bajiro ñaboacaju ti maca.

¹⁷ To bajiboarine yoaro mene ti macaye ña cuoboacati quëne uayayicoaju ti”, yiruarãma gajeyëni ñicudirimasa —yi ocaruyucaju.

—Cũmuari jacase ujarã, ñare moabosarimasa, cũmua rãca vacõari, ñicudirimasa quëne, sõju ñajayuarãma ña. ¹⁸ Ti maca uaro ti buesere ñacõari, otirãne, ado bajiro ruyugoaro avasãjayuarãma ña: “Ti maca ñaboacati maca cõro gaje maca ñamasuri maca manoja”, yjavasã jayuarãma —yi ocaruyucaju.

¹⁹ —Buto sutiritirã ñari, ña rujoa joere sita majeoruarãma ña. To yicõari, otirãne, ado bajiro yiruarãma ña:

“¡Abe! Rojose tãmuoaja Babilonia ñaboacati maca. Jairimaca ñaboacaju ti maca. Mani, jacase cũmuari cuorã ñare gajeyëni ñicõari, gãjoa jairo bujarũgũboacaju mani. Yoaro mene ti maca uajedicoaju”, yiruarãma ti macare ñajayarã —yi ocaruyucaju.

²⁰ Gajeye ado bajiro yi ocaruyucaju:

—Ti maca uasere ñacõari, variquënaña õ vecaju ñarã. Ñ oca mua gotirotire yigu, Cristo ñi cõacana, to yicõari, Diore gotirëto bosarimasa quëne, Dios yere ajirã jediro variquënaña. Ti macana muare rojose yicama ña. To bajiri, rojose muare ña yicati vaja rojose tãmuoma ña quëne. Ña ya macare rocacõami Dios —yi ocaruyucaju.

²¹ To yicõari, sigũ ángel, gãjerã ángel mesa rëtoro tĩmagure ñacaju yu. Gũta jairicare ámicõari, moa riagaju rocaroacami. Trigo vãiaaboria gãta jairica ñacaju tia. To yicõari, ado bajiro yicami:

—Gũtare yu rocaroayayiorore bajirone, Babilonia macare yayiorucumi Dios. To bajiri juaji tudĩabতিরuarãma masa.

²² Ti macaye arpa vãme cutise ña jabasase, to yicõari, tõroari, trompeta ña jutise jedirone ajiyamaniruarõja. Ti maca moarimasa quëne tudimoabতিরuarãma ña. Trigo vãiaaborimasa quëne, juaji moabতিরuarãma.

²³ Ti macaye sĩabusoriabajari busuboacati quëne busubতিরuarõja. To yicõari, ámosiarã ña basase ajiyamano ñaruaroja ti maca. “Gajeyëni ñicudirimasa rëtoro ñamasurã ñaboacama ti macana” ñare yiruarãma masa. Adi macarucuro ñarã jedirore rojose ña ùmato yitorã ñaboacama —yicami gãta jairicare rocaroacaju.

²⁴ Quëna õ vecaju ado bajiro yi ocaruyucaju:

—Diore gotirëto bosarimasare, gãjerã Dios yere ajirãre, to yicõari adi macarucuro ñarã jedirore sĩacama ti macana. To bajiro ña yicati vaja, buto rojose tãmuoruarãma —yi ocaruyucaju.

19

¹ Tiju bero, jãjarã õ vecaju ruyugoaro ña ocaruyusere ajicaju yu. Ado bajiro yi ocaruyucama ña:

—“Quënarëtogũ ñaami Dios mani uju” Diore yivariquë nato mani —yi ocaruyucama ña. — Ñ ñaami rojose tãmuotjuabতিরuarõju mani vaborotire manire yirëtobosar'i. Ñ ñaami rëtoro ñamasugũ, to yicõari, rëtoro masigũ.

² Masa rojose ña yise vaja, “Rojose muare yirucuju yu” yir'i ñari, socu mene rojose ñare yirũgũami. Ajeriarã cutigo ñaboariore rocacõami. “Adi macarucuro ñarãre rojose yato Dios” yigo, ñare yirocama so. To yicõari, Dios ñi bojasere yirã ñaboacanare sĩacamo. To bajiro so yicature ñacõari, ti vaja sore rocacõami —yi ocaruyucama ña, õ vecaju.

³ Quëna ado bajiro ñagõ ocaruyucama ña:

—¡Quë naru Diore rucubuo variquë nato mani! Babilonia maca uase bueri muajadibতিরuarõja —yi ocaruyucama ña.

⁴ To bajiro ña yi ocaruyurone, Dios, rotigu ñi rujiri cũmuro rĩjorojuã, ñare rucubuoarã, gusomuniarĩ tuetuejarũjucama veinticuatro ñarã, bucarã, to bajicõari, babaricãrucũ ña ñaamãna quëne. Gãjerã jãjarã ña yi ocaruyusere ajicõari,

—To bajirone bajiato. Diore rucubuo variquë naroti ñaja manire —yicudicama ña.

⁵ To ña yiro bero, uju ya cūmuroju ado bajiro ocaruyucaju:

—“Quēnarētogū ñaja mu” Diore ñe yivariquēnato mani. Ñamasurā, ñamasumena quēne, to bajiro ñe quēnaro rūcubuo variquēnato mani —yi ocaruyucaju.

Oveja macure bajiro rijabosar'ire ña basajeore queti

⁶ Ti bero yu ajjama, jājarā ña ocaruyurore bajiro yioboasene, oco menirore bajiro ruyugoaro, yicōari, buto bujo ī jaro ti busurore bajiro ocaruyucōari, ado bajiro yicaju:

—Ñajediro masijeogu ñaami Dios, mani uju. Rojose yirāre reacōari, ñe ajirā rñe rotirūgūrucami. To bajiro “Quēnarētogū ñaami” Diore yivariquēnato mani.

⁷ Oveja macure bajiro rijabosar'ī ī boserūmu ejacoaju. To bajiro Diore quēnaro rūcubuo variquēnato mani, ñamasugū ī ñajare. Oveja macure bajiro rijabosar'ī manajo ūgō ñarotirene yirā ñe ajitirūnarā quēnaro ñe ñayuama.

⁸ Sudi gosise, ueri mani botise, ña sñarotire ñare ĩsimi Dios. ña ye sudi ueri mani, “Rojose mana ñaama Dios yarā” yūiore ũni ñacaju ti —yi ocaruyucaju ti.

⁹ Tiju bero, ángel ado bajiro yure yicami:

—Mure yu gotisere ucaya: “‘Oveja macure bajiro rijabosacacu manajo ūgō ñarotirene yirā ñe ajitirūnarā quēnaro ñe ña ñayuse boserūmure ĩarā vadiato’ yigotiecocana variquēnaruarāma ña” yuucaya mu —yure yigoticami ángel. —Ti mure yu gotise, Dios oca riojo ñaja ti —yure yigoticami ángel.

¹⁰ To ī yijare, ñe rūcubuoogu, ī rñjorojuu gusomuniari tuetuejarūjūcaju yu. To bajiro yu bajirone, ado bajiro yure goticami:

—To bajiro yure rūcubuoobesa. Yu quēne, mure bajirone Dios ī bojasere yigu ñaja. Jesús oca riojo gotisere ajitirūnu tujamenare bajiro bajigu ñaja yu quēne. To bajiro, Diojuare mu rūcubuoajama, quēnaja —yure yigoticami ángel. —Jesús ī gotimasirotire, ti ñaja Diore gotirētobosarimasa muu gotimasio variquēnase —yure yigoticami ángel.

Caballo botigu joe jesagu jediro rojose ī rearoti queti

¹¹ To ī yiro bero, ō vecaju ti jānasere ĩacaju yu. Ti jānarone, caballo botigure ĩacaju yu. ĩ joe jesacami sīgū. Ado bajiro vāme cuticami: ĩ Yirore Bajiro Yigu, Riojo Gotigu vāme cuticami. ĩ rotijama, riojo yigu ñacami. To yicōari, rojose yirāre rojose ī yijama, rojose ña yiriario bajirone rojose yigu ñacami. ¹² ĩ cajeari jeare bajiro busubatocaju. ĩ rñjoaju jairo cōmebedori jeocami. To bajicōari, ī rioveca tuyari vāmere ī sīgūne masicami. ¹³ Ri'ī tuyarito sudiro sñāñacami. “Diore muu ĩaruajama, yujuare ĩaña” yiria vāmene ñacaju. ¹⁴ Ő vecana surara, caballo botirā joeju sudi, gosise, ueri mani botise sñāñacōari, ri'ī tuyarito sudiro sñāñagū rācana ñari, ñe suyacama. ¹⁵ Ri'ī tuyarito sñāñagūre ī riseju jariase buto bujariase budicaju. Tiase ñacaju ñe ajitirūnūmenare rojose ñare ī yirotiase. Buto rotimasirocu ñacami. To yicōari, rojose ña yisere Dios, masijeogu, ī ĩajūnisinirore bajirone buto rojose yirocu ñacami. ¹⁶ Ri'ī tuyarito sñāñagū ñacami ī sudirore, ī sagarore quēne, ado bajiro yirivāme tuyagu: “Āni ñaami ujarā ñamasurā rētoro ñamasugū” yirivāme ñe tuyacaju.

¹⁷ Tiju bero sīgū ángel, muiju joeju ī rūgōsere ĩacaju yu. Ő vecaju vurā, minia boase barā jedirore ado bajiro ruyugoaro yicami:

—Masare Dios ī sñarē rējacōari, barā vayá. ¹⁸ Macari ujarā, surara ujarā, ũmuu tūmarā, caballo mesa, ña joe jesarūgūboariarē quēne, gājerāre moabosarā, moabosamenare quēne, ñamasurā, ñamasumenare quēne, ī sñarearā riire baruarāja muu —miniare yicami ángel.

¹⁹ To ī yiro bero, gūioгу sūagū, adi macarucuro ñarā ujarā, ña surara rāca rējacama. Caballo botigu joe jesagu yarā surara rāca quēarona ña bajisere ĩacaju yu. ²⁰ Caballo botigu joe jesagujua, ñare quēacōari, juarā rojose yirāre ñacami. Gūioгу sūagū baba ñaboarine, “Yu ñaja Diore gotirētobosarimasa” yisocagure quēne ñe ñacami. ñe ñacami gūioгу sūagū ī ĩaro rñjorojuu ĩalañamanire masare yitocacu, to yicōari, gūioгуre bajigu ña quēnoruocacure rūcubuoaroticoari, gūioгу vāmere ucaturoticacu. To bajiro, rojose yirā ña ñajare, gūioгу sūagūre, to yicōari, “Diore gotirētobosarimasa ñaja yu” yisocagure quēne, catirārene azufre vāme cutise ũjuri jeameju ñare cōacami caballo botigu joe jesagujua. ²¹ To yicōari, gājerārema, ī riseju jariase budicatasene ñare sñacami. To bajiro, minia boase barājuama, ī sñacana riire ba yajicama.

20

Mil ñaricāmari Jesús ī rotiñaroti queti

¹⁻³ Tiju bero, ō vecaju ángel ī rujiadore ĩacaju yu. Cōmema, jairima, gusore bajigu ñagūrore ī siarotimare, to yicōari, tusabetigoje jānariario llave cuocōari rujiadicami. Rujejacōari, gusore bajigu ñagūrore ñacami. ĩ ñacami vātia uju Satanás tirūmujama ñare bajigu ñacōari, yitomasir'ī. ñe ñacōari, cōmema rāca ñe siacami ángel, tusabetigojeju ñe rocasāgū. To yicōari,

İre bibetocūcamı, mil ñari cūmari cōro masare yitobecane İ ñacōa ñarotire yigu. To yicōari, “Gājerā İna jānasere İamasigūsa” yigu, ti goje tususe jediro bibejeocōcamı. Mil ñari cūmari ti jediro bero, İre burocū ñacamı. To bajiboarine yoaro meaca ñarocū ñacamı.

⁴ Tiju bero, rotirā İna rujiri cūmurorire İacaju yu. Ti cūmuroriju rujirāre quēne İacaju yu. İna ñacama masa rojose İna yisere İacōari, “Ado bajiro yirā ñari, rojose tāmūoruarāja” İnare yirona. “To bajiro yiruarāja ma”, İnare yicūñumi Dios. To bajicōari, Jesūre ajitirānu tujabeticōari, İ ocare İna gotimasio tujabetijare, İna āmuarire jasurereacama. To bajiro yiecorā ñacama güiogure, to yicōari, İre bajigu İna quēnorujeocacure quēne rācubūobeticana. To yicōari, İ vāmere İna riovecarire, İna āmorire quēne ucatu ecobeticana ñacama. İna āmuari jasurereacana ñaboarine, tudicaticōari, ō vecaju mil cūmari Cristo rāca rotirona ñacama İna. ⁵ İna ñacama tudicatisuorona. Gājerā İna masu bajireariarājuama, mil ñari cūmari İ rotiro bero, tudicatirona ñacama. ⁶ To bajiri Dios İ catiosuorona, buro variquēnarona ñacama. İre ajitirānūrā rāca ñarona ñari, tudirijabetirona ñacama. To bajiri Dios İ bojasere paia İna yirūgūrore bajiro yirona ñacama. Cristore quēne İ bojasere yirūgūrona ñacama. To bajiri mil ñari cūmari Cristo rāca rotirānūgūrona ñacama.

Vātia ujure İna jānabure queti

⁷ Mil ñari cūmari ti jediro bero vātia uju Satanās tusabetigojeju sāñar'i, jānabu ecorocu ñacamı. ⁸ İre İna jānaburo bero, Gog vāme cuti sitanare, to yicōari, Magog vāme cuti sitanare quēne yitocudirocu ñacamı. To bajiro yu yijama, “Masa adi macarucuro ñarā jedirore yitocudirocu ñacamı” yigu yaja. İ yitosere ajitirānūcōari, rējarona ñacama İna, Dios yarā rāca gāmerā quēaruarā. Jājarā masu ñarona ñacama İna. Cōİajama, cōİajeobetiroti ñacaju.

⁹ Dios yarāre siaruarā, adi macarucuro ñaro cōrone ñarona ñacama. To bajicōari, Dios İ mairimacare gānibiarona ñacama. To bajiro İna bajiboajaquēne, ō vecaye jea ūjuse rāca vējacōari, İnare soereajeocōarocu ñacamı Dios. ¹⁰ To İyiro bero, vāti İnare yitor'ire azufre vāme cutise ājuri jeameju İre rocarocu ñacamı Dios. Timene ñacaju rījorore quēne, güiogū sūagūre, to yicōari, “Diore gotirēobosarimasu ñaja yu” yisocagure quēne, İnare İ cōacato. Toju ñacōari, āmuari, ñamiri quēne rojose tāmūorūgūrona ñacama İna.

Masa rojose İna yise vaja rojose Dios İnare İyire queti

¹¹ Tiju bero, İ ya cūmuro botiri cūmurore rujigure İacaju yu. To rujigu İ İase jediro, adi macarucuroaye, ō vecaye quēne, yayijedicoacaju. To bajicōari, tudiryuabeticaju. ¹²⁻¹³ Adi macarucuro bajireariarā, tudicaticōari toju rujigu ture İna ñasere İacaju yu. Nāmasurā, ñamasumena quēne ñacama. To İna ñarone, paperatutiri jāna ecocaju. Titutiriju masa jediro İna yire ucature ñacaju. To bajiri, tire İacōari, “To bajiro yicana ñari, quēnase bujarā, rojose tāmūorā, bajiruarāja” bajireariarāre İnare yicamı to rujigu. To yicōari, “Ado cōro ñaama yu rāca ñarūgūrona” İ yucaturiatuti quēne jāna ecocaju. ¹⁴⁻¹⁵ Tiju bero, adi macarucuroaye, rojose mani tāmūose, rījaye jediro juacōari, azufre vāme cutise ājuri jeameju tire reajeocōcamı Dios. To İ yijare, İ rāca ñarūgūrona, juaji rijarona me ñacama. To İ yiro bero, “Ado cōro ñaama yu rāca ñarūgūrona” İ yucabetiriarāre quēne juacōari, azufre vāme cutise ājuri jeameju İnare reacamı Dios.

21

Mame macarucuro ti bajiroti queti

¹ Adi macarucuro ti yayiro bero, ō vecaye, to yicōari, adi macarucuroaye jediro Dios İ rujeosere İacaju yu. ² Quēnase rīne İna yirimaca, mame quēnorıa maca Jerusalen vāme cuti maca ti rujiadore İacaju yu. Dios İ ñarone rujiadicaju ti maca. Rōmio āmosiagogo quēnase sudi so sāñayurıarore bajiro quēnari maca ñacaju. Ti macare quēnoñumi Dios, İ tujı yırā, masa mani ejarotire yigu. ³ To bajiro ti bajirone, rotıgu İ rujiri cūmuro ado bajise ruwegoaro ocaruyucaju:

—İaña. Masa rāca ñaamı Dios. To bajiri, “Ō vecaju ñagūmı Dios” yire maja. İna rācane ñacōa ñarūgūrucamı. To bajicōari, masa quēne İ yarā ñacōa ñarūgūruarāma. ⁴ Diorāca ñacōa ñarūgūrona İna ñajare, bajireare, sutiritire, otire, jūnise, sarese, vūase İna tāmūoboare jediro manıruaroja. To bajiri, variquēnarūgūruarāma İna. Tirūmūju bajiboacati ti rētojedicōajare, to bajirojuja bajiruaroja —yi ocaruyucaju, ō vecaju.

⁵ Tiju bero, rotıgu İ rujiri cūmurore rujigu, ado bajiro yure yi ocaruyucamı:

—Ñajediro tirūmūju ñaboare, mame rīne vasoacōaja yu —yigoti ocaruyucamı.

To bajiro yicōari, quēna ado bajiro yure yi ocaruyucamı:

—Mure yu gotisere ajicōari, tire ucaya. Riojo gotire ñaja. Mure yu gotirore bajirone bajiruaroja. To bajiri, tire ucaya —yure yi ocaruyucamı.

⁶ Bero, quēna ado bajiro yure yigoti ocaruyucamı:

—Ñajediro vasoajeocōaja yu. To bajiri, alfa, omega ñaja yu. Alfa yu yijama, “Ñajediro ti ruyuaroto rjororju ñacaju yu. To bajicōari, omega yu yijama, ñajediro ti yayiro beroju quēne ñacōa ñarūgūrucuja” yigu yaja. Oco buto idiruarāre bajiro yure masiruarā, yure ña sēnijama, bajireacōari bero yu taju ña caticōa ñarotire yigu, yu catisere ñare Isirucuja. ⁷ Yure ajitirānu tujamenare to bajirone yirucuja yu. Yu sigūrene rucubhorūgūruarāma. To bajicōari, yu rīare bajiro bajirā ñarūgūruarāma. ⁸ Gājerā Jesūre ajitirānumenajuarema, azufre vāme cutise ūjuri jeameju ñare reacōarucuja yu, ado bajiro rojose yirā ña ñajare: “Jesūre mani ajitirānujama, gājerā manire ñaterāma” yirā, yure ajitirānu tujarāre rearucuja. Yu ñatesere yirāre ñare rearucuja. Sīarimasare, Dios ī bojabetire yirā, ña ruju ti bojarore bajiro gāmerā ajeriarā cutirāre, to yicōari gājerāre rojarāre quēne rearucuja. “Ado bajirā ñarāma” ña masune yitōia quēnorujeocōari, rucubhorūgūrāre, to yicōari, socarāre quēne azufre vāme cutise ūjuri jeameju ñare rearucuja yu —yure yigoti ocaruyucami.

Toju rojose tāmōtūjabetiruarāma.

Jerusalén, mame quēnorja maca queti

⁹ To ī yiro bero, sigū ángel, vadicōari, yu tu ejacami. Ī ñacami cojomo cōro jua jēnituarirācu ángel mesa rācagu, masa rojose ña tāmōrotire sāñaribajare cuocacu. Ejacōari, ado bajiro yure goticami:

—Adoju vayá. Oveja macare bajiro rijabosacacu manajo ñarocore mure ĩoru yaja yu —yure yigoticami.

¹⁰ To ī yirone, Espiritu Santo suorine ado bajise yure bajicōaju: Gūta ūmuaricūro joeju yure jivacami ángel. Toju ejacōari, quēnase rīne ña yirimaca, mame quēnorja maca, Jerusalén ti rujiadore yure iocami quēna. To bajiri Dios ī ñarōjone ī rācane rujiadicaju ti maca. ¹¹ Ti macaju ī ñajare, ī bususe rāca quēnaro busubatocaju ti maca. Gūta jairo vaja cutia quēnarica ruyucōari, ñarētoburiare bajiro ruyucaju ti maca. ¹²⁻¹³ Ti maca matariacūni, ūmuaricūni ñagānbiacaju. Īna matariacūni juaāmo cōro, gubo jua jēnituarirāca sojeri, sojeri cuticaju. Muju ī jiaidoju idia soje, ī rocasātoju idia soje, varujuare idia soje, gajejacatua varujuare idia soje ñacaju ti. Israel ñamasir'i jānerabatia juaāmo cōro, gubo jua jēnituarirāca jūnana ña ñamasiriarā cōrone ñaro bajicaju. To bajiri, tocārāca sojene ña vāme ucatu ecoria sojeri ñacaju. To bajicōari, tocārāca sojere sigū ángel rūgōcami. ¹⁴ “Ticāni juriaquedibeticōato” yirā, gūtari jacase cūsuoyuma. Juaāmo cōro, gubo jua jēnituarirāca gūtari ñagānbiacaju. To bajiri, tocārāca gūtarijare, oveja macare bajiro rijabosacacu, “Yu oca goticudiruarāja” ī yicōacana vāme ucatu tuyacaju.

¹⁵ Ángel yu rāca ñagōcacu, macare ī cōiaroti orone quēnorjare cuocami. Ti macare, matariacūnire, sojerire quēne ī cōiaroti ñacaju ti. ¹⁶ Ī cōijajama, ti maca eyase, ti maca ūmuase quēne, cojoro cōrone ñacaju. Ī cōijajama, dos mil doscientos kilómetros cōro ñacaju eyase, ūmuase quēne. ¹⁷ Ti maca matariacūni ī cōijajama, sesenta y cinco metros ūmuaricūni ñacaju. Masa ña cōiarore bajirone cōiacami ángel.

¹⁸ Ti maca matariacūnire, gūtari jaspe vāme cutise rāca quēnoriacūni ñacaju. To bajicōari, orone quēnorja maca ñacaju ti maca. Ēo sojeri ūeri manire ñarētoburiare bajiro ruyucaju ti maca. ¹⁹ Ti maca matariacūnire ña cūsuoriari juaāmo cōro, gubo jua jēnituarirāca gūtari jacase ture, “Quēnaro ruyuatō” yirā, gūta jairo vaja cutire cūñuma. Gūta ñasurica, jaspe vāme cuticaju. Beroaga, zafiro vāme cuticaju. Beroaga, ágata vāme cuticaju. Beroaga, esmeralda vāme cuticaju. ²⁰ Beroaga, ónice vāme cutirica ñacaju. Beroaga, cornalina vāme cuticaju. Beroaga, crisólito vāme cuticaju. Beroaga, berilo vāme cuticaju. Beroaga, topacio vāme cuticaju. Beroaga, crisoprasa vāme cuticaju. Beroaga, jacinto vāme cuticaju. Tusarica, juaāmo cōro, gubo jua jēnituarirāca ñacaju amatista vāme cutirica. ²¹ Juaāmo cōro, gubo jua jēnituarirāca ñarisojeri perla vāme cutisene quēnorja sojeri ñacaju. Tocārāca sojene perla vāme cutia rāca quēnorja sojeri ñacaju. Ti maca gudareco ñavati maare, orone quēnorja maa ñacaju. To bajicōari, ēo sojeri ñarētoburiare bajiro ruyucaju ti maa.

²² Diore rucubhorivare ñabujabeticaju yu, ti macare. Jēre ti macane mani ūju, Dios, ñajediro masijeogu, to yicōari, oveja macare bajiro rijabosacacu quēne rucubhorivare bajiro ña bajicōajare, ñare rucubhocama ti macana jediro. To bajiri, gaje vi ñare rucubhorotivi bojabeticaju ti maca. ²³ To bajicōari, Dios ī ñarimaca ti ñajare, ī bususe rāca busucaju ti maca. To bajicōari, oveja macare bajiro rijabosacacu ñe bajirone ī busurēmojare, ūmuagu muju ī bususe, ñamiagu ī bususe quēne bojabeticaju ti maca. ²⁴ Mame macarūcuro ī vasoaro bero, masa rāca Dios ī ñajare, ñe masjedirona ñacama. To bajicōari, “Mu suorine ñamasurā ñadicaju yu”, Diore ñe yirucubhorona ñacama. ²⁵ Ti maca matariacūni ñarisojeri rētaroti ti manijare, jānariosojeri ñacōa ñaroti ñacaju. ²⁶ Mame macarūcuro ī vasoaro bero, ña cuose jairo vaja cutise juadicōari, Diore ĩicama ña, ñe rucubhorā. ²⁷ To bajicōari,

—Dios í ìatese, rojosere juavabetiruarāma ti macajure. Rojose yirā, socarimasa quēne, ti macare sājabetiruarāma ina quēne —yigoticami ángel. —Oveja macure bajiro rijabosacacu yatutiju, “Ado cōro ñaama yu rāca ñarūgūrona” yuucatu ecoriarā rīne sājamasiruarāma —yigoticami ángel.

22

¹ TIRE yure í ìoro bero, quēna riaga oco ñeri maniya catirūgūrotiayere oco cutiyare yure ìocami ángel. Tiya, ñeri mani botise oco cuticōari, ñe sojeri ñarētoburiorore bajiro quēnaro ruyurisa ñacaju tiya. Dios, rotigu í rujiri cūmuroju, to yicōari, oveja macure bajiro rijabosacacu, rotigu í rujiri cūmuroju jode cuticaju tiya riaga. ² Ti maca ñari maa gudarecore ñacaju tiya. Tiya veca ñaricu riagare juajacatuajune saari cuticōari catirūgūrotiayere rica cutiricu ñacaju. Tocārācarodorine rica cutirūgūroti ñacaju tin. To bajiri cojo cōmare, juāmo cōro, gabo juā jēnituarorācaji rica cutirūgūroti ñacaju. Tin jū quēne, “Juaji rijabeticōato” yirā, masare ina uco yiroti ñacaju. ³ Ti macaju Dios í ìatese maniroti ñacaju. Ñajediro quēnase rīne ñarūgūroti ñacaju. Ti macaju Dios, to yicōari, oveja macure bajiro rijabosacacu rāca rotirā ina rujiri cūmuro ñaroti ñacaju. Ti macana jediro Dios í bojasere yirā ñe rācuburona ñacama. ⁴ Adi macarucuroju Diore ñabetirūgūriarā ñaboarine, tojurema ñe ñarona ñacama. To yicōari, Dios vāme ina riovocarijure ucatu ecorona ñacama. ⁵ Toju ñami maniroti ñacaju. Ti macana sīabusuore bojamena ñarona ñacama. Mani uju, Dios í bususe rāca busuroti ñacaju, ti macare. To bajiri, ñmuagu muju í bususere bojamena ñarona ñacama. To bajicōari, Diorāca roticōa ñarūgūrona ñacama.

“Yoaro mene vadirucuja yu quēna”, Jesús í yire queti

⁶ Bero, quēna ado bajiro yure goticami ángel:

—Jediro mu ñase, to yicōari, mure yu gotise ñaja. Mure yu gotirore bajirone bajiruaroja. Diore gotirētosamasiriarā ina gotirētomasire ujomasir’i ñaami mani uju Dios mure yu ñosere rotigu —yure yigoticami ángel.

⁷ Gajeye ado bajiro yure goticami ángel:

—Ado bajiro gotiami Jesús: “Yoaro mene varucuja yu” yigotiami. To bajiri, adi quetire Dios í cōarere cōdirā, quēnase bujarona ñarāma —yure yigoticami ángel.

⁸ Yu ñaja Juan, adi quetire ucagu. Jediro yure bajicōatire ñacōari, ángel í goticati ñaro cōrone ajicaju yu. TIRE yu ajiro bero, yure ñocacu ángel rījoroju gusomuniari tuetuejarūjūcaju yu, ñe rācubūogu. ⁹ To bajiro yu bajirone, ado bajiro yure yicami ángel:

—To bajiro yure rācubūobesa. Yu quēne, mure bajirone Dios í bojasere yigu ñaja. Diore gotirētosarāre, to yicōari, adi paperatuti ucare ajitirūnaronare bajirone bajigu ñaja yu quēne. To bajiri, Diore mu rācubūorore bajiro yure rācubūobesa. Diojuare to bajiro mu rācubūojama, quēnaja —yure yigoticami ángel.

¹⁰ Gajeye ado bajiro yure goticami:

—Ti oca mu ucasere no bojarone tire yiyaiobeja, bero bajiroti ti cōñajare. ¹¹ To bajiroti mojoroaca ti cōñajare, masa ina yirūgūrore bajiro yicōa ñato. Rojose tuoñacōari yirūgūrāma, to bajirone yicōa ñato. To yicōari, “Rojose mana ñaama” Dios í yīlarā quēne, í ñavariquēnase rīne yicōa ñato —yure yigoticami ángel.

¹² To yicōa, quēna Jesús í gotisere yure goticami ángel:

—“Riōjo ñamasusere gotiaja yu. Yoaro mene varucuja yu quēna. Ina taju ejaçōari, ina yirere masigū ñari, ‘Quēnase bujarā, rojose tāmōrā, bajiruarāja mu’ ñare yirucuja yu. ¹³ Alfa, omega ñaja yu. Alfa yu yijama, ‘Ñajediro ti ruyuaroto rījoroju ñacaju yu. To bajicōari, omega yu yijama, ñajediro ti yayiro beroju quēne ñacōa ñarūgūrucuja’ yigu yaja yu”, yigotiami Jesús —yure yigoticami ángel.

¹⁴ Quēna ado bajiro yure goticami:

—“Rojose yua yirere yuare masiribosacōañumi Cristo” yitōiarā rīne ñaama yucā cuticōa ñarūgūrotiayere ricare barona. To bajiri ina ñaama ti maca sojerire sājamasirona. To bajirone ñari, variquēnato ina. ¹⁵ Adocārāca vāme rojose yirā ñaama ti macare sājabetirona: Gājerāre rojarā, Dios í bojabetire yirā, ina ruju ti bojarore bajiro gāmerā ajeriarā cutirā, sīarimasa quēne, “Ado bajirā ñarāma” ina masune yitōia quēnorujeçōari, rācubūorā quēne sājabetiruarāma. To yicōari, socase yirā quēne sājabetiruarāma ti macare —yure yigoticami ángel.

¹⁶ To yicōari, gajeye Jesús í gotisere gotigu, ado bajiro goticami ángel:

—“Yure ajitirūnārē ti oca gotiato í yigu, ángel vāme cutigure cōamu yu. Uju David ñamasir’i jānami ñaja yu. Busuriñoco, busuroto rījoro í busumajadore bajiro bajirocu ñaja yu. To bajiro yu bajisere ñacōari, ‘Mame macarucuro Dios í vasoaroti ejacoaju’, yimasiruarāma masa”, yigotiami Jesús —yigoticami ángel.

¹⁷ Oveja macure bajiro rijabosacacure ajitirūnārā ñari, to bajicōari, mani rācagu Esp’iritu Santo quēne, ado bajiro Jesure sēniaja mani:

—Yua tujua vayá quēna —İre yaja mani.
 Gãjerã adi queti yu ucasere ajirã quēne,
 —Yua tujua vayá —Jesúre yiruãrãma.
 Jesújua quēne,
 —Yure sēniña —yigumi, İre masiruãrãre.

Buto oco idiruãrãre bajiro İre masiruãrã, İre İna sēnijama, “İna rijato beroju tudirijabet-icōato” yigu, Dios İ catisere İnare İsirucumi. Dios İ bojabetire mani yiboajaquēne, rojose mani yisere manire vaja yibosayumi Jesú.

¹⁸ Jesúre ajitirãnũrã, adi quetire ajirãre ado bajiro mũare gotiaja yu: No bojarã adi queti yu ucasere ti gotiro bajiro me İna ucarēmojama, “Rojose tãmũorũarãma” ángel yure İ yigotirore bajirone rojose İnare yirucumi Dios. ¹⁹ Adi queti ti gotise, “Socase ñaja” yitũoĩagũre, “Socagu ñaami. Yu tu ñarocu me ñaami”, İre yũarucumi Dios. To İ yijare, yucú caticōa ñarũgũrotiaye rica cũtiũ ricare İ baborotire İre barotibetirucumi Dios. To bajicōari, Dios İ ñarimacare sãjabetirucumi.

²⁰ Adi quetire gotigu, ado bajiro gotiami:

—Yu gotirore bajirone yigu, yoaro mene tudivadirucuja —yami.
 To İ yirone,

—To bajirone bajiato. Yoaro mene tudivayá, yu uju —İre yaja yu.

²¹ Mani uju, Jesú, mani jedirore quēnaro yato.

To cōrone ñaja.